



Urumelengö Buṇa Kimbi Jöhöjöhö Dölökṇi

Somba-Siawari Bible

Contents

Anutunönj jiiga yuai pakpak letotket.	1
Rutkö kösohot	99
Jonagörej kezapqetok keu	107
Ölöwak Buḡa Matyunönj ohoyök.	112
Ölöwak Buḡa Maknönj ohoyök.	187
Ölöwak Buḡa Luknönj ohoyök.	231
Ölöwak Buḡa Jonönj ohoyök.	307
Aposol yeḡön Uḡa Törönḡḡö ösumnönj nup meget.	366
Polnönj Rom yeḡgöra kimbi alök.	443
Polnönj Korint yeḡgöra Kimbi mutukḡi alök.	480
Polnönj Korint yeḡgöra kimbi aliga 2 ahök.	513
Polnönj Galesia yeḡgöra Kimbi alök.	538
Polnönj Efesus yeḡgöra Kimbi alök.	551
Polnönj Filipai yeḡgöra Kimbi alök.	564
Polnönj Kolosi yeḡgöra Kimbi alök.	574
Polnönj Tesalonaika yeḡgöra Kimbi mutukḡi alök.	583
Polnönj Tesalonaika yeḡgöra Kimbi aliga 2 ahök.	590
Polnönj Timotigöra Kimbi mutukḡi alök.	594
Polnönj Timotigöra Kimbi aliga 2 ahök.	605
Polnönj Taitusgöra Kimbi alök.	613
Polnönj Filemongöra Kimbi alök.	618
Kunönj Hibri yeḡgöra Kimbi alök.	620
Jeimsnönj Kimbiḡi alök.	648
Pitönönj Kimbiḡi mutukḡi alök.	658
Pitönönj Kimbiḡi aliga 2 ahök.	670
Jonönj Kimbiḡi mutukḡi alök.	677
Jonönj Kimbiḡi aliga 2 ahök.	686
Jonönj Kimbiḡi aliga 3 ahök.	688
Judanönj Kimbiḡi alök.	690
Kraistnönj keu tölapḡi Jongörej indelök.	694

Burum-Mindik Bible

The New Testament and portions of the Old Testament in the Somba-Siawari language of Papua New Guinea, also called the Burum Mindik language.

Sampela hap Buk Baibel long tokples Burum Mindik long Niugini

Language: Somba-Siawari

Provided by: Wycliffe Bible Translators

This print-on-demand edition of Scripture is produced and provided at cost by the Digital Bible Society in partnership with the Bible League of Canada, Open Doors International, and other missions and translation agencies. To order additional copies of this or other Bibles, please visit www.dbs.org (USA), www.bibleleague.ca (Canada), and www.opendoors.org (Europe).

Copyright and Permission to Copy

Copyright © 1992, 2002 The Bible Society of Papua New Guinea

This translation is made available to you under the terms of the Creative Commons Attribution-No Derivatives license 4.0. You may share and redistribute this Bible translation or excerpts from it in any format, provided that:

You include the above copyright information.

You do not make any derivative works that change any of the actual words or punctuation of the Scriptures.

Pictures included with Scriptures and other documents are licensed just for use with those Scriptures and documents. For other uses, please contact the respective copyright owners.

PDF, ePub, and MOBI Bible covers and design are copyrighted 2017 by the Digital Bible Society (www.dbs.org).

PDF generated on 2017-08-24 from source files dated 2017-08-24.

e8a6114c-a472-5d82-8cf0-6a030911b73a

ISBN: 978-1-5313-0096-8

Jenesis (Letotletot)

Anutunöŋ jiiga yuai pakpak letotket.

Jim-asa-asari

Buk kianön kösohot kewöŋi jiza: Anutunöŋ suep, gölme, mietkö yuaiŋiri pakpak aka ambazip miwikŋaim eŋgiiga siŋgisöndoknöŋ et etkuiga lömböt sihim-bölöŋambuk mi gölme dop neŋgö qak-nine öŋgöyök. Mewö et neŋguiga Anutunöŋ oyaenŋkoyaen aka malbingö köna denöwöŋi mi arengöba miwikŋaiyök. Letotletot (Jenesis) buk kiangö uruŋe likepŋi yahöt kewö ahözahot:

1) Boŋ 1-11 Kösohot könakönahiŋi: Anutunöŋ suep aka gölme miwikŋaim etki-iga ambazip yeŋgö malmalŋine mutuk miaŋgöreŋ denöwö asuhuyök. Adam aka Iw, Kein aka Abel yeŋgö kösohotŋini. Noagö nalöŋe göulu ketanjan asuhiba gölme turuyök. Babilon miaŋgöreŋ miri köröpŋi kötökŋi meget.

2) Boŋ 12-50 Israel yeŋgö bömön jalöurupŋini yeŋgö kösohotŋini: Mutuk Abrahamnöŋ Anutu möt nariba keuŋi tem köla maliga keuŋi jim teköiga solaniyök. Yangö andöŋe nahönŋi Aisak, isiŋi Jeikob qetŋi alaŋi Israel aka yangö nahönurupŋi 12 mieŋgö kösohotŋini könaŋi könaŋi. Azi 12 mi Israel könagesögö kambu 12 mieŋgö bem bömönŋina aket. Bem bömön Josefkö kösohotŋi mi tandökŋi kun. Denöwö asuuiŋa Josefnöŋ mutuk Ijpt aniga yangö andöŋe iwiŋi Jeikob aka darumunurupŋi pakpak yeŋön mewöyök saiwaurupŋini yembuk Ijpt kantrinöŋ anda kiana malget.

Buk kianön ambazip yeŋgö malmalŋinaŋgö kösohotŋi gwötpuk jizapmö, Anutunöŋ denöwö ak eŋgiyöhi, miaŋön kösohot mieŋgö likepŋi bohönŋi akza. Malmalgö kösohot pakpak mieŋgö ahakmeme azi bohönŋi mi

Anutu. Könakönahiŋe suep, gölme aka mietkö yuaiŋiri pakpak miwikŋaim eŋgiiga siŋgisöndoknöŋ et etkuiga pöndaŋ Iwiŋini öŋi mala bölöŋamŋini kewöta keuŋini jim teköba likepŋini meleŋ eŋgi qakŋine öŋgöi malget. Tosatjan Anutugö keu bapŋe angeri, i ölöŋanök köyan köla eŋguanŋiri malmalŋinan miaŋgö dop uteköba asuhuyök. Noagö nalöŋe saiwani 8 yeŋön qahöpmö, ambazip tosatŋi pakpak yeŋön kömuget. Könanŋep jöhöjöhö keuŋi mi Abraham aka gwölönarökurupŋi könanŋep asuhugeri, yeŋgöra eŋgiyök. Jöhöjöhö keu mieŋgö dop Anutunöŋ könagesöurupŋan oyaenŋkoyaen akingöra galöm köl eŋgiiga mala kota mal öŋgöme. Ambazipnöŋ mönöwök denöwö Anutu möt narim wanŋigeri, kösohot tömbuŋi mieŋön mönö nalö kewöŋe mewöyök mötnaripninan guliba köhöimapköra bauköm neŋgimakze.

Buk kiangö bahöŋi bohönŋi 10 mi kewö:

1) Suep, gölme aka yuai pakpak miwikŋaiyök. 1.1-2.25

2) Siŋgisöndokö lömböt sihim-bölöŋambuk könahiyök. 3.1-24

3) Adamgö nalöŋeyök könahiba Noagöreŋ kaŋgorök. 4.1-5.32

4) Noagö nalöŋe o göulu ketanjan asuhuyök. 6.1-10.32

5) Babilon miri köröpŋi kötökŋi meget. 11.1-9

6) Semgö nalöŋeyök könahiba Abramgöreŋ kaŋgorök. 11.10-32

7) Bömön jalö karöbut Abraham, Aisak aka Jeikob 12.1-35.29

8) Isogö gwölönarökurupŋi mi kewö: 36.1-43

9) Josef aka yangö darumunurupŋi 37.1-45.28

10) Israel könagesö yeŋön Ijpt malget. 46.1-50.26

**Anutunöŋ jim kutuiga
yuai pakpak letotket.**

1 Könakönahiŋe Anutunöŋ Suep aka gölme miwikŋaim etkiyök.

²Miwikŋaim etkiiga gölme mi gwamönŋi aka kizik-kazukŋambuk ahöyök. Ahöiga o diginŋambuk mi sönŋaupnöŋ turuiga tarök. Mewö tariga Anutugö Uŋa Töröŋan o miengö qakŋine anda kaba malök. ^{3a}Mewö maliga Anutunöŋ kewö jim kutuyök: “Asakŋan mönö asuhum tiŋgitma.” Mewö jim kutuiga miri mönö asariyök.

⁴Asarii ehi miaŋön mönö ölöwahiga asakŋi pandamanöhök mendeŋ etkiyök.

⁵Asakŋanŋö qetŋi wehön asakŋi aka pandamangö qetŋi sunŋem mewö etkoholök. Mewö etkoholiga wehön mutukŋi teköiga miri sönŋauba gianŋiyök.

⁶Gianŋiiga Anutunöŋ kewö jim kutuyök: “Mönö o sutŋine suepkö jabö köhöikŋi asuhuba o mendeŋniga euke aka emuke ahömahot.” ⁷Mewö jim kutuiba suepkö jabö köhöikŋi miwikŋaiba miaŋön o mendeŋniga tiŋgita jabö qakŋe euke aka jabö bapŋe emuke ahöyohot. Mewö asuhuiga ⁸suepkö jabö köhöikŋi eukeanŋö qetŋi suep qerök. Mewö qeriga wehön yahötŋi teköiga miri kunbuk sönŋauba gianŋiyök.

⁹Gianŋiiga Anutunöŋ kewö jim kutuyök: “O suep bapŋe ahözei, mi mönö qezakögetka kambu mohot aiga gölme örönŋi asuhuma.” Mewö jim kutuiga mönö mewö asuhuyök. ¹⁰Mewö asuhuiga örönŋanŋö qetŋi gölme qeta o kambu tokogeri, miangö qetŋi köwet etkoholök. Etkohola etkehiga miaŋön mönö ölöwahök. ¹¹Ölöwahiga kewö jim kutuyök: “Gölme qakŋe mönö yuai görökŋi (töŋgönŋi) pakpak kewö asuhuba wahötme: Gwözözak yuai köŋŋinambuk mi mönö asuhuba

wahöta köŋŋini kuŋguba söhömakŋe. Ip kösö tandökŋini könaŋi könaŋi mönö gölmenöŋ asuhuba ölni köŋŋinambuk kuŋguba söhömakŋe.” Mewö jim kutuiga mönö kewö asuhuyök: ¹²Gölme qakŋe yuai görökŋi (töŋgönŋi) pakpak asuhuba wahötket. Gwözözak yuai köŋŋinambuk tandökŋini könaŋi könaŋi mi asuhuget. Ip kösö tandökŋini könaŋi könaŋi mi gölmenöŋ asuhuba ölni köŋŋinambuk kuŋgum söhöget. Mewö asuhuiga Anutunöŋ engehiga miaŋön mönö ölöwahök. ¹³Wehön karöbutŋi teköiga miri kunbuk sönŋauba gianŋiyök.

¹⁴Gianŋiiga Anutunöŋ kewö jim kutuyök: “Suepkö jabö köhöikŋe mönö asakŋi asakŋi asuhuba wehön aka sunŋem mi mendeŋ etkiba kinda (yara) yambu, kömunŋan kie nalö aka wehön nalö, gwani nalö aka silim mohot mohotkö aiwesökŋina ahöme.

¹⁵Mienŋön mönö suepkö jabö köhöikŋi miangöreŋ asakŋi asakŋi aka gölme mem asarime.” Mewö jim kutuiga mönö kewö asuhuget: ¹⁶Anutunöŋ asakŋi ketanŋi yahöt miwikŋaim etkiyök: Asakŋanŋö galömnŋi wehön jeŋi kiniga miangö eretŋi köiŋ mi sunŋemgö galömnŋa kinda ahöm öŋgömahot. Senŋelau mi mewöŋanök miwikŋaim enŋiyök. ¹⁷Anutunöŋ mi suepkö jabö köhöikŋe miangöreŋ gölme mem asarimegöra al enŋiyök.

¹⁸Mi gölme mem asariba wehön aka sunŋem galömnŋina kinda asakŋi aka pandamanŋi mendeŋ etkimegöra al enŋiyök. Mewö asuhuiga Anutunöŋ engehiga miaŋön mönö ölöwahök. ¹⁹Wehön 4:ŋi teköiga miri kunbuk sönŋauba gianŋiyök.

²⁰Gianŋiiga Anutunöŋ kewö jim kutuyök: “O köwet miengö uruŋine mönö yuai isikusukŋinambuk asuhuba dop köla o qeba ölölanŋöba lanŋ anda

^a1:3 2 Kor 4.6; 2 Pitö 3.5

kaba malme. Mewöñanök neiñi neiñi gölme qakñe könakemba bölbölgöba kutuba anda kaba malme.”²¹ Mewö jiba köwetkö sömbupñi ketañi ketañi aka yuai isikusukñinambuk tandöknini könani könani o qeba ölölanğöba qeqelanğanğ anda kamakzei, mi miwikñaim eñgiyök. Mewöyök nei tandöknini könani könani ginginñinambuk mi miwikñaim eñgiyök. Miwikñaim eñgiba eñgehiga mianğon mönö ölöwahök.²² Ölöwahiga kötuetsköm eñgiba keu kewö jiyök: “Inini mönö köt moröñinambuk jul sehiba o köwet dop köla malme aiga nei inini mönö mewöñanök gölme qakñe ahum sehime.”²³ Keu mewö jiiga wehön 5:ñi teköiga miri kunbuk söñaubu gianjiyök.

²⁴ Gianjiiga Anutunöñ kewö jim kutuyök: “Gölme qakñe mönö yuai pakpak malmalñinambuk tandöknini könani könani asuhume. Mirigö sömbupñi, yuai bapñinan köla ölölanğömakzei aka arökñangö sömbupñi tandöknini könani könani, mi mönö asuhume.” Mewö jim kutuiga mönö kewö asuhuget: ²⁵ Anutunöñ arökñangö sömbupñi tandöknini könani könani mi miwikñaim eñgiyök. Mirigö sömbupñi tandöknini könani könani mi miwikñaim eñgiyök aka yuai pakpak bapñini gölmenöñ köla ölölanğömakzei, tandöknini könani könani mi miwikñaim eñgiyök. Miwikñaim eñgiba eñgehiga mianğon mönö ölöwahök. Mewö.

Anutunöñ azi aka ambi miwikñaim etkiyök.

²⁶ Mianğö andöñe Anutunöñ kewö jiyök: “Ayop, nini mönö azi nanine tandökö dop meinga kaisongolomnini ewö aka yuai pakpak galöm köl eñgiba

malma. Yuai pakpak mi köwetkö sörañi, suepkö neiñi aka mirigö sömbupñi, gölme körek aka yuai pakpak bapñini gölmenöñ köla ölölanğömakzei, mönö miengö galömñina aka malma.”²⁷ “Mewö jiba nanñi kaisongolomñangö dop azi miwikñaiyök. Anutugö kaisongolomñi ewö malmapköra i miwikñaim wañgiyök. Azi aka ambi malmahotköra i miwikñaim etkiyök.²⁸ Miwikñaim etkiba i kötuetsköba kewö jim kutum etkiyök: “Iniri mönö ahum sehiba gwölönarökpu malohotka gölme dop köla malme. Mewö mala gölme tonji akñe. Mewö aka köwetkö sörañi, könakembagö neiñi aka sömbup mokoleñ laigisip gölmenöñ anda kamakzei, mönö mi pakpak galöm köl eñgiba malme.”²⁹ Mewö jiba keu kewö jiyök: “Mötket, nöñon yöha könani könani gölme pakpak dop köla asuhuba wahöta kötnini kuñgum söhömakzei aka ip kösö pakpak öl kötninambuk kuñgum söhömakzei, mi numbu neneñini akñapköra al eñgizal.³⁰ Arökñangö sömbupñi pakpak, könakembagö neiñi pakpak aka yuai pakpak gölmenöñ anda kamakzei aka tosattñi pakpak söñgöörö ösumñini örömakzei, yeñgöra gwözözak görökñi (töñgönñi) könani könani mi neneñamñini akñapköra al eñgizal. “Keu mewö jiiga mönö mewö asuhuyök.³¹ Asuhuiga Anutunöñ yuai pakpak miwikñaiyöhi, mi ehiga mönö ölop kötökñi aiga urusösöngai mörök. Wehön 6:ñi teköiga miri kunbuk söñaubu gianjiyök. Mewö.

Anutunöñ kendon tarök.

2 Gianjiiga suepkö jakeñi jakeñi, gölme aka mietkö yuaiñiri aködamunñi-rambuk pakpak mi lök miwikñaim

^b1:26 1 Kor 11.7; Mat 19.4; Mak 10.6 ^c1:27 Jen 5.1-2

engim teköyök. ^{2d}Anutunön nupñi mi mei teköiga wehön 7 miangörej kendon tarök. Nupñi pakpak meyöhangöra wehön 7 miangörej luhut meyök. ³Miwimikñai nupñi pakpak meyöhangöra aka wehön miangörej luhut meyök. Miangöra wehön 7:ñi mi kendon jiba kötuatköba jim kömbuhiyök. Mewö.

Oyaenköyaen miri qetñi Eden

⁴Anutunön suep gölme miwikñaim etkiiga asuhuyohorangö kösohotñi mi mewö. Kembu Anutunön suep aka gölme miwikñaim etkiyöhi, nalö miangörej ⁵⁻⁶Kembu Anutugö jitsihitköra gölme qakñe kie qahö yöhöiga nup kölkömötköra azi kun kude malökmö, gölme uruñeyök bedunön miyök kota gölme qakñi dop köla mem samuruyök. Miangöra arökñangö ip kösö kun me sombengö gwözözak yuai kun mi gölmenön qahö asuhum tiñgita ahöyök.

^{7e}Nalö miangörej Kembu Anutunön gölme sömsöm memba miangön azi mem yaköba malmalgö numbu ösumñi söngöröñe ui geiga öröba guliba malmalgö unañambuk ahök. Mewö.

⁸Mewö aiga Kembu Anutunön wehön kotkotñe göröken miri qetñi Eden miangörej oyaenköyaen nup kömöta azi miwikñaiyöhi, i miangörej al wañgiyök. ⁹Al wañgiba jiiga gölmenöhök ip tandökñini könani könani asuhaba wahötket. Ip mi eksihimñinambuk aiga öljini nenerñi mi nahömñinambuk. Oyaenköyaen nup bibiñe malmal köhöikñangö ipñi aka mötkutukutugö ipñi mi mohotñe jim kutuiga asuhuyohot. Mötkutukutugö ipñangö könani kewö: Öljini namba miangön ölöppñi aka bölöñi mietkö könaniñiri mi möt kutubahotpuk.

¹⁰Ip mewö wahötketka o töwatñi kun mi Edenök könahiba oyaenköyaen miri mem kelita miangörejök eta jula o böröñi töwatñi 4 aka anget. ¹¹O töwatñi mutukñangö qetñi Pison, mi Hawila gölme körek liliköba ahöba anja. Gölme miangörej goul ahöza. ^{*12}Gölme miangörej goulñi mi ölöppñi kötökñi akza. Sileqösösök umköhöwakñambuk qetñi bedelion aka köt öljambuk qetñi oniks mi mewöyök miangörej ahözahot. ¹³O böröñi töwatñi jañgö 2 miangö qetñi Gihon. Mi (Mesopotemiagö) gölme qetñi Kus mi körek liliköba ahöba anja. ¹⁴O böröñi töwatñi karöbutñi qetñi Taigris. Mi Asiria gölme wösöñe wehön kotkotñe göröken geba anja. O böröñi töwatñi jañgö 4 miangö qetñi mi Yufreitis.

¹⁵Mewö aiga Kembu Anutunön azi wañgita oyaenköyaen miri Eden köl kömöta ek galöm akñapköra jiba al wañgiyök. ¹⁶Al wañgiba kewö jiba jim kutum wañgiyök: “Oyaenköyaen nup uruñe ip pakpak kin anjei, miengö öljini mi ölop amqeba mem namba malman. ¹⁷Mimö, mötkutukutugö ipkö öljini mi mönö kude neman. Mi namba ölöppñangö könani aka bölöñangö könani möt kutuman ewö, gi mönö wehön miangörejök kömum köhöiman. Miangöra mi mönö kude neman.”

¹⁸Mewö jiba Kembu Anutunön jiyök: “Azinön nanñök maliga ölop qahö akza. Miangöra nöñön mönö nanñi tandökñangö dop alabaukñi miwikñaimam.” ¹⁹Mewö jiba arökñangö sömbupñi pakpak aka könakembagö neiñi pakpak mi gölmenön miwikñaim engiba azigö kösutñe enguañgita azinön qetñini denöwö qetmawi, mi eka mötmapköra jañgörej al engiyök. Al engiiga azinön

*2:11 Hawila mi Babilonia gölmegö jabö kösutñe ahöza.

^d2:2 Hib 4.4, 10; Eks 20.11

^e2:7 1 Kor 15.45; Ind 2.7; 22.2, 14; Mat 19.5; Mak 10.7-8; 1 Kor 6.16; Ef 5.31

yuai malmalɲinambuk pakpak miengö qetɲini mohok mohok qeriga Anutunöŋ mewö mia ahömapköra jim köhöiyök. ²⁰Mewö aiga azinöŋ mirigö sömbupɲi pakpak, könakembagö neiɲi pakpak aka arökɲangö sömbupɲi pakpak mi qetɲini engim teköyök. Engim teköyökmö, nanɲi tandökɲangö dop alabaukɲi malmapköra kun qahö miwikɲaiyök.

²¹Qahö miwikɲaiiga Kembu Anutunöŋ mi eka azi mem lömböriiga gaun lömbötɲi ahöyök. Ahöiga maröm sihitɲi kun öröba dumdumpɲi busuɲan mem gwözöŋnök. ²²Gwözöŋda azinöhök maröm sihitɲi meyöhi, mianön ambi meyök. I memba azigöreɲ waŋgita kayök. ²³Waŋgita kaiga azinöŋ i eka kewö jiyök:

“Yei! Ki nani tandöha. Yaŋgö sihit busuɲi mi nani sihit busunöhök asuhuza.

Anutunöŋ i azigö sile kitipɲeyök mei letota azi tandök ewö maljawangöra qetɲi mönö ambi (azigö alaɲi) qetme.”[†]

²⁴Mewö jiiga Anutunöŋ kewö jim kutum etkiyök: “Mewö aiga azinöŋ mönö iwinamɲi etkömosöta anömɲangöreɲ qekötahöba silemohot aka malmahot.”

²⁵Azi mianön anömɲambuk opo söröŋjiri qahö aukɲe malohotmö, töndup nanɲirangö gamuɲiri qahö möta malohot. Mewö.

Adam aka Iw Anutugö keuɲi qetala et etkiyök.

3^fKembu Anutunöŋ gölmegö sömbup malmalɲinambuk pakpak miwikɲaim engiyöhi, miengö sutɲine mokoleɲnöŋ isimkakalek mötmötnöŋ sömbup pakpak mi engongita öŋgöyök. Mewö öŋgöba ambigöra kewö jiyök: “Oyaɲkoyaɲ mire ip pakpak kin anjei,

miengö öŋɲini kun kude nemahotköra Anutunöŋ öŋɲa jim kutum etkiyök me qahö?”

²Mewö jiiga ambinöŋ melenɲa mokoleɲgöra kewö jiyök: “Oyaɲkoyaɲ mire ip tosattɲi kin anjei, miengö öŋɲini mi ölop nembitköra jiyök. ³Mimö, miri bibiɲe ip kun kinjawi, miangö öŋɲi mi nempa kömumbitpuköra mönö kewö jiyök: ‘Mi mönö kude nemahot. Mia kude misirimahot.’ Mewö jim kutum netkii maljit.”

⁴Mewö melenɲa jiiga mokoleɲnöŋ ambigöra kewö jiyök: “Mi saumbaɲ! Injiri kude kömumahot. ⁵Mimö, ip miangö öŋɲi mi neyohotka wehön miangöreɲök mönö jeɲiran tohoiga Anutu ewö aka ölopɲangö könaɲi aka bölöɲangö könaɲi möt tekömahot. Anutunöŋ keu mi möta mewö asuhubapuköra keuɲi mewö jiyök.”

⁶Mewö jiiga ambinöŋ ip mi uba ehiiga öŋɲi ölopɲi neneɲangö dop ahök. “Mi eksihimɲambuk kiniga mötkutukutu ketanɲi awamɲanök niŋgima,” mewö mötmöröba öŋɲi kun meköba neyök. Nempa aɲɲi yambuk malöhi, i tok waŋgiga neyök. ⁷Neiga jeɲiran mönö miangöreɲök tohoiga sileɲjiri aukɲe malohori, mi aŋgek kutuyohot. Mewö aŋgek kutuba kinda fig ipkö sinɲi mumburataba opo söröŋjiri uba lata malohot.

⁸Malohotka wehön jeɲi geiga miri löwöriiga Kembu Anutunöŋ oyaɲkoyaɲ mire tiba kaiga köna ötöŋi mörohot. Mi möta awanöm yetkön Kembu Anutugö jemesoholɲeyök mömölaköba oyaɲkoyaɲ mirigö ip uruɲine anda asambörohot. ⁹Asambörohotmö, Kembu Anutunöŋ azigö qeta kewö jiyök, “Gi mönö denike maljane?”

[†]2:23 Inklis keu eknöŋ; man aka woman keu yahöt mi öröröŋ tandök akzahot.

^f3:1 Ind 12.9; 20.2; 2 Kor 11.3; 1 Tim 2.14

¹⁰Mewö qeta jiiga kewö meleşnök: “Gi oyaenƙoyaen miri uruƙe tiba kanönƙa kõna ötönƙi möta sileni aukƙe malƙalaŋgöra keŋgötŋi mötzal. Miaŋgöra mömölaköba asamböta malƙal.”

¹¹Mewö meleşniga kewö jiyök: “Gi sile aukƙe malƙani, mi mönö daŋön jii mötzan? Nönön ip kungö kötŋi nembanbukö soŋgo al gihiali, göŋön mi-aŋgöreŋök kun nezan me?”

¹²Mewö jiiga azinönƙewö jiyök: “Ambi nömbuk malmakpöra niŋginönƙi, yanön mönö ip miaŋgö kötŋi niŋgiiga nezal.”

¹³Mewö jiiga Kembu Anutunönƙewö qesim waŋgiyök: “Göŋön wuanönƙgöra mewö akzane?” Qesim waŋgiiga kewö meleşnök: “Mokoleŋnön mönö tilipköm niŋgiiga nezal.”

Anutunönƙewö likepƙi meleşda lömböt enƙimapakö jiyök.

¹⁴Mewö meleşniga Kembu Anutunönƙewö jim waŋgiyök: “Mewö akzanaŋgöra aka gi mönö mirigö sömbupƙi pakpak aka arökŋaŋgö sömbupƙi pakpak yeŋgö sutŋine kewö jim qesuahöm gihibiga malman: Göŋön mönö gölmenönƙewö malmanaŋgö dop bakpan köla anda kaba sömsöm uruƙe mala nesak yuai nemakƙan.

¹⁵Mewö namba ambibuk sutŋire kerök al etkibiga mi möta malman. Kerök mi göhö gwölönarökurupƙi aka yaŋgö gwölönarökurupƙi yeŋgö sutŋine toroqeba ahöm öŋgöi kewö asuhuma: Yeŋgöreŋök azi kunön mönö göhö nöropƙi tölölahöiga göŋön yaŋgö kõna gwakötŋi yöhösulmakƙan.”

¹⁶Toroqeba ambi kewö jim waŋgiyök: “Göŋön gölömgabuk aka malnönƙewa si-himbölönƙi ketaŋi al gihibiga masö ahum

gihiga möta morö mem enƙimapakƙan. Mi töndup sihimƙan mönö apƙahöra ahöm gihiga yaŋön galömgö aka malma.”

¹⁷Toroqeba azi kewö jim waŋgiyök: “Nönön ip kungö ölni nembanbuköra ‘Mia kude neman,’ jiba soŋgo al gihialmö, göŋön mi töndup anömgahö keuŋi wuatangöba nezan. Miaŋgöra nönön gölme mi göhöra aka saitköbiga ahöma. Mewö ahöiga göŋön gölmenönƙewö malmanaŋgö dop mönö sileqeƙe aka nup gwötpuk memba sihimbölö möta nenegi miwikƙaiba malman. ¹⁸Nup memba malnönƙewa göhö nene nupnönƙewö nungakal, koururuk (köwörörök) yuai mi asuhuiga arökŋaŋgö yöha yuai mi memba malman. ¹⁹Mewö mala mesoholge nönƙgöp ariba nup memba tup yakagi mewö memba mala gölmenönƙewö mem gihiali, gölme mi-aŋgöreŋ mönö kunbuk liliŋgöba german. Silegi gwakömnönƙewö mem gihibiga mala öŋgöbagun mönö kunbuk gwaköm akƙan. “Mewö jim waŋgiyök.

²⁰Azinönƙewö anömƙi yuai pakpak mal-malŋinambuk malƙei, miengö namƙini aiga azinönƙewö qetŋi Iw (Ewa) qerök. ²¹Kembu Anutunönƙewö sömbup sileŋan opo söro memba Adam anömƙet lat etki-iga malohot.

Anutunönƙewö Adam aka Iw Eden mi-aŋgöreŋök közöl etkiyök.

²²Mewö malohotka Kembu Anutunönƙewö jiyök: “Ye! Ambazip mi nengöreŋök kungö dop aka ölöpnö bölöŋi mietskö könaŋiri lök menden etkibitkö mötzahot. Mewö aiga malmal köhöikŋaŋgö ip kötŋi kude nemahotköra soŋgo alalmö, yetkөн nalö kewöŋe toroqeba böronƙiri böraŋda mi mewöyök mem memba mewö miaŋön qahö kömumba tetekönƙi qahö köhöikƙanök mal öŋgöbahotƙ.”

^{3:20} Iw keu miaŋgö könaŋi mi ‘Malmal malƙei, miengö namƙini.’

^{3:15} Ind 12.17; Hib 6.8 ^{3:22} Ind 22.14

²³Mewö jiba miangöra oyaenköyaen nup Eden miangöreñök közöl etkiba gölmenöhök mem etkiyöhi, mönö gölme miangöreñök kölkömöt nup memahotköra melaim etkiiga yaigep geba anohot. ²⁴Ambazip mewö közöl etkiba oyaenköyaen miri Edengö likepne wehön kotkotne göröken zerubim garata tosadni al engiiga malmal köhöiknañgö ip miangö könañi utuba galöm kölget. Yengö böröñine bingö souñi ketani aliga mianñön köñöp bölam ewö gilikbilikñambuk jeba andöñe wösöñe liliköba biliksikö dop aiga kinda galöm köla malget. Mewö.

Keinönj Abel qei kömuyök.

4 Azi Adamnönj anömñambuk mala amiyohotka Iwnönj (Ewa) gölöm ala Kein (Kain) meyök. Memba Kein qetköra kewö jiyök: “Anutunönj bauköm niñgiiga nahöni mezal.” ²Iwnönj könañgep Adamgö nahönñi Abel, Keingö munñi meyök. Abelnönj mala qariba lama galömñina aiga Keinönj kölkömöt azia aka malök. ³Mewö malohotka nalö kunönj Keinönj nupkö nene tosadni memba kaba Kembugöra jöwöwöl ohom wañgiyök. ⁴Abelnönj mewöyök lama kambuñangö mutuk asuasuhunji tosadni meköba enğuba kitipni kelökñinambuk memba kaba Kembugö jöwöwöl ohoyök. Ohoiga Kembunönj Abel nanñi aka jöwöwölñi etkeka möri ölöwahök. ⁵Ölöwahökmö, Kembunönj Kein aka yangö jöwöwölñi mi ek tököyök. Mewö aiga Keingö irimñi seholiiga kömbuhiba jemesoholñan bosoliyök. ⁶Bosoliiga Kembunönj Keingöra kewö jii mörök: “Irimgi mönö wuanöñgöra seholiiga jemesoholgan bosoliza? ⁷Gi yuai ölöpnji aknönnga möt añgön köl gihibiga ölop jemesoholgi öhal (hak) akñan me qahö?

Yuai ölöpnji qahö aknönnga siñgisöndokö Toñan mönö urugahö nañguje kinda göhöra ak gihiba mönömakza. Mewö mönömakzapmö, göññön mönö miangö soñgo ala galöm memba luhut alman.”

⁸Kembunönj Keingöra mewö jii mörökmö, Keinönj töndup munñi Abelgöra kewö jiyök: “Mönö nanirök nupnönj anbit. “Mewö jiiga nupnönj anda mala Keinönj luhuba munñi Abel qelanjiba memba qeba qei kömuyök.”

⁹Kömuiga Kembunönj Kein kewö qesim wañgiyök: “Mungi Abel mi denike malja?” Qesim wañgiiga kewö meleşnök: “Ni qahö mötzal. Ni munangö jegalöma qahö akzal.”

¹⁰Mewö meleşniga Kembunönj jiyök: “Gi wani yuaia akzan? Mötnönj, mungahö sepñan mönö gölmenöhök qeriga mötzal.” ¹¹Gölme kiangö numbuñan añañiba mungahö sep börögeyök mezawi, nöññön mönö kiangöreñök közöl gihibi anman. Joramörahö mi mönö göhö qake albi öñgöza. ¹²Közöl gihibiga kölkömöt nup menönnga gölmenönj möriamñangö ölnji añgön köl gihiga gölme dop mömölaköba kekelolo aka ölöñ köla lañ anda kaba malman.”

¹³Mewö jiiga Keinönj Kembugöra kewö jiyök, “Keunañgö likepni meleşnönnga qakne öñgözawi, mianñön mönö ösumni oñgiri lömböriiga bisimangö osimam. ¹⁴Mötnönj, gi merak ni nupqeqe gölmenöhök nuatañgönönnga jemesoholgeyök mömölaköba gölme dop kekelolo aka ölöñ köla lañ anda kaba malmam. Miangöra kunñan ni neka ölop nuñgui kömumbileñbuk.”

¹⁵Mewö jiyökmö, Kembunönj kewö jii mörök: “Mewö qahö. Kunñan Kein qei kömuma ewö, miangö likepni mönö yangö qakne öñgöiga ambemñi 7 akña.

“Mewö jiba kunjan Kein miwikñaiba i qei kömumbapuköra sileje aiwesök kulem kun alök. ¹⁶Mi aliga Kembugö jemesoholji mosöta anda anda gölme qetji Lanlan lilikqilik (Nod) miangören angota malök. Gölme mi Edenök wehön kotkotje göröken ahöza. Mewö.

Keingö gwölönarökurupji

¹⁷Keinön anömñambuk mala amiyohotka gölöm ala Henok meyök. Keinön taon kun memba nahönñangö qetji Henok qet wañgüyök. ¹⁸Henokö nahönñi qetji Irad. Iradkö nahönñi Mehujael. Mehujaelgö nahönñi Metusael. Metusaelgö nahönñi Lamek. Mewö asuhuget. ¹⁹Lameknön ambi yahöt etkömeyök: Kun qetji Ada, kun qetji Zila. ²⁰Adanön gölöm ala Jabal meyök. Yañön ambazip opo seri koumñine ahöba mala bau bulmakau galöm köl enjiba maljei, yeñgö bömönñini ahök. ²¹Jabalgö munñangö qetji mi Jubal. Yañön ambazip gita kulele qeba awölop uba maljei, yeñgö bömönñini ahök. ²²Zilanön mewöyök nahönñi qetji Tubal-Kein meyök. Yañön qariba börögö tulsñi aka bimqeqegö yuaiñi könani könani mi bras aka ainön ohoi kolkolgoi qekötahöba mezapma. Tubal-Keingö nenni qetji Nama.

²³Lameknön nalö kunön anömyahötji mi kewö jii mörohot,

“Ada aka Zila anömyahötñi, inñiri mönöz kezap ala keuni ki mötmahot: Kunjan nuñgum kuziriga uzinangö kitipñangöra mönöz azi kun qebi kömuma. Kunjan nuñgum miziriga gurusep (gulibambam) löpötñangö kitipñangöra mönöz azi gwabö kun qebi kömuma.

²⁴Kunjan Kein qeiga likepñi yanğö qakñe öngögiga ambemñi 7 akñapmöz, kunjan Lamek ni nuñguiga miangö likepñi mönöz yanğö qakñe öngögiga ambemñi 77 akña. “Mewö.

Set aka Enos

²⁵Azi mutukñi Adam yañön kunbuk anömñambuk mala amiyohotka nahönñiri kun memba kewö jiyök: “Keinön Abel qei kömuyöhanğöra Anutunön Abelgö salupñe nahöni kun niñgiza. “Miangöra qetji Set (Niñgiza) qerök. ²⁶Setkö nahönñi mewöyök asuhuiga qetji Enos qerök. Mewö.

Nalö miangören ambazip yeñön könahiba Kembugö qetji köuluköba malget. Mewö.

Adamgö gwölönarökurup yeñgö qet areñini

1 Hist 1.1-4

5^mAdamgö isimorö aka amböisikurupñi yeñgö qet areñi papiani ki. Anutunön azi miwikñaiyöhi, yañön mi nanñi kaisongolomñangö dop meyök. ²Mewö memba azi ambi malmahotköra miwikñaim etkiba nalö miangören qetjiri ambazip ¹qeta kötuatköm etkiyök.ⁿ ³Adamnön mala yambuñi 130 aiga nahönñi kun asuhuyök. Mi Adam nanñi kaisongolomñi aka tandökñangö dop maliga qetji Set qerök. ⁴Set asuhuiga nalö miangörenök Adamnön toroqeba yambu 800 mala mala maliga nalö sutñe miangören nahönböratñi tosatñi asuhaba öngöget. ⁵Adamnön mewö mala öngöba yambuñi mindiriba 930 meköba kömuyök.

⁶Kömuiga nahönñi Set yañön yambuñi 105 aiga nahönñi Enos asuhuyök.

⁷Enos asuhuiga nalö miangörenök Set-

¹5:2 Ambazip mi Hibru keunön adam.

¹4:24 Mat 18.22 ^m5:1 Jen 1.27-28 ⁿ5:2 Mat 19.4; Mak 10.6

nöj toroqeba yambu 807 mala mala maliga nalö sutje miangörej nahönböratji tosatji asuhaba öngöget. ⁸ Öngögetka Setnöj mala mala öngöba yambu mindiriba 912 meköba kömuyök.

⁹ Kömuiga nahönji Enos yañon yambu 90 aiga nahönji Kenan asuhuyök.

¹⁰ Kenanöj asuhiiga nalö miangörejök Enosnöj toroqeba yambu 815 mala mala mal öngöiga nalö sutje miangörej nahönböratji tosatji asuhaba öngöget. ¹¹ Öngögetka Enosnöj mala mala öngöba yambu mindiriba 905 meköba kömuyök.

¹² Kömuiga nahönji Kenan yañon yambu 70 aiga nahönji Mahalalel asuhuyök.

¹³ Mahalalel asuhiiga nalö miangörejök Kenanöj toroqeba yambu 840 mala mala mal öngöiga nalö sutje miangörej nahönböratji tosatji asuhaba öngöget. ¹⁴ Öngögetka Kenanöj mala mala öngöba yambu mindiriba 910 meköba kömuyök.

¹⁵ Kömuiga nahönji Mahalalel yañon yambu 65 aiga nahönji Jared asuhuyök. ¹⁶ Jared asuhiiga nalö miangörejök Mahalalelnöj toroqeba yambu 830 mala mala mal öngöiga nalö sutje miangörej nahönböratji tosatji asuhaba öngöget. ¹⁷ Öngögetka Mahalalelnöj mala mal öngöba yambu mindiriba 895 meköba kömuyök.

¹⁸ Kömuiga nahönji Jared yañon yambu 162 aiga nahönji Enok asuhuyök. ¹⁹ Enok asuhiiga nalö miangörejök Jarednöj toroqeba yambu 800 mala mala mal öngöiga nalö sutje miangörej nahönböratji tosatji asuhaba öngöget. ²⁰ Öngögetka Jarednöj mala mala mal öngöba yambu mindiriba 962 meköba

kömuyök. ²¹ Kömuiga nahönji Enok yañon yambu 65 aiga nahönji Metusela asuhuyök.

²² Metusela asuhiiga nalö miangörejök Enoknöj yambu 300:gö dop uruji Anutubuk jöhöba anda kaba maliga nalö sutje miangörej nahönböratji tosatji asuhaba öngöget. ²³ Öngögetka Enoknöj mala mal öngöba yambu mindiriba 365 meköyök.

²⁴ Meköba uruji Anutubuk jöhöba anda kaba maliga Anutunöj öne wangiriga atatop (jiataton) köläk.^o

²⁵ Atatop köliga nahönji Metusela yañon yambu 187 aiga nahönji Lamek asuhuyök. ²⁶ Asuhiiga nalö miangörejök Metuselanöj toroqeba yambu 782 mala mal öngöiga nalö sutje miangörej nahönböratji tosatji asuhaba öngöget. ²⁷ Öngögetka Metuselanöj mala mala mal öngöba yambu mindiriba 969 meköba kömuyök.

²⁸ Kömuiga nahönji Lameknöj yambu 182 aiga nahönji kun asuhuyök. ²⁹ Asuhiiga qetji Noa (kölalep) qeta kewö jiyök: “Anutunöj gölme saitköiga nini böroninan nup kölä kömöta sileqeqe aka sihimbölö möta malinga morö kianön mönö öläp urukölalep neñgimakja.” ³⁰ Noa asuhiiga nalö miangörejök Lameknöj toroqeba yambu 595 aiga nalö sutje miangörej nahönböratji tosatji asuhaba öngöget. ³¹ Öngögetka Lameknöj mala mala mal öngöba yambu mindiriba 777 meköba kömuyök.

³² Lameknöj kömuiga nahönji Noa yañon yambu 500 aiga nahönurupji karöbut qetjini Sem, Ham aka Jafet asuget. Mewö.

Gölme ambazipnõj böliba aᅅgõjörakñinambuk aket.

6^PAmbazip gölme qakñe malgetka qõtõñinan kõnahiba qariiga böraturupñini mi mewöyök asuhuget. ²Asuhugetka nalõ miangõreñ Anutugõ nahõnurupñi yeñõn ambazip yeñgõ böraturupñini eᅅgetka eksihimñi-nambuk aketka eᅅgek sorigerañgõ dop mi pakpak eᅅgõmegetka anõmurupñini aket. ³Mewõ aketka nalõ miangõreñ Kembunõj keu kewõ jiyök: “Gölme ambazipnõj silebuk nalõ tetekõñi qahõ mal õᅅgõmemõ, yeñõn mõnõ kõmume. Areñini mewõ al engizal. Nalõ kewõneyök kõnahiba malmalñini mõnõ yambu 120 jaᅅgõ mi qahõ õᅅgita mal õᅅgõme.” ⁴Anutugõ nahõnurupñi yeñõn gölme ambazip yeñgõ böraturupñini eᅅgõmegetka morõ mem eᅅgigetka nalõ miangõreñ aka kõnaᅅgep mewöyök azi weliwelipñinambuk mõnõ asuhiba qariba gölmenõj malget. Möpñangõ möpñeyök bemurup qetbuñañinambuk malgeri, yeñõn mõnõ mia aket.⁴

⁵Gölme ambazip yeñgõ bölõñamñini mi keta bölõkñi aiga uruñinangõ mötmõt areñini pakpak mi nalõ dop qõsõsök (qõrõrök) bölõñanök pakpak aka malgeri, mi Kembunõj ehök. ⁶Mi eka ambazip miwikñaim eᅅgiiga gölmenõj malgeri, miangõra Anutunõj möt bölim aᅅguiga wõsõbiriknõj uruñi kokolak qeiga sihibölõ möta malök. ⁷Mewõ möta mala keu kewõ jiyök: “Ambazip miwikñaim eᅅgiali, nõñõn mõnõ mi gölmenõhök qetekõm eᅅgimam. Ambazip, mirigõ sömbupñi, yuai bapñinan kõla õlõlõᅅgõmakzei aka kõnakembagõ neiñi mi miwikñaim eᅅgialañgõra möt bölim aᅅguba mi mõnõ qekõm eᅅgimam.” ⁸Mewõ

jiyökmõ, azi Noa yañõn Kembugõ jeñe ak-kõmukõmu miwikñaiyök.^r ⁹⁻¹⁰Noagõ gwõlõnarõkurupñi miengõ kösohotñini mi kewõ: Nahõnurupñi karõbut qetñini Sem, Ham aka Jafet mi asuhuget. Noanõj ambazip sutñine azi solanñi kõpõsihitkõ keuñi qahõ mala uruñi Anutubuk jõhöba anda kaba malök.^s ¹¹Noanõj mewõ malökmõ, ambazip tosatñi pakpak yeñõn Anutugõ jeñe goᅅgiba bölim tekõgetka ambazip ayuhum eᅅgieᅅgi mi gölme kõrek dop kõla ahõyök. ¹²Ambazip pakpak gölmenõj anda kaba malmalñini mem bölim tekõgetka miri gölme pakpak yeñgõ ahakmemeñini mi goᅅgiba aᅅgõjörakñinambuk aiga Anutunõj gölme uba tandõkñini mi mewõ ehök.

Waᅅge memegõ areñi

¹³Mewõ eka Anutunõj Noagõra keu kewõ jii mõrök: “Ambazip yeñgõra aka ayuhum eᅅgieᅅgi mi gölme kõrek dop kõla ahõza. Miangõra nõñõn ambazip pakpak mem kõmum tekõm eᅅgi-mangõra mõnõ keuni jõhöyal. Mötnõj, nõñõn mõnõ onõj gölme meleñbi geiga yuai pakpak isikusukñinambuk mi kõmum tekõme. ¹⁴Miangõra göñõn mõnõ suman ip kõla miangõn nangahõra waᅅge kun meman. Miangõ uruñi kutunõᅅga uruñi morõmorõ asuhume. Waᅅgegõ uruñi aka sileñi mi qandõñnõj me gisak marasinõj kõsiba ohom tekõman. ¹⁵Waᅅge mi kewõ meman: kõrõpñamñi 133 mita (450 fit), andipñi 22 mita (75 fit) aka kõᅅgepñi 13 mita (45 fit) mewõ meman. ¹⁶Boñi muhungõba sel aka bo sutñire lilikõba jeᅅgenañ tiñi 44 sentimita (18 ins) mi mosõta kõtohoman. Waᅅgegõ uruñi mösõñnõᅅga uruñi qakñi, kemañi aka dutñi karõbut asuhume. Waᅅge naᅅguñi mi namñe al-

^P6:1 Job 1.6; 2.1 ^q6:4 Jan 13.33 ^r6:8 Mat 24.37; Luk 17.26, 1 Pitõ 3.2

^s6:9-10 2 Pitõ 2.5

man. ¹⁷Mötman! Nöñön mönö jibiga göulu ketanjan kota gölme jömukni köl turuiga ambazip aka yuai malmalgö ösumñinambuk pakpak suep bapje maljei, mieñön mönö o nemba nemulahöba kömume. Mewö kömumba gölmegö yuai pakpak mi mönö qahöwak teköme.

¹⁸Mewö asuhumapmö, nöñön göbuk jöhöjöhö areñ kewö akzal: Gi mönö wanjenöñ öngöman. Gi, anömgi aka nahöniranurupki eñön mönö mohotje wanjenöñ öngöme.

¹⁹Öngöba mala yuai malmalñinambuk pakpak mi qahöwak teköbepuköra yengöreñök yahöt yahöt aziñi aka ambiñi mi dopñine enñuanñitnönja göbuk mohotje wanjenöñ öngöme.

²⁰Nei tandökñini könani könani, mirigö sömbupñi tandökñini könani könani aka gölmegö mokoleñ, lolohom yuai tandökñini könani könani körek yengöreñök yahöt yahöt mi mönö kömumbepuköra enñuanñitnönja göhöreñ kañgotketka öngöme.

²¹Mewöyök nanñini aka nei, sömbup yuai pakpak yeñön nemeañgö dop mönö numbu nene könani könani miwikñaiba otoñ qezaköba wanjenöñ alnönja kahaimök ahöma.” ²²Anutunöñ Noa mewö akñapkö jim kutum wanñiiga miangö dowök mönö tem köla mi pakpak ahök. Mewö mia aka mem teköyök.

Ambazip aka sömbup pakpak mi wanjenöñ öngöget.

7 Noanöñ wanje mem teköiga ⁷Kembunöñ keu kewö jii mörök: “Gi ambazip kambu kienjö sutñine solanñi aka maljan. Nöñön göhö könananggi mewö miwikñaizal. Miangöra gi aka saiwaurupki pakpak

inini mönö wanjenöñ öngöme. ²Sömbup neneñi, dönqizizinñini qahö mi pakpak yengöreñök sewen sewen, aziñi 7 aka ambiñi 7 dopdop enñömenönja göhöreñ kañgotme. Mewöyök sömbup dönqizizinñinambuk pakpak yengöreñök yahöt yahöt aziñi aka ambiñi mewö enñömenönja göhöreñ kañgotme. ³Toroqeba nei könani könani pakpak yengöreñök mewöyök sewen sewen, aziñi 7 aka ambiñi 7 mi enñuanñitnönja göbuk wanjenöñ öngöme. Mewö aknönja sömbup aka nei tandökñini könani könani pakpak mi kude qahöwakñemö, toroqeba gölmenöñ ahumsehup aka malme. ⁴Öngögetka wehön 7 teköiga jim kutubiga kie römbum ketanjan mönö gölmenöñ eta yöhöiga sunjem silim 40:gö dop toroqeba yöhöm teköma. Mewö yöhöiga yuai isikusukñinambuk pakpak miwikñaim enñiali, mi mönö mohotje jim teköbiga gölmenöhök qahöwakñe.” ⁵Kembunöñ Noa mewö akñapkö jim kutum wanñiiga miangö dowök mönö tem köla mi pakpak ak teköyök.

⁶Mewö mia aka meiga yambuñi 600 aiga göulu ketanjan gölme qakñe kañgorök. ⁷“Kañgotmapkö aiga Noa anömñet aka nahöniranurupñiri yeñön mohotje gölunöñ kömumbepuköra ölöñ köla wanjenöñ öngöget. ⁸Mewöyök sömbup neneñi, dönqizizinñini qahö aka sömbup dönqizizinñinambuk aka nei aka yuai pakpak bapñinan köla ölölöngömakzei, ⁹mi yahöt yahöt pakpak aziñi aka ambiñi mi dopdopñine wanjenöñ öngöba Noagöreñ kaget. Anutunöñ Noa jim kutum wanñiyöhi, mi mönö miangö dop asuhuyök. Mewö.

Göulunöŋ ambazip turum enggi kömuget.

¹⁰Mewö asuhuiga wehön 7:göra jiyöhi, mi teköiga göulu ketanjan gölme qakŋe kaŋgorök. ¹¹vNoanöŋ yambuŋi 600 aiga yambu miangö köiŋi 2 miangö wehönŋi jaŋgö 17 silim miangöreŋ o jeŋi pakpak, o diginŋinambuk miengö namŋini pakpak mi emuyök qariba qariba kotket. Mewöyök euyangöreŋ könakembagö onŋi onŋi miengö numbuŋini mi aŋaŋiget. ¹²Kie römbum ketanŋi mi gölmenöŋ eta yöhöba yöhöba sunŋem silim 40:gö dop ahöyök. ¹³Kienöŋ könahimapköra aiga wehön miangöreŋ Noa aka nahönurupŋi Sem, Ham aka Jafet, Noagö anömŋet aka iranurupŋiri karöbut yeŋön mohotŋe waŋgenöŋ öngöm teköget. ¹⁴Toroqeba arökŋaŋgö sömbupŋi aka mirigö sömbupŋi pakpak, yuai pakpak baŋŋinan köla ölölöŋgömakzei, nei pakpak aka yuai ginginŋinambuk pakpak mi ambazip yembuk mohotŋe waŋgenöŋ öngöm teköget. ¹⁵Anutunöŋ yuai pakpak malmalgö ösumŋinambuk miwikŋaim enggiyöhi, miengöreŋök yahöt yahöt (2-2) mi Noagöreŋ kaŋgota waŋgenöŋ öngöm teköget. ¹⁶Anutunöŋ Noa jim kutum waŋgiyöhaŋgö dop yuai isikusukŋinambuk pakpak waŋgenöŋ öngöm tekögeri, mi aziŋi aka ambiŋi ahot. Körekŋan öngöm tekögetka Kembunöŋ nanŋak Noagö andöŋe waŋgegö naŋguŋi kölok.

¹⁷Naŋguŋi köliga miangöreŋök göulu ketanjan könahiba sunŋem asak 40:gö dop toroqeba gölmenöŋ kaŋgoriga o yeŋön qariba qariba gölme köl turuba öngöba waŋge gölmenöhök koaŋgetka wahöta öngöyök. ¹⁸Öngöiga o yeŋön gölme qakŋe qariba qariba öngögetka waŋgenöŋ o qakŋe nanŋök öne laŋ anda

kaba ahöyök. ¹⁹Mewö aiga onöŋ gölme qakŋe kunbuk qariba öngöyök. Mewö kundunŋi köröpŋi köröpŋi suepkö baŋŋe kin anjei, mi pakpak mönö musulungöm enggiyök. ²⁰Musulungöm enggiba öngöba öngöba kundunŋi bohönŋi bohönŋi mi köl turuba 8 mita (25 fit) miangö dop enggongita ahöyök.

²¹Mewö ahöiga yuai isikusukŋinambuk pakpak gölme qakŋe anda kaba malgeri, miengön o nempa nemulahöba kömum teköget. Yuai pakpak mi nei me mirigö sömbupŋi me arökŋaŋgö sömbupŋi me mokoleŋ, gisip aka yuai pakpak kambuŋini köla gölmenöŋ qe-qelanlaŋ anda kamakzei aka ambazip pakpak mi mohotŋe qahöwak teköget. ²²Yuai pakpak gölme örönŋe mala malmalgö ösumŋi söŋgörorŋine öröba malgeri, mi körekŋanök kömum teköget. ²³Yuai malmalŋinambuk pakpak gölmenöŋ malgeri, mi Anutunöŋ engum teköyök. Yuai pakpak mi ambazip, sömbup me yuai baŋŋinan köla ölölöŋgömakzei me könakembagö neiŋi neiŋi mi mönö Anutunöŋ engum teköyök. Noa aka saiwaurupŋi waŋge uruŋe malgeri, miyök mönö enggehoriba aŋgön köla gou köl enggiyök. ²⁴O göulu miangön gölme köl turuba qahö öröba geyökmö, wehön 150:gö dop ahöyök.

Göulunöŋ öröba eriga gölmenöŋ öröniiyök.

8 Wehön 150 mi teköiga miangöreŋ Anutunöŋ Noagö aka arökŋaŋgö mirigö sömbupŋi aka yuai pakpak yambuk waŋgenöŋ malgeri, mi mötmörim enggiba luhut ketanŋi röja aliga gölme qakŋe qeiga onöŋ könahiba öröba erök. ²Anutunöŋ emune o diginŋinambuk yeŋgö jeŋini aka euyangöreŋ könakembagö onŋi onŋi miengö numbuŋini mi qaliba soŋgo aliga kienöŋ tiŋgita tömböriba

suepnöhök kunbuk qahö erök. ³Qahö eriga o ketanjan könahiba gölme qakņe ahöahöneyök lilingöba öröba eta geyök. Wehön 150:gö dop o mienön öröba eta geba ahöget. ⁴Mewö ahögetka wanğenöñ köiñ 7 miangö silimņi 17 miangöreñ kundunji qetņi Ararat miangö bohonņi kunöñ mekötahöba köhöiba tarök. ⁵Miangöreñ tariga o mianjön toroqeba öröba eta eta anök. Anda köiñ 10 miangö silimņi mutukņi miangöreñ kundunji mienğö bohonņini mi aukņe asuhum tiņgitket.

⁶Tiņgitketka wehön 40 teköiga Noanöñ wanğegö jeņgenanji mutuk memenji mi metalök. ⁷Metala koekoe nei kun melaiiga könakemba lañ bölbölgöba anda kaba qahö lilingöba maliga gölmegö oñi mianjön jöpköyök. ⁸Miangö andöñe Noanöñ kembö kun melaiiga anök. Gölme qakņe onöñ öröba geyök me qahö, miangö könanji mötmangöra mi melaiiga anök. ⁹Kembönöñ anda kaba onöñ toroqeba gölme körekņanök turuba ahöyöhangöra luhut memenjanğö tatatņi qahö miwikņaiiba wanğegöreñ lilingöiga Noanöñ börönji borañda wanğe uruņe wanğiriga öngöyök. ¹⁰Öngöiga wehön 7:gö dop toroqeba mamböt mala miangöreñ kembö mi kunbuk wanğenöhök melaiiga anök. ¹¹Anda mare miangöreñ lilingöba oil ipkö sinņi gwölögwölö kun mi meteköba numbuñan yöhösañda Noagöreñ kayök. Mewö kaiga Noanöñ mi eka kewö möt asariyök: Onöñ mönö öröba eriga gölmenöñ asuhum teköza. ¹²Mi möt asariba kunbuk wehön 7:gö dop mamböta kinda kembö mi kunbuk melaiiga bölbölgöba anök. Anökmö, nalö miangöreñ mi yanğöreñ kunbuk qahö lilingöba kayök.

¹³Noagö malmal yambuñi 601 miangö köiñ mutukņanğö silimņi mutukņi miangöreñ onöñ gölme qakņe

jöpköba öröniba ahöyök. Mewö aiga Noanöñ wanğegö bonji mei aniga kewö uba ehök: Gölme qakņan mönö öröniba ahöyök. ¹⁴Mi ehi kunbuk öröniba köiñ yahötņanğö silimņi 27 miangöreñ örönim teköba ahöyök.

¹⁵Anutunöñ Noagöra keu kewö jiba jii mörök: ¹⁶“Gi, anömgi aka nahöniranurupki iñini mönö wanğe mosöta etket. ¹⁷Eta sömbup yuai malmalņinambuk pakpak göbuk wanğenöñ maljei, mi neiñi neiñi, mirigö sömbupņi aka mokoleñ yuai pakpak bapņini gölmenöñ köla ölölöngömakzei, mi mönö körek enğuanğita etket. Mewö aknöñga ölop gölmenöñ ahum sehiba gwölönarökpuk aka deñda gölme dop köla malme.”

¹⁸Mewö jii möta Noa anömņet aka nahöniranurupņi yeñon mohotņe wanğe mosöta etket. ¹⁹Etketka arökņanğö sömbupņi pakpak, mokoleñ yuai pakpak, nei pakpak aka yuai pakpak gölmenöñ anda kamakzei, mienön mönö mewöñanök isikņinangö dop wanğe mosöta awatangöba et teköget. Mewö.

Noanöñ Anutugöra jöwöwöl ohoba saiwap jiyök.

²⁰Et tekögetka Noanöñ Kembugöra jöwöwöl alta kun memba mirigö sömbupņi dönqizizinnini qahö mi pakpak aka nei dönqizizinnini qahö mi pakpak yeñgöreñök tosatņi enğömemba alta qakņe ala mianjön Anutugöra jöwöwöl ohoyök. ²¹Ohoiga Kembunöñ wöron umköhöwakņi nahömņambuk mi möri dop köliga uruñan keu kewö jiyök: “Ambazip yeñğö uruñinangö mötmöt areñinan mönö moröñineyök könahiba bölöñi akzemö, töndup gölme mi nalö kunöñ ambazipköra aka kunbuk kude qesuahömam. Yuai pakpak malmalņinambuk maljei, nöñon mi lök qahöwak teköm enğialmö, miangö dop nalö kunöñ kunbuk qahö jim teköba ak enğimam.

²² Gölmenöj ahöm öngömawangö dop mönö gölmenöj köl kömötketka ölni asuhui megetka mianön mönö kude qahöwak teköma. Miri amöriiga sanjengenji mörakje aka könöpñambuk aiga könöwiba mörakje. Kömunjañ kie nalö aka wehön nalö, suñgem aka asakñi mi nalöñi nalöñi lilikqilik aka awatañ ahöba anmahot. Mi pakpak teteköñi qahö ahöm öngöiga malme. Mewöñan mönö mewö toroqeba ahöma. “Mewö”.

Anutunöj Noabuk jöhöjöhö areñ alök.

9^w Mewö jiba Anutunöj Noa aka nahönurupñi kewö jiba kötuëtköm engiyök: “Injini mönö ahum sehiba gwölönarökpuk mala gölme dop köla malme. ² Mewö aketka gölmegö sömbupñi pakpak, könakembagö neiñi pakpak, yuai pakpak bapñinan gölme köla ölölöngömakzei aka köwetkö sörañi pakpak mi mönö engö böröñine al engibi enön mi galöm köl engiba malgetka yeñön engöra keñgöt mötmöt aketka jönömñini unduiga malme. ³ Yuai pakpak isikusukñinambuk anda kaba maljei, mi engö neneya aka ahöma. Mutuk yöha yuai görökñi (töngönñi) neneñina al engiala merak yuai pakpak ki mewöyök al engizal. ⁴ Mohokkun mi mönö kude neme. Mi sömbup sepnambuk. Sep mi malmalgö söpsöpñi akzawangöra aka songo ki al engizal.^x ⁵ Nanñini sepnini mi kunñan kun kude mokoma. Kunñan mi mokomawi, miangö likepñan mönö nanñi qakje öngöma. Sömbup kunñan me ambazip kunñan ambazip kun qeiga malmalñangö söpsöpñi mokomawi, miangö likepñan mönö nanñi qakje öngöiga kömuma. ⁶ Anutunöj ambazip nanñi kaisongolomñi tandök meyöhanğöra aka

kun dañön ambazip kun qei kömumawi, kunñan mönö i mewöñañök qei kömuma.^y

⁷ Injini mönö ahum sehiba gwölönarökpuk aka malme. Mewö gölme qakje ahum sehigetka qötöñinan qarim öngöma.”^z

⁸ Anutunöj toroqeba Noa aka nahönurupñi yambuk malgeri, yeñğöra keu kewö jiyök: ⁹ “Nöñön merak injini aka engö gwölönarökurupñini könangep asuhumei, embuk jöhöjöhö areñ akzal. ¹⁰ Mewöñanök yuai malmalñinambuk pakpak, mi mirigö me arökñangö nei sömbupñi pakpak göbuk mala wangenöhök etkeri, mönö gölmegö öröyulai malmalñinambuk pakpak yembuk jöhöjöhö areñ kewö akzal: ¹¹ Nöñön jöhöjöhö areñni mi embuk kewö al köhöizal: Nöñön o göulunöj öröyulai isikusukñinambuk pakpak mi kumbuk kude engubi qahöwakje. O göulu mi gölme ayuhumapköra kumbuk qahö albi kama.” ¹² Anutunöj toroqeba keu kewö jiyök: “Nöñön mönö jöhöjöhö areñ ki mi nani aka injini aka öröyulai malmalñinambuk pakpak embuk maljei, neñgö sutnine albiga teteköñi qahö köhöiba ahöm öngöma. Jöhöjöhö areñ miangö aiwesökñi mi kewö:

¹³ Nöñön nani marilonloñni mi kousunöj albiga ahöma. Nöñön nani aka gölmenöj maljei, neñgö sutnine jöhöjöhö areñ akzali, marilonloñ mianön mönö miangö aiwesökñi aka ahöma. ¹⁴ Nöñön nalö kunöj kousuñi kousuñi gölme qakje öröm engibi eta tokogetka marilonloñan kousunöj asuhumawi, ¹⁵ nalö miangöreñ nöñön jöhöjöhö areñni mi mötmörimam. Mi nani aka injini aka öröyulai malmalñinambuk pakpak tandökñini könanji könanji neñgö sutnine ahali,

^w9:1 Jen 1.28 ^x9:4 Jen 17.10-14; Lew 19.26; Dut 12.16, 23; 15.23

^y9:6 Jen 1.26; Eks 20.13 ^z9:7 Jen 1.28

mönö mia mötmörimam. Mianğöra o mienön kunbuk mewö kude qariba yuai isikusukñinambuk pampak ayuhumegöra göulu ketanji qahö akña.

¹⁶Nalö kunön marilonjonan kousunön asuhumawi, nöñön mi eka mianğöreñök jöhöjöhö areñni mi mötmörimam. Mi teteköñi qahö nani aka öroyuai malmalñinambuk pampak tandökñini könani könani gölme qakñe maljei, neñgö sutnine al köhöibi ahöza.” ¹⁷Anutunön Noagöra mewö jiba toroqeba kewö jiyök: “Nöñön jöhöjöhö areñ ki mi nani aka gölmegö öroyuai malmalñinambuk pampak neñgö sutnine al köhöizal. Jöhöjöhö areñ mianğö aiwesökñi mi mewö.”

Noagö nahönurupñi

¹⁸Noagö nahönurupñi wañgenöhök etkeri, yeñgö qetñini mi Sem, Ham aka Jafet. ¹⁹Yeñön Noagö nahönurupñi karöbut aket. Ambazip pampak deñqerñda gölme dop köla maljini, nini yeñgöreñök asuhuin.

²⁰Noanön kölkömöt azia aka wain kösö nup mutukñi kömörök. ²¹Mi kömörökmö, nalö kunön wain o tosatñi memba neiga uruñi eñololon aiga nanñi opo seri koum uruñe oponñi qeköba sile aukñe ahöyök. ²²Keinangö iwiñi Ham yeñön iwiñan sile aukñe ahöyöhi, mi eka yaigep geba darumunyahötñi jii mörohotka iwiñi mewö gamu qem wañgiyök. ²³Sem aka Jafet yetkön mi mörohotmö, maluku kun memba awötñire ala andöandö öngöba iwiñiran sile aukñe ahöyöhi, mi esuhuyohot. Jeñiri kungen uyohorañgöra aka iwiñiran aukñe ahöyöhi, mi qahö ehot. ²⁴Noanön eñololon aiga imbiñi törörök möta wahöta nahönñi moröñan silik ak

wañgiyöhi, mi mörök. ²⁵Mi möta uruñi öngöiga Hamgöra kewö jiyök:

“Keinan mi jim suehöm wañgizal. Yeñön mönö darumunyahötñi yetkö welenqeaurupñiri yeñgö welenqeaqeñini omañi aka malma.”

²⁶Toroqeba kewö jiyök:

“Anutu, Sempö Kembuñi, ia mönö möpöseizal.

Keinanön mönö Sempö welenqeaqeñi omañi aka malma.

²⁷Anutunön mönö Jafetkö gölmeñi mem qariiga Sempö opo seri koumñine malme.

Keinan yeñön mönö Sem yeñgö welenqeaurupñini omañi aka malme.”

²⁸Göulu ketanjan teköiga Noanön toroqeba (yara) yambu 350:gö dop mal öngöyök. ²⁹Malmalñanğö yambuñi mi mindiriba 950 mianğö dop mala kota kömuyök. Mewö.

Noagö nahönurup yeñgö gwölönarökurup areñini

1 Hist 1.5-23

10 Noagö nahönurupñi Sem, Ham aka Jafet yeñgö gwölönarökurupñini göulu teköiga asuhugeri, yeñgö qet areñini kewö:

Jafetkö gwölönarökurupñi

²Jafetkö nahönurupñi yeñgö qetñini mi Gomer, Magog, Madai, Jawan, Tubal, Mesek aka Tiras. ³Gomergö nahönurupñi yeñgö qetñini mi Askenas, Rifat aka Togarma. ⁴Jawangö nahönurupñi yeñgö qetñini mi Elisa, Tarsis aka Saiprus könagesö aka Dodan könagesö. ⁵Yeñgö isimoröurupñini mi jula deñqerñda Sutñire Köwetkö jitñe aka mianğö gölme johanñi johanñi mianğöreñ nanñini gölmeñine anda malje. Yeñön isikñini dop, kambuñini dop aka keuñini

dop nanjini gölmenjine anda malje. Jafetkō könagesōjī mewō.

Hamgō gwölōnarōkurupjī

⁶Hamgō nahōnurup yengō qetjini mi Kus, ^{**}Ijpt, Libia aka Keinan. ⁷Kusgō nahōnurupjī yengō qetjini mi Seba, Hawila, Sabta, Rama aka Sabteka. Ramagō nahōnyahōtjī yetkō qetjiri mi Seba aka Dedan. ⁸Kusgō nahōnñi kun qetjī Nimrod asuhuyōk. Yañōn qariba wahōta bimqeqegō suahō azi köhöikjī kötōkñi aka gölmenōj malök. ⁹Yañōn Kembugō jemesoholje börōjañ azi köhöikñi malōhañgōra aka keu sainjī kewō jimakze: “Kunōj Nimrod ewō Kembugō jemesoholje börōjañ azi köhöikñi akza.” ¹⁰Nimrodkō bemtohoñi mi gölme kewōje miangōreñ könahiget: Babel, Ereka, Akad aka Kalne. Taon 4 mi Babilonia (Sinar) gölmenōj ahōze. ¹¹Nimrodnoñ Babilonia gölme mosōta Asiria anda miri ketanjī ketanjī qetjini Niniwe, Rehobotir aka Kala mi mem wahōrök. ¹²Mewōyōk Resen mi Niniwe aka siti ketanjī qetjī Kala yetkō sutjire mem wahōrök.

¹³Ijptkō gwölōnarōkurupjī yeñōn Libia könagesō, Anam könagesō, Lehab könagesō aka Naftu könagesō akze. ¹⁴Mewōyōk Patrus, Kaslu aka Krit. Krit mi Filistia könagesō yengō bōmōnñini ahök.

¹⁵Keinangō nahōnñi mutukñi mi Saidon. Yañgō andōje Keinanōj könagesō kewōñjī yengō bōmōnñini ahök: Hit könagesō, ¹⁶Jebus könagesō, Amor könagesō, Girgas könagesō, ¹⁷Hiwi könagesō, Arka könagesō, Sini könagesō, ¹⁸Arwad könagesō, Zemar könagesō aka Hamat könagesō. Keinanōj körek pakpak yengō iwi bōmōnñini aiga yeñōn könangep jula denqenget.

¹⁹Mewō denqengetka Keinan könagesō yengōreñ gölme gōrañi mi miri qetjī Saidon miangōreñök könahiba anda Gerar mire anda Gaza miangōreñ tekōza. Mewōyōk Sodom görōken anda Gomora anda Adma aka Zeboim anda Lasa miangōreñ tekōza. ²⁰Hamgō nahōnurupjī mi isikñini dop, keuñini dop, gölmenjini dop aka könagesō kambuñini dop mewō malje.

Semgō gwölōnarōkurupjī

²¹Jafetkō datjī Sem yañgō nahōnurupjī mewōñanök asuhugēt. Semnōj mewō Ebergō nahōnurup pakpak yengō bōmōnñini ahök. ²²Semgō nahōnurupjī yengō qetjini mi Elam, Asur, Arfaksad, Lidia (Lud) aka Aram. ²³Aramgō nahōnurupjī yengō qetjini mi Uz, Hul, Geter aka Mas. Mewō malget. ²⁴Arfaksadkō nahōnñi Sela asuhuiga yañgō nahōnñi Eber asuhuyōk. ²⁵Ebergō nahōnyahōtjī yahōt asuhuyohot. Kunōj asuhuba mala korōhi, nalō miangōreñ gölme ambazipnōj jula denqenget. Miangōra yañgō qetjī Peleg (Denqen) qetket. Munñangō qetjī mi Joktan. ²⁶Joktangō nahōnurupjī kewō asuhugēt: Almodad, Selef, Hazarmawet, Jera, ²⁷Hadoram, Uzal, Dikla, ²⁸Obal, Abimael, Seba, ²⁹Ofir, Hawila aka Jobab. Azi pakpak mi Joktangō nahōnurupjī. ³⁰Yengō tatat malmal gölmenjini mi miri qetjī Mesa miangōreñök könahiba miri qetjī Sefar miangōreñ görōken anda wehōn kotkotñangō gölme kundunambuk miangōreñ tekōza. ³¹Semgō nahōnurupjī mi isikñini dop, keuñini dop, gölmenjini dop aka könagesō kambuñini dop mewō malje.

³²Noagō isimorōurupjī mi isikurup areñini, könagesōñini aka gölmenjini dop mewō aket. Yeñōn jul sehiba

**10:6 Kus mi Sudan kantrigō qetjī.

deŋqenɗa kōnagesō kambuŋi kambuŋi akeɗka göulu ketanjan tekōiga anda gölme dop köla malget. Mewō.

**Anutunōŋ ambazip yeŋgō
keuŋini mendeŋnōk.**

11 Mutuk miangōreŋ gölmeŋi gölmeŋi pakpak yeŋōn keu mohot jigetka miangōn mindirim enġii malget. ²Mewō mala mosōta wehōn kotkotŋe görōken anda Babilon uruŋe gölme körōŋi ketanji kun miwikŋaiba miangōreŋ miriŋini memba tatket. ³Miangōreŋ tata nanŋinōk kewō eraum-mōtket: “Mōnō kaget. Nini mōnō birik mem mözōzōmgōba kōnōpnōŋ ohoinga köhöikŋi akŋe. “Mewō jiba miri selŋi mēmbingōra kōt jamōnŋiŋ qahōpmō, birik ala sutŋine gölme sapōsapō qandōŋ ewō algetka miangōn birik mi mekōtahōm enġiyōk. ⁴Nup mewō memba kunbuk kewō jiget: “Mōnō kaget. Nini mōnō naninaŋgōra siti kun memba miangōreŋ miri körōpŋi kōtōkŋi (taua) meinga boŋan sup oseima. Mewō oseiga qahō deŋqenɗa gölme pakpak dop köla laŋ anda malbinbukōra mōnō nanini qetbuŋaninambuk akīn.”

⁵Mewō jiba nup megetmō, Kembunōŋ ambazip siti aka miri körōpŋi megeri, mi ekŋamgōra erōk. ⁶Eta mi eka kewō jiyōk: “Yeŋōn simbisembel qahōpmō, urumohot kōnagesō aka keuŋini mohot jiba kinda yuai ki kōnahiba meze ewō, kōnaŋgep i me wai mēmbingō areŋini albeak, mi mōnō miangōra qahō osiba qakōme. ⁷Ayop, nini mōnō gölmeŋōŋ geba keuŋini mem sohoinga kambu kun yeŋōn kambu tosatŋi yeŋgō keuŋini qahō mōt asariba malme.”

⁸Kembunōŋ mewō jiba ambazip miangōreŋ mendeŋqendeŋ enġiiga gölme körek dop köla anda kaba siti memegō nupŋi jōhöba mosōtket. ⁹Kembunōŋ ambazip pakpak yeŋgō keuŋini mem

sohoyōhi, miangōra miri miangō qetŋi Babel (enjololoŋ siksauk) ahōk. Miangōreŋōk Kembunōŋ i mendeŋqendeŋ enġiiga deŋda gölme pakpak dop köla anget. Mewō.

**Qet areŋ Sēmgōreŋōk
kōnahiba Abramgōreŋ anja.**

1 Hist 1.24-27

¹⁰Sēmgō gwōlōnarōkurup yeŋgō qet areŋini ki. Göulu andōŋe yambu yahōt tekōiga Semnōŋ yambuŋi 100 aiga nalō miangōreŋ nahōnŋi Arfaksad asuhuyōk. ¹¹Arfaksadnōŋ asuhuiga miangō andōŋe Semnōŋ toroqeba yambu 500 maliga nalō sutŋe miangōreŋ nahōnbōraturupŋi tosatŋi asuhuget.

¹²Arfaksadnōŋ yambuŋi 35 aiga nahōnŋi Sela asuhuyōk. ¹³Selanōŋ asuhuiga miangō andōŋe Arfaksadnōŋ toroqeba yambu 403 maliga nalō sutŋe miangōreŋ nahōnbōraturupŋi tosatŋi asuhuget.

¹⁴Selanōŋ yambuŋi 30 aiga nahōnŋi Eber asuhuyōk. ¹⁵Ebernōŋ asuhuiga miangō andōŋe Selanōŋ toroqeba yambu 403 maliga nalō sutŋe miangōreŋ nahōnbōraturupŋi tosatŋi asuhuget.

¹⁶Ebernōŋ yambuŋi 34 aiga nahōnŋi Peleg asuhuyōk. ¹⁷Pelegnōŋ asuhuiga miangō andōŋe Ebernōŋ toroqeba yambu 430 maliga nalō sutŋe miangōreŋ nahōnbōraturupŋi tosatŋi asuhuget.

¹⁸Pelegnōŋ yambuŋi 30 aiga nahōnŋi Reu asuhuyōk. ¹⁹Reunōŋ asuhuiga miangō andōŋe Pelegnōŋ toroqeba yambu 209 maliga nalō sutŋe miangōreŋ nahōnbōraturupŋi tosatŋi asuhuget.

²⁰Reunōŋ yambuŋi 32 aiga nahōnŋi Serug asuhuyōk. ²¹Serugnōŋ asuhuiga miangō andōŋe Reunōŋ toroqeba yambu 207 maliga nalō sutŋe

miangörej nahönböraturupji tosatji asuhuget.

²²Serugnön yambuji 30 aiga nahönji Nahor asuhuyök. ²³Nahornön asuhuiga miangö andöje Serugnön toroqeba yambu 200 maliga nalö sutje miangörej nahönböraturupji tosatji asuhuget.

²⁴Nahornön yambuji 29 aiga nahönji Tera asuhuyök. ²⁵Teranön asuhuiga miangö andöje Nahornön toroqeba yambu 119 maliga nalö sutje miangörej nahönböraturupji tosatji asuhuget. ²⁶Teranön yambuji 70 aiga nahönji Abram, Nahor aka Haran asuhuget.

Teragö gwölönarökurupji.

²⁷Teragö gwölönarökurup yengö qet arejini ki. Teragö nahönurupji Abram, Nahor aka Haran asuhuget. Harangö nahönji Lot asuhuyök. ²⁸Haranön Kaldia yengö gölmenön mala nanji ahuahua mirinji qetji Ur miangörej kömuiga Harangö iwinji Teranön toroqeba malök.

²⁹Abram aka Nahor yetkön örörön ambi meyohot. Abramgö anömni qetji Sarai aiga Nahorgö anömni qetji Milka. Milkanön Harangö börtatja ahök. Haranön Milka aka Iska yetkö iwinjiri ahök. ³⁰Sarainön ambi köpina morönji qahöpmö, öne malök.

³¹Teranön nahönji Abram, isinji Lot Harangö nahönji aka iranji Sarai, nahönji Abramgö anömni mi enguan-giriga mohotje Kaldia gölmegö miri qetji Ur mosöta Keinan gölmenön anbingöra anget. Mewö angetmö, Haran miri gölmenön kaba kinda miangörej mirinjini memba tatket. ³²Tatketka Teranön yambuji 205 aiga Haran miri miangörej tata kömuyök. Mewö.

Anutunön Abram oholök.

12^aKembunön Abramgöra kewö jiyök: “Gi gölmegi, könagesögi aka iwigahö miri yuainji mosöta gölme kondel gihimami, mönö miangörej anman. ²Nönön ahumsehip gihibiga gwölönarökurupkan könagesö ketanji akje. Nönön kötuetsköba nangöm gihibiga qetbuagan qariba ketanji akja. Mewö aiga Anutunön göhöra aka könagesö tosatji kötuetsköm engiba malma.

³Denike yejön gi kötuetsköm gihime, nönön mönö i kötuetsköm engiba malmam.

Denike yejön gi jim suehöm gihime, nönön mönö i mewöyök jim suehöm engiba malmam.

Göhöra aka nongö kötümötuetnan mönö gölmegö könagesö kambuji pakpak yengö qakjine öngöiga oyaenkoy-aej akje.”^b

⁴Mewö jiiga Abramnön Kembunön jiyöhangö dop Haran miri mosöta aniga Lotnön yambuk anohot. Abramnön yambuji 75 aiga miangörej Haran miri mosöta anök. ⁵Anmam jiba anömni Sarai, behötji Lot, sukinapji pakpak qezakögetka sehiyöhi aka welenqege ambazip Haran mirinön mala enjömegeri, mi memba enguanqita mosöta Keinan gölmenön anbingöra anda mala miangörej angotket.

⁶Abramnön gölme miangörej anda mala mala miri qetji Sekem miangörej kangota in ip ketanji qetji More miangö kösutje koumji qeba tarök. Nalö miangörej Keinan ambazip yejön lök gölme miangörej malget. ⁷Mewö malgetka Kembunön Abramgörej asuhaba kewö jiyök: “Gölme ki mi mönö göhö gwölönarökurupki yengö bujaya qem enjimam. “Mewö jiiga

^a12:1 Apo 7.2-3; Hib 11.8 ^b12:3 Gal 3.8

Abramnön Kambu yangöreñ asuhuyöhi, yangöra jöwöwöl ohohogö altañi kun miangöreñ meyök.^c

⁸Miangöreñök mosöta toroqeba Betel mirigö wehön kotkotñe göröken gölme kundunambuk miangöreñ anda opo seri koumñi mörörengöba kuñgui kinök. Mewö kiniga Betel miri mianñon wehön gegeñe göröken tariga Ai taonöñ wehön kotkotñe göröken tarök. Mewö tarohotka sutñire kinda Kembugö jöwöwöl altañi kun miangöreñ mamba Kembugö qetñi qeta köuluköm wañgiyök. ⁹Miangö andöñe gölme mi mosöta toroqeba Saut göröken anda distrik qetñi Negew miangöreñ tata malget. Mewö.

Abramnön Ijpt kantrinön anda malök.

¹⁰Nalö miangöreñ Keinan gölmenön bödi (buörö) asuhuiga mianñon köhöiba lömbötñi aiga Abramnön Ijpt kantrinön kusukñanök malbingöra anget. ¹¹Könanön anda Ijpt dopdowigetka Abramnön miangöreñ anömñi Saraigöra keu kewö jiyök: “Mötnön, göñon ambi eksihingabuk akzani, mi mötzal. ¹²Mewögöra Ijpt azi yeñon gi geka kewö jime: ‘Ki yangö anömña.’ Mewö jiba ni nuñguget kömumam-mö, gi gehorigetka malman. ¹³^dMiangöra göñon mönö kewö jiman: ‘Ni yangö nenna.’ Mewö jinöñga göhöra aka ölpñanök ak niñgiba nöñgö malmalni gou kölgetka malmam.”

¹⁴Abramnön Ijpt kaiga Ijptkö ambazipñi yeñon Sarai eketka ambi eksihimñambuk qetpuk ahök. ¹⁵Miangöreñök Farao kiñ kembugö pom jembonurupñi yeñon i ekerangöra Farao kiñgöreñ anda Saraigö silenji möpöseigetka mörök. Mi möta jiiga Sarai wañgita kiñ kembugö jakömbuak miri uruñe öñgöget. ¹⁶Öñgögetka Farao

kiñnön Saraigöra aka Abram ölpñanök ak wañgiyök. Mewö ak wañgiiga yuai kewöñi mi Abramgö buñaya ahök: lama, bulmakau, doñki aziñi aka ambiñi, welenqeçe azi aka ambi aka kamel jesöñgöñi mi Abram wañgiiga buña qem añguyök.

¹⁷Mi buña qem añguyökmö, Kem-bunön Abramgö anömñi Sarainön Farao kiñgö mire malöhañgöra aka jiiga kawöl bölöñi kötokñan Farao kiñ aka ambazip yangö jakömbuak mire malgeri, yeñgö qakñine öñgöyök. ¹⁸Mi öñgöiga Farao kiñnön Abram köl öroi kaiga kewö qesim wañgiyök: “Göñon mönö wani kimbua ak niñginön? Wuanöñgöra ‘Mi anömna,’ mewö qahö jinöñga möral? ¹⁹Wuanöñgöra ‘I mi nena,’ jinöñ? Mewö jinöñga nöñon i anömna akñapköra wañgiral? Anömgi ki. Mönö i wangita anohot.”

²⁰Mewö jiba aziurupñi jim kutum eñgiiga Abram wañgita könanön anda al eñgigetka anömñi aka öroyuaiñi pakpak ahöm wañgiyöhi, mi mamba eñguangita anget. Mewö.

Lot aka Abram yetkön deñnohot.

13 Abramnön Ijpt gölme mosöta anömñi aka bau inap yuaiñi pakpak mamba eñguangita Lotpuk mohotñe liliñgöba anda Keinan gölmegö Saut likepñi qetñi Negew miangöreñ kañgotket. ²Abrangöreñ lama bulmakau aka goul silwö mi lömbötpuk ahöm wañgiiga azi kindiñbirik malök. ³Mewö mala Negew distrik uruñe tata mosöta kusukñanök rowoñqeñeñe ahöba wahöta anda mala Betel mire kañgotket. Opo seri koumñi mutuk Betel aka Ai miri mietkö sutñire kuñgui kinöhi, mönö miangöreñ kañgotket. ⁴Mutuk jöwöwöl

alta meyöhi, mönö miangörej kanğota Kembangö qetji qeta köuluköyök.

⁵Lotnön Abrambuk tata mosöta malöhi, yañon mewöjanök lama bulmakau kambuñi kambuñi aka opo seri kounñi kounñi mi gwötpuk memba malök. ⁶Mewö mala sömbup sukinañ yuainjiri gwötpuk ketañi ahöm etkiiga gölmenön qahö dop kölö. Mi örörön gumohom engienjigö dop qahö ahöiga mohotje tata malmalgö lömböriba osiyohot. ⁷Osiba Abram aka Lot yetkörej sömbup galömurupñiri yengö sutjine gölmegö angururuk asuhuyök. Nalö miangörej Keinan könagesö aka Periz könagesö yeñon gölme miangö tonji aketka yembuk mohotje malget.

⁸Mewö mala Abramnön Lotköra kewö jii mörök: “Niri mönö iwi moröya maljit. Miangöra ni aka gi sutnire me sömbup galömurupñiri yengö sutjine angururuk kude ahöma. ⁹Miangöra ölop denbit. Gölmepakpak mönö göhö jemesoholge aukje ahöm anjawi, mi ölop ekzan. Mewö aiga göñon qaninire göröken anmam jiman ewö, nöñon ölop ölnire göröken anmam. Me göñon ölnire göröken anmam jiman ewö, nöñon ölop qaninire göröken anmam.”

¹⁰Mewö jiiga Lotnön uba wahöta Jordangö gölme köröñi ketañi pakpak ehiga Anutunön mi ölop mem kelöriga Kembangörej oyaenkoyaeñ arö kelökjambuk ewö ahök. Mi Ijpt yengö gölme ewö ahöba Zoar miri göröken anök. Mutuk Kembunön Sodom aka Gomora qahö ayuhum etkiiga nalö miangörej gölme mi mewö ahöyök.

¹¹Mewö ahöiga Lotnön mi ek kewöta Jordangö gölme köröñi ketañi pakpak mi möwölöhöba wehön kotkotje göröken anök. Mewö aka dennohot.

¹²Denja Abramnön Keinan gölmenön

anda malökmö, Lotnön gölme köröñi ketañangö taonñi taonñi yengö sutjine anda kaba malök. Mewö mala opo seri kounñi meköba memba kuñguba anda kinda teteköñe Sodom kösutje angota malök. ¹³Miangörej malökmö, Sodom könagesö yeñon könagesö tandök bölöñi aka Kembu qetala siñgisöndok keta bölöknji aka memba malget.

Abramnön Hebron gölmenön anda tata malök.

¹⁴Lotnön Abram umbula aniga nalö miangörej Kembunön Abramgöra keu kewö jiyök: “Mönö jegi ötok ala mesoholge uba wahöta elejda andöge uba mewöyök wehön kotkotje aka wehön gegeñe göröken unön. ¹⁵Gölmepakpak ki ekzani, mi mönö gi aka göhö gwölönarökurupki engö buñaya qebi nalö teteköñi qahö buñajina ahöm öngöma. ¹⁶Nöñon gwölönarökurupki ahumsehip gwötpuk engibiga qötöñinan qariba gölmegö sakösakñi (sakösiñi) ewö akña. Kun dañon sakösiñi kötnji miengö jangöñini oyonbawak, yañon ölop gwölönarökurupki yengö jangöñini mema. ¹⁷Nöñon gölme ki mönö göhö buñaya qem gihizal. Miangöra ölop wahöta anda kaba gölme pakpak ki bahöbahö euke emuke ek kutuba malman.”

¹⁸Mewö jiiga Abramnön wahöta opo seri kounñi qeköba memba kuñguba anda Hebron gölmenön kaba Mamre mire in ip ketañi kin angeri, miengö kösutjine tarök. Miangörej tata Kembangöra jöwöwöl alta kun meyök. Mewö.

Abramnön Lot mi kerök yengö böroñneyök meköyök.

14 Nalö miangörej Babilongö (Sinargö) kiñi qetji Amrafel, Elargö kiñi qetji Ariok, Elargö

kiŋi qetŋi Kedorlaomer aka Goimgö kiŋi qetŋi Tidal malget. ²Yeŋön kiŋ kewö miembuk könahiba bim auget: Sodom taongö kiŋi qetŋi Bera, Gomora taongö kiŋi qetŋi Birsä, Adma taongö kiŋi qetŋi Sinab, Seboim taongö kiŋi qetŋi Semeber aka Bela (qetŋi alaŋi Zoar) taon miangö kiŋi. ³Kiŋi pakpak kienön örue (ruerue) qetŋi Sidim miangöreŋ tokoba kukösumŋini mindiriba jöhöjöhö aket. Sidim örüenön nalö kewöŋe Sihi Köwet Köhömuŋi mi ahöza. ⁴Yeŋön yambu 12:gö dop Kedorlaomergö jimkutukutu bapŋe mala kota yambu 13 miangöreŋ yangö keu bapŋe anbingö qetala karim aka yarö gilget.

⁵Mewö aketka yambu 14 miangöreŋ Kedorlaomer aka kiŋi tosatŋi yambuk jöhöjöhö aka malgeri, mienön kaba kö-nagesö kewöŋi yembuk bim qeba luhut alget: Refa kö-nagesö mi Asterot Karnaim mire eŋguba luhut alget. Zuzi kö-nagesö mi Ham mire aka Eme kö-nagesö mi Kiriataim miri miangöreŋ eŋguba luhut alget. ⁶Hor kö-nagesö mi Seir gölme kundunambuk miangöreŋ eŋguba eŋguatangöba anda anda El Paran miri miangöreŋ aŋgota luhut al eŋgiget. El Paran mi gölme qararaŋkölköŋangö göräŋe ahöza. ⁷Luhut al eŋgiba miangöreŋök lilingöba En Mispät (qetŋi alaŋi Kades) miangöreŋ kaba Amalek kö-nagesö luhut al eŋgiba gölmeŋini pakpak aŋgön köŋget. Amor kö-nagesö Hazezon Tamar gölmeŋi malgeri, mi mewöŋanök eŋguba luhut al eŋgiget.

⁸Mewö asuhiiga Sodongö kiŋi, Gomoragö kiŋi, Admagö kiŋi, Zeboimgö kiŋi aka Bela (qetŋi alaŋi Zoar) miangö kiŋi yeŋön wahöta asasaitiba Sidim örüenön aŋgota kiŋi kewö miembuk bim qebingö jaböŋi ala aröŋda kinget: ⁹Elamgö kiŋi Kedorlaomer, Goimgö kiŋi Tidal, Babilongö (Sinargö) kiŋi Amrafel aka

Elasargö kiŋi Ariok. Kiŋi 4 mienön kiŋi 5 yembuk aröŋget.

¹⁰Mewö aröŋgetmö, Sidim gölme örue miangöreŋ löm dodoho sapösapöŋambuk miangön kokolak qeba tarök. Mewö tariga Sodom aka Gomora taon mietkö kiŋiran yarö aziurupŋiri yembuk unjurata aŋgaitketka azi tosatŋan löm miangöreŋ tötohiba qeba eŋguyök. Mewö eŋguiga alaurupŋini tosatŋi pakpak yeŋön ölöŋ köla unjurata gölme kundunambuk miangöreŋ öŋgöget. ¹¹Öŋgögetka kiŋi 4 mienön Sodom aka Gomora anda sukinapŋini aka numbu neneŋini pakpak mi kiom köla memba tököba aŋget. ¹²Abramgö behötŋi Lot yangön Sodom malöhaŋgöra aka i mewöŋanök sukinapŋambuk waŋgita aŋget.

¹³Mewö aŋgetka azi kunŋan ölöŋ köla misiŋgöba kaba miangö buzup keuŋi mi Hibru (kian) azi Abramgöra jii mörök. Nalö miangöreŋ Abramnön Amor azi qetŋi Mamre yangöreŋ in ip ketäŋi ketäŋi miengö kösutŋine malök. Mamrenön munyahötŋi qetŋiri Eskol aka Aner yetpuk mohotŋe Abrambuk jöhöjöhö aka malget. ¹⁴Abramnön behötŋi Lot waŋgita angeri, miangö keuŋi möta aziurupŋi 318 nanŋi mire asuhuba mötmöt möta bimqeŋe köŋ guliba malgeri, mi eŋgohol tokoba kerök kambu eŋguatangöba Not göröken anda mala Dan mire aŋgotket.

¹⁵Abramnön aziurupŋi mendeŋ eŋgiga yeŋön suŋgem miangöreŋ közöla kerök kambu qeraköm eŋgimemba luhut al eŋgiget. Luhut al eŋgiba eŋguatangöba anda mala Damaskusgö Not likepŋe miri qetŋi Hoba miangöreŋ aŋgotket. ¹⁶Miangöreŋ aŋgota sukinap pakpak kiom qeba memba angeri, mi miwikŋaiget. Behötŋi Lot aka yangö öröyuaiŋi mi memba waŋgita lilingöba kayök. Sodom aka Gomora yeŋgö ambimoröurupŋini

aka ambazip tosatji mi tok lökjanök enğuangita kaget.

Melkizedeknōj Abram kötuetkōm waŋgiyök.

¹⁷ Abramnōj mewō Kedorlaomer aka kiŋ tosatji yambuk jöhōjöhō aka malgeri, mi enġuba luhut al enġiba liliŋgōba kaiga Sodomgō kiŋi yaŋōn Sawe örue (qetji alaŋi Kiŋgō örue) miaŋgōreŋ miwikŋaiba ekjamgōra anök. ¹⁸ Nalō miaŋgōreŋ Melkizedek Salemgō kiŋi miaŋōn bered aka wain o memba kayök. Yaŋōn Anutu öŋgōŋgōŋgō jike nup galōmŋi ahök. ¹⁹ Mewō aka Abram kötuetkōm waŋgiba keu kewō jiyök: “Anutu öŋgōŋgōŋan suep gölme miwikŋaim etkiyōhi, yaŋōn mönō Abram gi kötuetkōm gihii malman. ²⁰ Anutu öŋgōŋgōŋan kerökurupki göhō börōge al enġiyōhi, mönō i möpōseizin. “Mewō jiiga Abramnōj öröyuaŋi pakpak mendeŋniga kambu ten asuhuiga miengōreŋök mohot mohot (10%) memba naluha waŋgiyök.

²¹ Mi waŋgiiga Sodomgō kiŋan Abramgōra kewō jiyök: “Ambazipurupni mia niŋgimanmō, sukinap mia mönō nangi buŋaya akŋa.”

²² Mewō jiyökmō, Abramnōj Sodomgō kiŋaŋgōra kewō jiyök: “Keuni köhöimapkörā nōŋōn börōni Kambu Anutu öŋgōŋgōŋi Suep gölme miwikŋaim etkiyōhi, yaŋgōreŋ görōken memba wahōta jōjōpaŋ keu kewō jizal: ²³ Nōŋōn göhöreŋ yuai kun mi qahō kötökŋi memam. Möt kösōgahō kitipŋi me köna esugahō kösōŋi mi mewōŋanök qahō memam. Mewō akiga göŋōn könaŋgep kewō jibanbuk: ‘Nōŋōn Abram yuai waŋgibiga yaŋōn azi pomŋi qetbuŋaŋambuk aka malja.’ Göŋōn mönō mewō jimamgō osiba

malman. ²⁴ Nōŋōn yuai kun qahō toroqeba memam-mō, aziurupnan wani yuaia negeri, mi lök enġigetka dop köl tekōza. Mewōyök azi alaurupni Aner, Eskol aka Mamre nömbuk kageri, yeŋōn mönō töwa jijiŋinaŋgō dop meme. “Mewō.

Anutunōj Abrambuk jöhōjöhō areŋ ahök.

15 Mewō asuhuiga Abramgō jeŋi meleŋniga imut ehiga Kembunōj keu kewō jii kaiga mörök, “Abram, gi keŋgōtki kude mötman. Nōŋōn göhō sumanga akzal. Göhō töwagi mönō keta bölökŋi aka ahōma.”

² Keu mewō kayökmō, Abramnōj kewō jiyök, “O Kambu ketaŋamni, ni nahōnbōratni qahō malbiga töwa niŋginōŋga miaŋōn mönō denōwō baukōm niŋgibawak? Nōŋōn kömumbiga Damaskus azi Eliezer yaŋōn nōŋgō sukinapnaŋgō toŋi akŋa.” ³ Mewō jiba toroqeba kewō jiyök, “Gōŋōn gwölōnarökni kun qahō niŋginōŋaŋgōra nup azini bohōŋan nōŋgō mire maljawi, yaŋōn mönō nōŋgō öröyuaŋi pakpak buŋa qem aŋguma.”

⁴ Mewō jiiga Kembugōreŋ keu jit kun mi yaŋgōreŋ kewō kaiga mörök, “Azi mi-aŋōn sukinapakahō toŋi qahō akŋapmō, nangi silegeyök morō nahōn kun asuhumawi, yaŋōn mönō göhō öröyuaigi pakpak buŋa qem aŋguma.” ⁵ Keu mewō kaiga Anutunōj Abram waŋgita gumnōj geba keu kewō jii mörök, “Mōnō suepnōj unōj öŋgōiga seŋgelau oyōŋ enġimanaŋgō dop akŋa ewō, mi mönō ölop oyōŋ enġiman. “Mewō jiba kewō toroqeba jiyök, “Göhō gwölōnarökurupki yeŋgō qötōŋinan mönō miaŋgō dop akŋa.”

⁶Mewö jiiga Abramnön Kembu möt narim wanjiiga mötnaripni ehi dop köliga keuñi jim teköiga solaniyök.ⁱ

⁷Kembunön toroqeba keu kewö jii mörök, “Nönön Kembu akzal. Gi Kaldia gölmegö miri qetñi Ur miangöreñ malnönnga goaŋgita ki kait. Gölme ki gihibi buña qem aŋgumangöra aka gi goaŋgita ki kait.”

⁸Mewö jiyökmö, Abramnön kewö jiyök, “O Kembu ketañamni, gölme kianañön nönögö buñaya akñawi, mi mönö wani aiwesöha eka möt kutumam?”

⁹Mewö jiiga Kembunön yaŋgöra kewö jiyök, “Gi mönö anda bulmakau ambi seramñi yambuñi karöbut, meme (noniñ) ambiñi yambuñi karöbut aka lama aziñi yambuñi karöbut aka kembö kun aka kembö supsup dölökunñi kun mi memba nönögöreñ kaman.”

¹⁰Mewö jiiga Abramnön anda mi pakpak körek memba kaba sömbup mi bibiñine qesiñ eŋgiba likepñi likepñi mi areŋgöiga köna likep likep aröñnön ahöget. ^{††}Mewö ahökmö, nei mi qahö qesiñnök. ^{††}Qahö qesiñda qamötñini likep likep areŋgöm eŋgiiga nei kalñi yeñön kaba qamöt yeŋgö qakñine eta kölgetmö, Abramnön mi közöl eŋgiiga anget.

¹²Wehön jeñi teköba gemamgö aiga nalö miangöreñ Abramnön jeñi eta meiga gaun lömbötñi ahöyök. Mewö ahöiga pandaman göjiwinaŋgö kanjanñi mianñön kaba turum waŋgiyök.^j

¹³Turum waŋgiiga Kembunön kewö

jii mörök, “Keu ki mönö ölja mötman: Göhö gwölönarökurupkan mönö nanñini gölmeñini mosöta kantri kunön anda kiana mala mal öngöme. Mewö mala yeŋgö welenqeQurupñini omañi aketka i yambu 400:gö dop tulungöm eŋgiba malme.^k

¹⁴Mewö malmemö, nönön kantri welenqeQurupñini omañi aka malmei, yeŋgö keuñini mewöyök jim teköba likepñi meleñbiga qakñine öngöma. Mewö mi öngöiga pösat eŋgigetka kantri mi mosöta sukinapñini gwötpuk memba lilingöba kame.^l ¹⁵⁻¹⁶Nönön Amor könagesö mi gölme kiangöreñ zilañ qahö eŋguatangömam. Mutuk siŋgisöndokñi siŋgisöndokñi aka bölimqölim tekögetka likepñi törörök meleñ eŋgimamaŋgö nalöñan akñawi, nalö miangöreñ mönö i eŋguatangömam. Miangöra göhö isiurupki yeŋgö isiurupñinan asuhuba malmei, ^{††}nalö miangöreñ göhö gwölönarökurupkan mönö lilingöba ki kame. (15) Yeñön mewö kamemö, nangak mutuk yambugahö nalöñi öläm kömuiga luainön iwiasaurupki yeŋgöreñ anönga löm köl gihime.”

¹⁷Kembunön mewö jiiga wehön jeñan teköba geiga pandaman meiga yuai kewö asuhiiga ehök: Kimbut kungö uruñe könöp bölamñan kököbilikbilikñambuk jeba asariiga köwak köndumñambuk pukpuköyök. Yuai mianñön asuhuba sömbup qamöt

^{††}15:10 Nalö miangöreñ jöhöjöhö areñ aka mi silik mewöñi mianñön mem köhöizema. Azinön sömbup likepñi yahöt mietkö sutñire kinda mindirim etkiba jöhöjöhö mi tönguba galöm köljapma.

^{††}15:15-16 Yambu 430 nalö mi kewö oyonget: Liwainön malmal yambuñi 137 miangöreñök yambu 80 mi Ijpt malök. Yaŋgö andöñe azi kewöñan yambuñini kewö Ijpt malget: Kehat 133, Amram 137, Moses 80. (Miangö andöñe Mosesnön Ijpt mosöta toroqeba yambu 40 malök.) Mi mindiriba yambu 430 ahök. Ex 6.16, 18, 29 Dut 34.7

ⁱ15:6 Rom 4.3; Gal 3.6; Jei 2.23 ^j15:12 Job 4.13, 14

^k15:13 Eks 1.1-14; Apo 7.6 ^l15:14 Eks 12.40-41; Apo 7.7

qesinqesinji miengö sutñine kinda anda kayök.

¹⁸Kembunöñ mewö sömbup likepñi likepñi miengö sutñire anda kaba sömañ miangöreñ Abrambuk jöjöhö areñ aka (kaisöpsöpñan mi mem köhöiba) keu kewö jii mörök, “Nöñön gölme ki mi göhö gwölönarökurupki yeñgö buñaya qem engimam. Miangö jaböñi mi Ijip-tkö o töwatñi (Nail) miangöreñök kö-nahiba kaba ki onğita anda o töwatñi ke-tañi qetñi Yufreitis miangöreñ teköma.^m ¹⁹Nalö kewöñe mi könagesö kewö yeñgö gölmeñina ahöza: Kin könagesö, Kenas könagesö, Kadmon könagesö, ²⁰Hit könagesö, Periz könagesö aka Refaim könagesö, ²¹Amor könagesö, Keinan könagesö, Girgas könagesö aka Jebus könagesö. Yeñgöreñ gölme pak-pak mi mönö körekñanök memba dop köla anme. “Mewö.

Hagar aka Ismael

16 Abramgö anömñi Sarainöñ köpin mala morö qahö meyökmö, Saraigö welen ambi qetñi Hagar malök. Mi Ijipt ambia. ²Yañön malöhañgöra Sarainöñ Abramgöra kewö jiyök: “Kembunöñ soñgo jöhöm niñgiiga morö qahö mealangöra gi mönö welen ambini menöñga gölöm ala morö kun meiga nöñgö buñaya asuhubawak. “Mewö jiiga Abramnöñ Saraigöreñ keugöra urumohot ahök. ³Abramnöñ Keinan gölmenöñ yambu 10 mal teköiga nalö miangöreñ Sarai Abramgö anömñan Ijiptkö welen ambiñi Hagar memba apñangö anömñi akñapköra wañgiyök. ⁴Mewö wañgiiga memba maliga gölöm alök. Gölöm ala mi möta galöm ambiñi Sarai könahiba jijiwilit ak wañgiyök.

⁵Mewö ak wañgiiga Sarainöñ Abramgöra kewö jiyök: “Urunan böliiga sihimbölö mörakzali, miangö keuñan

mönö göhö qake öñgöba ahöma. Nöñön welen ambini göhö böröge albiga gölöm ala mi möta miangöreñök könahiba jijiwilit ak niñgiba malja. Miangöra Kembunöñ mönö ni aka gi netkö sutñire keu kewöta jim teköma.”

⁶Mewö jiiga Abramnöñ kewö jiyök: “Welen ambigi miangön nange böröge maljawañgöra wania mötnöñga dop köljawi, mönö miangö dop i ak wañgiman. “Mewö jiiga Sarainöñ Hagar lañ örö-mureim ak wañgiiga mosöta tököba ölöñ köla anök.

⁷Aniga Kembugöreñ garata kunöñ gölme qararañkölkölñe o jeñi kungö kö-sutñe miwikñaim wañgiyök. O jeñi mi Sur mire anangö köna jitñe miangöreñ ahöza. ⁸Miangöreñ miwikñaim wañgiba kewö jiyök: “Hagar, Saraigö welen ambiñi, gi mönö denikeyök kazana denike anman?” Mewö jiiga kewö meleñnök: “Ni galöm ambini Saraigöreñök asam-böta ölöñ köla kazal.”

⁹Mewö jiiga Kembugöreñ garatanöñ Hagar kewö jim kutum wañgiyök: “Gi mönö kunbuk Saraigöreñ anda welenñi qeba yañgö keu bapñe malman.” ¹⁰Keu mi toroqeba kewö jii mörök: “Hagar, nöñön mönö göhö gwölönarökurupki ahum sehim eñgibiga qötöñini oyonoy-onğö dop qahö aiga malme.”

¹¹Kembugöreñ garatanöñ kunbuk toroqeba Hagargöra kewö jiyök: “Gi moröbuk akzana nahöngi meman. Dölki tapötkokorok möta sahötnöñga mi mönö Kembugö kezapñe geiga mötza. Miangöra morögö qetñi Ismael qetman. (Ismael Anutunöñ kezapñan mötza.) ¹²Yañön azi doñki bau kömböt ewö aka (nanñi imbi-imbi qakñe lañ anda kaba) malma. Yañön böröñan ambazip pakpak qetal eñgiiga ambazip pakpak yeñön i qetal wañgiba malme. Yañön

munurupji pakpak yembuk kerök-kerök aka nanjök kekelolo malma.”

¹³Mewö jiiga Hagarnönj kewö jiyök: “Nönön mönö dölki kunön ni nehakzawi, i ekzal. “Miangöra Kembu yangöra keu jiyöhi, yangö qetji kewö qet wangiyök: “Gi Kembu ni nehakzananön akzan. “Qetji mewö qerök. ¹⁴Könañi miangöra aka o löm miangö qetji mi Ber Lahai Roi (Malmalnjambuk mala nehakzawangö o lömni) qetketka ahöza. O löm mi toroqeba miri yahöt qetjiri Kades aka Bered mietkö sutjire ahöza.

¹⁵Hagarnönj Abramgö morö nahönji meyök. Abramnönj nanji moröñi Hagar meyöhi, yangö qetji Ismael qerök. ¹⁶Abramnönj yambuñi 86 aiga Hagarnönj Ismael morö mi Abramgöra meyök. Mewö.

Jöhöjöhö arengö aiwesökñi mi sile yandiyandi.

17 Abramnönj yambuñi 99 aiga Kembunönj asuhum wangiba keu kewö jiyök: “Nönön Anutu kukösum pakpakö Toñi akzal. Miangöra gi mönö nongö keuni tem köla pöndañ ahakmeme diñdijni wuatangöba malman. ²Nönön jöhöjöhö areñ mi gi aka ni netkö sutnire ahali, mi mem köhöiba ahumsehip gihibi gwölönarökurupki yengö jangöñinan mönö keta bölökñi akña.”

³Mewö jiiga Abramnönj simin köla bamgöiga Anutunönj yangöra keu kewö jiyök: ⁴“Mötman, nönön jöhöjöhö areñni göbuk kewö akzal: Göñön könagesö gwötpuk yengö iwi bömönjina akñan. Keu mewö jim jöhöbi ahöma. ⁵Göhö qetki Abram mi

qahö toroqeba qetketka ahömappmö, göñön könagesö gwötpuk yengö iwi bömönjina akñangöra kuñgum gihizali, miangöra qetki mönö Abraham qetketka ahöma. ⁶Nönön ahumsehip gihibiga gwölönarökurupki mi önöñi qahö asuhume. Yeñön jula deñda könagesö kambuñi kambuñi gwötpuk akñe. Göhö gwölönarökurupki yengöreñök tosatñan kiñ kambuñi kambuñi akñe.

⁷Nönön mönö jöhöjöhö areñni mi nani aka gi, göhö gwölönarökurupki göhö andöge toroqeba asuhum öngömei, neñgö sutnine al köhöibiga teköteköñi qahö ahöm öngöba ahöma. Nönön göhö Anutuñi aka gwölönarökurupki göhö andöge asuhum öngömei, mönö yengö Anutuñina aka malmam.^p ⁸Gi Keinan gölmenönj kiana maljani, nönön gölme mi jömukñanök gi aka göhö gwölönarökurupki engö buñaya qem engibiga buñajini teteköñi qahö ahöm öngöba ahöma. Mewö ahöiga nönön mönö yengö Anutuñina aka malmam.”^q

⁹Anutunönj Abrahamgöra mewö jiba toroqeba keu kewö jiyök: “Mewö malmam-mö, göñön mönö nongö jöhöjöhö areñnanngö keuñi mi tem köla wuatangöba malman. Göhö gwölönarökurupki göhö andöge toroqeba asuhum öngömei, yeñön mönö mewöñanök mi tem köla wuatangöba mala mal öngöme. ¹⁰Gi aka göhö gwölönarökurupki embuk jöhöjöhö areñni aka mi wuatangömegöra jizali, miangö aiwesökñi mi kewö: Engö sutjine azi pakpak yengö sileñine mönö nongö aiwesökni yandime.”^r

¹¹Nongö aiwesökni mönö sileñine yandime. Miangön jöhöjöhö areñ ni aka

^{¶¶}17:5 Abram mi iwi öngöngöñi. Abraham mi könagesö gwötpuk yengö iwi bömönjini.

^m16:15 Gal 4.22 ^o17:5 Rom 4.17 ^p17:7 Luk 1.55 ^q17:8 Apo 7.5

^r17:10 Apo 7.8; Rom 4.11

engö sutnine albi ahözawi, miangö aiwesökña ahöm öngöma.

¹²Nalö kewöneyök könahiba azi pakpak engö sutnine toroqeba asuhum öngömei, yengö silejine mönö sömañini 8 aiga miangörej nöngö aiwesökni yandiba malme. Nanñine miri uruñe nanñini aka welenqequeurupñini yengörej morönahönurupñini asuhumei, mi mönö örörön ak engiba malme. Welenqeque tosatji mi kian yengörejök monejñöh bohonñini megetka yengö morö nahönñini asuhume. Yeñön nanñini gwölönarökurupñini qahö akzemö, mi töndup nöngö aiwesökni mi mönö yengö silejine mewöñanök yandiba malme. ¹³Welenqeque tosatñan nanñine miri uruñe asuhugetka welenqeque tosatji mi monejñöh bohonñini megetka yengö morö nahönñini asuhume. Nöngö aiwesökni mi mönö yengö silejine mewöñanök yandiba malme. Nöngö jöhöjöhö areñnanö aiwesökñi silejine yandime, mi mönö jöhöjöhö areñ teteköñi qahö ahöm öngömapköra jim köhöizal. ¹⁴Azi kun danön nöngö aiwesökni sileje qahö yandigetka öne malmawi, yañön mönö nöngö jöhöjöhö areñni ongita qetalakza. Miangöra azi mewöñi mi mönö nanñi ambazip kambu engö sutñineyök yakörim wañgigetka yaigep eta malma.”

¹⁵Anutunöñ toroqeba Abrahamgöra kewö jiyök: “Gi anömgahö qetji Sarai mi kude toroqeba qeta malmanmö, yañgö qetji mönö Sara (jembon ambi) qeta malman. ^{§§16}Nöñön Sara kötuatköm wañgibiga yañön göhöra morö nahön kun mema. Nöñön kötuatköm wañgibiga yañön ambazip kambuñi kambuñi gwötpuk yengö nam bömönñina akña. Yañgö

gwölönarökurupñi yengörejök tosatñan könagesö kambu yengörej azi kembuñi kembuñi akñe.”

¹⁷Kembunöñ mewö jiiga Abrahamnöñ mi möta simin köla bamgöba uruñan kewö mötmöriba miangöra gön kölök, “Azi yambuni 100 akiga morö nahönan mönö denöwö asuhubawak? Mewöyök Saranöñ yambuñi 90 aiga mönö denöwö morö membawak?” ¹⁸Abrahamnöñ mewö mötmöriba welipköba Anutu kewö qesim wañgiyök: “Göñön ölop Ismael kuñgum wañginöñga qetki bisiiga nöngö gwölönarökurupni mi yañgörejök asuhume.”

¹⁹Mewö qesiiga Anutunöñ kewö meleñök, “Anömgö Saranöñ mönö göhö morö nahöngi mema. Mi meiga qetji Aisak (gön kölja) qetman. Nöñön Aisakpuk aka yañgö gwölönarökurupñi yembuk jöhöjöhö areñni mi al köhöibiga teteköñi qahö ahöm öngöma. ²⁰Ismael kötuatköm wañgimamgö qesim niñgizani, mi mewöyök ölop möt gihiba kötuatköm wañgimam. Yañön azi kembu 12 miengö iwi bömönñini akña. Nöñön ahumship wañgibiga gwölönarökurupñi yengö jañgöñinan mönö keta bölöknj akña. Yeñön sehiba könagesö kambu ketanji akñe.

²¹Mewö akñemö, Saranöñ nahöngi Aisak mi yambu euneangö nalö kewöñe memawi, nöñön mönö nani jöhöjöhö areñni mi yambuk al köhöimam.” ²²Anutunöñ Abrahambuk keu jiyohori, mi teköiga i mosöta wahöta öngöyök.

²³Wehön miangörejök Abrahamnöñ Anutugörej keu tem köla nanñi nahönñi Ismaelgö sileje Anutugö aiwesökñi yandiyök. Mewöyöhök welenqequeurupñi nanñi miri uruñe asuhugetka tosatji monejñöh bohonñini meiga malgeri, azi pakpak

§§17:15 Qetji kewögöra uteköyök: Yañön ambazip kambuñi kambuñi gwötpuk aka kiñ kembu tosatji yengö nam bömönñina akña.

mi yangö miri uruŋe tatkeri, i mönö körek mewöŋanök ak enġiyök. ²⁴Abrahamnön yambuŋi 99 aiga sileŋe aiwesök mi yandiget. ²⁵Nahönŋi Ismael mi yambuŋi 13 aiga sileŋe mi yandiget. ²⁶Abraham aka nahönŋi Ismael yetkö sileŋire aiwesök mi sömaŋ mohot miangöreŋök yandiget. ²⁷Azi pakpak Abrahamgö miri uruŋe tatkeri, tosatŋan nanŋi miri uruŋe asuhugetka tosatŋi mi kian yengöreŋök bohonŋini meiga malgeri, körek yengö sileŋine aiwesök mi mewöŋanök yandiget. Mewö.

Saranön azi morö memawangö keuŋi Anutunön jiyök.

18 Abrahamnön Mamre mire in ip ketanŋi ketanŋi mieŋgö sutŋine maliga Kembunön asuhum wangiyök. Silim miangöreŋ wehön jitŋi sihitŋi köhöikŋi qeiga Abrahamnön opo seri koumŋangö numbuŋe tarök. ²Tata uba wahöta ehiga azi karöbutŋan wösöŋe kinget. Kingetka enġeka opo seri koum numbuŋeyök wölaŋ wahöta jömjölöŋini jiba enġuangitmamgöra kiŋkiŋgöba anök. Anda waikŋini memba simin köla gölmenön bangöba geyök.

³Geba kewö jiyök: “O Kembu-urupni, nöŋön enġö welenqeqeŋini aka enġö jeŋine kalem möriam miwikŋaiba maljal ewö, iŋini mönö ni kude noŋgita anme. ⁴Ni enġö welenqeqeŋini aka ölop o morönŋi kun memba kaba enġibiga könanŋini sangonŋa ip kiangö aumŋe tata luhut meme. ⁵Nöŋön ölop nene morönŋi kun memba kaba enġibiga neme. Mianön mem köhöim enġiiga ölop köna kunbuk toroqeba anme. Nöŋön kewöröpni malbiga iŋini ni göda qem niŋgiba kazeangöra ölop welen qem enġimam. “Mewö jiiga melenŋa kewö jiget: “Saiwap, jizanaŋgö dop mewö ölop akin.”

⁶Mewö jigetka Abrahamnön ösumŋan kiŋkiŋgöba seri koum uruŋe anda öngöba Saragöra kewö jiyök: “Mönö ösumok plaua ölop kötökŋi amae (dis) karöbutkö dop memba melenŋa yengöra bered ohoman.” ⁷Mewö jiba ösumŋan bulmakau kambunön anda bulmakau dömnŋi busuŋi löwötŋi möwölöhöba welenqeqeŋi kun wanggiiga könahiba ösumok qeba möhamgöba ohoyök. ⁸Mi möhamgöba ohom teköiga mi, kelök kosökŋi aka juju o tosatŋi memba anda azi tatkerangö bapŋine alök. Bapŋine aliga nempa memba tatketka nanŋi nalö miangöreŋ kösutŋine ip könane galömnŋina kinök.

⁹Kiniga kewö qesim wangiget: “Anömgi Sara mi denike?” Qesim wangigetka jiyök: “I opo seri koum uruŋe endu tatza.”

¹⁰Mewö jiiga azi yengöreŋök kunŋan kewö jiyök: “Yambu mohotkö dop teköiga nöŋön ölŋa lilingöba ki kabiga anömgi Saranön mönö morö nahönŋambuk aka malma. “Mewö jiyökmö, Saranön opo seri koumgö numbuŋe apŋangö andöŋe kinda keu mi kezapŋe geiga mörök.” ¹¹Abraham aka Sara yetkö lök ambazip namŋi ahotka yambuŋiran gwötpuk ketanŋi aiga malohot. Saranön köiŋgö anġeka malöhi, miangö nalöŋan lök onġit teköyök. ¹²Miangöra Saranön mi möta uruŋan kewö mötmöriba gön kölök: “Nöŋön lök ambi namŋi sohosoholiŋi akiga apni azi kembunan mewöŋanök azi namŋi aiga yambuk ahöahögö sihimnan kunbuk asuhubawak me qahöpto?”^u

¹³Mewö mötmöriga Kembunön Abraham qesim wangiba kewö jiyök: “Saranön wanigöra gön köla kewö mötmöriza: ‘Nöŋön ambi namŋi kötökŋi aka ölŋa morö membilenjak me?’

¹⁴ Kembunöŋ mönö yuai kungöra qahö kötökŋi qakömakza. Mianğöra jizali, ‘Yambu mohotkö dop teköiga nöŋön öŋa lilingöba ki kabiga Saranöŋ mönö morö nahönŋambuk aka malma.’^v

¹⁵ Saranöŋ kengötŋi möta mi köyatiba kewö jiyök: “Ni gön qahö köljal. “Mewö jiyökmö, Kembunöŋ kewö jiyök: “Qahö, gi gön öŋa köljan. “Mewö.

Abrahamnöŋ Sodom taongöra köuluköyök.

¹⁶ Mewö jiiga azi karöbut yeŋön wahöta etkömosöta Sodom taonöŋ göröken eleŋda anbingö aket. Abrahamnöŋ mewöŋanök i enğubul-mangöra yembuk mohotŋe anget.

¹⁷ Kembunöŋ nanŋangöra kewö jiyök: “Ni yuai akŋangö mötzali, mi alani Abrahamgöra ölop qahö asambötmam.

¹⁸ Kewögöra mi asambötmangö osizal: Abrahamnöŋ nöŋgö alani qainŋi kun aka ahumsehip aiga könagesö ketanŋi kukösumŋinambuk aka malme. Nöŋgö kötumötuetnan mönö yanğöra aka gölmegö könagesö kambuŋi pakpak yeŋgö qakŋine öŋgöiga oyaenğoyaen akŋe. ¹⁹ Nöŋön i kewögöra möwölöhöm waŋgial: Yaŋön nahönböraturupŋi aka gwölönarökurupŋi yanğö andöŋe asuhiba mal öŋgömei, yeŋgöra Kembugöreŋ köna kondela ahakmeme diŋdiŋi dop kölakzawi, mi wuatangömegöra jim kutum engiba malma. Mewö maliga tem köla wuatangöba malme ewö, Kembu nöŋön Abrahamgöra yuai asuhumapkö jim jöhöyali, mianğön mönö öŋjambuk pakpak ahakŋa.”

²⁰ Kembunöŋ nanğök mewö jiba toroqeba Abrahamgöra kewö jiyök: “Sodom aka Gomora yeŋön siŋgisöndok lömbötŋi lömbötŋi aka malgetka kahasililiŋ öŋgöŋgöŋi ketanŋi asuhuiga

gwötpukŋan mianğöra qeta sahörakze. Mianğöra yeŋgö siŋgisöndokŋinangö keuŋan mönö qariba qariba keta bölökŋi akza. ²¹ Mianğöra nöŋön mönö yeŋgöreŋ geba könaŋamŋini ekŋam. Kahasililiŋ akerangöra aka gwötpukŋan nöŋgö jene qeta sahöta malgeri, mi pakpak öŋa aket me qahö, mi nöŋön kewöta mötmangö mötzal.”

²² Mewö jiiga azi yahötŋan eleŋda Sodom göröken anohotmö, Abrahamnöŋ toroqeba Kembugö jemesoholŋe kinök. ²³ Kinda Kembugö kösutŋe anda kewö qesim waŋgiyök: “Gi ambazip solanŋi aka ambazip anğöjörakŋinambuk mi mohotŋe ayuhum enğimangöra jizan me? ²⁴ Taon mianğöreŋ ambazip solanŋi 50 malje ewö, göŋön i öŋa ayuhum enğimangö jizan me? Taon mi yeŋgöra aka enğehoribanak me qahö? ²⁵ Göŋön mewö akŋangö osibanak. Mi yapmakek! (qahöpmahöp!) Göŋön ambazip solanŋi mi ambazip anğöjörakŋinambuk yembuk mohotŋe mindiriba enğunöŋga qahö dop kölwapuk. Mewö öröröŋ kömumbepuk. Göŋön gölme ambazip pakpak yeŋgö keuŋini jim tekömakzani, mianğöra mönö nanŋi könagi diŋdiŋi wuatangönöŋga dop kölma.”

²⁶ Abrahamnöŋ mewö jiiga Kembunöŋ melenŋda kewö jiyök: “Nöŋön Sodom taonöŋ ambazip solanŋi 50 miwikŋaim enğimam ewö, yeŋgöra aka taon pakpak mi ölop enğehorimam.”

²⁷ Mewö jiiga Abrahamnöŋ kunbuk kewö jiyök: “Kembu, ni nesak sömsöm omanŋi ewö akzalmö, töndup keu köhöikŋi Kembunangöra kuŋguba jizal. Mi kude dop köljamö, mi töndup ölop ni möt niŋgiman. ²⁸ Taon mianğöreŋ ambazip solanŋi 50 qahöpmö, 45 miyök malbeak ewö, göŋön ambazip 5 yeŋgöra aka taon pakpak mi töndup ayuhum enğiman me qahö?” Mewö ji-

^v18:14 Luk 1.37

iga Kembunöŋ kewö jiyök: “Nöŋön ambazip solanŋi 45 miangöreŋ miwikŋaim eŋgiman ewö, taon mi mönö qahö ayuhumam.”

²⁹ Abrahamnöŋ dumŋe kunbuk keu kewö jiyök: “Ambazip solanŋi 40 miyök miangöreŋ miwikŋaim eŋgiman ewö, mönö denöwö akanak?” Mewö jiiga kewö meleşnök: “Ambazip 40 yeŋgöra aka taon mi qahö ayuhumam.”

³⁰ Mewö jiiga jiyök: “O Kembu, urugi öngöbapukmö, ni kunbuk keu jimamgö mötzal. Ambazip solanŋi 30 miyök miangöreŋ miwikŋaim eŋgiman ewö, mönö denöwö akanak?” Mewö jiiga kewö meleşnök: “Ambazip solanŋi 30 miangöreŋ miwikŋaim eŋgiman ewö, mönö denöwö akanak?” Mewö jiiga kewö meleşnök: “Ambazip 20 yeŋgöra aka taon mi qahö ayuhumam.”

³¹ Abrahamnöŋ toroqeba kewö jiyök: “Kembu, ni keu köhöikŋi Kembunangöra kuŋguba jizal. Mi kude dop kölŋapmö, mi töndup ölop möt niŋgiman. Ambazip solanŋi 20 miyök miangöreŋ miwikŋaim eŋgiman ewö, mönö denöwö akanak?” Mewö jiiga kewö meleşnök, “Ambazip 20 yeŋgöra aka taon mi qahö ayuhumam.”

³² Mewö jiiga Abrahamnöŋ kunbuk kewö qesiyök: “O Kembu urugi öngöbapukmö, ni kunbuk sömaŋi mohot-töp ki keu jimamgö mötzal. Ambazip solanŋi 10 miyök miangöreŋ miwikŋaim eŋgiman ewö, mönö denöwö akanak?” Mewö jiiga kewö meleşnök, “Ambazip 10 yeŋgöra aka taon mi qahö ayuhumam.” ³³ Mewö eraum-mörohot teköiga Kembunöŋ Abraham mosöta aniga yaŋön kunbuk lilingöba miriŋe kayök. Mewö.

Sodom aka Gomora yeŋgö aŋgöjörak malmalŋini

19 Suet garata yahöt mi Abraham mosöta anda mare aiga Sodom

anŋorohot. Anŋorohotka Lot azi mianön taon miangö kiripo nanŋune tarök. Tata etkeka wahöta jömjölönjiri jiba eŋguaŋgitmamgöra anda gölmenöŋ simin köla bamgöba geyök. ² Geba kewö jiyök: “O kembuyahötni, injiri ölop welenqeŋjiri nöŋgö mire kaba könaŋiri saŋŋonŋa mohotŋe suŋgem ahöbin. Ahöba wahöta ölop söŋanök köna toroqeba anmahot. “Mewö jiyökmö, yetkön kewö jiyohot: “Qahö, niri ölop qenjarök sombem kunöŋ anda ahöbit.”

³ Mewö jiyohotmö, Lotnöŋ kapaŋ köhöikŋi köla jiba etkuangita nanŋi miriŋe anda öŋgöget. Öŋgöba welenqeŋeurupŋi jim kutum eŋgiiga bered yistŋi qahö ohoget. Mewöyök numbu nene nahömŋambuk möhamgöba ohoba etkigetka neyohot.

⁴ Mi nempa gaun ahöbitkö ahotka miangöreŋök Sodom ambazipnöŋ kaba miri mi liliköget. Sodom taongö bahöŋi pakpak miangöreŋök ambazip namŋi aka sepgwölö mi totnöŋ totnöŋ lömbötŋambuk öröba kaŋgotket. ⁵ Kaŋgota Lotköra kewö qetket: “Azi yahöt mare göhöreŋ kazahori, mi denike? Azi nini yetpuk sero akingöra mötzin. Miangöra mönö i etkuangita neŋgöreŋ etme.”^w

⁶ Mewö qetketka Lotnöŋ nanŋu metala yeŋgöreŋ geba andöŋe nanŋu kölök. ⁷ Nanŋu köla kewö jiyök: “Alaurupni, mewö qahö. Silik bölöŋi mi kude akŋe. ⁸ Mötket. Nöŋgö böratni yahöt seram mala nalö kunöŋ azibuk qahö ahöyohot. I ölop eŋgöra etkuangita etpiga wanat yuaia akingö mötzei, mi ölop sihimŋini meköme. Mewömö, nöŋgö miri boŋan azi yahöt etkualöŋda sel jöhöm etkizawi, ia mönö yuai bölöŋi kun qahöpmahöp ak etkime.”

⁹ Mewö jiyökmö, yeŋön kewö meleşda teriŋda qetket: “Mönö kesalnöŋ. Göŋön

ki kaba kiana mala nangahöra ninia jiba mötnöŋ öngöiga ninia pöndaŋ jim kutum neŋgimamgö mötzan? Yetköŋ qahö kamahot ewö, mönö nangak neŋgöreŋ kanöŋga mönö kahasililiŋ keta bölökŋi nangi ak gihibin. “Mewö jiba Lot utalgetka kököndöt aniga öngöba miri nanuŋi qesiŋbingö aka kinget.

¹⁰Mewö aka kingetmö, azi yahöt mitköŋ böröŋiri böraŋda Lot öröm gilohotka miri uruŋe öngöiga nanuŋu kölohot. ¹¹Nanuŋu köla kinda azi ketanŋi moröŋi miri nanuŋe yaigep kingeri, mi jiyohotka keu jittŋiran enŋualöŋniga jeŋini gömöliiga jipap kota nanuŋu miwikŋaibingö mezaŋqezanŋ aka jaruba osiget. Mewö.^x

Lotnöŋ Sodom gölme mosörök.

¹²Azi yahöt yetköŋ Lotköra kewö jiyohot: “Gi nahönurupki, qingiböraturupki aka tinilosomurupki tosatŋi pakpak taon kianŋgöreŋ maljei, i mönö enŋuangitnöŋga taon ki mosöta anme. ¹³Nini taon ki ayuhuba köndenŋmön-denŋbin. Könagesö kienŋö kahasililingöra gwötpukŋan Kembuŋe jeŋe önöŋi qahö qeta sahöta malget. Mianŋöra yaŋön melaim netkiiga gölme ki ayuhuba köndenŋmön-denŋbitköra ki kazit.”

¹⁴Mewö jiyohotka möta Lotnöŋ anda qingŋi buŋa yahöt böratyahötŋi etkömembitkö jiiga malohori, yetköra kewö jiyök: “Inŋiri mönö ösumok wahörohotka miri ki mosöta anbin. Kibunöŋ taon ki ayuhuba köndenŋmön-denŋmamgö akza. “Mewö jiiga yetköŋ keu mi mörohotka göngönahit tandök ahök.

¹⁵Miri waŋgaranŋ suruiga Suep garata yahöt yetköŋ Lot öröm kuŋgum waŋgiba kewö jiyohot: “Anutunöŋ Sodom yeŋgö siŋgisöndokŋinanŋö likeŋŋi melenŋda taonŋini köndenŋmön-denŋma. Göŋön

yembuk mohotŋe ayuhubanbuköra mönö zilaŋ wahöta anömgi aka böratyahötki göbuk tatzahori, mi enŋuangita taon ki mosötket.”

¹⁶Mewö jiyohotka Lotnöŋ toroqeba eksekpeksek aiga azi yahöt yetköŋ Lotkö böröŋi melanŋiba memba anömŋi aka böratyahötŋi yeŋgö böröŋini mewöŋanök melanŋiba memba enŋuangita taon silene anget. Kibunöŋ mewö ak kömum enŋiyök. ¹⁷Taon silene angetka azi yahöt yetköreŋök kunöŋ keu kewö jiyök: “Malmalŋini aŋgön kölmegöra mönö ösumok misiŋgöba angaitme. Andöŋine kude lilingöba uba anda gölme köröŋe endu aŋgota mianŋgöreŋ mewöyök dörok kude alme. Ayuhubepuköra mönö kunduŋe eu öngöba misiŋgöba angaitme.”

¹⁸Mewö jiyökmö, Lotnöŋ kewö jii mörohot: “O Kibunöŋ, göŋön mewö ak-ingöra kude jiman. ¹⁹Göŋön malmalnanŋö bohonŋi jöhöba ak-kömükömu ketanŋi kondelnöŋga göhö jege ölna kalem möriam miwikŋaiba welenqeqegi akzalmö, mötnöŋ, nöŋön kunduŋe eu misiŋgöba angaitmamgö osimam. Köndenŋmön-denŋ kianŋön nöŋgö qakne öngöiga kömumbilenŋbuköra keŋgötŋi mötzal. ²⁰Mötnöŋ, taon moröŋi kun endu ahöi ekzani, mianŋön köröpŋi qahöpmö, ölöp anbinanŋö dop akza. Mianŋöra ölöp jinöŋga mianŋgöreŋ misiŋgöba angaita ölöwaka malbin. Miri morörökŋi mi eknöŋga dowe ahöiga mianŋgöreŋ ölöp anda malmalninanŋö bohonŋi jöhöbin.”

²¹Mewö jii mörohotka kunöŋ kewö meleŋnök: “Mi ölöp! Keu jizani, mianŋöra mewöyök ölöp imbi köl gihimam. Taon moröŋanŋöra jizani, mi qahö ayuhumam. ²²Mi qahö ayuhumam-mö, inŋini mönö ösumok

miangörey misingöba angaitme. Miangörey qahö angotketka nalö sutnji kewöñe nöñön yuai kun akñangö osimam. Injini mutuk miangörey angotketka miangö andöñe ölop jim kutubiga kondermönderñ asuhuma. “Lotnön taongöra ‘morodökñi’ jiyöhañgöra aka taon miangö qetnji mi Zoar (morodökñi) qetketka ahöza.

Kembunön Sodom aka Gomora kondermönderñök.

²³Wehönön lök koriga Lotnön Zoar taonön kañgorök. ²⁴Kañgoriga Kembunön jiiga suepnöhök Kembugö mireyök salfa köt könöpñambukñön mi kie ewö Sodom aka Gomora yeñgö qakñine eta turum eñgiyök. ²⁵Turum eñgiba miangön taon yahöt mi aka gölme körönji pakpak kösutñire ahözawi, ambazip körek miangörey malgeri aka ip kösö yuai görökñi (töñgönñi) gölme miangörey ahögeri, mi ayuhum eñgim teköyök. ²⁶Lotkö anömñan apñi wuatangöba anda kunbuk eleñda andöñe uba miangöreyñök letota sihi köt aka tandö ewö kinök.^a

²⁷Abrahamnön söñanök wahöta mutuk Kembugö jemesoholñe kinda keu eraum-mörohoari, miangörey anök. ²⁸Miangörey anda kinda Sodom, Gomora aka gölme körönji ketanji pakpak miangörey göröken ui aniga gölme miangörey köwak injanji ketanjan tokoba koriga ehök. Mi könöp ketanji ohogetka köwak ketanji wahörakzawi, miangö dop ahök. ²⁹Anutunön gölme körönji miangö taonñi taonñi ayuhuba kondermönderñda nalö miangörey Abraham mötmörim wañgiyök. Behötñi Lotnön taon miangörey maliga miengön meleñni gebingö aketka Anutunön nalö miangöreyñök jim kutuiga Lot

kondermönderñ miangö uruñeyök wañgita kaget. Mewö.

Moab aka Amon könagesö yeñgö könanini

³⁰Lotnön Zoar taonön malmamgö keñgötñi mörök. Miangöra böratyahötñi etkuangita Zoar mosöta gölme kundunambuk miangörey anda tatket. Böratyahötñi yahöt yetpuk banjet uruñe ahöm wahöt aka malget. ³¹Miangörey mala böratñi ketanjan nalö kunön munñangöra kewö jiyök: “Naniri iwiniran lök azi namñi akza. Ambazipnön gölme dop miangörey amimba nahönbörat miwikñaim eñgimakzemö, gölme kiangörey azi kun netkömemapköra qahö malja. ³²Miangöra ölop kaba iwiniri wain o wañgizi nemba uruñi eñololon aiga yambuk ahöba gölöm ala gwölönarök miwikñaziga könagesöninan toroqeba malme.”

³³Mewö jiba sungem miangöreyñök iwiniri wain o wañgiyohotka neyök. Nemba uruñi eñololon aiga datñan anda yambuk ahöyök. Wani nalönön qöhöröñe kayök aka wani nalönön wahöröhi, mi iwinan qahö mörök.

³⁴Ahöba wahöta böratñi ketanjan munñangöra kewö jiyök: “Nöñön uran sungem iwinambuk ahöyal. Ölop merak sungem mewöyök wain o kunbuk wañgizi nemba uruñi eñololon aiga göñön mönö anda yambuk ahömahot. Mewö ahöba iwinirañgöreyñök gölöm ala gwölönarök miwikñaziga könagesöninan toroqeba malme.”

³⁵Mewö jiba sungem miangörey mewöyök iwiniri wain o wañgiyohotka neyök. Nemba uruñi eñololon aiga munñan anda yambuk ahöyök. Wani nalönön qöhöröñe kayök aka wani

^{19:24} Mat 10.15; 11.23-24; Luk 10.12; 17.29; 2 Pitö 2.6; Jud 7

^a19:26 Luk 17.32

nalönöj wahöröhi, mi iwiñan qahö mörök.

³⁶Mewö ahotka mianggöra mohotñamñire iwiñiranggöreñök gölöm alohot. ³⁷Böratñi ketanjan morö azia memba qetñi Moab (iwinanggöreñök) qerök. Moab yangö gwölönarökurupñan ahumsehip aka kotketka nalö kewöñe mewöyök qetñini Moab könagesö qerakzin. ³⁸Böratñi moröñan mewöñanök morö azia memba qetñi Ben Ami (könagesönangö nahönñi) qerök. Azi mianggö gwölönarökurupñan ahumsehip aka kotketka nalö kewöñe mewöyök qetñini Amon könagesö qerakzin. Mewö.

Abraham aka Abimelek.

20 Abrahamnöj Mamre miri mosöta toroqeba Saut göröken distrik qetñi Negew mianggöreñ anda miri qetñiri Kades aka Sur mietkö sutñire malök. Mianggö andöñe toroqeba taon qetñi Gerar mianggöreñ anda kusukñanök malök. ^{2b}Mianggöreñ mala ambazip mienggöra kewö jii mötket: “Sara mi nena. “Mewö jiiga Gerargö kiñi Abimelek yañön keu ali aniga Sara wañgita jakömbuak miriñe kaget.

³Mewö aketmö, Anutunöj suñgem kunöj Abimeleköreñ kaba gaunöj kewö jiyök: “Ambi buña qem anguzani, mi azi kungö anömña. Mianggöra gi mönö yanggöra aka kömupkö buñaya akñan.”

⁴Mewö jiyökmö, kiñ Abimeleknöj Sara qahö meyöhanggöra aka kewö jiyök: “Kembu, ni siñgisöndokö keuni qahö. Mianggöra göñön ni aka könagesöurupni nini öne töhön ayuhum neñgibanbuk. ⁵Abrahamnöj mönö nanñak nöñgöra kewö jiyök: ‘Ambi mi nena.’ Ambinöj mewöyök kewö jiyök: ‘Abraham mi nena.’ Mianggöra urune geñmon qahö

ahöiga ambi mi jibi kaiga börönan yuai tölokñi kun qahö ahal.”

⁶Mewö jiiga Anutunöj gaunöj likepñi kewö jii mörök: “Keu jizani, mi öñja. Göhö uruge geñmon kun qahö ahöiga göhöreñ kayöhi, mi mötzal. Mianggöra göñön ambi mi misiriba nöñgö jene siñgisöndok akanbuköra sel jöhöm gihibi malal. ⁷Mewögöra ambi mi mönö kunbuk melenña apñanggöreñ wañgi-man. Azi mi kezapqetok azia aka ölöp göhöra köuluköiga qahö kömuman. I kunbuk qahö wañgiman ewö, keu ki mönö öñja mötman: Gi aka tinitosolomurupki iñini mönö körek kömume.”

⁸Keu mi jii kiñnöj möta söñanök wahöta pom jembonurupñi pakpak enggohol tokom enggiba Kembunöj keu pakpak jiyöhi, mi jii möta töwöratiba keñgötñini gwötpuk mötket. ⁹Mewö mötketka kiñ Abimeleknöj Abrahamgöra keu ali öñgöiga kewö jiba qesim wañgiyök: “Gi mönö wani kimbiana ak neñginöñ? Nöñön wani bölöñi kun ak gihibiga göñön kondotnöñga siñgisöndokö keu lömbötñan mönö ni aka könagesöni nöñgö sel tohoñ uruñe maljei, neñgö qaknine öñgömamgö akza? Göñön yuai qahö ahakñanggö dop mia soñgo walöñda ak niñginöñ. ¹⁰Göñön mönö könaji wuanöñgöra silik mi aknöñe?” Kiñ Abimeleknöj Abraham mewö qesim wañgiiga

¹¹kewö melenñök: “Nöñön keu mi kewö mötmöröiba jial: ‘Gölme kianggö könagesö eñön Anutugö jitñi oñgitpinbuköra keñgötñini qahö mötpeak. Mianggöra ni anömnanggöra aka nungguget kömumbileñbuk.’ ¹²Yañön öñja neni, iwinanggö böratñi akza. Namnanggö böratñi qahö akzawanggöra i anömna meal. ¹³Anutunöj Iwinanggö miriñi mosöta kungen anmangö jiyöhi, nöñön nalö

^b20:2 Jen 12.13; 26.7

miaṅgöreṅ Saragöra kewö jial: ‘Niri denike denike anbiri, miaṅgöreṅ nõṅgöra nena jiman. Mewö aka miaṅṅon ni urukalem kondel niṅgiba malman.’”

¹⁴Mewö jii möta Abimeleknõṅ Abrahamgö anõmṅi Sara meleṅda waṅgiyök. Mewõṅanök lama bulmakau aka welenqege azi aka ambi mi mohotṅe i waṅgiyök. ¹⁵Waṅgiba keu kewö jiyök: “Mõtnõṅ. Nõṅgöreṅ gölme ki wösöge ahözawi, miaṅgöreṅ mönõ nangi sihimgahö dop malman.” ¹⁶Mewö jiba Saragöra kewö jiyök: “Mõtnõṅ. Nõṅṅon moneṅ silwö köt 1000:gö dop nengi waṅgibiga miaṅṅon töwagi akza. Töwa miaṅṅon kõnaṅamṅi kondeliga ambazip körek göbuk maljei, yeṅṅon mi eka kewö jiba möt yaköme, ‘Siṅgisõndokõ keuṅi mi Saragöreṅ qahö ahöza.’” Mewö jiyök.

¹⁷⁻¹⁸Abrahamgö anõmṅi Saragöra aka Kembunõṅ ambi pakpak kiṅ Abimelekõ miri uruṅe malgeri, yeṅṅo morö memegö kõnaṅi jöhöyök. Miaṅgöra Abrahamnõṅ Anutu köulukõiga Abimelek mem ölöwahök. Mewöyök anõmṅi aka welenqege ambiurupṅi mem ölöwak enṅiiga kunbuk morõṅinambuk aket. Mewö.

Aisak asuhuyök.

21 Kembunõṅ Sara kalem möriam waṅgimamgö keuṅi jim jöhöi ahöyöhi, miaṅgö dop i ek galöm ak waṅgii malök. Keu jiyöhi, miaṅgö dop i kewö ak waṅgiyök: ²Saranõṅ gölöm aliga Abrahamnõṅ azi namṅi aiga töndup yaṅgö morö nahõnṅi meyök. Anutunõṅ morö nahõn asuhumapkõ keuṅi qeljiṅe jim jöhöyohangö dop mi mönõ nalö miaṅgöreṅök asuhuyök.^c ³Saranõṅ Abrahamgö morö nahõnṅi meiga qetṅi Aisak (gõn kõlja) qerök. ⁴Qeriga Aisaknõṅ wehõnṅi

8 aiga nalö miaṅgöreṅ Anutugö aiwesökṅi sileṅe yandiyök. Anutunõṅ keu jim kutui ahöyohangö dop mi yandiyök.^d ⁵Abrahamnõṅ yambuṅi 100 aiga nahõnṅi Aisak asuhuyök. ⁶Asuhuiga Saranõṅ keu kewö jiyök: “Anutunõṅ gönkõlkõl miwikṅaim niṅgiyök. Miaṅgöra denike yeṅṅon nõṅgö kõsohotni mötmei, yeṅṅon mönõ nõmbuk gön kõlme.” ⁷Mewö jiba toroqeba kewö jiyök: “Saranõṅ morö galõmkõlkõlṅa akṅawi, daṅṅon keu mi qeljiṅe möta Abrahamgöra jibawak? Mewö qahõpmö, nalö kewõṅe yaṅṅon azi namṅi aiga nõṅṅon töndup yaṅgö nahõnṅi meal. “Mewö. ⁸Aisaknõṅ qariba juzu mosõriga wehõn miaṅgöreṅök Abrahamnõṅ nene lömbuanṅ ketaṅi alök.

Saranõṅ Hagar aka Ismael kõzõl etkiyök.

⁹Ijpt ambi Hagarnõṅ Abrahamgö morö nahõnṅi Ismael meyöhi, yaṅṅon nalö kunõṅ munṅi Aisak ilita mepaikõba gönawõt ak waṅgiiga Saranõṅ mi ehök.

¹⁰Mewö eka Abrahamgöra kewö jiyök: “Welen ambigö nahõnṅan mönõ nõṅgö nahõni Aisakpuk göhören öroyuai mi qahö mendeṅda buṅa qem aṅgumahot. Welen ambi mi aka nahõnṅi mi mönõ kõzõlnõṅga anmahot.”^e ¹¹Saranõṅ keu mi jiyöhi, miaṅṅon Abrahamgö uruṅi qeiga Ismael mi nahõnṅi ahõhangöra aka urueret möriṅa uruṅi mötökõmbuk ahök.

¹²Mewö ahiga Anutunõṅ yaṅgöra keu kewö jiyök: “Nahõṅi aka welen ambigi Hagar yetkõra mönõ urugoro ketaṅi kude mötman. Aisakö gwölõnarõkurupṅi yeṅṅonök mönõ göhö qetbuṅagi bisiba malme. Miaṅgöra Saranõṅ keu göhöra jizawi, mi pakpak mönõ

^c21:2 Hib 11.11 ^d21:4 Jen 17.12; Apo 7.8 ^e21:10 Gal 4.29-30

möta tem kölman.^f ¹³Welen ambigahö nahönñan göhö gwölönaröki akzawañgöra nöñon i mewöñanök ahumsehip wañgibiga gwölönarökurupñan kö-nagesö ketañi akñe.”

¹⁴Mewö jii möta Abrahamnönñ ahöba söñan kötökñe wahöta nene tosatñi memba o uu (ou huhu) lama sileñan memeni miañon o uba kaba Hagargö qamböñe ala mindiñgöba nahönñambuk melaim etkiiga mosöta anohot. Anda Berseba gölme qararañkölkölñe añaota liliköba malohot. ¹⁵Malohotka lama sileñe o memba anöhi, miañon qahöwahiga nahönñi mi böñbañ ip köhösoñi kungö bapñe ali ahöyök. ¹⁶Ali ahöiga kinda kewö mötmöriyök: “Nahönan jeni qakñe kömumawi, mi ekñangö osiba jemörön akzal. “Mewö mötmöriiba pokom mulget anakzawañgö dop tikep anda tata silata sahöt gigilahöyök.

¹⁷Morö sahörohi, mi Anutunönñ möriga garatañan suepnöhök Hagargö qeta kewö jiyök: “Hagar, gi wani lömbötkö uruñe maljan? Keñgötiki kude mötnönñ. Morönönñ endu ahöba sahötzawi, Anutunönñ sahötñi mi lök mötza. ¹⁸Mönö wahöta morö nahöngi gölmenöhök kököbihinönñ wahöriga böröñe memba mökökölim wañgiman. Nöñon i könangep ahumsehip wañgibiga gwölönarökurupñan sehiba kö-nagesö ketañi qetbuñañnambuk akñe.” ¹⁹Suep garatanönñ mewö jiiga Anutunönñ jeñi metohoiga uba o lömñi kun ehök. Mi eka lama sileñi memba anda miañon o uba kaba nahönñi wañgiiga neyök. ²⁰Anutunönñ Ismaelbuk kiniga qariba gölme qararañkölkölñe mala erim nemi azia ahök. ²¹Gölme qararañkölkölñi qetñi Paran miangöreñ maliga namñan Ijpt kantrinöhök ambi kun memba anömña wañgiyök. Mewö.

Abraham aka Abimelek yetkön urujöhöjöhö ahot.

²²Nalö miangöreñ Abimelek aka yangö yarö kambuñangö suaöh galömñi qetñi Fikol yetkön Abrahamgöra kewö jiyohot: “Göñon öroyuai pakpak aka memakzani, Anutunönñ mönö miangöreñ göbuk kinakza. ²³Miangöra göñon mönö merak kiangöreñ Anutugö jeñe jöjöpañ keu kewö jiba jim köhöiman: ‘Nöñon gi, moröurupki aka gwölönarökurupki embuk isimkakalek kun kude aka malmam.’ Mewö jim köhöiba nöñon ak kömum gihiba malali, miangö dop göñon mönö mewöñanök gölme ki aka ni ak kömum netkiba malman. Gi gölme kiangöreñ kiana aka maljan.”

²⁴Mewö jiyohotka Abrahamnönñ kewö jiyök: “Nöñon jöjöpañ keu mi ölop jiba jim köhöimam.”

²⁵Mewö jiyökmö, Abimelekö welenqequeurupñan o löm kun nanñinangöra añañon kölgeri, Abrahamnönñ miangöra Abimelek jim wañgiyök. ²⁶Jim wañgiyökmö, Abimeleknönñ kewö melenña jiyök: “Dañon silik mi ahöhi, mi nöñon qahö mötza. Nangak miangö keuñi kun mutuk qahö jinön möta mala merak-kun keu mi mötza.”

²⁷Mewö melenña jiiga Abrahamnönñ anda lama aka bulmakau memba kaba Abimelek wañgiiga nalö miangöreñök sutñire jöhöjöhö aka alohot. ²⁸Mi ala Abrahamnönñ lama kambuñineyöhök lama ambiñi moröñi 7 meköm engiba al engii nanñinök kinget.

²⁹Mewö kingetka Abimeleknönñ Abraham kewö qesim wañgiyök: “Lama ambiñi moröñi 7 kewöta endu al enginönña nanñinök kinjei, mi könai wuanönngöra?”

^f21:12 Rom 9.7; Hib 11.18 ^g21:22 Jen 26.26

³⁰Qesim waŋgiiga kewö meleşnök: “Nöŋön o lömŋi ki esiali, keu mi jibiga mi möt narizan ewö, lama moröŋi 7 ki mönö nöŋgö böröneyök buŋa qem aŋgunöŋga nöŋgö keunaŋgö dangunuŋi akŋa.” ³¹Mewö meleşda azi yahöt mi gölme miangöreŋ kinda jöjopaŋ keuŋiri jiba jim jöhöm aŋguyohot. Miangöra miri miangö qetŋi Berseba qerakze. *

³²Berseba mire jöhöjöhö mewö ahot teköiga Abimelek aka yaŋgö yarö kambuŋaŋgö suaöhö galömŋi Fikol yetkön wahöta lilingöba Filistin yeŋgö gölmenöŋ anohot. ³³Anohotka Abrahamnöŋ berem ip kun Berseba miri miangöreŋ kömöta Kembu Anutu bem koŋkoŋ yaŋgö qetŋi qeta köuluköyök. ³⁴Köuluköba kinda Filistin yeŋgö gölmenöŋ nalö köröpŋi kiana aka malök. Mewö.

Anutunöŋ Abraham esapköm waŋgiyök.

22 Yuai mi asuhuiga nalö tosatŋi teköiga Anutunöŋ Abraham esapköm waŋgiyök. Qetŋi “Abraham!” qeriga yaŋön “Ni ki kinjal,” jiba meleşnök.^h

²Mewö meleşniga kewö jiyök: “Aisak nahöŋgi nanŋi mohotsirik urugan jöpaköm waŋgimakzani, i mönö waŋgita Moria gölmenöŋ anda kundunŋi kun kondel gihimami, miangöreŋ öŋgöba i nöŋgö jöwöwöla ohoman.”ⁱ

³Mewö jiiga Abrahamnöŋ ahöba söŋan kötökŋe wahöta doŋki qakŋe dum tatatŋi möhamgöba welenqeqeŋi yahöt aka nahönŋi Aisak eŋguaŋgirök. Jöwöwölgö könöpŋi dopŋe köl teköba börangöba ala eŋguaŋgita Anutunöŋ gölme jiyöhi, miangöreŋ anök. ⁴Anda mala wehön karöbutŋi miangöreŋ jeŋan

uba wahöta gölme mi ehiga köröwen ahöyök. ⁵Mi eka welenqeqe yahötŋi yetköra kewö jiyök: “Iŋiri doŋkibuk ki tarohotka ni aka morö nahön netkön endu anda Anutu waikŋi memba möpöseiba kunbuk lilingöba etköreŋ kabit.”

⁶Abrahamnöŋ mewö jiba jöwöwöl ohohogö könöp böranŋi memba nahönŋi Aisakö qamböŋe ali öŋgöiga nanŋak könöp jit aka sou meyök. Mewö meiga mohotŋamŋire anohot. ⁷Mewö anda Aisaknöŋ aŋ ala iwiŋi Abrahamgöra kewö jiyök: “Iwini!” Mewö jiiga kewö meleşnök: “Nahöni, wania?” Mewö meleşniga kewö qesiyök: “Könöp jitŋi aka könöp mia ki memba kazitmö, jöwöwöl ohohogö lamaanŋi mi denike?”

⁸Mewö qesiiga iwiŋan kewö meleşnök: “Nahöni, Anutu nanŋak mönö jöwöwöl ohohogö lamaanŋi kun miwikŋaiba netkima. “Mewö meleşniga toroqeba mohotŋamŋire anohot.

⁹Anda Anutunöŋ gölme jiyöhangöreŋ aŋgota kinda jöwöwöl ohohogö altanŋi kun memba könöp miangö qakŋe ala areŋgöyök. Areŋgöba nahönŋi Aisak jöhöba altanöŋ könöp qakŋe al waŋgiyök.^j ¹⁰Al waŋgiba nahönŋi umamgöra böröŋi böranŋda sou memba atöŋnök. ¹¹Atöŋniga miangöreŋök Kembangöreŋ garatanöŋ Suepnöhök Abrahamgöra kewö qerök: “Abraham, Abraham!” Mewö qeriga “Ni ki kinjal,” jiba meleşnök.

¹²Mewö meleşniga kewö jiyök: “Börögan mönö morögö qakŋe kude alman. Yaŋgö qakŋe yuai kun kude akŋan. Göŋön nahöŋgi mohotsirik mi nöŋgöra qahö aŋgön köljanangöra könaŋamŋi merak kewö möt yaközal: Gi Anu-

***21:31** Berseba keu miangö könaŋi yahöt: sewengö o lömŋi aka jöjopaŋ keugö o lömŋi.

^h**22:1** Hib 11.17-19 ⁱ**22:2** 2 Kor 3.1 ^j**22:9** Jei 2.21

tugö keu jitji ongitpanbuköra kenğotki mörakzan.”

¹³Mewö jiiga miangöreñök uba wahöta ehiga lama aziñi kun ilitñan böñbañ ip köhösonöñ gili geiga kinök. Mi eka anda memba kaba nahönñangö salupñe lama mianñon jöwöwöl ohoyök. ¹⁴Miangöra Abrahamnön gölme miangö qetji mi ‘Kembunön miwikñaiba netkima,’ jiba qerök. Nalö kewöñe mewöñanök keu kewö jimakze: “Kembunön mi kundunje miwikñaiba netkima.”

¹⁵Kembugö garatañan Abrahamgöra Suepnöhök kunbuk kewö qeriga yahöt ahök: ¹⁶“Kembu nöñon kewö jizal: Nanak nani qetni qeta jöjöpañ keu kewö jiba jim köhöizal: Göñon silik ki aka nahöngi mohotsirik mia nöñgöra qahö angön köljani, ¹⁷miangöra nöñon ölña gi kötuatköba ahumsehip gihibiga gwölönarökurupki yeñon önöñi qahö sehime. Sehigetka qötöñinan mönö sup könakembagö señgelaunji ewö akña aka köwet jitñe sakösiñ ahöm anjei, miangö dop akña. Göhö gwölönarökurupki yeñon mönö köhöiba kerökurupñini enguba luhut ala siti gölmeñini enguangita angön köla malme.^k ¹⁸Göñon nöñgö keuni tem köljani, miangöra göhö gwölönarökurupki yeñgöreñök kungöra aka nöñgö kötumötuettan mönö gölmegö könagesö kambuñi pakpak yeñgö qakñine öñgöiga oyaenköyaen akñe.”^m

¹⁹Kembugö garatañan mewö jiiga Abrahamnön moröñambuk lilinğöba welenqeqeahötñi yetköreñ anda aitöñgöba mohotñe Berseba mire anget. Abrahamnön Berseba miri miangöreñ opo seri koumñi möröreñgöba malök. Mewö.

Nahorgö gwölönarökurupñi

²⁰Nalö tosatñi teköiga buzup keu kun kewö jigetka Abrahamgöreñ kayök: “Milkanön mewöñanök nama akza. Yañon mungi Nahorgö nahönurupñi tosatñi engömeyök.” ²¹Moröñi mutukñangö qetji mi Uz, yañgö munñi Buz aiga yañgö könañe Kemuel, Aramgö iwiñi. ²²Kemuelgö könañe Kesed, Hazo, Pildas, Jidlaf aka Betuel. ²³Betuelnön Rebekagö iwiña ahök. Milkanön Abrahamgö munñi Nahorgö nahönurupñi 8 mi engömeyök. ²⁴Nahorgö anömñi bohonñi qahö memeñi qetji Reuma yañon mewöñanök nahönurupñi tosatñi engömeyök. Yeñgö qetjini mi Teba, Gaham, Tahas aka Maka. Mewö.

Saranön kömuyök.

23 Saranön mala mal öñgöiga yambuñi 127 ahök. Saranön miangö dop malök. ²Mala Keinan gölmenön miri qetji Kiriya Arba, qetji alañi Hebron qerakzei, miangöreñ kömuyök. Kömuiga Abrahamnön miangöreñök anömñangöra jinñen köla sahötmangöra anök.

³Anda sahöt teköba wahöta anömñangö qamötñi mosöta anda kinda Hit ambazip yeñgöra keu kewö jiyök: ⁴ⁿ“Ni engö sutñine kiana kaba qandak (kusuk) maljal. Miangöra inñi mönö gölmeñinangö bahöñi kun kiangöreñ ningigetka bohonñi membiga qaksirini aiga alaurupni yeñgö qamötñini miangöreñ ala löm köl engimakñam.”

⁵Keu mewö jiiga Hit yeñon meleñda kewö jiget: ⁶“O azi kembu, gi ölöñ neñgöreñ keu ki mötnön. Gi neñgö sutnine Anutugö azi jembonñi maljanangöra aka qaksirigi sihimgan denike

^k22:17 Hib 6.13-14 ^l22:17 Hib 11.12

ⁿ23:4 Hib 11.9, 13; Apo 7.16

^m22:18 Apo 3.25

ek soroköba memangö mötzani, mi-
angörej monö ölop qamötki löm köl-
man. Göñön qamötki esim kölman
jinönga nengörejök kunjan mi qahö
angön köl gihima.”

⁷Mewö jigetka Abrahamnön wahöta
gölme tourupni Hit ambazip yengö
wösöhine geba sipköm engiyök.

⁸Sipköm engiba kinda yengöra keu
kewö jiyök: “Nöñön qamötni esim
kölmangö ölop jime ewö, monö
nöngörej keu ki möta Zohargö nahönji
Efron yängörej anda keu jitni ki
toroqeba jiba kuñgum wañgime.

⁹Kungum wañgetka möta bañet qetji
Makpela yängö buñaya aka nupñangö
imbiñe göröken ahözawi, monö mia
jim teköiga söngöröñji memam. Mönö
qesigetka bohönji jömuk jim teköiga
söngöröñji membiba nöngö qaksirini
engö sutñine ahöma.”

¹⁰Mewö jiiga Efronön alapurupni Hit
könagesö pakpak taonñinangö kiripo
nañguñe kaba sombemñön tokogeri,
yengö sutñine tariga keu kezap ala
mötketka Efronön Abrahamgöra kewö
melen wañgiyök: ¹¹“O azi kembuni,
mewö qahöpmö, monö nöngöra kezap
alnön. Nöñön gölme köröñji mi aka
bañet miangörej kinjawi, mi kalema
gihizal. Nani könagesourupni yengö
jeñine kinda mi gihibiga ekze. Qamötki
mi ölop miangörej esim löm kölman.”

¹²Mewö jiiga Abrahamnön gölme
tourupni yengö wösöhine kunbuk geba
sipköm engiyök. ¹³Sipköm engiba
kinda yengö jeñine Efrongöra kewö
jiiga mötket: “Nöngörej keu ki monö
kezap ala mötnön. Göñön ölop mewö
akanakmö, nöñön monö gölme köröñji
miangö bohönji mi gihimam. Mi ölop
jiba töwa menönga nöñön qamötni
miangörej esim löm kölman.”

¹⁴Mewö jiiga mötketka Efronön Abra-
hamgöra kewö melen wañgiyök: ¹⁵“O
azi kembuni, nöngörej keu ki monö

kezap ala mötnön. Gölme miangö bo-
honñji mi 400 silwö kötñji (50 kilogram).
Ala-ala akzirangöra aka miangön monö
netkö sutnire yuai omanji akza. Miangöra
qamötki ölop esim löm kölman.”

¹⁶Mewö melen wañgiiga möta Abra-
hamnön gölme bohönñangö jañgöñji
Efronön Hit könagesö yengö jeñine ji-
iga mötkeri, miangö urumohot ahök.
Jañgöñji silwö kötñji 400 mi kölköl-
örörö ambazipnön nalö miangörej bo-
honñangö dopñji jiget ahöyöhi, miangö
dop moneñ mi kewöta wañgiyök.

¹⁷Mewö wañgiiga Efrongörej gölme
köröñji Mamre kösutñe Makpela
miangörej ahöyöhi, bañet miangörej
kinöhi aka ip pakpak gölme miangö
jabö uruñe kingeri, miangö keuñji
teköyök. ¹⁸Keuñji teköiga Abrahamgö
buñaya ahök. Hit könagesö pakpak
taonñinangö kiripo nañguñe kaba
sombemñön tokogeri, yeñön töwanji mi
eketka buñaji ahök.

¹⁹Miangö andöñe Abrahamnön
anömñji Saragö qamötñji mi Keinan
gölmegö bañetñe esim löm kölöc. Bañet
mi Mamre qetñji alañji Hebron miangö
kösutñe gölme köröñji qetñji Makpela
miangörej ahöza.

²⁰Mewö asuhiiga gölme köröñji aka
bañet miangörej kinjawi, mi Hit kö-
nagesö yeñön Abrahamgö buñaya qem
wañgetka qaksirñji ahök. Mewö.

Aisakö anömñji Rebeka mi wañgita kaget.

24 Abrahamnön azi namñji ahiga
Anutunön yuai pakpak aka
meyöhi, miangörej i kötuëtköm
wañgii mala korök. ²Mewö ahiga nalö
kunön miriñangö welenqeqe jembonñi
bohönñji, miriñji uruñe öroyuai ahöm
wañgiyöhi, miangö galömñji yängöra
keu kewö jiyök, “Gi monö keugi jim
köhöimangöra börögi nöngö tambuni
bapñe alman. ³Mewö ala Kembu, Suep

aka gölme mietkö Anutuñirangö qetqe jöjöpaj keu kewö jiman: Nöñön Keinan könagesö yeñgö sutjine ki maljalmo, göñön mönö nahönañgö anömñi mi yeñgö nen bōratñina kun kude memba wañgiman. ⁴Mewö qahöpmö, gi mönö nane kantrinöñ anda tinitosolomurupni yeñgöreñök nahöni Aisakö anömña wañgita kaman.”

⁵Mewö jiiga welenqege jembonöñ kewö qesim wañgiyök: “Anda jibiga ambi miañön nömbuk gölme kiangöreñ kamangö tököma ewö, nöñön mönö denöwö akñam? Nahöngi wañgita kantri kanöñangöreñ kunbuk liliñgöba anbit me qahö?”

⁶Mewö qesim wañgiiga Abrahamnöñ kewö meleñnök: “Qahöpmahöp! Gi nöñgö nahöni wañgita miangöreñ kunbuk kude anmahot. ⁷Suepkö Kembunji Anutunöñ ni iwinangö miri aka ahياهو kantrineyök keu kewö jii mötpiga jöjöpaj keunöñ jöhöba noañgiri kayal: ‘Nöñön gölme ki mönö göhö gwölönarökurupki yeñgö buñaya qem engimam.’ Miangöra yañön mönö Suep garatañi melaiiga mutuk aniga göñön ölop nahönañgö anömñi mi miangöreñök wañgita kaman. ⁸Anda jinöñga ambi miañön göbuk kamangö tököma ewö, jöjöpaj keugi kianñön mönö qahö toroqeba jöhöm gihima. Nöñgö nahöni mi mönö qahö kötökñi wañgita miangöreñ liliñgöba anmahot.”

⁹Mewö jiiga welenqege jembonñan keu mi jim jöhöm wañgiba jöjöpaj keunöñ jim köhöimamgöra bōröñi ketañamñi Abrahamgö tambunji bapñe alök.

¹⁰Mewö jim köhöiba kinda ketañamñangöreñ kamel 10 aka yañgö köweñeyök yuai aködamunñinambuk könañi könañi mohotñe meyök. Mi

memba mosöta Not Mesopotemia (Aram Naharaim) [†]kantrinöñ anda Nahornöñ taon malöhañgöreñ añgorök.

¹¹Añgota taon yaigepñe o lömñi kinöhañgö kösutñe kamelurupñi al engüiga siminñini mösököba geba luhut meget. Wehön jeñi gemamgö aiga taongö ambiñi yeñön o ubingö o lömñe kaka nalöñini mi ahök. ¹²Miangöreñ kinda kewö köuluköyök: “O Kembu, ketañamni Abrahamgö Anutuñi, gi mönö merak töhötmöriam niñgiba ketañamni Abrahamgöra keu jim jöhönöñi, miangö ölni asuhuma. ¹³Mötnöñ, ni o löm kösutñe kiangöreñ kinbiga taongö ambi seramurupñini yeñön o ubingö kame.

¹⁴Kagetka kewö asuhumapköra köuluközal: Nöñön ambi seram kungöra kewö jimam: ‘Gi ölop köurañengi möñgoninöñga (mondokönöñga) o nembileñjak.’ Mewö jibiga yañön kewö meleñda jima: ‘Ölop nenöñga kamelurupki mewöyök o gumohom engimam.’ Mewö jimawi, ambi seram ia göñön welenqege azigi Aisakö buñaya qenöñi, yañön mönö mia akña. Mewö asuhuiga göñön ketañamñangöra keu jim jöhönöñi, miañön ölnambuk akza, mewö mötmam.”

¹⁵Köuluk mi qahö köuluköm teköiga miangöreñök ambi kun qetñi Rebeka yañön köurañen qamböñe añguba miangöreñ kañgorök. Yañön Abrahamgö munñi Nahor aka anömñi Milka, yetkö nahöññiri qetñi Betuel yañgö bōratña ahök. ¹⁶Ambi miangö kaisongolomñi mi eksihimñambuk kötökñi aiga ambi seram jömukñi azinöñ qahö memeña malök. Yañön eta o lömnöñ geba o uba korök. ¹⁷Koriga miangöreñök welenqege jembonöñ ösumñan yañgö kösutñe anda kewö

[†]24:10 Aram qet mi nalö kewöñe Siria qerakze. Naharaim o töwatñi yahöt (Yufreitisi aka Taigrisi) mietkö sutjire.

jiyök: “Gi ölop köuraengeyök o kun ninginönnga nembileñak.”

¹⁸Mewö jiiga kewö meleşnök: “O kembuni, ölop neman. “Mewö jiba ösumok köuraenñi böröñan memba eta moñgoñgoniiga (mondoköiga) o neyök. ¹⁹Mi neiga kewö jiyök: “Nöñön kamelurupki yengöra mewöyök o uba engibi memba anda bikñini enguiga mosötme.” ²⁰Mewö jiba ösumok köuraenñi mokoi o körek joutnön geiga kunbuk diñdiñgöba o lömnön o umangöra geba kamelurupñi pakpak yengöra o dopñine uyök. ²¹Mewö ahiga welenqege jembonön görön kinda i törörök eka kewö möta mötmöriyök: “Ölña, Kembunön köna köröpñi ki kayalañgö möriamñi mi mönö kewö kondori asuħuza me denöwö?”

²²Mewö mötmöriba kiniga kamel yengön o nem tekögetka welenqege jembonön pinjim (möpön) goulnön memeni kun lömbötñi 5 gram mi memba ambi seramgö söngörönje ala böröñenñen goulnön memeni yahöt lömbötñiri 110 gram mi börönje mei öngöyök. ²³Mei öngöiga kewö qesim wañgiyök: “Gi dagö böratña? Iwigahö miri uruñe neñön sun gem ahöbinakö tiñi kun ahöza me qahö, mi ölop jinön mötpileñak.”

²⁴Mewö qesim wañgiiga kewö meleş wañgiyök: “Ni Betuelgö böratña. Abu asani qetñiri Milka aka Nahor.” ²⁵Mewö jiba toroqeba kewö jiyök: “Neñgörej luplup aip aka kamel yengö gwözözak neneñi mi gwötpuk ahöza aka sun gem gaun ahömegö tiñi mi mewöyök ölop kinja.”

²⁶Mewö jiiga welenqege jembonön gölmenön geba bamgöba Kembangö waikñi memba möpöseiyök. ²⁷Möpöseiba kewö jiyök: “O Anutu, ketamni Abrahamgö Kembuñi, nöñön gi möpöseim gihizal. Göñön ketamnanğöra kalem möriamgö keugi jim jöhönöñi, mi törörök

wuatangönönnga qahö sörauyök. Mianğö dop Kembu göñön noangitnönnga köna köröpñi ki kaba mala ketamnanğö tinitosolomurupñi yengö mire kangotzal.”

²⁸Mewö asuħuiga ambi seramnön ösumñan kinğingöba anda mianğö kösohotñi mi namnanğö saiwaurupñi miriñe malgeri, yengöra jiiga mötket. ²⁹Rebekagö nenñi qetñi Laban malök. Yanön mi möta Abrahamgö welenqege jembonñi ekjamğöra ösumñan yaigep o lömñe kinğingöba anök. ³⁰Nenanğö börönje goul böröñenñen aka söngörönje goul pinjim tari ehiga nenñi Rebekanön welenqege jembonön keu jiiga möröhi, mianğö kösohotñi jii möta yanğoren anök. Anda o lömñe anğota azi mi ehiga mianğoren kamelurupñi yengö qöhörönje kinök. ³¹Kiniga kewö jiyök: “Kembunön kötuatköm gihii maljani, gi mönö kanönnga mirinön anbit. Yaigep kinğören kude kinman. Nöñön nanñini ahömeañgö miriñi aka kamelurupki yengö dumñini tok möwölöhözal.”

³²Mewö jiiga welenqege jembonön mire kaiga kamel qakñine sukinap taröhi, mi Labanön musula mei eri jiiga kamel yengöra luplup aip aka gwözözak nene memba kaba engiget. Welenqege jembon aka yanğö aziurupñan könanñi sanğonmeañgö onñi mi tok mohotñe uba kaba engiget. ³³Mianğö andönje nene welenqege jembongö wösönje kölgetmö, yanön kewö jiyök: “Mutuk keu memba kazali, mi jibi mötketkun mönö nene ki nemam. “Mewö jiiga Labanön kewö jiyök: “Mi ölop jinön mötpin.”

³⁴Mewö jiiga kewö jiyök: “Nöñön Abrahamgö welenqege azia akzal. ³⁵Kembunön ketamni önöñi qahö kötuatköm wañgiiga azi öngöñgöñi sukinapuk aka malja. Kembunön lama aka bulmakau, silwö aka goul, welenqege azi aka ambi aka kamel, donki mi gwötpuk wañgiiga

malja. ³⁶Ketañamnaṅgö anömñi Sara yañön ambi namñi kötökñi aka nalö miangöreñ ketañamnaṅgöra nahönñi kun meyök. Iwiñan sukinapñi pakpak mi nahönñanggöra buña qem wañgii malja.

³⁷“Ketañamnan nõñön jöjopañ keu kewö jimamgö jim kutum niñgiyök: ‘Nõñön Keinan yengö gölmenöñ ki maljalmö, göñön mönö nahönangö anömñi mi Keinan yengö nen börtatñina kun kude memba wañgiman. ³⁸Mewö qahöpmö, gi mönö iwinangö mire nani tinitosolomurupni yengöreñ anda nahönangö anömñi mi miangöreñök wañgita kaman.’

³⁹“Mewö jiiga ketañamni mi kewö qesim wañgial, ‘Nõñön anda jibiga ambi miangöñ nõmbuk qahö kama ewö, nõñön mönö denöwö akñam?’ ⁴⁰Mewö qesim wañgibiga kewö melenök: ‘Nõñön Kembangö jeñe anda kaba aka memba malali, yañön mönö Sup garatañi melaiiga göbuk aniga kõna anmani, miangöñ töhötmöriamñambuk akña. Mewö nani iwinangö mire anda tinitosolomurupni yengöreñök nahönangö anömñi mi memba kaman. ⁴¹Nõngö tinitosolomurupni yengöreñ anda jöjopañ keu nõngöra jinöñi, miangöñ mönö miangö andöñe qahö toroqeba jöhöm gihima. Ambi kun qahö gihime ewö, göñön töndup jöjopañ keu miangö kösonöhök lolohoman.’

⁴²“Mewö jiiga merak o lömñe kañgota kinda kewö köuluközal: ‘O Anutu, ketañamni Abrahamgö Kambuñi, ni kõna köröpñi kazali, mi mönö jitsihitkahö dop mötnöñga töhötmöriamñambuk akña. ⁴³Eknöñ, nõñön o löm kiangö kösutñe kinjal. Kewö kinbiga ambi seram kunñan o umamgö kaiga nõñön yañgöra kewö jimam: “Gi ölop köurañengeyök o moröñi kun niñginöñga nembileñak?”

⁴⁴Mewö jibiga yañön kewö melenða jima: “Ölop nenöñga kamelurupki

yengö o mewöñanök uba eñgimam. “Mewö melenða jima ewö, nõñön miangöra kewö mötmam: Kembu göñön i ketañamnaṅgö nahönñangö anömñi akñapköra möwölöhözan.’ ⁴⁵Uruneýök köuluk mi qahö köuluköm teköbiga miangöreñök Rebeka yañön köurañen qamböñe anguba miangöreñ kañgotza. Kañgota o lömñe geba o uiga nõñön yañgöra kewö jizal: ‘Ölop o kun niñginöñga nembileñak.’

⁴⁶“Mewö jibiga yañön zilañ köurañenñi qamböñeyök mei eriga kewö jiza: ‘Ölop nenöñga kamelurupki yengö o mewöñanök eñgibiga neme.’ Mewö jii nembiga kamelurupni mi mewöyök o gumohom eñgiza. ⁴⁷Gumohom eñgiiga kewö qesim wañgizal, ‘Gi dagö börtatña?’ Qesim wañgibiga kewö melenja: ‘Ni Betuelgö börtatña. Abu asani qetñiri Milka aka Nahor.’ Mewö melenñiga nõñön pinjim söngöröñe möndöba böroñeñeñ böroñe membi öñgöza. ⁴⁸Nalö miangöreñök gölmenöñ geba bamgöba Kembangö waikñi memba möpöseizal. Anutu ketañamni Abrahamgö Kambuñan mönö kõna diñdiñi noañgiri ketañamnaṅgö munñangö mire kaba isiñi nahönñangö anömñi akñapköra miwikñaizal. Miangöra Kembu möpöseim wañgizal.

⁴⁹“Mewö kaba ki kinjal. Miangöra iñini ketañamni ek soriba sepkitip akzeañgö keuñi pöndañ wuatangöba ak kömum wañgize ewö, mi mönö kondela jigetka mötmam. Mewö qahö akñe ewö, keu mi tok jigetka mötmam. Mi möta kungen elenða anmamgö mötmörimam.”

⁵⁰Mewö jim teköiga Laban aka Betuel yetkөн kewö melenða jiyohot, “Keu ki Kembangöreñök kaza. Miangöra netkөн keu mewö me mewö jibirangö dop qahö.

⁵¹Mötnöñ, Rebekanöñ ki kinja. Kambunöñ jimqindiñ akzawañgö dop ölop

i waŋgita anda ketaŋamgahö nahönŋi waŋginöŋga anömŋi akŋa.”

⁵²Mewö jiyohotka keuŋiri möta Abrahamgö welenqege jembonŋan eta Kembugö jeŋe gölmenöŋ geba bamgöyök. ⁵³Bamgöm teköiga wahöta gösöŋeyök goul aka silwö aködamunŋi eksihimŋinambuk aka opo maluku kulemŋinambuk ujeta Rebeka waŋgiyök. Mewöŋanök kalem yuai tosatŋi söŋgöroŋjini ketaŋi mi nam nenŋi etkiyök.

⁵⁴Etkiba i aka aziurupŋi yambuk kageri, yeŋön nene kulup nempa tata mala suŋgem aiga ahöget. Ahöba söŋan wahötetka kewö jiyök: “Ölöp melaim niŋgigetka ketaŋamŋaŋgöreŋ anmam.”

⁵⁵Mewö jiyökmö, nam nenŋi yetkөн kewö meleŋnohot, “Ölöp nenböratniri mosötnöŋga toroqeba nalö tosatŋi silim ten mewö nembuk malma. Miangö andöŋe ölöp i waŋgita anme.”

⁵⁶Mewö meleŋnohotmö, welenqege jembonöŋ kewö melenŋa jii mötket, “Welen könani kazali, mi Kembunöŋ kötuetsköiga töhötmöriamŋambuk akza. Miangöra nalöni mönö kude qekörime. Mönö melaim niŋgigetka ölöp könani liliŋgöba anda ketaŋamŋaŋgöreŋ aŋgotmam.”

⁵⁷Mewö jii möta kewö jiyohot, “Ölöp ambi seram mi qetzi kaiga nanŋaŋgöra qesim waŋgibin.” ⁵⁸Mewö jiba Rebeka qerohot kaiga kewö qesim waŋgiyohot, “Gi azi kiambuk anmamgö mötzan me qahö?” Qesim waŋgiyohotka “Ölöp anmam,” jiyök.

⁵⁹Mewö jiiga kinda nenböratŋiri mi welen ambiŋambuk melaim etkigetka Abrahamgö welenqege jembon aka yaŋgö aziurupŋi yeŋön i etkuangita anbingö aket. ⁶⁰Anbingö aketka miangöreŋ iwinam nenmunurupŋan Rebeka kötuetsköm waŋgiba kewö jiget,

“O nen böratnini, Kembunöŋ ölöp ahumsehip gihiiga göŋön gwölönarökurupki milyönŋi milyönŋi yeŋgö bömön jalöŋina akŋan.

Yeŋön mönö köhöiba kerökurupŋini eŋguba luhut ala siti gölmeŋini eŋguaŋgita aŋgön köla malme.”

⁶¹Mewö jiget teköiga Rebekanöŋ welenqegeambiurupŋi yembuk wahöta kamel qakŋine öŋgöba tata welenqege jembonŋi wuatŋgöba anget. Jembon yaŋön Rebeka waŋgiriga mosöta köna liliŋgöba anget. ⁶²Anda kaba mala mala Keinan gölmenöŋ kaŋgotket. Aisaknöŋ gölme miangö Saut likepŋe distrik qetŋi Negew miangöreŋ mala nalö miangöreŋök o löm qetŋi Ber Lahai Roi †mi mosöta gölme qararaŋkölkölŋe kaba malök. ⁶³Kaba mala miri söŋaumamgö aiga miangöreŋ koumŋi mosöta gölme köröŋi ketaŋi miangöreŋ anda liliköba keu mötmöribi uba wahöta ehiga tosatŋan kamel qakŋine tata yaŋgö kösutŋe kabingö kaget.

⁶⁴Mewö kagetka Rebekanöŋ uba wahöta Aisak eka kamel qakŋe taröhi, miangöreŋök ösumok luhuba gölmenöŋ erök. ⁶⁵Eta welenqege jembongöra qesiba kewö jiyök, “Azi gölme köröŋe endu kinda mesohol köl neŋgiba kazawi, mi daŋön?” Mewö jiiga kewö meleŋnök, “Yaŋön mönö ketaŋamŋaŋgö nahönŋi akza. “Mewö meleŋniga möta nörop kawöserŋi (kawaserŋ) öröba jemesoholŋi esuhuyök.

⁶⁶Eshuuiŋa aitaŋgögetka welenqege jembonöŋ yuai pakpak aka memba malöhi, miangö kösohotŋi mi Aisaköra jii mörök. ⁶⁷Möri teköiga Aisaknöŋ Rebeka waŋgiriga namŋi Saragö opo seri koumŋe öŋgöba maliga könŋepŋe mei anömŋi aiga uruŋan jöpaköm waŋgiba malök. Aisakö namŋan

†24:62 Malmalŋambuk mala nehakzawaŋgö o lömŋi

kömuiga wösöbirik uruṇe malöhaṅgöra aka urukölalepṇi mewö miwikṇaiyök. Mewö.

Abrahamgö isiamböurup tosatṇi

1 Hist 1.32-33

25 Aisaknönj ambi meiga iwiṇi Abrahamnönj anömṇi kun qetṇi Ketur meyoḵ. ²Meiga Keturanönj Abrahamgö moröurupṇi kewö eṅgömeyök: Zimran, Joksan, Medan, Midian, Isbak aka Sua. ³Joksanönj nahönyahötṇi qetṇiri Seba aka Dedan yetkö iwiṇira ahök. Dedan yaṇön Asur könagesö, Letus könagesö aka Leum könagesö yeṅgö bömönṇini ahök. ⁴Midiangö nahönurupṇi mi Efa, Efer, Hanok, Abida aka Elda. Mi pakpak Keturagö isiurupṇi aka malget. Mewö.

⁵Abrahamnönj sukinapṇi pakpak mi nahönṇi Aisak buṇa qem waṅgiyök. ⁶Mi waṅgiyökmö, anömurupṇi bohonṇini qahö memenṇi yeṅgö nahönurupṇini yeṅgöra kalem yuai toto qeba mendenḍa eṅgiyök. Mendenḍe eṅgiba jebuk mala melaim eṅgiiga datṇini Aisak mosöta gölme wehön kotkotṇe göröken mi-aṅgöreṇ anget. Mewö.

Abrahamnönj kömuiga löm kölget.

⁷Abrahamnönj mala koriga yambuṇi mindiriba 175 aiga kömuyök. ⁸Malmal yambuṇaṅgö qötönṇan öṅgöṅgöṇi aka dop köliga öliba azi namṇi aka söṅgöörö ösum kondikṇi öröba nönj qeba kömuiga Anutunönj waṅgiri tinitosolomurupṇan kömuger, yeṅgöreṇ anda toroqeyök. ⁹Kömuiga nahönyahötṇi Aisak aka Ismael yetkön iwiṇiraṅgö qamötṇi memba anda Makpela baṇetnönj löm kölohot. Baṇet mi Hit azi Efron Zohargö nahönṇi yaṅgö gölme köröṇe Mamre miri gölmenöhök wehön kotkotṇe göröken ahöza. ¹⁰Abrahamnönj gölme

köröṇi mi Hit könagesö yeṅgöreṇök bohonṇi meyoḵi, mi-aṅgöreṇ i aka anömṇi Sara mi löm köl etkiget. ¹¹Abrahamnönj kömuiga Anutunönj nahönṇi Aisak kötuettöm waṅgiba malök. Yaṇön Negew gölmenönj o löm qetṇi Ber Lahai Roi (Malmalṇambuk mala nehakzawaṅgö o lömṇi) mi-aṅgö kösutṇe tata malök. Mewö.

Ismaelgö könagesöurupṇi

1 Hist 1.28-31

¹²Ijpt ambi Hagar yaṇön Saragö welen ambia maliga Abrahamnönj meiga gölöm ala nahönṇi Ismael meyoḵ. Ismaelgö nahönurupṇi yeṅgö qet areṇini kewö: ¹³Ismaelgö nahönurupṇi yeṅgö qetṇini aka asuhugerangö areṇini mi kewö: Nahönṇi mutukṇi qetṇi Nebaiot. Yaṅgö könage Kedar, Adbel, Mihsam, ¹⁴toroqeba Misma, Duma aka Masa, ¹⁵Hadad, Tema, Jetur, Nafis aka Kedema. ¹⁶Ismaelgö nahönurupṇan mewö asuhuba kambuṇinaṅgö dop pomṇini 12 aka mala kotket. Pomṇini qetkeri, mi-aṅgö dop opo koum tamböṇini aka jike miriṇini mewöyök qeta memba mala kotket.

¹⁷Ismaelnönj mala koriga yambuṇi mindiriba 137 aiga kömuyök. Mewö azi namṇi aka söṅgöörö ösum kondikṇi öröba nönj qeba kömuiga Anutunönj waṅgiri tinitosolomurupṇan kömuger, yeṅgöreṇ anda toroqeyök. ¹⁸Ismaelgö gwölönarökurupṇi yeṇön köröpken köröpken denḍa anda mala gölme qetṇiri Hawila aka Sur mietkö sutṇire gölme memba malget. Gölmenṇini mi Ijpt kantrigö jaböneyök könahiba wehön kotkotṇe Asiria göröken angeri, köna mi-aṅgö kösutṇe mi-aṅgöreṇ ahöza. Ismaelgö gwölönarökurupṇi yeṇön Abrahamgö gwölönarökurupṇi tosatṇi

pakpak mi kerök-kerök ak engiba malget. Mewö.

Iso aka Jeikob yetkôn asuhuyohot.

¹⁹ Abrahamgö nahönñi Aisak yangö gwölönarökurupñi yengö qet areñini mi kewö: Abrahamgö nahönñi Aisak. ²⁰ Aisaknön yambuñi 40 aiga Mesopotemia (Padan Aram) kantrigö Aram azi qetñi Betuel yangö börtatñi Rebeka anömña meyök. Rebekagö nenñi mi Aram azi qetñi Laban. ²¹ Aisaknön anömñan köpin maliga yangöra aka Kembu köuluköm wañgiyök. Köuluköm wañgiiga köulukñi möriğa Rebekanön gölöm alök. ²² Gölöm aliga moröyahöt yetkôn namñirangö körö uruñe utal aᅇuyohot. Mi möta kewö jiyök: “Yuai kewöñi mi mönö wuanöngöra asuhum niᅇgiza?” Mewö jiba anda miangöra Kembugö qesim wañgiyök.

²³ P Qesim wañgiiga kewö jii mörök: “Göhö körö uruge kambu yahöt mietkö bömöññiri ahözahot. Yetköreñök könagesö yahöt asuhuba deᅇda malme.

Ambazip kambu kunön kambu alaᅇi eᅇgongita ösum köhöikñi akñe.

Datñan munñi welen qem wañgiba malma.”

²⁴ Morö meme nalöñan kam kuᅇgiiga köröñi uruñe morö nahön siwisiwi yahöt ahöyohot. ²⁵ Mutuk köröñeyök asuhuyöhi, yangö sileñan pisikpisik aiga sile juᅇñan sileñi körek dop köla ahöyök. Miangöra qetñi Iso (juᅇñambuk) qetket. ²⁶ Miangö könane munñan Isogö köna gwakötñe böröñan memba asuhuyök. Miangöra yangö qetñi Jeikob qetket. (Jeikob keu miangö

könañi yahöt: gwaköt aka tilipköza.) Aisaknön yambuñi 60 aiga nalö miangöreñ Rebekanön moröyahötñi yahöt mi etkömeyök. Mewö.

Isonön börösamot memapkö qet keuñi mi qeapköyök.

²⁷ Morö nahön yahöt mietköñ asuhuba qariba ketañi ahotka Isonön böröjan nupkö könañi törörök möt yaköba pöndaᅇ jölömnön malmamgö mörökmö, munñan azi böñjöñi aka kapaᅇ köla mire malök. ²⁸ Aisaknön arökñaᅇgö sömbuᅇñi nemamgö möta malök. Miangöra uruñan Iso gwötᅇuk jöpaköm wañgiba malökmö, Rebekanön urukönömñan Jeikob gwötᅇuk jöpaköm wañgiba malök.

²⁹ Nalö kunön Jeikobnön koziᅇ memba nanñaᅇgöra nene kuluᅇ ohoi tariga datñan jölömnöhök kaba sileñi lömbörii wösöñi gwötᅇuk alök. ³⁰ Mewö aiga Jeikobköra kewö jii mörök: “Sileni lömbörii wösöni gwötᅇuk aljawañgöra mönö zilaᅇ koziᅇ kuluᅇni pisikpisik mi niᅇginöᅇga nembu. “Miangöra qetñi Edom (pisikpisik) qetket.

³¹ Mewö jii möta Jeikobnön jiyök: “Datni, gi mutuk asuhunöᅇga miangö qetbuᅇagi mi mönö mutuk tököm niᅇginöᅇga nene kuluᅇ mi ölop gihibi neman.”^f

³² Mewö jiiga keu kewö meleᅇ wañgiyök: “Muni mötnön, ni mönö kömunamgö akzal. Miangöra mutuk asuhuyalaᅇgö qetbuᅇanan mönö denöwö bauköm niᅇgibawak?”

³³ Mewö meleᅇ wañgiiga kewö jiyök: “Miangö keuñi mi mönö mutuk jöjöpäᅇ keunön jim köhöinöᅇga möᅇpi.

^f25:31 Mutuk asuhuyöhi, yaᅇñ munurupñi yengö sutñine bohonñini aiga göda qeba qetbuᅇa wañgiba kalemñi kalemñi wañgiba malget. Iwinamñinan kömuyohotka buᅇañiri mendeᅇñeri, nalö miangöreñ mutuk asuhuyöhaᅇgö börösamotñi mi sömañi yahöt toroqeba wañgiᅇt.

“Mewö jiiga mi jöjopaŋ keunöŋ jim köhöim waŋgiba mutuk asuhuyöhaŋgö qetbuŋaŋi mi Jeikob tököm waŋgiiga nenenöŋ bohonŋi meyök. ³⁴Bohonŋi memba bered aka koziŋ kulunŋi Iso waŋgiiga nembra wahöta kinda mosöta anök. Isonöŋ mutuk asuhuyöhaŋgö qetbuŋaŋi mi miangö dop möriga eretŋi ahök. Mewö.

Aisaknöŋ Gerar taonöŋ malök.

26 Mutuk Abrahamgö nalöŋe bödi asuhuyök. Mewöyök Aisakö nalöŋe mi kunbuk asuhuba gölme dop köla ahöyök. Mi asuhuiga Aisaknöŋ mosöta Filistin yeŋgö kiŋ kembu qetŋi Abimelek yaŋgö miriŋi qetŋi Gerar miangöreŋ anök. ²Anda maliga Kembunöŋ asuhum waŋgiba kewö jiyök: “Gi Ijpt gölmenöŋ kude anman. Gölme ki buŋagi akŋapkö jim kutuyali, mönö kiangöreŋ tata malman.

³Nöŋön iwigi Abrahamgöra jöhöjöhö keu waŋgiba mi jöjopaŋ keunöŋ jim köhöiyali, mi mönö galöm kölbiga öŋambuk akŋa. Nöŋön gölme pakpak ki mi gi aka göhö gwölönarökurupki yeŋgö buŋaya qem eŋgimam. Miangöra ölöŋ gölme kiangöreŋ tata kian malnöŋga nöŋön göbuk mala kötuetaköm gihibiga malmam.^r ⁴Nöŋön gwölönarökurupki ahumsehip eŋgibiga qötöŋinan suep-nöŋ könakembagö seŋgelau tat anjei, mönö mieŋgö dop akŋa. Mewö aketka gölme pakpak ki mi yeŋgö buŋaya qem eŋgimam. Göhö gwölönarökurupki yeŋgöreŋök kungöra aka nöŋgö kötumötuetnan mönö gölmegö könagesö kambuŋi pakpak yeŋgö qakŋine öŋgöiga oyaeŋkoyaeŋ akŋe. ⁵Nöŋön kewögöra mewö akŋam: Abrahamnöŋ nöŋgö keuni tem köla malök. Jöjopaŋ keuni, jimkutukutu keuni aka köna keuni waŋgiali, yaŋön mi pakpak wuatangöba malök.”

⁶Anutunöŋ mewö jiiga Aisaknöŋ toroqeba Gerar taonöŋ tata malök. ⁷Maliga gölme miangö aziŋi yeŋön anömŋangö qesim waŋgigetka kewö jiyök, “I mi nena. “Mewö jiba uruŋan kewö mötmöriyök: “Rebekagö kaisoŋgolomŋan eksihimŋambuk akzawaŋgöra azi mieŋön mönö yaŋgöra aka ni nunguget kömumbilenŋbuk. “Mewö mötmöriba “I anömna,” mewö jimamgö keŋgötŋi möta malök.^s ⁸Aisaknöŋ miangöreŋ nalö köröpŋi mala kota nalö kunöŋ anömŋambuk susuhuba aŋgum aŋguyohotka Filistin yeŋgö kiŋini Abimelek yaŋön jeŋgeŋanöhök yaigep ui geiga i etkehök. ⁹Etkeka Aisak oholi kaiga kewö jii mörök: “Mötnöŋ, yaŋön mönö göhö anömgi akza. Mönö wuanöŋgöra ‘I mi nena,’ jinöŋ?” Mewö möta kewö meleŋ waŋgiyök: “Ni yaŋgöra aka nunguget kömumbilenŋbuköra mötmöriba mewö jial.”

¹⁰Meleŋ waŋgiiga kiŋ Abimeleknöŋ kewö jiyök: “Göŋön mönö wani kimbiala ak neŋginöŋe? Nöŋgö aziurupni yeŋgöreŋök kunŋan mönö amqeba göhö anömgaŋbuk ahöbawak. Mewö asuhuiga göŋön kondotnöŋga siŋgisöndokö keu lömbötŋan mönö neŋgö qaknine öŋgöbawak.” ¹¹Mewö jiba könagesö kambuŋi pakpak yeŋgöra jimkutukutu kewö al eŋgiyök: “Kunŋan kun azi ki me yeŋgö anömŋi mem bölim etkimawi, i mönö kömupkö buŋaya jim teköingä kömuma. “Mewö.

¹²Aisaknöŋ gölme miangöreŋ nene nup köl kömöriga Kembunöŋ kötuetaköm waŋgiiga yambu miangöreŋ kötŋi kömöri, mi 100:kö dop sehiba asuhuyök. ¹³Mewö asuhuiga töhötmöriam ketaŋi ketaŋi miwikuŋaiba maliga sukinapŋan toroqeba qariba öŋgöiga kindiŋbirik azi qetbuŋaŋambuk

ahök. ¹⁴Yangörej lama, meme (noniņ) aka bulmakau kambuņi kambuņi mi asuhiba sehiget. Mewöñanök welenqequeurupņi gwötpuk engömeiga malget. Miangöra Filistin yeñon mi eka könahiba körögisigisi aka andöqege keu jiget. ¹⁵Andöqege keu jiba iwiņi Abrahamgö welenqequeurupņan o löm yangö nalöñe esigeri, mi pampak gölmenöñ qem turum teköget.

¹⁶Mewö asuñuiga kiņ Abimeleknöñ Aisaköra kewö jiyök: “Gi kukösumgabuk aka gwötpuk neņgoñgizanañgöra mönö kölolohoba neņgömosöta kungen an-man.” ¹⁷Mewö jii möta gölme mi mosöta Gerar öruenöñ (rueruenöñ) anda geba opo seri koumņi mörörengöba kunguba miangörej tata malget. ¹⁸Tata mala o löm iwiņi Abrahamgö nalöñe esigetmö, Abraham kömuiga Filistin yeñon qem turugeri, mi Aisaknöñ jiiga kunbuk esim lulunđa möhamgöget. Möhamgögetka iwiņan o löm qetņini qeröhi, Aisaknöñ mi mewö kunbuk qerök.

¹⁹Mewö qeriga welenqequeurupņan öruenöñ o löm esiba mala o löm kun onņi sarakņi soksoköyöhi, mi miwikņaiget. ²⁰Mi miwikņaigetmö, Gerar yeņgö lama bulmakau galömninan Aisakö lama bulmakau galömurupņi yembuk könahiba aņgururuk aka keu kewö jiget, “O mi neņgöreña!” Nanñambuk aņgururuk keu mewö jigerañgöra aka Aisaknöñ o löm miangö qetņi Esek (Aņgururuk) qerök. ²¹Miangö andöñe o löm kun kunbuk esigetka miangöra mewöyök aņgururuk aket. Mewö akerañgöra aka o löm miangö qetņi Sitna (Kerök-kerök) qerök.

²²Mewö qeta gölme mi mosöta anda o löm kun kunbuk jii esiget. O löm miangöra aņgururuk keu qahö asuñuiga miangöra qetņi Rehobot (Tiņi ölöpņi) qeta keu kewö jiyök: “Merak Kembunöñ

tiņi ölöpņi neņgiiga ölöp gölme ki-aņgörej mala ahumsehip akin.”

²³Mewö jiba miangörej mala mosöta Berseba mire anök. ²⁴Berseba aniga sunğem miangörej Kembunöñ asuhum waņgiba kewö jiyök: “Nöñon iwiņi Abrahamgö Anutuņi akzal. Nöñon göbuk mala kötuetsköm gihiba malmam. Miangöra keņgötki kude mötman. Nöñon nup azini Abrahamgöra aka göhö gwölönarökurupki ahumsehip eņgibiga qötöñinan öņgöñgöñi akña.”

²⁵Mewö jiiga Aisaknöñ jöwöwöl alta kun miangörej memba Kembangö qetņi qeta köuluköyök. Köuluköba opo koumņi mörörengöba kunguba tata malget. Mala jiiga welen aziurupņan o löm kun miangörej esiget. Mewö.

Aisak aka Abimelek yetkön sutñire jöhöjöhö ahot.

²⁶Aisaknöñ Berseba maliga nalö kunöñ kiņ Abimelek yañon Gerar taon mosöta yangörej kayök. Gorojiji alaņi Ahuzat aka yarö kambuñangö suahö galömnı Fikol yetkön yambuk mohotņe kaget. ²⁷Kagetka Aisaknöñ kewö qesim eņgiyök: “İñini kerök möt niņgiba gölmeñineyök közöl niņgigetka töndup mönö wuanöñgöra nöñgöreñ ki kaze?”

²⁸Qesim eņgiiga kewö meleņget: “Kembunöñ göbuk kinjawi, nini mi aukņe ek kutuba mötzin. Miangöra kewö mötmörizin: ‘Neñon göbuk jöhöjöhö akingö sihimnini mötzin. Ölöp gi aka neņgö sutnine jöhöjöhö aka mi jöjöpaņ keunöñ jim köhöininga kewö ahöma: ²⁹Nini kahasililiņ kun qahö ak gihiinmö, nalö dop ölöpņi ak gihiba gömosöringa luainöñ mirigi mosöta anda kaba malnöñ. Miangö dop göñon mewöñanök nini yuai bölöñi kun kude ak neņgiba malman.’ Nalö kewöñe Kembunöñ kötuetsköm gihiiga maljan.”

³⁰Mewö jigetka Aisaknön közölömbuan mözözömgöba ohoba aliga nene kuluḡ nembra tatket. ³¹Tata ahöba söḡan ömandiḡe wahöta jöhöjöhöḡini jöhöm aḡuba mi jöjöpaḡ keunöḡ jim köhöiget. Jim köhöigetka Aisaknön i melaim eḡiiga luai qakḡe mosöta anget.

³²Angetka wehön miangöreneḡk Aisak welen azi yeḡön kaba o löm kun esigeri, miangö kösohotḡi i jigetka kewö mörök: ³³“Nini o miwikḡaizin. “Mewö jigetka möta o löm miangö qetḡi Siba qerök. ⁸Miangöra taon miangö qetḡi mi nalö kewöḡe mewöyök toroqeba Berseba qerakzin. Mewö.

Isonöḡ kian ambi yahöt etkömeyök.

³⁴Isonöḡ yambuḡi 40 aiga Hit ambi yahöt anömyahötḡa etkömeyök. Qetḡiri Judit, iwiḡi qetḡi Beri aka Basemat, iwiḡi qetḡi Elon. ³⁵Ambi mietkön Aisak aka Rebeka urukömbuk aka wösöbirik keta bölökḡi miwikḡaim etkiba malohot. Mewö.

Aisaknön Jeikob kötuatköm waḡgiyök.

27 Aisaknön mala kota azi namḡi aiga jeḡi ömun köliga yuai kumbuk ek kutumamḡö osiyök. Mewö osiba nahönḡi mutukḡi Iso köl öröm waḡgii kaiga kewö jii mörök: “Nahöni mötnöḡ. “Mi möta kewö melerḡ waḡgiyök: “Iwini, ni ki kinjal.”

²Melerḡ waḡgiiga kewö jii mörök: “Mötnöḡ, ni azi namḡi aka wani nalönöḡ kömumami, mi qahö mötzal. ³Miangöra göḡön ölop timbi liḡgipki aka kesarek gösögi memba jölömnöḡ anda sömbupkö böröḡaḡ memba qeba nöḡgöreḡ kaman. ⁴Kaba nene nahömḡambuk sihimnaḡö dop ohoba mözözömgöba memba kaba niḡḡinöḡga nemam. Mi

nemba kinda kötumötuet gihimam. Mi mutuk gihibi teköiga nöḡön miangö andöḡe ölop kömumam.”

⁵Aisaknön nahönḡi Isogöra keuḡi mewö jiiga Rebekanöḡ mi kezap ala mörök. Möriḡa Isonöḡ mosöta sömbup böröḡaḡ memba qeba iwiḡi waḡgimamgöra jölömnöḡ anök. ⁶Aniga Rebekanöḡ nahönḡi Jeikobköra keu kewö jii mörök: “Nahöni mötnöḡ, Iwigan datki Isogöra keu kewö jiiga mötzal: ⁷“Gi mönö sömbup memba kaba niḡgiba nene nahömḡambuk ohoba mözözömgöba niḡḡinöḡga nemam. Nembagun Kembugö jemesoholḡe kötumötuet gihimam. Mi mutuk gihibi teköiga miangö andöḡe ölop kömumam.” ⁸Miangöra nahöni, kezap ölopḡanök ala mötnöḡ. Keu dölkii jim kutum gihimami, gi mönö miangö dop akḡan. ⁹Mönö meme kambunöḡ anda miangöreneḡk meme (noniḡ) döḡḡi kelökḡambuk yahöt memba kaba niḡḡinöḡga nöḡön miangön iwigahö sihimnaḡö dop numbu nene nahömḡambuk ohoba mözözömgömam. ¹⁰Ohoba mözözömgöbiga memba anda iwiḡi waḡḡinöḡga nemba kötumötuet gihibawak. Miangö andöḡe ölop kömuma.”

¹¹Mewö jii möta namḡi Rebekagöra kewö jiyök: “Namni mötnöḡ, datni Isonöḡ sile jupḡambuk akzapmö, nöḡḡö silenana solanḡi akza. ¹²Iwinaḡ ni nömisiriba mötpawak ewö, ni yanḡö jemesoholḡe tilipqilip azi tandök asuhubiga möt niḡḡibapuk. Mewö möt niḡḡiiga kötumötuet qahöpmö, jimqesuaḡ öröbi nani qakne öḡḡöbapuk.”

¹³Mewö jiiga namḡan kewö jii mörök: “Nahöni, jimqesuaḡ gihibawahi, miangön mönö ölop nöḡḡö qakne öḡḡöma. Göḡön

^{§26:33} Siba keu miangö könaḡi yahöt: jöjöpaḡ keu aka sewen. Jen 21:31

mönö töndup keu jizali, mi möt tem köla anda yuai mi memba kanöŋ.”

¹⁴Mewö jiiga anda meme (noniŋ) yahöt memba kaba namŋi waŋgiyök. Waŋgiiga nene nahömŋambuk iwiŋan sihimŋi möröhi, miangö dop ohoba mözözömgöyök. ¹⁵Ohoba nahönŋi mutukŋi Isogö opo malukuŋi ölöp kötökŋi opo köweŋe galöm kölöhi, mi memba nahönŋi könangepŋi Jeikob waŋgiiga löŋgörök. ¹⁶Löŋgöriŋa meme (noniŋ) sileŋi mi memba böröŋi köpeiba jölŋi solanŋi esuhuyök. ¹⁷Esuba nene nahömŋambuk aka bered ohoyöhi, mi memba Jeikobkö böröŋe alök.

¹⁸Aliga memba iwiŋangöreŋ anda “Iwini!” jiyök. Jiiga kewö meleşnök: “O nahöni, gi daŋön?”

¹⁹Mewö meleşniga iwiŋangöra kewö jii mörök: “Ni nahönŋi mutukŋi Iso. Jim kutum niŋginöŋi, ni mönö miangö dop ak teközal. Ölöp wahöta tata sömbupni memba kazali, mi memba kötuetköm niŋgiman.”

²⁰Mewö jii möta nahönŋi kewö qesim waŋgiyök: “Nahöni, mi mönö denöwö könöpuk miwikŋaizan?” Qesim waŋgiiga kewö meleşnök: “Anutu, göhö Kembangon mönö bauköm niŋgiiga mi zilaŋ miwikŋaizal.”

²¹Mewö meleşniga Jeikobköra kewö jiyök: “Nahöni, gi ölja nahöni Iso akzan me qahö, mi mötmangöra mönö ölöp kösutne ki kanöŋga gömisirimam.”

²²Mewö jiiga iwiŋi Aisakö kösutŋe aniga misirim möta kewö jiyök: “Imbi jölŋan Jeikobkö imbia akzapmö, böröŋan Isogö böröŋi ewö.” ²³Böröŋi jupŋambuk datŋi Isogö börö tandök ewö ahöhangöra Aisakönöŋ i qahö möt kutum waŋgiba kötuetköm waŋgimangöra ahök. ²⁴Töndup kunbuk kewö qesim waŋgiyök: “Gi ölja nahöni Isoya me

qahö?” Qesim waŋgiiga kewö meleşnök: “Ni mönö Isoya.”

²⁵Mewö meleşniga kewö jiyök: “Nahöni, ölöp sömbupki tosatŋi niŋginöŋa memba kötümötuetni gihimam. “Mewö jiiga mi waŋgii neyök. Neiga wain o tosatŋi mohotŋe mokoba waŋgii neyök. ²⁶Nemba kinda nahönŋangöra kewö jii mörök: “Gi ölöp kösutne kaba numbuni yöhötim neman.”

²⁷Mewö jii möta kösutŋe anda numbuŋi yöhötim neyök. Neiga opo malukuŋangö wörönŋi möta kötuetköm waŋgiba kewö jiyök: “Aha nahöni, Kembunöŋ urukisigö jölömnŋi kötuetköi ahözawi, nöŋgö nahönangö sile qösösökŋi ölöppan mönö mi ewö aiga mötzal.” ²⁸Anutunöŋ mönö suepkö umjijilŋi aka gölmeŋö töhötmörämŋi tököm gihiiga yaka yöhagi, sehoŋ padigi aka wain o yuaigi mi önöŋi qahö asuhum sehime. ²⁹Kantriŋi kantriŋi yeŋön mönö welen qem gihiba malme. Könagesö kambuŋi kambuŋi yeŋön mönö simin köl gihiba malme. Göŋön mönö nani nahönurupni mi kembu ak engiba malman. Namgahö nahönurupŋan mönö simin köl gihiba malme. Kunŋan qesuahöm gihimawi, qesuaknöŋ mönö yaŋgö qakŋe öŋgöma. Kunŋan kötuetköm gihimawi, kötümötuetniŋ mönö yaŋgö qakŋe öŋgöma. “Mewö.”^v

Isonöŋ iwiŋan kötuetköm waŋgimapköra ulerök.

³⁰Aisaknöŋ Jeikob kötuetköm waŋgim teköiga iwiŋangö miri uruŋi mosöta yaigep aniga wölaŋ miangöreŋök datŋi Isonöŋ böröŋaŋ mali teköiga mire kayök. ³¹Kaba yaŋön mewöyök nene nahömŋambuk ohoba mözözömgöba memba kaba iwiŋi

waŋgiba kewö jiyök: “Iwini, ölop wahöta tata sömbupni tosatŋi nemba kötümötuetki niŋgiman.”

³²Mewö jiiga iwiŋi Aisaknönj kewö qesim waŋgiyök: “Gi daŋön?” Qesim waŋgiiga kewö meleŋda jiyök: “Ni nahöŋgi mutukŋi Iso.” ³³Mewö jiyöhaŋgöra Aisaknönj töwöratiba sile jönömŋi gwötpuk unduiga kewö jiyök: “Gi qahö kanöŋga miangöreŋ böröjaŋ azi kunönj sömbup memba kaba niŋgiyöhi, mi mönö daŋön? Yaŋön mi niŋgiiga nemba kötümötuetni lök waŋgim teközal. Mi waŋgim teközalangöra miangön mönö ölnja yaŋgö qakŋe ahöm öngöma.”

³⁴Isonöŋ iwiŋaŋgö keu jitŋi mi möta urukömbuk aka amburereŋ memba silata sahöta iwiŋaŋgöra kewö ulerök: “Iwini, nia mönö mewöyök kötuetköm niŋginöŋ.”

³⁵Mewö ulerökmö, iwiŋan meleŋda jiyök: “Mungan mönö tilipqilip qakŋe kaba göhö kötümötuetki taköba memba anja.”

³⁶Mewö jiiga Isonöŋ kewö jiyök: “Munan mönö indimŋi yahöt tilipköm niŋgiiga maljal: Yaŋön mutuk asuhuyalangö qetbujaŋi mi mutuk noaŋgit teköyök aka merak nöŋgö kötümötuetni mi mewöyök taköba noaŋgita meza. Miangöra qetŋi Jeikob (tilipqilip azi) qerakzini, mi mönö dopŋe akza. Kötümötuet kun mönö nöŋgöra ahöm gihiza me qahö?”^w

³⁷Mewö jiiga iwiŋan Isogöra kewö meleŋnök: “Mötnöŋ, nöŋön mungi göhö azi kembugi malmapköra kuŋgum waŋgizal. Tinitosolomurupŋi pakpak yeŋön i welen qem waŋgiba malmegöra jim kutum eŋgizal. Yaka yöha, sehoŋ padi aka wain o yuai mi lök jim teközalawa Anutunöŋ mi waŋgiba malma. O

nahöni, wanat kötümötuetna kun toroqeba ahöm niŋgizawa mia gihibileŋak? Mi mönö osizal.”

³⁸Mewö meleŋniga iwiŋaŋgöra kewö jiyök: “O iwini, kötümötuet mohok-kun miyök mönö ahöm gihiza me denöwö? O iwini, mönö nia kun kötuetköm niŋginöŋ. “Mewö jiba könahiba silata sahörök.”^x

³⁹Sahöriga iwiŋan kewö meleŋda jiyök:

“Mötnöŋ, göŋön mönö gölme töhötmöri-amŋambuk mosöta köröwen anda malman.

Miangöreŋ suepkö umjijilŋi mi könakembayök qahö erakŋa.

⁴⁰Gi bingö sou ketanŋi miangön ambazip laŋ eŋguba malmalgi aŋgön köla mungahö welenqeceŋi eretŋi aka malman.

Mewö malmanmö, kekelolo aka qetal waŋgiba

nalö miangöreŋ karim aka yaŋgö galöm kölkölŋi qeköba yaköriba nangi kinkin malman.”^{yz}

⁴¹Iwiŋan Jeikob kötümötuetni waŋgiyöhi, Isonöŋ miangöra aka könahiba munŋi uruönön möt waŋgiba malök. Nanŋi uruŋan mewö möta alaŋi kungöra kewö jiyök: “Iwiniraŋgö kömupŋaŋgö nalöŋan töriza. Yaŋön kömuiga sahöt iŋgeŋ nalöŋe miangöreŋ ölop muni Jeikob qebi kömuma.”

⁴²Isogö mötmötŋe mewö ahuiga kunöŋ miangö buzupŋi möta Rebekagöreŋ anda jii möta nahönŋi könangeŋŋi Jeikobköra keu ali anda waŋgita kaiga kewö jiyök: “Mötnöŋ, datki Isonöŋ mönö likeŋŋi meleŋni qake öngöiga guhui kömumangö mötmöriza.

⁴³Mewögöra nahöni, nöŋön keu jimami, mi mönö tem kölman. Mönö dölkö wahöta ölöŋ köla Haran mire neni

^w27:36 Jen 25.29-34 ^x27:38 Hib 12.17 ^y27:40 Hib 11.20

^z27:40 Jen 36.8; 2 Kir 8.20

Labangörej anman. ⁴⁴Anda yambuk nalö tosatnji toroqeba malnonga datkahö urupiknan amörima. ⁴⁵Uruönönji amöriba eriga yuai ak wanginöni, mi ölum qeigun nöñön miangö andöñe göhöra keu albi kaiga goangita kame. Yanön guhui kömunonga kunnan i qei kömumbapuk. Mönö wanigöra nalö mohok miangörejök örörön qahöwahotka etkömosötpileñbuk. “Mewö.

Aisaknöñ Jeikob melaiga Labangörej anök.

⁴⁶Rebekanöñ apñi Aisakörej anda kewö jiyök: “Nöñön iranyahötni Hit ambi yetköra aka toroqeba malmangö olan nöhöi sihimbölö mörakzal. Jeikobnöñ mewöyök Hit yengö böraturupñini yengörejök kun iranyahötniri ewö anömña membapuk. Gölme kiangörej asuhugeri, yengö silikñinan mönö mewöyök ahöza. Mewöñi kun memba kabapuk ewö, nöñön mönö malmalni wuanöngöra toroqeba malbileñak? Sihimbölönan mönö toroqeba önöñi qahö akapuk. “Rebekanöñ mewö jiyök.

28 Mewö jiiga Aisaknöñ Jeikob köl öroi kaiga kötuetköba kewö jim kutum wangiyök: “Nahöni, gi Keinan yengö nenböratñini yengörejök kun anömgi kude meman. ²Mewö qahöpmö, mönö wahöta Mesopotemia (Padan Aram) gölmenöñ anda namgahö iwiñi Betuel yangö mire angota ehongi Labangö böraturupñi yengörejök kun anömga meman. ³Anömgi menöñga Anutu, kukösum pakpakö Toñan mönö gi kötuetköba ahum sehip ghiiga gwölönarökurupki yengö qötöñinan sehiiga könagesö kambu gwötupuk mienggö iwi bömönñina akñan. ^{4a}Anutunöñ mönö gi aka

gwölönarökurupki iñini Abrahamgö kötumötuettji mi toroqeba engima. Mewöyök gölme asagi Abraham wanggiiga göñön miangörej kian aka maljani, mi buña qem angume.”

⁵Mewö jiba Jeikob melaiga mosöta Mesopotemia (Padan Aram) gölmenöñ Labangörej anmamgöra anök. Laban mi Aram azi Betuelgö nahönña aka Jeikob aka Iso yetkö namñiri Rebeka yangö nenna malök. Mewö.

Isonöñ kakasun ambi kun meyök.

⁶Aisaknöñ Jeikob kötuetköba anömñi memangöra Mesopotemia gölmenöñ melaiyöhi, mi Isonöñ mörök. Kötuetköm wangiba kewö jim kutum wangiyök: “Gi Keinan yengö nenböratñini yengörejök kun anömgi kude meman.”

⁷Mewö jim kutuiga iwinamñi yetkö keu jit tem köla mosöta Mesopotemia (Padan Aram) gölmenöñ anöhi, Isonöñ mi mewöyök mörök. ⁸Mi möta iwiñi Aisaknöñ Keinan ambi tököba möt bölim anguba malöhi, Isonöñ mi eka möt kutuyök. ⁹Mi möt kutuba iwiñangö jeñe dop kölmapköra asañi Abrahamgö nahönñi Ismaelnöñ kömuiga yangö mire anda böratñi Malahat, Nebaiotkö nenñi mi meiga anömurupñi karöbut aket. Mewö.

Jeikobnöñ Suepkö döpñi gaunöñ ehök.

¹⁰Jeikobnöñ mewö Berseba miri mosöta Haran mire anmamgö anök. ¹¹Anda mala gölme kunöñ angota wehön jeñi geyohangöra aka miangörejöt köt tatkeri, miengörejök kun memba nörop qömböñi qeba sungem gaun ahöyök. ¹²Gaun ahöba miangörejöt imut kun kewö ehök: Döp kungö kitipñi gölmenöñ algetka qak kitipñi

mi Suepnöŋ öngöba kuŋguba kiniga Anutugö garataurupŋi yeŋön miangöreŋ tiba öngöm et aket.^b

¹³Mewö aketka Kembunöŋ yaŋgö kösutŋe kinda keu kewö jii mörök: “Nöŋön Kembu, asagi Abrahamgö Anutuŋi aka iwigi Aisakö Anutuŋi akzal. Gölmē ki ahözani, nöŋön mi gi aka göhö gwölönarökurupki eŋgö buŋaya qem engimam.^c ¹⁴Göhö gwölönarökurupki yeŋön ahumsehip aketka jaŋgöŋinan gölmegö sömsöm ewö akŋa. Mewö aiga jula derŋda gölmē wehön kotkotŋe aka gegeŋe, Saut likep aka Not likep, eu aka emu miangöreŋ göröken dop köla anda malme. Göhöra aka göhö gwölönarökurupki yeŋgöreŋök kuŋgöra aka nöŋgö kötümötuetnan mönö gölmegö könagesö kambuŋi pakpak yeŋgö qakŋine öngöiga oayerŋkoyaerŋ akŋe.^d ¹⁵Mötnöŋ, nöŋön göbuk mala denike denike anda kaba malmani, miangö dop mönö sel jöhöm gihiba mal öngöba goaŋgitpiga gölmē kiangöreŋ kunbuk lilingöba kaman. Nöŋön gi qahö gömosöta keu jim jöhöm gihiali, miangö dop akiga ölni asuhum teköma.”

¹⁶Mewö jiiga Jeikobnöŋ gaun uruŋeyök imbiŋi möta wahöta kewö jiyök: “Kembunöŋ mönö ölna gölmē kiangöreŋ maljapmö, nöŋön mi mutuk qahö mötzal.” ¹⁷Mewö jiiga jönömŋi unduiga keu kewö jiyök: “Gölmē ki mönö kömbukŋi aka keŋgötmötmötŋambuk akza. Kianŋön mönö ölna Anutugöreŋ tatat dundumŋi aka Suepkö naŋguŋi akza.”

¹⁸Mewö jiba miri giaŋgiiga söŋanök wahöta köt qömböŋi qeba ahöyöhi, mi memba wahöta jabö mötök ewö kuŋguba qakŋe kelök o mokoba miriyök. ¹⁹Miriba gölmē miangö qetŋi Betel (Anutugö miriŋi) qerök. Mutuk taon miangö qetŋi mi Luz qeta malget. ²⁰Jeikob-

nöŋ gölmē miangö qetŋi dölökŋi Betel qeta keu kewö jim jöhöba jöjöpaŋ keunöŋ jim köhöiyök: “O Anutu, göŋön nömbuk mala köna ki anda malmani, miangöreŋ nek galöm ak niŋgiba numbu neneŋamni aka silenangö esuŋi miwikŋaim niŋginöŋga ²¹ölöp luai qakŋe iwinangö mire kunbuk lilingöba kamam ewö, nöŋön mönö göhö jitsihitki tem köla malbiga göŋön nöŋgö Kembu Anutuni aka malman.

²²Köt ki memba wahöta jabö ewö mötök kuŋguzali, miangöŋ mönö göhö tatat dundumŋi ahöiga yuai pakpak tököm niŋgiba malmani, nöŋön mi ölna mendeŋbiga kambu 10 aketka miangöreŋök mohok mohok memba kalema gihiba malmam. “Mewö.

Jeikobnöŋ Labangö mire angorök.

29 Jeikobnöŋ mewö jiba mosöta könaŋi toroqeba anda wehön kotkotŋangö könagesö yeŋgö gölmenöŋ angorök. ²Miangöreŋ angota gölmē köröŋe o löm kun ehök. Miri toŋi yeŋön lama kambuŋini enŋuangita miangöreŋ o eŋgiba malget. Nalö miangöreŋ o löm miangö kösutŋe lama kambu karöbut ahögetka o löm numbuangö kötŋi ketani mi qahö metalget. ³Lama galöm yeŋön mutuk lama kambuŋini pakpak miangöreŋ tokom eŋgiba köt mi o löm numbuŋeyök gwililöŋgöba lamauruŋini o eŋgiget negetka köt mi kunbuk dundumŋe köla malget.

⁴Jeikobnöŋ lama galöm mi kewö qesim eŋgiyök: “Azi alaurupni, iŋini denikegöra?” Qesim eŋgiiga “Nini Harangöra,” mewö meleŋ wangiget.

⁵Meleŋ wangigetka kewö qesim eŋgiyök: “Iŋini Nahorgö isiŋi Laban möt waŋgize me qahö?” Qesim eŋgiiga “Ölöp möt waŋgizin,” jiget.

^b28:12 Jon 1.51 ^c28:13 Jen 13.14-15

^d28:14 Jen 12.3; 22.18

⁶Jigetka kewö qesim enggiba jiyök: “I ölop malja me qahö?” Mewö jiga kewö jiget: “I ölop malja. Eknön, yangö bōratnji Reizölnön mönō endu lama enguanggita kaza.”

⁷Mewö jigetka Jeikobnön jiyök: “Eket, wehön ketanji ahōiga lama mi sunngemgōra tokom enggibingō nalōnan qahō töriza. Miangōra ölop lamanjini o engghet negetka kunbuk enguanggita malmaljne anda al engghetka nenenamjnini neme.”

⁸Mewö jiiga kewö melenget: “Mewö ölop qahō akin. Mutuk lama kambu pakpak tokom enggiba köt mi o lōm numbuñeyök gwililōngōbagun mönō lamaurupnini o enggiinga neme.”

⁹Jeikobnön yembuk keu mewö eraum-mōta kingetka miangōreñök Reizölnön iwiñangōreñ lama kambuñi enguanggita kayök. Reizöl yangön lama galōm nup memba malök. ¹⁰Kaiga Jeikobnön ehonñangō bōratnji Reizöl aka ehonñangō lama kambuñi enggeka o lōm numbuñe anda köt mi metala ehonñi Labangō lamaaurupñi o enggiyök. ¹¹Enggim tekōba Reizöl numbu yōhōtim nempa kōnahiba kōhōikñi qeta sahōrök.

¹²Sahōta Reizölgōra jiyök: “Ni göhō iwighahō tinitosolomñi akzal. Ni Rebekagō nahōnña. “Mewö jiiga Reizölnön möta ösumñan kiñkingōba iwiñangōreñ anda buzup mi jii mörök. ¹³Labanön nenñangō nahōnñi Jeikobkö buzupñi möta i ösumok miwikñaimangōra anök. Anda miwikñaiaba eka angōm wanggiba numbuñi yōhōtim nempa wanggita miriñe önggōyohot. Önggōba yuai pakpak asuhuyōhi, Jeikobnön miangō kōsohotñi jii mörök. ¹⁴Mi möta kewö jiyök: “Ölop, göñön nani sepkitipni akzan. “Mewö jiiga kōiñ mohotkö dop yambuk tata malök. Mewö.

Jeikobnön Lea aka Reizöl anōmyahōtña etkömeyök.

¹⁵Mewö maliga Labanön Jeikob kewö jii mörök: “Gi tinitosolomni maljanangōra tōwagi qahō öne welen qem niñgibanbuk. Mi qahō dop kölma. Miangōra tōwagi dawik memangō mötzani, mi ölop jinōnga mötmam.” ¹⁶Labangō bōratyahōtñi yahōt malohot. Ketangō qetñi Lea. Munñangō qetñi Reizöl. ¹⁷Leagō jerñan eksihimñambuk ahōkmō, Reizölgō silerñangō kaisongolomñi aka jemesoholñi mi körek eksihimñambuk kötökñi ahök.

¹⁸Jeikobkö urusihimñi mi Reizölgōreñ ahōyōhangōra aka keu kewö jiyök: “Nōñön bōratki kōnangepñi Reizöl memangōra ölop yambu 7 welen qem gihiba malmam.”

¹⁹Mewö jiiga kewö jiyök: “I azi murutñi kun wanggibiga qahō dop kölba-pukmō, gi gihibiga dop kölma. Miangōra ölop nōmbuk ki malman.” ²⁰Mewö jiiga Reizöl memangōra yambu 7 welen qem wanggiba malök. Urusihimñan Reizölgōra ahōhangōra aka yambu mienggō mōriga wehön awamñi tandök ahök. Mewö.

²¹Yambu 7 tekōiga Jeikobnön ehonñi Laban kewö jii mörök: “Nōngō nup meme nalōnan lōk tekōzawangōra ölop anōmni Reizöl niñginōnga yambuk ahōba malmam.” ²²Labanön keu mi möta miri tonji pakpak örōm tokom enggiba lömbuan aliga nem sōngaip aket. ²³Mi aket tekōiga miri sōñauiga Labanön bōratñi Lea wanggita anda Jeikob wanggiiga miri uruñe önggōba mohotñe ahōyohot. ²⁴Labanön welen ambiñi qetñi Zilpa mi bōratñi Leagō welenqeqeña malmapkōra wanggiyök. ²⁵Mohotñe ahōyohotka miri gianjiiga Jeikobnön anōmñi eka mōri Reizöl qahōpmō, i Lea aiga yōwōñangōreñ

anda kewö jim waŋgiyök: “Gi mönö wani kimbia ak niŋgizane? Ni Reizöl memaŋgöra welen qem gihiba malalmö, gi mönö wuanöŋgöra tilipköm niŋgizan?”

²⁶Mi möta melejda kewö jiyök: “Gölme kiangören datŋi öne maliga munŋan azi memapkö ahakmemenŋi mi neŋgören qahö ahöza. ²⁷Miaŋgöra ölop maren sösöŋgai mi Leabuk sonda mohotkö dop mal söŋgainöŋ teköiga munŋi mewöyök gihimam. I memaŋgöra mönö mewöyök yambu 7 toroqeba welen qem niŋgiba malman.”

²⁸Mewö jiiga urumohot aka Leabuk maren sösöŋgai nalö mi sonda mohotkö dop mali teköiga Labanöŋ börtatŋi Reizöl mewöyök anömŋi akŋapköra waŋgiyök. ²⁹Labanöŋ welen ambiŋi qetŋi Bilha mi börtatŋi Reizölgö welenqeqeŋa malmapköra waŋgiyök. ³⁰Jeikobnöŋ Reizöl i mewöyök anömŋa meyök. Urusihimŋan Reizölgöra ahöyöhaŋgöra aka Reizöl mi Lea oŋgita jöpaköm waŋgiba malök. Miaŋgöra yambu 7 toroqeba Laban welenŋi qem waŋgiba malök. Mewö.

Jeikobkö moröurupŋi asuhuget.

³¹Jeikobkö uruŋan Leagö gwötpuk qahö ahöiga boromdökŋi tököiga Kembunöŋ ehi qahö dop köliga Lea gölöm almapköra bauköm waŋgiyökmö, munŋi Reizölnöŋ köpinŋa malök. ³²Leanöŋ köröbuk aka mala morö azia memba keu kewö jiyök, “Kembunöŋ tapötkokorokni ehiga apnan ölop könahiba jöpaköm niŋgiba malma. “Mewö jiba qetŋi miaŋgö dop Ruben qerök. (Ruben Tapötkokorokni ehök.) ³³Könaŋgep kunbuk körö ala morö azi kun memba keu kewö jiyök: “Apnan boromdökŋi jöpaköm niŋgiiga Kembunöŋ mi möta morö ki mewöyök niŋgiza. “Mewö jiba qetŋi miaŋgö dop Simeon qerök. (Simeon Kezapŋan mörök.)

³⁴Miaŋgö andöŋe kunbuk körö ala morö azi kun memba keu kewö jiyök: “Ni nahönurupŋi karöbut apnaŋgöra mealanŋgöra yaŋön mönö könahiba uruŋi nömbuk jöhöma. “Mewö jiba qetŋi miaŋgö dop Liwai qerök. (Liwai Uruŋi jöhöma.) ³⁵Miaŋgö andöŋe dumŋe kunbuk körö ala morö azi kun memba keu kewö jiyök: “Nöŋön nalö kewöŋe Kembu möpöseizal. “Miaŋgöra qetŋi miaŋgö dop Juda (möpöseip) qerök. Miaŋgö andöŋe morö kunbuk qahö meyök. Mewö.

30 Reizölnöŋ köpinŋi mala Jeikobköra nahönbörat kun qahö memba nanŋi könaŋi mewö eka datŋi Lea andö qeba uruŋan mututqutut möta Jeikobköra keu kewö jiyök: “Gi mönö morö qiwikŋainöŋ. Mi qahö qiwikŋainöŋga nöŋön mönö malmamgö osiba kömumam.”

²Mewö jiiga Jeikobnöŋ irimŋi sehiliiga uruönön möt waŋgiba kewö jiyök: “Ni mönö morö denöwö qiwikŋaibileŋak? Anutunöŋ gi morö memangö jöhöm gihiba malökmö, nöŋön Anutuya qahö.”

³Mewö jiiga Reizölnöŋ kewö jiyök: “Nöŋgö welen ambini Bilha mi ki. Ölop yambuk ahönöŋga nöŋgöra morö mema. Yaŋön nam köliga nöŋön mewöyök yaŋgörenök nahönbörat miwikŋaim eŋgiba namŋini aka malmam.” ⁴Mewö jiba welen ambiŋi Bilha waŋgiiga anömŋa memba yambuk ahöyök. ⁵Ahöiga Bilhanöŋ gölöm ala Jeikobkö nahönŋi meyök. ⁶Nahönŋi meiga Reizölnöŋ kewö jiyök: “Anutunöŋ kewöt niŋgii dop kölbiga köuluk keuni möta morö azia niŋgiza. “Miaŋgöra qetŋi Dan qerök. (Dan Kewöt niŋgii dop köljäl.) ⁷Reizölgö welen ambiŋi Bilha yaŋön kunbuk gölöm ala Jeikobkö nahönŋi kun meiga yahöt ahök.

⁸Mewö meiga Reizölnön kewö jiyök: “Datnambuk gwötpuk aum-möröiba luhut aljal. “Mewö jiba miangö dop morö qetji Naftali (Aum-möröial) qerök. ⁹Leanön kunbuk gölöm qahö ala mi eka miangöra nanji welen ambiñi qetji Zilpa memba Jeikob wanji anömña ahök. ¹⁰Anömña aka Jeikobkö morö azia meyök. ¹¹Meiga Leanön “Simbawoñ!” jiba qetji Gad (simbawoñ) qerök. ¹²Zilpa, Leagö welen ambiñi miangö Jeikobkö nahönñi kun kunbuk meiga yahöt ahök.

¹³Mewö aiga Leanön keu kewö jiyök: “Nönön uruölöwak ketanji mötzal. Ambi yeñön mönö nongöra oyaenköyaen qeta malme. “Mewö jiba miangö dop morö qetji Aser qerök. (Aser Oyaenköyaen qetme.) ¹⁴Witnön öliiga yandiyandi nalöñe sömañi kunön Rubenön yaigep anda gölme köröñe asagwalim amöt **miwikñaiyök. Amöt mi miwikñai memba kaba namñi Lea wanjiyök. Wanjiiga Reizölnön datñangöra kewö jiyök: “Göhö nahöngan amöt memba kazawi, miangö tosatñi mönö ninginöñga nemi.”

¹⁵Mewö jiiga Leanön kewö jiyök: “Gönön apni noangitnöñga dop kölmakö mötmöröialmö, gi mönö nahöñangöreñ asagwalim amöt ki mewöñanök noangitmangö mötzan. Mi qahö dop kölja. “Mewö jiiga Reizölnön kewö jiyök: “Ölöp! Nahöñgahöreñ amöt mi ningiman ewö, mönö ölöp Jeikobpuk sunjem ki ahömahot.”

¹⁶Mewö jiiga Jeikobnön mare miangöreñ nup mosöta kaiga Leanön anda miwikñaim wanji memba kewö jiyök: “Nönön nahöñangöreñ asagwalim amöt miangö lök göhö söñgörorögi mezal. Miangöra mönö nömbuk ahöbit. “Mewö

jiiga Jeikobnön sunjemñi miangöreñ yambuk ahöyohot.

¹⁷Yambuk ahöyohotka Anutunön Leagöreñ keu köulukñi möriga gölöm ala Jeikobkö nahönñi 5:ñi meyök.

¹⁸Mi memba keu kewö jiyök: “Nönön welen ambini mi apni wanjiangöra Anutunön miangö töwanji ki ningiza. “Mewö jiba miangö dop qetji Isakar (töwa) qerök. ¹⁹Miangö andöñe Leanön kunbuk gölöm ala Jeikobkö nahönñi 6:ñi meyök. ²⁰Mi memba keu kewö jiyök: “Anutunön kalem qetpuk ningiza. Apni Jeikobkö nahönurupñi 6 mealangöra yanön mönö pöñdan nömbuk mala qetbuña ningiba malma. “Mewö jiba miangö dop morö qetji Zebulun qerök. (Zebulun qetbuña) ²¹Nalö tosatñi teköiga Leanön morö börat memba qetji Daina qerök.

²²Anutunön dumñe Reizöl mewöyök mötmörim wanji memba keu köulukñi möta gölöm almangö bauköm wanjiyök. ²³Bauköm wanjiiga gölöm ala morö nahön kun memba keu kewö jiyök: “Anutunön gamuni meköza.”

²⁴Mewö jiba toroqeba kewö jiyök: “Kembunön mönö nahöni kun toroqeba ningima. “Mewö jiba miangö dop morö qetji Josef (Toroqeba ningima.) qerök. Mewö.

Jeikobkö lama kambuñan sehiyök.

²⁵Reizölnön nahönñi Josef meiga miangö andöñe Jeikobnön Labangöra kewö jiyök: “Ni nani miri gölmene anmangö mötzal. Miangöra ölöp melaim ninginöñga lilingöba anmam. ²⁶Anöm moröurupni kiengöra aka göhö welengi qeba malali, mönö i ninginöñga mohotñe köna anbin. Nönön nup gwötpuk ketanji memba malali, mi nangak ölöp mötzan.”

**30:14 Ambi yeñön asagwalim amöt memba amqeba gölöm albingö akeri, mewö möt nariget.

²⁷ Mewö jiiga Labanön kewö jiyök: “Gi möt ölöwak niŋgizan ewö, mönö ölöp ki malman. Kembunön göhöra aka ni kötuetköm niŋgiba malöhi, nöñön unju qebiga keu mewö asuhui mötzal.”

²⁸ Mewö jiba toroqeba kewö jiyök: “Mönö nupkahö töwaŋaŋgö jaŋgöñi jinöŋa söŋgöroni mi ölöp gihimam.”

²⁹ Mewö jiiga Jeikobnön kewö jiyök: “Nöñön göhö welengi denöwö qeba mala gañhö mirigö sömbup kambuñi kambuñi galöm köl eŋgibiga qarigeri, mi nangak ölöp mötzan. ³⁰ Mutuk ni ki qahö kabiga miangöreñ sömbup yuaigi gwötpuk qahö ahöm gihiyökmö, miangön mönö ni kabiga nalö miangöreñ sehiba jesöŋgö akze. Ni denike denike anda kayali, miangöreñ Kembunön kötuetköm gihiiga malnöñ. Mewö malnöñmö, ni mönö wani nalönön ölöp nani könagesourupni naŋgöm eŋgimamgöra aka nup yuai könahiba membileŋak?”

³¹ Mewö jiiga Labanön kewö qesiyök: “Ni mönö wania gihibileŋak?” Mewö qesiiga Jeikobnön meleŋda kewö jiyök: “Yuai kun kude niŋgimanmö, yuai mohot ki nöŋgöra akñan ewö, ni ölöp toroqeba göhöreñ lama kambuñi kambuñi mi köyan köla jegalöm ak eŋgiba malmam. ³² Ni ölöp göhöreñ lama aka meme kambuñi pakpak mi merak eŋgek kewötmam. Mi kewöta lama moröñi baröm pakpak aka meme (noniñ) dömnï tiktokñinambuk aka kulemñini diriweñ, soño me korombonñi mi pakpak mendeŋda nanñini tokom eŋgiman. Mienön ölöp nup memba malalaŋgö töwani akñe. ³³ Könaŋgep nupnaŋgö töwani, lama aka meme mi eŋgek kewötmamgöra kabanak, nalö miangöreñ uruni

diŋdiŋaŋgö könañi mi amqeba kewö miwikñaiman: Meme (noniñ) tiktokñini qahö aka diriweñ, soño me korombonñi qahö mi pakpak aka lama baröm qahö pakpak nöŋgö kambunön kinmei, mi nöñön yoŋgorö meal, mewö möt kutuman.”

³⁴ Mewö jiiga Labanön kewö meleŋnök: “Ni ölöp urumohot akzal. Keu jizan ewö köna mi ahöma.”

³⁵ Mewö meleŋda silim miangöreñök Labanön meme (noniñ) aziñi kulemñini jinjalalaŋ aka diriweñ soño me korombonñi aka meme ambiñi pakpak kulemñini tiktokñinambuk aka diriweñ soño me korombonñi me sile juŋñine yuai tuatñi taröhi, mi pakpak aka lama moröñi baröm pakpak mi kewöta meköm eŋgiba nanñi nahönurupñi yeŋgö böröñine al eŋgiyök. ³⁶ Labanön mi al eŋgiba yembuk Jeikobköreñ lama aka meme kambu mi eŋguangita silim karöbut anangö dop anda miangöreñ malget. Körowen mewö malgetka Jeikobnön toroqeba Labangöreñ lama aka meme kambuñi kambuñi mi galöm köl eŋgiba malök.

³⁷ Mewö mala sau, kömin aka kuŋgam ip miengö böröñini gwölögwölö kutuba memba sileñini jölanjölan (jörañjörañ) köndölatiiga sutñe sutñe tuariiga jinjalalaŋ ahök. ††

³⁸ Mewö aiga ip böröñini köndököndölatiñi mi memba sömbup yeŋgö o joutñini pakpak miangöreñ aliga o nemingöra kagetka wösöñineyök ahöyök. Mewö ahöiga lama aka meme kambu yeñön aziñan eŋgualöñmegö sihim köñöñi möta o nemingöra kaba miwikñaiaba eket. ³⁹ Mewö eka meme aziñi yeñön ip böröñi miengö kösutñine ambiñi

††30:37 Ip böröñi mi selgöra qahö alök. Mewöyök tiripqözölpözöl me jinañ akñamgöra qahö. Anutunön yauweñ aka suña jinañ akingöra qahö jiyökmö, Jeikobkö uruñan diŋgiiga tem köla malöhaŋgöra töhötmöriamgö könañi mewö kusum waŋgiyök.

engualönget. Mewö engualöngetka gölöm ala malgerangöra moröurupjini jinjalalañ, tiktokñinambuk aka diriweñ, soño me korombongi mi engömemba malget.

⁴⁰Mewö malgetka Jeikobnön lama aka meme (noniñ) moröñi mewöñi mi kewöta menden engiba nanjök nanjök kambu köl engiyökmö, sömbup ketañi mi arengöm engiiga jeñini Labangöreñ sömbup baröm aka kimbiñini tiktokñinambuk yeñgöreñ göröken uba kinget. Mewö aka nanñangöra lama aka meme (noniñ) kambuñi kambuñi meköba miwikñaim engiyök. Mi miwikñaiiba jöhöm engiiga Labangö lama kambunön qahö anda toroqem engiget.

⁴¹Sömbup ambiñi köhöikñi yeñön aziñan engualönmegö sihim könöpñi mötketka Jeikobnön nalö dop miangöreñ ip böröñi mi o joutnön alök. Miangöra sömbup aziñi yeñön kaba mi wösöñine miwikñaiiba eka kösutñe miangöreñ ambiñi mi engualönñda malget.

⁴²Mewö malgetmö, sömbup ambiñan ösumñini eretñi aket ewö, yañön ip böröñi mi yeñgö wösöñine qahö ala malök. Mewö aka maliga sömbup ösumñini eretñi mienñön Labangöreñ kambunön toroqegetka ösumñini köhöikñi yeñön Jeikobkö kambunön anda toroqeget. ⁴³Jeikobnön mewö aka kindiñbirik azi qetbuñañambuk aka töhötmöriam miwikñaiyök. Lama aka meme kambu gwötupuk buña qem aḡguba welenqeqe ambazip enguañgiriga kamel aka doñki kambuñi kambuñi asuhum sehigetka toñini ahök. Mewö.

Jeikobnön Laban mosöta ölön köla anök.

31 Labangö nahönurupñan keu kewö jigetka Jeikobkö kezapñe geiga mörök: “Iwininan yuai buña

qeba malöhi, Jeikobnön mi pakpak kalöpköba könjörata aḡñön kölök. Iwininangö sukinapñi galöm köla miangöreñök inapñi pakpak mi nanñangöra miwikñaiiba kindiñbirik akza.” ²Keu mi mörök aka yöwöñangö jemesoholñi eka kewö möt asariyök: “Labanön mutuk ala ölöpñi ak niñgiba mala korökmö, mewö qahö toroqeba aka malja.”

³Mewö möt asariiga Kembunön Jeikob kewö jii mörök: “Göñön mönö lilingöba iwiasaurupki yeñgö gölmenön anda tinitosolomurupki yembuk malman. Anda malnönña nöñön göbuk kindi malmam.”

⁴Jeikobnön keu mi möta Reizöl aka Lea yetköra keu ali aniga gölme köröñe lama kambuñi kambuñi galöm köl engiyöhi, miangöreñ kayohot. ⁵Kayohotka kewö jii mörohöt: “Nöñön iwiñirangö jemesoholñi eka kewö möt asarizal: Yañön mutuk ala ölöpñi ak niñgiba mala korökmö, mewö kumbuk qahö aka malja. Iwinangö Anutunñan mönö töndup nömbuk kindi mala korök. ⁶Ni ösumni pakpak qezaköba miangö dop iwiñiri welen qem wañgiba mala koral, iñiri mi ölöp mötzahot.

⁷“Mewö malalmö, yañön isimkakalek qakñe ak niñgiba mala nupñangö töwañi mi sömañi 10:gö dop utekutek ala malök. Mewö ak niñgiba malökmö, Kembunön aḡñön köl wañgiiga geñmororoñ kun qahö ak niñgiiga malal. ⁸Nalö kunön kewö jiyök, ‘Lama aka meme (noniñ) tiktokñinambuk asuhumei, mi mönö göhö nup töwagi akñe.’ Mewö jiiga sömbup kambu jömukñi yeñön moröñini tiktokñinambuk engömeget. Nalö kunön kewö jiyök, ‘Lama aka meme (noniñ) jinjalalañ asuhumei, mi mönö göhö nup töwagi akñe.’ Mewö jiiga sömbup kambu jömukñi yeñön moröñini jinjalalañ engömeget. ⁹Anutunön mewö

aiga asuhuiga iwinirangö kambuñeyök sömbup könjörata enġuangita niñgiiga sehiyök.

¹⁰“Sömbup aziñan ambiñi enġualöñda malgeri, nalö kun miangörej gaun kunöñ jeni uba wahöta ekiga meme (noniñ) aziñan ambiñi enġualöñda kingeri, yeñgö sileñjini mi jinjalalañ, tiktokñinambuk aka diriweñ, soño me koromboñgi pakpak aket. ¹¹Nöñön gaun ekiga miangörej Anutugö garata kunñan nöñgöra ‘Jeikob!’ qerök. Mewö qeriga ‘Ki kinjal,’ jiba meleñnal. ¹²Meleñniga kewö toroqeba jiyök: ‘Labanöñ yuai pakpak ak gihimakzawi, nöñön mi eka mötzal. Miangöra ölop jegi uba wahöta eknöñ; Meme (noniñ) aziñi pakpak ambiñi enġualöñda kinjei, yeñgö sileñinan jinjalalañ, tiktokñinambuk aka diriweñ, soño me koromboñgi akza. ¹³eNöñön Betel miangörej asuhum gihibiga köt dangunu kun kuñguba miriba nöñgöra keu jöhöba jöjöpañ keunöñ jim köhöinöñ. Nöñön Anutu mi aka göhöra keu kewö jizal: Gi mönö döлки wahöta kantri ki mosöta nangi ahuahu gölmege kunbuk liliñgöba anman.”

¹⁴Jeikobnöñ keuñi mewö jiiga Reizöl aka Lea yetköñ kewö meleñ wañgiba jiyohot: “Iwinirangö mire börösamotkö bahöñi kun mi neñgörej qahö toroqeba tatza. ¹⁵Yañön azi netkiiga söñgöroniran kaiga mi nanñangörök memba gil teköyök. Miangöra niri mönö kian tandök ak netkiiga mala korit. ¹⁶Miangöra Anutunöñ iwinirangö kambuñeyök sukinap öroyuai könjörata wañgiri sehiyöhi, mi pakpak mönö ölña nanine aka nahönböraturupnini neñgö buñaya akza. Miangöra Anutunöñ jim kutum gihiyöhi, göñön mönö mi pakpak tem köla wuatangöman.”

¹⁷Mewö jiyohotka wahöta mem mözözöm aka anöm-moröurupñi kököbihim enġiiga kamel qakñine öñgöget.

¹⁸Mirigö sömbup kambuñi pakpak közöl enġiiga mutuk anget. Sukinap yuaiñi (merömbuñi) pakpak Mesopotemia (Padan Aram) gölmenöñ mala miwikñaim sehiyöhi, mi körekbörek kölolohoba iwiñi Aisakörej anbingöra Keinan gölmenöñ göröken anget. ¹⁹Nalö miangörej Labanöñ lama juñjini mitimamgö aniga Reizölnöñ iwinangörej miri domlopion morörökñi yongorö meyök. ²⁰Yongorö meiga Jeikobnöñ toroqeba yöwöñi Aram azi Laban i kewö tilipköm wañgyök: Anbingö keuñi mi qahö jii mörökmö, mönö ölöñ mosöta anget. ²¹Mewö ölöñ angetka kamel yeñön öroyuaiñi pakpak mem bisiget. Anda Yufreitis o kutuba Gilead gölme kundunambuk miangörej göröken anget. Mewö.

Labanöñ Jeikob wuatangöba anök.

²²Angetmö, silim karöbut aiga miangörej keu kewö jigetka Labanöñ mörök, “Jeikobnöñ mönö tököba ölöñ köla anök.” ²³Mi möta wahöta tinitosolom aziurupñi enġömemba wehön 7:gö dop enġuatangöba anda mala Gilead gölme kundunambuk miangörej miwikñaiiba enġömeget. ²⁴Enġömemba sunġem miangörejök Anutunöñ Aram azi Labangöra gaunöñ asuhuba keu kewö jii mörök: “Göñön Jeikobköra kötumötuet me qesuk keu kun jibanbuköra mönö möt kutuba galöm mem añġuman.” ²⁵Enġömegetka Jeikobnöñ opo seri koumñi Gilead gölme kundunambuknöñ möröreñgöba kuñguiga Laban aka aziurupñi yeñön mewöyök opo seri koumñini miangörej kuñguba ahöget.

²⁶ Ahöba wahöta qingini Jeikobkoren anda kewö jii mörök: “Gi mönö wani kimbia ak ninginöñe? Gi tilipkóm ningizan. Kerök yeñon yarö gila ambi yongorö örömakzei, mönö miangö tandök nöngö börtayahötni ölöñ etkuangita kanöñ. ²⁷ Gi wuanöngöra isimkakalek ak ningiba ösumok ölöñ köla nömosöta kanöñ? Gi mönö wuanöngöra keu kun qahö jinöñ mötpi lañ kanöñ? Mi mötpileñak ewö, nöñon ölop liñet gwawet albi kömam köla gita kulele qegetka sösongai qakñe gumbulbi könanöñ kabeak.

²⁸ “Mi mötpileñak ewö, mönö ölop isiurupni aka börtayahötni numbuñini yöhötim nempa yaizökzökñini jibileñak. Gi mönö uruqahö kimbia aknöñ. ²⁹ Nöñon kukösumnambuk kaba ölop ayuhum gihibileñakmö, sun gem ahöbiga iwigahö Anutuñan keu kewö jii mötzal: ‘Göñon Jeikobköra kötümötuet me qesuak keu kun jibanbuköra mönö möt kutuba galöm mem anguman.’ ³⁰ Miangöra muat, nangi iwigahö miri gölmeñe lilingömamgö urusihimgi ketani möta malagun lök mosöta könanöñ kaba maljan. Miangöra ölop anmanmö, nöngö domlopionurupni mi mönö wuanöngöra yongorö memba kanöñ?”

³¹ Labanöñ mewö jiiga Jeikobnöñ kewö meleñ wangiyök: “Göñon börtayahötki yarö ösum qakñe noangitpanbukö mötmöriba ken götni möta ölöñ köla kain. ³² Kainmö, kunñan domlopionurupki meiga miwikñaimani, i ölop qenöñga kömuma. Öroyuai pakpak memba maljali, mi ölop tinitosolomurupniri yengö jeñine ek kewöta kinda göhöreñ yuaigi kun miwikñaiiba eka mi ölop meman. “Jeikobnöñ mewö jiyökmö, anömñi Reizölnöñ domlopion mi yongorö meyöhi, apñan mi qahö möröhañgöra mi tönpin jiyök.

³³ Mewö jiiga qingini Jeikobkö opo seri kounme öngöba qezanña jaruba Leagö opo seri kounme öngöba toroqeba welen ambiyahöt mietkö opo seri kounme öngöba qezanña jaruba yuai kun qahö miwikñaiyök. Leagö kounme mosöta miangö andöñe Reizölgö kounnöñ öngöyök. ³⁴ Öngöyökmö, Reizölnöñ domlopionurup mi memba gösöñöñ löngöta kamel qakñe tatatkö dum uruñe ala qakñe öngöba qelanjim enñiba tarök. Mewö tariga iwiñan opo kounme yengö uruñi körek qezanökmö, mi qahö miwikñaiyök. ³⁵ Reizölnöñ iwiñi kewö jii mörök: “Ketanamni, ni köiñnöñ nehiga tatzalanñgöra aka göhö jemesoholge ölop qahö wahötmam. Miangöra uruönön kude möt ningiman. “Mewö jiiga miriñangö domlopionurupni miangöra jaruyökmö, mi qahö miwikñaiyök.

³⁶ Qahö miwikñaiiga kinda Jeikobnöñ irimñi seholiiga tembula Laban kewö jim wangiba qesim wangiyök: “Nöñon wani köñaya ak singial? Mönö wani silik bölöñi ak gihialangöra kahasilililñnöñ böroñan suhum ningizan? ³⁷ Nöngö suknapni pakpak qezan teköbagun mönö wanat yuaia kun miwikñainöñga nangi mirigahö buñaya akawak? Mi ölop memba yuhu kaba tinitosolomurupniri yengö jeñine alnöñ etekta sutnire keu lömböt ahöiga mi kewöta jim teköba mindiñgöm netkime.

³⁸ “Nöñon göbuk lök yambu 20 mala koral. Nalö miangö uruñe nupki membiga göhöreñ lama aka meme (noniñ) yeñon morö membingö pömsöm qahö qegetmö, ölopñanök ahumsehip aka malget. Mewöyök lama aziñi kun göhö sömbup kambunöhök qahö qem neal. ³⁹ Nalö tosatñe sömbup kalñan lama qeba yöhöqöhötiyöhi, mi qahö memba kaba gihiba malalmö, miangö kitipñi mi nani kambunöhök memba salupñe ala malal. Lamagi sun gemñe me asakñe yon-

gorö memba malbeahi, mi töndup mi-anğö salupņi almamgö jimkutukutu al-nöņga mi wuatangöba malal.

⁴⁰“Silimnöņ miri könöpņan nohotiriiga suņgemnöņ amötņan nuņguiga sanğenņi möta malal. Nalö gwötpuk gaun guli mem niņgiiga malal. ⁴¹Yambu 20:gö dop mewö göhö mire mala kotpi teköza. Yambu 14 mi börtayahötki etkömemamgöra welen qem gihiba malal. Miangö andöņe yambu 6 mi lama bulmakau miwikņaimamgöra göhöreņ nup memba malal. Mewö malalmö, göņön nup memegö töwani mi sömaņi 10:gö dop utekutek ala malnöņ.

⁴²“Asani Abrahamgö Anutuņi iwini Aisaknöņ waikņi memba möpöseimakzawi, yaņön andöne awörök qahö aka kötöngöm niņgibawak ewö, göņön mönö börtöbörak melaim niņginöņga köna anbileņak. Mewö ak niņgibanakmö, Anutunöņ nöņgöreņ sihimbölö kahasililiņ möriņa nup börtönan sileqeçe aka memba malali, mi eka merak suņgem nöņgö keuni kewöta jim teköiga mötzan. “Mewö.

Jeikob aka Laban yatkön jöhöjöhö ahot.

⁴³Jeikobnöņ mewö jiiga Labanöņ kewö melen waņgiyök: “Ambi yahöt ki mönö nöņgö börtayahötna. Yetkö nahönbörtaturupņiri mi nöņgöreņa. Lama bulmakau kambuņi kambuņi ki mi nöņgöreņa. Yuai pakpak ki ekzani, mi körek nöņgö buņayök akza. Mewömö, muat nöņön merak börtayahötni ki aka nahönbörtaturupņiri eņgömeyohori, yeņön anmegö keuņini jigetka mi qeapkömamgö lömbörizal. ⁴⁴Miangöra ölop kaba gou köl anğuba sutnire jöhöjöhö akit. Mi

qendenbitpuköra mötmörim netkiba dangunu ewö sutnire ahöma.”

⁴⁵Mewö jiiga Jeikobnöņ köt kun memba kuņguiga timbetuat ewö dangunu jaböņiri aka kinök. ⁴⁶Mianjön kiniga Jeikobnöņ tinitosolomurupņi yeņgöra köt memba tokomegöra jiyök. Mewö jiiga köt memba qaknöņ qaknöņ ala tokoget öņgöiga miangö kösutņe nene lömbuan ohoba neget. ⁴⁷Labanöņ köt kambu miangö qetņi Jegar Sahaduta qeri Jeikobnöņ qetņi Galed qerök. ††

⁴⁸Mewö qerohotka yöwöņan qingņi Jeikob kewö jii mörök: “Köt kambu ki mönö merak netkö sutnire dangununira ahöma. “Miangöra Jeikobnöņ miangö qetņi Galed qerök. ⁴⁹Labanöņ keu toroqeba kewö jiyök: “Kembunöņ mönö denđa malbiri, nalö miangöreņ sutnire jeņan netkek tiba galöm mem netkiba malma. “Miangö dop gölme miangö qetņi kun Mizpa qerök. (Mizpa Galöm meme miri köröpņi.)

⁵⁰Labanöņ keu mi toroqeba kewö jiyök: “Göņön börtayahötni öröm ureim ak etkiman me toroqeba kakasun ambi tosatņi eņgömeman ewö, mönö keu ki möta malman: Gölme azi kunņan kösutnire qahö mala netkehiga Anutunöņ mönö töndup ölop netkeka sutnire jöhöjöhö ahözawaņgö keuņi mi naņgöba jiba malma.”

⁵¹Mewö jiba kunbuk toroqeba kewö jiyök: “Qingini mötnöņ, köt kambu ki aka mötök ki kuņguzali, mietkön mönö netkö sutnire dangunu ewö tat öņgömahot. ⁵²Köt kambu ki mönö dangununira aka tat öņgöma aka mötök ki mi mewöyök dangununira aka tat öņgöma. Mietkön jöhöjöhönirangöra kewö mötmörim netkiba tat öņgömahot: Nöņön mem bölim gihimamgö möta köt kambu ki qahö oņgita göhöreņ kamam. Göņön

††31:47 Dangunu köt kambu mi Hibru keunöņ Galed aka Arameik keunöņ Jegar Sahaduta.

mewōjanōk mem bōlim niŋgimamgōra mōta kōt kambu aka mōtōk ki qahō etkoŋgita nōŋgōreŋ kaman.⁵³ Abraham, Nahor aka yetkō iwiŋiri yeŋgō bemŋini Anutu yaŋōn mōnō keu sutnire asuhuiga mi kewōta jim tekōm netkima. “Labanōŋ mewō jiiga Jeikobnōŋ keu mi jōhōba Anutugō qetŋe jōjōpaŋ keunōŋ jim kōhōiyōk. Iwiŋi Aisaknōŋ Anutu mi-angō waikŋi memba mōpōseiba malōk.

⁵⁴Jeikobnōŋ mewō aka gōlme kunduŋe sōmbup qeba miaŋōn jōwōwōl ohoba tinitosolomurupŋi örōm eŋgiiga lōmbuaŋnōŋ kaget. Kaba nene memba sun gem liŋet unduba kunduŋe mi-angōreŋ ahōget.⁵⁵ Ahōgetka miri asari-iga Labanōŋ sōŋanōk wahōta isiurupŋi aka bōratyahōtŋi numbuŋini yōhōtim memba kōtuetkōm eŋgiba yaizōkzōkŋini jiyōk. Mi jiba eŋgōmosōta liliŋgōba miriŋe anōk. Mewō.

Jeikobnōŋ Isobuk aitōŋgōbitkō jōrōmqōrōm ahōk.

32 Yōwōjan aniga Jeikobnōŋ mewōyōk kōnanōŋ aniga Anutugō garataurupŋi tosatŋan miwikŋaim waŋgiget.² Miwikŋaim waŋgigetka eŋgeka kewō jiyōk: “I Anutugōreŋ yarō kambuya akze. “Miaŋgō dop gōlme miaŋgō qetŋi Mahanaim (yarō kambu yahōt) qerōk.

³Jeikobnōŋ kōnanōŋ anda mala kolek aziurupŋi tosatŋi mutuk melaim eŋgi Edom kantrigō gōlme qetŋi Seir miaŋgōreŋ datŋi Iso ekingōra anget.⁴ Melaim eŋgiba kewō jim kutum eŋgiyōk: “Iŋini mōnō anda dat kembuni Iso kewō jigetka mōtma: ‘Ketaŋamni mōtnōŋ, ni welen azigi Jeikob. Ni ehoniri Labanbuk mala kota mal tekōba nalō kewōŋe i mosōta kazal.⁵ Miaŋgōreŋ mala bulmakau, doŋki, lama, meme (noniŋ) kambuŋi kambuŋi aka welenqeŋe ambazip

miwikŋaiba eŋgōmemba kōnanōŋ kazal. O azi kembuni, nōŋōn gōhō jege ak-kōmukōmu miwikŋaimamgōra mōta keu buzupni ki mutuk albi gōhōreŋ kaza.”

⁶Mewō jim kutum eŋgiiga anda liliŋgōba kaba kewō jigetka mōrōk: “Nini datki Isogōreŋ anin. Yaŋōn mōnō aziurupŋi 400 eŋgōmemba kōnanōŋ kaba gōbuk aitōŋgōbingō jōjōrōba malje.”

⁷Mewō jigetka mōta awōwōliba kōŋjiliŋ ketanŋi mōrōk. Mewō mōta kinda kōnagesōurupŋi yambuk kageri, mi aka lama meme kambuŋi kambuŋi, bulmakau kambuŋi kambuŋi aka kamelurupŋi mi mendeŋ eŋgiiga kambu yahōt aket.⁸ Kewō mōtmōribaba mewō ahōk: “Isonōŋ kaba yarō gila kambu kun eŋgum ayuhuma ewō, kambu kun yeŋōn mōnō ölōp ölōŋ kōla anbeak.”

⁹Mewō mōtmōribaba kewō jiba kōulukōyōk: “O Anutu, asani Abrahamgō aka iwini Aisakō bemŋiri, gōŋōn ölōp mōt niŋgiman. Kembu, gi nangok keu kewō jinōŋ mōral: ‘Gi mōnō wahōta nangi gōlmenōŋ liliŋgōba nangi tinitosolomurupki yeŋgōreŋ anman. Endu anōŋga nōŋōn tōhōtmōriam gihibiga malman.’ Mewō jinōŋ mōral.¹⁰ Mōnōwōk nani örōpnanōk memba Jordan o tōwatŋi ki kutuba analmō, ölōp ahum sehiba merak liliŋgōba kambu yahōt aka ki kazal. Ni welen azigi etqeŋeŋi aka malalmō, gōŋōn tōndup keugi pōndaŋ wuatāŋgōba ak-kōmukōmugi pakpak kondel niŋgiba malnōŋ. Ni eretŋi aka urukalemgī mi buŋa qem aŋgumamaŋgō dop qahō aka malal.

¹¹“Datni Isonōŋ kōnanōŋ kaba nani, nam aka morōurupnini nini neŋguba ayuhum neŋgibapukōra nōŋōn keŋgōtni mōtzal. Miaŋgōra gōŋōn mōnō baukōm neŋgiba yaŋgō bōrōŋeyōk mekōm

nenjiman. ¹²fGi nangok keu kewö jinönga möral: ‘Nönjön töhötmöriam gihiba gwölonarökurupki ahumsehip engibiga qötöñinan qariba köwetkö sakösiñi ahözawañgö dop akña. Mi gwötpuk ketañi ahömawañgöra aka oyoñoyongö dop qahö. Keu mi ölña.’”

¹³Mewö köuluköba sunjemñi mi gölme miangöreñ ahöyök. Ahöbagun sömbup kambuñi kambuñi miengöreñök datñi Iso kalem wañgimamgöra sömbup kewö kewöt mendeñ engiba nanñinök al engiyök: ¹⁴Meme (noniñ) ambiñi 200, aziñi 20, lama ambiñi 200, aziñi 20, ¹⁵kamel 30 moröurupñini juzunöñ, bulmakau ambiñi 40, aziñi 10, doñki ambiñi 20, aziñi 10.

¹⁶Kambu mewö mewö kewöt mendeñda kambu nanñök nanñök mi welenqequeurupñi yengö böröñine al engiba kewö jii mötket: “Iñini ölop mutuk anda sömbup kambuñi kambuñi kienjö sutñine tiriñ kutuba enguagita awatañ anme.”

¹⁷Mewö jiba kambu mutukñi anmeangö galömñi kewö jim kutum wañgiyök: “Könanöñ angetka datni Isonöñ miwikñaim engiba kewö qesim gihima: ‘Gi dagö welenqeque azia akzan? Gi denike anmam jiba kazan? Sömbup wösöge anjei, mi dagöreña?’” ¹⁸Mewö qesim gihiiga kewö jiman: ‘Mi welen azigi Jeikobköreña. Mi ketañamñi Iso kalem wañgimamgöra al engii kaze. Nanñak mönö andöñine könanöñ kaza.’”

¹⁹Mewö jim kutum wañgiba sömbup kambu 2:ñi, kambu 3:ñi aka sömbup kambu tosatñi pakpak yengö galömñini andöñine kageri, i mewöyök jim kutum engiiiga kewö mötket: “Iñini datni Iso miwikñaim, mönö keu tandökñi miyök jigetka mötma.” ²⁰Mewö jim kutum engiba kewö mötmöriyök: “Nönjön esap-

köba uruñi memba eta ala kalem wañgimamgöra sömbup kambuñi kambuñi melaim engibi mutuk anme. Datnan mi engeka uruñi böñjöñ köliga amörib-awak. Uruñi amöriiga ölop nanak yangö jemesoholñe ösöñ angotpi singisöndokni mosöta ala ak ningibawak. “Mewö mötmöriiba toroqeba kewö jiget mötmapkö jiyök: “Göhö welen azigi Jeikobnön mönö andöñine ösöñ kaza.”

²¹Mewö jiba kalemñi al engii mutuk könanöñ angetmö, nanñak sunjem mi opo koumnöñ tatmam jiba miangöreñ tarök. Mewö.

Jeikobnön Suep garatabuk aum-möriyohot.

²²Sunjem miangöreñ Jeikobnön wahöta anömyahötñi, welen ambiyahötñi aka morönahönurupñi 11 mi enguagiriga anda Jabok o sakñi qöleqöleleñi kutubingö aket. ²³Enguagiri o kutuba anda sukinap yuaiñi pakpak buñañi ahöyöhi, mi mewöyök memba an teköget.

²⁴An tekögetmö, Jeikobnön nanñök o likepñe miangöreñ kunbuk tarök. Nanñök tariga azi kunñan kaiga yambuk sunjem aum-möriiba malohotka miri gi-anjiyök.⁸ ²⁵Azi miañön luhut al wañgimamgö osiba eka miangöra Jeikob mi ikinñe qeyök. Qeiga mohotñe aum-möriiba malohotka miangöreñ Jeikobkö ikin sihitñan sulök. ²⁶Sihitñan suliga azi miañön kewö jiyök: “Miri gianjiamamgö akzawañgöra mönö ölop nömosötnönga anmam. “Mewö jiyökmö, Jeikobnön kewö meleñ wañgiyök: “Ni qahö kötuettöm niñgiman ewö, nönjön mönö gi qahö gömosötpi anman.”

²⁷Mewö meleñ wañgiiga “Gi qetki niñi?” jiba qesim wañgiiga “Jeikob,” jiyök.

²⁸Mewö jiiga keu kewö jiyök: “Gi Anutu aka ambazip yembuk aum-möröba mala luhut al enginöj. Miangöra göhö qetki mönö kunbuk Jeikob qahöpmö, Israel qetme. “(Israel Anutubuk aum-möriyök.)^h

²⁹Mewö jiiga kewö jiyök: “Gi ölop qetki qetnönga mötmam. “Mewö jiyökmö, garatanöj mianjön kewö melen wanjiyök: “Gi denöwögöra nöngö qetnanjögöra qesizan?” Mewö melen wanjiiba miangörej kinda kötuatköm wanjiyök.ⁱ

³⁰Kötuetköm wanjiiga Jeikobnöj kewö jiyök: “Ni Anutubuk mesohol köl anguba jeji törörök ekzalmö, töndup nehoriiga jebuk maljal. “Mewö jiba miangöra gölme miangö qetji Penuel qerök. (Penuel Anutugö jemesoholji)

³¹Wehön jejan lök koriga Jeikobnöj Penuel gölme mi mosöta ongita kaba ikinji sulöhangöra aka timkorik anök.

³²Azi mianjön Jeikobkö ikin sihit toroqeqenangö ginimuramje (bidororo) qeyöhangöra aka Israel könagesö yejön nalö kewöje mewöyök sömbup nempa miangörej ikin sihit toroqeqenangö ginimuramji mi tököba qahö nemakze. Mewö.

Jeikobnöj Isobuk aitongyohot.

33 Jeikobnöj jeji uba wahöta Isonöj aziurupji 400 yembuk mohotje kōnanöj kageri, mi engehök. Miangöra nahönböraturupji menden engiba Lea, Reizöl aka welen ambiyahötji yengö böröjine al engiyök.

²Mewö al engiba kewö arengöm engiyök: Welen ambiyahötji yetkōn nahönböraturupji enguangita mutuk anget. Yengö andöjine Leanöj nahönböraturupji yembuk angetka Reizöl aka nahönji Josef yetkōn qöndökji anohot.

³Saiwanji mewö arengöm engiba nanjak yengö wösöjine mutuk anda simin köla gölmenöj bamgöba wahörija indimji 7 aiga anda datjangö jemesoholje angörök. ⁴Angörökmö, Isonöj munji ekjangöra ösumjan kinjingöba kaba suhumgöm wangiba böröjan imbiye gili geiga numbunji yöhötim neiga urusahöt auyohot. ⁵Isonöj jeji uba wahöta Jeikobkö anöm-moröurupji engeka munji qesim wanjiyök: “Ki denike yejön göbuk kaze?” Qesim wanjiiga kewö melenjök: “Anutunöj kalem möriamji qakje nahönbörat ki welen azigi ni niñgiyök.”

⁶Mewö melenjiga welen ambiyahötji yetkōn nahönböraturupji yembuk dowe kangota simin köla gölmenöj bamgöget. ⁷Miangö andöje Lea aka nahönböraturupji yejön mewöjanök dowe kangota simin köla gölmenöj bamgöget. Teteköje Josef aka Reizöl yetkōn dowe kangota simin köla gölmenöj bamgöyohot.

⁸Mewö aketka Isonöj kewö qesim wanjiyök: “Azi aka sömbup kambu pakpak kōnanöj miwikñaim engizali, mi kōnanji denöwögöra melaim enginönga kaze?” Mewö qesim wanjiiga kewö jiyök: “O azi kembuni, nöjön mi göhö jeje ak-kömükömu miwikñaimangöra aka melaim engial.”

⁹Mewö jiyökmö, Isonöj keu kewö jiyök: “O muni, mi nöngörej gwötpuk lök dopne ahöze. Miangöra mi ölop toroqeba nangi bujaya aka ahöma.”

¹⁰Mewö jiiga Jeikobnöj kewö jiyök: “Mewö qahö. Göjön neksihim aka ala ölopji ak niñginönga göhö jemesoholgi ekiga Anutugö jemesoholji ewö akza. Miangöra nöjön göhö jeje ak-kömükömu miwikñaisal ewö, mönö kalemni ki ölop buja qem anguman.

¹¹Anutunöj kalem möriam kondel

ninggiiga mala kotpiga yuai pakpak osimakzali, mi pakpak ölop ahöm ninggiza. Mewögöra uruölöwak kalemni memba kageri, mi ölop meman. “Mewö jiba kapañ köla malöhañgöra Isonöñ uruölöwak kalemñi mi buña qem anguyök.

¹²Buña qem anguba kewö jiyök: “Mönö ölop mosöta köna anbin. Nöñön köiputñini akiga eñön ölop nömbuk kagetka anbin.”

¹³Mewö jiyökmö, Jeikobnöñ kewö jiyök: “Azi kembuni, mötnöñ. Nahönböraturupni yeñön ösumñini eretñi akze aka lama namñi aka bulmakau namñi moröñini juzu engimakzei, nöñön mi köyan köl engimakzal. Mewö aiga i köna anmegöra wehön mohotkö dop könöpuk enguatangöbinak ewö, yeñön mönö ösumñini eriga kambu körek pakpak kömumbeak. ¹⁴Mewögöra azi kembuni, gi ölop mutuk anöñga welen azigi nöñön ösöñösöñ andöge guatangöba kamam. Sömbup enguatangöbi wösöne mutuk anmei aka nahönböraturupni ösumñinangö dop ösöñösöñ kaba mala mala biañ Seir mire ketanamni göhöreñ kangotpin.”

¹⁵Mewö jiiga Isonöñ kewö jiyök: “Mewö aiga nöñön ölop aziurupni tosatñi engömosöt-piga göbuk ösöñ kame. “Mewö jiiga Jeikobnöñ kewö qesiyök: “Gi mönö wuanöñgöra mewö akanak? O azi kembuni, ni göhö jege ak-kömükömu miwikjaibiga lök dop köl ningim teköza.”

¹⁶Mewö jiiga Isonöñ wehön miangöreñök lilingöba anda Seir miriñe angörök. ¹⁷Jeikobnöñ Sukot mire anda miangöreñ nanñi miriñi esiba sömbupurupñi yeñgöra koumñi koumñi qeyök. Mewögöra miri gölme miangö qetñi Sukot (Koumkoum) qerakze. Mewö.

¹⁸Jeikobnöñ mewö Mesopotemia (Padan Aram) gölme mosörök. Mosöta kaba Keinan gölmegegö taon qetñi Sekem miangöreñ ölopñanök ölülop kangörök. Kangota opo seri koumñi taon kösutñe gölme köröñe mörörengöba kuñguba tatket. ¹⁹Jopo seri koumñi gölme köröñe kuñguyöhi, yañön gölme kitipñi mi Sekemgö iwiñi Hamor yañgö nahönurupñi yeñgöreñök silwö kötñi 100 miangön bohönñi meyök. ²⁰Bohönñi memba miangöreñ jöwöwöl alta kun memba qetñi “El, Israelgö bem Anutuñi,” mewö qerök. (El bem)

Sekem yeñön Daina mem bölim wañgiget.

34 Leanöñ Jeikobkö böratñi Daina meyöhi, yañön nalö kunöñ Keinan ambi seram enggekñamgöra anök. ²Aniga gölme miangö azi kumbuñi Hamor yañön Hiwi könagesögö azia malök. Yañgö nahönñi Sekem yañön Daina eka miangöreñök eksihim möta öröba mem bölim wañgiyök. ³Sekemnöñ wölbötñi Jeikobkö böratñi Dainagöra pöröraköiga jöhöba urukalemñan jöpaköm wañgiba kelök keuñan jiba tutuhum wañgiba malök. ⁴Tutuhum wañgiba mala iwiñi Hamor kewö jii mörök: “Iwini, gi ölop ambi seram ki nöñgö anömnä akñapköra keu nup meman.”

⁵Nalö miangöreñ Jeikobkö nahönurupñi yeñön gölme köröñe anda mirigö sömbupurupñini galöm köl engiba malgetka Sekemnöñ Daina mem böliiga iwiñi Jeikobnöñ böratñangö keu buzupñi mi mewö mörök. Mi mörökmö, mi mösamböta nahönurupñan mire kangotmegöra keu bök mamböta tarök. ⁶Mamböta tariga Sekemgö iwiñi Hamor yañön keu

nup memamgöra Jeikobkören kayök. ⁷Kaba tariga Jeikobkö nahönurupñan gölme köröneyök kañgotket. Kañgota miangöreyök yuai asuhuyöhangö kösohotñi mi kewö mötket: Sekemnön Jeikobkö bōratñi mem böliba Israel könagesö sutñine silik gamuñambuk ahök. Silik mi kude ahakñangö dop ahök. Mi möta uruñinan kömbuhiiga wösöbirik möta urupik aket.

⁸Urupik aketmö, Hamornön kewö jii mötket: “Nahöni Sekemnön uruwöl-bötñangö sihimñi mi engö nenbōratñi-nañgörey mösölatiba tatza. Miangöra ölop jim tekögetka Dainanön yangö anömñi akawak. ⁹Ölop nembuk nenbōraturupñini utekutek aka añguin anda kaiga malbin. Mewö ölop qenaqena aka malbin. ¹⁰Mewö aka ölop neñgö sutñine tata malme. Nini gölmenini ki mi qahö añgön kölbinmö, iñini ölop miangörey lañ anda kaba sihimñinañgö dop gölme kitipñi kitipñi buña qem añguba miriñini memba nembuk añgumnep-qañgumnep aka malbin.”

¹¹Mewö jiiga Sekemnön Dainagö iwinenurupñi yengöra kewö jiyök: “Nöñön engö jeñine ak-kömükömu miwikñaimamgö möta qesim engizal. Miangöra i me waigö qesim niñgimei, nöñön mi ölop engimam. ¹²Ambi bohonñi aka kalem memba kaba engimami, miangö qötöñi mi ölop sihimñinañgö dop memba öngöme. I me waigö qesim niñgimei, nöñön mi ölop engimam. Keuni kötñi ki: Eñön mönö jim teköba nenbōratñini niñgigetka nöñgö anömna akña.”

¹³Sekemnön nenñini Daina mem bölüyöhangöra aka Jeikobkö nahönurupñi yeñön isimkakalek qakñe Sekem aka iwiñi Hamor meley etkiba ¹⁴keu kewö jigetka mötket: “Azi kungö sileñe Anutugö aiwesökñi qahö yandigeri, nini nenbōratñini azi mewöñi ölop qahö wañgibin. Mewö

ahinga gamumamusumnön qaknine öngöbapuk. Miangöra nini i wañgibingö osizin. ¹⁵Iñini silik mohok-kun kewö aketka neñön urumohot akin: Mutuk Anutugö aiwesökñi mi aziurupñini pakpak engö sileñine yandiget teköiga nini maljin ewö akñe ewö, mönö nenbōratñini ölop engibin. ¹⁶Mewö aketka ölop embuk nenbōraturupñini utekutek aka añguin anda kaiga malbin. Mewö ölop engö sutñine tata könagesö kambu mohok aka malbin. ¹⁷Mewö malbinmö, Anutugö aiwesökñi sileñine yandibingö urumohot qahö akñe ewö, nini mönö nenbōratñini wañgita kungen anbin.”

¹⁸Keu mewö jigetka Hamor aka nahönñi Sekem yetkōn keu mewöñi miangöra mörohotka dop kölök.

¹⁹Mewö mörohotka azi gwabö Sekemnön iwiñangö saiwaurupñi yengö sutñine tosatñi engongita qetbuña ketañi memba malök. Yangö urusihimñan Jeikobkö bōratñangöra gwötpuk ahöyöhangöra aka keu jigeri, mi wuatangömamgö eksekpeksek qahö aka nalö qahö qem körri öngöyök.

²⁰Mewö aiga Hamor aka nahönñi Sekem yetkōn Sekem taongö azi alaurupñi yembuk keu jibingöra taongö nañgu kösutñe totoko sombemñine anda kewö jiyohot: ²¹“Azi kienñön nembuk ala ölopñi ak añgumakze. Miangöra nini ölop jim teköinga yeñön neñgö gölmenönñi tata lañ anda kaba miriñini memba nembuk añgumnep-qañgumnep aka malbin. Yeñön gölme kitipñi memegöra tiñi gwötpuk ahöza. Nini ölop yembuk nenbōraturupñini utekutek aka añguin anda kaiga malbin. ²²Nini silik mohok-kun kewö ahinga azi mienñön nembuk malbingö urumohot akñe: Anutugö aiwesökñi mi azi mienñön sileñine yandiget ahözawi, miangö dop mi mutuk körek neñgö silenine

mewöyök yandiin teköiga nini ölop yembuk könagesö kambu mohot aka malbin.

²³“Mewö ahinga yengöreñ mirigö sömbup kambuñini aka sukinap yuaiñini pakpak mi mönö nanini buñaya akje. Miañgöra keu jigeri, mi ölop möta imbi kölinga yeñon neñgö sutnine tatat dundumñini miwikjaiba malme.”

²⁴Mewö jiyohotka taongö kiripo nanuñe kaba tokogeri, yeñon körek Hamor aka nahönñi Sekem yetkö keugöra urumohot aka jigetka Anutugö aiwesökñi mi Sekem taongö azi pakpak yengö sileñine yandim teköget.

²⁵Yandim tekögetka wehön 3:ñi aiga miañgöreñ uziñinañgö sihimbölöñi mi tok toroqeba möta tatketka Jeikobkö nahönñi yahöt Simeon aka Liwai, Dainagö nenyahötñi yetköñ bimgö souñiri ketañi memba taon miañgöreñ sañgabanga anda tihitñini qahö möta tatketka wolañ bim qeba azi pakpak qaurapañ enguyohotka kömum teköget. ²⁶Hamor aka nahönñi Sekem mi mewöñanök bimgö sou ketañan etkuyohotka kömuyohot. Kömuyohotka Sekemgö mireyök nenñiri Daina mi öröba eta wañgita anohot.

²⁷Mewö ahotka Jeikobkö nahönurupñan Sekemñon nenñini mem bölim wañgiyöhangöra aka taonöñ kiñkiñgöba anda azi qamötñini engeka taongö sukinap yuaiñi kiom qeba yongorö meget. ²⁸Lama, meme, bulmakau aka doñki kambuñi kambuñi aka öroyuaiñini pakpak taon uruñe aka gölme köröñe ahögeri, mi pakpak kalöpköba mem teköget. ²⁹Sukinap yuaiñini pakpak otoñda ambimoröurupñini körek enğuangita miriñine yuaiñini tosatñi ahöyöhi, mi mönö kölolohoba kiom qeba yongorö memba tököba anget.

³⁰Mewö aketka Jeikobnön Simeon aka Liwai kewö jii mörohot: “Iñiri mewö ahotka kahasililiñ ketañangö keuñan mönö nongö qakne öngöiga malmam. Gölme kiangö toñi Keinan könagesö aka Periz könagesö yeñon mönö kazik möt niñgiba malme. Nongö könagesöni nini awamdökñi maljin. Miañgöra yeñon yarö aziurupñini tokom enğiba qetala bim yarö gil niñgime ewö, yeñon mönö ölop qaurapañ nuñguba ni aka könagesöni ayuhum nengime.”

³¹Jeikobnön mewö jii mörohotmö, yetköñ keu kewö jiyohot: “Kunön neñgö nenini köna ketañi ambi tandök ak wañgiyöhi, nini mönö miañgö likepñi melen enğiinga dop kölja. “Mewö.

Jeikobnön Betel ani Anutunön kötuetaköm wañgiyök.

35 Anutunön Jeikob keu kewö jii mörök: “Gi mönö wahöta Betel mire anda tatat dundungi miwikjaiba miañgöreñ Anutugöra jöwöwöl alta kun meman. Datki Isogöra ölöñ köla anöñga Anutunön nalö miañgöreñ asuhum gihiyöhi, mönö yangöra alta mi meman.”^k

²Mewö jii möta Jeikobnön saiwañi aka ambazip pakpak yambuk malgeri, i kewö jim kutum enğiyoök: “Lopion bem yuai tömbuñi sutñine ahözei, mi mönö qeköba gilget geiga köl köñjörat mem anguba sileñini sañgonja opo malukuñini uteköme. ³Ni köñjiliñ uruñe mala Anutu köuluköbiga melen niñgiyök aka denike denike anda kaba malali, yañon miañgöreñ nömbuk mala korök. Miañgöra iñini mönö kagetka Betel mire anbin. Nöñon miañgöreñ Anutugöra jöwöwöl alta kun memam.” ⁴Mewö jim kutum enğiiga böröñine lopion yuai tömbuñi pakpak ahögeri aka kezapñine jeñjeñ möndögeri, mi qeköba kölolohoba Jeikob wañgiget. Wañgigetka anda

^k35:1 Jen 28.11-17

in ip kun Sekem mire kinöhi, miangö könaŋe gölmenöŋ esim löm kölök.

⁵Mewö aka wahöta angetka taonŋi taonŋi liliköba tatkeri, Anutunöŋ könagesöŋini miengö uruŋini kuŋguiga waekanjam möta elemŋini eri Jeikob aka nahönurupŋi mi qahö enġuatangöget. ⁶Mewö anda mala Jeikobnöŋ könagesöŋi pakpak yambuk malgeri, mi enġuangita Luz mire angotket. Luz qetŋi alaŋi Betel mi Keinan gölmenöŋ ahöza. ⁷Miangöreŋ angota Jeikobnöŋ jöwöwöl alta kun meyök. Datŋangöra ölöŋ köla anöhi, nalö miangöreŋ Anutunöŋ gölme miangöreŋ asuhum waŋgyök. Miangöra Jeikobnöŋ miri gölme miangö qetŋi El-Betel qerök. (El-Betel Betelgö Bemŋi.) ⁸Betel miangöreŋ malgetka Rebekagö welen ambiŋi Debora yaŋön kömuyök. Kömuiga Betel miri bapŋe qerema ip kungö könaŋe löm kölget. Jingŋeŋ qeta sahötkerangöra aka qerema ip miangö qetŋi Jingŋeŋ sahötkö qeremaŋi mewö qetket.

⁹Jeikobnöŋ Mesopotemia (Padan Aram) gölmenöhök lilingöba kaiga Anutunöŋ kunbuk asuhum waŋgiba kötuetsköm waŋgyök. ¹⁰Kötuetsköm waŋgiba kewö jii mörök: “Göhö qetki Jeikob (tilipqilip azi) qerakzemö, mewö toroqeba kude qeta malme. Merak könahiba öngöba qetki mi Israel ahöma. “Kembunöŋ mewö jiba qetŋi Israel qerök. (Israel Anutubuk aum-möriyohot.)¹

¹¹Qetŋi mewö qeta toroqeba Jeikob kewö jii mörök: “Nöŋön Anutu kukösum pakpakö Toŋi akzal. Gi ölöp ahumsehip aknongga gwölönarökurupki yeŋgö qötöŋinan mönö qarim öngöma. Göhöreŋök könagesö gwötpuk aka könagesö kambuŋi kambuŋi asuhume. Gi

kiŋi kiŋi yeŋgö bömön jalönjina akŋan. ¹²Nöŋön gölme Abraham aka Aisak buŋa qem etkiali, mi mönö göhö buŋaya qemam aka göhö andöge gwölönarökurupki yeŋgö buŋaya mewöyök akŋapköra mi qemam.”^m

¹³Anutunöŋ keu mewö jii möriga Jeikob mosöta miri miangöreŋök öngöyök. ¹⁴Anutunöŋ keuŋi jii möröhi, Jeikobnöŋ gölme miangöreŋ mötök köt kun memba wahöta kuŋguba mi wain o nalukŋan miriba miangö qakŋe oil ipkö kelökŋi mokoï geyök. ¹⁵Anutunöŋ yambuk keu jiyöhi, Jeikobnöŋ miri gölme miangö qetŋi Betel (Anutugö miriŋi) qerök. Mewö.ⁿ

Reizölnöŋ kömuyök.

¹⁶Miangö andöŋe Jeikobnöŋ saiwaurupŋi enġuangita Betel miri mosöta anda mala Efrata miri dopdowigetka Reizölgö morö meme nalöŋan kam kuŋguiga masö keta bölökŋi qeyök. ¹⁷Masö qönsihimŋambuk ketanŋan qeyöhi, nalö miangöreŋ anjö meme ambinöŋ keu kewö jii mörök: “O Reizöl, keŋgötki kude mötnöŋ. Gi mönö nalö kewöŋe mewöyök morö azia kun kunbuk meman.”

¹⁸Mewö jiiga morö memba kömumamgö aka timotŋi mem kuŋgui ahöba qetŋi miangöra Benoni qerök. (Benoni sihimbölönangö nahöni) Mewö qerökmö, iwiŋan qetŋi Benjamin qerök. (Benjamin Simbawoŋ nahöni)

¹⁹Reizölnöŋ mewö kömuiga Efrata köna töwokŋe Betlehem miangöreŋ löm kölget. ²⁰Löm kölgetka Jeikobnöŋ mötök köt kun memba Reizölgö qaksirinöŋ kuŋguyök. Reizölgöreŋ mötök köt mi nalö kewöŋe mewöyök toroqeba kinja.

²¹Mewö asuhuiga Israelnöŋ miri mi mosöta toroqeba anda mala Eder

¹35:10 Jen 32.28^m35:12 Jen 17.4-8ⁿ35:15 Jen 28.18-19

miri ¶köröpnangö likepne angota opo seri kounpi miangörej mörörengöba kunɣuyök. Mewö. ²²°Jeikobkö saiwaurupni yeñon gölme miangörej tata mala nahönñi mutukñi Ruben yañon iwiñangö anömñi bohonñi qahö memeñi Bilha yañgörej anda mohotje ahöyohotka iwiñi Israelnöñ miangö buzupni mörök.

Jeikobkö nahönurupni

1 Hist 2.1-2

²³Jeikobkö nahönurupni 12 mi kewö: Leagö nahönurupni Ruben mi Jeikobkö nahönñi mutukñi. Yangö andöñe Simeon, Liwai, Juda, Isakar aka Sebulun. ²⁴Reizölgö nahönyahötñi qetñiri Josef aka Benjamin. ²⁵Bilha Reizölgö welen ambigö nahönyahötñi mi Dan aka Naftali. ²⁶Zilpa Leagö welen ambigö nahönyahötñi mi Gad aka Aser. Jeikobkö nahönurupni mewö mi Mesopotemia (Padan Aram) gölmenöñ asuhuget. Mewö.

Aisaknöñ kömuyök.

²⁷°Jeikobnöñ anda mala Kariat Arba (qetñi alañi Hebron) miangö kösutje Mamre mire iwiñi Aisaköreñ angorök. Asañi Abraham aka iwiñi Aisak yetkön mutuk gölme miangörej kian aka malohot. ²⁸Iwiñi Aisakö malmal nalöñi mi yambu 180 aiga kömuyök. ²⁹Azi namñi aiga yambuñan öliiga nöñ qeba kömumba amböskonurupni yeñgöreñ toroqeyök. Nahönyahötñi Iso (Esau) aka Jeikob yetkön qamötñi mi löm kölohot. Mewö.

Isogö gwölönarökurupni

1 Hist 1.34-36

36 Iso qetñi alañi Edom yañgö gwölönarökurupni yeñgö

qet areñini kewö: ²Isonöñ Keinan ambi karöbut engimeyöhi, miengö qetñini kewö: Ada mi Hit azi Elon yañgö böratña, Oholibama mi Hiwi azi Zibeongö nahönñi Ana yañgö böratña. ³Basemat mi Ismaelgö böratñi Nebaiotkö nenñi. ⁴Adanöñ Isogö nahönñi Elifaz meiga Basematnöñ yañgö nahönñi Reuel meyök. ⁵Oholibamanöñ Jeus, Jalam aka Kora engömeyök. Isogö nahönurupni mewö mi Keinan gölmenöñ asuhuget.

⁶⁻⁷Jeikob aka Iso yetkörej mirigö sömbup kambuñi kambuñi gwötpuk ahögerangöra gölme kiana malohori, mianjön qahö dop kölökö. Sukinapñiran keta bölököñi aiga mohotje tata malbingö osiget. (6) Miangöra Isonöñ anömurupni, nahönbörataturupni aka könagesöurupni pakpak yañgö mire malgeri, mi enguangirök. Mi enguangita lama bulmakau kambuñi kambuñi, donki kamelurupni aka sukinap yuaiñi pakpak Keinan gölmenöñ mala miwikñaiyöhi, mi memba munñi Jeikob mosöta gölme kunöñ anök. ⁸Iso qetñi alañi Edom yañon mewö aka Seir gölme kundunambuk miangörej anda malget.

⁹Isonöñ Seir gölme kundunambuk miangörej mala Edom könagesö yeñgö bömön jalöñini ahöhi, yañgö gwölönarökurupni yeñgö qet areñini kewö: ¹⁰Isogö nahönurupni yeñgö qetñini kewö: Anömñi Ada yañgö nahönñi qetñi Elifaz. Anömñi Basemat yañgö nahönñi qetñi Reuel. ¹¹Elifazkö nahönurupni 5 mi Teman, Omar, Zefo, Gatam aka Kenaz. ¹²Isogö nahönñi Elifaz yañgö anömñi bohonñi qahö memeñi qetñi Timna yañon Elifazkö nahönñi Amalek meyök. Isogö anömñi Ada yañgö isi aziurupni mi mewö. ¹³Reuelgö nahönurupni 4 mi Nahat,

¶35:21 der lama kambugö jegalöm meme miri köröpn

Zera, Sama aka Miza. Isogö anömñi Basematkö isi aziurupñi mi mewö.

¹⁴Isogö anömñi Oholibama yañon Isogö nahönurupñi karöbut engömeiga qetjini Jeus, Jalam aka Kora qetket. Oholibama mi Zibeongö nahönñi Ana yangö börtatñi ahök.

¹⁵Isogö gwölönarökurup kambuñi kambuñi yengö azi kambuñini mi kewö: Isogö nahönñi mutukñi Elifaz yangö nahönurupñi mi azi kembu qetjini Teman, Omar, Zefo, Kenaz, ¹⁶Kora, Gatam aka Amalek. Elifazkö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Ada yangö isiurupñi aket.

¹⁷Isogö nahönñi Reuel yangö nahönurupñi mi azi kembu qetjini kewö: Nahat, Zera, Sama aka Miza. Reuelgö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Basemat yangö isiurupñi aket.

¹⁸Isogö anömñi Oholibama yangö nahönurupñi mi azi kembu qetjini kewö: Jeus, Jalam aka Kora. Azi kembu mi Isogö anömñi Oholibama, Anagö börtatñi yangö nahönurupñi aket. ¹⁹Iso (Esau) qetji alañi Edom yangö nahönurupñi mewö aka yengö könagesöurup miengö azi kambuñini mi mewö.

Seir könagesögö qet areñi

1 Hist 1.38-42

²⁰Hor könagesögö azi Seir yangö nahönurupñi mutuk Edom gölmenöñ malgeri, yengö qetjini kewö: Lotan, Sobal, Zibeon, Ana, ²¹Dison, Ezer aka Disan. Seirgö nahönurupñi mi mutuk Edom gölmenöñ Hor könagesö yengö azi kambuñina malgetka Isonöñ könagep kayök.

²²Lotangö nahönyahötñi yahöt mi qetjiri Hori aka Heman. Lotangö nenñi qetñi Timna.

²³Sobalgö nahönurupñi qetjini kewö: Alwan, Manahat, Ebal, Sefo aka Onam.

²⁴Zibeon yangö nahönyahötñi yahöt qetjiri Aia aka Ana. Anagö kösohotñi kewö: Yañon iwiñi Zibeongö doñk- iñi gölme qararañkölkölñe galöm köl engii nene jaruba negetka miangöreñ o jeñi jeñi könöpñinambuk miwikñaiyök.

²⁵Anagö nahönbörtatyahötñi yahöt mi nahönñi Dison aka börtatñi Oholibama.

²⁶Disongö nahönurupñi qetjini kewö: Hemdan, Esban, Itran aka Keran.

²⁷Ezergö nahönurupñi qetjini kewö: Bilhan, Zawan aka Akan.

²⁸Disangö nahönyahötñi yahöt qetjiri Uz aka Aran.

²⁹Hor könagesöñi könagesöñi yengö azi kembu-urupñini yengö qetjini mi Lotan, Sobal, Zibeon, Ana, ³⁰Dison, Ezer aka Disan. Hor könagesöñi könagesöñi yengö azi kembu-urupñini mi areñi- nangö dop Seir gölmenöñ mewö malget. Mewö.

Edom yengöreñ kiñ kembu areñi

1 Hist 1.43-54

³¹Israel könagesö yengöreñ kiñ kembu kun qahö galöm köl engiiga qeljine nalö miangöreñ kiñ kembu kewöñan lök Edom gölme miangöreñ galöm köl engiba malget: ³²Beorgö nahönñi Bela yañon Edom yengö kiñ kambuñini ahök. Yangö sitiñangö qetji Dinhaba.

³³Belanöñ kömuiga Bozra mirigö azi qetji Jobab, Zeragö nahönñi yañon Belagö salupñe kiñ aka malök. ³⁴Jobab- nöñ kömuiga Teman gölmegö azi qetji Husam yañon salupñe kiñ aka malök. ³⁵Husamnöñ kömuiga Hadad, Bedadkö nahönñi yañon salupñe kiñ aka malök. Hadadnöñ Moab gölmenöñ anda Mid- ian azi yembuk yarö gila enguba luhut alök. Yangö sitiñangö qetji mi Awit. ³⁶Hadadnöñ kömuiga Masreka mirigö azi qetji Samla yañon salupñe kiñ aka malök.

³⁷ Samlanön kömuiga Saul yañon salupñe kiñ aka malök. Yangö miriñi Rehobot mi Yufreitis o töwatñangö kösutñe ahöyök. ³⁸ Saulnön kömuiga Balhanan, Akborgö nahönñi yañon Saulgö salupñe kiñ aka malök. ³⁹ Akborgö nahönñi Balhanan kömuiga Hadarnön salupñe kiñ aka malök. Yangö sitiñangö qetñi mi Pau. Anömñangö qetñi Mehetabel. I Matredgö bōratñi aka Mezahabgö isiñi malök.

⁴⁰ Isogö gwölōnarökurupñi yeñgö azi kembu qet areñi mi isikñiñangö dop aka miri gölmeñiñangö dop kewö ahök: Timna, Alwa, Jetet, ⁴¹ Oholibama, Ela, Pinon, ⁴² Kenaz, Teman, Mibzar, ⁴³ Magdiel aka Iram. Azi mi Edom könagesögö azi kembu-urupñina malgetka qetñiñangö dop miri gölmeñiñangö qetñini qetket. Edom qetñi alañi Iso yañon mutuk gölme memba tata mala Edom könagesögö bōmōn jalōñi ahök. Mewö.

Josef aka darumunurupñi

37 Aisaknön Keinan gölmenön kian aka maliga nahönñi Jeikobnön miangōreñ toroqeba malök. ² Jeikobkö gwölōnarökurupñi miengö kösohotñini kewö: Josefñön azi gwabö yambuñi 17 aiga darumunurupñi, iwiñangö anōmyahōtñi bohōñiri qahō memēñi Bilha aka Zilpa yetkö nahōnurupñi yembuk lama aka meme (noniñ) kambuñi kambuñi galōm köl eñgiba malget. Mewö mala darumunurupñan silik akeri, miangö kösohotñi bölōñi bölōñi mi iwiñangö jii möta malök.

³ Jeikobnön azi namñi aiga nahōññi Josefñön asuhuyōhi, miangōra iwiñan i nahōnurupñi tosatñi pakpak eñgongita uruñan jōpakōm wañgiba malök. Nalō kunōñ maluku körōpñi ekjeritñambuk bōrōñi körōpñi mi

memba Josef wañgiyök. ⁴ Iwiñan i darumunurupñi pakpak eñgongita uruñan jōpakōm wañgiba malōhi, yangö darumunurupñan mi eka könahiba kazik ak wañgiba yambuk ala-alagō keuñi kun qahō eraum-mōta malget.

⁵ Sungem kunōñ Josefñön gaun kun eka miangö kösohotñi mi darumunurupñi jiiga mötket. Mi mötketka uruñan öngōiga kazik gwōtpuk ak wañgiba malget. ⁶ Kösohotñi mi kewö jiiga mötket: “Mötket, ni gaun kun ekzali, mi kewö: ⁷ Nini nupñōñ mala wit padi bōranini jōhöbingö tandök akzin. Mewö ahinga nōñgōreñ wit padi bōrani miangōn wahōta köñgep kiniga eñgōreñ bōran miēñōn mönō nōñgōreñ bōran lilikōba sökōba kinje.”

⁸ Mewö jiiga möta darumunurupñan Josefköra kewö jiget: “Gi neñgōreñ kiñ kembuya akanak me? Gi ölña galōm köl neñgimangōra mötzan me?” Josefñön gaunñi eka miangö kösohotñi jiyōhi, miangōra yeñgö uruñan kunbuk toroqeba öngōiga kazik keta bölökñi möt wañgiba malget.

⁹ Miangö andōñe gaun kun kunbuk eka miangö kösohotñi darumunurupñi kewö jiiga mötket: “Nōñōn gaun kun ekiga miangōreñ wehōn, köiñ aka señgelau 11 miēñōn nōñgōra sipköget.”

¹⁰ Kösohotñi mi iwiñi aka darumunurupñi jii mötketka iwiñan tembula kewö jim wañgiyök: “Gi gaun tandökñi mewōñi mi denōwōgōra ekzane? Ni, namgi aka darumunurupki neñōn mönō denōwō aka göhöreñ kaba jemesoholge simin köla gölmenōñ bamgōbinak?” ¹¹ Mewö asuhuiğa darumunurupñan uruñan mututqutut (jelōs) möt wañgiba malgetmō, iwiñan

keu mi uru könömje ali ahöiga mötmöriba malök. Mewö.

**Josef bohonji memba wanggita
Ijipt gölmenöj anget.**

¹²Nalö kunöj Josefö darumunurupji yejön iwiñinangörej lama kambu-urupji galöm köl engibingöra Sekem miri kösutje anda malget.

¹³Miangörej malgetka Israelnöj Josef kewö jii mörök: “Nahöni, göhö darumunurupkan Sekem kösutje lama kambunini galöm köl engiba maljei, mi mötzan. Ölop kanönga melaim gihibi yengörej anman. “Mewö jiiga möta “Ölop anmam,” jiyök.

¹⁴Jiiga kewö jii mörök: “Gi mönö anda darumunurupki aka lama kambunini engeka denöwö maljei, miangö keu kösohotji mi memba lilingöba kaba jinönga mötmam. “Mewö jii möri Hebron örueñeyök (ruerueñeyök) melaim wanggiiga anda mala Sekem gölmenöj angorök.

¹⁵Sekem gölmenöj angota gölme köröje köna jaruba lañ anda maliga azi kunñan miwikñaiaba eka kewö qesim wangiyök: “Gi wani yuaia jaruba maljan?”

¹⁶Qesim wanggiiga kewö meleñnök: “Ni darumunurupni yeñgöra jaruzal. Yejön denikeangörej mala lamaurupjini galöm köl engizei, mi ölop jinönga mötmam.”

¹⁷Mewö meleñniga kewö jiyök: “Yejön lök gölme ki mosöta anget. Dotan mire anbingöra jigetka möral. “Mewö jiiga möta darumunurupji yengö könañine enguatangöba mala Dotan miri kösutje anda miwikñaim engiyök.

¹⁸Miwikñaim engiba kösutjine qahö angorökmö, tikep endu kaiga darumunñan i eka tokoba Josef qebingö angönañ alget. ¹⁹Angönañ ala nanñinök kewö eraum-mötket: “Eket, gaun ehk

azi mianön mönö endu kaza. ²⁰Ayop, mönö kagetka anda qein kömuiga qamötji o lömji kunöj gilin geiga kewö jibin: ‘Sömbup kalñan mönö i qei kömuyök.’ Gaunñangö ölñan denöwö asuhumawi, mi mönö miangö andöje ekin.”

²¹Mewö eraum-mötketka Rubenöj mi möta Josef böröñineyök meköba malmalji jöhömamgöra möta kewö jiyök: “I mönö kude qeinga kömuma.” ²²Toroqeba kewö jii mötket: “Sepji mönö kude mokome. Gölme qararañkölkölje o löm ki kinjawi, i ölop miangörej gilgetka gemapmö, böröñinan mönö yanjö sileñe kude misiriba qeme. “Rubenöj Josef böröñineyök meköba angön köla wanggita iwiñangörej lilingöba anbitköra möta keu mewö jiyök.

²³Mewö jii möta kingetka Josefñöj darumunurupji yeñgörej kangorök. Kanoriga malukuñi köröpñi ekjeritñambuk böröñi köröpñi wöta kayöhi, mi lañ öröba munjurata qeköget. ²⁴Mi qeköba munñini qeraköba memba anda o lömnöj gilgetka geyök. O löm mi onji qahöpmö, gwamönña kinök.

²⁵Mewö aka nene nembangö eta tatket. Eta tata jeñini uget aniga Ismael könagesögö kölköl-örörö azi tosatñan Gilead miri mosöta kamelñini totnöj totnöj al engiba awatañ kagetka engeket. Yejön kamel qakñine gipmi bakötök, sile mirimirigö kelökñi aka marasin ip tokuñi qetji mör gipit mi algetka bisiba Ijipt kantrinöj anbingöra kaget.

²⁶Mewö engeka Judanöj darumunurupji kewö jii mötket: “Nini munini qein kömuiga sepñangö keuñi köyatiba asambötpin ewö, mianön mönö denöwö bauköm neñgibawak? ²⁷Yañön nanini munini aka nanini sepkitipnini akzawangöra

mönö börönninan sileŋe kude misiriba qebinmö, ölop kagetka anda Ismael azi mieŋön i söŋgööröŋi memegöra eŋgibin. “Mewö jiiga darumunurupŋan mi möta urumohot aka imbi kölget.

²⁸ Mewö aketka Midian gölmeğö Ismael könagesögö kölköl-örörö azi mieŋön kaba kaŋgota eŋgoŋgitpingö aket. Mewö aketka munŋini Josef mi o lömnöhök öröget koriga silwö kötŋi 20:nöŋ söŋgööröŋi memegöra al waŋgiŋet. Al waŋgiŋetka Ismael azi mieŋön i bohonŋi memba waŋgita Ijpt kantrinöŋ anget.

²⁹ Angetka Rubenöŋ kungenök lilingöba o lömnöŋ kaiga Josefnöŋ miangöreŋ kunbuk qahö kiniga eka wösöŋi juliga wösöbirikŋi kondela malukuŋi munjurarök. ³⁰ Malukuŋi munjurata munurupŋi yengöreŋ lilingöba kaba kewö jiyök: “Morö gwabönöŋ mönö denike ayapköba sohoza? Yei! Miangö keuŋan nöŋgö qakne öŋgöiga mönö denöwö akileŋak?”

³¹ Mewö jiiga meme (noniŋ) aziŋi kun memba qeget kömuiga Josefköreŋ malukuŋi memba meme miangö sepŋan kundumgöba membiliget. ³² Membiliba malukuŋi köröpŋi ekjeritŋambuk böröŋi köröpŋi mi memba mire anda iwiŋi kondela kewö jiget: “Nini ki miwikŋaizin. Mi nahöŋgi Josefköreŋa me qahö, mi ölop ek kewötman.”

³³ Mewö jigetka ek kewöta kewö jiyök: “Ki mi nahönaŋgöreŋ malukuya. Sömbup kalŋi kuŋan mönö yaijapaleleŋ qei kömuiga gwahörök. Öŋa, Josef mi yöhöqöhötiiga boromborom ahök.” ³⁴ Mewö jiba amburereŋ aka wösöbirikŋi kondela malukuŋi munjurata sileŋi gölmenöŋ membiliba nahönŋaŋgö nalö köröpŋi jingereŋ köla sahöta malök. ³⁵ Mewö

maliga nahönböraturupŋi pakpak yeŋön kaba urukölalep mem waŋgibingö aketmö, yaŋön mi qetala tököba urukondumök möta kewö jiyök: “Qahö! Nöŋön mönö jingereŋ köla sahöta mala kömumba uŋem mire nahönaŋgöreŋ gemam. “Mewö jiba Josefköra sahöta malök.

³⁶ Mewö maliga nalö miangöreŋ Midian gölmeğö kölköl-örörö azi yeŋön Josef waŋgita Ijpt kantrinöŋ aŋgota bohonŋi memegöra algetka Farao kiŋgö jembonŋi kun qetŋi Potifar, kiŋgö malmalŋaŋgö sikiriti yeŋgö suahö galömnjina malöhi, yaŋön i söŋgööröŋi meiga welenqeŋeŋi omaŋi ahök. Mewö.

Juda aka Tamar

38 Nalö miangöreŋ Judanöŋ darumunurupŋi eŋgömosöta yagömanŋe Adulam mire geba azi kun qetŋi Hira yambuk tata malök.

² Miangöreŋ mala Judanöŋ Keinan azi kun qetŋi Sua yaŋgö böratŋi eka anömŋa meiga mohotŋe ahöyohot.

³ Mohotŋe ahöyohotka anömŋan gölöm ala morö nahön memba qetŋi Er qerök.

⁴ Mewö qeta kunbuk gölöm ala morö nahön kun memba qetŋi Onan qerök.

⁵ Miangö bapŋe dumŋe kunbuk morö nahön kun memba yaŋgö qetŋi Sela qerök. Morö nahön mi Kezib mire mala miangöreŋ meyök.

⁶ Mewö malgetka Judanöŋ nahönŋi mutukŋi Er yaŋgöra ambi kun qetŋi Tamar waŋgiiga anömŋa ahök.

⁷ Anömŋa ahökmö, Judagö nahönŋi mutukŋi Er yaŋön Kembugö jeŋe bölöŋi aka memba malöhi, miangöra Kembunöŋ jim teköm waŋgiiga kömuyök. ⁸ Kömuiga Judanöŋ nahönŋi Onangöra kewö jiyök: “Gi ölop datkahö malöŋi memba qambötŋi akzanangö

köna keunji wuatangöba yambuk ahöba datkahöra gwölönarök qiwikñaiman.”

⁹Mewö jiyökmö, Onanöñ gwölönarök mi yanğö buñaya qahö akñawi, mewö möta silik kewö aka malök: Datñangöra gwölönarök qiwikñaiwapuköra yanğö anöm malöñambuk ahöba malöhi, nalö miangöreñ nalö dop morö qiwiqiwikñaiğö sile oñi mi öne gölmenöñ qokoba malök. ¹⁰Silik mewö aka malöhi, mi Kembugö jeñe bölöñi ahök. Miangöra Kembunöñ i mewöyök jim teköm wañgiiga kömuyök.

¹¹Kömuiga Judanöñ iranñi Tamargöra kewö jiyök: “Gi mönö iwigahö mire lilingöba anda malöya mala malnönga nahöni Selanöñ qariba ketanji akagun gi gömima. “Keñgötñi kewö mötmöriba mewö jiyök: Selagö datyahötñan kömuyohotka yañön miangö dop mala mewöyök kömumbapuk. Mewö mötmöriba Tamargöra jiiga iwiñangö mire lilingöba anda miangöreñ tata malök.

¹²Miangöreñ tata maliga nalö köröpñi teköiga Suagö böratñi, Judagö anömñi yañön kömuyök. Kömuiga jinğeñ köla sahöta mali teköiga Judanöñ miri gölme qetñi Timna miangöreñ azi tosatñan nanñi lamaaurupñi yeñgö jupñini mitigeri, i eñgekñamgöra öñgöyök. Adulam mirigö azi alañi Hira yambuk mohotñe miangöreñ öñgöyohot. ¹³Öñgöyohotka Tamargöra buzup kewö jigetka mörök: “Mötnöñ, göhö azi irangan mönö lamaaurupñi yeñgö jupñini mitimamgöra aka Timna miri gölmenöñ anja.”

¹⁴Mewö jigetka mörök. Judagö nahöñi Selanöñ lök qariba ketanji aiga töndup i anömñi akñapköra qahö wañgiyök. Miangöra Tamarnöñ malö malmamgö malukuñi qeköba nööröp kawöseñnöñ nööröp jeñi esuhuba turum añguyök. Mewö aka Timna anangö könanöñ anda taon qetñi Enaim

miangöreñ añgota kiripo nanju kösutñe tarök.

¹⁵Tariga Judanöñ kaba eka jemeso-holñi esuhuyöhangöra i qahö ek kutuba mi köna ketanji ambia mewö mötmöriyök. ¹⁶Iranña taröhi, mi qahö möt kutuyöhangöra aka köna jitñe yanğöreñ anda kewö jiyök: “Ölöp kanöñga nöñön göbuk ahöbit. “Mewö jiiga möta kewö qesiyök: “Nömbuk ahömanangö töwanji mönö wani yuaia niñgiman?”

¹⁷Mewö qesiiga kewö jiyök: “Ni nani kambunöhök meme moröñi gwaböñi kun albi göhöreñ kama. “Mewö jiiga kewö qesiyök: “Mi mutuk qahö kaba kañgoriga keugahö ölni akñawañgö yuai kun mi niñgiman me qahö?”

¹⁸Mewö qesiiga kewö jiyök: “Nöngö keunangö ölni akñawañgö yuai kun mi mönö wani yuaia gihibileñak?” Mewö jiiga kewö meleñnök: “Köpep supapkan qetki mekötahömakzani, mi, miangö kösö wötñi aka öröpki böroğan memba kinjani, mönö mia niñgiman. “Mewö meleñniga yuai mi wañgiba yambuk ahöiga gölöm alök. ¹⁹Yambuk ahöba wahöta miriñe anda nööröp kawöseñi luluñda qeköba malö malmamgö malukuñi mi kunbuk löngöta malök.

²⁰Mewö maliga Judanöñ nalö kunöñ Adulam mirigö azi alañi Hira melaiiba kewö jiyök: “Gi mönö meme (noniñ) moröñi gwaböñi memba anda ambi mi wañginöñga nöngö keunangö ölni akñawañgö yuaiñi mi melen gihiiiga memba kaman. “Nup mewö memapköra Hira melaiiga anökmö, Hiranöñ ambi mi qahö miwikñaiyök. ²¹Qahö miwikñaiiba Enaim azi tosatñi kewö qesim eñgiba jiyök: “Jöwöwöl jikegö köna ketanji ambinöñ Enaim kiangöreñ köna görañe taröhi, mi denike?” Mewö jiiga kewö melenđa jiget: “Ambi mewöñi kun mi kiangöreñ qahö malök.”

²²Mewö jigetka Hiranöŋ öne lil-
ingöba Judagöreŋ kaba jiyök: “Nöŋön
anda ambi mi qahö ehal. Miri miangö
toŋi yeŋön mewöyök keu kewö jigetka
moral: ‘Jöwöwöl jikegö köna ketani am-
biŋi kun mi kiangöreŋ qahö malök.’”

²³Mewö jiiga Judanöŋ kewö jiyök: “O
alani, muat! Yaŋön yuai mi ölop memba
malma. Yuai kun akirak, mönö gön köl
netkigetka gamunöŋ turum netkibapuk.
Nöŋön meme moröŋi gwaböŋi ki mi ölop
albiga anökmö, göŋön ambi mi qahö
miwikŋainöŋ.”

²⁴Mewö jiiga köiŋ karöbutkö dop
teköiga tosatŋan Judagöra buzup keu
kewö jigetka mörök: “Göhö irangi
Tamarnöŋ mönö serowilin aka gölöm
ala malja. “Mewö jigetka Judanöŋ
mi möta Mosesgö köna keugö dop
jimkutukutu kewö alök: “I mönö
waŋgita örörahöba könöpnöŋ gilgetka
geba jema.”

²⁵I waŋgita örörahöba angetka
iranŋan Judagöra keu kewö aliga anök:
“O irani, yuai kiengö toŋan mönö
nömeiga gölöm ala maljal. Miangöra
köpep supap ki, miangö kösö wötŋi
aka öröp ki mönö ek kewöta toŋi
miwikŋaiman.”

²⁶Keu mewö ali aniga möta nanŋi
yuaiŋi mi ek kewöta kewö jiyök: “Yaŋön
keu mi ölŋa jiza. Nöŋön i nahöni Se-
lagö anömŋi akŋapaköra qahö waŋgial.
Miangöra yaŋön mönö ni noŋgita ambi
diŋdiŋi aka keu mi jiza. “Mewö jiba ambi
miambuk kunbuk qahö ahöyök.

²⁷Könaŋgep morö memangö nalöŋan
kam kuŋguiga morö gösöŋaŋgö uruŋe si-
wisiwi azi moröŋi yahöt tarohot. ²⁸Taro-
hotka morö memangö aiga kunöŋ
böröŋi suluiga erök. Eriga anjö meme
ambinöŋ mi eka möt kösö pisikŋi pöt-
pöt memba böröŋe jöhöba kewö jiyök:
“Yaŋön mutuk asuhuza.”

²⁹Mewö jiyökmö, morö mianöŋ
böröŋi kunbuk öröi öngöiga alajan
mutuk asuhuyök. Yaŋön asuhuiga anjö
meme ambinöŋ kewö jiyök: “O mönö
mewö aka könaŋi munjurata asuhuzan.
“Mewö jiiga qetŋi Perez qetket. (Perez
Könaŋi munjuratza.) ³⁰Miangö andöŋe
alaŋaŋgö böröŋe möt kösö pisikŋi
pötpöt ahöyöhi, yaŋön asuhuiga qetŋi
Zera qetket. (Zera pisikŋi pötpöt)
Mewö.

Josef aka Potifargö anömŋi

39 Nalö sutŋe miangöreŋ Ismael kö-
nagesögö kölköl-örörö azi yeŋön
Josef waŋgita Ijpt kantrinöŋ aŋgota
bohonŋi memegöra alget. Algetka Ijpt
azi kun qetŋi Potifar, Farao kiŋgö jem-
bonŋi kun aka malmalŋaŋgö sikiriti
yeŋgö suahö galömŋina malöhi, yaŋön
i söŋgööröŋi meiga welenqeqeŋi omaŋi
ahök.

²Mewö aka maliga Kembunöŋ Josef-
puk kiniga yuai pakpak aka memba
malöhi, miangöreŋ mönö töhötmöriam
miwikŋaiyök. Yaŋön toŋi Ijpt azi yaŋgö
mire malök. ³Mewö maliga Kembunöŋ
Josefpuk kinda kondot waŋgiiga yuai
pakpak böröŋan memba malöhi, mi-
aŋön mönö töhötmöriamŋambuk ahök.
Mewö aiga toŋan mi ehök. ⁴Toŋan
mi ehi ölop dop köliga yaŋgö jeŋe
eksihim miwikŋaiiga jiiga nanŋi mal-
malŋaŋgö galömŋi ahök. Potifarnöŋ
Josef kuŋgum waŋgiiga miriŋaŋgö yuai
pakpak galöm köliga sukinap buŋaŋi
pakpak yaŋgö böröŋe aliga köyan köla
malök. ⁵Miriŋaŋgö yuaiŋi aka suki-
nap buŋaŋi mi pakpak Josefnöŋ galöm
kölmapköra böröŋe ala malöhi, Kem-
bunöŋ nalö miangöreŋök könahiba Ijpt
azi miangö miri yuaiŋi mi Josefköra
aka kötuatköba malök. Potifargö miriŋe
aka nupŋe öröyuaiŋi pakpak ahöyöhi,

mi mönö kötümötuet qakŋe ahöyök. ⁶Mewö ahöiga Potifarnöŋ öröyuaini ahöm waŋgiyöhi, mi pakpak Josefkö böröŋe al teköba kinda nanŋak i me wai miangö waimanjatŋi kun qahö mörök. Yaŋön nene nemangöra mohot mötkurumkurum aka malök. Josefkö sileŋi öndölböndöl qariiga kaisoŋgolomŋan eksihimŋambuk ahöiga malök.

⁷Mewö maliga nalö tosatŋi teköiga Potifargö anömŋan Josef eka eksihimŋi möta kewö jiyök: “Gi mönö kanöŋga nömbuk ahöbit.”

⁸Mewö jiyökmö, yaŋön mi tököba toŋaŋgö anömŋi kewö jii mörök: “Qahö! Mötnöŋ, toni nanŋak miriŋe öröyuai ahözawaŋgö waimanjatŋi qahö ahakzapmö, sukinap buŋaŋi pakpak mi mönö nöŋön galöm köla malmangöra nöŋgö böröne al teköiga ahöza.

⁹Mewö ahöiga miri kiangö uruŋe i aka ni netkö kukösumniran mönö öröröŋ ahöza. Göŋön anömŋi akzanangöra gi angön köl niŋgiyökmö, yuai tosatŋi kun mi nöŋgöra qahö angön kölök. Miangöra nöŋön denöwögöra aka ahakmeme bölöŋi kötökŋi mewöŋi mi aka miangön Anutu qetala siŋgisöndok akilenak?” ¹⁰Mewö jii möta keu mewöŋi mi wehön dop Josefköra jiba malökmö, yaŋön töndup mi qetala mala yaŋgö ahöahö dumnöŋ anda yambuk ahöbitkö imbi qahö kölök. Mewö yambuk mohotŋe malbitkö mewöyök tököyök.

¹¹Mewö tököba maliga wehön kunöŋ mirigö welenqequeurupŋi yeŋgöreŋök kunŋan miri uruŋe qahö maliga Josefnöŋ nupŋi jijiŋi memangöra miri uruŋe öŋgöyök. ¹²Öŋgöiga ambi miangön Josefkö malukuŋe qelanjiba memba kewö jiyök: “Gi mönö kanöŋga nömbuk ahöbit. “Mewö jiyökmö, Josefnöŋ malukuŋi mi yaŋgö böröŋe mosöta ölöŋ köla diŋdingöba

sombemnöŋ sileŋe erök. ¹³Malukuŋi yaŋgö böröŋe mosöta ölöŋ köla sombemnöŋ eröhi, ambi miangön mi ehök.

¹⁴Mi eka mirigö welenqequeurupŋi eŋgoholi kagetka yeŋgöra kewö jiyök: “Mötket, apnan Hibru azi mi waŋgita mirinine kayöhi, yaŋön mönö göngönahit ak neŋgiba malja. Yaŋön nömbuk ahöbitköra nöŋgöreŋ kotzapmö, nöŋön qet gigilahözal. ¹⁵Qet gigilahöbiga möta malukuŋi nöŋgö wösöne mosöta ölöŋ köla diŋdingöba sileŋe geza.”

¹⁶Mewö jiba Josefkö malukuŋi kösutŋe ali ahöi Josefkö toŋan liliŋgöba kamapkö mamböta tari kayök. ¹⁷Kaiga kösohotŋi mewöyöhök jii möriga kewö jiyök: “Hibru welenqeŋe azi mi waŋgitnöŋga neŋgöreŋ kayöhi, yaŋön mönö nömbuk göngönahit akŋamgöra nöŋgöreŋ kotza. ¹⁸Kotzapmö, nöŋön qet gigilahöbiga möta malukuŋi nöŋgö wösöne mosöta ölöŋ köla diŋdingöba sileŋe geza.”

¹⁹Mewö jiiga Josefkö toŋan anömŋan kösohot mewö jii möriga kewö jiyök: “Göhö welenqeŋegan mönö mewö ak niŋgiza. “Mewö jii möta irimŋi seholiiga uruŋi könöp jeyök. ²⁰Uruŋi könöp jeiga jiiga Josef memba Farao kiŋgö kösö mirinöŋ azi galöm köl eŋgiba malgeri, mönö kösö miri miangöreŋ alget geba ahöba malök. ²¹Josefnöŋ kösö miri miangöreŋ malökmö, Kembunöŋ Josefpuk kinda kötuatköba ak kömum waŋgiba mali kösö mirigö galöm bohonŋan mi eka yaŋgöra eksihim mörök.^v ²²Eksihim möröhangöra azi pakpak kösö mire tatkeri, mi Josefnöŋ galöm köl eŋgimapköra yaŋgö böröŋe al eŋgiyök. Yuai pakpak miangöreŋ aka memba malgeri, mi Josefnöŋ jim kutum eŋgiyöhöŋgö dop aka memba malget.

²³ Kembunöŋ Josefpuuk kinda kötuetaköm wanŋiba kondoriga yuai pakpak aka memba malöhi, mi töhötmöriamŋambuk asuhiba ahöyök. Miangöra kösö mirigö galöm bohonna Josefnoŋ yuai pakpak denöwö galöm köla jim kutum engiba malöhi, miangö waimanjatŋi kun qahöpmahöp möta malök. Mewö.

Josefnöŋ azi yahöt yetkö gaunŋirangö könaŋi jiyök.

40 Nalö tosatŋi teköiga Ijptkö kiŋ kembunangö wain o qambigö galömŋi aka bered ohohogö galömŋi yetköŋ ketanŋamŋiri Ijptkö kiŋi qetala köna ŋiŋiyohot. ²Mewö ahotka Farao kiŋnoŋ jembonŋi yahöt, wain o qambigö galömŋi bohonnaŋi aka bered ohohogö galömŋi bohonnaŋi yetköra aka irimŋi sehohiyök. ³Irimŋi sehohiiga jiiga etkuangita kiŋgö malmalŋangö sikiriti yengö suahö galömŋinangö kösö mire yangö böröŋe al etkigetka geyohot. Josefnöŋ kösö miri miangöreŋök malök. ⁴Sikiriti yengö suahö galömŋinan Josef jim kutum wanŋiiga i welen qem etkiba malök. Mewö maliga nalö tosatŋi toroqeba kösö mire malget.

⁵Mewö mala malgetka Ijpt kiŋgö wain o qambigö galömŋi aka bered ohohogö galömŋi yetköŋ ŋuŋgem mohot miangöreŋök gaunŋiri inanŋök inanŋök ehot. Gaunŋirangö könaŋi mi inanŋök inanŋök. ⁶Mi ehotka Josefnöŋ ŋonŋöhök yetköreŋ öngöba etkehi urueret aka bosoliba tarohot.

⁷Mewö tarohotka Farao kiŋgö jembon yahötŋi yetköŋ Josefkö ketanŋamŋangö kösö mire yambuk mohotŋe tarohori, i kewö qesim etkiyök: “Iŋiri merak denöwögöra jemesoholŋiri wösöbirikjeje uba tatzahot?”

⁸Qesim etkiiga kewö melenŋa jiyohot: “Niri nanŋök nanŋök gauniri ekzitmö, mietkö könaŋiri mi daŋŋon jii mötpirak?”

Mewö jiyohotka Josefnöŋ kewö jiyök: “Anutunöŋ mönö gaungö könaŋini jii Toŋi akzadmö, ölop töndup gaunŋiri jiyohotka mötmam.”

⁹Mewö jiiga wain o qambigö galöm bohonnaŋ gaunŋi ehöhi, miangö kösohotŋi mi Josef kewö jii mörök: “Nöŋon gauni uruŋe wain ip kun mi nöŋgö wösöne kiniga ekzal. ¹⁰Wain ipkö böröŋi karöbut kingetka könahiba söŋŋi jula kota kuŋguzawi, nalö miangöreŋök juranŋi kota tuliga kanŋeni kanŋeni asuhiba öligetka ölnangö köŋŋi pisihiŋe. ¹¹Pisihiŋgetka ni Farao kiŋgö qambiŋi mi börönan memba kinda ölnangö köŋŋi memba mözöhölbiga onŋi Farao kiŋgö qambinöŋ geiga kiŋgö böröŋe aljal.”

¹²Mewö jii möta Josefnöŋ kewö jii mörök: “Gaungahö könaŋi mi kewö: Ip böröŋi karöbut mi wehön karöbutkö söpsöpŋi akza. ¹³Wehön karöbut teköiga Farao kiŋnoŋ göhö nöropki mem wahöta pösat gihiba kumbuk nupke al gihima. Gi mutuk yangö wain o qambigö galömŋa mala qambi Farao kiŋgö böröŋe ala malnöŋi, miangö dop mönö kumbuk aka malman.

¹⁴Mewö malmanmö, sösoŋgai qakŋe malmani, nalö miangöreŋ mönö ni mötmöriba ak kömum niŋgiba nöŋgö kösohotni Farao kiŋgöra jinöŋga mötma. Mewö aka bauköm niŋginöŋga kösö miri ki mosöta etpileŋak. ¹⁵Mötnöŋ, ni Hibru könaŋesögö gölmenöhök ösum-mumu qakŋe yonŋorö noanŋitketka kaba kiangöreŋ mewöyök yuai bölöŋi kun kösö miri kiangö dutŋe al niŋgigerangö dop mi qahö ahal.”

¹⁶Josefnöŋ mewö jii möriŋa bered ohohogö galöm bohonnaŋ alangö gaunŋangö könaŋi ölpöŋi jim asariyöhi, mi eka kewö jii mörök: “Nöŋon mewöyök gauni ekiga miangöreŋ bered könde karöbut nöŋgö nöropne kunduta kazal. ¹⁷Kaba könde qakŋe eu tatzawi,

miangöreñ bered yuai nahömñinambuk kónaŋi kónaŋi Farao kiñgöra ahözapmö, neiñi neiñi yeñön kaŋgota künde kunduta kazali, miangöreñök mi nem teköze.”

¹⁸Mewö jii möta Josefnöñ kewö melenđa jiyök: “Gaungahö kónaŋi mi kewö: Künde karöbut mi wehön karöbutkö söpsöpñi akza. ¹⁹Wehön karöbut teköiga Farao kiñnönñ jiiga liñgipnönñ geriba qetohom gihiba nöropki aka qamötki mem wahöta ipnönñ möndögetka neiñi neiñi yeñön kaŋgota busugi nem teköme.”

²⁰Mewö melenđa jiiga wehön karöbut teköiga Farao kiñgö ahuhahu nalöñan kam kuñguiga jembonurupñi pakpak i nene lömbuanñ ohoba engiyök. Mi ohoba engiba wain o qambigö galöm bohonñi aka bered ohohogö galöm bohonñi yetkö nöropñiri mi jembonurupñi yeñgö jeñine memba wahörök. ²¹Wain o qambigö galömñan mutuk nupñi memba malöhi, mi toroqeba memapköra kuñgum wañgiiga dumje kunbuk qambi mi Farao kiñgö böröñe ala malök.

²²Mewö malökmö, kiñnönñ bered ohohogö galöm bohonñangö keuñi jim teköiga Josefnöñ gaunñirangö kónaŋi jii mörohorangö dop i liñgipnönñ eriba qetohoba nöropñi aka qamötki mi mem wahöta möndöget. ²³Miangö andöñe wain o qambigö galöm bohonñan Josef qahö mötmörim wañgiyökmö, i ölum qeiga lañ malök. Mewö.

Kiñnönñ gaunñi ehiga Josefnöñ kónaŋiri jim asariyök.

41 Yambu yahöt teköiga Farao kiñnönñ gaun kun kewö ehök: Yañön Nail o töwatñangö göraŋe kiniga ²bulmakau döññi 7 ölop sorokñi kelök busuñinambuk mi o töwatñi miangöreñök kota jejepözan

sutñine kinda tembam keuqañ neget. ³Miangö andöñine bulmakau tosatñi 7 sihitqarambuñinanök kaisongolomñini piromñi mi o töwatñi miangöreñök kota bulmakau mutukñi miangö kösutñine anda o töwatñangö göraŋe kinget. ⁴Bulmakau piromñi sihitqarambuñinanök miangö bulmakau döññi ölop sorokñi kelök busuñinambuk 7 mi gwahöt engiget. Farao kiñnönñ gaun mi eka miangöreñök imbiñi möta wahörök. ⁵Wahöta gaunñangö kunbuk möta gem anda ahöba gaun kun kewö ehök: Wit padi ip mohotkö kemaŋe ölni kötni ketañi ketañi kañgeñinambuk 7 ölop kötökñi mi loŋkam gili eta kinget.

⁶Miangö andöñine ölni kañgeñinambuk 7 mi kunbuk loŋkam gili eta kingetka gölme qararañkölkölñangö luhut könöpñan mi engohotiriiga soholiba gilipitñi (ambetakñi) aket. ⁷Ölni morömorö kañgeñinambuk mi ölni kañgeñinambuk kötni ketañi ketañi kuñgukuñguñi mi gwahöt engiget. Farao kiñnönñ miangöreñök imbiñi möta wahöriga ölni qahöpmö, mi gauna ahök. ⁸Wami asariiga Farao kiñnönñ gaunñangö mötkurumkurum möta Ijpt kantrigö tiripqözölqözöl aka mötkutukutu azi pakpak öröm eñgii yañgö jemesoholje kañgotket. Kañgotketka gaun ehöhangö kösohotñi mi jii mötketmö, körek yeñön gaunñangö kónaŋiri mi Farao kiñgöra jim asaribingö osiget.

⁹Osigetka wain o qambigö galöm bohonñan kinda Farao kiñ kewö jii mörök: “O kiñ, nöñön köna siñgiali, miangö keuqañ dölkü urune kañgoriga mötmörizal. ¹⁰Nalö kunönñ Farao kiñnönñ jembonurupñi nengöra aka irimñi sehohliiga nömemba malmalñangö sikiriti yeñgö suahö galömñangö kösö mire al

ningiyök. Ni aka bered ohohogö galöm bohonji mi nömbuk nanji kösö miriņe al netkiiga tarit.

¹¹“Miangörej tata mala netkôn sungem mohot miangörejök gauniri inanjöök inanjöök ehit. Gaunirangö könaji mi inanjöök inanjöök. ¹²Gauniri ekziga Hibru azi gwabö kunöņ miangörej netpuk malök. Yaņön sikiriti yeņgö suahö galömņangö welenqeqeņi maliga niri gauniri yaņgöra jizi mörök. Yaņön gaunirangö könajiri mi inanjöök inanjöök jim asarim netkiyök. ¹³Könajiri jii mörirangö dop ölni mönö törörök kewö asuhuyök: Nöņön nupni mutuk memba malali, Farao kiņnöņ ni nup miangörej kunbuk al ningiyökmö, alani bered ohohogö galömņangö keuņi jim teköiga liņgipnöņ eriba qetohoba nöropņi aka qamötki mi mem wahöta möndöget.”

¹⁴Mewö jiiga Farao kiņnöņ möta Joseföņ jemesoholņe kaņgotmapköra jim kutuba tosatņi melaim eņgiiga anda kösö mirigö dutņeyök zilaņ waņgita kaget. Kagetka jiiga nörop juņi mitigetka opo malukuņi uteköba Farao kiņgö jemesoholņe kaņgorök. ¹⁵Kaņgoriga Farao kiņnöņ Josefköra kewö jiyök: “Nöņön gaun kun ekiga körekaņ miangö könaji jibingö osizemö, kunöņ göhö könagi kewö jiiga mötzal: ‘Kunkaņ göhöra gaunji jii möta göņön miangö könaji ölop jim asarimakzan.”

¹⁶Mewö jiiga Joseföņ Farao kiņgöra kewö meleļ waņgiyök: “O Farao kiņ, nöņön qahöpmö, Anutunöņ mönö gaun-gahö könaji jim asariba keu ölopņi gihi-ga urugan ölöwakņa.”

¹⁷Mewö meleļ waņgiiga Farao kiņnöņ kewö jiyök: “Nöņön gauni ekzali, miangö uruņe nanak Nail o töwatkaņgö göraņe kinjal. ¹⁸Miangörej kinbiga bulmakau dömņi 7 ölop sorokņi busuņini kelökņinambuk mi o töwatņi miangörejök kota jöjöpözaņ

sutņine kinda tembam keuqaņ neze. ¹⁹Mieņgö andöņine bulmakau tosatņi 7 sihitqarambuņinanök kaisoņgolomņini piromņi kötökņi mi o töwatņi miangörejök kotze. Nöņön bulmakau bölöņi kötökņi mewöņi mi nalö kunöņ Ijpt gölme pakpak kiaņgörej qahö eņgehal. ²⁰Bulmakau sihitqarambuņinanök kaisoņgolomņini piromņi mieņön bulmakau dömņi busuņini kelökņinambuk 7 mutuk kotzei, mi gwahöt eņgize.

²¹“Mi gwahöt eņgizemö, mi töndup kaisoņgolomņinan gwahöt eņgizeaņgö dop utekutek qahö aiga eņgekzalmö, mutuk kaisoņgolomņinan piromņi kötökņi kota kinjei, yeņön mewöņanök tok kinje. Ni gaun mewö eka imbini möta wahötzal. ²²Wahöta kunbuk ahöba gaun kun kewö ekzal: Wit padi ip mohotkö kembraņe ölni kötņi ketaņi ketaņi kaņgeņinambuk 7 ölop kötökņi mi loņkam gili eta kinje.

²³“Mieņgö andöņine ölni kaņgeņinambuk tosatņi 7 mi sötņi jula kota loņkam gili eta kingetka gölme qararaņkölköļkaņgö luhut könöpņa mi eņgohotiriiga soholiba moröņi aka gilipitņi (ambetakņi) akze. ²⁴Ölni morömorö gilipitņi kaņgeņinambuk mi ölni kaņgeņinambuk ölop sorokņi mi gwahöt eņgize. Nöņön gaun yahöt mi eka tiripqözölpqözöl aziurupni jibi mötzemö, yeņön körek mietkö könajiri jim asarim ningibingö osize.”

²⁵Farao kiņnöņ mewö jiiga Joseföņ keu kewö jiyök: “O Farao kiņ, göhö gaunyahötki mietkö könajiri mi mohok akza. Anutunöņ yuai könagep akņaamgö mötzawi, yaņön mi Farao kiņ göhöra indelja. ²⁶Bulmakau dömņi 7 ölop sorokņi mi yambu 7:gö söpsöpņi akze. Wit padi ölni kaņgeņinambuk ölop kötökņi 7 mi mewöyöhök yambu 7:gö söpsöpņi akze. Könajiri mi örörön aka mohok akzahot.

²⁷“Bulmakau sihitqarambuñinanök kaisongolomñini piromñi 7 könangep kotzei, mi yambu 7:gö söpsöpñi akze. Wit padi ölñi kanğeninambuk 7 gölme qararankölkölñangö luhut könöpñan enğohotiriiga soholiba gilipitñi (ambetakñi) akzei, mi bödi (buörö) malmalgö yambu 7 miangö söpsöpñi akze. ²⁸Anutunöñ yuai könangep akñamgö mötzawi, yañön mi göhöra indela kondelja. Farao kiñgöra keu dölki mewö jizali, mi mönö mewögöra aka jizal. ²⁹O kiñ, yambu 7:gö dop nene möriam keta bölökñi asuhuba Ijpt gölme pakpak dop köla ahöma.

³⁰“Mi ahömapmö, yambu 7 miengö andöñine bödigö yambu 7 asuhuba ayuayuhu ketañi kondoriga Ijpt kantrinöñ bölima. Mianñon asuhuiga nene möriam mutuk Ijpt gölmenöñ ahöyöhi, mi gölme dop yeñön ölum enğum teköma. ³¹Bödi mi köhöikñi kötökñi ahömawangöra aka gölme dop ambazip yeñön nene möriamgö yambuñi 7 mutuk Ijpt gölmenöñ ahöyöhi, miangö keuñi mi kunbuk qahö möta malme. ³²Anutunöñ gaun könani mohot mi indimñi yahöt gihii ekzani, mi könani kewögöra: Anutunöñ keu mi lök jöhöba jim köhöiba alök. Mi jim köhöiba alöhi, miangöra mianñon mönö zilañ asuhuma.

³³“Miangöra Farao kiñ göñön ölöp mötkutukutu azi kun keu törörök kewörakzawi, mi möwölöhöba kuñgunöñga Ijpt kantri ki galöm köla malma. ³⁴Mewöñanök kiap bohonñi bohonñi kuñgum enğinöñga gölme dop köla galömñina malme. Yeñön nene möriamgö yambuñi 7 miengö uruñine nene ölñinambuk Ijpt gölmenöñ asuhumei, miangöra jiiga mendengetka bahöñini 5 asugetka miengöreñök mohot mohot memba gawmangö köwenöñ tokoba malme.

³⁵“Yeñön mönö kinda jimkutukutu algetka yambu ölöpñi 7 asuhumei, miengö uruñine nene ölñini körek pakpak tokoba kewöta malme. Mewö aka wit padi mi Farao kiñgö köwe miriñi miriñi miangöreñ qezaköba malme. Mi taon dop gawmangö köwe miriñi miriñi miangöreñ qezaköba galöm köla malgetka könangepkö neneña ahöma. ³⁶Nene mewö tokoba malmei, mi mönö gawmangö köwe miri dop galöm kölgetka kahaimök ahöiga könangep bödigö yambu 7 Ijpt gölme dop asuhumawi, nalö miangöreñ mi ölöp memba mendenğa memba malme. Mewö aketka kantrigö könagesö neñon bödi miangö nalöñe nenegö qahö kömumba gororongöbin. “Mewö.

Farao kiñnöñ Josef Ijptkö azi kembuya kuñguyök.

³⁷Josefnöñ keu mewö jiiga Farao kiñ aka jembonurupñi pakpak yeñön areñ miangöra mötket dop köliga sihimñi mötket.

³⁸Mewö mötketka Farao kiñnöñ jembonurupñi kewö jii mötket: “Azi kiangö uruñe bem yeñgö uñañan kini maljawi, nini i ewö azi kun ölöp qahö miwikñabin.”

³⁹Mewö jii mötketka Josefköra kewö jiyök: “Anutunöñ keu areñ pakpak ki indel gihizawi, miangöra gi ewö mötkutukutu azi keu törörök kewötpawak, mi kun qahö malja. ⁴⁰Miangöra göñön mönö jakömbuak miriñangö galömñi bohonñi aka malman. Göñön nöngö könagesöurupni pakpak jim kutum enğinöñga yeñön mönö göhöreñ keu tem köla keugi bapñe malme. Nöñon jakömbuak dum tatatnöñ tarakzali, miyök mötmöriba mi-

angöra aka gi gongita ketañamgi aka malmam.”^x

⁴¹Mewö jiba toroqeba kewö jiyök: “Mötnöñ, nöñön gi Ijpt kantri pakpak kiangö azi kembuya malmangöra kuñgum gihizal.” ⁴²Mewö jiba börö kesötñangö jenjenj mianjön supap köpew ewö qetñi mekötahöba malöhi, mi qeköba Josefko börö kesötñe löñgörök. Opo maluku eksihimñambuk opo tuatñan memenji mi löñgöt wangiba sorom goulñöñ memenji kun mi memba Josefko imbiñe kölok.^y

⁴³Mewö aka hos kare qetpuk sorokñi nanñi kareñangö qorembiñi mi yangöra jim teköiga miangörej öngöiga hosnöñ örogetka anda kaba malök. Mewö anda maliga kiñgö sikiriti yarö azi kunöñ mutuk anda göda qem wangibingöra kewö qeri qetketka malök: “Kezap! Mönö kesalget!” Mewö ak wangiba Ijpt kantri pakpakö azi kembuya kuñgum wangiyök. ⁴⁴Farao kiññöñ Josefköra kewö jiyök: “Nöñön Farao kiñ akzalmö, Ijpt kantri pakpak kiangörej kunñan kun mönö göhö jitki qetala böröñi me könañi mi kude mem wahötma.”

⁴⁵Mewö jiba Josefko qetñi dölokñi (Ijpt keunöñ) Zafenat-Panea qerök. Mewö qeta Heliopolis taongö jike nup galöm qetñi Potifera yangö böratñi Asenat mi anömña akñapköra wangiyök. Mewö kantrigö azi kembuya aka Ijpt kantri ekñamgöra anda liliköyök. ⁴⁶Josefnöñ yambuñi 30 aiga miangörej Farao Ijptkö kiñi yangö jakömbuak nupñi könahiba meyök. Mi memba Farao kiñgö sitiñi mosöta Ijpt uruñe dop köla liliköba malök.

⁴⁷Nene möriamgö yambuñi 7 miangö nalöñe gölmeñine nene önöñi qahö asuhum engiyök. ⁴⁸Nene möriamgö yambuñi 7 kam kuñgugeri, miangö nalöñe Josefnöñ jiiga nene könañi

könañi Ijpt gölme asuhugeri, mi tokoba taonñine dop anda gawmangöra alget. Gölme köröñi taon dop liliköba tat angeri, miangörej nene öñi asuhugetka mi memba taonñine dop anda qenjarök köwe miriñine alget. ⁴⁹Josefnöñ jiiga wit padiñi padiñi mi qenjarök köwe miriñine önöñi qahö tokoba alget. Mi sakösiñ köwet jitñe ahözawangö dop öñgöba kinök. Nene möriam sesegilgil asuhuba toroqeba ahöyöhangöra nene toruñini mi toroqeba oyoñ bibihigetka lömbörüiga osiba mosötket.

⁵⁰Bödi nalöñan qahö kam kuñguiga qeljiñe miangörej anömñi Asenatnöñ Josefko nahönyahötñi yahöt etkömeyök. Asenat mi Heliopolis taongö jike nup galöm qetñi Potifera yangö böratñi. ⁵¹Nahöññi mutukñi asuhuiga Josefnöñ keu kewö jiyök: “Anutunöñ bauköm niñgiiga kahasililiñ waimañatni pakpak aka iwinangö mirigö yuaiñi pakpak mi lök ölum nuñgui maljali, miangöra. “Mewö jiba nahöññangö qetñi Manase (Ölum nuñguza.) qerök. ⁵²Nahöññi könañgepñi asuhuiga Josefnöñ keu kewö jiyök: “Ni sihimbölonangö gölmeñe malbiga Anutunöñ ahumsehip niñgizawi, miangöra. “Mewö jiba qetñi Efraim qerök. (Efraim Ahumsehip niñgiza.)

⁵³Nene möriam ketañangö yambuñi 7 Ijpt gölme dop köla kam kuñgugeri, mi ahöm kota teköget. ⁵⁴Yambu mi tekögetka Josefnöñ keu jiyöhangö dop bödigö yambuñi 7 mi könahiba kam kuñguget. Bödi mi gölme tosatñi pakpak dop köla asuhuba ahöyökmö, Ijpt gölmenöñ nene mi miri dop köweñine ahöyök.^z ⁵⁵Ijpt könagesö körek pakpak yeñön könahiba bödi möta Farao kiñgö qeta nene engimapköra uletket. Uletketka möta Farao kiññöñ körek yeñgöra kewö jiyök: “Inini mönö Josefköreñ angetka yuai mi me mi akñegö

^x41:40 Apo 7.10^y41:42 Dan 5.29^z41:54 Apo 7.11

jim kutum engimawi, mi mönö tem köla ahakne.”^a

⁵⁶Bödinöj kantri jömuknji dop köla ahöba Ijptkö miriñi miriñi pakpak miengöreñ toroqeba gwötpuk lömböriyök. Mewö asuhuiga Josefnöñ jüiga qenjarök köwe miriñi miriñi miengö nanuñini öröba nene mi Ijpt yeñön söngöröñi memegöra alget. ⁵⁷Bödi mi gölme pakpak dop köla lömböriba ahöyöhangöra ambazipnöñ gölme dop miangöreñök Ijpt kaba Josefköreñ kangota nene söngöröñi memba malget. Mewö.

Josefkö daturupñan Ijpt gölmenöñ anget.

42 Ijpt miangöreñ nene ahöyöhi, keu mi Keinan gölme miangöreñ jigetka Jeikobnöñ möta nahönurupñi kewö jii mötket: “Iñini mönö wuanöngöra silekmalek aka kuruk je angeka malje? ²Ijpt miangöreñ wit padi ahözawi, nöñön keu mewö möral. Nini qahö kömumba malmal toroqeba malbingöra iñini mönö wahöta Ijpt geba miangöreñ nene tosatñi bohonñi memba kagetka nemba malbin.”^b

³Mewö jii möta Josefkö daturupñi 10 yeñön miriñini mosöta nene bohonñi memingöra Ijpt gölmenöñ anbingö aket. ⁴Iwiñini Jeikobnöñ Josefkö munñi Benjamingö qakne ayuayuhu kun öngöbapuköra keñgötñi möröhangöra i daturupñi yembuk qahö melaim wanñiga anget.

⁵Keinan gölmenöñ bödi mi mewöñanök ahöyöhangöra Israelgö nahönurupñi yeñön Keinan azi tosatñan angeri, yeñgö sutñine wit padi bohonñi memingöra mohotñe anget. ⁶Angetmö, Josefnöñ Ijpt kantrigö azi kembuñini tata malök. Yanñön wit padi mi könagesöñi pakpak yeñön bohonñi

memegöra aliga yanñöreñ kangota malget. Miangöra daturupñan kageri, yeñön kangota miangöreñök yanñö wösöñe simin köla gölmenöñ bamgöget. ⁷Mewö bamgögetka Josefnöñ daturupñi engeka möt kutum engiyökmö, könañamñi köyatim engiba kian azigö tandök ak engiba örömoreim keu könöñpambuk jiba kewö qesim engiyök: “Iñini mönö denikepköra kazeye?” Qesim engiiga kewö melenget: “Nini Keinan gölmenöhök nene söngöröñi memingöra kazin.”

⁸Mewö melengetka Josefnöñ daturupñi möt kutum engiyökmö, yeñön i qahö möt kutum wanñiget. ⁹Qahö möt kutum wanñigetka Josefnöñ mönöwök gaunñi yeñgöra ehöhi, mi mötmötñe kanñoriga mötmöriba jihip je suñini mitiba kewö jii mötket: “Yei! Iñini mönö kegwek azia akze. Nini kantrinini denikeangöreñ göröken awörök aka yarö gilbingö lömbörizini, iñini mi ek kewöta mötpingöra ki kaze.”^c

¹⁰Mi möta kewö meleş wanñiget: “Azi kembunini, mewö qahö. Welenqequeurupki nini mönö nene söngöröñi memingöra kazin. ¹¹Nini körekñanök azi mohotkö nahönurupñi akzin. Nini azi diñdiñi mala muney qahö jimakzin. Göhö welenqequeurupki neñön mönö gölme ek-kewötkö yarö azia qahö aka maljin.”

¹²Meleş wanñigetka “Qahö!” töhöreñ qeta kewö toroqeyök: “Nini kantrinini denikeangöreñ göröken awörök aka yarö gilbingö lömbörizini, iñini mi ek kewöta mötpingöra ki kaze.”

¹³Mi möta kewö meleş wanñiget: “Welenqequeurupki nini Keinan gölmegö aziñi mohotkö nahönurupña, darumun 12 akzin. Munini qöndökñan nalö kewöñe iwininambuk mire tariga kunñan qahö toroqeba malja.”

^a41:55 Jon 2.5 ^b42:2 Apo 7.12 ^c42:9 Jen 37.5-10

¹⁴Mewö meleş waŋgiŋgetka kewö jim eŋgiyök: “Mewö aiga iŋini ölŋa gölme ek-kewötkö yarö azia akzei, mi lök jibi mötze.

¹⁵Mewö maljeaŋgöra nöŋön kewö esapköm eŋgimam: Farao kiŋnön jebuk maljawi, nöŋön keu öl töhöŋŋi miangö dop jöjöpaŋ keu kewö jim köhöizal: Munŋini qöndökŋan ki qahö kama ewö, iŋini mönö gölme ki qahö mosöta anme. ¹⁶Iŋini keu ölŋi jize me qahö, nöŋön mi esapkömamgöra kewö jizal: Iŋini mönö sutŋineyök kun melaigetka anda munŋini qöndökŋi waŋgita ki kamahot. Tosatŋi iŋini mönö ki mamböta kösö mire tata malme. Mewö qahö akŋe ewö, iŋini mönö ölŋa gölme ek-kewötkö yarö azia akze. Farao kiŋnön jebuk malja ewö, nöŋön keu öl töhöŋŋi miangö dop jöjöpaŋ keu mi jim köhöizal.”

¹⁷Mewö jim eŋgiba jiiga kösö miriŋe al eŋgiŋgetka wehön karöbutkö dop tatket. ¹⁸Wehön karöbut aiga Josefŋön kaba keu kewö jii mötket: “Jeŋinambuk toroqeba malbingö mötze ewö, iŋini mönö yuai jimami, mi aketka nöŋön ölöp malmalŋini jöhömam. Nöŋön mewöyök iŋini ewö Anutugö jitŋi oŋgitpileŋbuköra keŋgötŋi mörakzal. Miangöra iŋini mönö kewö akŋe: ¹⁹Iŋini azi diŋdiŋi muneŋini qahö malje ewö, darumun eŋgöreŋök mönö kunŋan kösö miri kiangöreŋ toroqeba tariga tosatŋi iŋini ölöp wit padi memba miriŋine liliŋgöba anme. Miangöreŋ anda miriŋine könagesöurupŋinan bödi aka maljei, mi nene eŋgime. ²⁰Iŋini mönö mewö anda munŋini qöndökŋi waŋgita nöŋgöreŋ kame. Kagetka keuŋinangö ölŋan mewö asuhuiga eka möt kutuba qahö eŋgubi kömume. “Keuŋi mewö jiiga mönö miangö dop aket.

²¹Yeŋön nanŋini Hibru keunöŋ sutŋine keu kewö eraum-mötket: “Nini munini silik ak waŋgiini, miangö likeŋŋi bölöŋan mönö ölŋa qaknine öŋgöza. Yaŋön malmalŋi jöhöba ak kömum waŋgibingöra uleta kuŋgum neŋgiiga kahasililiŋi ketaŋi ehinmö, yaŋgö keuŋi möta mi qahö wuatangöin. Miangöra kahasililiŋ lömbötŋambuk kiaŋön neŋgö qaknine öŋgöza.”

²²Mewö eraum-mötketka Rubenöŋ kewö jiyök: “Nöŋön kewö jibi mötket: ‘Iŋini azi gwabö mi silik bölöŋi kude ak waŋgime.’ Mewö jialmö, iŋini nöŋgö keuni mi möta silekmalek aket. Mötket, nalö kewöŋe yaŋgö sepŋangö keugö likeŋŋan mönö qaknine öŋgöiga kahasililiŋ mötzin.”^d

²³Mewö eraum-mötketka Josefŋön yembuk Ijpt keunöŋ keu jiiga kunöŋ mi meleşnök. Miangöra yeŋön keuŋini jigetka ölöp möt asariyöhi, mi daturupŋan qahö möt kutuget. ²⁴Josefŋön keuŋini möt asariba liliŋgöba sahörok. Sahöta kunbuk liliŋgöba eŋgeka yembuk keu jiyök. Yembuk keu jiba Simeon sutŋineyök memba jiiga yeŋgö jeŋine jöhöget. Mewö.

Josefkö daturupŋan Keinan gölmenöŋ liliŋgöget.

²⁵Josefŋön jimkutukutu kewö alök: “Welenqeŋe iŋini mönö azi miengö toru gösöŋine wit padi löŋgötketka numbunje kotketka mohot mohot yeŋgö moneŋ esuŋini mi totoŋine inanŋik inanŋik toruŋine alme aka köna anangö nene semöŋŋi mi tok eŋgime. “Mewö jim kutum eŋgiiga miangö dop ak eŋgiŋget. ²⁶Mewö ak eŋgiŋgetka wit padi toruŋini mi doŋki qakŋine ala mosöta anget. ²⁷Anda mala gaun ahöbingöra miri kunöŋ aŋgota darumun yeŋgöreŋök

^d42:22 Jen 37.21-22

kunjan doŋkiŋi gumohomamgöra aka toru kösöŋi pösata moneŋ esuŋi mi toru numbuŋe nene qakŋe kiniga ehök. ²⁸ Mi eka darumunŋi kewö jii mötket: “Eket, nöŋgöreŋ moneŋ mi mönö melenŋa torune utketka kinja. “Mewö möta wösöŋini juliga aurum tililingöba anŋeka kewö jiget: “Anutunöŋ mönö wani yuaia ki ak neŋgizawe?”

²⁹ Anda mala Keinan gölmenöŋ iwiŋini Jeikobköreŋ anŋota yuai asuhum enŋiyöhi, miangö kösohotŋi mi körek kewö jigetka mörök: ³⁰ “Kantri miangö azi kembuŋi yaŋön örömoreim keu könöpuk jiba gölme ek-kewötkö yarö azia akinak, miangö tandök ewö ak neŋgiyök.

³¹ “Mewö ak neŋgiyökmö, nini yaŋgöra kewö jiin: ‘Nini azi diŋdiŋi muneŋnini qahö mala gölme ek kewötpingöra aka qahö kazin. Qahöpmaöhöp! ³² Nini azi mohotkö nahönurupŋa, darumun 12 aka maljin. Kunjan qahö toroqeba maliga munini qöndökŋan nalö kewöŋe Keinan gölmenöŋ iwininambuk mire tatza.’

³³ “Mewö jiinga gölme miangö azi kembuŋan neŋgöra keu kewö jiyök: ‘Iŋini azi diŋdiŋi me muneŋi maljei, mi kewö kewöt enŋiba mötmam: Enŋöregöhök darumunŋini kun i mönö mosötketka nömbuk ki tariga tosatŋi iŋini ölop wit padi memba lilingöba anme. Anda miriŋine könagesöurupŋinan bödi aka maljei, mi nene enŋime. ³⁴ Iŋini gölme ek-kewötkö yarö azia qahöpmö, azi diŋdiŋi muneŋini qahö maljei, mi kewö kewöt enŋiba mötmam: Iŋini mönö anda munŋini qöndökŋi mi waŋgita nöŋgöreŋ kame. Mewö kagetka darumunŋini melen enŋigiba ölop gölme kiaŋgöreŋ anŋumnep-qanŋumnep aka malme.’”

³⁵ Mewö jiba toru gösöŋineyök nene köweŋine mokogetka moneŋ esuŋini moneŋinambuk mi toruŋine mohot

mohot totoŋine kini miwikŋaiget. Moneŋ esuŋini miwikŋaiba eka i aka iwiŋini mohotŋe auruba keŋgötkotkot mötket. ³⁶ Mewö mötketka iwiŋini Jeikobnöŋ kewö jii mötket: “Iŋini nahönurupni körek pakpak noanŋitpingö mötze: Josefnöŋ qahö malja. Simeon nembuk qahö malja. Benjamin mi mewöŋanök noanŋita waŋgita anbingö jize. Sihimbölo pakpak miangön mönö nöŋgö qakne öŋgöza.”

³⁷ Mewö jii möta Rubenöŋ iwiŋaŋgöra keu kewö jiyök: “Ni Benjamin qahö waŋgita lilingöba kaba gihimam ewö, gi ölop nani nahönyahötni yahöt mi etkunöŋga kömumahot. Benjamin mi ölop nöŋgö böröne alnöŋga i mönö galöm köla anda mala waŋgita lilingöba kaba gihimam.”

³⁸ Mewö jiyökmö, Jeikobnöŋ melenŋa jiyök: “Nahönyahötni qöndökŋi yahöt yetköreŋök datŋan kömuiga munjan mohot malja. Iŋini könanöŋ anbingö mötzei, miangöreŋ ayuayuhu kunjan yaŋgö qakŋe öŋgöma ewö, iŋini mönö kondotketka wösöbirik öŋgöŋöŋan nöŋgö qakne öŋgöiga kömumba nörop jupni yaŋgonambuknöŋ uŋem mire gemam. Miangöra nöŋgö nahönan mönö nömosöta embuk qahö anma. “Mewö.

Josefkö darumunurupŋan lilingöba Ijpt anget.

43 Keinan gölmenöŋ bödi lömbötŋambuk mi toroqeba ahöyök. ² Jeikobkö könagesöurupŋan wit padi Ijpt kantrinöhök memba kageri, mi körek nem tekögetka qahöwahiga iwiŋinan nahönurupŋi mi kewö jii mötket: “Iŋini mönö kunbuk lilingöba anda neneŋamnini tosatŋi söŋgöroŋi meme.”

³ Mewö jii mötketka Judanöŋ kewö jiyök: “Azi miangön mönö kapaŋ köla neŋgöra galöm meme keu köhöikŋi

kewö jiyök: ‘Munñinan embuk qahö kama ewö, iñini mönö nönögö jemesoholne kunbuk kañgotpingö osime.’

⁴Miañgöra göñön munini melainönnga nembuk kama ewö, neñön ölop gömosöta neneñamnini söñgöronji memb-ingöra anbin. ⁵Azi miañön keu kewö jii mörin: ‘Munñinan embuk qahö kama ewö, iñini mönö nönögö jemesoholne kunbuk kañgotpingö osime.’ Miañgöra göñön Benjamin añgön kölman ewö, nini qahö anbin.”

⁶Mewö jiiga Israelnön kewö jiyök: “Iñini mönö wanigöra munñini kun maljawi, keu mi azi miañgö jiget möröhangöra ni urulömböt ketanji niñgize?”

⁷Mewö jiiga kewö melejda jiget: “Azi miañön nini aka könagesourupnini eñgöra törörök qeqesi könaji könaji neñgiba kewö jiyök, ‘Iwiñinan jebuk malja me qahö? Darumunñini kun malja me qahö?’ Mewö jiyöhangöra qeqesini mi neñön öljanök jiba meleñnin. Yañön könangep munini wañgita kamegöra jibawak, mi mönö qeljiñe nalö miangörej denöwö mötpinak?”

⁸Mewö jigetka Judanön iwiñi Israelgöra kewö jiyök: “Miañgöra azi gwabö mi nönögö böröne ala melainönnga mohotje anbin. Mewö aknönnga amqeba zilañ gömosöta könanön aninga nini, gi aka anöm-moröurupnini neñön qahö kömum gororongöbin. ⁹Benjaminö malmalñangö sohopñi miañgö keujan mönö nönögö böröne ahöiga lilingöba kaba gi-himangö jim köhöizal. Nönön i qahö wañgita lilingöba ki kaba göhö jemesoholge qahö almam ewö, miañgö keu lömbötñan mönö nönögö qakne öñgöiga göhö jege bisiba malbiga gölmenön malmalnan teköma. ¹⁰Nalö köröpñi eksekpeksek aka qahö mambötpinak ewö, neñön lök endu anda lilingöba ki kainga ambemñi yahöt akawak.”

¹¹Mewö jiiga iwiñini Israelnön kewö jii mötket: “Mewö akza ewö, iñini mönö kewö akñe: Gölmel kiangö töhötmöri-amñi ölop kötökñi tosatñi kewöñi mi memba toru gösöñine löngöta anda azi mi kalema wañgime: Sile mirimirigö kelökñi tosatñi, moron onji tosatñi, gipmi bakötök, marasin ip tokuñi qetñi mör gipit, kömin, kuñgam aka saugö alañi almond miengö öljini. ¹²Silwö moneñ walñi toru gösöñinangö numbuñine algetka memba kageri, mi aka miañgö dop qakñe toroqeba ala mindirigetka jañgöñan qariba 2:kö dop aiga mi memba lilingöba anda wañgime. Tosatñan köpösihira aka mi gösöñine alget me denöwö? ¹³Munñini mewöyök wañgita zilañ wahöta azi miañgörej kunbuk lilingöba anget. ¹⁴Anutu kukösum pakpakö Toñan mönö azi miañgö jeñe ak-kömükömuñi eñgiiga yañön darumunñini kun aka Benjamin mi embuk mire lilingöba kamegöra imbi kölma. Nönögö moröurupnan tönbirin akñe ewö, nönön mönö öne töhönmalmam.”

¹⁵Mewö jiiga kalem yuai mi memba silwö moneñ memba kageri, miañgö dop qakñe toroqeba ala mindirigetka jañgöñan qariba 2:kö dop ahök. Mi memba Benjamin mohotje wañgita wahöta ösumñinan Ijipt anda Josefkö jeñe añgotket. ¹⁶Añgotketka Josefñön Benjamin mi yeñgö sutñine eka miañgörejök miriñangö galömñi kewö jim kutum wañgiyök: “Gi mönö azi ki eñguañgita nani mire anda al eñginönnga tatme. Tatketka anda sömbup kun qeba ohoba silingö neneñi mözözömgönönnga yeñön ölop nömbuk mohotje nene nembin.” ¹⁷Josefkö miriñangö galömñan jim kutum wañgiyöhangö dop azi mi eñguañgiriga Josefkö mire anget.

¹⁸Eñguañgiriga Josefkö mire anda jönömñini unduiga keñgötñini

möta kewö mötmöriba sutjine jiget: “Mutuk kainga monejnini melenđa toru gösönine algetka memba anini, miangöra yeñon mönön neñguangita kaba ki al neñgigetka tatzin. Yeñon mönön qeraköba neñgum ureiba luhut al neñgiba neñgomegetka welenqeceurupji omani ahinga doñkiurupnini kalöpköba aňgön köl eñgebepuk.”¹⁹ Mewö jiba kinda Josefkö mirigö galömnji yañgöreñ öñgöba angetka miri nañguje kiniga yañgöra keu kewö jiget: ²⁰“O ketanjamnini, nini nalö mutukja nene bohonji mbingöra ki kain. ²¹Kaba nene bohonji memba kumbuk lilingöba anda kónanöñ miri kunöñ anda ahöbingöra tata toru gösöningö kösöñi pösata monejnini totonine mi körekjanök gösöñini nanjök nanjök numbuñine nene qakje ahöiga ehin. Miangöra monej mia merak kumbuk melenđa memba kazin. ²²Silwö monej mi dañon toru gösönine melenđa kumbuk alöhi, mi neñon qahö mötzin. Neñon mi aka silwö monej tosatnji mi qakje juhuköba nene söñgöronji kumbuk mbingöra gösöñine ala memba kazin.”

²³Mewö jigetka miri galömñan kewö jiyök: “Waimanjat kude mötme. Nanjnini aka iwiñinañgö Anutuñan mönön kungö uruñi kuñguiga silwö monej mi toru gösöñine aliga miwikñaget. Nöñon engöreñ silwö monej mi lök meal. Miangöra keñgötjnini kude möta urubönjön tatme. “Mewö jiba Simeon wañgita yeñgöreñ kayohot.

²⁴Kayohotka mohotje enguangita Josefkö mire öñgögetka kónañjini sañgoñmegöra o engiyök aka doñkiñjini gwözözak neneñjini miangön gumohom engiyök. ²⁵Yeñon silimgö neneñjini Josefkö mire mohotje nemeañgö keuñi mötket. Miangöra Josefnöñ silimnön miriñe kañgotmapköra mamböta kalem yuainjini mi aukje areñgöba

tatket. ²⁶Tatketka Josefnöñ mire kaiga kalem yuainjini memba kaba miriñe öñgögeri, mi wañgiba wösöñe simin köla gölmenöñ bamgöget. ²⁷Bamgöba wahötketka jölöñjini jiba denöwö maljei, qesim engiba kewö jiyök: “Iwiñjini azi namñangö jigeri, yañon denöwö malja? Toroqeba jebuk malja me qahö?”

²⁸Mewö jiiga kewö melenjet: “Göhö welenqegegi, neñgö iwininan mönön ölöp malja. Mönön toroqeba jebuk malja. “Mewö melenđa göda qem wañgiba simin köla gölmenöñ bamgöget.

²⁹Mewö aketka jeñan ui anda kaiga munji Benjamin, nanji namñangö nahönñi mi eka kewö qesim engiyök: “Munjnini qöndökñangö jigetka mörali, yañon mönön ki akza me denöwö?” Qesim engiba toroqeba kewö jiyök: “Nahöni, Anutunöñ mönön ak kömum gihiiga malman.”

³⁰Mewö jiba munji eka wösöñi pöröraköiga jeñi asöliiga sahötmamgö möta miangöreñök wölañ lilingöba engömosöta ösumñan miri uruñi ölöñi kunöñ öñgöba nanjök mala sahörök.

³¹Sahöt teköba je imbilñi sañgoñda miri uruñi ölöñi mi mosöta kaba törörök mökösoñda kinda nanji galöm köl añguba numbu nene kölmegöra jiyök.

³²Ijpt yeñon Hibru ambazip yembuk mohotje nene nemingö mötketka imbilonjloñambuk akzawañgöra mi osimakze. Miangöra Josefkö neneñjini mi inanjök köl wañgigetka tari darumunurupji yeñgö mi inanjök köl engiget tatketka Ijpt ambazip yambuk nene nemingö kaba tatkeri, yeñgö neneñjini mi inanjök kölgetka tatket. ³³Josefnöñ jiiga darumunurupji mi ahugerangö dop areñgöm engigetka mutukñan qaikje tariga bezupñinan qöndökje tariga Josefnöñ mesohol köl engiba tarök. Mewö tata nanjnini angek kutuba welipköba tatket.

³⁴Mewö tatketka Josefnöj jiiga nanñi teibolnöhök nene tosatñi mendenja memba kaba köl enjigetka munñi Benjamingöra ambemñi 5:gö dop toroqeba kölgetka neyök. Mewö nemba Josef-puk közölömbuanñ ala awamñanök o köhöikñi nemba sösönğai qakñe tatket. Mewö.

Josefnöj darumunurupñi qambigö esapköm enjgyök.

44 Miangö andöñe Josefnöj mirinangö galömnji jim kutum wangiba kewö jiyök: “Gi mönö azi miengö toru gösöñine wit padi mi sirimeangö dop löngötnönga numbuñine kotme. Mewöñanök mohot mohot yeñgö moneñ esuñini mi nanñök nanñök toto qeba toru gösöñinangö numbuñine alman. ²Munñini qöndökñi yangö toru gösöñangö numbuñe miangöreñ nane qambi silwönöñ memeni mi wit padigö moneñi memba kayöhi, miambuk almam. “Mewö jim kutum wangyiiga miangö dop ahök.

³Miri asariiga söñanök azi mi melaim enjigetka doñkiñini enğuangita könanöñ anget. ⁴Anda siti mosöta köröwen qahö angetka Josefnöj mirinangö galömnji kewö jim kutum wangiyök: “Gi mönö zilañ wahöta azi mi enğuatañgöba anda miwikñaim enjiba engeka kewö qesim enjiman: ‘Azi kembunöñ ölöpnji ak enjiiga inñini mönö wuanöñğöra miangö kitipñi bölöñi meleñ wangiba kaze? ⁵Nöngö ketañamnan qambiñeyök kuluñ nemakzawi aka qambiñi miangön unji aka keu asa-asambötñangö könani miwikñaimakzawi, inñini qambi mi mönö wuanöñğöra yoñgorö memba kaze? Inñini mönö silik mi bölöñi kötökña akze.”

⁶Josefnöj mirinangö galömnji mewö jim kutum wangyiiga anda miwikñaim enjiba keunji mi jiyöhangö dop jii

mötket. ⁷Jii mötketka kewö meleñ wangiget: “Ketañamninan keu tandökñi mewöñi mi mönö wuanöñğöra jiza? Göhö welenqeçeurupki neñön silik bölöñi mewöñi mi qahöpmañöp akzin. Mi yapmakek! ⁸Mötnöñ, nini toru gösöñinangö numbuñine silwö moneñ esu miwikñainini, mi mewöyök Keinan gölmenöhök memba kaba gihiin. Nini mönö wuanöñğöra silwö me goul mi ketañamgahö mireyök yoñgorö membinak? ⁹Welenqeçeurupki neñğöreñök kungö toru gösöñe silwö qambi mi miwikñaiman ewö, yañön mönö kömupkö buñaya aiga tosatñi neñön ketañamnini, göhö welenqeçe omañi aka malbin.”

¹⁰Mewö meleñ wangigetka kewö jiyök: “Mewö miangön ölop. Jizeangö dop mi ölop akin. Kungö toru gösönöhök silwö qambi mi miwikñaimami, yañön mönö nöngö welenqeçeni omañi akñapmö, tosatñi enğö sileñine keu qahö ahöiga ölop nanñinök miriñine anme.” ¹¹Mewö jii möta köreknan gösöñini nanñök nanñök ösumok qeköba memba eta gölmenöñ ala numbuñinangö kösöñi pösatket. ¹²Pösatketka Josefkö mirinangö galömnjam datñini mutukñangö toru gösöñeyök könahiba qezañda jaruba anda anda munñini qöndökñi Benjamingö toru gösöñe teteköñe eka qambi mi miangöreñ miwikñaiyök. ¹³Mi miwikñaiiga yeñön uruñini kot gwözöñniga wösöbirikñini kondela malukuñini munjukunjuratket. Mewö aka sukinapñini doñki qakñine ala kunbuk lilingöba sitinöñ anget.

¹⁴Juda aka darumunurupñi yeñön lilingöba Josefkö mire angetka yañön tok miriñeyök tarök. Tariga wösöñe añgota simin köla gölmenöñ bamgöget. ¹⁵Bamgögetka Josefnöj kewö jiyök: “Inñini mönö wani siliha mi akze? Azi ni ewöñan mönö ölop unju memba yuai

yaŋgorö megetka mi miwikŋaimakzali, iŋini mi qahö mötze me?"

¹⁶Mewö jiiga Judanöŋ kewö meleşnök: "O ketaŋamni, nini mönö wani keuya göhöra jibinak? Nini keugö jaruzin. Neŋön yuai bölöŋi qahö ahini, mi kondel gihibinangö dop qahö. Anutunöŋ mönö welenqeœurupki, neŋö pinjitkö keuŋi indeli aukŋe ahöza. Mianğora kungö toru gösöŋeyök qambi mi miwikŋaizawi aka tosatŋi neŋön mewöyök mönö azi kembunangö welenqeœurupŋi omarŋi aka malbin."

¹⁷Mewö meleşnökmö, Josefnöŋ kewö jiyök: "Nöŋön yuai mewöŋi mi qahö ak engimam. Mi saumban! Azi dagö toru gösöŋe qambi mi miwikŋaizawi, yaŋönök mönö nöŋgö welenqeqeni aka malmappmö, tosatŋi iŋini ölop lui qakŋe lilingöba iwiŋinangöreŋ mire anme."

Judanöŋ Benjamingöra Josef ulet waŋgiyök.

¹⁸Mewö jiiga Judanöŋ Josefkö wösöŋe anda keu kewö jiyök: "O azi kembuni, ölop imbi kölnöŋga welenqeqegi nöŋön keu tosatŋi azi kembuni göhöra jibileŋak. Göŋön Farao kiŋ nanŋambuk öröröŋ akzanmö, töndup welenqeqegi nömbuk kazik kude ak niŋgiman. ¹⁹Azi kembuni göŋön welenqeœurupki nini mutuk kainga kewö qesim neŋginöŋ: 'Engö iwiŋini aka darumunŋini kun maljahot me qahö?'

²⁰"Mewö qesim neŋginöŋga neŋön azi kembuni göhöra kewö meleşnin: 'Neŋgö iwinini azi namŋi aka munini azi gwaböya kun mire tatzahot. Munini mianğön iwininan lök azi namŋi aiga nalö mianğoreŋ asuhuyök. Namŋan azi morö yahöt etkimeiga datŋan kömuiga nanğök töhöŋ malja. Yaŋön mönö iwiŋangö wölböt (jojopaŋ) nahöŋŋi akza.' ²¹Mewö meleşninga göŋön welenqeœurupki neŋğöra keu kewö

jinöŋ, 'Iŋini mönö munŋini mi waŋgita nöŋgöreŋ ki kagetka i ölop nani jenan uba ekŋam.'

²²"Mewö jinöŋga neŋön azi kembunini göhöra kewö meleşnin: 'Azi gwabö mi iwiŋi mosötmamgö osima. Iwiŋi mosötpawak ewö, iwiŋan mönö kömumbawak.' ²³Mewö meleşninmö, göŋön welenqeœurupki neŋğöra keu kewö jim kutunöŋ: 'Munŋini qöndökŋan embuk ki qahö kama ewö, iŋini mönö nöŋgö jemesoholne kunbuk kude asuhume.'

²⁴"Mewö jim kutunöŋga mirinine lilingöba anda nöŋgö iwini, göhö welenqeqegi yaŋğöra azi kembuni göhö keugi mi jiinga mörök. ²⁵Mi jiinga möta iwininan könangep kewö jiyök: 'Iŋini mönö kunbuk anda neŋğöra nene tosatŋi söŋğöröŋi memba kame.'

²⁶"Mewö jiyökmö, nini kewö jiin, 'Neŋön naninök anbingö osibin. Munini qöndökŋan nembuk mohotŋe anmapkö jiman ewö, mönö ölop anbin. Munini bezupŋi qahö waŋgita anbin ewö, neŋön mönö azi mianğö jemesoholŋe asuhubingö osibin.'

²⁷"Mewö jiinga nöŋgö iwini göhö welenqeqegi yaŋön kewö jiyök: 'Anömmi Reizölnöŋ nahönyahötni yahöt etkimeyök. Mi nanŋini ölop mötze. ²⁸Datŋan nömosöta anda sohoiga kewö jial, "Sömbup kalŋan mönö yöhöqöhöi kömumbawak me denöwö?" Nalö mianğöreŋök könahiba i qahö ehal. ²⁹Merak munŋi ki mewöyök noaŋgita angetka könanöŋ ayuayuhu kunŋan yaŋgö qakŋe öŋgöma ewö, iŋini mönö kondotketka wösöbirik öŋgöŋgöŋan nöŋgö qakne öŋgöiga köŋjiliŋ möta kömumba nörop jupni yaŋgonambuknöŋ uŋem mire gemam.'"

³⁰Judanöŋ toroqeba keu kewö jiyök: "O azi kembuni, nöŋön munini azi gwabö mi qahö waŋgita anda iwini, göhö welenqeqegi yaŋgö mire

anjotpilejak ewö, iwininan mönö ayuhubapuk. Yanön mönö uruñi pakpak nahönñi bezupñi yangören jöhöiga malmalñiri mohot maljahot.

³¹ Mianğöra azi gwabö mi qahö wañgita aninga iwininan mi eka mönö kömup miwikñaibapuk. Göhö welenqequeurupki neğören mewö asuhuiga nini mönö kondorina wösöbirik öngöngöñan iwinini göhö welenqequegi yangö qakne öngöiga kömumba nörop jupñi yangonñambukñöñ uñem mire gema. ³² Göhö welenqequegi nöñön azi gwabönöñ qahö ayuhumapkö keuñi mi iwanğöra jim jöhöba kewö jial: 'I qahö wañgita göhöreñ lilingöba kamam ewö, mianğö keu lömbötñan mönö göhö jege nöngö qakne öngöba ahöiga gölmenöñ malmalni mewö mal öngöm tekömam.' ³³ Mianğöra göñön ölop jim tekönöñga nöñön azi gwabö yangö salupñe azi kembuni göhö welenqequegi omanji aka ki malbiga yanön daturupñi yembuk lilingöba miriñine anme.

³⁴ "Azi gwabö mianön nömbuk qahö kama ewö, nöñön mönö denöwö aka iwanğöreñ anbilejak? Wösöbirik öngöngöñan iwanğö qakne öngöbawak, nöñön mönö mi ekñangö tököm köhöizal. Mianğöra i mönö kude jöhöman."

Josefnöñ nanñi könani indelök.

45 Judanöñ mewö jiiga ambazip liliköm engiba kinda engekeri, Josefnöñ körek yeñgö jeñine toroqeba könani köyatiba nanñi galöm köl anğumangö lömböriba osiyök. Mianğöra Josefnöñ kewö silata qerök: "Eñön mönö körekñanök nömosöta deñget. "Mewö jiiga deñgetka Ijpt azi kunñan kösutñine qahö kiniga Josefnöñ nanñi könani mi darumunurupñi yeñgöra kewö indelök:^e ² Yanön amburereñ aka ötömbepuk qei

sahöriğa Ijpt ambazip gumnöñ malgeri, yeñön mi möta Farao kiñgö jakömbuak mire anda buzup keuñi mi jigetka mötket.

³ Josefnöñ sahöta kinda darumunurupñi mi kewö jii mötket: "Ni Josef! Iwinan tok jebuk malja me qahö?" Mewö jii mötketmö, darumunñan uruñinan kot gwözöñniga aurum tililingöba jeñe öne kinda keu kun qahö mötmöriba meleñ wañgibingö osiget. ⁴ Osiba kingetka Josefnöñ yeñgöra kewö jiyök: "Eñön mönö nöngö kösutne ki kaget. "Mewö jii kagetka kewö jiyök: "Ni Josef, darumunñini bohoni memegöra algetka Ijpt kayali, mönö mia.

⁵ "Mönö uruköñjiliñ kude mötme. Anutunöñ eñön kömumbepuköra ni mutuk melaim niñgiiga qeljiñe ki kabiga iñini kaze. Ni bohoni memegöra al niñgigetka ki kayali, mianğöra mönö nanñiangöra irimsesewöl kude möt anğume. ⁶ Bödi kianön lök yambu yahötkö dop gölme dop köla ahöza. Mi toroqeba kunbuk yambu 5:gö dop ahöiga nalö mianğö uruñe gölme gem kömöt qahö aka nene ölni qahö miwikñaiba tokoba malbin.

⁷ "Anutunöñ mönö köna wewelipköñambuk wuatangöba eñgö malmalñinangö bohonñi jöhöiga toroqeba jebuk mala gwölönarök miwikñaim eñgiba gölme qakne malmegöra mötza. Mianğöra aka ni mutuk melaim niñgiiga qeljiñe ki kabiga iñini kaze. ⁸ Mianğöra eñön qahö melaim niñgiget tandök akzappmö, Anutunöñ mönö ölna melaim niñgiiga ki kayal. Yanön kuñgum niñgiiga Farao kiñgö jembonñi mutukñi aka jakömbuak miriñe wanat nup memakzei, körek yeñgö ketanamñina akzal. Mewö akiga Anutunöñ Ijpt

kantri jömukņanök mi nõngö böröne aliga azi kembuņina akzal.

⁹“İņini mõnõ dõlki wahõta õsumņi-nan iwinanğoreņ lilingõba anda keu kewõ jigetka mõtma: ‘Gõhõ nahõngi Josef yaņõn keu kewõ jiza: Anutunõņ ni kuņgum ningiba İjıpt kantri jömukņanök nõngö böröne aliga azi kembuņina akzal. Mianğõra gõņõn mõnõ nalõ kude qem kõrimanmõ, zilañ nõngõreņ kaman. ¹⁰Ki kaba õlõp tatat dumdumgi Gosen gõlmenõņ mõhamğõba nane kõsutne malman. Gi aka isimorõurupki, gõhõreņ lama bulmakau kambuņi kambuņi aka õrõyuai pakpak buņagi ahõzawi, mi mõnõ memba kõlolohoba kame.

¹¹“Bõdi kianğõn mõnõ kunbuk toroqeba yambu 5:gõ dop ahõm õngõma. Nalõ mianğõ uruņe gi, mirigahõ saiwaurupki me tinitosolomurupki tosatņi yengõreņõk kuņņan bõdi mala nenegõ mõzõqõzõrõm aka kõmum gororõngõbapuk. Mianğõra mõnõ Gosen gõlmenõņ kaba mala wani yuaigõra osimeı, nõņõn mi engiba malmam.’ İwinanğõra keu mi mõnõ mewõ jigetka mõtma.^f

¹²“Ni nanak õlņa ki kinda engõra keu jizali, mi õlõp nanņini jeņinan nek kutuze aka muni Benjaminõņ mewõyõk ni nek kutuza. ¹³Mianğõra iņini mõnõ iwinanğõreņ anda İjıpt kantrinõņ qetbuņa ketañi pakpak ningigetka maljali aka yuai pakpak ekeri, mianğõ kõsohotņi mi iwini jigetka mõtma. Mi mõriga mõnõ õsumok waņgita eta ki kame.”

¹⁴Mewõ jiba börõņi munņi Benjamingõ imbiņe gili geiga sahõriga Benjaminõņ mewõņanğõk anğõm waņgiba sahõrõk. ¹⁵Toroqeba börõņi daturupņi kõrek yengõ imbiņine gili geiga sahõta numbuņini yõhõtim neyõk. Mianğõ andõņe darumunurupņan yambuk keu eraum-mõtket. ¹⁶Josefkõ

darumunurupņan kageri, mianğõ buzupņan Farao kiņğõ jakõmbuak mire aniga Farao kiņ aka jembonurupņi pakpak yeņõn mi mõta uruõlõwak mõtket.

¹⁷Mewõ mõta Farao kiņnõņ Josefkõra kewõ jiyõk: “Darumunurupki mõnõ jinõņga kewõ akņe: ‘Sukinapņini mõnõ doņki qakņine ala kunbuk lilingõba miriņine Keinan gõlme anme. ¹⁸Anda iwiņini aka saiwaurupņini enguaņgita lilingõba nõngõreņ kame. Ki kagetka nõņõn gõlme õlõp kõtõkņi İjıpt kantri uruņeyõk mõwõlõhõba engibiga õlõp mianğõ kelõkņi miwikņaiaba nem sõņgaip aka malme.’

¹⁹“Mewõyõk kewõ jim kutum enginõņga akņe: ‘İjıpt kianğõreņõk mõnõ hosgõ kareņi tosatņi memba anda anõm-morõurupņini mianğõreņ al engiba iwiņini waņgita mohotņe ki kame. ²⁰Miriņinanğõ yuaiņi tosatņi Keinan gõlmenõņ mosõtmeı, mianğõ waimanjatņi kude akņe. Nõņõn mianğõ salupņe İjıpt kantri jömuk kianğõ yuaiņi õlõp kõtõkņi mi engibiga buņañini akņa.’”

²¹Farao kiņnõņ mewõ jiıga İsraelgõ nahõnurupņan mianğõ dop aket. Josefnõņ Farao kiņğõ jimkutukutu keuņi wuatañğõba hosgõ kareņi tosatņi engiyõk. Mewõyõk kõna anangõ nene semõn tosatņi engiyõk. ²²Mi engibagun daturupņi mohot mohot yengõ opo malukuņini dõlõkņi totonıne engiyõkmõ, munņi Benjamingõra opo maluku dõlõkņi börõ kun waņgiba moneņ silwõ köt 300 waņgyõk. ²³Iwiņanğõra İjıpt kantrigõ yuai õlõp sorokņi jesõņğõ memba doņki ten miengõ qakņine aliga anget. Mewõņanök doņki ambiņi ten miengõ qakņine wit padi, bered aka nene tosatņi iwiņanğõ kõna semõna aliga

^f45:11 Apo 7.14

bisiba anget. ²⁴Angetka Josefnöj darumunurupñi melaim engii anbingö aketka keu kewö jii mötket: “Iñini kónanöj anda aņgururuk kude akņe.”

²⁵Mewö jiiga Ijpt mosöta anda Keinan gölmenöj iwiņini Jeikobköreņ aņgotket. ²⁶Aņgota iwiņinaņgöra keu kösohot kewö jiget: “Josefnöj mönö toroqeba jebuk malja. Ijpt kantri jömukņanök mi yaņgö böröje ahöiga azi kembuņina aka malja. “Mewö jigetka keu mi qahö möt nariyöhaņgöra uruņi toroqeba amöriiga tarök.

²⁷Mewö tarökmö, Josefnöj keu pakpak jiyöhi, mi jiget mörök aka hosgö kareņi tosatņi i waņgita Ijpt anmapköra ali kayöhi, iwiņini Jeikobnöj mi eka kinda uru sileņan köleņni könöp-könöp ahök. ²⁸Könöpkönöp aka kewö jiyök: “O mi alakņa! Mi möt köhöizal. Nahöni Josefnöj mönö toroqeba jebuk malja. Nöjön mönö anda i ekagun könaņep ölöp kömumam. “Mewö.

Jeikobnöj könagesöurupņi yembuk Ijpt anget.

46 Israelnöj sukinap yuaiņi pakpak kölolohoba memba wahöta köna anök. Anda Berseba mire aņgota kinda miangöreņ iwiņi Aisakö Anutuņangöra umjövöwöl ohoyök. ²Mi ohoba suņgem ahöiga jeņi meleņniga imut eka miangöreņ Anutunöj Israelgöra keu jiba qetņi “Jeikob, Jeikob!” qeriga “Ni ki,” jiba melerņök.

³Meleņniga kewö jiyök: “Ni Anutu, göhö iwigahö bemņi. Gi Ijpt gemangö keņgötki kude mötman. Nöjön miangöreņ kötuetaköm gihibiga könagesö kambu ketañi akņe. ⁴Nöjön mönö göbuk Ijpt gemam aka mewöyök gwölönarökurupki miangöreņök eņguangitpiga kunbuk liliņgöba kame. Göjön kö-

munöņa Josef nanņi böröņan mönö göhö je jupki kusui etma.”

⁵Miangö andöje Jeikobnöj Berseba miri mosötpin jiiga Israelgö nahönurupņan iwiņini aka anöm-moröurupņini mi közözhom eņgigetka hosgö kareņöj öņgöget. Farao kiņnöj hosgö kare mi-aņön eņgömembra kamegöra jiba ali memba anget. ⁶Sukinapņini aka miri sömbupņini pakpak Keinan gölmenöj mala buņa qeba memba malgeri, mi tok mohotņe memba anget. Jeikob aka gwölönarökurupņi pakpak mienöj mewö Ijpt anget.⁸ ⁷Gwölönarökurupņi pakpak, isimoröurupņi azi aka ambi mi körek eņguangita Ijpt anget.

⁸Israel qetņi alaņi Jeikob aka yaņgö gwölönarökurupņi Ijpt angeri, yengö qetņini kewö: Jeikobkö nahönņi mutukņi Ruben. ⁹Rubengö nahönurupņi qetņini Hanok, Palu, Hezron aka Karmi. ¹⁰Simeongö nahönurupņi qetņini Jemuel, Jamin, Ohad, Jakin, Zohar aka Saul. Saulgö namņi mi Keinan ambi kun. ¹¹Liwaigö nahönurupņi qetņini Gerson, Kohat aka Merari.

¹²Judagö nahönurupņi qetņini Er, Onan, Sela, Perez aka Zera. (Er aka Onan yetkön lök Keinan gölmenöj kömuyohot.) Perezkö nahönyahötņi mi Hezron aka Hamul. ¹³Isakargö nahönurupņi qetņini Tola, Puwa, Jasub aka Simron. ¹⁴Zebulungö nahönurupņi qetņini Sered, Elon aka Jalel. ¹⁵Jeikobkö nahönurupņi anömņi Leanöj Mesopotemia (Padan Aram) gölmenöj eņgömeyöhi, yengö qetņini mewö. Böratņiri Daina mi mewöyök meyök. Jeikob aka Lea yetkö isimoröurupņiri mi mewö oyonđa mindirigetka 33 ahök.

¹⁶Gadkö nahönurupņi qetņini Zefon, Hagi, Suni, Ezbon, Eri, Arodi aka Areli. ¹⁷Asergö nahönurupņi qetņini Imna,

Iswa, Iswi aka Beria. Nenninangö qetnji Sera. Beriagö nahönyahötjni qetnjiri Heber aka Malkiel. ¹⁸ Labanön ambi qetnji Zilpa bōratnji Leagö welen ambia malmapkōra waŋgiyōhi, yañōn Jeikobkö nahönurupnji mewö engömeyök. Jeikob aka Zilpa yetkö isimorōurupnjiri mi mewö oyoŋda mindirigetka 16 ahök.

¹⁹ Jeikobkö anōmnji Reizölgö nahönyahötjni mi Josef aka Benjamin. ²⁰ Josefkö nahönyahötjni Ijpt kantrinön asuhuyohori, mi qetnjiri Manase aka Efraim. Namnjiri qetnji Asenat mi Heliopolis (On) taongö jike nup galöm qetnji Potifera yaŋgö bōratnja.^h

²¹ Benjamingö nahönurupnji qetjini Bela, Beker, Asbel, Gera, Naman, Ehi, Ros, Mupim, Hupim aka Ard. ²² Jeikobkö nahönyahötjni Reizölnön etkömeyōhi, yetkö qetnjiri mewö. Jeikob aka Reizöl yetkö isimorōurupnjiri mewö oyoŋda mindirigetka körekmakōrek 14 ahök.

²³ Dangö nahönji qetnji Husim. ²⁴ Naftaligö nahönurupnji qetjini Jaziel, Guni, Jezer aka Silem. ²⁵ Labanön ambi qetnji Bilha bōratnji Reizölgö welen ambia malmapkōra waŋgiyōhi, yañōn Jeikobkö nahönurupnji mewö engömeyök. Jeikob aka Bilha yetkö isimorōurupnjiri mi mewö oyoŋda mindirigetka körekmakōrek 7 ahök.

²⁶ Jeikobkö isimorōurupnji diŋdijni tōhōn yambuk Ijpt angeri, miengö jaŋgōnjini oyoŋda mindirigetka köreknānōk könagesö 66 aket. Nahönurupnji yeŋgö anōmjni mi jaŋgö miangōreŋ qahō toroqeget. ²⁷ Josefkö nahönyahötjni Ijpt kantrinön asuhuyohori, mi yahöt. Jeikobkö könagesōurupnji Ijpt angeri, miengö jaŋgōnjini mi mewö oyoŋda mindirigetka 70 ahök. Mewö.ⁱ

Jeikob könagesōurupnji yembuk Ijpt angotket.

²⁸ Könanön anda mala Jeikobnön Juda mutuk melaiba kewö jiyök: “Gi mōnō Josefkōreŋ anda Gosen gölmenön anangö könajaŋgōra qesim waŋgiman. “Mewö jii mōta anda kaiga Gosen prowinsnön angotket. ²⁹ Josefnön angotkerangö buzupnji mōta jiiga hos karenön jōhōba mözōzōmgōgetka qakŋe öŋgōba iwinji Israelbuk aitoŋgōbitkö Gosen gölmenön anök. Anda eka yaŋgö jeje angota bōrōni imbiŋe gili geiga anjum waŋgiba nalö körōpnji titipepeŋi memba urusahöt qeyök. ³⁰ Israelnön Josef kewö jii mōrök: “Gōñōn toroqeba jebuk maljani, mi nanak gekzala nalö kewōŋe ölop jōjōrōba kōmumam.”

³¹ Mewö jiiga Josefnön darumunurupnji aka iwiŋangö könagesōnji kewö jii mōtket: “Nōñōn mōnō Farao kiŋgōreŋ öŋgōba keu kewö jibi mōtma: ‘Darumunurupni aka iwiŋangö könagesōnji Keinan gölmenön malgeri, yeñōn lök nōŋgōreŋ kaze. ³² Darumunurupni miengön lama bulmakau galōmjni aka mi galöm köl engiba maljeangōra kabingö aka lama kambuŋini, bulmakau kambuŋini aka sukinap öroyuaiŋini pakpak mi enġuangita kaze.’ ³³ Miangōra Farao kiŋnön enġoholi jemesoholŋe angotketka kewö qesim engima: ‘Injini wani nuwa memakze?’

³⁴ “Mewö qesim enġiiga injini kewö meleŋ waŋgime: ‘Welenqeŋeurupki neñōn mōnō abu asaŋurupni mutuk memba malgerangö dop morörōpnineyök lama bulmakau galöm kölköl nupnji memba mala maljin.’ Mewö meleŋ waŋgigetka yañōn ölop Gosen prowinsnön tatat dumduŋjni möhamgōmegōra oŋ jiiga malme.

^h46:20 Jen 41.50-52 ⁱ46:27 Apo 7.14

Ijpt ambazip yeñon lama bulmakau galöm kölköl ambazip pakpak yengöra mötketka imbilonlojinambuk ahakze. “Josefnöj keunji mewö jii mötket.

Josefnöj kiñgö jeje korök.

47 Josefnöj anda Farao kiñgöra kewö jiyök: “Nöngö iwi darumunurupni yeñon lama bulmakau kambunijni aka sukinap öröyuainijni pakpak memba Keinan gölme mosöta kaba mala döлки Gosen gölmenöj kangota malje.”
²Yañon darumunurupni yengöreñök azi 5 enjuangita Farao kiñgö jeje öngöba kingetka engehök.

³Engeka kewö qesim engiyök: “Injini wani nuwa memakze?” Mewö qesim engiiga kewö meleş wañgiget: “Welenqequeurupki neñon iwiurupninan mutuk malgeraño dop lama bulmakau galöm kölköl nupni memba mala maljin.”

⁴Mewö jiba toroqeba kewö jiget: “Keinan gölmenöj bödi lömbötñambuk ahözawañgöra welenqequeurupki neñon lama bulmakau kambunini yengöra nene qahö miwikñainin. Miangöra neñon gölme kiangöreñ kusus malbingöra kain. Mewö aiga welenqequeurupki ölop on jiba jim teköm neñinönga nini Gosen prowins miangöreñ tatat dumdumnini möhamgöbin.”

⁵Mewö jigetka Farao kiñnöj Josef kewö jii mörök: “Iwi darumunurupkan göhöreñ kaget. ⁶Ijpt kantri ki aukne göhö jeje ahözawañgöra ölop iwi darumunurupki gölme bahöni kelökni ölopni miangöreñ al enjinönga malme. Ölop Gosen prowinsnöj malme. Sutjine nup qetpuk meme azi tosatni maljei, mi möt enngiman ewö, ölop nöngö mirigö sömbup kambuni mi yengö böröñine al enjinönga galöm köl enngiba malme.”

⁷Mewö jii möta Josefnöj iwiñi Jeikob Farao kiñgö jeje wañgita kaiga ehi Farao kiñ mi kötuetsköm wañgiyök.

⁸Kötuetsköm wañgiiga kewö qesim wañgiyök: “Göhö yambu gi dawik akza?”

⁹Qesim wañgiiga kewö meleşnök: “Nöñon yambu 130:gö dop gölmenöj liliköba mala kota maljal. Nöngö malmalnaño yambuñi pakpak mi awamdökni aka osikosiñinambuk aket. Iwiurupnan yambu sehisehijni gölmenöj liliköba malgeri, nöngö yambu qötönan yengöreñambuk dop mohot qahö akza.”

¹⁰Mewö jiba Farao kiñ mi kumbuk kötuetsköm wañgiba jemesoholneyök eta anök. ¹¹Josefnöj iwi darumunni mi Farao kiñnöj jim kutuyöhangö dop Ijpt kantrinöj al enngiba Ijptkö gölme bahöni kelökni ölopni kun mi Rameses prowins (Gosen) miangöreñ enngiyök. ¹²Josefnöj mewöyök iwi darumunurupni aka iwiñangö könagesöurupni pakpak mi neneñini anöm-moröurupni malgeri, qötö miangö dop dopñine enngiba malök.

Bödi nalöni lömbötñambuk.

¹³Bödi ketañi mi lömbötñambuk ahöiga nenenöj gölme dop qahöwahiga Ijpt aka Keinan kantri mietkö könagesöñiran mönö nenegö kömum soholip aka malget.

¹⁴Mewö mala Josefköreñ kaba wit padi söngöröñi megetka yañon monej pakpak Ijpt aka Keinan kantri uruje ahöyöhi, mi tokoba memba Farao kiñgö jakömbuak mirigö köweje alök. ¹⁵Ijpt könagesö aka Keinan könagesö yengöreñ monej qahöwak teköiga Ijpt körek yeñon Josefköreñ kaba kewö jiget: “Moneñinan qahöwak teközawañgöra göñon mönö nene nengiman. Nene qahö nengiman ewö, neñon mönö göhö jemesoholge kömumbin.”

¹⁶Mewö jigetka Josefnöj kewö jiyök: “Moneñinan qahöwakzawañgöra enngöreñ lama aka bulmakau ahözei,

mönö mi memba kaba niŋgigetka nöñön nene enġimam.”

¹⁷Mewö jiiga anda lama bulmakaunġini enġuaŋgita kaba Josef waŋgiget. Yeñön hosñini, lamaanġini, memañini, bulmakaunġini aka doŋkiñini mi enġuaŋgita kaba neneġö söñgööröña Josef waŋgiba nene memba malġet. Lama bulmakaunġini pakpak mi Josef waŋgigetka yañön nene enġiba mewö mianñön yambu mohotkö uruñe malmalñini naŋgöiġa qahö kömuġet.

¹⁸Qahö kömuġetka yambu mianñön teköyök. Teköiġa yambu döLökñe dumñe kunbuk yaŋgöreñ kaba kewö jiget: “Azi kembunini, monerñini qahöwakzawaŋgöra könañamnini öljġi mi göhö jege ölöp qahö köyatibin. Neñgöreñ lama bulmakaunġini mi mewöyök gihiinga göhö buñaya ak teköza. Nini mi pakpak azi kembunini gi gihim teköinaŋgöra nanini aka gölmenini miyök ahöm neñgiza. Mianñgöra mönö wania kun gihibinak?”

¹⁹Nini mönö könañi wuanöñgöra göhö jege töndup kömumbinak? Nanini kömuinga gölmeninan mönö wuanöñgöra öne ahöba apopam köla bölibawak? Mianñgöra mönö nanini aka gölmenini bohonini memba mianñön numbu nene neñginöñġa nini ölöp Farao kiñgö welenqeġe omañi ahinga gölmeninan mewöyök yaŋgö buñaya akñja. Neñön toroqeba jebuk mala kömumbinbuköra mönö nene kötñi neñgiman. Neñginöñġa gölme nup waŋgiinga öne qahö ahöba gönjañ akñja.”

²⁰Bödi köhöikñi kötökñi mianñön Ijġipt könaġesö yembuk ahöyöhaŋgöra yeñön körek mohot mohot nup gölmeñini körorñi mi bohoninaŋgöra alġetka Josefñöñ Ijġipt gölme pakpak mi söñgööröñi meiġa Farao kiñgö buñaya ak teköyök. ²¹Josefnöñ Ijġipt könaġesö miri dop kantriġö jabö teteköñi

uruñe malġeri, mi pakpak enġömeiġa gawmangö welenqeġe omañi aka malġet. ²²Farao kiññöñ jike nup galöm yeñgö fotnait töwañini enġiġa memba mianñön malmalñini naŋgöba malġet. Mewö aġa neneñinaŋgöra qahö lömböriġa gölmeñini Josefñöñ söñgööröñi memapköra qahö alġet. Mianñgöra jike nup galöm yeñgöreñ gölme mienñön mohot kiñ Faraoġö buñjañ qahö aket.

²³Josefnöñ könaġesö yeñgöra kewö jiyök: “Mötket, nöñön nanñini aka gölmeñini söñgööröñini mem teköbiġa Farao kiñgö buñaya akze. Mianñgöra nöñön nene kötñi enġibiġa mi ölöp memba gölmenöñ kömötme. ²⁴Kömötġetka öljġi asuhuġiġa mi mönö kewötġetka kambu 5 asuhuġetka mi enġöreñjök mohot mohot mi Farao kiñgöra ala waŋgiba malmemö, kambu 4 mi kunbuk gölmenöñ kömötmeaŋgöra aka neneñinaŋgöra ahöma. Mi nanñini, anöm-moröurupñini aka tosatñi miriñine maljei, mönö enġö neneñina ahöma.”

²⁵Mewö jiiga kewö jiget: “Göñön neñgö malmalnini bödinöhök meköñöñ. Mianñgöra azi kembuninaŋgö jeñe ak-kömükömu miwikñai bin ewö, neñön ölöp Farao kiñgö welenqeġe omañi aka malbin.” ²⁶Josefnöñ Ijġipt yeñgö gölmegöra jimkutukutu ali ahöba kota ki ohozali, nalö kewöñe mewöyök toroqeba ahöza. Jimkutukutu mi kewö: Nene nupkö öljġini mi mönö mendeñġetka kambu 5 aġa mi enġöreñjök mohot mohot mi Farao kiñgö buñaya akñapköra ala malme. Jike nup galöm yeñgöreñ gölme mienñön mohot Farao kiñgö buñjañ qahö aket.

Jeikobnöñ qamötñangöra Josef qesiġa oñ jiyök.

²⁷Israel yeñön Ijġipt gölmegö prowins qetñi Gosen mianñgöreñ tatat

dundumņini memba gölme aņģön köla malget. Mianģörej mala ahumsehip aketka qötöņinan gwötpuk qariyök. ²⁸Jeikobnõj malmalņi yambu 17 mi Ijpt gölmenõj malök. Malmalņi jömuķaņģö yambuņi mi mindiriba 147 ahök.

²⁹Israelgö kömup nalõņan dopdowiga nahõņņi Josef jii kaiga kewö jii mörök: “Nõņõn göhö jege ak-kömukömu miwikņaižal ewö, göņõn mönõ döłki urukalem kondela keu kewö põndaņ wuataņģöba mem yakömamgö jiba börögi nõņģö tambuni bapņe ala kewö jim jöhõman: Nõņõn kömumbiga qamõtņi mi mönõ Ijpt gölme kianģörej kude lõm kölman. ³⁰Nõņõn kömumba iwi asani yembuk luhut memba ahõmami, nalõ mianģörej nõņģö qamõtņi mi mönõ Ijpt kantrinõhök memba anda iwi asani lõm köl eņģigeri, yeņģö qaksiriņine nesim kölman. “Mewö jiiga kewö jiyök: “Jizanaņģö dop mi öłöp akņam.”

³¹Mewö jiiga iwiņan kewö jiyök: “Keu mi mönõ jöjõpaņ keunõj jim köhöim niņģiman. “Mewö jiiga Josefnõj mi jöjõpaņ keunõj jim köhöiiga Jeikobnõj mi möta bilipkõba nõrõpņi memba geba örõpņaņģö kitipņe ala nariba Anutugö waikņi memba möpõseyök. Mewö.

Jeikobnõj Manase aka Efraim kötuetkõm etkiyök.

48 Nalõ tosatņi tekõiga Jeikobnõj kawöl miwikņaiiga keu mi Josefkõra jigetka mörök. Mi möta nahõnyahõtņi yahöt Manase aka Efraim mi etkuangita iwiņaņģörej anök. ²Aniga tosatņan Jeikobkõra kewö jigetka mörök, “Nahõņgi Josefnõj mönõ gi gekņamgõra kaza. “Israelnõj keu mi möta õsumņi ahõyõhi, mi qezakõba ahõahõ dumņeyök wahõta tarök. ³Wahõta tata Josefkõra kewö jiyök:

“Anutu kukõsum pakpakö Tonj yaņõn Keinan gölmegö Luz miri mianģörej nõņģörej asuhuba kötuetkõm niņģiba

⁴kewö jiyök: “Nõņõn ahumsehip gihibiga gwölõnarökurupki yeņģö qötõņinan mönõ qariba qariba õņģõiga göņõn kõnagesõ kambuņi kambuņi gwötpuk yeņģö bõmõn jalõņina akņan. Gwölõnarökurupki kõnage asuhum õņģõmei, nõņõn gölme ki mi i buņa qem eņģibiga yeņģö buņaņina tetekõņi qahõ ahõm õņģõma.”^k

⁵Anutunõj mewö jiyök. Mutuk nõņõn Ijpt gölmenõj göhörej qahõ kayalangõrej anõmņan nahõnyahõtki yahöt Ijpt kianģörej etkõmeyõhi, yetkõn mönõ nõņģö buņaya akņahot. Manase aka Efraim yetkõn mönõ Ruben aka Simeon ewö nõņģö buņaya akņahot. ⁶Mewö ahotka kõnaņģep gölme mesiņada yetkõra distrik yahöt etkime. Efraim aka Manase yetkõ bapņire nahõnbõraturupki tosatņi asuhugeri, mieņõn mönõ nange buņaya akņe. Yeņõn gölme bahõņini buņa qem aņģumei, mi mönõ Efraim aka Manase yetkõ distrik yahõtņiri mietkõ uruņe ahõgetka bohon toņiri ahotka datyahõtņiri yetkõ nembõ bapņire malme. ⁷Nõņõn Mesopotemia (Padan Aram) mosõta liliņģõba Keinan gölmenõj kaba Efrata taon dopdowibiga anõmni Reizõlnõj kömuiga wõsõbirik ketañi ahum niņģiyök. Kömuiga qamõtņi mi Efrat anangö kõna töwokņe lõm kölal. Efrat mirigö qetņi alaņi mi Betlehem.”^l

⁸Israelnõj mewö jiba Josefkõ nahõnyahõtņi etkeka kewö qesim waņģiyök: “Azi morõņi yahöt ki daņõn daņõn?”

⁹Qesim waņģiiga Josefnõj iwiņaņģõra kewö jiyök: “Nõņģö nahõnyahõtņi Anutunõj Ijpt kianģörej

ningiyöhi, i mönö mia. “Mewö jiiga Israelnön jiyök: “Nönön kötuetköm etkimamangöra i ölop etkuangitnönnga nönögö kösutne kamahot.”¹⁰ Mewö jiiga Josefnön nahönyahötji etkuangita kösutnje kagetka böröni giliga imbinjire geiga numbuñiri yöhötim neyök. Israelnön azi namñi aiga jeñi ömuñ köliga yuai kun ek kutumamgö tönpin aka osiyök.¹¹ Numbuñiri yöhötim nembra Josefköra kewö jiyök: “Nönön mutuk göhö jemesoholgi kunbuk gekñamgöra qahö al mamböta malalmö, Anutunön köna mesariga döлки nangi aka nahönyahötki mewöyök engekzal.”

¹² Mewö jiiga Josefnön nahönyahötji iwiñangö tambuñeyök etkömembra simin köla bamgöba geyök.

¹³ Bamgöba geba wahöta nahönyahötji böröñire memba etkuangiriga nanñi iwiñangö wösöñe kayohot. Efraim mi böröni öljän memba Israelgö böröni qaniñe ala Manase mi böröni qaniñan memba Israelgö böröni öljne alök.¹⁴ Mewö al etkiyökmö, Efraim munñi aiga asañan töndup böröni öljän böranña yanğö nöropñe alök. Manasenön Josefkö nahönñi mutukñi ahökmö, asañan töndup böröni qaniñan yanğö nöropñe alök. Mewö aka böröni maripom ewö al kutuba nöropñire alök.¹⁵ Mewö ala tata Josef kötuetköm wanğiba kewö jiyök:

“Asani Abraham aka iwini Aisak yetkön Anutugö jeñe anda kaba aka memba malohot. Nönön asuhuba mala koralı,

Anutunön mönö nalö miangöreñ pöndan köyan köl ningiba mala korök.

¹⁶ Suet garatanön ni bölöñi pakpak miangöreñök meköba anğön köl ningiba malöhi, yanğön mönö azi gwabö yahöt ki kötuetköm etkiba malma.

Ambazipnön yetkö qetñiri qetketka mi-anğön mönö ni aka iwi asani Aisak aka Abraham neñgö qetbuñanini bisiba malmahot.

Yetkö könagesönjiran mönö gölme qakñe önöñi qahö sehıba malme.”

¹⁷ Mewö jiyökmö, Josefnön iwiñan böröni öljän Efraimgö nöropñe ali mi ehi dop qahö köliga miangöra möt bölıba iwiñangö böröni öljne memba Efraimgö nöropñeyök meköba Manasegö nöropñe almamgö ahök.¹⁸ Mewö aka iwiñangöra kewö jiyök: “Iwini, mewö kude aknön. Morö kianğön nahöni mutukñi akza. Miangöra börögi öljän mönö yanğö nöropñe alnön.”

¹⁹ Mewö jiyökmö, iwiñan mi akñamgö qetala Josef kewö jii mörök: “Nahöni, mi ölop mötzal. Nönön mi mötzal. Manasenön mewöyök qetbuñanambuk aiga yanğö gwölönarökurupñan mewöyök ahumsehip aka könagesö ketañi akñemö, Efraimgö qetbuñan mönö Manasegöreñ qetbuñan ongita ahöma. Yanğö gwölönarökurupñan mönö ahumsehip ketañi aka könagesö kambuñi kambuñi gwötpuk aka malme.”

²⁰ Mewö jii möriğa silim miangöreñök kötuetköm etkiba kewö jiyök: “Israel yeñön mönö etkö qetñiri qeta könagesönjini kötuetköm enğiba kewö jime: Anutunön mönö oyaenköyaen ak enğiğa enğön Efraim aka Manase ewö akñe. “Mewö jiba Manase mi Efraimgö nembö bapñe alök.”^m

²¹ Israelnön kötuetköm enğii teköiğa Josefköra keu kewö jiyök: “Mötnön, nöñön kömumamgö akzalmö, Anutunön embuk mal öngöma. Yanğön mönö enğuangiriga iwi asaurupñini yeñgö gölmenön lilingöba anme.²² Miangöreñ anda sutñine gölme mesinğetka nöñön göhö gölmeği toroqeba Sekem gölme

kelökñambuk mi gihizal. Nöñon kukundu gölme mi Amor könagesö yembuk bim qeba nani timbi aka bimgö sou ketanji miañon yengöreñök meal. Josef gi darumunurupki yengö bohonñini akzawañgöra mi darumunurupki yengöra qahöpmö, göhö buñaya jim teköbi ahöma. “Mewö.

**Jeikobnöñ nahönurupñi
kötuetköm engiyök.**

49 Miañgö andöñe Jeikobnöñ nahönurupñi engoholi kagetka keu kewö jiyök: “Injini mönö öröm tokogetka nöñon malmalñine könangep denöwö asuhumawi, miañgö kezapqetok keunji indela jibi mötme.

² Jeikobkö nahönurupñi, injini mönö kaba tokoba iwiñini Israelgöreñ keu kezap ala mötket.

³ O Ruben, göñon nani nahöni mutukñi akzan.

Göñon nöngö ösum-mumuni aka ambi membiga ösumnañgö ölnji mutukñi asuhunöñ.

Qetbuñagahö aködamunñi aka kukösumñi miañon mönö munurupki yengöreñ engongitza.

⁴ Luhutnöñ köwet siri kunduriga kalöpmalöp anda kamakzawi, göhö urugan mönö miañgö dop wahöri kalöpköba lañ anda kamakzan.

Göñon iwigi nöngö ahöahö dumne öñgöba qömböñne qeba anömnambuk ahönöñga dum miañon mönö angjöjörakñambuk aka tölohoyök.

Miañgöra göhö qetbuñagahö aködamunñan mönö munurupki qahö toroqeba engongita ahöma.

⁵ Simeon aka Liwai yetköñ darumuna akzahot.

Yetkö timbi liñgip nupñiran mönö kegwek kahasiliñ kondorakza.

⁶ Yetköñ irimsesewöl qakñe azi enguyohot kömugetka öne töhöñ sihimñangöra bulmakau aziñi miengö köna börö yuaiñini lañ engum yandiyohotka porin aket.

Miañgöra yetköñ keu goro jöhömakzahori, nöñon miambuk urumohot qahö ahakzal.

Totoko almahori, nöñon miañgöreñ yetpuk qahö toroqeba tatmam.

⁷ Urukazikñiran köñopñambuk akzawañgöra i jim qesuahöm etkizal.

Urusingokñiran kanjamñambuk akzawañgöra i jim jörahöm etkizal.

Nöñon könagesöñiri köñdeñ engibiga yeñon Jeikobkö gölme dop köla anme.

Nöñon mendeñ engibiga yeñon Israel sutñine lañ lalöpköba malme.

⁸ O Juda, göhö darumunurupkan gi möpöseim gihiba malme.

Göhö börögan mönö kerökurupki yengö imbi jölñine tatma.

Iwigahö nahönurupñi yeñon mönö göhöra geba simin köla malme.

⁹ O Juda, göñon laion gwaböñi ewö maljan.

O nahöni, gi böröjan suhuba sömbup qem nemala miañgöreñök lilingöba kasan.

Yañon laion ewö sileñi al kötöteiba laion ambiñi ewö eta köla ahömakza.

Köreñan i suahö aka utuba möndöbingö keñgötñini mörakze.

¹⁰ Kukösumgö aiwesökñi mi kunñan Juda yengö böröñineyök qahö enguangitma.

Azi kembugö öröñan könañi sutñire kiniga kunñan mi qahö qeköma.

Nanñi aka gwölöñarökurupñan jakömbuak dumñe tata mal öñgögetka könanjep kunöñ asuhuga könagesö

kambuŋi kambuŋi yeŋön yaŋgö jitŋi tem köla malme.

¹¹ Yaŋön doŋkiŋi wain ip kemaŋe jöhöi kinma.

Doŋkiŋi moröŋi mi wain kösö sutŋire gwaröhöiga ahöma.

Yaŋön oponi mi wain oŋan saŋgoŋma. Malukuŋi mi wain kötŋaŋgö seŋŋe kusahöla közöhölma.

¹² Wain o neiga jeŋan wain oŋi ewö pisi-hiba injaŋ kölma.

Juzu oŋi neiga jitŋan juzu oŋi ewö tuarima.

¹³ Zebulun könagesö yeŋön köwet jitŋe malme.

Yeŋgö gölmenöŋ waŋŋeŋi waŋŋeŋi surumakŋe.

Gölmeŋinaŋgö jaböŋi miaŋön mönö Saidon taonöŋ göröken anda ahöma.

¹⁴ Isakar mi doŋki sihitŋi kotkotŋi mi-aŋgö dop akza.

Doŋki qakŋe dum tatatkö gösöŋi yahöt mietkö sutŋire al kötöteiba lokoliba sölonŋda ahömakza.

¹⁵ Lokoliba sölonŋda luhut memba ahöiga dum miriŋi mi ölop dop köliga gölmeŋan sihim kötökŋi akŋa.

Mi eka andöŋi yuai lömbötŋi aŋgumamgöra sipköba geiga tosatŋan welenqeŋe nup memapköra kuŋguba jöhöm waŋgime.

¹⁶ Tosatŋan Dangö könagesöurupŋi mulungöm eŋgigetka Dan yaŋön mönö awörök aka keu diŋdiŋaŋgöra bim qeba malma.

Dan kambu yeŋön Israelgö kambu tosatŋi i ewö aka malme.

¹⁷ Dan yaŋön qatö mokoleŋ ewö könanöŋ ahöba hosgö gwakötŋe yöhöiga töwöratiba giliga qakŋe tatmawaŋön mönö tala andöandö gölmenöŋ gema.

¹⁸ O Kambu, göŋön ni kösö gwarönöhök meköba aŋgön köl niŋgimangöra uba mambörakzal.

¹⁹ Kegwek kahasililiŋ kambu yeŋön Gad könagesö eŋgum ohoba malmemö, Gad yeŋön mönö melenŋda könajine eŋguatangöba nanŋini eŋgum ohoba malme.

²⁰ Asergö gölmenöŋ nene möriam gwötpuk asuhumakŋa.

Kiŋ yeŋön nene nahömŋinambuk nemakzei,

yaŋön mönö nene mewöŋi mi gölmeŋe kömöt sehiba miaŋön tosatŋi bauköm eŋgiba malma.

²¹ Teunöŋ sihimŋaŋgö dop ösumŋan laŋ lalöpkömakzawi,

Naftalinöŋ mönö miaŋgö dop aka moröurupŋi eŋgeksihimŋinambuk eŋgömemba malma.

²² Wain ip o jeŋaŋgö kösutŋe kömötketka kötŋi gwötpuk kuŋguba böröŋi giliga anda sel qösököba yaigep anakzawi, Joseföŋ mönö miaŋgö dop akza.

²³ Yaŋgö kerökurupŋan timbi jaugemŋini memba urukönöp qakŋe Josefkö kambu mi eŋguatangöba eŋgeriba eŋgum ohoba malme.

²⁴ Mewö malmemö, Jeikobkö bemŋi Anutu kukösumŋambuk yaŋgö böröŋan mönö mem köhöim waŋgiiga

yaŋön timbi töhöŋi qahö mosöta börö sihitŋi kakŋi qahö qeiga malma.

Anutu yaŋön mönö urugö lama galömŋi aka Israelgö aŋgönkölköl Toŋi akza.

²⁵ Iwigahö Anutuŋan mönö bauköm gi-hiba malma.

Bem kukösum pakpakö Toŋan mönö kewö kötuetköm gihiiga malman:

Kiegö kötumötuetŋan mönö könakembayök göhöreŋ eriga gölme dutŋi emuyaŋgö oŋan göhöreŋ koriga

nahönbörat aka sömbup gwötpuk miwikñaim engiba malman.

²⁶ Kunduñi kunduñi miengö kötümötuettjanan nalöñi nalöñi ambazip dop köl engii mala kotket.

Kunduñangö sörokçe yambu dop nene nupñini memba malgetka nene möriam asuhui mala kotketmö, göhö iwigahö kötümötuettjan mönö mi pakpak oñgitza.

Kötümötuet mieñön mönö Josefkö nööröp qakçe öngöme.

Darumun sutñine pom jembon tök-kutukutuñi akzawañgö malmalñe mi pakpak mönö ahöm öngöme.

²⁷ Benjamin mi kiam kalñi ewö akza.

Söñan dop böröjañ suhuba sömbup enguba nem gwahöt engimakza.

Silimnön yuai kiom qemakzawi, mi sunjem dop mendermakza. “Mewö.

²⁸ Israelgö kambu pakpak jañgöñini 12 mi mewö. Iwiñinan kötuetköm engiba keu mewö mewö jiiga mötket. Kötümötuetñini murutñi murutñi mi nanñök nanñök menderda körek kötuetköm engiyök. Mewö.

Jeikobnön kömuyök.

²⁹ Kötuetköm engiba kinda keu kewö jim kutum engiyök: “Anutunön mönö noañgiri nöñön isik alaurupnan kömugeri, yembuk toroqemangö akzal. Nöñgö qamötni mi mönö iwiurupni yengö qöhöröñine bañet Hit azi Efrongö gölme köröñe ahözawi, miangören löm köl niñgime. ³⁰ Bañet mi Keinan gölmenön Makpela gölme köröñe Mamre kösutje ahöza. Abrahamnön gölme köröñi bañetjambuk mi isikninañgö qaksirinji ahömapköra Hit azi qetñi Efron yañgörenök söñgörorñi meyoök.^o

³¹ Abraham aka anömñi Sara mi bañet miangören löm köl etkiget. Mewöyök Aisak aka anömñi Rebeka mi miangören löm köl etkiget. Nöñön toroqeba Lea miangören löm köl wañgial.^p ³² Abrahamnön gölme köröñi bañetjambuk mi mutuk Hit yengörenök bohonñi meiga ahöza.” ³³ Jeikobnön nahönurupñi keu mewö jim kutum engim teköba kö-nayahötñi öröi ahöahö dumñön öngöiga nöñ qeba kömuiga Anutunön wañgiri isik alaurupñi yengören toroqeyök. Mewö.^q

Jeikob löm kölget.

50 Jeikobnön kömuiga Josefnön luhuba iwiñi kepölaköm wañgiba lipköba anda imbiñi gili geiga numbuñi yöhötüm neyök.

² Miangö andöñe Josefnön doktaurupñi jimkutukutuñangö bapñe malgeri, mi iwiñangö qamötñi sile mem köhököhöi kelöknön mirimegöra jim kutum engiyök. Jim kutum engiiga yeñön Israelgö qamötñi mewö ak wañgiget.

³ Nup mi memba malgetka wehön 40 jömuk teköyök. Qamötñini kelöknön mirizema, miangö nupñi mi nalö köröñi mewö memba maljema. Ijpt könagesö yeñön Jeikobköra wehön 70:gö dop jingey köla sahöta malget.

⁴ Sahöta jingey köla wösöbirik malgerangö nalöñi miangön teköiga Josefnön Farao kiñgö jakömbuak mire nup memba malgeri, yengöra keu kewö jiyök: “Nöñön engö jeñine ak-kömükömu miwikñaijal ewö, inñini mönö nöñgö jitre memba Farao kiñgöra keu kewö jigetka mötma: ⁵ ^r Iwinan jebuk mala keu kewö jöhöba jöjöpañ keunön jim köhöimamgöra jim kutum niñgyök: ‘Nöñön kömumamgö akzal. Ni nanangöra köt köteñ Keinan

^o49:30 Jen 23.3-20

^p49:31 Jen 25.9-10

^q49:33 Apo 7.15

^r50:5 Jen 47.29-31

gölmenöy esibi kinjawi, nöngö qamötñi mi mönö miangörey anda löm kölman.’ Miangöra ölop merak jinönga nöñon miangörey anda iwiangö qamötñi löm kölagun kunbuk lilingöba kamam.”

⁶Mewö jii jigetka Farao kinöñ mi möta kewö jiyök, “Gi iwigahöra keu jöhöba jöjöpañ keunöy jim köhöinöñi, miangö dop ölop anda iwigahö qamötñi löm kölman.”

⁷Mewö jiiga Josefnöy iwiangö qamötñi löm kölmangöra öngöyök. Farao kinö jembonurupñi qetbuñanambuk pakpak, jakömbuak miriñangö aka Ijpt kantrigö jitñe memeurupñi qetbuñanambuk mi körek yambuk mohotñe anget. ⁸Josefkö mirigö saiwaurupñi körek pakpak, yañgö darumunurupñi aka iwiangö könagesöurupñi yeñon mewöyök mohotñe anget. Anöm-moröurupñini, lama, meme aka bulmakau kambuñi kambuñi miyök mönö engömosötketka Gosen gölmenöy tatket. ⁹Hosgö karenji karenji aka azi hos qakñine tatkeri, mi mewöyök anget. Mewö mindiriba kambu keta bölökñi anget.

¹⁰Anda mala Jordan o kutuba likepñe toroqeba anda Atad mire wit padigö ölnji aka kamböñi mendeñda kewötkeri, miri gölme miangörey angota köhöikñanök jinñeñ köla silata sahöt böliba malget. Josefnöy iwiangöra wehön 7:gö dop jinñeñ köla sahöta malök. ¹¹Atad mire jinñeñ köla sahötketka gölme tonji Keinan könagesö yeñon mi eka möta kewö jiget, “Ijpt yeñon jinñeñ sahötkö areñi öngöñöñi alje. “Mewö jigetka miri gölme miangö qetñi mi könahiba Abel Mizraim ^{§§}qetket. Mi Jordan ogö wehön kotkotñe ahöza.

¹²Jeikobnöy nahönurupñi jim kutum enñiyöhi, yeñon miangö dop mewö ak

wanñiget. ¹³Yeñon qamötñi anguba Keinan gölmenöy anda Mamre kösutñe Makpela gölme köröñe bañet ahözawi, miangörey anda löm kölget. Abrahamnöy mutuhök gölme köröñi bañetñambuk mi qaksiriñini ahömapköra Hit azi Efron yañgöreñök söngöröñi meyök. ¹⁴Josefnöy iwiangö qamötñi löm köli teköiga nanñi, darumunurupñi aka tosatñi pakpak yambuk iwiangö qamötñi löm kölbingsö angeri, mieñon kunbuk Ijpt gölmenöy lilingöba kaget. Mewö.

Josefnöy likepñi qahö meleşmamgö kunbuk jiyök.

¹⁵Josefkö darumunurupñan iwiñinan kömuiga mi eka tata kewö mötmöröiba jiget: “Josefköra silik bölöñi pakpak ak wanñiini, yañon miangöra urukondum möt neñgiba nalö kewöñe könahiba likepñi meleş neñgibapuk.” ¹⁶Mewö jiba Josefköra keu jit kewö algetka anök, “Iwigan kömumamgö aka neñgöra keu kewö jim kutuyök: ¹⁷‘Inini mönö Josefköra keu kewö jigetka mötma: Darumunurupkan silik bölöñi aka ayuhum gihibingö akeri, göñon mönö yeñgö siñgisöndokñini aka kahasililijini mi mosötman. Miangöra göñon ölop iwigahö Anutuñangö welenqeçeurupñi neñgö siñgisöndokñini mosötman. “Yeñon keu jit mi algetka Josefköreñ kaiga möta mönö qeta sahörök.

¹⁸Miangö andöñe Josefkö darumunurupñan nanñinak kaba gölmenöy tala wösöñe sipköba eta kewö jiget: “Mötnöy, nini göhö welenqeçeurupki omanji akzin.”

¹⁹Mewö jigetmö, Josefnöy melenña kewö jiyök: “Möno keñgötñini kude mötme. Nöñon Anutugö salupñe qahö

§§50:11 Abel Jinñeñ sahötkö areñi. Mizraim Ijpt. Hibru keu mewö.

kinjal. ²⁰Ölña, eñön silik bölöñan ayuhum niñgibingöra kapañ köla aketmö, Anutunöñ mi möñaiiga salupñe yuai ölöññi asuhumapköra kapañ köla ahök. Mewö aka kondota kuñgum niñgiiga könagesö gwötpuk eñgö malmalñini jöhöbige miangö ölñan nalö kewöñe aukñe asuhiiga ek kutuzin. ²¹Miangöra mönö keñgötñini kude mötket. Nöñön mönö nanñini aka anöm-moröurupñini eñgö malmalñini körek nanñöm eñgiba malmam. “Mewö jiba bölöñamñinangö likepñi qahö meleşmamgö kunbuk jim köhöiba guñböñjönñ ak eñgiyök. Mewö.

Josefnöñ kömuyök.

²²Josefnöñ iwiñangö könagesöurupñi yembuk toroqeba Ijpt gölmenöñ malget. Josefnöñ mal öñgöiga yambuñi 110 aiga kömuyök. ²³Josefnöñ isi amböurupñi Efraimgöreñök asuhugetka mi eñgehök. Mewöyök Manasegö nahönñi Makir yañgö nahönböraturupñi

asuhugetka Josefkö tambuñe al eñgigetka dohongöm eñgiyök.

²⁴Miangö andöñe Josefnöñ darumunurupñi yenggöra keu kewö jii mötket, “Nöñön kömumamgö akzalmö, Anutunöñ mönö köyan köl eñgiiga malme. Yañön iñini gölme kiangöreñök eñguañgita gölme Abraham, Aisak aka Jeikob yenggö buñañina akñapköra jim teköba jöjöpañ keunöñ jim köhöiyöhi, mönö miangöreñ anda malme.”

²⁵†Mewö jii mötketka Israelgö nahönurupñan keu jim jöhöba jöjöpañ keunöñ kewö jim köhöimegöra jim kutum eñgiyök: “Anutunöñ köyan köl eñgii malgetka nöñön kömumbiga nöñgö sihitni mi mönö gölme kiangöreñök anguba Keinan gölmenöñ anme.” ²⁶Mewö jiba yambuñi 110 aiga kömuyök. Kömuiga Ijpt miangöreñ qamötñi mi sile mem köhököhöigö kelökñan miriba qamöt bokisnöñ algetka ahöyök. Mewö.

RUT

*Rutkö sundutji, Jöjöhö
Walakñangö Buk jangö 8*

Zöm-asa-asari

Aiwi kembu yengö nalöne Israel yengö malmalñini mihi öngöwa hetananguk. Uruñini melengetka oyaenköyaen malgetnön, miangö andöne silekmalek malgetka heta heta sohoiga lömböt uruñe simbisembel malget. Mala miangö andöne uruñini melenget. Mewö mewö hala malget. Rutnön nalö miangören luaikö könani kundelök. Moab ambi yangön Israel aiwia meyök. Aiwi miangön komuiga Rutnön iranji Israel ambi yanguk pöndañ örörön jöhöwa Israelkö Anutuñi törörök qekötahöwa malök. Mewö mala kantriñi Moab mosota Israel uruñe kamba teteköñe apñi mutukñangö tinitosolomurupñi yengö sutñineyök aiwi dölökñi kun miwikñaiwa meyök. Yetkö gulinarökñiri kunön kiñ Deiwidkö amböñi halök. Deiwid yangön Israel yengö kiñini qetbuñani öngöngöñi malök. Deiwidkö gulinarökñi kun mihi Jisös. Rutnön yambu 1110-1100 bifo Kraist malök.

Aiwi kembu buk miangö sundutji mienön malmalkö könani miewö kundelget: Anbazipnön Anutu andö qegetka nalö miangören kahasililiñ köndermön-der ketanjan qakñine öngöget. Rutkö sundutñan köna miewö kundelja: Kian ambi yangön uruñi Israelkö Anutukören melenja mötnarip könagesönön toroqeiga kötümötuetnön qakñe öngöiga oyaenköyaen halök.

Buk muyangö bahöñi bohonñi 3 miñgi miewö:

1) Naominön Rutkuk Betlehem lil-ingöyöwöt. 1.1-22

2) Rutnön Boazkuk aitonöyöwöt. 2.1-3.18

3) Boaznön Rut mihi anömña meyök. 4.1-22

Elimelek hala saiwaurupñi yengön Moab anget.

1 Walahok Israel uruñe kiñ kun qahö maliga aiwi kembu yengön könagesö galim köl engiwa malget. Nalö miangören bödi hikñaiwa balön patpat söp köla ahöyök. Bödi nalö miangören Juda aiwi kunön anömñi hala nahönweitñi engangita taonñini Betlehem mosota kantri qetñi Moab miangören anda dum tatatñini möhamgöwa kiana malget. ²Aiwi qetñi Elimelek, anömñi qetñi Naomi hala nahönweitñiri qetñiri Malon hala Kilion. Balönini qetñi Efrata. Yengön taonñini Betlehem mosota Moab balönñön anda miangören malget. *

³Miangören malgetka Naomikö apñi Elimeleknön komuyök. Komuiga Naominön ambi malöya hala nahönweitñe malget. ⁴Nahönweitñi yetkön mala qariwa Moabkö ambi weit qetñiri Orpa hala Rut ^{†4}miewö malget: Tamar, Rahab, Rut hala Batseba. Mat 1,3-6 etkömeyöwöt. Etkömeyöwötka toroqemba Moab balönñön yambu 10:gö söp mala kutket. ⁵Mala kuta nahönweitñi weit Malon [‡]hala Kilion yetkön mewöyök komuyöwöt. Komuyöwötka namönñiri Naomi yangön apmerönji qahö nanñök malök. Mewö.

***1:2** Efrata mihi balön Betlehem liliköwa ahözawi, miangö qetñi. Rut 4:11; Jen 35:19; 1 Sml 16:18; Mai 5:2

[†]**1:3** Rut keu miangö könani mihi 'ala-ala'. Jisöskö ambösakonurupñi yengö sutñine ambi

[‡]**1:5** Malon keu miangö könani mihi 'osumeret aiwi'

Naomi hala Rut yetkön Betlehem lilingöyöwöt.

⁶Naominöñ nanjok Moab kantrinöñ mala nalö kunöñ buzup keu muewö zöget mörök: 'Kembunöñ könagesöñj bauköm engiwa Israel mianggöreñ numbu nene ölip miwikñaim engimamja.' Mewö möta Moab mosota Israel balöñe lilingöwa anmamgöra mem mözözöm hali iranweitñj yetkuk wahötket. ⁷Wahöta köhöñ balöñ malöhi, mihi mosota Juda balöñnöñ lilingöwa anmamgöra haliga iranweitñj yetkuk mohotje könanöñ anget.

⁸Könanöñ andaga Naominöñ iranweitñj muewö etkezöyök: "Anbiweit, etkön mönö lilingöwa namönweitñjiri yetkö köhömnöñ anda malmawöt. Etkön nöñgö apmeröni komugeri hala ni nengöra ölipñanök ala hal nengiwa malöwötka Kembunöñ mönö miangö söp likepñj meleşda ölipñanök hal komum etkiiga malme. ⁹Kembunöñ ölip köna meiga injiri aiwi kunduk etkömimba malmal tatatñjiri yetkö köhömnöñ miwikñaiwa urusösöñgai qakñe malmawöt." Mewö zömba numbuñjiri etköhötim neyöknöñ, yetkön amburereñ hala silata sahöröwöt.

¹⁰Sahöta muewö zöyöwöt: "Qahöwi! Niri mönö gowuk lilingöwa göhö kö-nagesö kiripki yengöreñ anbin."

¹¹Mewö zöyöwötka meleşda muewö etkezöyök: "O iranweitni, mönö nöpaköra noñguk kambitkö halzawöt? Nöñgön kunduk merö nahönweit membiga qariyöwötka etkömembawörak me? Mewö römöngöwawörak ewö, miañön qahö söpköza. Qahöpmahöp! Mönö dölmuhu lilingöwa anmawöt. ¹²Ni anbi namönñj halzalanğöra aiwi

kunjan qahö nömima. O iranweitni, etkön mönö lilingöwa köhöñjire anöwöt. Ni kunduk aiwi memamgö römöngöwa erap sungem aiwi kunguk ahöwa köriguk hala nahönweitni etkömembileñjak ewö, tondup mihi lömböriza.

¹³Merö mietkön qariyöwötka apweitñjira etkimamgö mamböta malmawörak me qahöpto? Yetköra hala aiwi memekö könanjiri jöhöm añguwa nalö köripñj sutñj mihi mönö in malmawötkuk. Miñgi qahö söpköza. O iranweitni, mewö qahö. Kembunöñ biriñj börañda qeköm niñgiiga apnan komuiga mianggöra malmalninan lömbörüiga nöñgön etköra wösöjñjñjini mötzal."

¹⁴Mewö zöiga dumje kunduk silata sahöröwöt. Sahöröwöt teköiga Orpanöñ iranñangö yaizözökñj zömba numbuñj yöhötim nemba eleñda köhöñje anök. Orpanöñ anöknöñ, Rutnöñ kapaj köla sele köpañe mösölatiyök. ¹⁵Mewö mösölatiiga Naominöñ muewö ezöyök: "Mötnöñ, kasungan anja. Yañgön nanñj bemñj hala nanñj anbazip kiripñj yengöreñ anja. Gi mönö mewöñanök eleñda köhöñje anöñ."

¹⁶Mewö zöyöknöñ, Rutnöñ tondup muewö meleşnök: "Ni gi gomosot-mamgö de kapaj köla zöman. Ölip zönöñga gowuk anbit. Gi denike denike anmani, nöñgön mönö mewöyök gowuk mianggöreñ anmam. Gi denike denike malmani, nöñgön mönö mewöyök mianggöreñ malmam. Göhö anbazip kiripki miñgi mönö nöñgö anbazip kiripna halgetka göhöreñ Anutu mihi mönö nöñgöreñ Anutuya hali malmam.

¹⁷Gi denikeanggöreñ komumani, nöñgön mönö mewöyök mianggöreñ mohok komumbi löm köl niñgimeköra mötzal. Keu mihi muewö zöm

köhöimam: Komup mohotnönjön mönön mender netkima. Iwai mörötñi kunönjön mender netkima ewö, Kembunönjön ölip miangö likepñi meleñniga nönjön qakne öñgöma.”

¹⁸Mewö zömba yanguk anmangö köhöikñanök kapañ köliga ekta möt qitiwa miangö keuñi kunduk qahö zöyöknön,

¹⁹mohotñamñire anda mala Betlehem taonönjön kauröwöt. Kauröwötka taongö anbazip patpat yengön i etkeкта sösongai ketarñi möta tokoget. Anbi yengön qeta Naomikö yaizözökñi miewö zöget: “Hei! I halakña Naomiya me denöwö? Oe oe oe!”

²⁰Mewö zögetka Naominönjön miewö zöyök: “Nönjön qetni Naomi mingi in de qetme. Ni urusösöngai anbia qahö. Anutu kukosum Touñan mönön kondot niñgiiga urukombuk möta malzal. Miangöra nönjön qetni Mara qetketka söpköma. ²¹Nönjörej iwai kombunñi ahöiga mutuk taon muhu mosota analnönjön, erap Kembunönjön nañgiriga biribörak lilingöwa omañe kazal. Kambu kukosum Touñan keuni kewöta mem kirehöm niñgiiga köñjilij qakñe malzal. Miangöra qetni Naomi mihi in de qetme.” Mewö.

²²Naomi hala iranñi Rut, Moab anbi miangön Moab mosota Betlehem taonönjön kayöwöri, nalö miangörej anbazipnönjön könahiwa padikö alañi bali mingi nupñine koholget.

Rutnönjön Boazkö nupnönjön bali qendañnök.

2 Naomikö apñi Elimelekö isik uruñe tinitosolomñi aiwi qetbuñangjuk kun qetñi Boaz malök.

^{2v}Nalö kunönjön Moab anbi Rut yangön iranñi Naomikö miewö ezöyök: “Ölip zöm tekönönnga nönjön nup kunön anda anbazip bali ipñi kohola iriremönñi mosoramñei, mihi qendañda tokomam. Ni ölip aiwi kungö jeñe eksihim miwikñaiwiga ‘Oñ!’ zöiga ölip yangö andönje anda mihi tokomam.” Mewö zöiga Naominönjön zöyök: “O böratni, ölip anman.”

³Mewö zöiga mosota nup kun dahörej nuwa, mihi qahö mötaga tondup lañ anda kinda bali koholgetka yengö andönjine anda ipñi mohok mohok qeqelañlañ heta ahögeri, mihi qendañda qendañda anök. Nup köriñe anöhi, mihi Boaz, iranñi Elimelekö isiknöhök kun yangörej nuwa ahöyök.

⁴Yangön dölmuhu Betlehemök kauta nup anbazipñi engeikta yaizözökñini miewö zöyök: “Bönjön! Kembunönjön enguk malma.” Mewö zöiga meleñda miewö qetket: “Kembunönjön mönön kötuettöm gihima.”

⁵Mewö qetketka Boaznönjön nup galimñi miewö qesiyök: “Anbi mihi dahön?”

⁶Mewö qesiiga miewö meleñnök: “Anbi mihi köriwengöra. I Naomiguk Moab kantrinöhök kayöwöt. ⁷Yangön söñan hömandiñe kamba qesim niñgiiga ölip zömbiga nup anbazip yengö könanjine engohorata bali ipñi qendañda tokoza. Nup pöndañ memba malzawa döldimuhu koumnönjön endu anda luhut memba tatza.”

⁸Mewö meleñniga Boaznönjön Rutköra miewö zöyök: “Böratni mötnönjön, nönjön keu goroya kun gihimam: Gi nup muhu de mosota tosatñi yengö nupñine qahö anda bali memba tokoman. Mönön nönjön welenqeqe anbiurupni yenguk mohotñe muyangörej qendañda mal-

¹1:20 Qet weit mihi Hibu keu könanñirangjuk. Naomi urusösöngai. Mara urukombuk.

man. ⁹Ni nup aiwiurupnan gömisiri-wekuköra soŋgo halzal. Nup denike denike anda padi koholmei, gi mönö mi-aŋgö jegalim hala yengö andöŋine anda anbi yenguk malman. Ougaŋgö mötman ewö, welenqege yengön ou köwöraŋgenöj huzei, ölip miangöreŋ anda ou neman.”

¹⁰Mewö zöiga Rutnöj mihi möta balöŋnöj gewa bamgöwa Boazköra miewö zöyök: “Ni denöwököra kian mala tondup göhö jege halkomukomu miwikŋaiwiga mewö köyan köl niŋgizan?”

¹¹Mewö zöiga miewö melenök: “Nöŋgön göhö ambamemegaŋgö sundutji mihi körek zögetka mötzal. Göhön apkan komuiga irangi ölip galim köla mala kutnöj. Göhön namönmamgi hala hikŋaihikŋai kantrigi mihi mosota anbazip walak qahö möt nenginöŋi, nengö sutjine kamba malzan. ¹²Göhön saiwaurupki ölipŋi hal enginöŋga Anutu Israel nengö Kembuninan mönö miangö töwaŋi gihima. Kuruknöj ginginŋan meröurupŋi kölközizip hal engimamjawi, miangö söp göhön Anutukö aumŋe malmamgöra muhu kanöŋ.”

¹³Mewö zöiga Rutnöj miewö melenök: “Ketaŋamni, ni göhö nup meme anbiurupki yengö söp qahöpnöj, göhön tondup ölipŋi hal niŋgizan. Göhön keu nuŋgunöŋga seleni pösatza.” Mewö melenök.

¹⁴Numbu nene nalöŋan kaiga Boaznöj Rutköra miewö zöyök: “Ölip muhu kamba bered muŋgu memba kasaknöj kundumgöwa neman.” Mewö haliga nup anbazip yenguk tariga Boaznöj bali ohomqitiŋi mihi waŋgiyök. Mihi waŋgiiga neiga tomeŋi juliga nene tosatŋi mosota tarök. ¹⁵Tata wahöta anda toroqemba

bali ipŋi qendaŋniga Boaznöj nup aiwiurupŋi miewö zöm qitim engiyök: “Yaŋgön bali ipŋi mihi böran miengö sutjine miangöreŋ mewöyök qendaŋda tokoma ewö, iŋini mönö keu töhöreŋ de zöm waŋgime. ¹⁶Mewö qahöpnöj, bali ipŋi tosatŋi mihi böraŋŋineyök mewöyök höröwa halget heriga kamba nanŋaŋgöra mem tokoma. Iŋini i de zöm waŋgime.”

¹⁷Mewö zöm qitim engiiga Rutnöj bali ipŋi qendaŋda tokoi öŋgöiga hölŋi hala kamböŋi mendeŋ etkimamgö sapak kerinŋaguknöj humba qöröreŋgöwa gösiiga hölŋi gösö karömbötkö söp (36 lita) haliga köhöm siŋsiŋgöwa kayök. ¹⁸Mewö haliga bali hölŋi mihi memba taonöj lilingöwa kamba dawik qendaŋda malöhi, mihi iranŋi kundel waŋgiyök. Miangö andöŋe nene söpŋe memba tosatŋi mosoröhi, mihi mewöyök ujeta waŋgiyök.

¹⁹Mihi waŋgiiga miewö qesim waŋgiyök: “Gi erap denike anda bali qendaŋda memba malzan? Dahö nup uruŋe nup memba malzan? Aiwi galim köl gihizawi, Anutunöj mönö i kötuatköm waŋgima.” Mewö zöiga dahö nupnöj nup memba malöhi, yaŋgö sundutji Naomiköra zömba miewö zöyök: “Ni erap aiwi kunguk nup memba malzali, yaŋgö qetŋi mihi Boaz.”

²⁰^wMewö zöiga Naomikö elemŋi heriga miewö zöi mörök: “Kembunöj mönö Boaz kötuatköm waŋgima. Kembunöj hal komum nengimamgö keu jöhöyöhi, miangö söp mönö pöndaŋ apmeröurupnan komugeri hala nini erap muhu malzini, nengöra halkomukomuŋi qahö jöhöwa malza.” Toroqemba keu miewö zöyök: “Aiwi mihi nanini tinitosolomnina hala isikninangö sohöpŋi meme aiwia.

Miangöra yangön mönö ölip galim köl nengima.”

²¹Mewö zöi möta Moab anbi Rutnön miewö zöyök: “Keu kun toroqeba miewö zöi mötzal: ‘Gi mönö nönögö nup meme anbazip yenguk nömtik malnönnga nönögöreñ bali patpat mihi kohol teköme.”

²²Mewö zöiga Naominön miewö zöyök: “O bōratni, mihi ölip. Gi tosatji yengö nup köriñine anönnga silik kirekji hal gihiwekuk. Miangöra gi ölip Boazkö nup meme anbi yenguk anda nup memba malman.” ²³Mewö zöiga Rutnön Boazkö nup meme anbi yengö kösutjine nömtik mala hölñi qendañda tokowa maliga bali hala wit mietkö koholkohol nalōñiran teköyök. Teköiga toroqemba iranji Naomiguk malöwöt. Mewö.

Rut hala Boaz yetkōn bali nupnön aitongöyöwöt.

3 Nalö tosatji teköiga Naominön iranji Rutkö miewö zöyök: “O bōratni, ni ölip aiwi kun batökōwa miwikñaiwiga galim köl gihiiga yanguk sösongai qakñe köhömgī nangöhök tatman. ²Gi nup meme anbi yenguk mösōlatiwa malnōñi, yengö galimñini Boaznön mönö nanini tinitosolomnina halza. Mötnön, yangön erap sungem baliqeqe sombemnön gewa bali hölñi hala kambōñi mendeñ etkimangöra sapak kerinanguknön humba qōrōrengōwa kewötma.

³Miangöra gi mönö dölmuhu ou ariwa selegi kelök umköhöwakñanguknön miriwa opo sirigi löngōta baliqeqe sombemnön geman. Emu gemanön, mutuk tikep malnönnga numbu nenenji hala ougisipñi nem dariga miangö andōñe ölip yangö jeñe hikñainönnga geikma. ⁴Gawōngö möta heta denike höl köla ahōmawi, mönö miñgi

ekta miangöreñ anman. Kölközizip gihimapkōra qesimani, miangö kaisōpsōpñi mönö miewö halman: Gi yangö qōhōrōñe anda könaje görōken esu kitipñi menön wahōriga gewa ahōman. Mewö ahōnönnga miwikñaim gihiwa denöwö halmani, mihi gezōiga mötman.”

⁵Iranñan mewö zöiga Rutnön miewö meleñnök: “Keu patpat zōzani, nönögön mihi ölip hal datmam.”

⁶Mewö meleñda baliqeqe sombemnön gewa iranñan zōm qitim wangiyōhangö söwök miewö hal teköyök: ⁷Boaznön sungem numbu nenenji hala ougisipñi nem dari kip selenji mem kolihhiiga wahōta bali kirip kungö görāñe gewa gawōn ahöyök. Miangöreñ ahōiga Rutnön ölöñ zañ qemba anda könaje görōken esu kitipñi mei wahōriga miangöreñ gewa ahöyök. ⁸Ahōiga sungem hömbiwiñe iwai kungöra outupñe tiiga imbiñi möta eleñda anbi kun könaje ahöyōhi, mihi miwikñaiwa ekta hauruyök.

⁹Hauruwa qesim wangiyök: “Gi dahön?” Qesim wanggiiga miewö meleñnök: “O ketanjamni, ni Rut, göhö welenqeqe anbia. Göhön nangi isikanğö sohopñi meme aiwia halzan. Miangöra Juda engö ambamemeñini wuatangōwa ni ölip galim köl niñgiwa esugan turum niñgiman.”

¹⁰Mewö meleñniga miewö zöyök: “O bōratni, Kembunön mönö kötuetköm gi-hima. Gi ölip aiwi wanapñi me pomñi sukinapñinanguk yengö andōñine anbanaknön, mewö qahö halzan. Gi walahok isikurupni ölip nangöm enñgiwa malnōña erap mihi onğita silik ölip sorokñi halzan. ¹¹O bōratni, gi mönö torok de hala böñjōñ malman. Gi anbi ölip sorokñi halzani, miñgi taongö anbazip körekñan ölip mötze. Miangöra gi ikö me waikö qesim niñgimani, nönögön mihi

ölip hal teköm gihimam. ¹² Ni göhö tinitosolomgi hala galim köl gihimangö söp halzal. Keu miŋgi hölhapnön, aiwi kunön nöngö isiknangö sohopni meme aiwi bohonni halza. Nöngön yangö qerembeni miyök malzal. ¹³ Mewököra ölip sun gem muhu muewö ahöman. Sohop meme aiwi bohonnan uran bohongi memamgö zömbawak ewö, mihi ölipnön, bohongi memamgö qahö mötma ewö, nöngön ölip bohongi memam. Keu mihi jöhöwa Kembukö qetnje jöjöpaŋ keunön zöm köhöizal. Mianğöra ölip bönjön ahönönğa sönan halma.”

¹⁴ Boaznön mewö zömba anbi kunön baliqece sombemnön yangörej heröhi, kunjan mihi mötpakuköra mörök. Mianğöra Rutnön Boazkö könaje heta ahöyöknön, waŋgeraŋ suluiga nalö mianğöreŋok kunjan i qahö ek qitiiga ölöŋ anmapköra wahörök. ¹⁵ Wahöriga Boaznön muewö zöyök: “Mönö malukugi selegeyök meköwa merereŋgöwa memba kinön.” Mewö zöiga meköwa memba kiniga bali kötŋi 25 kilogramgö söp kewöta mokoi geyök. Geiga memba köbibihwa Rutkö hawötŋe haliga haŋguwa lilingöwa taonön anök.

¹⁶ Rutnön mewö taonön anda iranğangöreŋ aŋgoriga muewö qesiyök: “O böratni, denöwö mala kazan?” Mewö qesiiga Boaznön yangö iwai patpat halöhi, mianğö sundutŋi zöi mörök.

¹⁷ Möriğa muewö toroqemba zöyök: “Gi irangangöreŋ biribörak de anman, zömba bali muŋgu niŋgiza.”

¹⁸ Mewö zöiga Naominön muewö zöyök: “O böratni, aiwi mianjön erap in luhut qahö memapnön, keugi galim köla maliga mihi mindiŋgöget teköiga mianğö andöŋe ölip tata luhut mema. Mianğöra gi mönö ösön mamböta tata

keugi denöwö zögetka hikjaimawi, mihi mötman.” Mewö.

Boaznön Rut anömğa meyök.

4 Boaznön taongö kiripo naŋguŋe anda qenjarök sombemnön heta tarök. Tariga isiknangö sohop meme aiwiköra keu zöyöhi, yangön kamba oŋgitmamgö haliga yangöra muewö qerök: “O alani, gi ölip muhu kamba heta tatman.” Mewö qeriga kamba mianğöreŋ heta tarök. ² Tariga Boaznön taonöhok jötŋe meme aiwi 10 engömiiga kagetka tatmeköra zöiga mohotŋe heta tatket.

³ Tatketka Boaznön isiknangö sohop meme aiwiköra muewö zöyök: “Nalö muewöŋe Naominön Moab kantri mosota lilingöwa kayöhi, yangön datnini Elimeleköreŋ balön kitipni mihi bohonni memeköra halza. ⁴ Mianğöra nöngön muewö römöngözal: Göhön keu mihi mötmangöra göhöra zözal. Göhön isiknirangö sohop meme aiwia halnöŋga nöngön göhö qerembeni halzal. Sohop meme aiwi mörötŋi kun qahö malja. Mianğöra göhön mihi bohonni mangöra kuŋgum gihizal. Göhön miŋgi bohonni memamgö sihimni mötman ewö, mihi ölip bohonni memanön, mihi tököman ewö, ölip mihi mewöyök zönönğa mötmam. Mihi ölip aiwi muhu tatzei, yeŋgö jeŋine zöman. Mihi könagesö kiripnangö jötŋe meme muŋgu yeŋgö jeŋine zöman.” Boaznön mewö zöiga aiwi alajan muewö zöyök: “Nöngön mihi ölip bohonni memam.”

⁵ Mewö zöiga Boaznön zöyök: “Göhön Naomiköreŋ balön körinŋi miŋgi söŋgöroni memani, nalö mianğöreŋ mönö Moab anbi Rut, aiwi komuyöhaŋgö malöŋi miŋgi mohok bohonni meman. Mewö hala aiwi komuyöhaŋgö qetŋan mönö birisamot

balöŋ miangöreŋ ahömapköra mihi galim köla malman.”

⁶Mewö zöiga sohop meme aiwi bohonŋan muewö meleşnök: “Mewö haliga nöŋgön mihi bohonŋi memangö osizal. Rutnöŋ nani nahönböratni yenguk mohotje birisamotni mendengetka mohot mohot yengön balöŋ kitipŋi merömerö miyök buŋa qem aŋguwekuk. Nöŋgön mewö halmangö osizal. Miangöra göhön ölip mihi söŋgöroŋi menöŋga nangi buŋaya halma.” Mewö meleşnök.

⁷Walahok Israel uruŋe kunŋan balöŋ iwai bohonŋi meiga buŋaŋi haliga miangö keuŋan köhöimapköra yengön silik muewö hala malget: Keu zöm teköwa jöjöhö halget teköiga yetköreŋök kunöŋ köna esuŋi qeköwa alaŋi waŋgizapma. Israel yengön iwai bohonŋi memekö keuŋan teköyöhi, mihi silik mewö miangön kundelzema.

⁸Miangöra aiwi miangön Boazköra muewö zöyök: “Göhön mihi ölip söŋgöroŋi menöŋga buŋagi halma.” Mewö zömba köna esuŋi qeköwa Boaz waŋgiyök. ⁹Mihi waŋgiiga Boaznöŋ jötje meme aiwi hala könagösö patpat yengöra muewö engezöyök: “Nöŋgön Elimelek, Kilion hala Malon yengöreŋ iwai patpat miŋgi Naomiköreŋök söŋgöroŋi mezal. Inini mihi erap jeqawa suluwa ölip naŋgöwa zömeangö söp halze. ¹⁰Nöŋgön Moab ambi Rut, Malongöreŋ malöya i mewöŋanök bohonŋi membi nöŋgö anömma halma. Mewö hala aiwi komuyöhaŋgö qetŋan birisamot balöŋ miangöreŋ ahömapköra mihi galim köla malmam. Qetŋan mewö qahö ayapkömapnöŋ, gulinarökurupŋan Elimelekö qetŋi ölum enguwakököra mihi ölip taon ofiskö buknoŋ ahöm öŋgöma. Inini mihi erap jeqawa suluwa ölip naŋgöwa zömeangö söp halze.”

¹¹aBoaznöŋ mewö zöiga jötje meme aiwi hala könagesö taongö kiripo naŋguŋe sombemnöŋ tatkeri, yengön körek muewö zöget: “Nini mihi jeqawa suluwa naŋgöwin. Kembunöŋ ölip anömgö göhö köhömgö kamawi, i kötuetköm waŋgiiga yaŋgön Reizöl hala Lea yetkö söp halma. Yetköŋ Jeikobkö nahönböratuŋi kombunji engömeyöwötka Israel könagesöninan hikŋaiyök. Göhön ölip Efrata balöŋnöŋ jötje meme aiwi pomŋi hala Betlehem taonöŋ qetbuŋaŋaguk malman. ¹²bKembunöŋ ambi malö ramikŋi miangöreŋök gulinarök gihimawi, göhöreŋ könagesö yengön mönö Juda hala Tamar yetkö nahönŋiri Perez yaŋgö saiwakö söp hala malme.” Mewö.

Boazkö gulinarökurupŋi yengö qet areŋ

¹³Mewö hala Boaznöŋ Rut waŋgita köhömgö anda anömgö meiga Kembunöŋ kötuetköm waŋgiiga köri hala nahönŋa meyök. ¹⁴Nahönŋa meiga ambi yengön Naomiköra muewö zöget: “Nini Kembu möpöseizin. Yaŋgön erap isikaŋgö sohop meme aiwia gihizawa yaŋgön ölip galim köl gihiwa malma. Merö miangön mönö Israel uruŋe qetbuŋaŋaguk halma.

¹⁵Göhö irangan jöpaköm gihimamja. Göhö nahönurupki 7 malweak ewö, yaŋgön mönö i patpat engoŋgita bauköm gihiwa malök. Yaŋgön erap isiga gihiiga yaŋgön mönö malmalgi kölöŋaiwa uruöliwam qem gihiwa malma. Könaŋgep ambi namönŋi halnöŋga yaŋgön ölip galim köl gihiiga malman.” ¹⁶Mewö zögetka Naominöŋ merö mihi memba dohongöwa galim köl waŋgiwa malök.

¹⁷Anbi kösutje malgeri, yengön muewö zöget: “Naomiköreŋök isi

nahönna hikjaiza.” Mewö zömba qetji Obed qetket. Obedkö nahönni Jesi, isiñi kiñ Deiwid.

¹⁸Qet areñ muhu mei Perezköreñök könahiwa kindä Deiwidköreñ öngöza: Perezkö nahönni Hezron, ¹⁹Hezrongö

nahönni Ram. Ramgö nahönni Aminadab. ²⁰Aminadabkö nahönni Nason. Nasongö nahönni Salmon. ²¹Salmongö nahönni Boaz. Boazkö nahönni Obed. ²²Obedkö nahönni Jesi. Jesikö nahönni kiñ Deiwid. Mewö.

Jona

Jonagörej kezapqetok keu

Jim-asa-asahi

Buk kianjon kezapqetok keu murutnji akzap. Mi Jonagörap denöwe asuhuyöhi, miangöt kösohotnji akzap. Anutunöj keu kewö jim kutum wanjiyök: Gi mönö Asiria kantrigöt siti bohonji qetnji Niniwe miangörej anda urukungukungu nup meman. Asiria yejon kahasililijini ketaunji ahöiga Israel yejon kerök miengörap kömumbepukörap kenjötnjini möta malget. Anutunöj Jona mewö jim kutum wanjiyökmö, yanjon mi esapköba qetala Anutugöt koleknöj miangörej anmamgöt tököyök. Mi kewögörap tököyök: Anutunöj siti mi ayuhumamgöt galöm meme keu jiyökmö, yanjon miangöt dop ölja aknapkö qahöp möt köhöiyök.

Jonanöj tököba qetaliga lömböt öngöngöni qakje öngögetka miangöt andöje nanji imbi-imbinji memba et ala tem köla anök. Anda urukungukungu nup meiga Niniwe sehisehiji yejon urujini ölja melenget. Miangörap Anutugöt urujan amöriiga qahöp ayuhum engiyök. Miangörap Jonagöt urujan böliba kömbuhiba nanjak kömumamgöt mörök. Kiñ kunöj yambu 782-753 bifo Kraist galömñina maliga Jonanöj nalö miangörej nupni meyök. Mirinji Gat Hefer mi Nazaret kösutje, 5 kilomita anangö dop. Niniwe mi köröwen, 500-600 kilomita anangö dop.

Konañgep Israel yejon nanjinak kezapqetok ambazip yengörej keu möta kude tem kölgetka Anutunöj jiiga Asiria yejon kaba enguba enguangötketka mewö nanjini kinkinjini mi mosötket.

Buk kianjon Anutugöt könani yahöt kewö kondelja: Körek nejon Anutugöt jitsihitnji törörök tem kölbinangöt dop akzin. Mewö qahöp akzin ewö, lömbötnöj mönö ölja qaknine öngömap. Könani bohonji kun mi ak-kömukömu aka urujöpak. Yanjon nanji kerök kambunji Asiria yengöt siñgisöndokjni mewöyök mosöta ayuayuhunöhök meköm engimapköt kapañ kölakzap. Likepni bölöni qaknine öngöbapaköt möt köhöiba urunini melenjbingöt kuñgum nengimakzap.

Buk kiangöt bahöni bohonji 4 mi kewö:

1) Anutunöj Jona oholiga yangisen ahök. 1.1-17

2) Jonanöj urunji melenja söranöhök lolohoyök. 2.1-10

3) Jonanöj Niniwe könagesö urujini kuñguyök. 3.1-10

4) Urujini melengetka Anutunöj ak kömum engiyök. 4.1-11

Jonanöj Kembu qetala mömölaköyök.

1 ^cIsrael miangörej Kembugörej keu mi Amitaigöt nahönnji Jona yangörej kewö asuhuyök: ²“Asiria kantrigöt siti ketaunji Niniwe mi wehön kotkotje ahöza. Yejon bau jegömöl aka bölöñamñini memba malakze. Miangöt keu mi nöngöt jemesoholne öngöiga mötzal. Miangörap göñon möp wahöta eu anda nöngöt buja keuni jiba mianjon urujini kuñguman.”

³Mewö jiyökmö, Jonanöj möp Kembugöt jemesoholneyök ölöñ köla wehön gegeje göröken anmamgörap wahörök. Wahöta miri qetnji Jopa (Jaffa) miangörej geba wanje kun miwikñaiiba “Ölöp yembuk Tarsis mire Spein kantrinöj anmam,” jiba köna söngöröñji memba wanjenöj

öngöyök. Mewö öngöba Kembugöt jemesoholneyök mömölaköba anök.

⁴Mewö anökmö, Kembunöy möp luhut köhöikñi melaii köwetnöy anda qeiga siridimbom ketaunji asuhuiga wanjenöy miangörap jömgömamgöt ahök. ⁵Mewö aiga wanje börö azi yejön keñgötñini möta nanñini bemurupñinangöt dop nanñök nanñök köuluköm engiget. Mewö aka wanjenöy amgömapköröp miangöt inap yuainji mi körek gilgetka köwetnöy gem teköyökmö, Jonanöy wanje dutñangöt uruñe geba miangöreñ öl köla gaun lömbötñi ahöyök.

⁶Miangöreñ ahöiga wanje galömñan yangöreñ kaba kewö jiyök: “Gi möp wuanöngörap ki gaun ahözane? Möp wahöta nangi bemgi qeta köulukönönga yañön mötmörim neñgiiga kude ayuhubinak.” Mewö jiyök.

⁷Mewö jiiga sutñine kewö jiget: “Ayop möp kaget! Nini möp unju qeba azi dagöt singisöndoköröp ayuayuhu ki nengöt qaknine öngözawi, miangöt könani mewö miwikñainbin.” Mewö jiba unju qegetka Jonanöy asuhuyök. ⁸Asuhuiga jiget kaiga kewö qesim wangiget: “Ayuayuhu ki mi dagöt singisöndoköröp aka nengöt qaknine öngözawi, gi möp miangöt könani jinönga mörin. Gi wanat nuwa memakzan? Gi waniñeyök kazañ? Göhöreñ kantri mi waniñe aiga göhöreñ könagesöurupki mi waniñe malje?”

⁹Mewö qesim wangigetka kewö meleñnök: “Ni Israelgöt Hibru azia akzal. Ni Kembu, Suepkö Anutuñi waikñi memba möpöseimakzal. Yañön köwet aka gölme öröññi miwikñaim etkiyök. ¹⁰Yañön börö osikosibuk niñgiiga nöñön mi tököba Kembugöt jemesoholneyök ölöñ köla kazal.”

Mewö meleñniga azi yejön mi möt yaköba gwötpuk awöwöliba kewö jiba jim wangiget: “Yei! Gi möp wuanöngörap mewö akzane?” ¹¹Köwet mi toroqeba bölim köhöiba ahöyök. Miangörap yejön kewö qesim wangiget: “Nini möp denöwewö ak gihiinga köwetnöy giñ qebawak?”

¹²Mewö qesim wangigetka yengörap kewö meleñnök: “Siridimbom ketaunji kianön möp nöngörap aka engöt qakñine öngöba qezawi, nöñön mi ölöp mötzal. Miangörap injini möp nömimba köwetnöy gilgetka gemam. Gilget gebiga köwetnöy ölöp giñ qemap. Mewö jizal.”

¹³Mewö jiiga börö azi yejön töndup wanje kunbuk gölme oronñe aḡgotmapköröp lökuatnöy nanğöbingöt qeba qegetmö, köwetnöy bölim teköyöhangörap aka mi osiget. ¹⁴Osiba Israelgöt Kembuñi yangöt qeta köuluköba kewö jiget: “O Kembu, gi nangak keu jitkahöt dop mi wuatangöba yuai ki akzan. Mewögörap Kembu, azi kianön kömumapköröp aiga miangörap nini kude ayuhum nengiman. Sepñangöt keunji mi nengöt qaknine kude alnönga öngömap. Keu mi öljap.”

¹⁵Mewö köuluköba anda Jona memba gilgetka köwetnöy geyök. Geiga köwetkö kukñan ösumok bököiga giñ qeyök. ¹⁶Giñ qeiga azi yejön Kembugörap euam awöwöliba naluk ketaunji ala Kembu jöwöwöl ohom wangiba keunji kewö jöhöget: “Nini möp Kembugöt keunji tem köla kude qetalbin.”

¹⁷^dJonanöy köwetnöy geiga Kembunöy söra ketaunji kun melaiiga anda Jona gwahörök. Gwahöriga söra miangöt uruñe suñgem silim karöbut ahöba malök. Mewö.

Jonanöj gajugaju kömgokje ahöba köuluköyök.

2 Jonanöj söra uruñe ahöba Kembu Anutuñi köuluköm wañgiba kewö jiyök: ²“Nöñön wahöjalinñ uruñe Kembu köuluköm gihibiga göñön ölop keuni mötzan.

Ni uñem senjom kömgokje ahöba uler-alga göñön ölop uletni mötzan.

³Göñön köwet röndum ketauñe tö-tal niñginöñga gezal.

Göñön köwet söñsöñaauñgöt dutñe tu-apkönöñ eralga göulu ketauñan esuhum niñgizap.

Göhöreñ qöñqöl-söutsöut pakpak mi musulungöm niñgizap.

Göhöreñ siri pakpak mi qeba turuba nem ulahöm niñgizap. ⁴Mia möta kewö mötmörizal: Göñön ni göhöt jemesoholgeyök közöl niñginöñga maljal. Mi töndup nöñön möp kunbuk göhöreñ jöwöwöl jike kömbukñe göröken jenan ubi anma. Mi kunbuk kude ekileñahak kun. ⁵O aka omanjaret mi nöñgöt qakne öñgöba turum niñgim teközap.

Röndumnöhök möp liliköm niñgim teközap.

Köwetköt kumburereñi miañön möp nööröp jupni köpeiba esuhuzap. ⁶Ni kundunñgöt röndañ könañgöt dop yuhuyangöreñ eral. Röndañgöt botñi miañön möp nöñgöt qakne jöhöm qözöñda jöhöm qözöñ köhöizap.

Yuhu maljalmö, o Kembu Anutuni, göñön möp neka röndañ dutñeyök kunbuk öröm niñginöñga malmalnöñ kotmam. ⁷Nöñgöt malmalnan qahöwakñamgöt aiga nöñön nalö miangöreñ Kembu, gi mötmörim gihibiga köuluknan öñgöba göhöt Sup jike

kömbukñe euyangöreñ öñgöba göhöreñ añgotmap. ⁸Ambazip kopa-bemlopionñ omañi göda qem engimakzei, yeñön mewö aka kalem möriam Toñi gi andö guhumakze. ⁹Andö mewö guhumakzemö, nöñön möp möpömöpösei löñjet omsa köla naluk ala jöwöwöl ohom gihimamgöt mötzal.

Nöñön yuaigöt keuñi jim jöhözali, mi-añgöt dop möp ak sorokömakñam.

O Kembu, gi mohotnöñ nöñgöt malmalnñgöt bohoni jöhömamgöt köhöizan. Keu mi öñap.”

¹⁰Mewö köuluköm teköiga Kembunöñ möp söra mi jim kutum wañgiiga kaba kota Jona loñniga gölme oronñe erök. Mewö.

Jonanöj Anutugöt nup mi Niniwe uruñe meyök.

3 Gölme oronñe eriga Kembugöreñ keu ki mi kunbuk Jonagöreñ asuhuyök: ²“Göñön möp wahöta siti ketauñi Niniwe miangöreñ anda buña keu gihimami, mi jiba uruñini kuñguman.” ³Keu mewö asuhuiga Jonanöj wahöta Kembugöt keu jit tem köla Niniwe anök. Niniwegöt dopñi mi kewö: Gi görañeyök könahiba anda malnöñga wehön karöbut teköiga likepñe endu añgotman. ⁴Jonanöj könahiba siti uruñe anda maliga wehön mohot teköiga buña keu qeta kewö jiyök:

“Wehön 40 kun ahözap. Mi teköiga Niniwe siti kianañön möp meleñni gemap.”

⁵Keu mewö qeta jiiga Niniwe kö-nagesö yeñön Anutugöreñ keu möt nariba uruñini meleñda nene siñgi malbingöt nalö ala jim köhöiget. Mi jim köhöiba ambazip ketauñi moröñi yeñön lökñanök imbi meleñgöt samot meget sileñine öñgöiga kau ariget.

⁶Mewö aketka miangöt buzup keunji mi Niniwegöt kiñ (praim minista) yangöreñ aņgorök. Aņgoriga möta jakömbuak dum tatatņeyök eta malukuñi köteköba samot memba at-turuba kau utuba ariba tarök. ⁷Tata jim kutukutu kewö aliga Niniwe siti dop köl teköba anök: “Iñini möp kiñ aka jembonurupñi yengöreñ jim kutukutu ki mötme: Kunñan kun möp nene kuluñ kude nemap. Ambazip me bau kuruk-lama bulmakau-iñini nene kuluñ kun nemegöt kude möt engime. ⁸Nene siñgi mewö mala samot mem teköba Anutu köhöikñanök sahöt köuluköm wañgiba nanñök nanñök könañamñini bölöñi aka ambazip ayuayuhu böröñini töwötput meget ahözawi, mi möp andö qem teköba mosötme.

⁹Mewö ahinga Anutugöt uruñan kunbuk eriga wösöñi möt neñgiba kukñangöt könöpñi qeraköba siñgisöndoknini mosötpawak. Mi mosöriğa kude ayuhubinak. Mewö jizin.”

¹⁰Mi möt asahiba könañamñini bölöñi andö qeba uruñini meļeņgetka Anutunöñ ahakmemenini mi eka wösöñi möt engiba mötmötñi liliñgöiğa siñgisöndokñinangöt likepñi meļeņ engimapkö ahöhi, mi mosörök. Uruñan mewö eriga kude mem bölim engiyök. Mewö.

Jonanöñ tembula irimñi seholidyök.

4 Mewö asuhuyökmö, Jonanöñ miangörap urubölö ketaunji möta irimñi seholidyök. ²Irimñi seholidiğa Kembu ulet wañgiba kewö jiyök: “Aek Kembu, gi ak-kömukömugöt bemñi mala ölop neñgehorimakzan. Göhöreñ kuki mi öñsöñ aiga kalem möriamgi mi önöñi qahöp ahöza. Mewö urugi zölañ amöröiğa wösögi möta könagesö kun mem bölöm engimangöt kude

mörakzan. Mia nane gölmenöñ mala lök möt yaköba jiali, mia ölum guhuza me qahöp? Könañi mewögörap aka nalö miangöreñ Tarsis anmam jiba ösumok mömölaköba anda malal. ³Merak malmalgöt tököba kömupköt möralga ölöwakzap. Miangörap Kembu, göñön möp malmalni döлки noañgötnöñ. Keu mi öļņap.”

⁴Mewö ulerökmö, Kembunöñ kewö meļeņ wañgiyök: “Jona, gi ak-kömukömugörap irimesewöl mötzani, mi dop kölļap me qahöp?”

⁵Mewö jiiga Jonanöñ siti mosöta eta wehön kotkotņe göröken anda köna töwokņe endu koum qeba miangöt aumņe tarök. Tata sitigörap mewö me mewö asuhumawi, mi ekñamgörap uba tarök.

⁶Mewö tarökmö, Kembu Anutunöñ Jona uruölöwak ak wañgimangörap jiiga ölünlun kun asuhuba köriğa kota Jonagöt nöropñi aum köl wañgiyök. Aum köl wañgiğa ölünlungörap uruölöwak ketaunji möta tarök. ⁷Tata suņgem kun ahöiğa miri gianjiğa miangöreñ Anutunöñ taröñ kun melaiiğa kaba ölünlun mi yöhöronğöiğa sinñi soholidyök. ⁸Wehönöñ koriga Anutunöñ jiiga luhut könöpñambuk kötokñi mi miri jeñi kotkotņeyök qeiğa wehön jeñan nöropņe qei qei uruñi öngöba duhuğa kömumangöt möt teköba köuluköba kewö jiyök: “Nöñön malmalgöt tököba kömupköt möralga ölöwakzap. Keu mi öļņa.”

⁹Mewö jiyökmö, Anutunöñ Jonagörap kewö jiyök: “Gi ölünlungörap irimñi seholidzawi, mi dop kölļap me qahöp?” Mewö jiiga kewö meļeņ wañgiyök: “Irimni seholidzawi, mi möp dop kölļawa. Nöñgöt irimesewölmi mi ketaunji aiga urunan kude amörimap. Miangörap ölop kömumam. Keu mi öļņap.”

¹⁰ Jonanöŋ mewö jiiga Kembunöŋ kewö jiyök: “Gi ölnölungöt böröŋi kun kude memba mi kunde galöm köl-nöŋga köriyök. Mi suŋgem mohotkö uruŋe asuhuyök aka suŋgem mohotkö uruŋe soholiba kömuyök. Töndup göŋön nangak yuai omaŋi mewöŋi miaŋgörap sahöta waimanjat mötzan.

¹¹ Mewö aiga nöŋön möp denöwögörap siti ketauŋi kiaŋgöt

könagesöŋi yeŋgörap waimanjat kude mötpileŋak? Miaŋgöt uruŋe morö namande 1 20.000 (handöt twenti tausen) jaŋgö mi oŋgöta maljei, mi ölöŋŋaŋgöt aka bölöŋŋaŋgöt könaŋiri kude möt kewöt etkimakzei aka bau kuruk yuai mi tok gwötpuk malje. Mi ambazip ketauŋi yembuk mohok mem bölim eŋgibileŋbukörap nöŋön möp sihimnan Niniwe eŋgehorizal.” Mewö.

Matyu

Ölöwak Buḡa Matyunöŋ ohoyök.

Jim-asa-asari

Matyu qet mianḡö könaŋi mi Kembugöreŋ kalem. Qetŋi alaŋi Liwai. Rom gawmangö takis meme azia malök. Nup mi memba maliga Jisösnöŋ kaba oholiga uruŋi melerjda gwarek 12 yeŋgö sutŋine malök.

Ölöwak Buḡa ki Jisösgö könaŋi nanŋe Juda könaḡesö yeŋgöra jim asarim eŋgimangöra aka ohoyök. Keu kötŋi bohonŋi kewö, “Jisös Kraistnöŋ Amötqeqe Tonini aka Kiŋnini akza.” Juda ambazip yeŋgöra keu mi qahö dop köli uruŋinan bölii qaköget. Mianḡöra Matyunöŋ Jisös nupŋaŋgö könaŋi mi aukŋe jim asariba törörök kusum eŋgiyök. Jöhöjöhö Walŋe amötqeqegö jöhöjöhö keu (promis) ahözawi, mi pakpak mönö Jisösgöra aka aukŋe ahum kuwuleiba öŋhambuk ahök. Amötqeqe Toŋi mi Hibru keunöŋ Mesaia aka Grik keunöŋ Kraist.

Jisösnöŋ urugö nup bahöŋi karöbut memba malök: Yaŋön Ölöwak Buḡa ambazip kusum eŋgiba uruŋini mianḡön kuŋguba kawölŋini mem ölöwaka malök. Mewö memba aniga aŋḡöletot asuhugetka mala maripom ipnöŋ öŋḡöba kömuiga löm kölgetka kunbuk wahörök. Mewö mianḡön Anutu bemtohoŋaŋgö könaŋi kondel neŋgiyök. Mewö aiga nini letota Anutugö nahönböraturuŋi akingö könaŋi asuhuyök. Jisösgö lesan bohonŋi 5 mi kewö: 1) Boŋ 5-7, 2) Boŋ 10, 3) Boŋ 13, 4) Boŋ 18 aka 5) Boŋ 24-25

Buk kianḡö bahöŋi bohonŋi 7 mi kewö:

Jisösgö ambösakonuruŋi aka ahuahuŋi 1.1–2.23

Jon O-melun azinöŋ urugö nup meyoök 3.1-12

Jisös o melun meiga Satanöŋ esapköyök 3.13–4.11

Jisösnöŋ Galili uruŋe qenjarök nup meyoök 4.12–18.35

Jisösnöŋ Galili mosöta Jerusalem anök 19.1–20.34

Sonda qöndökŋi Jerusalem mala kömuyök 21.1–27.66

Kömuŋpöhök wahöta mala Suepnöŋ öŋḡöyök 28.1-20

Jisös Kraistkö ambösakon yeŋgö qet areŋ

Luk 3.23-38

1 Jisös Kraistkö ambösakon yeŋgö qet areŋini kewö: Abrahamgö gwölönarökŋi kun Deiwid. Deiwidkö gwölönarökŋi kun Jisös.

²Abrahamgö nahönŋi Aisak. Aisakö nahönŋi Jeikob. Jeikobkö nahönuruŋi Juda aka yaŋgö darumunuruŋi.

³Judagö nahönyahötŋi Perez aka Zera, namŋiri Tamar. Perezgö nahönŋi Hezron. Hezrongö nahönŋi Ram.

⁴Ramgö nahönŋi Aminadab. Aminadabkö nahönŋi Nason. Nasongö nahönŋi Salmon.

⁵Salmongö nahönŋi Boaz, namŋi kantri kungö ambiŋi Rahab. Boazgö nahönŋi Obed, namŋi kantri kungö ambiŋi Rut.

Obedkö nahönŋi Jesi. ⁶Jesigö nahönŋi kiŋ Deiwid. Deiwidkö nahönŋi Solomon, namŋi mutuk Uriagö anömŋa malök.

Juda kiŋ pakpak mi Deiwidkö gwölönarökuruŋi aka malget.

⁷Solomongö nahönŋi Rehoboam. Rehoboamgö nahönŋi Abiya. Abiyagö nahönŋi Asa.

⁸Asagö nahönŋi Jehosafat. Jehosafatkö nahönŋi Jehoram. Jehoramgö nahönŋi Usia.

⁹Usiagö nahönŋi Jotam. Jotamgö nahönŋi Ahaz. Ahazgö nahönŋi Hezekia. ¹⁰Hezekiagö nahönŋi Manase. Manasegö nahönŋi Amon. Amongö

nahönñi Josia. ¹¹hJosiagö nahönurupñi Jekonia aka yaŋgö darumunurupñi. Nalö miangörej Babilon yeñön Israel könagesö enġuaŋgitketka Babilon anda kösö mire malmal ewö tandök welenqegeñina malget.

¹²Babilon kösö mire malmal ewö tandök mala miangörej Jekoniagö nahönñi Sealtiel asuhuyök. Sealtielgö nahönñi Jerubabel. ¹³Jerubabelgö nahönñi Abiud. Abiudkö nahönñi Eliakim. Eliakimgö nahönñi Azor. ¹⁴Azorgö nahönñi Jadok. Jadokö nahönñi Akim. Akimgö nahönñi Eliud. ¹⁵Eliudkö nahönñi Eleazar. Eleazargö nahönñi Matan. Matangö nahönñi Jeikob. ¹⁶Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqeqe Toñi qerakzin.

¹⁷Nalö Abrahamgöreñök könahiba mala kotketka Deiwid asuhuyöhi, isik miengö jaŋgö areñi mi 14. Kunbuk kiñ Deiwidköreñök könahiba mala kotketka Israel könagesö enġuaŋgitketka Babilon anda kösö mire malmal ewö tandök malgeri, isik miengö jaŋgö areñi mi mewöyök 14. Babilon kösö mire malmal ewö tandök malgeri, nalö miangörejök könahiba mala kotketka Kraist asuhuyöhi, isik miengö jaŋgö areñi mi mewöyök 14.

Jisös Kraist mi kewö asuhuyök:

Luk 2.1-7

¹⁸iJisös Kraist asuhuyöhangö kösohotñi kewö: Yaŋgö namñi Maria mi Josefbuk buñabuña mala mindimindiri qahö aka malohotka nalö miangörej Uña Töröñan mem letot waŋgiiga köröbuk mali könäñi mewö miwikñaiget. ¹⁹Mewö miwikñaigetka azi buñäñi Josef yañön malmal diñdiñi malöhangöra Mariagö könäñi aukñe

asuhui gamuñambuk akapuköra tököyök. Mewö tököba uruñan i ölöñ mosötmmangö mötmöt areñi alök.

²⁰Mewö mötmöriba ahöiga Kembugö garata kunñan gaunöñ asuhum waŋgiba kewö jiyök, “Josef Deiwidkö gwölö-narökñi, Uña Töröñan mönö Maria letot waŋgiiga köröñambuk malja. Mi-aŋgöra gi mönö i örönöñ mirige kaba anömgi akñapkö keŋgötki kude mötman. ²¹jMarianöñ mönö morö nahön mema. Azi miangöñ könagesöñi siŋgisöndokñineyök amöt qem enġiiga solanime. Miangöra göñön qetñi Jisös qetman.” Mewö jiyök.

²²Kembunöñ kezapqetok azi kun sölölohöiga keu kun jiyöhi, miangöñ öñambuk akñapköra yuai pakpak mi asuhuyök. Kezapqetok keu mi kewö, ²³k“Ambi seram jömukñi kunöñ gölöñambuk aka morö azia meiga qetñi Imanuel qetme.” Qet miangö könäñi kewö, “Anutunöñ nembuk malja.”

²⁴Josefnöñ imbiñi möta wahöta Kembugö garatanöñ jim kutum waŋgiyöhi, mönö miangö dop aka Maria anömñi akñapköra waŋgita miriñe anök. ²⁵lAnda malohotmö, nalö sutñe miangörej mohotñe qahö ahöyohot anda nahönñi meiga Josefnöñ qetñi Jisös qerök. Morö meiga miangö andöñe awanöm malohot. Mewö.

Mötkutukutu azi wehön kotkotñeyök kaget.

2 Jisösnöñ kiñ kembu Herodkö nalöñe Judia prowinsgö taon qetñi Betlehem asuhuyök. Asuhuyöhi, nalö miangörej sengelaugö mötmöt azi wehön kotkotñeyök Jerusalem sitinöñ kaget. ²Kaba kewö qesiget, “Juda enġoreñ kiñ kembu akñawi, morö mi asuhuba

^h1:11 2 Kiñ 24.14-15; 2 Hist 36.10; Jer 27.20 ⁱ1:18 Luk 1.27

^j1:21 Luk 1.31 ^k1:23 Ais 7.14 ^l1:25 Luk 2.21

denike ahöza? Nini wehön kotkotje mala yangörej undi asuhui eka könani mewö möta waiknji memba möpöseib-ingöra kazin.”

³Mewö qesigetka kiñ kembu Herod aka Jerusalem könagesö yambuk malgeri, yeñön körek pakpak keu mi möta auruget. ⁴Aurugetka kiñ Herodnön keu ala könagesögö jike nup galöm bohonji aka Kona keugö böhi pakpak köl öröm enjii kaget. Kaba tokogetka kewö qesim enjiiyök, “Amötqeqe Toñi Kraistnön mön denike asuhumapköra jigetka ahöza?”

⁵Qesim enjiiga kewö melej wangiget, “Yañön mönö Judia prowinsgö taon qetnji Betlehem miangörej asuhuma. Miangö keunji mi kezapqetok azi Maikanön kewö ohoi ahöza,

⁶^mO Betlehem könagesö Juda gölmenön maljei, enjö sutjineyök kembu ketani asuhuba nani Israel könagesö mindingöba köyan köl neñgima. Miangöra inini Juda gölmege jitjememe yeñö sutjine malgetka qetbuñaninan eretnji qahöpmahöp akza.”

⁷Mewö melej wangigetka mötkutukutu azi mi öljön engehoholi kagetka kewö qesim enjiiyök, “Undinji mönö wani nalönön asuhui könahiba eket?” Miangö könani törörök mötmangö möta mewö qesim enjiiyök. ⁸Miangö keunji möta melaiba kewö jim kutum enjiiyök, “Inini mönö Betlehem anda morö mi törörök qesiba miwikñaiba miangörejök buzup keu algetka nöngörej kama. Nöñön mi möta mewöñanök anda i waiknji memba möpöseim wangimam.”

⁹Kiñnön mewö munej jiba jim kutum enjiiga möta könanön anget. Anda undi wehön kotkotje mala ekeri, miangön nöropñine mutukmutuk ani mötötei-get Betlehem anda miri morö

nahön ahöyöhi, mönö miangörej kinök. ¹⁰Undi mi kini eka sösongai keta bölökñi aket. ¹¹Sösongai aka miri uruñe öngöba morö aka namñi Maria etkeket. I etkeka simin köla sipköba waiknji memba möpöseim wangiget. Möpöseim wangiba bayangösöñini qeañda miangörejök goul, jinij paura aka sanda qetnji mör mi uzeta kalem wangiget.

¹²Sungem kun ahöget-ka Anutunön gaun kondela kiñ Herodkörej kunbuk anbebukö qetal enjiiyök. Miangöra kona kungenök nanjini miri gölmeñine lilingöba anget. Mewö.

Herodköra asamböta Josef anöm-moröñi Ijpt anget.

¹³Mötkutukutu azi miñön angetka Josefñön gaun ehiga Kembugörej garata kunñan asuhum wangiba kewö jii mörök, “Herodnön morö qei kömumapkö jarum wangima. Miangöra mönö wahöta morö aka namñi etkuangita öljön köla Ijpt kantrinön anme. Miangörej anda malgetka bian nanak kamegö nalö jimami, miangörej mönö lilingöba kame.”

¹⁴Mewö jii möta wahöta sungem miangörejök morö nahön aka namñi etkuangita Ijpt anget. ¹⁵Ijpt anda malgetka kiñ Herodnön kömuiga nalö miangörejök lilingöba kaget. Mutuk Kembunön kezapqetok azi Hosea sölölohöiga keu kewö jii ahöza, “Nöñön nahöni oholbiga Ijpt gölme mosöta kayök.” Kezapqetok keu miangön mönö mewö asuhuiiga öljambuk ahök. Mewö.

Morö azi Betlehem gölmenön enjuget kömuget.

¹⁶Mötkutukutu azi miñön Juda gölme öljön mosöta angetka Herodnön miangö könani eka “Tilipköm

ningiget,” jiba irimɲi gwötpuk seholiiga jimkutukutu kewö alök, “Yarö azi, iɲini Betlehem aka gölme pakpak mi liliköba ahözawi, mönö miangöreɲ anda azi morö (yara) yambuɲini yahöt aka miangö bapɲe akzei, mi körek enguget kömume.” Mötikutukutu azi undi asuhuyöhangö nalögöra törörök qesim enɲiiga jiget möröhi, miangö dop morö azi yambuɲinaɲgöra jimkutukutu mi alök.

¹⁷ Kezapqetok azi Jeremaianöɲ keu kun jii ahözawi, miangön mönö mewö asuhiiga öljambuk ahök. Keu mi kewö, ¹⁸“Silat mi Betlehem kösutɲeyök miri qetɲi Rama miangöreɲök mötketka sahöt gigilahöze. Reizöl ambigö gwölönarökurup yeɲön moröurupɲini qahöwaketka urureɲ meze. Miangöra sahötketka urukölalep mem enɲibingö aketka urukondumök mörakze.” Mewö.

Ijpt mosöta Josef anöm-moröɲi Nazaret lilingöget.

¹⁹ Josefnöɲ Ijpt maliga kiɲ Herodnöɲ kömuiga miangöreɲök Kembugöreɲ garata kunɲan gaunöɲ asuhum waɲgiba ²⁰ kewö jiyök, “Morö qeget kömumapkö mönögeri, yeɲön lök kömuget. Miangöra mönö wahöta morö aka namɲi etkuangita lilingöba Israel gölmenöɲ anme.” ²¹ Mewö jiiga Josefnöɲ wahöta morö aka namɲi etkuangita lilingöba Israel gölmenöɲ anget.

²² Könanöɲ anda keu kewö mörök, “Herodkö nahönɲi Arkelausnöɲ iwiɲangö salupɲe Judia prowins galöm köla malja.” Mewö möta miangöreɲ anmamgö keɲgötɲi mörök. Möta mali Anutunöɲ gaunöɲ Galili prowinsnöɲ anmegö jim kutum waɲgiiga wahöta miangöreɲ anget. ²³ Galili prowinsnöɲ

aɲgota taon qetɲi Nazaret miangöreɲ malget. Mewö malgetka kezapqetok azi yeɲön Amötqeqe Tonangöra keu jigeri, miangön öljambuk ahök. Keu mi kewö, “Yaɲgö qetɲi mi Nazaret azi qeta malme.” Mewö.

Jon O-melun azinöɲ Jisösögö köna mesarök.

Mak 1.1-8; Luk 3.1-18; Jon 1.19-28

3 Yambu tosatɲi teköiga Jon O-melun azinöɲ kaba Judia prowinsgö gölme qararaɲkölkölɲe liliköba ambazip uruɲini Buɲa keunöɲ kuɲguba kewö jiba malök, ^{2q}“Suep Tonan bemtohoɲi almawangö nalöɲan lök kam kuɲguza. Miangöra mönö uruɲini melenɲa miangöreɲ aɲgotket.” ^{3r} Jongöra kezapqetok azi Aisaianöɲ keu kun kewö jiba ohoyök, “Kolek garata kunöɲ gölme qararaɲkölkölɲe qeta maliga anda jölɲi kewö mötme, ‘Kembunöɲ kamawo! Miangöra mönö jöjöröba könaɲi mesatket. Mönö uruɲini mindiɲgöba könaɲi köl diɲgiba qölöleiget.”

^{4s} Jongöreɲ maluku mi kamel juɲɲan memenɲi aiga kembaje örigit sömbup sileɲan memenɲi mi jöhöba malök. Neneɲamɲi mi gawöt jinam aka arökɲangö moroɲ onɲi. Mi pakpak kezapqetok azi Elaija (Elia) yaɲgö dowä. ⁵ Jonöɲ nupɲi meiga ambazip kambuleleme yeɲön Jerusalem siti aka Judia prowinsgö miri tosatɲi pakpak miengöreɲök yaɲgöreɲ öröba kaget. Mewöɲanök Jordan o likeplikep miri pakpak tat angeri, miengöreɲök kaget. ⁶ Kaba kaɲgota siɲgisöndokɲini jim miwikɲaigetka Jonöɲ i Jordan o töwatɲe o melun mem enɲiyök.

^{7t} Mem enɲiyökmö, Farisi (Köna keugö kapaɲkölköl) aka Sadyusi (Jike nupkö kapaɲkölköl) ambazip

^{92:18} Jer 31.15 ^{P2:23} Mak 1.24; Luk 2.39; Jon 1.45

^{93:2} Mat 4.17; Mak 1.15 ^{r3:3} Ais 40.3 ^{s3:4} 2 Kiɲ 1.8 ^{t3:7} Mat 12.34; 23.33

gwötpukñan o melun mem engimapköra kagetka engeka yeñgöra kewö jiyök, “O qatö moröñi, iñini uruñini qahö meleşgetka Anutugö irimñan seholiiga likepñi meleñ engimamgö akza. Mi ölöñ kölbängö goro keuñi mi mönö dañön jii möta sömbuñini möta ki kaze? ⁸ Mianggöra mönö öljänök uruñini meleñme. Bölöñamñineyök liliñgögetka öljñ asuhui mi mönö ahakmemeñinan aukñe kondela malme.

⁹“Uruñine möndömöndö keu kewö jibingö kude mötmörime, ‘Neñön mönö Abrahamgö gwölönarökña malinga Anutunöñ qahö ayuhum neñgima.’ Mewö jiba töptöpñine qemakzemö, öljñi mi qahö ahakze. Nöñön mianggöra kewö jibi mötket, Anutunöñ köt ki ölöp jim kutum eñgiiga letota Abrahamgö gwölönarökurupñi aka Anutu möpöseimakñemö, iñini denöwö?”

¹⁰“Uruñini qahö meleñme ewö, Anutunöñ mönö iñini ip ewö teñgöri etpingö akze. Ip pakpak kötñi ölöpñi qahö kuñgumakzei, mi mönö köli etket könöpnöñ gili geme. Ip mewöñi kölmamgö kesinñi lök jitñi sañe ala ip könañe ali jöjöröba ahöza. Anutunöñ mönö bölöñamñinanagö likepñi meleñ engima.

¹¹“Nöñön iñini uruñini meleñmeañgöra o töhöñöñ melun mem engizalmö, nöngö andöne azi kukösumñi köhöikñi kun kama. Yangö kukösumñi öngöñgöñan mönö nöngöreñ oñgitma. Yañön azi öngöñgöñi akñawanggöra nöñön yangö köna esuñi bauköba gösönöñ löñgöta teñgömamgö qötötangömam. Yañön mönö Uña Töröñi uruñine ali könöp bölamñan köñönjorat eñgiiga mewö miangñön melun mem engima.

¹²“Yañön öljñi aka kamböñi mendeñ etkimamgö sapakñi memba kañgota

uba qöröreñgöba kewötma. Kewöta wit kötñi tokoba köweñe almampö, kamböñi aka gwaugulapñi mi mönö usuñniga könöpnöñ geba teteköñi qahö jema.” Mewö.

Jonöñ Jisös o melun mem wañgiyök.

Mak 1.9-11; Luk 3.21-22

¹³Nalö mianggöreñ Jisösñöñ Galili prowins mosöta Jordan o töwatñe Jongöreñ kaba o melun mem wañgimapköra qesiyök. ¹⁴Qesiyökmö, Jonöñ qetal wañgiba kewö jiyök, “Göñön ölöp ni o melun mem niñgibanakmö, göñön siñgisöndök qahö aka mönö denöwögöra nöngöreñ kazan?”

¹⁵Mewö jiiga Jisösñöñ kewö meleñnök, “Nalö kewöñe mi ölöp akñan. Mewö akziga miangñön Anutunöñ ahakmeme diñdiñi wuatangöbingö keu jiyöhi, miangö öljñi asuhuiga dop köлма.” Mewö jiiga Jonöñ möri dop köliga urumohot ahök.

¹⁶Urumohot aka o melun mem wañgii teköiga mianggöreñök onöhök koriga kewö asuhuyök: Suepnöñ añañiiga Jisösñöñ uba ehiga Anutugö Uña Töröñan meleñda kembö nei ewö aka Jisösgö qakñe eta meyök. ¹⁷“Eta meiga Suepnöhök qet kun kewö asuhuyök, “Yañön mönö nani wölböt nahöna aiga köröni ölöwahiga eknahöm ak wañgizal.” Mewö.

Satanöñ Jisös esapköba malök.

Mak 1.12-13; Luk 4.1-13

4^xMiangö andöñe Uña Töröñan Jisös kuñgum wañgiiga gölme qararañkölkölñe Bölöñangö Toñan esapköm wañgimapköra aka anök. ²Mianggöreñ anda suñgem asak 40 Anutugöra nene siñgi mala nenegö

kömuyök. ³Nenegö kömuiga öme bohonjini qetji esapesap Toñi yañon asuhuba kewö jiyök, “Gi Anutu Nahönña akzan ewö, mi mönö kondela köt ki jim kutunönga letota beret aketka neman.”

⁴Mewö jiyökmö, Jisösnöñ keu kewö meleñnök, “Qahö! Buña Kimbinöñ keu kun kewö ohoget ahöza, ‘Nenenöhök ambazip malmal qahö neñgimakzadmö, Anutugö jitjeyök keu kamakzawi, mi pakpak tem kölinga mianñon mönö gumohom neñgiiga köhöiba maljin’.”

⁵Mewö jiiga Bölönangö Toñan Jisös wañgita Jerusalem siti töröñe anda jöwöwöl jikegö boñe euyangöreñ öngöba ali kinök. ⁶Mewö kiniga kewö jii mörök, “Gi Anutugö Nahönña akzan ewö, mönö kiangöreñök luhuba emu geman. Buña Kimbinöñ keu kun kewö ohoget ahöza, ‘Anutunöñ göhöra aka garataurupñi jim kutum eñgiiga ölop kököbihigetka geba kötnöñ könage qahö guhum qizit aqña.’

Miangöra geba kude ayuhuman.”

⁷Mewö jiiga kewö meleñnök, “Qahö! Buña Kimbinöñ keu kun mewöyök kewö ahöza, ‘Gi mönö Kembugi Anutu kude esapköm wañgiman.’”

⁸Mewö jiiga Bölönangö Toñan kunbuk wañgita kundunji köröp tiñtini kunöñ öngöba gölme pakpak yengö kantri tohoñi tohoñi aka miengö inap yuaiñini aködamunñinambuk pakpak kondel wañgiyök. ⁹Kondel wañgiba kewö jiyök, “Göñon simin köl niñgiba waikni memba möpöseim niñgiman ewö, nöñon öroyuai pakpak ki mönö tököm gihibi buña qem anguba galöm köl eñgiman.”

¹⁰Mewö jiiga Jisösnöñ kewö jii mörök, “Qahö! Satan gi mönö kesalnöñ. Buña Kimbinöñ keu kun kewö ohoget ahöza, ‘Gi mönö Kembugi Anutu, ia mohot simin köl wañgiba waikñi memba möpöseiman’.”

¹¹Mewö jiiga Bölönangö Toñan miangöreñök Jisös mosöta kesalök. Mewö aiga garata yeyñon kaba Jisös bauköm wañgiget. Mewö.

Jisösnöñ könahiba Galili uruñe urugö nup meyök.

Mak 1.14-15; Luk 4.14-15

¹²Miangö andöñe Jon O-melun azi kösö mire ⁸alget tari Jisösnöñ mi möta Judia prowins mosöta Galili anök. ¹³Anda prowins miangöreñ miriñi Nazaret mosöta Kaperneam anda malök. Kaperneam siti mi Zebulun aka Naftali gölmenöñ Galili o angö qöhöröñe ahöza. ¹⁴Miangöreñ mala nupñi meiga Anutunöñ keu kun kezapqetok azi Aisaia sölölohöiga jiyöhi, mianñon öñambuk ahök. Keu mi kewö,

¹⁵“Ambazip Zebulun gölmenöñ aka Naftali gölmenöñ Jordan likepñe malgetka sutñine köna namñi köwetnöñ göröken anda kinjawi aka Juda qahöpmö, kambu tosatñan Galili prowinsnöñ maljei,

¹⁶könagesö mieñon söñaupnöñ mala asakñi ketañi ekñe. Kömupnöñ ambazip aum köl eñgiiga pandaman gölmenöñ maljei, yengöra mönö miri wañgarañ suruma.”

¹⁷Jisösnöñ Kaperneam mala nalö miangöreñök könahiba Buña keunji jim asariba ambazip uruñini kunguba kewö jiba malök, “Suep Toñan bemtohoñi al-

§4:12 Kiñ Herodnöñ ambi kun ölon meiga Jon O-melun azinöñ i miangöra jim wañgiiga irimñi sehollu jiiga opotöröp yeyñon Jon jöhöba kösö mire alget tarök.

^y4:4 Dut 8.3 ^z4:6 Sum 91.11-12 ^a4:7 Dut 6.16 ^b4:10 Dut 6.13 ^c4:12 Mat 14.3; Mak 6.17; Luk 3.19-20 ^d4:13 Jon 2.12 ^e4:15 Ais 9.1-2 ^f4:17 Mat 3.2

mawaᅅgö nalöᅅjan mönö kam kuᅅguza. Miangöra mönö siᅅgisöndok malmalᅅjini mosöta uruᅅjini melenᅅget.” Mewö.

**Jisösnöᅅ gwarekurupᅅji
mutukᅅji enᅅgoholök.**

Mak 1.16-20; Luk 5.1-11

¹⁸Mewö jiba liliköba mala Galili o aᅅgögö göraᅅe mötöteiba anda darumun yahöt Saimon qetᅅji alaᅅji Pitö aka munᅅji Andru etkehök. Yetköᅅ söra örorö azia mala mösakᅅjiri o aᅅgönöᅅ söra örobitköra gila malohot. ¹⁹Jisösnöᅅ etkeka kewö jiyök, “Aziyahöt, iᅅjiri mönö ni uatangaᅅba kayohotka kusum etkibi ambazip söra ewö örom enᅅgi-makᅅjahot.” ²⁰Mewö jiiga miangöreᅅᅅök mösakᅅjiri mosöta könahiba Jisös wuatangaᅅba anohot.

²¹Jisösnöᅅ yetpuk borom kun toroqeba anda kunbuk darumun yahöt Zebedigö nahönyahötᅅji Jeims aka Jon etkehök. Yetköᅅ iwiᅅjiri Zebedibuk waᅅgenöᅅ tata mösakᅅjini möhamgöba jöhöba malgetka enᅅgeka etkoholök. ²²Mewö enᅅgeka etkoholiga miangöreᅅᅅök wahöta waᅅge aka iwiᅅjiri mosöta könahiba Jisös wuatangaᅅba andöᅅe anohot. Mewö.

**Jisösnöᅅ ambazip kusum
enᅅgiba mem ölöwak enᅅgiyök.**

Luk 6.17-19

²³Jisösnöᅅ anda Galili prowins uruᅅje lökᅅjanök liliköba köuluk miriᅅjine öᅅgöba bemtohoᅅgö Ölöwak Buᅅaᅅji jim asariba uruᅅjini kuᅅguba kusum enᅅgiba malök. Mewö aka sutᅅjine ambazip kawöl aka jepajerepe könaᅅji enᅅgöhöi malgeri, mi mem ölöwak enᅅgiba malök.

²⁴Mewö memba maliga Jisösgö qet-buᅅaᅅjan sehiba Siria kantri dop köᅅ teköba anök. Mewö ani mi möta kawöl

ambazip pakpak enᅅguangita yaᅅgöreᅅ ketet. Tosatᅅjan uzi kawöl aka jepajerepe könaᅅji könaᅅji enᅅgöhöi malget. Tosatᅅjan ömewöromenöᅅ uruᅅjine geiga töᅅöt me kölkölᅅjiᅅᅅbuk malget. Tosatᅅjan tala eta enᅅguiga bözök mitiba semben auba malget. Tosatᅅjan sileᅅjinangö likeᅅᅅji kömukömuᅅji malget. Mewö mewöᅅji mienöᅅn Jisösgöreᅅ ketetka mem ölöwak enᅅgiyök.

²⁵Mewö ak enᅅgiiga ekerangöra ambazip könagesö ketanᅅji yeᅅᅅn Jisösgö andöᅅe wuatangaᅅba ketet. Kambu ketanᅅji ketanᅅji mi Galili prowins aka Ten Taon distriknöhök ketet. Kambu tosatᅅjan Jerusalem siti aka Judia prowinsgö miri tosatᅅjeyök ketet. Kambu tosatᅅjan Jordan o likeᅅᅅᅅyök ketet. Mewö.

**Jisösnöᅅ kundueᅅ kinda
kusum enᅅgiyök.**

5 Jisösnöᅅ ambazip kambu ketanᅅji enᅅgeka kundueᅅ öᅅgöba tariga gwarekurupᅅjan kaᅅgota liliköm waᅅᅅiget. ²Liliköm waᅅᅅigetka könahiba ambazip kambuᅅji kambuᅅji kusum enᅅgiba kewö jiyök.

Denike yeᅅᅅn simbawoᅅ akze?

³“Denike yeᅅᅅn Anutugö jeᅅe etᅅe-ᅅeᅅji tandök mötzei, yeᅅᅅn Suepkö bemtohoᅅji buᅅa qem angumeangöra mönö simbawoᅅ akze.

⁴Denike yeᅅᅅn jᅅᅅgeᅅ köla sahötzei, Anutunöᅅ i urukölalep enᅅgimapköra mönö simbawoᅅ akze.

⁵Denike yeᅅᅅn guᅅböᅅjᅅᅅjᅅᅅ malakzei, Anutunöᅅ göᅅme ki mi yeᅅᅅgöra enᅅgi buᅅaᅅjina akᅅapköra yeᅅᅅn mönö simbawoᅅ akze.

⁶Denike yeᅅᅅn Anutugö jeᅅe solanibingöra kapaᅅ köla mi nene aka ögö ewö kömumba qemᅅᅅe qeba maljei, Anu-

tunöj mönö sihimņini mi gumohom eņgima. Miaņgöra yeņön mönö simba-woņ akze.

⁷Denike yeņön tosatņi ak kômum eņgimakzei, Anutunöj i ak kômum eņgimapköra yeņön mönö simbawoņ akze.

⁸kDenike yeņgö uruņinan sarakņi akzawi, yeņön ölop Anutu ekņe. Miaņgöra yeņön mönö simbawoņ akze.

⁹Denike yeņön lui qemakzei, yeņgö qetņini mi Anutugö nahönböraturupņi qetme. Miaņgöra yeņön mönö simbawoņ akze.

¹⁰lAnutunöj keuņini jim teköi solanizeaņgöra sesewerowero ak eņgimakzei, yeņön Suepkö bemtohoņi buņa qem aņgume. Miaņgöra yeņön mönö simbawoņ akze.

¹¹mAmbazipnöj iņini nöņgöra aka uruqeqe keu töhöreņ jim eņgiba sesewerowero aka keu bölöņi kōnaņi kōnaņi sileņine ala muneņmuneņ jimakzei, eņön mönö simbawoņ akze.

¹²nMötket, Anutunöj tōwaņini öņgöņgöņi Suep mire ali ahözawaņgöra mönö gönköiraņ ala sösöņgai aka malme. Mi kewögöra: Kezapqetok ambazip mutuk malgeri, mi sesewerowero tandökņi mewöjanök ak eņgigetka eņön yeņgö andöņine asuhiba yembuk öröröņ malje.” Mewö.

Iņini gölmegö sihi aka kiwa ewö akze.

Mak 9.50; Luk 14.34-35

¹³Jisösnöj jiyök, “Iņini gölme ambazip yeņgö howe tandök akzemö, howe nahömņan piahima ewö, mi mönö denöwö möhamgöinga kunbuk nahömņambuk akawak? Miaņgö kōnaņi kun qahö. Toroqeba yuai kungöra qahö dop kölmapmö, mi nesak ewö

gilget geiga ambazipnöj mi kōnaņinan tiahöme.

¹⁴o“Iņini gölmeņi gölmeņi yeņgö kiwa tandök ewö aka malje. Siti kun kundueņ öņgöba meget tatzawi, miaņön tölapeņ tatmamgö osimakza. ¹⁵pKunņan kiwa ohotiriba kumbut bapņe qahö almapmö, kiwagö dum tatatņe ali tatma. Mewö tata asariiga ambazip miri uruņe maljei, mönö körek yeņgö jeņini kuņguiga asakņi ehakņe.

¹⁶q“Mewöjanök mönö eņgö asakņini kondelgetka ambazip sutņine asariiga ehakņe. Amba-zipnöj ahakmemerņini ölopņi eka miaņgöra Iwiņini Suep mire maljawi, mönö i möpöseiba malme.” Mewö.

Jisösnöj Kōna keugö kōnaņi kusum eņgiyök.

¹⁷“Nöņön Mosesgöreņ Kōna Keu aka kezapqetok ambazip yeņgö Buzup Kimbiņini mi qeapkōmamgöra aka qahö kaba maljal. Mewö laņ kude mötmörime. Nöņön qeapkōmamgöra qahöpmö, keu mi tem köl teköbi miengö ölņinan pōndaņ asuhumapköra aka kaba maljal. ¹⁸rNöņön keu ölņi kun kewö jibi mötket, Mosesgö Kōna keunöhök kulem moröņi morö közömpņi kun me kirifi ohohogö jönbölanņi mohok-kun mi qahö kötökņi ayapkōmapmö, keu pakpak mi mutuk ölņinambuk asuhetka Suep gölme yetkōn göröņ qemahot.

¹⁹“Miaņgöra kunņan Kōna keugö jimkutukutu morörökņi miengöreņök keu kun koyoņaniba ambazip mewö kusum eņgimakzawi, yaņön Suepkö bemtohoņe aņgoriga qetņi morörökņi bezup qetme. Mewö qetmemö, kunņan mi tem köla wuatangöba ambazip

^k5:8 Sum 24.3-4 ^l5:10 1 Pitö 3.14 ^m5:11 1 Pitö 4.14

ⁿ5:12 2 Hist 36.16; Apo 7.52 ^o5:14 Jon 8.12; 9.5

^p5:15 Mak 4.21; Luk 8.16; 11.33 ^q5:16 1 Pitö 2.12 ^r5:18 Luk 16.17

mewö kusum engimakzawi, yañon Suepkö bemtohoñ uruñe añgoriga qetñi ketañamnini qetme.

²⁰“Nöñon miangö dop kewö jibi mötket: Engö ahakmemenini solañji mi-añon mönö Köna keugö böhi aka Farisi (Köna keugö kapañkölköl) yengö silikñini tandök ewö öröröñ akapuk. Silikñinan yengö silikñini gwötpuk qahö oñgitma ewö, eñon mönö Suepkö bemtohoñ uruñe qahö añgotme.” Mewö.

Yom kazik aka enguget kömukömugö könañi.

²¹“Jisösnöñ toroqeba jiyök, “Eñon möpñeyök keu kun kewö jiget mötzema, ‘Ambazip kun kude qeget kömuma aka kunñan kazikñi qei kömumawi, i mönö distrikö keu jakeñe algetka keuñi jim teköme.’

²²“Mewö jiget mötketmö, nöñon keu mi kewö jim tuaribi mötme: Kunñan alañambuk añgururuk aka irimñan sehooli yom kazik akzawi, i mönö mewöyök distrikö keu jakeñe al wañgiget keuñi jim tekömeangö dop akza. Mewöñanök kunñan alañi jijiwilit keunöñ jim böliba ‘Gi uruqahö akzan,’ jizawi, i mönö kantrigö jike kaunsöl yengö jeñine al wañgiget keuñi jim tekömeangö dop akza. Kunñan alañi lösö keunöñ jim böliba ‘Gi añgöjörakabuk akzan,’ jizawi, yañon mönö könöp sianöñ gemawañgö dop akawak.

²³“Miangöra gönön kalem naluki memba kaba altanöñ almangö aknöñga miangöreñ keu kewöñan mötmötke kañgotpawak: Alagahö uruñe keu ahöi yañon kazik ak gihimangö mötza. Keu mewöñi mötmöriman ewö, ²⁴kalemg

mi mönö alta wösöñe ala mutuk alagahöreñ anda yambuk keuñiri jim solaniba urumohot aka miangö andöñe kunbuk kaba kalem naluki Anutugöra alman.

²⁵“Kerökan silege ala keu jakeñe öröm gihimangö aiga komitigöreñ anda köna namñe miangöreñ mönö kapañ köla imbi mohot aka keuñiri jim solanimahot. Mewö qahö akñahot ewö, kerökan ölop örörahöm gihiiga (jas, majistreit) jimtekötekö toñangö jeñe añgotnöñga möta jii opotöröpkö böröñe genöñga kösö mire al gihibapuk. ²⁶Nöñon keu ölni kewö jibi mötnöñ, Gi miangöreñ töwagi pakpak almanañgö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

Sero yoñgorögö könañi

²⁷“Keu kun kewö jiget mötzema, ‘Sero yoñgorö kude akñan.’ ²⁸Mewö jiget mötketmö, nöñon keu mi kewö jim tuaribi mötme: Kunñan serogö sihim kömbönañi qakñe ambi uba ekzawi, yañon lök uruñan yambuk sero yoñgorö akza.

²⁹“^uJegi ölnan siñgisöndok akñangö kölgorom ak gihima ewö, mi mönö qözöla gilnöñ anma. Sile kitipki kunñan ayuhui mewö Suepnöñ öngönöñga dop kölmappö, silegi jömukñi malnöñga gil gihigetka könöp sianöñ geba ayuhubanbuk. ³⁰“Börögi ölnan siñgisöndok akñangö kölgorom ak gihima ewö, mi mönö yandiba gilnöñ anma. Sile kitipki kunñan ayuhui Suepnöñ öngönöñga dop kölmappö, silegi jömukñi mala könöp sianöñ geba ayuhubanbuk.” Mewö.

⁵5:21 Eks 20.13; Dut 5.17

⁵5:27 Eks 20.14; Dut 5.18

^u5:29 Mat 18.9; Mak 9.47

^u5:30 Mat 18.8; Mak 9.43

Awanöm angömosötmosötkö kōnaŋi

³¹w“Keu kun kewö jiget ahöza, ‘Kunŋan anömŋi mosötnawi, yaŋön mönö angömosötmosöt papia ohoba anömŋi waŋgima.’ ³²xMewö jiget ahözapmō, nōŋön kewö jibi mötme: Kunŋan anömŋi qesabulum aiga mosötpawakmō, kōnaŋi kungōra anömŋi mosöt-mawi, mewö miaŋön mönö anömŋan qesabulum akŋapkō kondota siŋgisöndokō keuŋambuk akŋa. Mewö aiga azi kunbuk meiga azi dölökŋi miaŋön mönö mewöyök qesabulum akŋa.” Mewö.

Keuŋini jöjōpaŋ keunōŋ kude jim köhöime.

³³y“Keu kun mi mewöyök möpŋeyök kewö jiget mötzema, ‘Keuŋini jöjōpaŋ keunōŋ jim köhöigeri, mi mönö kude oŋgitme. Kembangōra yuai akingō keuŋini jöjōpaŋ keunōŋ jim jöhögeri, mi mönö wuatangögetka öljambuk akŋa.’

³⁴z“Mewö jiget mötketmō, nōŋön keu mi kewö jim tuaribi mötme: Keuŋini mönö jöjōpaŋ keunōŋ qahöpmaöhöp jim köhöime. Suep mi Anutugö jakömbuak dumŋi akzawaŋgōra aka keu kewö kude jime, ‘Keu öljŋi qahö jimam ewö, Suep Toŋan ölop likepŋi meleşni qakne öŋgōma.’

³⁵a“Gölme mi Anutugö kōnaŋangö döŋŋi akzawaŋgōra aka keu kewö kude jime, ‘Keu öljŋi qahö jimam ewö, gölmenōŋ ölop tiŋgita turum niŋgima.’ Jerusalem mi Kiŋ Tök-kutukutuŋangö sitiŋi akzawaŋgōra aka keu kewōŋi mi mewöyök kude jime, ‘Keu öljŋi qahö jimam ewö, Kiŋ Ketaŋi yaŋön ölop qemasolokepnaŋgö likepŋi meleşni

qakne öŋgōma.’ ³⁶Gi nöröp jupki injaŋi menōŋ tuatŋi akŋapkō osiman aka nöröp jupki tuatŋi menōŋ injaŋi akŋapkō osiman. Miaŋgōra keu kewö kude jiman, ‘Keu öljŋi qahö jimam ewö, Anutunōŋ ölop nöröpni qeiga jupŋangö mundaŋan utekōma.’ ³⁷Jöjōpaŋ keu kude jimemō, oŋ-keugōra mönö ‘Oŋ!’ jime aka qahö-keugōra ‘Qahö!’ jime. Keu diŋdiŋi miaŋgōreŋ keu yuai toroqemei, mi mönö Bölōŋangö Toŋan sölölohöm eŋgii asuhuma.” Mewö.

Jinōŋ jibi aknōŋ aki mi kude akŋe.

Luk 6.29-30

³⁸b“Keu kun kewö jiget mötzema, ‘Kunŋan jegi qösökōmawi, gi mönö kitipŋi meleşda yaŋgö jeŋi qösökōman. Kunŋan jitki kumburatimawi, gi mönö kitipŋi meleşda yaŋgö jitŋi kumburatiman.’

³⁹“Mewö jiget mötketmō, nōŋön keu mi kewö jim tuaribi mötme: Kunŋan bölōŋi ak engimawi, i mönö kude qetala tuarenjoŋ ak waŋgime. Mewö qahöpōmō, nuŋgulumgi öljŋi qekötahōma ewö, mönö nuŋgulumgi likepŋi mewöyök qekötahōmapkōra meleşman. ⁴⁰Kunŋan ‘Sileōtaŋgi memam,’ jiba keunōŋ al gihimamgö mötza ewö, mönö mosōta malukugi qakŋi mewöyök waŋginōŋga buŋa qem anguma.

⁴¹“Mewöyök kunŋan gösōŋi kilomita (mail) mohotkō dop siriba anmangö kuŋgum gihima ewö, mönö ölop tem köla kilomita (mail) yahötkō dop siriba yambuk anman. ⁴²Kunŋan göhöreŋ yuai kungōra qesim gihimawi, mi mönö waŋgiman. Kunŋan ‘Yuai niŋginōŋga kitipŋi biaŋ meleşmam,’ jiba qesim gihi-mawi, i mönö andö kude qeman.” Mewö.

^w5:31 Dut 24.1-4; Mat 19.7; Mak 10.4

^x5:32 Mat 19.9; Mak 10.11-12; Luk 16.18; 1 Kor 7.10-11

^y5:33 Lew 19.12; Jaŋ 30.2; Dut 23.21 ^z5:34 Jei 5.12; Ais 66.1; Mat 23.22

^a5:35 Ais 66.1; Sum 48.2 ^b5:38 Eks 21.24; Lew 24.20; Dut 19.21

Kazikurupki mönö urugan jöpaköm engiman.

Luk 6.27-28, 32-36

⁴³c“Keu kun kewö jiget mötzema, ‘Ambazip kösutjine mala alaurupjini akzei, mi jöpaköm engimakjemö, kazikurupjini mönö melenđa kazik ak engiba malme.’

⁴⁴“Mewö jiget mötketmö, nöñön keu mi kewö jim tuaribi mötme: Injini mönö kazikurupjini jöpaköm engiba kinda sesewerowero ak engimakzei, yengöra mönö köuluköba malme. ⁴⁵Mewö ahakje ewö, mewö miañön Iwiñinan Suep mire maljawi, mönö yangö könanji kondela nahönböraturopjini aka malme. Yangö könanji kewö: Yañön wehönñi qahö angön köliga kota ambazip ölöppji aka bölöñi mewöyök mem asarim engiba kie aliga ambazip diñdiñi aka goñgoñi yengö nupjini mewöyök mem kelörakza.

⁴⁶“Enñön mönö niñginöñ gihibigö tandökñi ongita Anutugö könanji kondela ahakje. Takis tilipqilipjinambuk megetka sisitjini memakzei, yeñön alaurupjinan jöpaköm engigetka i melenđa jöpaköm engimakze. Mi urumelenğö silikñi qahö. Injini yengö silik miyök wuatangöba ahakje ewö, Anutugöreñ tosa kun qahö ahuiga yañön mönö silikñinangö likepñi qahö engiiga töwa kun qahö buña qem angume. Miañgöra mönö ambazip körek pakpak jöpaköm engiba malme.

⁴⁷“Urumelenğö kopa ambazipnön mewöyök sutjine jölöñini jim anguba maljemö, mi urumelenğö aiwesökñi qahö. Injini yengö dop alaurupjini engö

sutjineyök jölöñini jim angumakje ewö, mewö mönö kopa ambazip ewö akze. Kopa ambazip yengö silikñini mönö ongita qetpuk sorokñi aka malme? ⁴⁸dEngö Suep Iwiñinan aködamun sorokñi akzawi, enñön mönö miañgö dop aködamun sorokñinambuk aka malme.” Mewö.

Mözöqözöröñ ambazip mi kalem engimakje.

6^eJisösnöñ kewö kusum engiyök, “Mönö kewögöra galöm mem anguba malme: Ahakmemerjini solanñi diñdiñi mi ambazipnön eka engöra mötket öngömapköra aka kude ahakje. Mewö ahakje ewö, engö Iwiñini Suepnön maljawañön mönö silikñinangö likepñi qahö engiiga töwa buña qem angume.

²“Miañgöra ‘Mözöqözöröñ ambazip kalem engimam,’ jiba mi qenjaröknön kömam tömunbuk uba kolek almeğöra kude akñan. Urumelenğö silesile ambazip yeñön ambazipnön miwidimgöm (mem biwim) engimeğöra möta köuluk mire aka köna namje anda ambazip engeka mewö ahakze. Nöñön keu öl töhönñi kun kewö jibi mötme, Yeñön mönö silikñinangö töwanji pakpak lök buña qem angugetka Suep Toñan mi qahö toroqema.

³“Göñön mewö kude akñanmö, ‘Mözöqözöröñ ambazip kalem engimam,’ jiba börögi ölñan denöwö akzawi, börögi qaniñan mi kude mötma. ^{**4}Kalemgi miañön tölapñe ahöiga Iwigan ahakmeme tölapñi ehakzawi, yañön mönö töwa gihima.” Mewö.

**6:3 Börögi qaniñan mi kude mötma, keu miañgö könanji kewö: Mi mönö tölapñe aknöñga wölböt alagan mewöyök mi kude mötma. Anutunöñ sölölohöm ghihiiga nup ölöppji amqeba memakzani, mi mönö nangak ölum guhumakza.

Köuluk nupkö könañi kewö:

Luk 11.2-4

^{5f}“Miangöra Anutugö köulukömei, mi mönö urumelengö silesile ambazip yeñgö dop kude akñe. Yeñön ambazipnönñ engekñegöra möta sihimñinan köuluk mire aka köna soñanönñ kinda köulukömakze. Nöñön keu öl töhönñi kun kewö jibi mötme, Yeñön mönö silikñinanğö töwañi pakpak lök buña qem angugetka Suep Toñan mi qahö toroqema.

⁶“Göñön mewö kude akñanmö, ‘Anutugö köulukömam,’ jiba mönö nangi miri uruñi morönje öngöba nanju köla Iwigi tölapñe maljawi, i köuluköm wangiman. Mewö aknönnga Iwigan ahakmeme tölapñi ehakzawi, yañön mönö töwa gihima.

⁷“Köulukömei, miangörey mönö urumelengö kopa ambazip yeñgö tandök ewö ††keu oyondewetdewet mi kude jiba malme. Yeñön keu jit sehisehiñi jigetka Anutunönñ miangöra aka kezap ala möt enjimapkö mötmörimakze. ⁸Möno kewögöra yeñgö dop kude aka malme: Inini wani yuaigöra osiba mözöqözörön akzei, Iwiñinan mi qahö köulukögetka qeljiñe lök mötza. ⁹Möno kewö köulukömakñe: “Neñgö Iwinini, gi Suepnönñ maljan. Göhö qetki mönö törönñi ahöma.

¹⁰Möno galöm köl neñginönnga bemtohongahö ölni asuhuma.

Göhö jitsihitki Suepnönñ tem kölakzei, mewöñanök mönö gölmenönñ asuhuma.

¹¹Merakö neneñi mönö dopnine neñgiman.

¹²Tosatñi yeñgörey tosa neñgörey ahözawi, nini mi mosöt enjizin ewö, gi mönö miangö dop neñgö tosanini sañgoñman.

¹³Esapesapnönñ et neñgubapuköra mönö angön köl neñgiba Bölönñ Toñangö börönjeyök ††meköm neñgiman. (Gi nangak bemtohoñ Toñi, kukösum Toñi aka asakmararañ Toñi mi nalönñi nalönñi mala kota malnönñ aka tetekönñi qahö mal öngöman. Mi ölna.)

¹⁴†Inini ambazip yeñgö siñgisöndokñini mosötme ewö, enjgö Suep Iwiñinan mönö mewöyök enjgö siñgisöndokñini mosötma. ¹⁵Mosötmapmö, ambazip yeñgö siñgisöndokñini qahö mosötme ewö, enjgö Iwiñinan mönö mewöyök enjgö siñgisöndokñini qahö mosötma.” Mewö.

Nenegö siñgi malmal mi kewö ahakñe:

¹⁶“Nenegö siñgi malmei, miangörey mönö urumelengö silesile ambazip ewö kukbosole kude aka malme. Yeñön Anutugöra nene siñgi malakzei, ambazipnönñ mi ekñegöra aka zoloñ örögetka jemesoholñinan mölmölimakza. Nöñön keu öl töhönñi kun kewö jibi mötme, Yeñön mönö silikñinanğö töwañi pakpak lök buña qem angugetka Suep Toñan mi qahö toroqema.

¹⁷“Göñön mewö kude akñanmö, Anutugöra nenegö siñgi mala miangörey mönö sinim jupuknönñ me saipenönñ jemesoholgi sañgoñda nöror jupki qeba malman. ¹⁸Mewö aka nenegö siñgi malnönnga ambazipnönñ qahöpömö, Iwigi tölapñe maljawañön mi ekña. Mewö aknönnga Iwigan ahakmeme

††6:7 Kian kantri yeñön Anutu qahö möt wangiba bemñini murutñi murutñi köuluköba keu omañi oyondewetdewet mi lañ jiba malje.

††6:13 “Bölönñ Toñangö börönjeyök meköm neñgiman,” tosatñan keu mi kewö melenje: bölönjeyök meköm neñgiman.

tölapñi ehakzawi, yañón mönö töwa gihima.” Mewö.

Söngöröñi ketañi yuai mi mönö Suepnöñ tokome.

Luk 12.33-34

¹⁹h“Moneñ inap yuai mi mönö gölmenöñ ahöm ençimapköra kude tokome. Mewö tokogetka miangöreñ jijilukut kezaploñloññ mi yöhötigetka kahawet töromnöñ (ros, ufeñ) mem böliiga kegwek-kahasililiñ yeñón miri qesiñda öngöba yoñgorö memakze.

²⁰“Gölmenöñ qahöpmö, Anutugö jitsihitñi tem kölgetka qetbuñañinan qarimapköra mönö kapañ kölme. Mewö aketka guli dötnamñini qainñi kun mi Suep mire ahöiga gurem jijilukutnöñ mi qahö yöhötigetka kahawet töromnöñ (ros, ufeñ) mi qahö mem bölime. Kegwek-kahasililiñ yeñón eu qahö öngöba miri qesiñda qahö yoñgorö meme. ²¹Yuaigöra aködamunñi memba mötnöñ öngözawi, miñón miri kungen ahöiga göñón mönö urugi mewöyök miangöreñ qekötahöba malman.” Mewö.

Silegö asakñi mi kewö:

Luk 11.34-36

²²“Göhö jegi mi uru silegahö ki-wañi akza. Miangöra kawöl kunöñ jegi qahö mem böliza ewö, miñón mönö unöñ asarim teköi Anutugö asakñan ölp uruge mem asariiga malmalgi pakpak asakñe malman.

²³“Asakñe malmanmö, sihim kömbönañi bölöñan me yuai kunñan jegi mem böliba asakñi közambötza ewö, miñón silegö malmalgi pakpak mewöyök mem söñauiga pandaman uruñe jipjap malman. Mewö aiga söñaupnöñ urugahö

asakñi közamböri söñauza ewö, nangi pandamanöñ mönö Yei! keta bölökñi wewelipñambuk akza.” Mewö.

Anutu me moneñ möt nariman?

Luk 16.13; 12.22-31

²⁴“Kunñan kembu yahöt welen qem etkimangö osimakza. Kunñan mewö akñamgö mötzawi, yañón mönö kun kazik ak wañgiba kun uruñan jöpaköma. Kungöreñ qekötahöba kun jijiwilit ak wañgima. Miangöra enñón Anutu aka moneñ inap mi mindiriba welen qem etkibingö osime.” Mewö.

Anutu möt nariba waimanjat kude akñe.

²⁵“Mewö aiga nöñón kewö jibi mötket: Inñi gölmenöñ malmeangö waimanjatñi mi kewö jiba kude akñe, ‘Mönö wani yuainöñ gumohom añgubinak aka wanatnöñ sileniangö löngötpinak?’ Jenñambuk maljei, miñón bohonñi aiga nenenöñ mönö miangö nemböñe akza. Sileññambuk maljei, miñón bohonñi aiga opo söronöñ mönö miangö nemböñe ahöza. Mönö mi mötmörime.

²⁶“Könakemba neiñi neiñi mönö ençekñe. Mienñón nene kötñi qahö qesiñ gilakze. Padi ölni qahö yandiba köwe miriñine qahö tokomakze. Mi qahöpmahöp aiga ençö Suep Iwiñinan mönö töndup i gumohom ençimapakza. Inñi nei yeñgö dop qahöpmö, ençö söngöröñinan mönö nei söngöröñini ençonggita öngöñgöñi akza me qahö? Mönö mi mötmöriget anök.

²⁷“Ençöreñök kunñan waimanjat aka mewö miñón gölmenöñ malmawangö nalöñi mi sömañi mohotkö dop mem toroqema me qahö? Mi qahöpmahöp!

²⁸Opo söröjinaŋgöra mönö denöwögöra waimanjat akze? Mi qahö dop kölja. Sombemgö jariŋ juranji qarimakzei, mönö mi uba eŋgekje. Mienön opo söröjinaŋgöra möt qahö loŋgalakze aka nup tosatŋi qahö memakze.

²⁹ⁱ“Mi töndup nöjön kewö jibi mötme, Kiŋ Solomonöŋ goul silwöŋi qeraköba asonbilikŋambuk malökmö, yaŋgö malukuŋi mi kiteŋ soranjiŋ me jura kungö dop eksihimŋambuk qahö ahöyök. ³⁰Sombemgö jariŋ juranji töhön merak kösutnine ahöi uran kölgetka eri qezaköba gila ohoget jemapmö, mi töndup Anutunöŋ mi ölöppanök meŋölömakza. Miangöra yaŋön iŋini mewöyök ölop esuhum eŋgima. Iŋini jariŋ juranjanö dop qahö. Anutunöŋ köyan köl eŋgimamgö möta miangöra sihimŋi öŋgöŋgöŋi mörakza. O ambazip, mötnariŋinan mönö wuanöŋgöra öne töhön morörökŋi akza?

³¹“Mewö aiga iŋini mönö malmalŋi- nanö waimanjat aka mötkurumkurum kude ahakje. Mi aka lömböröba kewö jibepuk, ‘Nini mönö wani nene aka wani oya nembinak?’ aka ‘Wani yuainöŋ silenini esuhubinak?’

³²“Mi kewögöra: Urumelenöŋ kopa yeŋön yuai pakpak mi buŋa qem aŋgub- iŋgö kapaŋ köla urukönöp ahakze. Iŋini yuai pakpaköra mözöröŋgöba os- imakzei, eŋgö Suep Iwiŋinan mönö mi möt teköza. ³³Mianöŋ urukönöp kude akŋemö, mutuk mönö Anutugö bemto- honöŋ aŋgota yaŋgö jeŋe solanibingö kapaŋ kölme. Uruŋini mianöŋreŋ alget ahöiga yaŋön mönö galöm köl eŋgiba yuai mewöŋi pakpak mi mewöŋanök eŋgima.

³⁴“Mewö aiga iŋini mönö uran malmeanöŋ waimanjatŋi kude ahakje. Urangö waimanjatŋi mi urangöra. Silim mohot mohotkö waimanjatŋini mönö nanöŋ nanöŋök bisiinga dopŋine akja.” Mewö.

Jimtekötekö toŋi ewö kude akje.

Luk 6.37-38, 41-42

7 Jisösnöŋ toroqeba kewö jiyök, “Anutunöŋ keuŋini kewöta jim teköi etpepuköra mönö tosatŋi yeŋgö keuŋini kude kewöta jim teköme. ²^jMianöŋ könaŋi kewö: Iŋini tosatŋi yeŋgö keuŋini kewöta jim tekömei, Anutunöŋ mönö dop mohot mianöŋök nanöŋi keuŋini kewöta jim teköma. Iŋini tosatŋi yeŋgöra jimkutukutu ala memba öŋgöba eta kewöt eŋgimakzei, Anutunöŋ mönö mianöŋ dop nanöŋi ak eŋgii öŋgöba erakje.

³“Gi alagahö jeŋe gödöwöröt morörökŋi ekzanmö, nangi jeŋe ip sahöŋti ketanji ahözawi, mia mönö wuanöŋgöra kude ek kutuzan? ⁴Me denöwögöra aka amqeba alagahöra kewö jizan, ‘Alani mötnöŋ, ni ölop jegeyök gödöwöröt itaköbi etma?’ Mewö amqeba jizanmö, ip sahöŋti ketanji mi nange jeŋe ahöza.

⁵“O gi urumelenöŋ silesile azia, gi mönö mutuk nange jegeyök ip sahöŋti (tametŋi) ketanji memba gilman. Mi mem gilagun törörök ek kutuba alagahö jeŋeyök gödöwöröt morörökŋi mi ölop itakönöŋga etma. ⁶Yuaigöra mötketka tök-kutukutuŋi qainŋi kun akzawi, mi mönö kiam kude eŋgime. Guli damandan qeŋeŋi mi mönö bau wösöŋine kude gilget anma. Mewö akje ewö, yeŋön mönö mi könaŋinan tiahöm eŋgiba dumŋe melenöda nanöŋi

6:27 Tosatŋan jabö 27 mi kewö melenöda jize: Eŋgöreŋök kunŋan waimanjat aka mewö mianöŋ silenji wan fitgö dop toroqeba mem körimamgö osima.

6:29 1 Kiŋ 10.4-7; 2 Hist 9.3-6 **7:2** Mak 4.24

enghööba yöhöqöhötüm engibepuk.”
Mewö.

**Mönö qesiba jaruba Anutugö
nanğunje qeba malme.**

Luk 11.9-13

7“Mönö Anutu köuluköme. Köulukögetka kewöta engima. Urugö yuaigö Anutugörej böröjan memba jarume. Mi jarugetka kondeliga miwikñajme. Kinda nanğunöj qeme. Qegetka nanğunji öröm engima. 8Kunjan Anutu köulukömakzawi, yanön mönö likepñi buña qem anguma. Yuaigö jarumakzawanön mönö mi miwikñajma. Nanğunöj qemakzawanöra mönö nanğu öröm wanğima.

9“Mötket, ambazip engöreñök dañön kewö akawak: Nahönñan bisketköra qesiiga köt wanğima? 10Me nahönñan söragöra qesiiga qatö wanğima?

11“Mewö aiga injini ambazip bölöñji aka töndup kalem ölöpnji ölöpnji nahönböraturupñini engibingö dop akze ewö, engö Iwiñini Sup mire maljawanön mönö kalemñi denöwö angön kölbawak? Yanğö uruñangö ahakmemenji mi neñgoñgita tandökñi kun akza. Mianğöra injini yuai ölöpnjanğöra köuluköba qesim wanğime ewö, yanön mönö sihimñan mi engima.

12k“Mianğöra ambazipnöj yuai pakpak nanñinangö ak engimegö mörakzei, mianğö dop mönö nanñini mewöyök i ak engimakñe. Mewö aketka Mosesgö Köna Keu aka kezapqetok ambazip Buzup Kimbi keunñini mianön mönö ölninambuk aketka mindimindiri könanjan aukñe asuhuma.” Mewö.

**Mönö kiripo nanğu
giwikñi kutuba anme.**

Luk 13.24

13“Könöp sianöñ gebingö könanji mi amqeqeñi aka numbuñangö nanğunji mi ketanji. Ambazip sehisehiñan nanğu mi kutuba köna mi mötöteiba anme. Mianğöra injini mönö kiripo nanğu giwikñi kutuba mianğö uruñe anme.

14“Malmal köhöikñe angotpingö könanji mi pökpökñi (pipitñi) osukosubuk aiga numbuñangö nanğunji mi giwikñi. Ambazip awamdökñan nanğu mi miwikñajme.” Mewö.

Ipkö könanji mi ölnji eka möt kutume.

Luk 6.43-44

15“Kezapqetok ambazip takapulakanji yeñön lamagö sile ewö esuñini löñgöta engöreñ kamakzemö, uruñinan ubibi kiam kalñi ewö akze. Mianğöra injini mönö yengöra aka tihitñini möta galöm mem anguba malme. 16Nupñinangö ölnji eketka könanjini kondeli ölöp möt kutume. Nejoñ kötnji mi jömnöñ asuhumakza me qahö? Warun kötnji mi koururuknöñ (köwörörök) asuhui tokomakzin me qahö? Qahö.

17“Mianğö dop ip ölöpnji pakpak mieñön ölnji ölöpnji kuñgumakzemö, ip bölöñan mönö kötnji bölöñji kuñgumakza. 18Ip ölöpnjan ölnji bölöñji kuñgumangö osiza aiga ip bölöñan kötnji ölöpnji kuñgumangö osiza.

19l“Ip pakpak ölnji ölöpnji qahö kuñgumakzei, mi mönö galömñan kutuba memba könöpnöñ giliga geme. 20mMianğö dop ambazip mieñgö nupñinangö ölnji eketka könanjini kondeli ölöp möt kutume.” Mewö.

Gwarek öljangö kónaŋi

Luk 13.25-27

²¹“Nöngö Suep Iwinangö jitsihitŋi tem kölakzawaŋon mönö yaŋgö bemtohoŋnönŋ angotma. Gwötpuk yeŋön nöngöra ‘Kembuni, Kembuni!’ qeta jimakzemö, körek yeŋön Suepkö bemtohoŋnönŋ qahö angotme.

²²“Jimtekötekögö nalö ketanŋi miangöreŋ gwötpuk yeŋön kaba nöngöra kewö jime, ‘O Kembu Kembu, neŋön mönö göhö qetke yuai asuhumapkö kezapqetok keu qeljiŋe jiba malin. Neŋön mönö göhö qetkahö ösumnönŋ ömewöröme enguatangöba malin. Göhö qetkan mönö nam köl nenggiiga angöletot ösum-mumuŋinambuk gwötpuk memba malin. Mi ölum guhuza me?’ ²³“Mewö jigetka nalö miangöreŋ kónaŋini aukŋe kewö jibi mötme, ‘Nöŋön iŋini nalö kunönŋ qahö möt engial. Iwilele ahak ambazip, iŋini mönö nömosöta kesalget.’” Mewö.

Miri memegö mötkutukutu ölöŋŋi aka piromŋi

Luk 6.47-49

²⁴“Mewö aiga denike yeŋön keu jitni jizali, mi möta miangö dop tem köla memakzei, nöŋön körek yeŋgö kónaŋamŋini kondela mötkutukutu azigö dop ala kewö jimam, Yaŋön miriŋi jamönjiŋ köt qakŋe meyök. ²⁵Mewö meiga kie uru nalöŋe kie römbum yöhöba eriga göulu luhuiga luhut ketanŋi qeiga o göulu köhöikŋi gila miri selŋe kuŋguyökmö, miri mi jamönjiŋ köt qakŋe mei kinöhaŋgöra aka qahö kusuyök.

²⁶“Denike yeŋön keu jitni jizali, mi möta miangö dop qahö tem köla memakzei, nöŋön körek yeŋgö kónaŋamŋini kondela azi

mötkutukutuŋi piromŋangö dop ala kewö jimam, Yaŋön miriŋi sak kösahet qakŋe meyök. ²⁷Mewö meiga kie uru nalöŋe kie römbum yöhöba eriga o luhuiga luhut ketanŋi qeiga o göulu köhöikŋi gila miri selŋe kuŋgui kusuiga goromororöŋgöba erök.” Mewö.

Ambazipnönŋ Jisösgö kukösumŋangöra welipköget.

²⁸“Jisösnönŋ keu mi jim teköiga ambazip kambuŋi kambuŋi yeŋön mötketka kusum engiyöhi, tandök miangöra auruba welipköget. ²⁹Yaŋön yeŋgö Köna keugö böhiurupŋinangö tandök qahö kusum engiyökmö, kukösum Toŋi akzawaŋgö dop ambazip kusum engiiga möta tandök miangöra welipkögetka nemböŋini teköyök. Mewö.

Jisösnönŋ uzikuku azi kun mem solaniyök.

Mak 1.40-45; Luk 5.12-16

8 Jisösnönŋ kundunŋi mi mosöta eri könagesö kambulelembe ketanŋan andöŋe wuatangöget. ²Mewö kagetka miangöreŋ uzikuku azi kunönŋ kaba simin köla Jisösgö wösöŋe geba kewö jiyök, “O Kembu, göŋön sihimgan mem ölöwak niŋgimangö mötzan ewö, mönö ni ölöŋ mem solanim niŋgiman.”

³Mewö jiiga böröŋi böröŋda sileŋi misiriba jiyök, “Nöŋön mi akŋamgö mötzal. Gi mönö solaniman.” Mewö jiiga uzikukuŋi mi miangöreŋök solanii ölöwahök. ⁴“Solaniiga kewö jim kutum waŋgiyök, “Mötnön, kiangö buzup keuŋi mi kun kude jinönŋ mötme. Qahöpmö, mönö jike nup galömgöreŋ anda silegi kondel waŋgiman aka Mosesgöreŋ jimkutukutuŋi wuatangöba solani-zanaŋgö saiwap nalukŋi ala jöwöwöl ohoman. Mi ohonönŋ ehiga

ambazipnönj könajamgi möt kutume.” Mewö.

**Jisösnönj suahö galöm kungö
nup aziñi mem ölöwahök.**

Luk 7.1-10

⁵ Jisösnönj Kaperneam taonönj kañgoriga Rom suahö galöm kunñan yañgöreñ kaba köuluköba kewö jiyök, ⁶ “O Kembu, nöñgö nup azinañgö sileñji likepñan kömukömunji aiga sihimbölo kanjamñambuk möta mire ahöza.”

⁷ Mewö jiiga kewö jii mörök, “Nöñön mönö anda i mem ölöwakñam.” ⁸ Mi möta kewö melenđa jiyök, “O Kembu, ni mewöröpñan malbiga nöñgö miri boñan goalönmapkö gamuni mötzal. Mi-añgöra keu jitkanök jinönnga welen azinan ölöwakñam.”

⁹ “Mi kewögöra: Ni nanak mewöyök galömnangö kukösum bapñe al niñgigetka maljal. Nöñgö bapne yarö azi malgetka mi jim kutum eñgimakzal. Yeñgöreñök kungöra ‘Anman,’ jim kutubi yañön anma. Kungöra ‘Kanönj,’ jim kutubi yañön kama aka welen azini kungöra ‘Nup ki meman,’ jibiga yañön mi mema.”

¹⁰ Jisösnönj keu mi möta welipköba ambazip wuatangöba kageri, yeñgöreñ lilinğöba kewö jiyök, “Nöñön keu ölnji kun kewö jibi mötme: Israel könagesö sutñine mewöyök mötnarip ketañi mewöñi mi kungö uruñe qahö miwikñaijal.

¹¹ ^q “Nöñön keu kewö jibi mötme: Ambazip kambulelemenönj mönö wehön kotkotñeyök aka wehön gegeñeyök kaba Suepkö bemtohoñ uruñe kañgota Abraham, Aisak aka Jeikob yembuk nene sösönğai aka malme. ¹² ^r Yeñön mewö malmemö, bemtohoñgö nahönböraturup mi mönö eñgömosöta aköm eñgigetka

pandamanönj yaigep geme. Mi-añgöreñ malmei, yeñön mönö sahöt gigilahöba irimñini yöhözömğögetka qetñi qeri malme.”

¹³ Mewö jiba suahö galömgöra kewö jiyök, “Gi mönö mirige anman. Mötnaripkahö dop mönö asuhum gihima.” Mewö jiiga welen aziñan mönö aua mi-añgöreñök ölöwahök. Mewö.

**Jisösnönj kawöl ambazip
gwötpuk meiga ölöwaket.**

Mak 1.29-34; Luk 4.38-41

¹⁴ Jisösnönj Pitögö mire anda Pitögö suhunñan silekönöp kawöl yöhöi ahöiga ehök. ¹⁵ I eka börönje misiriiga silekönöpñan mosöri wahöta könahiba Jisös nene ohoba gumohom wañgiyök.

¹⁶ Mewö malgetka miri söñauiga mi-añgöreñ ambazipnönj alaurupñini ömeñnambuk mi gwötpuk eñguangita yañgöreñ kaget. Kagetka ömewöröme mi keuñan jiba közöl eñgiiga kota anget aka kawöl ambazip pakpak mi mem ölöwak eñgiyök. ¹⁷ ^s Mewö mianñön Anutunönj keuñi kezapqetok azi Aisaiagö uruñe ali jii ahözawi, mianñön ölnambuk ahök. Keu mi kewö, “Yañön mönö neñgö uzi kawölnini meiga qakñe öngöiga bisiyök.” Mewö.

**Jisös wuatangöbingö
möndömöndö keuñi**

Luk 9.57-62

¹⁸ Jisösnönj ambazip kambu ketañi liliköm wañgiget eñgeka nalö mi-añgöreñ gwarekurupñi yembuk o añgö kutuba likep añgotpingö jim kutuyök. ¹⁹ Köna keugö böhi kunñan Jisösgöreñ kaba kewö jii mörök, “Böhi, gi denike denike anmani, nöñön mönö mi-añgöreñ gi guatangöba kamam.”

²⁰ Mi möta Jisösnönj kewö jii mörök, “Arökñangö kiam yeñön köteñine

ahögetka könakemba nei yeñon öngot jajöñini memba malakzemö, Sup gölmegö azi öljan mönö denike anda nöropñi wani qömböñnön nariba luhut membawak?”

²¹ Mewö jii gwarek yeñgöreñök kunön kewö jii mörök, “Mi ölöpmö, iwinan kömumangö aiga mutuk jinönga anda galöm kölbi kömui löm kölbigun.” ²² Mewö jiyökmö, Jisösnön melenđa jiyök, “Mosötnön, köhömuñi yeñon qamötñini köhömuñi mi ölop löm kölmemö, göñon mönö kaba ni nuatangöman.” Mewö.

Jisösnön jiiga raidimbom görön qeyök.

Mak 4.35-41; Luk 8.22-25

²³ Jisösnön anda wanje uruñe öngöiga gwarekurupñan wuatangöba yambuk mohotje anget. ²⁴ Angetka raidimbom ketanjan ömtöröp (töröpñanök) o angönön asuhuba gilök. Giliga sirinön wanje uruñe geiga numbuñe qemangö ahökmö, Jisösnön gaun ahöyök. ²⁵ Gaun ahöiga gwarekurupñan anda möndöba jiget, “Hei Kambu, mönö bauköm neñginön. Nini angönön ayuhubingö akzin.”

²⁶ Mewö jigetka melenđa kewö jim engiyök, “O inini mötnaripñini morörökñi, mönö wuanöngöra keñgöt mötmöt azia akze?” Mewö jiba wahöta luhut aka siri jim qetal etkiiga sirinön nön qeba ahöyök. ²⁷ Mewö aiga awöwöliba qesiba jiget, “Yei! Azi kia mönö denöwöñan malja. Yanön mönö luhut aka köwet jim kutum etkiiga jitñi tem köl wanğizahot.” Mewö.

Ömenön bau uruñine gegetka azinön ölöwahot.

Mak 5.1-20; Luk 8.26-39

²⁸ Mewö asuhuiga o angö kutuba likepñe Gadara yeñgö gölmenön angörök. Miangöreñ

angota azi ömenjirambuk yahöt yetkön qaksirinöhök kaba Jisös miwikñaiyohot. Yetkön irimesesewöl azi urukönöpñirambuk ahotka kunñan köna miangöreñ anmamgö osiyök. ²⁹ Yetkön Jisös miwikñaiya silata kewö qet gigilahöyohot, “Aek! Gi Anutugö Nahönñi akzan. Gi mönö denöwö ak neñgimangöra kazan? Sihimbölo mötmöt nalöñan qahö kam kuñguiga qeljiñe mi könöpñambuk ak neñgimangö ki kazan me?”

³⁰ Miangöreñök köröwen qahöpmö, kösutñine miangöreñ bau kambu ketani kun gwözözak uruñe kulunđa malget. ³¹ Miangöra ömenön kewö jiba Jisös ulet wanğiget, “Göñon nini közöl neñgiman ewö, mönö melaim neñginönga ölop bau kambu mieñgö uruñine gebin.”

³² Ulet wanğigetka Jisösnön “Mönö anda geget,” jiba jim kutuyök. Mewö jim kutuiga miangöreñök azi uruñireyök kota anda bau uruñine geget. Gegetka bau kambu körek yeñon mönö luhuba nembönembönön anda jororongöba o angönön geba nemulahöba kömuget.

³³ Kömugetka bau galöm yeñon ölon unjurata taonön anda keu buzupñini pakpak jiget. Azi ömenjirambuk yetköreñ yuai asuhuyöhi, miangö buzupñi mewöyök jiget mötket. ³⁴ Jiget möta taon ambazip pakpak yeñon mosöta Jisös miwikñaiya ekingö kaget. Kaba eka Jisösnön yeñgö mindimindiri sel gölme mosöta anmapkö ulet wanğiget. Mewö.

Jisösnön azi sile likepñi kömukömuñi möhamgöyök.

Mak 2.1-12; Luk 5.17-26

9 Jisösnön wanje uruñe öngöba kunbuk o angö kutuba likepñe angota nanje taonön kayök. ² Nalö miangöreñ azi tosatñan alanini sile likepñi kömukömuñi tumbulahöpnön ahöyöhi, mi kululunön ala anguba

kaget. Mewö kaba Anutu möt narim wanggeri, Jisösnöŋ yeŋgö tandökŋini mi ehi dop köliga kawöl azigöra kewö jiyök, “Nahöni, nöŋön siŋgisöndoki mosötzal. Mönö köhöiba ewebibigabuk saitingit malman.”

³Mewö jiiga Köna keugö böhi tosatŋan kinda uruŋinan kewö mötmöriget, “Azi kianön mönö Anutu ilita mepapepaik akza.”

⁴Mewö mötmörigetmö, Jisösnöŋ möt-möŋtjini mi möt kutuba kewö jiyök, “Injini mönö wuanöŋgöra keu bölöŋi uruŋinan mötmörize?” ⁵Nöŋön ‘Siŋgisöndoki mosötzal,’ jizali, keu miaŋön mönö awamŋanök jijjiŋa. Kunŋan mewö jiiga tosatŋan keu miaŋgö öŋi qahö ekŋe. Miaŋgöra mi keu awamŋaŋgö dop. Nöŋön keu kun kewö jimamgö mötzal, ‘Mönö wahöta anöŋ.’ Keu mi mönö lömbötŋambuk jijjiŋa akza. Mewö jibiga öŋi ahuma me qahöwi, miaŋön mönö aukŋe asuhui ekŋe.

⁶“Mötket, gölmenöŋ siŋgisöndok mosötmosötkö kukösumŋi mi Sup gölmegö azi öŋŋaŋgöreŋ ahözawi, injini miaŋgö könaŋaŋgöra janjuŋ malbepuk. Miaŋgöra keu lömbötŋi mi azi kiangöra jibi öŋi eket.” Mewö jiba azi sile likepŋi kömukömuŋaŋgö jeŋe eka jiyök, “Gi mönö wahöta tumbulahöpki memba mirige anöŋ. Keu lömbötŋi mi öŋŋambuk akŋa ewö, keu awamŋi mi mönö mewöyök denöwögöra omanj akawak?”

⁷Mewö jiiga miaŋgöreŋök wahöta miriŋe anök. ⁸Mewö asuhuiŋa ambazip kambu yeŋön mi eka welipköba Anutu möpöseim wangiget. Gölmegö azigöra kukösum mewöŋi wangiyöhaŋgöra Anutu möpöseiget. Mewö.

Jisösnöŋ Matyu (Liwai) oholök.

Mak 2.13-17; Luk 5.27-32

⁹Jisösnöŋ miaŋgöreŋök anda takis ofis oŋgitmamgö aiga miaŋgöreŋ azi qetŋi Matyu tariga eka jii mörök, “Gi mönö nöŋgö andöne kanöŋ.” Mewö jii möta wahöta takis nup mosöta Jisösgö andöŋe anök.

¹⁰Anda Matyugö mire anda nene nempa tatkeri, nalö miaŋgöreŋ takis meme azi tilipqilipŋinambuk aka siŋgisöndok azi gwötŋukŋan kaba Jisös aka yangö gwarekurupŋi yembuk tata nene mohotje neget. ¹¹Mewö negetka Farisi (Köna keugö kapaŋkölköl) yeŋön mi eka Jisösgö gwarekurupŋi kewö jim engiget, “Aek! Engö böhiŋinan mönö wuanöŋgöra takis meme tilipqilipŋinambuk aka siŋgisöndok ambazip yembuk tata nene neza? Mi qahö dop kölja.”

¹²Mewö jim engigetka Jisösnöŋ likepŋi kewö jii mötket, “Sile unditundit ambazipnöŋ doktagöra qahö ak engimakzapmö, kawöl ambazipnöŋ mönö doktagöreŋ anakze. ¹³“Nöŋön siŋgisöndok ambazip engoholmamgöra kaba maljalmö, ambazip nanŋinaŋgö mötketka solanŋi akzei, i qahö. Miaŋgöra keu kiangö könaŋi mönö anda kusum aŋguba mötme, ‘Nöŋön jöwöwöl ohobingö qahöpmö, ak kömum aŋgubingö sihimŋi mötzal.’” Mewö.

Nene siŋgi malmalgö keuŋi

Mak 2.18-22; Luk 5.33-39

¹⁴Nalö miaŋgöreŋ Jon O-melun azigö gwarekurupŋi yeŋön Jisösgöreŋ kaba kewö qesiget, “Neŋön aka Farisi (Köna keugö kapaŋkölköl) yeŋön Anutugöra nene siŋgi gwötŋuk malahakzin. Nangi gwarekurupkan mönö wuanöŋgöra nene siŋgi qahö malje?”

¹⁵ Mewö qesigetka kewö meleḡnök, “Ölḡa, nini wani nalönöḡ nene siḡgi malakzin? Ambi meme nalöḡe azigö andöurupḡan könöpḡi algetka ambigö sepkitipurupḡan yuai mi tökömakze me qahö? Nönön nani gwarekurupni yeḡḡö azi buḡaya aka yeḡḡö sutḡjine köisirik tatzal. Tatpiga yeḡḡön miangöra aijölön söḡgaiba tata siḡgi malbingö osimakze. Osimakzemö, Anutunöḡ noaḡgiri kö-mumbiga yeḡḡön mönö nalö miangöreḡ ölop siḡgi malakḡe.

¹⁶ (“Iḡini malmal walḡi aka sösoḡḡ-gai Buḡa dölökḡi mi mindirim etkibingö osime. Miangö keu pasetḡi mi kewö jibi mötket:.) Löḡgölöḡgöt walḡi jurariga kunöḡ opo dölökḡi qahö saḡoḡsaḡgoḡi mitiba miangön opo su jöhanḡi qahö ala umgöreḡgömakza. Opo su jöhanḡi dölökḡi mewöḡan mönö waziba löḡgölöḡgöt walḡi öröiga kunbuk tiḡgiriga kinimḡan qariba böliqölibapuk.

¹⁷ “Mewöḡanök kunöḡ wain o dölökḡi mi jobö me toru walḡi lama sileḡan memeḡi miangöreḡ qahö kusuiga gemakza. Mewö akawak ewö, wain o dölökḡan mönö qariba toru qesiḡniga jula mokoiga gölmenöḡ eta sohoiga toruḡan böliqölibepuk. Miangöra wain o dölökḡi mi toru dölökḡeyök mokoin geiga dop kölma. Möwö ahinga mietkön ölöwakḡahot. (Mewöḡanök o ölopḡi mi gina gisagisahöḡe qahö umakzin. Mewö ubinak ewö, miangön mönö jula kisipisirik eriga namba kawöl neḡgöhöbapuk. Mewö akapuköra o ölopḡi mi gina ölopḡe umakzin. Iḡini mewöyök malmal walḡi aka Ölöwak Buḡa dölökḡi mi mindirim etkibingö osime.) Mewö.”

Jairusnöḡ böratḡangöra Jisös köuluköyök.

Mak 5.21-43; Luk 8.40-56

¹⁸ Jisösnöḡ keu mi jii mötketka keu galöm kunḡan kaḡgota Jisösgö wösöḡe

geba simin köla kewö köuluköm waḡḡiyök, “Nöḡḡö böratnan mönö dölki kömuzapmö, mönö kaba böroḡan sileḡe misirinöḡga guliba toroqeba malma.” ¹⁹ Köuluköm waḡḡiiga wahöta gwarekurupḡi yembuk i wuatangöba anget.

Kawöl ambi kunöḡ Jisösgö malukuḡi misiriyök.

²⁰ Angetka miangöreḡ sutḡjine ambi kun malök. Yaḡön (yara) yambu 12 miangö dop köiḡnöḡ ehiga nalö dop kawöl yöhöiga malök. Ambi miangön Jisösgö andöḡe kaba malukuḡangö kitip suḡi misiriyök. ²¹ Mi misiriba nanḡangöra kewö jiyök, “Nöḡön i oseimangö möt lömböriba malukuḡeyök borom kun misiribileḡak ewö, mönö ölop ölöwakḡam.”

²² Mewö jiba misiriiga Jisösnöḡ miangöreḡök lilingöba i eka kewö jii mörök, “Böratni, mötnariḡkan mönö mem ölöwak gihiza. Mönö köhöiba ewe-bibigabuk saitiḡḡit malman.” Mewö jii möta aua miangöreḡök ölöwahök.

Jisösnöḡ Jairusgö böratḡi mem guliyök.

²³ Toroqeba angetka Jisösnöḡ keu galömḡangö mire öḡgöba ambazip jingḡeḡ köla awölop ugeri aka ambazip kambu göju gilgeri, mi enḡeka kewö jim kutum enḡiyök, ²⁴ “Mönö yaigeḡ anget. Ambi moröḡan qahö kömuzapmö, gaunök ahöza.” Mewö jim kutum enḡiiga mötketka gönahit ewö aiga gön köl waḡḡiget.

²⁵ Gön köl waḡḡigetmö, ambazip kambu ketanḡi mi jiiga yaigeḡ angetka ambi moröḡangö ahöahö miri uruḡe öḡgöba böroḡe meiga wahörök. ²⁶ Wahöriḡa miangö buzup keuḡan sehiba mindimindiri sel mi körek dop köla anök. Mewö.

**Jisösnöñ jegömöl azi yahöt
mem ölöwak etkiyök.**

²⁷ Jisösnöñ miri gölme mi mosöta an-mangö ani jegömöl azi yahötñan wu-atañgöba andöñe kaba kewö qerohot, “Deiuidkö gwölönarökñi, gi mönö ak kömum netkiman.”

²⁸ Mewö qerohotka miri kungö uruñe öñgöiga jegömöl azi yetkön Jisösgöreñ kayohotka kewö qesim etkiyök, “Jeñiri mem tohomangö kukösumñi nöñgöreñ ahözawi, mi möt narizahot me qahö?” Qesim etkiiga kewö meleş wañgiyohot, “Kembuniri, mi ölop möt narizit.” ²⁹ Mewö meleş wañgiyohotka je dapötñire misiriba jiyök, “Mötnaripñi-rangö dop mönö asuhuma.”

³⁰ Mewö jiiga jeniran tohoyök. Mewö asuhuiga galöm meme keu köhöikñi al etkiba kewö jiyök, “Mörohot, kiangö buzupñi mi kun kude jiyohot mötme.”

³¹ Mewö jiyökmö, yetkön mosöta anda miangö buzupñi jim sehiyohotka mindi-mindiri sel mi körek dop kölök. Mewö.

**Jisösnöñ mötök azi kungö
keuñi möhamgöyök.**

³² Jeñiri tohoi anohotka töñöt azi keu jijñi qahö mi wañgita Jisösgöreñ kaget.

³³ Kagetka Jisösnöñ ömeñi közöli mötök azinöñ keu jiiga ambazip kambu yeñön mi eka welipköba jiget, “Tandök kewöñi mi Israel uruñe mönöwök nalö kungen qahö ehin. Qahö. Dölki je murutña ekzin.”

³⁴ Mewö jigetmö, Farisi (Köna keugö kapañkölköl) yeñön jiget, “Yañön mönö öme yeñgö kembuñiñgö ösumnöñ ömewöröme eñguatañgömakza.” Mewö.

**Jisösnöñ könagesö
yeñgö wösöñi mörök.**

³⁵ Mewö anda miri aka taon dop liliköba ambazip köuluk miriñine kusum eñgiba bemtohongö Ölöwak Buña jim asariba miangö uruñi kunguba uzi kawöl aka jepajerepe könañi könañi mem ölöwak eñgiba malök. ³⁶ Mewö mala ambazip kambuñi kambuñi eñgehiga lama galömñini qahö tandök simbisembel aka iliñgösöñ qeñgalañga malgetka yeñgöra wösöñi mörök.

³⁷ Mewö eñgeka gwarekurupñi kewö jii mötket, “Anutugö nupnöñ nene ölni gwötpuk öliba ahözapmö, mi tokobingö nup meme ambazipnöñ mönö awamdökñi malje. ³⁸ Miangöra nene öliöliñgö Kembuñan nup meme ambazip melaim eñgimapköra mönö köuluköba malme. Köuluköm wañgigetka nup ambazip asuhuba ölni mi mem tokome.” Mewö.

Aposol 12 yeñgö qetñini

Mak 3.13-19; Luk 6.12-16

10 Jisösnöñ gwarekurupñi 12 eñgoholi yañgöreñ kagetka ömewöröme közöl eñgimegö kukösumñi al eñgiyök. Mewöyök uzi kawöl qemjem-mamjeñ könañi könañi mem ölöwakñegö kukösumñi al eñgiyök. ² Melaimelai azi aposol 12 mieñgö qetñini kewö: mutukñi yañön Saimon, qetñi kun Pitö qetket aka yañgö munñi Andru. Miangö andöñe Jeims aka munñi Jon, iwiñiri qetñi Zebedi.

³ Filip aka Bartolomyu, Tomas aka Matyu takis meme azi, Jeims Alfiusgö nahönñi aka Lebeus qetñi kun Tadius,

^v9:34 Mat 10.25; 12.24; Mak 3.22; Luk 11.15

^w9:35 Mat 4.23; Mak 1.39; Luk 4.44

^x9:36 Jañ 27.17; 1 Kiñ 22.17; 2 Hist 18.16; Eze 34.5; Mak 6.34 ^y9:37 Luk 10.2

⁴Saimon Zelot-politik azia ^{§§}aka Judas Iskariot. Kariot azi mianjōn kōnanjen Jisōs mamalolo mem waŋgiyōk.

**Jisōsnōj gwarekurupŋi
12 melaim enġiyōk.**

Mak 6.7-13; Luk 9.1-6

⁵Jisōsnōj azi 12 mi melaim enġiba kewō jim kutum enġiba jiyōk, “Inġini kian kantrigō ambazip yeŋgōreŋ kude anme. Mewōyōk Samaria prowins yeŋgō taonġini kunōj kude anme. ⁶Miaŋgōreŋ kude anmemō, Israel kōnagesōgō lama sohogerī, mōnō yeŋgōreŋ anme. Mi nup mutukŋi. ⁷Denike denike anmei, mi-aŋgōreŋ mōnō Buŋa keu kewō jiba jim asarime, ‘Suepkō bemtohoŋan mōnō dowe kazawa miaŋgō uruŋe aŋgotme.’

⁸“Ambazip kawōlŋinambuk mōnō mem ōlōwak enġiba kōmukōmuŋi mi mem gulim enġiba malme. Uzikuku ambazip mōnō mem solanim enġigetka ōme wōrōme kōzōl enġiba malme. Anutunōj yuai kalema enġiyōhi, mi mōnō toroqeba kalema enġiba malme.

⁹“Kōna anmeaŋgōra soujeŋi goul me silwō me ain kopōnōj memēŋi mi mōnō irimunġanine kude jōhōme. ¹⁰^aAmbazipnōj nup meme ambazip malmalŋini naŋgōmeaŋgō dop akze. Miaŋgōra kōna anmeaŋgō yuaiŋi ki mi kude memba anme: gōsō qahō, maluku semōnŋi qahōpmō, mohot meme, kōna esu qahō, ōrōp qahō.

¹¹“Anda taon me miri denike denike aŋgotmei, miaŋgōreŋ mōnō daŋōn azi ipŋi qetbuŋaŋambuk akzawi,

miaŋgōra qesigetka miri enġimei, mōnō miaŋgōreŋjōk mala nup memba taon mi mosōta kōna anme. ¹²Miri kunōj ōngōba luainōj yembuk ahōmapkō jime. ¹³Mi jigetka luaiŋini aŋgōn kōlmeaŋgō dop akze ewō, luaiŋinan mōnō yeŋgō qakŋine ōngōmapmō, mi aŋgōn kōlmeaŋgō dop qahō akze ewō, luaiŋinan mōnō liliŋgōba nanŋine kama.

¹⁴^b“Anda mala miri kunōj aŋgotketka qahō kōl ōrōm enġiba keuŋini qahō mōtketka nesampurekŋini mōnō kewō jiba kondel enġime, ‘Nini enġō gōlmenōj kainga sōlbuham kōna tambōnine mekōtahōzawi, mi mōnō tim tōnjōringa nanŋine liliŋgōba gema.’ Mewō jiba ōlōp miri me taon mi mosōta toroqeba anme. ¹⁵^cNōjōn keu ōlŋi kun kewō jibi mōtme: Anutunōj nalō ketaje qemasolokepŋinaŋgō likepŋi meleŋni taon miaŋgō qakŋe ōngōmawi, dop miaŋōn mōnō Sodom aka Gomora gōlme yeŋgō dop oŋgita toroqem enġima.” (Sodom Gomora yeŋōn bōlōŋi kanjamŋambuk memba uruŋini qahō meleŋgetka Anutunōj kōnōpnōj kōndeŋ enġiyōk.) Mewō.

**Anda nup megetka
sesewerowo asuhuma.**

Mak 13.9-13; Luk 21.12-17

¹⁶^d“Mōtket, lama yeŋōn arōkŋaŋgō kiam kalŋi yeŋgō sutŋine gegetka luhuba enġōhōbepuk, nōjōn inġini miaŋgō tandōk ewō melaim enġibi anme. Miaŋgōra mōnō mokoleŋ ^eewō

^{§§}**10:4** Nesōnōl pati Zelot yeŋōn Rom gawman tuarenjōj aka nanŋine kinkin mem-biŋgōra tuakōpek memba malget.

^{*}**10:16** Mokoleŋ aka raskol yeŋōn aukŋe bim gegetka zilaŋ miwikŋaiba jōhōm enġibeak. Miaŋgō dop lōmbōribapukōra gwarek neŋōn maslim, komyunist aka tosatŋi yeŋgō sutŋine qetnini misinari mi aukŋe qahō jimakzin. Mōtkutukutu mi ōlōpŋi.

^z**10:7** Luk 10.4-12 ^a**10:10** 1 Kor 9.14; 1 Tim 5.18 ^b**10:14** Apo 13.51

^c**10:15** Mat 11.24; Jen 19.24-28 ^d**10:16** Luk 10.3

mötkutukutu qakje galöm mem anguba mala kembö ewö ambazip bönjöni köpösihitkö keuñini qahö malme. ¹⁷eAmbazipnön injini öröba keu jakeñine al engiba köuluk miriñine keu nupñini memba ihilek wahinambuknön tauköm engime. Miangöra ambazip mewöñi yengöra mönö galöm mem anguba malme.

¹⁸“Tosatjan nöngöra aka enguangetketka kantriñi kantriñi yengö kiñ kembu aka premiö yengö jemesoholñine kinme. Mewö kinda nöngö könañamni nangöba jigetka azi ipñi mi aka kian kantri könañesö yeñön mi mötme. ¹⁹Mi mötmemö, keu jakeñe al engigetka kinmei, nalö miangöreñ wani keuya denöwö jibinak, miangö waimanjatñi kude mötme. Keu jime, mi Uña Töröñan aua miangöreñök engima. ²⁰Nanñine uruñineyök keu kude jimemö, Iwiñinangö Uña Töröñan mönö uruñini sölölohöiga keu jime.

²¹f“Urumeleñgö kopa kunöñ darumunñan uruñi meleñnö-hangöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratñi mamalolo meiga kömuma aka nahönbörat yeñön iwinamuruñini qetal engiba jigetka enguget kömume. ²²gNöngö qetnangöra aka kantriñi kantriñi yeñön körek kazik al engigetka malmemö, kunñan kapañ köla nalö tekömawangö dop köhöiba böñ qeba kinmawi, yañön mönö oyaenköyaen buña qem anguma.

²³“Taan kunöñ sesewerowero ak engime, mi mönö kök ala taan kunñan

anme. Nöñön keu ölni kun kewö jibi mötme: Injini Israel taonñi taonñi qahö liliköm tekögetka Suep gölmegö azi ölnan mönö lilingöba kama. ²⁴hGwarek kunñan böhiñi oñgita mötmötñambuk qahö akza aka welenqege kunñan ketañamñi oñgita nupkö mötmöt qahö memba malja.

²⁵i“Gwareknön böhiñi ewö mötmötñambuk aiga dop kölma aka welenqeenöñ ketañamñi ewö nupkö mötmöt memba maliga dop kölma. Miri uruñi kungö saiwa galömñi jim böliba qetñi Katakömulat [†]qetket ewö, yangö saiwauruñi yengö qetñini mönö amqeba awamñanök mewö qerakje.” Mewö.

Dagöra keñgötñini mötketka dop kölma?

Luk 12.2-7

²⁶j“Ambazipnön yuai önun meget ahözawi, mi pakpak mönö lulungetka aukje ahuma. Mewöñanök keu asam-bötket ahözawi, mi pakpak mönö in-delgetka möt kutume. Miangöra ambazip yengöra keñgötñini kude möta malme. ²⁷Nöñön keu söñaupnön ölöñ jimami, mi mönö asakje jime. Keu sañep algetka kezapñine gei mötmei, mi mönö sombemnön aukje jime. Miangöra mönö keuñinangö galöm memba malme.”

Dagöra keñgötñini möringa dop kölma.

²⁸“Tosatjan sileñini qem kömum-beakmö, uñañini qem kömumbingö

[†]10:25 Juda yengöreñ Katakömulat qetñi Belzebul. Mi ömewöröme yengö ketañamñini. Matyu 9.34 miangöreñ Jisösgöra qet bölöñi mi qetket. Miangö dop Jisösgö alauruñi nengöra qet bölöñi könañi könañi qerakje.

^e10:17 Mak 13.9-11; Luk 12.11-12; 21.12-15 ^f10:21 Mak 13.12; Luk 21.16

^g10:22 Mat 24.9, 13; Mak 13.13; Luk 21.17

^h10:24 Luk 6.40; Jon 13.16; 15.20

ⁱ10:25 Mat 9.34; 12.24; Mak 3.22; Luk 11.15 ^j10:26 Mak 4.22; Luk 8.17

osimei, yengöra keŋgöŋjini kude möta malme. Mi qahöpmö, yuai mutukŋi ki: Kunŋan kukösum memba uŋa aka sile mohot ayuhum etkiiga könöp sianöŋ gemahori, yaŋgöra mönö keŋgöŋjini möta malme. ²⁹Tosatŋan bekösöm (jöjöröm, ulisit) yahöt moneŋ köŋŋi mohot-töpnöŋ söŋgöŋöŋi memegöra alakzemö, etkerigetka Iwiŋinan oŋ qahö jiiga yetköreŋök mohotnöŋ gölmenöŋ qahö etma.

³⁰“Anutunöŋ köyan köl engiba nöŋöp juŋŋini pakpak mewöyök oyon teköba jaŋgöŋjini mötza. ³¹Ambazip engö söŋgöŋöŋini mi bekösöm ulisit gwötpuk engongita öŋgöŋöŋi akza. Miangöra keŋgöŋjini mönö kude möta malme.” Mewö.

Kraist jim miwikŋaime me qaŋ kölme?

Luk 12.8-9

³²“Mewö aiga kunŋan ni ambazip jeŋine jim miwikŋaim niŋimawi, nöŋön mönö mewöŋanök i Iwini Suep mire maljawangö jeŋe jim miwikŋaimam. ³³^kMewömö, kunŋan ni ambazip jeŋine qaŋ köl niŋimawi, nöŋön mönö mewöŋanök Iwini Suep mire maljawangö jeŋe qaŋ kölмам.” Mewö.

Jisösgöra luai qahöpmö, kazik asuhuma.

Luk 12.51-53; Luk 14.26-27

³⁴Jisösnöŋ toroqeba kewö jiyök, “Kewö kude mötmörime: Jisösnöŋ luai qemangöra aka gölmenöŋ erök. Nöŋön luai qemangöra qahöpmö, nöŋgöra aka jula deŋgetka bimgö sou ketanŋan aume.

³⁵^l“Mi kewögöra jizal: Nöŋgö Buŋa keunan ambazip uruŋini kuŋgui

melengerangöra kewö asuhuma, ‘Iwi morö yetköŋ jula kerök-kerök ahotka nam morö yetköŋ tötal aŋguyohotka iranŋan iranŋi qetala julmahot. ³⁶Ambazip nanŋini saiwauruŋinan mönö kerökurupŋini akŋe.’

³⁷“Kunŋan ni göragöra al niŋgiba iwiŋi me namŋi jegep ala jöpakömawi, yaŋön mönö nöŋgöreŋ qahö dop kölma. Kunŋan ni göragöra al niŋgiba nahönŋi me böratŋi jegepŋe ala jöpakömawi, yaŋön mönö nöŋgöreŋ qahö dop kölma. ³⁸^mSisitŋini megetka kunŋan ni nu-atanŋöba sihimbölö möta maripomnöŋ kömumangö qahö jöjörömawi, yaŋön mönö nöŋgöreŋ qahö dop kölma.

³⁹ⁿ“Kunŋan nanŋi malmal siyonŋsayonŋi qahö mi miwikŋaimawi, yaŋgö malmalŋan mönö sohoma. Kunŋan nöŋgöra aka malmalŋi köleŋniga sohomawi, yaŋön mönö oyaenŋkoyaenŋ malmal miwikŋaime.” Mewö.

Anutunöŋ nupŋinangö töwaŋi engima.

Mak 9.41

⁴⁰^oJisösnöŋ jiyök, “Kunŋan iŋini miriŋe köl öröba köyan köl engimawi, yaŋön mönö ni köl öröm niŋgima. Kunŋan ni köl öröm niŋgimawi, yaŋön melaim niŋgiyöhi, mönö i miriŋe köl öröm wangima. ⁴¹Kunŋan kezapqetok ambazip kun kezapqetok nupŋangöra aka miriŋe köl öröba köyan kölmawi, yaŋön mönö kezapqetok ambazipkö töwaŋi buŋa qem aŋguma. Kunŋan ambazip solanŋi kun solanŋi akzawangöra aka miriŋe köl öröba köyan kölmawi, yaŋön mönö ambazip solanŋangö töwaŋi buŋa qem aŋguma.

^k10:33 2 Tim 2.12 ^l10:35 Mai 7.6 ^m10:38 Mat 16.24; Mak 8.34; Luk 9.23

ⁿ10:39 Mat 16.25; Mak 8.35; Luk 9.24; 17.33; Jon 12.25

^o10:40 Mak 9.37; Luk 9.48; 10.16; Jon 13.20

⁴²“Kunjan morö kienjörenök kungöra nöngö gwarekni akzawañgöra aka o amötji qambiñambuk nemapköra wañgimawi, Anutunöñ mönö miangö töwañi melenđa wañgima. Nöñön keu öñji kun kewö jibi mötme: Nañgöm engimei, mienön mönö töwa meme.” Mewö.

**Jongö gwarekyahötji
Jisösgören kayohot.**

Luk 7.18-35

11 Jisösnöñ gwarekurupñi 12 keu mewö kusum engii teköiga miri mi mosöta toroqeba Galili prowinsgö taon tosatje anda Buja keu kusum engiba miangön uruñini kunguba malök.

²Nalö miangören Jon O-melun azinöñ kösö mire tata Kraistnöñ nup mewö meyöhi, mi möta gwarekyahötji melaim etkii Jisösgören anohot. ³Kewö qesim wañgimahotköra melaim etkii anda jiyohot, “Mem ölöwak azi kamapköra mambörakzini, göñön mia akzan me azi kun bian kamapköra mambötpin?”

⁴Mewö qesim wañgiyohotka kewö melenök, “Yuai eka mötzahori, miangö kösohotñi mönö anda Jon kewö jiyohot mötma: ⁵PJegömöl yeñön jeñini uba eketka lokon yeñön köna anda kagetka uzikuku yeñön solanigetka kezapduhup yeñön keu mötketka kömuget yeñön guliba wahötketka etqejeñi yeñgöra Ölöwak Buja jim asaribiga mörakze. ⁶Mewö asuhui eketka kungö uruñan qahö bölii andö nuñgumawi, yeñön mönö simbawoñ akza.”

⁷Mewö jiiga Jongö gwarek yetköñ anohotka Jisösnöñ könahiba Jongö könañi ambazip kambu yeñgöra kewö jim asariyök, “Inini gölme qararañkölkölñe miangören wania ekingöra anget? Luhutnöñ jehot

uwutapköba metali anjanbanjan ahakzawi, inini azi mewöñi ekingöra anget me? ⁸Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñini eksihimñinambuk löngörakzei, mienön mönö kin yeñgö jakömbuak miriñine malje. Mi gölme qararañkölkölñe qahö.

⁹“Me wanat yuaia ekingöra anget? Kezapqetok azi kun ekingöra me? Öñja, nöñön kewö jibi mötket: Azi ekeri, yeñön mönö kezapqetok ambazip pakpak engongita tandökñi kun akza. ¹⁰Yañgö könañi mi mönöwök kewö ohoget ahöza, ‘Mötnöñ, nöñön kolekni garata kun melaibiga qeljine anda ambazip uruñini mindiñgöba göhö könañi mesariga göñön mönö yañgö andöñe gölmenöñ emu geman.’

¹¹“Keu mewö ahözapmö, nöñön keu öñji kun kewö jibi mötket: Ambinöhök morö pakpak asuhugeri, yeñgö sutñine Jonöñ mönö körek engongita qetbuñambuk kinja. Kinjapmö, Suepkö bemtohoñ uruñe angota Anutugö qetbuñañi miwikñaimakzei, yeñgö sutñine eretñi kondikñi yeñön mönö Jon oñgita.

¹²“Jon O-melun azinöñ Buja keu jiga nalö miangörenök könahiba Suepkö bemtohoñi könöpnambuk tuarenjoñ aka yarö gilakzemö, töndup ösumñan anda qarimakza. Könöpninambuk yarö gilakzeañön mönö bemtohoñ mi nanñinañgöra öröba buja qem angumakze. ¹³Bemtohoñgö könañi mi Mosesgören Köna keunöñ aka kezapqetok ambazip körek yeñgö Buzup Kimbiñine ohogetka oyoñda mala koringa Jonöñ asuhuba öñji aukñe indelök. ¹⁴Keu ki möt angön kölbingö mötze ewö, Elaija (Elia) asuhumawañgö dop ahöhi, Jonöñ mönö mia

^p11:5 Ais 35.5-6; 61.1 ^q11:10 Mal 3.1 ^r11:12 Luk 16.16

^s11:14 Mal 4.5; Mat 17.10-13; Mak 9.11-13

akza. ¹⁵ Kunjan urukezapnambuk maljawi, yañon mönö keu mi kezap ala möt kutuma.

¹⁶ “Ambazip merak gölmenöñ maljei, mi mönö wanatpuk dop al engebilenjak? Yeñon namande ewö akze. Mienön maket sombemnöñ tata keu gön gila lañ qeta kewö jimakze,

¹⁷ “Nini awölop uinga injini liñet gwawet qahö unduget. Nini jinjeñ kölinga injini qahö toroqeba sahötket.”

¹⁸ “Miangö könani kewö: Jon O-melun azinöñ kaba nene sinji mala wain o qahö neiga yañgöra jimakze, ‘Öme kunöñ uruñe geiga malja.’

¹⁹ “Suep gölmegö azi ölñan kaba nene nem söngaip aiga yañgöra kewö jimakze, ‘Mötket, yañon bau numbu tandök közöjeriba wain o gwötpuk namba takis tilipqilipñinambuk aka bölöñji meme yeñgö alañina malja!’ Anutugö mötkutukutu köñ gulimakzei, yeñgö ahakmemenjanñgö ölñan mönö mötkutukutu-ñinan dop köljawi, mi kondelakza.” Mewö.

**Jisösnöñ taon 3 yeñgöra
Yei wösöbirik! jiyök.**

Luk 10.12-15

²⁰ Miangö andöñe Jisösnöñ könahiba taon tosatñi tembul enñgiyök. Taon tosatñi miengöreñ anñgöletotñi kukösumñinambuk sehisehiñji meiga asuhugetmö, töndup uruñini qahö melenget. Miangöra i tembula kewö jim enñgiyök, ²¹ “O Korazin toñi, nöñon enñgöra Yei! jiba sahötzal aka Betsaida toñi, enñgöra mewöyök Yei! jiba sahötzal. Nöñon yeñgöreñ anbiga keuni jibi sösonihii anñgöletotni kukösumñinambuk asuhugetmö, uruñini töndup qahö melenget. Anñgöletot mi kian gölmenöñ Taiö aka

Saidon sitinöñ asuhubeak ewö, yeñon mönö nalö kööröñji uruñini melenbingö kaisöpsöpñi kondela dodohonöñ anñgömiriba kau ariba sahötpeak.

²² “Sahötpeakmö, nöñon kewö jibi mötme: Anutunöñ könanñep Korazin aka Betsaida yeñgö keuñini jim teköba likepñi melenñi sihimbölö mötmei, nalö ketañi miangöreñ mi mönö Taiö aka Saidon yeñgö sihimbölö dopñi onñgita mötme.

²³ “Aka Kaperneam toñi, Anutunöñ injini ölop mem wahöt enñgi Suep mire onñgöbeak me qahöpto? Qahöpmahöp! Inñini mönö kömupkö senjom mire kölölohoba game. Nöñon yeñgöreñ anbiga keuni jibi sösonii anñgöletotni kukösumñinambuk asuhugetmö, uruñini töndup qahö melenget. Anñgöletot mi Sodom taonöñ asuhubeak ewö, taon miangön mönö nalö kewöñe mewöyök toroqeba kinbawak.

²⁴ “Kinbawakmö, nöñon kewö jibi mötme: Anutunöñ könanñep Kaperneam enñgö keuñini jim teköba likepñi melenñi sihimbölö mötmei, nalö ketañi miangöreñ mi mönö Sodom gölme yeñgö sihimbölö dopñi onñgita mötme.” Mewö.

**Lömbötñinambuk enñon mönö
nönngöreñ kaba luhut meget.**

Luk 10.21-22

²⁵ Nalö miangöreñ Jisösnöñ keu kewö jiyök, “O Iwini, gönön Buña keugi mötkutukutu ambazip mötmöt ketañi megeri, yeñgöreñ asambötnönñmö, ambazip nahönbörat ewö nanñinanñgöra mötketka gukmaulem akzei, mi mönö yeñgöreñ indelnönnga möt asarize. Miangöra nöñon Suep gölmegö Kambuñi gi möpöseim gihizal. ²⁶ O Iwini, gi nangak mewö asuhumapköra mötnöñ dop köli ölöwahök.

[†]11:21 Ais 23.1-18; Eze 26.1–28.26; Joel 3.4-8; Amos 1.9-10; Zek 9.2-4

[†]11:23 Ais 14.13-15; Jen 19.24-28 [†]11:24 Mat 10.15; Luk 10.12

²⁷w“Iwinan mönō yuai pakpak jim kutuiga nōngō buḡaya ahök. Iwinan Nahōnḡaḡō kōnaḡi nanḡök möt yakōiga kunōḡ mi qahō mötza. Mewōyök Nahōnḡan Iwiḡaḡō kōnaḡi möt yakōiga kunḡan mi qahō mötza. Mewōyök kunḡan Iwinaḡō kōnaḡi qahō möt yakōiga Nahōnḡanök mi mötza aka ambazip möwölöhöm eḡgiba yeḡgōra mi indelmawi, yeḡḡōn mönō Iwi möt waḡgime.

²⁸“Nup memba urulömbötḡinambuk maljei, iḡini mönō körek nōḡgōreḡ kaḡetka uruawam eḡgibi luhut meme. ²⁹xNōḡgō temni mönō awötḡine ala aḡguḡetka Buḡani kusum eḡgibi mi möt sorokōba malme. Nōḡḡōn uruni memba et ala ḡuḡböḡjōḡjōḡ azia akzalāḡgōra ölöḡ uruawam eḡgibi luhut miwikḡaime. ³⁰Nōḡgō temni meḡet aḡḡuinga dopḡine akza aiga lömböt eḡgibi bisime, miaḡḡōn mönō awamḡi akza.” Mewō.

Jisōsnōḡ Sabat kendongō Kembuḡi akza.

Mak 2.23-28; Luk 6.1-5

12^yMiaḡḡō andōḡe Sabat kendon kunōḡ Jisōsnōḡ wit padi nup körorḡi ketāḡi kutuba anök. Aniga ḡwarekrupḡan wōsōḡini eḡḡuiga wit öḡḡi mohot mohot kōnahiba börōḡinan misiba neḡet. ²Neḡetmō, Farisi (Kōna keugō kapaḡkölköl) tosatḡan mi eka Jisōs kewō jigeḡ mörök, “Mötnōḡ, ḡöhō ḡwarekurupkan mönō Sabat kendongō nup meme soḡḡōḡi oḡḡitze?”

³zMewō jigeḡka kewō meleḡḡök, “Kiḡ Deiwidnōḡ yarō aziurupḡi yembuk lilikōba wōsōḡini eḡḡuiga yuai akeri, mi lök oyoḡḡet me qahō? ⁴aYaḡḡōn mönō Anutugō opo seri jikenōḡ öḡḡōba beret kömbukḡi Anutugō jemesoholḡe

altanōḡ alget tariga ösumḡan walōḡniga qekōgeri, mi mönō meiga neḡet. Beret kömbukḡi mosötmosötḡi mi jike nup ḡalöm yeḡḡōnök nezema. Yaḡḡōn aka yaḡḡō ḡuḡḡurumurupḡan mi nembepukōra soḡḡo ahōyökmō, mi töndup neḡet. ⁵bMewōḡanök jike nup ḡalöm yeḡḡōn Sabat kendonōḡ jōwōwöl jikenōḡ kinda nup memba nup memegō soḡḡōḡi oḡḡita töndup keuḡinambuk qahō ahakze. Keu mi Kōna keunōḡ oyoḡḡet me qahō?

⁶“Mi oyoḡḡet, mewō mötzalmō, nōḡḡōn kewō jibi mötme: Ki kinjawi, yaḡḡōn mönō jōwōwöl jike oḡḡita öḡḡōḡḡōḡi akza. ⁷cBuḡa Kimbigō keu kun kewō ahōza, ‘Nōḡḡōn jōwōwöl ohomeḡōra qahōpmō, sutḡine ak kömum aḡḡumegōra mötza.’ Iḡini keu miaḡḡō kōnaḡi mötpeak ewō, ambazip pinjitkö keunini qahō neḡḡō keunini mönō laḡ qahō jim tekōbeak.

⁸“Mi kewōḡōra jizal: Sueḡ ḡölmegō azi öḡḡan mönō Sabat kendongō Kembuḡi akza.” Mewō.

Jisōsnōḡ azi börōḡi sōsörōḡōḡi mem ölöwahök.

Mak 3.1-6; Luk 6.6-11

⁹Jisōsnōḡ miri mi mosōta köuluk miriḡine öḡḡōyök. ¹⁰Miaḡḡōreḡ azi börōḡi sosoholḡi kun tarök. Ambazipnōḡ Jisōs keu jakeḡe al waḡḡibingōra kewō qesim waḡḡiget, “Azi Sabat kendonōḡ möhamḡōba Kōna keu oḡḡitpin me qahō?”

¹¹dQesim waḡḡigetka kewō meleḡḡök, “Eḡḡōreḡök daḡḡōn kewō akza: Azi kungō lamanḡi mohok-kunḡan Sabat kendonōḡ lömnōḡ ḡema ewō, yaḡḡōn mi qahō memba örōiga kotma? ¹²Azigō bohōḡḡan mönō lamaḡō

^w11:27 Jon 3.35; 1.18; 10.15 ^x11:29 Jer 6.16 ^y12:1 Dut 23.25

^z12:3 1 Sml 21.1-6 ^a12:4 Lew 24.9 ^b12:5 Jaḡ 28.9-10

^c12:7 Mat 9.13; Hos 6.6 ^d12:11 Luk 14.5

bohonji gwötpuk ongitzawi, mönö mi mötmörime. Miangöra Sabat kendonöj nup ölöpnji memba mewö Köna keu qahö ongitpin.”

¹³ Mewö melenđa azi miangö jiyök, “Gi mönö börögi qötöteinöj.” Mewö jiiga qötöteiiga mutuk ahöhi, miangö dop ölöwaka böröj alañangö dop ahök.

¹⁴ Mewö asuhuiga Farisi (Köna keugö kapañkölköl) yeñon yaigep anda totoko ala Jisös denöwö aka qein kömumapkö keu jim jaruget. Mewö.

**Anutugö nup meme
azi tök-kutukutuñi kewö:**

¹⁵ Jisösnöj keuñini mi ek kutuba mi-angöreñök miri mi mosöta kungen anök. Aniga gwötpukñan yangö andöje wu-atañgöba angetka yeñgö sutñine kawöl ambazip pakpak mem ölöwak engiyök.

¹⁶ Mi mem ölöwak engiba könañi aukñe jibepüköra köhöikñanök qetal engiyök.

¹⁷ Mewö aiga Anutunöj kezapqetok azi Aisaia sölölohöiga keu kun jiyöhi, mi-añon mönö mewö öljambuk ahök. Keu mi kewö jii ahöza,

¹⁸ ^e“Eket, ki mönö nöngö nup azini aiga i möwölöhöm wañgial. Nöñon wölböt alani yangöra mötpi ölöwahiga urunan yangöra söngaimakzal. Nöñon Uñani Töröñi yangö uruñi dop kölmapköra melaibi geiga yañon keu diñdiñanök jim tekömakzalangö Buñani indela jim sehiiga kantriñi kantriñi yeñgöreñ anma.

¹⁹ Yañon anjururuk qahö aka keu töhöreñ qahö qerakña. Ambazip kunñan yangö qet kourukñi mi rowoñqeçe könanöj qahö mötma.

²⁰ Jehot qölökögeri, yañon mi qahö qe-siñma. [‡]Lambegö wikñan jem kutuba sanjöp aiga bölamñan jem bökbök ahakzawi, yañon mönö mi qahö qömbököma. Mewö nupñi memba ambazipnöj keu diñdiñi wuatangömegöra bim qeba maliga keu mianöñ luhut aliga köirañ alme.

²¹ Kantriñi kantriñi yeñon mönö yañon bauköm engimapköra mamböta jörömqrömmñini yangö qetñe ala malme.” Mewö.

**Jisösnöj öme yeñgö
ösumñini ongita qei etza.**

Mak 3.20-30; Luk 11.14-23

²² Ömenöj azi kun töñöt aka numbuñi jöhöiga jeñan gömölii mötök malöhi, mi wangita Jisösgöreñ kaget. Jisösnöj i mem ölöwahiga ömeñan kota mosöri nesilamñan lolohoiga kunbuk keu jiba uba ehök. ²³ Uba ehiga ambazip kambu pakpak yeñon mi eka auruba Jisögöra jiget, “Azi kianön mönö Deiwidkö gwölönarökñi akza me?”

²⁴ ^fMewö jigetmö, Farisi (Köna keugö kapañkölköl) yeñon mi möta kewö jiget, “Azi kianön kungö ösumnöj qahöpmö, öme yeñgö Kembuñini Katakömulat yangö ösumnöj ömewöröme enguatangömakza.”

²⁵ Mewö jigetmö, Jisösnöj urumötmötñini möt teköba kewö jii mötket, “Kantri denike yeñgö galömurupñinan sutñine anjururuk aka julmei, yeñon mönö ayuhum angugetka kantriñinan böliba sahopñanök aka qeqelanñan ahöma. Mewöyök siti me miri kungö könagesö yeñon sutñine anjururuk aka julmei, yeñon mönö

[‡]12:20 Jehot aka lambegö wikñi mi ambazipköra jiza. Ambazipnöj kun qeba jañ-gaurañga ak wañgigetka mötnariñan pömsöm qemapkö akzawi, Jisösnöj i mem ölöwakña.

^e12:18 Ais 42.1-4 ^f12:24 Mat 9.34; 10.25

galömkölköl nupñini memba kinbingö osime.

²⁶“Mötket, Satanöñ mönö alañi Satan kun wuatangöbawak ewö, yeñön mönö sutñine angururuk aka julbeak. Mewö aiga gawman nupñini memingö osigetka ömetohojinan mönö denöwö kinbawak?

²⁷“Mötket, nöñön Katakömulatkö ösumnöñ ömewöröme közöl engibileñak ewö, engö alaurupñinan mönö dagö ösumnöñ mi közöl engibeak? Miangöra yeñön mönö keuñini öñji me qahö, mi kewöta jim teköme. ²⁸Mi jim tekömemö, Anutugö ösumñan nöngö börö kesötñi sölölohöi öme enguatangömakzal ewö, Anutugö bem-tohoñan mönö engörej kam kuñguza. ²⁹Kunñan azi köhöikñangö köna böröñi mutuk qahö jöhöma ewö, yeñön mönö denöwö miriñe öngöba qezañda sukinapñi membawak? Mutuk i jöhöi tarigun mönö ölop miriñeyök öroyuaiñi pakpak wangita memba anma. (Miangö dop nöñön mewöyök Satan jöhöba andöñe ömeñi enguatangömakzal.)

³⁰g“Kunñan nömbuk qahö maljawi, yeñön mönö qetal niñgimakza. Kunñan ambazip nöngö qetne tokomegöra qahö öröm engimakzawi, yeñön mönö mendeñ engimakza. ³¹Miangöra nöñön keu kun kewö jibi mötme: Ambazip siñgisöndok aka mepaqepaik pakpak ahakzei, mi Anutunöñ ölop mosörakzalmö, kunñan Uña Töröñi ilita mepaikömawi, miangö

siñgisöndokñi Anutunöñ mönö nalö kunöñ qahö mosötma. Saumbañ!

³²h“Kunñan Suep gölmegö azi öñji qetala keu jima ewö, Anutunöñ mi ölop mosötmapmö, kunñan Uña Töröñi qetala keu yuai jimawi, yangö siñgisöndokñi mi Anutunöñ gölmenöñ mal-mawangö dop me kömup andöñe mi-angörej qahö mosötma.”

Ipkö könañi mi öñji eka kewöta möt kutume.

Luk 6.43-45

³³i“Ipkö könañi mi öñji eka kewöta mötzin. Miangöra mönö ip galöm kölgetka ölöwaka öñji ölopñi kuñgumakña me ip mem böligetka öñji bölöñi kuñgumakña. ³⁴jAzi uruñan yuai kokolak qei ahözawi, mia mönö numbuñan aukñe jimakza. Miangöra qatögö moröñi iñini, nanñinak bölöñi aka mönö denöwö keu ölopñi jibeak? ³⁵Azi ölopñangö uru köweñe ölopñangö möriamñi ahözawi, yeñön mönö ölopñi mi aukñeyök jimakza. Azi bölöñangö uru köweñe bölöñangö möriamñi ahözawi, yeñön mönö bölöñi mi aukñe jimakza.

³⁶“Mewö jimakzalmö, nöñön keu öñji kun kewö jibi mötme: Ambazipnöñ songo walöñda keu jit omañi omañi jimei, yeñön mönö keu pakpak miangö könañi mi jimtekötekögö nalö ketañe Anutugöra jim asarigetka kewötma. ³⁷Miangö könañi kewö: Anutunöñ mönö keu jitki kewöta miangö dopkeugi jim teköi solaniman me keugabuk aka lömböt miwikñaiman.” Mewö.

^{12:27} Nanñini silegalömurupñinan Anutugö qetñi öme mi Katakömulatkö kukösumnöñ közöl engigetka nöñön mi Anutugö ösumnöñ közöl engimakzal. Öroröñ qahö kinjinañgöra dañön keu muneñi wuatangömakza? Yeñön me nöñön?

⁸12:30 Mak 9.40 ^h12:32 Luk 12.10 ⁱ12:33 Mat 7.20; Luk 6.44

^j12:34 Mat 3.7; 23.33; 15.18; Luk 3.7; 6.45

**Böhi tosatjan aŋgöletoköra
kapaŋ köla uletket.**

Mak 8.11-12; Luk 11.29-32

³⁸^kNalö miangörej Farisi (Köna keugö kapaŋkölköl) aka Köna keugö böhi tosatjan Jisösgöra kewö jiget, “Böhi, gi ölop aŋgöletot kun menöŋga mi ekingö mötzin.”

³⁹¹Mewö jigetka kewö melej eŋgiyök, “Ambazip merak gölmenöŋ maljei, mi kambu bölöŋi aka serowilin ahakze. Yeŋön Anutugö aiwesökŋaŋgöra kapaŋ kölakzemö, aiwesök kun kezapqetok azi Jonagöra lök asuhuyök. Anutunöŋ aiwesök murutŋi kun qahö al eŋgima. ⁴⁰^mJonanöŋ suŋgem silimŋi karöbut köwet sömbupkö (gajugaju) gölömŋe malöhi, miangö dop Suep gölmegö azi ölnan mewöyök suŋgem asak karöbutkö dop gölme uruŋe ahöma.

⁴¹ⁿ“Jonanöŋ Niniwe ambazip sutŋine anda Anutugö keunöŋ uruŋini kuŋgui möta miangörejök uruŋini melengetmö, mötket, nöŋön sutŋine asuhuba kinda Jonagö ahakmemeŋi oŋgita ahakzal. Mewö ahakzalmö, iŋini töndup nesampurek ak niŋgimakze. Miangöra Niniwe ambazipnöŋ jimtekötekögö nalö ketaje ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinme. Mohotŋe kinda Niniwe yeŋön keu kewö eŋgö sileŋine alme, ‘Iŋini Suep gölmegö azi ölni nesampurek ak wangigetka Anutunöŋ likepŋi melej eŋgi sihimbölä öngöŋgöŋi mötme.’ Niniwe yeŋön mewö jigetka ahakmemeŋinan nanŋini könaŋamŋini indelgetka gamuŋini mötme.

⁴²^o“Könaŋamŋinaŋgö kaisöpsöpŋi kun kewö: Anutunöŋ mönöwök mötkutukutu öngöŋgöŋi ketanŋi mi kiŋ Solomon wanggiiga Saut görökenök

kantri kungö qin ambinöŋ Solomongö mötkutukutuŋi mötmamgö sihimŋi mörök. Sihimŋi möta gölme göräŋeyök wahöta köna köröp tiŋtiŋi kaba mala Solomongö mötmötŋi mörök.

“Mi mörökmö, mötket, nalö kewöŋe nöŋön sutŋine asuhuba kinda Anutugörej mötkutukutu öngöŋgöŋi memba kazali, mi Solomongö mötkutukutuŋi oŋgita. Oŋgitzapmö, iŋini töndup nesampurek ak niŋgiba tönpin kingetka qahö dop kölja. Miangöra Anutunöŋ könaŋep ambazip körek pakpak öröm eŋgi keuŋini jim tekömapköra jeje aŋgotmei, nalö miangörej Saut kantrigö qin ambi miangön mönö mewöyök aŋgotma. Yeŋön ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinma. Mohotŋe kinda keu kewö eŋgö sileŋine alme, ‘Iŋini Jisös nesampurek ak wangigetka Anutunöŋ likepŋi melej eŋgi sihimbölä öngöŋgöŋi mötme.’ Yeŋön mewö jiiga silikŋi kewöta nanŋinaŋgöra gamuŋini mötme.” Mewö.

**Öme yeŋön azi uruŋe
lilingöbingö kapaŋ kölje.**

Luk 11.24-26

⁴³“Ömenöŋ azi uruŋeyök kota gölme qararaŋkölkölŋe anda laŋ liliköba mala luhut memamgö miri jaruba kun qahö miwikŋaima. ⁴⁴Mi qahö miwikŋaiba oŋiba kewö jima, ‘Mirini mosöta kazali, miangörej mönö kunbuk lilingömam.’ Mewö jiba lilingöba miriŋi usuŋda meŋölöi ahöyöhi, mi gwamönŋi ahöi miwikŋaima.

⁴⁵“Mewö miwikŋaiba anda öme tosatŋi 7 eŋguangitma. Öme 7 mi nanŋi oŋgita bölöŋi kötökŋi akze. Yeŋön mi eŋguangiriga kaba miri mi öngöba

^k12:38 Mat 16.1; Mak 8.11; Luk 11.16 ^l12:39 Mat 16.4; Mak 8.12

^m12:40 Jon 1.17 ⁿ12:41 Jon 3.5 ^o12:42 1 Kiŋ 10.1-10; 2 Hist 9.1-12

mianğö uruņe malme. Mewö aiga azi mianğö könani mutuk kilenkilen ahökmö, könanğep bölqölim teköma. Ambazip kambu bölöņi ki merak gölmenöņ maljei, engöreņ mewöyök mewö asuhuma.” Mewö.

Jisösgö nam-munurupņi

Mak 3.31-35; Luk 8.19-21

⁴⁶Jisösnöņ toroqeba ambazip kambu yengöra keu jiba maliga nam-munņan kaba yaigep kinda yambuk keu jibingö mötket. ⁴⁷Mötketka kunņan kewö jii mörök, “Mötnöņ, göhö nam-mungan mönö yaigep kinda göbuk keu jibingö mötze.”

⁴⁸Keu mi jii mörökmö, yaņğöra melenđa kewö jiyök, “Nöņgö namni daņön? Nöņgö munurupņi mi daņön?” ⁴⁹Mewö jiba böröņi gwarekurupņi yengöreņ göröken boraņđa jiyök, “Eket, nöņgö namni aka munurupņi öļņi mönö ki.” ⁵⁰Denike yeņön nöņgö Suep Iwinanğö jitsihitņi tem kölakzei, körek mienğön mönö nöņgö namni aka nenmunurupņi akze.” Mewö.

Qesiņqesiņ azigö dopkeu.

Mak 4.1-9; Luk 8.4-8

13 Nalö mianğöreņök Jisösnöņ miri mi mosöta o anğö jitņe geba tarök. ²Tariga ambazip kambulembenöņ yaņğöreņ anda tokogetka waņgenöņ öņgöba tarök. Tariga ambazip kambu pakpak yeņön anğö goraņe saknöņ tokoget.

³Mewö tokogetka dopkeu gwötpuk jii mötketka kewö jiyök, “Mötket! Azi kunņan nene kötņi qesiņ gilmanğöra nupnöņ anök. ⁴Anda qesiņ giliga kötņi tosatņan kōna jitņe geba kölget. Geba kölgetka (warawen) neiņi neiņi kaņgota mi nem teköget.

⁵“Kötņi tosatņan köt jamönjinöņ geba kölget. Geba köla mianğöreņ gölme gwötpuk qahö miwikņaiget. Gölme dutņi qahö ahöyöhaņğöra korapņi zilaņ kotket. ⁶Kotketmö, wehönöņ kota enguba jem kutum engiiga jalöņini qahöpkōra soholiba gororöņgöget.

⁷“Kötņi tosatņan siriuret wahiņnam-buknöņ geba kölget. Geba kölgetka mienğön kota qem turuba böbölohot mem engiget. ⁸Mewö pömsöm qeyökmö, kötņi tosatņan gölme ölöņe geba kölget. Geba köla tosatņi mienğö kötņini 100 asuhuget. Tosatņan kötņini 60, tosatņan 30 mianğö dop ahum sehiget. ⁹Kunņan urukezapņambuk malja ewö, yaņön mönö dopkeu ki kezap ala möt kutuma.” Mewö.

Jisösnöņ wanigöra dopkeu jiyök.

Mak 4.10-12; Luk 8.9-10

¹⁰Mewö jiiga gwarekurupņan kaba Jisös kewö qesim waņgiget, “Gi mönö wuanöņğöra ambazip yengö ‘Keu jimam,’ jiba dopkeunöņ ala jimakzan?” ¹¹Qesim waņgigetka kewö melenđa jiyök, “Mi kewögōra: Suepkö bemtohoņe aņgota malbingö keu tōlapņi mi engōra aukņe jibi möt kutuzemö, yengōra mi mewö qahö.

¹²“Mianğö könani kewö: Kunņan mötkutukutuņambuk maljawi, Anutunöņ mönö mi toroqem waņgiiga köl guliba möriamņambuk malmapmō, kunņan mötkutukutuņi qahö maljawi, Anutunöņ mönö mötmöťņi moröņi ahözawi, mi mewöyök qekōba waņgitma.

¹³“Ambazip yengö keu jimam jiba kewögōra dopkeunöņ ala jimakzal: Yeņön nanņini jeņinan yuai ekagun könani tōndup qahö ek kutume. Nanņini kezapņinan keu törörök

mötagun könaŋi töndup qahö möt asarime. ¹⁴Kezapqetok azi Aisiaanöŋ qeljiŋe keu kun jiba ohoyöhi, mianöŋ ambazip mewöŋi yeŋgöreŋ öljambuk ahakza. Keu mi kewö, ‘Keu möt bibihibagun könaŋi töndup kude möt asarime. Yuai ek bibihibagun könaŋi töndup kude ek kutume.

¹⁵Ambazip kambu kienö uruŋinan mönö köhöikŋi gwözöŋda ahöza. Kezapŋinan keu möt bibihiba jeŋini kömaziliköba (kömazilihiwa) malje. Mewö qahö akeak ewö, mönö jeŋinan yuai ek kutuba kezapŋinan keu möta uruŋinan könaŋi möt asariba uruŋini melengetka nöŋön i ölop mem ölowak engebileŋak.’

¹⁶“Keu mewö ahözapmö, enö jeŋinan yuai ek kutuzawaŋgöra mönö simbawoŋ akze. Kezapŋinan keu möt kutuzawaŋgöra mönö simbawoŋ akze.

¹⁷Nöŋön keu öl töhöŋŋi kun kewö jibi mötket: Kezapqetok ambazip aka Anutugöreŋ ambazip solanŋi gwötpukŋan iŋini yuai ki ekzei, mi ekingö awöweŋgöba malgetmö, qahö eket. Iŋini keu ki mötzei, yeŋön mi mötpingö awöweŋgöba malgetmö, qahö mötket.” Mewö.

Jisösnöŋ dopkeugö könaŋi jiyök.

Mak 4.13-20; Luk 8.11-15

¹⁸“Qesiŋ gilgil azigö dopkeu jizali, miangö könaŋi mi kezap ala mötme.

¹⁹Nene kötŋi qesiŋ giliga köna jitre geba kölöhi, mi kewö: Kunŋan bemtohoŋgö Buŋa keuŋi möta könaŋi qahö möt asariiga Bölöŋaŋgö Toŋan kaba uruŋe kötŋi kömötkeri, mi qeköma.

²⁰Nene kötŋi qesiŋniga köt jamönjiŋnön geba kölöhi, mi ambazip söpsöpŋi kun. Yeŋön Buŋa keu möta mi miangöreŋök sösoŋgai qakŋe möt aŋgön kölakze.

²¹“Mewö ahakzemö, uruŋine jalöŋi qahö ahöm enöimapmö, nalö töröptökŋi miyök kin köhöiba malme. Buŋa keugöra aka kahasililiŋ me sesewerowo asuhuiga nalö miangöreŋök mönö tala enöuma. ²²Nene kötŋi qesiŋniga siriuret wahiŋinambuknöŋ geba kölgeri, mi kewö: Yeŋön Buŋa keu mötketka uruŋine gezapmö, gölmenöŋ malmalgö waimanjatŋi aka moner inap memegö urukönöpŋi ahuba lömbörim enöimakza. Qetbuŋaŋinambuk akingöra köpösöŋgögetka sihim kömbönaŋi bölöŋi tosatŋan mewöyök uruŋine dumgöba Buŋa keu böbölohot mem waŋgize. Mewö aiga öljini qahö gilipitŋi (ambetakŋi) akre.

²³“Nene kötŋi gölme ölopŋe qesiŋniga geba kölgeri, mi ambazip kewöŋi: Yeŋön Buŋa keu kezap ala möta möt asariba pöndaŋ kinda öljini miwikŋaimakze. Tosatŋan keu jit mohotnöhök kötŋi 30 miwikŋaimakze. Tosatŋan öljini 60, tosatŋan keu köt mohot mohot miengö öljini 100 mem sehiba miwikŋaimakze.” Mewö.

Dorowetkö söpsöp keu

²⁴Jisösnöŋ söpsöp keu kun kewö jii mötket, “Suepkö bemtohoŋaŋgö könaŋi mi azi kewöŋaŋgö dop ala jimam. Yaŋön nupŋe anda nene kötŋi ölopŋi qesiŋ gilök. ²⁵Qesiŋ gilökmö, sungem ahögetka miangöreŋ kerök aziŋan kaba wit padi sutŋine miangöreŋ dorowetkö kötŋi qesiŋ gila mosöta anök. ²⁶Wit padi kötŋan jula wahöta öŋgöba öljni asuhuyöhi, nalö miangöreŋ dorowetnöŋ mewöyök aukŋe asuhuyök.

²⁷“Mianöŋ aukŋe asuhuiga welenqeuruŋan mi eka nup toŋaŋgöreŋ kaba kewö jigetka mörök, ‘Ketaŋamnini, nupke nene köt ölopŋi qesiŋ gilnön

me qahö? Dorowetkö kötnji mi mönö denikeyök miangörej geba asuhuza?’

²⁸“Mewö jigetka möta kewö jii mötket, ‘Kerök azinöj mi qesinj gilök.’ Mewö jii möta welenqege yejön kewö jiget, ‘Nini ölop anda dorowet mi qözöla tokobingö mötzan me qahö?’ ²⁹Mewö jigetmö, kewö jii mötket, ‘Qahö! Injini dorowet qözöla tokoba miangörej padi tosatnji mi mewöyök qözölbepuk.

³⁰“Mönö mosötketka mohotnje qariba wahörohokun ölnji meme nalöjan kam kunjuiga nalö miangörej nöjön padi misimisi ambazip yengöra kewö jibi mötme: Mönö mutuk dorowet memba tokoba ohomegöra börangöba kösönöj jöhöme. Mi jöhöbagun mönö wit padi ölnji mi tokoba memba kaba nöngö köwe mire alme.” Mewö.

Nejoj kötnjangö dopkeu

Mak 4.30-32; Luk 13.18-19

³¹Jisösnöj dopkeu kun kewö torogeba jii mötket, “Suepkö bemtohojji mi kewö: Azi kunjan nejoj (nemuya) kötnji memba nanje nup gölmeje anda alök.

³²Kötnji mi morö közözömñi. Mi nene köt pakpak miengö eretjini akzappmö, jula wahöta yöha pakpak engongita qariba ip akña. Mewö aka kiniga könakemba neiñi neiñi kangota aipñini ip miangö böröje alakze.” Mewö.

Yistkö dopkeu

Luk 13.20-21

³³Jisösnöj dumnje kunbuk söpsöpkeu kun kewö jii mötket: “Suepkö bemtohojji mi yist me flaua mem qariqarigö dop kewö akza: Ambi kunöj ‘Beret ohomam,’ jiba yist memba flaua amae (dis) karöbut miangörej mindiriba melejjelej aka anda anda tari köreknanök qariyök.” Mewö.

Jisösnöj denöwögöra söpsöpkeuñi keuñi jiyök?

Mak 4.33-34

³⁴Jisösnöj keu pakpak mi könagesö yengöra söpsöp keunöj jiyök. Söpsöpkeu qahö mewö keu kun qahö jii mötket. ³⁵Mewö aiga Anutunöj kezapqetok azi kun sölölohöiga keu kun jiyöhi, miangön öljambuk ahök. Yejön keu mi kewö jii ahöza, “Nöngö numbunan mönö amqeiga söpsöp keuñi keuñi jimam. Anutunöj gölme miwikñaiiga asuhuyöhi, nalö miangörejök keu tölapje ahöi mala korini, nöjön mönö keu mi aukje jim indelmam.” Mewö.

Dorowetkö söpsöpkeugö könani

³⁶Jisösnöj söpsöp keu mi jim teköba ambazip kambu ketañi engömosöta miri uruje öngöyök. Öngöiga gwarekurupñan yangörej kaba kewö qesiba jiget, “Dorowet nene nupnöj asuhuyöhi, gi mönö söpsöp keu miangö könani jim asarim neñgiman.”

³⁷Mewö jigetka kewö melejda jiyök, “Suep gölmegö azi ölnjan mönö nene kötnji ölöpnji ölöpnji qesinj gilakza. ³⁸Nene nup mi gölmegö kantri pakpak. Nene kötnji ölöpnji mi bemtohojgö nahönbörat engöra jizal aka dorowet mi azi bölöjangö nahönbörat yengöra jizal. ³⁹Keröknöj mi qesinj gilöhi, mi Bölöjangö Tonjangöra jizal. Padi misimisi nalöñi mi gölmegö nalöjan tekömawangö nalö ketañi mi. Padi misimisi ambazip mi Suep garata yengöra jizal.

⁴⁰“Dorowet tokoba könöpnöj ohoget jemawi, miangö dop mönö gölmegö nalöjan tekömawangö nalö ketañe asuhuma. ⁴¹Suep gölmegö azi ölnjan mönö garataurupñi melaim

enjiiga kaba keu arej bölöni pakpak Kraistkö bemtohoj uruņe singisöndok akingö kondorakzawi, mi qeapköba mindiņgöme aka bölöni meme ambazip pakpak mi qözöla qezaköm enjime. §

⁴²“Mewö mindiņqindiņ aka ambazip mi gil enjigetka owen imarurubuk jeba ahözawi, miaņgöreņ game. Miaņgöreņ gemeaņön mönö sahöt gigilahöba irimņini yöhözömgögetka qetņi qeri malme. ⁴³Nalö miaņgöreņ ambazip solanņi mieņön mönö wehön tandök aka Iwiņinaņgö bemtohoj uruņe asariba mal öņgöme. Kunņan urukezapņambuk maljawı, yaņön mönö keu mi kezap ala möt kutuma.” Mewö.

Guli dötnam

mesamesambötņangö söpsöpkeu

⁴⁴“Suepkö bemtohoņi mi guli damandaņ söņgöröņi öņgöņgöņi miaņgö dop kewö akza: Mi nupnöņ mesambötket ahöiga azi kunņan mi miwikņaiaba aņgön köla kunbuk gölmenöņ mesambörök. Mesamböta miaņgöra söņgaiba anda sukinapņi pakpak bohonņi memegöra ali moneņ kaiga miaņön nup gölme mi bohonņi meyök.” Mewö.

Sorom kötnangö dopkeu

⁴⁵“Suepkö bemtohoņi mi stua azigö dop ala söpsöp keu kun kewö jimam: Yaņön sorom kötni ekjeritņambuk jaruba malök. ⁴⁶Jaruba mala sorom kötni mohot söņgöröņi ketarņi miwikņaiaba anda sukinapņi pakpak bohonņi memegöra ali moneņ kaiga miaņön sorom kötni mi bohonņi meyök.” Mewö.

Mösak örörögö söpsöpkeu

⁴⁷“Suepkö bemtohoņi mi mösakö dop ala söpsöpkeu kun kewö jimam: Mi o

aņgönöņ gilget geiga söra tandökņini könaņi könaņi gegetka enjömeme tokoyök. ⁴⁸Tokoi kokolak qeiga ambazipnöņ mi örögetka körökņe koriga eta tata söra ölpņi kewöta sakapnöņ tokogetmö, bölöņi mi gilgetka anök. ⁴⁹Keu miaņgö dop mönö gölmeğö nalöņan tekömawaņgö nalö ketane asuhuma. Suep garata yeņön kaba ambazip bölöņi mi solanņi mieņgöreņök kewöt enjime. ⁵⁰Kewöt enjiba ambazip bölöņi mi gil enjigetka owen imarurubuk jeba ahözawi, miaņgöreņ game. Miaņgöreņ gemeaņön mönö sahöt gigilahöba irimņini yöhözömgögetka qetņi qeri malme.” Mewö.

Keu kötni walņi aka dölöknj

⁵¹Jisösnöņ söpsöp keu mi jim teköba kewö qesim enjiyök, “Keu pakpak jizali, mi möt asarize me qahö?” Qesim enjiiga melenđa “Oņ!” jiget. ⁵²“Oņ!” jigetka kewö jii mötket, “Miri toņan miriņangö köweņeyök inap yuai walņi aka dölöknj uzeta alakza. Miaņgö dop Köna keugö böhi pakpak Suep bemtohoņgö gwarekurupņi akeri, yeņön mönö mewöyök uruņinaņgö köweņineyök keu aködamunņinambuk dölöknj aka keu ölop sorokņi walņi uzeta jimakze.” Mewö.

Nazaret yeņön Jisös andö qeget.

Mak 6.1-6; Luk 4.16-30

⁵³Jisösnöņ dopkeu mi jim teköba miri gölme mi mosöta anök. ⁵⁴Anda malqarip taonņe aņgota köuluk miriņine öņgöba Buņa keu kusum enjiyök. Kusum enjiiga auruba welipköba kewö jiget, “Yei! Kezapņupņup! Yaņön mötkutukutu ki aka aņgöletot kukösumņinambuk mi mönö denikeyök meza? ⁵⁵Azi

§13:41 Keu arej (ideology) bölöni yauer mötmöt, komyunist, maslim aka mötmöt arej tosatņi mi ambazip jöhöm enjiget qakögetka malmalņinan böliba sohomakzawi, garata yeņön mönö mi pakpak qeapköba mindiņgöme.

ki mönō miri kiangō mitimqege azigō nahōnḡa. Namḡaḡō qetḡi Maria aka munurupḡi Jeims, Josef, Saimon aka Juda. Mi ölop mötzin. ⁵⁶Nenurupḡan mönō körek sutnine ki malje. Mianḡōra yuai pakpak ki mönō denikeyök memba kaba akza?”

⁵⁷“Nazaret yeḡōn mewō jigetka uruḡinan böliiga mianḡōreḡ qakōget. Qakōgetmō, Jisōsnōḡ kewō jii mötket, “Kezapqetok azi mi nanḡi taonōḡ aka nanḡi mire jijiwilit ak waḡgimakzemō, miri tosatḡe mewō qahō.” ⁵⁸Mewō jiiga mötnariḡinan qahō asuhuiga yaḡgiseḡinanḡōra aka aḡōletot kukōsumḡinambuk mi mianḡōreḡ gwōtpuk qahō meyök. Mewō.

Jongō jōlḡi kutugetka kōmuyök.

Mak 6.14-29; Luk 9.7-9

14 Nalō mianḡōreḡ gölme bahōḡaḡō (Galili prowinsgō) kiḡ Herod yaḡōn Jisōsgō qetbuḡaḡi mörök. ²Mi möta welen-qequeurupḡi yeḡōra kewō jiyök, “Mi mönō Jon O-melun azia. Yaḡōn mönō kōmupnōhök wahōta nupḡi meiga aḡōletot kukōsumḡinambuk asuhumakze.” Waimanḡat möta mewō jiyök.

³“Mi kewōgōra jiyök: Herodnōḡ munḡi Filipkö anōmḡi Herodias ölon meiga Jon O-melun azinōḡ kiḡ jim waḡgiiga opotöröp melaim eḡgiiga anda Jon memba jōhōba kösō mire al waḡgiget. ⁴“Jonōḡ Herodköra keu kewō jiyök, “Gi qambōtki memba mala Köna keu oḡḡitan.” ⁵Mewō jiiga Herodnōḡ Jon qeget kōmumapkō mörökmō, könagesō yeḡōn Jongōra mötketka kezapqetok azia malōhi, mianḡōra könagesō yeḡōra keḡḡōtḡi mörök.

⁶Keḡḡōtḡi mörökmō, Herodkö ahuahū nalōḡan kaiga ketaurupḡan tokoba tatketka Herodiasgō böratḡan yeḡō jeḡine danis aliga Herodnōḡ mianḡō eksihimḡi gwōtpuk mörök. ⁷Mianḡōra ambi seram mianḡōn wani yuaigōra qesibawak, kiḡnōḡ mi tököm waḡgimamḡō keu jōhōba keu mi jōjōpaḡ keunōḡ jim köhöiyök. ⁸Mewō jim köhöiiga namḡan ambi seram mi kuḡḡum waḡgiiga kewō jiyök, “Mōnō qesinōḡa Jon O-melun azigō jōlḡi yandigetka nōrōpḡi memba ki kaba köndenōḡ niḡgima.”

⁹Mewō jiiga kiḡḡō uruḡan kömbuhiiga wōsōbirik mörökmō, jōjōpaḡ keuḡan jōhöi ketaurupḡan mi mötketka yeḡō jemesoholḡine etpapukōra möta nōrōpḡi waḡgimegōra jim kutuyök. ¹⁰Mewō jim kutuba opotöröpḡi kun melaiba jiyök, “Gi mönō kösō mire anda Jongō jōlḡi yandiba nōrōpḡi memba kaman.” ¹¹Mewō jiiga Jongō nōrōpḡi köndenōḡ ala memba kaba ambi seram mi waḡgiiga memba anda namḡi waḡgiyök. ¹²Jongō gwarekurupḡan mianḡō buzupḡi möta anda qamōtḡi memba qaksirigō köt köteḡnōḡ ala lōm kölget. Lōm köla anda keu mi Jisōs jiget mörök. Mewō.

Jisōsnōḡ azi 5000 nene gumohom eḡḡiyök.

Mak 6.30-44; Luk 9.10-17; Jon 6.1-14

¹³Jisōsnōḡ Jongō kösohotḡi möta miri mi mosōta waḡḡenōḡ öḡḡōba gölme kötikḡi kunōḡ nanḡinök malbingōra anget. Ambazip kambu yeḡōn mianḡō buzupḡi möta taon aka miriḡini mosōta Jisōsgō andōḡe wuatḡḡōba gölme köna anget. ¹⁴Angetka Jisōsnōḡ waḡḡenōhök eta ambazip kambulelembe eḡḡeka yeḡōra wōsōḡi mörök. Wōsōḡi möta sutḡine

^u13:57 Jon 4.44

^v14:3 Luk 3.19-20

^w14:4 Lew 18.16; 20.21

kawöl enğöhöi malgeri, mi mem ölöwak enğiyök.

¹⁵Mewö aka mali mare aiga gwarekurupñan Jisösgöreñ kaba kewö jiget, “Böhi, nini gölme kötikñi kiañgöreñ malinga wehön jeñan teköba gemamgö akza. Mianğöra gi ölop ambazip kambu ki melaim enğinönğa miriñi miriñi miengöreñ anda numbu neneñini söñgörüni memba neme.”

¹⁶Mewö jigetmö, Jisösnönj kewö jii mötket, “Yeñön ölop kiañgöreñ tatme. Ejñön mönö nanñinak i nene gumohom engime.” ¹⁷Mewö jii möta jiget, “Nini beret 5 aka söra yahöt miyök memba maljin.” ¹⁸Mewö jigetka jiyök, “Mönö mi memba kaba niñgime.”

¹⁹Mewö jiba ambazip kambu mi kegwañ luplupnönj eta tatmegöra jim kutum enğiiga tatket. Tatketka beret 5 aka söra yahöt mi memba Suenönj ui öngöiga kötuatköba beret mindipköba gwarekurupñi enğiiga ambazip kirip dop mendeñda enğiget. ²⁰Mendeñda enğigetka ambazip körekmakörek memba nem timbireñ aket. Nem timbireñ aka nene kitipñi kitipñi mosötkeri, mi gwarek yeñön qezakögetka sakap 12 mianğöreñ geba kokolak qeyök. ²¹Azi beret negeri, yeñgö jañgöñini mi 5000. Ambi nahönbörat yeñgö jañgöñini mi qahö meget. Mewö.

Jisösnönj o anğö qakñe tiba tiba anök.

Mak 6.45-52; Jon 6.15-21

²²Neget teköiga Jisösnönj mianğöreñök gwarekurupñi jim kutum enğiba kewö jiyök, “Iñjini mönö wañgenönj öngöba qeljiñe o anğö kutuba likepñe anme. Nöñön ölop nalö sutñe ambazip kambu ki melaim enğibagun kamam.” ²³Ambazip melaiba enğubula kundunje öngöba nanñök mala köuluköyök. Köuluköba mali mare aiga kundunje nanñik kötikñi

tarök. ²⁴Tariga wañgeninan lök o anğö bibiñe köröwen aniga luhutnönj angerağöreñök gila kaiga sirinönj wañgenönj giliga kekwilik anda kayök.

²⁵Mewö ahiga miri awörağöiga (3-6 kilok) mianğöreñ Jisösnönj o anğö qakñe tiba tiba gwarekurupñi yeñgöreñ kayök. ²⁶Kaba o anğö qakñe tiba tiba kaiga gwarekurupñan mi eka keñgötporiñ aka “Köwet Soñgoriñnönj kaza,” jiba sömbunñini möta qeta silatket.

²⁷Qeta silatketmö, Jisösnönj mianğöreñök keukeu jiba kewö jii mötket, “Alaurupni, mönö ewebibiñinambuk saitiñgit malme. Nanak kazal. Keñgötñini kude mötme.” ²⁸Mewö jii möta Pitönönj meleñda kewö jii mörök, “Göñön Kembuya akzan ewö, mönö ölop jinönğa nöñön o qakñe tiba tiba göhöreñ kamam.”

²⁹Jisösnönj mi möta “Ölop kanönj,” jiyök. Mewö jiiga Pitönönj wañge mosöta o anğö qakñe tiba tiba könahiba Jisösgöreñ anök. ³⁰Könahiba anökmö, luhutnönj gwötpuk gili mi eka keñgötporiñ aka könahiba o uruñe geba kewö qerök, “Kembu, bauköm niñginönj.” ³¹Qeriga Jisösnönj mianğöreñök böröñi börañda Pitögö böröñe memba kewö jiyök, “Möt-nariñki morörökñi. Mönö wuanönğöra uruyahöt akzan?”

³²Mewö jiba bauköm wañgii wañgenönj öngöyohotka luhutnönj nöñ qeba görönj alök. ³³Görönj aliga azi wañgenönj tatkeri, yeñön waikñi memba möpöseim wañgiba kewö jiget, “Alakña, gi Anu-tugö nahönña.” Mewö.

Jisösnönj Genesaret mala mem ölöwak nup meyök.

Mak 6.53-56

³⁴O anğö kutuba likepñe Genesaret mire anğota wañge mosöta saknönj geget. ³⁵Saknönj gegetka miri mianğö ambazipnönj Jisös möt kutum wañgiget. Möt kutum wañgiba keu algetka miri

pakpak kösutje tatkeri, miaᅅgöreᅅ aniga buzupᅅi möta kawöl ambazip körek eᅅguaᅅgita Jisösgöreᅅ kaget. ³⁶Kagetka kinda Jisös malukuᅅaᅅgö suᅅe misiribingö ulet waᅅgiba malget. Misirigeri, körek yeᅅön mönö ölöwak teköget. Mewö.

**Ambösakon yeᅅön keu
kusum sohoget.**

Mak 7.1-13

15 Miaᅅgö andöᅅe Farisi (Köna keugö kapaᅅkölköl) aka Köna keugö böhi tosatᅅan Jerusalem sitiyoᅅk Jisösgöreᅅ kaba kewö qesim waᅅgiget, ²“Göhö gwarekurupkan wuanöᅅgöra köna walöᅅda ambösakoninaᅅgö silikᅅjini qeze? Yeᅅön mönö böröᅅjini saᅅgoᅅda dom-amöt qahö qeba töndup könahiba nene neze?”

³Mewö qesim waᅅgigetka kewö jii mötket, “Nanᅅinak mönö wuanöᅅgöra ambösakoninaᅅgö silikᅅjini wuatᅅgöbingöra köna walöᅅda Anutugöreᅅ jöjöpaᅅ keu qeze? ⁴“Miaᅅgö keuᅅi kun kewö: Anutunöᅅ kewö jim kutuyöᅅ, ‘Iwinamgi mönö göda qem etkimakᅅan,’ aiga ‘Kunᅅan iwiᅅi me namᅅi qesuahömawi, i mönö qegetka kömuma.’

⁵“Mewö jim kutuyöᅅkmö, iᅅini keu mi oᅅgita kewö jimakze, ‘Kunᅅan iwiᅅaᅅgöra me namᅅaᅅgöra kewö jima: Wösöni mötzaᅅ. Nöᅅgö naᅅgönaᅅgö yuaini buᅅa qem angubanak, mi lök Anutugö saiwap naluköra kewöta albi ahöza. Kunᅅan mewö jiba iwiᅅi me namᅅi göda qem waᅅgimawaᅅgö dop qahö akza.’

⁶“Mewö jiba silikᅅjini walᅅaᅅgöra aka Anutugö jöjöpaᅅ keuᅅi utalgetka omaᅅi aka pömsöm qemakza. Mi qahö dop köᅅja. ⁷O urumeleᅅgö silesile ambazip, kezapqetok azi Aisaianöᅅ mönö eᅅgö kö-

naᅅamᅅjini törörök qelᅅje indela kewö jii ahöza,

⁸“Ambazip kambu kiaᅅön mönö numbu jitiᅅinan ölöᅅnaᅅök göda qem niᅅgi-makzemö, uruᅅinan nöᅅᅅᅅan ak niᅅgiba kungen algetka köröwen ahöza.

⁹Mewö ahöiga nöᅅgö waikni öne töhöᅅn memba möpöseim niᅅgimakze. Köna keu kusum eᅅgibin, jiba salupᅅe ambazip yeᅅgö jimkutukutuᅅjini mi numbu o alakze.” Mewö melenᅅ eᅅgijöᅅk.

Azi uru mi denöwö tölohoba lantiza?

Mak 7.14-23

¹⁰Jisösnöᅅ ambazip kambu kunbuk eᅅgoholi kagetka kewö jii mötket, “Iᅅini mönö keu ki kezap ala möt asarime. ¹¹Yuai azigö numbuᅅeyöᅅk uruᅅe gemakzawi, miaᅅön qahö tölohohom waᅅgimakzapmö, nanᅅi numbuᅅeyöᅅk keu erakzawi, miaᅅön mönö tölohohom waᅅgimakza.”

¹²Mewö jii mötketka gwarekurupᅅan kaba kewö qesiget, “Farisi (Köna keugö kapaᅅkölköl) yeᅅön keu mi mötket eᅅgui uruᅅinan böᅅlizawi, mi mötzan me qahö?” ¹³Qesigetka kewö melenᅅök, “Nöᅅön warök pakpak nöᅅgö Suep Iwinan qahö kömörohü, mi mönö jalöᅅjinambuk qözöᅅmam. ¹⁴“Muat, i mönö eᅅgömosötme. Yeᅅön ‘Jegömöl ambazip eᅅguaᅅgitpin,’ jimakzemö, nanᅅjini jeᅅinan mönö gömöᅅiza. Jegömöl kunᅅan jegömöl alaᅅi kun böröᅅje memba waᅅgitma ewö, yetköᅅn mönö mohotᅅe lömnöᅅ geba etkuma.”

¹⁵Mewö melenᅅniga Pitönöᅅ jiyöᅅk, “Dopkeu miaᅅgö könaᅅi mönö jim asarinöᅅ mörin.” ¹⁶Mewö jiiga Jisösnöᅅ jiyöᅅk, “O alaurupni, iᅅini mewöyöᅅk toro-geba mötmötᅅjini ölöᅅᅅi qahö akze me? ¹⁷Yuai pakpak azi numbuᅅeyöᅅk uruᅅe

gemakzawi, mi kömgokçe geba yaigep erakza. Mi möt kutuze me qahö?

^{18 a}“Mi erakzapmö, keu uru könömñeyök kota numbuñeyök erakzawi, miañön mönö tölohöm wañgimakza.” ¹⁹Ambazip uru könömñineyök yuai kewöñi asuhuba korakza: Keu bölöñi mötmöriba suña jinañ mamba ambazip enjuget kömumegö mörakze. Qesabulum aka serowilin akingö mörakze. Yoñgorö membingö mörakze. Jitnöñ alal keu muneñi jibingö mörakze. Andöqeçe keu yöhösañ jiba Anutu mepaiköbingö mörakze. ²⁰Yuai mewöñan mönö ambazip tölohöm engimakzapmö, böröñini qahö sanğonda nene nemakzei, miañön azi kun qahö tölohömakza.” Mewö.

**Kenan ambi kunñan
kapañ köla köuluköyök.**

Mak 7.24-30

²¹Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. ²²Aniga Kenan ambi, gölme miangö toñi kunñan kaba Jisös uleta kewö qeta jiyök, “Kembu, Deiwidkö gwölönarökñi, mönö ak kömum niñgiman! Ömenöñ böratni kölköljinñiñ ak wañgiiga sihimbölö ketañi mörakza.”

²³Qeta jiyökmö, Jisösnöñ keu kun qahö melenök. Mewö aiga gwarekurupñan kaba kewö kuñgum wañgiba jiget, “Ambi mi sahöta qeta könanine kazawañgöra mönö bauköm wañginöñga anma.” ²⁴Mewö jigetka melenök, “Iwinan Israel könagesögö lama sohosohonji miyöhök amöt qem engimangöra aka melaim niñgiiga kazal.” ²⁵Mewö melenniga ambi miañön kösutñe kaba simin köl

wañgiba jiyök, “Kembu, mönö bauköm niñginöñ!”

²⁶Mewö jiyökmö, Jisösnöñ kewö melen wañgiyök, “Qahö, morö yengö miriñineyök beret memba kiam enjiinga qahö dop kölbapuk. Juda nini kianurup enğö qetñini kiam qerakzin. Nöñön mutuk Juda ambazip bauköm enğibiga kantri tosatñi enñön mönö kiamgö dop mamböta malme.”

²⁷Melen wañgiyökmö, ambinöñ jiyök, “Kembu, mi ölop mötzalmö, kiam moröñi yeñön mönö mewöyök toñinanğö tebolnöhök nene boromñi eriga nemakze.” ²⁸Mewö jiiga Jisösnöñ kewö jii mörök, “O ambi, göhö mötnarički mi ketañi. Miangöra ulet niñgizanañgö öñi mönö asuhuma.” Mewö jii möta böratñan aua miangöreñök ölöwahök. Mewö.

**Jisösnöñ kawöl ambazip
sehisehiñi meiga ölöwaket.**

²⁹Jisösnöñ gölme mi mosöta kaba Galili o angögö jittje kañgota kundunçe öngöba eta tarök. ³⁰Tariga ambazip kambulembenöñ yañgöreñ kaba ambazip kewöñi enğuanğitket: Simalokon aka jegömöl ambazip, tosatñi köna böröñini heramheramgöñi, tosatñi keuñini mötökñi aka kawöl tosatñi gwötpuk enğöhöi malgeri, mi enğuanğita Jisösgö köna kösutñe al enğigetka mem ölöwak enğiyök.

³¹Mem ölöwak enğiiga ambazip keuñini mötökñi yeñön keu jigetka köna böröñini heramheramgöñi yeñön ölöwaka diñgigetka simalokon yeñön köna tiba anda kagetka jeñini döndöñgöñi yeñön je uba eketka ambazip kambu yeñön mi eka welipköba Israel nengö Anutunini möpöseiget. Mewö.

**Jisösnöj azi 4000 nene
gumohom engiyök.**

Mak 8.1-10

³²Jisösnöj gwarekurupñi engoholi yangörej kagetka kewö jii mötket, “Nöñön ambazip kambu kianğöra wösöni mötzal. Yeñön nöñğörej kaba wehön karöbut lök mala kotketka nenejini qahöwahiga ekzal. Könanön anda mala kembraje jejini gili tirinbirin akepüköra i öne melaim engimangö töközal. Miangöra i nene gumohom engimangö mötzal.”

³³Mewö jii gwarekurupñan melenđa kewö jiget mörök, “Gölme qararañkölkölñe kianğörej neñön mönö denikejöhök numbu nene gwötpuk miwikñaiba ambazip kambulelemebe ki gumohom engibinak?” ³⁴Mi möta Jisösnöj kewö qesim engiyök, “Engörej beret dawik ahöza?” Qesim engiiga “Beret 7 aka söra moröñi tosatñi ahöza,” jiget. ³⁵Jigetka Jisösnöj ambazip kambu mi gölmenöñ geba tatmegöra jim kutum engiiga geba tatket.

³⁶Geba tatketka beret 7 aka söra mi memba Anutugö saiwap jiba mindipköba gwarekurupñi engiiga yeñön mi ambazip kambu dop toto qem engiget.

³⁷Toto qem engigetka nembra nem timbireñ-göget. Nem timbireñgöba nene kitipñi mosötket geyöhi, mi sakap 7 miangörej qezakögetka numbuje qeyök.

³⁸Azi nene negeri, yeñgö jañgöñjini mi 4000. Ambi nahönbörat yeñgö jañgöñjini mi qahö meget. ³⁹Jisösnöj ambazip kambu melaim engiiga angetka nanñi wañgenöñ öñgöba Magadan gölmenöñ anök. Mewö.

**Böhi tosatñan aňğöletot
ekingöra kapañ kölget.**

Mak 8.11-13; Luk 12.54-56

16^bFarisi (Köna keugö kapañkölköl) aka Sadyusi (Jike nupkö kapañkölköl) tosatñan Jisösgörej kaba keugö bötaknöñ örömapköra esapköm wañgiba kewö qesiget, “Mönö jinöñga Suepnöhök aňğöletot kun asuhiiga ekin.” ²Mewö jigetka kewö melenñök, “Wehön gemangö ahiga miangörej kewö jimakze, ‘Suepnöñ pisihihawangöra uran wehön ölöpnñi akña.’

³“Mewöyök söñanök kewö jimakze, ‘Suepnöñ pisihiiga kousunöñ töwizawangöra mönö kie luhut gilma.’ Mewö mewö jiba suepkö tandökñi eka kie wehöngö könañi ölöp kewörakzemö, nalö maljini, miangö aiwesökñi kewötpingö qahö mötze. Mi qahö dop kölja. ⁴^cAmbazip kambu bölöñi gölmenöñ mala qesabulum ahakzei, yeñön Anutugö aiwesökñi asuhumapköra kapañ kölakzemö, Anutunöñ kezapqetok azi Jonagö aiwesökñi lök engiiga aiwesök tosatñi qahö toroqeba kondel engima.” Mewö jiba engömosöta kungen anök. Mewö.

**Farisi aka Sadyusi yeñön
wösökömbuk ewö akze.**

Mak 8.14-21

⁵Jisösnöj gwarekurupñi yembuk o aňgö kutuba likepñe aňgota semön membingö ölum enguyöhi, mi eket. ⁶^dMi eketka Jisösnöj kewö jii mötket, “Iñjini Farisi aka Sadyusi pati yahöt yeñgö wösökömbukñini aka gipñi kakñi mietköra mönö galömnjini meme. Mi ölöpnanök qahö kewöta andö qegetka mietkön mönö yist ewö qariba mem bölim engimahot.”

^b16:1 Mat 12.38; Luk 11.16 ^c16:4 Mat 12.39; Luk 11.29 ^d16:6 Luk 12.1

⁷Jiiga keu pasetnji mi qahö möt asariba sutņine kewö eraum mötket, “Nini beret qahö memba kazin. Miangöra jiza me denöwö?” ⁸Mi eraum mötket kezapņe geiga kewö jii mötket, “O iņini mötnaripņini morörökņi, wuanöngöra ‘Beret qahö mezin,’ jiba nanņini eraum mötze? ⁹eNöngö könajamni mi wuanöngöra qahö möt kutuze? Nöņön beret 5 mi 5000 yengöra mindipköbiga miangö kitipņi qezakögetka künde dawiknön geba numbunje qeyök? Mi ölum enģuza me qahö?

¹⁰f“Mewöyök beret 7 mi 4000 yengöra mindipköbiga miangö kitipņi qezakögetka sakap dawiknön geba kokolak qeyök? Mi ölum enģuza me qahö? ¹¹Ni beretköra keu qahö jizali, mi denöwö aka qahö möt kutuze? Nöņön beretköra qahöpmö, Farisi aka Sadyusi pati yengö wösökömbukņini aka gipņi kakņi kewöta andö qemegöra jizal.” ¹²Mewö jiiga miangöreņök keuņangö könaj keuwö möt asariget, “Aha! Plaua mem qariqari yistkö galöm mem angubingöra qahö jiyökmö, Farisi pati aka Sadyusi pati yengöreņ keu loloņqaloņi andö qebingöra jiyök.” Mewö.

**Pitönöņ Jisösgö
könaņi jim miwikņaiyök.**

Mak 8.27-30; Luk 9.18-21

¹³Jisösnön Sisaria Filipai taongö kösutņe anda miangöreņ gwarekurupņi kewö qesim enģiyök, “Ambazipnön Suep gölmegö azi öļņi nöngöra denöwö jimakze? Ni niņia akzal?” ¹⁴gJiiga meļeņda kewö jiget, “Tosatņan ‘Gi Jon O-melun azia akzan,’ jimakzemö, tosatņan ‘Gi Elaija akzan,’ jimakze

aka tosatņan toroqeba kewö jimakze, ‘Gi Jeremaia me kezapņetok azi walņi yengöreņök kun akzan.”

¹⁵Mewö jigetka kewö qesim enģiyök, “Aka nanņinak nöngöra denöwö jize? Ni niņia akzal?” ¹⁶hQesim enģiiga Saimon Pitönöņ meļeņda jii mörök, “Gi Amötqeņe Tonji Kraist aka malmal Tonji Anutugö Nahönņi akzan.”

¹⁷Mewö jiiga Jisösnön meļeņda kewö jii mörök, “O Saimon Jonagö nahönņi, gölme azi sep busuņambuk kunņan qahöpmö, nöngö Iwini Suep mire maljawı, yaņön mönö keu mi göhöreņ indelök. Miangöra göņön mönö simbawoņ akzan. ¹⁸Nöņön kewö jibi mötman: Gi Pitö (nanine keunön jamönjiņ) aknöņga nöņön jamönjiņ miangö qakņe urumeleņ könagesönangö tandöņi albi nanģöm enģinöņga uruņini möhamgöba köhöiba kinme. Göņön i galöm köl enģinöņga kömup Toņan i senjom mirigö kiripo naņņe örom enģimamgö osima. Ömewöröme tosatņi yengö kukösumņinan mewöyök i köndeņda luhut al enģibingö osime.

¹⁹i“Nöņön Suep bemtohoņangö ki moröņi yahöt gihimam. Gi gölmenöņ siņģisöndok jöhönöņga miangön mönö Suep mire mewöyök jöhöjöhöņi ahöma. Gi gölmenöņ siņģisöndok mosöta pösatnöņga miangön mönö Suep mire mewöyök pösatpösatņi ahöma.” ²⁰Mewö jiba Amötqeņe Tonji Kraist ahöhi, mi aukņe jiget kunņan mötpeuköra gwarekurupņi yengöra songo köhöikņi al enģiyök. Mewö.

Jisösnön kömumamgö keuņi jiyök.

Mak 8.31–9.1; Luk 9.22-27

²¹Nalö miangöreņök Jisösnön könahiba gwarekurupņi yengöra keu kewö

^e16:9 Mat 14.17-21 ^f16:10 Mat 15.34-38

^g16:14 Mat 14.1-2; Mak 6.14-15; Luk 9.7-8 ^h16:16 Jon 6.68-69

ⁱ16:19 Mat 18.18; Jon 20.23

indelök, “Nöñön Jerusalem anda sihim-bölö gwötpuk mötmam. Kantrigö jitjeme-meme, jike nup galöm aka Köna keugö böhi yeñon nuñgugetka kömumam. Kömumbiga wehön karöbut aiga kömup-nöhök wahötmam.”

²²Jisösnöñ mewö jiiga Pitönöñ öröm wañgiba görañe anda könahiba qetala kewö jim wañgiyök, “O Kembu, mi nalö kunöñ asuhum gihibapuköra Anutunöñ mönö sel jöhöm gihima.” ²³Qetal wañgi-iga lilingöba Pitö kewö jim wañgiyök, “Gi keu mötmörizani, mi Anutugöreñ keuya qahöpmö, gölme ambazip aka Sa-tangö sihima. Gi nöñgö köna utumangö mötnöñga urunan böliza. Miangöra Sa-tan, gi mönö döлки nöñgö jemesohol-neyök kesalnöñ!” Mewö.

Kraist wuatangöbingö söñgöronji

²⁴JNalö miangöreñ Jisösnöñ gwarekurupñi keu kewö jii mötket, “Kunñan nöñgö andöne kamangö mötzawi, yañon mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawañgö dop mökösoñda ni nuatangöba kama. ²⁵Kunñan malmalñi nanñangöra angön köla nanñi imbi-imbi maljawi, yañon mönö malmalñi öñji jöhöi sohoma. Sohomapmö, kunñan gölmegö malmalñi nöñgöra aka köleñda tököm niñgimawi, yañon mönö malmal öñjangö könañi miwikñaiba köhöiba malma.

²⁶“Kunñan gölmeñi gölmeñi miengö öroyuaiñi pakpak köl öroiña buñañi an teköiga uruñangö malmalñi mem sohoba silebile mala kömuña Anutunöñ keuñi jim teköiga uñañan ayuhuiga qahö dop kölma. Sukinapñi mianñon

mönö urusösöñgai qahö ak wañgima. Qahöpmahöp. Körek neñon mönö bo-honini jöhöm angubingö osibin.

²⁷“Suep gölmegö azi öñjan könañep Suep garata töröñi yembuk ki etketka Iwiñangö asakmararañi eka aurume. Nalö miangöreñ mohot möhot neñgö ahakmemenini kewöta likepñi miangö dop neñgima. ²⁸Nöñon keu öñji kun kewö jibi mötme: Kiangöreñ kinjei, eñgö sutñineyök tosatñan Suep gölmegö azi öñjan kiñ aka asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga mi ekñe.” Mewö.

Jisösgö sileñe letotqetot ahök.

Mak 9.2-13; Luk 9.28-36

17^mWehön 6 teköiga Jisösnöñ Pitö, Jeims aka Jeimsgö munñi Jon enguangita nanñinök kundunji köröpñi kunöñ öñgöba kötikñe malget. ²Malgetka jemesoholñine kiniga Jisösgö sile tandökñan letota murutñi ahök. Jemesoholñan wehön jeñi ewö kölköl-bilikbilikñambuk asariiga malukuñan tuat lalamñi aka asakñambuk ahök.

³Mewö aiga eketka Moses aka Elaija yetköñ asuhum eñgiba Jisösbuk keukeu jiget. ⁴Jigetka Pitönöñ könahiba keu jiba Jisösgöra kewö jiyök, “Kembu, neñon kiangöreñ uruölöwak mötzin. Miangöra sihimgan mötzan ewö, nöñon ölop kouw karöbut qemam. Göhö kun, Mosesgö kun aka Elaijagö kun.”

⁵Mewö jiba kiniga unuñunuy tuat lalamñi asakmararañambuk kunöñ eta aumñan esuhum eñgiiga miangö uruñeyök qet kun kewö eriga mötket, “Azi ki mi nani wölböt nahöna. Nöñgö urusihimni ketanñan mönö yañgöreñ

^j16:24 Mat 10.38; Luk 14.27 ^k16:25 Mat 10.39; Luk 17.33; Jon 12.25

^l16:27 Mat 25.31; Sum 62.12; Rom 2.6 ^m17:1 2 Pitö 1.17-18

ⁿ17:5 Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22

ahöza. Mönö yangö keuji möta malme.”⁶ Gwarek yejön keu mi möta jönömjini undui sipköba gölmenöy eta kevgötjini gwötpuk mötket.

⁷Mewö mötketka Jisösnöy yengörey kaba sileñini oseiba kewö jii mötket, “Mönö wahötket. Kevgötjini kude mötme!”⁸ Keu mi möta uba wahöta tosatji qahö engekemö, Jisösnöy nanjök kiniga eket. Mewö.

Jon O-melun-azi mi Elaijagö salupñi akza.

⁹Kunduñeyök etketka Jisösnöy sööröknj miangörey kewö jim kutum enñiyök, “Injini yuai ekzei, miangö buzupñi mi ambazip kun kude jiget mötme. Suep gölmegö azi ölñan kömupnöhök wahöriga miangö andöñe mi ölop jim asariba malme.”

¹⁰Mewö jim kutum enñiiga gwarekurupñi karöbut yejön Jisös kewö qesim wangiget, “Köna keugö böhi yejön keu kewö mi wuanöngöra jimakze, ‘Kezapqetok azi Elaijanöy mönö mutuk Suepnöhök eriga Amötqeqe Toñan miangö andöñe asuhuma?’”

¹¹Qesim wangigetka meleñda kewö jiyök, “Elaijanöy mutuk eta asuhuba malmal pakpak möhamgöma. Keu mi ölñapmö, ¹²ñönön kewö jibi mötme: Elaijanöy lök eta asuhuyökmö, i eka könanji qahö möt kutugetmö, ambazipnöy i nanjini sihimjini wuatangöba lañ ak wangiget. Mewöñanök Suep gölmegö azi ölñi mewöyök lañ ak wangigetka Juda yengö böröñjine geba sihimbölö mötma.”

¹³Elaijagöra mewö jiba ölña Jon O-melun azigöra keu jii mötkeri, gwarek yejön mi mewö möt asariget. Mewö.

Jisösnöy öme wuatangöi morönöy ölöwahök.

Mak 9.14-29; Luk 9.37-43

¹⁴Jisös aka gwarek karöbut yejön kunduneyök eta ambazip kambu yengörey kagetka azi kunöy Jisösgö kösutñe kaba simin köl wangiba kewö jii mörök, ¹⁵“Kembu, göñön mönö nahöni ak kömum wangiman. Kawölnöy yöhöiga tala eta qeiga bözok mitiba semben auba sihimbölö gwötpuk mörakza. Nalö gwötpuk tala könöpnöy me onöy gemakza. ¹⁶Nöñön i wangita gwarekurupki yengörey kazalmö, yejön i mem ölöwak wangibingö osize.”

¹⁷Mewö jiiga meleñ wangiba jiyök, “Yei, gölmegö yangisenj aka misimkaulup ambazip, mönö nalö dawik embuk mala qatön engubiga Anutu qahö möt narigetka sihimbölö mötmam? I mönö wangita nöngörey ki kaget.” ¹⁸Wangita kagetka Jisösnöy öme mi jim wangii mosöta ani morönöy nalö miangöreyök ölöwahök.

¹⁹Ölöwahiga gwarekurupñan mi eka nanjinök Jisösgörey kaba tata kewö qesim wangiget, “Neñön mönö wuanöngöra mi naninök wuatangöbingö osizin?”

²⁰Qesim wangigetka kewö jii mötket, “Mötnaripñinan morörökñi akzawangöra mi wuatangöbingö osize. Nöñön keu ölñi kun kewö jibi mötme: Mötnaripñinangö ölñi mi nejöñ kötrangö dop ahöbawak ewö, enjön ölop kundunji kiangö Toñangöra kewö jim kutubeak, ‘Gi mönö kundunji mi meköba wahöta anda likepñe endu alman.’ Mewö jiba möt narigetka miangö dop aiga endu anma. Anutu möt narigetka inahöm enñiiga yuai kungöra qahö qaköbeak.” ²¹(Öme tandökñi mewöñi mi mönö köuluköba nene siñgi

mala wuatangöbin. Yuai murutji kun ahinga qahö kota anma. Mewö.)

**Jisösnöñ kömumamgö
Buñaji jiiga yahöt ahök.**

Mak 9.30-32; Luk 9.43b-45

²²Jisösnöñ gwarekurupji yembuk mohotje Galili prowins uruje liliköba könanöñ angetka Jisösnöñ keu kötnji kewö jii mötket, “Anutunöñ Suep gölmegö azi ölnji mi gölme ambazip yengö böröñine al wangii gema. ²³Geiga i qegetka kömuma. Kömuiga wehön karöbut aiga mönö kömupnöhök wahötma.” Gwarekurupjan mi möta urujinan lömböriiga wösöbirik mötket. Mewö.

Jisösnöñ jöwöwöl jikegö takisnji alök.

²⁴Jisösnöñ gwarekurupji yembuk Kaperneam taonöñ kangotketka jöwöwöl jikegö takis meme azi yeñön Pitögöreñ kaba kewö qesim wangiget, “Engö böhinjan jöwöwöl jikegö takisnji alma me qahö?”

²⁵Qesim wangigetka “Oñ!” jiyök. Miangö andöñe Pitönöñ miri uruje öngöiga Jisösnöñ keu mutukji kewö qesim wangiyök, “Saimon, gi denöwö mötmörizan? Denike yeñön kölköl-örörögö töwanji aka takis tosatji mi gölmegö kiñ azi kembu yengöra alakze? Kantri toñi neñön me kian yeñön mi algetka tokomakze?”

²⁶Mewö qesim wangiiiga melenja “Kian yeñön,” jiyök. Mewö jiiga Jisösnöñ kewö jii mörök, “Mewö aiga kantri toñi neñön mi albinangö dop qahö akzin. ²⁷Mewö akzinmö, takis qahö alinga azi miengö urujinan böliba-puköra mönö anda kösö kawiki o angönöñ gilman. Gila söra mutukji öröba memani, mönö miangö numbuñi mesaköba moneñ kötnji miangöreñ

miwikñaiman. Moneñ kötnji mi azi yahöt netkö takisnirangö dop. Mönö mi memba engiba miangön nöngö aka nangi takisniri alman.” Mewö.

**Gwarek sutjine
dañön mutukji akza?**

Mak 9.33-37; Luk 9.46-48

18¹Nalö miangöreñ gwarek yeñön Jisögöreñ kaba kewö jiget, “Suepkö bemtohoñ uruje dañön öngöngöñi akza?” ²Mewö jigetka namande moröñi kun qeri kaiga sutjine ali kinök. ³Kiniga kewö jiyök, “Nöñön keu ölnji kun kewö jibi mötme: Urujini qahö melenja nahönbörat ewö qahö akje ewö, iñini mönö nalö kunöñ Suepkö bemtohoññöñ qahö angotme.

⁴Miangöra kunjan nanji memba et ala morö kiangö dop akñawi, yanön mönö Suepkö bemtohoñ uruje öngöngöñi akza. ⁵Kunjan namande kewöñi kun nöngö qetne köl öröba köyan kölmawi, yanön mönö ni köl öröm ningima.” Mewö.

**Singisöndokö kölgorom
mönö qetal engime.**

Mak 9.42-48; Luk 17.1-2

⁶Jisösnöñ toroqeba kewö jiyök, “Morö kewöñi möt narim ningizei, kunjan yengöreñök kun kölgorom ak wangiiiga singisöndok akñawi, azi miangön mönö lömböt öngöngöñi miwikñaima. Anutunöñ lömböt miangö likepji denöwö wangiiiga dopje akawak? Kemuñ jamönjiñ jölje jöhöba köwet röndumnöñ gilget mulungöi gebawak, miangön mönö awamñi ahum wangii tandök akawak.

⁷“Singisöndokö supatitkñan mönö awamñanök asuhumakza. Miangöra gölme ambazip engöra Yei wösöbirik! mötzal. Kunjan supatitik angön

kölmamgö osimakzapmö, kun dañon tosatñi kölgorom ak engiiga siñgisöndok akñei, yañgöra mönö Yei! jiba sahötzal. Sihimbölo öñgöñgöñan mönö yañgö qakñe öñgöma.

^{8u}“Börögan me könagan siñgisöndok akñangö kölgorom ak gihima ewö, mönö yandim gilman. Yandim gilagan börötak me könatohot mala malmal köhöikñi miwikñaiiba oyaenköyaen akñanmö, köna börö yahötpuk malnönga könangep könöp sianöñ gil gihigetka gebanbuk. Sia könöpñi mi teteköñi qahö jema.

^{9v}“Mewöñanök jegan siñgisöndok akñangö kölgorom ak gihima ewö, mönö qözöla gilman. Qözöla gilagan je-ilik mala malmal köhöikñe angota oyaenköyaen akñanmö, je yahötpuk malnönga könöp siagö könöpñöñ gil gihigetka gebanbuk.” Mewö.

Lamanöñ sohöyöhi, miangö dopkeu

Luk 15.3-7

¹⁰“Ambazip moröñi kiengöreñök kun memba et al wañgibe-puköra mönö galömñini meme. Nöñon keu kewö jizal: Yengö kölközizip garataurupñinan mönö Suep miri miangöreñ nöngö Suep Iwinangö kösutñe mala jemesoholñi sundan ehakze. Miangöra jijiwilit kude ak engime. ¹¹(Suep gölmegö azi öñan mönö ambazip sohosohöñi mem letot engii oyaenköyaen akñegöra erök.)

¹²“Keu kiangöra denöwö mötmörize? Azi kungö lamaurupñi 100 malgetka miengöreñök kunñan sohoba jañjuñ aniga toñan denöwö akña? Yañon mönö 99 mi kundunje engömosöta anda mohot jañjuñ anöhi, miangö jaruba anma. ¹³Jaruba anda mala miwikñaima ewö, nöñon keu öñi kun kewö jibi mötme: Yañon 99 jañjuñ

qahö angeri, miengöra nalö miangöreñ gwötpuk qahö söngaimapmö, mohot miangöra önöñi qahö söngaiiba malma. ¹⁴Miangö dop engö Iwiñini Suep mire maljawañon mönö ambazip moröñi kiengöreñök kunñan sohoba könöp sianöñ gebapuköra mörakza.” Mewö.

Alagan siñgisöndok ak gihiga kewö akñan:

^{15w}“Urumeleñ alagan siñgisöndok ak gihima ewö, gi mönö yañgöreñ anda mesohol köl wañgiba köna siñgiyöhi, mi kondel wañgiman. Mewö aknönga keugi möta bapñe anma ewö, göñon mönö alagi luhut al wañginönga kunbuk urumohot aka malmahot. ^{16x}Mewö aknönga keugi möta miangö bapñe qahö anma ewö, göñon mönö toroqeba ala mohot me yahöt etkuangita yañgöreñ anme. Mewö Buja Kimbigö keu kiangö dop akñan, ‘Keu pakpak mi ambazip yahöt karöbutñan nañgöba jigetka köhöima.’

¹⁷“Mewö aketka keunini möta miangö bapñe qahö anma ewö, göñon mönö urumeleñ könagesögö jitñememe yengöra jinönga yambuk eraum mötme. Eraum mötmemö, yengö keu bapñe mewöyök qahö anma ewö, mi mönö aukñe jigetka jabö ahui urumeleñgö kopa ewö ak wañgiba malman. Takis tilipqilip-ñinambuk megetka sistñini memakzei, miangö tandök ewö i mönö mosötnönga yaigep malma.”

Siñgisöndokö jöhöjöhöñi aka pösatpösatñi

^{18y}“Nöñon keu öl töhöñi kun kewö jibi mötme: Eñon siñgisöndok gölmenöñ jöhömei, mi pakpak mönö Suep mire mewöyök jöhöjöhöñi ahöma aka siñgisöndok gölmenöñ

^u18:8 Mat 5.30 ^v18:9 Mat 5.29 ^w18:15 Luk 17.3 ^x18:16 Dut 19.15

^y18:18 Mat 16.19; Jon 20.23

mosöta pösatmei, mi pakpak mönö Anutunöj mosöri Suep mire mewöyök pösatpösatnji ahöma.

¹⁹“Toroqeba keu kewö jibi mötme: Gölmönöj engöreñök yahötñan keu mi me mi miangöra urumohok aka köuluköbitkö keu jöhömahori, mi nöñgö Iwini Suep mire maljawañon mönö etkiiga buña qem angumahot. ²⁰Mi kewögöra: Ambazip yahöt me karöbutñan nöñgö qetne igen me waigen tokomei, nöñon mönö miangöreñ yengö sutñine malmam.” Mewö.

Welenqeçe ak-kömukömuñi qahöpkö söpsöp keu

²¹“Nalö miangöreñ Pitönöj Jisös-göreñ kaba keu kewö jii mörök, “Kembu, alanan singisöndok ak niñgimakzawi, nöñon mi indimñi dawikö dop mosöt-piga dop kölma? Indimñi 7 mi gwöt-puk. Miangö dop mosötpiga dop kölma me qahö?” ²²Jisösñöj mi möta kewö melenj wangiyök, “Indimñi 7 qahöpmö, 70 taims 7 ** mi mosötnöñga dop kölma. Nöñon göhöra mewö jizal. ²³Miangö könañi mi kewö jim tuarimam. Suepkö bemtohoñi mi kiñ azi kembugö dop albi kewö akza: Kiññöj welenqeçeurupñi engohola moneñini galöm kölgeri, miangö areñ papiañi kondelget mindiñgömapköra kapaj kölök.

²⁴“Mewö könahiba moneñangö kösohotñi kewöta mindiñgögetka miangöreñ azi kun wangita kagetka yangö jeñe kinök. Tosañi 10 milyön kina mi yangöreñ ahöyök. ²⁵Mi ahöyökmö, tosañi mi mekömamgöra moneñi qahö dop köli osiyöhangöra aka ketañamñan kinda kewö jim kutuyök, ‘Sukinapñi ahözawi, mi pakpak

mönö söngörönji memegöra alme. I aka anöm-morönji i mewöyök mönö söngörönjini memegöra algetka moneñ kaiga miangön tosañi mi meköme.

²⁶“Mewö jim kutuiga welenqeçeñan wösönje eta simin köla sipköba kewö ulet wangiyök, ‘Gi mönö urukönöp kude aka mökösonñda mamböt niñginöñga göhöreñ tosañi pakpak mi ölop meköm gihimam.’ ²⁷Mewö ulet wangiiiga ketañamñan welenqeçeñangöra wösö mötmöt aka tosañi mi kutuba mosöta pösari erök. ²⁸Erökmö, yaigep anda miangöreñ welenqeçe alañi kun miwikñaiba ehök. Yangö tosañi mi silim 100:kö töwañi (Kina500,-) miangö dop yangöreñ ahöyök. I eka memba jölñi köhöikñanök mözöhöla kewö jiyök, ‘Nöñgöreñ tosa göhöreñ ahözawi, mi mönö meköm niñgiman me?’

²⁹“Mewö jiiga welenqeçe alañan wösönje eta simin köla sipköba kewö ulet wangiyök, ‘Gi mönö urukönöp kude aka mökösonñda mamböt niñginöñga göhöreñ tosañi mi ölop meköm gihimam.’

³⁰“Mewö jiyökmö, yañon mi tököba anda jii memba jöhöba kösö mire alget tari tosañi mekögetka etma. ³¹Yuai mi asuhiiga welenqeçe alaurupñan tandök mi eka uruñinan kömbuhiiga wösöbirik möta anda miangö kösohotñi mi körek ketañamñinangöra jigetka mörök.

³²“Mi möta ketañamñinan welenqeçe mutukñi mi qeri jeñe kangoriga kewö jii mörök, ‘Gi nup meme azi bölönji! Gi tosañi kutuba mosötmangö qesim niñginöñga nöñon mi pakpak mosöt gihizal. ³³Nöñon gehoriba ak kömum gihibiga göñon mewöyök miangö dop welenqeçe alagi ak kömum wanginöñga dop kölbawak.’

**18:22 70 taims 7 = 490. Miangö dop alagahö singisöndokñi mi mönö qösösök mosötman.

³⁴“Ketanmanjan mewö jiiga irimnji seholiiga welenqeçe miangö keunji jim teköba kösö mirigö galöm yeŋgö böröŋine al waŋgiiga sihimbölö gwötpuk möta tatma. Miangöreŋ tata tosaŋi kiŋgöreŋ ahöyöhi, mi pakpak meköm teköiga etma. ³⁵Söpsöp keu kiangö öljji kewö: Injini mohot mohot alaŋinaŋgö siŋgisöndokŋi uruŋinan qahö mosötme ewö, nöŋgö Suep Iwinan mönö mewöyök keu miangö dop ak engima.” Mewö.

Awanöm aŋgömosötmosötkö keunji

Mak 10.1-12

19 Jisösnöŋ keu mi jim teköbagun Galili prowins mosöta Jordan o kutuba likepŋe anda mötöteiba eta kumbuk o mi kutuba Judia prowinsnöŋ kayök. ²Kaiga ambazip kambulembenöŋ wuatangöba kagetka miangöreŋ mem ölöwak engiyök.

³Mem ölöwak engiiga Farisi (Köna keugö kapaŋkölköl) tosatjan yangöreŋ kaba keugö bötaknöŋ örömapkö esapköm waŋgiba kewö qesim waŋgiget, “Azinöŋ könaŋi i me waigöra anömnji mosötmawî, mi Köna keu oŋgitma me qahö?”

⁴aQesim waŋgigetka meleŋda kewö jiyök, “Miwimiwikŋai Toŋan lök könakönahiŋeyök i ‘azi aka ambi malmegöra miwikŋaim engiyök.’ Buŋa keu mi oyoŋget me qahö? ⁵bMiwikŋaiba kewö jiyök, ‘Miangöra azinöŋ mönö iwinamŋi etkömosöta anömjangöreŋ anda qekötahöiga yetkön sile mohot aka malmahot.’ Keu mi oyoŋget me qahö? ⁶Mewö aka toroqeba yahöt qahö akzahotmö, sile mohot aka malmahot. Anutunöŋ azi

aka ambi mindirim etkiyöhi, ambazip kunöŋ mönö i kude mendeŋ etkima.”

⁷cMewö jii möta kewö jiget, “Azinöŋ aŋgömosötmosöt papia ohoba anömnji ölöp mosötma. Mosesnöŋ mönö wuanöŋgöra keu mewö jim kutum neŋgii ahöza?” ⁸Mewö jigetka kewö jim engiyök, “Mosesnöŋ mönö uruköhöikŋinaŋgöra aka anömnji mosötmapkö keu mewö jim kutuyökmö, könakönahiŋeyök mewö qahö ahöyök. ⁹dNöŋön kewö jibi mötme: Anömnjan qesabulum qahö ahiga töndup wuatangöba ambi kun memawî, yaŋön mönö sero yoŋgorö akŋa. Kunjan ambi mosötmosötŋi memawî, yaŋön mönö sero yoŋgorö akŋa.”

¹⁰Jisösnöŋ mewö jiiga gwarek yeŋön jiget, “Awanöm sutŋire aŋgömosötpitkö soŋgo mewö ahöza ewö, mönö awanöm qahö ahinga dop kölma.”

¹¹Mewö jigetmö, Jisösnöŋ kewö meleŋnök, “Miangö keunji kusum engizali, ambazip körekŋan mi nanŋinaŋgöra aŋgön köla miangö dop ölöp qahö akŋemö, Anutunöŋ keu mi ambazip tosatŋi yeŋgöra engiyöhi, yeŋönök mönö miangö dop akŋe.

¹²Miangö könaŋi kewö: Tosatjan nam körö uruŋe ahuba miangöreŋök könahiba awanöm akingö qahö mötze. Tosatjan ambazipnöŋ sileŋini yandiba ††kondot engigetka awanöm akingö dop qahö akze. Tosatjan Suep bemtohoŋangöra aka awanöm qahö akingö keunji jim jöhöba keunji mi wuatangömakze. Kunjan keu mia me mia möt aŋgön köla wuatangömamgö dop akzawî, yaŋön mönö miangö dop akŋa.” Mewö.

††19:12 Azi kötŋi kölkölgöra jiza.

a19:4 Jen 1.27; 5.2 b19:5 Jen 2.24 c19:7 Dut 24.1-4; Mat 5.31

d19:9 Mat 5.32; 1 Kor 7.10-11

Jisösnöj nahönbörat kötuetköm engiyök.

Mak 10.13-16; Luk 18.15-17

¹³Nalö miangörej tosatjan nahönbörat morömorö enguangita Jisösnöj böröni nöropñine ala köulükömapköra yangörej kagetmö, gwarek yejön ambazip mi jim qetal ak engiget. ¹⁴Mewö aketka Jisösnöj kewö jiyök, "Nahönbörat moröni mi ölop engömosötketka nöngörej kame. Suepkö Tojan ambazip mewö mia bemtohoñi buja qem engima. Miangöra i kude jöhöm engime." ¹⁵Mewö jiba böröni nöropñine ala engömosöta kungen anök. Mewö.

Jisösnöj azi pomñi kungö qambañ keu jiyök.

Mak 10.17-31; Luk 18.18-30

¹⁶Nalö kungen azi kunöj Jisösgörej kaba kewö qesim wangiyök, "Böhi, nöñön ahakmeme ölopñi denöwö aka malmal köhöikñangö buja qem angubileñak?" ¹⁷Qesim wangiiga kewö jii mörök, "Ahakmeme ölopñi denöwö, wuanöngöra mewö qesim ningizan? Mohot-kunñan mönö ölopñi akza. Malmal köhöikñe angotmamgö mötman ewö, mönö jöjöpañ keu tem köla malman."

¹⁸«Mi möta kewö jii mörök, "Wani jöjöpañ keugöra jizan?" Jisösnöj mi möta jiyök, "Mönö ki, 'Ambazip kun kude qenöj kömuma, Sero yongorö kude akñan, Yongorö kude meman, Jitnöj alal keu kude jiman, ¹⁹fIwinamgi mönö göda qem etkimakñan,' aka 'Nangi jöpaköm angumakzani, miangö dop mönö ambazip pakpak jöpaköm engimakñan.'"

²⁰Mewö jiiga azi gwabönöj kewö jiyök, "Mi pakpak mönö tem köla mala kotzal. Wanigöra kunbuk osizal?"

²¹Mewö jiiga Jisösnöj jiyök, "Gi aködamungabuk malmamgö mötman ewö, mönö anda sukinapki söngöröni memegöra alnöj moneñ kaiga ambazip wanapñi engiman. Mewö aknönga sukinapki ketañi (guli masapu, milyön Kina ewö) mi Suep mire ahöm gihima. Mewö aka ni nuatangöba kaman."

²²Mewö jiyökmö, gwabönöj keu mi möta sukinapñi gwötpuk ahöyöhangöra aka wösöbirik möta jeñi asöliiga öne mosöta anök. Mewö. ²³Mosöta aniga Jisösnöj gwarekurupñi kewö jii mötket, "Nöñön keu ölni kun kewö jibi mötme: Yei! Ambazip pomñi yejön mönö Suepkö bemtohoñnöj angotpingö lömböröba kupuk-kapak akñe. ²⁴Mi kewö jim tuarimam: Sömbup ketañi kamel mi kondi kinimje ölop qahö angotma. Miangö dop ambazip pomñi yejön Anutugö bemtohoñ uruñe angotpingö lömböröba qaköme."

²⁵Mewö jii möta gwarek yejön aurum tililingöba kewö jiget, "Opopoñ! Ambazip dañön mönö Suepkö bujaya akawak?" ²⁶Mewö jigetka Jisösnöj uba engeka kewö jiyök, "Ambazipnöj mi esapköba osiba qakömakzemö, Anutunöj mönö yuai pakpak ölop ahakza. Yañön yuai kun aka memamgö qahö osiba qakömakza." Mewö.

Jisösgö nup memegö töwanji

²⁷Pitönöj keu mi möta melenja kewö jiyök, "Mötnöj, neñön mönö yuai pakpak mosöta gi guatangöba kain. Miangö likepñi mönö wani yuaia membin?" ²⁸«Mewö jiiga Jisösnöj kewö jii mötket, "Nöñön keu ölni kun kewö jibi mötme: Yuai pakpak kölöñaiiga Suep gölmegö

^e19:18 Eks 20.13-16; Dut 5.17-20 ^f19:19 Eks 20.12; Dut 5.16; Lew 19.18

^g19:28 Mat 25.31; Luk 22.30

azi öljan jakömbuak dumje tari asakmararajan asarimawi, nalö qainji kun miangörej ni nuatangöba kageri, enjon mönö mewöyök jakömbuak dum 12 miangörej tata Israel kambu 12 yengö keujini kewöta jim teköme.

²⁹“Kunjan nongö qetnangöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi engömosöriga Anutunönj mönö miangö likepñi ongita meleñ wanggiiga sehima. Mewö sehiiga malmal köhöikñi tetekönji qahö buña qem anguma. ³⁰^hMewö asuhumapmö, mutukñi engörejök gwötpukñan dagibezupñi aketka dagibezupñi yengörejök gwötpukñan mutukñi akñe.” Mewö.

Wain nup meme ambazip yengö dopkeu

20 Jisösnönj jiyök, “Suepkö bem-tohoñi mi kewö: Gölmé tonji kunönj söjanök wahöta yaigep anda azi tosätñi engeka wain nupñe moneñ nup memegöra qesim engiyök. ²Qesim engiiga ‘Ölöp,’ jigetka silim mohotkö töwanjini (Kina 5) engimapkö urumohot aketka melaim engiiga wain nupñe anget.

³“Angetka 9 kilok miangö dop aiga kunbuk toroqeba anda azi tosätñi maket sombemñe önewat kingetka engehök. ⁴Engeka kewö jii mötket, ‘Injini mönö mewöyök nongö wain nupne anda nup megetka töwanjini dopñeyök engimam.’

⁵“Mewö jiiga wain nupñe anget. Angetka 12 kilok aiga kunbuk anök aka mare 3 kilok miangö dop dumje kunbuk yaigep anda mewöjanök ahök. ⁶Mewö aka mare 5 kilok miangö dop yaigep aniga azi tosätñi dumje kunbuk öne lan kingetka engehök. Engeka kewö qesim

engiyök, ‘Injini mönö wuanongöra silim köröp ki öne malje?’

⁷“Mewö qesim engiiga kewö melenget, ‘Kunjan moneñ nup mendingöra qahö qesim nenggiza. Miangöra öne ki kinjin.’ Melengetka kewö jii mötket, ‘Injini mönö mewöyök nongö wain nupne anda nup meget.’ ⁸ⁱNup megetka mare aiga wain nup tonjan nup galömñi öröba kewö jii mörök, ‘Gi mönö nup meme azi engohola töwanjini engiman. Mare qöndökñi kazei, yengörejök könahiba enggiba anda söjanök kazei, yengörej teköman.’

⁹“Mewö jiiga mare 5 kilok nupnönj kageri, yenön kangotketka silim mohotkö töwanji (Kina 5) mi mohot mohot engiiga meget. ¹⁰Mutuk nupnönj kageri, yenön kangota töwanjini ongita memegöra mötmörigetmö, i mohot mohot mewöyök silim mohotkö töwanji (Kina 5) engiiga meget. ¹¹Töwa mohot miyök memba könahiba gölmé tonjangöra uruñinan ihururuk möta jimongot ak wanggiba kewö jiget, ¹²‘Nini wehögöra nongöp ariba nupkö lömbötñi bisizinmö, azi mi dölök-kun nup memegöra qesim engizan. Yenön aua mohot-kungö dop nup mezemö, gönön töndup yengöra mötmörinönga nembuk örörön akze. Mi qahö dop kölja.’

¹³“Mewö jigetmö, yengörejök kungöra kewö melenđa jiyök, ‘Alani, ni göbuk keu jiba silim mohotkö töwa (Kina 5) gihimangö urumohot akzit. Miangö dop töwa miyöhök ghibiga dop kölja. Mönö mi mötmöriman. ¹⁴Urugi miangöra bölibapukmö, mönö nangi töwagi memba anman. Azi dölök-kun nup memegöra qesim engizali, yengöra mewöyök töwa gihizali, mönö miyök engimangö mötzal.

¹⁵“Nani monejnön nani sihimnangö dop akiga dop kölja me qahö? Nönön ekbonep qahö akiga urugan auiga jegi bosoleiza me?” ¹⁶Jisösnön keu mi jim teköba kewö jiyök, “Miangö dop qöndökni yejön mutukni aketka mutukni yejön qöndökni akne.” Mewö.

**Jisösnön kömumangö keuñi
jiiga karöbut ahök.**

Mak 10.32-34; Luk 18.31-34

¹⁷Jisösnön Jerusalem sitinön öngöbingöra gölme köna angetka gwarekurupni 12 mi öröm engiba görañe anda kewö jii mötket, ¹⁸“Mötket, nini Jerusalem öngöbin. Miangörej kunñan Sup gölmegö azi öljni mamalolo mem wanggiiga jike nup galöm aka Köna keugö böhi yeğö böröñine gema. Yejön kömumapkö keuñi jim teköba ¹⁹kian gawman yeğö böröñine al wangime. Al wangigetka mepaiköba ihilek wahinambuknön tauköm wangime. Tauköm wangiba maripomnön qegetka kömuma. Kömumba wehön karöbut aiga kömupnöhök wahötma.” Mewö.

Jeims Jon namñiran yuaigöra ulerök.

Mak 10.35-45

²⁰Nalö miangörej Zebedigö nahönyahöt yetkö namñiran nahönyahötñi yetpuk Jisösgörej kaba simin köl wangiba yuai qainñi kungöra uletmamgö jiyök. ²¹Mewö jiiga qesim wangiyök, “Gi wani yuai akñangö mötzan?” Qesim wanggiiga kewö jiyök, “Göñön ölop jim kutunönga nöngö nahönyahötñi kietkön mönö göhö bemtohoñnön eu öngöba kunön börögi ölje aka kunñan börögi qaniñe tata yuai pakpak galöm kölbeak.”

²²Mewö jiyökmö, Jisösnön melejda kewö jiyök, “Iñini miangö könañi qahö möt yaköba uletze. Nönön qambi kakñambuk nemami, iñiri mi ölop nema sihimbölö mötmahot me qahö?” Mi möta “Ölop nemit,” jiyohot. ²³Jiyohotka kewö jii mörohot, “Mi ölja! Nönön qambi kakñambuk nemami, iñiri mi mewöñanök nemahotmö, nöngö böröni ölje me qaniñe dañon tatmahori, nöñon keu mi jim kutumamangö dop qahö. Nöngö Iwinan dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

**Galöm öljnän mönö
welenqeqeya akza.**

²⁴Darumun yahöt yetkön mewö ulero-hotka alaurupni 10 yejön mi möta urubölö aket. ²⁵^kMewö aketmö, Jisösnön engoholi kagetka kewö jii mötket, “Gölmegö kantriñi kantriñi miengö jembonñinan mönö azi kembu tandök ak engimakze. Yeğö ketañamñinan mönö keu jim kutuba mindingöm engiba kukösumñini kondelakze. Iñini könañini mi ölop mötze. ²⁶^lEngö sutñine silik mewö ahöbapukmö, kunñan engö sutñine ketañamñini akñangö mötzawi, yañon mönö welen qem engiba malma.

²⁷“Mewöyök kunñan engö sutñine mutukni malmangö mötzawi, yañon mönö engö nembö bapñine mala welenqeqeñini omañi akña. ²⁸Sup gölmegö azi öljnän mönö mewöyök silik mewöñi kondela nanñi welen qem wangimegöra aka qahö kayök. Qahöpmö, mönö welen qem engiba ambazip sehisehiñi yeğö sohopñini memamgöra aka eta malmalñi kölñda mosötma.” Mewö.

^j20:16 Mat 19.30; Mak 10.31; Luk 13.30

^k20:25 Luk 22.25-26

^l20:26 Mat 23.11; Mak 9.35; Luk 22.26

Jisösnöj jegömöl azi yahöt mem ölöwak etkiyök.

Mak 10.46-52; Luk 18.35-43

²⁹ Jisösnöj gwarekurupñi yembuk Jeriko siti mosötpingö aketka ambazip kambulelebenenöj enğuatanğöba andöñine kaget. ³⁰ Mewö kagetka jegömöl azi yahöt köna jitñe tarohot. Tarohotka “Jisösnöj nenğonğitmamğö akza,” jiget möta kewö qerohot, “Kembu Deiwidkö gwölönarökñi, mönö ak kömum netkinöj!”

³¹ Mewö qerohotka ambazip kambu yeñön keu bök tatmahotköra qetal etkiğetmö, yetkön mönö kapan köla kewö qerohot, “Kembu Deiwidkö gwölönarökñi, mönö ak kömum netkinöj!”

³² Mewö qerohotka Jisösnöj dörök ala yağöreñ kamahotköra qeri kayohotka kewö qesim etkiyök, “Alayahötñi, nöñön wani yuai ak etkimamğöra mötzahot?”

³³ Mewö qesim etkiiga kewö jiyohot, “Kembu, niri jeniri kunbuk ubitköra mötzit.” ³⁴ Mewö jiyohotka Jisösnöj yetköra wösönji möta jeñiri misirii miangöreñök tohoiga uba Jisös wuatangöba andöñe anohot. Mewö.

Jisösgöra köirañ kölgetka Jerusalem öngöyök.

Mak 11.1-11; Luk 19.28-40; Jon 12.12-19

21 Jisösnöj gwarekurupñi yembuk Jerusalem siti dopdowiba Oil ip kundunje Betfage mirinöj kaget. Kaba gwarekyahötñi yahöt melaim etkimamğöra aka ² kewö jii mörohot, “Miri wösönjire tatzawı, mönö miangöreñ anmahot. Anda miangöreñ aḡgota doñki ambiñi kösönöj jöhöget kinjawi aka doñki moröñi mi miangöreñök miwikñaim etkimahot. Mi mönö pösat etkiba memba nöñğöreñ kamahot.

³ “Pösarohotka kunñan keu kun jiiga kewö jimahot, ‘Kembu-niran mönö mi-aḡğöra osiza.’ Mewö jiyohotka doñki mi zilañ al etkiiga ki kamahot. ⁴ Anutunöj keu kun kezapqetok azi kungö uruñe ali jiyöhi, miangön öljambuk akñapköra mewö asuhuyök. Keu mi kewö,

^{5 m} “O Jerusalem ambazip Zaion kundunji liliköba maljei, yeñğöra mönö kewö jigetka mötme, ‘Mötket, enğö kiñ kembunjan mönö enğöreñ asuhuma. Yañön guñböñjönjön aka doñki qakñe tata kama. Doñki lömböt bisimakzawaḡö moröñi miangö qakñe tata kama.”

⁶ Jisösnöj gwarekyahötñi melaim etkiiga anda keu jiyöhangö dop ahot. ⁷ Yetkön doñki ambiñi moröñambuk etkömembra kayohot. Kayohotka malukuñini qeköba doñki qakñire algetka Jisösnöj moröñangö qakñe öngöba tarök.

⁸ Mewö tata aniga ambazip kambulelebenen göda qeba malukuñini qeköba köna namñe tumbulgetka tosatñan ip uruñe anda böröñi qezungata köna namñe tumbulget. ^{9 n} Tumbulgetka ambazip kambu jeñe köl öröba angeri aka andöñe wuatangöba kageri, yeñön kewö jiba qetket, “Hosana! Anutu möpöseizin. Deiwidkö gwölönarökñi owe owe! Kembuḡö qetñe kamawi, Anutunöj mönö i kötuetsköma. Hosana! Qetbuñagi möpöseininga euyangöreñ öngöza! Owe owe!”

¹⁰ Mewö qetketka Jerusalem sitinöj öngöba sitigö ambazip köreñan auruba göjupmajup aka kewö qesiget, “Azi ki mönö niñia?”

¹¹ Qesigetka ambazip kambuleleme yeñön kewö melenget, “Yañön mönö kezapqetok azi Jisös, Galili prowinsḡö Nazaret miriğöra.” Mewö.

**Jisösnöñ jöwöwöl jike
jim kömbuhiyök.**

*Mak 11.15-19; Luk
19.45-48; Jon 2.13-22*

¹² Jisösnöñ jöwöwöl jikegö tohoñ uruñe anök. Mianğoreñ ambazip engehiga inap bohonñi memegöra algetka söngöröñi megeri, yañön mi pakpak közöl enğiiga etket. Moner utekutek ambazip yengö jakenini metali anget. Mewöyök kembö bohonñini memegöra algeri, mienğö dum tatatñini mi tok tötaliga anget. ¹³ Mewö aka kewö jii mötket, “Aisaiyanöñ keu kun kewö ohoi ahöza, ‘Nöngö jikenan mönö köulukö mirinina akñapkö qetme.’ Keu mi ahözapmö, inñini mi utekögetka kegwek-kahasiliñ yengö banjet ewö akza.”

¹⁴ Mewö aiga jegömöl aka simalokon ambazip jöwöwöl jikenöñ yañğoreñ kagetka mem ölöwak enğiyoök. ¹⁵ Mewö asuhuyökmö, jike nup galöm aka Köna keugö böhi yeñön angöletot meyöhi, mi eket aka nahönbörat jöwöwöl jikenöñ qeta “Hosana! Deiwidkö gwölönarökñi owe owe!” jigeri, mi engeka urubölö aket.

¹⁶ P^Urubölö aka kewö jim wañgiget, “Morö mi keu qetzei, mi mötzan me qahö?” Jim wañgigetka kewö meleş enğiyoök, “Ölöp mötzał. Inñini nalö kungen Buña keu ki oyoñget me qahö, ‘Göñön mönö nahönbörat aka morösepep juzu nemakzei, mi kusum enğinönga nangi törörök möpöseim gihimakze.”

¹⁷ Mewö jiba enğömosöta siti mosöta mare aiga Betani anda ahöyök. Mewö.

**Jisösnöñ fig ip kun
quesuahöiga ululungöyök.**

Mak 11.12-14, 20-24

¹⁸ Ahöba söñanök wahöta kunbuk sitinöñ anda nenegö kömuyök. ¹⁹ Nenegö kömumba köna jitle fig ip ²⁰ kun eka mianğö könañe anök. Anökmö, ölni qahö miwikñaiiga sinñanök kiniga ehök. Mewö eka ip mi kewö jim wañgiyök, “Göñön mönö nalö kunöñ ölni kunbuk kude kuñguman.” Mewö jim wañgiiga fig ip mianñön mönö mianğoreñök ululungöyök.

²⁰ Ululungöiga gwarekurupñan mi eka auruba kewö jiget, “Fig ipnöñ mönö denöwö ösumok ululungöza?” ²¹ Jigetka Jisösnöñ kewö meleñnök, “Nöñön keu ölni kun kewö jibi mötme: Mötnarip töp memba uruyahöt qahö akeak ewö, fig ipköra yuai asuhuzawi, inñini miyök qahö akeakmö, ki mewöyök ölöp akeak: Kunduñi kiangö toñangöra kewö jim kutubeak, ‘Mönö kunduñi ki qeköba wahöta anda köwetnöñ alman.’ Mewö jim kutuba Anutu möt nariiga mönö mianğö dop ahuma. ²² Wani yuaigöra qesiba köulukömei, mi pakpak buña qem anğubingö möt narigetka mönö buñañini akña.” Mewö.

**Jitjememe yeñön Jisösgö
kukösumñangö qesiget.**

Mak 11.27-33; Luk 20.1-8

²³ Jisösnöñ jöwöwöl jikegö tohoñ uruñe anda ambazip kusum enğiiga jike nup galöm aka kantrigö jitjememe tosatñi yeñön yañğoreñ kanğotket. Kanğota kewö qesim wañgiget, “Gi kiangoreñ yuai akzani, mi mönö dañön jim kutum gihiiga ahakzan? Mianğö kukösumñi mi dañön gihiyök?”

^{21:19} Fig mi sambu ipkö alañi kun. Mi nupñine kömötketka kötni nahömñinambuk asuhugetka gwötpuk nemakze.

²⁴ Qesim waŋgigetka kewö meleş eŋgiyök, “Nöñön mewöyök keu kun qesim eŋgimam. Mi meleş niŋgime ewö, nöñön mewöyök dañön kukösum niŋgiiga yuai ki ahakzali, mi jibi mötme. ²⁵ Jonöŋ ambazip o-melun mem eŋgiba malöhi, yañön miangö kukösumŋi mi denikeyök meyök? Suep Toŋan waŋgiyök me gölme toŋan waŋgiget?” Mewö qesim eŋgiiga sutŋine eraum möta kewö jiget, “Kukösumŋan Suepnöhök asuhuyök,’ mewö jibin ewö, yañön mönö kewö jima, ‘Iñini mönö wuanöŋgöra Jon qahö möt narim waŋgiget?’ Mi qahö dop kölja.

²⁶ “Me ‘Gölme ambazipnöhök asuhuyök,’ jibin ewö, neñön mönö ambazip kambu yeŋgöra keŋgötnini möta osibin. Könagesö pakpak yeñön mönö Jongöra ‘Kezapqetok azia akza,’ jiba malje.” ²⁷ Keu mewö kewöta Jisösgöra kewö meleşget, “Mi qahö mötzin.” Mewö meleşgetka Jisösnöŋ kewö jii mötket, “Mewö aiga nöñön mewöyök yuai ki ahakzalangö kukösumŋi dañön niŋgiyök, mi qahö jibi mötme.” Mewö.

Kungö nahönyahöt yetkö söpsöpkeu

²⁸ Jisösnöŋ söpsöpkeu kun kewö jiyök, “Iñini keu kiangöra denöwö mötmörize? Azi kun nahönyahötŋi yahöt malget. Nalö kunöŋ iwiŋiran nahönŋi kungöreŋ anda kewö jiyök, ‘Nahöni, gi ölop merak nöngö wain kösö nupne anda nup meman.’

²⁹ “Mewö jiiga kewö meleşnök, ‘Ni töközal.’ Mewö jiyökmö, könangep keuŋi miangö möt böliba eleŋda anda nup meyök. ³⁰ Miangö andöŋe iwiŋiran nahönŋi kungöreŋ anda nahönŋi mutukŋangö jiyöhi, keu miyök jii mörök. Mi möta keu kewö jiba meleşnök, ‘Oŋ! Ketaŋamni, ölop

anmam.’ Mewö jiyökmö, töndup qahö anök.”

³¹ Jisösnöŋ mewö jiba qesim eŋgiyök, “Yahöt yetköreŋök dañön mönö iwiŋiranöŋ jitŋi tem kölök?” Mewö qesim eŋgiiga kewö meleşget, “Nahönŋi mutukŋi yañön.” Mewö meleşgetka kewö jii mörök, “Nöñön keu öl töhönŋi kun kewö jibi mötme: Takis meme ambazip tilipqilipŋinambuk aka köna ketaŋi ambi yeñön mönö iñini eŋgonggita mutuk Anu-tugö bemtohoŋ uruŋe öŋgöme.

³² r “Keu miangö könaŋi kewö: Jon O-melun azinöŋ eŋgöreŋ kaba Anutugö jeŋe solanibingö könaŋi kondeliga iñini yangö keuŋi mi qahö möt narigetmö, takis meme ambazip tilipqilipŋinambuk aka köna ketaŋi ambi yeñön mönö i möt narim waŋgiget. Yeñön i möt narim waŋgigeri, iñini mi eka töndup könangep mewöyök nanŋini qahö möt bölim aŋguba eleŋda i qahö möt narim waŋgiget.” Mewö.

Wain kösö nup galöm bölöŋi miengö dopkeu

Mak 12.1-12; Luk 20.9-19

³³ s Jisösnöŋ jiyök, “Dopkeu kun kewö mötme: Gölme toŋi kunöŋ wain kösö nup kun köla kömörök. Köla kömöta selŋi memba liliköyök. Mem liliköba kötnöŋ wain jout ketaŋi kötnöŋ meyök. Miangöreŋ waingö ölni ala könanöŋ tözöhölget oŋan lalanöŋ geyök. Wain jout ketaŋi mi kötnöŋ memba wain yoŋgorö membepuköra galöm meme jake köröpŋi köweŋambuk meyök. Yuai pakpak mem teköba wain nup galöm tosatŋi miwikŋaim eŋgiba kewö jiyök, ‘Mönö nup memba ölnangö bahöŋi nanŋini memba bahöŋi toŋi ni niŋgime.’ Mewö jiba nup mi böröŋine ala eŋgömosöta kantri kunöŋ anda malök.

³⁴“Mala mali ölni öliyöhangö nalöni (yambu 5) töriiga miangören welenqeqeurupni kun melaim engiiga galöm yengören anda wain nup ölnangö bahöni wangimegöra jiget. ³⁵Jigetmö, galöm yenön i engömemba jöhöba tosatni kömbinön sepgwörörök enguba tosatni enguget kömugetka tosatni kötnön gila enguget kömuget. ³⁶Miangö andöne welenazi tosatni toroqeba melaim engiiga gwötpuk aketmö, i mewönanök öröm ureim mem engiget.

³⁷“Mewö aketka wain nup toñan keu jaruba jiyök, ‘Nani nahöni mönö göda qem wangime me denöwö?’ Mewö jiba qöndökni mi nahönña melaiiga yengören anök. ³⁸Anökmö, wain nup galöm yenön nahönni eka sutjine kewö eraum möta jiget, ‘Yañön mönö börösamotñangö toñi akña. Ayop, mönö memba qein kömuiga wain kösö nupñan mönö nanine buñanina akña.’

³⁹“Mewö jiba memba jöhöba gilgetka nup yaigepne geiga qeget kömuyök. ⁴⁰Wain nup toñan mi möta kaba nup galöm mi mönö denöwö ak engima?”

⁴¹Jisösnön mewö qesiiga kewö jiget mörök, “Galöm bölöni mi mönö köndenda yaijapaleleñ mem engima aka nup galöm dölökni miwikñaim engiba wain kösö nupni yengö böröñine alma. Yenön ölni ölimawangö nalöne bahöni törörök wangimakne.” ⁴²Jisösnön mi möta kewö jii mötket, “Buña Kimbigö keu ki nalö kungen oyonget me qahö, ‘Miri meme yenön köt tandö kun andö qeba öne mosötket taröhi, miñön mönö tandö kömbönanj aiga miwikñaiget. Miñön tinjiriga mirinön gororongöba eta kölma. Kembunön tandö mi kuñguiga jeninan ehinga qetbuñabuk aiga welipkömakzin?’

⁴³“Miangöra kewö jibi mötme, Anuñunön mönö bemtohoñi enguangita am-

bazip kambu kun engiiga yenön miangö ölni ölop kuñgumakne. ⁴⁴Kunñan tandö bohönñi miangören tötönggata eta qemawi, mi mönö silenñi kutumutumapmö, ain tandö miñön jöla tala kungö qakne eta kölmawi, mi mönö körek qözömözö-zamgöma.”

⁴⁵Jisösnön mewö jiiga jike nup galöm aka Farisi (Köna keugö kapañkölköl) yenön dopkeuñi mi möta könanj möt asariba kewö jiget, “Mi mönö neñgöra jiza.” ⁴⁶Miangöra i memba jöhöbingö mötketmö, ambazip kambu yengöra keñgötñini möta osiget. Ambazip kambu yenön Jisögöra mötketka kezapqetok azia ahök. Mewö.

Maren lömbuangö söpsöp keu

Luk 14.15-24

22 Jisösnön kunbuk könahiba söpsöp keunön keu kewö jiyök, ²“Suepkö bemtohoñi mi kiangö dop akza: Kiñ azi kembunön nahönñangöra maren lömbuan arengöba mözözömgöyök. ³Mözözömgöba welenqeqeurupni melaim engiba kewö jiyök, ‘Nönön ambazip tosatni maren lömbuanñön kamegö mötzal. Injini mönö yengören kolek anda kamegö jiget mötme.’ Mewö jii anda jigetmö, ambazip mieñön mi möta kabingö tököba tanqan aket.

⁴“Miangö andöne welenqeqeurup tosatni kunbuk melaim engiba kewö jiyök, ‘Ambazip kamegöra jiali, mönö yengören anda kewö jime: Mötket, nöñön lömbuangö neneñamni lök mözözömgöbiga tatza. Nöngö bulmakau aziñi aka bulmakau tosatni gumohom engiinga kelökñinambuk akeri, mi enguba ohom qeraköinga yuai pakpak lök jöjöröba ahöza. Injini mönö maren lömbuanñön kaget.’

⁵“Mewö jii angetka ambazip mienjōn keu miangō kezap qahō algetmō, nōnōngan aka laj anget. Tosatjan nene nupņine angetka tosatjan kōlkōl-ōrōrō nupņine anget. ⁶Tosatjan kiņgō welenqequeurupņi qelanjiba eņgōmembra örōm ureim ak eņgiba eņguget kōmuget. ⁷Kōmugetka kiņgō irimņi sehōliiga yarō kambuņi melaim eņgiiga anda kinda eņguget kōmukōmu azi mi kōndeņ eņgiba taon miriņini mi ohogetka jeyōk.

⁸“Miangō andōje kiņnōņ welenqequeurupņi yengōra kewō jiyōk, ‘Maren lōmbuanj mōzōzōmgōinga jōjōrōba tatzapmō, ambazip kamegōra jiali, yēņōn mōnō sōsōngainōņ kakagō dop ölöpņi qahō akze. ⁹Miangōra iņini mōnō kōna soņanōņ aka miri sombemņi sombemņi miangōreņ anda ambazip mi me mi miwikņaim eņgimei, i mōnō maren lōmbuanjōņ kamegōra jiba kapan kōla kuņgum eņgime.’

¹⁰“Mewō jiiga welenqequeurupņan mosōta kōnaņi kōnaņi miangōreņ anda ambazip mi me mi miwikņaim eņgigeri, mi kōrek pakpak örōm tokom eņgiget. Ambazip ölöpņi aka bōlōņi mewōyōk mi mewō kagetka maren lōmbuanj mirinōņ kokolak qeiga tebol lilikōba tatket. ¹¹Tebol lilikōba tatketmō, kiņnōņ i eņgekņamgōra kaba miangōreņ azi kun maren lōmbuanjō maluku tuatņi qahō kōli geiga ehōk. ¹²Azi mi eka kewō jii mōrōk, ‘Alani, gi maren lōmbuanjō malukuņi qahō lōņgōta tōndup denōwōgōra miri kianjō uruņe kazan?’ Mewō jiiga azi miangōn keuņi bōkōiga ölöņ tarōk.

¹³“Mewō tariga kiņnōņ welenqequeurupņi kewō jim kutum eņgiyōk, ‘Mōnō azi mi memba kōna bōrōņi jōhōba yaigep gilgetka pandamanōņ gema.’ Miangōreņ malmēaņōn mōnō sahōt gigilahōba irimņini yōhōzōmgōgetka

qetņi qeri malme. ¹⁴Keu miangō dop Anutunōņ ambazip sehisehiņan kamegōra jiyōkmō, awamdōkņi yēņōn keu mi mōt aņgōn kōla kaba Anutunōņ kambu mōwōlōhōm eņgiyōhi, mōnō yengō sutņine kaņgotme.” Mewō.

Takis alalgō Jisōs esapkōm waņgiget.

Mak 12.13-17; Luk 20.20-26

¹⁵Miangō andōje Farisi (Kōna keugō kapankōlkōl) yēņōn anda eraum mōta Jisōs qesiba keugō bōtahnōņ örōi gwarōhōm waņgibingō areņi alget. ¹⁶Mewō areņ ala gwarekurupņi aka premiō Herodkō pati-alaurupņi tosatņi melaim eņgigetka Jisōsgōreņ kaba kewō qesiba jiget, “Bōhi, gōņōn azi öļņi akzani, nini mi mōtzin. Gōņōn ambazip tosatņi qahō eņgek soriba tosatņi qahō qepureim eņgimakzanmō, dop mohotnōņ kewōt neņgimakzan. Miangōra kuņgum gihigetka qahō gongiba ketanņi qahō esuhum eņgimakzanmō, Anutugōreņ kōna mi keu öļņangō dop kusum neņgimakzan. Gōņōn Anutugōreņ keu diņđiņi miangōn öņgōņgōņi eretņi mohot pakpak jim qindij ak neņgimakzan. ¹⁷Miangōra keu kianjōra denōwō mōtmōrizan, mi jinōņ mōtpin. Nini sisa-kiņgōra takis ala miangōn Mosesgō Kōna keu siņgibin me qahō?”

¹⁸Mewō qesigetka areņini munēņi mōt kutuba kewō jii mōtket, “O urumelenjō silesile azi, iņini mōnō wuanōņgōra keugō bōtahnōņ al niņgibingō esapkōm niņgize? ¹⁹Ölöp takis alalgō moneņi kun kondel niņgigetka eki.” Mewō jiiga silwō moneņ (Kina 5) kun memba kaget.

²⁰Kagetka kewō qesim eņgiyōk, “Dagōreņ imut aka qet mi ki ohoget ahōza?” ²¹“O mi sisa-kiņgōreņ,” mewō melenjō jiget. Jigetka kewō jii

mötket, “Mewö aiga yuai sisa-kingö imutṅambuk buṅaṅi akzawi, mi mönö yaṅgöra al waṅgime. Yuai kun Anutugö buṅaya akzawi, mi mönö Anutugö buṅa qeme.” ²²Mewö jii möta yaṅgöra gwötpuk welipkoba mosöta yaigep anget. Mewö.

**Kömupnöhök wahötwahötkö
Jisös esapköm waṅgiget.**

Mak 12.18-27; Luk 20.27-40

²³vSadyusi (Jike nupkö kapaṅkölköl) yeṅön ‘Kömugeri, yeṅön kude wahötmē,’ jiba malget. Nalö miangöreṅ yeṅöreṅök tosatṅan Jisösgöreṅ kaba kewö qesim waṅgiba jigēt, ²⁴w“Böhi, Mosesnöṅ kewö jim kutum neṅgiyök ahöza, ‘Azi kun ambi meiga nahönbörat qahö ahui kömuiga munṅan ölop malöṅi memba mala gwölönarök qiwikṅaim waṅgiiga datṅaṅgö qet bisiba malma.’ ²⁵Mötnöṅ, nalö kunöṅ darumun 7 malget. Datṅini mutukṅan ambi memba mala gwölönarökṅi qahö öne mala kömuyök. Kömuiga munṅan malöṅi mi meyök.

²⁶“Mimba mala kömuiga munṅi kunṅan malöṅi mi meyök. Meiga miangö andöṅe munṅi kunöṅ ambi miyök meyök. Mewöṅa mewö darumun 7 pakpak yeṅön ambi mohok miyök memba gwölönarök qahö mala kömum teköget. ²⁷Kömum tekögetka qöndökṅi malöṅini mi mewöyök kömuyök. ²⁸Göṅön ‘Kömugeri, yeṅön guliba wahötmē,’ jizannö, nini mi qahö möt narizin. Mötnöṅ, azi 7 pakpak mi öröröṅ wahötpēak ewö, ambi mohok mi anömṅina meget malöṅaṅgöra aka mönö dagö anömṅa akawak?”

²⁹Mewö qesigetka Jisösnöṅ mēṅṅa kewö jii mötket, “Iṅini keu jim sohoze. Urumēṅgö Buṅa Kimbiṅi aka Anu-

tugö kukösumṅi qahö möt kutuzeaṅgöra mönö jaṅjuṅ ahakze. ³⁰Ölṅa, kömupnöhök wahöta nalö miangöreṅ awanöm qahö akṅemö, garata yeṅön Suep mire maljeaṅgö tandök aka malme.

³¹“Mötket! Kömugeri, yeṅön guliba wahötmēgö keuṅi Anutunöṅ eṅgöra jiyöhi, iṅini mi lök oyongēt me qahö? Keu mi kewö, ³²x“Nöṅön Anutu Abrahamgö Kembu, Aisakö Kembu aka Jeikobkö Kembuya mala kota maljal.’ Anutunöṅ kömukömunṅi yeṅgö Kembuṅini qahöpmö, malmal köhöikṅi maljei, mönö yeṅgö Kembuṅina malja.” ³³Jisösnöṅ mewö ambazip kambu kusum eṅgi möta welipköget. Mewö.

**Jöjöpaṅ keu bohönṅi
yahöt mi denöwö?**

Mak 12.28-34; Luk 10.25-28

³⁴Sadyusi (Jike nupkö kapaṅkölköl) yeṅön Jisös qesim waṅgigetka mēṅṅa jim soroköiga keu bök akeri, mi Farisi (Köna keugö kapaṅkölköl) yeṅön möta kaba tokoget. ³⁵yYeṅgöreṅök böhi kun Köna keu törörök möt kutuyöhi, yaṅön kaba Jisös bötak ala kewö qesim waṅgiyök, ³⁶“Böhi, Mosesgö Köna keu uruṅe wani jöjöpaṅ keu mi bohönṅi ketāṅi akza?”

³⁷zQesim waṅgiiga mēṅṅnök, “Bohönṅi ketāṅi mi kewö, ‘Gi urugi jö-mukṅi, uṅagi jö-mukṅi aka mötmötṅi jö-mukṅi miangön mönö Kembu Anutugi jö-paköba malman.’ ³⁸Miangön jöjöpaṅ keu bohönṅi aka mutukṅi akza. ³⁹aJöjöpaṅ keu miangö alaṅi kewö, ‘Nangi jöpaköm aṅgumakzani, mewöṅanök mönö ambazip pakpak jöpaköm eṅgiba malman.’ ⁴⁰Jöjöpaṅ keu yahöt mi mönö Mosesgö Köna keu aka kezapqetok ambazip yeṅgö Buzup Kimbi pakpak miēṅgö bohönṅina akza.” Mewö.

^v22:23 Apo 23.8 ^w22:24 Dut 25.5 ^x22:32 Eks 3.6

^y22:35 Luk 10.25-28 ^z22:37 Dut 6.5 ^a22:39 Lew 19.18

Kraist mi kiŋ Deiwidkö Kemuŋi aka gwölönarökŋi.

Mak 12.35-37; Luk 20.41-44

⁴¹ Farisi (Köna keugö kapaŋkölköl) yeŋön kaba tokogetka Jisösnöŋ kewö qesim eŋgiyök, ⁴² “Iŋini Kraistköra denöwö mötze? Yeŋön mönö dagö nahönŋa akza?” Mewö jiiga melenŋa jiget, “Mönö kiŋ Deiwidkö gwölönarökŋa akza.”

⁴³ Jigetka jiyök, “Mewö akzampö, denöwö aka Uŋa Töröŋan Deiwid sölölohöm waŋgiiga yangöra ‘Nani Kembuni,’ qeta kewö jiyök,

⁴⁴ ^b “Anutunöŋ kinda nöŋgö Kembuni kewö jii mörök, Görjön mönö kaba nöŋgö böröni ölŋe tatnöŋga nöŋön nalö sutŋe kerökurupki tim tötala luhut al eŋgiba göhö köna tambö gwaröŋe al eŋgimam. Nalö mi kam kuŋgumawaŋgö dop mönö asak-mararaŋnöŋ ki tatman.’

⁴⁵ Deiwidnöŋ nanŋak mewö jiba qetŋi ‘Nöŋgö Kembuni’ jiza. Kembuni jiba mönö denöwö aka yaŋgö gwölönarökŋi mohot akawak?”

⁴⁶ Mewö jiiga miangö kitipŋi kunöŋ kun melenŋmamgö osiba keu böc kinget. Sömaŋi miangöreŋök körek yeŋön Jisös kunbuk keu kungö qesim waŋgibingö kölköldömdöm aka mosötket. Mewö.

Urumelenŋö silesile malmalgö galöm meme keu

Mak 12.38-39; Luk 11.43, 46; 20.45-46

23 Nalö miangöreŋ Jisösnöŋ ambazip kambuleleme aka gwarekurupŋi yeŋgöra kewö jii mötket, ² “Köna keugö böhi aka Farisi (Köna keugö kapaŋkölköl) yeŋön Mosesgö

jakömbuaknöŋ tata Köna keugö könaŋi kukösum qakŋe kusum eŋgimakze. ³ Miangöra keu pakpak jim kutum eŋgimakzei, mi mönö tem kölmemö, ahakmemeŋini mi kude wuatangöme. Yeŋön keu jitŋinan jim asarimakzemö, nanŋinak mi qahö wuatangömakze. Miangöra mönö i ewö kude ahakŋe.

⁴ “Yeŋön keuŋi keuŋi jim kutuba miangö könjöŋ lömbötŋi ambazip awötŋine alagun algetka mi tem kölbingö lömböriiga jaraŋbaraŋ ahakzemö, nanŋinak i kesötŋini moröŋi kunöŋ bauköm eŋgibingö wösömötmötŋini kun qahö ahöza.

⁵ ^c “Yeŋön ahakmemeŋini pakpak ambazipnöŋ eŋgekŋegöra aka memakze. Baiböl keu köc (memori wös) irimuŋga bokisŋini mem qariba aukŋe kondela Buŋa mötmötŋinaŋgöra aiweliköm aŋgumakze. Malukuŋinaŋgö suŋe aködamungö biretŋi ketaŋi ketaŋi memba möndömakze. ⁶ “Yeŋön közölömbuaŋnöŋ dum tatat mutukŋe jegep tatpingö mörakze aka köuluk mire qaikŋe eu tatpingö sihimŋi mörakze. ⁷ Maketnöŋ me könanöŋ ambazip eŋgeketka jölöŋini jimegö möta ‘O ketaŋamnini,’ qetŋini mewö qetmegöra sihimŋini mörakze.

⁸ “Yeŋön mewö ahakzemö, mohok-kun yaŋön eŋgö Böhiŋini aiga iŋini körekŋan yaŋgö urumelenŋ alaurupŋi akze. Miangöra eŋgö qetŋini böhinini qetmegöra kude mötme. ⁹ Mohok-kun yaŋön Iwiŋini akza. Yeŋön Suep mire maljawaŋgöra gölme azi kungöra neŋgö iwinini qet mewö kude qetme. ¹⁰ Kraist mohok-kun nöŋön eŋgö ketaŋamŋini akzal. Miangöra eŋgö

^a23:5 Baiböl memori wös irimuŋgaŋi mi (Dut 6.8) koropeŋ me jeŋjeŋ ewö jöhö-malget. Malukuŋinaŋgö suŋe aködamungö biretŋi mötnöŋ memba möndömalgeri, mi Anutugö ambazip öl töhöŋŋi akerangö aiwesökŋi ahök.

^b22:44 Sum 110.1 ^c23:5 Mat 6.1; Jaŋ 15.38; Dut 6.8

qetjini ketañamnini qetmegöra kude mötme.

^{11d}“Mewö qahöpmö, engö sutjine bohonñi akzawañon mönö welen qem engiba malma. ^{12e}Mewö malmapmö, kunñan nanñi uruñi memba öngömawi, Anutunöñ mönö i memba et al wañgima. Kunñan nanñi uruñi memba etmawi, Anutunöñ mönö i memba öngöba al wañgima.”

**Jisösnöñ Farisi yeñgöra
wölziköba Yei! jiyök.**

Mak 12.40; Luk 11.39-42, 44, 52; 20.47

¹³“O Köna keugö böhi aka miangö kapañkölköl ambazip! Injini urumelenjö silesile ambazip aketka lömböt qakñine öngözawañgöra mönö wölziköba Yei! jizal. Ambazip Suepkö bemtohoñ uruñe añgotpepukö nañguñi köla jöhömakze. Nanñinak miangö uruñe qahö añgotze aka tosatñan miangö uruñe añgotpingö akzei, injini i jöhöba añgön köl engimakze. ¹⁴O Köna keugö böhi aka miangö kapañkölköl ambazip! Injini urumelenjö silesile ambazip aketka lömböt qakñine öngözawañgöra mönö wölziköba Yei! jizal. Injini malö yeñgöreñ miri yuai bidanña gagabe köla enguañgirakze aka qetbuñañini asuhumapköra aka köuluk köröpñi köuluköba töptöpñine qemakze. Miangöra Anutunöñ keuñini jim teköba likepñi öngöñgöñi melejñi engö qakñine öngöma.

¹⁵“O Köna keugö böhi aka miangö kapañkölköl ambazip! Injini urumelenjö silesile ambazip aketka lömböt qakñine öngöza-wañgöra mönö wölziköba Yei! jizal. Injini kunöñ Juda ambazip kun akñapaköra kapañ köla köwetñi köwetñi kutuba gölmeñi gölmeñi lilikömakze. Mewö aketka kunñan Juda neñgö

ahakmemenöñ qekötahömawi, i mönö kusum sohom wañgigetka könöp siagö buñaya kun akña. Nanñini ewö qahöpmö, indimñi yahöt nanñini engongita böliqölima.

¹⁶“Jeñinan gömöliiga ambazip böröñine memba enguañ-girakzei, lömböt engö qakñine öngözawañgöra mönö wölziköba Yei! jizal. Injini keu kewö jimakze, ‘Kunñan jöwöwöl jikegö qetje keuñi jöjöpañ keunöñ jim köhöima ewö, miangön qahö köhöimapmö, kunñan jöwöwöl jikegö yuai goulñöñ memerñi miangö qetje jöjöpañ keuñi jima ewö, jöjöpañ keu miangön mönö jöhöm wañgima.’

¹⁷“O jegömöl ambazip mötkutukutuñini piromñi! Yuai goulñöñ memerñi aka jöwöwöl jike yahöt mietköreñök wani yuainöñ öngöñgöñi akza? Goulñöñ nanñak kömbukñi qahö akzampö, jöwöwöl jikenöñ algetka miangön mönö mi mem kömbuhiza.

¹⁸“Keu kun kewö jimakze, ‘Kunñan altagö qetji qeta keuñi jöjöpañ keunöñ jim köhöima ewö, miangön qahö köhöimapmö, kunñan naluk kötin altanöñ ahözawi, miangö qetji qeta jöjöpañ keuñi jima ewö, jöjöpañ keu miangön mönö jöhöm wañgima.’

¹⁹“O jegömöl ambazip! Naluk kötin aka alta mietköreñök wani yuainöñ öngöñgöñi akza? Nalukñöñ nanñak eretñi akzampö, altanöñ algetka miangön mönö naluk mem kömbuhiza. ²⁰Miangöra kunñan altagö qetje keuñi jöjöpañ keunöñ jim köhöimawi, yañön alta aka yuai pakpak altanöñ ahözawi, mönö miangö qetje keuñi jim köhöima.

²¹“Kunñan jöwöwöl jikegö qetje keuñi jöjöpañ keunöñ jim köhöimawi, yañön mönö jike miangö aka miangöreñ mal köhöizawañgö qetje keuñi jim

köhöima. ^{22f}Mewöyök kunjan Suepkö qetqe keuji jöjöpañ keunöñ jim köhöimawi, yañön Anutugö jakömbuak dum aka miangöreñ tatzawañgö qetqe keuji jim köhöima.

^{23g}“O Köna keugö böhi aka miangö kapañkölköl ambazip! Injini urumelenğö silesile ambazip aketka lömböt qakñine öngözawañgöra mönö wölkiköba Yei! jizal. Injini nene pakpak mendenja bahöñi 10 miangöreñök mohot Anutugö buñaya qemakze. Gipñi, raki aka kiap kösö köt mi mewöyök mendenja tenöhök mohot mi Anutugö buña qemakze. Naluk mi törörök alakzemö, Köna keugö kötñi bohonñi ki mönö oñgita mosörakze: Gi ambazip sutñine ahakmeme diñdiñi wuatangöba ak kömum anguba keu pöndañ wuatangöba malman. Keu bohonñi mi mönö kapañ köla wuatangöba malme aka keu morömorö mi mewöyök kude oñgita mosötme. ²⁴Jeñinan gömöliiga ambazip böröñine memba enguañgirakzei, injini söp obuk nembepuköra oñini saiyanoñ kewörakzemö, sömbup ketañi kamel mi lañ gwahörakze. ²⁵O Köna keugö böhi aka miangö kapañkölköl ambazip! Injini urumelenğö silesile ambazip aketka lömböt qakñine öngözawañgöra mönö wölkiköba Yei! jizal. Injini amöt qem angubingöra qambi aka al nenegö sileñi sañgoñ yakömakzemö, dogo jimamoñini qahö galöm köla yuai lañ göröngöba membagun megetka nepaqepalok mianñön uruñini kokolak qei malje.

²⁶“O jegömöl azi Köna keugöra kapañ kölakzani, gi mönö mutuk qambigö uruñi sañgoñnöñga sileñan mewöyök sarakñi akña. ^{27h}O Köna keugö böhi aka miangö kapañkölköl ambazip! Injini

urumelenğö silesile ambazip aketka lömböt qakñine öngöza-wañgöra mönö wölkiköba Yei! jizal. Injini qaksirigö maripomñi sañgoñgetka tuatñi akeak, mönö miangö dop akze. Sileñinan eksihimñinambuk tandök akzemö, qaksirigö uruñe qamöt sihit aka yuai imbiloñloñambuk mianñön kokolak qei ahöza.

²⁸“Miangö dop erñön mewöyök ambazip jeñine ölna diñdiñi tandök asuhumakzemö, urumelenğö silesile tandök aka qewöloñnöñ mönö uruñini kokolak qei malje.”

Bölöñi memañgö likepñi

Luk 11.47-51

²⁹“O Köna keugö böhi aka miangö kapañkölköl ambazip! Injini urumelenğö silesile ambazip aketka lömböt qakñine öngöza-wañgöra mönö wölkiköba Yei! jizal. Injini kezapqetok ambazip yengö qaksirinöñ simen koum memakze aka ambazip solanñi yengö köt köteñini meñölömakze. ³⁰Mewö aka kewö jimakze, ‘Neñön ambösakonini yengö nalönöñ malbinak ewö, mönö yembuk qahö toroqinga kezapqetok ambazip yengö sepñinan mönö neñgö qakñine qahö öngöbawak.’

³¹“Mewö jiba mianñön nanñinak kezapqetok ambazip engugeri, yengö isurupñina akzei, mönö keu mi nañgöba jiba dangunu ewö kinje. ³²Miangöra ambösakonñinan siñgisöndok könahiba ak-eri, miangö dop injini mönö toroqeba körek ak teköme.

³³ⁱ“O soramen, injini mönö qatö moröñi ewö akze. Anutunöñ keuñini jim teköi könöp sianöñ gebepuköra mönö denöwö unjuratpeak? Mi mönö osime. ³⁴Miangöra mötket, nöñön kezapqetok aka mötkutukutu ambazip

^f23:22 Ais 66.1; Mat 5.34 ^g23:23 Lew 27.30 ^h23:27 Apo 23.3

ⁱ23:33 Mat 3.7; 12.34; Luk 3.7

aka Kōna keugō böhi melaim engibi engören kame. Kagetka yengörenök tosatnji i enguget kōmume aka tosatnji maripom qakŋe al engime. Tosatnji köuluk miriŋine örōrahōm engiba keuŋini jim tekōba ihileknōŋ taukōm engiba közöl engigetka taonŋi taonŋi miangören anakŋe.

³⁵J⁴“Azi solanŋi Abelgō sepŋan eriga miangörenök kōnahiba enguba kota mala Zekaraia jōwōwöl jike kömbukŋi aka jōwōwöl alta mietkō sutŋire qeget sepŋi eri miangören tekōyök. Ambazip solanŋi yengō sepŋini gölmenōŋ mokomalgeri, sep pakpak miangō kitipŋan mōnō engō qakŋine öŋgōma. ³⁶Nōŋōn keu öŋŋi kun kewō jibi mötme: Sepŋinangō kitipŋi pakpak mi mōnō ambazip merak maljei, engō qakŋine öŋgōi Anutunōŋ likepŋi melen engii mötme.”

Jisōsnōŋ Jerusalem kōnagesō jōpakōm engiyök.

Luk 13.34-35

³⁷Jisōsnōŋ jiyök, “O Jerusalem, iŋini kezapqetok ambazip enguget kōmugetka Anutunōŋ ambazip melaim engii engören kamakzei, mi kötnōŋ kumbukōm engimakze. Poi namŋan morōurupŋi ginginŋi bapŋe ala köjōjohom engimakzawi, nōŋōn mōnō miangō dop nalōŋi nalōŋi göhō kōnagesōurupki kōtala tokom engimangō möta malalmō, iŋini mi tököba mala kotket. ³⁸kMötket, Anutunōŋ mōnō jike miriŋini andō qeiga sahopŋanök ahōma.

³⁹l^c“Mewō ahōmapmō, nōŋōn kewō jibi mötket, iŋini ni kunbuk qahō nekŋe. Kōnangep nalō kun kam kuŋgui miangören neka kewō jime, ‘Kembugō qetŋe kam nengizawi, Anutunōŋ mōnō i kötuetskōm waŋgima.’ Mewō.”

Jōwōwöl jikenōŋ kōndenŋmōndenŋ asuhuma.

Mak 13.1-2; Luk 21.5-6

24 Jisōsnōŋ jōwōwöl jike mosōta eriga gwarekurupŋan yangören kaba jōwōwöl jikegō tohoŋ uruŋe miri tatkeri, mi Jisōs kondel wangiget. ²Kondel wangigetka melenŋa kewō jii mötket, “Miri pakpak mi ölöp enggekzemō, nōŋōn keu öŋŋa kewō jibi mötket: Mi mōnō kōndenŋgetka mirigō köt kun mi köt kungō qakŋe qahō ahōmapmō, qeqlarŋaŋ aka sahopŋanök ahōma.” Mewō.

Kahasililiŋ aka sesewerowero asuhuma.

Mak 13.3-13; Luk 21.7-19

³Jisōsnōŋ Oil ip kundunŋe anda tariga gwarekurupŋan nanŋinöhök yangören kaba kewō qesim wangiget, “Bōhi, keu jizani, miangō öŋŋi mōnō wanat nalōnōŋ asuhum tiŋgitma aka göŋōn kanōŋga gölmegō nalōŋan tekōmamgō akŋawi, miangō aiwesökŋan mōnō denōwō asuhum? Mia ölöp jinōŋ mörin!”

⁴Mewō qesim wangigetka melenŋa kewō jiyök: “Kunŋan isimkakalek aiga janjuŋ anbepekōra mōnō galōmŋini memba malme. ⁵‘Ambazip gwōtpukŋan asuhuba nōŋgō qetne kewō jime, ‘Nōŋōn Amōtqeŋe Toŋi Kraist akzal’. Mewō jiba ambazip gwōtpuk tilipkōm engime. ⁶Iŋini yarō miengō buzupŋini aka ötōŋini asuhuetka mōrakŋe. Mi möta jōnōmŋini undubapukōra mōnō galōmŋini meme. Yuai mewōŋi mi mutuhök asuhumapkō jijiŋa. Mi asuhumapmō, gölmegō nalōŋan mōnō miangörenök zilaŋ qahō tekōma.

⁷“Kantri kunŋan kantri kun engubingōra wahōtme. Ambazip

kambu kunjan kambu kun yembuk aronj angubingöra wahötme. Gölmeñi gölmeñi miangörej bödiñi bödiñi (buörönji buörönji) asuhume aka kenonj ketanji ketanji mi qözöla memba gölme melenji gemakña. ⁸Yuai pakpak mi ambi köröbuknönj masi könahiba engumakzawañgö dop. Gölmegö nalöñan mönö miangö dop könahiba tekömangö akña.

⁹m“Mewö akñapmö, nalö miangörej tosatñan inini uruñini melengerañgöra aka gawman yeñgö börönjine al engigetka sihimbölö ak engiba enguget kömume. Kantri pakpak yeñon nõngöra aka kazik ak engimakñe. ¹⁰Nalö miangörej gwötpukñan mötnaripñini mosöta angöñan memba kazik ak angume. ¹¹Kezapqetok ambazip takapulakanji gwötpukñan asuhuba ambazip gwötpuk kilik-kaluk ak engigetka janjuñ anakñe.

¹²“Iwilele Toñan sehiba ambazip galöm köl engimawañgöra aka urumelen ambazip sehisehiñi yeñgö uruñinan amöriiga urukalemñinan söroräuma. ¹³nKunjan kapañ köla köhöiba böñ qeba kinda maliga gölmegö nalöñan tekömawi, yañon mönö oyaenköyaen buña qem anguma. ¹⁴Anutugö bemtohoñangö Ölöwak Buña ki mönö mutuk gölmegö kantriñi kantriñi pakpak miangörej jim sehigetka könagesö dop nañgönangö keunji mötketkun gölmegö nalöñan miangö andöñe teköma.” Mewö

Jerusalem sitigö köndermönöñ uru-önönñambuk

Mak 13.14-23; Luk 21.20-24

¹⁵o“Kezapqetok azi Danielnönj köndermönöñ uru-önön-ñambukö keunji jii ahöza. Keu miangö dop tosatñan kaba

köndermönöñ aka yuai angöjörakñambuk mi jöwöwöl jike törönje alget kiniga ekñei, - keu ki oyoñmawañon mönö ölop kezap ala möt kutuma-¹⁶nalö miangörej Judia prowinsnönj malmei, eñon mönö misiñgöba öröba kunduñe anme. ¹⁷PMiri kösutñe sombenñonj malmawañon mönö eta gösö yuaiñi memangöra miri uruñe kude öñgöma. ¹⁸Nupnönj anda malmawañon mönö mewöyök malukuñi memangöra lilingöba mirinönj kude anma.

¹⁹“Ye! Ambi gölömbuk aka morö juzunönj yeñon nalö miangörej denöwö ösumñinan anbeak? ²⁰Miangöra yuai mi kie uru me Sabat kendongö nalöñe kude asuhumapköra köuluköme.

²¹q“Mi kewögöra: Nalö miangörej kahasililiñ keta bölökñi asuhuma. Kahasililiñ dopñi mewöñi mi mönöwök nalö kungen kude asuhuba ahöyök. Anutunönj yuai pakpak miwikñaiyöhi, nalö miangörejök könahiba nalö kiangörej mala kota nalö sutñe kun kude asuhuyök. Mönöwök qahö asuhuyök aka könangep nalö kunönj kunbuk qahö ahuma. Miangöra mönö köuluköba malme. ²²Kembunönj wahöjalij nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yeñgöra aka wehön miengö qötönjini mem törima.

²³“Nalö miangörej kewö jime, ‘Mötket! Kraistnönj ki malja,’ me ‘Eket! Amötqeqe Toñan endu kinja.’ Kunjan mewö jima ewö, mi mönö kude möt narime. ²⁴Mi kewögöra: Amötqeqe toñi munenji aka kezapqetok ambazip takapulakanji asuhuba angöletot aka aiwesök ketanji ketanji megetka letotme. Mewö letotketka Anutunönj ambazip nanñangöra möwölöhöm engiyöhi, i

^m24:9 Mat 10.22 ⁿ24:13 Mat 10.22 ^o24:15 Dan 9.27; 11.31; 12.11

^p24:17 Luk 17.31 ^q24:21 Dan 12.1; Ind 7.14

mewöyök eñololoñ mem engimegö esapköba kapañ kölgetka janjuñ akepuk. Eñön ölöpnanök galömnini memba malgetka mi osibeak. ²⁵Mötket! Nöñön yuai pakpak mi qahö asuhuiga qeljiñe lök jibi mötze.”

Suep gölmegö azi öljän mönö asuhum tiñgitma.

Mak 13.24-27; Luk 21.25-28

²⁶r“Miangöra ‘Amötqeqe Toñan mönö gölme apopamkölkölñe malja,’ mewö jiget mötme ewö, miangöreñ mönö kude anme. Me ‘Mötket! Kraistnön mönö miri miangö uruñe asuhiba tatzawi,’ mewö jiget möta mi kude möt narime. ²⁷Mi kewögöra: Suep gölmegö azi öljän kunbuk kamawi, nalö mi mönö wölbilikö dop kewö akña: Mi wehön kotkotñeyök zilañ biliksik ala likepñe wehön gegene dop köla asariba ani ekzini, yañön mönö miangö dop asuhuma.

²⁸s“Sömbup gisakñan kungen ahöiga, manu köraraknön miangöreñ öröba tokomakzei, miangö dop asuhuma.” Mewö

Suep gölmegö azi öljän asuhuma.

Mak 13.24-27; Luk 21.25-28

²⁹t“Wahöjalin nalö miangön teköiga miangöreñök wehön jeñan injañ köliga köiñnön ömuñ kölma. Senjelau yeñön suepnöhök teköba etme aka suepnön uturuköiga miangö öröyuiñi mi tatatñini mosöta eñololoñ aketka sohoma.

³⁰u“Nalö miangöreñ Suep gölme azi öljänjö aiwesökñan suepnön asuhuiga ekñe. Nalö miangöreñ gölmegö könagesö pakpak yeñön jingey köla sahötme. Sahöta Suep gölmegö azi öljä yañön suepkö kousu qakñe

kanñori ekñe. Kukösümñi ketanjañ saköl-diñdiñambuk aukñe asuhuiga asakmararañ ekñe. ³¹Kanñori eketka tömunñi qainñi kun ugetka ötöñi köhöikñi mötketka Suep garataurupñi melaim engiiga yeñön ambazip Anutunön nanñangöra möwölöhöm engiyöhi, i gölme görañ likepliket euke emuke miangöreñök kölolohoba eñguañgitme.” Mewö

Geröp ipkö dopkeu

Mak 13.28-31; Luk 21.29-33

³²“Inñi geröp ip eka tandökñi mötmöriba dopkeu ki mötme. Böröñan lök oñambuk aiga sinñini yongoigetka mi eka möta kewö jimakze, ‘Wehön nalöñan mönö dopdowiza.’ ³³Eñön mewöñanök aiwesök miangö dop asuhuiga eka möt asariba könañi kewö jime, ‘Jisösnön mönö nanñunön dopdowiza.’

³⁴“Nöñön keu öljä kun kewö jibi mötket: Ambazip ki merak gölmenön maljei, yeñön qahö kömugetka yuai pakpak jizali, mi mönö yeñgö malmal nalöñine asuhuma. ³⁵Suep gölmenön ayapkömahotmö, nöñgö Buña keunan mönö nalö kunön qahö ayapköma.” Mewö.

Jisös kamawañgö nalöñi mi kunñan qahö mötza.

Mak 13.32-37; Luk 17.26-30, 34-36

³⁶“Suep gölmegö azi öljän kamapmö, dawinön kam kuñgumawi, miangö wehönñi me aua nalöñi mi kunñan kun kude mötza. Suep garatanön mi qahö mötze. Anutugö Nahönñan mewöyök mi qahö mötza. Iwinön nanñök mi mötza. ³⁷v“Mönöwök Noagö nalöñe ambazipnön malmalñini qemasolokep qakñe mala

^r24:26 Luk 17.23-24 ^s24:28 Luk 17.37

^t24:29 Ais 13.10; 34.4; Eze 32.7; Joel 2.10, 31; 3.15; Ind 6.12-13

^u24:30 Dan 7.13; Zek 12.10-14; Ind 1.7 ^v24:37 Jen 6.5-8

ayuhugeri, miangö dop mönö Suep gölmegö azi öljan kunbuk kamawangö nalöje asuhuma.

³⁸“O göulu ketañan qahö kaiga qeljine miangörej ambazip nene lömbuan ala o köhöikñi nemba ambi kenam bohonñangö alget anda kaiga angömeget. Ahakmeme mewö aka memba qemasolekep malgetka Noanön wañje uruje öngöyöhi, silim miangörej teköyök. ³⁹“Teköiga wanat yuai asuhumawi, mi qahö mötketka o göulu ketañan kaba jinonñi qahö ayuhum engiyök. Könanjep Suep gölmegö azi öljan kunbuk kamawi, nalö miangörej ambazipnön mewöñanök qemasolekep aka mala ayuhume.

⁴⁰Nalö miangörej azi yahöt nupnön malohotka yetköreñök kun wañgita kun mosötme. ⁴¹Mewöñanök ambi yahöt tawerñ urasiba (bunahöba) tatmahori, yetköreñök kun wañgita kun mosötme.

⁴²“Kembunön kamawangö nalönji me auañi qahö mötzeangöra mönö uruguliguli aka malme. ⁴³“Gwölö malbingö keu ki mönö möt kutume: Sunjem aiga kegwek-kahasililiñ azinön wani nalönön me auanön kamawi, miri toñan mi mötpawak ewö, yañön mönö gwölö mala miriñi ölpñanök galöm meiga qesiñda öngömangö osima. ⁴⁴“Inini ‘Suep gölmegö azi öljan nalö kiangörej qahö kañgotma,’ jiba mötmörigetka yañön mönö nalö miangörejök kañgotma.” Mewö.

**Nup azinön silekmalek
mala ayuhuyök.**

Luk 12.41-48

⁴⁵“Mewö aiga nup meme ambazip sutjine dañön tiñ kutuba tosatñi engongitza? Tosatñan söörauba nup mosötketka kunñan mötkutukutu ölpñangö qakñe kapañ köla pöndañ

memakzawi, yañön mönö simbawon akza. Miri toñan ahakmemeñi kewöta eka kungen anda miriñangö öroyuaiñi mi böröñe ali galöm akña. Galöm aka welenqeueurupñi jiyöhangö dop köyan köla nalö diñdiñe gumohom engimakña. ⁴⁶Mewö köyan köl engiba maliga toñan lilingöba kaba mewö eka mönö simbawon jima.

⁴⁷“Nöñön keu öñji kun kewö jibi mötket: Toñan simbawon jiba sukinapñi pakpakö galömñi kuñgum wañgima. ⁴⁸Kuñgum wañgimapmö, nup meme okonñi yañön uruñan mötmöriba kewö jima ewö, ‘Kembunangö kaka nalönjan mönö köröpñi ahöza.’ ⁴⁹Mewö jiba könahiba nup meme ambazipurupñi engum ureiba közölömbuan ala söñgaiba o köhöikñi nemba uruñi sohoiga engololon silekmalek aka malma.

⁵⁰“Mewö mala nalö kunön kembuñi kañgotmapköra qahö mambötmawi, mönö miangörej kañgotma. Nalögöra ikmaok inululun mali mönö aua miangörej kañgota ⁵¹qeba yaijapaleñ mem wañgiba jim kutuiga urumelengö silesile ambazip ewö könöp sianön geba sihimbölö mötma. Mewö möta sahöt gigilahöba irimñini yöhözömgögetka qetñi qeri malme.” Mewö.

Ambi seram tengö söpsöp keu

25^yJisösnön jiyök, “Kunbuk kamami, nalö miangörej Suepkö bemtohoñan kewö akña: Maren lömbuan nalöñe ambi seram jömukñi tenñan ‘Azi buñabuk aitongöbin,’ jiba kiwañini memba könanön anget. ²Yengörejök 5 mi mötkutukutuñinambuk aketmö, tosatñi 5 yengö mötkutukutuñini mi piromñi. ³Mötkutukutuñini piromñi yenön kiwañini megetmö, könöp

(kuwiŋ) kelökŋi §§qahö memba anget. ⁴Mötkutukutuŋinambuk yeŋön kiwaŋini aka kuwiŋ kelök kiringŋini mewöyök memba anget. ⁵Angetka azi buŋanöŋ zilaŋ qahö kaiga mambötketka nalö köriyohaŋgöra körek yeŋgö jeŋini böŋböh meiga nöropŋini eri sipköba gauŋ ahöget.

⁶“Gauŋ ahögetmö, suŋgem bibiŋe kunöŋ tömun qeri qet kewö mötket, ‘Mötket, azi buŋa kazawo! Mönö yaŋgöreŋ anda aitongöme.’ ⁷Qet mi möta ambi seram ten mi körekŋan wahöta kiwaŋini memba möhamgöba ohotiriget. ⁸Ohotirigetka mötkutu-kutuŋini piromŋi yeŋön mötmöt ambi yeŋgöreŋ kaba kewö jiget, ‘Neŋgö kiwaninan böközawaŋgöra eŋön mönö kuwiŋ kelökŋi tosatiŋ neŋgime.’

⁹“Mewö jigetka mötkutukutuŋinambuk yeŋön melenŋa kewö jiget, ‘Qahö. Mi iŋini aka nini dopnine qahö. Mi-aŋgöra mönö stuanöŋ anda nanŋini kuwiŋ kelökŋini söŋgöroŋi meme.’

¹⁰“Mewö jigetmö, kuwiŋ kelökŋi bohonŋi mbingöra anda könanöŋ malgetka azi buŋanöŋ mönö mi-aŋgöreŋök kaŋgorök. Ambi seram jöjöröba kingeri, yeŋön anda yambuk aitongöba maren lömbuaŋ miri uruŋe öŋgögetka naŋguŋi kölget. ¹¹“Ambi seram stuanöŋ angeri, yeŋön mewöyök könaŋep kaŋgota naŋgu qeba kewö qetket, ‘Kembu Kembu, mönö naŋgu metal neŋginöŋ!’

¹²“Mewö qetketmö, kewö melenŋa jiyök, ‘Qahö. Ni iŋini qahö möt eŋgizal. Keu öŋa mi jizal.’” ¹³Jisösnöŋ söpsöp keu mewö jiba gwarekurupŋi yeŋgöra keu kewö jii mötket, “Iŋini ni kamamaŋgö nalöŋi me auanŋi

kude mötzeaŋgöra mönö uruguliguli aka malme.” Mewö.

Moneŋ esu galöm kölgeraŋgö söpsöpkeu.

Luk 19.11-27

^{14a}“Mönö dopkeu kianaŋgö dop asuhuma: Azi kun miriŋi mosöta körowen kantri kunŋan anmamgö möta welenqeueurupŋi eŋgoholi kagetka moneŋ sukinapŋi galöm kölmegöra jim kutum eŋgiba böroŋine alök. ¹⁵Nup memeniŋi kewöta öŋi dawik asuhumawaŋgö dop möta nup meme azi kungöra moneŋ esu 5 (Kina 5000,-) waŋgiba kun moneŋ esu yahöt (Kina 2000,-) waŋgiba kun mohok-kun (Kina 1000,-) waŋgiyök. Mewö galöm kölmegöra mendeŋ eŋgiba eŋgömosöta anök.

¹⁶“Azi Kina 5000,- meyohaŋön mi-aŋgöreŋök anda kölköl-örörö nup meiga moneŋ sehiiga esu 5 kunbuk meyök. ¹⁷Mewöŋanök Kina 2000,- meyohaŋön anda kölköl örörö nup meiga moneŋ sehiiga esu yahöt kunbuk meyök.

¹⁸“Mewö meyohotmö, azi moneŋ esu mohok-kun (Kina 1000,-) meyohaŋön mönö mosöta anda gölme esiba azi kembuaŋgö moneŋi löm köla asam-börök. ¹⁹Nalö köroŋi teköiga welenqeŋe yeŋgö azi kembuŋinan lilingöba kaba ‘Nup megeraŋgö kösohotŋini möta kewötmam,’ jiba köl öröm eŋgiiga kaget.

²⁰“Mewö kagetka azi Kina 5000,- meyohaŋön jeŋe kaŋgota esu 5 kunbuk toroqeba memba kaba kewö jiyök, ‘Ketaŋamni mötnöŋ, göŋön moneŋ esu 5 niŋginöŋi, nöŋön mi-aŋgö kölköl öröröŋi membi sehiiga esu 5 kunbuk asuhiiga memba kazal.’

§§25:3 Könöp (kuwiŋ, qiwiŋ) kelökŋi mi Oil ipkö kötŋi mözözamgögetka kelökŋi mi asuhuyök. Miri söŋauiga ip suŋe opo köpeiba kelök mi-aŋgöreŋ kundumgöba kiwa ohotiriba könanöŋ angetka 15 minitkö dop jeyök.

^z25:11 Luk 13.25 ^a25:14 Luk 19.11-27

²¹“Mewö jiiga azi kembujan kewö meleş waŋgiyök, ‘Mi ölop. Gi nup meme azi ölöppi memburik-qemburiki qahö. Gi yuai awamŋi memba mi kapaŋka-paŋ aka galöm köla malnönŋa sehiyök. Miangöra nöŋön yuai gwötpuk göhö böröge albi miangö galömŋa malman. Ölop kaba azi kembugi nöŋgö miri uruŋe kaŋgota mohotŋe sösönŋai aka malbin.’ ²²Azi Kina 2000,- meyöhanön mewöŋanök kaŋgota kewö jiyök, ‘Ketaŋamni mötnön, göŋön moneŋ esu yahöt niŋginönŋi, nöŋön miangö kölköl-örörönŋi membi sehiiga esu yahöt kunbuk asuhiiga memba kazal.’

²³“Mewö jiiga azi kembujan kewö meleş waŋgiyök, ‘Mi ölop. Gi nup meme azi ölöppi memburik-qemburiki qahö. Gi yuai awamdökŋi memba mi kapaŋka-paŋ aka galöm köla malnönŋa sehiyök. Miangöra nöŋön yuai gwötpuk göhö böröge albi miangö galömŋa malman. Ölop kaba azi kembugi nöŋgö miri uruŋe kaŋgota mohotŋe sösönŋai aka malbin.’

²⁴“Miangö andönŋe azi moneŋ esu mohok-kun (Kina 1000,-) meyöhanön kaŋgota kewö jiyök, ‘Ketaŋamni mötnön, nöŋön könaŋamgi kewö möt yaköyal: Azi kembunan mönö azi köhöikŋi könöpŋambuk akza. Nangak nene kötŋi qahö qesiŋ gilnönŋa miangören mönö töndup ölni sounönŋ yandiba memamgö mörakzan. Padi kötŋi qahö esinönŋ geiga miangören mönö töndup ölni qezakömamgö mörakzan.

²⁵“Mewö möt yaköba keŋgötni möta anda göhö moneŋ esugi mi gölmenönŋ asambötpiga ahöyök. Eknönŋ, moneŋ esu niŋginönŋi, miyöhök mönö törörök ki.’

²⁶Mewö jiba mi waŋgiyökmö, azi kembujan meleşda kewö jim waŋgiyök, ‘Gi injarere aka welenqeŋe bölönŋi akzan!

Gi könaŋamni möt yakönönŋ: Nanak nene kötŋi qahö qesiŋ gilbiga miangören mönö töndup ölni sounönŋ yandiba memamgö mörakzal. Nanak padi kötŋi qahö esibi geiga miangören töndup ölni qezakömamgö mörakzal. Nöŋgö tandökni mewö möt yaköbagun mönö wuanönŋgöra ak sohoba malnönŋ?

²⁷“Gi nöŋgö moneŋni benknönŋ alnönŋa dop kölbawak. Benknönŋ alnönŋa qariiga lilingöba kayali, nalö kiangörenŋ mi ölop suŋambuk membileŋak.’ ²⁸Toroqeba tosatŋi yeŋgöra jiyök, ‘Injini mönö qölmöm injarere azi miangö moneŋ esuŋi mi waŋgita kun esu 10 miwikŋaiyöhi, mönö i waŋgime.’

²⁹^b“Dopkeu kiangö könaŋi kewö: Denike yeŋgörenŋ yuai ahözawi, körek yeŋgöra mönö toroqeba eŋgiget sehiiga keleşmaleleş ahöm eŋgima. Mewö sehimapmö, kungörenŋ yuai kun qahö ahözawi, yeŋgörenŋ yuai mi mönö mewöyök waŋgitketka öne töhöntöhön malma. ³⁰^cAyop, welenqeŋe azi omaŋi nupŋangö ölni qahö i mönö yaigepŋe gilgetka söŋaupnönŋ gema. Miangörenŋ geba sahöt gigilahöba göboŋini yöhözömgögetka qetŋi qeri malme.” Mewö.

Jimtekötekögö nalö ketaje kewö asuhuma:

³¹^d“Suep gölmegö azi ölnan kinda Suep garata pakpak eŋguaŋgita mohotŋe kamei, nalö miangörenŋ Suepkö asakmararaŋan asuhiiga yaŋön Kiŋ Kembugö jakömbuak dumnönŋ tatma. ³²Tata jiiga gölmegö ambazip kambu pakpak qezaköm eŋgigetka yaŋgö jeŋe asuhume. Asuhugetka lama galömŋan lamaurupŋi meme (noniŋ) yeŋgörenŋök mendeŋ eŋgizawi, miangö dop i mende-

^b25:29 Mat 13.12; Mak 4.25; Luk 8.18

^c25:30 Mat 8.12; 22.13; Luk 13.28

^d25:31 Mat 16.27; 19.28

qenderj ak engima. ³³ Mi ak engiba jiiga lama mi böröñi ölñe aka meme (noniñ) mi qaniñe al engime.

³⁴ “Mewö al engigetka Kiñ Kembunöñ böröñi ölñe kinmei, yengöra kewö jima, ‘Nöñgö Iwinan kötuatköm engii malgeri, iñini mönö kaget. Iwi Anutuninan gölme pakpak miwikñaim engiyöhi, nalö miangöreñök lök engöra bemtohoñ mözözömgöba mei jöjöröba ahöba kotzawi, iñini mönö kaba mi buña qem anguba malme.

³⁵ “Mi kewögöra jizal: Nöñön yakanangö kömumba malbiga iñini nene niñgiba malget. Nöñön ogöra qemjeñ qeba malbiga iñini o niñgiba malget. Nöñön kian aka malbiga iñini köñ öröm niñgigetka miriñine öngöba malal. ³⁶ Nöñön sile esunangöra osiba malbiga iñini opo kereñ niñgiba malget. Nöñön kawöl nöhöi ahöbiga iñini galöm köñ niñgiba malget. Nöñön kösö mire malbiga iñini ni nekingöra miangöreñ qaba malget.’

³⁷ “Mewö jiiga ambazip solanñi yeñön kewö meleñ wañgiba jime, ‘Kembu, gi mönö wani nalönöñ yakagahö kömunöñ geke gumohom gihiba malin? Mönö wani nalönöñ ogöra qemjeñ qeba malnönnga geke o gihiba malin? ³⁸ Mönö wani nalönöñ kiana kanönnga geke köñ öröm ghiinga mirinine öngönönnga malin? Mönö wani nalönöñ sile esugahöra osiba malnönnga geke opo kereñ gihiba malin?

³⁹ “Mönö wani nalönöñ kawöl göhöi ahönönnga geke me kösö mire malnönnga möta gi gekingöra göhöreñ qaba malin? ⁴⁰ Mewö jigetka Kiñ Kembunöñ meleñda kewö jii mötme, ‘Nöñön keu ölñi kun kewö jibi mötme: Iñini nani urumeleñ alaurupni etqeceñi kieñgöreñök kungöra yuai kun akeri, mi pakpak mönö ni ak niñgiba malget.’

⁴¹ “Mewö jiba miangö andöñe böröñi qaniñe kinmei, yengöreñ meleñda kewö jima, ‘Iwinan qesuahöm engii malgeri, iñini mönö nömosöta kesalget. Köñöp sia teteköñi qahö jem öngömawi, mönö miangöreñ anda geme. Anutunöñ mi Bölönangö Toñi aka yangö garataurupñi yengöra mözözömgöba meköiga jöjöröba ahöza. ⁴² Mi kewögöra jizal: Nöñön yakanangö kömumba malbiga iñini nene qahö niñgiba malget. Nöñön ogöra qemjeñ qeba malbiga iñini o qahö niñgiba malget.

⁴³ “Nöñön kian aka kabiga iñini qahö köñ öröm niñgigetka miriñine qahö öngöba malal. Nöñön sile esunangöra osiba malbiga iñini opo kereñ qahö niñgiba malget. Nöñön kawöl nöhöi ahöyal aka kösö mire malalmö, iñini ni nekingöra miangöreñ qahö kaba malget.’

⁴⁴ “Mewö jiiga yeñön mewöyök meleñ wañgiba kewö jime, ‘Kembu, gi mönö wani nalönöñ yakagahö kömunöñ me ogöra qemjeñ qeba malnön me kiana malnön me sile esugahöra osiba malnön me kawöl göhöi ahönöñ me kösö mire malnönnga nini gi qahö welen qem gihiba malin?’

⁴⁵ “Mewö jigetka meleñda kewö jii mötme, ‘Nöñön keu ölñi kewö jibi mötme: Iñini urumeleñ alaurup etqeceñi kieñgöreñök kungöra yuai kun qahö ak-eri, mi pakpak mönö ni qahö ak niñgiba malget akza.’

⁴⁶ e “Mewö jii mötketka likepñi meleñ engii qakñine öngöiga aköm engii anda sihibölö nalö teteköñi qahö möta mal öngöme. Mewö mal öngömömö, solanñi yeñön oyaekyoaerñ malmal mi nalö teteköñi qahö mal öngöba malme.” Mewö.

**Jisös qein kömumapkö
aᅅgönaᅅ alget.**

Mak 14.1-2; Luk 22.1-2; Jon 11.45-53

26 Jisösnöᅅ keu pakpak mi jim teköba gwarekurupᅅi kewö jii mötket, ^{2f}“Silim yahöt teköigun Pasowa kendonᅅi kam kuᅅguma. *Inᅅini mi ölöᅅ mötze. Kam kuᅅguiga Suep gölmegö azi öᅅᅅi mi kian gawman yeᅅᅅ böronᅅine algetka maripomnöᅅ qegetka kömuma.”

³Nalö miangöreᅅ jike nup galöm aka kantrigö jitᅅememe yeᅅᅅ tokoba jike nup galöm bohönᅅi qetᅅi Kaiafas yaᅅᅅö jakömbuak miriᅅe tatket. ⁴Miangöreᅅ tata denöwö möndöᅅᅅninga Jisös öᅅᅅ memba qeget kömumbawak, miangö könaᅅi jaruba kewötket. ⁵Jaruba kewöta kewö jiget, “Ambazip irimᅅini seholiᅅa karimᅅi karimᅅi asuhubepuköra mi söᅅöᅅgai kendon nalöᅅe akingö osibin.” Mewö.

**Ambi kunöᅅ Jisös o
umköhöwakᅅambuknöᅅ miriyök.**

Mak 14.3-9; Jon 12.1-8

⁶Jisösnöᅅ Betani mirinöᅅ mala Saimon kun uzikukuᅅi mem solaniyöhi, yaᅅᅅö mire öᅅᅅöba tarök. ^{7g}Miangöreᅅ nene memba tariga ambi kunöᅅ köᅅ-kirin kun memba yaᅅᅅöreᅅ kayök. Kirin mi nöᅅluk tuat-tuat qetᅅi alabastö mianᅅön memeᅅa. Mia o umköhöwakᅅambuk mianᅅön kokolak qeᅅeᅅa. Yaᅅᅅön mi bohönᅅi ketaᅅan memba kaba oᅅi Jisösgö nöroᅅᅅe mimbiliba miriyök.

⁸Miriᅅiga gwarekurupᅅan mi eka urubölö aka kewö jiget, “Mi mönö wuanöᅅᅅöra mewö ayuhuzawi? ⁹O kelökᅅambuk mi bohönᅅi memegöra ali moneᅅ öᅅᅅöᅅᅅöᅅan asuhuiga

mi ambazip wanapᅅi enᅅiiga dop köᅅbawak.”

¹⁰Jisösnöᅅ urumötmötᅅini mi ek kutuba kewö jii mötket, “Ambi kiangö uruᅅi mi wuanöᅅᅅöra mem böᅅlize? Yaᅅᅅön silik öᅅᅅᅅi ak soroköm niᅅiᅅiga dop köᅅᅅa. ^{11h}Ambazip wanapᅅi mi nalöᅅi nalöᅅi sutᅅine malmemö, nöᅅön enᅅᅅö sutᅅine nalö dop qahö malmam.

¹²“Nöᅅön kömumbi löm köᅅ niᅅigimeangöra aka kelök mianᅅön sileni nömiriza. ¹³Nöᅅön keu öᅅᅅi kun kewö jibi mötket: Ölöwak Buᅅa ki kantri igen waigen jim sehigetka anmawi, miangöreᅅ ambi kianᅅön yuai ak niᅅigizawi, miangö buᅅaᅅi mohok jiget sehiᅅiga yaᅅᅅöra mötmöriᅅa malme.” Mewö.

**Judasnöᅅ Jisös mamalolo mem
waᅅᅅimamgö urumohot ahök.**

Mak 14.10-11; Luk 22.3-6

¹⁴Nalö miangöreᅅ gwarekurupᅅi 12 yeᅅᅅöreᅅök kun qetᅅi Judas Iskariot yaᅅᅅön jike nup galöm yeᅅᅅöreᅅ anda ¹⁵ⁱkewö qesim enᅅiyök, “Nöᅅön Jisös mamalolo mem waᅅᅅiba böronᅅine albiga enᅅön töwa wania niᅅᅅibeak?” Qesim enᅅiiga silwö moneᅅ köᅅᅅi 30 oyonᅅa böronᅅe alget. ¹⁶Aua miangöreᅅök könahiba Jisös nalö kungen mamalolo mem waᅅᅅimamgö köna möt jaruba köiᅅᅅiᅅᅅöba malök. Mewö.

**Jisösnöᅅ gwarek yembuk
Pasowa lama neget.**

*Mak 14.12-21; Luk 22.7-13,
21-23; Jon 13.21-30*

¹⁷Beret yistᅅi qahö miangö kendon silim mutukᅅe (Seᅅononöᅅ) gwarek yetköᅅ Jisösgöreᅅ kaba kewö qesim waᅅᅅiyohot, “Böhi! Nini miri

***26:2** Pasowa mi nanine keunöᅅ Ak-kömükömu kendon. Keu miangö könaᅅi: neᅅᅅe-
horiba neᅅᅅöᅅirök. Eksodus 12.15

^f**26:2** Eks 12.1-27

^g**26:7** Luk 7.37-38

^h**26:11** Dut 15.11

ⁱ**26:15** Zek 11.12

denikeangörej anda pasowa lama mözözömgöm gihiziga neman? Sihimgi denöwö ahöza?”

¹⁸Qesim wangiyohotka kewö melenök, “Injiri Jerusalem sitinön öngöba azi kun mötzali, i miwikñaiba kewö jiyohotka mötma, ‘Böhinön jiza: Nöngö nalönan mönö †dopdowiza. Nöñön göhö mire kaba gwarekurupni yembuk Pasowa lama membin.”

¹⁹Gwarek yetkön Jisösnön jim kutum etkiyöhi, miangö dop aka Pasowa lama mözözömgöyohot.

²⁰Mare aiga miri söñauiga Jisösnön gwarekurupni 12 yembuk miri miangörej kangota öngöba dum kösutje tata nene mendeñda neget. ²¹Nene negerangörej Jisösnön kewö jii mötket, “Nöñön keu öñji kun kewö jibi mötket: Engörejök kunñan mönö mamalolo mem niñgima.” ²²Mewö jii möta miangörejök uruñinan wösöbirik ketanji aiga könahiba nanñök nanñök qesim wangiba jiget, “Kembu, mönö nöngöra jibanbuk?”

²³Qesim wangigetka kewö melenök, “Nömbuk beret kuluñnön kundumgözawi, mönö yañön. ²⁴Suep gölmegö azi öñjan mönö yangöra keu ohoget ahözawangö dop öñja gölme mosöta anmapmö, kunñan i mamalolo mem wangimawi, yangöra mönö Yei! jiba sahötzal. Miangö likepñi kanjamñambukñön mönö yangö qakñe öngöma. Azi mi nam körö uruñeyök qahö asuhubawak, miangön mönö amqem wangibawak.” Mewö.

²⁵Mewö jiiga Judas mamalolo mem wangimawangön kewö melenöda jiyök, “Böhi, mi mönö nöngöra jibanbuk?” Jisösnön kewö jii mörök, “Jizani, mönö mewö!” Mewö.

Kembubuk semön qöndökñi neget.

Mak 14.22-26; Luk 22.14-20; 1 Kor 11.23-25

²⁶Nene nempa tata Jisösnön beret memba kötuetsköba mindipköba engiba kewö jiyök, “Ki nani busuni. Ki memba neget.”

²⁷Mewö jiba wain qambi memba saiwap jiba engiba kewö jiyök, “Injini körek qambi kiangörejök neget. ²⁸^kKi nani sepi. Mi Anutunön ambazip yembuk jöhöjöhö areñ aiga köhöimapköra sepi mokoget geiga ambazip gwötpuk yengö singisöndökñini mosötma. ²⁹Nöñön keu kun kewö jibi mötket: Nöñön wain kösögö öñji ki kiangörej kunbuk toroqeba qahö nemam. Könangep Iwinangö bemtohoñ uruñe eu taringa közölömbuañ almawi, wehön miangörej mönö wain o qainñi kun mia nemam.”

³⁰Mewö jiiga sösongai liñet köla mosöta anda Oil ip kundunje öngöget.

Pitönön Jisös qañ kölmapkö jii mörök.

Mak 14.27-31; Luk 22.31-34; Jon 13.36-38

³¹Öngöba Jisösnön kewö jii mötket, “Kezapqetok azi kunön keu kun kewö ohoi ahöza, ‘Nöñön galömñini qebiga lama kambuañ deñme.’

Miangö dop eñön körek sungem kiangörej uruñini nöngöra aka böliiga nömosöta buratime. ³²^mBuratigetka nuñgumemö, nöñön mönö kömupñöhök wahöta mutuk Galili prowinsñön anda miangörej asuhum engimam.”

³³Mewö jiiga Pitönön melenöda kewö jii mörök, “Yeñön körek uruñini göhöra aka böliiga gömosöta buratime ewö, nöñön mönö töndup nalö kunön qahö

†**26:18** Anutunön Jisös kömumawangö nalöñi alöhi, miangöra jiza.

^j**26:23** Sum 41.9 ^k**26:28** Eks 24.8; Jer 31.31-34 ^l**26:31** Zek 13.7

^m**26:32** Mat 28.16

gömosötmam.” ³⁴ Jiiga Jisösnöj jii mörök, “Nöñön keu ölni kun kewö jibi mötnöj: Kuruknön qahö qeriga göñön merak sunjem qañ köl niñginönğa indimñi karöbut akña.”

³⁵ Mewö jiyökmö, Pitönöj kewö jii mörök, “Böhi! Mewö qahöpmö, ni nunjugetka göbuk mohotje kömumbirak, mi töndup nöñön gi qahö qañ köl gihimam.” Gwarek tosatñi pakpak mewöyök keu miyöhök jiget. Mewö.

Jisösnöj Gezemane arönöj köuluköyök.

Mak 14.32-42; Luk 22.39-46

³⁶ Mewö eraum möta anda yembuk arö kun qetñi Gezemane miangörej angotket. Angota Jisösnöj gwarekurupñi kewö jii mötket, “Nöñön endu anda köuluköbiga injini ölop nalö sutje ki nanñinök tatme.” ³⁷ Mewö jiba Pitö aka Zebedigö nahönyahötñi yahöt etkuangita angetka Jisösnöj könahiba wösöbirik möriga köñjiliñan köna böröñi qeköyök. ³⁸ Nalö miangörej kewö jii mötket, “Nöngö urunan mönö kondum köla kotzawangöra aka wösöbirik mötpiga kömukömuñi ak niñgiza. Injini ölop kiangörej tata nömbuk guli malbin.”

³⁹ Mewö jiba nanñök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Miangöra sihimgi ahöza ewö, sihimbölögö qambiñi kiangön mönö nöngö qakne öngöbapuköra noangitman. Noangitman me qahö, mi mönö nangi jit keugahö dop asuhuma. Mi nöngö sihimgö dop qahö.”

⁴⁰ Mewö jiba lilingöiga gwarekurupñi karöbut yeñön gaun ahöget engeka Pitögö kewö jii mörök, “Injini aua mohötöp nömbuk guli malbingö kude köhöize me? ⁴¹ Uruninan guli malbingö sihimñi mörakzinmö, sileninan lölöwöröñi akza.

Miangöra esapesapnön et engubapuköra mönö köuluköba guliguli malme.”

⁴² Mewö jii möriga kunbuk engömosöta anda indimñi yahöt aiga kewö köuluköba jiyök, “Iwini, sihimbölögö qambi kiangön qahö nongitma ewö, mi ölop nemam-mö, mi mönö nangi jitkahö dop asuhuma.”

⁴³ Köuluköba lilingöiga jeñini böñböñ meyoñangöra kunbuk gaunök ahöget engehök. ⁴⁴ Kunbuk engömosöta likep anda keu miyöhök kunbuk jiba köuluköiga indimñi karöbut ahök. ⁴⁵ Gwarek yengörej lilingöba kaba kewö jii mötket, “Injini toroqeba luhut memba gaunök ahöbingö mötze me? Mötket! Kunöñ Suep gölmegö azi ölni mamalolo mem wanggiiga bölöñi meme yengö böröñine öngöma. Miangö aua nalöñan lök kam kunguza. ⁴⁶ Mönö wahötketka anin! Mamalolo mem niñgimawi, yañön mönö dowe ki kaza.” Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷ Jisösnöj mewö jiba kiniga miangörej gwarekurupñi 12 yengörejök kun qetñi Judas yañön kambu ketañi kun jitje mem enggiiga kangotket. Jike nup galöm aka kantrigö jitmeme yeñön i melaim engigetka bingö sou ketañi aka lingipñini memba kaget. ⁴⁸ Mamalolo memangö ahöhi, yañön mutuk yembuk aiwesök keu kewö jöhöba jii mötket, “Nöñön azi numbuñi yöhötim nemami, yañön mönö mia akza. Mönö i memba jöhöme.”

⁴⁹ Mewö jiba kaba miangörejök Jisögörej angota “Böhi, böñjöñ!” jiba numbuñi yöhötim neyök. ⁵⁰ Yöhötim neiga Jisösnöj kewö jii mörök, “Alani, gi wuanöngöra kazani, mi mönö zilañ akñan.” Mewö jiiga azi kambu yeñön Jisögörej kangota qelanjiba memba

jöhöget. ⁵¹Jöhögetka Jisösbuk malgeri, yengöreñök kunñan böröñan bimgö sou ketanji öröba jike nup galöm bohonñangö welenqeñeji qeba kezapñi köteköi erök.

⁵²Jisösnöñ mi eka kewö jii mörök, “Mönö mosötnöñ! Bimgö sou ketanji körök memei, i mönö körek bimgö sou ketanjan engui kömume. Miangöra mönö sougi kupinñe qenöñ geyök! ⁵³Nöñön Iwini köuluköbiga ölop bauköm niñgimawi, mi mötzan me qahö? Köuluköm wañgibileñahi, yañön mönö miangöreñök garata yarö kambu ⁵⁴12 ongita melaim engii kaba bauköm niñgibeak. ⁵⁴Bauköm niñgibeak ewö, Buña Kimbigö keuñan mönö denöwö öljambuk akawak? Buña Kimbi keugö dop yuai kiañön mönö asuhumapkö dop jijiña akza.”

⁵⁵Nalö miangñöreñök Jisösnöñ yarö kambu yengöra kewö jii mötket, “Ni kegwek-kahasililiñ azia qahöpmö, töndup nöngöra mewö möta bimgö sou ketanji aka liñgip memba nömemba jöhöbingöra kañgotze. Nöñön wehön dop jöwöwöl jikenöñ embuk tata kinda Buña keu kusum engiba malbiga qahö nömiñet. ⁵⁶Mewömö, yuai pakpak ki mönö kezapqetok ambazipnöñ keu ohogeri, mieñön ölninambuk akñapköra asuñuza.” Jisös jöhögetka gwarek yengön körek Jisös mosöta buratiba unjurata anget. Mewö.

**Jikegö jitñememe yengön
Jisösgö keu nup meget.**

*Mak 14.53-65; Luk 22.54-55,
63-71; Jon 18.13-14, 19-24*

⁵⁷Yarö azi Jisös memba jöhögere, yengön i wañgita jike nup galöm

bohonñi qetñi Kaiafas yañgö mire anget. Angetka Köna keugö böhi aka kantrigö jitñememe yengön miangöreñ kaba tokoget. ⁵⁸Angetka Pitönöñ sikepsikep enguatangöba miangöreñ añgota jakömbuak mirigö kiripo uruñe öngöyök. Öngöba teteköñe denöwö asuhumawi, mi ekñamgöra welenqeñe azi yengö sutñine tarök.

⁵⁹Mewö tarökmö, jike nup galöm aka jike kaunsöl kambu yengön Jisösgö silenöñ alal keu denöwö möndöba nañgöinga qeget kömumapkö jim jaruget. ⁶⁰Jaruba kinda gwötpukñan wahöta kinda keu muneñi Jisösgö sileñe ala nañgöba jigetmö, töndup könañi kun qahö miwikñaiñet. Qahö miwikñaiñetmö, teteköñe azi yahöt kañgota ⁶¹ökwö jiyöhot, “Azi kiañön kewö jiiga mörit, ‘Ni ölop Anutugö jöwöwöl jikenji köndenbiga gölmenöñ eriga wehön karöbutkö uruñe mi kunbuk mem wahöta kuñgumam.”

⁶²Mewö jiyohotka jike nup galöm bohonñan wahöta Jisös qesim wañgiba kewö jiyök, “Yengön göhö silege keu ala nañgözei, miangö likepñi kun jiman me qahö?” ⁶³Qesim wañgiiga Jisösnöñ yuai bölöñi kun qahö ahökmö, töndup keuñi böc kinök. Keuñi böc kiniga jike nup galöm bohonñan kewö jii mörök, “Nöñön Anutu malmal Toñangö qetñe kewö qesiba kuñgum gihizal: Gi Anutugö Nahönñi Kraist akzan me qahö, mi törörök jiba jöjöpañ keunöñ jim köhöinöñga mötpin.”

⁶⁴Mewö jiiga kewö jiyök, “Jizani, mönö mia. Miamö, nöñön körek engöra kewö jibi mötket: Nalö kewöñeyök könahiba Suep gölmegö azi ölnan mönö

26:53 Rom yengöreñ liñön me yarö kambu kun mi yarö azi 6000 miangö dop aka maljema. Miangöra yarö kambu 12 mieñgö jañgöñini mi Suep garata 72.000 miangö dop.

ⁿ26:55 Luk 19.47; 21.37 ^o26:61 Jon 2.19 ^p26:64 Dan 7.13

Kukösum Toṅaṅgö böröñi ölḡe tata suepkö kousu qakḡe eri ekḡe.”

⁶⁵Keu mi jiiga jike nup galöm bohonḡan malukuḡi munjurata kewö jiyök, “Yei, iwinanḡö jitḡi! Mönö Anutu mepaiköza. Tosatḡan keuḡi nanḡömegöra kunbuk qahö qesim eḡibin. Anutu mepaiközawi, mi döлки nanḡinak möt teköze. ⁶⁶Mianḡöra denöwö mötmörize?” Mewö qesim eḡiiga kewö jim teköget, “Yaḡön mönö kömupkö buḡaya akḡa.”

⁶⁷Mewö jim teköba jeḡe söutkölap söutköm miriba böröñinan misiba mesoholḡe qekötahöget. Tosatḡan nuḡgulumḡe qekötahöba ⁶⁸kewö jiget, “Gi kezapqetok azi Kraist akzananḡöra daḡön guhuzawi, mönö yanḡö qetḡi qetnḡ mörin.” Mewö.

Pitönöḡ Jisös qaḡ kölok.

*Mak 14.66-72; Luk 22.56-62;
Jon 18.15-18, 25-27*

⁶⁹Mewö asuhuiga Pitönöḡ yaigep kiripo uruḡe sombemnḡ tarök. Tari welenqeḡe ambi kunḡan yanḡöreḡ kaba kewö jiyök, “Gi mewöyök Galili azi Jisösbuk mohotḡe malnḡ.” ⁷⁰Mewö jiyökmö, körek yeḡḡo jeḡine qaḡ köla kewö jiyök, “Keu jizani, mi köndatzal.” ⁷¹Mewö jiba kiripo nanḡuḡe geiga welenqeḡe ambi kunḡan i eka azi kösutḡe kingeri, mi kewö jii mötket, “Azi ki-anḡön mönö mewöyök Nazaret azi Jisösbuk malök.”

⁷²Mewö jiiga kunbuk qaḡ köla jöjöpaḡ keunöḡ jim köhöiba kewö jiyök, “Nöḡön azi mi qahö möt waḡgizal.” ⁷³Nalö borom kun teköiga azi kösutḡe kingeri, yeḡön Pitögöreḡ kota kewö jiget mörök, “Alakḡa! Göḡön mewöyök yeḡöreḡök kun akzan! Galili keu jöl jizani, mianḡön mönö mewöyök mi kondeliga mötzin.” ⁷⁴Mi möta könahiba nanḡi qesuahöm

aḡguba jöjöpaḡ keunöḡ jim köhöiba jiyök, “Ni azi mi qahö möt waḡgizal! Muneḡ jibileḡak ewö, Anutunöḡ mönö likeḡḡi meleḡ niḡgima.” Mewö jiiga mi-anḡöreḡök kuruk qerök.

⁷⁵Kuruk qeri möta Jisösnöḡ keu kewö jii möröhi, mi mötmöriyök, “Göḡön mutuk indimḡi karöbut qaḡ köl niḡginöḡa kuruknöḡ qetma.” Keu mi mötmöriba wösöḡi julmamḡo aiga yaigep geba sahöt böliyök. Mewö.

Jisös waḡgita Pailötkö böröḡe alget.

Mak 15.1; Luk 23.1-2; Jon 18.28-32

27 Miri gianḡiga amandḡe jike nup galöm pakpak aka kantrigö jitḡe meme (70) yeḡön tokoba Jisös qeget kömumapkö keuḡi eraum mötket. ²Eraum mötket teköiga Jisös jöhöba waḡgita Rom premiö Pailötkö böröḡe alget. Mewö.

Judasnöḡ imbi auyök.

Apo 1.18-19

³Jisös qeget kömumawangö keuḡi jim tekögetka Judas mamalolo waḡgyöhön mi möta möt bölim aḡguba silwö moneḡ köt 30 waḡgigeri, mi memba jike nup galöm aka kantrigö jitḡememe yeḡöreḡ anda melenḡda eḡgiba kewö jiyök, ⁴“Nöḡön siḡgisöndok aka azi köpösihitḡi qahö mi mamalolo mem waḡgibiga qeget kömuma.” Mewö jiyökmö, yeḡön jiget, “Mi neḡöreḡ yuaia qahö! Mi mönö nangi manjara!” ⁵Mewö jiget möta silwö moneḡ köt mi memba gil tipköiga jöwöwöl jike uruḡe anök. Aniga nanḡi mosöta anda imbi auyök.

⁶Jike nup galöm bohonḡi yeḡön moneḡ köt mi memba kewö jiget, “Moneḡ ki mönö azi seḡḡanḡö bohonḡa. Mianḡöra mi jöwöwöl jikeḡo moneḡ

köwenöŋ albingö dopŋi qahö. Mewö aka Mosesgö Köna keu oŋgitpinbuk.”

⁷Mewö jiba eraum möta moneŋ mi-aŋön gwakömnöŋ kimbut meme azi kungöreŋ gölme köröŋi kun bohonŋi megetka kian ambazip yeŋgö qaksir-iŋina ahök. ⁸Miangöra aka gölme köröŋi miangö qetŋi mi nalö kewöŋe mewöyök toroqeba ‘Gölme köröŋi seŋŋambuk,’ qerakze.

⁹Kezapqetok azi Jeremaianöŋ keu qeljiŋe jiyöhi, miangön mönö öljambuk ahök. Keu mi kewö, “Yeŋön Israel könagesögö jitmemeŋini aka azi mi söŋgöŋi memegöra kewöta algetka silwö moneŋ köt 30 ahöhi, mi meget. Mi azigö bohonŋa.

¹⁰Yeŋön mi memba miangön gwakömnöŋ kimbut meme azi kungöreŋ gölme köröŋi kun bohonŋi meget. Mi mönö Kembunöŋ jim kutum niŋgiyöhaŋgö dop mewö meget.” Mewö.

Pailötnöŋ Jisös qesim waŋgiyök.

Mak 15.2-5; Luk 23.3-5; Jon 18.33-38

¹¹Nalö miangöreŋ Jisösnöŋ Pailötkö jeŋe kiniga kewö qesim waŋgiyök, “Ölŋa, gi Juda yeŋgö kiŋa akzan me qahö?” Qesim waŋgiiga Jisösnöŋ meleŋda jii mörök, “Mönö nangak jizani, mewö.” ¹²Jike nup galöm aka kantrigö jitmeme (70) yeŋön keu gwötpuk Jisösgö sileŋe ala jigetmö, töndup keu kitipŋi kun qahö meleŋnök.

¹³Keu böc kiniga Pailötnöŋ Jisös kumbuk qesim waŋgiba jiyök, “Mötnöŋ! Yeŋön keu gwötpuk göhö silege ala naŋgöba jizei, mi mötzan me qahö?”

¹⁴Mewö jiyökmö, Jisösnöŋ bölöŋi kun qahö ahökmö, töndup keu miŋgö likeŋi kun qahö meleŋnök. Keu böc kiniga premiönöŋ gwötpuk welipköyök. Mewö.

Pailötnöŋ Jisös kömumapkö jim teköyök.

Mak 15.6-15; Luk 23.13-25;

Jon 18.39–19.16

¹⁵Rom premiönöŋ yambu (yara) dop pasowa söŋŋgai nalöŋe kösö mireyök azi mohok sihimŋinaŋgö dop qetŋi qeta qesigeri, mi pösat eŋgizapma. ¹⁶Nalö miangöreŋ azi kun qetŋi Barabas qetkeri, yaŋön kösö mire tarök. I bölöŋamŋangöra miwidimögögetka malök.

¹⁷Mewö aiga tokogetka kewö qesim eŋgiyök, “Barabas me Jisös, qetŋi Kraist qerakzei, yetköreŋök niŋia pösat eŋgibi etmapköra mötze?” ¹⁸Galöm yeŋön Jisösgöra körögisigisi mötkeraŋgöra aka i premiögö böŋöŋe al waŋgiget. Mi möta sihimŋinaŋgö mewö qesim eŋgiyök.

¹⁹Mi mörökmö, jimtekötekögö jakömbuak dum tatatŋe tariga anömŋan buzup keu kun kewö ali kayök, “Ni merak suŋgem gaun kun eka miangöreŋ azi miangöra aka sihimbölö gwötpuk mötzal. Miangöra azi solanŋi mi mönö lömböt kude waŋgiman.”

²⁰Keu mewö kayökmö, jike nup galöm aka kantrigö jitmeme yeŋön ambazip kambu uruesiesi mem eŋgiba kewö jiget, “Mönö Barabas pösata Jisös maripomnöŋ qemegöra jiman. Mewö qesim waŋgime.”

²¹Mewö jigetka premiönöŋ meleŋda qesim eŋgiyök, “Azi yahöt mietköreŋök mönö niŋia pösat eŋgibi etmapköra mötze?” Mewö qesim eŋgiiga “Barabas!” jiget. ²²Mewö jigetka Pailötnöŋ kewö qesim eŋgiyök, “Mewö jizeangöra Jisös, qetŋi Kraist qerakzei, nöŋön i mönö denöwö ak waŋgibileŋak?” Mewö qesim eŋgiiga yeŋön körek qetket, “Mönö maripomnöŋ qeget jiman!”

²³Mewö qetketka premiönöj jiyök, “Mi wuanöngöra? Yanön mönö wani bölöña ahök?” Mewö jiyökmö, yejön mi möta kapañ köla toroqeba qet gig-ilahöba kewö qetket, “Mönö maripomnöj qeget jiman!” ²⁴uMewö qetketka kezap-ölök aketka göjupmajupnöj kunbuk qariiga Pailötnöj mi eka möta bim karim asuhubapüköra o memba böröñi ambazip kambu jejine sañgoñda kewö jiyök, “Azi kiangö seppi mokoget gemawi, mianjön mönö nöngö qakne qahöpmö, mönö nanñini qakñine öngöma.”

²⁵Mewö jiiga ambazip kambu körek pakpak yejön kewö melenget, “Sepñangö likepñan mönö nini aka nahönböratnini neñgö qakñine öngöma!” ²⁶Mewö melengetka Pailötnöj Barabas pösat engii erökmö, Jisösyia jiiga ihilek wahinambuknöj qeyöyaköba qeget. Mewö qegetka maripomnöj qemegöra Rom yarö azi yeñgö böröñine alök. Mewö.

Jisös kukulömbuan ak wañgiget.

Mak 15.16-20; Jon 19.2-3

²⁷Böröñine aliga Rom premiögö yarö azi yejön Jisös wañgita premiögö jakömbuak mirigö kiripo uruñe añgotket. Añgota yarö kambu lökñanök öröm eñgigetka kaba tokoba Jisös liliköm wañgiget. ²⁸Liliköm wañgiba nanñi sile esunji köteköba maluku pisikñi gugakgugak kun löngöt wañgiget. ²⁹Löngöt wañgiba sötman kösö limbiñda ila ewö nöropñe kölget geyök. Geiga jehot kun böröñi ölñe ala simin köl wañgiba göngönahit ak wañgiba kewö jiget, “Owe owe, Juda yeñgöreñ kiñ, owe!”

³⁰Titipepe mewö aka söutkölap qeba jehot öröpñi wañgita mianjön nöropñe

qeget. ³¹Mepaqepaik mewö ak wañgim teköba maluku pisikñi gugakgugak mi qeköba nanñe sile esu kumbuk löngöt wañgiba maripomnöj qebingöra wañgita anget. Mewö.

Jisös maripomnöj qeget.

Mak 15.21-32; Luk 23.26-43; Jon 19.17-27

³²Anda köna namñe azi kun qetñi Saimon miwikñaget. Yanön Afrika siti qetñi Sairini miangö aziña. Miwikñaiiba kuñgum wañgigetka Jisösgö maripomñi memba añguyök. ³³Jisös mewö wañgita gölme kun qetñi Golgota mi nanine keunöj Nöröpsihit, miangöreñ anda añgotket. ³⁴vAñgota wain o aka marasin qetñi mör mi mindiriba lolonqalon memba nemapköra wañgigetmö, Jisösnöj mi esapköba memba möta tököyök.

³⁵wTököiga kinda maripomnöj qeget. Qeget kiniga kiawen meget qötöñi ahuiga miangö dop Jisösgö sile esunji sutñine mendeñda meget. ³⁶Mi memba tata Jisös jegalöm ak wañgiget. ³⁷Nöröpñe eu qegerangö könañi kewö ohoba qeget, ‘Juda yeñgö kiñ kembuñina ki.’ ³⁸Kegwek-kahasililiñ azi yahöt mi yambuk maripomnöj etkuget. Kun böröñi ölñe, kun qaniñe likepliket mewö etkuget.

³⁹xAmbazip oñgita anda kaba kukulömbuan aka jelikit aka nörop köla kewö jiget, ⁴⁰y“Yei! Gi mönö jöwöwöl jike ölop könderñönga gölmenöj eriga wehön karöbutkö uruñe kunbuk mem wahöt kuñgumangö jinöj. O, gi azi qetpuk! Gi Anutugö Nahönña akzan ewö, mönö ölop nangi bauköm añguba maripomnöhök etman.”

⁴¹Jike nup galöm, Köna keugö böhi aka kantrigö jitñememe yejön mewöyök mepaqepaik ak wañgiba

^u27:24 Dut 21.6-9 ^v27:34 Sum 69.21 ^w27:35 Sum 22.18

^x27:39 Sum 22.7; 109.25 ^y27:40 Mat 26.61; Jon 2.19

kewö jiget, ⁴²“Tosatnja baukôm engiba malökmö, nanñi baukôm angumangö osiza. Yanñon Israelgö kiñ akza ewö, mönö dölki maripomnöhök eri eka mi möt naribinak. ⁴³zYanñon Anutu möt narim wañgiba ewebibiñambuk mala nanñangöra ‘Anutugö Nahönñi akal’ jiiga mörin. Ayop, Anutunöñ i nalö kewöñe mekôm wañgimangö mötza me qahöwi, mi ölop ekin.” Mewö jiget. ⁴⁴Kegwek-kahasiliñ azi yambuk maripomnöñ etkugeri, yetkôn mewöñanök uruqe qe keu töhöreñ jim wañgiyohot. Mewö.

Jisösnöñ kömuyök.

Mak 15.33-41; Luk 23.44-49; Jon 19.28-30

⁴⁵Silim bibiñi 12 kilok aiga mi-angöreñök söñaupnöñ eta gölme pakpak dop köla ahöiga anda aua karöbutkö dop ahök. ⁴⁶aJisösnöñ 3 kilok miangöreñ nanñe keunöñ kewö qet ketañi qerök, “Eloi, eloi, lama sabaktani?” Mi naine keunöñ: Anutuni, Anutuni, mönö wuanöñgöra andö nunğuzan?

⁴⁷Mewö qeriga azi kösutñe kingeri, yeñgöreñök tosatñan mi möta jiget, “Mönö Elaijagöra qetza.” ⁴⁸bMiangöreñök yeñgöreñök kunñan ösumñan anda mömöndö kun kahali tandök mi memba wain o asölñambuknöñ kundungöba ip göröm kitipñe jöhöba suruba Jisös numbunje eu ali neyök. ⁴⁹Neyökmö, tosatñan jiget, “Mönö mosötketka nanñök kinök. Elaijanöñ kaba meköi etma me qahöpto, mönö mi ekin.”

⁵⁰Mewö aketka Jisösnöñ kunbuk qet ketañi qeta söñgöörö ösum kondikñi öröba kömuyök. ⁵¹cKömuiga

miangöreñök jöwöwöl jikegö uruñe opo ^fkinöhi, miañon euyök bibiñe jurata eta yahöt ahök. Mewö eriga gölmenöñ kenöñ ketañan meiga köt ketañi ketañi mesiñnök. ⁵²Qaksirigö köt köteñi mieñgö numbuñinan nanñök añañigetka ambazipñi sarakñi kömugeri, yeñgöreñök gwötpukñan guliba wahötket. ⁵³Wahöta qaksirigö köt köteñini mosöta Jisösnöñ kömupnöhök wahöröhi, miangö andöñe Jerusalem siti töröñi miangöreñ kaba ambazip gwötpuk asuhum engigetka engeget.

⁵⁴Suahö galöm aka yarö azi yambuk Jisösgö jegalöm memba malgeri, yeñon kenöñ meiga yuai tosatñi pakpak asuhuyöhi, mi eka auruba jönömñini gwötpuk unduiga keñgötporiñ aka kewö jiget, “Yanñon mönö ölna Anutugö Nahönña akza.”

⁵⁵dAmbi gwötpukñan sikep kinda yuai mi mewöyök eket. Yeñon Jisös wu-atangöba Galiliyök kaba welen qem wañgiba malget. ⁵⁶Yeñgö sutñine Magdalagö Maria aka Maria Jeims aka Joses yetkö namñiri aka Zebedigö nahönyahöt yetkö namñiri. Mewö.

Jisösgö qamötñi löm kölget.

Mak 15.42-47; Luk 23.50-56; Jon 19.38-42

⁵⁷Mare aiga Arimatia azi pomñi kun qetñi Josef kayök. Yanñon mewöyök Jisösgö gwarekñi kun ahök. ⁵⁸Yanñon Pailötgöreñ anda Jisösgö qamötñi memangö qesiyök. Qesiiga suahö azinöñ mi Josef wañgimegö jim kutum engiyök.

⁵⁹Jim kutum engiiga Josefnöñ anda Jisösgö qamötñi memba eta opo tu-

^f27:51 Opo mi jöwöwöl jikegö oleni kömbukñi aka oleni töröñi kötökñi mietkö sutñire kinök.

^z27:43 Sum 22.8 ^a27:46 Sum 22.1 ^b27:48 Sum 69.21

^c27:51 Eks 26.31-33 ^d27:55 Luk 8.2-3

atıjan esuhuyök. ⁶⁰ Esuha memba qaksirinöy anda nanı kötey dölökıjı kötnöy urohogetka kinöhi, qamötıjı mi miangöreı alök. Mewö ala köt ketanı kun metalıga kötey numbuıjı közipköıga mosöta anök. ⁶¹ Magdalagö Maria aka Maria alanı kun yetköm miangöreı köt kötey mesohol köla tarohot.

Yarö azi qaksiri galöm meget.

⁶² Sabat kendon tatatköra yuai mözözömgöba ahöba wahöta miangöreı jike nup galöm aka Farisi (Köna keugö kapaıkölköl) yeıön Pailötköreı anda tokoba kewö jıget, ^{63e}“Ketanamnini, eıololöngö urukıngukıngı azi miangön jebuk malöhi, nalö miangöreı kewö jii mörin, ‘Nöıön wehön karöbut teköıga kunbuk gulıba wahötmam.’ Neıön keu mi mötmörizin.

⁶⁴ Miangöra göıön ölop yarö aziurupki jinöy möta qaksirinöy anda mi törörök jegalöm memba malgetka wehön karöbut teköıga mosötme. Mewö qahö galöm membeak ewö, gwarekurupıjan mönö anda qamötıjı ölöy memba asamböta ambazıp kewö jıget mötpeak, ‘Jisösnöy mönö kömupnöhök wahörök.’ Mewö jıgetka tilıpqılıp eıololöy keu kondıkıjı kıanıön mönö eıololöy keu mutukıjı oııgırıga böliqölibapuk.” ⁶⁵ Mewö jıgetka kewö jii mötket, “Yarö azi ki mönö ölop engıangıta anda al engıgetka qaksiri kötey numbuıjı mi törörök galöm köl soroköme.”

⁶⁶ Mewö jii möta qaksirinöy anda köt köteıangö numbuıjı köt ketanı algetka közipköba kinöhi, mi supapıjı ala yarö azi al engıgetka jegalöm köhöıkıjı meget.

Jisösnöy kömupnöhök wahörök.

Mak 16.1-10; Luk 24.1-12; Jon 20.1-10

28 Sabat kendon tatket teköıga Sonda söıanök wahöta miri gıanııga Magdalagö Maria aka alanı Maria kun yetköm qaksırıgö köt kötey ekıtkö anohot. ² Anohotka miangöreıyök kenöy ketanı kewögöra meyök: Kembugö garata kunöy Suepnöhök eta qaksirinöy kaba numbuıjı köt ketanı qetali ani qakıje tarök. ³ Garatagö kaisoııgolomıjı mi wöl ewö aıga malukıjı mi kousu ewö tuat lalamıjı ahök.

⁴ Mewö asuhuıga yarö azi qaksiri galöm megeri, yeıön yanğöra awöwöliba jönömıjı undui kömum törıget. ⁵ Mewö aketka garatanöy ambi yahöt yetköra keu kewö jıyök, “Jisös marıpomnöy qegeri, ııırı yanğöra jaruzahot, mi mötzal. Miangöra mönö kengötıjı kude mötmahot. ⁶ Nanıak jıyöhangö dop mönö kömupnöhök wahötza. Miangöra ki qahö ahöza. Mönö kaba dum ahöyöhi, salupıjı mi ekıjahot.

⁷ “Mi eka ösumok gwarekurupıjı yeıgöreı anda buzup keu ki jıyohot mötme, Jisösnöy kömupnöhök wahötza. Mötket, yanğön mönö qelıje mutuk Galili prowınsnöy anma. ııını ölop miangöreı anda i ekıje. Mötket, nöıön mi lök jibi mötze.”

⁸ Mewö jııga zılaıyök qaksiri mosöta kengötıjı möta töndup önöıjı qahö söıgaıba buzup mi memba gwarekurupıjı jıyohot mötmegöra ösumıııan anohot. ⁹ Ösumıııan anohotka Jisösnöy i könanöy asuhum etkıba “Söıanııjı!” jıyök. Mewö jııga kösutıje anda sıpköba könaıje meraköba waıkıjı memba möpöseim waıııyohot. ¹⁰ Möpöseim waıııyohotka kewö jii mörohot, “Kengötıjı

kude mötmahot. Mönö anda munurupnan Galili anmegö keu jiyohotka mi-anğoreñ anda ni nekçe.” Mewö.

**Qaksiri galöm meme
yeñön kösohotņini jiget.**

¹¹ Ambiyahöt yetkön köna anohotka qaksirigö köt köteñ galöm meme yarö azi tosatņan sitinöñ kaba jike nup galöm engeka yuai pakpak asuhuyöhi, miangö kösohotņi jiget mötket. ¹² Yeñön mi möta Juda yeñgö jitņememeurupņini öröm enğigetka mohotņe totoko ala Jisös wahötwahötkö keu asambötņingö keu areñ miwikņaiaba moneñ keta bölöknji mi yarö azi enğiget.

¹³ Mi enğiba kewö jim kutum enğiget, “İņini mönö keu kewö jime: Nini suņgem gaun ahöinga gwarekurupņan ölöñ kaba qamötņi yoņgorö memba anget. ¹⁴ Keu mewö jigetka keu mianñön premiögö kezapņe gei mötma ewö, lömböt enğö qakņine öñgöbapuköra neñön mönö uruņi mölöwöriba memba eta alinga waimanjat qahö malme.”

¹⁵ Mewö jim kutum enğigetka miangö dop aka moneñ memba anda nup keuņini wuatangöget. Mewö aketka Juda yeñön keu mi sutņine jim

sehigetka möta malgetka anda nalö kewöñe mewöyök mi toroqeba jiget mörakzin. Mewö.

Misin nup memingö jimkutukutuņi

Mak 16.14-18; Luk 24.36-49;

Jon 20.19-23; Apo 1.6-8

^{16f} Gwarekurup 11 yeñön Jerusalem mosöta Galili prowinsnöñ anda Jisös-nöñ kundunje anmegöra jiyöhi, mi-anğoreñ öñgöget. ¹⁷ Mianğoreñ öñgöba Jisös eka waikņi memba möpösem wanğigetmö, tosatņan yanğöra uruyahöt aket. ¹⁸ Möpösem wanğigetka yeñgöreñ kaba kewö jiiga mötket, “Suepkö aka gölmegö kukösum pakpak mi Anutunöñ ningņiiga nöñgöreñ ahöza.

^{19g} “Mianğöra iņini mönö gölme dop anda ambazip kambu pakpak kewö enğömegetka nöñgö gwarekurupni akņe: I mönö Iwi, Nahön aka Uņa Töröñi neñgö qetnine o melun mem enğime ²⁰ aka nöñön keu wuatangömegöra jim kutum enğiali, mi pakpak tem kölmegöra mönö kusum enğiba malme. Mötket, nöñön mönö nalöñi nalöñi embuk mala anda malbiga gölmegö nalöñan teköma.” Mewö.

Mak

Ölöwak Buja Maknön ohoyök.

Jim-asa-asari

Mak namñi qetñi Maria, iwiñi qetñi qahö mötzin. Jerusalem siti toñi malget. (Aposol 12.12) Nanñi kösohotñi kun qetñi qahö qeta boj 14.51-52 miangörej ohoi ahöza. Pitönñi bauköm wañgiiga uruñi melerñiga Buja kusum wañgiyök. Wañgiiga numbutñi Barnabas aka Pol yetpuk liliköba misin nup memba anda Pol mosöta deñnohot. Deñnohotka toroqeba nup memba mala Buja kösohot mohok mohok qezaköba mindiriba kian kantri yengöra Grik keunön ohoyök. Jisösgö keuñi mi Arameik. Mi “Eli eli lama lama sabaktani,” miangö dop.

Jisösnön urugö nupñi denöwö memba Anutugö Nahönñi aka ambazip bauköm engiba malöhi, Maknön keu mi jim asariba ohoyök. Jisösgö nupñi bohönñi karöbut: Buja kusum engiyök, ömewöröme közöl engiyök aka siñgisöndok mosöta kawölñi kawölñi mem ölöwahök.

Buk kiangö bahönñi bohönñi 6 mi kewö:

Keu mutukñi: Jon aka Jisös 1.1-13

Qenjarök nup Galili uruñe meyök 1.14-9.50

Galili mosöta Jerusalem anök 10.1-52
Jerusalem Sonda mohot mala kömuyök 11.1-15.47

Jisösnön kömupnöhök wahörök 16.1-8

Wahöta asuhuba Suepnön öngöyök 16.9-20

1 Amötqeqe Toñi Jisös Kraist mi Anutugö Nahönñi akza. Nönñon yangö Ölöwak Bujañi könahiba ohozal.

Jonön Jisösgö köna mesarök.

Mat 3.1-12; Luk 3.1-18; Jon 1.19-28

^{2h}Anutunön Suep uruñe Nahönñangöra keu kun jiiga kezapqetok azi Aisaianön mi ohoiga yangö Buzup Kimbinön kewö ahöza,

“Mötnön. Nönñon kolek garatani kun melaibiga qeljiñe anda ambazip uruñi mindingöba göhö könagi mesariga göñon yangö andöñe gölmenön geman.”

³ⁱ“Kolek garata kunön gölme qararañkölkölñe qeta maliga anda qetñi kewö mötme, ‘Kembunön kamawo! Miangöra mönö jöjöröba könañi mesatket. Mönö uruñi mindingöba könañi qölöleiget’.”

⁴Keu miangö dop azi kun qetñi Jon asuhuyök. Qetñi alañi O-melun azi. Asuhuba gölme qararañkölkölñe mala kinda Buja keuñi kewö jiba malök, “Injini mönö uruñi melergetka nönñon o melun mem engimam. Mewö aketka Anutunön siñgisöndokñini sañgonja mosötma.” ⁵Mewö jiba maliga Judia prowinsgö miriñi pakpak aka Jerusalem siti yeñon kambuñi kambuñi köla öröba Jongörej kaget. Kaba kañgota siñgisöndokñini jim miwikñaigetka Jonön i Jordan o towatñe o-melun mem engiyök.

^{6j}Jongörej silepöke mi kamel jupñan memeriñi aiga kemañe örigit sömbup silerjan memeriñi mi jöhöba malök. Neneñamñi mi gawöt jinam aka arökñangö moron onji, mia nemba malök. Mi pakpak kezapqetok azi Elaija (Elia) yangö dowä. ⁷Jonön keu kewö jim asariba malök, “Nöngö andöne azi kukösumñi köhöikñi kun kama. Yangö kukösumñi öngöñgöñan mönö nöngörej ongitma. Yanñon azi öngöñgöñi akñawangöra nönñon

yaŋgö köna esuŋaŋgö kösöŋi bauköba pösatmamgö qötötanğomam. ⁸Nöŋön o töhöñöŋ melun mem enğizalmö, yaŋön mönö Uŋa Töröŋan melun mem enğima.” Mewö.

Jonöŋ Jisös o melun mem waŋgiyök.

Mat 3.13-17; Luk 3.21-22; 4.1-13

⁹Nalö miangöreŋ Jisösñöŋ Galili prowinsgö miri Nazaret miangöreñök Jongöreŋ kaiga Jordan o töwatŋe o-melun mem waŋgiyök. ¹⁰Mem waŋgiiga onöhök koriga miangöreñök Suepnöŋ aŋaŋiiga Jisösñöŋ uba ehiga Uŋa Töröŋi meleŋda kembö nei ewö aka Jisösgö qakŋe eta meöyk. ¹¹^kMi ehiga Suep mireyök keu kun kewö asuhuyök, “Göŋön mönö nani wölböt nahöni aknöŋga köröni ölöwahiga geknahöm ak gihizal.” Mewö.

Satanöŋ Jisös esapköba malök.

Mat 4.1-11; Luk 4.1-13

¹²O melun mem waŋgiiga miangöreñök Uŋa Töröŋan Jisös kuŋgum waŋgiiga gölme qararaŋkölkölŋe anök. ¹³Anda wehön 40 miangö dop miangöreŋ maliga öme bohonŋini Satan yaŋön esapköm waŋgiba malök. Sömbup kalŋi miengö sutŋine maliga Suep garata yeŋön bauköm waŋgiba malget. Mewö.

Jisösñöŋ gwarekurupŋi mutukŋi enğoholök.

Mat 4.12-22; Luk 4.14-15; 5.1-11

¹⁴Könaŋgep Jon kösö mire alget tariga Jisösñöŋ nalö miangöreŋ Galili prowinsñöŋ liliŋgöba anök. Anda Anutugö Ölöwak Buŋaŋi jim asariba malök. ¹⁵^lJim asariba kewö jiyök, “Anutunöŋ bemtohoŋi almawaŋgö nalöŋan mönö dopdowiza. Anutunöŋ

nalö aliga mala malgetka döлки akza miangöra mönö uruŋini meleŋda Ölöwak Buŋa möt nariget.” ¹⁶Jisösñöŋ mewö jiba liliköba mala Galili o aŋgögö göraŋe mötöteiba anda söra örörö azi yahöt ekehök. Qetŋiri Saimon, munŋi qetŋi Andru. Yekŋön mösakŋiri o aŋgönöŋ söra öröbitköra gila malohot. ¹⁷Jisösñöŋ etkeka kewö jiyök, “Aziyahöt, iŋiri mönö ni uatangaŋöba kayöhotka kusum etkibi ambazip söra ewö öröm enğimakŋahot.” ¹⁸Mewö jiiga miangöreñök mösakŋiri mosöta könahiba Jisös wuatangaŋöba anöhöt. ¹⁹Jisösñöŋ yetpuk borom kun toroqeba anda Zebedigö nahönŋi Jeims aka munŋi Jon ekehök. Yetköñ mewöŋanök waŋgenöŋ tata mösakŋiri möhamgöba jöhöba malohot. ²⁰Malohot ekeka miangöreñök etkoholök. Etkoholiga iwiŋiri Zebedi aka moneŋ nup aziurupŋi waŋgenöŋ enğömosöta könahiba Jisös wuatangaŋöba andöŋe anohot. Mewö.

Jisösñöŋ öme kun wuatangaŋöyök.

Luk 4.31-37

²¹Mewö mohotŋe anda Kaperneam sitinöŋ aŋgotketka Sabat kendon aiga Jisösñöŋ miangöreñök köuluk miriŋine öngöba Buŋa kusum enğiyök. ²²^mKöna keugö böhi ewö qahöpmö, kukösum ahöm waŋgiyöhaŋgö dop kusum enğiba ahakmemenangö dop akŋegöra jiyök. Miangaŋöba könaŋesö yeŋön mi eka auruba welipköget.

²³Köuluk miriŋine miangöreŋ nalö miangöreñök azi kun ömeŋambuk tariga öme miangön qetŋi kewö qerök, ²⁴“O Jisös, Nazaret asia! Gi wania ak neŋgimamgö akzane? Mönö ayuhum neŋgimangöra kazan me? Ni könaŋamgi möt kutuzal. Gi Anutugöreŋ azi Tök-kutukutuŋi mi akzan.”

^k1:11 Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22

^l1:15 Mat 3.2 ^m1:22 Mat 7.28-29

²⁵ Mewö qeriga Jisösnöj tembula kewö jim wanjiyök, “Gi mönö keugi bököiga azi ki mosöta kesalnöj.”

²⁶ Mewö jim wanjiiga ömenöj azi mi utuköba urepköm wanjiba qet bölöbölö qeta kota mosöta anök. ²⁷ Aniga köreknan nemböjini teköiga welipköba qesim anjuba kewö jiget, “Ye! Ki mönö wani yuaia? Ki mötmöt dölökji kukösunjangbuk. Yanön ömewöröme mewöyök jim kutum enjiiga jitji tem kölje.”

²⁸ Mewö asuhuiga Jisösgö qetbuñanjan könöpuk sehiba miri kösutje tat angeri, miangörej anda anda Galili prowins pakpak dop kölok. Mewö.

Jisösnöj kawöl ambazip gwötpuk meiga ölöwaket.

Mat 8.14-17; Luk 4.38-41

²⁹ Jisösnöj Kaperneam yengörej köuluk miri mosöta miangörejök Jeims Jon yetpuk Saimon aka Andru yetkö mire öngöget. ³⁰ Miangörej öngögetka Saimongö suhunjan silekönöp kawöl yöhöi ahöyök. Ahöiga buzupji mi ösumok Jisös jiget mörök. ³¹ Jiget möta yangörej anda böröje memba kököbiiga wahörök. Wahöriga silekönöpjan mosöriga nene ohoba gumohom enjiyök.

³² Gumohom enjiiga mare aiga wehön jeni geiga miangörej Kaperneam tonji yejön kinda ambazipji ambazipji kawöl ömeninambuk mi körek enjuangita Jisösgörej kaget. ³³ Kaperneam taonöhök kambulelambenöj kaba Saimongö miri nanguje tokoget. ³⁴ Tokogetka kinda ambazip kawöl könaji könaji engöhöyöhi, mi gwötpuk mem ölöwak enjiyök. Mewöyök ömewöröme yejön Jisösgö könaji mötkerangöra Jisösnöj

numbuñini muhungöba gwötpuk enjuatangöyök. Mewö.

Amöt böröji Galili körek dop kölok.

Luk 4.42-44

³⁵ Jisösnöj gaun ahöiga miri wanjaran suruiga wahöta miri yaigepje geba göranje anda nanjök tin kutuba miangörej köuluköyök. ³⁶ Köuluköiga Saimon aka alaurupji yambuk malgeri, yejön zilaj könaje anget. ³⁷ Anda miwikjaiba kewö jiget mörök, “Ambazip köreknan mönö göhöra jaruze.”

³⁸ Mewö jigetka möta kewö jiyök, “Miri tosatji tosatji liliköba tat anjei, ekze. Nöjön Buja keu miri dop jim sehimangöra eta maljal. Miangöra mönö miri liliköba anbin.”

³⁹ Mewö jiba anda Galili prowins körek liliköba köuluk miriñine Buja keu jiba ömenji ömenji mi enjuatangöba malök. Mewö.

Jisösnöj uzikuku azi kun mem solaniyök.

Mat 8.1-4; Luk 5.12-16

⁴⁰ Jisösnöj taon kunöj maliga uzikuku azi kunjan kaba simin köla Jisösgö wösöje geba kewö köuluköm wanjiyök, “Göjön sihimgan mem ölöwak niñgimangö mötzan ewö, mönö ni ölop mem solanim niñgiman.”

⁴¹ Mewö jiiga yangöra wösöji möta böröji böranda silenji misiriba jiyök, “Nöjön mi akñangö mötzal. Gi mönö solaniman.” ⁴² Mewö jiiga uzikukuji mi miangörejök solanii ölöwahök. ⁴³ Solaniiga galöm meme keu köhöikji wanjiba miangörejök “Ölop anman,” jiyök. ⁴⁴ Goro mi kewö jiiga mörök, “Mötnöj. Kiangö buzup keuji mi kun kude jinöj mötme. Qahöpmö, mönö jike nup galömgörej anda silegi kondel wanjiman aka Mosesgörej jimkutukutu

wuatangöba solanizanaḡö saiwap nalukni ala jöwöwöl ohoman. Mi ohonöḡ ehiga ambazipnön könaḡamgi möt kutume.”

⁴⁵Jisösnön mewö jiyökmö, yaḡön anda töndup könahiba keu buzupni mi gwötpuk jiba maliga sehiyök. Sehi-iga Jisösnön taonni taonni miangöreḡ aukḡe kunbuk anmamö osiyök. Osiba taon andöḡine miri gwamönni miangöreḡök malök. Miangöreḡ maliga miri dop miangöreḡök ambazipni ambazipni mi yaḡöreḡ kaget. Mewö.

Jisösnön azi sile likepni kömukömuḡi möhamḡöyök.

Mat 9.1-8; Luk 5.17-26

2 Mewö liliköiga nalö tosatni teköiga Jisösnön liliḡöba kunbuk miriḡe Kaperneam kayök. Kaiga “Mire malja,” jiget mötket. ²Ambazip gwötpukḡan mi möta tokoba yaḡö miri naḡu söndakḡe gwözöḡda sombemḡe kokolak qeget. Kokolak qegetka Jisösnön kinda Buḡa keu jiiga mötket. ³Mötketka miangöreḡ azi kun sile likepni kömukömuḡi, mi waḡgita yaḡöreḡ kaget. Azi 4:ḡan i kululunön ala aḡuba kaget. ⁴Kagetka gwözöḡda kingeraḡöra aka Jisösgö kösutḡe anda albingö osiget. Osiba miri qakḡe öḡgöba Jisösgö bohönneyök bo esim lulunḡet. Lulunḡetka kinimni ahuiga miangöreḡ kawöl azi mi kululunambuk kösönön jöhöba algetka geiyök. ⁵Mewö geiga Anutu möt narim waḡgigeri, Jisösnön yeḡgö tandökḡini mi ehi dop köliga kawöl azigöra kewö jiyök, “Nahöni! Nönön siḡgisöndoki mosötzal.”

⁶Mewö jiiga Köna keugö böhi tosatḡan sutḡine tata uruḡinan kewö mötmöriḡet, ⁷“Azi kiaḡön denöwögöra mewö jiza. Mönö Anutu ilita mepaqepaik akza. Anutu mohotḡan siḡgisöndoknini mosörakzapmö, azi kunḡan mi qahö.”

⁸Uruḡinan mewö mötmöriḡetka Jisösnön miangöreḡök uruḡan mi möt kutuba kewö jii mötket, “Inini mönö wuanöḡgöra keu mewöḡi uruḡinan mötmöriḡe? ⁹Nönön ‘Siḡgisöndoki mosötzal,’ kawöl azigö mewö jizali, keu miangön mönö awamḡanök jijiḡa. Kunḡan mewö jiiga tosatḡan keu miangö öḡḡi qahö ekḡe. Miangöra mi keu awamḡaḡö dop. Nönön keu kun kewö jimamḡö mötzal, ‘Mönö wahöta tumbulahöpki memba anöḡ.’ Keu mi mönö lömbötḡambuk jijiḡa akza. Mewö jibiga öḡḡi ahuma me qahöwi, miangön mönö aukḡe asuhui ekḡe. ¹⁰Mötket, gölmenön siḡgisöndok mosötmosötkö kukösümüḡi mi Suep gölmegö azi öḡḡaḡöreḡ ahözawi, inini miangö könaḡaḡöra janjuḡ malbepuk. Miangöra keu lömbötḡi mi azi kiaḡöra jibi öḡḡi eket,” Mewö jiba azi sile likepni kömukömuḡaḡö jeḡe eka jiyök, “Nönön göhöra jizal: Gi mönö wahöta tumbulahöpki memba mirige anöḡ. Keu lömbötḡi mi öḡḡambuk akḡa ewö, keu awamḡi mi mönö mewöyök denöwögöra omani akawak?” ¹¹Mewö jiba azi sile likepni kömukömuḡi kewö jii mörök, “Nönön göhöra jizal: Gi mönö wahöta tumbulahöpki memba mirige anöḡ.”

¹²Jiiga mönö wahöta miangöreḡök tumbulahöpḡi memba ambazip pakpak yeḡgö jeḡine yaigepḡe anök. Mewö aniga köreḡḡan welipköba Anutu möpöseiba kewö jiget, “Yei! Tandök kewöḡi mi mönöwök nalö kungen qahö ehin. Qahö. Dölki je murutḡa ekzin.” Mewö.

Jisösnön Matyu (Liwai) oholök.

Mat 9.9-13; Luk 5.27-32

¹³Jisösnön kunbuk Kaperneam mosöta aḡönönḡ geba sak qöhöröḡe anda malök. Maliga ambazip kambulelebenönḡ yaḡöreḡ kagetka Buḡa keu kusum enḡiyök. ¹⁴Anda takis

ofis ongitmamgö aiga miangöreñ azi qetñi Liwai Alfiusgö nahönñi tariga eka jii mörök, “Gi mönö nongö andöne kanöñ.” Mewö jiiga möta wahöta takis nup mosöta Jisösgö andöñe anök.

¹⁵Anda Liwaigö mire anda nene nempa tatkeri, nalö miangöreñ takis meme azi tilipqilipñinambuk aka siñgisöndok azi gwötpukñan kaba Jisös aka yañgö gwarekurupñi yembuk tata nene mohokje neget. Gwötpukñan mönö Jisös wuatangöba malget. ¹⁶Jisösnöñ takis meme tilipqilipñinambuk aka siñgisöndok ambazip tosatñi yembuk tata nene negeri, mi Farisi (Köna keugö kapañkölköl) aka yengöreñ böhi tosatñan eka Jisösgö gwarekurupñi kewö jim engiget, “Aek! Yañön mönö wuanöñgöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

¹⁷Mewö jim engigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak engimakzapmö, kawöl ambazipnöñ doktagöreñ anakze. Nöñön siñgisöndok ambazip engoholmamgöra kaba maljalmö, ambazip nanñinangö mötketka solanñi akzei, i qahö.” Mewö.

Nene siñgi malmalgö keuñi

Mat 9.14-17; Luk 5.33-39

¹⁸Nalö miangöreñ Jongöreñ gwarekurupñi aka Farisi (Köna keugö kapañkölköl) yeñön nene siñgi malgetka tosatñan Jisösgöreñ kaba kewö qesiget, “Jon O-melun azigö gwarekurupñi neñön Anutugöra nene siñgi malahakzin. Farisi (Köna keugö kapañkölköl) yengö gwarekurupñinan mewöñanök aka malje. Nangi

gwarekurupkan mönö wuanöñgöra Anutugöra siñgi qahö malje?”

¹⁹Mewö qesigetka kewö meleñnök, “Ölña! Nini wani nalönöñ nene siñgi malakzin? Ambi meme nalöñe azigö andöurupñan könöpñi algetka ambigö sepkitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga yeñön miangöra aijölöñ söngaiba tata siñgi malbingö osimakze. ²⁰Osimakzemö, Anutunöñ noañgiri kö-mumbiga yeñön mönö nalö miangöreñ ölop siñgi malakje.

²¹(Injini malmal walñi aka sösoñgai Buña dölökñi mi mindirim etkibingö osime. Miangö keu pasetñi mi kewö jibi mötket.) Löñgölöñgöt walñi jurariga kunñan opo dölökñi qahö sañgoñsañgoñi mitiba miañön opo su jöhanñi qahö uhum memba umgöreñgömakza. Mewö akawak ewö, opo su jöhanñi dölökñan mönö waziba löñgölöñgöt walñi öröiga kunbuk tiñgiriga kinimñan qariba böliqölibapuk. ²²Mewöñanök kunñan wain o dölökñi mi jobö me toru walñi lama sileñan memeni miangöreñ qahö kusuiğa gemakza. Mewö akawak ewö, wain o dölökñan mönö qariba toru qesiñniga jula mokoiga gölmenöñ eta sohoiga toruñan böliqölibepuk. Miangöra wain o dölökñi mi toru dölökñeyök mokoin geiga dop kölma. (Mewöñanök o ölopñi mi gina gisagisahöñe qahö umakzin. Mewö ubinak ewö, miañön mönö jula kisipisirik eriga nempa kawöl neñgöhöbapuk. Mewö akapüköra o ölopñi mi gina ölopñe umakzin. Injini mewöyök malmal walñi aka Ölöwak Buña dölökñi mi mindirim etkibingö osime.) Mewö.”

Jisösnöj Sabat kendongö Kembunji akza.

Mat 12.1-8; Luk 6.1-5

²³ P^MMiangö andöje Sabat kendon kunöj Jisösnöj wit padi nup köröj ketanji kutuba anök. Aniga gwarekurupñan wösöjini enjuiga wit öljni mohot mohot könahiba böröjnan misiba neget. ²⁴ Mewö negerangöra Farisi (Köna keugö kapañkölköl) tosatñan Jisös kewö jiget mörök, “Mötnöj, yeñön mönö wuanöngöra Sabat kendongö nup meme soñgonji ongitze?”

²⁵ Mewö jigetka kewö melenök, “Kiñ Deiwidnöj yarö aziurupñi yembuk liliköba wösöjini enjuiga nenegöra osiba yuia akeri, mi lök nalö kunöj oyonget me qahö? ²⁶ r^YYañön mönö Anutugö opo seri jikenöj öngöba beret kömbukñi Anutugö jemesoholje altanöj alget tariga ösumñan walöjniga qekögeri, mi mönö memba neyök. Beret kömbukñi mosötmosötñi mi jike nup galöm yeñönök nezema. Tosatñan mi nembepüköra soñgo ahöiga töndup neyök. Nemba aziurupñi tok enjuiga mohotje neget. Nalö miangörej azi qetñi Abiatar yañön jike nup galöm bohonnangö nup memba malök.”

²⁷ Mewö jiba kewö jii mötket, “Anutunöj Sabat kendon mi ambazip ölöwakjegöra ali ahöza. Mia ambazipnöj lañ jim kutumegöra aka qahö. ²⁸ Mewö aiga Suep gölmegö azi öljnan mönö Sabat kendongö Kembunji mewöyök akza.”

Jisösnöj azi böröj sösöröngöj mem ölöwahök.

Mat 12.9-14; Luk 6.6-11

3 Jisösnöj kunbuk köuluk mire öngöiga miangörej azi böröj

sosoholijni kun tarök. ² Miangörej azi böröj sosoholijni kun tarök. Ambazipnöj Jisös keu jakeje al wañgibingöra “Azi mi Sabat kendonöj möhangöma me qahö?” jiba Jisös je galöm memba tatket. ³ Megetka Jisösnöj azi böröj sosoholijni mi kewö jii mörök, “Mönö wahöta jenine kinöj.” ⁴ Mewö jiba kewö jii mötket, “Köna keu wuatangöba Sabat kendonöj yuai ölöpnji me bölöj akin? Ölöp kungö bohonji jöhöbin me mosöringa kömuma? Wanat kun meinga dop kölma?” Mewö jii möta göröj alget.

⁵ Keuñini göröj tatketka lilingöm purik engehi urunjan köhöikñi gwözöjnhangöra wösöbirik aka kukjejenöj engehök. Mewö engeka azi miangö jiyök, “Gi mönö börögi qötöteinöj.” Mewö jiiga böröj qötöteiba kunbuk ölöwahök. ⁶ Ölöwahiga Farisi (Köna keugö kapañkölköl) yeñön yaigep anda miangörejök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöj kawöl ambazip mem ölöwak enjuyök.

⁷ Mewö megetka Jisösnöj gwarekurupñi enjuangita o angö jitje anget. Angetka Not prowins qetñi Galili miangörejök ambazip kambuleleme yeñön könañe wuatangöba anget. Judia prowins miangörejök mewöyök yangörej kaget. ⁸ Siti bohonji qetñi Jerusalem, Saut prowins qetñi Aidumia aka Jordan o likepneyök Wehön Kotkotje yeñön aka Wehön Gegeje görökenök taon qetñiri Taiö aka Saidon liliköba maljei, yeñön mohok kambulelemenöj öröba kaget. Jisösnöj angöletot ketanji ketanji

memba malöhi, miangö buzupni möta mindiqindiriba kaḡotket. ⁹Mewö kaḡota utal waḡgibepuköra Jisösnöḡ gwarekurupni kewö jii mötket, “Ölököm niḡgibepuköra injini mönö waḡge kun miwikḡaiba nöḡgöra dowe alget tarök.” ¹⁰Mewö jii möta ambazip sehisehiḡi mem ölöwak eḡgiba malök. Miangöra qemjem-mamjeḡ aka sile lölömböröḡinambuk pakpak yeḡön sileḡe misiribingöra liliköba gwötpuk aum metala utal waḡgiget. ¹¹Ömeḡi ömeḡi yeḡön Jisös eka jemesoholḡe gölmenöḡ geba kewö qetket, “Gi Anutugö Nahönḡi akzan!”

¹²Mewö qetketka Jisösnöḡ qetal eḡgiba könöḡamḡan aukḡe asuḡubapuköra soḡo köhöikḡi al eḡgiyök. Mewö.

Jisösnöḡ gwarekurupni möwölöhöm eḡgiyök.

Mat 10.1-4; Luk 6.12-16

¹³Könāḡep Jisösnöḡ kundueḡ öḡgöba miangöreḡ nanḡi sihimḡaḡö dop azi eḡgoholiga yaḡgöreḡ kaget. ¹⁴Kagetka azi 12 mi yambuk malmegöra al eḡgiba Buḡa keuḡi jim sehimegöra melaim eḡgiyök. ¹⁵Melaim eḡgiba ömewöröme közöl eḡgimegö kukösumḡi eḡgiyök.

¹⁶Mewö aka azi 12 ki kewö al eḡgiyök: Pitö, Jisösnöḡ qet mi Saimon waḡgiyök. ¹⁷Jeims aka munḡi Jon, iwiḡiri qetḡi Zebedi. Jisösnöḡ yetkö qetḡiri kun Boanerges qerök. Mi nanine keunöḡ Pöndandāḡö Nahönyahötḡi. ¹⁸Andru, Filip, Bartolomyu, Matyu, Tomas, Jeims Alfiusgö nahönḡi, Tadius, Saimon Zelot-politik azia⁸ ¹⁹aka Judas Iskariot. Kariot azi miāḡön könāḡen Jisös mamalolo mem waḡgiyök. Mewö.

Jisösnöḡ öme yeḡö kukösumḡini oḡgita qei etza.

Mat 12.22-32; Luk 11.14-23; 12.10

²⁰Jisösnöḡ mi al eḡgiba kundueḡyök eta nanḡi miriḡe kayök. Mire kaiga ambazip kambu ketāḡi kunbuk kaḡota tokogetka mönö miangöra tosolomḡi yembuk nene nembangö osiget. ²¹Osiḡetka sepkitipurupḡan mi möta “Uruḡi lök sohoza!” jiget. Jiba geba waḡgitingöra anget.

²²Angetka Köna keugö böhi Jerusalemök kageri, yeḡön jiget, “Satangö Katakömulatnöḡ mönö uruḡe geiga malja. Yaḡön öme yeḡö kembuḡinaḡö ösumnöḡ ömewöröme eḡguatāḡömakza.”

²³Mewö jigerāḡöra Jisösnöḡ eḡgoholi kagetka dopkeunöḡ kewö jii mötket, “Satanöḡ mönö denöwö alaḡi Satan kun wuatāḡöbawak? ²⁴Kantri kungö galömurupḡinan sutḡine aḡgururuk aka julme ewö yeḡön mönö galömkölköl nupḡini memba kinbingö osime. ²⁵Mewöyök miri kungö könagesö yeḡön sutḡine aḡgururuk aka julme ewö, mönö galömkölköl nupḡini memba kinbingö osime. ²⁶Mewöyök Satangö könagesö yeḡön sutḡine aḡgururuk aka tuarenjöḡ ak aḡgubeak ewö, galömkölkölḡinaḡö ösumḡan eriga bemtohoḡinan mönö qahöwakḡamḡö akza.

²⁷Kunḡan azi köhöikḡaḡö köna böröḡi mutuk qahö jöhöma ewö, yaḡön mönö miriḡe öḡgöba qezaḡda sukinapḡi memamḡö osima. Mutuk i jöhöi tariḡun mönö ölop miriḡeyök öroyuaiḡi pakpak waḡgita memba anma. (Miangö dop nöḡön mewöyök Satan jöhöba andöḡe ömeḡi eḡguatāḡömakzal.”) Mewö.

§3:18 Nasönöl pati zelot yeḡön Rom gawman tuarenjöḡ aka nanḡine kinkin membiringöra tuaköpek memba malget.

§3:9 Mak 4.1; Luk 5.1-3 **§3:22** Mat 9.34; 10.25

Singisöndok mosötmosötji qahö

²⁸Nöñön keu ölni kun kewö jibi mötme, “Ambazip ketanji moröñji singisöndok ahakzei, mi Anutunöñ mosörakza. Lömbötjambuk me awamñji mepaqepaik akeak mönö mi Anutunöñ sanğoñ enggima. ²⁹“Sanğoñ enggimapmō, Kunñan Uña Töröñji ilita mepaikōmawi, miangö singisöndokñji Anutunöñ mönö nalö kunöñ qahö mosötma. Saumbañ! Singisöndok miangön mönö qakñe öngöiga nalö teteköñji qahö Anutugö jeñe keuñambuk malma.” Mewö jiyök. ³⁰“Ömenöñ uruñe geyöhawa malja,” Jigeranğöra aka mewö kusum enggiyök. Mewö.

Jisösgö nam-munurupñi.

Mat 12.46-50; Luk 8.19-21

³¹Mewö eraum mötketka nam-munñan kaba yaigep kinda yengörej etmapkö keu alget yangörej anök. ³²Aniga ambazip kambu yeñön liliköm wañgiba tata kewö jiget mörök, “Mötnöñ! Göhö nam-mungan mönö yaigep kinda göhöra qesize.”

³³Jigetka melenđa kewö jii mötket, “Nöñgö namni mi dañön aka munurupni dañön?” ³⁴Jisösnöñ mewö jiba ambazip liliköm wañgiba tatkeri, i uba engeka kewö jiyök, “Eket nöñgö namni aka munurupni mönö ki. ³⁵Anutugörej jitsihitñji tem kölahakzei, miengön mönö nöñgö namni aka nen-munurupni akze.” Mewö.

Qesij gilgil azigö dopkeu

Mat 13.1-9; Luk 8.4-8

4^vJisösnöñ kunbuk o anğö jittje geba könahiba kusum enggiyök. Kusum enggiiga ambazip kambulelebenöñ yangörej anda tokogetka wañgenöñ öngöba o anğö qakñe anda tarök. Tariga

ambazip pakpak yeñön anğö görane saknöñ tokoget. ²Mewö tokogetka dopkeu gwötpuk jiba kusum enggiyök. Kusum enggiba kewö jiyök.

³“Mötket! Azi kunñan nene kötnji qesij gilmamğöra nupnöñ anök. ⁴Anda qesij giliga kötnji tosatñan köna jittje geba kölget. Geba kölgetka (warawen) neiñji neiñji kanğota mi nem teköget. ⁵Kötnji tosatñan köt jamönjiñnöñ geba kölget. Geba köla miangörej gölme gwötpuk qahö miwikñajiget. Gölme dutñji qahö ahöyöhanğöra korapñji zilañ kotket. ⁶Kotketmö, wehönöñ kota enguba jem kutum enggiiga jalöñini qahöpköra soholiba gororongöget. ⁷Kötnji tosatñan siriuret wahiñinambuknöñ miangörej geba kölget. Geba kölgetka miengön kota qem turugetka böbölohot mem engiget. Mewö aka ölni qahö kuñguget. ⁸Kötnji tosatñan gölme ölöpnje geba kölget. Geba köla korapñini jula wahöta ipñinangö ölnini ölöpnji asuhuget. Tosatñan kötnjini 30, Tosatñan kötnjini 60, tosatñan 100 miangö dop ahum sehiget.” ⁹Mewö jiba jim teköyök, “Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mat 13.10-17; Luk 8.9-10

¹⁰Kambu ketanji yeñön denđa angetka Jisösnöñ nanñök tarök. Nanñök tariga gwarekurupñji 12 aka tosatñi liliköm wañgigeri, mi mohotje dopkeu kiengö könajinangöra qesim wañgiget. ¹¹Qesim wañgigetka kewö melenđa jiyök, “Anutugö bemtohoñe anğota malbingö keu tölapñji mi engöra aukñe jibi möt kutuzemö, yaigep maljei, yengöra mi pakpak mönö dopkeunöhök asuhumakza. ¹²“Mewö asuhuiga

‘Nanñini jeñinan yuai ekagun könani töndup qahö möt kutume.

Nanñini Kezapñinan keu törörök mötagun könani töndup qahö möt asarime.

Mi möt asaribeak ewö, mönö ölop uruñini melengetka Anutunöñ siñgisöndokñini mosötpawak.”

Jisösnöñ dopkeugö könani jiyök.

Mat 13.18-23; Luk 8.11-15

¹³ Jisösnöñ toroqeba kewö jii mötket, “Dopkeu miangö könani kewö. Mi kude möt asarize ewö, dopkeu tosatñi pakpak jimami, mi mönö denöwö möt asaribeak? ¹⁴ Dop Keu miangö könani kewö: Qesiñgilgil azinöñ Buña keu qesiñda gilja. ¹⁵ Nene kötni köna jitñe geba kölgeri, mi kewö: Buña keu qesiñ gilgetka ambazip uruñine gezapmö, mi mötketka Satanöñ miangöreñök kaba keu uruñine qesiñget geyöhi, mi qeköba enğuangirakza. ¹⁶ Nene Kötni qesiñniga köt jamönjiñnöñ geba kölgeri, mi mewöyök ambazip söpsöpñi kun. Yeñön Buña keu möta miangöreñök sösongai qakñe möt añgön kölakze. ¹⁷ Mewö ahakzemö, uruñine jalöñi qahö ahöm engimappmö, nalö töröptökñi miyök kin köhöiba malme. Buña keugöra aka kahasililiñ me sesewerowero asuhuiğa nalö miangöreñök mönö tala enğuma. ¹⁸ Nene kötni qesiñniga siriuret wahinambuknöñ geba kölgeri, mi kewö: Yeñön Buña keu mötketka uruñine geza. ¹⁹ Gezapmö, gölmenöñ malmalgö waimanjatñi aka moneñ inap memegö urukönöpñi ahuba lömbörim engimakzal. Qetbuñañinambuk akingö köpösöngögetka sihim kömböñani bölöñi tosatñan mewöyök uruñine dumgöba Buña keu böbölohot mem wañgize. Mewö aiga ölni qahö

gilipitñi (ambetakñi) akñe. ²⁰ Nene kötni gölme ölopñe qesiñniga geba kölgeri, mi ambazip kewöñi: Yeñön Buña keu kezap ala möta möt añgön köla pöndañ kinda ölni miwikñaimakze. Tosatñan keu jit mohoknöhök kötni 30 miwikñaimakze. Tosatñan ölni 60, tosatñan keu köt mohot mohot miengö ölni 100 mem sehiba miwikñaimakze.” Mewö.

Lampe mi asakñi neñgimapköra ahöza.

Luk 8.16-18

²¹ xJisösnöñ keu kun kewö jiyök, “Kunñan lambe me kiwa memba ohotiriba kimbut me dum bapñe alma me qahö? Mi waniñe alma? Mi mönö miangö dum tatatnöñ aukñe alma. ²² yMewöñanök yuai kun asambötket ahözawi, mi mönö aukñe asuhum tiñgitmapköra ahöza. Yuai kun köl turuget ahözawi, mi mönö luluñget kötulmapköra aka ahöza. ²³ Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

Denöwö diwelopmen ahuza?

²⁴ zJisösnöñ keu kewö jii mötket, “Keu mötzei, mi mönö möt añgön köla urukönimñine ala köl guliba malme! (Mewö malgetka uruñini diñgiiga mötmötñinan qariiga möt kömume.) Injini tosatñi yengö keuñini kewöta jim tekömei, Anutunöñ mönö jimkutukutuñini mohot miangö dop nanñini keuñini kewöta jim teköma. Dop mi mönö oñgita likepñi melen engima. ²⁵ aMiangö könani kewö: Kunñan mötkutukutuñambuk maljawı, Anutunöñ mönö mi toroqem wañgiiga malmappmö, kunñan mötkutukutuñi

^x4:21 Mat 5.15; Luk 11.33 ^y4:22 Mat 10.26; Luk 12.2

^z4:24 Mat 7.2; Luk 6.38 ^a4:25 Mat 13.12; 25.29; Luk 19.26

qahö maljawi, Anutunöŋ mönö mötmötŋi moröŋi ahözawi, mi mewöyök qeköba waŋgitma. Mewö.

Buŋa keu kötŋi mi korapŋambuk.

²⁶ Jisösnöŋ dopkeu kun kewö jiyök, “Anutugöreŋ bemtohoŋi mi kiangö dop: Azi kunŋan nuwe anda nene kötŋi qesiŋda gilma. ²⁷ Qesiŋda gila anda sunŋem silim ahöba wahöta ahöba wahöriga nene kötŋangö korapŋi jula korakze. Denöwö jula korakzei, mi nanŋak qahö möt kutuza. ²⁸ Gölmenöŋ nanŋök nam köli ölni asuhumakza: Mutuk ipŋi, könaŋgep ölni aka miangö andöŋe ölnangö kötŋi mi körek asuhuba qarim teköme. ²⁹ ^bÖlni qarim teköba öliiga ölni memegö nalöŋi aiga welenqeŋeurupŋi melaim enŋiiga souŋini kapeŋkapeŋgöŋi jitŋinambuk memba ölni memingöra nupŋe anme.” Mewö.

Nejoŋ kötŋangö dopkeu

Mat 13.31-32, 34; Luk 13.18-19

³⁰ Jisösnöŋ dopkeu kun kewö jiyök, “Anutugö bemtohoŋi mi wanatpuk dop albinak me wanat söpsöp keu jiba jim asaribinak? ³¹ Mi nejoŋ kötŋangö dop kewö akza: Kötŋi mi morö közözömŋi. Mi gölmegö nene köt pakpak miengö eretŋini akza. Mewö aiga nup gölmenöŋ esize. ³² Esizemö, jula wahöta yöha pakpak enŋongita qariba böröŋi ketanŋi gili anje. Mewö gili angetka könakembagö neiŋi neiŋi miengön aipŋini miangö aumŋe alakze.” Mewö.

Jisösnöŋ dopkeu gwötpuk jiyök.

³³ Jisösnöŋ dopkeu mewöŋi mewöŋi mi gwötpuk jiba mala Buŋa keu jiiga mötket. Möt kutugerangö dop mi jiiga möta malget. ³⁴ Nalö dopkeuŋi pakpak mi dopkeunöŋ jiba malök. Keuŋi kun öne kude jiyökmö, gwarekurupŋi

yembuk nanŋinök malgetka keu pakpak miengö könaŋini mi jim asarim enŋiba malök. Mewö.

Jisösnöŋ jiiga raidimbom göröŋ qeyök.

Mat 8.23-27; Luk 8.22-25

³⁵ Wehön miangöreŋ mare aiga Jisösnöŋ gwarekurupŋi kewö jii mötket, “Mönö mosöta angö kutuba likepŋe angotpin.” ³⁶ Mewö jiiga ambazip kambu enŋömosöta Jisös waŋgigetka waŋgenöŋ tari anget. Waŋge tosatŋi mi mewöyök yembuk awataŋ anget. ³⁷ Angetka raidimbom ketanŋan ömtöröp (töröpŋanök) giliga sirinöŋ waŋge uruŋe gegetka waŋge numbuŋe qemangö ahök. ³⁸ Mewö aiga Jisösnöŋ waŋge teteköŋe tata qömböŋnöŋ nariba gaun ahöyök. Gaun ahöiga gwarekurupŋan anda möndöba jiget, “Hei böhi! Nini angönöŋ ayuhubingöra akzin. Miangö waimanjatŋi kun mötzan me qahö?”

³⁹ Mewö jigetka imbiŋi möta luhut aka siri kewö jim qetal etkiyök, “Mönö bököba öne ahönöŋ!” Mewö jiiga luhutnöŋ döŋgöiga sirinöŋ nöŋ qeba ahöyök. ⁴⁰ Mewö aka kewö jim enŋiyök, “Inŋini mönö wuanöŋgöra keŋgöt mötmöt azia akze? Denöwögöra aka Anutu qahö möt narize? Sömbuŋini mönö öne mötze.”

⁴¹ Jiiga awöwöliba qem sömbuŋini möta eraum mötket, “Yei, azi kia mönö denöwöŋan malja? Yaŋön mönö luhut aka köwet jim kutum etkiiga jitŋi tem köljahot?” Mewö.

Ömenöŋ bau uruŋine gegetka azinöŋ ölöwahot.

Mat 8.28-34; Luk 8.26-39

5 Mewö asuhuiga angö kutuba likepŋe Gerasin yeŋgö gölmenöŋ angotket. ² Angota körökŋe öngögetka

^b4:29 Joel 3.13

Jisösnöŋ waŋge mosöriŋa miangöreŋök azi ömeŋambuk kun mi qaksirinöhök kaba kinda Jisös miwikŋaiyök. ³Azi mi qaksirinöŋ mala qamöt köteŋi esiba urorohoget ahögeraŋgöreŋ ahöm malök. Azi körekŋön könaböröŋi tapep (muŋgamuŋga) kösönöŋ jöhöbingö osiba malget. ⁴Indimŋi gwötpuk könaŋi tapep kösönöŋ jöhöba börötakŋi qeba malgetmö, börö takŋi kusula köna kösöŋi titikutuba maliga körekŋan i galöm köl osiget. ⁵Osiba suŋgem asak dop sundan qaksirigö köt köteŋnöŋ me kundufe laŋlaŋ ahöba malök. Mewö mala silata qeta sileŋi kötnöŋ qem kutumutuba malök.

⁶Jisösnöŋ tikep kaiga eka ösumŋan kaba gölmenöŋ kösutŋe geba simin kölök. ⁷⁻⁸Simin kölīga Jisösnöŋ ömeŋi mi kewö jim waŋgimamgöra ahök, “Öme bölöŋi! Gi mönö azi ki mosöta anöŋ!” Mewö jimamgöra aiga qet bölöbölö ketaŋi qeta jiyök, “Aek! Gi Jisös, Anutu öŋgöŋgöŋaŋgö Nahönŋi akzan. Gi denöwö ak niŋgimamgöra kazan? Nöŋön Anutugö jemesoholŋe ulet gihizal: Gi keu jöhöba jöjöpäŋ keunöŋ jim köhöiba mönö sihimbölö könöŋpambuk kude ak niŋginöŋ.”

⁹Mewö jiiga kewö qesiyök, “Gi qetki niŋi?” Qesiiga jiget, “Nini gwötpuk maljinaŋgöra qetnini Lijön jizin.” Mi nanine keunöŋ Kerök kambu ketaŋi. ¹⁰Mewö jiba kapaŋ köla kewö ulet waŋgiget, “Gi nenguataŋgöbanak, mewö mönö gölme kiangöreŋök kude melaim neŋgiman.”

¹¹Kösutŋine kundufe marömŋe miangöreŋ bau kambu ketaŋi kun gwözözak uruŋe kuluŋda malget. ¹²Miangöra ömenöŋ kewö jiba Jisös ulet waŋgiget, “Göŋön melaim neŋginöŋga nini ölop bau miangö uruŋine gebin.” ¹³Jigetka “Mönö anda geget,” jiba jim kutum eŋgiiga azi uruŋeyök kota anda bau uruŋine geget.

Gegetka miangöreŋök bau kambu 2000 miangö dop mi mönö luhuba nembönembönöŋ anda jororöŋgöba o aŋgönöŋ geba nemulahöba kömuget.

¹⁴Kömugetka bau galöm yeŋön ölöŋ unjurata taon aka miri morömorö miangöreŋ anda keu buzupŋi jiget. Jiget mötketka ambazip sesegilgil yeŋön yuai asuhuyöhi, mi ekingöra kaŋet. ¹⁵Kaba Jisösgöreŋ kaŋgota eketka azi öme kambuŋambuknöŋ malöhaŋön mönö opo sileötaŋi törörök jöhöba tata uruŋi amöriiga imbi mötmötŋi pakpak asuhuiga eka awöwöliget. ¹⁶Kingetka bau mi denöwö geba kömugeri aka azi ömeŋambuk yaŋgöreŋ yuai asuhuyöhi, mi ekeranöŋ kösohot yahöt mi jiget mötket.

¹⁷Möta kinda Jisösnöŋ mindimindiri sel gölmeŋini mosöta anmapkö ulet waŋgiget.

¹⁸Ulet waŋgigetka mosöta waŋgenöŋ öŋgömamgöra ahiga azi ömeŋambuk malöhaŋön kaba Jisösbuk mohotŋe anda malmamgöra qesiyök.”

¹⁹Qesiyökmö, Jisösnöŋ qetal waŋgiba kewö jii mörök, “Gi mönö mirige anda tinitosolomurupki eŋgeka Kembunöŋ aŋgöletot ketaŋi aka ak-kömum gihiyöhi, miangö kösohotŋi jinöŋga mötme.”

²⁰Mewö jiiga mosöta anda Jisösnöŋ aŋgöletot ketaŋi ketaŋi ak waŋgiyöhi, miangö keuŋi könahiba Ten-taon distrik uruŋe jim sehiiga körekŋan welipköget. Mewö.

Jairusnöŋ böratŋaŋgöra Jisös köuluköyök.

Mat 9.18-26; Luk 8.40-56

²¹Jisösnöŋ waŋgenöŋ öŋgöba lilingöba aŋgö kutuba likepŋe kaiga ambazip kambu gwötpukŋan yaŋgöreŋ kaba tokogetka aŋgö jitŋe kinget. ²²Kingetka köuluk mirigö keu galöm kun qetŋi Jairus yaŋön kaba Jisös eka

wösöŋe geba simin köl waŋgiyök.
²³ Simin köl waŋgiba kapaŋ köla köuluköba kewö jiyök, “Böratni moröŋan mönö kömumamgö akza. Mönö kaba börögi qakŋe alnönŋa ölöwaka toroqeba malma.”

²⁴ Mewö jiba Jisös waŋgiriga mohotŋe anohotka ambazip kambulembe yeŋön andönŋire anda ölöqöloköba liliköm etkiba anget. Mewö.

Kawöl ambi kunön Jisösgö malukuŋi misiriyök.

²⁵ Angetka miangöreŋ sutŋine ambi kun malök. Yaŋön (yara) yambu 12:gö dop köiŋnönŋ ehiga nalö dop kawöl yöhöiga malök. ²⁶ Mewö mala sihibölö gwötpuk möriga sile galöm gwötpukŋan yaŋgö nup megetka baukbaun kun kude miwikŋaiba malök. Yaŋön sile galöm ambazip yeŋgö töwaŋinaŋgöra moneŋ inapŋi körek gila malökmö, kawölŋi miangön mönö mem bölim waŋgiiga malök. ^{27–28} Mewö mala Jisösgö buzupŋi möta kewö jiyök, “Nönön i oseimamgö möt lömböröba malukuŋeyök borom kun misiribileŋak ewö, mönö ölop ölöwakŋam.” Mewö jiba ambazip kambu sutŋine Jisösgö andönŋe anda malukuŋe misiriyök.

²⁹ Misiriiga sepŋi miangöreŋök jöpköiga qemjem-mamjeŋan qahöwahiga sileŋan ölöwahiga mörök. ³⁰ Ölöwahiga Jisösnönŋ miangöreök ösumŋi kun kutuba anöhi mi möta ambazip kambu sutŋine liliŋgöba jiyök, “Daŋön malukuni misiriza?”

³¹ Mewö jiiga gwarekurupŋan kewö jiget mörök, “Ambazip kambunönŋ ölököba liliköm gihiba goseize. Mi eka denöwö ‘Daŋön nömisiriza?’ jizan?”

³² Mewö jigetmö, Jisösnönŋ kunbuk “Daŋön mi akza?” jiba mi miwikŋaimamgöra liliŋgöba uba engehök. ³³ Engehiga ambi sileŋe angöletot asuhuyöhi, yaŋön mi möta

miangöra keŋgötŋi möta jönömŋi unduiga kaba Jisösgö wösöŋe geba simin köla könaŋi pakpak jiiga mörök. ³⁴ Jisösnönŋ mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjeŋan mönö qahöwahiga ölop urubönjönŋön anman.” Mewö.

Jisösnönŋ Jairusgö böratŋi mem guliyök.

³⁵ Keu mewö jiba kiniga köuluk mirigö keu galömŋangö mireyök kunŋan welen kaba Jairusgöra jiyök, “Böratki kömuza! Miangöra böhigö qakŋe lömböt toroqeba kude alman.”

³⁶ Jiiga Jisösnönŋ keu miangö nönönŋan aka köuluk mirigö keu galömŋi kewö jii mörök, “Keŋgötŋi kude mötnönŋ! Mönö ni möt narim niŋinönŋ.” ³⁷ Mewö jiba ambazip tosatŋi enŋömosöta Pitö, Jeims aka Jeimsgö munŋi Jon miyök enŋuaŋgiri i wuatangöba anget. ³⁸ Anda köuluk mirigö keu galömŋangö mire angotketka ambazip kambu göju megetka engehök. Gwötpukŋan jingŋe köla köhöikŋanök sahöta amburereŋ meget. ³⁹ Engeka mire öngöba kewö jii mötket, “Inŋini mönö wuanöngöra göju memba sahötze? Morö miangön qahö kömuzapmö, gaunök ahöza.”

⁴⁰ Mewö jii mötket gönahit ewö aiga gön köl waŋgigetmö, yaŋön i körek enŋuatangöba morögö iwinamŋi aka tosatŋi yambuk malgeri, miyök enŋuaŋgiriga morönönŋ ahöyohangöreŋ öngöget. ⁴¹ Öngögetka börat mi böröŋe memba yaŋgöra jiyök, “Talita kum.” Mi nanine keunönŋ Ambi moröŋi, ni göhöra jizal: Mönö wahötnönŋ!

⁴² Mewö jiiga ambi (yara) yambuŋi 12 miangön mönö miangöreŋök wahöta kinda anda kayök. Mewö aiga eka kesötŋini yöhözömgöba welipköget. ⁴³ Welipkögetka miangö buzupŋi kun

jiget mötpepukö jiba songo köhöikni al engiyök. Al engiba ambi moröni numbu nene wangiget nemapkö jiyök. Mewö.

Nazaret yejön Jisös andö qeget.

Mat 13.53-58; Luk 4.16-30

6 Mi asuhuiga Jisösnöñ Jairusgö miri gölme mosöriга gwarekurupñan wuatangöba yambuk anda Jisösgö malqarip taonön angotket. ² Sabat kendonöñ kaiga köuluk mire öñgöba Buña keu könahiba kusum engiyök. Kusum engiiga möta ambazip gwötpukñan auruba welipköba kewö jiget, “Yei, kezapjupjup! Yuai pakpak ki mönö denikeyök möta jiza? Mötkutukutuñi mi mönö dañön kusum wangiiga jiza? Aka angöletot kukösumñinambuk mewöñi mi mönö dañön inahöi böröñan meiga asuhuze? ³ Azi ki mönö miri kiangö mitimqeqa azia. Mariagö nahöññi aka Jeims, Josef, Juda aka Saimon yeñgö datñina. Nenurupñan mönö sutnine ki malje.” Nazaret yejön mewö jigetka uruñinan böliiga miangöreñ qaköget.

^{4c} Qakögetka Jisösnöñ kewö jii mötket, “Kezapqetok azigö sepkitip aka tinitosolomurupñan mönö nanñi taonöñ jijiwilit ak wangimakzemö, miri tosatñi miangöreñ mewö qahö.

⁵ Mewö akerangöra Jisösnöñ kawöl ambazip mohot mohot böröñi qakñine ala mem ölöwak engiyökmö, angöletot kukösumñinambuk tosatñi memangö osiyök. ⁶ Mewö ahiga mötnaripñinan qahö asuhuiga yanğisenjanangöra aka auruyök. Auruba Nazaret mosöta kösutñe miriñi miriñi liliköba Buña keu kusum engiba malök. Mewö.

Jisösnöñ gwarekurupñi 12 melaim engiyök.

Mat 10.5-15; Luk 9.1-6

⁷ Jisösnöñ gwarekurupñi 12 mi engoholi kagetka könahiba yahöt yahöt pakpak melaim engiyök. Melaim engiba ömewöröme közöl engimegö kukösumñi engiyök. ^{8d} Mi engiba kewö jim kutum engiyök, “Köna anmeangöra öröññini memba anme. Yuai tosatñi kun kude meme. Köna nalem qahö, gösö qahö me soujeri mi irimunganine kude jöhöme. ⁹ Köna esu ölop könanine jöhöba maluku semöññi qahöpmö, mohot meme.” ¹⁰ Mewö jiba kewö jii mötket, “Anda miri denike denike angotmei, mönö miangöreñök mala nup memba taon mi mosöta köna anme. ^{11e} Anda mala miri kunöñ angotketka qahö köl öröm engiba keuñini qahö mötketka nesampureññini mönö kewö jiba kondel engime, ‘Nini engö gölmenöñ kainga sölbuham köna tambönine mekötahözawi, mi mönö tim töñjöraringa nanñine lilingöba gema.’ Mewö jigetka könanamñini solanñi möt kutugetka ölop miri me taon mi mosöta toroqeba anme.”

¹² Mewö jiiga mosöta anda ambazip uruñini meleñmegö Buña keuñi jim sehiba malget. ^{13f} Mala öme gwötpuk enguatangöba kawöl ambazip gwötpuk kelöknöñ engömiriba mem ölöwak engiget. Mewö.

Kiñ Herodnöñ keñgötñi mörök.

Mat 14.1-12; Luk 9.7-9

^{14g} Jisösgö qetbuñan sehiba kiñ Herodkö kezapñe gei mörök. Ambazipnöñ kewö jiget, “Jon o melun azinöñ mönö kömupnöhök

^c6:4 Jon 4.44 ^d6:8 Luk 10.4-11 ^e6:11 Apo 13.51 ^f6:13 Kemb 5.14

^g6:14 Mat 16.14; Mak 8.28; Luk 9.19

wahöta nupni meiga aᅅöletot kukösumᅇinambuk asuhumakze.”

¹⁵Mewö jigetmö, tosatᅇan kewö jiget, “Mi mönö Elaija (Elia)” Tosatᅇan toroqeba jiget, “Mi kezapqetok azi walᅇi yeᅅgöreᅇök kun.”

¹⁶Mewö jigetmö, kiᅅ Herodnön mi möta kewö jiyök, “Jon o melun azi nöᅇön jibi jölᅇi kutugeri, yaᅅön mönö kömupnöhök wahöta malja.” Waimanjat möta Mewö jiyök.

Jongö jölᅇi kutugetka kömuyök.

¹⁷hMi kewögöra jiyök: Herodnön munᅇi Filipkö anömᅇi Herodias ölöᅇ meiga Jon o melun azinön kiᅅ jim waᅅgiiga opotöröp melaim enᅅgiiga anda Jon memba jöhöba kösö mire al waᅅgiget. ¹⁸Jonön Herodköra keu kewö jiyök: Gi qamböt ki memba mala Köna keu onᅅgitan.”

¹⁹Mewö jiiga Herodiasnön Jon kazik ak waᅅgiba qeget kömumapkö mörökmö, miangö könaᅇi kun qahö miwikᅇaiyök. ²⁰Qahö miwikᅇaiba Jonön azi solanᅇi aka sarakᅇi töröᅇi ahöhi, mi möta sel jöhöba kölközizip ak waᅅgiba Jongöra keᅅgötᅇi möta malök. Mewö mala Jongö jitᅇeyök keu möröhi, mi uruᅇi kuᅅgugetka keu gwötpuköra uruyahöt ahök. Mi töndup töndup Jongö keuᅇi mötmangö sihim mörök.

²¹Mewö aiga Herodiasnön Jon qe-mangö könaᅇi qahö miwikᅇaiba maliga miangö nalöᅇi ölöᅇᅇi kewö kam kuᅅguyök: Kiᅅgö ahuahu nalöᅇan kaiga közölömbuaᅅ ala jembon aka suaᅅö galömurupᅇi aka Galili prowinsᅅgö jitᅇememe bohönᅇi mi köl öröm, enᅅgiiga kaba tatket. ²²Kaba tatketka Herodiasᅅö böratᅇan miri miangö uruᅅe kaᅅgota danis aliga Herod aka yambuk tebol liliköba tatkeri, yeᅅön miangö eksihimᅇi gwötpuk mötket. Mewö

mötketka kiᅅnönᅇi ambi seramgöra kewö jiyök, “Böratni! Wani yuaigöra sihimᅇi mötzani, mi ölöᅇ qesinönᅅga tököm gi-himam.” ²³Mewö jiba keu mi jöjöpaᅅ keunönᅇi jim köhöiba kewö jii mörök, “Wani yuaigöra qesim niᅅgimani, mi mönö ölöᅇ gi-himam. Yuai mi me mi me prowins galöm kölakzali, mi tok ölöᅇ endenᅇa likeᅇᅇi kun gihibiga galömᅇi akᅇan.”

²⁴Mewö jii möta yaigep anda namᅇi kewö qesim waᅅgiyök, “Namni, ni mönö Kiᅅnönᅇi wani yuaiya niᅅgimapköra qesimam?”

Mewö qesim waᅅgiiga kewö meleᅇnök, “Möno jinönᅅga Jon O-melun azigö jölᅇi yandigetka nööröᅇᅇi memba kaba niᅅgiman.”

²⁵Mewö meleᅇniga miangöreᅇök miri uruᅅe kiᅅkiᅅgöba kiᅅgöreᅇi öᅅgöba kewö qesiba jiyök, “Kewöni! Nöᅇön sihimnan kewö mötzal: Göᅇön mönö jimkutunönᅅga Jon O-melun azigö jölᅇi yandiba nööröᅇᅇi memba kaba köndenönᅇi algetka mia döldöpki niᅅgiman.”

²⁶Mewö jiiga kiᅅgö uruᅅan kömbuhiiga wösöbirik mörökmö, jöjöpaᅅ keuᅇan jöhöi ketaurupᅇan mi mötketka yeᅅgö jemesoholᅇine etpapuköra qequesiᅇi andö qemangö möt lömböriba tököyök. ²⁷Tököba miangöreᅇök opotöröᅇᅇi kun melaiᅇa jiyök, “Gi mönö anda Jongö jölᅇi yandiba nööröᅇᅇi memba kaman.”

²⁸Mewö jiba melaiᅇa kösö miri gwaröᅇe anda jölᅇi yandiba nööröᅇᅇi memba kaba köndenönᅇi ala ambi seram mi waᅅgiiga namᅇi waᅅgiyök. ²⁹Jongö gwarekurupᅇan miangö buzupᅇi möta anda qamötᅇi memba qaksirigö köt köteᅇnönᅇi ala löm kölget. Mewö asuhuyöᅅaᅅgöra kiᅅ Herodnönᅇi könaᅅep Jisösgöra jiyök, “Jonönᅇi mönö

kömupnöhök guliba wahöta malja.”
Mewö.

**Jisösnöñ azi 5000 nene
gumohom engiyök.**

Mat 14.13-21; Luk 9.10-17; Jon 6.1-14

³⁰ Melai melai azi Aposol yeñon Jisösgöreñ kaba tokoba yuai memba ambazip kusum engigeri, miangö kösohotñi pakpak jiget mörök. ³¹ Jiget möriga ambazip totnöñ totnöñ qösösök kaba anda aketka silenini köñgañiiga nene nemingö nalö qahö ahöyök. Miangöra Jisösnöñ gwarekurupñi kewö jii mötket, “Inini mönö kaba gölme kötikñe naninök malbingöra anda borom kun luhut meme.” ³² Mewö jiiga engömosöta wañgenöñ öngöba gölme kötikñi kungen nanñinök malbingöra anget.

³³ Angetka ambazipnöñ mi eka gwöt-pukñan miangö buzupñi möta taon aka miri dop miengöreñök gölme köna kinñingöba mutuk anda miangöreñ angotket. ³⁴ Angotketka Jisösnöñ wañgenöhök eta ambazip kambu ketañi engehiga lama galömnini qahö tandök ilingösöñ lañ malgetka yeñgöra wösöñi mörök. Wösöñi möta könahiba Buña keu könañi könañi kusum engiyök. Mewö.

**Jisösnöñ azi 5000 nene
gumohom engiyök.**

³⁵ Mewö aka maliga miri jeñan teköba gemangö ahiga gwarekurupñan Jisösgöreñ kaba kewö jiget, “Böhi! Nini gölme kötikñi kiangöreñ malinga miri lök söñaumangö akza. ³⁶ Miangöra gi ölop ambazip ki melaim enginönga miri aka koum dowe dowe tat anjei, miangöreñ anda numbu nenenini söñgöronñi memba neget.

³⁷ Mewö jigetmö, kewö melenña jii mötket, “Enön mönö nanñinak i nene gumohom engime.” Mewö jiiga jiget,

“Neñön mönö denöwö akinto? Nup meme nalö 200:kö töwañi (Kina 1000,-) ahöza. Moneñ mia memba anda nene beret söñgöronñi memba gumohom engibingöra jizan me?”

³⁸ Mewö qesim wangigetka jiyök, “Nanñine nene beret dawik ahöza? Mi anda eket.” Mewö jiiga gösöñini qeañda jiget, “Beret 5 aka söra yahöt mia memba maljin.”

³⁹ Mewö jigetka Jisösnöñ ambazip kambu kewö jim kutum engiyök, “Ambazip pakpak, inini mönö deñda nene nemingö kambu morömorö tokoba lulup görökñe geba tatket.”

⁴⁰ Mewö jim kutum engiiga kambuñi kambuñi dowe dowe deñda tatket. Kirip tosatñi 100 aka tosatñi 50 mewö mewö tokoba tat anget. ⁴¹ Tat angetka beret 5 aka söra yahöt mi memba Suepnöñ ui öngöiga kötuetsköba beret mindipköba gwarekurupñi engiiga ambazip kirip dop mendeñda sutñine alget. Söra yahöt mi mewöyöhök kambu pakpak yeñgöra mendeñnök. ⁴² Mendeñniga ambazip körekmakörek nemba nem timbireñ aket. ⁴³ Nem timbireñ aka nene kitipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. Mewöyök söra kitipñi mi mem kiripköget. Mewö. ⁴⁴ Azi beret negeri, yeñgö jangöñini mi 5000.

Jisösnöñ o angö qakñe tiba tiba anök.

Mat 14.22-33; Jon 6.15-21

⁴⁵ Neget teköiga Jisösnöñ miangöreñök gwarekurupñi jim kutum engiba kewö jiyök, “Inini mönö wañgenöñ öngöba qeljiñe o angö kutuba likeñe Betsaida mire anme. Nöñön ölop nalö sutñe ambazip kambu ki melaim engibagun kamam.” ⁴⁶ Mewö jiba yaizözkök jim engiba engubula kundunje öngöba

köuluköyök. ⁴⁷ Köuluköba mali mare ahiga nanjik kötikji kunduje maliga wanjeninan angö bibiñe anök. ⁴⁸ Ani lökuatnön qeba qem bibihiba nanjöget aniga luhutnön angerangörenök gila kai lömböriiga bömbömgöget. Miri awöranjöiga (3-6 kilok) miangören Jisösnön mewö engeka o angö qakñe tiba tiba gwarekurupñi yengören Kaba engonjtmangö ahök. ⁴⁹ O angö qakñe tiba tiba kaiga eka “Köwet Sonjorinön kazal!” jiba könahiba qeta silatket. ⁵⁰ Qeta silata körek i eka kenjötporin aketmö, Jisösnön miangörenök keukeu jiba kewö jii mötket,

“Alaurupni! Mönö ewebibiñinambuk saitingit malme. Nanak kazal. Kenjötnini kude mötme.” ⁵¹ Mewö jiba yengören wanjenön öngöiga luhutnön nön qeba görön alök. Görön aliga jönömñini undui önöñi qahö auruget. ⁵² Mutuk beret mem sehiba gumohom enjiyöhi, miangö könani qahö möt asarigetmö, uruñinan gwözöñniga tok auruba tatket. Mewö.

**Jisösnön Genesaret mala
mem ölölowak nup meyök.**

Mat 14.34-36

⁵³ O angö kutuba likepñe Genesaret mire angota wange mosöta saknön geget. ⁵⁴ Wange mosöta Saknön gegetka ambazipnön Jisös miangörenök möt kutum wanjiget. ⁵⁵ Möt kutum wanjiba keu algetka kinjingöba mindimindiri sel gölmenjine miri dop liliköget. Lilikögetka möta könahiba kawöl ambazip kululunön angum engiba Jisösnön miri denike malöhangö dop enguangita kaget. ⁵⁶ Miri dop, taon, miri me koum kungö uruje anöhangö dop kawöl ambazip enguangita sombemñine al engiget. Al engiba sileñe me Jisös malukuñangö suje misiribingö

ulet wanjiba malget. Misirigeri, körek yejön mönö ölölowak teköget. Mewö.

**Ambösakon yejön keu
kusum sohoget.**

Mat 15.1-9

7 Köna keugö kapañkölköl aka miangö böhi tosatji Jerusalem sitinöhök kageri, yejön Jisösgören kaba tokoget. ² Nalö miangören Jisösgö gwarekurup tosatjan böröñini kude sanjonda dom amöt qahö qeba nene negetka engeka uruñini böliyök.

³ Farisi (Köna keugö kapañkölköl) aka Juda ambazip tosatji pakpak yejön ambösakon yengö silikñini wuatangöba malget. Miangöra böröñini mutuk sanjona soroköbagun nene nemalget. ⁴ Mewöyök nupnöhök me maketnöhök kamei, mutuk o utuba arim tönjöratagun nene misirimalget. Mewöyök kiwi qambi, közökimbut aka jout pakpak mi sanjonda amöt qemalget. Silik mewöñi mewöñi mi gwötpuk wuatangöba malget.

⁵ Miangöra Köna keugö kapañkölköl aka miangö böhi yejön Jisös kewö qesim wanjiget, “Göhö gwarekurupkan wuanöngöra ambösakoninangö silikñini qahö wuatangöba böröñini domamöt qahö qeba töndup nene neze.”

⁶ Mewö qesim wanjigetka kewö jii mötket, “O urumelengö silesile ambazip, kezapqetok azi Aisaianön mönö engö könanamñini törörök indela Buzup Kimbi kun kewö ohoi ahöza, ‘Ambazip kambu kianön mönö numbu jitrinan ölöpñanök göda qem ningimazemö, uruñinan nönöngan ak niñgiba kungen algetka köröwen ahöza.

⁷ Mewö ahöiga nöngö waikni öne töhön memba möpöseim niñgimakze.

Köna keu kusum engibin, jiba salupne ambazip yengö jimkutukutuñini mi numbu o alakze.’

⁸ Aisaianön mewö ohoyök. Injini mönö miangö dop Anutugören jöjopañ keu andö qeba ambösakonñinanğö silikñi wuatangömakze. Mi qahö dop kölja.”

⁹ Mewö jiba kewö jiyök, “Nanñini silikñini walñi wuatangöbingöra mönö ölopñanök Anutugören jöjopañ keu qeapkömakze. ¹⁰ Mianğö keuñi kun kewö: Mosesnön kewö jim kutuyök, ‘Iwinamgi mönö göda qem etkimakñan,’ aiga ‘Kunñan iwiñi me namñi qesuahömawi, i mönö qegetka kömuma.’ ¹¹ Mewö jim kutuyökmö, iñini keu mi oñgita kewö jimakze, ‘Kunñan iwinamñi yetköra kewö jima. Wösöni mötzal. Nöngö nanğonanğö yuaini buña qem angubahorak, mi lök Anutugö danğe tahaya albi ahöza. Mi saiwap naluköra kewöta albi ahöza. ¹² Kunñan mewö jiiga dop kölma.’ Mewö jiba jöhöm wañgigetka iwinamñi yetköra baukbauk kun qahö toroqeba etkimakña. Mi qahö dop kölja. ¹³ Yei! Mewö aka nanñini ahakmemeninanğö silikñini jim kutuba mianğön Anutugören jöjopañ keu utala omanñi aka pömsöm qemakza. Injini yuai mewöñi gwötpuk ahakze.” Mewö melenğ engiyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnön ambazip kambu kunbuk engoholi kagetka kewö jii mötket, “Injini mönö körek keu ki kezap ala möt asarime. ¹⁵ Azi yaigepñeyök yuai uruñe gemakzawi, mianğön mönö tölohom wañgimamğö osimakzampö, nanñi urukönömñeyök keu kota erakzawi, mianğön mönö tölohom wañgimakza. ¹⁶ Kunñan kezapñambuk malja ewö,

yañön mönö keu ki kezap ala möt kutuma.” Mewö.

¹⁷ Jisösnön mewö jiba ambazip kambu engömosöta anda miri kunönğ öngöyök. Öngöba tariga gwarekurupñan dopkeu mianğö könanağgöra qesiget. ¹⁸ Qesigetka kewö jii mötket, “O alaurupni, iñini mewöyök mötmötñini ölopñi qahö akze me? Nene yuai azi yaigepñeyök uruñe gemakzawi, mi tölohom wañgimamğö osimakza. Mi möt kutuze me qahö? ¹⁹ Mi urukönömñe qahö gemakzampö, kömgokñe geba yaigep erakza.” Jisösnön keu mewö jiba mianğön “Numbu nene pakpak mem sarahim teköyök.”

²⁰ Jisösnön toroqeba kewö jiyök, “Azi urukönömñeyök keu kota erakzawi, mianğön mönö tölohom wañgimakza. ²¹ Ambazip uru könömñineyök yuai kewöñi asuha korakza: Keu bölöñi mötmöriba serowilin akingö mörakze. Yongorö memba suña jinañ memba ambazip enguget kömumegö mörakze. ²² Qesabulum akingö mörakze. Membagu membingö nepaqepalok köpösöngömakze. Bidañda gatmisimisi, jiliwitiñ aka isimkakalek akingö mörakze. Lösö jiba urupik akingö mörakze. Kezapjupjup aka körögisigisi akingö mörakze. Söngöröqök mala andöqeqe keu yöhösañ jiba Anutu mepaiköbingö mörakze. Jakbak-örañbörañ aka uruqahö ahakze. ²³ Yuai bölöñi pakpak mianğön mönö ambazip uru könömñineyök kota ambazip tölohom engimakza.” Mewö.

**Kenan ambi kunñan
kapañ köla köuluköyök.**

Mat 15.21-28

²⁴ Jisösnön wahöta Genesaret gölme mosöta siti qetñiri Taiö aka Saidon mietkö distrik qetñi Fonia

miaᅅgö uruᅅe anök. Anda miri kunöᅅ öᅅgöba buzupᅅi kunᅅan mötpapuköra numbuᅅini muhungöyökmö, töndup tölapᅅe malmamgö osiyök. ²⁵Osiiga miaᅅgöreᅅök ambi kun böratᅅi moröᅅan ömeᅅambuk maliga Jisösgö buzupᅅi möta yaᅅgöreᅅ kaba könaᅅe geba simin kölök. ²⁶Ambi mi Judaya qahöpmö, Grik keu jiba malök. Iwinamᅅan Siria prowinsgö Fonisiagöra. Yaᅅᅅön böratᅅangö uruᅅeyök öme közölmaköra ulet waᅅgiyök. ²⁷Ulet waᅅgiiga kewö jii mörök, “Juda nini mutuk nanine nahönböratuᅅupnini gumohom eᅅgiinga bikᅅi eᅅguma. Miaᅅgöra morö yeᅅgö miriᅅineyök beret memba kiam eᅅgiinga qahö dop kölbapuk. Juda nini kianurup eᅅgö qeᅅᅅini kiam qerakzin. Nöᅅön mutuk Juda ambazip bauköm eᅅgibiga kantri tosatᅅi eᅅön mönö kiamgö dop mamböta malme.”

²⁸Mewö jii möta kewö meleᅅnök, “Kembu, mi ölop mötzalmö, kiam moröᅅi yeᅅön mönö mewöyök morö yeᅅgöreᅅ nene boromᅅi tebol baᅅᅅe eriga nemakze.”

²⁹Mewö meleᅅniga Jisösnöᅅ kewö jii mörök, “Keu mewö jizanaᅅgöra ölop möt gihizal. Öme miaᅅön mönö dölkö böratki mosöta anja. Miaᅅgöra ölop aman.”

³⁰Mewö jii möta miriᅅe ani ömenöᅅ böratᅅi mosöriᅅa dumᅅe ahöiᅅa ehök. Mewö.

Jisösnöᅅ azi kun möhamgöyök.

³¹Jisösnöᅅ kunbuk Taiö siti gölme mosöta Saidon sitinöᅅ anda oᅅgita mösököba Ten-taon gölmegö bibiᅅi oᅅgita Galiligö o aᅅgö kösutᅅe kayök. ³²Kaiga kezapduᅅup azi kun keuᅅi qahöwakᅅapköra ahöhi, mi waᅅgita Jisösgöreᅅ kaget. Kaba böreᅅi nöreᅅᅅe alamaköra qesim waᅅgiget. ³³Qesim

waᅅgigetka azi mi waᅅgita ambazip kambu mosöta kungen anohot. Anda Jisösnöᅅ böreᅅ suapᅅi kezapᅅe ala kinda kunbuk nanᅅi böreᅅ suapᅅe söutköba nesilamᅅe misiriyök. ³⁴Misiriba suepnöᅅ ui öᅅgöiᅅa osongombuk köuluköba nanᅅe keunöᅅ “Efata,” nanine keunöᅅ Tohonöᅅ! mewö jiyök.

³⁵Mewö jiiga kezapyahötᅅan tohoyohotka nesilamᅅan lolohoiga keuᅅi ölopᅅanök jiyök. ³⁶Jiiga Jisösnöᅅ miaᅅgö buzupᅅi ambazip jiget mötpepuköra qetal eᅅgiyök. Qetal eᅅgiba kapaᅅ köliga yeᅅön mi kapaᅅ köla jim sehiba malget. ³⁷Jim sehiba malgetka ambazipnöᅅ kamböᅅda welipköba kewö jiget, “Yuai pakpak ölopᅅanök ahakza. Kezapduᅅup kezapᅅini metohoiga mötketka ambazip mötökᅅi yeᅅgö nesilamᅅini pösariga keu jimakze.” Mewö.

Jisösnöᅅ ambazip 4000 nene gumohom eᅅgiyök.

Mat 15.32-39

8 Nalö miaᅅgöreᅅ ambazip kambu ketajaᅅan dumᅅe kunbuk tokoget. Neneᅅini qahö malgeraᅅgöra Jisösnöᅅ gwarekurupᅅi eᅅgoholi yaᅅgöreᅅ kagetka kewö jii mötket, ²“Nöᅅön ambazip kambu kieᅅgöra wösöni mötzal. Yeᅅön nöᅅgöreᅅ kaba wehön karöbut lök mala kotketka neneᅅini qahöwahiga ekzal. ³Yeᅅgöreᅅök tosatᅅan körowenök kaba malgetka nöᅅön ‘Ölop miriᅅine anme,’ jibi nene qahö negetka öne melaim eᅅgibiga könanöᅅ anda mala kemaᅅe jeᅅᅅi gili tirinbirin akepuk.”

⁴Mewö jiiga gwarekurupᅅan melaᅅda kewö jiget mörök. “Gölme qararaᅅkölkölᅅe kiaᅅgöreᅅ kunᅅan mönö denikeyöhök numbu nene mewöᅅi mi mönö miwikaiba kambu ki gumohom eᅅgibawak?”

⁵Mewö möta kewö qesim engiyök, “Engöreñ beret dawik ahöza?” Qesim engiiga “Beret 7 ahöza,” jiget.

⁶Jigetka Jisösnöñ ambazip kambu mi gölmenöñ geba tatmegöra jim kutum engiiga geba tatket. Geba tatketka beret 7 mi memba Anutugö saiwap jiba mindipköba gwarekurupñi engiba ambazip kambu dop sutjine almegöra jiyök. Mewö jiiga miangö dop alget. ⁷Yengöreñ söra morömorö tosatji mewöyök ahöyök. Mi tok memba kötuatköba ambazip kambu dop sutjine toto qem engimegöra jim kutuyök. ⁸Jim kutuiga engiget nempa nem timbirengöget. Nem timbirengöba nene kitipñi mosötket geyöhi, mi sakap 7 miangöreñ qezakögetka numbuñe qeyök. ⁹Azi nene negeri, yengö jañgöñi mi 4000. Negetka melaim engiiga mirinjine anget. Mewö.

Böhi tosatjan angöletot ekingöra kapañ kölget.

Mat 16.1-4

¹⁰Angetka miangöreñök gwarekurupñi yembuk wañgenöñ öngöba distrik qetñi Dalmanuta miangöreñ anget. ¹¹^lFarisi (Köna keugö kapañkölköl) tosatjan miangöreñ kaba Jisösbuk könahiba jitnakölik aket. Keu bötaknön örömapköra esapköm wañgiba kewö kapañ köla qesiget, “Mönö jinönga Suepnöhök angöletot kun asuhuiga ekin.” ¹²^mMewö jigetka uruñan lömböriiga osongombuk qeiga jiyök, “O ambazip nalö kewöñe gölmenöñ maljei, injini mönö wuanöngöra Anutugö aiwesök asuhumapköra kapañ kölakze? Nöñön keu öñi kun kewö jibi mötme: Anutunöñ aiwesök mewöñi mi qahö memba kondel engima. Omba saumba!”

¹³Mewö jiba engömosöta kunbuk gwarekurupñi yembuk wañgenöñ öngöba angö kutuba likepñe angotket. Mewö.

Farisi aka Herod yengön wösökömbuk ewö akze.

Mat 16.5-12

¹⁴Miangöreñ angota semön memb- ingö ölum enguiga beret mohot-töp mia wañgenöñ memba tatket. ¹⁵ⁿTatketka Jisösnöñ kewö jim kutum engiyök, “Injini Köna keugö kapañkölköl (Farisi) yengö wösökömbukñini aka Herodkö gipmi kakñi mietköra mönö galömñini meme. Mi ölpñañök qahö kewöta andö qegetka mietköñ mönö yist ewö qariba mem bölim engimahot.”

¹⁶Jiiga keu pasetñi mi qahö möt asariba sutjine kewö eraum mötket. “Beretnini qahöpköra jiza me denöwö?”

¹⁷Mi eraum mötket kezapñe geiga kewö jii mötket, “Wuanöngöra beretnini qahö jiba eraum mötze? Nöñgö könañamni mi wuanöngöra qahö möt kutuze? Mi tok qahö möt asarize me? Urukezapñinan gwözöñda tatza me? ¹⁸^oJeñini ahözapmö, töndup qahö ek kutuze me? Kezapñini ahözapmö, töndup qahö möt asarize me? Yuai asuhuyöhi, mi ölum enguza me qahö? ¹⁹Nöñön beret 5 mi 5000 yengöra mindipköbiga miangö kitipñi qezakögetka könde dawiknön geba numbuñine qeyök?” Qesim engiiga “Könde 12,” jiget.

²⁰Jigetka toroqeyök, “Nöñön beret 7 mi 4000 yengöra mindipköbiga miangö kitipñi qezakögetka sakap dawiknön geba kokolak qeyök?” Qesim engiiga sakap 7 jiget.”

^l8:11 Mat 12.38; Luk 11.16 ^m8:12 Mat 12.39; Luk 11.29 ⁿ8:15 Luk 12.1
^o8:18 Jer 5.21; Eze 12.2; Mak 4.12

²¹ Jigetka jii mötket, “Miangöra könanamni mi mönö tok qahö möt asarize me?” Mewö

Jegömöl azi kun jeñi metohoyök.

²² Jisösnöñ gwarekurupñi yembuk Betsaida taonöñ kaget. Miangöreñ kaba jegömöl azi kun wangita Jisösgöreñ kangota böröñan misirimapkö köuluköm wangiget. ²³ Köuluköm wangigetka jegömöl azi mi böröñe mamba wangita miri yaigepñe anohot. Anda söutnezit jeñe ala böröñi nöörpñe ala qesim wangiyök, “Yuai kun ekzan me qahö?”

²⁴ Qesim wangiiiga jeñi ui öngöiga jiyök, “Ambazip engekzalmö, mi ip tandöktandök aketka imutimutñanök engekiga anda kaba kinje.”

²⁵ Mewö jiiga kunbuk böröñan jeyahötñi misiriiga tohoyohotka törörök uiga asarim sölölöngöiga yuai pampak ölöppñanök ek teköyök. ²⁶ Ek teköiga melaim wangiba kewö jii mörök, “Gi miri kungen kude anmanmö, diñdiñanök nangi mirige anman.” Mewö.

Pitönöñ Jisösgö könañi jim miwikñaiyök.

Mat 16.13-20; Luk 9.18-21

²⁷ Jisösnöñ Betsaida mosöta gwarekurupñi yembuk Sisarea Filipai taongö kösutñe anget. Könanöñ anda gwarekurupñi kewö qesim engiyök, “Ambazip-nöñ nöngöra denöwö jimakze? Ni ninia akzal?”

²⁸ ^pJiiga melejda kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yengöreñök kun akzan.’

²⁹ ^qMewö jigetka kewö qesim engiyök, “Aka nanñinak nöngöra denöwö jize? Ni ninia akzal?” Qesim engiiga Pitönöñ kewö melejñök,

“Gi Anutugöreñ Amötqeqe Toñi Kraist akzan.”

³⁰ Mewö jiiga könañi aukñe jiget kunñan mötpapuköra soñgo köhöikñi al engiyök.

Jisösnöñ kömumangö keuñi jiyök.

Mat 16.21-28; Luk 9.22-27

³¹ Jisösnöñ gwarekurupñi könahiba kewö kusum engiyök, “Suep gölmegö azi öljñan mönö sihibölö gwötpuk mötma. Kantrigö jitñememe, jike nup galöm aka Köna keugö böhi yeñön mönö andö qeba qegetka kömuma. Kömui wehön karöbut teköiga kömupñöhök wahötma.”

³² Jisösnöñ keu mi qahö köyatiba aukñe jiiga Pitönöñ miangöreñök öröm wangiba göräñe anda könahiba qetal wangiyök. ³³ Qetal wangiiiga lilingöba gwarekurupñi uba engeka Pitö qetala kewö jim wangiyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Miangöra Satan, gi mönö dölkü nöngö jemesoholneyök kesalnöñ.” Mewö.

Kraist wuatangöbingö söngöröñi.

³⁴ ^rJisösnöñ ambazip kambu aka gwarekurupñi engoholi kagetka keu kewö jii mötket, “Kunñan nöngö andöne kamangö mötzawi, yañön mönö nanñi urusilejñangö sihim kömbönañi bölöñi andö qeiga sisitñi megetka sihibölö mi bisimakña. Mi maripomnöñ kömumawangö dop mökösoñda ni nuatangöba kama. ³⁵ ^sKunñan malmalñi nanñangöra angön köla nanñi imbi-imbi

^p8:28 Mak 6.14-15; Luk 9.7-8 ^q8:29 Jon 6.68-69

^r8:34 Mat 10.38; Luk 14.27 ^s8:35 Mat 10.39; Luk 17.33; Jon 12.25

maljawi, yañon mönö malmalji ölni jöhöi sohoma. Sohomapmö, kunöñ gölmegö malmalji mi ni aka nöngö Ölöwak Buñanangöra aka köleñda tököm niñgimawi, yañon mönö malmal ölnangö könañi miwikñaiba köhöiba malma. ³⁶Kunñan gölmeñi gölmeñi miengö öröyuaiñi pakpak köl öroi buñani an teköiga uruñangö malmalji mem sohoba silebile mala kömuiga Anutunöñ keuñi jim teköiga uñangan ayuhuiga qahö dop kölma. Sukinapñi miangöñ mönö urusösöngai qahö ak wanggima. Qahöpmañ! ³⁷Körek neñon mönö bohonini jöhöbingö osibin. ³⁸Ambazip kambuñi kambuñi nalö kewöñe gölmeñe qesabulum aka siñgisöndok tosatñi aka malakze. Kunñan yeñgö sutñine nöngö qetni aka Buña keuni memba et aljawi, mi Suep gölmegö azi ölnan mewöyök ehöröñ kölma. Yañon könañep Suep garata töröñi yembuk ki etketka Iwiñangö asakmararañi eka aurugeta yañon azi me ambi mewöñi mönö ehöröñ köl wanggima.” Mewö.

9 Mewö jiba kewö jii mötket, “Nöñon keu ölni kun kewö jibi mötme: Kiangöreñ kinjei, engö sutñineyök tosatñan Anutunöñ bemtohoñi kunguiga kukösumñan asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga ekñe.” Mewö.

Jisösgö sileñe letotqetot ahök.

Mat 17.1-13; Luk 9.28-36

²Uwehön 6 teköiga Jisösnöñ Pitö, Jeims aka Jon enguangita ambazip engömosöta nanñinök kundunji köröpñi kunöñ öngöba kötikñe malget. Miangöreñ malgetka jemesoholñine kiniga Jisösgö sile tandökñan letota

murutñi ahök. ³Malukuñan tuat lalamñi asakmararañambuk ahök. Gölmeñeñ opo tuatñi saipenöñ (omo bliz) sañgoñmakzei, mönö mi ongita tuariyök. ⁴Mewö aiga Elaija aka Moses yetköñ asuhum engiba Jisösbuk keukeu jiget. ⁵Jigetka Pitönöñ könahiba keu jiba Jisösgöra kewö jiyök, “Ketañamnini! Neñon kiangöreñ uruölöwak mötzin. Miangöra neñon ölop koun karöbut qebin: Göhö kun, Mosesgö kun aka Elaijagö kun.” ⁶Gwarek yeñon jönömñini gwötpuk unduiga Pitönöñ “Denöwö jimam,” jiba keu jaruyök.

⁷Keu jaruba kiniga unuñunuy tuat lalamñi asakmararañambuk kunöñ eta aumñan esuhum engiiga miangö uruñeyök qet kun kewö eriga mötket, “Azi ki nani wölböt nahöna akza. Mönö yangö keuñi möta malme.” ⁸Keu mi möta könöpuk lilingöm purik um jaruba tosatñi kunbuk qahö etketetka Jisösnöñ nanñök yembuk kinök. Mewö.

Jon O-melun azi mi Elaijagö salupñi akza.

⁹Kunduñeyök etketka Jisösnöñ sörokñi miangöreñ kewö jim kutum engiyök, “Injini yuai ekzei, miangö buzupñi mi mönö ambazip kun kude jiget mötme. Suep gölmegö azi ölnan kömupnöñök wahöriga miangö andöñe mi ölop jim asariba malme.”

¹⁰Mewö jim kutum engiiga gwarekurupñi karöbut yeñon keu mi uruñine angön köla “kömupnöñök wahötawahötkö” könañi mi nanñini qesim anguba eraum mötket. ¹¹Ueraum möta Jisös kewö qesim wangget, “Köna keugö böhi yeñon mönö keu kewö jimakze, ‘Kezapqetok azi Elaijanöñ mönö Suepnöhök mutuk eta asuhuma.”

^{9:2} 2 Pitö 1.17-18 ^{9:7} Mat 3.17; Mak 1.11; Luk 3.22

^{9:11} Mal 4.5; Mat 11.14

¹² Qesim waŋgiŋgetka melenċa kewö jiyök, “Elaijanöŋ mutuk eta asuħuba malmal pakpak möhamġöma. Keu mi ölna akzapmö, keu kun ki mönö wuanöŋġöra ohoget ahöza: Suep ġölmegö azi ölnan mönö siħimbölä ġwötputuk möriġa jijiwilit ak waŋgime.”

¹³ Keu yahöt mi ahözahotmö, nöŋön kewö jibi mötme: Elaijanöŋ lök eta asuħuyökmö, yaŋġöra Buŋa keu ohoget ahözawaŋġö dop ambaziġnöŋ i nanġini siħimġini wuatangöba laŋ ak waŋgiŋget.” Mewö.

**Jisösnöŋ öme wuatangöi
morönöŋ ölöwahök.**

Mat 17.14-21; Luk 9.37-43

¹⁴ Jisös aka ġwarek karöbut yeŋön kunduneyök eta ġwarekurupŋi tosatŋi yeŋġöreŋ kaba yuai kewö eket: Köna keuġö böhi tosatŋan kinda yembuk jitaŋkölilik aka goranora keu jigetka ambaziġ jesöŋġöŋnan liliköba enġeka kinget.

¹⁵ Mewö kinda ambaziġ kambu pakpak yeŋön Jisös eka miangööreŋök auruba kiŋkiŋgöba kösutŋe anda jölöŋi jiget.

¹⁶ Jölöŋi jigetka kewö qesim enġiyök, “Inġini wanatköra yembuk jitaŋkölilik aka goranora keu jize?”

¹⁷ Qesim enġiġa kambuŋineyök azi kunöŋ melenċa kewö jii mörök, “Böhi! Nöŋġö nahöni ömenöŋ numbuŋi muħungöba töŋöt mem waŋgiġa waŋgita ġöhöreŋ kazal. ¹⁸ Mi miangööreŋ me miangööreŋ memba mendawöla örom ġiliga eta qeba numbuŋeyök qölqöl söutsöt eriga irimŋi yöhözömgöba sileŋan sölöpkömakza. Mewö ahiga kaba ġöhö ġwarekurupki ulet enġiba öme mi wuatangömegö jizalmö, yeŋön osize.”

¹⁹ Mewö jiġa melenċa waŋgiba jiyök, “ġölmegö yaŋġiseŋ ambaziġ yei! Mönö nalö dawik embuk mala qatön enġuga Anutu qahö möt narigetka siħim-

bölä mötmam. I mönö waŋgita nöŋġöreŋ kaġet.

²⁰ Mewö jiġa waŋgita yaŋġöreŋ kaġet. Kaġetka ömenöŋ Jisös eka miangööreŋök morö utuköba urepköm waŋgiġa wölöħariba tala ġölmenöŋ qeba pöranpöran mitiba semben auba ahöġa numbuŋeyök qölqöl söutsöt kota erök. ²¹ Jisösnöŋ mi eka iwiŋi kewö qesim waŋgiyök, “Nalö dawik dop yuai ki lök asuħum waŋgiġa kotza?” Qesim waŋgiġa jiyök, “Mi lök morörökŋeyök asuħum waŋgiyök.

²² Mi mem bölim waŋġimamġöra nalö tosatŋe könöpŋöŋ, nalö tosatŋe onöŋ metal waŋgiġa nalö ġwötputuk geba qebayök kinahakza. Mewömö, miangö kukösümŋi kun ġöhöreŋ ahöza ewö, mönö ak kömumba bauköm netkiman.”

²³ Mewö jiġa jiyök, “‘Kukösümŋi ġöhöreŋ ahöza ewö,’ jizan. Anutuġö kukösümŋan mönö yuai kungöra qahö qakömakza. Anutu möt narizawaŋön mönö yuai pakpak ölöp ahakŋa.”

²⁴ Mewö jiġa iwiŋan miangööreŋök qeta jiyök, “Anutu möt narizalmö, mötnariġnan lölöwöröŋi akza. Mötnariġni mönö mem köhöiman.”

²⁵ Jiġa ambaziġ jesöŋġöŋnan ösumŋinan kaba kingetka eka miangöra öme mi kewö jim waŋgiyök, “ġi töŋöt aka kezapduħupkö ömeŋi, nöŋön jim kutum ġihizal: ġi mönö azi ki mosöta kota anda kunbuk kude lilinġöba kaman.”

²⁶ Jim waŋgiġa qeta silata morö mi utuköba könöpuk urepköm waŋgi wölöħariġa utala kota anök. Kota aniga qeba qamöt tandök aka ahöġa ġwötputuŋan mi eka “Wösöŋi alġa!” jiget. ²⁷ Mewö jigetmö, Jisösnöŋ böronġe memba köbibiiġa wahöta kinök.

²⁸ Mewö kiniga Jisösnöŋ miri uruŋe öŋġöġa ġwarekurupŋan nanġinök tata kewö qesim waŋgiŋget, “Neŋön mönö wuanöŋġöra mi naninök wuatangöbingö osizin?”

²⁹ Qesim waŋgigetka kewö jii mötket, “Öme tandökŋi mewöŋi mi mönö köu-luköba nene siŋgi mala wuatangöbin. Yuai murutŋi kun ahinga qahö kota anma.” Mewö.

**Jisösnöŋ kömumamgö
Buŋaŋi jiiga yahöt ahök.**

Mat 17.22-23; Luk 9.43b-45

³⁰ Jisösnöŋ gwarekurupŋi yembuk miri gölme mi mosöta anda Galili prowins uruŋe liliköba denike malgeri, mi kunŋan mötmapkö tököyök.

³¹ Mia tököba gwarekurupŋi kusum engimamgöra ölöŋ anget. Könanöŋ anda keu kötŋi kewö jii mötket, “Anutunöŋ Sup gölmegö azi ölni mi gölme ambazip yengö böröŋine al waŋgii gema. Geiga i qegetka kömuma. I qeget kömui wehön karöbut teköiga miangöreŋ mönö kömupnöhök wahötma.”

³² Keu kötŋi mewö jii mötketmö, mi qahö möt kutuget aka könaŋi denöwö, mi qesibingö kölköldömdöm aket. Mewö.

**Gwarek sutŋine
daŋön mutukŋi akza?**

Mat 18.1-5; Luk 9.46-48

³³ Mewö anda Kaperneam taonöŋ kaŋgotket. Miangöreŋ kaŋgota nanŋi miri uruŋe öngöba gwarekurupŋi kewö qesim engiyök, “Injini Könanöŋ kaba wani keuya eraum mötze?”

³⁴ ^wYeŋön könanöŋ kaba ‘Daŋön öngöŋgöŋi akza’ mia nanŋinök eraum möta kaget. Miangöra qesim engiiga keu böc tatket. ³⁵ ^xKeu böc tatketka Jisösnöŋ geba tata gwarekurupŋi 12 engoholi kagetka kewö jii mötket,

“Kunŋan mutukŋi malmamgö mötza ewö, yaŋön mönö körek engö nembö bapŋine eta qöndökŋi aka tosatŋi pakpak welen qem engimakŋa.”

³⁶ Mewö jiba namande moröŋi kun memba sutŋine ali kinök. Kiniga böröŋan memba tambuŋe ala kewö jii mötket, ³⁷ ^y“Kunŋan namande kewöŋi kun nöŋgö qetne miriŋe köl öröba köyan kölmawi, yaŋön mönö ni köl öröm niŋgima. Kunŋan mewö ak niŋgizawi, yaŋön niyök qahöpmö, daŋön melaim niŋgiyöhi, mönö i mewöyök köl öröm waŋgima.” Mewö.

**Jisösnöŋ gwarekurupŋi
mindingöm engiyök.**

Luk 9.49-50

³⁸ Jonöŋ Jisös kewö jii mörök, “Böhi! Nini azi kun neŋgö andönine qahö kayöhi, yaŋön göhö qetnöŋ ömewöröme közöl engiiga ehin. Yaŋön nembuk qahö liliköba maljawangöra nini i qetal waŋgiin.”

³⁹ Mewö jiiga Jisösnöŋ jiyök, “I kude qetal waŋgime. Kunŋan nöŋgö qetni qeta aŋgöletot mezawi, yaŋön mönö miangö andöŋe nöŋgö andöqeqe keu awamŋanök jimamgö osima. ⁴⁰ ^zKunŋan qahö qetal neŋgimakzawi, yaŋön mönö neŋgö areŋnöŋ malja. (Miangöra nöŋgö alaurupni tosatŋi mi kude qetala aŋgösirip meme.) ⁴¹ ^aI mönö naŋgöm engigetka Anutunöŋ töwaŋini engima. Kunŋan Kraistkö qetŋe yaŋgö buŋaŋi akzeangöra aka o qambi nemegö engimawi, Anutunöŋ mönö miangö töwaŋi melenŋa waŋgima. Nöŋön keu ölni kun kewö jibi mötme: Naŋgöm engimei, mierjön mönö töwa meme.” Mewö.

**Singisöndokö kölgorom
mönö qetal engime.**

Mat 18.6-9; Luk 17.1-2

⁴²Jisösnöñ keu kewö jiyök, “Morö kewöñi möt narim niñgizei, kunñan yengörenök kun kölgorom ak wanggiiga singisöndok akñawi, azi mianñon mönö lömböt öngöñgöñi miwikñaima. Anutunöñ lömböt miangö likepñi denöwö wanggiiga dopñe akawak? Kemuñ jamöññiñ jölñe jöhöba köwet röndumnöñ gilget mulungöi gebawak, mianñon mönö awamñi ahum wangii tandök akawak. ⁴³^bMiangöra börögan singisöndok akñangö kölgorom ak gihima ewö, mönö yandim gilman. Yandim gilagun börötak mala malmal köhöikñi miwikñaiiba oyaenköyaen akñanmö, börö yahötpuk mala könangep könöp sianöñ gebanbuk. Sia könöpñi mi nalö kunöñ qahö bököma. ⁴⁴Miangörej ‘Döhöñini engöhöm pilikuta mala qahö kömume aiga könöpñinan nalö kunöñ kude bököma.’

⁴⁵Mewöyök könagan singisöndok akñangö kölgorom ak gihima ewö, mönö yandim gilman. Yandim gilagun könatohot mala malmal köhöikñi miwikñaiiba oyaenköyaen akñanmö, köna yahötpuk malnöñga könöp sianöñ gil gihigetka gebanbuk. ⁴⁶Miangörej ‘Döhöñini engöhöm pilikuta mala qahö kömume aiga könöpñinan nalö kunöñ kude bököma.’

⁴⁷^cMewöñanök jegan singisöndok akñangö kölgorom ak gihima ewö, mönö qözöla gilman. Qözöla gilagun je-ilik mala Anutugö bemtohoññöñ angota oyaenköyaen akñanmö, je yahötpuk malnöñga könöp sianöñ gil gihigetka gebanbuk. ⁴⁸^dMiangörej ‘Döhöñini engöhöm pilikuta mala qahö

kömume aiga könöpñinan nalö kunöñ kude bököma.’

⁴⁹Könöp sia miangörej ambazip körek mi howe sihi kölköl ewö könöpñöñ engohogetka sihimbölöñi mötme.

⁵⁰^eHowe mi ölopñi akzapmö, howegö sihimñi mosötma ewö, mi mönö denöwö möhamgögetka nahömñi kunbuk ahubawak? Inñi mewöñanök urumohot malmalgö nahömñi mosötpepuk. Miangöra Suep howeñini mosötpepuköra mönö galömñini memba sutñine luai qem anguba malme.” Mewö.

Awanöm angömosötmosötkö keuñi

Mat 19.1-12; Luk 16.18

10 Jisösnöñ wahöta Kaperneam miri mosöta Jordan o kutuba likepñe anda mötöteiba eta kunbuk o mi kutuba Judia prowinsnöñ kayök. Kaiga ambazip kambulelebenöñ kunbuk yangörej tokogetka akmalöhi, miangö dop kunbuk kusum engiyök.

²Kusum engiiga Farisi (Köna keugö kapañkölköl) tosatñan yangörej kaba keugö bötaknöñ örömapkö esapköm wanggiba kewö qesim wangiget, “Azinöñ anömñi mosötmawi, mewö mianñon Köna keu oñgitma me qahö?”

³Qesim wangigetka meleñda kewö jii mötket, “Mosesnöñ miangö keuñi denöwö jim kutum engiiga ahöza?”

⁴^fMewö jii möta kewö jiget, “Azinöñ angömosötmosöt papia ohoba anömñi ölop mosötma. Mosesnöñ mewö jim kutui ahöza.”

⁵Mewö jigetka kewö jim engiyök, “Yañon mönö uruköhöikñinanögöra aka jimkutukutu mewö ohom engiyök. ⁶^gOhom engiyökmö, Anutunöñ könakönahije yuai pakpak

^b9:43 Mat 5.30 ^c9:47 Mat 5.29 ^d9:48 Ais 66.24

^e9:50 Mat 5.13; Luk 14.34-35 ^f10:4 Dut 24.1-4; Mat 5.31 ^g10:6 Jen 1.27; 5.2

miwikṅaiyöhi, nalö miangörenök ‘Azi aka ambi malmegöra miwikṅaim enḡiyök.’ ^{7h}Miangöra azinön mönö iwinamṅi etkömosöta anömṅaṅören anda qekötahöiga ⁸yetkön sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹Anutunön azi aka ambi mindirim etküyöhi, ambazip kunṅan mönö i kude mendeṅ etkima.”

¹⁰Jisösnön mewö jiba miri uruṅe öṅgöiga gwarekurupṅan keu miangöra kunbuk qesim waṅgiṅet. ¹¹ⁱQesim waṅgiṅetka kewö jii mötket, “Azi kunön anömṅi wuatangöba ambi kun memawi, yaṅön mönö qesabulum sero yongorö akṅa. ¹²Mewöyök ambi kunön apṅi wuatangöba azi kun memawi, yaṅön mönö qesabulum sero yongorö akṅa.” Mewö.

Jisösnön nahönbörat kötuetköm enḡiyök.

Mat 19.13-15; Luk 18.15-17

¹³Ambazip tosatṅan nahönbörat morömorö enḡuangita Jisösnön enḡomisirimapköra yaṅören kaḡetmö, gwarek yeṅön ambazip mi jim qetal enḡiṅet. ¹⁴Mewö aketmö, Jisösnön mi eka uruṅi böliiga kewö jii mötket, “Nahönbörat moröṅi mönö enḡömosötkeṅka nönören kame. Anutunön ambazip mewö mia bemtohoṅi buṅa qem enḡima. Miangöra i kude jöhöm enḡime. ^{15j}Nönön keu öḷṅi kun kewö jibi mötme, “Kunṅan Anutugö bemtohoṅi mi nahönbörat ewö buṅa qahö qem aṅgumawi, yaṅön mönö miangö uruṅe aṅgotmamgö osima. ¹⁶Mewö jiba tambuṅe ala dohongöm enḡiba böröṅi nöröpṅine ala kötuetköm enḡiyök. Mewö.

Jisösnön azi pomṅi kungö qambaṅ keu jiyök.

Mat 19.16-30; Luk 18.18-30

¹⁷Jisösnön könahiba köna anmamgö ahiga azi kunön ösumṅan yaṅören kayök. Kaba wösöṅe geba simin köla kewö qesim waṅgiyök, “Böhi ölöṅṅi, nönön mönö denöwö aka malmal köhöikṅaṅö buṅa qem aṅgubilenḡak?”

¹⁸Qesim waṅgiiga kewö jii mörök, “Nönögöra ‘Böhi ölöṅṅi,’ mi wuanönögöra jizan? Anutu mohotṅan ölöṅṅi akza. Azi kunṅan i ewö ölöṅṅi qahö akza. ^{19k}Gi jöjöpaṅ keu ki möt teközan,

‘Ambazip kun kude qenön kömuma. Sero yongorö kude akṅan. Yongorö kude meman. Jitnön alal keu kude jiman. Kalöpköba yongorö kude meman. Iwinamgi mönö göda qem etkimakṅan.”

²⁰Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

²¹Mewö jiiga Jisösnön uba eka urukönömṅan jöpaköm waṅgiba kewö jii mörök, “Mohot kungöra kewö osizan: Gi mönö anda sukinapki pakpak söṅöröṅi memegöra alnön moneṅ kaiga ambazip wanapṅi engiman. Mewö aknönnga sukinapki ketanji (guli masapugi milyön kinagi ewö) ketanji mi Suep mire ahöm gihima. Mewö aka ni nuatangöba kaman.” ²²Jisösnön mewö jiyökmö, sukinapṅi gwötpuk ahöyöhaṅgöra aka keu mi möta uruṅi bosoleiiga wösöbirik aka jeṅi asöliiga öne mosöta anök.

²³Mosöta aniga Jisösnön ui anda kaiga gwarekurupṅi kewö jii mötket, “Yei! Ambazip moneṅ inapṅinambuk yeṅön mönö Anutugö bemtohoṅnön aṅgotpingö lömböriba kupuk-kapak akṅe.”

^h10:7 Jen 2.24 ⁱ10:11 Mat 5.32; 1 Kor 7.10-11 ^j10:15 Mat 18.3

^k10:19 Eks 20.12-16; Dut 5.16-20

²⁴ Mewö jiiga gwarek yejön mi möta welipkögetmö, Jisösnöñ toroqeba kewö jii mötket, “Gupanurupni, ambazip denike yejön moneñ inapñini möt narimakzei, yejön mönö Anutugö bemtohoñ uruñe aņgotpingö lömböriba kupuk-kapak akñe. ²⁵ Mi kewö jim tuarimam: Sömbup ketañi kamel mi kondi kinimñe ölöp qahö aņgotma. Miangö dop ambazip pomñi yejön Anutugö bemtohoñ uruñe aņgotpingö lömböriba qaköme.”

²⁶ Mewö jii möta aurum tililingöba nanñinağöra kewö jigeť, “Opoñ! Ambazip dañon mönö Suepkö buñaya akawak?”

²⁷ Mewö jigeťka Jisösnöñ uba engeka kewö jiyök, “Ambazipnöñ mi esapköba osiba qakömakzemö, Anutunöñ mewö qahö ahakza. Anutunöñ mönö yuai pakpak ölöp ahakza. Yañon yuai kun aka memamgö qahö osiba qakömakza.” Mewö.

Jisösgö nup memegö töwanj

²⁸ Pitönöñ keu mi möta melenđa Jisös kewö jii mörök, “Mötnöñ, neñon mönö yuai pakpak mosöta gi guatağöba kain.”

²⁹ Mi möta Jisösnöñ kewö jiyök, “Nöñon keu öljñ kun kewö jibi mötme: Kunñan nöñgö aka Ölöwak Buñagöra aka yuai kun mosöröhi, - mi jike mirinñi, darumunñi, nenbehötñi, iwinamñi, nahönböratñi me nup kisinñi - mi enğömosöriga Anutunöñ mönö miangö likepñi onğita melen wañgiiga sehima. ³⁰ Kunñan yuai mi mosöröhi, Anutunöñ mönö salupñe mi 100:kö dop toroqeba wañgiiga nanñi buñaya akñe. Gölmegö malmalnöñ sesewerowero uruñe malmamö, jike miri, darumun, nenbehöt, iwinam, nahönbörat aka nup kisi mi mönö salupñe ahum wañgima

aka nalö könanğepñe malmal köhöikñi teteköñi qahö buñ qem aņguma. ³¹ Mewö asuhumapmö, mutukñi enğöreñök gwötpukñan dagibezupñi aketka dagibezupñi yengöreñök gwötpukñan mutukñi akñe.” Mewö.

Kömumamgö keuñi jiiga karöbut ahök.

Mat 20.17-19; Luk 18.31-34

³² Jisösnöñ gwarekurupñi yembuk Jerusalem sitinöñ öngöbingöra gölme köna anet. Jisösnöñ mutuk aniga gwarekurupñan andöñe anda welipköget aiga ambazip andöñine kageri yejön mönö keñgötñini mötket. Mewö aketka Jisösnöñ gwarekurupñi 12 mi kunbuk öröm enğiba könahiba kusum enğiyök. Yañöreñ yuai asuhumawi, keu mi jim asariba kewö jiyök, ³³ “Mötket, nini Jerusalem öngöbin. Miangöreñ kunñan Suep gölmegö azi öljñ mamalolo mem wañgiiga jike nup galöm aka Köna keugö böhi yeñgö böröñine gema. Yejön kömumapkö keuñi jim teköba kian gawman yeñgö böröñine al wañgime. ³⁴ Al wañgigetka mepaiköba söutkölap qeba ihilek wahiñambukñon tauköm wañgime. Tauköm wañgiba qegetka kömuma. Kömumba wehön karöbut teköiga kömupnöhök wahötma.” Mewö.

Jeims Jon yetköñ yuaigöra ulerohot.

Mat 20.20-28

³⁵ Jisösnöñ mewö jiiga Jebedigö nahönyahötñi Jeims aka Jon yetköñ yañöreñ anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Injiri wani yuai ak etkimamgöra mötzahot?”

¹10:31 Mat 20.16; Luk 13.30

³⁷ Qesim etkiiga kewö jiyohot, “Göñön ölop jim kutunönga niri göhö asakmararajñonj eu öngöba kunöñ börögi ölje aka kunjan börögi qanije tata yuai pakpak galöm kölbinak.”

³⁸ ^mMewö Jiyohotmö, Jisösnöñ kewö jii mörohot, “Injiri miañgö könaj qahö möt yaköba uletzahot. Nöñön qambi asöljambuk nemami, injiri mi ölop nempa sihimbölo mötmahot me qahö? Jöm nöngwambuknöñ melun mem ningime, injiri mi memahot me qahö?”

³⁹ Jii möta jiyohot, “Mi ölop membit.”

Jiyohotka kewö jii mörohot, “Mi ölja! Nöñön qambi asöljambuk nemami, injiri mi mewöñanök nemahot aiga jöm nöngwambuknöñ melun mem ningime, miañön mönө injiri mewöyök melun mem etkime. ⁴⁰ Mem etkimemö, nöngö böröni ölje me qanije dañön tatmahori, nöñön keu mi jim kutumamañgö dop qahö. Anutunöñ dum yahöt mi denike yetköra mözözömgöyöhi, mi mönө yetköra etkiiga nömbuk tata galöm kölmahot.” Mewö.

Galöm öljan mönө welenqeqeya akza.

⁴¹ Jeims Jon yetköñ mewö ulerohotka alaurupñi 12 yeñön mi möta könahiba urubölo aket. ⁴² ⁿMewö aketmö, Jisösnöñ engoholi kagetka kewö jii mötket, “Gölmegö kantriñi kantriñi mieñgö jembonjan galöm köl engibingö jizei, yeñön mönө azi kembu tandök ak engimakze. Yeñgö ketañamñinan mönө keu jim kutuba mindiñgöm engiba kukösumñini kondelakze. Injini könajini mi ölop mötze. ⁴³ ^oEngö sutjine silik mewö ahöbapukmö, kunjan engö sutjine ketañamñini akñamgö mötzawi, yañön mönө welen qem engiba malma. ⁴⁴ Mewöyök kunjan engö sutjine mu-

tukñi malmamgö mötzawi, yañön mönө körek engö nembö bañjine mala welenqeqeñini omanj akña. ⁴⁵ Suep gölmegö azi öljan mönө mewöyök silik mewöñi kondela nanñi welen qem wañgimegöra aka qahö kayök. Qahöpmö, welen qem engiba ambazip sehiseñi yeñgö sohopñini memamgöra aka eta malmalñi kölenda mosötma.

Bartimeus jeñi gömöliiga mem ölöwahök.

Mat 20.29-34; Luk 18.35-43

⁴⁶ Jisösnöñ gwarekurupñi yembuk Jeriko sitinöñ kaget. Kaba siti mi mosötpingö aketka ambazip kambulembenöñ enguatangöba andöñine kaget. Mewö kagetka jegömöl azi qetñi Bartimeus, Timeusgö nahöññi yañön moneñ aka nene wañgimegö ulet engiba köna jitje tarök. ⁴⁷ Tariga “Nazaret-azi Jisösnöñ kaza!” jiget möta könahiba kewö qerök, “Jisös Deiwidkö gwölöñarökñi, mönө ak-kömum ningiman!”

⁴⁸ Mewö qeriga gwötpukñan böc tatmapköra qetal wañgigetmö, yañön mönө kapañ köla qerök. “Deiwidkö gwölöñarökñi, mönө ak-kömum ninginöñ!”

⁴⁹ Qeriga Jisösnöñ dörok ala kewö jiyök, “Ölop qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönө mötkurumkurum mosöta wahöta kaman.”

⁵⁰ Mi möta malukunñi qeköba gila porañ wahöta kinda Jisösgöreñ anök.

⁵¹ Aniga kewö qesim wañgiyök, “Alani, nöñön wani yuai ak gihimamgöra mötzan?” Mewö qesim wañgiiga jegömöl azinöñ jiyök, “Ketañamni, ni jeni kunbuk umamgöra mötzal.”

^m10:38 Luk 12.50 ⁿ10:42 Luk 22.25, 26

^o10:43 Mat 23.11; Mak 9.35; Luk 22.26

⁵²Mewö jiiga Jisösnönj kewö jii mörök, “Mötnaripkan mönö mem ölöwak gihiza. Mönö ölop anman.” Mewö jii möta jejan miangörenejök tohoiga uba andöjine Jisös wuatangöba anök. Mewö.

Jisösgöra köirañ kölgetka Jerusalem öngöyök.

Mat 21.1-11; Luk 19.28-40; Jon 12.12-19

11 Jisösnönj gwarekurupñi yembuk Jerusalem siti dopdowiba Betfage aka Betani miri yahöt kösutjire kaba Oil ip kunduje öngöba gwarekyahötñi yahöt melaim etkimangöra aka ²kewö jii mörohot, “Miri wösöjire tatzawi, mönö miangöreñ anohot. Anda miangöreñ angota doñki moröñi kösönönj jöhöget kinjawi, mi miangöreñök miwikñaimahot. Doñki mi dölökña, azi kunñan qakñe qahö tatatña. Mi mönö pösata memba ki kamahot. ³Pösarohotka kunñan ‘Wuanöngöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jiiga kazira zilañ melenjiga kunbuk ki kama.’

⁴Mewö jiba melaim etkiiga anda doñki moröñi miri towokñe miri kungö nanguje kösönönj jöhöget kiniga miwikñaiiba pösarohot. ⁵Pösarohotka azi tosatñi miangöreñ kingeri yeñön kewö qesim etkiget, “Hei, wania akitkörö doñki moröñi pösatzahot?”

⁶Mewö qesim etkigetka Jisösnönj jiyöhañgö dop jiyohot möta “Ölop memba anmahot,” jiget. ⁷Jigetka memba Jisösgöreñ kayohotka malukuñini qeköba doñki moröñangö

qakñe algetka öngöba tarök. ⁸Mewö tata aniga ambazip jesöngöñan göda qeba malukuñini qeköba köna namñe tumbulgetka tosatñan gölme köröñe anda ip sinñi mitiba tumbulget. ⁹^PTumbulgetka ambazip jeñe köl öröba angeri aka andöñe wuatangöba kageri, yeñön kewö jiba qetket, “Hosana, owe owe! Anutu möpöseizin. Kembugö qetñe kamawi, Anutunönj mönö i kötuetsköm wañgima. ¹⁰Kiñ Deiwidnönj kantri tohoñ kuñguba galöm köl engiyöhi, nalö mewöñan mönö kunbuk kam neñgiza. O Anutu mönö kantri tohoñnini kötuetsköman. Hosana! Qetbuñagi möpöseininga euyangöreñ öngöza. Owe Owe!”

¹¹Mewö qetketka Jerusalem sitinönj öngöba jöwöwöl jikegö tohoñ uruñe anök. Miangöreñ liliköba yuai pakpak ehi mare ahiga eta gwarekurupñi 12 yembuk jike mosöta Betani mire anda ahöget. Mewö.

Jisösnönj fig ip kun quesuahöiga ululungöyök.

Mat 21.18-19

¹²Ahöba söñanök wahöta gwarekurupñi yembuk Betani miri mosöta angetka Jisösnönj nenegö kömuyök. ¹³Nenegö kömumba ui aniga fig ip kun** sinñambuk kini ehök. Eka “Sinñangö uruñe ölni tari miwikñaiiba nembileñak,” jiba fig ipkö könaje anök. Anökmö, ölnangö nalöñan qahö töriyöhañgöra sinñanök kini ehök. ¹⁴Mewö eka ip mi kewö jim wañgiyök, “Kunñan ölgü kunbuk kude nema.”

Mewö jim wañgiiga keu mi gwarekurupñan mötket. Mewö.

** 11:13 Fig mi sambu ipkö alañi kun. Mi nupñine kömötketka kötni nahömñinambuk asuhugetka gwötpuk nemakzema.

Jisösnöŋ jöwöwöl jike jim kömbuhiyök.

Mat 21.12-17; Luk 19.45-48; Jon 2.13-22

¹⁵ Anda mala Jerusalem sitinöŋ öngögetka Jisösnöŋ jöwöwöl jikegö tohoŋ uruŋe anök. Miangöreŋ ambazip engehiga inap bohonŋi memegöra algetka söngöröŋi megeri, mi könahiba közöl engiiga etket. Moneŋ utekutek ambazip yeŋgö jakeŋini metali anget. Mewöyök kembö bohonŋini memegöra algeri, miengö dum tatatŋini mi tok tötaliga anget. ¹⁶ Sombem kömbukŋi kutuba yuai siriba aŋgotkaŋgotkö könaŋi jöhöyök. ¹⁷ ^qMewö aka kusum enŋiba kewö jii mötket, “Aisaianöŋ keu kun kewö ohoi ahöza, ‘Nöŋgö jikenan mönö gölmeŋi gölmeŋi pakpak yeŋgö köulukö miriŋina akŋapkö qetme.’ Keu mi ahözapmö, iŋini mi utekögetka kegwek-kahasiliŋ yeŋgö baŋet ewö akza.”

¹⁸ Mewö jii möta ambazip kambu pakpak yeŋön miangöra nemböŋini teköiga welipköget. Miangöra jike nup galöm aka Köna keugö böhi yeŋön mi möta Jisösgöra keŋgötŋini möta eraum möta kewö jiget, “Mönö denöwö jiinga qegetka kömumbawak?”

¹⁹ Mare ahiga Jisösnöŋ gwarekurupŋi yembuk siti mosöta yaigep anda ahöget. Mewö.

Fig ipnöŋ uluŋgöiga eket.

Mat 21.20-22

²⁰ Ahöba söŋanök wahöta könanöŋ anda fig ip mi oŋgitpingö aketka jalöŋambuk uluŋgöba kini eket. ²¹ Kiniga Pitönöŋ Jisösgöreŋ keu mötmöriba kewö jii mörök, “Ketaŋamni eknöŋ, fig ip qesuahönöŋi, mi mönö uluŋgöba kinja.”

²² Jii möta Jisösnöŋ kewö meleŋnök, “Anutugö mötnarip mönö töp memba malme.” ²³ ^rNöŋön keu öŋi kun kewö jibi mötme, “Kunŋan keuŋangö öŋi ahumapkö uruyahöt qahö aka kunduŋi kiangö toŋangöra kewö jim kutubawak, ‘Mönö kunduŋi ki qeköba wahöta anda köwetnöŋ alman.’ Mewö jim kutuba Anutu möt nariiga öŋi mönö miangö dop ahuma. ²⁴ Miangöra nöŋön kewö jibi mötme: Wani yuaigöra qe-siba köulukömei, mi pakpak lök buŋa qem aŋguzin, mewö möt narigetka mönö buŋaŋini akŋa. ²⁵ ^sIŋini kinda Anutu köulukögetka kunŋan alaŋangö pinjitköra urubölö akŋa ewö, pinjit mi mönö mosötme. Mewö akŋe ewö, enŋö Iwiŋini Suep mire maljawaŋön mönö mewöŋanök enŋöreŋ siŋgisöndok mosötma. ²⁶ (Iŋini tosatŋi yeŋgöreŋ siŋgisöndok qahö mosötme ewö, enŋö Iwiŋini Suep mire maljawaŋön mönö mewöŋanök enŋöreŋ siŋgisöndok qahö mosötma.)” Mewö.

Jitŋememe yeŋön Jisösgö kukösumŋangö qesiget.

Mat 21.23-27; Luk 20.1-8

²⁷ Jisösnöŋ gwarekurupŋi yembuk kunbuk Jerusalem sitinöŋ öngöget. Öngöba jöwöwöl jikegö tohoŋ uruŋe anda kaiga jike nup galöm, Köna keugö böhi aka kantrigö jitŋememe tosatŋi yeŋön yaŋgöreŋ kaŋgotket. ²⁸ Kaŋgota kewö qesim waŋgiget, “Gi kiangöreŋ yuai akzani, mi mönö daŋön jim kutum gihiiga ahakzan? Mi memamgö kukösumŋi mi daŋön gihiyök?”

²⁹ Qesim waŋgigetka kewö meleŋ enŋiyök, “Nöŋön mewöyök keu kun qesim enŋimam. Mi meleŋ niŋgigetka nöŋön mewöyök daŋön kukösum niŋgiiga yuai ki ahakzali, mi jibi mötme. ³⁰ Jonöŋ ambazip o-melun

mem engiba malöhi, yañon miangö kukösumñi mi denikeyök meyök? Suep Toñan wañgiyök me gölme toñan wañgiget? Mi jiget mötmam.”

³¹Mewö melej engiiga sutñine eraum möta kewö jiget, “Kukösumñan Suepnöhök asuhuyök,’ mewö jibin ewö, yañon mönö kewö jima: Injini mönö wuanöñgöra Jon qahö möt narim wañgiget? Mi qahö dop kölja. ³²Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapqetok azia akza,’ jigerangöra aka ambazip kambu yengöra kenğötñini möta mi jibingö osiget. ³³Miangöra “Mi qahö mötzin,” melenget. Mewö melengetka Jisösnöñ kewö jii mötket, “Mewö aiga nönön mewöyök yuai ki ahakzalangö kukösumñi dañon niñgiyök, mi qahö jibi mötme.” Mewö.

**Wain kösö nup galöm
bölöñi miengö dopkeu**

Mat 21.33-46; Luk 20.9-19

12 ¹Jisösnöñ könahiba ambazip dopkeunöñ kewö jii mötket, “Azi kunöñ wain kösö nup kun köla kömörök. Köla kömöta selñi memba liliköyök. Mem liliköba wain jout ketañi kötnöñ meyök. Miangöreñ waingö öñji ala könanöñ tözöhölget oñan lalanöñ geyök. Wain jout ketañi mi memba wain yongorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim engiba kewö jiyök, “Mönö nup memba öljangö bahöñi nanñini memba bahöñi toñi ni niñgime.” Mewö jiba nup mi böröñine ala engömosöta kantri kunöñ anda malök. ²Mala mali öñji öliyöhanğö nalöñi (yambu 5) töriiga miangöreñ welenqeqeñi kun melaim wañgiiga

galöm yengöreñ anda wain nup öljangö bahöñi wañgimegöra jiyök. ³Jiyökmö, galöm yeñon i memba jöhöba kömbinöñ qeba wuatangögetka böröñi börak lilingöyök. ⁴Miangö andöñe welen azi kun melaii yengöreñ aniga nöropñi qesiñda gamu qem wañgiget. ⁵Miangö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim engiiga tosatñi kömbinöñ sepgwörörök engiba tosatñi enguget kömuget. ⁶Mewö aketka wain nup toñan keu jaruba jiyök, ‘Nani wölböt nahöni mohok mi tok malja. I mönö göda qem wañgime me denöwö?’ Mewö jiba qöndökñi mi nahönña melaiiga yengöreñ anök. ⁷Anökmö, kaiga eka sutñine kewö jiget, ‘Yañon mönö börösamotñangö toñi akña. Ayop, mönö memba qein kömuiga wain kösö nup kianöñ mönö nanine buñanina akña.’ ⁸Mewö jiba memba jöhöba qeget kömuiga qamötñi nup yaigepñe gilget geyök.

⁹Wain nup toñan mi möta mönö denöwö akña? Yañon mönö nanñak kaba nup galöm mi köndeñ engima aka nup galöm dölöknji miwikñaim engiba wain kösö nupñi yengö böröñine alma. ¹⁰“Buña Kimbigö keu ki lök oyongget me qahö?

‘Miri meme yeñon köt tandö kun andö qeba öne mosötket taröhi, miangöñ mönö tandö kömböñañi ahiga miwikñaiget. Miangöñ tiñgiriga mirinöñ mönö gororongöba eta kölma.

¹¹Kembunöñ tandö mi kuñguiga jeninan ehinga qetbuñabuk ahiga welipkömakzin.”

¹²Jisösnöñ mewö jiiga galöm yeñon keu miangö köñañi möt asariba kewö jiget. “Dopkeu mi mönö neñgöra jiza.” Miangöra i memba jöhöbingö mötketmö, ambazip kambu yengöra

keŋgötjini möta osiba mosöta anget. Mewö.

Takis alalgö Jisös esapköm waŋgiŋet.

Mat 22.15-22; Luk 20.20-26

¹³Juda jitjememe yeŋön Farisi aka premiö Herodkö pati alaurup tosatŋi melaim enġiba kewö jiget, “Iŋini mönö Jisösgöreŋ anda qesiba keugö bötaknöŋ öroi gwaröhöm waŋgime.” Mewö jigetka Jisösgöreŋ kaget. ¹⁴Jisösgöreŋ kaba kewö jigetka mörök, “Böhi, göŋön azi öljä akzani, nini mi mötzin. Göŋön ambazip tosatŋi qahö enġek soriba tosatŋi qahö qepureim enġimakzanmö, dop mohotnöŋ kewöt neŋgimakzan. Miaŋgöra kuŋgum gihigetka qahö goŋgiba ketanŋi qahö esuhum enġimakzanmö, Anutugöreŋ köna mi keu öljäŋgö dop kusum neŋgimakzan. Göŋön Anutugöreŋ keu diŋdiŋi miaŋön öngöŋgöŋi eretŋi mohot pakpak jim qindiŋ ak neŋgimakzan. Miaŋgöra nini sisa-kiŋgöra takis ala miaŋön Mosesgö Köna keu siŋgibin me qahö? Mi alinga dop kölja me qahö?”

¹⁵Mewö jiget möta areŋini munenŋi mi möt kutuba kewö jii mötket, “Iŋini wuanöŋgöra keugö bötaknöŋ al niŋgibingö esapköm niŋgize? Ölöp silwö moneŋ (Kina 5) kun memba kaget eki.”

¹⁶Mewö jiiga mi memba kagetka kewö qesim enġiyök. “Dagöreŋ imut aka qet mi ki ohoget ahöza?” “Mi sisa kiŋgöreŋ!” Mewö melenċa jiget.

¹⁷Jigetka kewö jii mötket, “Mewö ahiga yuai sisa-kiŋgö imutŋambuk buŋaŋi ahözawi, mi mönö yaŋgöra al waŋgime. Yuai kun Anutugö buŋaya ahözawi, mi mönö Anutugö buŋa geme.” Mewö jii möta yaŋgöra gwötpuk welipköget. Mewö.

Kömupnöhök wahötwahötkö esapköm waŋgiŋet.

Mat 22.23-33; Luk 20.27-40

^{18v}Sadyusi (Jike nupkö kapaŋkölköl) yeŋön “Kömugeri yeŋön kude wahötme,” jiba malget. Yeŋgöreŋök tosatŋan Jisösgöreŋ kaba kewö qesim waŋgiŋet, ^{19w}“Böhi, Mosesnöŋ kewö jim kutum neŋgiyök ahöza,

‘Azi kun ambi meiga nahönbörat qahö ahui kömumba malöŋi öne mosöriga munŋan ölöp malöŋi memba gwölönarök qiwikŋaim waŋgiiga datŋaŋgö qet bisiba malma.’

²⁰Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ²¹Kömuiga munŋan malöŋi mi memba mala mewöyök gwölönarökŋi qahö öne kömuyök. Kömuiga munŋi kun yaŋgö bapŋe miaŋön ambi miyöhök memba mala öne kömuyök. ²²Mewöŋa mewö darumun 7 pakpak yeŋön ambi mohot miyöhök memba gwölönarök qahö mala kömum teköget. Körek kömugetka qöndökŋi malöŋini mi mewöyöhök kömuyök. ²³Göŋön Kömugeri yeŋön guliba wahötme, jizanmö, nini mi qahö möt narizin. Mötnöŋ! Azi 7 pakpak mi öröröŋ wahötpeak ewö, ambi möhot mi anömŋina meget malöhaŋgöra aka mönö dagö anömŋa akawak?”

²⁴Mewö qesigetka Jisösnöŋ melenċa kewö jii mötket, “Iŋini keu jim sohoze. Urumelenġö Buŋa Kimbiŋi aka Anutugö kukösumŋi qahö möt kutuzeaŋgöra mönö jaŋjuŋ ahakze. ²⁵Öljä, kömupnöhök wahöta nalö miaŋgöreŋ awanöm qahö akŋemö, garata yeŋön Suep mire maljeaŋgö tandök aka malme. ^{26x}Mötket!

Kömugeri, yeñon guliba wahötmegö keuñi mi Mosesgö Buknön kewö ahöza: Sötman köhösonön könöp bölam ahuba qahö jem kutuyöhi, inini kösohot mi oyonget me? Anutunön miañgören Moses kewö jii mörök,

‘Nöñon Anutu Abrahamgö Kembu, Aisakö Kembu aka Jeikobkö Kembuya mala kota maljal.’

²⁷ Isik bömön karöbut yeñon Anutubuk mala mal köhöiba öngöme. Anutunön köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza. O Sadyusi (Jike nupkö kapañkölköl pati) inini mönö keu gwötpuk möt sohomakze.” Mewö meleşnök.

Jöjöpañ keu bohonñi yahöt mi denöwö?

Mat 22.34-40; Luk 10.25-28

²⁸ ^yJisösnön Sadyusi (Jike nupkö kapañkölköl) yembuk eraum möta jim soroköba meleş engiyöhi, mi Köna keugö böhi azi kunön mörök. Mewö möta jeñe kangota kewö qesim wañgiyök, “Jöjöpañ keu pakpak miengöreñök bohonñi ketañi mi denöwö?”

²⁹ ^zQesim wañgiiga meleşnök, “Bohonñi ketañi mi kewö, ‘Israel könagesö mötket! Anutu mi Kembunini. Yañon Kembu mohot ahiga bem alañi kun qahö.

³⁰ Miañgöra urugi jömukñi, uñagi jömukñi, mötmötki jömukñi aka kuki jömukñi, miañon mönö Kembu Anutugi jöpaköba malman.”

³¹ ^aJöjöpañ keu miañgö alañi kewö, ‘Nangi jöpaköm aņgumakzani, mewöñanök mönö ambazip pakpak jöpaköm engiba malman.’

Jöjöpañ keu kunñan mönö keu yahöt mi qahö etkoņgitzä.”

³² ^bKöna keugö böhigöra mewö meleşniga jiyök, “Böhi! Gi törörök keu ölnaņgö dop jizan. Anutunön mohot akza. Bem alañi kun qahö.

³³ ^cGi urugi jömukñi, mötkutukutugi jömukñi aka kuki jömukñi, miañon Anutu jöpaköba malman. Aka nangi jöpaköm aņgumakzani, mewöñanök mönö ambazip pakpak jöpaköm engiba malman. Jöjöpañ keu yahöt mi bohonñi ketañi akzahot. Mi tem kölmani, miañon mönö jöwöwöl pakpak aka naluk kötin tosatji engoņgitzä.”

³⁴ Mewö jiiga Jisösnön urumötmötñi möri dop köliga kewö jii mörök, “Gi Anutugö bemtohoņnön aņgotmamgö dopdowizan.” Mewö eraum möröhotka körek yeñon Jisös toroqeba qesim wañgibingö kölköldömdöm aka mosötket. Mewö.

Kraist mi kiñ Deiwidkö kembuñi aka gwölönarökñi.

Mat 22.41-46; Luk 20.41-44

³⁵ Jisösnön jöwöwöl jikenön kindä Buña keu kusum engiba kewö qesim engiyök, “Kraistnön kiñ Deiwidkö gwölönarökñi akzawi, Köna keugö böhi yeñon keu mi denöwögöra jimakze?

³⁶ ^dDeiwidnön nanñak Uña Töröñan sölölohöm wañgiiga kewö jiyök, ‘Anutunön kindä nöngö Kembuni kewö jii mörök: Göñon mönö kaba nöngö böröni ölnje tatnonga nöñon nalö sutñe kerökurupki tim tötöla luhut aleşgiba göhö köna tambö gwaröñe al engimam. Nalö mi kam kuņgumawañgö dop mönö asakmararañnön ki tatman.’

³⁷ Deiwidnön nanñak mewö jiba qetñi ‘nöngö Kembuni’ jiza.’ Kembuni jiba

^y12:28 Luk 10.25-28 ^z12:29 Dut 6.4-5 ^a12:31 Lew 19.18

^b12:32 Dut 4.35 ^c12:33 Hos 6.6 ^d12:36 Sum 110.1

mönö denöwö aka yangö gwölönarökñi mohot akawak?” Mewö jiiga ambazip kambu ketañi yeñön Jisösgö keuñangö sihimñi möta kezap alget. Mewö.

**Urumeleñgö silesile
malmalgö galöm meme keu.**

Mat 23.1-36; Luk 20.45-47

³⁸ Jisösnöñ kusum engiba toroqeba kewö jiyök, “Injini mönö Kóna keugö böhi yengöra galöm memba malme. Yeñön maluku köröpñi löngöta anda kaba kondel angubingö mörakze aka maketnöñ me kónanöñ ambazip engigetka jölöñini jimegö mörakze. ³⁹ Köuluk mire qaikçe eu tatpingö sihimñi mörakze, aka közölömbuaññöñ dum tatat mutukçe jegep tatpingö mörakze. ⁴⁰ Yeñön malö yengören miri yuai bidañda gagabe köla enguangirakze, aka qetbuññini asuhumapköra köuluk köröpñi köuluköba töptöpñine qemakze. Miangöra Anutunöñ keuñini jim teköba likepñi öngöngöñi meleñni qakñine öngöma.” Mewö.

**Ambi malö kunöñ naluk
kötin ölni alök.**

Luk 21.1-4

⁴¹ Jisösnöñ jöwöwöl jikenöñ naluk dundum andöñje tariga ambazipnöñ moneñ miangören alget geiga uba engehök. Ambazip pomñi sukinapñinambuk gwötpuk yeñön kangota kina moneñ lömbötñambuk alget geyök. ⁴² Alget geiga malö wanapñi kunöñ kangota souje kötñi yahöt, mi toiya tosatñi miangö dop ali geyök. ⁴³ Jisösnöñ mi eka gwarekurupñi köñ öröm engiba kewö jii mötket, “Nöñön keu ölni kun kewö jibi mötme: Malö wanapñi kianañön naluk aljawi, mi mönö tosatñi pakpak yeñön yuai dundumnöñ alget gezawi, miangö dopñi öngita alja. ⁴⁴ Körek yeñön moneñ

gwötpuk ahöm engiiga kitipñanöhök aljemö, ambi kianañön mönö köruebörue maljawangö dop yuaiñi pakpak al teköba öne töhön malma.” Mewö.

**Jöwöwöl jikenöñ
köndenñmöñden asuhuma.**

Mat 24.1-2; Luk 21.5-6

13 Jisösnöñ jöwöwöl jike mosöta eriga gwarekurupñi yengörenök kunñan kewö jii mörök, “Böhi eknöñ! Jikegö tohoñ uruñe miriñi miriñi mi mönö wewelipñambuk. Mi kötnöñ memba meñölögetka ölpöbölöpñi kinja.”

² Jisösnöñ mi möta keu kewö meleñnök, “Jikegö tohoñ uruñe miri ketañi ki engekzanmö, mi mönö köndenñgetka mirigö köñ kun mi köñ kungö qakçe qahö ahömapmö, qeqelanñaj aka sahoññanök ahöma.”

**Kahasililiñ aka
sesewerowero asuhuma.**

Mat 24.3-14; Luk 21.7-19

³ Mewö jiiga Oil ip kundunje öngöba likepñe endu jöwöwöl jikenöñ kinöhi, mi eka tatket. Miangörenñ tata Pitö, Jeims, Jon aka Andru yeñön Jisös nanñök öröba kewö qesim wangiget, ⁴ “Böhi! Keu jizani, miangö ölni mönö wanat nalönöñ asuhum tiñgitma aka yuai pakpak mi könahiba asuhum tekömawi, miangö aiwesökñan mönö denöwö asuhuma? Mia ölpö jinöñ mörin.”

⁵ Mewö qesim wangigetka könahiba kewö jii mötket, “Kunñan isimkakalek aiga janñuñ anbepeköra mönö galömñini memba malme. ⁶ “Ambazip gwötpukñan asuhuma nöngö qetne kewö jime, ‘Nöñön Kraist akzal.’ Mewö jiba ambazip gwötpuk tilipköm engime. ⁷ Injini yarö miengö buzupñini aka öñöñini asuhugetka mörakçe. Mi möta jönömñini kude undumakña. Yuai

mewöŋi mi mutuhök asuhumapkö jijijä. Mi asuhumapmö, gölmegö nalöŋan mönö miangöreŋök zilaŋ qahö teköma. ⁸Kantri kunöŋ kantri kun engubingöra wahötme. Ambazip kambu kunöŋ kambu kun yembuk aröŋ angubingöra wahötme. Gölmeŋi gölmeŋi miangöreŋ kenöŋ ketaŋi ketaŋi qözöla memba gölme meleŋni gemakŋa. Mewöyök bödiŋi bödiŋi (buöröŋi buöröŋi) asuhuba öŋgöba ahöma. Yuai mewöŋi mi ambi köröbuknöŋ masi könahiba engumakzawaŋgö dop. Gölmegö nalöŋan mönö miangö dop könahiba tekömangö akŋa.

⁹eMewö akŋapmö, injini ölop galömŋini mem anguba malme. Ambazipnöŋ injini öröba keu jakeŋe al engiba köuluk mireŋini keu nupŋini memba kömbinöŋ engume. Tosatŋan nöŋgöra aka enguangitketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. Mewö kinda nöŋgö könajamni nanŋöba jigetka mötme. ¹⁰Ölöwak Buŋa ki mönö mutuk gölmegö kantriŋi kantriŋi pakpak yeŋgöra jim sehim tekögetkun gölmegö nalöŋan miangö andöŋe teköma. ¹¹Öröba enguangita keu jakeŋe al engigetka kinmei, nalö miangöreŋ keu denöwö jibinak, miangö waimanjatŋi qeljiŋe kude mötme. Uŋa Töröŋan aua miangöreŋök keu engimawi, mönö mia jime. Nanŋine uruŋinangöra keu qahö jimemö, Uŋa Töröŋan mönö uruŋini sölölohöiga keu jime. ¹²Urumelenŋö kopa kunöŋ darumunŋan uruŋi meleŋnöhangöra aka i mamalolo meiga keu jakeŋe algetka qeget kömuma. Mewöyök iwi kunöŋ nahönböratŋi mamalolo meiga kömuma aka nahönbörat yeŋön iwinamurupŋini qetal engiba jigetka

enguget kömume. ¹³fKantri pakpak yeŋön nöŋgö qetnanŋöra aka kazik ak engigetka malmemö, kunŋan kapaŋ köla köhöiba böŋ qeba kinda maliga gölmegö nalöŋan tekömawi, yeŋön mönö oyaenŋkoyaeŋ buŋa qem anguma. Mewö.

Jerusalem sitigö köndenmönden uru-önönjambuk

Mat 24.15-28; Luk 21.20-24

¹⁴g“Könanŋep tosatŋan kaba köndenmöndenŋ aka yuai angöjörakŋambuk jikenöŋ qahö alalgö dop mi altanöŋ ala kiniga ekŋei, - keu ki oyoŋmawaŋön mönö ölop kezap ala möt kutuma - nalö miangöreŋ Judia prowinsnöŋ malmei, eŋön mönö misingöba öröba kundufe anme. ¹⁵hMiri kösutŋe sombemnöŋ malmawaŋön mönö eta yuaiŋi memangöra miri uruŋe kude öŋgöma. ¹⁶Nupnöŋ anda malmawaŋön mönö mewöyök malukuŋi memangöra lilingöba mirinöŋ kude anma. ¹⁷Yei! Ambi gölömbuk aka morö juzunöŋ yeŋön nalö miangöreŋ denöwö ösumŋinan anbeak. ¹⁸Miangöra yuai mi kie luhut nalöŋe kude asuhumapköra köuluköme. ¹⁹iNalö miangöreŋ kahasililiŋ keta bölöŋŋi asuhuma. Kahasililiŋ dopŋi mewöŋi mi mönöwök nalö kungen kude asuhuba ahöyök. Anutunöŋ yuai pakpak miwikŋaiyöhi, nalö miangöreŋök könahiba nalö kiangöreŋ mala kota nalö sutŋe kun qahö asuhuyök. Mönöwök qahö asuhuyök aka könanŋep nalö kunöŋ qahö ahuma. Miangöra mönö köuluköba malme. ²⁰Kembunöŋ wahöjaliŋ nalö mi qahö mem töribawak ewö, ambazip köreŋan mönö ayuhum teköbeakmö, ambazip nanŋangöra möwölöhöm engiyöhi, yeŋgöra aka

^e13:9 Mat 10.17-20; Luk 12.11-12 ^f13:13 Mat 10.22

^g13:14 Dan 9.27; 11.31; 12.11 ^h13:15 Luk 17.31 ⁱ13:19 Dan 12.1; Ind 7.14

wehön miengö qötöjini mi mem törima.

²¹Nalö miangöreñ kewö jime, 'Mötket! Kraistnöñ ki malja.' aka 'Eket! Amötqeçe Toñan endu kinja.' Kunñan mewö jima ewö, mi mönö kude möt narime. ²²Mi kewögöra: Amötqeçe toñi munenji aka kezapqetok ambazip takapulakanji asuhuba aᅅgöletot aka aiwesök jemurutñi megetka letotme. Mewö letotketka Anutunöñ ambazip nanñangöra möwölöhöm eᅅgiyöhi, i mewöyök eñololoñ mem eᅅgimegö esapköba kapan kölgetka janjuñ akepuk. Eñön ölpñanök galömñini memba malgetka mi osibeak. ²³Nöñön yuai pakpak mi kude asuhuiga qeljiñe lökñanök jibi mötze. Mi mutuk jizalañgöra mi mönö uruñine ala galömñini mem aᅅguba malme. Mewö.

Suep gölmegö azi öñan mönö asuhum tiᅅgitma.

Mat 24.29-31; Luk 21.25-28

²⁴JWahöjalij mi teköiga nalö miangöreñök wehön jeñan injañ köliga köiñnöñ ömuñ kölma. ²⁵kSengelau yeñön suepnöhök teköba etme aka suepnöñ uturuköiga miangö öroyuaiñi mi tatatñini mosöta eñololoñ aketka sohoma. ²⁶lNalö miangöreñ Suep gölmegö azi öñi yañön kousu qakñe kaᅅgori ekñe. Kukösumñi ketañan saköl-diñdiñambuk aukñe asuhuiga asakmararañi ekñe. ²⁷Kaᅅgota Suep garataurupñi melaim eᅅgiiga yeñön ambazip Anutunöñ nanñangöra möwölöhöm eᅅgiyöhi, i gölme görañi likeplikep, euke emuke miangöreñök kölolohoba eᅅguaᅅgitme. Mewö.

Geröp ipkö dopkeu

Mat 24.32-35; Luk 21.29-33

²⁸Iñini geröp ip eka tandökñi mötmöriba dopkeu ki mötme. Böröñan lök oᅅambuk aiga sinñan yoᅅgoigetka mi eka möta kewö jimakze, 'Wehön nalöñan mönö dopdowiza.' ²⁹Eñön mewöñanök aiwesök miangö dop asuhuiga eka möt asariba könañi kewö jime, 'Jisösnöñ mönö nanñunöñ dopdowiza.' ³⁰Nöñön keu öñi kun kewö jibi mötket: Ambazip ki merak gölmenöñ maljei, yeñön qahö kömugetka yuai pakpak jizali, mi mönö yeᅅgö malmal nalöñine asuhuma ³¹Suep gölmenöñ göröñ qemahotmö, nöᅅgö Buña keunan mönö qahö ayapköma.' Mewö.

Jisös kamawaᅅgö nalöñi mi kunñan qahö mötza.

Mat 24.36-44

³²mSuep gölmegö azi öñan dawinöñ kamawi, miangö wehönñi me aua nalöñi mi kunñan kun qahö mötza. Suepnöñ garata yeñön mi qahö mötze. Anutugö Nahönñan mewöñanök mi qahö mötza. Iwinöñ nanñök mi mötza. ³³Nalö dawinöñ asuhumawi, mi qahö mötzeañgöra eñön mönö alöm memba uruguliguli malme. ³⁴mMi dopkeu kiangö dop ahöza: Azi kunöñ miriñi mosöta kantri kungen anök. Annamañgöra aka galömurupñi yuai pakpakñañgöra jim kutum eᅅgiba naᅅgu kiñi böröñine ala kukñi eᅅgiyök. Kukñi eᅅgiba welenqeᅅeurupñi mohok mohok nup keu eᅅgiyök. Eᅅgiba mala naᅅgu galömñi mewöyök uruguliguli malmapköra jim kutum waᅅᅅgiyök. ³⁵Miri toñan dawinöñ liliᅅgöba

^j13:24 Ais 13.10; Eze 32.7; Joel 2.10, 31; 3.15; Ind 6.12

^k13:25 Ais 34.4; Joel 2.10; Ind 6.13 ^l13:26 Dan 7.13; Ind 1.7

^m13:32 Mat 24.36 ⁿ13:34 Luk 12.36-38

kamawi, mi qahö mötze. Mare me sun gem ömbibiñe kama me? Wañgaran suruiga kama me? Wehön gianjiiga kama me? Miangö dop injini mi qahö mötzeangöra mönö uruguliguli malme. ³⁶Könöpuk wölañ kaiga eñön gaun ahögetka mewö miwikñaim engibapuk. ³⁷Ijini mönö uruguliguli malme. Keu mi gwarekurupñi engöra jizali, mi mewöyök alaurupñi körek pakpak engögöra jizal: Ijini mönö urugwölögwölö malme.” Mewö.

**Jisös qein kömumapkö
añgöñañ alget.**

Mat 26.1-5; Luk 22.1-2; Jon 11.45-53

14 ^oPasowa kendon ††aka beret yistñi qahö miangö kendonñi तरीyohot. Wehön yahöt teköiga miangöreñ könahibitkö ahotka jike nup galöm aka Köna keugö böhi yeñön tokoget. Tokoba denöwö möndöñninga Jisös ölöñ memba qeget kömumbawak, miangö könani jaruba kewötket. ²Jaruba kewöta kewö jiget, “Ambazip irimñini seholiiga karimñi karimñi asuhubepuköra mi sösöñgai kendon nalöñe akingö osibin.” Mewö jiget.

**Ambi kunñan Jisös o
umköhöwakanjambukñöñ miriyök.**

Mat 26.6-13; Jon 12.1-8

³PJisösnöñ Betani mirinöñ mala Saimon kun uzikukuñi mem solaniyöhi, yangö mire öngöba tarök. Miangöreñ nene memba tariga ambi kunñan köt kirin kun memba yangöreñ kayök. Kirin mi nöluk tuat-tuat qetñi alabastö mianñön memeña. Mia o um-köhöwakanjambuk ölni qetñi nad mianñön kokolak qeba tarök. Yañön mi bohonñi ketanjan memba kaba

nöluk jölñi kutuba onji Jisösgö nööröñje mimbiliba miriyök. ⁴Miriiga azi tatkeri, yengöreñök tosatñan urubölö aka nanñinök kewö eraum mötket, “Nad o mi mönö wuanöngöra mewö ayuhuzawi? ⁵Nad o kelökñambuk mi bohonñi memegöra albawak ewö, ölöp silim 300:kö töwañi (Kina 1500,-) oñgita yöhötibawak. Mi ambazip wanapñi engiiga dop kölbawak.” Mewö jiba ambi mi wañgiget.

⁶Jim wañgigetka Jisösnöñ kewö jii mötket, “Ambi ki kude jim wañgime. Wuanöngöra uruñi mem bölize? Yañön silik ölöpnñi ak soroköm ningiiga dop kölja. ⁷Ambazip wanapñi mi nalöñi nalöñi sutñine malgetka ölöpnñi ak enggingö möta mi ölöp nalö dop akñemö, nöñön engö sutñine nalö dop qahö malmam. ⁸Yañön mi nanñi akakmemenangö dop ak ningiza. Nöñön kömumbi löm köl ningimeangöra ölöp qeljñe sileni kelökñöñ nömiriza. ⁹Nöñön keu ölni kun kewö jibi mötket: Ölöwak Buña ki kantri igen waigen jim sehigetka anmawi, miangöreñ ambi kianñön yuai ak ningizawi, miangö buñani mohok jiget sehiiga yangöra mötmöriba malme.” Mewö.

**Judasnöñ Jisös mamalolo mem
wañgimangö urumohok ahök.**

Mat 26.14-16; Luk 22.3-6

¹⁰Gwarekurupñi 12 yengöreñök kun qetñi Judas Iskariot yañön Jisös mamalolo mem wañgimangöra aka jike nup galöm yengöreñ anök. ¹¹Yengöreñ anda keuñi jiiga mi möta uruñinan ölöwahiga söngöröñi moneñ wañgibingöra keu jöhöget. Keu jöhögetka Jisös nalö kungen mamalolo mem wañgi-

††14:1 Kantri qetñi Ijpt miangöreñ Kembugö garatanöñ engehoriiba engoñgirök, kendon miangö qetñi Nei keunöñ Pasowa. Eksodus 12.15

mangö köna möt jaruba köinbingöba malök. Mewö.

**Jisösnöŋ gwarek yembuk
Pasowa lama neget.**

*Mat 26.17-25; Luk 22.7-14,
21-23; Jon 13.21-30*

¹²Beret yistŋi qahö miangö kendon silim mutukŋe (Seqononöŋ) pasowa lama kun qeba ohozema. Miangöra Jisösgö gwarekurupŋan jiget, “Böhi, nini miri denikeangören anda pasowa lama mözözömgöm gihiba nembin? Sihimgi denöwö ahöza?”

¹³Mewö jigetka gwarekyahötŋi yahöt kewö jiba melaim etkiyök, “Iŋiri Jerusalem sitinöŋ öngöyohotka azi kun o kumbut kunduta kaiga miwikŋaimahot. Miwikŋaiba i ölop wuatangöba anmahot. ¹⁴Anohotka mire öngöiga miangö tonŋi kewö jiyohot mötma, ‘Böhinöŋ kewö jiza: Ölop miri uruŋi kun niŋginöŋga miangören öngöba gwarekurupni yembuk pasowa lama nembin.’ ¹⁵Mewö jiyohotka tonŋan möta miri qakŋe eu öngöba uruŋi ketanŋi kun kondel etkima. Miangören dum tatat yuai mözözömgöget ahöza. Mi kondel etkiiga miangören lama qeba ohomahot.”

¹⁶Mewö jiiga gwarekyahötŋan mosöta sitinöŋ öngöba Jisösnöŋ keu jiyöhi, miangö dop miwikŋaiba kinda lama qeba ohom mözözömgöyohot.

¹⁷Miri söŋauiga Jisösnöŋ gwarekurupŋi 12 yembuk miri miangören kangotket. ¹⁸Kangota öngöba dumnöŋ tata nene negetka Jisösnöŋ kewö jii mötket, “Nöŋön keu ölni kun kewö jibi mötket: Engörenök kun nömbuk nene nempa tazawaŋön mönö mamalolo mem niŋgima.”

¹⁹Mewö jiiga uruŋinan wösöbirik aiga könahiba nanŋök nanŋök qesim wanggiba jiget, “Nöŋöra jibanbuk?”

²⁰Qesim wanggigetka kewö jii mötket, “12 engörenök kun nömbuk beret kuluŋnöŋ kundungözawi, yaŋön. ²¹Suep gölmegö azi ölnan mönö yaŋgöra keu ohoget ahözawaŋgö dop gölme mosöta anma. Anmapmö, mamalolo mem wangimawi, yaŋgöra Yei wösöbirik! jizal. Anutunöŋ mönö likepŋi öngöŋgöŋi melen wangima. Azi mi nam köröuruŋeyök qahö ahubawak, miangön mönö amqem wangibawak.” Mewö.

Kembubuk semön qöndökŋi neget.

*Mat 26.26-30; Luk
22.14-20; 1 Kor 11.23-25*

²²Nene nempa tata Jisösnöŋ beret memba kötuatköba mindipköba engiba kewö jiyök, “Ki nani busuni. Ki memba neget.”

²³Mewö jiba wain qambi memba saiwap jiba engiiga körekŋan qambi kiangörenök neget. ²⁴Negetka kewö jii mötket, “Ki nani sepi. Ki Anutunöŋ ambazip yembuk jöhöjöhö areŋ aiga köhöimapköra sepi mokoget geiga ambazip gwötpuk amöt qem engima. ²⁵Nöŋön keu ölni kun kewö jibi mötket: Nöŋön wain kösögö ölni kiangören kunbuk toroqeba qahö nemam. Könaŋgep Anutugö bemtohoŋ uruŋe eu taringa közölömbuan almawi, wehön miangören mönö wain o qainŋi kun mia nemam.”

²⁶Mewö jiiga sösoŋgai liŋet köla mosöta anda Oil ip kunduje öngöget. Mewö.

**Pitönöj Jisös qaj
kölmapkö jii mörök.**

*Mat 26.31-35; Luk
22.31-34; Jon 13.36-38*

²⁷ Öngöba Jisösnöj kewö jii mötket, “Kezapqetok azi kunöj keu kun kewö ohoi ahöza, ‘Nöñön galömnjini qebiga lama kambunjan derjme.’

Miangö dop enjön körek urunjini böliiga nömosöta buratime.

²⁸ “Buratigetka nuñgumemö, nöñön mönö kömupnöhök wahöta mutuk Galili prowinsnöj anda miangörej asuhum enjiman.”

²⁹ Mewö jiiga Pitönöj kewö jii mörök, “Yeñön körek urunjini böliiga gömosöta buratime ewö, nöñön mönö töndup mewö qahö akñam.”

³⁰ Jiiga Jisösnöj jii mörök, “Nöñön keu öljü kun kewö jibi mötnöj; Kuruknöj indimñi yahöt qahö qeriga göñön merak sunjem qaj köl niñginönga indimñi karöbut akña.”

³¹ Mewö jiyökmö, Pitönöj kapañ köla köhöiköhöi ahök, “Böhi! Mewö qahöpmö, ni nuñgugetka göbuk mohotje kömumbirak, mi töndup nöñön gi qahö qaj köl gihimam.” Gwarek tosatñi pakpak mewöyök keu miyöhök jiget. Mewö.

**Jisösnöj Gezemane
arönöj köuluköyök.**

Mat 26.36-46; Luk 22.39-46

³² Mewö eraum möta anda arö kun qetñi Gezemane miangörej angotket. Angota gwarekurupñi kewö jii mötket, “Nöñön endu anda köuluköbiga iñini ölop nalö sutje ki tatme.” ³³ Mewö jiba Pitö, Jeims aka Jon enjuañgita anget. Angetka Jisösnöj könahiba köñjilij

kanjamñambuk möriga köna böröñi qeköyök. ³⁴ Mewö aka kewö jii mötket, “Nöñgö urunan mönö kondum köla kotzawañgöra aka wösöbirik mötpiga kömukömuñi ak niñgiza. Iñini ölop ki-anğörej tata nömbuk guli malbin.”

³⁵ Mewö jiba nanñök boromkun toroqeba anda simin köla sipköba sihimbölo nalöñi mi Iwiñangö jitñangö dop ongitmapköra köuluköyök.

³⁶ Köuluköba jiyök, “Aba Iwini, gi yuai kun qahö mölölömbizan. Miangöra sihimbölogö qambiñi ki mönö noangitman. Noangitpanak, mi nöñgö sihimgö dop qahöpmö, mönö nangi jitkahö dop asuhuma.”

³⁷ Mewö jiba liliñgöiga gwarekurupñi karöbut yeñön gaun ahöget engeka Pitögö kewö jii mörök, “Saimon, gi gaun ahözan me? Gi aua mohot-töp guli malmamgö kude köhöizan me? ³⁸ Uruninan guli malbingö sihimñi mörakzinmö, sileninan lölöwöröñi akza. Miangöra esapesapnöj et enjupapaköra mönö köuluköba guliguli malme.”

³⁹ Mewö jii möriga kunbuk enjgömosöta anda keu miyöhök kunbuk jiba köuluköyök. ⁴⁰ Köuluköba liliñgöiga jeñini böñböñ meyöhangöra kunbuk gaunök ahöget engehök. Gaunöhök wahöta keu melenjbingö janjuñ aket.

⁴¹ Jisösnöj ani indimñi karöbut aiga liliñgöba kaba kewö jii mötket, “Iñini toroqeba luhut memba gaunök ahöbingö mötze me? Mötket! Kunöj Suep gölmegö azi öljü mamalolo mem wañgiiga bölöñi meme yengö böröñine öngöma. Miangö aua nalöñan lök kam kuñguza. Enjö gaun ahöahö nalöñinan mönö teköza. ⁴² Mönö wahötketka anin. Mötket! Mamalolo mem niñjimawi, yañön mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöñ mewö jiba kiniga miangöreñök gwarekurupñi 12 yengöreñök kun qetñi Judas yañon kambu kun jitñe mem engiiga kañgotket. Jike nup galöm, Köna keugö böhi aka kantrigö jitñememe yeñon i melaim engigetka bimgö sou ketañi aka liñgipñini memba kaget. ⁴⁴ Mamalolo memangö ahöhi, yañon mutuk yembuk aiwesök keu kewö jöhöba jii mötket, “Nöñon azi numbuñi yöhötüm nemami, i eka ‘Mönö mi!’ jiba memba jöhöba törörök galöm köla anme.”

⁴⁵ Mewö jiba kaba miangöreñök Jisösgöreñ angota “O Böhini!” jiba numbuñi yöhötüm neyök. ⁴⁶ Yöhötüm neiga eka Jisös qelanjiba memba jöhöget. ⁴⁷ Jöhögetka kösutñe kingeri, yengöreñök kunñan bimgö sou ketañi öröba jike nup galöm bohonñangö welenqeçeni qeba kezapñi köteköi erök. ⁴⁸ Jisös jöhögetka keu kewö jii mötket, “Ni kegwek-kahasiliñ azia qahöpmö, töndup nöngöra mewö möta bimgö sou ketañi aka liñgip memba nömemba jöhöbingöra kañgotze. ⁴⁹ Nöñon wehön dop jöwöwöl jikenöñ embuk kinda Buña keu kusum engiba malbiga qahö nömiçetmö, yuai ki mönö Buña Kimbigö keuñan öñambuk akñapköra asuħuza. ⁵⁰ Jisös jöhögetka gwarek yeñon körek Jisös mosöta buratiba unjurata anget. Mewö.

Sepguli kunöñ unjurata anök.

⁵¹ Azi gwabö kunöñ bindoñi tuatñanök köpeiba Jisösgö andöñe wuatangöba anök. Oponi tosatñi qahö löngöta aniga i esapköba meget. ⁵² Mëmbingö osiba bindoñi qekögetka aukñamñe unjurata anök. Mewö.

Jikegö jitñememe yeñon Jisösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³ Jisös jöhöba wañgita jike nup galöm bohonñangö mire anget. Angetka jike nup galöm pakpak, kantrigö jitñememe aka Köna keugö böhi yeñon miangöreñ anda tokoget. ⁵⁴ Angetka Pitönöñ sikepsikep enguatangöba jike nup galöm bohonñangö mire angota jakömbuak mirigö kiripo uruñe öngöyök. Öngöba welenqeçe azi yengö sutñine tata könöp kösutñe jömörök. ⁵⁵ Mewö tarökmö, jike nup galöm aka jike kaunsöl kambu yeñon Jisösgö silenöñ alal keu denöwö nañgöinga qeget kömumapkö jim jarugetmö, könañi kun qahö miwikñaiget. ⁵⁶ Jaruba kinda gwötpukñan keu muneñi sileñe ala nañgöba jigetmö, keuñinan könañi mohok qahö ahök.

⁵⁷ Mewö aiga tosatñan wahöta kinda keu muneñi sileñe ala nañgöba kewö jiget, ⁵⁸ w“Yañon kewö jiiga mörin, ‘Nöñon jöwöwöl jike börönöñ memeni ki köndenbiga gölmenöñ eriga wehön karöbutkö uruñe jike qainñi kun börönöñ memeni qahö mi mem wahöta kuñgumam.” ⁵⁹ Mewö jigetmö, töndup keuñinan könañi mohok qahö ahök.

⁶⁰ Mewö aiga jike nup galöm bohonñan wahöta mesohol köl engiba kinda Jisös qesim wañgiba kewö jiyök, “Yeñon göhö silege keu ala nañgözei, miangö likepñi kun jiman me qahö?”

⁶¹ Qesim wañgiiga yuai bölöñi kun qahö ahökmö, töndup likepñi kun qahö melençda keuñi böc kinök. Keuñi böc kiniga jike nup galöm bohonñan kumbuk kewö qesim wañgiyök, “Anutu möpöseim wañgimakzini, gi yañgö Nahönñi Kraist akzan me qahö?”

^{62x}Qesim waŋgiiga “Oŋ!” jiba kewö jii mötket, “Suep gölmegö azi ölŋan mönö kukösum Toŋaŋgö böröŋi ölŋe tata suepkö kousu qakŋe eri ekŋe.”

⁶³Keu mi jiiga jike nup galöm bohonnaŋ malukuŋi munjurata kewö jiyök, “Yei, iwinangö jitŋi! Tosatŋan keuŋi naŋgömegöra kunbuk qahö qesim eŋgibin. ^{64y}Anutu mepaiközawi, mi mönö nanŋinak möt teköze. Miangöra denöwö mötmörize?” Mewö qesim eŋgiiga yeŋön körek Jisös kömupkö buŋaya akŋapköra jim teköget.

⁶⁵Mewö jim teköba tosatŋan könahiba söutkölap miriba jemesoholŋi es-uhuba böröŋinan misiba qeba kewö jiget mörök, “Daŋön guhuzawi, mi ölop jinöŋ mörin.” Jikegö kiripo galöm (sikiriti) yeŋön mewöyök Jisös memba nuŋgulumŋe qekötahöget. Mewö.

Pitönöŋ Jisös qaŋ kölok.

Mat 26.69-75; Luk 22.56-62;

Jon 18.15-18, 25-27

⁶⁶Nalö miangöreŋ Pitönöŋ kiripo uruŋe sombemnöŋ malök. Emu maliga jike nup galöm bohonnaŋgö welenqeŋe ambiŋi kunŋan miangöreŋ kaŋgorök. ⁶⁷Kaŋgota Pitönöŋ könöp kösutŋe jömöri ehiba kewö jiyök, “Gi mewöyök Nazaret azi Jisös miambuk malnöŋ.”

⁶⁸Mewö jiyökmö, Pitönöŋ qaŋ köla kewö jiyök, “Keu jizani, mi qahö möta köndatza.” Mewö jiba kiripo naŋgunŋe geiga kinda kuruk qerök.

⁶⁹Naŋgunöŋ geiga welenqeŋe ambi kunŋan i miangöreŋ kunbuk eka azi kösutŋe kingeri, i könahiba kewö jii mötket, “Azi kianŋön mönö yeŋgöreŋök kun akza.”

⁷⁰Mewö jii mötketmö, yaŋön kunbuk qaŋ kölok. Qaŋ köliga nalö borom kun teköiga azi kösutŋe kingeri, yeŋön kun-

buk Pitögöra kewö jiget, “Göŋön Galili azia kun akzanaŋgöra mönö alakŋa, yeŋgöreŋöhök kun akzan.”

⁷¹Mi möta könahiba nanŋi qesuahöm aŋguba jöjopaŋ keunöŋ jim köhöiba jiyök, “Azi keuŋi jizei, mi qahö möt waŋgizal. Muneŋ jibileŋak ewö, Anutonöŋ mönö likepŋi meleŋ niŋgima.”

⁷²Mewö jiba kiniga miangöreŋök kuruk qeri yahöt ahök. Kuruk qeriga Jisösgö keu kewöŋ jii möröhi, Pitönöŋ mi mötmöriyök, “Göŋön indimŋi karöbut qaŋ köl niŋginöŋga kuruknöŋ qeri indimŋi yahöt akŋa.” Keu mi mötmöriba wösöŋi julmamgö aiga sahö böliyök. Mewö.

Jisösnöŋ premiö Pailötkö jeŋe kinök.

Mat 27.1-2, 11-14; Luk

23.1-5; Jon 18.28-38

15 Miri gianaŋgiiga amandiŋe jike nup galöm, kantrigö jitŋememe (70), aka Köna keugö böhi aka jike kaunsöl pakpak yeŋön kot öngöŋgöŋi miangö totoko ala Jisösgö keu jim teköget. Jim tekögetka Jisös jöhöba waŋgita premiö Pailötkö böröŋe alget. ²Rom premiö yaŋön Jisös kewö qesim waŋgiyök, “Ölŋa, gi Juda yeŋgö kiŋa akzan me qahö?” Qesim waŋgiiga Jisösnöŋ meleŋda jii mörök, “Mönö nangak jizani, mewö.”

³Jike nup galöm yeŋön keu gwötpuk Jisösgö sileŋe ala jiget. ⁴Jigetka Pailötnöŋ Jisös kunbuk qesim waŋgiba jiyök, “Mötnöŋ! Yeŋön keu gwötpuk göhö si-lege ala jizei, göŋön miangö likepŋi kun jiman me qahö?”

⁵Mewö jiyökmö, Jisösnöŋ bölöŋi kun qahö ahökmö, töndup keu kitipŋi kunbuk qahö meleŋnök. Keu bökö kiniga premiönöŋ welipköyök. Mewö.

**Pailötnöñ Jisös kömumapkö
jim teköyök.**

Mat 27.15-26; Luk 23.13-25;

Jon 18.39-19.16

⁶Yambu (yara) dop pasowa sösön-gai nalöñe premiönöñ kösö mireyök azi kun qetji qeta qesigeri, mi pösat en-gizapma. ⁷Nalö mianğöreñ azi kun qetji Barabas qetkeri, yañön kösö mire tarök. Yañön kegwek-kahasililiñ azi tosatji yembuk karim gila azi kun qeget kö-muyöhi, mianğöra kösö mire al enğiget. ⁸Mewö aiga könagesö yeñön premiögö miri sombemñe eu öngöba kinda kö-nahiba akñalöhangö dop akñapkö qesim wañgiget. ⁹Qesim wañgigetka melenđa kewö jii mötket, “Nöñön Juda enğöreñ kiñ pösatpi etmapkö mötze me?” ¹⁰Jike nup galöm yeñön Jisösgöra körögisigisi mötkerañgöra aka i premiögö böröñe al wañgiget. Mi möta sihimñinanğö mewö qesim enğiyök.

¹¹Qesim enğiiga jike nup galöm yeñön ambazip kambu uruesiesi mem enğiba kewö jiget, “Mönö Jisös mosöta Barabas pösatman! Mewö qesim wañgime.” ¹²Mewö jigetka kunbuk melenđa qesim enğiyök, “Mewö jizeañgöra Juda enğöreñ kiñ qetji mewö qerakzei, nöñön mönö i denöwö ak wañgibileñjak?”

¹³Mewö qesim enğiiga kunbuk qetket, “Mönö maripomnöñ qeget jiman!”

¹⁴Mewö qetketka Pailötnöñ kewö jii mötket, “Mi wuanöngöra? Yañön mönö wani bölöña ahök?” Mewö jiyökmö, yeñön mi möta kapañ köla toroqeba qet gigilahöba kewö qetket, “Mönö maripomnöñ qeget jiman!”

¹⁵Mewö qetketka Pailötnöñ ambazip kambu sihimñinanğö dop akñamğö möta Barabas pösat enği erökmö, Jisösyä jiiğa ihilek wahinambuknöñ

qeyöyaköba qeget. Mewö qegetka maripomnöñ qemegöra Rom yarö azi yengö böröñine alök. Mewö.

Jisös kukulömbuan ak wañgiget.

Mat 27.27-31; Jon 19.2-3

¹⁶Yarö azi yeñön Jisös wañgita premiögö jakömbuak mirigö kiripo uruñe añgotket. Añgota yarö kambu lökñanök öröm enğigetka mianğöreñ kaget. ¹⁷Kaba maluku pisikñi gugakgugak mi Jisösgö sileñe löngöt wañgiba sötmän kösö limbiñđa ila ewö nööröñe kölget geyök. ¹⁸Mewö geiga könahiba waikñi memba jölöñi jiget, “Owe owe, Juda yengöreñ kiñ, owe!” ¹⁹Titipepe mewö aka jigetka jehotnöñ nööröñe qeba söutkölap qeba simin köl wañgiba sipköba möpöqöpösei muneñi mem wañgiget. ²⁰Mepaqepaik mewö ak wañgim teköba maluku pisikñi gugakgugak mi qeköba nanñe sile esu löngöt wañgiba maripomnöñ qebingöra wañgita anget. Mewö.

Jisös maripomnöñ qeget.

*Mat 27.32-44; Luk
23.26-43; Jon 19.17-27*

²¹zAnda köna namñe azi kun qetji Saimon miwikñaiğet. Yañön Afrika siti qetji Sairini mianğö aziña aka Aleksander aka Rufus yetkö iwiñira. Yañön nupnöñök kañgoriga kuñgum wañgigetka Jisösgö maripomñi memba añguyök. ²²Jisös mewö wañgita gölme kun qetji Golgota mi nanine keunöñ nööröp sihit, mianğöreñ anda añgotket. ²³Añgota wain o aka marasin qetji mör mi mindiriba lolonqaloñ memba wañgigetmö, Jisösnöñ mi tököyök. ²⁴aTököiga kinda maripomnöñ qeget. Qeget kiniga kiawen meget qötöñi ahuiga Jisösgö sile esuñi mohok mohok sutñine mianğö dop mendenđa

meget. ²⁵Söñan 9 kilok miangörej maripomnöñ qeget. ²⁶Maripomnöñ qeba nööröñje eu qegerangö könani kewö ohoba qeget, “Juda yeñgö kiñ kembuñina ki.” ²⁷Kegwek-kahasililiñ azi yahöt mewöyök yambuk maripomnöñ etkuget. Kun böröñi ölñe kun qaniñe likeplikep mewö etkuget. ²⁸^b(Anutugörej Buña Kimbinöñ keu kewö ohogot ahöza, “I kewöta kegwek-kahasililiñ azi ewö mötmöröba yeñgö sutñine alget.” Keu mianön mewö ölñambuk ahök.)

²⁹^cAmbazip onñita anda kaba kukulömbuanñ aka jelikit aka nööröp köla kewö jiget, “Ye! Gi mönö jöwöwöl jike ölöp köndenöñga gölmenöñ eriga wehön karöbutkö uruñe kunbuk mem wahöt kuñgumangö jinöñ. O, gi azi qetpuk! ³⁰Mönö nangi bauköm anguba maripomnöñhök etman.”

³¹Jike nup galöm aka Köna keugö böhi yeñön mewöyök sutñine mepaqe-paik ak wañgiba jiget, “Tosatña bauköm eñgiba malökmö, nanñi bauköm angumangö osiza. ³²Yañön Amötqeqe Tonji Kraist aka Israelgö kiñ akza ewö, mönö dölkö maripomnöñhök eri eka mi möt naribinak.” Mewö jiget.

Azi yambuk maripomnöñ etkugeri, yetköñ mewöyök uruqeqe keu töhörej jim wañgiyohot. Mewö.

Jisösnöñ kömuyök.

*Mat 27.45-56; Luk
23.44-49; Jon 19.28-30*

³³Silim bibiñi 12 kilok aiga miangörej söñaupnöñ eta gölme pakpak dop köla ahöiga anda aua karöbutkö dop ahök. ³⁴^dJisösnöñ 3 kilok miangörej nanñe keunöñ kewö qet ketanñi qerök, “Eloi, eloi, lama sabaktani?” Mi na-

nine keunöñ: Anutuni, Anutuni mönö wuanöñgöra andö nuñguzan?

³⁵Mewö qeriga azi kösutñe kingeri, yeñgörejök tosatñan mi möta jiget, “Mötket! Mönö Elaijagöra qetza.”

³⁶^eYeñgörejök kunöñ ösumñan anda mömöndö kun kahali tandök mi memba wain o asölñambuknöñ kundumgöba ip göröm kitipñe jöhöba suruba Jisös numbu susuñe eu ali neiga jiyök, “Mönö mosötketka nanñök kinök. Elaijanöñ kaba meköi etma me qahöpto, mönö mi ekin.”

³⁷Mewö aketka Jisösnöñ qet ketanñi qeta wösöñi nöñ qeiga kömuyök.

³⁸^fKömuiga miangörejök jöwöwöl jikegö uruñe opo kinöhi, mianön mönö euyök bibiñe jurata eta yahöt ahök.

³⁹Suahö galömnöñ maripom mesohol köla kindä Jisösnöñ wösöñi nöñ qeiga kömuyöhi, mi eka kewö jiyök, “Azi kianön mönö ölña Anutugö nahönña akza.”

⁴⁰^gAmbi tosatñan mewöyök sikep kindä yuai mi eket. Yeñgö sutñine Magdalagö Maria aka Maria Jeims dubatñi aka Joses yetkö namñiri aka Salome yeñön mohotñe kinget. ⁴¹Yeñön Jisösnöñ Galili prowinsnöñ maliga miangörej i wuatangöba welen qem wañgiba malget. Mewöyök ambi tosatñi gwötpuk Jisösbuk Jerusalem sitinöñ öñgöba kageri, yeñön mewöñanök kösutñe kinget. Mewö.

Jisösgö qamötñi löm kölget.

*Mat 27.57-61; Luk
23.50-56; Jon 19.38-42*

⁴²Sabat kendon tatatköra yuai mözözömgögetka Sabat kendonöñ könahimangöra dopdowiiga mare aka kayök. ⁴³Nenngogie miangörej Arimatia tonji, azi qetbuñañambuk qetñi Josef

^b15:28 Ais 53.12 ^c15:29 Sum 22.7; 109.25; Mak 14.58; Jon 2.19

^d15:34 Sum 22.1 ^e15:36 Sum 69.21 ^f15:38 Eks 26.31-33 ^g15:40 Luk 8.2-3

yañon kayök. Yañon mewöyök Anutu bemtohoñangö ölñi asuhumapköra mamböta malök. Yañon Juda yeñgö jike kaunsöl kambugö jitrjememe kun aka Sabat kendonöñ könahimangö ahörañgöra aka keñgötñi yaköriba Pailötköreñ anda Jisösgö qamötñi memangö qesiyök. ⁴⁴Qesiiga “Ölña kömuza me qahöpto?” jiba mötmöriba suahö galömnji jii kaiga “Jisösnöñ nalö köröpñi me töröpñi kömuza,” jiba qesim wañgiyök. ⁴⁵Qesim wañgiiga buzup keuñi möta Jisösgö qamötñi Josef jim teköm wañgiyök. ⁴⁶Jim teköm wañgiiga opo tuatñi söngöröñi memba anda qamötñi maripomnöñök qeköba memba eta oponöñ esuhuyök. Esuhuba memba qaksirinöñ anda kötnöñ köteñ urorohogetka dum ahöyöhi, miangöreñ alök. Ala köt kötañi kun metaliga köteñ numbuñi közipköyök. ⁴⁷Denike alöhi, mi Magdalagö Maria aka Maria Josesgö namñi yetkön kinda ehot. Mewö.

Jisösnöñ kömupnöñök wahörök.

Mat 28.1-8; Luk 24.1-12; Jon 20.1-10

16 Sabat kendon tatket teköiga miangöreñ Magdalagö Maria, Maria Jeimsgö namñi aka Salome yeñon “Jisösgö qamötñi anda miribin.” jiba jinij jimoroñ umköhöwakñambuk söngöröñi meget. ²Memba ahöba Sonda söñanök wahöta miri gianji wehön jilijbölañ kori qaksirinöñ anget. ³Anda eraum möta jiget, “Qaksirigö numbuñe köt ketañi tatzawi, mi mönö dañon qetalma?” ⁴Mewö jiba ugetka ani kewö eket: Köt keta bölökñi mi lök qetalget anda ahöyök. ⁵Qaksirigö köt köteñ numbuñi mewö añañiba kiniga uruñe öngöget. Öngögetka ölñine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

⁶Awöwöligetmö, kewö jii mötket, “Mönö keñgötñini kude mötme. Inñi Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangöreñ suluget ahöyök. ⁷^hMiangöra mönö anda Pitö aka gwarekurupñi pakpak buzup kewö jiget mötme, ‘Yañon mönö qeljiñe mutuk Galili prowinsnöñ anma. Inñi mewöyök miangöreñ anda keuñi jiyöhañgö dop i ekñe.’”

⁸Mewö jiiga auruba jönömñini unduiga köt köteñök eta ösumñinan anget. Sömbuñini mötkerañgöra keu kun kude jigetmö, keuñini bököyök. Mewö.

Jisösnöñ Magdalagö Mariagöreñ asuhuyök.

Mat 28.9-10; Jon 20.11-18

⁹Jisösnöñ Magdalagö Maria yangö uruñeyök öme 7 eñguatañgöiga malök. Jisösnöñ kömupnöñök wahöta Sonda söñan amandiññöñ mutuk Maria mi asuhum wañgiyök. ¹⁰Asuhum wañgiiga alaurupñan Jisösbuk mala kota nalö miangöreñ jingey köla sahötkeri, Marianöñ mönö yeñgöreñ anda buzupñi jii mötket. ¹¹Mötketmö, Jisösnöñ guliba mali Marianöñ ehöhi, mi qahö möt nariget. Mewö.

Jisösnöñ alayahötñi yetköreñ asuhuyök.

Luk 24.13-35

¹²Miangö andöñe alayahötñan Jerusalem siti mosöta miri kunöñ anbitköra könanöñ anohotka Jisösnöñ kaisongolomñan meleşniga asuhum etkiyök. ¹³Yetkön mewöyök anda buzupñi mi alaurupñi jiyohot mötketmö, yeñon mi mewöyök qahö möt nariget. Mewö.

^h16:7 Mat 26.32; Mak 14.28

**Jisösnöŋ gwarekurupŋi
asuhum enġiyök.**

Mat 28.16-20; Luk 24.36-49;

Jon 20.19-23; Apo 1.6-8

¹⁴Könaŋgep gwarekurupŋi 11 mienjön tokoba nene namba tatketka yeŋgöra mewöyök asuhuyök. Asuhuba uruköhöikŋinaŋgöra tembula kömupnöhök wahöriga ekeranjon buzupŋi jiget möta mi qahö möt narigeri, miaŋgöra i jim enġiyök. ¹⁵iJisösnöŋ kewö jii mötket, “Iŋjini mönö kantri dop anda gölmeŋi gölmeŋi liliköba ambazip mal anjeaŋgö dop Ölöwak Buŋani jim asarigetka mötme. ¹⁶Kunŋan Anutu möt nariiga o melun mem waŋgigetka uruŋi melenmawi, yaŋjön mönö letota Suepkö buŋaya akŋa. Kunŋan qahö möt nariba yaŋgiseŋ malmawi, Anutunöŋ mönö yaŋgö keuŋi jim teköiga könöp siaġö buŋaya

akŋa. ¹⁷Möt narim niŋgiba malmei, mi aiwesök mem enġibiga könaŋamŋini kewö asuhuma: Yeŋjön nöŋgö qetne ömewöröme enġuatangöme. Kantri tosatŋi yeŋgö keuŋini jime. ¹⁸Mokoleŋ böröŋinan memba wahötme. Möröm warabe o yuai negetka miaŋjön mönö qahö mem bölim enġima. Böröŋini kawöl ambazip qakŋine algetka ölöwakŋe.” Mewö.

Jisösnöŋ Suep mire öŋgöyök.

Luk 24.50-53; Apo 1.9-11

¹⁹jKembu Jisösnöŋ keuŋi mewö jii mötketka Anutunöŋ waŋgiriga Suepnöŋ öŋgöba Anutugö böröŋi ölnje tata malja. ²⁰Eu maljapmö, gwarekurupŋan mosöta miri gölme dop anda Buŋa keuŋi jim sehiba malget. Mewö malgetka Kem-bunöŋ yembuk nup memba inahöm enġiiga anġöletot asuhugetka keuŋinan köhöiyök. Mewö.

Luk

Ölöwak Buja Luknön ohoyök.

Jim-asa-asari

Urumeleñ yeñon miti dölökñi qahö memba kazei, dokta Luknön mi azi öngöñgöñi Tiofilusgöra kondelmamgöra aka Ölöwak Buja ki ohoyök. Luk yañon Jisösgö gwarekñi 12 yeñgöreñök kun qahöpömö, Grik azia aka kawöl ambazip mem ölöwak nupnön malök. Luknön Jisösgö könani yahöt kewö kondel neñgiza: 1) Anutunön Amötqeçe Tonji melaimamgö keu jöhöiga Israel yeñgöra asuhuyök, 2) Yañon mönö kantrinji kantrinji mem ölöwak neñgimamgöra kayök. Kembugö Uñañan Jisös oholiga “ambazip etqeçeñi yeñgöra Ölöwak Buja” jim asariyök. Ambazip yuai könani könani miangöra osigeri, Jisösnön yeñgöra waimañjat möta bauköm engiba malök. Luknön kösohot mewöñi sehisehiñi areñgöba ohom teköyök. Luknön sösöñgaigö kösohotñi gwötpuk ohoyök. Jisösnön mutuk gölmenön erök aka teteköñe miangöreñ gölme mosöta Suepnön öngöyök. Miangöra sösöñgai sehisehiñi mi boñ 1-2 aka boñ 24 miangöreñ ahöza. Jisösnön Suepnön öngöiga Buja nup mem sehigetka mötnariñ kambunön qariba qariba anök. Luknön miangö kösohotñi mi buk qetñi “Aposol nup meme” miangöreñ ahöi ahöza.

Luknön Ölöwak Buja ohoyöhi, miangö keu bohonñi mi kewö dop köla ali ahöza: Köuluk nup megetka öñi asuhuyök, Uña Töröñan ambazip sölölohöm engii malget, Ambi yeñon Jisösbuk nup gwötpuk nañgöba meget, Anutunön siñgisöndokñini mosöta malök.

Buk kiangö bahöñi bohonñi 8 mi kewö:

Buk kiangö könani Luknön ohoyök boñ 1.1-4

Jon O-melun azi aka Jisös asuhuba qariyohot 1.5–2.52

Jon O-melun azinön Anutugö nup meyök 3.11-20

Jisös o melun mem wañgiiga esapesap miwikñaiyök 3.21–4.13

Jisösnön qenjarök nupñi Galili prowinsnön meyök 4.14–9.50

Galili mosöta köna anda Jerusalem añgorök 9.51–19.27

Jerusalem añgota sonda qöndökñi malök 19.28–23.56

Wahöta asuhum engiba Suepnön öngöyök 24.1-53

Matyu Mak Jon yeñon kösohot tosatñi qahö ohogeri, mi Luknön nanñök ohoi bahöñi 2 aka 6 miangöreñ ahöza. Kösohot tosatñi mi kewö: Garata yeñon liñet kölget, Lama galöm yeñon Jisös asuhuiga kaba eket, Jisösnön moröröpñe jöwöwöl jikenön öngöyök, Samaria azinön gurusep azi ak kömum wañgiyök aka nanñi imbi-imi azinön siñgisöndoknön geba sohayöhi, miangö dopkeu.

Luknön kimbi Tiofilusgö ohoyök.

1 Kezapqetok ambazipnön Amötqeçe Tonji ahumapkö keu jigetka miangö öñi sutnine asuhuyöhi, ambazip gwötpukñan miangö kösohotñi könahiba ohoget. ²Yuai öñi mi sutnine asuhuiga tosatñan mi könakönahineyök könahiba kota nanñine jeñinan eka möt yakögeri, yeñon miangö dop miangö buzupñi toroqeba jim sehigetka kezapnine geba nanine buñaya ahök. Ambazip mewöñi yeñon Buja mi könahiba papianön ohoba areñgöget ahöza.

³Nöñon mewöyök yuai pakpak asuhuba koröhi, mi törörök qesim engibi könaneyök könahiba jigetka möt kutuzal. O Tiofilus nöñon göhöra mötpi öngöñgöñi akzan. Nöñon göbuk keu eraum mötpitkö mötpi ölöwahiga

Jisösgö kösohotji mi körekjanök arengöba ohozal. ⁴Buŋa keu ölnji kusum gihigetka mötzani, göñon miangö könaji oyoŋda körekjanök möt kömuman. Mewö.

Jon asuhumapkö keuŋi Geibrielnöñ jiyök.

^{5k}Judia prowinsgö kiñ qetji Herod yañon nalöñe azi kun qetji Zekaraia malök. Yañon jike nup galöm mala Abaiagö nup areñnön kinök. Anömñi qetji Elisabet yañon mewöyök jike nup galöm Arongö gwölönarökñi kun ahök. ⁶Yekñon Anutugö jeñe malmal diñdiñi mala Kembugö jöjopañ keu aka jimkutukutuñi pakpak törörök wuatangöba köpösihitkö keuñiri qahö malohot. ⁷Malohotmö, Elisabetnön köpingöra gwölönarökñiri qahö mala ambazip namñi ahot.

⁸Nalö kunön Abaiagö nup areñ nalöñan kaiga Zekaraianön jike nup galöm nup memapköra Anutugö jemesoholje kañgorök. ⁹Kañgoriga jike nup galöm yeñon aiakañini wuatangöba sutjine nup mendeñda Zekaraia mekögetka Kembugö altanön öngöba jiniñ wöronñambuk ohoyök. ¹⁰Jiniñ wanafu ohoho nalöñan kam kuñguiga yañon yuai wöronñambuk mi ohoiga ambazip kambu pakpak yeñon jöwöwöl jike yaigepñe mamböta Anutu köuluköba malget.

¹¹Jiniñ ohoiga wöronñan pukpuköba miri uruñi dop köliga miangörej Kembugö garata kunön altanön eu asuhum wañgiba böröñi ölje göröken kinök. ¹²Kiniga Zekaraianön eka auruba keñgötji mörök. ¹³Keñgötji mörökmö, garatanön kewö jii mörök, “Zekaraia, gi keñgötki kude mötnön. Anutunön köuluki lök mötza. Miangöra anömngan gölöm ala morö nahöna

mema. Mi meiga göñon qetji Jon qetman.

¹⁴Nahönñi asuhuiga urugan yañgöra ölöwahiga söngainöñga ambazip gwötpukñan sösongai akñe. ^{15l}I nam körö uruñe tariga Uña Töröñan miangörejök könahiba uruñi kokolak qeiga qariba wain me o köhöikñi mi qahö nempa Kembugö qöhöröñe azi öngöñgöñi aka malma.

¹⁶Mewö mala Israel ambazip gwötpuk urumelenj engüiga Kembuñini Anutugörej lilingöme. ^{17m}Anutugö Uñañan kezapqetok azi Elaija inahöiga kukösum qakñe nup meyöhi, yañon mönö miangö dop mutuk qeljine aniga Kembunön andöñe kama. Yañon anda könagesö uru kuñgum engüiga Kembunön kamapköra jöjöröba kinme. Iwi aka nahönbörat jula deñgetka uru kuñgum engüiga kunbuk mindirim aŋgume aka qegetal ambazip mi diñdiñi yeñgö mötmöt areñnön aŋgotme.”

¹⁸Suep garatanön mewö jiiga Zekaraianön jiyök, “Anömni netkön ambazip namñi akzirangöra keugan mönö dewöwö öñjambuk akawak?”

¹⁹ⁿMewö jiiga meleñnök, “Ni Geibriel. Nöñon Anutugö mesoholje kinbi melaim niñgii buzup ölöñji ki memba kaba jibi mötzan. ²⁰Nöñgörej keu jit öñjambuk asuhumawi, göñon mi jibi qahö möt narizangöra keugan mönö qahöwahiga mötök malman. Mewö malnöñga buzup keu kiangö ölnji asuhumapkö nalöñan kam kuñguiga miangörej nesilamgan lolohoi keu kunbuk jiman.”

²¹Nalö sutje miangörej ambazipnön mamböt mala Zekaraianön jöwöwöl jikenön nalö köröp tiñtiñi kinöhangöra mötkurumkurum aket. ²²Mewö aka tatketka yaigep eta keu jimangö osiiga möt asariba kewö jiget, “Yañon

jöwöwöl jikenöŋ kinda jeni meleşni Suepnöhök imut kun ekza.” Mewö jigetka böröŋanök kaisöpsöp al eŋgiba mötök aka malök.

²³ Mewö mala jike nup meme nalöŋan teköiga lilingöba miriŋe anök. ²⁴ Wehön tosatŋi teköiga Elisabetnöŋ gölöm ala köiŋ 5 miangö dop mire asamböta kewö jiba tata malök, ²⁵ “Moröni qahöpköra ambazipnöŋ memba eta al niŋgigetka Kembunöŋ mesohol köl niŋgiba miangö lömbötŋi memba gila ak kömum niŋgiza.” Mewö.

Jisös asuhumapkö keuŋi Geibrielnöŋ jiyök.

²⁶ Elisabetnöŋ gölöm alöhaŋgö köiŋi 6 aiga Anutunöŋ garatanŋi qetŋi Geibriel melaiiga Galili prowiŋsgö miriŋi kun qetŋi Nazaret miangöreŋ erök. ²⁷ “Eta ambi seram jömukŋi qetŋi Maria yaŋgöreŋ anök. Yaŋön azi qetŋi Josef yaŋgö ambi buŋaya malök. Josefnöŋ kiŋ Deiwidkö gwölönarökŋi kun ahök. ²⁸ Garatanöŋ Mariagöreŋ anda kewö jiyök, “O Maria, silingi ölöŋŋi. Kembunöŋ kalem möriam gihiba göbuk kinma.”

²⁹ Mewö jiyökmö, Marianöŋ jölöŋ miangöra gwötpuk auruba könaŋi jaruba mötkurumkurum ahök. ³⁰ Mötkurumkurum aiga kewö jii mörök, “Maria, Anutunöŋ kalem möriam gihiiga yaŋgö jeŋe dop köljan. Miangöra keŋgötŋi kude mötnöŋ. ³¹ PMötnöŋ, göŋön gölöm ala morö nahöna meman. Memba qetŋi Jisös qetman. ³² QJisös yaŋön qariba azi qetbuŋaŋambuk aiga qetŋi ‘Öŋgöŋgöŋi ketanaŋgö Nahöŋŋi,’ qetketka malma. Mewö mali Kembu Anutunöŋ amböŋi kiŋ Deiwidkö jakömbuak dum waŋgiiga salupŋe ambazip galöm köl eŋgiba malma. ³³ Jeikobkö könagesö yeŋgö

kiŋa aka teteköŋi qahö galöm köl eŋgiba malma. Bemtohoŋi miangön mönö nalö kunöŋ kude qahöwakŋa.”

³⁴ Garatanöŋ mewö jiiga Marianöŋ jii mörök, “Yei! Ni azigö könaŋi qahö mötzal. Miangöra keu jizani, miangö öŋŋi mönö denöwö asuhuma?”

³⁵ Mewö jii möta meleşnök, “Uŋa Töröŋan mönö aum köl gihiiga Anutu öŋgöŋgöŋi ketanaŋgö ösumŋan dop köla turum gihiima. Miangöra morö memani, yaŋön töröŋi aiga ambazipnöŋ qetŋi ‘Anutugö Nahöŋŋi,’ jiba qerakŋe. ³⁶ Mötnöŋ. Tinigi Elisabet yaŋön mewöyök ‘Köpin mala morö memangö osiza,’ jigetmö, töndup ambi namŋi aka nalö kewöŋe morö nahöŋgö gölömŋambuk aiga köiŋi 6 akza. ³⁷ Anutunöŋ yuai kun akŋamgö jiba mi qahö qaköba osimakza.”

³⁸ Mewö jiiga Marianöŋ jiyök, “Mötnöŋ, nöŋön Kembugö welenqeŋe ambia akzal. Miangöra keu jizani, miangö dop ölöŋ ahum niŋgima.” Mewö jiiga Suep garatanöŋ mosöta anök. Mewö.

Marianöŋ Elisabetköreŋ kusuk anda ehök.

³⁹ Marianöŋ mi möri nalö köröpŋi qahö aiga wahöta zilaŋ jöjöröba gölme kundupe öŋgöba Judia prowiŋsgö taon kunöŋ anök. ⁴⁰ Anda Zekaraiagö mire öŋgöba anömŋi Elisabet eka söŋgaiba jölöŋi jiyök. ⁴¹ Jölöŋi jiiga miangöreŋök möri morö nahöŋöŋ körö urupe luhuba öŋgöba eri Uŋa Töröŋan Elisabetkö uruŋi kokolak qeyök.

⁴² Kokolak qeiga qet ketani qeta kewö jiyök, “O alani, Anutunöŋ kötumötuetŋi öŋgöŋgöŋi al gihiiga ambi sutnine malman aka morö memani, i mewöŋanök kötuetsköm waŋgima. ⁴³ Denöwögöra Kembunaŋgö namŋan

°1:27 Mat 1.18 P1:31 Mat 1.21 ¶1:32 2 Sml 7.12, 13, 16; Ais 9.7

†1:37 Jen 18.14

kaba neiga mewö asuhum ningiza?
⁴⁴Mötnöŋ, gi jölöŋni jinöŋga keu jölgi kezapne gei morönöŋ urune mewöyök sösongai qakŋe luhuba öŋgöba etza.
⁴⁵Kembunöŋ buzup keuŋi jiiga möta miangö öŋŋi asuhumawi, mi möt narizanaŋgöra göhö mötŋi simbawoŋ akzan.” Mewö.

Marianöŋ sösongai liŋet kölok.

⁴⁶“Marianöŋ keu mi möta kewö jiyök, “I-ia! Nöŋgö urukönömnan mönö önöŋi qahö Kembu möpöseiza.
⁴⁷Nöŋgö uŋanan Anutu, Amötqeŋe Toni yaŋgöra söŋgaiba köiraŋ kölja.
⁴⁸“Nöŋön welenqeŋe ambi etqeŋeŋi maljalmö, Anutunöŋ töndup mesohol köla ak kömum ningiza.
Mötnöŋ, ambazip kambuŋi kambuŋi merak könahiba asuhumei, yeŋön mönö nöŋgöra ‘Simbawoŋ!’ jiba möpöseim ningiba malme.
⁴⁹Kükösüm Toŋan mönö aŋgöletot öŋgöŋgöŋi mem ningii maljal.
Yaŋgö qetŋi mi Töröŋi.
⁵⁰Ambazip merak gölmenöŋ maljei aka könaŋgep ahum sehimei, yeŋgö sutŋine gwöt isik denike yeŋön Anutugö jitiŋi oŋgitpinbukö keŋgötŋini mötmei, yaŋgö ak-kömükömuŋan mönö yembuk pöndaŋ ahöma.
⁵¹Anutunöŋ böröŋan aŋgöletot memba miangön kukŋi kondel neŋgiiga ehin.
Ambazip nanŋini miwidimgöba söŋgöröqök malgeri, yaŋön mönö i köndeŋ eŋgiiga simbisembel aka malget.
⁵²“Kiŋ kembuŋi kembuŋi jakömbuak dumŋine tata ambazip galöm köl eŋgiba malgeri, yaŋön i miangöreŋök qeköba utal eŋgiiga etket.

Etketmö, etqeŋeŋi ia mönö mem wahöta al eŋgiyök.

⁵³Ambazip yuaigö jaŋkötataŋ malgeri, miengö uruŋini mönö yuai ölöŋŋi ölöŋŋi miangön kokolak qeyökmö,

ambazip pomŋi mi melaim eŋgiiga böröŋini böraŋ öne anget.

⁵⁴⁻⁵⁵“Yaŋön ambösakonurupnini meköba eŋgömeiga Israel aketka nini toroqeba Anutugö welenqeŋeuruŋi maljin.

Anutunöŋ mönöwök jöjöpaŋ keuŋi kewö jim jöhöm neŋgiyök, ‘Nöŋön Abraham aka yaŋgö gwölönarökuruŋi teteköŋi qahö mal öŋgöba malmei, i ak kömum eŋgiba malmam.’

Mewö jiba keuŋi mi qahö ölüm qei mala korök.

Qahöpmö, yaŋön mönö keu jitiŋi mi wuatangöba mala merak bauköm neŋgimangöra kaza.”

Marianöŋ mewö jiyök.

⁵⁶Marianöŋ köiŋ karöbut miangö dop Elisabetpuk mala kunbuk miriŋe lil-ingöyök. Mewö.

Jon O-melun azinöŋ asuhuyök.

⁵⁷Elisabetkö morö meme nalöŋan kam kuŋguiga morö nahöna meyök.

⁵⁸Morö nahöna meiga miri kösutŋe malgeri aka tinitosolomuruŋi yeŋön Kembunöŋ ak-kömükömu öŋgöŋgöŋi kondel waŋgiyöhi, mi möt asariŋa yambuk mothöŋe sösongai aket.

⁵⁹“Sösongai aka wehön 7 teköiga wahöta anda Anutugö aiwesökŋi morö sileŋe yandimegöra tokoget. Tokoba iwiŋaŋgö qetŋi Zekaraia mi wakaŋ mem waŋgibingöra jiget. ⁶⁰Jigetmö, namŋan jiyök, “Mi qahöpmahöpmö, qetŋi mönö Jon qetpin.”

¹1:46 1 Sml 2.1-10

¹1:48 1 Sml 1.11

¹1:52 Job 5.11; 12.19

^v1:54-55 Jen 17.7

^w1:59 Lew 12.3

⁶¹ Jiiga kewö jiget mörök, “Jon qetzanmö, göhö tinitosolomgi yengöreñök kunjañgö qetji mi qahö ahöza.” ⁶² Mewö jiget möri kinda iwiñan yañgö qetji qetmapkö qesiba böröñinan kaisöpsöp alget.

⁶³ Kaisöpsöp algetka tafegöra qesii wañgigetka miangöreñ kulem kewö ohoyök, “Qetji mi Jon.” Mewö ohoiga miangöra körek aurum tililiñgöget. ⁶⁴ Aurum tililiñgögetka miangöreñök numbunji amgöiga nesilamji lolohoiga keu jiba Anutu möpöseiyök. ⁶⁵ Möpöseiiğa miri alaurupñini pakpak yeñön qemsömburñini gwötpuk mötket. Mötketka yuai asuhuyöhi, miangö buzupñi eraum mötketka sehiba Judia kundunji gölme pakpak dop kölök.

⁶⁶ Buzupñi eraum mötketka körekñan mi möta urukönömñine ala añgön kölget. Kembunöñ kukösumñi morösepsep qakñe mokoi malöhi, miangö könani möt asariba kewö jiget, “Morö kiañön qariba mönö wani yuaia kun denöwö akña?” Mewö.

Zekaraianöñ kezapqetok keu jiyök.

⁶⁷ Mewö jigetka Uña Töröñan iwiñi Zekaraiağö uruñi kokolak qeiga kezapqetok keu kewö jiyök,

⁶⁸ “Nini Israel neñgöreñ Kembu Anutu möpöseibin. I-ia!

Yañön mönö könagesöurupñi mesohol köl neñgiba sohoppnini memamgöra jöjöröba kama.

⁶⁹ Anutunöñ welen aziñi kiñ Deiwidkö könagesö neñgö sutnneyök azi kukösumñambuk kuñgui wahöta Amötqeqe Tonina akña.

⁷⁰ Möpñañgö möpñeyök kezapqetok ambazipurupñi tök-kutukutuñi i sölohöm engii keu jit kewö jiba malget,

⁷¹ ‘Nöñön mönö kerökurupñini yengö ösumñini qebi eriga bohonñini jöhömam.

Denike yeñön kazik ak engimei, nöñön mönö körek yengö böröñineyök meköba sel jöhöm engimam.’

⁷² Keu mewö jiba bömönurupñini ak kömum engiba yembuk jöhöjöhö areñ qainñi kun jöhöyöhi, mi mötmörriba wuatangöiga amötqeqegö ölnji asuhuma.

⁷³ Jöhöjöhö keu mi bömönini Abrahamgöra jiba jöjöpaj keunöñ jim köhöii ahöza.

⁷⁴ Jöhöjöhö keu miangö ölnji kewö: Yañön nini kerökurupñini yengö böröñineyök meköm neñgiiga yengöra keñgötnini qahö möta welenñi qem wañgiba malbin.

⁷⁵ Yañön keunini jim teköi solaniba yañgö jeñe sarakñi aka malmalnini ölüluw mewö mala kömumbin.

⁷⁶ *O gömokni Jon, göñön qariba mala qeljiñe mala ambazip uruñini mindiñgöba mewö miangön Kembugö könani mesatnöñga kama.

Miangöra qetki ‘Anutu öñgöñgöñi ketañgö kezapqetok azia,’ mewö qetketka malman.

⁷⁷ Mewö mala amötqeqegö könani mi Anutugö könagesöurupñi kusum eñginöñga mi möt kutuba uruñini melengetka Anutunöñ siñgisöndokñini sañgonja mosötma.

⁷⁸ Anutuninan uruñan jöpaköba ak kömum neñgimakza.

Mewö aka mesohol köl neñgiba undiñi euyangöreñök ali gilikbilik akza.

Mewögöra neñön mönö wañgaran surui aukñe asaribingö akzin.

⁷⁹Yini pandamanöŋ jipjap taringa kômupkö kondotkondot Toŋan aum köl neŋgimakzadmö, wehön jilinjbölaŋ kota qaknine kuŋguba mem asarim neŋgima.

Mem asarim neŋgiiga luaigö könäŋi aukŋe asuhui eka miangöreŋ aŋgota tiba kinbin.” Zekaraianöŋ mewö jiyök.

⁸⁰Morö Jon yaŋön qariba wahöriŋa Uŋa Töröŋan inahöm waŋgiiga Anutugö kolek azi köhöikŋi ahök. Mewö aka gölme qararaŋkölkölŋe mala mali nalöŋan kam kuŋguiga Israel könagesö yeŋgö jeŋine aukŋe asuhuba qeŋjarök nupŋi könahiba meyök. Mewö.

Jisös Betlehem taonöŋ ahuyök.

Mat 1.18-25

2 Jon O-melun azinöŋ ahuiga nalö miangöreŋ sisa kiŋ Ogastus yaŋön Rom sitinöŋ gölmeŋi gölmeŋi galöm köl eŋgiyök. Galöm köl eŋgiba takis könahiba memegöra gawmangö jimkutukutu aliga gölmeŋi gölmeŋi pakpak yeŋön tokogetka kuskus (sensus azi) yeŋön qetjini papianöŋ ohoba areŋgöget.

²Areŋ nup mi nalö mutukŋa meget. Megeri, nalö miangöreŋ azi qetjŋi Qirinius yaŋön Siria prowinsgö premiö mala galöm köl eŋgiyök. ³Ogastusnöŋ jimkutukutu aliga ambazip körek pakpak yeŋön öröba anda qetjini areŋnöŋ ohomegöra nanjini ahuahui miri bohonjini dop anget.

⁴Galili prowinsgö taon qetjŋi Nazaret miangöreŋ azi qetjŋi Josef malök. Yaŋgö amböŋi mi kiŋ Deiwid. Kiŋ Deiwidkö taonjŋi qetjŋi Betlehem mi Judia prowinsnöŋ ahöyök. Miangöra Joseföŋ Nazaret mosöta öŋgöba geba Betlehem anök. ⁵Anmam jiiga nalö miangöreŋ ambi buŋaŋi qetjŋi Marianöŋ

gölömŋambuk malök. Maliga i auangita qetjŋiri ohomegöra mohotŋe anohot.

⁶Anda Betlehem aŋgorohotka Mariagö morö meme nalöŋan kam kuŋguyök. ⁷Kam kuŋguiga qeŋjarök ahöahö mire aŋgota miangö uruŋe tiŋi qahö miwikŋaiyohot. Miangöra bau bulmakau miriŋe öŋgöba tarohot. Tata miangöreŋ nahöŋŋi mutukŋi mamba oponöŋ esuhuba bulmakau joutŋe ali geba ahöyök. Mewö.

Lama galöm yeŋön Suep garata eŋgeket.

⁸Betlehem taon gölme miangöreŋ azi tosataŋan suŋgem dop gölme köröŋi miangöreŋ anda lama kambuŋini galöm köl eŋgiba malget. ⁹Mewö malgetka suŋgem miangöreŋ Kembugö garata kuŋŋan kösutjine asuhum eŋgiyök. Asuhum eŋgiiga Kembugö asakmararaŋan liliköm eŋgiba asariiga qem sömbuŋini möta jönömŋini unduyök. ¹⁰Jönömŋini unduyökmö, Suep garatanöŋ jii mötket, “Mönö kezap alget. Nöŋön sösoŋgai Buŋa ketanŋi ambazip körek pakpak yeŋgöra memba kazal, mi indel eŋgimam. Miangöra jönömŋini kude unduma. ¹¹Buŋa mi kewö: Eŋgö Amötqeqe Toŋinan dölkŋi ahuza. Yaŋön kiŋ Deiwidkö taonöŋ asuhuba Kembu qetjŋi Kraist akza. ¹²Keu miangö aiwesökŋi kewö: Injini anda morö sepsep oponöŋ esuhuba bulmakau joutŋe alget ahözawi, mi miwikŋaime.”

¹³Garatanöŋ mewö jiiga miangöreŋök garata kambu ketanŋan Suepnöhök kaŋgota yambuk aitöŋgöba Anutugö möpömöpösei liŋet köla kewö jiget,

¹⁴“Anutugö qetbuŋaŋi möpöseininga Suepnöŋ euyangöreŋ öŋgöza.

Yaŋön ambazip nanŋaŋgöra meköm eŋgiyöhi, yeŋgöra körö ölöwak

möta gölmenöj luai al engiza.”
Mewö.

Lama galöm yejön anda Jisös eket.

¹⁵ Garata yejön engömosöta Suepnöj lilingöba öngögetka lama galöm yejön naninak kewö jiget, “Ayop, Betlehem miangörej yuai ahuiga Kembunöj miangö keuji jii mötzini, nini mönö mia anda ekin.”

¹⁶ Mewö jiba ösumñinan anda Maria Josef aka morösepsep bulmakau joutje ahöyöhi, miwikñaiba eket. ¹⁷ Eka kinda garatanöj morögöra keu jii möta kageri, mi indela jim asariget. ¹⁸ Jim asarigetka mötkeri, yejön körek pakpak auruba welipköget.

¹⁹ Welipkögetmö, Marianöj keu pakpak mi uru könömje ala dumgöba jöhöba könañi mötmöriba malök. ²⁰ Welipkögetmö, yuai pakpak Suep garatanöj jiyöhanjö dop asuhuyöhi, mi lama galöm yejön eka möta miangöra Anutugö sösongai lijet köla möpöseiget. Möpöseiba mosöta lilingöba anget. Mewö.

Morö qetji Jisös qetket.

²¹ Jisös ahui Sonda mohot miangö dop teköiga Anutugö aiwesökñi sileje yandibingö nalöni kaiga qetji Jisös qetket. Suep garatanöj qet mi mutuk qeta wanggiigun nalö miangörejök namñangö gölöm uruje ahuyök. Mewö.

Jisös wangita Anutugö buñaya alget.

²² Mosesgö Köna keunöj keu kewö ahöza, “Ambinöj morö nahönñi mutukñi memba silim 40 kounje mali teköiga söro gulunji köl könjörat wanggiba iñini mönö jöwöwöl jikenöj öngöba morö mi Anutugö jeje algetka yangö buñaya akña.” Miangöra nalö mi kam kuñguiga Josef Maria

yetkön keu mi tem köla Jisös wangita Kembugö buñaya akñapköra Jerusalem öngöyohot.

²³ Kembugö Köna keunöj keu kewö ohoget ahöza, “Morö nahön pakpak sep mutuk mokozei, mi mönö Kembugö buñaya akñapköra qem teköba mem sarahime.” Yetkön keu mi wuatangöyohot. ²⁴ Mewöyök Kembugö Köna keunöj jimkutukutu keu ahözawangö dop kembö me kembö supsup nei yahöt mi jöwöwöl ohomahotköra Jerusalem sitinöj öngöba anohot.

²⁵ Nalö miangörej azi kun qetji Simeon Jerusalem malök. Yanön urunji jömuk Anutugörej qekötahöba urumelenjö kölguliguli aiga Uña Töröñan yambuk kiniga Amötqeqe Toñan Israel uruje asuhumapköra mamböta malök. ²⁶ Mamböta maliga Uña Töröñan keu kewö indeli mörök, “Gi Kembugö Amötqeqe Toñi Kraist ahui mutuk ekagun kömupkö sihibölöñi mötman.” ²⁷ Iwinamñan Mosesgö Köna keu wuatangöba Jisös wangita jöwöwöl jikenöj öngöyohot. Öngöyohotka Uña Töröñan Simeon sölölohöi nalö miangörejök mewöyök jikenöj öngöyök. ²⁸ Öngöba morö mi eka memba dohongöba Anutu möpöseiba kewö jiyök,

Simeongö sösongai lijet

²⁹ “O Kembu, merak welen azigan ölop anda uruluainöj mala kömuma.

³⁰ Göhö keugahö dop Amötqeqe Toñi melainöj asuhuiga i nani jenan eka simbawon mötzal.

Miangöra ölop anda kömumam.

³¹ Göñon amötqeqegö könañi mözözömgöba kantri pakpak yengöra indel enginöñga mi eka möt kutume.

³² cGöñön Amötqeqe Toñangö asakñi indelnönga kian kantri yeñgö uruñini kuñguiga asarime aka qetbuñagan nangi könagesögi Israel neñgö sutnine mewöyök qarima.”

Simeongö kezapqetok keu

³³ Simeonöñ morögöra keu mewö jiga iwinamñan möta köñkuñ aka welipköyohot. ³⁴ Welipköyohotka kötuëtköm engiba namñi Maria kewö jii mörök, “Mötnöñ, Anutunöñ morö ki kuñguba ali Israel ambazip sehisehiñan i andö qeba eta engugetka gwötpukñan uruñini meleşda ölöwaktje. Anutunöñ nanñak i ali aiwesök aiga gwötpukñan i tuaköpek jim wañgime.

³⁵ Tuaköpek jim wañgigetka urumötmötñjini asa-asambötñan mewö aukñe asuhuma.

Nangi urugan mewöyök wösöbirik aiga miañön sou zuluk alalñi ewö urugi kuñguba qesiñma.” Mewö.

Ana ambigö kezapqetok keu

³⁶ Jerusalem miangöreñ kezapqetok ambi namñi kun qetñi Ana malök. Yangö isikñi qetñi Aser, iwiñi qetñi Fanuel. Ambi miañön seramñe azi memba mali yambu (yara) 7 mohotñe malohot. ³⁷ Malohotka apñi kömui malö aka mala kori nalö miangöreñ yambuñi 84 ahök. Yañön nalö dop jöwöwöl jikenöñ öngöba mi silim kun qahö mosörökmö, suñgem asak Anutugöra nene siñgi mala köulüköba waikñi memba möpöseiba malök.

³⁸ Yañön nalö miangöreñök kañgota morö mi eka Anutu möpöseiyök. Anutunöñ Jerusalem ambazip sohopñini memapköra mamböta malgeri, körek

yeñgöra morö miangö könani jim asari mötket. Mewö.

Jisösbuk Nazaret lilingöget.

³⁹ dJosef Maria yetkön Kembunöñ areñi jim kutuiga Köna keunöñ ahözawi, mi körek ahot teköiga Galili prowinsnöñ lilingöba taonñiri Nazaret miangöreñ anohot. ⁴⁰ Morönöñ qariba wahöta köhöiba mötkutukutuñi ahuba kokolak qeiga Anutugö kalem möriamñan qakñe öngöi kinök.

Jisös yarañi 12 aiga jöwöwöl jikenöñ öngöget.

⁴¹ eJisös iwinamñan yambu (yara) dop ak-kömukömu^{††} kendon nalöne Jerusalem siti öngöba anjahotma.

⁴² Mewö mala Jisös yambu (yara)ñi 12 aiga silikñini ahakzeangö dop nalöñi kam kuñguiga mewöyök öngöba anget.

⁴³ Anda mala kendon nalö miañön teköiga lilingöba miriñire anohot. Anohotmö, morö gwabö Jisösnöñ Jerusalem tari iwinamñan mi qahö möt kutuyohot. ⁴⁴ “Yañön ambazip kambu yembuk anja,” jiba silim mohotkö dop köna anda sepkitip aka alaurupñiri yeñgö uruñine qeta jaruyohot. ⁴⁵ Qeta jaruyohotmö, qahö miwikñaiiba kunbuk lilingöba Jerusalem anda jaruyohot.

⁴⁶ Jaruba malohotka silim karöbut teköiga jöwöwöl jikenöñ öngöba miangöreñ miwikñaiyohot. Miwikñaiyohotka azi ketani yeñgö sutñine tarök. Tari kusum wañgigeri, mi möta qesim engiba tarök. ⁴⁷ Tata Buja keugö könani törörök möt asariba diñdiñanök meleşniga körek pakpak yeñön mi möta welipköget. ⁴⁸ Iwinamñan eka auruba namñan jii mörök, “Nahöni, gi denöwögöra mewö

^{††}2:41 Anutunöñ Ijipt miangöreñ Israel ambazip engëhoriba engongiröhi, ak-kömukömu kendon miangö qetñi kun Pasowa.

ak netkizan? Mötnöñ, niri iwigabuk göhöra waimanjat möta qeta jaruba malit.”

⁴⁹Mewö jiiga kewö meleş etkiyök, “İjiri mönö wuanöñgöra ni göraim niñgizahot? Ni Iwinanğö mire tatpi dop kölja, mi mötzahot me qahö?” ⁵⁰Mewö meleş etkiyökmö, yetkön keu jiyöhi, mi-anğö kónaņi mi qahö möt asariyohot.

⁵¹Qahö möt asariyohotmö, töndup wahöta yetpuk lilingöba Nazaret taonöñ anda iwinamņi tem köl etkiba malök. Jisösnöñ keu jiyöhi, namņan mi pakpak möta urukönömje ala jöhöba angön kölök. ⁵²fJisösnöñ mala qarii yambu (yara)ņi önggöiga mötkutukutuņi asariba sehiiga Anutunöñ kalem möriamņi waņgii köhöiba ambazip aka Anutu yeñgö jeņine dop köl engiyök. Mewö.

Jon O-melun azinöñ Buņa keu jiyök.

Mat 3.1-12; Mak 1.1-8; Jon 1.19-28

3Zekaraiagö nahönņi Jon yañön nupņi kónahiyök. Nalö miangören sisa kiņ qetņi Taiberius yañön Rom sitinöñ mala gölmeņi gölmeņi mindiriba yambu (yara) 15 azi kembu aka toroqeba galöm köl engii malget. Galöm köl engimamgöra gölmeņi gölmeņi Israel liliköba ahözei, mi mesingetka bahöņi 4 aiga miengö kiņini 4 mi kewö kunguget:

Pontius Pailöt, Herod, Filip aka Lisaias. Pontius Pailöt mi Judia prowinsgö premiönņina malök. Kiņ Herodnöñ Galili prowins galöm köl engiyök aka datņi Filipnöñ Ituria aka Trakonitis prowins yahöt miengö kembuņina malök aka Lisaias yañön Abilene gölme memba malök.

²Jike nup galöm bohonņini yahöt malohot, qetņiri Anas aka Kaiafas. Nalö miangören Zekaraiagö nahönņi

Jon yañön gölme qararañkölkölje maliga Anutugören Buņa keu asuhuiga mörök. ³Anutugö Buņa möta anda Jordan o töwatņanğö kösutņe miri dop liliköba malök. Liliköba mala Buņa keunöñ uruņini kuņguba kewö jiba malök, “İjini mönö uruņini melengetka nöñön o melun mem engimam. Mewö aketka Anutunöñ siņgisöndokņini saņgoņda mosötma.”

⁴gMiangö keuņi mi kezapqetok azi Aisaiannöñ ohoi yañgö Buzup Kimbinöñ kewö ahöza,

“Kolek garata kuņņan gölme qararañkölkölje qeta maliga anda qetņi kewö mötme,

‘Kembunöñ kamawo! Miangöra mönö jöjöröba kónaņi mesatket. Mönö uruņini mindinğöba kónaņi qölöleiget.

⁵Köna örue pakpak mönö qem tigetka diņdiņi akņa.

Kunduņi wanjaņi pakpak mi mönö qeköba köl qölöleigetka köröņi akņa.

Köna mösökqösökņambuk mi mönö möhamgögetka diņgime.

Luhutnöñ köna misiiga simbiņsambaņ tatzawi, mi mönö kutuba mesatketka solanima.

⁶Anutunöñ oyaenķoyaen Toņi melaii kaiga gölmeņi gölmeņi pakpak yeñön mi eka ek kutume.”

⁷hJonöñ miangö dop uruņini kuņguiga ambazip kambuņi kambuņi yeñön o melun mem engimapköra yañgören kagetka engeka yeñgöra kewö jiyök, “O qatö moröņi, iņini uruņini qahö meleşgetka Anutugö irimņan sehohiiga likepņi meleş engimamgö akza. Mi ölöñ kölbingö goro keuņi mi mönö dañön jii möta sömbuņini möta ki kaze?”

⁸ⁱ“Miangöra mönö öljanök uruñini meleşme. Bölönamñineyök lilingögetka ölni asuhui mi mönö ahakmemeninan aukñe kondela malme. Uruñine möndömöndö keu kewö kude mötmörime, ‘Neñön mönö Abrahamgö gwölönarökña malinga Anutunöñ qahö ayuhum neñgima.’ Mewö töptöpñine qemakzemö, ölni mi qahö ahakze. Nöñön miangöra kewö jibi mötket: Anutunöñ köt ki ölop jim kutum enñgiga letota Abrahamgö gwölönarökurupñi aka Anutu möpöseimakñemö, iñini denöwö?”

^{9j}“Uruñini qahö meleşme ewö, Anutunöñ mönö iñini ip ewö teñgöri etpingö akze. Ip pakpak ölni ölopñi qahö kuñgumakzei, mi mönö köli etket könöpnöñ gili game. Ip mewöñi kölmamgö kesinji lök jitñi sañe ala ip könañe ali jöjöröba ahöza. Anutunöñ mönö bölönamñinangö likepñi meleş enñgima.”

¹⁰Mewö jiiga ambazip kambuñi kambuñi yeñön kewö qesiba jiget, “Mewögöra nini mönö denöwö ahinga dop kölma?”

¹¹Qesiba jigetka kewö meleşnök, “Kunñan maluku yahöt memba maljawi, yañön mönö mietköreñök kun mi malukuñi qahö i wañgima aka denike yeñön nenenjambuk maljei, yeñön mönö mewöyök nenenjini qahö yeñgöra mendeñ enñgime.”

^{12k}Takis meme azi tosatan mewöyök o melun mem enñgimapkö kaba qesim wañgiget, “Böhi, neñön mönö denöwö ahinga dop kölma?” ¹³Qesim wañgigetka jii mötket, “Gawmanöñ takisgö jim kutum enñgi ahözawi, dop mi mönö qahö onñgita meme.”

¹⁴Yarö azi tosatan mewöyök qesim wañgiget, “Niniato? Neñön denöwö ahinga dop kölma?” Qesim wañgigetka

kewö jii mötket, “Kungöreñ monenñgöra kuñguba upetkupet aka kiom kude kölmemö, nanñini töwañini memakzei, miambuk mönö urumohok aka ösöñ malme.” ¹⁵Ambazip pakpak yeñön “Jonöñ Amötqeçe Toñi Kraist akapuk,” jiba uruñinan mewö mötmöriget. Miangö könañi mötpingö kezapñini köröpñi aket.

¹⁶Mewö aketka Jonöñ körek yeñgöra kewö jiyök, “Nöñön o töhönöñ melun mem enñgizalmö, azi kukösumñi köhöikñi kun kama. Yañgö kukösumñi öñgöñgöñan mönö nöñgöreñ onñgitma. Yañön azi öñgöñgöñi akñawañgöra nöñön yañgö köna esuñangö kösöñi bauköba pösatmamgö qötötangömam. Yañön mönö Uña Töröñi uruñine ali könöp bölamñan köl könjörat enñgiga mewö miangön melun mem enñgima. ¹⁷Yañön ölni aka kamböñi mendeñ etkimamgö sapañi memba kañgota uba qöröreñgöba kewötma. Kewöta wit kötñi tokoba köweñe almapmö, kamböñi aka gwaugulapñi mi mönö usuñniga könöpnöñ geba teteköñi qahö jema.”

¹⁸Keu mewöñi mewöñi gwötpuk toroqeba jiba uruñini kuñguba Ölöwak Buña ambazip kambu yeñgöra jim asariba malök. ^{19l}Malökmö, gölme bahöñangö kiñ Herod yañön datñangö anömmi qetñi Herodias mi ölöñ meyök aka bölöñi könañi könañi aka malöhi, miangö sapñi Jonöñ qeba munjariga jim wañgiyök. ²⁰Jim wañgiba bölönamñi kun toroqeba aka Jongöreñ nupñi tözöpköba suañh galömmi jii Jon memba kösö mire alget. Mewö.

Jonöñ Jisös o melun mem wañgiyök.

Mat 3.13-17; Mak 1.9-11

²¹Jonöñ ambazip pakpak o melun mem enñgiba Jisös mewöyök o

melun mem waŋgiyök. Mem waŋgii köuluköiga miangöreyök Suepnön aŋaŋiyök. ^{22m}Aŋaŋiiga Uŋa Töröŋan meleyda kembö nei ewö aka Jisösgö qakŋe erök. Mewö eriga Suepnöhök qet kun kewö asuhuyök, “Gönön mönö nani wölböt nahöna aknönnga köröni ölöwahiga geknahöm ak gihizal.” Mewö.

Jisösgö isikurupŋi yeŋgö qet arejini

Mat 1.1-17

²³Jonön Jisös o melun mem waŋgi-iga yambu (yara)ŋi 30 miangö dop aiga amötqeŋe nupŋi könahiba memba malök. Memba maliga Josefgö nahönŋa akzawi, ambazipnön mewö mötmöriget. Jisös iwiŋi Josef, asaŋi qetŋi Heli. ²⁴Jisös amböŋi qetŋi Matat, sukumŋi qetŋi Liwai. Liwai iwiŋi Melki, asaŋi Janai, amböŋi Josef, ²⁵sukumŋi Mata-tias. Matatias iwiŋi Amos, asaŋi Nahum, amböŋi Esli, sukumŋi Nagai. ²⁶Nagai iwiŋi Mat, asaŋi Matatias, amböŋi Semen, sukumŋi Josek. Josek iwiŋi Joda, ²⁷asaŋi Joanan, amböŋi Resa, sukumŋi Zerubabel. Zerubabel iwiŋi Sealtiel, asaŋi Neri,

²⁸amböŋi Melki, sukumŋi Adi. Adi iwiŋi Kosam, asaŋi Elmadam, amböŋi Er, ²⁹sukumŋi Josua. Josua iwiŋi Eliezer, asaŋi Jorim, amböŋi Matat, sukumŋi Liwai. ³⁰Liwai iwiŋi Simeon, asaŋi Juda, amböŋi Josef, sukumŋi Jonam. Jonam iwiŋi Eliakim, ³¹asaŋi Melea, amböŋi Menna, sukumŋi Matata. Matata iwiŋi Neitan, asaŋi Deiwid, ³²amböŋi Jesi, sukumŋi Obed. Obed iwiŋi Boaz, asaŋi Salmon, amböŋi Nason,

³³sukumŋi Aminadab. Aminadab iwiŋi Admin, asaŋi Arni, amböŋi Hezron, sukumŋi Perez. Perez iwiŋi

Juda, ³⁴asaŋi Jeikob, amböŋi Aisak, sukumŋi Abraham. Abraham iwiŋi Tera, asaŋi Nahor, ³⁵amböŋi Serug, sukumŋi Reu. Reu iwiŋi Peleg, asaŋi Eber, amböŋi Sela, ³⁶sukumŋi Kainan. Kainan iwiŋi Arpaksad, asaŋi Siem, amböŋi Noa, sukumŋi Lamek. ³⁷Lamek iwiŋi Metusela, asaŋi Enok, amböŋi Set, sukumŋi Adam. Adam mi Anutunön mei ahuyök. Mewö. ³⁸(-)

Satanön Jisös esapköba malök.

Mat 4.1-11; Mak 1.12-13

4 Jonön Jisös o melun mem waŋgi-iga Uŋa Töröŋan uruŋi kokolak qei Jordan onöhök lilingöiga waŋgita gölme qararaŋkölkölŋe anök. ²Anda mi-aŋgöreŋ mali Bölöŋi Toŋan esapköm waŋgii wehön 40 teköyök. Nalö 40 mi-aŋgöreŋ nene kun qahö nempa mali teköiga neneŋaŋgö kömuyök.

³Yakaŋaŋgö kömuiga Bölöŋi Toŋan jii mörök, “Gi Anutugö nahönŋa akzan ewö, mi mönö kondela köt ki jim kutunönŋa letota beret aketka neman.”

⁴ⁿJii möta meleynök, “Qahö, Buŋa Kimbinön keu kewö ohoget ahöza, ‘Nenenöhök ambazip malmal qahö neŋgimakza.’”

⁵Meleyniga waŋgita kundunji köröpŋi kunön öŋgöba gölmegö kantriŋi kantriŋi pakpak mi zilaŋ kondel waŋgiyök. ⁶Kondel waŋgiba jii mörök, “Nönön kantri pakpak mi galöm köl engimamgö kukösumŋi aka inap yuainŋaŋgö aködumunji mi nöŋgö böröne alalŋa ahöza. Mi-aŋgöra mi nani sihimnaŋgö dop niŋia waŋgimam jiba ölop wangimam. Mi-aŋgöra yuai pakpak ki mönö göhö böröge almam. ⁷Mi-aŋgöra gi waikni memba möpöseim niŋgiman ewö, mi pakpak mönö göhö bujaya ak teköma.”

⁸ Mewö jii möta kewö meleḡnök, “Qahö, Buḡa Kimbinöḡ keu kewö ohoget ahöza, ‘Gi mönö Kembugi Anutu waikḡi memba möpöseiba ia mohot welen qem waḡgiba malman.’”

⁹ Meleḡniga Jisös waḡgita Jerusalem sitinöḡ anda jöwöwöl jikegö boḡe eu-yaḡgöreḡ öḡgöba kewö jii mörök, “Gi Anutunöḡ nahönḡa akzan ewö, mönö ki-aḡgöreḡök luhuba emu geman. ¹⁰ P Buḡa Kimbinöḡ keu kun kewö ohoget ahöza, ‘Anutunöḡ garataurupḡi jim kutum enḡi-iga ölöḡḡanök galöm köla sel jöhöm gi-hime,’ ¹¹ qaka keu kun kewö, ‘Yeḡön böröḡine ala nöḡgölim gihiḡetka geba kötnöḡ könage qahö guhum qizit akḡa.’” Miangöra geba kude ayuhuman.

¹² r Mewö jiyökmö, Jisösönḡ kewö meleḡ waḡḡiyök, “Qahö! Anutunöḡ jiza, ‘Gi mönö Kembugi Anutu kude esapköm waḡgiman.’”

¹³ Bölöḡi Toḡan esapesap pakpak mi Jisös ak waḡḡi teköiga mosöta anök. Mewö.

Jisösönḡ könahiba amötqeqe nup meyök

Mat 4.12-17; Mak 1.14-15

¹⁴ Jisösönḡ gölme qararaḡkölkölḡi mosöri Uḡa Töröḡaḡgö ösumḡan yambuk kiniga Galili prowinsnöḡ liliḡgöyök. Liliḡgöiga keu buzupḡan sehiba miri gölme liliköba tat angeri, mi pakpak dop köla anök. ¹⁵ Dop köli miriḡi miriḡi liliköba köuluk miriḡine öḡgöba Buḡa keu kusum enḡiyök. Kusum enḡiiga mötkeri, körek yeḡön mönö söḡgaiba möpöseim waḡḡiget. Mewö.

Nazaret yeḡön Jisös andö qeget.

Mat 13.53-58; Mak 6.1-6

¹⁶ Jisösönḡ liliḡgöba malqarip taonḡi Nazaret miangöreḡ anök. Sonda kendonöḡ kaiga ahakzawaḡgö dop köuluk mire öḡgöba Buḡa Kimbi oyon enḡimamgö wahörök. ¹⁷ Wahöri kezapqetok azi Aisaiaḡö Buzup Kimbi waḡḡigetka kötula keu kemaḡi kewö ohoget ahözawi, mi miwikḡaiyök:

¹⁸ s “Kembugö Uḡa Töröḡan nöḡgö urune geba nup memegö kelök supapḡi köl niḡgiba ambazip etqeqeḡi yeḡgöra Ölöwak Buḡa jim asarimakzal. Yaḡön melaim niḡḡiiga keu kewö jim sehimakzal:

Bölöḡan gwaröhöm enḡi maljei, Anutunöḡ mönö i pösata meköm enḡiiga malme.

Anutunöḡ jegömöl ambazip jeḡini mem tohoiga kunbuk uba ekḡe.

Taikpaik memba eta alget maljei, Anutunöḡ mönö i meköm enḡiiga siy-öḡsayaḡi qahö malme.

¹⁹ Kembunöḡ amötqeqegö yambu ölöḡḡi ali kam kuḡgumawi, nöḡön miangö kolekḡa kaba mi jim asarimakzal.”

²⁰ Keu mewö oyonḡa köpöp supap mi köpeiba galömḡi waḡḡiba eta tarök. Tariga köuluk mire tatkeri, yeḡön körek je qisilmisilḡi qahö dörotköba ehiget.

²¹ Ehigetka könahiba kewö jii mötket, “Buzup Kimbigö keu ki oyonḡi keza-ḡḡine gei mötzei, miangö öḡḡan mönö merak asuhuza.”

²² Mewö jii mötketka kalem möriam keuḡi keuḡi numbuḡeyök eriga körekḡan mi möta welipköba jim soroköm waḡḡiba keu miangö jiji-kilik-kilikḡi mi kewö jiget, “Azi ki Josefgö nahönḡa me?”

^o4:8 Dut 6.13 ^p4:10 Sum 91.11 ^q4:11 Sum 91.12 ^r4:12 Dut 6.16

^s4:18 Ais 61.1-2

²³ Jigetka kewö jii mötket, “Injini nalöni nalöni keu kötji ki jimakze, ‘Mem ölöwak azi gi mönö nangi mem ölöwak anjuman.’ Injini keu kötji mi dölki nöngöra jibingö mötze, mi mötzal. Mi jiba kewö jibeak, ‘Gi Kaperneam taonöj anda anğöletot öngöngöni menönga buzupni mörini, miangö dop mönö nangi miri kianğorej mewöyök me-man.’” ²⁴ ^tMewö jiba jiyök, “Nöñon keu ölni kun kewö jibi mötme: Kezapqetok ambazip kunöj mönö nanji malqarip taonöj qahö dop kölja.

²⁵ ^u“Nöñon keu ölbölji kun kewö jibi mötme: Elaijagö (Elia) nalöne Anutunöj Sup nanğuni köli yambu (yara) karöbut aka köinj 6 miangö uruñe kie qahö yöhöiga bödi ketani ahuiga gölme pakpak dop kölök. Nalö miangörej ambi malö gwötpuk Israel uruñe malget. ²⁶ ^vGwötpuk malgetmö, Anutunöj Elaija yengörejök kungörej anmapkö qahö melaiyökmö, kian gölme Saidongö miri qetji Sarefat miangörej ambi malö mohot-töp yangörej melaiiga anök. ²⁷ ^wKezapqetok azi Elisagö nalöne uzikukunöj Israel azi gwötpuk turum enğiiga malgetmö, yengörejök kunjan kun qahö solaniyök. Qahöpmö, kian gölme Siriagö azi qetji Naman yanön mohot-kun mönö Elisagö keunji möt nariba solaniba ölöwahök.”

²⁸ Jisösnöj mewö jiiga köuluk mire tatkeri, yeñon körek keu mi möta irimjini sehöliiga urupik aket. ²⁹ Urupik aka wahöta Jisös közöla taon yaigepñe wuatangöba taon mi kundunangö sem kösutñe meget kinöhi, miangörej aköget gemapköra anget. ³⁰ Angetmö, sutñine qendenđa engömosöta anök. Mewö.

Kaperneam taonöj öme kun közölök.

Mak 1.21-28

³¹ Jisösnöj Galili prowins uruñe Kaperneam sitinöj eta anğota Sabat kendonöj ambazip kambu kusum enğiyoök. ³² ^xKusum enğiiga keunan kukösumnambuk aiga jiyök. Miangöra könagesö yeñon mi eka auruba welipköget.

³³ Köuluk miri miangörej azi kun ömeñambuk tarök. Tariga ömeñan teringöba silata qetji kewö qerök, ³⁴ “Aek! Jisös, Nazaret asia! Gi wania ak nengimangö akzane? Mönö ayuhum nengimangöra kazan me? Ni könangami möt kutuzal. Gi Anutugörej azi Tök-kutukutuñi akzan.”

³⁵ Mewö qeriga Jisösnöj tembula kewö jim wanğiyök, “Gi mönö keugi bököiga azi ki mosöta kesalnöj.” Mewö jim wanğiiga ömenöj azi mi memba gili tala sutñine gölmenöj geiga miziqizikni qahöpmahöp aka kota mosöta anök.

³⁶ Aniga körekñan nemböjini teköiga welipköba sutñine eraum möta kewö jiget, “Ye! Keu ki mönö wani keuya? Yanön kuk aka ösum-mumu qakñe ömewörome jim kutum enğiiga tem köla kota anje.” ³⁷ Mewö asuhuiga Jisösgö qetbuñan sehiba miri pakpak kösutñe tat angeri, miangörej anda gölme mi dop kölök. Mewö.

Jisösnöj kawöl ambazip gwötpuk meiga ölöwaket.

Mat 8.14-17; Mak 1.29-34

³⁸ Jisösnöj wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunjan sile könöp öngöngöni yöhöi ahöyök. Ahöiga yangöra aka Jisös köuluköm wanğiget. ³⁹ Köuluköm

^t4:24 Jon 4.44 ^u4:25 1 Kiñ 17.1 ^v4:26 1 Kiñ 17.8-16

^w4:27 2 Kiñ 5.1-14 ^x4:32 Mat 7.28-29

wanjigetka anda sipkoba geba sile kōnōp jim kutum wanjiiga mosōriga miangōreñōk wahōta nene ohoba gumohom enjgiyōk.

⁴⁰ Wehōn jeñi tekōba geiga miangōreñ ambazip denike yeñōn alaurupñini kawōl kōnañi kōnañi miangōn enghōhōi ahōgeri, mi kōrek enjuangita Jisōsgōreñ kaget. Kagetka bōrōñi kōrek yeñgō qakñine inannik inannik aliga ōlōwak tekōget. ⁴¹ Ōmewōrōme yeñōn mewōyōk ambazip gwōtpuk yeñgō uruñineyōk kota silata kewō qetket, “Gi Anutugō nahōnñi akzan.”

Jisōsnōñ Amōtqeçe Toñi Kraist akzawi, yeñōn mi mōtkerañgōra Jisōsnōñ jim enjgiba numbuñini muhungōba enjuatañgōyōk. Mewō.

Amōtqeçe nupñi Galili dop kōlōk.

Mak 1.35-39

⁴² Jisōsnōñ gaun ahōiga miri wanjaran suruiga wahōta nanjik tiriñ (tiñ) kutuba geba gōrañe kunōñ anōk. Anōkmō, ambazip yeñōn gōraim wanjiba anda miwikñaiiba kude enghōmosōta anmapkōra esapkōba anghōn kōl wanjiget. ⁴³ Anghōn kōl wanjigetmō, kewō jii mōtket, “Nōñōn Anutu bemtohonñangō Ōlōwak Buñaji mi taon tosatñi yeñgōra mewōyōk jim asarim enjgibi dop kōlma. Anutunōñ mōnō miangōra melaim ningiyōk.”

⁴⁴ Mewō jiba anda Galili prowins lilikōba kōuluk miriñine Buña keunōñ uru kungum enjgiba malōk. Mewō.

Jisōsnōñ gwarekurupñi mutukñi enghoholōk.

Mat 4.18-22; Mak 1.16-20

5 ^yNalō kunōñ Jisōsnōñ Genesaret o anghō jitñe kiniga ambazipnōñ kambu kōla Anutugō Buña keu mōtpingō ōlōqōlōkōba lilikōm

wanjiget. ² Lilikōm wanjigetka kinda wanje yahōt kōwet gōrañe tarohotka etkehōk. Sōra ōrōrō yeñōn wanje mi mosōta geba mōsakñini kusahōla sanjonget. ³ Wanje kun mi Saimongōreña. Jisōsnōñ miangōreñ enghōba toñi kewō qesim wanjiyōk, “Gōñōn mōnō nanghōnōnga borom kun noanñgita onōñ gōrōken anma.” Qesim wanjiiga nanghōiga anda wanjenōñ tata ambazip kambu kusum enjgiyōk.

⁴ Kusum enjim tekōba Saimongōra jiyōk, “Gōñōn mōnō wanje ki nanghōnōnga o anghō bibiñe aniga alaurupki yembuk mōsakñini sōragōra gilgetka gema.”

⁵ ^zJiiga Saimonōñ meleñnōk, “Ketañamni, nini sunghem kōrōp mōsak gil bibihiba ōlñi kun qahō mezin. Qahōpmō, gōñōn jim kutuzanañgōra mōnō tōndup anda gilin gema.”

⁶ ^aMewō meleñni jiyōhangō dop aketka sōranōñ awamñi qahō mōsakñine gegetka buratibingō aket. ⁷ Mewō aketka alaurupñini wanje kunōñ malgeri, yeñgōra kaba baukōm enghimegō bōrōkaek kōlgetka kaget. Kagetka wanje yahōt mi sōranōñ kokolak qegetka nemulahōm takōyohot.

⁸⁻⁹ Sōra enghōngōñi mewō memba eka miangōra kōrekñan welipkōget. Welipkōba Saimon Pitōnōñ mi eka Jisōsgō wōsōñe geba simin kōla jiyōk, “O Kembu, ni siñgisōndok azia akzalañgōra mōnō nōmosōta anōñ.” ¹⁰ Saimongō alayahōtñi Jeims aka Jon Zebedigō nahōnyahōtñi yetkōn mewōyōk nembōñiri tekōiga welipkōyohot. Saimonōñ keuñi jiyōkmō, Jisōsnōñ kewō meleñnōk, “Mōnō keñgōtki kude mōtman. Gi kiangō andōñe ambazip mi sōra ewō ōrōba enghōmemba malman.”

¹¹ Mewö jiiga waŋgeŋini öröba kota saknönj ala öröyuaiŋini pakpak mosöta Jisösgö andöŋe wuatangöba anget. Mewö.

**Jisösnönj uzikuku azi
kun mem solaniyök.**

Mat 8.1-4; Mak 1.40-45

¹² Jisösnönj taon kunönj maliga miangörej azi kun sileŋi uzikukunönj mem bölim teköiga tarök. Tata Jisös eka kösutŋe simin köla geba kewö köululuköm waŋgiyök, “O Kambu, göŋön sihimgan mem ölöwak niŋgimangö mötzan ewö, mönö ni ölop mem solanim niŋgiman.”

¹³ Mewö jiiga böröŋi böraŋda sileŋi misiriba jiyök, “Nönjön mi akŋamgö mötzal. Gi mönö solaniman.” Mewö jiiga uzikukuŋi mi miangörejök solaniyök. ^{14b} Solaniiga kewö jim kutum waŋgiyök, “Mötnönj kiangö buzup keuŋi mi kun kude jinönj mötme. Qahöpmö, gi mönö jike nup galömgörej anda silegi kondel waŋgiba Mosesgörej jimkutukutuŋi wuatangöba solanizanangö saiwap nalukŋi ala jöwöwöl ohoman. Mi ohonönj ehiga ambazipnönj könaŋamgi möt kutume.”

¹⁵ Mewö jiyökmö, mi töndup Jisösgö qetbuŋaŋi sehiba miri dop asariba anök. Anöhaŋgö dop ambazip kambuŋi kambuŋi yeŋön keuŋi mötpingö aka kawölŋini mem ölöwakŋapkö yangörej kaba tokoget. ¹⁶ Kagetmö, Jisösnönj engömosöta gölme qararaŋkölkölŋe anda mala köululuköyök. Mewö.

**Jisösnönj azi sile likeŋŋi
kömukömuŋi möhamgöyök.**

Mat 9.1-8; Mak 2.1-12

¹⁷ Jisösnönj wehön kunönj Buŋa keu kusum engiiga Farisi (Köna keugö kapaŋkölköl) aka Köna keugö böhi tosatŋan Galili aka Judia prowinsgö miriŋi miriŋi aka Jerusalemök kaba

ambazip kambu sutŋine tatket. Kembangö kukösumŋan Jisös nam köl waŋgiiga ambazip kawölŋini mei ölöwaket.

¹⁸ Nalö miangörej azi tosatŋan alaŋini sile likeŋŋi kömukömuŋi mi kululunönj ala anguba kaget. Kaba kutuba Jisösgö kösutŋe miri uruŋe öngöba albingö esapköget. ¹⁹ Esapkögetmö, ambazip kambunöŋ ölököba kingerangöra paŋpaŋgöba miri uruŋe öngöbingö köna kun qahö miwikŋaiba memba miri qakŋe öngöget. Öngöba bo kötnönj memerji mi esim lulungetka kinimŋi ahui kawöl azi kululuŋambuk kösönönj jöhöba miangörej algetka ambazip sutŋine Jisösgö wösöŋe geyök. ²⁰ Mewö geiga Anutu möt narim waŋgigeri, Jisösnönj yeŋgö tandökŋini mi ehi dop köliga kawöl azigöra kewö jiyök, “Alani, nönjön ŋiŋgisöndoki mosötzal.”

²¹ Mewö jiiga Köna keugö böhi aka Farisi yeŋön mi möta könahiba kewö jiba mötmöriget, “Azi ki niŋja? Yaŋön mönö Anutu ilita mepaqepaik akza. Anutu mohotŋan ŋiŋgisöndoknini mosörakzapmö, azi kunŋan mi qahö.”

²² Mewö mötmörigetmö, Jisösnönj uruŋini ek kutuba kewö jii mötket, “Tosatŋi iŋini uruŋinan wuanöŋgöra keu jizali, miangöra gwötpuk mötmörize? Mi qahö dop kölja. ²³ Nönjön ŋiŋgisöndoki mosötzal, jizali, keu miangön mönö awamŋanök jijiŋa. Kunŋan mewö jiiga tosatŋan keu miangö ölni qahö ekŋe. Miangöra mi keu awamŋangö dop. Nönjön keu kun kewö jimamangö mötzal, ‘Mönö wahöta anöŋ.’ Keu mi mönö lömbötŋambuk jijiŋa akza. Mewö jibiga ölni asuhuma me qahöwi, miangön mönö aukŋe asuhui ekŋe.

²⁴ Mötket, gölmenöñ siñgisöndok mosötmosötkö kukösumñi mi Sup gölmegö azi öñjañgöreñ ahözawi, iñini miangö könañgöra janjuñ malbepuk. Miangöra keu lömbötñi mi azi kiangöra jibi öñji eket.” Mewö jiba azi sile likepñi kömükömuñi yañgöra jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi öñjambuk akña ewö, keu awamñi mi mönö mewöyök denöwögöra omañi akawak?”

²⁵ Mewö jiiga miangöreñök jeñine wahöta tumbulahöpñi ahöyöhi, mi memba Anutu möpöseiba mosöta miriñe anök. ²⁶ Mewö asuhuiga ambazip köreknjan welipköba sömbuñini möta Anutu möpöseiba jiget, “Yei! Merak yuai qetpuk soroha ekzin.” Mewö.

Jisösnöñ Matyu (Liwai) oholök.

Mat 9.9-13; Mak 2.13-17

²⁷ Miangö andöñe Jisösnöñ Kaperneam mosöta anda takis ofis ongitmamgö aiga miangöreñ takis meme azi qetñi Liwai tariga eka jii mörök, “Gi mönö nöngö andöne kanöñ.” ²⁸ Mewö jii möta nupñi pakpak mosöta wahöta Jisösgö andöñe anök.

²⁹ Anda Jisös miriñe köl öröba yañgöra közölömbuan ketañi mözözömgöyök. Mözözömgöba takis meme tilipqilipñinambuk aka alaurupñi tosatñi öröm enjiiga kambu ketañi köla yembuk tata nene neget. ³⁰ Mewö negetka Farisi (Köna keugö kapañkölköl) aka yengöreñ böhi yeñön mi eka jimongot aka Jisösgö gwarekurupñi kewö jim engiget, “Aek! Iñini mönö wuanöngöra takis meme tilipqilipñinambuk aka siñgisöndok ambazip yembuk tata nene aka o neze? Mi qahö dop kölja.”

³¹ Mewö jim engigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak engimakzapmö, kawöl ambazipnöñ mönö doktagöreñ anakze.

³² Nöñön siñgisöndok ambazip uruñini meleñmegö engoholmamgöra kaba maljalmö, ambazip nanñinangö mötketka solanñi akzei, i qahö.”

Nene siñgi malmalgö keuñi

Mat 9.14-17; Mak 2.18-22

³³ Ambazip tosatñan Jisösgöreñ kaba qesiget, “Jon O-melun azigö gwarekurupñi neñön nalö gwötpuk Anutugöra nene siñgi mala köuluk totoko köröpñi alakzin. Farisi (Köna keugö kapañkölköl) yengö gwarekurupñinan mewöñanök aka maljemö, nangi gwarekurupkan mönö pöndañ nene aka o nemakze.”

³⁴ Mewö qesigetka kewö meleñnök, “Öñja! Nini wani nalönöñ nene siñgi malakzin? Ambi meme nalöñe azigö andourupñan könöpñi algetka ambigö sep kitipurupñan yuai mi tökömakze me qahö? Nöñön nani gwarekurupni yengö azi buñaya aka yengö sutñine köisirik tatzal. Tatpiga siñgi malbingö jigetka yeñön aijölöñ söñgaiba tata siñgi malbingö osimakze. ³⁵ Osimakzemö, Anutunöñ noañgiri kömumbiga yeñön mönö nalö miangöreñ ölop siñgi malakñe.

³⁶ “Iñini malmal walñi aka sösoñgai Buña dölokñi mi mindirim etkibingö osime. Miangö dopkeu pasetñi kun mi kewö jibi mötket: Löñgölöngöt walñi jurariga kunöñ löñgölöngöt dölokñi mitiba opo su jöhanñi miangön qahö ala uhum göreñgömakza. Mewö akawak ewö, opo su jöhanñi dölokñan mönö walñambuk öröröñ qahö aka mi öröba munjurariga böliqölibapuk.

³⁷“Mewöjanök kunöŋ wain o dölökŋi mi jobö me toru walŋi lama sileŋan memeŋi miaŋgöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk.

³⁸“Miaŋgöra wain o dölökŋi mi toru dölökŋeyök mokoin geiga dop kölma. (Mewöjanök kunöŋ o ölöŋŋi mi gina gis-agisahöŋe qahö umakzin. Mewö ubinak ewö, miaŋön mönö jula kisipisirik eriga nempa kawöl neŋgöhöbapuk. Mewö akapuköra o ölöŋŋi mi gina ölöŋŋe umakzin. Injini mewöyök malmal walŋi aka Ölöwak Buŋa dölökŋi mi mindirim etkibingö osime.) ³⁹Kunŋan wain o walŋi möpöseiba nempa malakzawi, yaŋön wain o dölökŋi nemamgö sihimŋi qahö möta ölan alakza.” Mewö.

Jisösnöŋ Sabat kendongö Kembuŋi akza.

Mat 12.1-8; Mak 2.23-28

6^dMiaŋgö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Ani gwarekurupŋan wösöŋini enŋuiga wit öŋŋi mohot mohot böröŋinan misiba sömaŋda neget. ²Mewö negeranŋöra Farisi (Köna keugö kapaŋkölköl) tosatŋan mi eka kewö jiget, “Injini mönö wuanöŋgöra Sabat kendongö nup meme soŋoŋi oŋgitze?”

³eMewö jigetmö, Jisösnöŋ kewö melenök, “Kinŋ Deiwidnöŋ yarö aziurupŋi yembuk liliköba wösöŋini enŋuiga yuai akeri, mi lök oyonget me qahö? ⁴fYaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö meiga neget. Beret kömbukŋi mosötmosötŋi mi jike nup galöm yeŋönök nezema. Yaŋön aka yaŋgö

suŋgurumurupŋan mi nembepuköra soŋgo ahöyök mi töndup neget.”

⁵Mewö jiba kewö jii mötket, “Suep gölmeŋö azi öŋŋan mönö Sabat kendongö Kembuŋi akza.” Mewö.

Jisösnöŋ azi böröŋi sösöröngöŋi mem ölöwahök.

Mat 12.9-14; Mak 3.1-6

⁶Jisösnöŋ Sabat kendon kunöŋ köuluk mire öŋgöba Buŋa kusum enŋiyök. Miaŋgöreŋ azi kun böröŋi öŋŋi soholiiga tarök. ⁷Köna keugö böhi aka Farisi (Köna keugö kapaŋkölköl) yeŋön Jisös eka keu jakeŋe al waŋgibingö könaŋi jaruba “Azi mi Sabat kendonöŋ möhamgöma me qahö?” jiba je galöm memba tatket. ⁸Tatketmö, Jisösnöŋ mötmötŋini mi möt kutuba azi böröŋi sosoholiŋi mi kewö jii mörök, “Mönö wahöta jenine kinöŋ.” Mewö jiiga wahöta kinök.

⁹Kini Jisösnöŋ jii mötket, “Köna keu wuatangöba Sabat kendonöŋ yuai ölöŋŋi me bölöŋi akin? Ölöŋ kungö bohonŋi jöhöbin me mosöringa ayuhuma. Wanat kun meinga dop kölma? Mi qesim enŋibi jiget.” ¹⁰Mewö jiba körek pakpak liliŋgöm purik enŋeka azi miaŋgö jiyök, “Gi mönö börögi qötöteinöŋ.” Mewö jiiga böröŋi qötöteiiga kunbuk ölöwahök.

¹¹Ölöwahökmö, galöm yeŋön irimŋini gwötpuk seholiiga “Jisös denöwö ak waŋgibin?” jiba nanŋini eraum mötket. Mewö.

Gwarekurupŋi 12 möwölöhöm enŋiyök.

Mat 10.1-4; Mak 3.13-19

¹²Nalö miaŋgöreŋ Jisösnöŋ kundufe köulukömamgö öŋgöba suŋgem köröp mi Anutu köuluköm waŋgiba mali miri alök. ¹³Miri gianaŋiiga gwarekurupŋi enŋohola yeŋgöreŋök 12 möwölöhöm

^d6:1 Dut 23.25 ^e6:3 1 Sml 21.1-6 ^f6:4 Lew 24.9

engiba melaimelai azi aposol qet mi engiyök.

¹⁴ Qetjini kewö qerök: Saimon, Jisös-nöñ qetji Pitö wanğiyök, yañgö munñi Andru aka Jeims, Jon, Filip, Bartolomyu, ¹⁵ Matyu, Tomas, Jeims Alfiusgö nahönñi aka Saimon qetji kun Tuaköpek azi qetket. [¶] ¹⁶ Judas Jeimsgö nahönñi aka Judas Iskariot. Kariot azi mianğon könañgen mamalolo azia ahök.

**Jisösnöñ kawöl ambazip
mem ölöwak engiyök.**

Mat 4.23-25

¹⁷ Jisösnöñ aposolurupñi yembuk kundujeyök eta gölme köröñe anda kinget. Kingetka gwarek kambuñi ketañi aka ambazip kambulelembe yeñon yañgöra tokoba mambötket. Yeñon “Buñañi jii möringa kawölnini mem ölöwakña,” jiba mianğöra Judia prowins pakpak, Jerusalem siti aka köwet jitneyök Taiö aka Saidon taon mianğöreñök kaba tokoget. ¹⁸ Ömewörömenöñ kölköljinjin mem engiyöhi, yeñon mewöyök kaba ölöwaket. ¹⁹ Kukösumñan yañgöreñök kutuba yeñgöreñ öngöiga körek ölöwak engiyök. Mianğöra ambazip köreñan Jisös misiribingö jaram tiget. Mewö.

**Simbawoñ aka
kezapjupjup ahakö keuñi**

Mat 5.1-12

²⁰ Jisösnöñ gwarekurupñi uba wahöta engeka kewö jiyök,

“Anutugö bemtohoñ mi wanapñi engö buñaya. Mianğöra wanapñi injini mönö simbawoñ akze.

²¹ Nalö kewöñe nenegö ewö kömumba qemjeñ qeba maljei, Anutunöñ mönö sihimñini mi gumohom engima. Mianğöra injini mönö simbawoñ akze.

Nalö kewöñe sahötzei, enğon mönö sösöñgai aka gön kölme. Mianğöra wösöbirik maljei, injini mönö simbawoñ akze.

^{22 g} “Ambazipnöñ injini Suep gölmeğö azi ölnağgöra aka kazik aka

yaköriba sileñe ala uruqege keu töhöreñ jim engiba kiam sekbölä ewö qetjini kutumei, injini mönö simbawoñ akze.

^{23 h} Ambösakonurupñinan mianğö dop kezapqetok ambazip yeñgöra ak engiba malget. Mötket! Anutunöñ töwanjini öngöngöñi Suep mire ali ahöza. Mianğöra mewö ak engigetka nalö mianğöreñ mönö söñgaiba köirañ kölme.

²⁴ Injini simbawoñ maljemö, pomñi suki-napñinambuk injini malmal siyoñsayoñi qahö maljei, mi teköma. Mianğöra nöñon engöra wölköba ‘Yei!’ jizal.

²⁵ Nalö kewöñe nem timbireñ maljei, injini mönö wösöñjini ali (buörö)

bödi malme. Mianğöra nöñon engöra wölköba ‘Yei!’ jizal. Nalö kewöñe sösöñgai aka gön köljei, injini mönö amburereñ aka sahötme. Mianğöra nöñon engöra wölköba ‘Yei!’ jizal.

²⁶ “Ambösakonurupñinan kezapqetok ambazip takapulakañi jim möpöseim engiba malget. Ambazip pakpak mianğö dop ak engigetka nöñon engöra wölköba ‘Yei!’ jizal.” Mewö.

**Kerökurupki mönö
jöpaköm engiman.**

Mat 5.38-48; 7.12a

²⁷ “Bölöñi ak engimemö, injini keuni möta maljei, nöñon engöra kewö jibi mötme: mönö kerökurupñini uruñinan

¶6:15 Nasönöl pati zelot yeñon Rom gawman tuarenjoñ aka nanjine kinkin membingö tuaköpek memba malget.

g6:22 1 Pitö 4.14 **h6:23** 2 Hist 36.16; Apo 7.52

jöpaköm engiba malme. Denike yeñon kazik ak engize, i mönö ölöpnanök ak engiba malme.

²⁸“Denike yeñon qesuahöba jinjerereñ ak engize, i mönö köl tömbiba kötuatköm engime. Örom ureim ak engize, yeñgöra mönö Anutugö köuluköme.

²⁹“Kunñan nuñgulunggi likepñi qekötahöliiga likepñi mewöyök meleş wañgiman. Kunñan qakñangö malukugi goañgiriga göñon mönö dutñangö opoñi mohokñe memangö möri mi kude añgön kölman.

³⁰“Yuaigö ulet gihigetka mi mönö körek yeñgöra engiman. Kunñan göhö inap yuaigi meiga mi mönö meleş gihimapkö kude kapan köl qesiman.

³¹“Ambazipnön yuai nanñinangö ak engimegö mörakze, miangö dop mönö nanñini mewöyök i ak engimakñe.

³²“Gölmegö siñgisöndok ambazipnön alaurupñinan jöpaköm engigetka kitipñi meleşda jöpaköm engiba möpöseim añgumakze. Injini miangö dop gölmegö tandökñi wuatangömakze ewö, Anutugöreñ tosa qahö ahuiga mönö denöwö injini möpöseim engibawak? Alaurupñini aka kerökurupñini mi mönö mohotñe jöpaköm engigetka töwa engiga oyañkoyañ akñe.

³³“Gölmegö siñgisöndok ambazipnön alaurupñinan yuai ölöpnji ak engigetka kitipñi meleş engiba ala ak añguba möpöseim añgumakze. Injini miangö dop aka gölmegö tandökñi wuatangömakze ewö, Anutugöreñ tosa qahö ahuiga injini qahö möpöseim engima.

³⁴“Gölmegö siñgisöndok ambazipnön moneñ yuai mi siñgisöndok ambazip tosatñi yeñgöra engiba kitipñi miyök meleş engimegöra kapan kölakze. Mi gölmegö ahakmemeya. Injini tosatñan tosañini meleş engimegö al

mambötketka Anutunön mönö denöwö möpöseim engibawak? Tosatñan tosañini qahö meleş engigetka Anutunön mönö kitipñi mi meleşda töwa engima.

³⁵“Injini mönö Suep Toñangö ahakmemeya aka memba malme. Gölmegö ambazipnön bölöñi aka saiwap qahö jimakzemö, Anutunön töndup i ölöpnji ak engimakza. Miangöra injini mönö kerökurupñini uruñinan jöpaköba ölöpnanök ak engiba moneñ yuai engiba miangö likepñi kun meleşda engimegöra kude al mambötme. Mewö aka malgetka töwañinan sehiba öngöñgöñi aiga Anutu öngöñgöñangö nahönböratuñi aka malme.

³⁶“Suep Iwiñinan körek pakpak ak kömum engimangö mötzawi, injini mönö miangö dop ambazip pakpak ak kömum engiba malme.” Mewö.

Jimtekötekö toñi ewö kude akñe.

Mat 7.1-5

³⁷“Ambazip tosatñi yeñgö keuñini mi kude kewöta jim teköme. Mi qahö jim teköm engigetka Anutunön mönö nanñini mewöyök qahö jim teköm engima. Injini tosatñi yeñgö siñgisöndokñinangö likepñi mi qahö meleş engime. Mi qahö meleş engigetka Anutunön mönö nanñini siñgisöndokñinangö likepñi mi mewöyök qahö meleş engima. Injini mönö tosatñi yeñgö siñgisöndokñini mosötme. Mi mosötketka Anutunön nanñini siñgisöndokñini mewöyök sanğonda mosötma.

³⁸“Injini ambazip tosatñi yeñgöra yuai ak engigetka Anutunön mönö miangö dop kewöta yuai mi meleşda engöra ak engima. Miangöra injini mönö yuai kalema engimakñe. Mewö engigetka Anutunön mönö mewöñanök kalema

engimakña. Ölja, Anutunöŋ ekbonep qahö möta bauköm engimakña. Anutunöŋ kewöta injini engigeri, miangö dopŋi jömuk memba kiwinöŋ mokoi numbuje kori utuköi qöröraŋ aiga mulungöi gei toroqeba qakŋe mokoi dopŋi oŋgita qeqelaŋlaŋ eri, mi mönö gösöŋjine löŋgöt engima.” Anutugö könaŋi mewö.

Ambazipnöŋ nanjini könaŋini eka mötme.

³⁹Jisösnöŋ dopkeu kun kewö jii mötket, “Jegömöl ambazip kunöŋ jegömöl alaŋi kun ölop böröŋe memba waŋgitma me qahö? Mewö anbahorak mönö mohotje lömnöŋ geba etkubawak. ⁴⁰kGwareknöŋ böhiŋi qahö oŋgitza. Böhiŋinan mötmöt pakpak törörök kusum engii möt kömumei, körek yeŋön mönö böhiŋini ewö akŋe.

⁴¹“Gi wuanöŋgöra alagahö jeŋe gödöwöröt morörökŋi ekzanmö, nangi jege ip sahöŋti ketaŋi ahözawi, mia denöwö kude ek kutuzan? ⁴²Nangi jege ip sahöŋti ketaŋi ahözawi, mi qahö ek kutuba denöwögöra alagahö kewö jibanak, ‘Alani mötnöŋ! Jege euke gödöwöröt geba tatzawi, mi ölop itaköbi etma.’ O urumelengö silesile azi, gi mönö mutuk nange jegeyök ip sahöŋti (tapötŋi) ketaŋi mi memba gilman. Mi mem gilagun törörök ek kutuba alagahö jeŋe gödöwöröt geba tatzawi, mi ölop itakönöŋga etma.” Mewö.

Ipkö könaŋi mi öljä eka kewöta möt kutume.

Mat 7.16-20; 12.33-35

⁴³“Ip ölopŋi kunŋan öljä bölöŋi qahö kuŋgumakza. Mewöŋanök ip bölöŋi kuŋŋan öljä ölopŋi qahö kuŋgumakza.

⁴⁴Jau köŋti mi jömnöŋ asuhuiga memb- ingö osimakzin aka muli öljä mi kouru- ruknöŋ asuhuiga qeköbingö osimakzin. Miangö dop ipkö öljä eka kewöta könaŋi möt kutume.

⁴⁵m“Azi uruŋan yuai kokolak qei ahözawi, mia mönö numbuŋan aukŋe jimakza. Miangöra azi ölopŋaŋö uru köweŋe ölopŋaŋö möriamŋi ahözawi, yaŋön mönö ölopŋi mi aukŋeyök jimakza. Azi bölöŋaŋö uru köweŋe bölöŋi ahözawi, yaŋön mönö bölöŋi mi aukŋe jimakza.” Mewö.

Miri tandö köhöikŋi aka lölöwöröŋi

Mat 7.24-27

⁴⁶“Injini nöŋgöra ‘Kembu Kembu!’ qet mi mönö wuanöŋgöra qerakzemö, nöŋön yuai memegö jimakzali, mi qahö tem köla memakze.

⁴⁷“Denike yeŋön nöŋgöreŋ kaba keuni möta tem köla mezei, nöŋön yeŋö könaŋamŋini kondela dopkeunöŋ jimam. ⁴⁸Yaŋön mitim qeŋe azi kiangö dop akza: Azi miaŋön ‘Miri memam,’ jiba löm köröpŋi esiba geba tandöŋi köt jamönŋiŋ qakŋe kuŋgum köhöii kinök. Mewö kiniga kie uru nalöŋe o göulu köhöikŋi gila miri kemaŋe kuŋguyökmö, ölopŋanök mem muhungöi kinök. Miangöra kusumamgö qem bibihiiga köhöiba kinök. ⁴⁹Qem bibihiyökmö, kunöŋ keuni möta qahö tem köla mezawi, yaŋön mönö mitimqeŋe azi kiangö dop akza: Yaŋön ‘Miri memam,’ jiba tandö qahö esim kömöta gölme qakŋe kut bim miyök ala meyök. Mei kiniga kie uru nalöŋe o göulu köhöikŋi gila miri kemaŋe kuŋguiga miri mi miangöreŋök kusuiŋa goromororöŋgöba erök.” Mewö.

**Jisösnöñ suahö galöm kungö
nup aziñi mem ölöwahök.**

Mat 8.5-13

7 Jisösnöñ ambazip kambu sutñine mala Buja keuñi pakpak mi jii mötketka engömosöta Kaperneam taonöñ kañgorök. ²Miangöreñ Rom suahö galöm kungö nup aziñan kawöl yöhöi kömumangö ahök. Galömñan yangö möri öngöñgöñi ahök.

³Miangöra Jisösgö buzupñi möta Juda yengö jitñememe tosatñi melaim engüiga Jisösgöreñ anda kewö qesiget, “Mönö kaba welen aziñi mem ölöwakñan.”

⁴Anda Jisösgöreñ angota kapañ köla köuluköba jiget, “Ketañamnini, suahö galöm miañön mönö bauköm wañgi-manangö dop ölop sorokñi akza. Mi-angöra mönö kanöñ.” ⁵Mötnöñ, yañön Juda ambazip kambu neñgöra ak wañgi-iga ‘Köuluk mirinini membin,’ jiinga kian yañön moneñ ali meget.”

⁶Mewö jiget möta yembuk anök. Anökmö, suahö galömgö miriñi dop-dowii yañön alaurupñi melaim engiba Jisösgöra keu kewö alök, “O Kambu, ni mewörökñi malbiga nöngö miri boñan gualöñmapkö gamuni mötzal. Mi-angöra mönö qahö aum kömumba kaman. ⁷Ni nanañgö mötpi eretñi akza-wañgöra göhöreñ kamangö dop kude mötzalmö, keu jitkanök jinöñga welen azinan ölöwakña. ⁸Mi kewögöra: Ni nanak mewöyök galömnañgö kukösum bapne al ningiget maljal. Nöngö bapne yarö azi malgetka mi jim kutum engimakzal. Yengöreñök kungöra ‘Anman’ jim kutubi yañön anma. Kungöra ‘Kanöñ’ jim kutubi yañön kama aka welen azini kungöra ‘Nup ki meman,’ jibiga yañön mi mema.”

⁹Jisösnöñ keu mi möta suahö galömgöra welipköba ambazip kambu wuatangöba kageri, yengöreñ lilingöba kewö jiyök, “Nöñön kewö jibi mötme:

Israel könagesö sutñine mewöyök mötnarip ketañi mewöñi mi kungö uruñe qahö miwikñaijal.”

¹⁰Mewö jiiga suahö galömgö kolekaz-iurupñan lilingöba mire angota welen azi miwikñaiaba eketka ölöwaka tarök. Mewö.

**Jisösnöñ malö kungö
nahöññi mem guliyök.**

¹¹Miangö andöñe Jisösnöñ taon qetñi Nain miangöreñ aniga gwarekurupñi aka ambazip kambulelebenöñ wuatangöba anget. ¹²Miangöreñ taon kiripo nanñuñi dopdowiiga qamöt kun anguba kaget. Malö kungö nahöñña mohok-kunñan kömuiga taongö ambazip kambu ketañan tokoba löm kölbingö kaget.

¹³Kembunöñ malö mi eka wösöñi möta jii mörök, “Kude sahötman.”

¹⁴Mewö jiba anda bokis anguba kageri, mi jii dörök algetka bokis misiriba kewö jiyök, “Azi gwabö, mönö wahötnöñ. Nöñön göhöra mewö jizal.” ¹⁵Mewö jiiga qamöt miañön guliba wahöta könahiba keu jiyök. Keu jiiga Jisösnöñ namñambuk anmapkö wañgiyök.

¹⁶Ambazip pakpak yepñon mi eka qem sömbuñini möta Anutu möpöseiba jiget, “Kezapqetok azi ketañi kunöñ mönö sutñine asuhuba malja.” Tosatñan jiget, “Anutunöñ könagesöñi mesohol köl nengii maljin.”

¹⁷Yangö keu buzupñi mi sehiba Judia prowins pakpak dop köla gölmeñi gölmeñi likeplikep miangöreñ an teköyök. Mewö.

**Jongö gwarekyahötñi
Jisösgöreñ kayohot.**

Mat 11.2-19

¹⁸Jon O-melun azinöñ kösö mire tariga gwarekurupñan yuai pakpak mi asuhuyöhi, miangö kösohotñi jiget mörök. ¹⁹Jiget möta gwarekñi yahöt

etkoholi kayohotka Kembangörej anda kewö qesim wangimahotkora melaim etkiyök, “Mem ölowak azi kamapkora mamböringa göjön mia akzan me azi kun bian kamapkora mambötpin.”

²⁰ Melaim etkiiga Jisösgörej angota jiyohot, “Jon O-melun azinöj kewö qesim gihibitkora melaim netkiiga kazit, ‘Mem ölowak azi kamapkora mamböringa göjön mia akzan me azi kun bian kamapkora mambötpin.’”

²¹ Jisösnöj nalö miangörejök ambazip gwötpuk uzi kawöl izekwaizek (ijejwaijen) aka ömerinambuk mi mem ölowak engiyök aka jegömöl ambazip gwötpuk jeñini metohoi uba eket. ²² Jongö gwarek yahötñan angota qesim wangiyohotka kewö meleñnök, “Yuai eka mötzahori, miangö kösohotñi mönö anda Jon kewö jiyohot mötma: Jegömöl yeñon uba eketka lokon yeñon köna anda kagetka uzikuku yeñon solanigetka kezapduhup yeñon keu mötketka kömuget yeñon guliba wahötketka etqegeñi yeñöra Ölowak Buña jim asaribiga mörakze. ²³ Mewö asuhui eketka kungö uruñan qahö bölii andö nuñgumawi, yeñon mönö simbawoñ akza.”

²⁴ Mewö jiiga Jongö gwarek yetkón anohotka Jisösnöj könahiba Jongö könañi ambazip kambu yeñöra kewö jim asariyök, “Iñini gölme qararañkölkölñe miangörej wania ekingöra anget? Luhutnöj jehot uwutapköba metali anjañbanjañ ahakzawi, iñini azi mewöñi ekingöra anget me?”

²⁵ “Me wanat yuaia ekingöra anget? Azi malukuñi aködamanuñambuk löngöta malöhi, mi ekingöra me? Mötket, ambazip malukuñini kulemñi ek sihimñambuk löngöta anda kaba siyoñsayoñi qahö maljei, mienjön mönö

kiñ yeñö jakömbuak miriñine malje. Mi gölme qararañkölkölñe qahö.

²⁶ “Me wanat yuaia ekingöra anget? Kezapqetok azi kun ekingöra me? Öñña, nöjön kewö jibi mötket: Azi ekeri, yeñon mönö kezapqetok ambazip tosatñi engoñgita tandökñi kun akza. ²⁷ “Yeñö könañi mi mönöwök kewö ohoget ahöza, ‘Mötnöj, nöjön kolekni garata kun melaibiga qeljiñe anda ambazip uruñini mindiñgöba göhö könañi mesariga göjön mönö yeñö andöñe gölmenöj emu geman.’ ²⁸ Keu mewö ahözapmö, nöjön kewö jibi mötket: Ambinöhök morö pakpak engömegetka asuhugeri, yeñö sutñine Jonöj mönö körek engonggita qetbuñambuk kinja. Kinjapmö, Anutugö bemtohoñ uruñe angota Anutugö qetbuñañi miwikñaimakzei, yeñö sutñine eretñi kondikñi yeñon mönö Jon oñgitza.”

²⁹ Ambazip könañesö pakpak aka yeñö sutñine takis meme yeñon mohokñe Jongö Buñañi mötkeri, yeñon jim köleñda “Aha! Anutugö köna diñdiñi jim asariza,” jiba uruñini melengetka Jonöj o melun mem engiyök. ³⁰ Mewö engiyökmö, Farisi aka Köna keugö böhi yeñon Anutugö areñi qahö tem köla Buñañi andö qeba silekmalek aketka Jonöj o melun qahö mem engiyök.

³¹ “Ambazip merak gölmenöj maljei, mi mönö wanatpuk dop al engi-bileñak? Yeñö silikñini mi denöwö? ³² Yeñon namande ewö akze. Mienjön maket sombemnöj tata keu gön gila lañ qeta kewö jimakze, ‘Nini awölop uinga iñini liñet gwawet qahö unduget. Nini jiñgeñ kölinga iñini qahö toroqeba sahötket.’ ³³ Miangö könañi kewö: Jon O-melun azinöj kaba nene siñgi mala wain o qahö neiga iñini yeñöra jimakze, ‘Öme kunöj uruñe geiga malja.’

³⁴ “Suep gölmegö azi öljän kaba nene nem söngaip aiga eñön jimakze, ‘Mötket, yañön bau numbu tandök közöjeriba wain o gwötpuk nemba takis tilipqilipñi-nambuk aka bölöni meme yeñgö alañina malja.’ ³⁵ Körek pakpak Anutugö mötkutukutu köl gulimakzei, yeñgö ahak-memeñinañgö öljän mönö mötkutukutuñinan dop köljawi, mi kondelakza.” Mewö.

Siñgisöndok ambinöñ Jisösgö könañi kelök miriyök.

³⁶ Farisi (Köna keugö kapañkölköl) azi yeñgöreñök kunñan Jisös mi nanñi miriñe kaba nene nemapkö köl öroyök. Köl öroi anda miriñe öngöba nene dumñe tarök. ³⁷ Taon miangöreñ siñgisöndok ambi kun malök. Yañön Jisös Farisi azigö mire öngöba tata nene neyöhi, miangö buzupñi möta kelök umköhöwakñambuk mokoï köt kirin kun kokolak qeyöhi, mi memba öngöba kayök. Kirin mi nöluk tuat-tuat qetñi alabastö miañön memaña.

³⁸ Öngöba kaba Jisösgö könañe geba tata könahiba sahöri imbilñan tiñgita geba könañe miriyök. Miriiga nörop jupñan kereñ memba kutui öroniiga könañi numbuñan yöhötüm nembra kelök umköhöwakñambukñöñ miriyök. ³⁹ Miriyökmö, Farisi azinöñ Jisös köl öroyöhi, yañön mi eka uruñan kewö mötmöriyök, “Ambi ki siñgisöndokñambuha. Azi kianañön kezapqetok azia malbawak ewö, yañön mönö ambi könañe misirizawañgö könañi möt kutubawak.”

⁴⁰ Jisösnöñ mi möt kutuba kewö melañda jiyök, “Saimon, nöñön keu kun jimamgö mötzal.” Jiiga jiyök, “Böhi, ölop jinöñ mötpi.”

⁴¹ Jiiga Jisösnöñ kewö jii mörök, “Ambazip yahötñan benknöñ anda tosa al-

bitkö moneñ galömñangö qesiyohot. Kunöñ silim 500:kö töwañi (Kina 2500,-), kunöñ silim 50:gö töwañi (Kina 250,-) miangö dop tosa albitkö qesiyohot. Qesiyohotka miangö dop etkiyök. ⁴² Etkiba könañep tosañiri misimahot jiiga moneñiri qahöwahiga osiyohot. Osiyohotka benk galömñan tosañiri qeköba kutuba mosöt etkiyök. Mosöt etkiiga yetköreñök dañön i uruñan gwötpuk jöpaköm wangimakza?”

⁴³ Mewö qesiiga Saimonöñ kewö melañök, “Nöñgö mötmötnöñ tosa ketañi kutuba mosöt wangiyöhi, yañön.” Mewö melañniga jiyök, “Gi keu törörök kewöta jizan.”

⁴⁴ Mewö jiba ambigöreñ lilingöba kewö jii mörök, “Ambi ki eknöñ. Nöñön mirige kotpiga göñön könañi sañgoñmamgö o kun qahö niñgizanamö, ambi kianañön mönö könañi imbilñan miriba nörop jupñan kereñ memba kutui öroniza. ⁴⁵ Göñön numbuni qahö yöhötüm nezanmö, ambi kianañön mönö mire kotpiga miangöreñök kapañ köla könañi yöhötüm nembra malja. ⁴⁶ Göñön nöropni kelök kude mirizanamö, ambi kianañön mönö kelök umköhöwakñambukñöñ könañe nömiriza. ⁴⁷ Miangöra nöñön kewö jibi mötnöñ: Anutunöñ ambi kianañgö siñgisöndokñi gwötpuk mi mosöta sañgoñniga miangöra uruñan ni gwötpuk jöpaköm niñgiza. Kunöñ siñgisöndok boromdökñi ahiga Anutunöñ siñgisöndokñi morörökñi mosöriiga yañön uruñan borom kun miyök jöpaköm niñgimakza.”

⁴⁸ Mewö jiba ambi mi kewö jii mörök, “Nöñön göhö siñgisöndoki sañgoñda mosötzal.”

⁴⁹ Mewö jiiga azi mohotñe nene nembra tatkeri, yeñön könahiba nanñinök kewö jiget, “Siñgisöndok

saŋgoŋda mosöztawı, yaŋön mönö niŋi azia akŋamgö mötza?”

⁵⁰Mewö jıgetmö, Jisösnöŋ ambigöra jiyök, “Mötnarıpkan mönö amöt qem gi-hiza. Ölop luainöŋ anman.” Mewö.

Ambi tosatŋan Jisös naŋgöba anget.

8 Miangö andöŋe Jisösnöŋ liliköba taonŋi taonŋi aka miriŋi miriŋi miangöreŋ anda Anutugö bemtohoŋgö könaŋi jim asarıba Ölöwak Buŋa keunöŋ ambazıp uruŋini kuŋguba malök. Gwarekurupŋi 12 yeŋön yambuk mohotŋe anget. ²Mewöyök ambi tosatŋan yambuk anget. Ambi mi mutuk kawöl eŋgöhöi ömenöŋ kölköljıŋıŋ mem eŋgii malgetka Jisösnöŋ mem ölöwak eŋgiyök. Ambi mi kewö: Maria qetŋi kun Magdalagö ambia qetket. Jisösnöŋ yaŋgö uruŋeyök öme 7 közöl eŋgii kota anget. ³Ambi kun qetŋi Joana. Yaŋgö apŋi qetŋi Kuza yaŋön kiŋ Herodkö jakömbuak miri miangöreŋ gawmangö moneŋ galömŋa malök. Ambi kun qetŋi Susana, Yeŋön aka ambi tosatŋi gwötpuk yeŋön nanŋini moneŋ inapŋinan Jisös aka gwarekurupŋi könanöŋ galöm köla naŋgöm eŋgiŋet. Mewö.

Qesiŋqesiŋ azigö dopkeu

Mat 13.1-9; Mak 4.1-9

⁴Ambazıpnoŋ taon dop miangöreŋök öröba Jisösgöreŋ kaba kambulembenöŋ tokogetka Jisösnöŋ dopkeu kun kewö jiyök:

⁵“Azı kunöŋ nene kötŋi qesiŋ gilmangö anök. Anda qesiŋniga kötŋi tosatŋan köna jıtŋe geba kölget. Geba kölgetka ambazıpnoŋ tim tökötahögetka könakemba (warawen) neiŋi neiŋi kaŋgota mi nem teköget. ⁶Kötŋi tosatŋan köt jamönjiŋnoŋ geba kölget. Geba köla miangöreŋ gölme

oŋambuk qahö miwikŋaıba korapŋi kota soholıba gororoŋgöget.

⁷“Kötŋi tosatŋan siri uret wahiŋi-nambuknoŋ geba kölget. Geba kölgetka mienöŋ öröröŋ kota eŋgoŋgita qem turuba böbölohot mem eŋgiŋet. ⁸Kötŋi tosatŋan gölme ölopŋe geba kölget. Geba köla jula wahöta öljini ölopŋi asuhuba handötkö dop ahum sehıŋet.”

Keu mi jim teköba qet ketanı kewö qerök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

Jisösnöŋ denöwögöra dopkeugö könaŋi jiyök.

Mat 13.10-17; Mak 4.10-12

⁹Mewö jiıga gwarekurupŋan dopkeu kiangö könaŋaŋgöra Jisös qesim waŋgiŋet. ¹⁰Qesim waŋgiŋetka jiyök, “Anutugö bemtohoŋe aŋgota malbingö keu tölapŋi mi eŋgöra aukŋe jibi möt kutuzemö, tosatŋi yeŋgöra mia dop keunöŋ jibi mörakze. Mewö möta nanŋini jeŋinan yuai ekagun könaŋi töndup qahö ek kutume. Nanŋini kezapŋinan keu törörök mötagun könaŋi töndup qahö möt asarime.”

Jisösnöŋ dopkeugö könaŋi jiyök.

Mat 13.18-23; Mak 4.13-20

¹¹“Dopkeu miangö könaŋi kewö: Köt qesiŋ giljawi, mi Anutugöreŋ Buŋa keu. ¹²Nene kötŋi köna jıtŋe geba kölgeri, mi kewö: Ambazıp tosatŋan Buŋa keu mötsemö, mi mötketka Bölöŋi Toŋan kaba uruŋini melenŋa Suepkö buŋa akepüköra keu kötŋi mi uruŋineyök qeköba eŋguaŋgirakza. ¹³Nene kötŋi qesiŋniga köt jamönjiŋnoŋ geba kölgeri, mi ambazıp söpsöpŋi kun. Yeŋön Buŋa keu möta mi sösongai qakŋe möt aŋgön kölakzemö, uruŋine geba jalöŋini qahö megeraŋgöra nalö töröp-

tökñi miyök möt nariba malgetka esape-sapkö nalöñe mönö tala enguma.

¹⁴“Nene kötnji qesiñniga siriuret wahiñinambuknönj geba kölgeri, mi kewö: Yeñön Buña keu mötketka uruñine gezapmö, gölmenönj malmalgö waimanjatñi aka moneñ inap memegö urukönöpñi ahuba lömbörim engimakza. Qetbuñanambuk akingöra köpösönjgögetka sihim kömbönanji bölöñi tosatñan mewöyök uruñine dumgöba Buña keu böbölohöt mem wañgize. Mewö aiga öñini qahö gilipitñi akñe. ¹⁵Qahöpmö, nene kötnji gölme ölöñje geba kölgeri, mi ambazip kewönji: Yeñön Buña keu kezap ala mötketka uruñini ölöñji geñmoñi qahö miangörej geiga sohobapukö mököşönja 8kapañ köla galöm kölgetka öñini ölöñji ölöñji miwikñaimakze.” Mewö.

**Yuai asa-asambötñi
pakpak mi aukñe ahuma.**

Mak 4.21-25

¹⁶“Kunñan lambe me kiwa ohotiriba kimbutnönj kude köl turuma me dum bapñe qahö alma. Mi qahöpmö, mi miangö dum qakñe ali tatma. Tata asariiga tosatñan miri uruñe öñgöbingö mötzei, yeñön miangö asakñi eka ölöñ öñgöme.

¹⁷“Mewöñanök urunine yuai kun asambötktet tölapñe ahözawi, mi mönö aukñe asuhum tiñgitma. Yuai kun köl turuin ahözawi, mi mönö luluñgetka kötula ahöma.

¹⁸“Miangöra Anutugö keu mötzei, mi mönö urukönömñine ala mötmöriba köl guliba malme. Kunñan mötkutukutuñambuk maljawí, Anutunönj mönö mi toroqem wañgii qarimapmö, kunñan mötkutukutuñi qahö maljapmö, ‘Miambuk maljal,’ jizawi, Anutunönj mönö

mötmötñi moröñi mi mewöyök qeköba wañgitma.” Mewö.

Jisösgö nam-munurupñi.

Mat 12.46-50; Mak 3.31-35

¹⁹Jisösnönj mewö jiba maliga nam munñan i ekingö kagetmö, ambazip kambu ketañan ölököba gwözönjgerañgöra kösutñe anbingö osiget. ²⁰Osiba kingetka kunñan kewö jii mörök, “Göhö nam-mungan mönö yaigep kinda gi gekingö mötze.”

²¹Jii mörökmö, Jisösnönj kewö melenja jii mötket, “Ambazip ki Anutugö Buña keu möta tem köla köl gulimakzei, mienñon mönö nöngö namni aka munurupni akze.” Mewö.

**Jisösnönj jiiga raidimbom
görön qeyök.**

Mat 8.23-27; Mak 4.35-41

²²Wehön kunönj Jisösnönj gwarekurupñi kewö jii mötket, “Mönö mosöta o angö kutuba likepñe angotpin.” Mewö jiiga wañgenönj mohotñe öñgöba o angö qakñe anget.

²³Anda opo seri möröreñgögetka luhutnönj nañgöiga angetka Jisösnönj gaun ahöyök. Ahöiga luhut raidimbom o angönönj gila siri kunduriga wañje uruñe geyök. Geba numbuñe qemamgö aiga ayuhubingö aket.

²⁴Ayuhubingö aka gwarekurupnan anda möndöba jiget, “Kembu Ketañamnini, mönö nini angönönj ayuhubingö akzin.” Mewö jigetka imbiñi möta luhut aka o angögö siriñi kewö jim qetal etkiiga ösumñiran eriga nönj qeba ahöyök.

²⁵Mewö aiga jii mötket, “Engö möt-nariñini mi denike?” Mewö jiyökmö, yeñön awöwöliba qem sömbuñini möta jiget, “Ye, azi kia mönö denöwöñan

[†]8:16 Mat 5.15; Luk 11.33 [†]8:17 Mat 10.26; Luk 12.2

[†]8:18 Mat 25.29; Luk 19.26

malja? Yanjón mönö luhut aka köwet siri jim kutum etkiiga jitji tem köl wanggiza-hot.” Mewö.

**Ömenönj bau uruñine
gegetka azinönj ölöwahök.**

Mat 8.28-34; Mak 5.1-20

²⁶ Jisösnönj gwarekurupñi yembuk toroqeba opo seri mörörengögetka luhutnönj nanjöi anda o anjö kutuba Galili prowins likepñe Gerasa gölmenönj angotket. ²⁷ Miangörej angota saknönj öngöi azi ömeñambuk kun mi taonöhök kaba Jisös miwikñaiyök. Azi mi qaksirinönj mala qamöt kötenji esiba urorohoget ahögerangörej ahöm malök. Nalö köröpñi opo maluku qahö löngöta miri kungö uruñe qahö ahömalök.

²⁸⁻²⁹ Ömenönj nalö köröpñi öröm ureim wanggiiga azi gwötpukñan börö takñi qeba könanji tapepnönj (muñga-muñga) jöhöba galöm köla malgetmö, tapepnji öroi tingitqingiriga ömenönj kunguiga gölme qararankölkölñe anda lañ malök. Miangöra Jisösnönj ömenji mi kewö jim kutum wanggimangöra ahök, “Öme bölönji, gi mönö kota azi ki mosöta anönj.” Mewö jimamgö aiga Jisös eka silata gölmenönj kösutñe geba qet gigilahöba kewö qerök, “Aek Jisös, gi Anutu öngöñgöñangö nahönñi akzan. Gi mönö denöwö ak niñgimangöra ki kazan. Nönjön ulet gihizal: Gi sihimbölo könöpñambuk kude ak niñginönj.”

³⁰ Mewö jiiga kewö qesiyök, “Gi qetki niñi?” Ömewöröme gwötpuk uruñe geba malgerangöra “Qetnini lijön jizin” jiget. Mi nanine keunönj Kerök kambu ketanji. ³¹ Mewö jiba Jisös kewö ulet wanggiget, “Gi neñguatangöba öme löm dutñi qahö miangörej gebingöra kude jim kutum neñgiman.”

³² Kösutñine kundunji marömñe miangörej bau kambu ketanji kun

gwözözak uruñe kulunja malget. Miangöra ömenönj kewö jiba ulet wanggiget, “Gi ölop jinönja nini bau miengö uruñine gebin.” Ulet wanggigetka “Mönö anda geget.” Jiba jim kutum enñiyök. ³³ Jim kutum enñiyöki azi uruñeyök kota anda bau uruñine geget. Gegetka bau kambu yeñön mönö luhuba nembönembönönj anda jororongöba o anjönönj geba nemulahöba kömuget.

³⁴ Mi asuhuiga bau galöm yeñön mi eka taon aka miri morömörö miangörej ölonj unjurata anda keu buzupñi mi jiget mötket. ³⁵ Jiget möta ambazip sesegilgil yeñön yuai asuhuyöhi, mi ekingöra kaget. Kaba Jisösgörej kangota azi uruñeyök ömenönj kotkeri, yanjón könanje tariga miwikñaiget. Opo sileötanj törorök jöhöba uruñi amöriiga imbi mötmötñi pakpak asuhuiga eka awöwöliget. ³⁶ Azi ömeñambuk malöhanön denöwö ölöwahöhi, mi jeñinan ekeranön jiget mötket.

³⁷ Möta gwötpuk awöwöliba qem sömbunini mötket. Miangöra Gerasa gölmegö ambazip kambu pakpak yeñön Jisösnönj engömosötmapköra ulet wanggiget. Ulet wanggigetka lilingöba anmamgö wangnenönj öngömamgö ahök. ³⁸ Öngömamgö aiga azi uruñeyök ömenönj kotkeri, yanjón kaba Jisösbuk mohotñe anda malmamgöra qesiyök. Mewö qesiyökmö, Jisösnönj qetala melaim wanggiba kewö jiyök,

³⁹ “Gi mönö lilingöba mirige anda Anutunönj anjöletot ketanji ketanji ak gihiyöhi, miangö kösohotñi jinönja mötme.” Mewö jiiga anda Jisösnönj anjöletot ketanji ketanji ak wanggiyöhi, miangö keunji mi taon uruñe liliköba miri dop jim sehiyök. Mewö.

Jairusnön bōratngāgōra Jisōs kōulukōyōk.

Mat 9.18-26; Mak 5.21-43

⁴⁰ Ambazip pakpak Jisōsgō mambōtketka lilingōba kaiga kambu kōla sōngaiba örōm waṅgiget. ⁴¹ Kōuluk mirigō keu galōm kun qetṅi Jairus yaṅōn kaba Jisōsgō wōsōṅe geba simin kōla miriṅe kamapkōra kōulukōm waṅgiyōk. ⁴² Morōurupṅi qahōpmō, bōratṅi mukmorō mohok yambuṅi (yara) 12:gō dop mala kōmumangō ahōk. Jisōs kōl örōm waṅgigetka aniga ambazip kambunōṅ likeplikep olōkōba utal waṅgiget. Mewō.

Kawōl ambi kunōṅ Jisōsgō malukuṅi misiriyōk.

⁴³ Utal waṅgiba angetka miāṅgōreṅ sutṅine ambi kun malōk. Yaṅōn yambu (yara) 12 miāṅgō dop kōiṅnōṅ ehiga nalō dop kawōl yōhōiga malōk. Yaṅōn sile galōm yēṅgō tōwaṅini monēṅ inapṅi pakpak gil maliga sile galōm kōreṅṅan mem olōwakingō osiget. ⁴⁴ Ambi mi-aṅōn Jisōsgō andōṅe anda malukuṅaṅgō kitip suṅi misiriiga miāṅgōreṅōk sepṅi jōpkōyōk.

⁴⁵ Jisōsnōṅ qesiba jiyōk, “Daṅōn nōmisiriza?” Mewō jiyōkmō, ambazip kōreṅṅan mi qaṅ kōlgetka Pitōnōṅ jiyōk, “Ketaṅamni, ambazip kambunōṅ olōkōba utal aṅguba kaba goseize.”

⁴⁶ Jiiga Jisōsnōṅ jiyōk, “Qahō, kunṅan nōmisiriiga osumni kun ani mōtzal.” ⁴⁷ Mewō jiiga ambinōṅ “Kōnaṅamni lōk asuhuza,” jiba jōnōmṅi unduiga kaba Jisōsgō wōsōṅe simin kōla kawōlṅaṅgō kōnaṅi aka misiriba miāṅgōreṅōk olōwahōhi, miāṅgō kōnaṅi aukṅe jiiga ambazip kambu kōreṅṅan mōtket. ⁴⁸ Mōtketka Jisōsnōṅ kewō jii mōrōk, “Bōratni, mōtnariṅkan mōnō mem olōwak gihiza. Olōp urubōṅjōṅnōṅ anman.” Mewō.

Jisōsnōṅ Jairusgō bōratṅi mem gulyiōk.

⁴⁹ Keu mewō jiba kiniga kōuluk mirigō keu galōmṅaṅgō mireyōk kunṅan welen kaba Jairusgōra jiyōk, “Bōratkan kōmuza! Miāṅgōra bōhigō qakṅe lōmbōt toroqeba kude alman.”

⁵⁰ Jiyōkmō, Jisōsnōṅ keu mi mōta kōuluk mirigō keu galōmṅi kewō jii mōrōk, “Keṅgōtki kude mōtman! Mohok-kun akṅan. Mōnō ni mōt narim niṅṅinōṅga bōratkan olōwakṅa.”

⁵¹ Mewō jiba yaṅgō mire anda ambazip tosatṅi eṅgōmosōta Pitō, Jon, Jeims aka morō bōratkō iwinamṅi iyōk eṅguaṅgiri nanṅinōk miri uruṅe oṅgōget. ⁵² Oṅgōgetka ambazip kōreṅṅan jṅgeṅ kōla sahōta amburereṅ megetmō, Jisōsnōṅ jiyōk, “Yaṅōn qahō kōmuzapmō, gaunōk ahōza. Miāṅgōra mōnō sahōt mosōtme.”

⁵³ Mewō jiiga gōnahit ewō aiga “Mōnō kōmuza!” mōta gōn kōl waṅgiget. ⁵⁴ Gōn kōl waṅgigetmō, bōrat mi bōrōṅe memba qeta jiyōk, “Bōratni, mōnō wahōtnōṅ.” ⁵⁵ Mewō jiiga uṅaṅan lilingōiga miāṅgōreṅōk wahōta kinōk. Kiniga numbu nene waṅgiget nemapkō jiyōk. ⁵⁶ Iwinamṅan mi eka welipkōyohotmō, Jisōsnōṅ yuai asuhuyōhi, miāṅgō buzupṅi kun jiget mōtpepekō sōṅgo al eṅgiyōk. Mewō.

Jisōsnōṅ gwarekurupṅi 12 melaim eṅgiyōk.

Mat 10.5-15; Mak 6.7-13

9 Jisōsnōṅ gwarekurupṅi 12 mi eṅgoholi tokogetka omewōrōme pakpak kōzōl eṅgimegōra aka uzi kawōl mem olōwakṅegōra kukōsumṅi osummumuṅambuk al eṅgiyōk. ² Kukōsum eṅgiba kewō jiba melaim eṅgiyōk, “Inṅi mōnō anda Anutugō bemtohoṅaṅgō kōnaṅi ambazip jim asarim eṅgiba kawōl ambazip mem olōwak eṅgiba malme.”

³W Melaim engiba jii mötket, “Iḡini kõna anmeaḡōra yuaiḡi kun qahō memba anme, öröp qahō, gösō qahō, kõna nalem qahō, soujeḡi qahō. Maluku semōḡḡi qahōpmō, mohok meme.

⁴“Anda mire denike denike aḡotmei, mönō miangōreḡōk mala nup memba taon mi mosōta kõna anme ⁵Anda mala miri kunōḡ aḡotketka qahō köl örōm engiba keuḡini qahō mötketka nesampurekḡini mönō kewō jiba kondel engime, ‘Nini engō gölmenōḡ kainga sölbuham kõna tambōnine mekōtahōzawi, mi mönō tim tōḡjōringa nanḡine liliḡōba gema.’ Mewō jigetka kõnaḡamḡini solanḡi möt kutugetka ölop taon mi mosōta toroqeba anme.”

⁶Mewō jiiga mosōta anda miriḡi miriḡi lilikōba miri dop Ölöwak Buḡa jim asariba kawöl ambazip mem ölöwak engiba malget. Mewō.

Herodnōḡ Jisōsgōra lalalulu siksauk ahök.

Mat 14.1-12; Mak 6.14-29

⁷xYuai pakpak asuhuyōhi, miangō qetbuḡaḡan sehiba gölme bahōḡaḡō (Galili prowinsgō) kiḡ Herodkō kezapḡe geiga mörök. Ambazip tosatḡan kewō jiget, “Jon O-melun azinōḡ mönō kōmupnōhök wahōta malja.” Miangōra kiḡnōḡ keugō jaruba lalalulu siksauk ahök. ⁸Ahökmō, tosatḡan jiget, “Elaijanōḡ kunbuk asuhuba malja.” Tosatḡan toroqeba jiget, “Kezapqetok azi walḡi yeḡōreḡōk kunōḡ mönō guliba wahōta malja.” ⁹Mewō jigetmō, kiḡ Herodnōḡ kewō jiyök, “Jon O-melun azi mi nōḡōḡ jibi jōlḡi kutugetmō, kungō keuḡi mewō jiget mötzali, mi mönō daḡōḡ?” Mewō jiba Jisōs ekḡamgō kapanḡ kölā jörōmqörōm ahök. Mewō.

Jisōsnōḡ azi 5000 nene gumohom engiyök.

Mat 14.13-21; Mak 6.30-44; Jon 6.1-14

¹⁰Melaimelai azi aposol yeḡōḡ Jisōsgōreḡ liliḡōba yuai aka megeri, miangō kösohotḡi pakpak jiget mörök. Jiget möta enguangita ambazip qenjarōkḡini mosōta taon qetḡi Betsaida miangō kösutḡe nanḡinōk kötikḡe malbingō anget. ¹¹Angetmō, ambazip kambu yeḡōḡ mi möta Jisōs andōḡe wuatḡōba anget. Anda Jisōsgōreḡ kagetka köl örōm engiba Anutu bemtohoḡaḡō kõnaḡi jim asariba kawöl ambazip mem ölöwak engiyök.

¹²Mewō aka mali wehōḡ jeḡan tekōba gemangō ahök. Mewō aiga gwarek 12 yeḡōḡ kaba Jisōs kewō jiget mörök, “Nini gölme kötikḡi kiaḡōreḡ malḡinaḡōra gi ölop ambazip kambu ki melaim enginōḡga miri koum dowe dowe tat anjei, miangōreḡ anda ahōahō miri aka nene miwikḡaime.”

¹³Mewō jigetmō, kewō jii mötket, “Eḡōḡ mönō nanḡinak i nene gumohom engime.” Mewō jiiga melenḡet, “Nini beret sahōḡḡi 5 aka söra yahōt miyök memba maljin. Miangōra denōwō akinto? Nini ölop anda ambazip kambu ki pakpak yeḡōra nene söḡgōrōḡi membinak me? ¹⁴(Yeḡōḡ azi 5000:gō dop malje.)” Mewō melenḡetka gwarekurupḡan kewō jii mötket, “Eḡōḡ mönō ambazip engōra jiba menderḡ engigetka kambu dop 50:gō dop nene nemingō tokoba eta tatme.”

¹⁵Jiiga mewō aka menderḡ engigetka ambazip körekḡan eta kambuḡi kambuḡi tat anget. ¹⁶Tat angetka beret 5 aka söra yahōt mi memba suepnōḡ ui öḡgōiga kötuetskōyök. Kötuetskōba beret mindipkōba gwarekurupḡi engiiga ambazip kirip dop menderḡa sutḡine alget.

¹⁷ Sutjine algetka körekmakörek nemba nem timbireŋ aket. Nene kitipŋi kitipŋi mosötkeri, mi gwarek yeŋön qezakögetka sakap 12 miangöreŋ geba kokolak qeyök. Mewö.

**Pitönöŋ Jisösgö
könaŋi jim miwikŋaiyök.**

Mat 16.13-20; Mak 8.27-30

¹⁸ Nalö kunöŋ Jisösnöŋ nanŋök gölme kungen köluluköiga gwarekurupŋan yambuk malgetka qesim enŋiba kewö jiyök, “Ambazipnöŋ nöŋgöra denöwö jimakze? Ni niŋia akzal?”

¹⁹ yJiiga melenŋa kewö jiget, “Tosatŋan ‘Gi Jon O-melun azia akzan,’ jimakzemö, tosatŋan ‘Gi Elaija akzan,’ jimakze aka tosatŋan toroqeba kewö jimakze, ‘Gi kezapqetok azi walŋi yeŋgöreŋök kunŋan kömupnöhök wahöta maljan.”

²⁰ zMewö jigetka kewö qesim enŋiyök, “Aka nanŋinak nöŋgöra denöwö jize? Ni niŋia akzal?” Qesim enŋiiga Pitönöŋ melenŋa jii mörök, “Gi Anutugöreŋ Amötqeqe Toŋi Kraist akzan.” Mewö.

Jisösnöŋ kömumamgö keuŋi jiyök.

Mat 16.20-28; Mak 8.30–9.1

²¹ Mewö jiiga könaŋi aukŋe jiget kunŋan mötpepuköra soŋgo köhöikŋi al enŋiyök. Mewö. ²² Jisösnöŋ jiyök, “Suep gölmegö azi ölnan mönö sihimbölö gwötpuk mötma. Kantrigö jitŋememe, jike nup galöm aka Köna keugö böhi yeŋön mönö andö qeba qegetka kömuma. Kömumba wehön karöbut aiga kömupnöhök wahötma.” Mewö.

Kraist wuatangöbingö söŋgöroröŋi

²³ aJisösnöŋ ambazip pakpak yeŋgöra keu kewö jii mötket, “Kunŋan nöŋgö

andöne nuatangöba kamamgö mötzawi, yeŋön mönö nanŋi urusileŋangö sihim kömbönaŋi bölöŋi andö qeiga sisitŋi megetka sihimbölö mi bisimakŋa. Mi maripomnöŋ kömumawangö dop mökösoŋda ni nuatangöba kama.

²⁴ b“Kunŋan malmalŋi nanŋangöra angön köla nanŋi imbi-imbi maljawi, yeŋön mönö malmalŋi ölni jöhöi sohoma. Sohomapmö, kunŋan gölmegö malmalŋi nöŋgöra aka köleŋda tököm niŋimawi, yeŋön mönö malmal ölnangö könaŋi miwikŋaiba köhöiba malma.

²⁵ “Kunŋan gölmeŋi gölmeŋi miengö öroyuaiŋi pakpak köl öroiga buŋaŋi an teköiga uruŋangö malmalŋi mem sohoba silebile mala kömuiga Anutunöŋ keuŋi jim teköiga könöp sianöŋ geba uŋaŋan ayuhuiŋa qahö dop kölma. Sukinapŋi miaŋön mönö urusösöŋgai qahö ak wangima. Qahöpmahöp!

²⁶ “Kunŋan nöŋgö qetni aka Buŋa keuni memba eta aljawi, i Suep gölmegö azi ölnan mewöyök ehöröŋ kölma. Yeŋön könaŋep Suep garata töröŋi yembuk ki etiketka yeŋgö, nanŋangö aka Iwiŋangö asakmararaŋini eka aurume. Nalö miangöreŋ azi me ambi mewöŋi mönö ehöröŋ köl wangima. ²⁷ Nöŋön keu ölni kun kewö jibi mötme: Kiangöreŋ kinjei, enŋö sutjineyök tosatŋan Anutugö bemtohoŋan asuhumawi, mi ek kutume. Jebuk mala kömupkö sihimbölöŋi qahö mötketka asuhum tiŋgiriga mi ekŋe.” Mewö.

Jisösgö sileŋe letotqetot ahök.

Mat 17.1-8; Mak 9.2-13

²⁸ cKeu mi jiiga wehön 8:kö dop teköiga Jisösnöŋ Pitö, Jon aka Jeims enŋuangita kundue öngöba Anutu

^y9:19 Mat 14.1-2; Mak 6.14-15; Luk 9.7-8 ^z9:20 Jon 6.68-69

^a9:23 Mat 10.38; Luk 14.27 ^b9:24 Mat 10.39; Luk 17.33; Jon 12.25

^c9:28 2 Pitö 1.17-18

köuluköyök. ²⁹ Köuluköiga miangörej jemesoholnangö kaisongolomnan letota tandökñi murutñi ahök. Malukuñan tuat lalamñi aka kölköl-bilikbilikpambuk asariyök. ³⁰ Miangörejök eketka azi yahötñan asuhuba Jisösbuk keu keu jiget. Mi Moses aka Elaija. ³¹ Asakmararañ uruñe asuhuba Jisösbuk keu kewö eraum mötket, “Anutunöñ Jisös sihimbölö möta kömumapkö melaiiga eta zilañ Jerusalem sitinöñ aniga areñ mianjön öljambuk ak teköma.”

³² Mewö eraum mötketmö, Pitönöñ alayahötñi yetpuk jeñinan lömböriiga gaun ahöget. Ahögetmö, gaunöhök imbiñini möta jeñini uba Jisösgö asakmararañi aka azi yahöt yambuk kinohori, mi engeket. ³³ Engeketka kinda Jisös mosötpitkö ahotka Pitönöñ Jisösgöra jiyök, “Ketañamnini, neñön kiangörej uru ölöwak mötzin. Miangöra neñön ölop koum karöbut qebin: Göhö kun, Mosesgö kun aka Elaijagö kun.” Pitönöñ mewö jiyökmö, nanñi keuñangö könañi mi qahö möt kutuyök.

³⁴ Mewö jiba kiniga unuñunuñ kunöñ eta aumnan esuhum enñiiga kousu uruñe mala awöwöliba jönömñini unduyök. ³⁵ Jönömñini undui kingetka kousu uruñeyök qet kun kewö eriga mötket, “Azi ki mi nani nahöna. I ambazip amöt qem enñimangöra möwölöhöm wangial. Mönö yangö keuñi möta malme.”

³⁶ Qet mianjön eri möta gwarek yeñön miangörejök uba Jisösnöñ nanjök kini eket. Kunduñe yuai ekeri, miangö buzupñi mi nalö miangörej kude jiba keu böc malgetka kunñan kun qahö mörök. Mewö.

Jisösnöñ öme wuatangöi morönöñ ölöwahök.

Mat 17.14-21; Mak 9.14-29

³⁷ Ahöba wahötketka Jisösnöñ gwarekurupñi karöbut yembuk kunduneyök eta sörokñe ambazip kambuleleme engeget. ³⁸ Engegetka ambazip kambunöhök azi kunñan qeta kewö jiyök, “Böhi, nöngö nahöni mukmoröya akzawangöra mönö kaba i ekñan. Miangöra köuluköm gihizal. ³⁹ Mötnöñ, öme kunöñ i memba mendawöli miangörejök qet gigilahöi utuköm wangii wölöhariiga numbuñeyök qölqölsöutsöt erakza. Öme mianjön öröm ureim wangiba nalö gwötpuk qahö mosörakza. ⁴⁰ Mewö aiga göhö gwarekurupki öme mi wuatangömegö ulet enñizalmö, yeñön mi osize.”

⁴¹ Mewö jiiga Jisösnöñ melen wangiba jiyök, “Yei, gölmegö yangiseñ aka misimkaulup ambazip, nöñön mönö nalö dawik embuk mala qatön enñubiga Anutu qahö möt narigetka sihimbölö mötmam? Nahöngi mönö wangita ki kanöñ.”

⁴² Morö mi wangita kaiga nalö miangörej mewöyök ömenöñ morö utuköba urepköm wangiiiga wölöhariyök. Mewö ahökmö, Jisösnöñ öme mi jim wangii mosöri morö mem ölöwaka iwiñi wangiyök. ⁴³ Anutugö kukösunñi ketañan mewö asuhiiga körekñan mi eka nemböñini teköi welipköget. Mewö.

Jisösnöñ kömumangö buñañi jiiga yahöt ahök.

Mat 17.22-23; Mak 9.30-32

Jisösnöñ yuai pakpak mi meyöhi, miangöra ambazip körekñan welipkögetka Jisösnöñ nalö miangörej gwarekurupñi

^d9:35 Ais 42.1; Mat 3.17; 12.18; Mak 1.11; Luk 3.22

keu kötji kewö jii mötket, ⁴⁴“Keu ki mönö kezap ala mötme: Anutunöŋ Suep gölmegö azi öljı mi gölme ambazip yengö böröŋine al waŋgii gema.” ⁴⁵Keu kötji mi jii mötketmö, mi qahö möt kutuget. Anutunöŋ mi köl turui tölapŋe ahöiga mi qahö möt asariget aka könani denöwö, mi qesibingö kölköldömdöm aket. Mewö.

**Gwarek sutjine
daŋön mutukji akza?**

Mat 18.1-5; Mak 9.33-37

⁴⁶eGwarek neŋgöreŋök ‘Daŋön öngöŋgöŋi akza?’ jiba keu mi mötmöriget. ⁴⁷Mi mötmörigetmö, Jisösnöŋ urumötmötjini möt kutuba namande moröŋi kun memba qöhöröŋe ali kinök. ⁴⁸fKiniga kewö jii mötket, “Körek engöreŋök kunŋan eretji kondökŋi akzawi, yaŋön mönö öngöŋgöŋi akza. Miaŋgöra kunŋan namande ki nöŋgö qetne miriŋe köl öröba köyan kölmawi, yaŋön mönö ni köl öröm niŋgima. Kunŋan ni köl öröm niŋgimawi, yaŋön melaim niŋgiyöhi, mönö i mewöyök köl öröm waŋgima.” Mewö.

**Kunöŋ keröki qahö,
yaŋön mönö alagi akza.**

Mak 9.38-40

⁴⁹Nalö miaŋgöreŋ Jonöŋ könahiba keu kewö jiyök, “Ketaŋamni, azi kunŋan göhö qetnöŋ öme közöl enggiiga ehin. Yaŋön nembuk qahö liliköba maljawangöra nini i qetal waŋgiin.”

⁵⁰Mewö jiyökmö, Jisösnöŋ kewö jii mörök, “I kude qetal waŋgime. Kunŋan qahö qetal engimakzawi, yaŋön mönö engö areŋnöŋ malja. (Miaŋgöra iŋini mönö nöŋgö alaurupni tosatji mi qetala aŋgösirip mem engibepuk.)” Mewö.

**Samaria miri kun yeŋön
Jisös andö qeget.**

⁵¹Jisösnöŋ Suepnöŋ öngömamgö ahök. Miaŋgö nalöŋi törizawangöra Jisösnöŋ kinda “Jerusalem sitinöŋ anmam,” jiba jim köhöiba könahiba könanöŋ anök. ⁵²Anda kolek qeljiŋe aliga mutuk anget. Könanöŋ anda mala Samaria prowinsgö miri kunöŋ aŋgota “Jisösgöra mözöqözözm akingöra kazin,” jiget. ⁵³Jiba angetka anökmö, “Ni Judia prowinsnöŋ Jerusalem jike göröken anmam” jiiga miaŋgöra miri aŋgön köla yaizökök qahö jiget. ⁵⁴gMewö aketka gwarekyahötji Jeims aka Jon yekjön mi eka jiyohot, “O Kembu, Suepnöhök könöp eta engohoi qahöwakeak, mewö köuluköbingö mötzan me qahö?”

⁵⁵Mewö jiyohotmö, Jisösnöŋ lilingöba tembula jim etkiyök. ⁵⁶Miaŋgöreŋök toroqeba miri kunöŋ anget. Mewö.

**Jisös wuatangöbingö
möndömöndö keuŋi**

Mat 8.18-22

⁵⁷Könanöŋ angetka azi kunŋan kaba Jisösgöra jiyök, “Gi denike denike anmani, nöŋön mönö miaŋgöreŋ gi guatangöba kamam.”

⁵⁸Mi möta Jisösnöŋ kewö jii mörök, “Arökŋaŋgö kiam yeŋön köteŋine ahögetka könakemba nei yeŋön airjini memba malakzemö, Suep gölmegö azi öljın mönö denike anda nöropŋi wani qömböŋnöŋ nariba luhut membawak.”

⁵⁹Jisösnöŋ azi kungöra jiyök, “Gi kaba ni nuatangöman.” Jiyökmö, kewö meleŋnök, “Kembu, mi ölöpmö, iwinan kömumamgö aiga mutuk jinöŋga anda galöm kölbi kömui löm kölbibun.”

⁶⁰Mewö jiyökmö, Jisösnöŋ melenġa jiyök, “Mosötnöŋ! Köhömuŋi yeŋön qamöŋtjini köhömuŋi mi ölöp löm kölmemö, göŋön mönö anda Anutu bemtohoŋaŋgö könaŋi jim asarim eŋgiba malman.”

⁶¹^hKunbuk azi kunŋan kaŋgota jiyök, “Kembu, nöŋön gi guataŋgömamgö sihimni mötzalmö, mötnöŋ, gi ölöp jinöŋga mutuk mire anda tinitosolomurupni yaizökökŋini jibigun.”

⁶²Jiyökmö, Jisösnöŋ melenök, “Kunöŋ gölme mesiŋmesiŋgö kinöŋ mi hos andöŋe jöhöba böröŋan kinöŋ supŋe memba kini aniga dumŋe lilingöba andöŋe uzawi, yaŋön mönö Anutugö bemtohoŋnöŋ aŋgota nupŋi memawaŋgö dop qahö akza.” Mewö.

**Jisösnöŋ gwarek 72
melaim eŋgii anget.**

Mat 9.37-38; 10.7-16

10 Miangö andöŋe Kembunöŋ gwarek tosatŋi 72^{§§} mi möwölöhöm eŋgiyök. Nanŋak “Taonŋi taonŋi miriŋi miriŋi anmam,” jiba miangöreŋ yahöt yahöt meköba mutuk melaim eŋgiyök. ²ⁱ“Melaim eŋgimam,” jiba kewö jii mötket, “Anutugö nupnöŋ nene ölni gwötpuk öliba ahözapmö, mi tokobingöra nup meme ambazip nini awamdökŋi maljin. Miangöra mönö nene öliöliŋaŋgö Kembuŋi köululököm waŋgigetka nup meme ambazip melaim eŋgiiga ölni mem tokome.

^{3j}“Iŋini mönö anme. Mötket, lama yeŋön arökŋaŋgö kiam kalŋi yeŋgö sutŋine gegetka luhuba eŋgöhöbepuk, nöŋön iŋini miangö tandök ewö melaim

eŋgibi anme. ^{4k}Iŋini moneŋ irimunġa me gösö kun me köna esu mi kude memba anme. Anda könanöŋ ambazip eŋgeka jiji-kilik-kilik yaizökök kude akŋe.

⁵“Anda miri kunöŋ öŋgöba mutuk kewö jime, ‘Anutunöŋ miri kiangöreŋ luai ali bönjöŋ malme.’ ⁶Mewö jigetka kunŋan luai aŋgön kölmamgö dop akzawi ewö, luaiŋinan mönö yaŋgö qakŋe öŋgömapmö, kunŋan mi qahö aŋgön kölma ewö, luaiŋinan mönö lilingöba nanŋini qakŋine öŋgöma. ^{7l}Miri öŋgömei, mönö miangöreŋök mala nup meme. Ambazipnöŋ nup meme ambazip malmalŋini naŋgömeaŋgö dop akze. Mi-aŋgöra yeŋön nene aka o eŋgime, mi mönö neme. Miri tosatŋe laŋlaŋ kude ahöme. Miri suen kude anda kame.

⁸“Taon miangöreŋ me miangöreŋ aŋgotketka köl öröba nene eŋgime, mia mönö neme. ⁹Nemba tosatŋan miangöreŋ kawöl eŋgöhöi ahöme, i mönö mem ölöwak eŋgime. Mewö aka kewö jiget mötme, ‘Anutugö bemtohoŋan mönö dowe kaiga miangö uruŋe aŋgotme.’ ^{10m}Mewö akŋemö, taon kunöŋ aŋgotketka andö eŋgumei, miangöreŋ mönö maketnöŋ me sombe-mnöŋ anda kewö jiget mötme,

¹¹‘Nini eŋgö taonöŋ kainga sölbuham yuai köna tambönine mekötahözawi, mi mönö tim tönjöraringa nanŋine lilingöba gema. Gemapmö, keu ki mönö möt yaköme: Anutugö bemtohoŋan mönö kösutŋine asuhuza.’ ¹²ⁿNöŋön kewö jibi mötket: Anutunöŋ nalö ketanġe qemasolokepŋinaŋgö likepŋi meleŋni taon miangö qakŋe öŋgömawi, dop

§§**10:1** Tosatŋan oyoŋda 70 jize. Tosatŋan 72 jize.

^h**9:61** 1 Kiŋ 19.20 ⁱ**10:2** Mat 9.37-38 ^j**10:3** Mat 10.16

^k**10:4** Mat 10.7-14; Mak 6.8-11; Luk 9.3-5 ^l**10:7** 1 Kor 9.14; 1 Tim 5.18

^m**10:10** Apo 13.51 ⁿ**10:12** Jen 19.24-28; Mat 11.24; 10.15

mianjōn mōnō Sodom yeṅgō sihibōlō dopṅi oṅgita toroqem eṅgima.”*

**Jisōsnōṅ taon 3 yeṅgōra
‘Yei wōsōbirik!’ jiyōk.**

Mat 11.20-24

¹³“O Korazin toṅi, nōṅōn eṅgōra ‘Yei!’ jiba sahōtzal aka Betsaida toṅi, eṅgōra mewōyōk ‘Yei!’ jiba sahōtzal. Nōṅōn yeṅgōreṅ anbiga keuni jibi sōsōnihii aṅgōletotni kukōsumṅinambuk asuhugetmō, uruṅini tōndup qahō melenget. Aṅgōletot mi kian gōlmenōṅ Taiō aka Saidon sitinōṅ asuhubeak ewō, yeṅōn mōnō nalō kōrōpṅi uruṅini melenṅbingō kaisōsōpṅi kondela dodohonōṅ aṅgōmiriba kau ariba sahōtpeak.

¹⁴“Sahōtpeakmō, Anutunōṅ kōnaṅgep Korazin aka Betsaida yeṅgō keuṅini jim tekōba likepṅi melenṅi sihibōlō mōtmei, nalō ketanṅi miangōreṅ mi mōnō Taiō aka Saidon yeṅgō sihibōlō dopṅi oṅgita mōtme. ¹⁵ᵀAka Kaperneam toṅi, Anutunōṅ iṅini ölōp mem wahōt eṅgii Suep mire öṅgōbeak me qahōpto? Qahōpmahōp! Iṅini mōnō kōmupkō senjom mire kōlōlohoba geme.

¹⁶ᵀ“Kunṅan keuṅini mōtmawi, yaṅōn mōnō nōṅgō keuni mōtma. Kunṅan andō eṅgumawi, yaṅōn mōnō ni andō nuṅgumapmō, kunṅan ni andō nuṅgumawi, yaṅōn melaim niṅgiyōhi, mōnō i andō qema.” Mewō.

Gwarek 72 yeṅōn lilingōba sōṅgaiget.

¹⁷Gwarek 72† yeṅōn mala lilingōba kaba sōṅgaiba kewō jiget, “Kembu, nini

gōhō qetke öme wōrōme jim kutum eṅgiinga yeṅōn mewōyōk keunini bapṅe anda tōkōba anget.”

¹⁸Mewō jigetka Jisōsnōṅ melenṅnōk, “Nōṅōn Satan kakōgetka Suepnōhōk luhuba wōlbilik ewō akōba gei ehal. ¹⁹ᵀMōtket, nōṅōn kukōsum eṅgibiga iṅini ölōp kitim soramen, skorpion (nendaṅ kōmbukṅi pomemba) aka kerōkni-nanṅō ösum-mumuṅi jitṅambuk pakpak tiget eriga luhut alme. Miangōra yuai kunṅan qahō eṅgum mizit ak eṅgima.

²⁰“Miangōra ömewōrōme yeṅōn keuṅini bapṅe anjemō, tōndup eṅgōreṅ sōsōṅgai bohōṅṅi mi miangōra kude sōṅgaime. Eṅgō qetṅini Suep mire ohoget Anutugō bukṅōṅ ahōzawi, miangōra mōnō önōṅi qahō sōṅgaime.” Mewō.

**Jisōsnōṅ sōṅgaiba
Anutu mōpōseyōk.**

Mat 11.25-27; 13.16-17

²¹Nalō miangōreṅ Uṅa Tōrōṅan Jisōs inahōm waṅgiiga sōṅgaiba keu kewō jiyōk, “O Iwini, gōṅōn Buṅa keugi mōtkutukutu ambazip mōtmōt ketanṅi megeri, yeṅgōreṅ asambōtnōṅmō, ambazip nahōnbōrat ewō nanṅinanṅōra mōtketka gukmaulem akzei, mi mōnō yeṅgōreṅ indelnōṅga mōt asarize. Miangōra nōṅōn Suep gōlmeṅgō Kembuṅi gi mōpōseim gihizal. O Iwini, gi nangak mewō asuhumapkōra mōtnōṅ dop kōli ölōwahōk.

²²sᵀ“Iwinan mōnō yuai pakpak jim kutuiga nōṅgō buṅaya ahōk. Iwinan Nahōnṅaṅgō kōnaṅi nanṅōk mōt yakōiga kunṅan mi qahō mōtza.

*10:12 Sodom yeṅōn bōlōṅi kanjamṅambuk memba mala uruṅini qahō melengetka Anutunōṅ kōnōpnōṅ kōndeṅ eṅgiyōk.

†10:17 Tosatṅan oyōṅda 70 jize. Tosatṅan 72 jize.

ᵀ10:13 Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4

ᵀ10:15 Ais 14.13-15 ᵀ10:16 Mat 10.40; Mak 9.37; Luk 9.48; Jon 13.20

ᵀ10:19 Sum 91.13 ᵀ10:22 Jon 3.35; 10.15

Mewöyök kunjan Iwiŋaŋgö könani qahö möt yaköiga Nahönŋanök mi mötza aka ambazip möwölöhöm engiba yeŋgöra mi indelmawi, yeŋön mönö Iwi möt waŋgime.”

²³ Jisösnöŋ mewö jiba gwarekurupŋi yeŋgöreŋ liliŋgöba nanŋinök ölöŋ kewö jii mötket, “Inini yuai ek kutuzei, denike yeŋön mi ek kutuzei, yeŋön mönö jeŋinaŋgöra aka simbawoŋ akze. ²⁴ Miangö könani kewö: Nöŋön keu kewö jibi mötket, Kezapqetok ambazip aka kiŋ azi kembu gwötpukŋan inini yuai ki ekzei, mi ekingö awöweŋgöba malgetmö, mi qahö eket. Inini keu ki mötzei, yeŋön mi mötpingö awöweŋgöba malgetmö, mi qahö mötket.” Mewö.

Jöjopaŋ keu bohonŋi yahöt mi denöwö?

Mat 22.34-40; Mak 12.28-31

²⁵ Köna keugö böhi kunjan wahöta Jisös bötak ala kewö qesim waŋgiba jiyök, “Böhi, nöŋön denöwö aka malmal kömbönaŋi teteköŋi qahö buŋa qem aŋgubileŋak?” ²⁶ Jiiga Jisösnöŋ kewö melaŋda qesiyök, “Mosesgö Köna keunöŋ keu denöwö ohoget ahöza? Miangö könani denöwö?” ²⁷ ^uQesiiga melaŋda jiyök, “‘Gi urugi jömukŋi, uŋagi jömukŋi, kuki jömukŋi aka mötmötki jömukŋi mianŋön mönö Kembu Anutugi jöpaköba malman,’ aka ‘Nangi jöpaköm aŋgumakzani, mewöŋanök mönö ambazip pakpak jöpaköm engiba malman.’”

²⁸ ^vJiiga Jisösnöŋ melaŋnök, “Törörök melaŋjan. Mi tem köla malmal kömbönaŋaŋgö buŋaya akŋan.” ²⁹ Mewö melaŋnökmö, Köna keugö böhinöŋ ‘Mi tem köla solanŋi akzal,’ mewö mötmörriba könaŋamŋi kondelmamgö möta Jisösgöra jiyök, “Ambazip sutŋine mala

koral, yeŋgöreŋök mönö dagöra jizan? Ninja qahö jöpaköm waŋgibileŋak?”

Samaria azinöŋ gurusep azi ak-kömum waŋgiyök.

³⁰ Mewö jiiga Jisösnöŋ melaŋda jiyök, “Azi kunjan Jerusalem siti mosöta Jeriko mire geba könanöŋ kegwek-kahasiliŋ yeŋgö böröŋine gei meget. Mema inap yuaini waŋgita opoŋi qeköba gurusep qeba gila angetka kömumamgö aka ahöyök. ³¹ Ahöba mamböriŋa jike nup galöm kunjan köna miyök anda eka ek siriba köna likepŋeyök anda oŋgita anök. ³² Aniga mamböri jike nup azi (Liwait) kunjan miangöreŋ kaŋgota eka mewöŋanök ek siriba oŋgita anök. ³³ ^wAnökmö, Samaria prowinsgö azi[‡] kunjan köna miyök anda ahöyöhi, miangöreŋ aŋgota eka wösöŋi möta ehoriyök.

³⁴ “Ehoriba kösutŋe geba uziŋi kelök aka wain oŋan miriba esuhuyök. Uz-iŋi esuhuba memba kököbihiba doŋk-iŋi qakŋe ala waŋgita qenjarök ahöahö mire anda ala köyan köl waŋgiyök. ³⁵ Köyan köl waŋgiba ahöba wahöta söŋanök silim yahötkö töwaŋi (Kina 10,-) uzeta qenjarök mirigö toŋi waŋgiba jiyök, ‘Azi ki mönö köyan köl waŋgiba malnöŋga moneŋ gihizali, mi kude dop köla oŋgitma ewö, mi mönö liliŋgöba kaba miangöreŋ toroqeba gihimam.’ ³⁶ Azi karöbut könaŋamŋini mewö kon-delget. Azi kegwek-kahasiliŋ yeŋgö böröŋine geyöhi, yeŋgö alaŋi danŋön ahök? Yeŋgöreŋök dagöra mötnöŋ, i uru kalem ak waŋgiyök?”

³⁷ Qesim waŋgiiga melaŋnök, “Ak kömum waŋgiyöhi, yeŋön.” Mewö melaŋniga Jisösnöŋ jii mörök, “Gi mönö anda mewöŋanök aka malman.” Mewö.

[‡]10:33 Juda yeŋön Samaria ambazip jijiwilit ak engizema.

^t10:25 Mat 22.35-40; Mak 12.28-34 ^u10:27 Lew 19.18; Dut 6.5

^v10:28 Lew 18.5 ^w10:33 2 Hist 28.15

Jisösnöŋ Marta Maria yetpuk kususuk tarök.

³⁸xJisösnöŋ gwarekurupŋi yembuk könanöŋ angetka Kembuninan miri kunöŋ aŋgorök. Aŋgoriga ambi kun qetŋi Marta yaŋön köl öröm waŋgii miriŋe öŋgöyök. ³⁹Martagö munŋi qetŋi Maria malök. Yaŋön Kembu eka könaŋi kösutŋe eta tata Buŋa keu jiyöhi, mi kezap ala mörök. ⁴⁰Mörökmö, Martanoŋ lömbuaŋ nupnöŋ öröi anda kaba mökösusu aka Jisösgöra jiyök, “Kembu, munan nömosöri nanök welen nup membi mötnöŋ dop kölja me qahö? Miangöra mönö Maria jinöŋga kaba bauköm niŋgima.”

⁴¹Jiiga Kembunöŋ melenŋa jii mörök, “Marta Marta, gi yuai könaŋi könaŋi miangöra waimanŋat möta mötkurumkurum aka könöpŋambuk aka kinjan. ⁴²Mewö kinjanmö, waimanŋat mohok kun memba mem köhöininga dop köлма. Nini yuai sehisehiŋi miangöra qahö osizin. Marianöŋ kewöta urugö likepŋi möhamgöm aŋgumangö möwölöhöba simbawoŋ akza. Malmalgö bahöŋi ölöpŋi mi kunŋan kun kude waŋgitma.” Mewö.

Jisösnöŋ köulukö könaŋi kusum engiyök.

Mat 6.9-13; 7.7-11

11 Jisösnöŋ miri kunöŋ köuluköba mali teköiga gwarekurupŋi yengöreŋök kunŋan kewö jiyök, “Kembu, Jon O-melun azinöŋ gwarekurupŋi köulukö könaŋi kusum engiyöhi, gi mönö mewöŋanök nini kusum neŋgiman.”

²Jiiga Jisösnöŋ kewö jii mötket, “Iŋini köuluköbin jiba kewö jime:

Iwi, göhö qetkan mönö töröŋi ahöma. Mönö galöm köl neŋginöŋga bemtohoŋgahö ölni asuhuma. (Göhö jitsihitki Suepnöŋ tem kölakzei, gölmenöŋ mönö mewöŋanök asuhuma.)

³Gi wehön dop nene dopnane neŋgiman.

⁴Tosatŋan bölöŋi ak neŋgigeri, nini körek yengö siŋgisöndokŋini mosötzin ewö, gi mönö neŋgöreŋ siŋgisöndok saŋgoŋ neŋgiman.

Gi esapesapnöŋ eta neŋgubapüköra aŋgön köl neŋgiba Bölöŋi Toŋaŋgö böröŋeyök meköm neŋgiman.”⁴

⁵Jisösnöŋ toroqeba kewö jii mötket, “Engöreŋök kunŋan suŋgem bibiŋe alaŋaŋgö mire anda möndöba kewö jima, ‘Alani, beret karöbut niŋginöŋga likepŋi biaŋ meleŋ gihibi. ⁶Alani kunŋan könanöŋ mala nöŋgöreŋ kaŋgoriga neneŋamni qahöpköra gumohom waŋgimangö jaruzal.’

⁷Mewö jii alaŋan miri uruŋeyök kewö melenŋa jima, ‘Gi gaun gwölö ak neŋgizan. Ni naŋguŋi lök köl köhöibiga nahönböraturupnan nömbuk tumbulahöpnini tumbula gaun ahözin. Miangöra wahöta mi gihimangö osizal.’

⁸Mewö jimapmö, nöŋön jibi mötket: Miri toŋan alaŋi akzawaŋgöra aka qahö wahöta waŋgimapmö, mi töndup kapaŋ köla jiba kinjawaŋgöra mi ölöp wahöta qesizawaŋgö dop körek waŋgima.

⁹“Nöŋön miangö likepŋi kewö jibi mötket: Mönö Anutu köuluköme. Köulukögetka enggima. Anutugöreŋ mönö yuaigö böröjaŋ memba jarume. Mi jarugetka kondeliga miwikŋaime. Kinda naŋgunöŋ qeme. Qegetka naŋgu tal enggima. ¹⁰Kunŋan Anutu köulukömakzawi, yaŋön mönö likepŋi buŋa qem aŋguma, yuaigö jarumakzawaŋön mönö mi miwikŋaima.

⁴11:4 Tosatŋan keu mi kewö melenŋa jimakze: bölöŋeyök meköm neŋgiman.

^x10:38 Jon 11.1

Nanġunöŋ qemakzawangöra mönö nanġu öröm wangima.

¹¹ “Iwiurup engöreŋök daŋön kewö akza: Nahönŋan söragöra qesiiga salupŋe qatö wangima. ¹² me kuruk köttjanġö qesiiga skorpion (nendaŋ kömbukŋi pomemba) wangima? ¹³ Mewögöra iŋini ambazip bölöŋi akze aka töndup kalem ölöŋŋi ölöŋŋi mi nahönböraturupŋini enġibingö mötze ewö, Sup Iwinöŋ mönö kalemŋi denöwö anġön kölbawak? Yanġö uruŋanġö ahakmemeŋi mi neŋgoŋgita tandökŋi kun akza. Miangöra Uŋa Töröŋanġöra köuluköba qesim wangime ewö, yanġön mönö sihimŋan i melaiiga uruŋine gema.” Mewö.

**Jisösnöŋ öme yeŋġö
ösumŋini enġita qei etza.**

Mat 12.22-32; Mak 3.20-27

¹⁴ Ömenöŋ azi kun töŋöt aka numbuŋi jöhöiga mötök maliga Jisösnöŋ ömeŋi mi wuatangöiga kota mosöri nesilamŋan lolohoiga kunbuk keu jiyök. Keu jiiga ambazip kambu yeŋön mi eka welipköget. ¹⁵ Welipkögetmö, yeŋöreŋök tosatŋan kewö jiget, “Yanġön mönö öme yeŋġö kembuŋini Katakömulat yanġö ösumnöŋ ömewöröme enġuatangömakza.”

¹⁶ “Mewö jigetka tosatŋan Jisös keugö bötaknöŋ örömapköra esapköm wangiba kewö qesiget, “Gi mönö jim kutunöŋga Suepnöhök anġöletot kun asuhuiiga ekin.” ¹⁷ Qesigetmö, yanġön uru mötmötŋini möt teköba kewö jii mötket, “Kantri denike yeŋġö

galömurupŋinan sutŋine anġururuk aka julmei, yeŋön mönö ayuhum anġugetka kantriŋinan böliba sahopŋanök ahöma. Mewöyök miri kungö könagesö yeŋön julmei, miriŋinan mönö qeqelanġan ahöma.

¹⁸ “Mötket! Satangö könagesö yeŋön mewöyök sutŋine anġururuk aka julbeak ewö, yeŋön mönö gawman nupŋini membingö osigetka ömetohonŋinan mönö denöwö kinbawak? Iŋini nöŋgöra kewö jize: Yanġön Katakömulatkö ösumnöŋ ömewöröme enġuatangömakza. ¹⁹ Mewö jizemö, mötket, nöŋön Katakömulatkö ösumnöŋ ömewöröme közöl enġibileŋak ewö, enġö alaurupŋinan mönö dagö ösumnöŋ mi közöl enġibeak? Miangöra yeŋön mönö keuŋini ölni me qahö, mi kewöta jim teköme.[§] ²⁰ Mi jim tekömemö, Anutugö ösumŋan nöŋgö böro kesötŋi sölölohöi öme enġuatangömakzal ewö, Anutugö bemtohoŋan mönö enġöreŋ kam kuŋguza.

²¹ “Azi köhöikŋan timbi liŋgipŋambuk miri gölmeŋi galöm meiga sukinapŋan mönö kahaimök ahöma. ²² Mewö ahömapmö, azi köhöikŋi kötökŋan luhuba kaba qeba luhut al wangiba timbi liŋgipŋi nariyöhi, mi körek wangita qezanġa sukinapŋi memba anda alaurupŋi mendeŋ enġima.

²³ a “Kunŋan nömbuk qahö maljawi, yanġön mönö qetal niŋgimakza. Kunŋan ambazip nöŋgö qetne tokomegöra qahö öröm enġimakzawi, yanġön mönö mendeŋ enġimakza.” Mewö.

[§]11:19 Nanġini sile galömurupŋinan Anutugö qetŋi qeta töndup öme mi Katakömulatkö kukösumnöŋ közöl enġigetka nöŋön mi Anutugö ösumnöŋ közöl enġimakzal. Öroröŋ qahö kinjinaŋgöra daŋön ölni aka daŋön keu muneŋi wuatangömakzawi, mi ambazipnöŋ kewöta jim teköme.

^v11:15 Mat 9.34; 10.25

^z11:16 Mat 12.38; 16.1; Mak 8.11

^a11:23 Mak 9.40

Öme yeñön azi uruñe lilingöbingö kapañ kölje.

Mat 12.43-45

²⁴“Ömenöñ azi uruñeyök kota gölme qararañkölkölje anda lañ liliköba mala luhut memamgö miri jaruba kun qahö miwikñaiba ölan yöhöiga kewö jima, ‘Mirini mosöta kazali, miangöreñ mönö kunbuk lilingömam.’
²⁵Mewö jiba lilingöba miriñi usuñda meñölöi ahöyöhi, mi mewöñanök ahöi miwikñaima. ²⁶Mewö miwikñaiba anda öme tosatñi 7 enğuaņgıtma. Öme 7 mi nanñi oņgita bölöñi kötökñi akze. Yañön mi enğuaņgiriga kaba miri mi öngöba miangö uruñe malme. Mewö aiga azi miangö könanñi mutuk kileñkileñ ahökmö, könanğep bölim qölim teköma.” Mewö.

Denike yeñön simbawoñ akze?

²⁷Jisösnöñ keu mewö jiba mali ambazip kambu sutñineyök ambi kunñan qeta Jisös kewö jii mörök, “Gömokni, ambinöñ gölöm ala gömimba juzu gumohom gihiyöhi, nöñön yaņgö mötpi simbawoñ akza.”
²⁸Mewö jiyökmö, Jisösnöñ kewö meleñnök, “Mi jizanmö, nöñön kewö jimam: Ambazip Anutugö keugöra kezap ala möta tem köla köl gulimakzei, yeñön mönö simbawoñ akze.” Mewö.

Böhi tosatñan aņgöletotköra kapañ köla uletket.

Mak 8.11-12; Mat 12.38-42

²⁹^bAmbazip kambunöñ tokogetka qariiga Jisösnöñ toroqeba keu kewö jiyök, “Ambazip merak gölmenöñ maljei, mi kambu bölöña. Yeñön Anutugö aiwesökñağöra kapañ kölakzemö, aiwesök kun kezapqetok

azi Jonagöra lök asuhuyök. Anutunöñ aiwesök murutñi kun qahö al enğima. ³⁰“Keu miangö könanñi kewö: Anutunöñ mönöwök Jona melaiiga Niniwe yeñgö sutñine anda Anutugö aiwesökñi ahök. Miangö dop Suep gölmegö azi öñan mewöyök ambazip kambu miangö sutñine asuhuba uruñini meleñmegöra kuņgum enğiba aiwesökñina akña.

³¹^d“Köñañamñinağö kaisösöpñi kun kewö: Anutunöñ mönöwök mötkutukutu öngöñgöñi ketañi mi kiñ Solomon waņgiiga Saut görökenök kantri kungö qin ambinöñ Solomongö mötkutukutuñi mötmamgö sihimñi mörök. Sihimñi möta gölme gorañeyök wahöta köna köröp tiñtiñi kaba mala Solomongö mötmötñi mörök. Mi mörökmö, mötket, nalö kewöñe nöñön sutñine asuhuba kinda Anutugöreñ mötkutukutu öngöñgöñi memba kazali, mi Solomongö mötkutukutuñi oņgitza. Oņgitzapmö, iñini töndup nesampurek ak niñgiba tönpin kingetka qahö dop kölja.

“Miaņgöra Anutunöñ könanğep ambazip körek pakpak öröm enğii keuñini jim tekömapköra jeñe aņgotmei, nalö miangöreñ Saut kantrigö qin ambi miangön mönö mewöyök aņgotma. Yañön ambazip kambu ki kinjei, embuk öröröñ kömupnöhök wahöta enğö qöhöröñine mohotñe kinma. Mohotñe kinda keu kewö enğö sileñine alma, ‘Iñini Jisös nesampurek ak waņgigetka Anutunöñ likepñi meleñ enğii sihimbölö öngöñgöñi mötme.’ Yañön mewö jiiga silikñi kewöta nanñinağöra gamuñini mötme.

³²^e“Jonanöñ Niniwe ambazip sutñine anda Anutugö keunöñ uruñini kuņgui möta miangöreñök uruñini meleñgetmö, mötket, nöñön sutñine asuhuba kinda

^b11:29 Mat 16.4; Mak 8.12 ^c11:30 Jona 3.4

^d11:31 1 Kiñ 10.1-10; 2 Hist 9.1-12 ^e11:32 Jona 3.5

Jonagö ahakmemeñi oñgita ahakzal. Mewö ahakzalmö, injini töndup nesampurek ak niñgimakze.

Miañgöra Niniwe ambazipnön jimtekötekögö nalö ketaje ambazip kambu ki kinjei, embuk örörön kömupnöhök wahöta engö qöhöröñjine mohotje kinme. Mohotje kinda Niniwe yeñon keu kewö engö sileñjine alme, 'Injini Suep gölmegö azi öñji nesampurek ak wangigetka Anutunönñ likepñi melej engii sihimbölö öñgöñgöñi mötme.' Niniwe yeñon mewö jigetka ahakmemeñinan nanñini könañamñini indelgetka gamuñjini mötme." Mewö.

Kiwa mi asakñi neñgimapköra ahöza.

Mat 5.15; 6.22-23; Mak 4.21-23

³³f“Kunñan lambe me kiwa ohotiriba köwe wañgömñe me kimbutnönñ qahö almapmö, mi mönö miañgö dum tatatnönñ alma. Mewö ali tosatñan miri uruñe öñgöbingö mötzei, yeñon miañgö asakñi eka ölop öñgöme. ³⁴Göhö jegi mi uru silegahö kiwanñi akza. Miañgöra kawöl kunönñ jegi qahö mem böliza ewö, mi-añon mönö tohoba asarim teköi Anutugö asakñan ölop uruge mem asariiga malmalgi pakpak asakñe malman. Asakñe malmanmö, sihim kömbönañi bölöñan me yuai kunñan jegi mem böliba asakñi közambötza ewö, mi-añon silegö malmalgi mewöyök mem söñauiga pandaman uruñe jipjap malman.

³⁵“Mewö aiga mötnönñ, söñaupnönñ urugahö asakñi közamböri söñaubapuköra mönö tihitki möta galöm mem añguman. ³⁶Mewö aknönnga Anutugö asakñan urugi körek dop köli wañgömñi kun qahö söñauza ewö, göhö silegan mönö mewöyök asoñ-kilik-kilikñambuk aka jemesoholgan asariza. Kiwa ketanñan silege kuñguba kölköl-bilikbilikñambuk

mem asarim gihizawi, malmalgi mönö miañgö dop Anutugö asakñe al teköba malman.” Mewö.

Urumeleñgö silesile tandököra ‘Yei!’ jiiga 6 ahök.

Mat 23.1-36; Mak 12.38-40; Luk 20.45-47

³⁷Jisösnönñ keu mi jim teköi Farisi (Köna keugö kapañkölköl) azi kunönñ kewö jiba köl öröm wañgiyök, “Gi ölop nöñgö mire öñgöba tata nene nembin.” Mewö jiiga anda öñgöba nene nemangö tarök. ³⁸Mutuk böröñi qahö sañgoñda eta tarökmö, Farisi azinönñ silik mi eka welipköyök. ³⁹Welipköiga Kembunönñ kewö jii mörök, “O Farisi injini mönö öñja amöt qem añgubingöra qambi aka al nenegö sileñi sañgoñ yakomakzemö, nanñini uruñinan mönö tölohoza. Mi dogo jimamoñ aka qewöloñ mi-añon kokolak qei malje.

⁴⁰“O injini, uruñini qahö. Kunönñ sileñi pakpak miwikñaiyöhi, yañon mönö uruñi mewöyök miwikñaiyök me qahö? Injini mönö wuanöñgöra uru likepñangöra tanqan akze? Mi qahö dop kölja. ⁴¹Miañgöra yuai kiwi al nenenönñ tatzawi, mi mönö kalema ambazip wanapñi engime. Mewö aketka Anutunönñ amöt qem engii engöreñ yuai pakpak mönö sarakñi ahöma.” Mewö.

⁴²g“O Farisi ambazip, lömböt qakñine öñgözawañgöra mönö wöziköba ‘Yei!’ jizal. Injini nene pakpak mendeñda bahöñi 10 miañgöreñök mohot Anutugö buñaya qemakze. Gipñi, supe aka yöha könañi könañi mi mewöyök meñdeñda tenöhök mohot mi Anutugö buña qemakze. Naluk mi törörök alakzemö, Köna keugö kötñi bohonñi ki mönö oñgita mosörakze: Gi Anutu uru könöm-gan jöpaköm wañgiman aka ambazip sutñine ahakmeme diñdini wuatangöba

malman. Keu bohonji mi mönö kapaj köla wuatangöba malme aka keu morömorö mi mewöyök kude ongita mosötme.

⁴³“O Farisi, lömböt qaknjine öngözawangöra mönö wölkiköba ‘Yei!’ jizal. Injini köuluk mire dum tatat mutukne jejep tatpingö sihimnji mörakze. Maketnönj me könanönj ambazip engeketa jölönjini jimegö mörakze. ⁴⁴O injini, lömböt qaknjine öngözawangöra wölkiköba ‘Yei!’ jizal. Injini qaksiri qetjini qahö miangö dop akze. Ambazipnönj qamöt wörönjambuk denike ahözawi, mi qahö möta qaknjine lajaj tiba yuai dönqizinjambuk oseiba tölohomakze.” Mewö.

⁴⁵Jisösnönj keu mewö jiiga Köna keugö böhi yengörejök kunjian möta melenja kewö jiyök, “Böhi, gi keu mewö jiba nini mewöyök gamu qem nenjizan.”

⁴⁶Mewö jiyökmö, Jisösnönj keu kewö jiyök, “O Köna keugö böhi, engö qaknjine mewöyök lömböt öngözawangöra wölkiköba ‘Yei!’ jizal. Injini keunji keunji jim kutuba miangö könjön lömbötñi ambazip qaknjine alagun algetka mi tem kölbingö lömböriiga jaranbaran ahakzemö, nanjinak i kesötjinnan borom kun bauköm engibingö wösömötmötñini kun qahö ahöza.

⁴⁷“O injini, lömböt qaknjine öngözawangöra mönö wölkiköba ‘Yei!’ jizal. Injini kezapqetok ambazip yengö qaksirinönj simen kouw memba menjölomakzemö, nanjini amböskonjinnan mönö i enguget kömuget. ⁴⁸Nanjini amböskonjinnan kezapqetok ambazip enguget kömugetka injini yengö qaksirinjine kouw memba simen alakze. Mewö aka mianjön amböskonjini yengö ahakmemegöra imbi köla keunji nanjögöba jiba dangunu ewö kinje.

⁴⁹“Miangöra Anutu, mötkutukutu Tonji yanjön kewö jiza, ‘Nönjön kezapqetok ambazip aka aposol melaim engibi engöreñ kame. Kagetka yengöreñök tosatñi i enguget kömume aka tosatñi sesewerowero ak engime.’

⁵⁰“Anutunönj Suep gölme miwiknjaim etkiyöhi, nalö miangöreñök könahiba kezapqetok ambazip engugetka sepnini mokoget eri, miangö sep kitipñi pakpak mi ambazip merak maljei, mönö engö qaknjine öngöi sihimbölö mötme. ⁵¹^hAbelgö sepnian eri miangöreñök könahiba enguba kota mala Zekaraia jöwöwöl alta aka jöwöwöl jike kömbukñi mietkö sutjire qeget sepnini miangöreñ teköyök. Nönjön keu kewö jibi mötme: Sepnjianjögö kitipñian mönö ambazip merak maljei, engö qaknjine öngöiga sihimbölö mötme.

⁵²“O Köna keugö böhi injini, lömböt qaknjine öngözawangöra mönö wölkiköba ‘Yei!’ jizal. Injini Anutugö mötmöt memingö nanju ki morönji mi ambazip enguangita angön köl engimakze. Nanjinak miangö uruñe qahö angotket aka tosatñian miangö uruñe angotpingö akzei, injini i jöhöba angön köl engiba malget.”

⁵³Jisösnönj keu mewö jiba mosöta ani Köna keugö böhi aka Farisi yenjön könahiba keu könöpnambuk jim wangiba keu könanji könanji jimapkö qeqesi gwöt-puk al wangiget. ⁵⁴Al wangigetka numbuñeyök keu kun qiwitipköiga mianjön köpeiba keugö bötaknönj örömapköra mönöget. Mewö.

Urumelengö silesile malmalgö galöm meme keu

Mat 10.26-27

12ⁱJisösnönj keunji jiiga nalö sutñe miangöreñ ambazip tausennji tausennji yanjöreñ tokoba ölöqölököba

^h11:51 Jen 4.8; 2 Hist 24.20-21 ⁱ12:1 Mat 16.6; Mak 8.15

utakutal aŋguba kinget. Mewö aka kingetka kónahiba gwarekurupŋi kewö jii mötket, “Yuai mutukŋi ki: Iŋini mönö Farisi (Kóna keugö kapaŋkólköl) yeŋgö urumeleŋgö silesile ahakmemeninaŋgöra galómŋini meme. Mi wösö kömbukŋi ewö akza. Mi qahö mosötme ewö, miaŋŋön mönö yist ewö qariba mem bölim eŋgima.

^{2j}“Ambazipnön yeuai önun meget ahözawi, mi pakpak mönö kötulgetka aukŋe ahuma. Mewöŋanök keu asambötket ahözawi, mi pakpak mönö indelgetka möt kutume. ³Miaŋgöra mönö keuŋinaŋgö galóm memba malme. Iŋini keu söŋaupnön ölöŋ jimei, mi mönö asakŋe jigetka mötme. Iŋini miri uruŋe waŋgömŋi kungen saŋepnön kezapŋine jimei, mi sobemnön aukŋe jim asarime.” Mewö.

Dagöra keŋgötŋini mörin dop köлма.

Mat 10.28-31

⁴“Alaurupni nöŋön eŋgöra kewö jibi mötme: Tosatŋan silenŋini qem kömumba miaŋgö andöŋe yeuai kun toroqeba akingö osimei, yeŋgöra mönö keŋgötŋini kude möta malme. ⁵Mi qahöpmö, dagöra keŋgötŋini mötketka dop kölmawi, nöŋön mi kondel eŋgimam. Kun daŋön kukösüm memba eŋgui kömugetka tötal eŋgii könöp sianön gemei, yeŋgöra mönö keŋgötŋini möta malme. Eŋgöra keu mi kunbuk jizal: yeŋgöra mönö keŋgötŋini möta malme!

⁶“Tosatŋan bekösöm (jöpöröm, ulisit) ⁵mi toiya yahötŋan söŋgörönŋi memegöra alakzemö, Anutunön mieŋgöreŋök mohok-kungö qahö ölüm qeyök. ⁷Anutunön köyan köl eŋgiba nörop juŋŋini pakpak mewöyök oyoŋ teköba jaŋgöŋini mötza. Ambazip eŋgö

söŋgörönŋini mi bekösöm ulisit gwötŋupuk eŋgongita öŋgöŋgöŋi akza. Miaŋgöra keŋgötŋini mönö kude möta malme.” Mewö.

Kraist jim miwikŋaime me qaŋ köлма?

Mat 10.32-33; 12.32; 10.19-20

⁸“Nöŋön keu kun jibi mötket: Kunŋan ni ambazip jeŋine jim miwikŋaim niŋgimawi, Suep gölmegö azi ölnan mönö mewöŋanök i Anutugö garataurup yeŋgö jeŋine jim miwikŋaime. ⁹Mewömö, kunŋan ni ambazip jeŋine qaŋ köl niŋgimawi, nöŋön mönö mewöŋanök i Anutugö garataurup yeŋgö jeŋine qaŋ kölmam.

^{10k}“Kunŋan Suep gölmegö azi ölni qetala keu jimawi, Anutunön mi ölop mosötmapmö, kunŋan Uŋa Törönŋi ilita mepaqepaik akŋawi, yeŋgö siŋgisöndokŋi mi Anutunön qahö mosötma.

^{11l}“Ambazipnön iŋini öröba keu jakeŋine al eŋgigetka köuluk miriŋine me kiap premiö aka kantriŋi kantriŋi mieŋgö kiŋ kembu yeŋgö jemesoholŋine kinmei, nalö miaŋgöreŋ keuŋinaŋgö likeŋi wani keuya denöwö jibinak miaŋgö waimanjatŋi kude mötme. ¹²Mi kewögöra: Iŋini keu jimei, mi Uŋa Törönŋan aua miaŋgöreŋök kusum eŋgiiga jime.” Mewö.

Nepaqepalok azi pomŋaŋgö dopkeu

¹³Ambazip kambu sutŋineyök azi kunŋan Jisösgö jiyök, “Böhi, iwiniran kömuiga gi mönö datnaŋgö jinöŋga iwiniraŋgöreŋ börösamotŋi mendenja niŋgima.”

¹⁴Mewö jiyökmö, Jisösnön kewö meleŋ waŋgiyök, “O azi, daŋön etkö jimtekötekö toŋiri akŋamgöra kuŋgum niŋgiyöha gölmeŋiri mendenbilenak?”

^j12:2 Mak 4.22; Luk 8.17 ^k12:10 Mat 12.32; Mak 3.29

^l12:11 Mat 10.19-20; Mak 13.11; Luk 21.14-15

¹⁵Mewö jiba keu kewö toroqeyök, “Inap ainemalukuñinan awamñanök me kelemaleleñ ahöbawak, malmalñinanğö könanji mi miangğoreñ qahö ahöza. Malmalñini qahö kewöta moneñ sukinapnön möndöme ewö, mönö ayuhume. Miangğora membagun membingö nepaqepalok (gridi) pakpaköra mönö galömnjini memba malme.”

¹⁶Mewö jiba dopkeu kun kewö jii mötket, “Azi pomñi kun malök. Yanön gölmeñe nene nupñi meiga töhötmöriam ketanji asuhuyök. ¹⁷Mi asuhuiga uruñan kewö mötmöribajiyök, ‘Nöngö köwe mirini mi morörökñi. Miangğora padi gösönji gösönji, koñ kambuñi kambuñi, sehoñ böranji böranji mi mönö denikeangğoreñ tokobilerak? Mönö denöwö akñamto?’ ¹⁸Mewö jiba jiyök, ‘Mönö kewö akñam: Ni köwe mirini köndeñda salupñe köwe miri ketanji ketanji memam. Mi memba nene töhötmöriamni aka sukinapni pakpak mönö miangğoreñ qezaköbi tatma. ¹⁹Miangğoreñ tariga nanağğora kewö jimam: O gi simbawoñ! Töhötmöriamgi mönö awamñi qahö ahöm gihiza. Miangğora mönö nene nem sönggaiba yambuñi yambuñi siyoñsayoñi qahö luhut memba ösöñ malman.’ ²⁰Mewö jiyökmö, Anutunön kewö jii mörök, ‘O gi, urugi qahö! Nöñön nalögi ala jim teköba uñagi sungem kiangğoreñök goangitpiga kömuman. Kömunöngga öroyuai pakpak buña qem angguba malnöñi, mi mönö dagö buñaya akñapto?’

²¹“Kunñan nanñagğora ainemaluku guli dötnam yuai tokomakzapmö, Anutugö qöhöröñe urugö töhötmöriamñi

qahö ahöm wañgizawi, yanğora mönö lömböt ketanji mewö asuhuma.” Mewö.

Anutu möt nariba waimanjat kude akñe.

Mat 6.25-34

²²Jisösnön gwarekurupñi kewö jii mötket, “Mewö asuhumapmö, nöñön engğora kewö jibi mötket: Inji gölmenön malmeangğö waimanjatñi mi kewö jiba kude akñe: Nini mönö wanat yuainön gumohom angubinak aka wanatnön silenianğö löngötpinak? ²³Sileninambuk maljei, miangñon bohonñi aiga opo kereñnön mönö miangğö nembö bapñe ahöza. Jeñinambuk maljei, miangñon bohonñi aiga nenenön mönö miangğö nembö bapñe ahöza.

²⁴“Mönö koekoe nei enggekñe: Mienön nene kötni qahö qesin gilakze. Padi ölni qahö yandiba köwe mirinine qahö tokomakze. Yöha sihinini mi qeköm nemi mirinön qahö alakze aka Anutunön mi töndup i gumohom enggimakza. Ambazip engğö söngörönini mi nei söngörönini enggonggita öngöba ahöza. Mönö mi mötmöriget anök.

²⁵“Engğoreñök kunñan waimanjat aka mewö miangñon gölmenön malmawañğö nalöñi mi sömanji mohotkö dop mem toroqema me qahö? Mi qahöpmahöp!**”

²⁶“Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak? ²⁷^mInjini mönö jariñ jurañi aködamunñinambuk mi enggekñe: Mienön opo söronianğöra möt qahö lonğalakze. Nup yuai tosatñi kun qahö memakze aka mi töndup kewö jibi mötket: Kiñ Solomonön goul silwöñi qeraköba malukuñi

**12:25 Tosatñan kewö melenđa jize: Engğoreñök kunñan waimanjat aka mewö miangñon silenji wan fitkö dop toroqeba mem körimangö osima.

ason-bilikbilikjambuk löngöta malökmö, yangö malukuji mi kitej soranjingö dop eksihimjambuk qahö ahöyök.

²⁸“Jarij juraji töhön mi merak gölmenöj kösutnane ahöi uran kölgetka eri gila qezaköba ohoget jema. Mi töndup Anutunöj juraji mewöji kun mi tok ölöpñanök meñölömakza. Miangöra yangön injini mewöyök ölop esuhum engima. Injini jarij juraji miangö dop qahö akze. Anutunöj köyan köl engimamgö mötzawi, sihimji miangön mönö yuai pakpak engongita öngöza. O ambazip, mötnariñinan mönö wuanöngöra morörökñi akza?

²⁹“Mewö aiga injini mewöyök malmalñinanöra mötkurumkurum kude akñe. Mi aka lömböröba kewö jibepuk, ‘Nini mönö wani nene aka wani o nembinak?’ Mewö jiba uruñini miangörej kude ala urueret aka urukönöpuk miwikñabepuk. ³⁰Kantri dop urumelengö kopa yeñön yuai mewöji pakpak buña qem angubingö kapañ köla urukönöp ahakze. Mi ahakzemö, injini nene opo yuaigöra mözöröngöba osizei, Iwiñinan mönö mi möt teköza. ³¹Miangö urukönöp kude akñemö, mönö Anutugö bemtohoññöj angotpingö kapañ kölme. Uruñini miangörej alget ahöiga yangön mönö galöm köl engiba yuai mewöji mi mewöñanök toroqem engima.” Mewö.

Buñanini Suepnöj me gölmenöj tokoinga dop kölja?

Mat 6.19-21

³²“O kambuni morörökñi, Iwiñinan bemtohoñ al engimamgö mötzawangöra mönö keñgötñini kude möta malme. ³³Gölmegö monej inapñi mi kapañ köla qeraköbepuk. Miangöra yuai ahöm engizawi, mi mönö söngöröñangö ala

monej öröba bahöñi ambazip wanapñi kalemñinanöra engime. Mewö aketka qetbuñanini guli dötnam ewö mi Suep mire ahöba sehiba kude qahöwakña. Monej gösöñini qainñi kun mi Suep miangörej qahö bölime. Gurem jijilukut aka yongorö meme yeñön mönö eu öngöba yuai mem bölibingö osime.

³⁴“Yuaigöra aködamunñi memba mötnöj öngözawi, miangön miri kungen ahöiga göñön mönö urugi mewöyök miangörej qekötahöba malman.” Mewö.

Urugwölö mala nup megetka dop kölma.

^{35 n}“Injini mönö Anutugö nupñi membingöra jöjöröba opo söronjini jöhöm yaköba aködamunñinambuk kinda uruñinangö kiwanan ohotirigetka jeiga malme. ^{36 o}Mi kiangö dop: Miri toñi kun mi ambazip amemegö lömbuanñöj kaba söngaibingöra öröm wangigetka anök. Miangörej ani moröurupñan mire tata lilingömapköra jeñinan yaigep uba ‘Kiñsiñ-pañsañ!’ jiba kapañ köla mambötze. Mamböta malgetka yangön nalö miangörej me miangörej kañgota nañgunöj qebawak, yeñön mönö miangörejök nañgu örögetka kotma. Injini mönö morö miengö dop aka jöjöröba malme.

³⁷“Kembunöj lilingöba kaiga nup memeurupñi tosatñan urugwölö malgetka mewö miwikñaim engimawi, yeñön mönö simbawoñ akze. Nöñön ölna kewö jibi mötket: Yangön kañgota tokom engiba nene dumnöj ali tatketka nene gumohom engimamgö jöjöröm anguba welen qem engima. ³⁸Yangön ömbibiñe me miri awörangöiga miangörej lilingöi tosatñan urugwölö malgetka miwikñaim engimawi, yeñön mönö simbawoñ akze.

³⁹p“Gwölö malbingö keu ki mönö ölop mötmörime: Sungem aiga kegwek azinöŋ wanat nalönöŋ me auanöŋ kamawi, miri toŋan mi mötpawak ewö, yaŋön mönö gwölö mala miriŋi ölop galöm meiga qesiŋda öŋgömamgö osima. ⁴⁰ Inini ‘Suep gölmegö azi ölnan nalö kiangöreŋ qahö kaŋgotma,’ jiba mötmörime, yaŋön mönö nalö miangöreŋök kaŋgotma. Miangöra inini mewöyök jöjöröba malme.” Mewö.

**Nup azinöŋ silekmales
mala ayuhuyök.**

Mat 24.45-51

⁴¹ Jisösnöŋ keu mewö jii Pitönöŋ qesiuyök, “Kembu, gi dopkeu ki mi neŋgöra me ambazip tosatŋi pakpak yeŋgöra mohok jizan?”

⁴² Mewö qesii Kembunöŋ jiyök, “Nup meme ambazip sutjine daŋön tiŋ kutuba tosatŋi eŋgoŋgitza? Tosatŋan söroräuba nup mosötketka kunŋan mötkutukutu ölopŋaŋgö qakŋe kapaŋ köla pöndaŋ memakzawi, yaŋön mönö simbawoŋ akza. Miri toŋan ahakmemenji kewöta eka kungen anda miriŋaŋgö öroyuaiŋi mi yaŋgö böröŋe ali galöm akŋa. Galöm aka welenqequeurupŋi jiyöhaŋgö dop köyan köla nalö diŋdiŋe gumohom eŋgimakŋa. ⁴³ Mewö köyan köl eŋgiba maliga toŋan lilingöba kaba mewö eka mönö simbawoŋ jima.

⁴⁴ “Nöŋön keu ölni kun kewö jibi mötket: Toŋan simbawoŋ jiba sukinapŋi pakpakö galömŋi kuŋgum waŋgima. ⁴⁵ Kuŋgum waŋgimamö, nup meme okonŋi yaŋön uruŋan mötmöriba kewö jima ewö, ‘Kembunaŋgö kaka nalöŋan mönö köröpŋi ahöza.’ Mewö jiba könahiba nup meme ambazipurupŋi eŋgum ureiba közölömbuaŋ ala söŋgaiba o köhöikŋi namba uruŋi sohoiga eŋololoŋ silekmales aka

malma. ⁴⁶ Mewö mala nalö kunöŋ Kembuŋi kaŋgotmapköra qahö mambötmawi, mönö miangöreŋ kaŋgotma. Nalögöra ikmaok injululuŋ mali mönö aua miangöreŋ kaŋgota qeba yaijapaleleŋ mem waŋgiba jim kutuiga qequetal ambazip ewö könöp sianöŋ geba sihimbölö mötma.

⁴⁷ “Nup meme kunŋan Kembunaŋgö jitsihitŋi möt yaköyökmö, keu areŋi jiyöhaŋgö dop qahö jöjöröm aŋguba nupŋi memba malöhi, Kembunaŋ miangö likepŋi jiiga jöhöba ihileknöŋ ambemŋi gwötpuk qeaköba qeme. ⁴⁸ Mewö qememö, nup meme azi kunŋan Kembunaŋgö jitsihitŋi qahö möt yaköba yuai aka meiga likepŋi ölop jiget ihileknöŋ qemeaŋgö dop akzawi, Kembunöŋ miangö likepŋi jiiga amqeqeŋi qeme. Anutunöŋ kungöra yuai gwötpuk waŋgiyöhi, yaŋön mönö mi mem sehiiga ölni gwötpuk ahumapköra al mambötma. Anutunöŋ kungöra yuaigö warökŋi sehisehiŋi al waŋgiyöhi, yaŋön mönö mi mem sehiiga ölni sehisehiŋi ahui meleŋ waŋgimapköra qesima.” Mewö.

**Jisösnöŋ könöp bölam
mema eri deŋnök.**

Mat 10.34-36

⁴⁹ “Nöŋön gölmenöŋ könöp ala ubi jemapköra etpiga urusihimni miangö bölamŋan lök jeyöhaŋgöra ahöza. ⁵⁰ Ahözapmö, mi ‘Ala umam,’ jibi sihimbölö gwötpuk mi nöŋgö qakne öŋgöba mösölumgöm niŋgimamgö akŋa. Anutunöŋ mewö miangö melun murutŋi mem niŋgima. O ni wahöjaliŋ ketanŋi möta malbi mem niŋgii miangöreŋ teköma. ⁵¹ Kewö mötmöríbepuk: Jisösnöŋ luai qemangöra aka gölmenöŋ erök. Nöŋön kewö jibi mötket: Nöŋön luai

qemamgöra qahöpmö, nöngöra aka jula dengetka köñ jabö ahuma.

⁵²“Mi kewögöra jizal: Nöngö Buña ke-unan ambazip uruñini kuñgui melenğer-añgöra nalö kewöñeyök könahiba kewö asuhuma: Miri kungö uruñe ambazip 5 yeñön sutñine aņgururuk aka julme. Likep karöbut yeñön yahöt yetpuk aņgururuk aketka likep yahöt yetkön karöbut yembuk jujul aka malme. ⁵³†Iwi morö yetkön jula kerök-kerök ahotka nam morö yetkön tötal aņguyohotka iranñan iranñi qetala julmahot.” Mewö.

Nalö maljini, mi möt kewötme.

Mat 16.2-3

⁵⁴Jisösnöñ toroqeba ambazip kambu yeñgöra kewö jii mötket, “Wehön gegeñe miri böuleiba kousu töwiiga iñini mi eka miangöreñök ‘Kie kama,’ jimakze. Mewö jigetka kama. ⁵⁵Saut görökenök luhut giliga eka möta kewö jimakze, ‘Miri könöpñambuk akña.’ Jigetka miangö dop akña. ⁵⁶O urumelenğö silesile ambazip, iñini sup gölmegö tandökñiri eka kie wehögö könañiri ölop kewörakzemö, nalö ki maljini, miangö könañi qahö kewöta möt kutugetka qahö dop kölja.” Mewö.

**Aņgururukñini
mindinğögetka solanima.**

Mat 5.25-26

⁵⁷“Iñini ‘Yuai dinđini mi denöwö akin,’ jiba miangö könañi mi denöwögöra aka nanñinak qahö kewöta jim tekömakze? Mi qahö dop kölja. ⁵⁸Kerökan silege ala keu jakeñe öröm gihimangö aiga jimtekötekö galömgöreñ anda köna namñe miangöreñ mönö kapañ köla imbi mohok aka keuñiri jim solanimahot. Mewö qahö akñahot ewö, kerökan ölop örörahöm gihiiga (jas, majistreit)

jimtekötekö toñangö jeñe aņgotnonga möta jii opotöröpkö böröñe genöñga kösö mire al gihibapuk. ⁵⁹Nöñön kewö jibi mötnöñ, Gi miangöreñ töwagi pakpak almanangö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

**Uruñini melenğet me
kömumba ayuhuget.**

13 Nalö miangöreñök tosatñan kañgota Jisös kösohot kewö jiget mörök, “Galili ambazip tosatñan Jerusalem jikenöñ jöwöwöl ohogetka premiö Pailötnöñ jüiga suahö galömurupñan miangöreñ öngöba eņgum kömugetka sepñini eta lama bulmakau sepñinambuk lolonqalon ahök.”

²Mewö jigetka melenğda kewö jii mötket, “Iñini miangöra kewö mötmöribepuk: Galili ambazip mienñön Galili ambazip tosatñi pakpak eņgonggita siņgisöndok aka malğerañgöra sihimbölo mi mötket. ³Mewö qahöpmö, nöñön kewö jibi mötket: Iñini uruñini qahö melenğme ewö, iñini köreknjan mönö mewöyök ayuhum teköme. ⁴Me miri qetñi Siloam miangöreñ miri köröpñi kuñan eta köla ambazip 18 turum eņgii kömugeru, iñini yeñgöra kewö mötmöribepuk: Yeñön Jerusalem könagesö tosatñi pakpak eņgonggita siņgisöndok aka keuñinambuk malget. ⁵Qahöpmö, nöñön kewö jibi mötket: Iñini uruñini qahö melenğme ewö, iñini köreknjan mönö mewöyök ayuhum teköme.” Mewö.

Muli ip gorosonñangö dopkeu

⁶Jisösnöñ dopkeu kun kewö jiyök, “Azi kuñan muli ip kömöri nupñe kota kini miangö ölni jarumamğö

anökmö, kun qahö miwikjaiyök. ⁷Qahö miwikjaiba nup galömngögöra jiyök, ‘Mötnön, nöñön muli ip kiangö ölñi yambu (yara) karöbutkö dop kaba jaruyalmö, kun qahö miwikjaial. Miangöra mi mönö wuanöngögöra toroqeba gölmegö kelökñi önewat öroi sihitjanök akapuk. Miangöra mi mönö köla gilyn anma.’ ⁸Toñan mewö jiyökmö, galömnön melejda jii mörök, ‘O azi kembuni, mi ölop mosötnönga yambu (yara) ki kunbuk kinma. Nöñön nalö sutje kiangörej kinonñön gölme esiba kundupköba isonbason ala liliköbi kelökñambuk akña. ⁹Nöñön mewö akiga yambu (yara) andöñe miangö ölñi ölop ahubawak. Mi qahö ahuma ewö, mi ölop kölman.’” Mewö.

Jisösnön Sabat kendonön ambi kun mem ölöwahök.

¹⁰Jisösnön Sabat kendonön köuluk miri kunön öngöba Buña keu kusum engiyök. ¹¹Miangörej ambi kun tarök. Ömenön yambu (yara) 18 miangö dop mem löwörim wanggiiga könisemñi milipköiga qötöteimangö osiba tata malök. ¹²Jisösnön ambi mi eka oholi kaiga kewö jii mörök, “Ambi, eksekpeksek kawölgan mönö gömosöri ölöwakzan.” ¹³Mewö jiba börönji nöropñe ali miangörejök qötöteiba Anutu möpöseim wangiyök.

¹⁴Möpöseim wangiyökmö, Jisösnön Sabat kendonön ambi mi mem ölöwahöhi, köuluk mirigö galömñan mi eka miangöra möri bölü keu könahiba ambazip kambu yengöra jiyök, “Nup memegö nalö 6 ahözawi, miangörej mönö kaba mem ölöwak engimapköra jime. Mi Sabat kendonön qahö.”

¹⁵Mewö jiyökmö, Kembunön melejda kewö jiyök, “O urumengö silesile ambazip! Inñi pakpak bulmakau azinjini me

donkñini mi Sabat kendonön mireyök pösata enguangitketka onön anda nemakze me qahö? Engörejök kunön mi qahö angön kölm engimakza. ¹⁶Mötket! Ambi kiangön Abrahamgö gwölönaröha aiga Satanön jöhöm wangii yambu (yara) köröpñi 18:gö dop maliga nöñön kösönji mi Sabat kendonön pösatpi dop kölm engiza me qahö?” ¹⁷Mewö jiiga tuarenjojurupñi pakpak yejön gamuñini mötket aka ambazip kambu pakpak yejön angöletot wewelipñambuk meyöhi, mi pakpak eka möta söngaget. Mewö.

Nejoñ kötnangö dopkeu

Mat 13.31-32, 34; Mak 4.30-32

¹⁸Jisösnön dopkeu kun kewö jiyök, “Anutugö bemtohoñgö könanji mi denöwö? Mi wanatpuk dop albileñak? ¹⁹Mi nejoñ kötnangö dop kewö akza: Azi kunñan mi memba nupñe anda esiiga wahöta qariba ip ahök. Ip aiga könakemba neiñi neiñi mienön aipñini ip miangö böröñe alget.” Mewö.

Yistkö dopkeu

Mat 13.33

²⁰Jisösnön dumñe kunbuk dopkeu kun kewö jiyök, “Anutugö bemtohoñi mi wanat yuaibuk dop albileñak? ²¹Mi yist me flaua mem qarigarigö dop kewö akza: Ambi kunñan ‘Beret ohomam,’ jiba yist memba flaua könde karöbut miangörej mindiriba melejqeleñ aka anda anda tari körekñanök qariyök.” Mewö.

Mönö nanggu giwikñe jaram tiba angotme.

Mat 7.13-14, 21-23

²²Jisösnön anda taonñi taonñi aka miriñi miriñi miangörej Buña kusum enggiba anda mala Jerusalem sitinön göröken anök. ²³Ani kunñan kewö

qesim waŋgiyök, “Kembu, uruŋini melenget Anutunöŋ amöt qem enġii letotmei, mi ambazip awamdökpa me denöwö?” Qesim waŋgii kewö jii mötket,

²⁴ “İnini mönö naŋgu giwikŋe aŋgot-pingö jaram tiba aum-mörime. Nöŋön kewö jibi mötket: Ambazip gwötpukŋan Anutugö bemtohoŋ uruŋe aŋgotpingö esapkömömö, mi osime. ²⁵ Kōnaŋgep miri toŋan wahöta nangu köligun iŋini nalö miangöreŋ kōnahiba yaigep kinda naŋgunöŋ qeba kewö jime, ‘Kembu, mönö naŋgu öröm neŋginöŋ.’ Mewö jigetka melenġa kewö jii mötme, ‘Ni qahö möt enġizal. İnini denikegöra, mi qahö mötzal.’ ²⁶ Mewö jiiga iŋini mi-aŋgöreŋök kōnahiba kewö jime, ‘Neŋön mönö göbuk köisirik tata nene nein. Göŋön mönö liliköba neŋgö somben-nöŋ Buŋa kusum neŋginöŋ.’ ²⁷ ‘Mewö jimemö, yaŋön keu kewö jima, ‘İnini denikeaŋgöra, ni qahö möt enġizal. Mi-aŋgöra kewö jibi mötket: Bölöŋi meme pakpak, iŋini mönö nömosöta kesalget.’

²⁸ ^{uv} “Kesalgetka miangöreŋ Abraham, Aisak, Jeikob aka kezapqetok ambazip pakpak yeŋön Anutugö bemtohoŋ uruŋe kingetka enġeknemö, nanŋini aköm enġigetka yaigep kinme. Kōnaŋini mewö miwikŋaiba sahöt gigilahöba irimŋini yöhözömgögetka qetŋi qeri malme. ²⁹ Ambazipŋi ambazipŋi mi wehön kotkotŋeyök aka gegeŋeyök aka likeplikap Not Saut miangöreŋök kaba Anutugö bemtohoŋnöŋ aŋgota dum tatatŋini memba nene nem söŋgaip aka malme. ³⁰ ^w Mewö malmemö, mötket! Qöndökŋi yeŋgöreŋök tosatŋan mutukŋi akŋe aka mutukŋi yeŋgöreŋök tosatŋan qöndökŋi akŋe.” Mewö.

Kiŋ Herodnöŋ kiam soŋ miangö dop akza.

Mat 23.37-39

³¹ Nalö miangöreŋök Farisi (Kōna keugö kapaŋkölköl) tosatŋan Jisösgöreŋ kaba kewö jiget, “Kiŋ Herodnöŋ guhui kömumangö mötza. Miangöra mönö miri ki mosöta anman.”

³² Jigetka kewö melenġe enġiyök, “İnini mönö arökŋaŋgö kiam soŋ mi kewö jiget mötma, ‘Mötnöŋ! Nöŋön merak aka uran ömewöröme enġuatŋgömam aka kawöl ambazip mem ölöwak enġiba malmam. Anmami, uruwale mönö miangöreŋ aŋgota nupni mekömam.’ ³³ “Kezapqetok ambazip sehisehiŋi mi Jerusalem sitinöŋ enġugetka kömuget. Miri tosatŋe qahö toroqeba enġuget kömumakze, mi-aŋgö tandöktandök ahöza ekzal. Mi-aŋgöra nöŋön merak aka uran uruwale kōna anda malmam. Jerusalem aŋgot-piga nuŋguget kömumam ewö, mönö yeŋgöreŋ aiakaŋina mi toroqeba akŋe.” Mewö.

Jisösnöŋ Jerusalem sitigöra sahörök.

Mat 23.37-39

³⁴ Jisösnöŋ jiyök, “O Jerusalem, iŋini kezapqetok ambazip enġuget kömugetka Anutunöŋ ambazip melaim enġii enġöreŋ kamakzei, mi kötnöŋ kumbuköm enġimakze. Poi namŋan moröurupŋi ginginŋi bapŋe ala köjjöjohom enġimakzawi, nöŋön miangö dop nalöŋi nalöŋi göhö kōnagösöurupki suhuba tokom enġimamgö möta malalmö, iŋini mi tököba mala kotket. ³⁵ ^x Mötket! ‘Anutunöŋ mönö jike miriŋini andö qeiga sahopŋanök ahöma.’ Mewö ahömapmö, nöŋön kewö jibi mötket, iŋini ni kumbuk qahö nekŋemö, kōnaŋgep nalö kun

^t13:27 Sum 6.8 ^u13:28 Mat 22.13; 25.30 ^v13:28 Mat 8.11-12

^w13:30 Mat 19.30; 20.16; Mak 10.31 ^x13:35 Sum 118.26; Jer 22.5

kam kuᅅgui miaᅅgöreᅅ neka kewö jime, ‘Kembugö qetᅅe kam neᅅgizawi, Anutunöᅅ mönö i kötuetcöm waᅅgima.’ Mewö.”

**Jisösnöᅅ kawöl azi
kun mem ölöwahök.**

14 Jisösnöᅅ Sabat kendon kunöᅅ Farisi (Köna keugö kapaᅅkölköl) yeᅅgö jitᅅememe kungö miriᅅe öᅅgöba nene neyök. Nemba tari tosatᅅan galöm memba ektiget. ²Miaᅅgöreᅅ yaᅅgö jemesoholᅅe kawöl azi kun köna böröᅅji onöᅅ ölököba qarü tarök. ³Jisösnöᅅ i eka könahiba Köna keugö böhi aka Farisi mi qesim eᅅgiba kewö jiyök, “Sabat kendonöᅅ azi mem ölöwak waᅅgiba mewö miaᅅön Köna keu oᅅgitᅅin me qahö?”

⁴Mewö jiyökmö, yeᅅön göröᅅ qeba tatket. Tatketka böröᅅjan azi mi misiriba mem ölöwaka melaii anök. ⁵Ani kewö jii mötket, “Eᅅgöreᅅök kungöreᅅ morö me bulmakau aziᅅi mi Sabat kendonöᅅ o lömnöᅅ gema ewö, mi mönö ösumok örogetka kotma. Daᅅön mi qahö öroi kotpawak?” ⁶Mewö qesim eᅅgii miaᅅgö likeᅅᅅi melenᅅbingö lömböriba numbuᅅini muhungöba bök tatket. Mewö.

**Jisösnöᅅ sile
mem-öᅅgö-öᅅgö mi qetalök.**

⁷Farisi (Köna keugö kapaᅅkölköl) azinöᅅ ambazip nenegöra köᅅ örom eᅅgiyöhi, yeᅅön dum qaikᅅe eu meköba tatkeri, Jisösnöᅅ mi eka miaᅅgöra dopkeu kun kewö jii mötket, ⁸“Kunᅅan gi amembitkö lömbuaᅅgöreᅅ köᅅ örom gihii miaᅅgöreᅅ anda dum jegenᅅeyök qahö memba tatman. Mewö akᅅan ewö, tosatᅅi köᅅ örom eᅅgiyöhi, yeᅅgöreᅅök kunᅅan gi goᅅgita qetbuᅅaᅅambuk akapuk.

⁹“Yaᅅön kaᅅgoriga lömbuaᅅ toᅅan göhöreᅅ kaba kewö jibawak, ‘Gi dum ki mosötnöᅅga öᅅgöᅅgöᅅi yaᅅön tatma.’ Mewö jima ewö, gi mönö wahöta bapᅅe emu eta dum memba tata gamugi senjombuk mötᅅpanbuk. ¹⁰Mewö qahöpmö, kunöᅅ köᅅ örom gihimawi, gi ölöᅅ dum simiᅅe emu anda tatman. Mewö tatnöᅅga lömbuaᅅ toᅅan kota geᅅa jima, ‘Alani, gi ölöᅅ kaba dum jegenᅅe eu anda tatman’. Mewö jii-iga göᅅön ambazip göbuk tata nene nezei, mönö körek yeᅅgö jeᅅine qetbuᅅagabuk akᅅan. ¹¹^aMi kewögöra: Nanᅅini uruᅅini memba öᅅgömei, Anutunöᅅ i körek memba et al eᅅgima. Kunᅅan nanᅅi uruᅅi memba etmawi, Anutunöᅅ mönö i memba öᅅgöba al waᅅgima.”

¹²Farisi (Köna keugö kapaᅅkölköl) azinöᅅ ambazip köᅅ örom eᅅgii lömbuaᅅnöᅅ tatketka Jisösnöᅅ lömbuaᅅ toᅅi liliᅅgöba eka kewö jii mörök, “Gi silimgö me suᅅgemgö lömbuaᅅ kun ohoba miaᅅgöreᅅ nangi alaurupki me darumunurupki mi kude köᅅ örom eᅅgiman. Tinitosolomurupki me miri kasunᅅaᅅgö ambazip pomᅅi qetbuᅅaᅅinambuk mi kude köᅅ örom eᅅgiman. Mewöᅅi lömbuaᅅgöra köᅅ örom eᅅginöᅅi, i mewöᅅanök köᅅ örom gihiba tosaᅅi mi meköm gihiget teköma. Mewö akᅅan ewö, Anutunöᅅ mönö miaᅅgö töwaᅅi qahö gihima.

¹³“Mewö qahöpmö, lömbuaᅅ mözözöᅅgöba ohomani, gi mönö ambazip etqeqeᅅi mia köᅅ örom eᅅgiman. Ambazip wanapᅅi, simalokon aka jegömöl akzei, mönö mia eᅅgoholnöᅅga dop köᅅma. ¹⁴Mi köᅅ örom eᅅginöᅅga yeᅅön tosa meköm gihibingö osigetka gi miaᅅgöra simbawoᅅ aka malman. Tosaᅅini mi öne ahöi malnöᅅga solanᅅi

^y14:5 Mat 12.11

^z14:8 Qam 25.6-7

^a14:11 Mat 23.12; Luk 18.14

yeñon kômupnöhök wahötketka nalö miangörej Anutunöj nanjak mi göhöra meköm gihima.” Mewö.

**Lömbuañ ali möndömöndö
keu jiba tököget.**

Mat 22.1-10

¹⁵ Jisösnöj mewö jiiga nene nempa tatket yeñgörejök kunjan mi möta kewö jii mörök, “Kunöj Anutugö bemtohoj uruñe angota nene nempa tatmawi, nöñon yangöra simbawoñ jizal.”

¹⁶ Mewö jiiga kewö meleşnö, “Azi kunjan sunğemgö lömbuañ ketanji mözözömgöba ohoba ambazip gwötpuk öröm enğiget kamegöra jiyök. ¹⁷ Lömbuañ nalöñi kam kuñgui welenqeqeñi kun melaii köl öröm enğimamgö jiyöhi, yeñgöreñ anda jii mötket, ‘Yuai pakpak lök mözözömgöinga ahöza. Mianğöra mönö ölop kame.’ ¹⁸ Jii mötketmö, mi möta yeñon körekmakörek könahiba yuai tosatñe möndöba tököget. Mutukñan jiyök, ‘Ni arö kun söñgöronji mealğöra mianğöreñ anda ekñamgö mötzal. Mianön jöhöm niñgiza. Mianğöra ölop anda jinöñga möta kude möt bölim niñgima.’ ¹⁹ Kunjan jiyök, ‘Ni bulmakau azinji 10 söñgöronjini meali, mi kösönöñ ilikñine jöhöbi kinöñ örögetka anda nup esapköba qeba qindipkömam. Mianön jöhöm niñgizawangöra ölop jinöñga möta kude möt bölim niñgima.’ ²⁰ Kunjan toroqeba kewö jiyök, ‘Ni ambi urandöpki bohonji mealğöra kamamgö osizal.’

²¹ “Mewö jigetka welenqeqeñon lilingöba azi kembuañğöra buzup mi jii mörök. Möta uruñi könöp jeiga welenqeqeñi kewö jim kutum wañgiyök, ‘Gi mönö wolañ taongö köna namñe aka sombemnöñ anda ambazip etqeqeñi, wanapñi, köna böröñini titingitñi,

jegömöl aka simalokon ambazip mi mönö enğuanğitnöñga lömbuañ miri uruñe ki kame. ²² Jiyöhañgö dop ak teköba kaba kewö jiyök, ‘Kembuni, jim kutum niñgizanañgö dop akzalmö, dum tiñi tok ahöza.’

²³ “Mewö jiiga azi kembunöñ jiyök, ‘Gi mönö könanöñ aka rowoñqeqeñine anda ambazip tat anjei, mi kapañ köla kuñgum enğinöñga lömbuañ miri uruñe kañgota kokolak qeme. ²⁴ Nöñon kewö jibi mötket: Ambazip mutuk köl öröm enğimamgö jialii, yeñgöreñök kunjan kun nöñgö lömbuañnöñ qahö kañgota nempa nahömñi mötma.” Mewö.

Jisösgö gwarek malmalgö könanji

Mat 10.37-38

²⁵ Jisösnöj ani ambazip kambu ketanji yeñon wuatangöba angetka lilingöba kewö jii mötket, ²⁶ b“Kunjan nömbuk kaba malmam jiba ni göragöra al niñgiba iwinamñi, anöm-moröñi, darumunñi, nenbehötñi aka nanñi malmalñi mewöyök jegep ala jöpakömakzawi, yañon mönö nöñgö gwarekni akñamgö osima. ²⁷ cSisitñini megetka kunjan ni nuatangöba sihimbölö möta maripomnöñ kömumamgö qahö jöjörömawi, yañon mönö nöñgö gwarekni akñamgö osima.

²⁸ “Enğöreñök kunjan miri köröpñi memamgö mötza ewö, yañon mönö mutuk eta tata monenji miri mem tekömawañgö dop akza me qahö, mianğö könanji kewöta ek kutuma. ²⁹ Mewö qahö aka miri tandöñi kömöta mi mem tekömamgö köhököhöiñi qahö ahöm wañgiğa mosöri öne kiniga ambazip pakpak mi eka könahiba jiji-ilit jiba mepaik wañgibepuk. ³⁰ Mewö ak wañgiba kewö jibepuk, ‘Azi mi könahiba miriñi meyökmö, mi mem tekömamgö qahö köhöiyök.’ Mianğö dop Jisös wuatangö-

^b14:26 Mat 10.37 ^c14:27 Mat 10.38; 16.24; Mak 8.34; Luk 9.23

man me qahö, mi törörök kewöta möt kutuman." Mewö

³¹Jisösnöj keu mi toroqeba kewö jiyök, "Mewöyök kiñ azi kembu kunñan kiñ kunbuk aröñda 'Bim qemam,' jiba denöwö akña? Yañön zilañök kerök qahö al wañgimapmö, mutuk jembonurupñi öröm tokom engii tata qambañ keu kewö eraum mötme, 'Nanine aziurupnini 10.000 maljin aiga likepñe kerökurupnini mi 20.000 malje. Azi kembuñinan i enguangita kaget engeka ölop köhöiba engubin me qahöpto?" ³²'Qahö köhöibin,' jime ewö, yañön kerök kiñnön köröwen tariga miangöreñök jitñememeurupñi melaim engii yangöreñ anda luai qebingö goro eraum mötme. ³³Mewöyök engöreñök kunñan yuai pakpak ahöm wañgizawi, mi jegep almawañön mönö nöñgö gwarekni akñamgö osima. Miangöra mönö nia jegep al niñgigetka dop kölma." Mewö.

**Howe nahömñi qahö
mi yuaia omañi kötökñi.**

Mat 5.13; Mak 9.50

³⁴"Howe mi ölopñi akzapmö, sihimñi mosötma ewö, mi mönö denöwö möhamgöinga kunbuk sihimñambuk akawak? ³⁵Nesak omañi mi gölme kelökñambuk akñapköra tokoba isonbason alakzinmö, howe nahömñi qahö mi yuai kungöra qahö dop kölma. Qahö! Mi mönö önewat gölmenön gilinga geba öne töhöntöhön ahöma. (Gi mewöñanök nöñgö gwarekni aka kembrañe kutuba nömosötman ewö, mönö yuai omañi akñan.) Kunñan kezapñambuknön malja ewö, yañön mönö keu mi möt kutuma." Mewö.

Lamanöñ sohöyök, miangö dopkeu

Mat 18.12-14

15^dTakis tilipqilip aka megeri aka siñgisöndok ambazip tosatñi mi jesöngöñan Jisösgö Buñañi mötpingö kaget. ²Mewö kagetmö, Farisi aka Köna keugö böhi yeñön Jisösgöra uruñinan böliiga irikuruk keu kewö jiget, "Azi mi-añön siñgisöndok ambazip engimemba yembuk tata nene neza." ³Mewö jiger-añgöra Jisösnöj dopkeu kun kewö jii mötket,

⁴"Engöreñök kungö lamaurupñi 100 malgetka miengöreñök kunñan sohoba janjuñ aniga toñan denöwö akña? Yañön mönö 99 mi gölme qararankölkölñe engömosöta anda mohot janjuñ anöhi, miangö jaruba anda mala miwikñaiiga teköma. ⁵Miwikñaiiba urusösöñgai aka awötñe ala kama. ⁶Mire kaba alaurupñi aka tosatñi kösutñe malmei, mi engoholi tokogetka kewö jii mötme, 'Lamani sohöyöhi, mi lök miwikñaiizalagöra mönö nömbuk sösöñgai akin' ⁷Nöñön kewö jibi mötme: Miangö dop siñgisöndok azi mohotñan uruñi meleñmawi, yañgöra Suep mire sösöñgai ketañi asuhuma. Ambazip 99 nanñine jeñine solanñi diñdijñi aka uruñini meleñbingö qahö möta maljei, yeñgöra sösöñgai mewöñi qahö asuhuma." Mewö.

**Moneñ kötñi sohöyök,
miangö dopkeu**

⁸"Mewöyök ambi kunñan silwö moneñ kötñi 10 memba maliga miengöreñök mohokñan geba sohoiga denöwö akña? Yañön mönö kiwa ohotiriba kapañ köla miri usunña jaruma. Jaruba mala miwikñaiiga teköma. ⁹Mi miwikñaiiba ambi alaurupñi aka ambi tosatñi kösutñe maljei, mi engoholi tokogetka kewö jii

^d15:1 Luk 5.29-30

mötme, ‘Nöngörej soujeji mohotjan sohayöhi, mi miwikpaizalangöra mönönömbuk sösöngai aki.’¹⁰ Mianjö dop nöñön kewö jibi mötme: Singisöndok ambazip kunjan uruji melejniga Anutugö garataurupji yeñön mianjöra sösöngai öngöngöñi akje.” Mewö.

Nanji imbi-imbi azinöñ kumkanjam aka imbiñi melejnök.

¹¹ Jisösnöñ toroqeba kewö jiyök, “Azi kungö nahönyahötñi yahöt malohot.¹² Munjan iwiñangöra kewö jiyök, ‘Iwini, gi mönönö monej sukinapki mendenja nöngö bahöñi niñgiman.’ Mewö jiiga öroyuaiñi pakpak dopñire mendenja etkiyök.¹³ Mi etkiiga nahöñji moröñjan sömañi yahöt karöbut mala inap yuaiñi pakpak mi kölölohoba memba kantri kungen anök. Mianjörej anda nanji imbi-imbi aka köna ketanji ambi yembuk kiam bau ewö söñaup malmal mala monej inapñi gil teköyök.

¹⁴ “Yuai pakpak gil teköiga bödi (buörö) ketanji asuhuba gölme pakpak mi dop kölök. Yañön nalö mianjörej könahiba öngöpñi aka osiyök.¹⁵ Osiba kantri mianjö toñi kungörej anda nupköra qesim wanjiiga melaii yangö bau selje geba bau galömñina malök.¹⁶ Mianjörej mali bau yeñön sokop kötñi neget eka ‘Ölöp mi nembu gölömnidop kölbawak,’ jiyökmö, mi mewöyök kunjan qahö wangiyök.

¹⁷ “Mewö mala uruji ahuiga kewö jiyök, ‘Iwiñangö nup ambazip wanat awamñi yeñön nup megetka söngöröñi enji nene nem timbireñ aka maljemö, nöñön kianjörej uzukörörap aka bödi mala kömumamgö akzal.¹⁸ Ni mönönö wahöta iwiñangörej lilingöba anda kewö jibi mötma, ‘Iwini, ni singisöndok memba mianjöñ gi aka Suep Toñi qetal etkiba qetki mem böliäl.¹⁹ Mianjöra göñön kunbuk nöngöra ‘Nahöni,’

jimanangö dop qahö akzal. Gi ölöp jinöñga welenqeqega kun akjam.’

²⁰ “Mewö jiba wahöta iwiñangörej anök. Anda mala miri dopdowii iwiñan tikep endu kinda ehi kaiga wösöñi pöröraköiga ehoriba ösumñan diñdingöba anda imbiñe gili geiga numbuñi yöhötim nempa ‘Nahöni, owe owe!’ jiyök.²¹ Mewö ahökmö, nahöñjan jiyök, ‘Iwini, ni singisöndok memba mianjöñ gi aka Suep Toñi qetal etkiba qetki mem böliäl. Mianjöra göñön kunbuk nöngöra ‘Nahöni,’ jimanangö dop qahö akzal.’

²² “Mewö jii iwiñan mianjörejök welenqeqeurupñi kewö jii mötket, ‘Iñini mönönö ösumok maluku aködampungambuk kun memba kaba löngöt wangiget. Ila jalö imbiñe köla meñölöm wangiba köna esu könañe löngöt wangiget.²³ Mewöyök selnöñ anda bulmakau dömjñi kelökñambuk kun memba kaba qeba ohogetka nempa sösöngai albin.²⁴ Nahöni ki kömum taköyöhanöñ mönönö kunbuk guliba kaza. Yañön lök sohoigun Anutunöñ kunbuk miwikpaiiga asuhum tingitza.’ Mewö jiiga könahiba sösöngai alget.

²⁵ “Sösöngai algetmö, datñan nupnöñ mala lilingöba miri dopdowiba mianjörej liñet gwawet köla unduba söngaiñeri, mianjö kourukñi mörök.²⁶ Mi möta welen morö kun qeri kaiga ‘Mi denöwögöra akze?’ jiba qesim wangiyök.²⁷ Qesim wanjiiga kewö jiyök, ‘Mungan lilingöba kaiga iwigan i kunbuk meiga unditundit aiga mianjöra jiiga bulmakau dömjñi kelökñambuk qeba ohoba söngaize.’

²⁸ “Mewö jiiga irimñi seheliiga mire öngömamgö tököyök. Tököyökmö, iwiñan mi möta yaigep eta uruluai keu ösöñ jiba mölöwörim wangiyök.²⁹ Mölöwörim wangiyökmö, yañön melenja kewö jiyök, ‘Iwini, nöñön yambu gwötpuk welengi qeba mala

jimkutukutugi nalö kunöŋ qahö oŋgita malalmö, töndup göŋön nalö kunöŋ meme (noniŋ) moröŋi kun alaurupni yembuk sösöŋgai albingöra qahö niŋginöŋ. ³⁰Qahö niŋginöŋmö, nahöŋgi kiaŋön köna ketaŋi ambi yembuk mala moneŋ inapki ayuhuba kaŋgoriga göŋön mönö yaŋgöra aka jinöŋga bulmakau döŋŋi kelökŋambuk qeba ohoze.'

³¹“Jiiga iwiŋan kewö jii mörök, ‘Nahöni, gi nalö dop nanambuk malakzan. Miangöra nani buŋani pakpak mi mönö göhö buŋaya mohok akza. ³²Mohok akzapmö, mungi kiaŋön kömum taköyöhaŋön kunbuk guliba kaza. Yaŋön lök sohoiga Anutunöŋ kunbuk miwikŋaiiga asuhum tiŋgitza. Miangöra dölkö nene sösöŋgai alinga dop kölja.’” Mewö.

Sukinap galöm tilipqilipŋambuk döpkau

16 Jisösnöŋ gwarekurupŋi keu kun kewö jii mötket, “Azi pomŋi kungö sukinap galöŋŋi kun malök. Tosatŋan kaba azi pomŋi mi luasö keu jiget mörök, ‘Yaŋön göhöreŋ moneŋ inapki köndenŋa laŋ gila malja.’ ²Mi möta galöm mi jii kaiga jim waŋgiyök, ‘Ni göhöra buŋa bölöŋi jiget mötzal. Gi nöŋgö miri aka sukinapni kunbuk galöm köلمانangö dop qahö akzan. Miangöra mi denöwö galöm köla malnöŋ, miangö löpötŋi jim asarim niŋgiman.’ ³Mewö jiiga uruŋan kewö mötmöriyök, ‘Miri toŋan galömkölköl nupni noaŋgiri denöwö akŋamto? Ösumni qahö dop köljawaŋgöra gölme esimangö osizal aka ulet azi malmangö gamuni mötzal. ⁴Yaŋön galömkölköl nupni noaŋgitmawi, nöŋön nalö miangöreŋ denöwö akiga tosatŋan miriŋine köl öröba köyan köl niŋgibeak? Aha! Köna kun mötmörizal.’

⁵“Mewö jiba ambazip toŋan tosa al engiyöhi, mi pakpak nanŋik nanŋik öröm engiiga kaŋget. Mutukŋan kaiga yaŋgöra kewö jiyök, ‘Tonangöreŋ tosa göhöreŋ dawik ahöza?’ ⁶Mewö qesiiga jiyök, ‘Oil dram 100 meal.’ Mewö jiiga kewö meleŋnök, ‘Gi tosa papiagi memba ki tata ösumok uteköba 50 ohonöŋga ahöma.’ ⁷Mewö jiba azi kun qesim waŋgiyök, ‘Aka gi? Göhöreŋ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba miangöreŋ 16.800 kilogram mewö ohonöŋga ahöma.’

⁸“Mewö aiga miri toŋan möta jim-ölöwak keu kewö jiyök, ‘Galömnan tilipqilip qakŋe yuai ahöhi, mi mötkutukutu ölöŋŋi kondelja.’” Kembu Jisösnöŋ kösohot mewö jiba toroqeba jiyök, “Söŋaupkö ahakmeme wuatangömakzei, yengö mötkutukutuŋini mi ambazip tosatŋi merak maljei, mi tilipqilip ak engimeangö dop ahözapmö, Anutugö asakŋe maljei, yengö mötkutukutuŋini mi miangö bapŋe akza.

⁹“Miangöra kewö jibi mötket: Tosatŋan gölmegö moneŋ inapnöŋ ambazip tilipköm engimakzemö, eŋön mönö mianöŋ memba alaurup miwikŋaim engime. Mi miwikŋaim engigetka gölmegö yuainöŋ qahöwakŋawi, Anutunöŋ mönö nalö miangöreŋ köl öröm engiiga malmal köhöikŋi mire aŋgota teteköŋi qahö malme.

¹⁰“Kunŋan yuai morörökŋi memba kapaŋ köla törörök galöm köljawi, yaŋön mönö yuai ketaŋi mewöyök törörök galöm kölma. Kunŋan yuai morörökŋi galöm köla kitik-katuk akzawi, yaŋön mönö yuai ketaŋi mi mewöyök galöm kölmapkö jiinga kitik-katuk akŋa. ¹¹Gölmegö moneŋ inapŋi böröŋine algetka mi pöndaŋ

qahö galöm kölgetka ölni qahö asuhuyök ewö, kunñan mönö yuai buñañi öngöngöñi ölni mi böröñine qahö alma. ¹²Injini tosatñi yengöreñ yuai mi pöndañ qahö galöm kölgetka ölni qahö asuhuyök ewö, nanñini uruñinañgö buña ölni mi dañön kun engibawak?

¹³e“Welenqege kunñan kembu yahöt welen qem etkimangö osimakza. Kunñan mewö akñamgö mötzawi, yañön mönö kun kazik ak wañgiba kun uruñan jöpaköma. Kungöreñ qekötahöba kun jijiwilit ak wañgima. Miangöra eñön Anutu aka moner inap mi mindiriba welen qem etkibingö osime.” Mewö.

Moneñgö urukönöp akepukö goro keu

Mat 11.12-13; 5.31-32; Mak 10.11-12

¹⁴Farisi (Köna keugö kapañkölköl) yeñön moneñgö nahöm gwötpuk ahöm enñii malgerañgöra Jisösnöñ keu pakpak mi jiyöhi, mi möta je misiba ilit wañgiget. ¹⁵Ilit wañgigetka kewö jii mötket, “Farisi eñön mönö ambazip jeñine solaññi tandök kondel engibingö könöpuk ahakzemö, Anutunöñ uruñinañgö könañi möt kutum teköza. Ambazip jeñine yuai kungöra mötketka öngöngöñi akzawi, mi Anutunöñ ehi imbilöñlonambuk ahakza.

¹⁶f“Bemtohoñgö könañi mi Mosesgöreñ Köna keunöñ aka kezapqetok ambazip yeñgö Buzup Kimbiñine ohogetka oyonda mala koringa Jonöñ asuhuba ölni aukñe indelök. Nalö miangöreñök könahiba keu mi jim sehiba Anutuñgö bemtohoñe añgotmegöra ambazip uruñini kuñgumakzin. Ambazip köreññan mönö jaram tiba kapañ köla bemtohoñ

miangö uruñe añgotpingö ahakze. ¹⁷gSuep gölmenöñ göröñ qemahotkö dop akzahotmö, Köna keugö kulem jönbölanñi mohok-kun mi nalö kungen qahö kötökñi ayapköma. Mewö.

¹⁸h“Azi kunñan anömñi mosöta ambi kun memawi, yañön mönö qesabulum akña. Azi kunñan ambi añañ mosöröhi, mi memawañön mönö mewöyök qesabulum akña.” Mewö.

Azi pomñi aka Lazarus

¹⁹“Azi pomñi kun malök. Yañön opo maluku gugakgugak pisikñi aködamunñambuk löngöta mala nalö dop nene söñgaip aka siyoñsayoñi qahö malök. ²⁰Mewö malökmö, yañgö miri nañguni kösutñe azi wanapñi kun qetñi Lazarus ahöba malök. Uzi nömböñöñ sileñi dop köla tarök. ²¹Wösöñi aliga gwarönöñ ahöba azi pomñangö tebolnöhök nene irip boromñi eri mia nemangö mörök. Möta ahöiga kiam yeñön kañgota uzi nömböñi bözöba malget.

²²“Mewö mala wanapñi yañön kömuyök. Kömui Suep garata yeñön wañgita öngöba Abrahamgö qöhöröñe alget tarök. Azi pomñi yañön mewöñanök kömuiga löm kölget.

²³Löm kölgetka kömupkö senjom mire geiga jem sölöngöi sihimbölö ketañi möta ui öngöiga Lazarus Abrahamgö qöhöröñe köröwen endu tari etkehök.

²⁴Etkeka silata qeta jiyök, ‘O iwini Abraham, mönö wösögi möt niñgiman. Ni könöp bölamnöñ nohoi kiangöreñ wahöjalij öngöngöñi möta kinjal. Miangöra mönö Lazarus melainöñ anda kesöt suñan onöñ kusahöla kaba nesilamne mirii amörima.’

²⁵“Mewö jiyökmö, Abrahamnöñ meleñnök, ‘Nahöni, mönö ki mötmörinöñ anök. Göñön gölmenöñ

^e16:13 Mat 6.24 ^f16:16 Mat 11.12-13

^g16:17 Mat 5.18

^h16:18 Mat 5.32; 1 Kor 7.10-11

malmal sösöngaiŋambuk lök malnön teköyökmö, Lazarusnön gölmenön malmalni qemjem-mamjeŋ aka malök. Mewö malökmö, nalö kewöŋe urukölalep ak waŋgiinga tatzapmö, göŋön sihimbölö möta wahöjalin qakŋe kinjan. ²⁶Mewö maljin aiga toroqeba kewö jizal: Anutunön nini aka iŋini sutnine mendeŋda jabö al köhöii ahöza. Miaŋgöra tosatŋan jabö qösököba neŋgöreŋök eŋgöreŋ kaŋgotpingö mötpeak, mi mönö osime. Mewöyök likep endu maljei, eŋön mewöyök neŋgöreŋ yuhu kaŋgotpingö qaköme.’ ²⁷Mewö jiiga kewö jiyök, ‘Iwini, mewö aiga kewö ulet gihizal: Göŋön mönö Lazarus melainöŋga iwinangö mire anma. ²⁸Miri miaŋgöreŋ darumunurupni 5 maljei, yeŋön mewöŋanök senjom miri kiaŋgöreŋ eta sihimbölö ketanji mötpepuk. Miaŋgöra mönö jinöŋga anda kezapqetok keu jii mötme.’

²⁹“Mewö ulerökmö, Abrahamnön jiyök, ‘Qahö! Mosesgö Köna keu aka kezapqetok ambazip yeŋgöreŋ Buzup Kimbi mi yeŋgö buŋaya ahöza. Keu mia mönö kezap ala mötme!’ ³⁰Mewö jiiga kewö jiyök, ‘O iwi Abraham, mewö qahöpmö, kömukömuŋi neŋgöreŋök kunŋan yeŋgöreŋ anbawak, mewö mönö uruŋini melenbeak.’ ³¹Jiiga Abrahamnön kewö jii mörök, ‘Yeŋön Moses aka kezapqetok ambazip yeŋgö keugöra kezap qahö alje ewö, mewöŋanök kömukömuŋi neŋgöreŋök kunŋan wahöta keu jibawak, yeŋön mönö töndup Anutu qahö möt narim waŋgibeak.’” Mewö.

Singisöndokö kölgorom mönö qetal eŋgime.

Mat 18.6-7, 21-22; Mak 9.42

17 Jisösnön gwarekurupŋi keu kewö jii mötket, “Bölöŋangö supatitikŋan mönö awamŋanök asuhumakza. Kunön supatitik anŋön kölmamgö osimakzapmö, kun danön tosatŋi kölgorom ak eŋgiiga singisöndok akŋei, yaŋgöra mönö wöliköba ‘Yei!’ jizal. Sihimbölö öŋgöŋgöŋan mönö yaŋgö qakŋe öŋgöma. ²Yaŋön ambazip moröŋi yeŋgöreŋök kun kölgorom ak waŋgiiga singisöndok akŋawi, azi miaŋön mönö lömböt öŋgöŋgöŋi miwikŋaima. Anutunön lömböt miaŋgö likepŋi denöwö waŋgiiga dopŋe akawak? Kemuŋ jamönŋiŋ jölŋe jöhöba köwet röndumnönŋ gilget mulumgöi gebawak, miaŋön mönö awamŋi ahum waŋgii tandök akawak.

³i“Miaŋgöra mönö nanŋini galöŋŋini mem anŋuba malme. Alagi kunŋan singisöndok akzawi, i mönö jim mindiŋ ak waŋgiman. Jim mindiŋ ak waŋginöŋga möt bölim anŋuba wösöŋi mötma ewö, gi mönö singisöndokŋi mosöt waŋgiman. ⁴Wehön kungö uruŋe singisöndok 7 ak bölim gihiba indimŋi 7 göhöreŋ liliŋgöba kewö jima, ‘Alani, ni singisöndok akzalaŋgöra möt bölim anŋuzal.’ Mewö jima ewö, gi mönö singisöndokŋi mosöt waŋgiman.” Mewö.

Mötnariŋkö öljŋi mi kukösumŋambuk.

Mat 17.20; 21.21; Mak 11.23

⁵Aposol yeŋön Kembugöra jiget, “Mötnariŋnini mönö toroqeba mem köhöiman.” ⁶Mewö jigetka Kembunönŋ meleŋnök, “Mötnariŋŋinaŋgö öljŋi mi nejoŋ kötnangö dop ahöbawak ewö,

eyön ölop nömözüp ip^{††} kiangöra kewö jim kutubeak, ‘Gi mönö jöla jalögabuk wahöta luhuba köwetnöy geba nangi kömöta kinman.’ Mewö jiba möt narigetka ip miañön mönö keuñini tem kölma.” Mewö.

Welenqege ölöpnji mi denöwö?

⁷“Engöreyök kungö nup azinöy bulmakau memba nupnöy anda kinöy öröi gölme mesinma me lama galömñina malma. Mala mire kangori miangöreñ toñan kewö jii mötma me qahöpto, ‘Gi mönö mire kota tata neneji neman.’ ⁸Mewö qahö! Yañön mönö kewö jima: ‘Gi mönö o ariba möhamgöm aquba sunngemgö neneñamni ohoba ala niñginöy nemam. Miangö andöñe nangi neneñamgi ohom neman.’ ⁹Mewö jim kutum wañgiiga nup aziñan jiyöhañgö dop nupñi mem teköi dop köliga galömñan miangöra möpöseim wañgima me qahö? Qahö! ¹⁰Engö könañini mi mewöñanök ahöza. Galömñinan yuai pakpak jim kutum enjiyöhi, iñini mi ak teköba miangöreñ kewö jime, ‘Nini nup ambazip töhöna maljin. Galömñinan yuaigöra jiyöhi, mönö miyök memba kazinañgöra möpömöpöse jarubingö osizin.’” Mewö.

Jisösnöy azi 10 sileñini mem solaniyök.

¹¹Jisösnöy Jerusalem sitinöy anmamgöra Galili aka Samaria prowins yahöt mietkö sutñire köna ahöyöhi, miangöreñ anök. ¹²Könanöy anda miri kunöy aqoriga azi 10 sileñini uzikukuñambuk yeñön miwikñaiba eka tikep endu kinget. ¹³Kinda köhöikñanök qeta jiget, “Ketanamni

Jisös, mönö neñgöra ak kömum gihima!”

^{14j}Qeta jigetka engeka kewö jii mötket, “Iñini mönö jike nup galöm yeñgöreñ anda sileñini kondel enñime.” Mewö jiiga tem köla könanöy angetka sileñinan miangöreñ solaniba ölöwahök. ¹⁵Ölöwahökmö, 10 yeñgöreñök kunñan sileñi solanii eka lilingöba kaba Anutu köhöikñanök qeta möpöseiyök. ¹⁶Möpöseiba Jisösgö könañe geba sipköba simin köla ‘Saiwap!’ jiyök. Azi mi Samaria azia. Juda yeñön Samaria prowinsgö ambazip yeñgöra mötketka eretji ahakzapma.

¹⁷Saiwap! jiiga Jisösnöy melenña jiyök, “Mi ölop akzanmö, azi pakpak 10 enñö sileñinan lök solanim teköyök me? Azi 9 mieñön mönö denike malje? ¹⁸Kian azi göñön nangik lilingöba kaba Anutu möpöseizanmö, azi 9 yeñön mönö anda nöñöñgan akze.” ¹⁹Mewö jiba kewö jii mörök, “Mötnariñkan mönö mem ölöwak gihiza. Miangöra ölop wahöta anman.” Mewö.

Anutugö bemtohoñi mi denöwö asuhuma?

Mat 24.23-28, 37-41

²⁰Farisi (Köna keugö kapañkölköl) yeñön Jisös kewö qesim wañgiba jiget, “Anutugö bemtohoñ mi mönö wanat nalönöy asuhuma?” Jiget möta melenña kewö jiyök, “Anutugö bemtohoñan mönö jeninan ekinangö dop qahö asuhuma. ²¹Mötket! Anutugö bemtohoñi mi sutñine uruñine asuhuba ahöza. Miangöra mi kiangöreñ me enduyangöreñ ahözawi, mewö jibingö osimakzin.”

²²Jisösnöy gwarekurupñi kewö jii mötket, “Könañep nalö kun

^{††}17:6 Jisösnöy mulberi ip kun kondelök. Ip mi nömözüp ewöya, kötnji köuruk (köwörörök) kötnji ewö neneña.

kam kuṅgumawi, miangöreṅ Suep gölmegö azi ölnaṅgö nup meme wehönni miengöreṅök kun ekingö ak engimappmö, mi kunbuk ekingö osime. ²³Nalö miangöreṅ kewö jiget mötme, 'Mötket! Amötqeṅe Toṅan mönö endu malja. Mötket! Mönö ki asuhuza.' Mewö mewö jigetka i ekingöra miangöreṅ ösumok kude luluhuba anme. ²⁴Mi kewögöra: Suep gölmegö azi ölnaṅ kunbuk kamawi, nalö mi wölbilikö dop kewö akṅa: Mi suep likepṅeyök zilaṅ biliksik ala asariba likepṅe dop köla anjawi, yaṅön mönö miangö dop asuhuma. ²⁵Könaṅgeṅ mewö asuhumappmö, mutuk ambazip nalö kewöṅe gölmenöṅ maljei, yeṅön azi mi yaköriba andö qem waṅgigetka sihimbölö ketaṅi mötma.

²⁶^k"Mönöwök Noagö nalöṅe ambazipnön malmalṅini qemasolokep qakṅe mala ayuhugeri, miangö dop mönö Suep gölmegö azi ölnaṅ kunbuk kamawaṅgö nalöṅe mewöyök asuhuma. ²⁷^lNoagö nalöṅe nene lömbuaṅ ala o köhöikṅi nempa ambi kenam bohonnaṅgö alget anda kaiga aṅgömeget. Ahakmeme mewö aka memba qemasolokep malgetka Noanön waṅge uruṅe öṅgöyöhi, silim miangöreṅ teköyök. Teköiga o göulu ketaṅan kaba ambazip jinonṅi qahö löm köl eṅgii o nemulahöba kömuget.

²⁸^m"Lotkö nalöṅe mewöyök qemasolokep malgetka mewöṅanök asuhuyök. Ambazipnön nene lömbuaṅ ala o jawat nempa nup köl kömöta jike mirinṅini memba qeköm nemi ala yuai bohonnaṅi memegöra algetka yuai tosattṅi bohonnaṅi memba malget. ²⁹Mewö aka memba malgetmö, Lotnön Sodom miri mosöta aniga wehön miangöreṅök könöp aka köt sömsöm könöpṅambuk

mi mönö kie ewö suepnöhök eta ambazip jinonṅi qahö eṅgohoi kömuget. ³⁰Könaṅgeṅ Suep gölmegö azi ölnaṅ kunbuk asuhumawi, nalö miangöreṅ ambazipnön mewöṅanök qemasolokep aka mala ayuhume.

³¹"Silim miangöreṅ sombemnön malmawaṅön mönö inap yuaiṅi memaṅgöra miri uruṅe kude öṅgöma me nupnön anda malmawaṅön mönö mewöṅanök miriṅe kude lilingöba kama. ³²Lot anömṅan melaṅda andöṅe uba kömumba köt ahöhi, mönö mi mötmörime. ³³ⁿKunṅan malmalṅi siyoṅsayonṅi qahö nanṅaṅgöra aṅgön köla nanṅi imbi-imbi malmamgö mötzawi, yaṅgö malmalṅan mönö sohomappmö, kunṅan malmalṅi nöṅgöra aka köleṅniga sohomawi, yaṅön mönö malmal ölnaṅgö könaṅi miwikṅaiba oyaeṅkoyaeṅ malma.

³⁴"Nöṅön kewö jibi mötket: Suṅgem miangöreṅ azi yahöt dumnön mohotṅe ahöyohotka yetköreṅök kun waṅgita kun mosötme. ³⁵Mewöyök ambi yahöt mi mohotṅe taweṅ urasiba (bunahöba) tatmahori, yetköreṅök kun waṅgita kun mosötme." ³⁶(Azi yahöt nupnön malohotka yetköreṅök kun waṅgita kun mosötme.)

³⁷Jisösnön mewö jiiga gwarekurupṅan melaṅda jiget, "O Kembu, mi denikeaṅgöreṅ asuhuma?" Mewö jigetka kewö jii mötket, "Sömbup gisakṅan kungen göröken ahömawi, manu köraraknön mönö miangöreṅ ömöba tokomakzei, mönö miangö dop asuhuma." Mewö.

Malönön kapaṅ köla uleriga azi ketaṅan bauköyök.

18 "Iṅini mönö nalö dop Anutu köuluköba qemalokolip qahö aka

^k17:26 Jen 6.5-8 ^l17:27 Jen 7.6-24 ^m17:28 Jen 18.20-19.25

ⁿ17:33 Mat 10.39; 16.25; Mak 8.25; Luk 9.24; Jon 12.25

malme.” Jisösnöj mewö jiba miangö dopkeuñi kewö jii mötket, ²“Taon kunöñ keu jimtekötekö azi kun malök. Yañön ambazip yengö keugöra gamuñi qahö möta nanñi imbi-imbimala Anutugö jitiñi ongitpilenbuköra keñgötñi qahö mörök. ³Taon miangöreñ malö ambi kun malök. Yañön sundan dop keu jimtekötekö azi miangöreñ anda kewö jiba malök, ‘Kunñan nömbuk angururuk akzawañgöra göñön ölop bauköm niñgibanak.’

⁴“Mewö jiiga nalö köröpñi mi möta andö qeba malökmö, könangep uruñan kewö jiyök, ‘Nöñön ambazip yengö keugöra gamuni qahö möta nani imbi-imbimala Anutugö jitiñi ongitpilenbuköra keñgötñi qahö mötzal. ⁵Mewö maljalmö, malö kianñön mönö keu söksök pöndañ jim niñgiba kamakzawañgöra ölan nöhöiga ölop bauköm wañgibiga keuñi teköma. Qahö bauköm wañgibileñak ewö, yañön mönö qösösök kaiga qeriqerini mötpilenbuk.’”

⁶Kembunöñ kösohot mi mem teköba jiyök, “Jimtekötekö azi gonjonan keu jiyöhi, mönö miangöra kezap ala könani mötmöriget. ⁷Anutunöñ ambazip nanñangöra möwölöhöm enñiyöhi, yengön sunjem asak bauköm enñimapköra köulukögetka Anutunöñ mönö yengö keuñini kewöta jim teköi ölöwakçe. Bauköm enñimangö jiba tañqañ qahö aka nalö qahö könjörari öngöma. Mi qahöpmahöp! ⁸Nöñön kewö jibi mötket: Anutunöñ mönö nalö kude köriiga keuñini kewöta jim teköi ölöwakçe. Wölañ bauköm enñimakzappmö, mi töndup Suep gölmegö azi öñan lilingöba kaba ambazip kewöt enñimawi, nalö miangöreñ mötnariñ öñi miwikñajima me qahöpto?” Mewö.

Farisi aka takis meme yetkö köulukñiri

⁹Ambazip tosatñan nanñinangö mötket öngöiga solanñi diñdiñi akzin jiba tosatñi mötketka eretñi ahök. Jisösnöñ i enñeka dopkeu kun kewö jii mötket, ¹⁰“Azi yahötñan jöwöwöl jikenöñ öngöba köuluköyohot. Kunöñ Farisi aka kunñan takis meme azia.

¹¹“Farisi (Köna keugö kapañkölköl) yañön kinda nanñök kewö köuluköyök, ‘O Anutu, ambazip tosatñan uruñini gonñiiga kalöpmalöp aka sero yonñgorö ahakze, ni yengö dop qahö maljal me takis meme endu kinjawi, ni yangö dop mewöyök qahö maljal. Miangöra saiwap jim gihizal. ¹²Nöñön sonda dop sömañi yahöt nenegö siñgi malakzal. Nöñön moneñ inapni pakpak mendeñda 10:nöhök mohok Anutugö buñaya qemakzal.’

¹³“Mewö köuluköyökmö, takis meme yañön wañgömñi kunöñ kinda Suepnöñ eu umangö gamuñi möta böronñan jeñi esuhuba kewö köuluköyök, ‘O Anutu, siñgisöndok azi ni mönö ak kömum niñgiman.’ ¹⁴“Nöñön kewö jibi mötme: Yañön mönö Anutugö jeñe solaniba miriñe lilingöyökmö, Farisi (Köna keugö kapañkölköl) yañön mewö qahö. Denike yengön nanñini uruñini memba öngömei, Anutunöñ mönö i körek memba et al enñimappmö, kunñan nanñi uruñi memba etmawi, Anutunöñ mönö i memba öngöba al wañgima.” Mewö.

Jisösnöñ nahönbörat kötuetköm enñiyök.

Mat 19.13-15; Mak 10.13-16

¹⁵Ambazip tosatñan nahönbörat morömorö mewöyök enñuangita Jisösnöñ böronñan enñimisirimapköra yangöreñ kaget. Kagnetmö, gwarek

yeŋön mi eka jim qetal ak eŋgiget. ¹⁶Mewö aketmö, Jisösnöŋ nahönbörat mi köl öröm eŋgii kagetka kewö jiyök, “Nahönbörat moröŋi mi ölop eŋgömosötketka nöŋgöreŋ kame. Anutunöŋ ambazip mewö mia bemtohoŋi buŋa qem eŋgima. Miaŋgöra i kude jöhöm eŋgime. ¹⁷Nöŋön keu öljii kun kewö jibi mötme: Kunŋan Anutugö bemtohoŋi mi nahönbörat ewö buŋa qahö qem aŋgumawi, yaŋön mönö miaŋgö uruŋe aŋgotmamgö osima.” Mewö.

Jisösnöŋ azi pomŋi kungö qambaŋ keu jiyök.

Mat 19.16-30; Mak 10.17-31

¹⁸Galömkölköl azi kunŋan Jisösgöreŋ kaba kewö qesim waŋgiyök, “Böhi ölopŋi, nöŋön mönö denöwö aka malmal köhöikŋaŋgö buŋa qem aŋgubileŋak?”

¹⁹Qesim waŋgiiga kewö jii mörök, “Gi nöŋgöra ‘Böhi ölopŋi’, mi wuanöŋgöra jizan? Anutu mohotŋan ölopŋi akza. Azi kunŋan i ewö ölopŋi qahö akza. ²⁰P^{Gi} jöjöpäŋ keu ki möt teközan, ‘Sero yoŋgorö kude akŋan, Ambazip kun kude qenöŋ kömuma, Yoŋgorö kude meman, Jitnöŋ alal keu kude jiman, Iwinamgi mönö göda qem etkimakŋan.”

²¹Mewö jiyökmö, galömkölköl azinöŋ kewö jiyök, “Mi pakpak mönö gwaböneyök tem köla mala kotzal.” ²²Jii Jisösnöŋ möta kewö jii mörök, “Mohot-kungöra kewö osizan. Gi mönö anda sukinapki pakpak söŋgöronji memegöra alnöŋ moneŋ kaiga meŋdenja ambazip wanapŋi eŋgiman. Mewö aknöŋga sukinapki ketaŋi (guli masapu, milyön kina ewö) mi Suep mire ahöm gihima. Mewö aka ni nuatangöba kaman.” ²³Mewö jiyökmö, azi miaŋön kindiŋbirik malöhaŋgöra aka keu mi

möta wösöbirik aka jeŋi asöliiga öne mosöta anök.

²⁴Wösöbirik ahöhi Jisösnöŋ mi eka kewö jiyök, “Yei! Ambazip moneŋ inapŋinambuk yeŋön mönö Anutugö bemtohoŋnöŋ aŋgotpingö lömböriba kupuk-kapak akŋe. ²⁵Mi kewö jim tuarimam: Sömbup ketaŋi kamel mi kondi kinimŋe ölop qahö aŋgotma. Miaŋgö dop ambazip pomŋi yeŋön Anutugö bemtohoŋ uruŋe aŋgotpingö lömböriba qaköme.”

²⁶Keu mi jii mötkeri, yeŋön kewö jiget, “Opoŋ! Ambazip daŋön mönö Suepkö buŋaya akawak?” ²⁷Mewö jigetka kewö meleŋnök, “Ambazipnöŋ mi esapköba osiba qakömakzemö, Anutunöŋ mönö yuai pakpak ölop ahakza. Yaŋön yuai kun aka memamgö qahö osiba qakömakza.”

Jisösgö nup memegö töwaŋi

²⁸Pitönöŋ keu mi möta meleŋda kewö jiyök, “Mötnöŋ, neŋön mönö miri gölmenini mosöta gi guatangöba kain.” ²⁹Mewö jiiga Jisösnöŋ kewö jii mötket, “Nöŋön keu öljii kun kewö jibi mötme: Kunŋan Anutugö bemtohoŋaŋgöra aka yuai kun mosöröhi, - mi miri gölmeŋi, anöm-moröŋi, darumunŋi me iwinamŋi - mi eŋgömosöriŋa ³⁰Anutunöŋ mönö salupŋe toroqeba oŋgita likeŋŋi meleŋ waŋgiiga mi gölmegö malmalnöŋ mema aka malmal könaŋgepŋe malmal köhöikŋi teteköŋi qahö buŋa qem aŋguma.”

Jisösnöŋ kömumamgö keuŋi jiiga karöbut ahök.

Mat 20.17-19; Mak 10.32-34

³¹Jisösnöŋ gwarekurupŋi 12 mi öröm eŋgii kagetka kewö jiyök, “Mötket, nini Jerusalem öŋgöbin. Kezapqetok ambazipnöŋ Suep gölmegö azi öljaŋgöra keu pakpak ohogeri, mi

mönö öljambuk ak teköma. ³²Kunöñ i mamalolo mem wañgiiga kian gawman yengö böröñine gema. Yeñön jijiwilit aka mepaiköba keu töhöreñ jim wañgiba söutkölap qeme. ³³Söutkölap qeba ihilek wahijambuknöñ tauköm wañgiba qeget kömuma. Kömumba wehön karöbut aiga kömupnöhök wahötma.”

³⁴Mewö jiyökmö, gwarek yeñön keu mi qahöpmahöp möt asariget. Keu jiyöhi, mi asa-asambötje ahöiga mi qahö möt kutuget. Mewö.

**Jisösnöñ jegömöl azi
kun mem ölöwahök.**

Mat 20.29-34; Mak 10.46-52

³⁵Jisösnöñ anda Jeriko mire dopdowiiga jegömöl azi kunñan nene moneñ wañgimegöra uleta köna jitje tarök. ³⁶Tariga ambazip kambu könanöñ oñgita angetka kourukñini möta “Wanat yuai asuhuza?” jiba qesim engyiyök.

³⁷Qesim engyiiga kewö jiget, “Jisös, Nazaret azinöñ mönö könanöñ kaba goñgitmamgö akza.”

³⁸Jigetka kewö qerök, “Jisös, Dei-widkö gwölönarökñi! Gi mönö ak-kömum niñgiman!”

³⁹Mewö qeriga ambazip mutuk angeri, yeñön bök tatmapköra qetal wañgigetmö, yañön kapañ köla qet gigilahöyök, “Dei-widkö gwölönarökñi! Gi mönö ak-kömum niñgiman!”

⁴⁰Qet gigilahöiga Jisösnöñ döörök ala kewö jim kutuyök, “I mönö böröñe memba nöngöreñ kame.” Jiiga memba dowe kañgotketka kewö qesim wañgiiyök,

⁴¹“Alani! Gi mönö wani yuai ak gihimangöra mötzan?” Qesim wañgiiga jiyök, “Kembu! Ni jeni kunbuk umangöra mötzal.”

⁴²Jiiga Jisösnöñ kewö jii mörök, “Mönö jegi unöñ. Mötnaripkan mönö mem ölöwak gihiza.”

⁴³Mewö jiiga mianggöreñök jeñi tohoiga töörörök uba Anutu möpöseiba Jisös wuatangöba andöñe anök. Ambazip pakpak yeñön yuai mi eka Anutu möpöseiget. Mewö.

Zakiusnöñ uruñi meleñnök.

19 Jisösnöñ Jeriko taonöñ kañgota kutuba anmamgö ahök.

²Mianggöreñ azi kun qetji Zakius malök. Yañön azi pomñi aka takis meme yengö jitjememeñina malök. ³Yañön Jisösgö kaisoñgolomñi ekñamgö ak wañgiyökmö, azi tööröptökñangöra ambazip kambu sutñine kinda kököriba osiyök. ⁴“Jisösnöñ ki kaba neñgoñgitma,” jiget möta ekñamgöra ösumök anda ambazip engoñgita sikamore ip^{††} qakñe öngöba tarök. ⁵Tari Jisösnöñ mianggöreñ añaota jeñan ui öngöi eka yañgöra kewö jiyök, “Zakius, gi mönö ösumök etnöñ. Ni merak göhö mire kabi mohotje tatpit.”

⁶Mewö jiiga ösumök eta söñgaiba köl öröm wañgiiga miriñe anohot.

⁷Anohotka ambazip körekñan mi eka irikuruk aka kewö jiget, “Mönö wuanöñgöra siñgisöndok azi mewöñangö mire öngöba tatza?”

⁸Mewö jigetmö, Zakiusnöñ ambazip sutñine aukñe wahöta kinda Kembugöra kewö jiyök, “Kembu mötnöñ, nöñön ainemalukuni bibiñe mendeña likeñi ambazip wanapñi yengöra enñimam aka denike yengöreñ öroyuai kun dop oñgita tilipqilip aka wañgirali, mi mönö ambemñi 4:gö dop toroqeba meleña enñimam.”

⁹Mewö jiiga Jisösnöñ yañgö könañangöra kewö jiyök, “Anutunöñ merak miri kiangö toñi amöt qem

^{††}19:4 Sikamore mi köwu ewöya, köññi neneña.

wanġii letotza. Yaŋon mewöyök Abrahamgö gwölönarökurupŋi yeŋgö sutŋine malja. ¹⁰“Suep gölmeġö azi ölŋan mönö ambazip sohogeri, mi jaruba amöt qem eŋgimangöra aka erök.” Mewö.

Moneŋ esu 10 mendeŋda eŋgiyök, mianggö dopkeu.

Mat 25.14-30

¹¹“Jisösnöŋ kaba Jerusalem siti dopdowiba keuŋi jii ambazip mi mötkeri, yeŋon kewö mötmöriget, “Anutugö bemtohoŋaŋgö ölŋan zilaŋ asuhuma.” Mewö mötmörigerangöra Jisösnöŋ dopkeu kun kewö jiyök, ¹²“Azi qetbuŋaŋambuk kunŋan kewö jiyök, ‘Ni mirini mosöta kantri kunöŋ köröwen anbiga mianggöreŋ ni kiŋ kembu kuŋgum niŋgigetka mala liliŋgöba kamam.’ ¹³Mewö gölme köröwen anmangö jiba nup aziurupŋi 10 eŋgoholi kaġetka moneŋ esu 10 mendeŋda eŋgiba kewö jiyök, ‘Nöŋon anda mala biaŋ liliŋgöba kamam. Eŋon nalö sutŋe kiaŋgöreŋ moneŋ kiaŋon kölköl-örörö nup memba mem sehime.’ ¹⁴Mewö jiba anökmö, könagesöurupŋan kazik ak waŋgiba kewö jiget, ‘Nini azi kiaŋon nanine azi kembu aka galöm köl neŋgimapkö töközin.’ Mewö jiba welen azi tosatŋi melaim eŋgiget andöŋe anda buzup mi jiget mörök.

¹⁵“Mewö mörökmö, töndup kantri anök, mianggöreŋ yeŋon i azi kembu kuŋgum waŋgigetka nanŋi prowinsnöŋ kunbuk liliŋgöba kayök. Kaba nup aziurupŋi moneŋ esu eŋgiyöhi, mi jiiga yaŋgö jeŋe kaŋgotket. Mohot mohot yeŋon kölköl-örörö nup memba moneŋ mem sehiġetka dawik asuhuyöhi, mi kondelġet ekŋamgöra qesim eŋgiyök. ¹⁶Nup azi mutukŋan jeŋe kaŋgota

jiyök, ‘Kembu, nöŋon moneŋ esugi mem sehibiga toroqeba kunbuk esu 10 miwikŋaijal.’

¹⁷“Mewö jiiga kewö jii mörök, ‘Mi ölop. Gi nup meme azi ölopŋi. Gi yuai morörökŋi memba mi kapaŋkapaŋ aka galöm köla malnöŋga sehiyök. Mianggöra nöŋon taon gölme 10 mindiriba göhö böröge albi yeŋgö galömŋina malman.’ ¹⁸Mewö jiiga nup azi alaŋan jeŋe kaŋgota kewö jiyök, ‘Kembu, nöŋon göhö moneŋ esugi mem sehibiga toroqeba kunbuk esu 5 miwikŋaijal.’ ¹⁹Mewö jiiga yaŋgöra mewöyök kewö jii mörök, ‘Mi ölop. Nöŋon taon gölme 5 mindiriba göhö böröge albi yeŋgö galömŋina malman.’

²⁰“Kunbuk kunŋan kaŋgota jiyök, ‘Kembu eknöŋ. Göhö moneŋ esugi ki. Mi oponöŋ esuhuba lolongöbi ahöyök. ²¹Göŋon azi könöpŋambuk akzanaŋgöra aka göhöra keŋgötŋi möta malal. Gi nangak inap yuai köwenöŋ qahö alnöŋi, mia töndup memamgö mörakzan. Gi nangak nene kötŋi qahö kömötnöŋga asuhuyöhi, mianggö ölŋi mi töndup yandiba memamgö mörakzan.’

²²“Mewö jiiga meleŋda kewö jim waŋgiyök, ‘Gi nup azi bölöŋi. Nangak keu jizani, nöŋon mianggö dop kewöt gihiba likepŋi meleŋ giġimam. Ni azi könöpŋambuk akzal. Nanak yuai köwenöŋ qahö ala mi memamgö mörakzal. Nanak nene kötŋi qahö kömöta mianggö ölŋi mi töndup yandiba memamgö mörakzal. Mi ölop möta malnöŋ. ²³Gi könani mewö mötagun mönö wuanöŋgöra moneŋ esuni mi benknöŋ qahö alnöŋga qariyök. Mi kölköl-örörö nupnöŋ albanak ewö, miangon mönö sehiiga nöŋon kaba suŋambuk membileŋak.’

²⁴“Mewö jiba azi kösutŋe kingeri, mi kewö jii mötket, ‘Inini mönö yaŋgö

böröneyök monej esuji mi waŋgita esu 10 miwikŋaiyöhi, i waŋgime.’²⁵ Jii möta kewö jiget, ‘Kembu, yaŋgöreŋ monej esu 10 mi lök ahöza!’²⁶ Mewö jigetka meleŋda jiyök, ‘Nöŋön kewö jibi mötket: Ambazip yuai ahöm eŋgizawi, yeŋgöra körek mönö mi toroqem eŋgigetka sehimapmö, kungöreŋ yuai kun qahö ahözawi, morörökŋi mia mönö mewöyök waŋgitketka öne töhön malma.’²⁷ Mewö jizalmö, kerökurupnan nöŋön kiŋ kembu aka galöm köl eŋgimamgö tökögeri, i mönö eŋguaŋgita kagetka eŋgeka jim kutubi eŋgugetka kömume.” Mewö.

Jisösgöra köiraŋ kölgetka Jerusalem öŋgöyök.

Mat 21.1-11; Mak 11.1-11; Jon 12.12-19

²⁸ Jisösnöŋ keu mi jim teköba mosöta Jerusalem sitinöŋ öŋgömamgöra mutuk anök. ²⁹ Anda Betfage aka Betani miri yahöt kösutŋire kaba kundunji qetŋi Oil ip kundunji qerakzei, miangöreŋ öŋgöba gwarekyahötŋi yahöt melaim etkiyök. Melaim etkimamgö aka ³⁰ kewö jiyök, “Miri wösöŋire tatzawi, mönö miangöreŋ anmahot. Anda miangöreŋ aŋgota doŋki moröŋi kösönöŋ jöhöget kinjawi, mi miwikŋaimahot. Doŋki mi döLökŋa, azi kunöŋ qakŋe qahö tatatŋa. Mi mönö pösata memba ki kamahot. ³¹ Pösarohotka kunŋan ‘Mi wanigöra pösatazahot?’ jiba qesim etkiiga kewö jimahot, ‘Kembuniran miangöra osiza.”³² Mewö melaim etkiiga anda jiyöhaŋgö dop miwikŋaiyohot. ³³ Miwikŋaiba doŋki moröŋi pösatpitkö ahotka toŋan jiget, “Hei! Doŋki moröŋi mi wanigöra pösatazahot?”

³⁴ Jigetka kewö meleŋnohot, “Kembuniran miangöra osiza.”³⁵ Mewö jiba memba Jisösgöreŋ kaba malukuŋini qeköba doŋki qakŋe tumbula jigetka

Jisösnöŋ öŋgöba tarök. ³⁶ Mewö tata aniga ambazip kambu yeŋön göda qeba opo malukuŋini qeköba köna namŋe tumbulget.

³⁷ Tumbulgetka anda Jerusalem dopdowiba Oil ip kundunjaŋgö sörokŋe geiga gwarek kambu pakpak yeŋön könahiba söŋgaiba aŋgöletot pakpak kukösum qakŋe mei ekeri, miengöra qet ketanji qeta Anutu möpöseim waŋgiba ³⁸ ‘kewö jiba qetket, “Anutu möpöseizin. Kiŋ Kembuget qetŋe kamawi, Anutunöŋ mönö i kötuetaköma. Luaigi aka qetbuŋagi möpöseininga Suepnöŋ euyangöreŋ öŋgöza. Owe owe!”

³⁹ Mewö qetketka Farisi (Köna keugö kapaŋkölköl) tosatŋan ambazip kambu sutŋine kinda kewö jim waŋgiget, “Böhi, mönö gwarekurupki jim eŋginöŋ.” ⁴⁰ Mewö jim waŋgigetka kewö meleŋnök, “Nöŋön kewö jibi mötme: Yeŋön göröŋ kinbeak ewö, köt yeŋön mönö silata qetpeak.” Mewö.

Jisösnöŋ Jerusalem sitigöra sahörok.

⁴¹ Jisösnöŋ Jerusalem dopdowiba siti mi eka sahörok. ⁴² Sahöta kewö jiyök, “Engöreŋ lui denöwö ahubawak! Injini miangö könanji wehön kiangöreŋ möt kutugetka dop kölbawakmö, nalö kewöŋe mi jeŋini qahö tohozawaŋgöra aka tölapŋe ahöza. ⁴³ Miangö könanji kewö: Nalö kun kam kuŋgumawi, miangöreŋ kerök yeŋön kaŋgota kiripo köhöikŋan siti ki kuŋgum liliköba likeplikap eu emu kinda gwan ala kahasililiŋ ak eŋgime. ⁴⁴ Anutunöŋ mesohol köla eŋgoholiga injini nalö bohonji mi qahö möt kutuba nesampurek aka Anutu andö qeba laŋ mala kotzei, miangöra kerök yeŋön könderŋmönderŋ eŋgigetka mirigö köt kun mi köt kungö qakŋe qahö kinmapmö, siti kianöŋ mönö qeqelaŋlaŋ

ahöma. Yeñön jike miriñini köndenja moröurupñini siti uruñe maljei, mi engum ureime.” Mewö.

Jisösnönj jöwöwöl jike jim kömbuhiyök.

Mat 21.12-17; Mak 11.15-19; Jon 2.13-22

⁴⁵ Jisösnönj keu mi jim teköba jöwöwöl jikegö tohoñ uruñe anda inap bohonñi memegöra algeri, mi könahiba közöl engiiga etket. ⁴⁶ “Közöl engiba kewö jii mötket, “Aisaianönj keu kun kewö ohoi ahöza, ‘Nöñgö jikenan mönö köulukö miriñina akña.’ Keu mi ahözapmö, inñini mi utekögetka kegwek-kahasililij yeñgö bañet ewö akza.”

⁴⁷ Jisösnönj nalö dop jöwöwöl jikenönj öñgöba Buña keu kusum engiba malök. Mewö malökmö, jike nup galöm aka Köna keugö böhi yeñön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?” ⁴⁸ Mewö jigetmö, ambazip kambu pakpak mienjön yambuk qekötahöba Buñañi kezap ala mötket. Miangöra “Mönö denöwö akinak?” jiba köna kun qahö miwikñaiget. Mewö.

Jitjememe yeñön Jisösgö kukösumñangö qesiget.

Mat 21.23-27; Mak 11.27-33

20 Jisösnönj jöwöwöl jikenönj öñgöba ambazip kambu kusum engiba Ölöwak Buña jim asarim engiba malök. Nalö kunönj mewö aiga jike nup galöm aka Köna keugö böhi yeñön kantrigö jitjememe tosatñi yembuk Jisösgö jeje kañgotket. ² Kañgota kewö qesim wañgiget, “Gi kianggöreñ yuai akzani, mi mönö dañön jim kutum gihiiga ahakzan? Miangö kukösumñi mi dañön gihiyök? Mi jinöñga mötpin.”

³ Qesim wañgigetka kewö melenj engiyök, “Nöñön mewöyök qesim engibi mi jiget mötmam. ⁴ Jonön ambazip o-melun mem engiba malöhi, yañön miangö kukösumñi mi denikeyök meyök? Suep Toñan wañgiyök me gölme toñan wañgiget?”

⁵ Mewö melenj engiiga sutñine eraum möta kewö jiget, “Kukösumñan Suepnöhök asuhuyök,” mewö jibin ewö, yañön mönö kewö jima, ‘Mewö aiga inñini i mönö wuanöñgöra qahö möt narim wañgiget? Mi qahö dop kölja.’ ⁶ Könagesö pakpak yeñön Jongöra ‘Kezapqetok azia akza,’ jiba mi köhöikñanök möt nariba malje. Miangöra ‘Gölme ambazipnöhök asuhuyök,’ jibin ewö, yeñön mönö irimñini seholiiga kötnönj neñgume.” ⁷ Keu mewö kewöta kewö melenjet, “Kukösumñan denikeyök ahuyöhi, nini mi qahö mötzin.”

⁸ Mewö melenjetka Jisösnönj kewö jii mötket, “Mewö aiga nöñön mewöyök yuai ki ahakzalangö kukösumñi dañön niñgiyök, mi qahö jibi mötme.” Mewö.

Wain kösö nup galöm bölöñi, miengö dopkeu

Mat 21.33-46; Mak 12.1-12

⁹ Jisösnönj könahiba ambazip dopkeunönj kewö jii mötket, “Azi kunñan wain kösö nup köla kömörök. Köl kömöta nup galöm tosatñi miwikñaim engiba jiiga nupñi memba öññangö bahöñi nanñini memba bahöñi toñi wañgimegöra böröñine alök. Böröñine ala engömosöta kantri kunönj anda nalö köröñni malök.

¹⁰ “Mala mali öññi öliyöhangö nalöñi (yambu 5) töriiga mianggöreñ welenqeqeñi kun melaim wañgiiga galöm yeñgöreñ anda wain nup öññangö bahöñi wañgimegöra jiyök. Jiyökmö,

nup galöm yejön i kömbinöñ qeba wuatangögetka böröñi börak lilingöyök.

¹¹Miangö andöñe welenazi kun melaim wanggiiga anökmö, i mewöyök kömbinöñ qeba gamu qem wanggiba wuatangögetka böröñi börak lilingöyök.

¹²Lilingöiga nup toñan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

¹³“Mewö aketka wain nup toñan keu jaruba jiyök, ‘Mönö denöwö akñamto? Nani wölböt nahöni mönö melaibiga ani i eka göda qeme me denöwö?’

¹⁴Mewö jiba nahönñi melaiiga anökmö, wain nup galöm yejön i eka sutñine kewö eraum möta jiget, ‘Yañön mönö börösamotñangö toñi akña. Ayop, i mönö qein kömuiga wain kösö nup kiañön mönö nanine buñanina akña.’

¹⁵Mewö jiba gilgetka nup yaigepñe geiga qeget kömuyök. Wain nup toñan mi möta mönö denöwö ak enggima?

¹⁶Yañön mönö nanñak kaba nup galöm mi köndenñ enggima aka nup galöm dölökñi miwikñaim enggiba wain kösö nupñi yengö böröñine alma.” Jisösnöñ dopkeu mewö jii möta jiget, “Mi qahö dop kölja. Yapmakek!” ¹⁷xJigetmö, Jisösnöñ i törörök enggeka kinda kewö jiyök, “Buña Kimbigö keu kun kewö ahöza,

‘Miri meme yejön köt tandö kun andö qeba öne mosötket taröhi, mi-añön mönö tandö kömbönañi aiga miwikñaget.

Miañön tiñgiriga mirinöñ mönö gororongöba eta köлма.’ Keu miangö könañi denöwö?

¹⁸Miangöra kewö jibi: Kunñan tandö bohönñi miangörenñ tötönggata eta qemawi, mi mönö silenñi kutumutumapmö, ain tandö miañön jöla tala kungö

qakñe eta kölmawi, mi mönö körek qözömözözamgöma.”

¹⁹Jisösnöñ mewö jiiga Köna keugö böhi aka jike nup galöm yejön keu miangö könañi möt asariba kewö jiget, “Dopkeu mi mönö neñgöra jiza.” Miangöra i nalö miangörenök memba jöhöbingö mötketmö, ambazip kambu yengöra keñgötñini möta osiget. Mewö.

Takis alalgö Jisös esapköm wanggiget.

Mat 22.15-22; Mak 12.13-17

²⁰Juda jitñememe yejön Jisösgö jegalöm meget. Mewö memba keuñi kun qiwitipköi keugö bötaknöñ öröi gwaröhöm wanggimegöra aka azi tosatñi melaim engiget yangören kaget. Opotöröp aka premiö yengö böröñine al wanggibingö möta Buña keu ölöpnñi jiji tandök aka qesiba keuñangö kezap alget.

²¹Areñ mewö ala qesiba kewö jiget, “Böhi, nini göhö könagi mötzin. Göñön keu diñdñi jiba kusum neñgimakzan. Göñön ambazip tosatñi qahö enggek soriba tosatñi qahö qepureim enggimakzanmö, dop mohotnöñ kewöt neñgimakzan. Mewö aka Anutugören köna mi keu öljangö dop kusum neñgimakzan.

²²Miangöra nini sisa-kiñgöra takis ala miañön Mosesgö Köna keu siñgibin me qahö?”

²³Mewö jigetmö, Jisösnöñ isimkakalek areñini möt kutuba kewö jii mötket, ²⁴“Ölöpn silwö moneñ (Kina 5) kun kondel ningigetka eki. Dagören imut aka qet mi miangören ohoget ahöza?” “O, mi sisa-kiñgören,” mewö melenña jiget.

²⁵Jigetka kewö jii mötket, “Mewö aiga yuai sisa-kiñgö imutñambuk buñani akzawi, mi mönö yangöra al wanggime. Yuai kun Anutugö buñaya akzawi, mi mönö Anutugö buña qeme.” ²⁶Jisös-

nöŋ mewö jiyöhaŋgöra ambazip kambu yeŋgö jeŋine keugö bötaknöŋ al waŋgibingö osiba keuŋaŋgöra welipköba keu böc kinget. Mewö.

**Kömupnöhöc wahötwahötkö
Jisös esapköm waŋgiget.**

Mat 22.23-33; Mak 12.18-27

²⁷ySadyusi böhi pati yeŋön “Kömugeri, yeŋön kude wahötme,” jiba malget. Yeŋgöreŋök tosatŋan Jisösgö jeŋe kaŋgota kewö qesim waŋgiba ²⁸zjiget, “Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munŋan ölop malöŋi memba mala gwölönarök qiwikŋaim waŋgiiga datŋaŋgö qet bisiba malma.’

²⁹“Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ³⁰Kömuiga munŋan malöŋi mi meyök. ³¹Miaŋgö andöŋe munŋi kunŋan ambi miyök meyök. Mewöŋa mewö darumun 7 pakpak yeŋön ambi mohok miyök memba gwölönarök qahö mala kömum teköget. ³²Kömugetka tekögetka qöndökŋi malöŋini mi mewöyök kömuyök. ³³Göŋön ‘Kömugeri yeŋön guliba wahötme,’ jizänmö, nini mi qahö möt narizin. Mötnöŋ, azi 7 pakpak mi öröröŋ wahötpeak ewö, ambi mohok mi anömŋina meget malöhaŋgöra aka mönö dagö anömŋa akawak?”

³⁴Mewö jigetka Jisösnöŋ kewö meleŋnök, “Nalö kewöŋe gölme kiaŋgöreŋ ambazip awanöm aka malahakze. ³⁵Mi malahakzemö, ambazip uruŋini melengetka Anutunöŋ eka möri dop köliga kömupnöhöc wahöta miri gölme kun euyaŋgöreŋ aŋgota malmei, yeŋön miaŋgöreŋ qahö amime.

³⁶“Miaŋgö könaŋi kewö: Mötnarip ambazip guliba kömupnöhöc wahötmei, yeŋön Anutugö nahönbörataturuŋi akze. Yeŋön Suep garata tandök ewö aka kunbuk qahö kömumemö, teteköŋi qahö mal öŋgöme. ³⁷aMötket! Kömugeri, yeŋön guliba wahötmegö keuŋi mi Mosesnöŋ mewöyök naŋgöba jiyök. Ip köhösonöŋ könöp bölam ahuba qahö jem kutuyöhi, yaŋön mi eka kösohotŋi ohoi miaŋgöreŋ keu kewö ahöza, ‘Nöŋön Anutu Abrahamgö Kembu, Aisakö Kembu aka Jeikobkö Kembuya mala kota maljal.’ ³⁸Isik bömön karöbut yeŋön Anutubuk mala mal köhöiba öŋgöme. Körek köhöiba maljei, yeŋön mönö malmalŋini Anutugöra malje. Miaŋgöra Anutunöŋ köhömuŋi yeŋgö Kambuŋini qahöpmö, malmal köhöikŋi maljei, mönö yeŋgö Kambuŋina akza.”

³⁹Jisösnöŋ mewö meleŋniga Köna keugö böhi tosatŋan meleŋda kewö jiget, “Böhi, mi törörök jizan.” ⁴⁰Mewö jiba keu kun kunbuk qesim waŋgibingö kölköldömdöm aka mosötket. Mewö.

**Kraist mi kiŋ Deiwidkö Kambuŋi
aka gwölönarökŋi.**

Mat 22.41-46; Mak 12.35-37

⁴¹Jisösnöŋ keu kun kewö jii mötket, “Kraistnöŋ Kiŋ Deiwidkö gwölönarökŋi akzawi, tosatŋan keu mi denöwögöra jimakze? ⁴²bDeiwidnöŋ nanŋak keu kewö jiiga Sumbara (Buŋa liŋet, sam) Kimbinöŋ ahöza,

‘Anutunöŋ kinda nöŋgö Kambuni kewö jii mörök, Göŋön mönö kaba nöŋgö böroni öŋe tatnöŋga ⁴³nöŋön nalö sutŋe kerökurupki tim tötala luhut al eŋgiba göhö köna tambö gwaröŋe al eŋgimam. Nalö mi kam kuŋgumawaŋgö dop mönö asakmararaŋnöŋ ki tatman.’

⁴⁴Deiwidnön mewö jiba qetnji ‘Nöngö Kembuni’ jiza. ‘Kembuni’ jiba mönö denöwö aka yanğö gwölönarökñi mohot akawak?” Mewö.

**Urumelengö silesile
malmalgö galöm meme keu**

Mat 23.1-36; Mak 12.38-40; Luk 11.43

⁴⁵Jisösnön gwarekurupñi yengöra keu kewö jiiga ambazip kambu pakpak mi mötket, ⁴⁶“Köna keugö böhi yengöra mönö galömjini memba malme. Yeñön maluku köröpñi löngöta anda kaba konder angubingö mörakze. Maketnön me könanön ambazip engeketka jölöñini jimegö mörakze. Mewöyök köuluk mire qaikçe eu tatpingö sihimñi mörakze aka közölömbuañnön dum tatat mutukçe jegep tatpingö mörakze. ⁴⁷Yeñön malö yengören miri yuai bidañda gagabe köla enguangirakze aka qetbuññini asuhumapköra köuluk köröpñi köuluköba töptöpñine qemakze. Miangöra Anutunön keuñini jim teköba likepñi öngöñgöñi meleñni qakçine öngöma.” Mewö.

**Ambi malö kunjan
naluk kötin öljü alök.**

Mak 12.41-44

21 Jisösnön kinda ui ani ambazip pomñi yeñön nalukñini mi naluk dundumçe alget geyök. ²Alget geiga ambi malö wanapñi kunjan kaba souje kötñi pisikñi yahöt ali geyöhi, mi mewöyök ehök. ³Mi eka kewö jiyök, “Nöñön keu öljü kun kewö jibi mötket: Malö wanapñi kianön naluk aljawi, mi mönö tosatñi pakpak engongita alja. ⁴Miangö könañi kewö: Körek yeñön monej ketañi ahöm engiiga kitipñanöhök aljemö, ambi kianön köruebörue maljawangö dop yuaiñi pakpak al teköba öne töhön malma.” Mewö.

**Jöwöwöl jikenön
köndenjmönden asuhuma.**

Mat 24.1-2; Mak 13.1-2

⁵Jerusalem jöwöwöl jike mi köt eksihimñambuk aka kalemñi kalemñi Anutugöra algeri, miangön menjölögetka aködammunñambuk ahöyök, gwarek tosatñan mi eka eram mötketka Jisösnön keu kewö jii mötket, ⁶“Miri ki enggekzei, mi mönö köndengetka mirigö köt kun mi köt kungö qakçe qahö ahömapmö, qeqelañlan aka sahopñanök ahöma.”

**Kahasililiñ aka
sesewerowero asuhuma.**

Mat 24.3-14; Mak 13.3-13

⁷Mewö jiiga möta qesim wangiget, “Böhi, keu jizani, miangö öljü mönö wanat nalönön asuhum tiñgitma aka asuhumamgö akrjawi, miangö aiwesökñan mönö denöwö asuhuma?”

⁸Qesim wangigetka kewö jiyök, “Kunjan isimkakalek aiga janjuñ anbepeköra mönö galömjini memba malme. Ambazip gwötpukñan asuhuba nöngö qetne kewö jime, ‘Nöñön Kraist akzal,’ aka, ‘Nalönön mönö töriza.’ Mewö jimemö, eñön mönö yengö andöñine kude anme. ⁹Yarö aka karimñi karimñi asuhugetka ötöñini mötmemö, jönömñini kude unduma. Yuai mi mutuhök asuhumapkö jijija. Mi asuhumapmö, gölmeğö nalöñan mönö miangörenök zilañ qahö teköma.”

¹⁰Mewö jiba toroqeba kewö jii mötket, “Kantri kunön kantri kun engubingöra wahötme. Ambazip kambu kunön kambu kun yembuk arön angubingöra wahötme. ¹¹Gölmeñi gölmeñi miangören kenön ketañi ketañi qözöla memba gölme meleñni gemakça. Mewöyök bödiñi bödiñi (buöröñi buöröñi) asuhuba öngöba ahöma. Kawöl köhöikñi köhöikñi mienön

asuhugetka sesegilgil kômumakje. Suepnöŋ aiwesök ketaŋi jemurutŋi murutŋi engeka keŋgöt kotkot akje.” Mewö.

Ölöwak Buŋagöra kerök asuhuma.

Mat 24.9-14; Mak 13.9-13

¹²“Yuai pakpak mi asuhumemö, mutuk qeljine tosatŋan iŋini uruŋini melengeraŋgöra aka enŋömembra jöhöba sesewerowo ak enŋime. Tosatŋan öröm enŋiba köuluk miriŋine keu nupŋini memba jim tekögetka kösö miriŋi miriŋi miangöreŋ al enŋime. Tosatŋan nöŋgö qetnaŋgöra aka enŋuangitketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. ¹³Mewö kinda nöŋgö könaŋamni naŋgöba jigetka mötme. ¹⁴“Keu jakeŋe al enŋigetka kinmei, nalö miangöreŋ keu denöwö jibinak, miangö waimanŋatŋi qeljine kude mötme. Keu mi mönö urukönömŋine algetka ahöma.

¹⁵“Mi kewögöra: Nöŋön embuk kinda mötkutukutu enŋiba numbuŋini mem amqemam. Uruawamŋanök malgetka tuarenjoŋurupŋini yeŋgöreŋök kunŋan mötkutukutu mi qetala keuŋini qeapköba memba et al enŋibingö osima. ¹⁶Nanŋini iwinam, darumun, tinitosolom aka alaurupŋini yeŋön mewöyök aŋgönaŋ mem enŋigetka enŋöreŋök tosatŋi enŋugetka kömume. ¹⁷Kantri pakpak yeŋön nöŋgö qetnaŋgöra aka kazik ak enŋigetka malme.

¹⁸“Mewö malmemö, nöŋön köyan köl enŋibi nöörpŋinaŋgö juŋŋi kunŋan qahö sohoma. ¹⁹Iŋini kapaŋ köla köhöiba böŋ qeba kinda miaŋön mönö luhut ala oy-aenŋkoyaen malmal buŋa qem aŋgume.” Mewö.

Jerusalem sitigö köndenmönden uru-önönŋambuk

Mat 24.15-21; Mak 13.14-19

²⁰“Könaŋep yarö kambu yeŋön kangota Jerusalem siti liliköba gwan almei, iŋini mi eka miangöreŋ kewö mötmörime, ‘Siti bohonŋi köndenmöndenmegö nalöŋan mönö kam kuŋguza.’ ²¹Nalö miangöreŋ Judia prowinsnöŋ malmei, enŋön mönö misiŋgöba öröba kunduje anme. Sitinöŋ malmei, enŋön mönö siti mosötme. Siti yaigeŋe mire malmei, enŋön mönö sitinöŋ kude anme.

²²d“Mi kewögöra: Buŋa Kimbinöŋ kezapqetok keu ohoget ahözawi, mi pakpak mönö ölnambuk akŋa. Keu miangö dop Anutunöŋ nalö miangöreŋ siŋgisöndokninaŋgö likeŋŋi melenŋa qakŋine ali öŋgöma. ²³Anutunöŋ Israel könagesö siŋgisöndokŋinaŋgöra irimŋi seholiiga kazikŋi kondel enŋiiga gölmenöŋ ka-hasililiŋ keta bölökŋi asuhuma. Ambi gölömbuk aka morö juzunöŋ yeŋön mönö nalö miangöreŋ denöwö ösumŋinan anbeak? Miangöra Yei! jizal.

²⁴“Köndenmönden miangöreŋ ambazip tosatŋi mi bimgö sou ketaŋan enŋugetka kömume. Tosatŋi kösö gwaröhöm enŋiba enŋuangitketka kantri pakpak yeŋgö sutŋine aŋgotme. Aŋgotketka kian kantri yeŋön kangota Jerusalem tiamgöba malme. Mewö malgetka Anutunöŋ nalöŋini tohot qei tatzawi, miaŋön kam kuŋguiga mosötme.” Mewö.

Suep gölmegö azi ölnan mönö asuhum tiŋgitma.

Mat 24.29-31; Mak 13.24-27

²⁵e“Wehön aka köiŋ jeŋire aka senŋelau miangöreŋ aiwesök murutŋi

^c21:14 Luk 12.11-12 ^d21:22 Hos 9.7

^e21:25 Ais 13.10; Eze 32.7; Joel 2.31; Ind 6.12-13

murutji asuhume. Köwetnön siri qegetka ötön ketanji ahumakzawaŋgöra gölmegö kantri pakpak yeñon tötbörömñini kaiga wahöjaliñ möta malme. ²⁶Mewö malgetka suepnön uturuköiga miangö öröyuainji mi tatatñini mosöta eñololon aketka sohoma. Miangöra gölmeñi gölmeñi miangörej lömböt bölöñi kötökñi asuhumapköra mamböt-torok mala keñgötñini möta uruñini duhuiga jegilgil akje.

²⁷“Nalö miangörej Suep gölmegö azi öñji yañon kousu qakje kañgori ekje. Kukösumñi ketanjan saköl-diñdiñambuk aukje asuhuiga asakmararañi ekje. ²⁸Mewö kañgotmapmö, yuai mi kö-nahiba asuhumei, eñon mönö nalö miangörej Suepnön öñgöbingö nalöñinan törimawañgöra nöropñini uba wahöta uruñini qezaköba awösamkakak kinme.” Mewö.

Geröp ipkö dopkeu

Mat 24.32-35; Mak 13.28-31

²⁹Jisösnön dopkeu kun kewö jii mötket, “Inñini geröp aka ip tosatñi mi eka tandökñini mötme. ³⁰Ip mi sinñan yongoigetka mi eka miangö könaji nanñinak möt asariba kewö jimakze, ‘Wehön nalöñan lök dopdowiza.’ ³¹Eñon mewöñanök keu jizali, miangö öñan asuhuiga eka möt asariba könaji kewö jime, ‘Anutugö bemtohoñan mönö dopdowiza.’

³²“Nöñon keu öñji kun kewö jibi mötket: Ambazip merak gölmenön maljei, yeñon qahö kömugetka yuai pakpak jizali, mi mönö yeñgö malmal nalöñine asuhuma. ³³Suep gölmenön göröñ qemahotmö, nöñgö Buña keunan mönö qahö ayapköma.” Mewö.

Urugwölö mosöta köhömuñi malbinbuk.

Mat 24.42-44; Mak 13.33-37

³⁴⁻³⁵“Nalö ketanji miañon ambazip körek gölmenön maljei, yeñgö qakñine mewö asuhuma. Miangöra miañon wölañök kaba simba ewö qeraköm eñgibapuk. Miangöra gölmenön malmalgö waimanjatñan qakñine öñgöiga közölömbuan ala o köhöikñi negetka eñololon aiga uruñinan lömböribapüköra mönö galömrñini mem añguba malme.

³⁶“Miangöra mönö nalö dop urugwölö mala köuluköba malme. Mewö malgetka ösum eñgiiga yuai pakpak mi asuhumawi, miangö uruñeyök kök ala mönö Suep gölmegö azi öññañgö jemesoholje awösamkakak kinme.” Mewö.

³⁷“Nalö miangörej Jisösnön wehön dop jöwöwöl jikenön kinda Buña kusum eñgiiga miri mare aiga mosöta kundunji qetñi Oil ip kundunji qerakzini, miangörej öñgöba ahömalök. ³⁸Mewö maliga ambazip kambu pakpak yeñon wehön dop söñanök jöwöwöl jikenön öñgöba Buñañi jii mötpingöra yañgörej kamalget. Mewö.

Jisös qein kömumapkö añgöñañ alget.

Mat 26.1-5; Mak 14.1-2; Jon 11.45-53

22^hMewö malgetmö, beret yistñi qahö miangö sösoñgainji, qetñi kun Pasowa kendon jimakzin, mi töriyök.^{¶¶} ²Töriiga miangörej jike nup galöm aka Köna keugö böhi yeñon ambazip kambu yeñgö keñgötñini mötkerañgöra aka nanñinök tokoba “Denöwö ahinga qeget kömumbawak,” jiba köna jaruba mötmörijet.

^{¶¶}22:1 Pasowa mi nanine keunön neñgehoriba neñgoñgirök. Eksodus 12.15

^h21:27 Dan 7.13; Ind 1.7 [¶]21:37 Luk 19.47 ^h22:1 Eks 12.1-27

**Judasnön Jisös mamalolo mem
wanġimamgö urumohok ahök.**

Mat 26.14-16; Mak 14.10-11

³Nalö miangörej Satanön Judasgö uruġe geyök. Judas mi Jisösgö gwarekurupni 12 yeŋgöreŋök kun. Kariot mireyök kayöhanġöra qetnji kun Iskariot qetket. ⁴Yaŋön jike nup galöm aka jikegö kiripo galöm bohonni yeŋgöreŋ anda Jisös mamalolo memba böröŋine almagö keunji jiyök. ⁵Yeŋön mi möta “Ayop!” jiba uruġinan ölöwahiga söŋgörönji moneġ wanġibingö keu jöhöget. ⁶Keu jöhögetka Judasnön Jisös ölöŋ mamalolo memba böröŋine almagö köna möt jaruba köiŋbingöba malök. Mewö.

**Jisösnön gwarek yembuk
Pasowa lama neġet.**

*Mat 26.17-25; Mak
14.12-21; Jon 13.21-30*

⁷Beret yistnji qahö miangö kendon silim kunön Pasowa lama qeba ohozema. Nalö miänön kam kuŋguyök. ⁸Jisösnön Pitö aka Jon kewö jiba melaim etkiyök, “Injiri anda Pasowa lama mözözömgöyohotka nemin.”

⁹Mewö jiiga qesim wanġiyohot, “Mi denikeangören anda mözözömgöbit?”

¹⁰Qesim wanġiyohotka kewö melenök, “Mörohöt! Injiri sitinön angorohotka azi kun o kimbüt kunduta kaiga miwikŋaimahot. Miwikŋaiba i wuatangöba anda mire öŋgömawi, miangörej öŋgömahot. ¹¹Öŋgöba miri toŋi kewö jiyohot mötma, ‘Böhinön göhöra jiza: Ala mirigi denike? Neŋön ölop miangö uruġe kaba gwarekurupni yembuk Pasowa lama nemin?’

¹²Mewö jiyohotka möta miri qakŋe eu öŋgöba uruġi ketaŋi kun kondel

etkima. Miangörej dum tatat yuai mözözömgöget ahöza. Mi kondel etkiiga miangörej lama qeba ohomahot.”

¹³Mewö jii anda Jisösnön keu jiyöhi, miangö dop miwikŋaiba kinda lama qeba ohom mözözömgöyohot. Mewö.

Kembubuk semön qöndökni neġet.

*Mat 26.26-30; Mak 14.22-26;
Jon 13.21-30; 1 Kor 11.23-25*

¹⁴Nene nalöŋan kaiga Jisösnön aposolurupni yembuk nene nemingö eta tatket. ¹⁵Tatketka kewö jii mötket, “Nöŋön Pasowa lama ki embuk nemingö gwötpuk ak niŋgiba malök. Nene ki nembagun mönö sihimbölä mötman. Miangö nalöŋan töriza. ¹⁶Mi törizawanġöra kewö jibi mötket: Nöŋön Pasowa lama kiangörej kun toroqeba qahö nemam. Könaŋgep nene semön kiangö ölnan aukŋe asuhumawi, mi Anutugörej bemtohoŋ uruġe euyangörej nemam.”

¹⁷Mewö jiba wain qambi memba kötuetsköba kewö jiyök, “Mönö ki memba nanŋinak anġuba neme. ¹⁸Nöŋön kewö jibi mötket: Ni wain kösögö ölni kiangörej kunbuk toroqeba qahö nemam. Kunbuk nemami, mi Anutugörej bemtohoŋ asuhum teköiga miangörej nemam.”

¹⁹Mewö jiba beret memba kötuetsköba mindipköba enġiba kewö jiyök, “Ki nani busuni. Ki enġöra aka tököm enġizal. Nemba ni mötmörim niŋgiba malme.”

²⁰ⁱMi enġii neġetka mewöŋanök wain qambi memba kewö jiyök, “Qambi ki mi jöhöjöhö areŋ dölökŋi akza. Nöŋön amöt qem enġimamgöra aka sepni mokoba kömumam. Sep miänön mönö Anutugörej jöhöjöhö areŋi mem köhöima.

²¹^j“Mewö akzapmö, mötket, mamalolo mem niŋgimawanöŋ mönö mohotŋe ki nene memba tatzit. ²²Ölna,

Anutunöj jim kutuyöhi, Suep gölmegö azi öljän mönö miangö dop gölme mosöta anma. Anmapmö, mamalolo mem waŋgimawi, yaŋgöra mönö wölkiköba ‘Yei!’ jizal. Anutunöj mönö likepŋi öngöŋgöŋi meleş waŋgima.”

²³Mewö jiiga gwarekurupŋan kö-nahiba sutŋine eraum qesim aŋguba jiget, “Neŋgöreŋök mönö daŋön mamalolo mem waŋgibawak?” Mewö.

Gwarek yeŋön sutŋine goranora aket.

Mat 20.25-27; Mak 10.42-44

²⁴k“Gwarek neŋgöreŋök galöm bohonŋi mi daŋön akza?” mewö jigetka miangöra mewöyök sutŋine goranora asuhuyök. ²⁵lMi asuhuiga Jisösnöj kewö jii mötket, “Gölmegö kantriŋi kantriŋi miengö kiŋinan mönö azi kembu tandök aka galöm köl eŋgimakze. Yengö pom jembonŋinan mönö keu jim kutuba könagesöŋini mindiŋgöm eŋgigetka welenŋini qeba ‘Azi ölöpŋi!’ jiba möpöseim eŋgimakze. ²⁶mMewö ahakzemö, eŋön miangö dop kude akŋe. Eŋö sutŋine kunŋan ketaŋamŋini akzawaŋön mönö eretŋaŋgö dop aka malma. Galöm bohonŋan mönö welenqeŋe ewö aka malma.

²⁷n“Kunöj tata nene neiga kunŋan nene köl waŋgiba anda kamakzawi, yetköreŋök öngöŋgöŋi mi daŋön? Ölja, ‘Tata nene nezawaŋön mönö öngöŋgöŋi akza.’ Mewö jiget mörakzinmö, nöŋön eŋgö sutŋine welenqeŋe ewö aka maljal.

²⁸“Mewö malbi esapköm niŋgigetka wahöjaliŋ wahösömbu uruŋe aŋgotpiga iŋini töndup kapaŋ köla nömbuk qekötahöba mala kotze. ²⁹Iwinan jim kutum niŋgiiga nöŋön yaŋgö bemtohoŋi kukösum qakŋe galöm kölakzal. Miangöra

nöŋön toroqeba jim kutum eŋgibiga iŋini mewöyök kukösum qakŋe ambazip kiŋ ewö galöm köl eŋgimakŋe. ³⁰oMiangöra iŋini ölöp nöŋgö bemtohoŋne aŋgota nene dumni liliköba tata o aka nene nema malme aka azi kembu tatatnöj tata Israel ambazip kambu 12 yeŋö keuŋini kewöta jim teköm eŋgime.” Mewö.

Pitönöj Jisös qaŋ kölmapkö jii mörök.

Mat 26.31-35; Mak 14.27-31; Jon 13.36-38

³¹Jisösnöj jiyök, “O Saimon Saimon! Mötnöj! Kölkömöt azinöj wit padi kötŋi joutnöj ala uturuköiga kamböŋi deŋda erakzawi, Satanöj mönö miangö dop eŋön löwöriba yaŋgö böröŋe gemegöra uturuköba esapesap al eŋgimangö kapaŋ köla jöjöröza. ³²Jöjörözapmö, göhö mötnariŋkan sörauba pömsöm qebapüköra nöŋön göhöra köuluköba malal. Miangöra nalö kungen urugi meleşda nöŋgöreŋ kamani, miangöreŋ mönö mötnariŋ alaurupki naŋgöba mem köhöim eŋgiman.”

³³Mewö jiiga Saimonöj meleşnök, “Kembu, nöŋön göbuk kösö mire anbitkö aka mohotŋe kömumbitkö jöjöröba maljal.”

³⁴Mewö jiyökmö, Jisösnöj jii mörök, “Pitö, nöŋön kewö jibi mötnöj: Kuruknöj merak qahö qeriga göŋön mutuk ni möt niŋgimangö qaŋ kölnöŋga indimŋi karöbut akŋa.

Gösö aka bimgö sou ketaŋi miyök memba anme.

³⁵pJisösnöj gwarekurupŋi kewö qesim eŋgiyök, “Nöŋön iŋini mutuk

^k22:24 Mat 18.1; Mak 9.34; Luk 9.46 ^l22:25 Mat 20.25-27; Mak 10.42-44

^m22:26 Mat 23.11; Mak 9.35 ⁿ22:27 Jon 13.12-15 ^o22:30 Mat 19.28

^p22:35 Mat 10.9-10; Mak 6.8-9; Luk 9.3; 10.4

gösö qahö, moneḡ gösö qahö, kõna esu qahö mewö melaim engibi angeri, miangöreḡ yuai kungöra osiget me qahö?” Qesim engiiga “Yuai kungöra qahö osiin,” jiget.

³⁶ Jigetka kewö toroqeba jiyök, “Mutuk mewö aketmö, nalö kewöḡe kungöreḡ gösö aka moneḡ gösö tuḡi ahözawi, mi ölop memba teḡgöba malma. Bimgö sou ketani mi kungöreḡ qahö ahöza, yaḡön mönö malukuḡi bohonḡi memegöra ala moneḡ miwikḡaiba sou mi bohonḡi mema.³⁷ “Nöḡön miangöra kewö jibi mötket: Anutugö keu nöḡgöra jigeri, mi körek pakpak köhöim teköma. Miangö nalöḡan mönö kam kuḡgumamgö akza. Buḡa keu kun kewö ohoget ahöza, ‘Yaḡön bölöḡi meme yeḡgö kambuḡine ahöma, jiget.’ Miangöra jizal: Keu miangö ölni mi nöḡgöreḡ asuhum teköma.”

³⁸ Mewö jiiga gwarekurupḡan jiget, “Kembu eknöḡ, bimgö sou ketani yahöt ki ahözahot.” Mewö jigetka “Mi dop kölja,” jiba meḡeḡ engiyök. Mewö.

Jisösnöḡ Gezeman arönöḡ köuluköyök.

Mat 26.36-46; Mak 14.32-42

³⁹ Jisösnöḡ miri mosöta silikḡi wuatangöba Oil ip kunduḡe öḡgöiga gwarekurupḡan andöḡe anget.⁴⁰ Öḡgöba miangöreḡ angota kewö jii mötket, “Esapesapnöḡ et engubapuköra mönö köuluk nup meme.”

⁴¹ Mewö jiba engömosöta köt gilin anakzawi, miangö dop anda simin köla köuluköyök⁴² Köuluköba kewö jiyök, “Iwini, göḡön urusihimḡi mötzan ewö, sihimbölogö qambiḡi kiaḡön mönö nöḡgö qakne öḡgöbapuköra noaḡgitman. Noaḡgitman me qahö, mi mönö nangi jit keugahö dop asuhuma.

Mi nöḡgö sihimgö dop qahö.”⁴³ Mewö köuluköiga garata kunḡan Suepnöhök asuhuba mem köhöim waḡḡiyök.⁴⁴ Mem köhöim waḡḡiiga köḡjiliḡ öḡḡöḡöḡi möta mönö kapaḡ köla uruḡi qezaköba köuluköyök. Köuluköiga nöḡḡöḡḡi mi sep jöjöl ewö tiḡgita gölmenöḡ etket.

⁴⁵ Köuluköm teköba wahöta gwarekurupḡi yeḡgöreḡ anök. Anda miwikḡaiba enghehi wösöbiriknöḡ mem et engii söroraua gaun ahöget.⁴⁶ Ahögetka jiyök, “Mönö wuanöḡgöra gaunök ahöze? Mönö wahöta esapesapnöḡ et engubapuköra köuluköget.” Mewö.

Jisös qeraköba memba jöhöget.

*Mat 26.47-56; Mak
14.43-50; Jon 18.3-11*

⁴⁷ Jisösnöḡ mewö jiba kiniga miangöreḡ azi kambu kaḡgotket. Gwarekurupḡi 12 yeḡgöreḡök kun qetḡi Judas yaḡön jitḡemem engiba Jisösgöreḡ kaḡgota numbuḡi yöhötim neyök.⁴⁸ Yöhötim neyökmö, Jisösnöḡ kewö jii mörök, “Judas, gi numbuni yöhötim nemba mewö miangön Suep gölmegö azi ölni mamalolo mem waḡḡizan me?”

⁴⁹ Mewö aiga tosatḡan Jisös liliköm waḡḡiba kingeri yeḡön yuai asuhumamgö ahi mi eka jiget, “Kembu, nini bimgö sou ketanḡan enguin me?”⁵⁰ Mewö jiba yeḡgöreḡök kunḡan jike nup galöm bohonḡangö welenqeqeḡi qeba kezapḡi ölni köteköi erök.

⁵¹ Erökmö, Jisösnöḡ meḡeḡda “Mönö mosötket!” jiba welenqeqegö kezapḡi yandiyöhi, mi misiriiga ölöwahök.

⁵² Ölöwahiga kinda jike nup galömurup, jikegö kiripo galöm bohonḡi aka kantrigö jitḡememe yeḡön Jisös membingö kaḡgotkeri, mi kewö jii mötket, “Ni kegwek-kahasiliḡi asia qahöpmö,

töndup nöngöra mewö möta bimgö sou ketanj aka liŋgip memba kaŋgotze. ⁵³ᵐNöñön wehön dop jöwöwöl jikenöñ embuk malbiga iñini böröñjini böranda ni qahö nömiget. Mi qahöpmö, döłki söñaupkö ösumñan luhut ala aukñe asuhuiga eñgö nalöñinan kam kuñguza.” Mewö.

Pitönöñ Jisös qañ köłök.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴Mewö aiga yarö azi yeñön Jisös memba jöhöba wañgita jike nup galöm bohonñangö mire anget. Angetka Pitönöñ andönjine sikepsikep eñguatangöba anök. ⁵⁵Miañgöreñ anda jakömbuak mirigö kiripo uruñe geba sombem bibiñe könöp ohoba mohotñe tatket. Pitönöñ mewöñanök yeñgö sutñine tarök. ⁵⁶Tari welenqege ambi kunñan Pitönöñ könöp kösutñe tari ehiba kewö jiyök, “Azi kiañön mönö mewöyök yambuk malök.”

⁵⁷Mewö jiyökmö, Pitönöñ qañ köla kewö jiyök, “Ambi, ni i qahö möt wañgizal.”

⁵⁸Mewö jiba tari kude köriiga azi kunñan eka jiyök, “Gi mewöyök yeñgöreñök kun akzan.” Mewö jiyökmö, Pitönöñ meleñnök, “Alani, ni qahö.”

⁵⁹Aua mohotkö dop teköiga kunñan keu mi kunbuk kapañ köla jiyök, “Azi kiañön mewöyök ölña yambuk malök. Yañön mönö Galili asia akza.”

⁶⁰Mewö jiyökmö, Pitönöñ meleñnök, “Azi, keu jizani, mi köndatzal.” Mewö jiba kiniga miangöreñök kuruk qerök.

⁶¹Qeriga Kembunöñ liliñgöba Pitö uba ehiga miangöreñök keuñi kewö jiyöhi, mi mötmöriyök, ‘Gi merak in-dimñi karöbut qañ köł niñginöñga kurukñöñ qetma.’ ⁶²Keu mi mötmöriiba

wösöñi julmamgö aiga yaigep geba sahöt böliyök. Mewö.

Jisös jim gönahit ak wañgiget.

Mat 26.67-68; Mak 14.63-65

⁶³Yarö azi Jisös memba jöhögeri, yeñön mepaqepaik ak wañgiba kinda qeapköget. ⁶⁴Qeapköba jemesoholñi esuhuba qesiba jiget, “Gi kezapqetok asia akzananögöra dañön guhuzawi, mönö yañgö qetñi qetnöñ!” ⁶⁵Mewö jiba gwötpuk terenqereñda ilita jim qetal wañgiget. Mewö.

Jikegö jitñememe yeñön Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶Jim qetal wañgiba malgetka miri gianaiga kantrigö jitñememe aka jike nup galöm aka Köna keugö böhi yeñön tokoba Jisös wañgita Juda yeñgö jike kaunsöl kambu yeñgö jeñine alget.

⁶⁷Miangöreñ algetka jiget, “Göñön Amötqege Toñi Kraist akzan ewö, mi mönö aukñe pañ jinöñga mötpin.” Mewö jigetka meleñnök, “Mi jibi mötpeaha kun, mi mönö qahö möt narime. ⁶⁸Me qesim eñgibilenaha kun, mi mönö qahö meleñ niñgime. ⁶⁹Mewö mötzalmö, nalö kewöñeyök könahiba Suep gölmegö azi ölñi yañön mönö Anutu, kukösum Toñangö böröñi ölñe tata malma.”

⁷⁰Mewö jiiga miangöreñök körekanök kewö jiba qesiget, “Ölña, gi Anutugö nahönña akzan me qahö?” Mewö qesigetka kewö meleñ eñgiyök, “Mi akzalañgö keuñi mönö nanñinak jize.” ⁷¹Meleñ eñgiiga jiget, “Nanñak uñemuñem (guñemuñem) keuñi mönö nanñi numbuñan jiiga möt teközün. Miangöra tosatñan keuñi nañgömegöra mönö wuanöñgöra kunbuk qesim eñgibinak?” Mewö.

Jisösnöj premiö Pailötkö jeje kinök.

*Mat 27.1-2, 11-14; Mak
15.1-5; Jon 18.28-38*

23 Mewö jiiga kambu körek yeñon wahöta Jisös wangita premiö Pailötköreñ anget. ²Yañgöreñ anda könahiba sileñe keu ala undeñda kewö jiget, “Azi kiangö könañi kewö eka mörin: Yañon ambazip kuñgum engiiga eñololoñ aka karim asuhumakze. Nini Sisa kiñgö takis kude almegöra soñgo alakza. Nanñangöra ‘Ni Amötqeçe Tonji Kraist aka kiñ akzal,’ jimakza.”

³Mewö jigetka Pailötnöñ kewö qesim wangiyök, “Ölña, gi Juda yeñgö kiña akzan me qahö?” Qesim wangiyöga Jisösnöñ melenñda jiyök, “Mönö nangak jizani, mewö.”

⁴Pailötnöñ jike nup galöm aka ambazip kambu yeñgöra kewö jii mötket, “Nöñon azi kiangö pinjitñi kun qahö miwikñaizal.”

⁵Mewö jii möta kunbuk kapañ köla kuñguba jiget, “Yañon mönö ambazip kambu kuñgum engiba Buñañi Galili prowinsnöñ könahiba kusum engiba gölme dop köla kaba Judia prowins kiangöreñ mewöyök mi jim sehimakza.”

⁶Mewö jiget möta qesim engiba jiyök, “I Galili azia me akza qahö?”

⁷Mewö jiiga “Mönö mi!” jiget möta Herodnöñ Galili aka prowins tosatñi mindiriba galöm köñ engiba nalö miangöreñök Jerusalem sitinöñ kaba malöhi, miangöra Pailötnöñ Jisös Herodköreñ wangita anget. Mewö.

Jisösnöj kiñ Herodkö jeje kinök.

⁸Herodnöñ Jisösgö kösohotñi möta lök nalö köröpñi ekñamgö sihimñi möta malöhañgöra i eka uruñan gwötpuk ölöwahök. Jisösnöñ angöletot kun meiga ekñamgö al mamböta malök. ⁹Miangöra qeqesi gwötpuk Jisös qesim wangiyök.

Mi qesim wangiyökmö, Jisösnöñ likepñi kun qahö jii mörök.

¹⁰Jike nup galöm aka Köna keugö böhi yeñon kinda silenöñ alal keu könöpñambuk jim wangiget.

¹¹Herodnöñ yarö aziurupñi yembuk Jisös memba et ala jijiwilit aka mepaqepaik mem wangiget. Mewö aka maluku aködampungambuk kun löngöt wangiget kini melaiiga kunbuk premiö Pailötkö jeje anök. ¹²Mutuk Pailöt aka Herod yetköñ kerök-kerök ak añguba malohora nalö miangöreñ ala-ala ahot. Mewö.

Pailötnöñ Jisös kömumapkö jim teköyök.

*Mat 27.15-26; Mak 15.6-15;
Jon 18.39-19.16*

¹³Jisösnöñ kaiga premiö Pailötnöñ jike nup galöm aka galömkölköl aziurupñi aka ambazip kambu öröm engii tokoget. ¹⁴Tokogetka kewö jii mötket, “Injini azi ki kewö jiba nöñgöreñ wangita kaze, ‘Yañon ambazip kambu kuñgum engiiga eñololoñ ahakze.’ Mötket! Injini keu sileñe aljei, nöñon miangö könañi engö jeñine kewöta kewö miwikñaizal: Injini azi kiangö sileñe keu aljei pakpak, miangön pinjitñi qahö akza. ¹⁵Herodnöñ keu mewöñanök jiba melaiiga kunbuk neñgöreñ kaza. Mötket, yañon yuai pinjitñambuk kun qahö ahök. Miangöra kömupkö buñaya akñapkö osima. ¹⁶Miangöra nöñon jibi yarö azi yeñon ihileknöhök qegetka pösatpi etma.” ¹⁷(Pailötnöñ yambu (yara) dop Pasowa sösoñgai nalöñe kösö mireyök azi mohok pösat engimaljapma.)

¹⁸Mewö jiiga yeñon körekbörek silata qeta jiget, “Ia mönö yapmakek! Barabas mönö pösat neñginöñ.” ¹⁹Barabas miangön sitinöñ karim gila malgeri, yeñgö galömñina aka azi kun qei kömuyöhi, miangöra kösö mire alget tarök.

²⁰ Pailötnön Jisös pösatmamgö möta keu kunbuk jiyök. ²¹ Jiyökmö, yejön qetala orañbörañ misiba qet gigilahöget, “Maripomnön qeget! Maripomnön qeget!”

²² Qet gigilahögetka yañon keu indimni karöbut kewö jiyök, “Yañon mönö wani bölöña ahök? Nöñon yañgöreñ pinjit kun kude miwikñaibiga kömupkö bunaya akñawañgö dop qahö akza. Mewö aiga nöñon jibi yarö azi yejön ihileknöhök qegetka pösatpi etma.”

²³ Mewö jiyökmö, yejön jakbak memba kapañ köla toroqeba qet gigilahöba qetket, ‘Jisös maripomnön qeget kömuma.’ Mewö qeta Pailötköreñ keu mi qeapköget. ²⁴ Qeapkögetka Pailötnön keujini bapñe anda keu kapañ köla jigeri, miangö ölni ahumapkö jim teköyök. ²⁵ Jim teköba Barabas etmapkö kapañ kölgerañgöra i pösari erök. I karim qeba malgeri, yeñgö galömnjina aka azi kun qei kömuyöhi, miangöra kösö mire alget tarök. Mi pösari erökmö, Jisös sihimñinañgö dop jaungauranga ak wangimegöra böröñine alök. Mewö.

Jisös maripomnön qeget.

*Mat 27.32-44; Mak
15.21-32; Jon 19.17-27*

²⁶ Pailötnön Jisös böröñine aliga wañgita köna namñe anda Afrika siti qetñi Sairini miangö azi kun qetñi Saimon miwikñaiget. Yañon nupnöhök kañgoriga jim kutum wañgiba Jisösgö maripomni wañgita yañgö awötñe algetka añauba wuatangöba anök.

²⁷ Mewö aniga ambazip kambu ketani yejön lulunja andöñe wuatangöba anget. Yeñgö sutñine ambi tosatñan mewöyök jinñe köla sahöta anget.

²⁸ Sahöta angetka Jisösnön lilinñgöba engeka kewö jiyök, “O Jerusalem ambi,

inini mönö nöñgöra kude sahötket. Nöñgöra qahöpmö, nanñini aka nahönböratuupñini miengöra mönö sahötme. ²⁹ Mötket! Könañep nalö kun kai miangöreñ kewö jime, ‘Ambi köpin mi simbawoñ. Gölöm qahö ala morö kude megeri, mi simbawoñ akze. Nahönböratujuu engiba qahö dohongögeri, mi simbawoñ.’ ³⁰ ‘Nalö miangöreñ ambazipnön könahiba kundunji Toñi yeñgöra kewö uletme, ‘Inini mönö kundunji mi jigetka teköba qaknine öngöme.’ Aka sem siagö Toñi mi kewö ulet engime, ‘Inini mönö banjetñine asamböt nengime.’

³¹ “Nöñon Anutugöreñ ip gwölögwölö akzal aka nöñgöra töndup kewö ak niñgize. Inini ip köhömuñi siñgisöndokñi nambuk könöp sihit qeba kinje. Miangöra Anutunön likepñi meleñ engiiga köñpönñi amqeqeñanök engohotiriiga sihimbölo öngöñgöñi mötme.”

³² Bölöñi meme yahöt mi mewöyök Jisösbuk mohotñe etkubingöra etkuangita anget. ³³ Anda gölme qetñi Nöröpsihit qetzei, miangöreñ añaota Jisös maripomnön qeget. Qeba bölöñi meme yahöt mi mohotñe kun ölnje kun qaniñe likeplikep mewö etkuget. ³⁴ ‘Mewö aketmö, Jisösnön jiyök, “Iwini, yejön yuai akzei, miangö könañi qahö möt kutuzeañgöra siñgisöndokñini mönö mosöt engiman.”

Qeget kiniga Jisösgö sile esuñangöra kiawen megetka qötöñi ahui miangö dop mendenja meget.

³⁵ ‘Mewö aketka ambazip kambu yejön kinda mi uba eket. Eketmö, Juda jitñememe yejön mewöyök mepaqepaik mem wañgiba kewö jiget, “Anutunön möwölöhöm wañgii Amötqeqe Toñi Kraist akza ewö, tosatñi bauköm engiba malöhañon mönö nanñi bauköm añauma.”

³⁶vYarö azi yeñon mewöyök keu gönahit jiba ilita kösutje anda wain o asölñambuk kusahöla memba öngöba wañgiba ³⁷kewö jiget, “Gi Juda yeñgöreñ kiñ kembuya akzan ewö, mönö ölop nangi bauköm aņguman.”

³⁸Nöröpje eu kulem kun kewö ohoget kinök, “Juda yeñgö kiñ kembuñina ki.”

³⁹Kegwek-kahasililij azi yahöt mohotje möndögetka kingeri, yetköreñök kunñan uruqege keu töhöreñ Jisös jim wañgiba kewö jiyök, “Gi Amötqege Tonji Kraist akzan ewö, mönö nangi bauköba niri mewöyök bauköm netkinöñ.”

⁴⁰Mewö jiyökmö, alañan jim wañgiba kewö jiyök, “Gi gödaqegegi qahö. Gi Anutugöra mewöyök keñgötki qahö mötzan me? Yeñon jim teköba sihim-bölö öröröñ neñgigetka bisizin. ⁴¹Niri ölna pinjit ahirañgöra likepñi dopje melenđa ak netkigetka sihimbölö mötzit. Mi mötzitmö, azi kianön bölöñi kun qahö aiga ia töndup ayuhuze.” ⁴²Mewö jiba jiyök, “Jisös, gi bemtohoñgahö uruñe aņgotmani, miangöreñ mönö ni mötmörim niñgiman.”

⁴³Jiiga kewö jiyök, “Nöñon keu ölna jibi mötnöñ: Göñon mönö merak nömbuk oyaenköyaen mire öngöba malman.” Mewö.

Jisösnöñ kömuyök.

Mat 27.45-56; Mak 15.33-41; Jon 19.28-30

⁴⁴Silim bibiñi 12 kilok aiga wehön jeñi böuleiiga söñaupnöñ eta gölme pakpak dop köla ahöiga anda aua karöbutkö dop ahök. ⁴⁵wNalö miangöreñ jöwöwöl jike uruñe opo kinöhi, miañon mönö euyök bibiñe jurata eta yahöt ahök. ⁴⁶xJisösnöñ nalö miangöreñ köhöikñanök qeta kewö jiyök, “Iwini, nöñon uñani göhö

böröge aljal.” Mewö jiba söñgöro ösum kondikñi öröba kömuyök.

⁴⁷Kömuiga yuai asuhuyöhi, suahö galömnöñ mi eka Anutu möpöseiba kewö jiyök, “Yañon mönö ölna azi solañña akza.”

⁴⁸Ambazip kambu pakpak mi ekingö kaba tokogeri, yeñon yuai mi asuhui eka wösöñini juliga nörop gila mohot mohot miriñine anget. ⁴⁹yAngetmö, ambazip pakpak Jisös möt wañgigeri, yeñon sikep kinda i uba eket. Ambi tosatñan Jisös wuatañgöba Galiliyök kageri, yeñon mewöyök kinda mi eket. Mewö.

Jisösgö qamötñi löm kölget.

Mat 27.57-61; Mak 15.42-47; Jon 19.38-42

⁵⁰⁻⁵¹Juda yeñgöreñ taon qetñi Arimatia miangöreñök azi ölopñi qetbuñañambuk qetñi Josef yañon mewöyök kayök. Yañon Anutu bemtohoñgö ölni asuhumapköra mamböta malök. Yañon Juda yeñgö jike kaunsöl kambugö jittjememe mala Jisösgö keu jim jöhöba akeri, miangö urumohok qahö ahök.

⁵²Yañon Pailötköreñ anda Jisösgö qamötñi memamgö qesiyök. ⁵³Qesiba öngöba qamötñi maripomnöñök qeköba memba eta opo tuatñan esuhuyök. Esuhuba memba qaksirinöñ anda köt köteñ kun urorohoba qamöt kun miangöreñ qahö algeri, Jisösgö qamötñi mi miangöreñ alök. ⁵⁴Sabat kendon tatatkö yuaiñi mözözömgögeri, miangö wehön jeñi gemamgö ahök.

⁵⁵Gemamgö aiga ambi Jisösbuk Galiliyök kageri, yeñon Josefgö könane qaksirinöñ anda yañon Jisösgö qamötñi memba köt köteñnöñ alöhi, mi eket. ⁵⁶zMiangöreñök lilingöba mire anda

^v23:36 Sum 69.21 ^w23:45 Eks 26.31-33 ^x23:46 Sum 31.5

^y23:49 Luk 8.2-3 ^z23:56 Eks 20.10; Dut 5.14

jiniŋ suamburup umköhöwakaŋbambuk aka kelök qösösökŋambuk Jisösgö qamötŋe miribingö mözözömgöget. Mözözömgögetmö, Mosesnön Kōna keunön Sabat kendongōra jim kutui ahöyōhi, mi wuatangōba luhut memba ösönŋ tatket. Mewö.

Jisösnön kömupnöhök wahörök.

Mat 28.1-10; Mak 16.1-8; Jon 20.1-10

24 Sabat kendon tatket teköiga Sonda sönanök miri gĩaŋiiga ambi yeŋön wahöta jiniŋ jimoroŋ umköhöwakaŋbambuk mözözömgögeri, mi memba qaksirinön anget. ²Anda kunŋan qaksirigö numbue köt ketanj qetali ani eket. ³Mi eka köt köteŋ uruŋe öngögetmö, Kembu Jisösgö qamötŋi qahö miwikŋaiget. ⁴Miaŋgōra mötkurumkurum möta kingetka azi yahöt malukuŋiri tuatŋi kölköl-bilikbilikŋambuk yetkōn wösōŋine kinohotka etkeket.

⁵Mi etkeka awöwōliba gölmenön geba dapkögetka kewö jiyohot mötket, “Jebuk mal köhöizawi, i mönō denöwögōra kömukōmuŋi yeŋgö sutŋine jaruze? ^{6a}Yaŋön ki qahö ahözapmö, mönō guliba wahötza. Galili prowinsnön mala keu jii mötkeri, mi mönō mötmörime: ⁷Yaŋön kewö jiyök, ‘Kunön Suep gölmegö azi öljī mamalolo mem waŋgiiga bölōŋi meme yeŋgö börōŋine geiga maripomnön qeget kömumba wehōn karōbut aiga guliba wahötma.”

⁸Mewö jiyohotka keuŋi mi möt-mötŋine aŋgoriga mötmöriget. ⁹Mewö mötmöriba qaksirinöhök liliŋgōba kaba yuai pakpak asuhuyōhi, miaŋgö buzup keuŋi mi gwarek 11 aka tosatŋi pakpak yeŋgōra jiget mötket. ¹⁰Keu mi jigeri, mi Magdalagōra Maria, Joana aka Maria Jeimsgö namŋi aka ambi tosatŋi yembuk

malgeri, yeŋön mi kaba aposol yeŋgōra jiget mötket.

¹¹Buzup keu mi jiget mötketmö, keu jigeri, mi keu omaŋi tandök ahöhi, mewö mötmöriba mi qahö möt nariget. ¹²Qahö möt narigetmö, Pitōnön wahöta ösumŋan qaksirinön anda köt köteŋ uruŋe ui aniga opo esu miyök miaŋgōreŋ tari ehök. Mi eka yuai asuhuyōhi, mi nanŋök mötmöriba welipkōba mire liliŋgōyök. Mewö.

Gwarek yahötŋan Emeus könanön anohot.

Mak 16.12-13

¹³Wehōn miaŋgōreŋök Jisösgö gwarekurupŋi yeŋgōreŋök yahötŋan Jerusalem siti mosöta miri qetŋi Emeus sewen mail miaŋgōreŋ anbitkö anohot. ¹⁴Kōnanön anda yuai asuhuyōhi, mi pakpak nanŋirök eraum mörohot. ¹⁵Mi eraum möta kōnaŋi jim lömböriba anohotka Jisösnön nanŋak kösutŋire aŋgota mohotŋe anget. ¹⁶Angetmö, jeŋiri közamböri i qahö ek kutuyohot. ¹⁷Qahö ek kutuyohotka kewö jiyök, “Iŋiri nanŋirök wani keuya könanön eraum möta kazahot?” Mewö jiiga dörok mitiba wösōbirik jeje uba eka kinohot.

¹⁸Eka kinda yetköreŋök kun qetŋi Kliopas yaŋön kewö qesim waŋgiyök, “Pasowa kendonön yuai asuhuyōhi, mi Jerusalem ambazip köreŋan mötze. Gi mohotŋan kiana aka mi qahö mötzan me?”

¹⁹Qesim waŋgiiga “Mi wania?” jiiga möta kewö jiyohot mörök, “Nazaret azi Jisösgōra yuai asuhuyök mi. Yaŋön kezapqetok azia mala Anutu aka ambazip pakpak yeŋgö jeŋine ahakmeme kukösomŋambuk aka keu köhöikŋi jiba malök. ²⁰Mewö maliga neŋgö jike nup galōmnini aka galōmkölköl aziurupn-

^a24:6 Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

inan i wangita premiögö böröŋe algetka kömumapkö jim teköi maripomnöŋ qeget kömuyök. ²¹ Yaŋön Israel kö-nagesönini kösönöhök pösata sohopnini memapköra al mamböta jörömqöröm aka malinmö, Yei! i mönö qeget kömuyök. Yuai mi asuhuiga mala koringa merak sömaŋi karöbut lök akza.

²² “Mi qahö dop köliga merak neŋgöreŋök ambi tosatŋan keunöŋ kuŋguba welipköm neŋgiget maljin. Yeŋön söŋan amandiŋe qaksirinöŋ anda, ²³ qamötŋi qahö miwikŋaiba lilingöba kewö jize, “Nini Sup garata yahötkö jemelenŋ imut ehinga yetköŋ ‘Jisösnöŋ guliba malja,” jiyohotka mötzin. ²⁴ Keu mi möta azi nembuk maljei, yengöreŋök tosatŋan qaksirinöŋ anda ambi yeŋön keu jizei, miangö dop ahöiga ekze. Löm gwamönŋi ekzemö, nanŋi qahö ekze.”

²⁵ Keu mi möta kewö jii mörohot, “Yei! Inŋini kezapqetok yeŋön keu jigeri, mi pakpak mönö wuanöŋgöra ölanbölan aka ajojohoba gawönjeje mala qahö möt narize? ²⁶ Amötqeqe Toŋi Kraistnöŋ si-himbölö mewöŋi mötagun nanŋi asakmararaŋ uruŋe öŋgöma. Miangö dop ohoget ahöza me qahö?” ²⁷ Mewö jii mörohotka Moses aka kezapqetok ambazip pakpak yeŋön keu jigeri, miangöreŋök könahiba nanŋangöra keuŋi pakpak ohoget ahözawi, miangö könanŋi jim asarim etkiyök.

²⁸ Jim asarim etkiba anda miri anbitkö jiba anohori, mi dopdowiba miangöreŋ toroqeba anmamgö mörök. ²⁹ Mewö mörökmö, yetköŋ kapaŋ köl wangiba kewö jiyohot, “Miri mare aiga wehöŋ jeŋan lök gemamgö akza. Miangöra ölöp netpuk tata ahöman.” Mewö jiyohotka yetpuk mire öŋgöba tatket. ³⁰ Tata yetpuk nene nemingö aka beret memba kötuatköba mindipköba etkimamgö aiga yuai kewö asuhuyök:

³¹ Miangöreŋök jeŋiran tohoiga ek kutuyohotka atatap (jiatatöŋ) köliga kumbuk qahö ehot. ³² Mewö aiga nanŋirök kewö eraum mörohot, “Köna namŋe Buŋa Kimbigö keu jiba könanŋi jim asarim netkizawi, nalö miangöreŋök mönö urunire könöp jezawaŋgö dop mötzit.”

³³ Mewö jiba miangöreŋök wahöta Jerusalem sitinöŋ lilingöba aŋgota gwarekurupŋi 11 aka alaurup yembuk tokoba tatkeri, mi miwikŋaim engiyohot. ³⁴ Miwikŋaim engiyohotka kewö jiget mörohot, “Kembunöŋ mönö ölna wahöta Saimongöreŋ asuhum wangiza.”

³⁵ Mewö jigetka nanŋirak könanöŋ yuai asuhuyök aka beret mindipköyöhi, nalö miangöreŋ uruŋiri tohoiga möt kutuyohot, miangö kösohotŋi mem engiyohot. Mewö.

Jisösnöŋ gwarek kambuŋi asuhum engiyök.

Mat 28.16-20; Mak 16.14-18;

Jon 20.19-23; Apo 1.6-8

³⁶ Gwarekurupŋi yeŋön keu mi eraum möta tatketka miangöreŋök Jisösnöŋ nanŋak sutŋine asuhuba kinda kewö jiyök, “Alaurupni, luainöŋ embuk ahöma!”

³⁷ Mewö jiiga keŋgötporiŋ aka jönömŋini undui “Öme imura ekzin,” mewö mötmöriget. ³⁸ Mewö mötmörigetmö, kewö jii mötket, “Inŋini denöwögöra auruba mötmöt mewöŋi uruŋine ahuza? ³⁹ Ni nanak ki maljal. Mi nanŋinak köna böröni uba eka mötme. Öme imut mi bususihitŋini qahö. Ni bususihitnambuk kinbi nekze. Mönö nömisiriba nek kömume.”

⁴⁰ Mewö jiba köna böröŋi kondel engiyök. ⁴¹ Kondel engiyökmö, mi sösoŋgaŋinangöra töndup qahö möt nariba welipköba tatketka kewö qesiba jiyök, “Nenŋanŋini kun ki tatza me

qahö?” ⁴² Mewö jiiga söra jejeñi miangö kitipñi kun wañgiget. ⁴³ Wañgigetka memba neiga eket.

⁴⁴ Neiga eketka kewö jii mötket, “Ni embuk mala nalö miangöreñ keu jibi mötkeri, miangö öñi nalö kiangöreñ asuhui ekze. Nöñön kewö jiba malal: Nöñgö keu mi Mosesgö Köna keu aka kezapqetok azi yeñgö Buzup Kimbi aka Sumbara (Buña liñet) buknöñ ohoget ahözawí, mi pakpak mönö öñjambuk ak teköma.”

⁴⁵ Mewö jii mötketka miangöreñök Buña Kimbigö könañi möt kutumegöra uruñini metohoyök. ⁴⁶ Metohoba kewö jii mötket, “Keu kewö ohoget ahöza: Kraistnöñ sihimbölä möta kömumba sömañi karöbut aiga kömupnöhök wahötma. ⁴⁷ Miangöra eñön mönö Jerusalem sitinöñ könahiba Buña keu nöñgö qetne jim asariba kantri pakpak dop köla anda uru kuñgum engimakçe. Denike yeñön uruñini meleñmei, Anutunöñ mönö yeñgö siñgisöndokñini mosöta sañgoñma.

⁴⁸ “Keu mi öñjambuk ahök aka akñawi, iñini mi asuhui eka nañgöba jiba dangunu ewö kinme. ⁴⁹ ^b Mötket! Iwinan kalem engimapkö keu jöhöyöhi, nöñön i melaibiga uruñine gema. Euyangöreñök kukösum albi qakñine öñgöma. Iñini siti kiangöreñ miangöra mamböta tata malme.” Mewö.

Jisösnöñ Suep mire öñgöyök.

Mat 16.19-20; Apo 1.9-11

⁵⁰ ^c Jisösnöñ keuñi jim teköba gwarekurupñi enguañgita anda Betani miri kösutçe añgota miangöreñ böröñi mem wahöta kötuetköm eñgiyök. ⁵¹ Kötuetköm eñgiiga miangöreñök Anutunöñ wañgiriga engömosöta Suepnöñ öñgöyök. ⁵² Öñgöiga sösoñgai ketañi möta sipköba waikñi memba möpöseim wañgiba Jerusalem liliñgöget. ⁵³ Liliñgöba sundan dop jöwöwöl jikenöñ mala Anutu möpöseim wañgiba malget. Mewö.

Jon

Ölöwak Buḡa Jonöḡ ohoyök.

Jim-asa-asari

Jonöḡ nanḡi qetḡi Ölöwak Buḡa kianḡoreḡ aukḡe qahö ohoyökmö, nanḡanḡöra kewö jiza, “Gwarek Jisösnöḡ uruḡan jöpaköm waḡgiyök.” (19.26) Jonöḡ urujöpak urukalemḡö keuḡi kapaḡ köla jimakza. Jonöḡ Ölöwak Buḡa ki mi ambazipnöḡ keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, öḡa Anutugö Nahönḡi aka Amötqeḡe Toḡi akza. Iḡini mönö i möt köhöiba mewö miaḡön malmal köhöikḡi miwikḡaime.” Jisösnöḡ mutuk Iwigöreḡ mala keu jitḡa malök. (1.1) Mewö mala gölme azia aka ösum-mumuḡi aka mötmötḡi mi aiwesök aḡöletot memba miaḡön kondelök. Mi kondela bemtohongö könaḡi jim asariiga tosatḡan uruḡini melenḡetka tosatḡan töndup yaḡiseḡ aket.

Jisösnöḡ kewö akza, jiyök: Amötqeḡe Toḡi (4.26), malmalgö nene wötḡi (6.35), miri gölme euyangö buḡaya (8.23), bem koḡkoḡ (8.58), gölme pakpakö asakḡi (9.5), naḡu (10.7), lama galöm ölöḡi (10.11), Anutugö Nahönḡi (10.36), Kembu aka Böhi (13.13), kömupnööhök wahötwhöt Toḡi aka malmal kömbönaḡi Toḡi (11.25), köna, keu öḡi aka malmal köhöikḡi (14.6), wain ip öḡi (15.1), kulem namḡi mutukḡi aka teteköḡi A aka Z (Ind 1.8), Mutukḡi aka Qöndökḡi (Ind 1.17) aka mewö mewö.

Jisösnöḡ gwarekurupḡi öḡa jöpaköm eḡgiba malöhi, goro keu qöndökḡan (Boḡ 13-17) mi törörök kondelḡa. Keu

mi nahömḡambuk. Kömupnööhök wahötagun Pitö mem köhöimapköra kewö qe-siyök: “Ni jöpaköm niḡgizan me qahö? Mewö akzan ewö, mönö alaurupni köyan köḡ eḡgiman.”

Buk kianḡö bahönḡi bohonḡi 6 mi kewö:

Keu mutukḡi 1.1-18

Jon O-melun azi aka gwarekurup mutukḡi 1.19-51

Jisösnöḡ qenjarök nup meyök 2.1-12.50

Teteköḡe Jerusalem kaba mala kömuyök 13.1-19.42

Guliba wahöta alaurupḡi asuhum eḡgiyök 20.1-31

Galili kaba gwarekurupḡi asuhum eḡgiyök 21.1-25

Anutugö numbu jitḡi malmalgambuk.

1 Könakönahiḡe möḡḡanḡö möḡḡeyök keu jit malök. Yaḡön malmalgö könaḡi naḡgöba jiba kota malök. Keu jit yaḡön Anutugö qöhöröḡe mala korök aka nanḡak bem Anutuyöhök ahök. ²Keu jit yaḡön könakönahiḡe Anutugö qöhöröḡe malök. ³Yaḡö qöhöröḡe mala bauköm waḡgiiga yuai pakpak ahuyök. Yuai kun qahö bauköm waḡgibawak, mi mönö qahö ahubawak. ⁴Keu jit yaḡön malmal bömönḡanök ahök. Yaḡöreḡ malmal köhöikḡi miaḡön ambazip mem asarim eḡgiiga eka mala kotket. ⁵Asakḡan panaman uruḡe asarimakzapmö, söḡaupnöḡ malgeri, yeḡön asakḡanḡö könaḡi mi qahö möt asariba mala kotket. Mewö.

⁶⁻⁷^dAnutunöḡ ambazip körek pakpak asakḡi möt narimegöra möta kolek azi qetḡi Jon melaiiga asuhuyök. Asuhuba kaba asakḡanḡö könaḡi indela naḡgöba jiba malök. ⁸Jonöḡ nanḡak asakḡi

^d1:6-7 Mat 3.1; Mak 1.4; Luk 3.1-2

mi qahö aka malökmö, yañön mönö asakñangö könañi mi nanğöba jiba malök. ⁹Asak ölbölñi yañön ambazip gölme dop mem asarim neñgimakzawi, yañön gölmenöñ asuhumamgö ahök.

¹⁰Yañön könakönahiñe gölmeñi gölmeñi miangö öröyuaiñi pakpak mi nam köl engiiga ahuget. Ahugetka nanjak sutjine mala korökmö, gölme ambazipnönj töndup i qahö möt kutum wañgiba tönpin malget. ¹¹Mewö tönpin malgetka nanji miri gölmeñe kaiga könagesöurupñan zikzik tököba nesampurek aka andö qem wañgiget. ¹²Mewö aketmö, denike yañön köl öröm wañgiba qetbuñani möta möt narigeri, yañön mönö körek yañgöra köna mesari kewö asuhuyök: Nanjak nam köla kukösum engiiga ahuahü dölökñi ahuba Anutugö nahönböraturupñi aket. ¹³Anutugö jitsihitñan mönö nam köl engiiga asuhuget. Gölime azinönj jiti sihitñi wuatangöba anömñambuk keu jöhöiga gölöm ala morö meiga asuhuzawi, yañön köna mewö miangön Anutugö nahönböraturupñi qahö aket. Mewö.

¹⁴Keu jiti yañön azi silebuk aka sutnine anda kaba malök. Mewö maliga aködamunñi uba eka malin. Iwiñan Nahönñi mohok-kungöra aködamunñi pakpak ala aum köl wañgiiga qainñi kun maljawi, yañön mönö miangö dop kalem möriamñan uruñi kokolak qeiga aködamunñambuk aka nalö dop keu öl töhöññi jiba malök.

¹⁵Jonön azi miangö könañi nanğöba kewö qeta jiba malök, “Nöhön kungöra keu jiba malali, yañön mönö mia akza. Kewö jiba malal: Nöhögö andöne azi kun kamawi, nöhön qahö asuhubiga yañön mutuk malök. Miangöra yañgö qetbuñan mönö ni nonğita öñgöñgöñi

akza.” Jon O-melun azinön mewö jiba malök.

¹⁶Kalem möriamñan azi miangö uruñi kokolak qeiga aködamunñambuk malöhi, yañön mönö miangö dop kötuatköm neñgiba malök. Kötumötuatkñi mi nalöñi nalöñi mokoiga körek neñgö qaknine öñgöi malin. ¹⁷Mosesnönj Köna keunini nam köli asuhuyökmö, Jisös Kraistnönj keu ölni indel teköba Anutugö kalem möriamñi nam köli aukñe asuhuyök. ¹⁸Gölme azi kunñan Anutu nalö kunönj qahö ehök. Nahönñi mohok-kunñan Iwigö wösönje mala kota malöhi, yañön mönö gölmenöñ eta könañi indel neñgi mörin. Mewö.

Jon O-melun azinön nanji könañi jim asariyök.

Mat 3.1-12; Mak 1.1-8; Luk 3.1-18

¹⁹Juda jitiñememe yañön jike nup galöm aka jöwöwöl jikegö welenqege tosatñi Jerusalem sitinöhök melaim engigetka Jongörej kaget. Kaba qesim wañgiba jiget, “Gi wani azia akzan? Könañamgi denöwö?” Mewö jigetka könañamñi indela jii mötket.

²⁰Könañamñi qahö qañ kölökmö, aukñe kewö jim miwikñaiyök, “Nöhön Amötqege Tonji Kraist qahö akzal.”

²¹^eMewö jiiga kapan köla qesim wañgiget, “Gi mönö azi niñia akzan? Gi Elaija (Elia) akzan me qahö?” Qesim wañgigetka “Qahö!” jiyök. “Gi kezapqetok azi kun akzan me qahö?” Mewö qesigetka “Mewö qahö!” meleşnök.

²²Meleşniga qesiget, “Gi niñia akzan? Melaim neñgigetka kazini, yañgöra mönö denöwö meleşda jiin mötme? Gi nangi könañi denöwö jim asariman?”

²³^fQesigetka kewö jii mötket, “Kezapqetok azi Aisaianönj keu kun kewö jii ahöza, ‘Ni garata aka gölme

qararaŋkölkölje mala kewö qer-akzal: Kembunöŋ kamawo!

Miaŋgöra iŋini mönö uruŋini mindiŋgöba könaŋi mesata möhamgöget.’ Ni miaŋgö kolek garaŋi akzal.”

²⁴ Azi melaim eŋgigetka Jongöreŋ kageri, mi Farisi (Köna keugö kapaŋkölköl) azia aket. ²⁵ Yeŋön kunbuk kewö jiba qesim waŋgiget, “Gi Amötqeŋe Toŋi Kraist qahö akzan aka Elaija (Elia) me kezapqetok azi yeŋgöreŋök kun qahö akzani, miaŋgöra mönö wuanöŋgöra ambazip o melun mem eŋgimakzan?”

²⁶ Qesim waŋgigetka kewö meleŋ eŋgiyök, “Nöŋön o töhöŋöŋ eŋgömirimakzalmö, azi kun iŋini qahö möt kutuzei, yaŋön lök sutŋine kinja. ²⁷ Azi kun nöŋgö andöne kamapköra jiba malali, yaŋön mönö mi. Yaŋön kaiga ketanaŋmi aka malma. Miaŋgöra nöŋön yaŋgö kösutŋe anda wayangösöŋi teŋgöba köna esuŋaŋgö kösöŋi pösatmamgö qötötangömam.”

²⁸ Jonöŋ Jordan o likepŋe miri qetŋi Betani miaŋgöreŋ mala ambazip o melun mem eŋgiba malök. Yuai mi mönö miaŋgöreŋ asuhuyök. Mewö.

Jonöŋ Jisösgöra “Anutugö lama moröŋi,” jiyök.

²⁹ Mi asuhuiŋa miri gianaŋiŋa Jonöŋ Jisös tikep kaiga eka jiyök, “Eket, azi mi Anutugöreŋ lama moröŋi. Yaŋön mönö gölmeŋi gölmeŋi neŋgö siŋgisöndoknini köl köŋjörari solanibin. ³⁰ Nöŋön kungöra keu jiba malali, yaŋön mönö mia akza. Kewö jiba malal: Nöŋgö andöne azi kun kamawi, nöŋön qahö asuhubiŋa yaŋön lök mutuhök malök. Miaŋgöra yaŋgö qetbuŋaŋan mönö ni noŋgita öŋgöŋgöŋi akza. ³¹ Nöŋön i mutuk qahö möt kutuyalmö, Anutunöŋ könaŋamŋi Israel ambazip neŋgöra indeli mötpingöra mötza. Mi möta ni

melaim niŋgiŋa kaba o melun mem eŋgimakzal.”

³² Jonöŋ mewö jiba dangunu ewö kinda naŋgöba kewö jiyök, “Uŋa Töröŋan mönö Suepnöhök eta kembö nei ewö yaŋgö nöŋöpŋe eta köla tari ehal. ³³ Nöŋön i mutuk qahö möt kutuba malalmö, kunöŋ ambazip o melun mem eŋgimamgöra melaim niŋgiyöhi, yaŋön kewö jii möral, ‘Uŋa Töröŋan kungö nöŋöpŋe eta köla tari ekŋani, yaŋön mönö Uŋa Töröŋi ambazip uruŋine ala melun mem eŋgima.’ ³⁴ Nöŋön mi ehalangöra aka könaŋamŋi kewö naŋgöba jizal, ‘Yaŋön Anutugö Nahönŋi akza.’” Mewö.

Jisösnöŋ gwarekurupŋi mutukŋi eŋgoholök.

³⁵ Mewö jiŋa miri gianaŋiŋa Jonöŋ kunbuk o jitŋe miaŋgöreŋök aniga gwarekurupŋi yeŋgöreŋök yahötŋan yambuk mohotŋe kinget. ³⁶ Kingetka Jisösnöŋ miaŋgöreŋ eŋgongita anöhi, i törörök uba ehiba jiyök, “Azi mi ehot. Yaŋön mönö Anutugöreŋ lama moröŋi ewö akza.”

³⁷ Mewö jiŋa gwarek yahöt yetkön keu mi möta Jisösgö andöŋe anohot. ³⁸ Anohotka Jisösnöŋ liliŋgöba andöŋe kayohori, i etkeka kewö qesim etkiyök, “Iŋiri niŋia jaruba kazahot?” Mi möta jiyohot, “Ketaŋamniri! Gi miri denike ahöba maljan?” (Juda yeŋön ‘Ketaŋamnini’ keu mi böhiŋgöra jiget.)

³⁹ Mewö jiyohotka meleŋnök, “Mönö kaba ehot!” Mewö meleŋniga wehön möŋaiŋa 4 kilok miaŋgö dop ahök. Wehön möŋaiŋa miaŋgöreŋ mohotŋe anda miri denike ahöba malöhi, mi eket. Mi eka miaŋgöreŋ yambuk malohotka miri söŋauba suŋgem aiga mosöta kayohot.

⁴⁰ Jonöŋ keu jiŋa gwarek yahötŋan möta Jisösgö andöŋe anohori, yetköreŋök kungö qetŋi Andru, datŋi qetŋi Saimon Pitö. ⁴¹ Andru yaŋön

mutuk datŋi Saimon miwikŋaiba kewö jii mörök, “Niri Amötqeŋe Toŋi mönö miwikŋaizit.” Amötqeŋe Toŋi mi Grik keunöŋ Kraist. ⁴²Mewö jiba datŋi waŋgita Jisösgöreŋ anohot. Anohotka Jisösnöŋ Saimon törörök uba ehiba jiyök, “Gi Saimon, Jongö nahönŋi akzanmö, nöŋön qetki Sifas qetpi ahöma.”^{§§} Mewö.

Jisösnöŋ Filip aka Natanael etkoholök.

⁴³Miri gianjiiga Jisösnöŋ Galili prowinsnöŋ anmangö möta anda kōnanöŋ azi qetŋi Filip miwikŋaiba kewö jii mörök, “Gi mönö ni nuatangöba kaman!” ⁴⁴Filipnöŋ Andru aka Pitö yetpuk miriŋini mohok. Taonŋini qetŋi Betsaida.

⁴⁵Filipnöŋ azi qetŋi Natanael miwikŋaiba kewö jii mörök, “Mosesnöŋ azi kungöra Kōna keunöŋ ohoba kezapqetok yeŋön toroqeba ohoget ahözawi, nini mönö azi mia miwikŋaizin. Azi mi qetŋi Jisös, iwiŋi qetŋi Josef, miriŋi qetŋi Nazaret.”

⁴⁶Natanaelnöŋ mi möta welipköba jiyök, “O Nazaret! Mi miri qandakŋa. Yuai ölöŋŋi kun mönö miangöreŋök asuhumawaŋgö dop qahö.” Mewö jiiga Filipnöŋ jii mörök, “Mönö kaba nangak ek kutuman!”

⁴⁷Mewö jii möta Jisösgöreŋ kaba asuhiiga eka yaŋgöra keu kewö jiyök, “Eket! Azi kianaŋön mönö Israel azi öljŋi akza. Uruŋe muney geŋmonŋi kun qahö.”

⁴⁸Mewö jiiga Natanaelnöŋ qesim waŋgiba jiyök, “Gi mönö denöwö aka ni möt kutum niŋgizan?” Mewö jiiga Jisösnöŋ melenŋa jiyök, “Gi fig ip* kōnaŋe tatnöŋga gek kutuyal. Mutuk

gek kutubiga Filipnöŋ miangö bapŋe geke goholök.”

⁴⁹Mewö jiiga Natanaelnöŋ melenŋa jii mörök, “O Ketaŋamni, gi mönö öljŋa Anutugö Nahönŋi akzan. Gi Israel nengöreŋ azi Kembuya maljan!”

⁵⁰Mewö jiiga Jisösnöŋ melenŋa jiyök, “Ni mutuk kewö jizal, ‘Gi fig kōnaŋe tatnöŋga gek kutuyal.’ Mewö jim miwikŋaizalangaöra ölöŋ möt narim niŋgizan. Anutugöreŋ kukösüm ki eka mötzani, mi mönö yuai kōtonŋökŋi akza. Öljŋi ketaŋi mi mönö bian eka möta malman.”

⁵¹Mewö jiba toroqeba jii mörök, “Nöŋön keu ö! töhöŋŋi kun kewö jibi mötnöŋ: Kōnaŋep nöŋgö gwarekurupni aketka kutum enguasöriga imut kewö ekŋe: Suep naŋgunöŋ taliga Anutugö garataurupŋan asuhuba Suep gölmegö Azi Öljŋi yambuk nariba yaŋgöreŋ eta öŋgöba aketka engekŋe.” Mewö.

Jisösnöŋ o mem letoriga wain ahök.

2 Jisösnöŋ Filip aka Natanael etkoholiga silimŋi karöbüt teköi malgetka kunöŋ ambi memegö maren lömbuaŋ ali tokoget. Mi Galili prowinsgö miri qetŋi Kana miangöreŋ alget. Jisösgö namŋan miangöreŋ mohotŋe ani malget. ²Jisös aka yaŋgö gwarekurupŋi mi mewöyök öröm engigetka lömbuaŋnöŋ mohotŋe malget. ³Miangöreŋ malgetka wain onöŋ qahöwahiga Jisös namŋan nahönŋangaöra jiyök, “Yeŋgöreŋ wain o qahöwakza.”

⁴Mewö jiiga kewö jii mörök, “Namni, mi denöwö akŋamgöra jizan? Jim kutum niŋgizan me? Nöŋgö aŋgöletot meme nalōnan mönö qahö kam kuŋguiga maljal.”

§§1:42 Sifas mi Grik keunöŋ Pitö, nanine keunöŋ köt jamönŋiŋ.

*1:48 Fig mi sambu ewöya. Mi nupŋine kömötkeŋa köŋŋi nahöŋgambuk asuhiiga mi nalö gwötpuk nezema.

⁵Mewö jii möta welenqege yeŋgöra kewö jiyök, “Yaŋön yuai kungöra jim kutum eŋgimawi, mi iŋini ölöp akŋe.”

⁶Juda yeŋön amöt qem aŋgubingöra Köna keuŋini wuatangöba böröŋini saŋgoŋmaljema. Miangö dop miri miangörej köuraŋen ketanji 6 tarök. Köuraŋen mohot mohot mi o gina 8 me 12 mianjön geba kokolak qenahangö dopnaŋ tatket.

⁷Jisösnöŋ mi eka kewö jii mötket, “Iŋini mönö o uba kaba mokogetka köuraŋen ki kokolak qeget.” Mewö jii möta jiyöhangö dop aket. ⁸Köuraŋen mi kokolak qegetka kewö jim kutum eŋgiyök, “Mönö o qakŋi tosatŋi uba anda lömbuaŋ galöm wangime.” Jim kutum eŋgiiga memba anget.

⁹Uba angetmö, galömnöŋ o letota wain ahöhi, mi nempa möta denikeyök memba kageri, mi qahö möt asariba auruyök. Auruyökmö, welenqeqenöŋ o ugeri, yeŋön mi möta jigetka galömnöŋ maren toŋi oholi kayök. ¹⁰Kaiga kewö jii mörök, “Maren nalöŋe körek pakpak yeŋön wain o ölöŋŋi mi mutuk memba kaba eŋgimakze aka mi nempa eŋololon aketkun wain o nahöŋŋi qahö mi könanŋep eŋgimakze. Göŋön wain o ölöŋŋi mi mutuk aŋgön köla qahö eŋgiba döлки nalö öŋgita memba kazan. Mi silik murutŋi kun akzan.”

¹¹Jisösnöŋ aŋgöletot mutukŋi ki mi Galili prowinsgö miri qetŋi Kana miangörej meyök. Mi memba mewö mianjön kukösumŋi indeliga asuhuyök. Mi asuhuiga gwarekurupŋan möt narim wangiget.

¹²^hKözölömbuaŋnöŋ malget teköiga Jisös, yaŋgö nam-munŋi aka gwarekurupŋi yeŋön mirinŋine Kaperneam anget.

Miangörej anda sömaŋ tosatŋi toroqeba malget. Mewö.

Jisösnöŋ jöwöwöl jike jim kömbuhiyök.

Mat 21.12-13; Mak 11.15-17; Luk 19.45-46

¹³ⁱNalö miangörej Juda neŋgörej ak-kömükömu kendon nalöŋan dopdowiyök. Anutunöŋ mönöwök neŋgehoriaba neŋgoŋgiröhi,[†] miangöra söŋgaibingö aketka Jisösnöŋ mewöyök mirinŋi mosöta Jerusalem sitinöŋ öŋgöyök. ¹⁴Sitinöŋ öŋgöba jöwöwöl jikegö tohoŋ uruŋe anda yuai kewö miwikŋaiyök: Ambazip bulmakau aziŋi, lama aka kembö nei mi bohonŋi memegöra alget aka tosatŋan moneŋ utekutek albingöra tatkeri, mi eŋgehök.

¹⁵Mi eŋgeka kösönöŋ tapep (muŋga-muŋga) mönjöŋda mianjön eŋgohotiriba eŋguyök. Eŋguba ambazip mi körek közöl eŋgiba lama bulmakaunjam-buk jöwöwöl jikenöhök eŋguatangöyök. Utekutek ambazip yeŋgö souje köŋŋini metaliga mokoba eriga tebolŋini metali anget. ¹⁶Kembö bohonŋini memegöra algeri, ambazip mi kewö jim eŋgiyök, “Yuai mi mönö memba kesala yaigep anget. Iŋini nöŋgö Iwinangö jöwöwöl jikeŋi ki mönö wuanöŋgöra utekögetka kölköl-örörö miri ewö akza?”

¹⁷^jMewö jiiga Buŋa keu kun gwarek yeŋgö mötmötŋine kaŋgoriga mötmöriget. Keu mi kewö ohoget ahöza, “Nöŋgö urunan göhörej jike mi kömbukŋi ahömapköra kapaj kölbiga mianjön urune newaŋ könöŋ ewö jeiga waimanjat mianjön kawöl miwikŋaimakzal.”

¹⁸Mi közöl eŋgiiga Juda jitrjememe yeŋön tembula wahöta Jisösgörej kaŋ-

[†]2:13 Anutunöŋ Ijpt miangörej Israel ambazip neŋgehoriaba neŋgoŋgirök, miangö söŋgöŋaini mi Nei keunöŋ Pasowa. Eksodus, Mekömekö 12.15

^h2:12 Mat 4.13 ⁱ2:13 Eks 12.1-27 ^j2:17 Sum 69.9

gota kewö qesim waŋgiget, “Gi mönö wani aŋgöletot kun aknönŋa kukösümgi ehinga dop köl neŋgiigun kimbi mewöŋi akanak?”

¹⁹kMewö qesim waŋgigetka kewö meleş engiyök, “İjini jöwöwöl jike ki köndengetka gölmenön eriga nöŋön mi wehön karöbutkö uruŋe memba wahöta kuŋgumam.”

²⁰Meleş engiiga kewö jiget, “Yambu (yara) 46:gö uruŋe jöwöwöl jike ki memba mala mem tekögetka asuhuba kinja aiga göŋön mi wehön karöbutkö uruŋe mönö denöwö aka memba wahöta kuŋgubanak?”

²¹Mewö jigetmö, Jisösnön jikegö keu mi nanŋi silenŋaŋgö söpsöpŋa ala jiyök.

²²Jisösnön könaŋgep kömupnöhök wahöriga söpsöp keu jiyöhi, mi nalö miaŋgöreŋ gwarekurupŋi yeŋgö mötmötŋine kaŋgori ölop möt asariget. Mi mötmöriba Jisösnön keu jiyöhi, mi aka Buŋa keu ohogeri, mi pakpak möt nariget. Mewö.

Jisösnön ambazip könaŋamnini möt teköza.

²³Jisösnön Jerusalem sitinön ak-kömükömu kendongö nalöŋe mala aŋgöletot kukösümŋambuk meyöhi, mi ambazip gwötpukŋan eka qetŋi möt nariba yaŋgöreŋ lapinöget.

²⁴Lapinögetmö, Jisösnön ambazip pakpak yeŋgö könaŋamnini möt kutum teköyök. Mewögöra ambazip pakpak qahö möt narim teköm engiba keuŋinaŋgö bapŋe qahö anda malök. ²⁵Ambazip uruŋine keu yuai ahöyöhi, Jisösnön kuŋŋan ambazip uruŋinaŋgö könaŋi mi indela kondel waŋgimawaŋgö dop qahö ahök. Mönö nanŋak mi ölop möt kutum teköyök. Mewö

Jisösnön Nikodemus urumeleŋgö könaŋi kusum waŋgiyök.

3 Juda könagesögö jike kaunsöl sutŋine jitŋememe azi kun qetŋi Nikodemus malök. Yaŋön Farisi (Köna keugö kapaŋkölköl) kambunön kinök. ²Yaŋön suŋgem kunön Jisösgöreŋ kaŋgota kewö jii mörök, “Ketaŋamni, gi aŋgöletot memakzani, mi azi kuŋŋan Anutu yambuk qahö kiniga nanŋök memamgö osimakza. Miaŋgöra gi Anutunön nam köl gihiiga böhi akzan, mewö mötzin.”

³Mewö jiiga kewö jiba meleş waŋgiyök, “Nöŋön keu öl töhöŋŋi kun kewö jibi mötnön: Kuŋŋan Anutugöreŋök ahuahu döläkŋi qahö ahuma ewö, yaŋön mönö Anutugö bemtohoŋe aŋgota ekŋamgö osima.”

⁴Meleş waŋgiiga kewö jiyök, “Kuŋŋan lök ahuba ambazip namŋi aka malagun ahuahu döläkŋi mönö denöwö ahubawak? Yaŋön mönö nam körö uruŋe aŋgori kunbuk gölöm ala memamgö osima.”

⁵Mewö jiiga kewö meleşnök, “Nöŋön keu öl töhöŋŋi kun kewö jibi mötnön: Kuŋŋan o melun mem waŋgigetka Uŋa Töröŋan uruŋe geiga mewöŋi miaŋön ahuahu döläkŋe qahö ahuzawawö, mewöŋi miaŋön mönö Anutugö bemtohoŋ uruŋe aŋgotmamgö osima. ⁶Gölmegö iwinam engöreŋök morö ahuzawawö, mi gölme moröya. Uŋa Töröŋan inahöba nam köliga morö asuhumakzawawö, mi mönö Suepkö moröya.

⁷“Mewögöra ijini ahuahu döläkŋi Anutugöreŋök qahö ahume, miaŋön mönö qahö dop kölja. Keu mi jibiga miaŋgöra mönö kude auruman. ⁸Luhutnön nanŋi imbi-imbi laŋ giliga ötoŋi mörakzanmö, mi denikeyök kaba gi-

lakza aka denike gila anakzawi, gi miangö kónaŋi qahö möt asarizan. Uŋa Töröŋan ambazip nam köl engiiga ahuahu dölökje ahugeri, körek yeŋgö kónaŋinan mönö luhut miangö dop akza.”

⁹Mewö meleşniga Nikodemusnön köŋkuŋ aka kewö jiyök, “Mi ahakö dop qahö.”

¹⁰Mewö jiiga Jisösnön jiyök, “Gi Israel könagesö kusum neŋgimakzan aka töndup keu miangö kónaŋi qahö möt asarizan. Mi kude dop kölja. ¹¹Nöŋön keu öl töhöŋni kun kewö jibi mötnön: Neŋön wania möt kutuzini, mi jiba indelakzin aka wania jeninan eka mötzini, mi naŋgöba jimakzin. Mewö ahakzinmö, eŋön töndup Buŋa keunini mi qahö möt aŋgön kölakze.

¹²“Gölmegö yuaiŋi jenön ehekŋi miangö keuŋi jibiga möta qahö möt narim niŋgize ewö, nöŋön Suepkö yuaiŋi qahö ehekŋi miangö kónaŋi jibiga mötmei, mi mönö denöwö möt naribeak?

¹³Gölmegö azi kunŋan Suepnön qahö öŋgöyökmö, Sup gölmegö Azi ölŋan Sup mire mala eta asuhuyöhi, yaŋön mönö liliŋgöba Suepnön öŋgöma.

¹⁴“Anutunön Moses gölme qararaŋkölkölje jim kutui kopö ainön mokoleŋ imutŋi memba tohotnön kösököi kinöhi, miangö dop Sup gölmegö Azi Ölŋi mi kösökögetka öŋgöba kinma. ¹⁵Ambazip i möt narim waŋgizei, yeŋön körek pakpak malmal köhöikŋi miwikŋaiba malmegöra aka eu öŋgöma.

¹⁶“Miangö kónaŋi kewö: Ambazip i möt narim waŋgizei, yeŋgöreŋök kunŋan ayuhubapüköra Anutunön gölme dop önöŋi qahö jöpaköm neŋgiyök. Neŋön körek letota malmal köhöikŋaŋgö buŋaya akingöra mönö Nahönŋi mohotsirik mi neŋgiyök.

¹⁷Ambazip gölme dop mal anjini, Anutunön Nahönŋi neŋgö keunini jim tekömapköra aka qahöpmö, Nahönŋan amöt neŋguiga kantri dop letota oyaekoyaek akingöra aka melaiiga gölmenön erök.

¹⁸“Ambazip kunŋan Nahönŋi möt narizawi, Anutunön yaŋgö keuŋi jim teköiga qahö ayuhumapmö, kunŋan Jisös qahö möt narim waŋgizawi, Anutunön yaŋgö keuŋi lök jim teköiga malja. Anutugö Nahönŋi mohotsirikö qetŋi qahö möt narizawaŋgöra aka könöp siagö buŋaya akŋa. ¹⁹Anutunön gölme ambazip keunini jim tekömakzawi, miangö kónaŋi kewö: Asakŋan lök gölmenön eta asuhuyökmö, ambazipnön ahakmeme bölöŋi bölöŋi aka memba malget. Mewö mala Anutugö asakŋi tököba uruŋini söŋaupkö ahakmemenön laŋ jöhöba mala kotket.

²⁰“Körek pakpak ahakmeme bölöŋi ahakzei, yeŋön Anutugö asakŋi tököba andö qemakze. Anutunön ahakmemenini bölöŋi bölöŋi mi indela jim engiiga gamuŋini mötpepüköra keŋgötŋini mörakze. Mi möta asakŋaŋgö uruŋe qahö aŋgorakze. ²¹Qahö aŋgorakzemö, kunŋan kun keu ölŋi wuatangöba maljawi, yaŋön ölöp asakŋaŋgö uruŋe kaŋgotma. Anutunön sölölohöm waŋgiiga ahakmemeŋi aka memba malöhi, miangöra ahakmemeŋi miaŋön aukje asuhumapköra mötza.” Mewö.

Jon O-melun azinön Jisösgö kónaŋi jim miwikŋaiyök.

²²Jisösnön mewö jim teköba kinda gwarekurupŋi eŋguaŋgita Jerusalem siti mosöta Judia prowinsgö miri andöŋe anget. Miangöreŋ anda gwarekurupŋi yembuk sonda tosatŋi toroqeba yembuk mala ambazip o melun mem eŋgiba

malök. ²³Jisösnöñ mewö malökmö, Jonöñ mewöyök miri qetñi Salim miangö kösutñe malök. Miri qetñi Ainon miangöreñ o jök ahöyök aka ambazipnöñ Jongöreñ kangota o melun mem engimapkö qesigetka amqeba mem engiba malök. ^{24m}Nalö miangöreñ Jon mi kösö mire qahö algetka tarök.

²⁵Juda yeñön amöt qem angubingöra böröñini sañgoñmaljema. Mewögöra Jongö gwarekurupñi yeñön Juda azi kunbuk keu miangö goranora aka könahiba jitnakölik jiget. ²⁶Mewö jigetka lömböriiga Jongöreñ kaba kewö jiget mörök, “Ketanamni mötnöñ, azi Jordan o likepñe göbuk maliga nangak könanamñi nangöba jinöñi, yañön ambazip o melun mem engiiga jesöñgöñan mönö yañgöreñ anakze.”

²⁷Jonöñ mi möta kewö meleñnök, “Anutunöñ azi kungöra yuai kun Suepnöhök qahö al wañgibawak ewö, yañön mönö mi buña qem angumamgö osiza. ²⁸ⁿYambuk mala kewö jial, ‘Ni Amötqeqe Tonji Kraist qahö akzalmö, Anutunöñ melaim niñgiiga mutuk kazala yañön andöne kama.’ Nöñön keu mi jiali, iñini mi ölop nanñinak nangöba jiba malbehangö dop akze. ²⁹Miangö keuñi dop ala kewö jimam: Azi kunñan ambi buñañambuk aka ambi memamgöra sösongai keu jim sehiba malja. Mewö maliga azi alañan kösutñe kinda sösongai keuñangö jölñi möta yañgöra önöñi qahö söngaimakza. Miangö dop nöñön Jisösgö alañi aka yañgöra söngaibiga sösongai miañön dölkki uruni kokolak qeiga maljal. ³⁰Jisösgö qetbuñañan qarim sehiiga nöñgöreñan mönö waziiga dop köлма.” Mewö.

Jisösnöñ Suepnöhök eröhangö könani jiyök.

³¹“Dañön euyañgöreñök eröhi, yañön ambazip körek pakpak engongita öngöñgöñi akza. Kunñan gölmenöñ asuhuba gölmeğö buñaya akza aka gölmenöñ malmalgö keuñi jimakza. Suepnöhök eta kayöhanöñ mönö körek pakpak engongita öngöñgöñi akza. ³²Yañön yuai eka möt kutuba malöhi, miangö könani jiba nangöba dangunu ewö kinja. Mewö kinjapmö, nangöñangö keuñi mi ambazip kunñan kun qahö möt angön kölja.

³³“Ambazip kunñan nangöñangö keuñi möt angön köljawi, yañön Anutu ölbölñi akzawangö keuñi mem köhöiiga pöwöwömñi akña. ³⁴Anutunöñ kolek aziñi melaiaba Uñañi Töröñi musa qakñe qahöpmö, keleñmaleleñ wañgimakza. Miangöra kolek aziñan mönö Anutugö keu töhöññi indela jimakza. ³⁵oIwinöñ Nahöññi uruñan jöpaköm wañgimakzawangöra aka yuai pakpak buña qem wañgiba böröñe ali ahöza.

³⁶“Ambazip kunñan Nahöññi möt nariba uruñi melenjawawi, yañön mönö kunbuk letota malmal köhöikñangö buñaya akza. Kunñan Nahöññangö keuñi qahö tem kölakzawi, Anutugö irimsesewölñan mönö yañgö qakñe öngöba pöndañ kini malmal köhöikñangö könani qahö ek kutuba önewat lañ malja.” Mewö

Jisösnöñ Samaria ambi kunbuk keu eraum mörohot.

4 Jisösnöñ mewö ambazip kusum engiiga gwarekurupñi aketka o melun mem engiba mewö miañön Jon O-melun azi luhut ala malöhi, keu

^m3:24 Mat 14.3; Mak 6.17; Luk 3.19-20
^o3:35 Mat 11.27; Luk 10.22

ⁿ3:28 Jon 1.20

mi Farisi (Köna keugö kapaṅkölköl) yeṅgö kezapṅine gei mötket. Yeṅön mi mötkeri, buzup mi jiget sehiba Kembugö kezapṅe gei mörök. ²Jisösnöṅ nanṅak ambazip qahö o melun eṅgiyökmö, yaṅön jiiga gwarekurupṅan mi aket. ³Mi möta Judia prowins mosöta liliṅgöba kunbuk Galili prowinsnöṅ göröken anget. ⁴Köna mewö anda Samaria prowins oṅgita anget.

⁵Oṅgita anda Samaria prowinsgö taonṅi kun qetṅi Sikar miangöreṅ aṅgorök. Sikar taon mi Jeikobnöṅ gölme bahöṅi kun nahöṅi Josef waṅgiyöhi, miangö kösutṅe ahöza. ⁶Jeikobkö o lömṅi diginṅambuk mi Sikar taonöṅ ahöza. Jisösnöṅ köna kayöhaṅgöra aka sileṅi lömböriiga silim bibiṅe o lömṅi miangöreṅ aṅgota kösutṅe eta tarök.

⁷O löm kösutṅe tariga Samaria ambi kunöṅ o umangö kayök. Kaiga Jisösnöṅ eka kewö jii mörök, “Gi ölop o niṅginöṅga nembileṅak.” ⁸Nalö miangöreṅ gwarekurupṅan nene bohonṅi memingöra i mosöta taonöṅ angetka nanṅirök kinohot.

⁹Juda ambazipnöṅ Samaria prowins qepureim eṅgiba yembuk köisirik qahö maljema aka pake mohot miangön o qahö uzema. Mewögöra nanṅirök kinohot miangöreṅ ambinöṅ kewö jii mörök, “Gi Juda azia aiga ni Samaria ambiapmö, denöwögöra ‘O niṅginöṅga nembileṅak,’ jiba qesim niṅgizan?”

¹⁰Jisösnöṅ qeqesi mi möta kewö melenṅ waṅgiyök, “Gi Anutu kalemṅaṅgö könaṅi möt kutunöṅga dop kölbawak. Daṅön ‘O niṅginöṅga nembileṅak,’ jiba qesim gihizawi, yaṅgö könaṅi möt asaribanak ewö, i mönö qesinöṅga malmalgö oṅi gihibawak.”

¹¹Mewö jiiga kewö jii mörök, “O ketajamni, o umangö pakegi kun qahö ahöza aka o löm kianṅön mönö

diginṅambuk akza. Miangöra malmalgö ogöra jizani, mi mönö denikeyök miwikṅainöṅga ahubawak? ¹²Isik bömönini Jeikob yaṅön o lömṅi ki neṅgiyök. Yaṅön mutuk nanṅak aka yaṅgö andöṅe nahönurupṅan ki kaba o uba nempa maljema aka bulmakau kambuṅi kambuṅi o eṅgigetka nempa maljema. Gi Jeikob oṅgita öṅgöṅgöṅi aka ambazip o mem sehim eṅgimamgö jizan me?”

¹³Mi möta Jisösnöṅ kewö melenṅök, “Ambazip körekṅan o ki nembagun mönö kunbuk ogö kömumba nemingö mörakṅe. ¹⁴Mewö malmemö, nöṅön kungöra o waṅgimami, yaṅön mi nembagun nalö kunöṅ ogö kunbuk qahö kömuma. Mewö qahöpmö, o waṅgimami, mi mönö yaṅgö uruṅe letota malmalgö o jeṅi jöpjöpökṅi qahö aiga malma. Mewö mali mönö uzumgöba malmal köhöikṅi tetekṅi qahö waṅgimakṅa.”

¹⁵Mewö melenṅniga ambinöṅ jiyök, “O ketajamni, gi mönö o mia niṅginöṅga nemi. Mi nembagun nalöṅi nalöṅi kunbuk ogö qahö kömumbileṅak aka o umangöra ki könasöksök qahö tibileṅak.”

¹⁶Mi jiiga kewö jim kutum waṅgiyök, “Gi mönö anda apki waṅgita ki kamahot.”

¹⁷Mewö jim kutum waṅgiiga “Ni apni qahö,” jiba melenṅök. Melenṅniga kewö jii mörök, “Gi ‘Apni qahö,’ keu mi törörök jizan. ¹⁸Gi ölna azi 5 eṅgömempa malnöṅ aka merak kun memba maljani, yaṅön mönö göhö apki qahö akza. Keu jizani, mi öl töhöṅna.”

¹⁹Ambinöṅ mi möta kewö jii mörök, “Ketajamni, gi mönö kezapqetok azi qainṅi kun akzan. Nöṅön tandöki mewö gek kutum gihizal. ²⁰Nengö amböskonurupṅinan kundunṅi kondela kianṅoreṅ öṅgöba sipköba köuluköba

malgetmö, Juda eñon kewö jimakze, ‘Samaria eñon mönö Jerusalem sitinön öngöba jöwöwöl jikenön sipköba köulukögetka dop kölja.’”

²¹ Mi möta Jisösnön kewö jim kutuyök, “O ambi, nalö kun kam kuñguma. Injini nalö miangörej Iwi waikñi memba möpöseibingöra kundunji kiangörej me Jerusalem miangörej qahö öngöba malme. Gi keu mi ölop möt narinönga dop kölma. ²² Samaria injini Anutugö könani törörök qahö möt kutuba töndup yangö waikñi lañ memba möpöseimakze. Amötqeqegö könani mi Juda neñgö sutnine aukñe asuhuba ahöza. Miangöra Juda neñon Anutuninangö könani möt kutuba waikñi memba möpöseininga dop kölja.

²³ “Töndup nalö kun kewö asuhuma: Nalö miangörej Uña Töröñan ambazip sölölohöba inahöm eñgiiga keu ölni wuatangöba Iwi waikñi memba ölna möpöseiba malme. Iwininan ambazip mewöñi jarum eñgiba asuhumegöra sihimñi möta malja. Nalö murutñi miangön mönö lök kam kuñguba döli ahöza. ²⁴ Anutunön Uñaya akza. Miangöra Uña miangö waikñi memba möpöseimakzei, yeñon mönö Uña Töröñan sölölohöba inahöm eñgiiga keu ölni wuatangöba möpöseiba malme.”

²⁵ Jisösnön mewö jim kutuiga aminön jii mörök, “Amötqeqe Tonji qetñi Kraist qetzei, yangön kamangö akza, mi mötzal. Yangön kamawi, nalö miangörej mönö keu pakpak indel neñgiiga mötpin.”

²⁶ Jisösnön keu mi möta könani kewö indelök, “Göbuk ki kinda keu eraum mötziri, nöñon mönö mia akzal.” Mewö.

Gwarek yeñon kaba yetpuk toroqeget.

²⁷ Könañamñi indeliga gwarek yeñon miangörejök lilingöba kaget. Kaba ambibuk eraum mörohot, mi eka welip-

kögetmö, kunön kewö qahö qesiyök, “Gi denöwögöra yambuk keukeu jizahot?” me “Wanigöra ak gihiza?” Mewö qesibingö mötketmö, körekñan ölon tatket.

²⁸ Ölon tatketka aminön o pakenji mosöta taonön anda ambazip yeñgöra kewö indela jii mötket, ²⁹ “Mötket! Nöñon azi kun miwikñaibiga yuai pakpak aka malali, miangö könani indela jii mötzal. Miangöra yangön mönö Amötqeqe Tonji Kraist akapuk. Mönö nanñinak kaba azi mi ekñe.” ³⁰ Keu mi möta taon mosöta öröba Jisösgörej anget.

³¹ Gwarek yeñon nalö sutje miangörej Jisös qesim wangiba kewö jiget, “Ketañamni, ölop nene nenön.”

³² Mewö jigetmö, kewö jiyök, “Nöñon neneñamni qainñi kun memba maljali, injini miangö könani qahö möt kutuze. Qahö!”

³³ Mi möta nanñini qesim anguba kewö jiget, “Kunñan nene kun memba kaba wangiza me denöwö?”

³⁴ Mewö jigetka kewö jii mötket, “Melaim niñgiiga kayali, nöñon yangö jitñi tem köla nupñi mem sorokömakzali, miangön mönö nöngö neneñamni akza. ³⁵ Injini keu kewö jibepuk, ‘Köiñ 4 kunbuk ahöiga ölöm-izi-izi nalöñan töröma.’ Mötket, nöñon miangöra kewö jizala kezap alget: Nup bonji ketani miangö ölninan lök öliiga meme nalöñinan kam kuñguza. Injini mönö jeñini uget aniga mi uruñine ek kutume. ³⁶ Tosatñan mutuk keu kötñi qesinña gila malgetka ölnan nalö kewöñe asuhiiga tosatñan mi lök tokoba töwañini megetka ambazipñi ambazipñi malmal köhöikñangö buñaya ahakze. Mewö asuhiiga ölni meme yeñon qesin gilgil ambazip yembuk mindiriba mohotñe söñgaiba simbawon mötze.

³⁷ ‘Kunön kötñi qesin giliga kunön ölni mezawi,’ keu mewö jimakzei, mi

keu ölja. Mi Anutugö nup memegö kónaŋi indelja. ³⁸Nöŋön iŋini melaim eŋgibiga nup qainŋi kunöŋ nanŋinak yuai kötŋi qahö kömötkeri, mönö nup miangöreŋ anda ölŋi meme. Tosatŋan mutuk silenŋini qeba nup memba malgetka eŋön yeŋgö kónaŋine anda nup megeraŋgö ölŋi miwikŋaiba memakŋe. Mewö melaim eŋgizal.” Mewö

Samaria ambazip gwötpukŋan uruŋini meleŋget.

³⁹Samaria ambinöŋ keu kewö naŋgöba jiyök, “Nöŋön azi kun miwikŋaibiga yuai pakpak aka malali, yaŋön mönö miangö kónaŋi indela jii mötzal.” Mewö jiyöhaŋgöra Samaria ambazip gwötpukŋan Sikar taon miangöreŋ uruŋini meleŋda Jisös möt narim waŋgiget. ⁴⁰Möt narim waŋgiba yaŋgöreŋ kaba yembuk toroqeba malmapköra kapaŋ köla qesigetka silim yahötkö dop toroqeba miangöreŋ malök.

⁴¹Mewö mala keu jiba malöhaŋgöra aka gwötpukŋan Jisös möt nariba toroqem waŋgigetka kambuŋini qariyök. ⁴²Toroqem waŋgiba ambigöra kewö jiget, “Azi kianŋön ölŋa gölmeŋi gölmeŋi neŋgöreŋ Amötqeqe Tonina akza. Neŋön mi göhö keugörök qahö toroqeba möt narizimö, mi naninak kezap ala möta möt kutuzin.” Mewö.

Jisösnöŋ jembon azi kungö nahönŋi mem ölöwahök.

⁴³Jisösnöŋ Samaria maliga silim yahöt teköiga eŋgömosöta Galili prowinsnöŋ anök. ⁴⁴†Jisösnöŋ nanŋak nalö kunöŋ keu kun kewö naŋgöba jiyök, “Kezapqetok ambazip kunŋan nanŋe miri gölmeŋöŋ maliga yaŋgöra qahö mötket öŋgöiga göda qahö qem waŋgimakze.”

⁴⁵†Mewö jiyökmö, töndup nalö miangöreŋ nanŋe Galili prowinsnöŋ kaŋgoriga miangöreŋ mewöyök tosatŋan jölöŋi jiget. Yeŋön ak-kömükömu kendongöra Jerusalem sitinöŋ öŋgöba Jisösnöŋ kendon nalöŋe aŋgöletot meyöhi, mi pakpak eka mötket. Miangöra nalö miangöreŋ ölop köl öröm waŋgiget.

⁴⁶†Galili prowins yeŋön köl öröm waŋgigetka miri qetŋi Kana mutuk o meiga letota wain ahöhi, miangöreŋ kunbuk kayök. Taon qetŋi Kaperneam miangöreŋ kiŋ kembugö jembonŋi kun malök. Yaŋgö nahönŋan kawöl yöhöiga ahöyök.

⁴⁷Ahöba kömumangö ahök. Miangöra Jisösnöŋ Judia prowins mosöta Galili uruŋe kayöhi, yaŋön miangö buzupŋi möta Jisösgöreŋ anda kewö qesim waŋgiyök, “Gi ölop kaba nahöni mem ölöwak waŋgiman.” ⁴⁸Qesim waŋgiiga kewö jii mörök, “Iŋini ni öne qahö möt narim niŋgimeangö dop akzei, mi qahö dop kölja. Nöŋön aŋgöletot aiwesök membi ekagun mönö amqeba ni möt narim niŋgiba uruŋini meleŋbeak.”

⁴⁹Mewö jii mörökmö, jembonöŋ kewö jiyök, “Ketaŋamni, nahönan kömumba-püköra mönö ösumok kaman.”

⁵⁰Mewö jiiga meleŋ waŋgiyök, “Nahöŋan mönö ölöwaka malma. Miangöra mönö ölop lilingöba anman.” Mewö meleŋ waŋgiiga yaŋön mi möt nariba lilingöba anök. ⁵¹Anda könanöŋ maliga welenqeqeurupŋan kaba miwikŋaiba kewö jiget mörök, “Nahöŋan lök ölöwaka malja.”

⁵²Mi möta qesim eŋgiba jiyök, “Wani nalönöŋ könahiba ölöwahök?” Mewö jiiga jiget mörök, “Uran mare wan kilok miangöreŋ sile könöpŋi mosörök.”

⁵³Mi möta mötmötŋi kewö ahuba

asariyök: Aha! Jisösnöj “Nahöngan mönö ölöwaka malma,” jiyöhi, mönö aua miangöreñök ölöwahök. Keu mi möt asariba i aka saiwaurupji pakpak yeñon uruñini meleşda Jisös möt narim wangiget.

⁵⁴Jisösnöj Judia mosöta Galili prowins uruñe kaba angöletot kun ki meiga yahöt ahök. Mewö.

Jisösnöj Betesda o angö jitle azi kun mem ölöwahök.

5 Könañgep nalö kunöñ Juda yeñgö kendon ketani kun töriiga Jisösnöj Jerusalem sitinöñ öngöyök. ²Jerusalem sitigö selnöñ nangu kun mi lama yeñgöra ahöyök. Miangö kösutje o angö kun qetji Hibru keunöñ Betesda qetkeri, mi ahöyök. Miangö göranje luhut miri köröpñi ketani 5 tatket. ³Luhut miri 5 miangö uruñe kawöl ambazip kambu ketani ahözema. Tosatjan jeñini gömölii tatket. Tosatjan simalokon aka tatket. Tosatjan likepñini kömukömuña tatket.[‡]

⁴Nalö tosatje Kembangöreñ garata kunöñ eta o angönöñ timjaliiga unduzapma. Onöñ unduiga nalö miangöreñök kunjan mutuk angönöñ geiga kawölñi mi me mi mianön ölöwahakzapma. Miangöra mamböta tatket. ⁵Miangöreñ azi kun yambu (yara) 38 miangö dop kawöl yöhöiga ahömalök. ⁶Miangöreñ ahöiga Jisösnöj kangota eka lök nalö köröp tigtñi kawöl yöhöi ahöba malöhi, mi möta kewö qesim wangiyök, “Gi ölöwakñangö ak gihiza me qahö?”

⁷Qesim wanggiiga kewö meleş wangiyök, “O Kambu, onöñ unduba

ötöñ qeiga alani dañon noangita o angönöñ anda al niñgibawak? Alani mewöñi kun qahö malja. Nanak anmangö möta esapköba malali, nalö miangöreñök tosatji yeñgöreñök kunöñ ni noñgita anda gemalget.”

⁸Meleş wanggiiga Jisösnöj jii mörök, “Gi mönö wahöta tumbulahöpki memba anöñ.” ⁹Mewö jii möta miangöreñök ölöwaka tumbulahöpñi memba anök. Anökmö, yuai mi Sabat kendonöñ asuhuyök. ¹⁰“Miangöra Juda yeñon azi ölöwahöhi, yanğöra kewö jiget mörök, “Merak Sabat kendon akza. Miangöra tumbulahöpki memba angunöñga qahö dop kölja.”

¹¹Mi möta kewö meleşni mötket, “Möhamgöm niñgizawañon mönö kewö jim teköm niñgiza, ‘Gi mönö tumbulahöpki memba anöñ’.”

¹²Mi möta kewö qesim wangiget, “Azi dañon göhöra ‘Tumbulahöpki memba anöñ,’ jiza?”

¹³Qesim wangigetmö, Jisösnöj mem ölöwahiga ambazip kambu ketanan ölökögetka yeñgö sutñineyök sömuniba anök. Miangöra dañon mi ak wangiyöhi, mi qahö möta tönpin kinök.

¹⁴Miangö andöñe jöwöwöl jike tohon uruñe öngöiga Jisösnöj miangöreñ miwikñaim wangiba qambañ keu kewö jii mörök, “Mötnöñ, gi lök ölöwakzan. Miangöra ayuayuhu törösait bölöñi kötökñi kun asuhum gihibapüköra mönö siñgisöndok kunbuk kude aka malman.”

¹⁵Azi ölöwahöhi, yanğon Jisös ek kutuba anda Juda jitlemememe yeñgöra kewö jii mötket, “Azi mem ölöwak niñgiyöhi, yanğö qetji Jisös.” ¹⁶Mi möta Jisösnöj Sabat kendonöñ nup mewöñi

[‡]5:3 Mötmöt ambazip tosatjan kewö mötmörimakze: Könakönahije jabö 3:gö ki tipñi teteköñi aka jabö 4 mi kewö ohoget ahöyök: Yeñon o angönöñ gwözöñda undumapkö mamböta tatzema.

meyöhi, Juda jitnememe yeñon mi-anğöra aka sesewerowo ak wañgiba malget. ¹⁷Mewö malgetmö, Jisösnöñ kewö meleş engiyök, “Nöñgö Iwinan sundan dop nup memakza aiga nöñon mewöñanök mi memakzal.”

¹⁸Mewö meleş engiba ambazip Sabat kendongö keu tosatñi toroqeba algetka Jisösnöñ mi ahakmemejan qeapköba yeşgö jeñine şiñgisöndok ahök. Şiñgisöndok mi toroqeba Anutugöra ‘Iwini’ jiba Anutu tandök ewö maljawañgö dop aka nanñi mem öñgöyök. Juda ambazip yeñon yuai yahöt miangöra aka möt kömbuhiba kapan köla Jisös qebingö jim köhöiget. Mewö.

Malmal gulimapkö kukösumñi mi Jisöşgöreñ ahöza.

¹⁹Mewö aketmö, Jisösnöñ keu kewö jii mötket, “Nöñon keu öl töhöññi kun kewö jibi mötket: Nahönöñ nanñi uruñangö yuai kun qahö memakzapmö, Iwinöñ yuai memakzawi, Nahönñan mönö mewöñanök memakza. Miangöra Iwinöñ yuai meiga ehakzawi, yañon mönö miyök memakza. ²⁰Iwinöñ Nahönñi urunöñ jöpaköm wañgiba mala nanñak nup memakzawi, mi pakpak kondel wañgimakza. Miangöra aņgöletot eka maljei, mi yuai eretñi. Miangö ölni mi könaņgep kondel engüiga eka nemböñini teköi welipköba malme.

²¹“Kun kewögöra welipköme: Iwinöñ ambazip kömükömuñi engömindiiğa gulimakze. Nahönñan mönö miangö dop mewöñanök ambazip köhömuñi niñia gulimegö mötzawi, mi engömindiiğa gulimakze. ²²Mewöñanök Iwinöñ kungö keuñi qahö jim tekömakzapmö, jimteköteko

nupkö kukösumñi pakpak mi kewögöra Nahönñangö böröñe ali ahöza:

²³“Ambazip Iwi göda qem wañgimakzei, miangö dop körekñan Nahönñi göda qem wañgimegöra mötza. Iwinöñ Nahönñi melaim wañgiyök. Miangöra kunñan Nahön qahö göda qem wañgizawi, yañon mönö Iwi mewöyök göda qahö qem wangiza.

²⁴“Miangöra nöñon keu öl töhöññi kun kewö jibi mötket: Kunñan nöñgöreñ Buña keu möta mötmöriba ni melaim niñgiyöhi, i möt narim wañgiza ewö, yañon mönö malmal köhöikñangö buñaya akza. Nöñon keuñi jim teköbiba köñöp siagö buñaya qahö akña. Kömup köhöikñangö likepñi mosöta jabö kutuba malmal köhöikñangö likepñe aņgota mal öñgöma.

²⁵“Nöñon keu öl töhöññi kun kewö jibi mötket: Nalö kun kama aka nöñgöra aka lök kam kuñguza. Nalö miangöreñ şiñgisöndok aka uru köhömuñi akzei, yeñon Anutugö Nahönñan keu qeri mötme. Mi möta tem kölmeañon mönö guliba köhöiba malme. ²⁶Mi kewögöra: Iwinöñ nanñak malmal köhöikñi kondorakzawi, miangö dop malmal gulim köhöimapkö kukösumñi mi Nahönñi wañgii yañon mewöyök ambazip mem gulim engimakza. ²⁷Yañon Suep gölmegö Azi Ölni maljawañgöra aka Iwinöñ ambazip keuñini jim tekömapkö kukösumñi mewöyök yaņgö böröñe ali buñani ahök.

²⁸“Nöñon keu kötni jizali, miangöra mönö kude aurume. Nalö kun kam kuñgumawi, miangöreñ körek pakpak qaksirinöñ ahözei, yeñon mewöyök qet qetmawi, mi mötme. ²⁹Qetñi mi möta wahöta aukñe asuñgetka ahakmeme ölöpñi aka malgerañon malmal köhöikñe öñgömemö, ahakmeme bölöñi

aka malgeri, nõñon yeᅅgö keuᅅini jim teköbiga kömup köhöikᅅaᅅgö buᅅaya akᅅe. ³⁰Nõñon nani urunaᅅgö yuai kun nanak aka memaᅅgö osizal. Ni Iwigö jitᅅe mörakzali, mönö miaᅅgö dop ambazip keuᅅini jim teköm eᅅgimakzal. Nani imbināᅅgö dop laᅅ qahö memakzalmö, melaim niᅅgiyöhi, mönö yaᅅgö keuᅅi wuatāᅅgömakzal. Miaᅅgöra jimtekötekö keuni jimakzali, mi mönö dopᅅeyök asuhumakza.” Mewö.

Tosatᅅan Jisösgö könaᅅamᅅi naᅅgöba jiget.

³¹“Nõñon nani könaᅅamᅅi naᅅgöba jibileᅅak ewö, keuni miaᅅñon ölop qahö köhöibawak. ³²Alani kunöᅅ nõᅅgö könaᅅamᅅi naᅅgöba jimakza. Yaᅅñon nõᅅgöra keu jimakzawi, miaᅅñon mönö köhöiba öᅅᅅambuk akza, mi mötzal. ³³WInjini jitᅅememe melaim eᅅgigetka Jongöreᅅ kagetka keu öᅅᅅaᅅgö dop nõᅅgö könaᅅamᅅi indela jiba naᅅgöyök.

³⁴“Jiba naᅅgöyökmö, nõñon gölme azigö naᅅgönaᅅgö keuᅅi mi möta qahö mötpi öᅅgöza. Qahö öᅅgözapmö, Jongö naᅅgönaᅅgö keugöra jimakzali, mi mönö iᅅini nalö kewöᅅe letotketka Anutunöᅅ bohonᅅini jöhömapköra aka jimakzal. ³⁵Jonöᅅ kiwa ketāᅅi aka öᅅᅅᅅanök jeba asariyökmö, iᅅini nalö köröᅅᅅi qahöpmö, töroᅅtökᅅanök yaᅅgö asakᅅe laᅅ söᅅgaibingö sihimᅅi mötket.

³⁶“Jonöᅅ könani töroᅅtökᅅanök jiiga mötketmö, kunöᅅ mi naᅅgöba jimakzawi, yaᅅgö keuᅅan mönö Jongöreᅅ naᅅgönaᅅgö keu oᅅgitza. Nani Iwinan nupᅅi al niᅅgii membiga öᅅᅅi asuhumakza. Öᅅᅅi miaᅅñon mönö könaᅅamᅅi kewö naᅅgöba indelakza: Iwinöᅅ mönö melaim niᅅgii jitᅅe memēᅅi akzal. ³⁷xIwinöᅅ melaim

niᅅgii erali, yaᅅñon könaᅅamᅅi naᅅgöba jiba malök. Iᅅini nalö kunöᅅ yaᅅgö keu kourukᅅi qahö mötket aka kaisoᅅgolomᅅi qahö eket. ³⁸Yaᅅñon niᅅᅅa melaiᅅga eröhi, iᅅini i qahö möt narim waᅅgize. Miaᅅgöra yaᅅgö keuᅅan mönö eᅅgö uruᅅine qahö kinja.

³⁹“Iᅅini malmal köhöikᅅaᅅgö könaᅅi mi Buᅅa Kimbinöᅅ aᅅm eᅅgiza, mewö mötmöriᅅa mi oyöᅅda uru könöᅅᅅine ala Sueᅅkö buᅅaya akingö mötze. Mewö mötzeᅅmö, kimbiᅅi kimbiᅅi pakpak mieᅅñon mönö nõᅅgö könaᅅamᅅi naᅅgöba indelakze. Mi möt yaköze me qahö? ⁴⁰Naᅅgönaᅅgö keu gwöᅅᅅᅅuk aᅅözapmö, iᅅini malmal köhöikᅅi buᅅa qem aᅅᅅubingöra nõᅅgöreᅅ kabingö tökömakze.

⁴¹“Gölme ambazipnöᅅ qetbuᅅa niᅅgigetka qarimapköra qahö mambötzal. Mi niᅅgigetka mötpi qahö öᅅgöi maljal. ⁴²Mewö maljalmö, eᅅgö könaᅅamᅅini mi kewö aᅅöza, mi mötzal: Iᅅini uruᅅini Anutugöreᅅ qahöpmahöᅅ jöhöba urukalem qahö ak waᅅgiba malje. ⁴³Nõñon Iwināᅅgö qetᅅi qeta kabiga iᅅini andö qem niᅅgimakzeᅅmö, kunöᅅ nanᅅi qetᅅi qeta kamawi, iᅅini mönö i ölop möt aᅅᅅön köla köᅅ örom waᅅgime.

⁴⁴“O iᅅini nanᅅini möᅅöᅅeim aᅅguba qetbuᅅaᅅini qarimapkö mötket öᅅgöza. Öᅅgözapmö, bem mohotᅅan Anutu öᅅᅅi akzawi, yaᅅñon qetbuᅅa eᅅgimapaköra qahö kapāᅅ köᅅje. Mewö aködāᅅunᅅi-nambuk akᅅegöra qahö jaram tiba kinje. Miaᅅgöra denöwö ni möt narim niᅅgibeak? Mi mönö osibeak.

⁴⁵“Nõñon iᅅini ‘Iwigö jemesoholᅅe keu jakeᅅe al eᅅgimam,’ mewö mötmöriᅅabepuk. Iᅅini Mosesgö keugö jöromqörom al waᅅgiba Sueᅅ mire öᅅgöbingö mamböta maljemö, Anutugö jeᅅe aᅅgotketka Mosesnöᅅ nanᅅak

Anutugö keu jakeŋe ala jim aum engiiga gamuŋini mötme.

⁴⁶“Mi kewögöra: Mosesnön nönögö könaŋamni jim asariba Buŋa Kimbinön ohoi ahöza. Miangöra Moses möt narim waŋgibeak ewö, mönö nia möt narim niŋgibeak. ⁴⁷Mewömö, Mosesgöreŋ kimbua qahö möt nariba tem köljeaŋgöra mönö nönögö keuni mi denöwö möt naribeak? Mi kupuk-kapakŋambuk akapuk.” Mewö.

Jisösnön azi 5000 nene gumohom engiyök.

Mat 14.13-21; Mak 6.30-44; Luk 9.10-17

6 Miangö andöŋe Jisösnön Galili o aŋgö, qetŋi kun Taiberias o aŋgö qetkeri, mi kutuba likepŋe aŋgorök. ²Kawöl ambazip möhamgöm engii aŋgöletot asuhui ekerangöra aka ambazip kambu jesöŋgöŋan Jisösgö andöŋe wuatangöba kaget. ³Jisösnön gwarekurupŋi engömeiga kundunŋe öngöba tatket.

⁴Nalö miangöreŋ Juda neŋgöreŋ ak-kömükömu kendonön törüyök.⁴

⁵Jisösnön je ui aniga ambazip kambu jesöŋgöŋan yaŋgöreŋ kaŋgotkeri, i eŋgeka Filipköra jiyök, “Nini nene denikeyök bohonŋi meinga kambu mewöŋan nem timbireŋ aketka dop kölbowak?” ⁶Yuai akŋamgö ahöhi, mi nanŋak mörökmö, keu mi Filip esapköm waŋgiba jiyök.

⁷Mewö jiiga kewö melenök, “Nene beret silim 200:kö töwaŋi (Kina 1000,-) mianön bohonŋi memba mendeŋninga körek yeŋön kitipŋanöhök nembeak aka töndup qahö dop köl engibawak.”

⁸Mewö jiiga gwarekurupŋi yeŋgöreŋök kun qetŋi Andru, Saimon Pitögö munŋan kewö jii mörök, ⁹“Azi

moröŋi kun kiangöreŋ malja. Yaŋgöreŋ bali⁸ beret 5 aka söra yahöt ahözapmö, ambazip sehisehŋi kewö kagetka yeŋgöra mi qahö dop kölma.”

¹⁰Jisösnön jiyök, “Iŋini mönö ambazip kambu ki jiba mendeŋ engigetka nene nemingö eta tatme.” Gölme miangöreŋ kegwaŋ luplup gwötpuk ahöyök. Miangöra azi jaŋgöŋini 5000:gö dop yeŋön gölmenön eta tatket.

¹¹Eta tatketka Jisösnön beret mi memba saiwap jiba ambazip tatkeri, mendeŋda engiyök aka söra mi mewöyök mendeŋda sihimŋinan jigerangö dop engiyök. ¹²Mendeŋda engiiga memba nem timbireŋ aketka Jisösnön gwarekurupŋi kewö jii mötket, “Nene kitipŋi ayuhubapuköra mi mönö qezaköget.” ¹³Mewö jiiga möta bali beret 5 miangöreŋök memba kitipŋi kitipŋi mosötket taröhi, mi qezakögetka sakap 12 miangöreŋ geba kokolak qeyök.

¹⁴Jisösnön aŋgöletot mewö mei asuhuiga ambazipnön eka welipköba jiget, “Kezapqetok azi gölmenön asuhumapkö jigeri, yaŋön mönö ölŋa mia akza.” ¹⁵Mewö jiba Jisösgöra köiraŋ ala kiŋ kembuŋini akŋapkö mötmöriget. Mötmöriba kaba liliköm waŋgiba walimgöba kiŋ kuŋgum waŋgibingö aket. Mewö möt kutuba eŋgek tököba engömosöta kunbuk kundunŋe öngöba nanŋök malök. Mewö.

Jisösnön o aŋgö qakŋe tiba tiba anök.

Mat 14.22-33; Mak 6.45-52

¹⁶Neget teköiga mare aiga Jisösgö gwarekurupŋi yeŋön o aŋgögö jitŋe geget. ¹⁷Geba waŋgenön öngöba gölme mi mosöta o aŋgö kutuba likepŋe

⁸6:4 Anutunön mönöwök neŋgehoriba neŋgongiröhi, Juda yeŋön miangöra yambu (yara) dop nalö ala söŋgaimakze. Nei keunön qetŋi Pasowa jize. Eksodus 12.15

⁸6:9 Bali mi padi, wit, out aka sehoŋ miangö alaŋini kun.

Kaperneam mire göröken anget. Angetka miri söñaum teköiga Jisösnöj töndup yeñgöreñ qahö asuhuyök. ¹⁸Angetka luhut köhöikñanök giliga o anğönöñ könöpuk kunduta öngöba erök.

¹⁹Öngöba eriga lökuatnöñ qeba nañgöba 5 me 6 kilomita miangö dop angetka Jisösnöñ o anğö qakñe tiba tiba wañge kösutñe kaiga eka auruba keñgötporiñ aket. ²⁰Mewö mötketka kewö jii mötket, “Nanak kazal. Keñgötñini kude mötme.” ²¹Mewö jii möta Jisösnöñ wañgenöñ öngömapkö jigetka öngöyök. Öngöiga wañgeñinan miangöreñök ösumok eñguangita gölme gorañe anbingö akeri, miangöreñ angotket. Mewö.

Ambazip yeñön Jisösgöra um jarum bibihiget.

²²Miangöreñ angotketka miri gĩañiga ambazip kambu ketañi yeñön o anğö likepñe toroqeba mala kewö mötmöriget, “Uran wañge mohotñan tari ehinga Jisösnöñ gwarekurupñi yembuk wañgenöñ qahö öngöba anök. Jisös umbula nanñinök anget. Wañge murutñi kun qahö ehin. Miangöra Jisösnöñ kunbuk ki malja.”

²³Mewö mötmöriba tosatñan kewö jiget, “Wañge mohotnöñ angetmö, ölna, Taiberias taonök wañge tosatñi kaget. Wañge mi Kembunöñ beretköra saiwap jiiga nempa tarini, mönö gölme miangö kösutñe kagera Jisösnöñ wañge miengöreñök kunöñ öngöba anök me denöwö?” ²⁴Ambazip kambu yeñön mewö jiba Jisös aka gwarekurupñi miangöreñ qahö miwikñaim eñgiget. Mewö eka möta mewöñanök wañgenöñ öngöba Kaperneam taonöñ anda Jisös jaruget. Mewö.

Jisösnöñ malmal köhöikñangö neneñi akza.

²⁵Ambazipnöñ Jisös jaruba o anğö likepñe yuke göröken miwikñaiaba eka kewö jiget mörök, “O Ketañamnini, gi mönö wani nalönöñ ki kazan?”

²⁶Mewö jigetka kewö meleñ eñgiyök, “Nöñön keu öl töhöññi kun kewö jibi mötket: Inini anğöletot memb i ekeranğöra aka ni qahö jarum niñgizemö, nene beret kötuetsköbi nempa nem timbireñ akeri, mönö miangöra ni nutaangöba ki kaze. ²⁷Nene ayapkömawi, mi miwikñaiabingöra urukönöp kude aka malmemö, urugö neneñan malmal köhöikñi eñgimakzawi, mönö mia buña qem anğubingöra kapañ köla malme. Iwi Anutunöñ muñgem silimbann i Suep gölmeğö Azi Ölni wañgiiga kukösumñan walöñniga ölop urugö nene eñgiiga oyaenköyaen akeñ. Mewö aka mal köhöiba kömumba toroqeba teteköñi qahö malme.”

²⁸Mewö meleñ eñgiiga kewö qesim wañgiget, “Anutugö sihimñangö dop ahakmeme tandökñi mönö denöwö ahinga dop kölbawak?”

²⁹Qesim wañgigetka kewö meleñnök, “Anutunöñ azi melaim wañgiyöhi, inini i möt narim wañgiba malme. Ahakmeme miangön mönö Anutu sihimñangö dop akza.”

³⁰Mewö meleñniga kewö qesim wañgiget, “Mewö aiga gi kunbuk wani anğöletot kukñambuk kun menöñga eka möt narim gihibinak? Gi mönö wani yuai kun Mosesnöñ ahök, miangö dop aka memañ? ³¹YBuña Kimbi kun kewö ohoget ahöza, ‘Yañön Suepnöhök nene beret eñgiiga neget.’ Keu miangö dop nanine ambösakon yeñön gölme qararañkölkölñe anda mala nene qetñi mana nempa malget aka gi mönö

kónaŋamgi Moses ongita denöwö kondelbanak?”**

³² Qesim waŋgigetka Jisösnöŋ kewö jii mötket, “Injini miangö kónaŋi ölop qahö möt kutuze. Nöŋön keu öl töhöŋŋi kun kewö jibi mötket: Mosesnöŋ angöletot Toŋi qahö ahök. Yaŋön nene beret mi Suepnöhök qahö eŋgi negetmö, nani Iwinan mönö Suepnöhök beret ölbölŋi eŋgimakza. ³³ Anutugö nene beret mi mönö Suepnöhök eta asuhuba gölme dop ambazip malmal köhöikŋi eŋgimakza.”

³⁴ Mewö jii möta kewö jiget mörök, “O Kembu, gi nalö dop nene beret mi neŋginöŋga memba malbin.”

³⁵ Jisösnöŋ mi möta jiyök, “Nöŋön malmal köhöikŋaŋgö neneŋi akzal. Kunŋan nöŋgöreŋ kazawi, yaŋön nem timbireŋ aka wösöŋi nalö kunöŋ qahö alma. Kunŋan ni möt narim niŋgimakzawi, yaŋön ogöra qahö kömuma. ³⁶ Mewö aigun injini ni nek teköba töndup qahö möt narim niŋgize. Mi mönö lök jibi mötze. ³⁷ Aka töndup Iwinöŋ ambazip tosatŋi niŋgimakzawi, yaŋön mönö körek nöŋgöreŋ kame. Kunŋan nöŋgöreŋ kamawi, nöŋön mönö i qahö yakörimam.

³⁸ “Nöŋön Suepnöhök eta nani imbi-naŋgö dop yuai laŋ aka memba malmamgöra qahö asuhuyal. Mewö qahö. Melaim niŋgiyöhi, mönö yaŋgö jirkö dop nup memba malmamgöra eral.

³⁹ “Melaim niŋgiyöhi, yaŋgö jitsihitŋan kewö ahöza: Yaŋön ambazip nöŋgö böröne al eŋgiiga maljei, nöŋön mi pakpak köyan köl eŋgiba malbiga yeŋgöreŋök kunŋan kun qahö sohoba ayuhuma. Qahö ayuhugetka nöŋön i

nalö ketaje eŋgömindiba mem gulim eŋgimam.

⁴⁰ “Iwinangö jitsihitŋan kewö ahöza: Tosatŋan Nahönŋi eka möt narim waŋgizei, yeŋön körek nalö kewöŋe letota malmal köhöikŋi buŋa qem aŋguba malme. Mewö mal kömugetka nöŋön i nalö ketaje miangöreŋ eŋgömindiba mem gulim eŋgimam.”

⁴¹ Jisösnöŋ mewö jiiga keu kötŋi kun kewö ahök, “Nöŋön malmalgö nene ölni aka Suepnöhök eta asuhuyal.” Mewö jiyöhaŋgöra aka Juda jitrjememe yeŋön möt böliba uruŋinan ihururuk jiba jim waŋgiget. ⁴² Jim waŋgiba jiget, “Azi ki Jisös, Josefko nahönŋa. Yaŋgö iwinamŋi mi ölop möt etkizinmö, mönö denöwögöra ‘Suepnöhök eta asuhuyal,’ jiza?”

⁴³ Mewö jigetka möta kewö meleŋnök, “Uruŋinan mönö kude ihururuk jiba jim niŋgime. ⁴⁴ Iwi ni melaim niŋgiyöhi, yaŋön ambazip qahö öröm eŋgiza ewö, eŋgöreŋök kunŋan nöŋgöreŋ kamamgö osima. Öroi kabawak ewö, nöŋön i mönö nalö ketaje eŋgömindiba mem gulim waŋgimam.

⁴⁵ ^z “Kezapqetok yeŋgöreŋ kimbinöŋ keu kewö ohoget ahöza, ‘Anutunöŋ i körek pakpak kusum eŋgii mötme.’ Iwinöŋ ambazip kusum eŋgii keu möta urukönömŋine ala maljei, yeŋön mönö körekŋanök nöŋgöreŋ kame. ⁴⁶ Ambazip kunŋan Iwi qahö eka malja. Iwigöreŋök eröhi, yaŋön mohot kun mönö i eka malja. ⁴⁷ Nöŋön keu öl töhöŋŋi kun kewö jibi mötket: Kunŋan ni möt narim niŋgizawi, yaŋön mönö malmal köhöikŋi buŋa qem aŋguba mal öŋgöma.

⁴⁸ “Nöŋön malmal köhöikŋaŋgö nene ölni akzal. ⁴⁹ Mötket! Eŋgö ambösakonu-

**6:31 Gölme qararaŋkölkölje Anutunöŋ söŋan dop söŋangö yuai amötŋi, jöhanŋi tuatŋi aka awamŋi juzu paura ewö ali gölmenöŋ ahöi eka yaigep sombemnöŋ anda qezaköba koumŋine kaba beret lölöwöröŋi memba nezema. Eks 16.13-36

ruñinan gölme qararañkölkölje anda mala nene qetñi mana nempa malgetmö, tøndup kömumba gisahöget. ⁵⁰Yeñon kömugetmö, nene beret nalö kewöñe Suepnöhök eta maljawi, kunñan mi nempa mala qahö kömum köhöima.

⁵¹“Nene beret malmalñambuk Suepnöhök eröhi, mi nöñon akzal. Kunñan nene mi nempa malmawi, yañon mönö teteköñi qahö köhöiba malma. Nene wañgiba malmami, mi nöñgö busuni. Gölmeñi gölmeñi yeñon köhöiba malmegöra mi al eñgimam.”

⁵²Jisösnöñ mewö melerñiga Juda jitñememe yeñon sutñine urukönöpñöñ jim qesim añguba jiget, “Yei! Azi ki-añon mönö denöwö aka busuñi neñgiiga nembinak?”

⁵³Mi möta jigetka kewö jii mötket, “Nöñon keu öl töhöññi kun kewö jibi mötket: Inñi Suep gölmeğö Azi ölñangö sepñi aka busuñi qahö neme ewö, malmal köhöikñi miañon mönö eñgö uruñine qahö ahöma. ⁵⁴⁻⁵⁵Nöñgö sepanan o ölñi akza aka nöñgö busunan nene ölñi akza. Miangöra kunñan nöñgö sep busuni nemakzawi, yañon mönö letota malmal köhöikñangö buñaya aka mal öñgöma. Mewö mal kömuiga nöñon i nalö ketañe mindiba mem gulim wañgimam.

⁵⁶“Kunñan nöñgö sep busuni nemakzawi, yañon mönö nömbuk qekötahöba kinakza aka nöñon yambuk kinakzal. ⁵⁷Iwinöñ Malmal Toñi aka melaim niñgiba wötñi aka nam köl niñgiiga köhöiba maljal. Mewöñanök kunñan ni nem niñgimakzawi, nöñon mönö mewöñanök yañgö wötñi aka nam köl wañgibiga ölöp köhöiba malma. ⁵⁸Nene ölñi Suepnöhök eröhi, mi nöñon akzal. Eñgö ambösakonuruñinan Anutugö nene nempa mala kömugetmö, nalö kewöñe eñgöreñök kunñan beret ki nempa malmawi, yañon mönö teteköñi qahö köhöiba malma.”

⁵⁹Jisösnöñ Kaperneam taongö köuluk miriñe kinda keu mi jim kusum eñgiyök. Mewö.

Gwarek gwötpukñan uruñini böliiga Jisös mosötket.

⁶⁰Jisösgö gwarekurupñi yeñgöreñök gwötpukñan keu mi möta jiget, “Keu jit jizawi, miañon mönö keu köt ewö lömbötñambuk akza. Mi möringa uruninan lömböriba bölim teköza. Miangöra mi kunbuk mötpingö ölan neñgöhöiga i mönö mosötpin.”

⁶¹Gwarek yeñon Jisösgö keugöra möt böliba uruñinan ihururuk jiba jim wañgigetka Jisösnöñ mi uruñan eñguañgita möta kewö jii mötket, “Keu jizali, mi möt bölizze me qahö? ⁶²Keu miangöra möt bölizze ewö, könangep mönö denöwö asuhubawak? Suep gölmeğö Azi ölñan mutuk miri mala koröhi, euyangöreñ kunbuk lilingöba öñgöi ekñe ewö, nalö miangöreñ mönö denöwö mötme?

⁶³“Uña Töröñi yañon ambazip mem gulim eñgimakza. Inñi gölme ambinöhök ahuba busuñinambuk akzemö, ahuahü dölökñe qahö ahuba nanñini ösumñinan öne letota Suepkö buña ahak mi qahöpmañöp. Uña Töröñan malmal köhöikñi eñgizawi, nöñon keu kötñi mi jim tuaribi möta malget. ⁶⁴Mewö möta malgetmö, eñgöreñök tosatñan tøndup ni qahö möt narim niñgiba malje.” Denike yeñon qahö möt narim wañgigeri aka dañon könangep mamalolo mem wañgimawi, Jisösnöñ mi könaköñahieyök möta korök. Miangöra mewö jiyök.

⁶⁵Mewö jiba toroqeba jiyök, “Miangöra nöñon kewö jibi mötme: Nöñgö Iwinan ambazip kun qahö inahöm wañgiza ewö, yañon mönö nöñgöreñ kamangö osima.”

⁶⁶Keu miangöra aka gwarek yeñgöreñök gwötpukñan poraiba

ziriŋziriŋ aka mosöta yambuk qahö toroqeba anda kaget. ⁶⁷Miaŋgöra Jisösnöŋ gwarek 12 miengöra kewö jiyök, “Injini mönö mewöŋanök nömosöta anbingö mötze me qahö?”

⁶⁸aMewö jiiga Saimon Pitönöŋ meleşnök, “O Kembu, nini mönö dagörej anbinak? Malmal köhöikjängö Buŋa keuŋi mi mönö göhörej ahöza. ⁶⁹Göŋön Anutuğörej azi sarakŋi akzani, nini mi möt nariba möt asariba maljin.”

⁷⁰Mewö meleşniga Jisösnöŋ möta jiyök, “Nöŋön azi 12 injini möwölöhöm enġial aka enġörejök kunöŋ mönö bölöŋaŋgö bohonŋi akza.” ⁷¹Judas Saimon Iskariotkö nahönŋi yaŋön gwarek 12 yeŋgö sutŋine mala könangep mamalolo mem waŋgiyök. Jisösnöŋ keu mi yaŋgöra möta jiyök. Mewö.

Jisösnöŋ munurupŋi yembuk keu eraum mötket.

7 Juda jitŋememe yeŋön Jisös qebingö kapaŋ kölgeraŋgöra Judia prowins uruŋe anda kamangö tököyök. Miaŋgöra Judia mosöta Galili prowins uruŋe anda liliköba maliga köiŋ tosatŋi teköyök. ²bMi teköiga Juda yeŋgörej kendon kun qetŋi koumkoum miangö nalöŋan töriyök.^{††}

³Miaŋgöra Jisösgö munurupŋan kewö jiget mörök, “Gi kiangörej mala aŋgöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöŋga dop kölma. ⁴Kunŋan nanŋak aukŋe asuhumangö mörakzawi, yaŋön yuai kun tölapŋe qahö memakza.

Aŋgöletot mewöŋi memakzanaŋgöra mönö ambazip kambuŋi kambuŋi yeŋgö jeŋine anda asuhuba könangmi indelman.” ⁵Munurupŋan qahö möt narim waŋgiba tönpin malgeraŋgöra aka mewö laŋ jiget.

⁶Mewö jigetka kewö jii mötket, “Urugö nup aukŋe memangö nalöŋan qahö kam kuŋguiga maljalmö, enġö nalöŋinan mönö sundan dop anmeaŋgö dop ahöza. ⁷Gölme ambazipnöŋ kazik ak enġibingö osimakzemö, nöŋön yeŋgö ahakmemenŋi bölöŋi indela naŋgöba jibi mötzeaŋgöra mönö ni kazik ak niŋgimakze. ⁸Anmamangö nalöŋan mönö qahö kam kuŋguza. Miaŋgöra nöŋön sösongai kendon kiangörej qahö öŋgömam. Nöŋön mire tatpiga injini ölop endu anda öŋgöba söŋgaime.” ⁹Keu mewö jii mötketka Galili prowins uruŋe toroqeba malök. Mewö.

Jisösnöŋ koumkoum sösongainöŋ malök.

¹⁰Jisösgö munurupŋan koumkoum kendongöra angetmö, nanŋak mire tata könangep aukŋe qahöpmö, tölapköba anda Jerusalem öŋgöyök. ¹¹Juda yeŋgö jitŋememurupŋinan sösongai nalöŋe Jisösgö jeŋi jaruba qesiqesi aka kewö jiget, “Azi mi denike?”

¹²Ambazip kambu yeŋön sutŋine Jisösgöra saŋep keu gwötpuk jiget. Tosatŋan “Azi mi ölop sorokŋi,” jigetmö, tosatŋan kewö jiget, “Qahö! Yaŋön mönö ambazip kambu eŋololon ak enġiiga kahapmahap ahakze.”

¹³Mewö mewö laŋ jigetmö, Juda jitŋememe yeŋgöra keŋgötŋini möta

^{††}7:2 Juda yeŋgörej yambu jeŋi qeŋe sösongai kendonŋi mi yambu (yara) dop kewö alget: Wain nupŋine anda ip sinŋi memba koumkoum qeba miangörej ahöba wehön 8 söŋgaiba kendon tata malget. Wehön kondikŋe sösongai öŋgöŋgöŋi alget. Mönöwök gölme qararaŋkölkölŋe yambu (yara) 40 miangö dop opo koumŋine ahöba kaba malgeri, mi mötmöriba söŋgaiget. Lew 23.33-36,39-43; Dut 16.13-15

^a6:68 Mat 16.16; Mak 8.29; Luk 9.20 ^b7:2 Lew 23.34; Dut 16.13

malgeraṅgöra kunṅan yaṅgö keuṅi aukṅe qahö jiyök. Mewö.

**Jisösnöṅ nanṅi könaṅi
ambazip kusum eṅgiyök.**

¹⁴Kendon sösöṅgai bibiṅe malgetka Jisösnöṅ jöwöwöl jike tohoṅ uruṅe öṅgöba könaṅi ambazip kusum eṅgiyök. ¹⁵Kusum eṅgiiga Juda yeṅön welipköba kewö jiget, “Azi ki mötmöt jake öṅgöṅgöṅe qahö öṅgöba töndup Buṅa Kimbigö könaṅi denöwö möt soroköza?” Mewö jiba welipköget.

¹⁶Welipkögetka kewö jii mötket, “Mötmöt Buṅa jimakzali, nöṅön miangö Toṅi qahö akzal. Nanak qahöpmö, melaim niṅgiyöhi, nöṅön mönö yaṅgö mötmötṅi memba kaba jimakzal. ¹⁷Ambazip kunṅan Anutugö jitsihitṅaṅgö dop aka memamgö mötzawi, yaṅön mötmöt jibiga miangö Toṅi daṅön akza, mi möt kutuma. Anutunöṅ Buṅaṅi nöṅgö urune ali asuhuza me nani imbinangö keu laṅ jimakzal?

¹⁸“Kunṅan nanṅi imbiṅe mötmöriba keu jimakzawi, yaṅön nanṅak qet-buṅaṅambuk akṅamgö mötza. Mewö mötzapmö, melaimelai azi kun toṅan qetbuṅaṅambuk akṅapköra kapaṅ köl-jawi, yaṅön mönö jitṅememe ölbölṅi geṅmoṅi qahö akza. ¹⁹Mosesnöṅ Köna keu al eṅgii mi ahöza me qahö? Mi ahözapmö, eṅgöreṅök kunṅan mi qahö tem köla wuatangömakza. Inṅini mönö wuanöṅgöra kapaṅ köla ni nungubingö mötmörize?”

²⁰Mewö jii möta ambazip kambu yeṅön kewö melenget, “Ömewörömenöṅ mönö uruge geba kinja. Daṅön kapaṅ köla gi guhumamgö mötmöriza?”

²¹Mewö melengetka jii mötket, “Nöṅön angöletot mohot membiga

inṅini körek pakpak auruba köṅkuṅ akze. ²²“Mosesnöṅ sileṅjine Anutugö aiwesök yandibingöra jim kutum eṅgiyöhi, o Mosesnöṅ mi mutuk qahö jim kutuyökmö, ambösakonurupninan mi könaṅi memba malgetka silik mi neṅgöreṅ kaiga Sabat kendonöṅ mewöyök azi sileṅjini yandimakze.

²³d“Nini Mosesgö Köna keu walöṅnin siṅgisöndok ahubapuköra köhöikṅi mötzin. Mi mötzinmö, keu mi getala Sabat kendonöṅ mewöyök azi sileṅjini yandiba töndup nanṅini qahö jim aṅguba silebile malje. Mewö maljemö, nöṅön azi jömukṅi Sabat kendonöṅ mem ölöwak waṅgiali, miangöra mönö wuanöṅgöra mi yom jim niṅgize? ²⁴Inṅini ambazip sileṅjini miyöhök eka mewö miangön bahösöhamök kewöta keu laṅ jim tekömakzei, mi mönö mosötme. Mi mosöta uruṅini törörök möt kewöta keu öṅṅanök jim teköme.” Mewö.

**Jisösnöṅ Amötqeṅe
Toṅi akza me qahö?**

²⁵Jerusalem toṅi yeṅgöreṅök tosatṅan kewö jiget, “Azi kapaṅ köla qebingö mötmörizei, yaṅön mönö mia me? ²⁶Eket, yaṅön ambazip jeṅine aukṅe keu jiiga qahö jim waṅgize. Mewögöra azi kiaṅön Amötqeṅe Toṅi Kraist akzawi, keu mi öṅṅa galömkölköl azi yeṅgö kezapṅine geiga mötze me qahö? ²⁷Amötqeṅe Toṅi Kraistnöṅ kamapköra jiba kota malgeri, yaṅön ‘Denikeyök asuhumawi, mi kunöṅ kun qahö mötma,’ jizemö, azi kiaṅön denikeyök asuhuyöhi, mi mönö ölop mötzin.”

²⁸Mewö eraum mötketka Jisösnöṅ jöwöwöl jikegö tohoṅ uruṅe kindi imbiṅi memba wahöta kusum eṅgiba keu kewö jiyök, “Inṅini nöṅgöra kewö jize,

‘Azi mi môt wangiba miriņi denikegö mi ölop mötzin.’ Nani kukösum qakņe qahö asuhuba kinjal. Melaim niņgiyöhi, yaņön melaimelai Tonji ölni aiga i qahö môt kutum wangiba malje. ²⁹Yaņön melaim niņgiiga yangöreņök eralaņgöra i ölop möt wangizal.”

³⁰Mewö jiiga i memba jöhöbingö mötketmö, nalönan qahö kam kunğuyöhangöra aka kunğan silerje qahö meyök. ³¹Mewö mötketmö, ambazip kambu yeņgöreņök gwötpukņan möt narim wangiba kewö jiget, “Kraistnöņ kamawi, yaņön mönö azi ki onğita aņgöletot memba malma me denöwö? Mewö tandök akza.” Mewö.

Jisös memba jöhömegöra naņgu galöm melaim eņgigetka kaget.

³²Ambazip kambu yeņön Jisösgöra mewö goranora jiba jitnakölik akeri, mi Farisi (Köna keugö kapaņkölköl) yeņön mötket. Mi möta jike nup galöm yembuk kinda naņgu galöm (sikiriti) tosatņi melaim eņgigetka memba jöhöbingö kaget. ³³Kagetka Jisösnöņ kewö jiyök, “Nöņön embuk nalö töröptökņi toroqeba malmam. Mi malagun eņgömosöta melaim niņgiiga erali, mönö yangöreņ liliņgöba öņgömam. ³⁴Öņgöbiga göraim niņgiba malmemö, ni qahö miwikņaim niņgime. Nöņön miri malmami, iņini mi-aņgöreņ kabingö osime.”

³⁵Mewö jiiga Juda jitņememe yeņön sutņine kewö erauget, “Nini miwikņaim wangibingö osibin,’ jiza. Miangöra mönö denikeaņgöreņ öņgömangöra jiza? Juda ambazip tosatņan deņda kantri tosatņe anda Grik yeņgö sutņine maljei, mönö yeņgöreņ anda Grik ambazip kusum eņgimamgö möta jiza me? ³⁶Keu kewö jiza, ‘Görain niņgiba malmemö, ni qahö miwikņaim

niņgime,’ aka keu kun kewö jiza, ‘Nöņön miri malmami, iņini miangöreņ kabingö osime.’ Keu yahöt mietkö könaņiri denöwö?”

Malmal köhöikņangö oņan mönö jeņi tohoba kaņgotma.

³⁷^eMewö eraugetmö, kendon söņgaigeri, miangö wehön qöndökņi ketani miaņön kam kuņguiga Jisösnöņ kinda köhöikņanök qeta kewö jiyök, “Kunğan ogöra kömuzawi, yaņön mönö nöņgöreņ kaba nema. ³⁸‘Buņa Kimbigö keu kun kewö ohoget ahöza, ‘Kunğan ni möt narim niņgizawi, yaņgö uruņeyök malmal köhöikņangö oņan mönö tohoba saksaköba kaņgorakņe.”

³⁹Mewö jiyökmö, keu mi Uņa Töröņangöra aka kewö jiyök, “Denike eņön ni möt narim niņgizei, iņini mönö Uņa Töröņi buņa qem aņguba malme.” Anutunöņ Jisös gölmenöņ malöhangö dop Suepkö asakmararaņi qahö al waņgiiga malök. Miangöra Uņa Töröņi qahö melaiiga eta uruņine geiga öne malget. Mewö.

Ambazip sutņine jujul ahui malget.

⁴⁰Jisösnöņ mewö jiiga ambazip kambu yeņgöreņök tosatņan keu mi möta kewö jiget, “Azi kiaņön mönö ölna kezapqetok azi asuhumapkö jigeri, mönö mia akza.”

⁴¹Tosatņan jiget, “Yaņön Amötqeqe Tonji Kraist akza.” Mewö jigetmö, tosatņan qetala jiget, “Kraistnöņ mönö denöwö Galili prowinsnöhök kabawak? Mi qahö dop kölja. ⁴²‘Buņa Kimbinöņ kewö jiza, ‘Kiņ Deiwidnöņ Judia prowinsgö taon moröņi Betlehem miangöreņ malöhi, Kraistnöņ miangöreņök asuhuba Deiwidkö gwölönarökurupņi yeņgöreņök kunğan akņe.”

⁴³Mewö mewö laŋ jigetka ambazip kambu yeŋön Jisösgöra aka jula denget. ⁴⁴Yeŋgöreŋök tosatŋan memba jöhöbingö mötketmö, kunŋan sileŋe qahö meyök. Mewö.

Juda galöm yeŋön Jisös qahö möt narim waŋgiget.

⁴⁵Jöwöwöl jikegö kiripo galöm (sikiriti) yeŋön lilingöba jike nup galöm aka Farisi (Köna keugö kapaŋkölköl) yeŋgöreŋ kagetka kewö jim enŋiget, “Inini wuanöŋgöra i qahö memba kaze?”

⁴⁶Jim enŋigetka kewö melenget, “Azi miaŋön keu jimakzawi, kunŋan nalö kunöŋ keu tandökŋi mewöŋi qahö jiyök.”

⁴⁷Mewö melengetka Farisi (Köna keugö kapaŋkölköl) yeŋön qesiba jim enŋiget, “Inini tok enjololoŋ ak enŋii malje me? ⁴⁸Galömkölköl azi neŋgöreŋök kunŋan mönö i qahö möt narim waŋgiyök. Aka Farisi (Köna keugö kapaŋkölköl) neŋgöreŋök kunöŋ kun uruŋi yaŋgöreŋ göröken melenŋök me qahö? ⁴⁹Mewö qahöpmahöpmö, ambazip kambu Mosesgö Köna keu qahö möt kutuba Jisösgö keu möta kopa keu laŋ jimakzei, yeŋgöra muat! Anutunöŋ mönö i qesuahöm enŋiiga ayuhume.”

⁵⁰^hMewö jim enŋigetka azi qetŋi Nikodemus mutuk Jisösgöreŋ kaiga qambaŋ waŋgiyöhi, yaŋön mewöyök yeŋgöreŋök kun aka sutŋine tata kewö jii mötket, ⁵¹“Azi kunöŋ siŋgisöndok ahöhi, mi qahö qesiinga jiiga möta töndup kewöringa dop kölja me qahö? Qahö kewöta keuŋi öne jim teköbin ewö, mönö naninak Köna keunini qebin me? Mi qahö dop köлма.”

⁵²Mewö jii möta kewö melenget, “Gi mewöyök Jisös ewö melenŋanda Galili qandak azia akzan

me? Galili prowinsnöhök kezapqetok azi kun qahö asuhumawi, mi mötzin. Mewö mi nangak Buŋa Kimbi oyonŋa könaŋi jaruba möt kutuman.” ⁵³Mewö jitnakölik aka jula denŋa miriŋine anget. Mewö.

Ambi kunöŋ serowilin aiga miwikŋaiget.

8 Miriŋine angetmö, Jisösnöŋ anda Oil ip kundunŋe öngöyök. ²Öngöba ahöba miri gŋaŋiiga söŋanök kunbuk lilingöba jöwöwöl jikenöŋ öngöiga ambazip kambu pakpak kaba liliköm waŋgigetka eta tata kusum enŋiyök.

³Kusum enŋiiga Köna keugö böhi aka Farisi (Köna keugö kapaŋkölköl) yeŋön ambi kun waŋgita yaŋgöreŋ kaget. Ambi miaŋön sero yonŋorö ahiga miaŋgöra memba jöhögeri, mi waŋgita kambu jeŋine alget. ⁴Jeŋine ala Jisösgöra jiget, “Böhi, ambi kiaŋön qesabulum ahiga mönö miaŋgöreŋök miwikŋaiba memba kazin. ⁵ⁱMosesnöŋ Köna keu ala miaŋgöreŋ ambi mewöŋi mi kötnöŋ gila qeinga kömumapköra jim kutum enŋiyöha ahöza. Mewö ahözapmö, göŋön yaŋgöra denöwö jiman?”

⁶Mewö jiba miaŋgöreŋ möndöba Jisös keugö bötaknöŋ öroi qaköiga qebingö könaŋi ahui keu jakeŋe albingöra jiget. Mewö jigetka sipköba eta böröŋan kulem kun gölmenöŋ ohoyök.

⁷Ohoyökmö, toroqeba kapaŋ köla qesim waŋgigetka hök ala wahöta diŋdiŋi kindi kewö jii mötket, “Enŋgöreŋök kunŋan siŋgisöndok kun qahö aka maljawi, yaŋön mönö ölop köt mutukŋi memba gila qema.” ⁸Mewö jii mötketka kunbuk sipköba eta kulem kunbuk gölmenöŋ ohoyök.

⁹Jisösnöŋ keu jiyöhi, miaŋön enŋgömembra jöhöiga nanŋini siŋgisöndokŋini gamuŋambuk akeri, mi

Anutunöŋ kondeliga nanŋini uruŋinan naŋgöba jiiga isikusukŋini qahöwahök. Mianŋön qahöwahiga keu göröŋ kingetka bohonŋinan mutuk eŋgömosöta aniga yaŋgö nemböŋan andöŋe aniga tosatŋi mohot mohot yeŋön mömölaköba körek an teköget. Qöndökŋan aniga Jisösnöŋ zoŋ kuŋguba tari ambinöŋ nanŋöŋ yambuk kinök. ¹⁰Jisösnöŋ hök ala wahöta diŋdiŋi kinda ambi eka kewö jii mörök, “Ambi, keu jakeŋe al gihibingö jizei, yeŋön mönö denike gi sök ni sök anjeje? Yeŋgöreŋök kunöŋ kinda gi kömumangö keuŋi qahö jim teköza me?”

¹¹Jii möta meleŋnök, “O Kembu, kunöŋ qahö jim teköm niŋgizal!” Mewö meleŋniga jii mörök, “Nöŋön mewöyök gi qahö jim teköm gihizal. Gi mönö döлки kónahiba siŋgisöndok kunbuk kude aka malman.” Mewö.

Gölme dop neŋgö asaknini mi Jisös.

¹²Jisösnöŋ keu kunbuk suariba kewö jii mötket, “Nöŋön ambazip gölmeŋi gölmeŋi tat anjei, eŋgö asakŋini akzal. Kunŋan ni nuataŋgöba kamawi, yaŋön mönö söŋaupnöŋ jipjap qahö qeba malmappmö, malmal köhöikŋaŋgö asakŋi miangö uruŋe malma.”

¹³^kMewö jiiga Farisi (Köna keugö kapŋkölköl) yeŋön kewö jiget mörök, “Nanganök könaŋamgi naŋgöba jim asarimakzani, mianŋön mi qahö dop köl köhöiza. Qahö!”

¹⁴Mewö jiget möta kewö jii mötket, “Nöŋön denikeyök eta kayali aka denike anda öŋgömami, mi möt teközal. Mi-aŋgöra nanak könaŋamni naŋgöba jim asarimakzali, keu mi mönö ölop dop köl köhöiza. Mi köhöizapmö, iŋini nöŋgö kónani mi ölŋa qahö möt kutuze. ¹⁵Eŋön ambazip sileŋini miyöhök eka mewö mi-aŋön bahösapsap kewöt eŋgiba keuŋini

laŋ jim tekömakzemö, nöŋön ambazip kuŋgö keuŋi qahö jim tekömakzal.

¹⁶“Ni nanök qahö maljalmö, Iwi melaim niŋgiyöhi, yaŋön mönö nömbuk kini maljit. Mianŋöra kuŋgö keuŋi jim teköbilenjak ewö, mi mönö diŋdiŋanök kewöta dopŋe jim teköbilenjak. ¹⁷^lYahötŋan keu kun urumohot aka naŋgöba jiyohotka dop köl köhöimakza. Keu mi eŋgö Köna keuŋine mewöyök ohoget ahöza.

¹⁸“Nöŋön nani könaŋamni naŋgöba jimakzal aka Iwi melaim niŋgiyöhi, yaŋön mewöyök nöŋgö könaŋamni naŋgöba jimakza. Mianŋöra yahöt akziga mianŋön ölop dop köla köhöim teköza.”

¹⁹Jisösnöŋ mewö jii möta kewö qesim waŋgiget, “Göhö Iwigi mi denike malja?” Qesim waŋgigetka meleŋnök, “Iŋini ni aka Iwini netkö könaŋamniri qahö möta malje. Iŋini nöŋgö könaŋamni möt kutubeak ewö, mönö nöŋgö Iwini mewöyök möt waŋgibeak.”

²⁰Jisösnöŋ jöwöwöl jikegö naluk dum kösutŋe kinda ambazip kusum eŋgiba keu mi jiyök. Mi jiyökmö, nalöŋan qahö kam kuŋguyöhaŋgöra aka kunŋan i qahö memba jöhöyök. Mewö.

“Denike öŋgömami, iŋini miangöreŋ öŋgöbingö osime.”

²¹Jisösnöŋ keu kun kewö toroqeba jii mötket, “Nöŋön eŋgömosöta anda malbiga iŋini ni göraim niŋgiba malme aka siŋgisöndok akeri, miangöreŋ qekötahöba kinda kömum köhöime. Mi-aŋgöra denike öŋgömami, iŋini mi-aŋgöreŋ öŋgöbingö osime.”

²²Juda jitŋememe yeŋön mi möta jiget, “Kewö jiza, ‘Denike öŋgömami, iŋini miangöreŋ öŋgöbingö osime.’ Keu mi denöwö? Imbi aumamgöra jiza me?”

²³Mewö jigetka jii mötket, “İjini gölme kiangö toŋi aka maljemö, nöŋön miri gölme euyangö buŋaya akzal. Eŋön gölmenöŋ ahuba gölme kiangö buŋaya aka maljemö, nöŋön mutuhök gölme kiangöreŋ qahö ahuyal. ²⁴Qahö ahuba malmalgö könaŋi nalö dop mala koralı, nöŋön mönö mia akzal. Nöŋgöra mewö qahö möt narize ewö, mönö siŋgisöndok akeri, mi qahö mosötpiga miangöreŋ qekötahöba kinda kömum köhöime. Könaŋi miangöra aka kewö jibi mötze, ‘İjini siŋgisöndok akeri, mönö miangöreŋ qekötahöba kinda kömum köhöime’. Keu mi öŋa.”

²⁵Keu mi möta kewö qesim waŋgiget, “Gi mönö niŋia akzan?” Qesim waŋgigetka meleŋnök, “Könaŋamni lök indelbiga mötzei, nöŋön mönö mia akzal. ²⁶Nöŋön eŋgöra keu gwötpuk ölop toroqeba jibileŋak aka siŋgisöndok gwötpuk akeri, miangö keuŋi ölop jim teköbilenakmö, melaim niŋgiyöhi, yaŋön mönö nöŋgö melaimelai Toni öŋi akza. Yaŋön keu jiiga yaŋgöreŋök möta kota maljali, nöŋön mönö keu mi aukŋe jibiga gölmeŋi gölmeŋi yeŋön mörakŋe.”

²⁷Mewö meleŋnökmö, İwigöra keu suariba jiyöhi, yeŋön mi qahö möt asariget. ²⁸Jisösnöŋ toroqeba kewö jii mötket, “Nöŋön malmalgö könaŋi nalö dop mala koralı, mönö mia akzal. Miangö könaŋi mi könaŋep ölop möt asarime. Nöŋön yuai kun nani ösumnan me nani imbinangö dop qahö ahakzalmö, İwinan keu kusum niŋgiba malöhi, mönö miangö dop keu jitni ki jimakzal. Keu kötŋi yahöt miangö könaŋi mi könaŋep möt asarime. İjini Suep gölmegö Azi Öŋi kösökögetka eu öŋgöba kömumawi, nalö miangöreŋ mi ölop möt asarime.

²⁹Melaim niŋgiyöhi, yaŋön mönö nömbuk kini maljit. Ahakmeme möri dop köl waŋgimakzawi, nöŋön mönö sundan mia ahakzal. Miangöra yaŋön qahö nömosöriga nanök qahö maljal.”

³⁰Keu mewö jiyöhaŋgöra aka ambazip gwötpukŋan uruŋini meleŋda Jisös möt narim waŋgiget. Mewö.

Abrahamgö gwölönarökurup muneŋi aka Jisös.

³¹Jisösnöŋ Juda ambazip tosatŋan möt narim waŋgigeri, yeŋgöra keu kewö jii mötket, “Nöŋgö Buŋa keunan uruŋine geiga miangöreŋ qekötahöba kinje ewö, mönö öŋa nöŋgö gwarekurupni akze. ³²Mewö mala keu öŋhangö könaŋi möt kutugetka Buŋa keu öŋan ijini bölöŋangö kösönöhök pösat eŋgiiga solanŋi (fri) aka malme.”

³³Mewö jii möta meleŋda kewö jiget, “Nini Abrahamgö gwölönarökurupni mala könagesö walŋi akzin. Mewögöra azi kunöŋ kösö gwarö mem neŋgiiga maljinangö jizani, mi qahö. Nini mönö nalö kunöŋ etqeŋeŋi mewö qahö aka malin. Aiga gi denöwögöra aka kewö jizan, ‘Kösönöhök pösat eŋgiiga solanŋi aka malme?’ Keu mi qahö dop kölja.”

³⁴Mewö jigetka kewö meleŋ eŋgiyök, “Nöŋön keu öŋ töhöŋni kun kewö jibi mötket: Siŋgisöndok akzei, körek yeŋön siŋgisöndokö welenqeŋe omanŋi töwa qahö aketka miangö kösöŋan köpeim eŋgimakza. ³⁵Köpeim eŋgimakzapmö, welenqeŋenöŋ toŋangö miri uruŋe nalö dop qahö mal öŋgöma. Nanŋi Nahönŋan ölop miriŋe nalö teteköŋi qahö malma.

³⁶“Nahönŋan bölöŋangö kösönöhök pösat eŋgiiga solanime ewö, eŋön mönö öŋa kösö gwarö qahö solanŋi (fri) aka malme. ³⁷İjini Abrahamgö gwölönarökurupni maljei, mötzalmö,

bölöñan uruñini gwözönjawangöra nöñgö Buña keunan mösösönihim ençgiba kondondongöba erakza. Könañi miangöra mönö kapañ köla ni nuñgubingö mötze. ³⁸Nöñön Iwinangö qöhöröñe mala yuai eka mala korali, miangö keuña jimakzal. Enñon mewöyök iwiñinan keu jii mötkeri, miangö dop ahakze.”

³⁹Jisösnön mewö melen ençiiga kewö jiget mörök, “Abrahamnön mönö nanine iwiambönini akza.” Mewö jiget möta jiyök, “Iñini Abrahamgö gwölönarökurupñi akeak ewö, mönö yangö ahakmemeñi wuatangögetka dop kölbawak. ⁴⁰Miangö tandökñi kewö akza: Nöñön Anutugö jitneyök keu möta miangö dop keu ölbölñi mi jibi mörakze. Nalö kewöñe iñini kapañ köla azi ni nuñgubingö mötzemö, Abrahamnön mewö qahö ahök. ⁴¹Nanñini iwiurupñinangö ahakmeme miyök wuatangöba malje.” Mewö jiiga jiget mörök, “Serowilinön qahö ahuba iwi qahö (bastet) mi qahö akzinmö, Iwininambuk maljin. Anutunön mohok-kun nanñak iwi ak neñgiza.” Mewö.

“Bölöñi Toñangö buñaya akze,” jiyök.

⁴²Jisösnön kewö jii mötket, “Anutunön nanñak iwi ak ençgibawak ewö, nöñön yangöreñök eta asuhuyalangöra mönö ölop ni uru jöpaköm niñgibeak. Nani ösumnön nam köliga qahö asuhuyalmö, Anutunön melaim niñçiiga eta maljal. ⁴³Keu jimakzali, mi wuanöngöra möt asaribingö lömbörimakze? Nöñgö keunan uruñini undenjawangöra mi möt kutubingö ölan qeba zikzik tökömakze. Mewögöra mi möt asaribingö osimakze?

⁴⁴“Mönö iwiñini Bölöñi Toñangö buñaya akze. Sihim kömbönañinan mönö iwiñinangö sihimñi bölöñi wuatangöbingöra ahöza. Yañön

könakönahiñeyök ambazip ençguget kömükömu azia aka kota malja. Keu ölnan uruñe qahö kinjawangöra aka keu ölni onçgita lolonqalolon kinja. Muney jiji azia aka muney jijigö iwiñi akzawangöra muney jimakzawi, mi mönö nanñi uruñangöra jimakza.

⁴⁵“Yañön muney jimakzapmö, nöñön keu ölni jimakzal aigun iñini ni qahö möt narim niñgimakze. ⁴⁶Iñini köreknan nöñgö könani kewö kondeblingö osize: Yañön siñgisöndok aka keunambuk malja. Könañamni mewö jaruzemö, nöñön keu ölni jimakzali, mi mönö wuanöngöra qahö möt narim niñgize?

⁴⁷“Kunñan Anutugö buña akzawi, yañön mönö Anutugöreñ keu kezap ala mörakza. Iñini Anutugö buña qahö akzeangöra aka keu mi qahö möta möt asarimakze.” Mewö.

Jisösnön nanñangöra denöwö jim miwikñaiyök?

⁴⁸Jisösnön Juda ambazip yengö könañini indeliga likepñi melenja kewö jiget mörök, “Gi Samaria prowinsgö lolonqalon azia aknönnga ömewörömenön uruge geiga maljan. Mewö jiba dopñe jizin me qahöwi, mi ölop nangak jinön mörin.”

⁴⁹Mewö möta kewö melerñök, “Ömenön urune qahö geiga maljal. Ni Iwinanök göda qem wangiba maljal aigun töndup enñon gamu qem niñgimakze. ⁵⁰Mewö ahakzemö, nanak qetbuñanambuk akñamgö jaram qahö timakzal. Mohot kunñan mewö akñamgö bimñi qeba malja. Azi yañön mohot kewöt niñgiba ‘Dop köljän,’ jiba jim teköm niñgimakza. ⁵¹Nöñön keu öl töhöññi kun kewö jibi mötket: Kunñan nöñgö Buña keuni tem köla wuatangömakzawi, yañön mönö nalö kunön kömup köhöikñangö buñaya qahö akña.”

⁵²Mewö meleşniga Juda jitnememe yeşön Jisös kewö jiget mörök, “Abraham aka kezapqetok ambazip yeşön kömuget aigun göşön töndup kewö jinöşga siksauk akza, ‘Kunşan nöşgö Buşa keuni tem köla wuatangömakzawi, yaşön nalö kunöş kömup köhöikşangö buşaya qahö akşa.’ Mewö jizanaşgöra gi öme kunöş uruge geiga maljan. Mi dölkü ölöş möt asarizin. ⁵³Nengö bömöşnini Abraham kömuyöhi, göşön mönö i oşgita yaşgö ketaşamşni akzan me? Kezapqetok yeşön mewöyök kömuget. Gi nangahöra mötnöş öşgöiga ‘Ketaşni nişja akzal?’ jiba mötzan?”

⁵⁴Mewö jiget möta kewö meleşnök, “Nanaşgöra mötşpi öşgöiga Anutugö aködämunşni mi nana buşa qem aşgubileşak ewö, qetbuşani mi mönö nesak akawak. Iwinan nanşni aködämunşni nişgiyöhaşgöra aka qetbuşanambuk aka maljal. Eşön yaşgöra ‘Nengö bem Anutunini akza,’ jize. ⁵⁵Eşön könaşni mi ölöş qahö möt kutumakzemö, nöşön i ölöş möt waşgizal. ‘I qahö möt waşgizal,’ jibileşak ewö, mönö işini ewö tilipqilip azi akileşak. Ni azi mewöşni qahö akzalmö, i ölöş möt waşgizal aka yaşgö keuşni tem kölakzal. ⁵⁶Eşgö bömöşşnini Abrahamnöş ni gölmenöş eta malmamşgöra mamböta nalö mi ekşamşgöra uru söşöşgai aka malök. Nalö kewöşne Suepnöş mal köhöiiga nöşön asuşubiga nöşgö nalöni eka miangşgöra söşgaiyök.”

⁵⁷Mewö meleşniga Juda jitnememe yeşön kewö jiget mörök, “Yambuşi (yara) 50 qahö oşgita miangşgö bapşne maljan aka ‘Abraham ehal,’ jinöşga qahö dop kölşa.”

⁵⁸Mi möta jii mötket, “Nöşön keu ölöş töhöşşni kun kewöş jibi mötket: Abraham-

nöş qahö asuşuiga nöşön lök nalö miangşgöreş malal.”

⁵⁹Mewö jii möta kötnöş gila qe-bişgöra köt umburaşgöba megetmö, Jisöşnöş tölapköba jöwöwöl jikeşgö tohoşni moşöta ölöş köla anök. Mewö.

Jisöşnöş jegömöl azi kun mem ölöwahök.

9 Jisöşnöş toroqeba köna anda azi kun nam köro uruşeyök jegömöl asuşuyöhi, mi ehök. ²Mi ehiga gwarekurupşan qeşim waşgiba jiget, “Ketaşamşnini, yaşön mönö dagö şingişöndököra aka jegömöl mewöşni asuşuyök? Nanşni şingişöndököra me iwinamşni yetkö şingişöndököra?”

³Jigetka kewö meleşnök, “Nanşak şingişöndök kun qahö ahök aiga iwinamşan şingişöndök qahö ahotmö, Anutugö kuköşumşan yaşgö malmalşne aukşne asuşumapköra mewö ahuyök. ⁴Wehönöş asariba ahözawaşgöreş mönö melaim nişgiyöhaşgö nuwa töş memba malbin. Şuşgem akşawi, miangşgöreş körek nup membişgö oşibin. ⁵Nöşön gölmenöş malmamaşgö dop gölmenşni gölmenşni eşgö asakşnini aka asariba malmam.”

⁶Mewö jiba gölmenöş söütköi geiga gwakötak meleşda jegömöl azigö jeşne timbiliyök. ⁷Timbiliba kewö jim kutuyök, “Gi mönö Siloam o aşgönöş anda jeşi şaşgoşman.” (Siloam qet mi nanine keunöş Melaimelai azi.) Mewö jim kutu-iga anda jeşi şaşgoşni tohoişga ui asari-iga lilişgöba mirişne kayök.

⁸Mewö kaiga alaurupşan köşutşne malşeri aka tosatşan mutuk nene yuaişgöra ulet eşgiba mali ekeri, yeşön i eka jiget, “Jegömöl azi nenegö uleta tata malöhi, yaşön azi mia me?”

⁹Tosatşan jiget, “Yaşön mönö mia.”
Tosatşan jiget, “Qahö, kaişoşgolomşni

i ewö akzapmö, yañön qahö.” Mewö mewö jigetka nanjak jiyök, “Nöñön mönö ia akzal.”

¹⁰Mewö jiiga kewö qesiget, “Jegi mönö denöwö aknönnga tohoza?”

¹¹Qesigetka kewö meleş engiyök, “Azi qetñi Jisös qerakzei, yañön söutköi gwakötaknön geiga meleşda jene timbiliba jim kutuba kewö jiyök, ‘Gi mönö Siloam o aňgönön anda jegi saňgoñman.’ Mewö jiiga o miangörey anda jeni saňgoñbi tohoiga ubi asariyök.”

¹²Mewö meleş engiiga kewö qesiget, “Azi mi denike malja?” Qesim wañgigetka “Qahö mötzal,” jiyök. Mewö.

Farisi yeñön jeñi tohoyöhangöra qeqesi alget.

¹³Azi jegömöl malöhi, yañön “Qahö mötzal,” jiiga ambazipnön i wañgita Farisi (Köna keugö kapañkölköl) yeñgöreñ anget. ¹⁴Jisösnön söutñan gwakötakpuk meleşda jene timbiliba metohoyöhi, mi mönö Sabat kendon nalöñe meyök. ¹⁵Miangöra Farisi yeñön mewöyök kewö qesim wañgiget, “Jegi mönö denöwö aknönnga tohoza?” Qesim wañgigetka kewö meleş engiyök, “Azi miangön mönö söutñan gwakötakpuk meleşda jene timbiliiga anda jemesoholni saňgoñda jeni ubi asariza.”

¹⁶Mewö meleş engiiga Farisi yeñgöreñök tosatñan jiget, “Azi miangön Sabat kendon köteközawi, miangöra mönö Anutugöreñ azia qahö akza.” Tosatñan jiget, “Mewö qahö! Azi goñgoñi kunñan mönö denöwö aka aňgöletot mewöñi memangö köhöibawak?” Mewö mewö jiba nanñini jula deñget.

¹⁷Mewö deñgetka jegömöl azi miangöreñ kunbuk lilingöba jiget, “Jegi metohoyöhi, yañgöra mönö denöwö ji-

man?” Mewö jigetka “Kezapqetok azia akza,” jiyök.

¹⁸Mewö jiiga jeñi ölna gömöliyöha tohoiga uyöhi, Juda jitñememe yeñön mi qahö möt nariget. Qahö möt nariba uruyahöt kinda iwinamñi öröm etkigetka kayohot. ¹⁹Kayohotka kewö qesim etkiget, “Azi ki etkö nahönñira me qahö? ‘Jegömöl asuhuyök,’ jizahotmö, denöwö aka mönö dölki jeñi uba ekza?”

²⁰Qesim etkigetka kewö meleşnohot, “Azi ki netkö nahönira akza aka jegömöla asuhuyök, mi ölop mötzit. ²¹Mewö mötzitmö, denöwö aka dölki jeñi uba ekzawi, mi qahö mötzit. Dañön jeñi metohoi uzawi, niri mewöyök qahö mötzit. Gömokñi qahö, lök qariba töwatñi jörak alalña aka mötkutukutuñambuk akza. Miangöra mönö nanñangö qesigetka könañi ölop jima.”

²²Juda jitñememe yeñgöra kengötñiri möta mewö jiyohot. Yeñön sutñine keu kewö jöhöba urumohot aka kinget, “Kunñan Jisös Amötqeqe Tonji Kraist akzawi, mewö jim miwikñaima ewö, i mönö köuluk miri kambunöhök közöl wañgibin.” ²³Keu miangöra aka kewö jiyohot, “Gömokñi qahö, lök qariza. Miangöra mönö nanñi qesim wañgime.”

²⁴Miangöra azi jegömöl malöhi, mi kunbuk öröget kaiga kewö jiget mörök, “Azi mi siñgisöndok azia akza, mi mötzin. Miangöra mönö Anutugö qetbuñañi möpöseinönnga aködamunñambuk ahi dop köлма.”

²⁵Mi möta kewö meleşnök, “Siñgisöndok azia akza me qahö, nöñön mi qahö mötzal. Mohot kewöyök mötzal: Nöñön jegömöl malalmö, dölkwöñe kunbuk ölop uba ekzal.”

²⁶Mewö meleşniga kewö qesim wañgiget, “Wani yuaia ak gihiza? Jegi mönö denöwö metohoz?”

²⁷ Qesim waŋgigetka kewö meleş eŋgiyök, “Nöñön lök meleş eŋgizalmö, eñön keu jizali, mi qahö mötze. Wuanöŋgöra mi kosikŋi kunbuk jibi mötpingö kapaŋ kölje? Eñön mönö mewöyök yaŋgö gwarekurupŋi akingö mötze me?”

²⁸ Mewö meleş eŋgiiga mepaqepaik aka uruqece keu töhöreŋ kewö jim waŋgiget, “Gi mönö yaŋgö gwarekŋa akzanmö, neñön Mosesgö gwarekurupŋa maljin. ²⁹ Anutunöŋ Mosesya Buja keu waŋgii mötzinmö, azi miañön mönö igen me waigenök asuhuyöhi, mi qahö mötzin.”

³⁰ Mewö jigetka keu kewö jii mötket, “Yañön denikeyök asuhuyöhi, iŋini miangöra tok kök qeba tönpin akzeangöra mi welipközal. Öŋa welipközalmö, töndup nöŋgö jeni metohoiga ölop uba ekzal. ³¹ Ambazip goŋgoŋi yeñön Anutu köulukögetka qahö möt eŋgimakza, mi mötzin. Mi mötzinmö, kunŋan Anutu göda qem waŋgiba diŋgiba keu jitŋi tem köla wuatangömakzawi, yaŋgö köulukŋi mönö kezap ala mörakza. ³² Kun jegömöl asuhuiga kunöŋ kaba jeŋi metohoyöhi, kösohot mewöŋi mi mutuhök qahö möta malin. Suep gölmenöŋ asuhuyohot, nalö miangöreŋök könahiba kota mala merak miangöreŋ kösohot mewöŋi kun qahö mörin. ³³ Anutugöreŋök qahö kabawak ewö, yañön mönö yuai mewöŋi memangö osibawak.”

³⁴ Mewö jii möta kewö jim waŋgiget, “Twinamgan siŋgisöndokpuk gölöm alohotka siŋgisöndok pakpak miambuk ahuba qarinoŋaŋön merak ninia kusum neŋgimangö mötzan. Mi qahö dop kölja.” Mewö jim waŋgiba közölgetka gumnöŋ erök. Mewö.

Urujenöŋ gömöliiga ilingösöŋ jipjap malmal.

³⁵ Közölgetka gumnöŋ eröhi, keu mi-añön Jisösgö kezapŋe gei möta azi mi miwikŋaiba kewö jii mörök, “Gi Anutugö Nahönŋi möt narim waŋgizan me qahö?”

³⁶ Mi möta kewö qesiba meleşnök, “O Ketaŋamni, azi mi dañön? Mi jinöŋ mötagun i ölop möt narim waŋgimam.”

³⁷ Meleşniga kewö jim kutum waŋgiyök, “Gi kewö uba neknöŋ. Göbuk keu jizali, azi mia mönö nöñön akzal.”

³⁸ Mi möta jiyök, “O Kembu, ni möt narim gihizal.” Mewö jiba sipköba köuluköm waŋgiyök.

³⁹ Jisösnöŋ jiyök, “Nöñön ambazip kewöta keuŋini jim tekömamgöra aka eta gölmenöŋ asuhuyal. Nöŋgöra aka tosatŋan jegömöl akzei, yeŋgö jeŋini tohoiga ölop uba ek kutume. Tosatŋi jeŋini ölopŋi maljei, yeñön nöŋgöra aka bau jegömöl aka malme.”

⁴⁰ Mewö jiiga Farisi tosatŋan kösutŋe miangöreŋ kinda keu mi möta kewö qesiget, “Wae! Nini tok jegömöl azia akzin me? Neŋgöra jizan me?”

⁴¹ Mewö qesigetka kewö jii mötket, “Iŋini ‘Jegömöl akzin,’ jibeak ewö, mönö siŋgisöndok qahö ahöm eŋgibawakmö, nalö kewöŋe ‘Ölop ek kutuzin,’ mewö jimakzeangöra aka siŋgisöndokŋinan mönö ahöm köhöim eŋgima.” Mewö.

Lama aka galömŋini ölopŋi.

10 Jisösnöŋ galöm meme keu kewö jiyök, “Nöñön keu öl töhöñŋi kun kewö jibi mötket: Tosatŋan lama tohoŋ uruŋe öŋgöbingöra naŋgunöhök qahöpmö, sel walöŋda gezei, yeñön mönö kegwek aka yoŋgorö meme ambazip akze. ² Kunŋan naŋgunöŋ gezawi, yañön lama miŋgö galömŋina akza. ³ Yañön kaŋgoriga naŋgu galömŋan eka

nanğu öröm wanğıiga eta qeriga lama yeñon keu jölñi ölöp möt kutumakze. Galömñinan nanğı lamaurupñi enggohola qetñini qeta enguanğiriga tohoñini mosöta ölöp yaigepñe anakze.

⁴“Nanğı lamaurupñi pakpak enguanğiriga tohoñini mosöta yaigepñe angetka yeñon jitlememenñini aka mutuk aniga keu jölñi möt kutuzeangöra andöñe wuatangöba anakze. ⁵Nanğini galömñini ölöp wuatangömakzemö, kian kunğan kaiga i qahöpmahöp wuatangöme. Kian yeñö keu jölñini qahö möt kutuzeangöra mönö ziriñziriñ aka yanğöra kök ala deñme.”

⁶Jisösnöñ keu tölapñi mi jii mötketmö, keuñangö könanğı qahö möt asariba köñkuñ qeget. Mewö.

Jisösnöñ lama galöm ölöpñi akza.

⁷Köñkuñ qegetka toroqeba engöra kewö jiyök, “Nöñon keu öl töhönñi kun kewö jibi mötket: Nöñon lama tohongö nanğunğı akzal. ⁸Nöñgö andöne kambu galöm pakpak mutuk kageri, yeñon kegwek aka yonğorö meme ambaziwa aket. Mewö akeranğöra lama yeñon i qahö möt kutum enggiba malget.

⁹“Nöñon mohot lama tohongö nanğunğı akzal. Denike eñon Anutubuk köhöiba malbingö jiba nömbuk qekötahöba maljei, nöñon mönö amöt qem enggibiga letotme. Mewö aka lama tohoñ uruñe öngöba eta yaigep anda nene gölmeñi möriamñambuk miwikñaimakñe. ¹⁰Yonğorö meme yeñon wuanöngöra kamakze? Yeñon yonğorö memba neñguba ayuhum neñgibingöra kamakze. Yuai murutñi akingöra qahö. Nöñon mewö qahö akzal. Nöñon iñini malmal köhöikñi miwikñaiaba oyaenğoyaen aka malmegöra kaba maljal.

¹¹“Nöñon lama galöm ölöpñi akzal. Lama galöm ölöpñan mönö lamaurupñi yeñgöra aka malmalñi köleñda enggima. ¹²Kunğan lama toñi qahö aka bohon memegörök kaba lanğ galöm köleñ enggimakzawi, mi kewö: Kiam kalğan kaiga eka lamaurup enggömosöta unjurata aniga kiam kalğan lama enggöhöba kiom engguba mendeñ enggima. ¹³Yeñon yaigewök kaba bohon memegörök ‘Lama galöm köleñ enggimam,’ mi jitleñ jiba lama enggöra waimanjat qahö möta nesampurek qakñe mala lanğ unjurata anma.

¹⁴⁻¹⁵“Nöñon lama galöm ölöpñi akzal. Iwinan ni möt niñğıga nöñon Iwini möt wanğiba maljal. Miangö dop nöñon nani lamaurupni möt enggibiga yeñon ni möt niñğimakze. Nöñon malmalni lamaurupni enggöra aka köleñda mosötmam. ¹⁶Nöñgöreñ lama kambu tosatñi mi mewöyök ahuba malme. Yeñon lama tohoñ kiangö toñi qahö maljemö, töndup nöñgö keu jölñi mörakñe. Nöñon i mewöyök enguanğitpiga miangö dop anda kamakñe. Könangep kambunğı kambunğı mieñon mindiriba kambu mohot aketka galöm mohotñan galöm köleñ enggiga malme.

¹⁷“Iwinöñ kewögöra aka ni urunöñ jöpaköm niñğimakza: Nöñon malmalni mosöta kunbuk guliba mal öngömam. Mi Iwigö jeñe dop kölja. ¹⁸Malmalni kunğan qahö noangitmapmö, mi nanak köleñda mosötmam. Iwinan jim kutum niñğıga nanak malmalni köleñda mosötmam aka miangö andöñe kunbuk guliba mal öngömam. Kukösüm mewöñi mi nöñgöreñ ahöza.”

¹⁹Jisösnöñ keu mi jiyöhanğöra aka Juda jitlemememe yeñgö sutñine gora-nora kunbuk asuhuyök. ²⁰Yeñgöreñkö gwötpukñan kewö jiget, “Ömewörö-

menöj uruŋe geyöhawa mala kahapmahap akza. Mönö wuanönggöra keuŋi möt-pinak? Muat mosötpin.”

²¹Tosatŋan jiget, “Keu mewöŋi mi kölköljijŋij azigö keu ewö qahö. Ömewörömenöŋ mönö jegömöl ambazip yeŋgö jeŋini denöwö metohobawak?” Mewö erauget.

Juda jitŋememe yeŋön Jisös andö qeget.

²²Mönöwök jöwöwöl jike köl könjörata nanŋuŋi öroget. Mi yambu (yara) dop mötmöriba kendongö söŋgaibingöra[‡] Jerusalem tokoget. Nalö mianöŋ kam kuŋguiga kömunjan kie uru nalö amötŋi ahök.

²³Jisösnöŋ jöwöwöl jikegö tohoŋ uruŋe kiŋ Solomongö sombem söranŋambuk qetkeri, miangören anda liliköyök. ²⁴Anda liliköiga Juda jitŋememe yeŋön kaba liliköm waŋgiba kewö qesim waŋgiget, “Könaŋamgi köyatinöŋga mönö nalö dawik toroqeba mambötŋingö mötzan? Gi Amötqeŋe Toŋi akzan me qahö, mi mönö aukŋe jinöŋga mötŋin.”

²⁵Mewö jim qesim waŋgigetka kewö melenŋ enŋiyök, “Nöŋön lök jibiga mötketmö, iŋini nöŋgö keuni mi qahö möt narize. Nöŋön Iwinangö qetŋe aŋgöletot ahakzali, mianöŋ mönö könaŋamni indela naŋgöba kondelakze. ²⁶Mi naŋgöba kondelakzemö, iŋini nöŋgö lama kambu uruŋe qahö maljeaŋgöra aka keuni qahö möt narimakze.

²⁷“Nöŋön mönö lamaurupni möt enŋibiga yeŋön mewöyök nöŋgö keu jölŋi möta ni nuataŋgömakze. ²⁸Nöŋön malmal köhöikŋi enŋibiga letota nalö

kunöŋ qahö kötökŋi ayuhume. Kunŋan kun i nöŋgö böröneyök qahö öröba köndenŋ enŋima. ²⁹Nöŋgö Iwinan i nöŋgö böröne al enŋiyöhi, yaŋön körek enŋongita öŋgöŋgöŋi ketaŋi akza. Miangöra körekŋan i nöŋgö Iwinangö böröneyök öröba köndenŋ enŋibingö osime. ³⁰Ni aka Iwi netköŋ mönö mohot aka maljit.”

³¹Jisösnöŋ mewö jiiga Juda jitŋememe yeŋön kumbuk gölmenöhök köt umburangöba mamba mianöŋ gila qebingö aket. ³²Mewö aketmö, kewö jim enŋiyök, “Iwinöŋ nam köl niŋgiiga aŋgöletot ketaŋi gwötpuk aka membiga ekeri, miengörenök mönö wania kun mötmöriba ni kötnöŋ gila nuŋgubingö mötze?”

³³PJim enŋiiga Juda yeŋön melenŋa jiget, “Neŋön aŋgöletot ketaŋi aknöŋaŋgöra aka qahö kötnöŋ gila guhubingö akzinmö, Anutu mepaqepaik ak waŋgizanaŋgö likeŋi ak gihibin. Gi gölme azia aigun silegi öne mem öngöba Anutu tandök akŋamgö jizan.”

³⁴QMewö jigetka Jisösnöŋ melenŋ enŋiyök, “Buŋa Kimbinöŋ Köna keu kun kewö ohoget ahöza, ‘Anutu nöŋön jial: Iŋini mönö nöŋgö bemurupni akze.’

³⁵Buŋa Kimbigö keu mi mönö pömsöm qahö qemapmö, pöwöwöm ahöma. Miangöra Anutunöŋ keuŋi ali kaba ambazip buŋaŋina ahöhi, Anutunöŋ yeŋgö qetŋini ‘bemurup’ mewö qet enŋiyök. ³⁶Ambazip omanŋi mewö qet enŋiyökmö, Iwinöŋ azi mem sarahiba melaiiga gölmenöŋ eröhi, enöŋ mönö denöwö aka yaŋgöra kewö jize, ‘Gi Anutu mepaqepaik ak waŋgiba maljan.’ Nöŋön ‘Anutugö nahönŋi akzal,’ keu mewö jibiga enöŋ mönö wuanönggöra

[‡]10:22 Kendon qetŋi Hanuka mi Disemba 25 könaŋiba wehön 8 miangö dop tata söŋgaiget. Miri pakpak kiwa ohotiriget asariiga ip sinŋi tokoba liŋet köla söŋgai aket.

mi mötket qahö dop kölja? Injini Anutugörej Buña keu mi qeze me?

³⁷“Nup memakzali, mi eketka Iwinangö ahakmemegö dop qahö ahakza ewö, mönö kude möt narim ningime. ³⁸Iwinangö ahakmemegö dop aka memba maljal ewö, kónañamni mewö eka mönö möt narim ningime. Mi keunangöra aka qahö möt naribeak ewö, mönö angöletotnangöra aka töndup möt narim ningime. Iwinöj nömbuk qekötahöba kinja aka nöñön Iwibuk qekötahöba kinjali, injini miangö kónañi möt sölöngöba asarimegöra jizal.”

³⁹Jisösnöj mewö jiiga kunbuk memba jöhöbingö mötketmö, börö bapñineyök unjurata eta anök.

⁴⁰“Engömosöta Jordan o töwatñi kutuba kunbuk likepñe anda Jonöj mutuk o melun mem engiba malöhi, miangörej angota nalö tosatñi toroqeba miangörej malök. ⁴¹Miangörej maliga ambazip gwötpukñan yangörej kangota eka kewö jiget, “Jonöj angöletot mohot kun qahö meyökmö, keu pakpak azi kiangöra jiyöhi, mi mönö keu ölña jiba malök.” ⁴²Kangotkeri, yengörejök gwötpukñan uruñini melejda möt narim wangiget. Mewö.

Jisösgö alañi Lazarusnöj kömuyök.

11 ^sBetani taongö azi kun qetñi Lazarus miangön kawöl yöhöi ahöyök. Maria aka Marta darumun yetkön Betani taon miangörejök malohot. ²^tMaria miangön Kembu o köhöwakñambukñöj miriba nörop jupñan kónañi kerej meyök. Lazarus kawöl yöhöi ahöyöhi, mi yangö nenña. ³Lazarusnöj kawöl yöhöi ahöiga nenyahötñan buzup keu kewö alohotka Jisösgörej anök, “Kembu mötnöj, alagi

yangö ak gihimakzawi, yañön mönö kawöl yöhöi ahöza.”

⁴Buzup mi anökmö, Jisösnöj mi möta kewö jiyök, “Kawöl miangön azi alani kömumapköra aka qahö asuhum wangii ahöza. Miangöra qahöpmö, Anutugö Nahönñan i mem ölöwaka miangöra Suepkö aködammunjangbuk aiga ambazipñöj kónañi mi ek kutuba Anutu möpöseigetka qetbuñan asarim se-hima. Kawöl mi miangöra aka asuhum wangiyök.”

⁵Jisösnöj Marta, yangö munñi aka nenñiri Lazarus yengöra ak wanggiiga malök. ⁶Mewö malökmö, töndup kawölñangö buzupñi möta miri malöhi, miangörejök sömañ yahöt toroqeba malök. ⁷Mi mali nalö mi teköiga gwarekurupñi yengöra kewö jii mötket, “Nini mönö Judia prowinsnöj lilingöba anbin!”

⁸Mewö jiiga melenget, “Ketañamnini, Juda yengön uruwale kapañ köla kötnöj gila guhubingö mötket. Miangöra kunbuk Judia lilingöba anmamgö jizani, mi qahö dop kölja.”

⁹Mewö melengetka Jisösnöj keu kewö jiyök, “Wehöngö auañi 12 ahözei, kunñan miangö asakñe köna anmawi, yañön mönö yuai kunñan qem mizit qahö ak wangima. Gölmegö asakñan asarim wanggiiga ölop eka anma. ¹⁰Ölop anmapmö, kunñan kiwanj qahö ahöm wanggiiga sungem jipjap anmawi, yañön mönö qem mizit miwikñaima.” ¹¹Keu mi jibagun kewö jii mötket, “Alanini Lazarusnöj gaunwat ahözapmö, nöñön anda gaunöhök möndöbi wahötma.”

¹²Keu mi möta kewö jiget mörök, “Kembu, ölña gaun ahöza ewö, mönö ölop ahöba ölöwakña.”

¹³Jisösnöj Lazarus kömuyöhangö keu saiñi jiyökmö, gwarek yengön ‘Gauna ahöza,’ jiyöhi, miangö möt bibihiba

keu kōnaŋi qahō mōt kutuget. ¹⁴Qahō mōt kutugerangōra Jisōsnōŋ aukŋeyōk jim miwikŋaiba jiyōk, “Lazarusnōŋ kōmuyōha ahōza. ¹⁵Nōŋōn yambuk qahō malbiga kōmuyōhangōra nōŋōn anda mem gulibiga wahōri eketka mōtnaripŋinan asuhum kōhōima. Mewō aiga engōra sōŋgaiba ‘Simbawoŋ akŋe!’ jizal. Mōnō wahōtketka yaŋgōreŋ anin.”

¹⁶Mewō jim miwikŋaiiga Tomas qetŋi kun Siwisiwi qetkeri, yaŋōn gwarek alaurupŋi yeŋgōra kewō jii mōtket, “Nini ölop mohotŋe miangōreŋ anin. Andagun yambuk kōmuin.” Mewō.

Malmal Toŋan nenyahōtŋi uruŋiri qesawōliyōk.

¹⁷Lazarusnōŋ kōmumba wehōn 4 lōk qaksirinōŋ ahōi tekōiga Jisōsnōŋ kaŋgoriga buzupŋi mewō jiget mōrōk. ¹⁸Betani taon mi Jerusalem siti mosōta 3 kilomita anangō dop dowe ahōyōk. ¹⁹Miangōra Juda ambazip gwōtpukŋan Marta Maria nenŋiri kōmuyōhangōra ‘Soŋgon etkekin,’ jiba kaba tatket.

²⁰Tatketka Martanoŋ “Jisōs kaza,” jiget mōta miri mosōta kōnanōŋ anda miwikŋaiyōkmō, Marianōŋ mire tarōk. ²¹Kōnanōŋ miwikŋaiba kewō jii mōrōk, “Kembu, gi kiaŋgōreŋ malbanak ewō, nenan mōnō qahō kōmumbawak. ²²Qahō kōmumbawakmō, gōŋōn nalō kewōŋe mewōŋanōk Anutugō yuai kungōra kōulukōman ewō, mi pakpak ölop miwikŋaim gihiiga asuhuma, mewō mōtzal.”

²³Keu mi mōta Jisōsnōŋ jii mōrōk, “Gōhō nengan mōnō guliba wahōtma.”

²⁴Mi mōta Martanoŋ jiyōk, “Gōlmegō nalō tetekōŋe kōmukōmuŋi yeŋōn wahōtmei, yaŋōn mōnō nalō ketari miangōreŋ guliba wahōtmawi, mi mōt yakōzal.”

²⁵Mewō jiiga Jisōsnōŋ jii mōrōk, “Kōmupnōhōk wahōtwahōtkō Toŋi mi nōŋōn akzal. Nanak Malmal

kōhōikŋangō Toŋi akzal. Miangōra kunŋan ni mōt narim niŋgizawi, yaŋōn kōmumapmō, tōndup toroqeba mal kōhōiba malma. ²⁶Kunŋan kun gōlmenōŋ mala mōt narim niŋgiza ewō, yaŋōn mōnō nalō kunōŋ qahō kōmum kōhōima. Qahō! Keu mi mōt narizan me qahō?”

²⁷Martanoŋ keu mi mōta jiyōk, “O Kembu, mi mōt narizal. Gōŋōn Anutugō Nahōŋŋi akzan. Amōtqeŋe Toŋi Kraist gōlmenōŋ asuhumapkō jigeri, gōŋōn mōnō mia akzan. Mewō mōt narizal.” Mewō.

Jisōsnōŋ sahōri imbilŋan erōk.

²⁸Martanoŋ keu mewō jiba miriŋe liliŋgōba anda munŋi Mariagōra keu ölöŋ jiiga gōraŋe kaiga jiyōk, “Bōhinōŋ kaba kōnanōŋ kinda gōhōra endu anda ekŋangōra jiza.”

²⁹Mewō jiiga Marianōŋ keu mi mōta miangōreŋōk i mosōta Jisōsgōreŋ anōk. ³⁰Anōkmō, Jisōsnōŋ miri sombemnōŋ qahō kaŋgoriga endu Martanoŋ kōna namŋe miwikŋaiba ehōhi, miangōreŋōk kinōk. ³¹Juda ambazip yeŋōn Mariabuk miri uruŋe uru qesawōlōkō tatketka Marianōŋ zilaŋ wahōta gumnōŋ eta aniga eka kewō mōtmōriba jiget, “Yaŋōn mōnō qaksirinōŋ anda sahōtma.” Mewō jiba yaŋgō andōŋe wuatangōba anget.

³²Marianōŋ anda Jisōs kinōhangōreŋ aŋgota eka kōnaŋe sipkōba eta kewō jii mōrōk, “O Kembu, gōŋōn ki malbanak ewō, nenan mōnō qahō kōmumbawak.”

³³Mewō jiba silata qeta sahōriga Juda ambazip yambuk kaba naŋgōba mohotŋe sahōtkeri, Jisōsnōŋ mi eka wōsōŋi pōlpōlgōiga jeŋi asōliiga kōna bōrōŋi jōnōmŋambuk unduyōk. ³⁴Jōnōmŋambuk undui qesim enŋiyōk, “I denike alget ahōza?” Qesim enŋiiga jiget mōrōk, “Kembu, kewō kaba eknōŋ!”

³⁵Mewō jigetka Jisōsnōŋ sahōrōk. ³⁶Sahōriga Juda ambazip yeŋōn eka

jiget, “Yei! Mönö alaŋaŋgöra önönji qahö ak waŋgii malök.”

³⁷Mewö jigetmö, tosatŋan keu mi qeba kewö jiget, “Jegömöl ambazip jeŋini metohoba malök ewö, mönö ölop Lazarus jiiga qahö kömumbawak me?” Mewö.

Jisösnöŋ Lazarus mem guliiga kömupnöhök wahörök.

³⁸Mewö laŋ jigetka Jisösgö wösönji kumbuk pölpölgöiga jeŋi asölliiga qaksirinön anök. Qaksirinön anda yuai kewö ehök: Köt köterŋ urorohoba qamötŋi miangö uruŋe ala naŋuŋi köt ketanŋan köl közipkögetka tarök. ³⁹Mi eka kewö jiyök, “Mönö köt qililingögetka anök.” Mewö jiiga azi kömuyöhangö nenŋi Marta yaŋön kewö jii mörök, “O Kembuni, sömaŋ 4 ahözawaŋgöra lök wörönŋambuk akza.”

⁴⁰Jisösnöŋ mi möta Martagöra kewö jiyök, “Gi möt narim niŋgibanak ewö, Anutugö kukösumŋan aködamuraŋambuk asuhuiga ekanak. Mutuk keu mewö jibiga mötnöŋ me qahö?”

⁴¹Mewö jiiga köt qililingöget aniga Jisösnöŋ eu ui öngöiga kewö jiyök, “Iwi, gi köulukni mötzaŋgöra aka ‘Pipsaiwap!’ jim gihizal. ⁴²Gi nalö dop köulukni mörakzani, mötzalmö, göŋön melaim niŋginönŋa gölmenön erali, ambazip kambu liliköm niŋgiba ki kinjei, yaŋön mi möta möt narimegöra aka keu ki jizal.”

⁴³Mewö jiba imbiŋi memba wahöta ketanŋanök qeta kewö jiyök, “Lazarus, gi mönö wahöta kaŋgotnöŋ!” ⁴⁴Mewö qeriga azi kömukömuŋi yaŋön guliba wahöta kayök. Köna böröŋi opo kawukŋambuknön esuhuba jemesoholŋi opo jöhanŋan köpeiba jöhöget ahöi dundunŋambuk kayök. Mewö kaiga Jisösnöŋ jiyök, “Mönö dundunŋi pösatketka ölop anma.” Mewö.

Juda galöm yeŋön Jisös kömumapkö aŋgönaŋ geget.

Mat 26.1-5; Mak 14.1-2; Luk 22.1-2

⁴⁵Juda ambazip Mariagöreŋ kaŋgota Jisösnöŋ yuai aiga asuhuiga ekeri, yeŋgöreŋök gwötpukŋan uruŋini meleŋda Jisös möt narim waŋgiget. ⁴⁶Möt narim waŋgigetmö, tosatŋan Farisi (Köna keugö kapaŋkölköl) yeŋgöreŋ anda Jisösnöŋ yuai ahöhi, miangö kösohotŋi jiget mötket.

⁴⁷Mi jiget mötketka jike nup galöm aka Farisi yeŋön jike kaunsöl jitŋememe öröm eŋgiget tokogetka kewö jiget, “Azi miangön aŋgöletot kukösumŋambuk sehisehiŋi memakzawaŋgöra i mönö denöwö ak waŋgiinga dop kölbawak?

⁴⁸Wakosoraŋ aka yuai kun qahö ak waŋgiinga toroqeba mewö aka malma ewö, mönö ambazip körek pakpak i möt narim waŋgibeak. Mewö aketka Rom gawman yeŋö irimŋini sehöliiga kaba nanini jöwöwöl jikenini aka ambazip kambu ki nenguaŋgitketka öne töhöŋ malbinbuk.”

⁴⁹Mewö jiget tatketka yeŋgöreŋök kun qetŋi Kaiafas yaŋön yambu (yara) miangöreŋ jike nup galöm bohönŋi aka nup mia memba malök. Yaŋön wahöta goro keu kewö jii mötket, “Iŋini uru möt-mötŋinaŋgö kinimŋi tok qahö tohoza. ⁵⁰Iŋini keu ki ölop qahö kewötze: Nini ambazip kambu körekŋanök ayuhuinga lömböt keta bölökŋi akapuk. Miangöra azi mohotŋan Juda kambu neŋgö aip sel-nini ala sohopeni memba kömuiga dop kölma.”

⁵¹Yaŋön keu mi nanŋi imbiŋe qahö ahuiga jiyökmö, yambu (yara) miangöreŋ jike nup galöm bohönŋi malöhangöra aka nanŋak keuŋangö könaŋi qahö möta kezapqetok keu jiyök, “Jisösnöŋ ambazip kambu neŋgöra aka kömui dop kölma.” Keu mi ölna jiyök. ⁵²Juda ambazip

kambu neŋgörohök qahö kömuyökmö, Anutugöreŋ urumeleŋ könagesö gölme dop deŋqeŋda mal anjini, nini mewöyök mindirim neŋgiiga urumeleŋ kambu mohok aka malbingöra kömuyök. Kömumapkö keuŋi mi qeljiŋe jiyök.

⁵³ Wehön miangöreŋök könahiba jitŋememe yeŋön tokoba mewö eraum möta Jisös kömumapkö keuŋi jim köhöiba areŋi alget. ⁵⁴ Miangöra Jisösnöŋ toroqeba Juda yeŋgö sutjine aukje qahö anda kaba malök. Mewö qahöpmö, eŋgömosöta gölme qararaŋkölköŋaŋgö göraŋe anök. Miangöreŋ anda taon qetji Efraim miangöreŋ aŋgota gwarekurupji yembuk nanjinök malget.

⁵⁵ Juda neŋgöreŋ ak-kömukömu kendonöŋ törüyök.^{¶¶} Miangöra Juda ambazip gwötpukŋan miri dop miriŋini mosöta köŋ könjörat ak aŋgubingöra möta Jerusalem sitinöŋ öŋgöget. ⁵⁶ Jisös jaruba mala jöwöwöl jikegö tohoŋ uruŋe kinda eraum möta kewö qesim aŋguget, “Jisösnöŋ sösongai kendongöra ki kama me qahöpto? Denöwö mötze?”

⁵⁷ Mewö qesim aŋgugetmö, jike nup galöm aka Farisi yeŋön jimkutukutu keu kewö algetka sehiyök, “Kunŋan Jisösgö ahöm tatatji eka mötmawi, yeŋön mönö neŋgöreŋ kaba buzupji jii möta anda memba jöhöbin.” Mewö.

Marianöŋ Jisös o köhöwakŋambuknöŋ miriyök.

Mat 26.6-13; Mak 14.3-9

12 Anutunöŋ mönöwök neŋgehoriba neŋgoŋgiröhi, miangö ak-kömukömu kendonŋan^{§§}

töriba sömaŋi 6 teköiga miangöreŋ kam kuŋgumamgö ahök. Jisösnöŋ nalö miangöreŋ miri qetji Betani miangöreŋ anök. Mutuk azi qetji Lazarus mem guli kömupnöhök wahöta malöhi, mönö yeŋgö mire aŋgorök. ² Miangöreŋ aŋgoriga Jisös göda qem waŋgibingöra miri kunöŋ nene ohoba mözözömgöget. Martanöŋ ohom töndeŋ köŋ eŋgiyökmö, azi Jisösbuk mohotje tata nene negeri, Lazarusnöŋ yeŋgö sutjine tarök.

³ Mewö tatketka Marianöŋ kelök kirin kun lömbötji 500 gram mi memba Jisösgöreŋ kayök. Kirin mi o umköhöwakŋambuk öŋji qetji nad bohonji öŋgöŋgöŋi ketanji miaŋön kokolak qeŋeŋa. Yeŋön mi memba kaba simin köla Jisös könaŋe mimbiliba miriba nörop juŋŋan kereŋ meyök. Mewö aiga miri uruŋe tatkeri, mi ogö wöronŋan pukpuköba dop köla ahöiga mötket.

⁴ Mewö asuhuiga Jisösgö gwarek yeŋgöreŋök kun qetji Judas Iskariot, könaŋep Jisös mamalolo meyöhi, azi miaŋön qetala kewö jiyök, ⁵ “O köhöwakŋambuk mi mönö wuanöŋgöra bohonji memegöra qahö alök? Iwinangö jitji! Mi albawak ewö, mönö silim 300:kö töwaŋi (Kina 1500,-) miangö dop yöhötibawak. Mia ambazip wanapji eŋgiinga dop kölbawak.” ⁶ Mewö jiyökmö, keu mi ambazip wanapji yeŋgöra waimanjat mörohangaŋöra aka qahö jiyök. Yeŋgöra aka qahöpmö, yoŋgorö meme asia mala moneŋ gösö kutukutulaŋini galöm köli moneŋ alget geiga miangöreŋök kitipji nanŋaŋgöra memba malök. Mönö miangöra aka mi jiyök.

^{¶¶}11:55 Kendon qetji Nei keunöŋ Pasowa jize. Anutunöŋ mönöwök Israel ambazip neŋgehoriba neŋgoŋgiröhi, miangöra yambu dop nalö ala söŋgaimakzema. Eksodus 12.15

^{§§}12:1 Eksodus 12.15

[¶]12:3 Luk 7.37-38

⁷Mewö jiiga Jisösnöñ jiyök, “İñini ambi ki mönö kude jim wañgime. Nöñön kömumbiga löm köl niñgimeañgö nalöñi törizawañgöra ölop sileni o umköhöwawñambuknön nömiriza. ^{8v}Ambazip wanapñi mi mönö nalö dop sutñine malakzemö, nöñön embuk nalöñi nalöñi qahö malmam.” Mewö.

Lazarus qebingö keu jöhöba añañan alget.

⁹Jisösnöñ Betani mire malöhi, mi Juda ambazip kambu gwötpukñan möta miangöreñ kaget. Jisösgöröhök qahö kagetmö, Lazarus kömupnööhök mem gulii wahöröhi, i mohot ekingö likep-likep öröba kañgotket. ¹⁰Mewö kañgotketmö, jike nup galöm yeñön Lazarus mewöyök qein kömumapkö keu jöhöget. ¹¹Juda ambazip gwötpukñan Lazarusgöra aka Betani anda uruñini melañda Jisös möt nariget. Mianggöra keu mewö jöhöget. Mewö.

Jisös köirañ kölgetka Jerusalem öngöyök.

Mat 21.1-11; Mak 11.1-11; Luk 19.28-40

¹²Mewö aketka ahöba wahöta miangöreñ ambazip kambulelembenöñ akkömükömu kendongöra Jerusalem sitinöñ kañgota malgeri, yeñön buzup keu kewö mötket, “Jisösnöñ Jerusalem kamangö könanöñ kaza.” ^{13w}Keu mewö möta umji böröñi memba könanöñ miwikñaibingö anda kewö jiba qetket, “Hosana, owe owe! Anutu möpöseizin.

Kembugö qetñe kamawı, Anutunöñ mönö kötuetköma! Israel nenğö Kiñ Kembunini owe owe!”

¹⁴Jisösnöñ doñki moröñi kun miwikñaiba miangö qakñe öngöba tarök. Mi kezapqetok keu kun kewö ohoget ahözawañgö dop asuhuyök,

^{15x}“O Jerusalem ambazip Zaion kunduji liliköba maljei, iñini mötket, eñgö Kiñ Kambuñinan mönö kama. Doñki moröñañgö qakñe tata kama. Mianggöra keñgötñini mönö kude mötme.”

¹⁶Jisösgö gwarekurupñan yuai asuhuyöhi, miangö könañi mutuk qahö möt kutugetmö, könañep ölop möt asariget. Jisösnöñ Suepnöñ öngöba asakmararañambuk malöhi, keu mi nalö miangöreñ mötmöröba kewö jiget, “Aha! Keu mi mönö Jisösgöra ohoget ahöza aka ambazipnöñ keu miangö dop ak wañgigetka ölhambuk ahök.”

¹⁷Ambazip Jisösbuk Betani malgeri, yeñön dangunu ewö kinda buzupñi jim sehiget. Jisösnöñ Lazarus qeriga kömupnööhök guliba wahöta qaksirigö köt köteñ mosöta kañgoriga ambazip kambunöñ ekeri, yeñön Jisösgö könañi nañgöba jiba jim asariget. ¹⁸Jisösnöñ añañletot mi meyöhi, keu mi mötkerañgöra aka ambazip kambunöñ luluñda köl öröm wañgibingö anget.

¹⁹Mewö angetka Farisi (Köna keugö kapañkölköl) yeñön nanñinök eraum möta kewö jiget, “Mötket. Gölmeñi gölmeñi ambazip yeñön mönö luluñda öröba yañgö andöñe anakze aka nini keu nup miyök mem bibihiinga öljı kun qahö asuħuza.” Mewö.

Grik ambazip tosatñan Jisös jaruget.

²⁰Juda ambazip akkömükömu kendongöra Jerusalem sitinöñ öngöba Anutu waikñi memba möpöseigeri, yeñgö sutñine Grik ambazip tosatñi mohotñe malget. ²¹Yeñön gwarek qetñi Filip yañgöreñ kaget. Filipnöñ Galili prowinsgö taon qetñi Betsaida miangö azia malök. Grik yeñön yañgöreñ kaba qesiba kewö jiget mörök, “Ketañamnini, nini sihimninan Jisös ekingö mötzin.”

²² Mewö jiget möta Andrugörej anda keu mi jii mörök. Jii möta mohotje anda Jisös jiyohot mörök. ²³ Keu mi möta melenja kewö jiyök, “Suepkö asakmararajan Suep gölmegö Azi Ölji yangörej kunbuk asuhum kutuiga asari-mawi, miaᅅgö nalöᅅjan mönö töriza. ²⁴ Nöᅅn kömupnaᅅgö söpsöp keu öl töhöᅅnji kun kewö jibi mötket: Sehoᅅ köᅅᅅji gölmenöᅅ qahö geba julma ewö, mönö öne miyök ahöma. Mewö öne ahömapmö, geba julma ewö, korapᅅjan mönö jula öndölböndöl wahöri ölji gwötpuk söhöma.

²⁵ “Miaᅅgö dop denike yeᅅᅅn malmalᅅini nanᅅinaᅅgöra aᅅᅅön köla nanᅅini imbi-imbi siyoᅅsayoᅅji qahö malbingö ak eᅅᅅimakzawi, yeᅅᅅö malmalᅅinan mönö sohoma. Mewö sohomapmö, kunᅅjan kun nanᅅi malmalᅅi göragöra ala nia jeᅅep al niᅅᅅimawi, yaᅅᅅön mönö malmal ölᅅi öndölböndölᅅambuk miwikuᅅaiba köhöiba tetekoᅅji qahö mal öᅅᅅöma. ²⁶ Kunᅅjan ni welen qem niᅅᅅimangö jizawi, yaᅅᅅön mönö ni nuataᅅgöba mali dop kölma. Weleni qemakzawi, mönö ni anda kaba malmamaᅅgöreᅅ mewöyök nömbuk malma. Kunᅅjan nömbuk mala weleni qem niᅅᅅimakzawi, Iwinöᅅ mönö i göda qem waᅅᅅii malma.” Mewö.

**Jisösnöᅅ kömumba
gulimawaᅅgö keu saiᅅi jiyök.**

²⁷ Jisösnöᅅ jiyök, “Wösöni döᅅᅅi kot gwözöᅅniga amqam aka maljal. Denöwö jibileᅅak? Keu jaruzal. O Iwi, gi ölöp aua nalö kewöᅅaᅅgö köᅅᅅijiliᅅnöhök meköm niᅅᅅiman. Töndup kewögöra mewö qahö köulukömam: Aua kiaᅅgö sihibölöᅅji mi mökösoᅅᅅa bisimangöra aka nangak qakne aljan.

²⁸ O Iwi, gi mönö nangi aködamungi al niᅅᅅiba qetbuᅅaji mem qariman.” Mewö köulukoᅅiga Suepnöhök keu kewö asuhuba erök, “Nöᅅn aködamuni lök al gihiba mewö qetbuᅅani mem qarial aka toroqeba mem qaribiga sehiba anma.”

²⁹ Keu mi asuhuiga ambazip kambu kinget yeᅅᅅön mi möta jiget, “Wöl pöndaᅅ qetza.” Tosatᅅjan jiget, “Suep garata kunᅅjan yaᅅᅅöra keu jiiga kourukᅅi mötzin.”

³⁰ Mewö mewö jigetka kewö jii mötket, “Kouruk mi nöᅅgöra aka qahö asuhuzapmö, mi eᅅᅅgöra aka asuhuza. ³¹ Nalö kewöᅅe gölmeᅅi gölmeᅅi ambazip ahakmeme bölöᅅi wuataᅅgömakzei, yeᅅᅅö kewötkewöt nalöᅅinan mönö mesohol köᅅ eᅅᅅiza. Anutunöᅅ yeᅅᅅö keuᅅini jim teköba likeᅅᅅi melenᅅ eᅅᅅiiga qakᅅine öᅅᅅömapkö akza. Nalö kewöᅅe Anutunöᅅ Bölöᅅaᅅgö Kembuᅅi gölme dop galöm köᅅ eᅅᅅimakzawi, mönö i közöᅅiga yaigep etmapkö akza. ³² Yaᅅᅅön etmapmö, nöᅅgöra kewö asuhuma: Ambazipnöᅅ gölmenöhök nömemba könakemba kösököm niᅅᅅigetka öᅅᅅöba kinbiga köna ahuiga ambazip gölme dop öröm eᅅᅅibiga luluᅅda nöᅅgöreᅅ kaba kambu köla kinme.” ³³ Mi kömup denöwöᅅi kömumawi, miaᅅgö keu saiᅅa mewö jii mötket.

³⁴ Ambazip kambu yeᅅᅅön mi möta kewö jiget mörök, “Nini Köna keu oy-oᅅda kewö mötzin, ‘Kraistnöᅅ qahö kömumba tetekoᅅji qahö mal öᅅᅅöba malma.’ Göᅅön wuanöᅅgöra kewö jizan, ‘Suep gölmegö Azi Ölji gölmenöhök memba kösökögetka könakemba öᅅᅅöba kinma.’ Suep gölmegö Azi Ölji mi daᅅᅅön?”

³⁵ Mi möta melenᅅ eᅅᅅiyök, “Asakᅅjan nalö töroᅅtöᅅᅅi kunbuk sutᅅine

^v12:25 Mat 10.39; 16.25; Mak 8.35; Luk 9.24; 17.33

^z12:34 Sum 110.4; Ais 9.7; Eze 37.25; Dan 7.14

asariba malma. Söjauṗnōṅ qakṅine öṅgöba turum eṅgii miangö buṅaṅi akepuköra mönö asakṅe anda kaba malme. Asakṅan ahöm eṅgimawangö dop mönö asakṅe malme. Daṅön panamanōṅ jipjap anda kamakzawi, mönö denike aṅgotmawi, mi qahö mötza. ³⁶Miangöra asakṅan nalö dawik embuk malmawi, nalö miangöreṅ mi mönö urunōṅ möt aṅgön köla malme. Asakṅaṅgö könaṅesö aka malmegöra mönö asakṅi mi möt nariba malme.” Jisösnōṅ keu mewö jiba eṅgömosöta tölapköba anök. Mewö.

Juda ketanṅi yeṅgö uruköhöikṅinan qahö löwöriyök.

³⁷ Jisösnōṅ aṅgöletot gwötpuk memba maliga Juda yeṅön mi jeṅinan eketmö, töndup i qahö möt narim waṅgiba silebile malget. ³⁸ ^aMewö malgetka kezapqetok azi Aisaiagöreṅ keu kun mi öṅṅambuk asuhuyök. Yaṅön keu mi kewö ohoyöha ahöza,

“O Kembu, neṅön Buṅa keu jim asariba uruṅini kuṅgum eṅgimakzinmö, daṅön mi möt naribawak?

Kembunōṅ kukösumṅi mi mönö dagöra indeli möt asarima?”

³⁹ Amötqeqe Toṅi möt narim waṅgibingö lömböriba osigeri, Aisaiānōṅ miangö könaṅi möta keu kun qelṅiṅe kewö jiba ohoyöha ahöza,

⁴⁰ ^b“Nanṅini jeṅinan yuai eka könaṅi ek kutubepuk me uruṅinan keu könaṅi möt asaribepuk. Mi möt asariba uruṅini meṅṅebepuk.

Uruṅini meṅṅetka mem ölöwak eṅgibileṅbuk. Yaṅön mewö asuhubapuköra ambazip jeṅini mem gömöliba uruṅini gwözöṅniga malje.”

⁴¹ Jisösnōṅ Suepkö asakmararaṅnōṅ asariba mali Aisaiānōṅ mewö eka könaṅi jim asariba keu mi jiyök.

⁴² Jitṅememe aka galömkölköl azi yeṅgöreṅök gwötpukṅan mewöyök Jisös möt narigetmö, Farisi (Köna keugö kapṅkölköl) yeṅön köuluk miri kambunöhök közöl eṅgibepuköra mi aukṅe qahö jim miwikṅaiget. ⁴³ Ambazipnōṅ möpöseim eṅgimegöra kapṅ kölgetmö, Anutunōṅ möpöseim eṅgimapköra mi qemasolokeṅ aket. Mewö.

Jisösgö keuṅan ambazip kewöta keunini jim teköma.

⁴⁴ Tosatṅan mewö aketmö, Jisösnōṅ keu qeta kewö jiyök, “Kunṅan möt narim niṅgizawi, yaṅön niyök qahö möt narim niṅgizapmö, kunōṅ melaim niṅgiyöhi, i mewöyök möt narim waṅgiza. ⁴⁵ Kunṅan ni neka mönö melaim niṅgiyöhi, i mewöyök ehakza. ⁴⁶ Ambazip kun ni möt narim niṅgizawaṅön mönö söjauṗnōṅ qekötahöba malbapuk. Miangöra nöṅön eta asuhuba gölmeṅi gölmeṅi eṅgö asakṅina aka maljal.

⁴⁷ “Nöṅön eta asuhuba gölmeṅi gölmeṅi eṅgö keuṅini jim tekömangöra aka qahö kayalmö, ambazip gölme dop amöt qem eṅgibiga nalö kewöṅe letota Suepkö buṅaya akṅegöra aka kayala maljal. Miangöra ambazip nöṅgö Buṅa keuni möta qahö tem köla wuatangömakzei ewö, nöṅön yeṅgö keuṅini qahö jim tekömam. ⁴⁸ Denike yeṅön jijiwilit ak niṅgiba Buṅa keuni qahö möt aṅgön köṅlei, yeṅgö jim teteköṅinan mönö kewö asuhuma: Nöṅön Buṅa keu jibi mötkeri, keu miāṅön mönö nalö ketanṅe keuṅini jim teköiga sihimbölöṅini miangö dop mötme.

⁴⁹ “Könaṅi kewögöra mewö asuhuma: Nöṅön Buṅa keu jiba malali, mi keu

omanji qahö. Mi nani imbineyök qahö asuhuiga jiba kota malal. Mewö qahöpmö, Iwi melaim niŋgiyöhañon nanjak keu jit denöwö jimami, miangö jim kutum niŋgiiga jiba kota maljal.⁵⁰ Iwigörej jimkutukutu mianjón mönö injini malmal köhöikne al enjimakza, mi mötzal. Miangöra Iwinan mi jimangö jim kutum niŋgiyöhi, mönö miangö dop Buja keu jimakzal.” Mewö.

Jisösnöj gwarek yengö könañini sanjoñnök.

13 Ak-kömukömu kendonöj* töriiga Jisösnöj könañi kewö möt yaköyök, ‘Gölme mosöta Iwinangörej öngömamangö nalöñan mönö töriza.’ Mewö möt yaköba nanji alaurupji gölmenöñ malgeri, mi uruñan jöpaköm enjiba mala teteköñe miangörej mewöyök uru jöjöpanji mi kondel enjigiyök.

²Kömumawangö nalöñan kam kuñgumamgö aiga nalö kunöñ sunjemgö nene nemingö tokoba mohotnje tatketka yuai kewö asuhuyök: Saimon Iskariotkö nahönñi qetji Judas i Satanöñ lök sölölohöyök. Jisös mamalolo ak wañgimapkö keunji mi sañep ali uruje geiga möta tarök.³ Jisösnöñ nanji könañi mi kewö möt kutuyök, ‘Iwinöñ yuai pakpakö kukösumñi mi nöñgö böröne aliga Anutugörejök eta mala kunbuk yangörej öngömamgö akzal.’

⁴Könañi mewö möt kutuba nene nembra tatkerangörejök wahöta malukuñi köteköba nupkö opo jöhanñi kun memba kemañe köpeiba jöhöyök.⁵ Mi jöhöba o joutnöñ mokoï geiga könahiba gwarekurupñi yengö könañini sanjoñnök. Sanjoñ teköba opo jöhanñi

(tauöl) kemañe köpeiba jöhöyöhi, mianjón könañini kutuyök.⁶ Sanjoñda anda Saimon Pitögö kemañe kanjoriga kewö jii mörök, “O Kambu gi welenqege etqegeñi qahö. Göñon nöñgö könañi sanjoñnöñga qahö dop kölma.”

⁷Mewö jii möta kewö meleñnök, “Yuai dölkö akzali, göñon mianjón könañi nalö kewöñe qahö möt kutuzanmö, kemañepnöñ mi ölop möt asariba malman.”

⁸Meleñniga kewö kapañ köla jiyök, “Gi mönö nöñgö könañi nalö kunöñ qahöpmahöp sanjoñman.” Mewö jiiga kewö jiyök, “Nöñon gi qahö sanjoñ gi-himam ewö, gi mönö nöñgö gwarekni toroqeba malmamgö osiman.”

⁹Mewö jiiga Saimon Pitönöñ pörösöl ala auruba meleñnök, “Kambu, mewögöra gi könananök qahöpmö, böröni aka nöropni mi mohotnje sanjoñman.”

¹⁰Mewö meleñniga kewö jii mörök, “Kunñan o ariba kaiga könañi tok sanjoñninga töwötji qahö sarakñi ak teköma. Injini körek lök sarakñi ak teközemö, mohotnöhök sarakñi qahö akza.”¹¹ Dañon mamalolo ak wañgimamgö ahöhi, Jisösnöñ mi möta miangöra kewö jiyök, “Injini körek sarakñi qahö akze.”

¹²Könañini sanjoñ teköba malukuñi kunbuk löngöta eta tari negetka kewö qesim enjiba jiyök, “Nöñon yuai ak enjizali, injini miangö könañi möt asarize me qahö? ¹³Injini nöñgöra ‘Böhi!’ aka ‘Kambu!’ mewö noholakze aka nöñon mi ölna akzal. Miangöra mi dopñe jimakze.¹⁴ Nöñon enjö Kambu Böhiñini aka welenqege eretjängö silik memba könañini sanjoñjal ewö, injini mönö mewöñanök memba et al anguba weleqege aka kö-

*13:1 Anutunöñ mönöwök Israel ambazip neñgehoriba neñgoñgiröhi, kendon miangö qetji Nei keunöñ Pasowa jize. Eksodus 12.15

nañini sanjoŋ aŋguba malgetka dop kölma. Mi mönö nupñina.

¹⁵“Nöñön aka kondel engizali, iñini mönö miangö dop naŋgöba welen qem aŋguba malme. Mewö malmegöra miangö silikñi nöñön merak kondel engibiga ekze. Mi mötmöriba miangö tandökñi wuatangögetka dop kölma. ¹⁶“Nöñön keu öl töhöññi kun kewö jibi mötket: Welenqeqeññi eretñi aiga toŋan öngöñgöñi akza. Gwareknöñ böhiñi oŋgita öngöñgöñi akñangö osima. Mewöyök azi kembu kunöñ garatañi melaiiga kolek anda nup memakzawi, yañön mönö kembuñangö bapñe malakza. ¹⁷Iñini keu kötni mi merak möt kutuze. Mewögöra silememe mosöta alaurupñini nembö bapñine anda malme ewö, nöñön mönö engöra ‘I-ia simbawoŋ!’ jimam.” Mewö.

Kunöñ mamalolo ak waŋgimapkö qeljiñe jiyök.

Mat 26.20-25; Mak 14.17-21; Luk 22.21-23

¹⁸e“Keu jizali, mi mönö iñini lökñanök qahö engömeza. Nöñön niñia möwölöhöba engömeali, engö könañamñini mönö ölop möt kutuzal. Mewö maljalmö, Buña Kimbi kun miangön öljambuk aiga dop kölma. Keu mi kewö, ‘Kunöñ nöñgöreñ nene mohotñe neziri, yañön mönö kelewele aka gwakötñan tötal niñgiba nuŋgumangö jöjöröza.’[†]

¹⁹“Ni ölni könañgep asuhumawangö keuñ mutuk jizal. Miangöra ölni asuhumawi, iñini nalö miangöreñ nöngö kö-nani möt asariba kewö jime, ‘Aha! Malmalgö könañi nalö dop mala kota malöhi, yañön mönö mia akza.’ Mewö

jiba möt narim niñgimegöra nöñön keu mi qeljiñe aukñe jibiga mötze.

²⁰f“Nöñön keu öl töhöññi kun kewö jibi mötket: Nöñön ambazip kun melaibi nup memangöra kaiga kunñan i köl örozawi, yañön mönö ni tok köl öröm niñgima. Mewöñanök ni köl öröm niñgizawañön mönö melaim niñgiyöhi, mönö i mewöyök köl öröm wañgima.”

²¹Jisösnöñ keu mewö jiba wösöñi kot gwözöñda jul takömangö ahiga keu indela kewö jiyök, “Nöñön keu öl töhöññi kun kewö jibi mötket: Engöreñök kunñan ni mamalolo mem niñgima.”

²²Mewö jiiga gwarekurupñan nanñini kuñkaliliñ uba aŋgehiba nanñök nanñök kewö mötmöriget, ‘Mönö dagöra jizapto?’ Mewö mötmöriba uruyahöt tönpin tatket. ²³Tönpin tata nene negetka Jisösgö wölböt gwarekñan yangö qöhöröñeyök tarök. ²⁴Yañön tariga Saimon Pitönöñ nöropñan gwarek mi söpsöp ak wañgiba kewö jii mörök, “Keu mi dagöra jizawi, mi qesiba jinöñ mötpi.”

²⁵Mewö jii möta lapingöba Jisösgö töptöpñe naŋgöba kewö qesiyök, “Kembu, azi mi dañön?”

²⁶Mewö qesiiga meleş wañgiyök, “Beret kitipñi kuluñnön kundumgöba kun wañgimami, yañön mönö mi.” Meleş wañgiba beret kitipñi memba kuluñnön kundumgöba Judas wañgiyök. Judasgö iwiñi qetñi Saimon Iskariot. ²⁷Beret kitipñi mi wañgiiga Satanöñ miangöreñök Judasgö uruñe geyök. Miangöra Jisösnöñ i jim kutum wañgiba kewö jiyök, “Yuai akñani, mi mönö zilañ akñan.” ²⁸Keu mewö jiyökmö, mi wuanöñgöra jii möröhi,

[†]13:18 Gwakötñan tötal niñgiba nuŋgumamgö jöjöröza, keu mi Israel yeñgöreñ dop-keu kun. Könañi kewö: Yañön uruñan qetala utaköm niñgiza.

^d13:16 Mat 10.24; Luk 6.40; Jon 15.20 ^e13:18 Sum 41.9

^f13:20 Mat 10.40; Mak 9.37; Luk 9.48; 10.16

mi gwarek tosatŋan mohokŋe tata nene negeri, yeŋgöreŋök kunŋan kun qahö möt asariyök. ²⁹ Gwarek tosatŋan miangöra kewö mötmöriget, “Judasnön moneŋ gösögö galömŋa malöhi, miangöra kendon nalöŋe yuai osibini, mi bohonŋi memapköra melaiza me ambazip wanapŋi moneŋ yuai kun memba eŋgimapköra jiza.”

³⁰ Judasnön keu mi ölop möt asariba beret kitipŋi mi memba miangöreŋök mosöta yaigep aniga suŋgem ahök. Mewö.

Jisösnön jöjöpaŋ keu dölökŋi jim kutuyök.

³¹ Judasnön mosöta yaigep aniga Jisösnön kewö jiyök, “Dölki Anutunön aködamunŋi Sup gölmegeö Azi Ölni al teköm waŋgiiga yaŋön Anutugö qetbuŋaŋi mem qarii asuhuza. ³² Yaŋön Anutugö qetbuŋaŋi mem qariba Anutubuk qekötahözawaŋgöra Anutunön mönö mewöŋanök yaŋö qetbuŋaŋi mem qarima. Mi nalö qahö körii mem qariiga asakmararaŋan asuhum tiŋgiri mal öŋgöma.

³³ ^g“O gömokurupni, nöŋön nalö töröptökŋi kunbuk embuk malmam. Mi mala eŋgömosötpiga könagep jarum niŋgiba malme. Juda yeŋgöra kewö jibi mötket, ‘Ni miri anmami, iŋini miangöreŋ kabingö osime.’ Keu miyöhök dölki eŋgöra mewöyök jizal.

³⁴ ^h“Nöŋön jöjöpaŋ keu dölökŋi jim kutum eŋgizal: Iŋini mönö uruŋinan jöpaköm aŋguba malme. Nöŋön urukalem ak eŋgiba malali, iŋini mönö miangö dop jöpaköba urukalem ak aŋguba malme. ³⁵ Sutŋine uruŋinan jöpaköm aŋguba malme ewö, ambazip körek yeŋön eŋgeka könanaŋŋini möt kutuba kewö jiba malme, ‘Aha! Mönö Jisösgö gwarekurupŋi akze.’” Mewö.

Pitönön Jisös qaŋ kölmapkö keu qeljiŋe jiyök.

Mat 26.31-35; Mak 14.27-31; Luk 22.31-34

³⁶ Saimon Pitönön Jisös kewö qesim waŋgiyök, “Kembu, gi denike anman?” Qesim waŋgiiga meleŋnök, “Ni denike anmami, gi miangöreŋ nuataŋgöba kamamgö osiman. Nalö kewöŋe osimanmö, könagep mia ölop nuataŋgöba kaman.”

³⁷ Meleŋniga kewö qesiyök, “Kembu, ni mönö wuanöŋgöra nalö kewöŋe gi guataŋgöba kamamgö osiman? Nöŋön mönö malmalni göhöra aka köleŋda mosötмам.”

³⁸ Qesiiga kewö meleŋnök, “Gi ölna malmalgi nöŋgöra aka köleŋda mosöt-mamgö jizan me? Keu mi jitkanök jizan. Nöŋön keu ölp töhöŋŋi kun kewö jibi mötnön: Merak kuruknön qetmamgö dopdowiiga göŋön nalö miangöreŋ qaŋ köl niŋginöŋga indimŋi karöbut akŋa.” Mewö.

Jisösnön gwarekurupŋi urukölalep mem eŋgiyök.

14 “Uruŋinan mönö waimanjat kude möta wösöbirik kude aka malme! Mönö Anutu möt narime aka ni mohok möt narim niŋgiba malme! ² Nöŋgö Iwinangö miri bohonŋe miri uruŋi sehisehiŋi ahöze. Mi qahö ahöbeak ewö, mönö eŋgöra keu kewö jibileŋak: Nöŋön mönö miangöreŋ öŋgöba eŋgö dum miri mem möhamgömam.

³ “Nöŋön mutuk anda öŋgöba eŋgö dum miriŋini mem möhamgömam-mö, nöŋön miri malmami, iŋini mewöyök nömbuk miangöreŋ mohotŋe malbingö sihimŋi mötzal. Miangöra nöŋön mönö kunbuk liliŋgöba kaba eŋguangitpiga euyangöreŋ öŋgöme. ⁴ Nöŋön miri

denike anmami, injini miangö könani lök möt kutuze.” Mewö.

Iwigöreŋ anangö köna mi Jisös.

⁵Jisösnöŋ mewö jiiga gwarek qetŋi Tomas yaŋön kewö jiyök, “O Kembu, gi miri denike anmani, nini mi qahö mötzin. Miangöra miangö könani mi mönö denöwö möt kutubinak?”

⁶Mi möta kewö jii mörök, “Nöŋön Köna akzal. Nöŋön Keu ölni aka Malmal köhöikŋi akzal. Kunŋan Iwigöreŋ angotmamgö möta nöŋgöreŋ kama ewö, yaŋön mönö köna miwikŋaima. Köna murutŋi kun qahö ahöza. ⁷Injini ni ölna möt kutum niŋgibeak ewö, mönö nani Iwini mewöŋanök möt kutum waŋgibeak. Injini nalö kiangöreŋök könahiba nöŋgö Iwini lök eka möt waŋgize.”

⁸Mewö jiiga Filipnöŋ kewö jii mörök, “O Kembu, gi Iwi kondel neŋginöŋga neŋön i uba ehinga dop köl neŋgima.”

⁹Mi möta Jisösnöŋ jii mörök, “O Filip, ni nalö köröp tiŋtiŋi embuk pöndaŋ malbigun neka töndup könani qahö möt kutuzan me? Kunŋan ni nek kutuyöhi, yaŋön mönö Iwini mewöyök eka malja. Miangöra gi mönö denöwögöra Iwi kondel neŋginöŋga ekingöra jizan?

¹⁰“Nöŋön Iwibuk qekötahöba kinbiga Iwinöŋ nömbuk qekötahöba kinjawi, mi möt narizan me qahö? Keu Buŋa jibiga mörakzei, nöŋön keu mi nani uruneyök qahö memba jimakzal. Qahö! Nup memakzali, mi mewöyök Iwi nömbuk qekötahöba kinjawaŋön nam köl niŋgii ölni ahumakza. Miangöra nup memakzali, mi mönö yaŋgö nuwa memakzal.

¹¹“Nöŋön Iwibuk qekötahöba kinbiga Iwinöŋ nömbuk qekötahöba kinja. Injini mönö mewö möt narim niŋgiget. Keu mi jitnöŋ jibi möta qahö möt narim niŋgibeak ewö, mi mönö aŋgöletotni ekzeangöra aka möt narim niŋgime.

¹²Nöŋön keu ölni töhöŋŋi kun kewö jibi mötket: Denike yeŋön ni möt narim niŋgizei, yeŋön mewöyök ni aŋgöletot memba malali, miyöhök memakŋe. Miyöhök memakŋe aka nalö tosatŋe nöŋön meali, miangö dopŋi oŋgita mi memakŋe. Nöŋön Iwigöreŋ öŋgöba malmamangöra aka aŋgöletot öŋgöŋgöŋi ketaŋi megetka asuhume.

¹³“Iwian nöŋgöra aka qetbuŋaŋambuk akŋapakö mötzal. Miangöra aka Injini nöŋgö qetne wani yuaigöra köulukömei, nöŋön mönö mi akŋam. Mewö akiŋun miangöŋ Iwinaŋgö qetbuŋaŋi jigetka qarimakŋa. ¹⁴Injini yuai kungöra nöŋgö qetne köuluköba qesim niŋgime ewö, nöŋön mönö mi akŋam. ¹⁵Injini uruŋinan jöpaköm niŋgimakze ewö, mönö nöŋgö jöjopaŋ keuni tem köla wuataŋgöba malme.” Mewö.

Jisösnöŋ Uŋa Töröŋi melaimangö jim jöhöyök.

¹⁶“Nöŋön Iwi köuluköm waŋgibiga yaŋön nam köiŋput Toŋi kun eŋgiiga eta nöŋgö salupni aka teteköŋi qahö embuk mal öŋgöma. ¹⁷Nam köiŋput Toŋi mi Uŋa Töröŋi. Yaŋön keu ölnaŋgö Toŋi akza. Uruŋini qahö melenget yeŋön i qahö ek kutuba qahö möt waŋgize. Miangöra yeŋön i köl öröba möt aŋgön kölböŋgö osimakzemö, Uŋa yaŋön lök embuk malja aka könaŋgep uruŋine geba embuk kinma. Miangöra i kiana qahöpmö, i ölop möt kutum waŋgize.

¹⁸“Nöŋön eŋgömosötpiga gwani morö ewö qahö aka malme. Ni mönö eŋgöreŋ liliŋgöba kamam. ¹⁹Nalö töröptökŋi teköigun gölme ambazip omaŋi yeŋön ni kunbuk qahö neka malme. Yeŋön qahöpmö, uruŋini melenŋeri, eŋön ni ölop nehakŋe. Nöŋön köhöiba maljalangöra injini mewöŋanök guliba köhöiba malme. ²⁰Iwi, nani aka injini, nini mohok aka maljin. Nöŋön Iwinambuk qekötahöba

kinbiga iḡini nōmbuk qekōtahōba kingetka nōḡōn embuk qekōtahōba kinjal. Miangō kōnaḡi mi Uḡa Tōrōḡan uruḡine gemawaḡō nalōḡe ölöḡ mōt asarime.

²¹ “Kunḡan nani jōjōpaḡ keuni pakpak mōt aḡḡōn kōla tem kōlakzawi, yaḡōn mōnō uruḡan ni jōpakōm niḡim�akza. Kunḡan ni jōpakōm niḡiḡiḡa nōḡō Iwinan mōnō i jōpakōm waḡim�akza aka nōḡōn i jōpakōm waḡim�akzal. Nōḡōn i jōpakōba kōnaḡamni indel waḡiḡibiga mōt kutuma.”

²² Jisōsnōḡ mewō jiḡa Judas Iskariotkō wakaḡi Judas yaḡōn kewō jiyök, “Kembu, ḡi denōwōḡōra kōnaḡamḡi neḡḡōreḡök indelman aka ambazip uruḡini qahō meleḡeri, yeḡḡōra mi kōyatim eḡḡimamḡō jizan?”

²³ Mewō jiḡa kewō meleḡ waḡḡiyök, “Kunḡan uruḡan jōpakōm niḡim�akza ewō, yaḡōn mōnō nōḡō Buḡa keuni tem kōla wuatāḡōba malma. Mewō maliga Iwinan i jōpakōm waḡiḡiḡa Iwi netkōn mōnō yaḡō uruḡe geba pōndaḡ yambuk mohotḡe malbin. ²⁴ Kunḡan ni uruḡan qahō jōpakōm niḡim�akza ewō, i mōnō nōḡō Buḡa keuni qahō tem kōla wuatāḡōba malma. Keu jibi mōrakzei, mi nani Buḡaya qahōpmō, Iwi melaim niḡḡiyōhi, yaḡōn mi niḡiḡiḡa jimakzal.

²⁵ “Nōḡōn keu pakpak mi embuk pōndaḡ malali, nalō miangōreḡ kusum eḡḡiba malal. ²⁶ Mewō malalmō, Iwinōḡ Uḡa Tōrōḡi nōḡō qetne melaiḡa eta nam köiput (aka tinjonjon) Toḡini akḡa. Yaḡōn keu pakpak kusum eḡḡiba nōḡōn qambaḡ keu pakpak eḡḡiali, mi ölum eḡḡubapukōra kōl gulim eḡḡim�akḡa.

²⁷ “Nōḡōn luai eḡḡizal. Nane luai sorokni qainḡi kun mi albi uruḡine ahōma. Gölmenōḡ ambazip yeḡōn luai qem aḡḡumakzei, nōḡōn miangō tandök ewō kude qem eḡḡim�akzalmō, mi oḡḡita luai qainḡi kun eḡḡim�akḡam. Miangōra

uruḡinan mōnō wōsōbirik kude aka keḡḡōḡḡini kude mōta malme.

²⁸ “Nōḡōn keu kewō jibiga mōtket, ‘Nōḡōn eḡḡōmosōta öḡḡōba mala kunbuk eḡḡōreḡ liliḡḡōmam.’ Iḡini uruḡinan ni öḡḡa jōpakōm niḡḡibeak ewō, keu jizali, miangōra ölöḡ söḡḡaibeak. Iwinōḡ nōḡō ketanaḡmi akza. Miangōra ni ‘Iwinangōreḡ öḡḡōmam,’ jizali, iḡini mi mōta ölöḡ urusōsōḡḡai miwikḡaigetka dop kōlbawak. ²⁹ Keu döḡḡi jibi mōtzei, miangō öḡḡi biaḡ asuhuma. Öḡḡi asuhumawi, iḡini nalō miangōreḡ mi ölöḡ mötmōriba mōt narime. Miangōra mi nalō kiangōreḡ qelḡiḡe jibi mōtze.

³⁰ “Nalōni tōrizawaḡōra embuk keu gwōḡḡuk kunbuk jimamḡō dop qahō mötzal. Bōlöḡangō Kembuḡan gölme dop galōm kōl eḡḡim�akzawi, yaḡōn mōnō kamamḡō jōjōrōza. Yaḡō ösumḡan mōnō luhut qahō al niḡḡiba kondondōḡōma. Nōḡōreḡ kōna mi yaḡōn jim kutumawaḡō dop qahō ahōza. ³¹ Qahō ahōzapmō, nōḡōn Iwi jōpakōm waḡim�akzalaḡōra yuai pakpak keu jim kutum niḡim�akzawaḡō dop ahakzal. Gölme ambazipnōḡ nōḡō kōnaḡamni mewō jim kusum eḡḡigetka mōt asarimeḡōra mötzal. Miangōra mōnō mosōta wahōta kaḡetka anbin.” Mewō.

Jisōsnōḡ wain ip bōmōḡḡi, neḡōn bōrōḡi akzin.

15 Jisōsnōḡ gwarek yeḡḡōra kewō jiyök, “Nōḡōn wain ip öḡ sorokḡi akiga nōḡō Iwinan wain nupkō toḡi akza. ² Nōḡōn ip ewō qak bōrōnambuk akzal. Ip bōrōni pakpak öḡḡini qahō miwikḡaiba gilipitḡi akzei, Iwinan mi kutum gil eḡḡima. Ip bōrōni pakpak nōḡōreḡ tatketka öḡḡini ahum sirizei, Iwinan mi mōnō kōl kōḡḡōrat eḡḡima. Ahakmemegō öḡḡi qarim kuwulem sehiseḡiḡi miwikḡaimeḡōra mōnō mem solanim eḡḡima.

³“Inini Buḅa keu jibi mötketka mi-aḅön lök mem solaniba köl könjörat eḅgii sarakḅi aka malje. ⁴Miaḅgöra eḅön mönö nömbuk qekötahöba kinme. Mewö kingetka nöḅön embuk kinmam. Wain böröḅi kunḅan ip kembraḅe qahö tata tala etza ewö, mi mönö nanḅi nam köl aḅuba öḅḅi ahum waḅgimapkö osima. Miaḅgö dop inḅi mewöḅanök nömbuk qahö qekötahöba kinje ewö, mönö nanḅinök ahakmemegö öḅḅi öne ahum waḅgibingö osime.

⁵“Ni waingö ipḅi akiga eḅön miaḅgö böröḅi akze. Inḅi nömosöta nanḅinök kinda yuai kun akingö osime. Miaḅgöra kunḅan nömbuk qekötahöba kiniga nöḅön yambuk qekötahöba kinbiga yaḅön mönö ahakmemegö öḅḅi önöḅi qahö miwikḅaiba siriba malma. ⁶Denike yeḅön nömbuk qahö qekötahöba kinje ewö, wain ip toḅan mönö i ip böröḅi ewö kutum eḅgiba gili yaigep anme. Anda soholigetka memba tokoba könöpnöḅ gili geba jeme.

⁷“Yeḅön jememö, likeḅḅi inḅi mönö nömbuk qekötahöba kinme. Mewö kingetka nöḅgö Buḅa keunan eḅgö uruḅine qekötahöba kinja ewö, inḅi i me wai buḅa qem aḅubingö mötzei, mi mönö Iwi köuluköm waḅgigetka eḅgima. ⁸Inḅi nöḅgö gwarekurupni aka kingetka ahakmemenḅangö öḅḅi önöḅi qahö aḅuba eta tatketka malme. Mewö memba malgeraḅgöra Iwinangö qetḅan mönö aködamuraḅbuk aka ahöma. ⁹Iwinan ni jöpaköm niḅgiba malöhi, nöḅön mönö miaḅgö dop mohot jöpaköm eḅgiba malal. Inḅi mönö nöḅgö urukalem uruḅe kinme. ¹⁰Nöḅön Iwinangöreḅ jöjöpaḅ keu tem köla mala kota yaḅgö urukalem uruḅe kinjal. Miaḅgö dop eḅön nöḅgö jöjöpaḅ keuni memba tem köla malme ewö,

mönö öḅḅi nöḅgö urukalem uruḅe kingetka jöpaköm eḅgiba malmam.

¹¹“Nöḅön uru sösonggai al eḅgibi eḅgöreḅ kutuiga uruḅini kokolak qei ahöiga önöḅi qahö söḅgaim sehiba malmegöra keu mi jibi mötze. ¹²Nöḅgöreḅ Köna keu mi kewö: Nöḅön uru jöpaköm eḅgiba malali, inḅi mönö miaḅgö dop nanḅini jöpaköm aḅguba malme. ¹³Kunḅan alaurupḅi yeḅgöra aka nanḅi malmalḅi tököba mosötmawi, miaḅön mönö urukalem öḅḅöḅḅi ketanḅi akza. Kunḅan mi oḅgita jöpaköm eḅgimamgö osima. Urukalem tosatḅi mi miaḅgö eretḅi.

¹⁴“Nöḅön yuai akḅegöra jim kutum eḅgimazali, inḅi miaḅgö dop ahakze ewö, mönö nöḅgö alaurupni akze. ¹⁵Welenqeqegö könaḅi kewö: Galömḅan nupḅi denöwö aka memakzawi, mi welenqeqeḅan qahö mörakza. Miaḅgöra eḅgö qetḅini ‘Welenqeqeurupni,’ mewö qahö toroqeba eḅgoholmam-mö, Iwinangöreḅök Buḅa keu mörali, mi pakpak mönö eḅgöra indelbiga mötze. Mewögöra qetḅini ‘Alaurupni,’ mewö eḅgoholbiga dop köḅḅa.

¹⁶“O alaurupni, eḅön ni qahö möwölöhöm niḅgigetmö, nöḅön inḅi möwölöhöba kuḅgum eḅgibiga kinje. Miaḅgöra eḅön liliköba anda öḅḅi kewö miwikḅaiba pöndaḅ sirigetka ahöhöḅi ahi dop köḅḅa: Nöḅgö qetḅi qeta yuai mi me mi miaḅgöra Iwi köulukömei, mi mönö eḅgii buḅaḅini akḅa. ¹⁷Inḅi mönö sutḅine jöpaköm aḅguba malme. Nöḅön jöjöpaḅ keuni mewö jim kutum eḅgizal.” Mewö.

Urumeleḅgö kopanḅi yeḅön inḅi kazik ak eḅgime.

¹⁸“Gölmenöḅ uruḅini qahö melenḅet yeḅön kazik ak eḅgime ewö, mönö keu

kewö mi möt kutume: Yeñon mutuk ni mewöñanök kazik ak niñgiba malget. ¹⁹Iñini urumelenğö kopa kambunön malbeak ewö, kambu-urup mienön mönö nanñini alaurupñini urukalem ak engibeak. Mi ak engibeakmö, nöñon iñini möwölöhöba yeñgö areñnöhök engömembiga murutñi aka malje. Yeñgöreñ ahakmeme bölöñi mi andö qeba maljeañğora aka kazik ak engimakze.

^{20j}“Nöñon keu kun kewö jibi mötkeri, mi mönö urukönömñine ala mötmörime, ‘Welenqeqenönj eretñi aiga toñan ke-tañamñi akza. Gwareknönj böhiñi oñgita öngöñgöñi akñamğö osima.’ Mianğö dop tosatñan ni sesewerowero ak niñgiba mala kotket ewö, tosatñi yeñon mönö nöñgö undumurupni iñini mewöñanök sesewerowero ak engiba malme. Yeñon nöñgöreñ Buña keu möt añğön köla malget ewö, iñini nöñgö keuni jim sehiba malgetka mönö mewöñanök ölop möt añğön köla malme. ²¹Mewö malmemö, ni melaim niñgiyöhi, yeñon i qahö möt wañgize. Mianğöra silebile qakñe yuai kónañi kónañi lañ ak engime, mi mönö nöñgö qetbuñanangöra aka asuhum engima.

²²“Nöñon yeñgöreñ qahö eta Buña keu jibi mötpeak ewö, yeñon mönö köpösihitñinangö gamuñi qahö möta malbeak. Mewö öne malbeakmö, nalö kewöñe siñgisöndokñini möt teköba köl turubingö osize. Möndömöndö keuñini mönö denöwö miwikñai-beak? ²³Kunñan ni kazik ak niñgizawi, yañon mönö Iwini mewöñanök kazik ak wañgiza. ²⁴Añğöletot öngöñgöñi ketañi meali, mi kunñan kun engö sutñine qahö memba malök. Nöñon mi qahö membilenak ewö, yeñon mönö köpösihitñinangö gamuñi mi qahö möta malbeak. Tönpin malbeakmö,

nalö kewöñe nöñon mi membiga ek teköbagun töndup ni aka Iwini mewöñanök öne töhön kazik ak netkiba malje.

^{25k}“Mewö ak netkiba malgetka Buña keu kun ölnambuk ahök. Mosesnönj köna keu engiyöhi, mianğöreñ keu mi kewö ohoget ahöza, ‘Yeñon öne töhön lañ kazik ak niñgiba malget.’ Keu mianñon lök ölnambuk ahök.

²⁶Nöñon Iwigöreñ öñgöba köiput Toñi melaibiga engöreñ kaba uruñine geba nañğöm engima. Uña Töröñi yañon keu ölnangö Toñi akza. Yañon Iwigöreñök eta nöñgö kónañamni nañğöba jim asarim engiba malma. ²⁷Yañon mewö malma aka eñon mewöñanök nöñgö kónañamni nañğöba jim asariba malme. Nöñon kónahiba urugö qenjarök nup memba malali, eñon mönö kónakö-nahineyök nömbuk mala kotket. Mianğöra iñini mönö mi ölop jim asariba malme. Mewö.

Jisösgö gwarekurupñi bim engöhöi utal engime.

16 Jisösnönj toroqeba kewö jiyök, “Iñini tala eta engui janñun akepüköra nöñon keu mi qeljiñe jibi mötze. ²Uruñini qahö melenğet yeñon mönö köuluk miri kambuñineyök utal engigetka yaigep eta malme. Könangep nalö kun kam kuñgumawi, mianğöreñ iñini nöñğöra aka engugetka kömume. Mewö enguba kewö jime, ‘Mewö mianñon Anutugö welenñi qeinga Anutugö uruñan ölowakza.’ Körekñan mewö möt sohoba jime. ³Yeñon Iwi aka ni netkö kónañamniri qahö möt asarimakzeañğöra aka mewö ak engiba malme.

⁴“Mewö tönpin malmemö, nöñon keu mi qeljiñe engöra jibi mötze. Mianğöra nalö mi kam kuñguiga keu mianğö ölni

asuhumawi, inini nalö miangöreñ ölop kewö jime, ‘Kraistnöñ kiangö buzup keuñi lök qeljiñe jii mörin.’ Nanak embuk malalañgöra aka keu mi nalö köröpñi ahöiga mutuk qahö jibi möta kotket.” Mewö.

Uña Töröñan nupñi kewö memakza:

⁵“Nöñön nalö kiangöreñ melaim niñgii erali, mönö yangöreñ öngömamgö akzal aigun engöreñök kunñan kun kewö qahö qesim niñgiza, ‘Gi denike anman?’ ⁶Keu mewö jizali, eñön mi möta miangöra wösöbiriknöñ uruñini kokolak qei malje.

⁷“Mewö maljemö, töndup nöñön miangö likepñi keu ölni kun kewö jibi mötket: Nöñön engömosöta lilingöba öngömami, miangö ölnan asuhuiga mönö kewö mem ölöwak engima: Nöñön öngöba köiput Tonji melaibiga engöreñ eta uruñine gema. Nöñön qahö engömosöta öngöbilenak ewö, Tonji yañön mönö engöreñ etmamgö osima.

⁸“Köiput Tonji yañön eta malmalgö könañi kewö kondel engiba malma: Gölmö dop siñgisöndokñini indela kondeli Anutunöñ keuñini jim teköiga solanime me uruñini qahö melengetka keuñini jim teköba likepñi melen engima. Ambazipnöñ könañamñini mewö eka möt kutume. ⁹Ni qahö möt narim niñgizeangöra siñgisöndokö könañi indel engiiga möt kutume.

¹⁰“Anutugö köna solanñi möt sohoba nöngöra keu lañ jimakze. Miangöra yañön nöngö könañamni indela kondel engiiga kewö möt kutum niñgime: Nöñön solanñi mala Iwinangöreñ lilingöba öngöbiga ni kunbuk qahö neka malme. ¹¹Bölöñangö Kembuñi gölmö dop galöm köl engimakzampö, Anutunöñ yangö keuñi lök jim teköyöha könöp siagö Tonji akña. Miangö dop körek neñgö keunini mewöyök jim teköma.

¹²“Nöñön ölop keu gwötpuk toroqeba jibilenakmö, mi nalö kewöñe jibiga usuñumburañ aka köl gulibingö osibepuk. ¹³Mi osibepukmö, keu ölnangö Tonji, Uña Töröñi yañön eta uruñine geba keu sañep qei mötme. Mi nanñi imbiñangö dop lañ qahö jiba malmampö, Anutugöreñ keu kezap ala mötzawi, yañön mönö miyök jimakña aka könañep yuai asuhumawi, mi qeljiñe indela jima. Miangöra yañön engömembra keu ölni pakpak miangö o angöñe al engiiga keu ölnangö köna tiba anme.

¹⁴“Yañön mönö nane köwenöhök keu memba jim asariba uru kuñgum engiba malma. Miangöra mönö nöngö könanani indeliga nöñön qetbuñanambuk ahakñam. ¹⁵Iwinangöreñ yuai pakpak ahözawi, mi mönö nöngö böröne ali ahöza. Miangöra jizal, ‘Yañön mönö nane köwenöhök keu memba jim asariba uru kuñgum ak engiba malma.’ Keu mi mewö.”

Wösöbirik malgetka melenñiga urusösöñgai mötme.

¹⁶“Nalö töröpñi kun teköiga inini ni kunbuk qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe.”

¹⁷Mewö jiiga gwarekurupñi yengöreñök tosatñan nanñinök kewö eraum mötket, “Keu kewö jiza, ‘Nalö töröpñi kun teköiga inini ni qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe,’ aka keu kun kewö jiza, ‘Ni Iwinangöreñ öngömam.’ Mewö jiiga mötzini, keu yahöt miangö könañi mi denöwö?” ¹⁸Mewö eraum möta uzohola jiget, “Yañön ‘Nalö töröpñi teköigun,’ jizampö, keu miangö könañi denöwö? Mi wuanöngöra jizawi, nini mi qahö möt asarizin.”

¹⁹Mewö jiba qesim wañgibingö mötketka Jisösnöñ engek kutuba kewö

jii mötket, “Keu kewö jizal, ‘Nalö töröpñi kun teköiga injini ni qahö nekñe. Mianğö andöñe nalö töröpñi kun teköigun mönö asuhum engibi ölop kunbuk nekñe,’ Injini mönö keu mianğö kónañi jaruba eraum mötze me?”

²⁰“Nöñön keu öl töhöññi kun kewö jibi mötket: Nöñön anbiga injini jinğen köla sahötmemö, uruñini qahö melenğet yeñön lañ börum memba sösöñgai aka malme. Injini wösöbirik aka malmemö, wösöbirikñini mianğön mönö nöñğöra aka melenğda sösöñgai aka malme.

²¹Ambinöñ morö memangö nalöñji kam kuñguiga masö qeiga qemñeñ qakñe morö mezapmö, morö dölöknji memba kinda i eka sösöñğainğöra mönö sihimbölöñji mi ölum qemakza.

²²Mianğö dop injini mewöyök nalö kewöñe wösöbirikpuk maljemö, nöñön kónañgep kunbuk asuha enggekiga injini ölop urusösöñğabuk malme. Urusösöñğainjini mi kunñan kun qahö enguanğitma.

²³“Nalö mianğöreñ yuai kungöra ni qahö qesim niñgimemö, köulukñini Iwigöreñ algetka diñdiñanök ani amqei malme. Nöñön keu öl töhöññi kun kewö jibi mötket: Injini nöñğö qetnöñ yuai kungöra Iwi köuluköm wañgime ewö, yañön mi mönö tököm engima.

²⁴Nömbuk mala kageri, injini nalö mianğöreñ yuai kungöra nöñğö qetne qahö köuluköba malget. Mönö Iwi köuluköba malme. Köulukögetka ölop melenğ engima. Mi engiiga sösöñğainjanan asuhum sehiba uruñini kokolak qem teköi malme.” Mewö.

Jisösnöñ gölmegö ahakmeme bölöñji mi luhut alakza.

²⁵“Keu jibi möta kamakzei, mi keu sainambuk jibi möta malget. Kónañgep nalö kun kam kuñgumawi, mianğöreñ keu sainji mi kunbuk qahö qeba jibi mötme. Qahöpñmö, Iwinangö kónañji mi

aukñe jim asariba malmam. ²⁶Nalö mianğöreñ injini nöñğö qetni qeta Iwi köuluköba malme. Mianğö kónañji kewö: Injini köulukñini Iwigöreñ albingöra nöñğöreñ kunbuk qahö kamakñemö, nanñinak Iwigöreñ diñdiñi köuluköba malme. Nöñön engö jit memba Iwigö qahö köulukömam.

²⁷“Iwinöñ nanñak uruñan jöpaköm engiba köulukñini kewögöra möta malma: Nöñön Anutugöreñök erali, injini nöñğö kónani mewö möt nariba pöndañ uruñinan jöpaköm niñgiba mala kotketka köna mewö ahuiga köulukñini möta malma. ²⁸Nöñön Iwi mosöta gölmenöñ eta mala gölme mosöta kunbuk lilingöba Iwinangöreñ öñğömam.”

²⁹Mewö jiiga gwarekurupñan jiget, “Mötnöñ, keu dölkni jizani, mi sainji qahö qeba jizan. Mi mönö aukñeyök jinöñga ölop möt asarizin. ³⁰Nini merak kónañamgi kewö möt yaközin: Göñön mönö nanganök yuai pakpak möt tekönöñga kunñan kun qesiba kusum gihimapköra qahö osizan. Mianğöra gi Anutugöreñök etnöñji, nini mi ölop möt narizin.”

³¹Mewö jigetka Jisösnöñ melenğda jiyök, “Merak ölop möt narim niñgizemö, ³²mötket, nalö tandökñi kun kama aka mianğön lök mesohol köla nañgunöñ kinja. Nalö mianğön kam kuñguiga enñön keñğötñini möta nömosöta denqenda simbisembel aketka nanök malmam. Töndup nanöhök töhön qahö malmam-mö, Iwinan nömbuk malma. Iwinöñ nömbuk malmawangöra aka nanöhök töhön qahö malmam. ³³Enñön toroqeba gölmenöñ mala kahasililiñ qakñe möta malmemö, nömbuk qekötahöba luainöñ malmegöra möta keu qöndökñi ki jibi mötze. Keuyök qahö jizalmö, nöñön gölmegö ahakmeme bölöñji mi lök luhut ala wahijambañji kusum teköbiga erök.

Miangöra mönō ewebibiņinambuk köhöiba saitņgit malme.” Mewō.

**Jisōsnōņ nanņangöra
Iwi köuluköyök.**

17¹⁻²Jisōsnōņ keu mewō jim tekōba Suepnōņ görōken ui öņgōiga kewō köuluköyök, “Iwini, göņōn gölme dop ambazip pakpak Nahōņgi nōņgō bapne al enņinōņga kukōsum qakņe Kembu ak enņizal. Ambazipnōņ Nahōņgi nōņgō keuni ölp qahō andō qeba oņgita malme. Göņōn ambazip sutņineyök tosatņi meköba nōņgō börōne al enņiba kewō jim kutum niņņinōņ, ‘Gi mönō i körek kusum enņinōņga malmal köhöikņi miwikņaiba malme.’ Nup mi mem tekōbiga Nahōņgan qetbuņagi mem qarimapköra mönō akōdamungi niņņinōņ. Nōņgō nalōni mi dölki kam kuņguiga kinda mewō köuluközal.

³“Malmal köhöikņangō kōnaņi mi kewō: Göņōn mohot Anutu öļņi akzan aka azi Jisōs Kraist ni melaim niņņinōņga erali, ambazipnōņ netkö kōnaņamniri mewō möt kutume. Malmal kömbōnaņi mewō miwikņaime. ⁴Nup al niņņiba ‘Meman,’ jiba jim kutum niņņinōņi, nōņōn mi tem köla memba mala meköyal. Akōdamungabuk mala qetbuņagi gölmenōņ indel sehibiga akōdamunņambuk ahök.

⁵“O Iwi, nōņōn gölme qahō asuhiiga Suep mire miangōreņ göhö qöhörōņge asakmararaņbuk asariba malal. Asakmararaņ miyöhök mönō dölki kunbuk al niņņinōņga asuhum kutum niņņiiga kunbuk göhö qöhörōņge asakmararaņbuk asariba malmam.” Mewō.

**Jisōsnōņ gwarekurupņi
yeņgöra aka köuluköyök.**

⁶“O Iwini, göņōn gölme ambazip tosatņi kewōta nōņgō börōne al enņinōņi, nōņōn göhö qetbuņagi mi yeņgöra indela kondela malal. Yeņgō göhö buņaya aketka göņōn i nōņgō börōne al enņinōņga yeņōn göhö Buņa keugi mi möt aņgōn köla malje. ⁷Göņōn yuai niņņinōņga mi pakpak göhöreņök kamakzawi, yeņōn mi nalō kewōņe lök möt kutuze. ⁸Göņōn keu Buņa niņņinōņi, nōņōn mi gwarekurupņi kusum enņibiga möt aņgōn köla malje. Ni gömosōta gölmenōņ erali, yeņōn mi öļņa möt yakōze. Göņōn melaim niņņinōņga asuhuyali, yeņōn mi mewōyök möt narize.

⁹“Ni yeņgöra aka köuluköm gihizal. Urumeleņgō kopa ambazip yeņgöra qahō köuluközalmō, kōnagesō nōņgō börōne al enņinōņga uruņini meleņda göhö buņaya akzei, mönō yeņgöra aka köuluköm gihizal. ¹⁰Ambazip pakpak nōņgō buņa akzei, yeņōn mönō göhö buņaya akze aka ambazip göhö buņaya akzei, yeņōn mönō nōņgō buņa mewōyök akze. Nani akōdamuni al enņibiga miangō qakņe kinda ahakmemenņini aketka nōņgō qetbuņanan qarim sehimakņa. ¹¹Ni gölmenōņ malmalni tekōiga göhöreņ kotmamgō akzalmō, yeņōn toroqeba gölmenōņ malme. O Iwi Törōņi, göņōn qetki niņņinōņga miangō ösumņan mönō sel jöhöm enņinōņga qahō julme. Netkōn mohot aka malņiri, yeņōn miangō dop mohot aka malmegöra köuluközal.

¹²¹“Nōņōn yembuk gölmenōņ mala koralī, nalō miangōreņ qetbuņagi niņņinōņga miāņōn sel jöhöm enņiba malal. Buņa Kimbigō keu

¹17:12 Sum 41.9; Jon 13.18

kunöŋ öljambuk akŋapköra azi mohok-kunjan sohoba könöp siagö buŋaya aka sihimbölö möta malma. Nöŋön galöm köl engjialaŋgöra yengöreŋök tosatŋan qahö janjuŋ aka sohoget. ¹³Tosatŋan qahö sohogetmö, nöŋön dölki gölmenöŋ mala göhöreŋ kamamgöra kaba keu ki jizal: Nöŋgö uru sösöŋgainan mönö yengöreŋ kutui megetka uruŋini kokolak qeiga söŋgaiba malme. Mewö asuhumapköra köuluközal. ¹⁴Nöŋön göhö Buja keugi kusum engjibiga möta malje. Nöŋön gölmeŋö ahakmeme bölöŋi mi qahö wuatangömakzali, yeŋön mönö mewöyök mi qahö wuatangöba andö qemakze. Miangöra gölmenöŋ uruŋini qahö melenget yeŋön mönö kazik ak engimakze.

¹⁵“Nöŋön gölmenöhök enguangit-mangöra qahö qesim gihizalmö, Bölöŋi Toŋangöreŋök aŋgön köla sel jöhöm engiba malmangöra köuluközal. ¹⁶Nöŋön gölmeŋö ahakmeme bölöŋi andö qeba mi qahö wuatangöbiga yeŋön mewöyök mi andö qeba qahö wuatangömakze. ¹⁷Keu öljä mianŋön mönö mem sarahim engiba malman. Göhö Buja keugan mönö keu öl töhöŋŋi akza. ¹⁸Göŋön melaim niŋginöŋga gölme ambazip sutŋine anda nup memba malali, nöŋön mewöŋanök i melaim engibiga gölme ambazip yengö sutŋine deŋda anme. ¹⁹O Iwini, yeŋön keu öljangö dop malmalŋini körek tököm gihimegöra aka bauköm engiba nani malmalni jömuk tököm gihizal.” Mewö.

Jisösnöŋ mötnarip ambazip pakpak neŋgöra köuluköyök.

²⁰“O Iwini, nöŋön gwarekurupni yengörök aka qahö köuluközalmö, Buja keu jim sehigetka ambazip

möt narim niŋgimei, mönö yengöra aka mewöyök köuluközal. ²¹Iwi göŋön nömbuk qekötahöba kinöŋga nöŋön mewöyök göbuk qekötahöba kinjal. Miangö dop yeŋön mewöyök netpuk qekötahöba kinmegöra mötzal. Nangak melaim niŋginöŋga erali, gölme ambazipnöŋ mi möt narimegöra aka yeŋön körek pakpak mohot aka malmegöra köuluközal. ²²Naniri mohot aka maljiri, yeŋön mewöŋanök mohot aka malmegöra aka aködampung i niŋginöŋi, nöŋön mi yengöra al engjal.

²³“Nöŋön yembuk qekötahöba kinbiga göŋön nömbuk qekötahöba kinjan. Miangö dop yeŋön keuŋini jöhöm teköba mohot aka malmegöra köuluközal. Mohot aka kingetka gölme ambazipnöŋ könaŋamni kewö möt asarime: Göŋön melaim niŋginöŋ etpiga jöpaköm niŋgiba malnöŋi, miangö dop i mewöyök jöpaköm engiba malnöŋ.

²⁴“O Iwini, göŋön gölme qahö mi-wikŋainöŋi, qeljŋe nalö miangöreŋ lök urugan jöpaköm niŋgiba asakmararaŋ al niŋginöŋga mala koral. Könaŋep alaurup niŋginöŋi, nöŋön yeŋön mewöyök asakmararaŋ mi ekŋegöra mötzal. Miangöra nöŋön miri malmami, yeŋön miangöreŋ nömbuk mohotŋe malbingö sihimŋi mötzal.

²⁵“O Iwi solanŋi, gölme ambazip uruŋini qahö melenŋeri, yeŋön gi qahö möt kutum gihiba mala kotketmö, nöŋön gi ölöŋŋanök möt kutum gihizal. Nangak melaim niŋginöŋi, nöŋgö urumeleŋ alaurupnan mi lök möt yaköze. ²⁶Nöŋön göhö qetki mi jim tuarim engibiga möta malget. Göŋön urugan jöpaköm niŋgiba malnöŋi, urukalem mianŋön uruŋine ahöi mötketka nöŋön yembuk qekötahöba kinbi malmegöra mönö toroqeba qetki jim tuarim engiba malmam.” Mewö.

Jisös memba jöhöget.

*Mat 26.47-56; Mak
14.43-50; Luk 22.47-53*

18 Jisösnöñ keu mi jim teköba gwarekurupñi engömeiga siti mosöta geba o qetñi Kidron kutuba likepñe angota arö kun ahöyöhi, miangörej anget. ²Jisös aka yangö gwarekurupñi yeñön qösösök miangörej tokoba malget. Miangöra Judas mamalolo mem wangimangö ahöhi, yañön mewöyök arö mi ölop mörök.

³Jike nup galöm aka Farisi (Köna keugö kapañkölköl) yeñön jöwöwöl jikegö kiripo galöm (sikiriti) tosatñi melaim engigetka Judasnöñ i aka gawmangö yarö azi kambu kun engömeiga mohotñe kaget. Yeñön kiwa lambe aka timbi liñgipñini memba bisiba arönöñ kaget. ⁴Kagetka Jisösnöñ yuai pakpak mewö asuhum wangimawi, mi lök möröhangöra aka wahöta aukñe kaba kewö qesim engiyök, “Inini dagöra jaruze?”

⁵Qesim engiiga kewö melenget, “Nini Jisös Nazaret toñi mia jaruzin.” Melengetka kewö jiyök, “Mia nöñön.” Judas mamalolo meme azi yañön mewöyök yembuk kinök.

⁶“Mia nöñön,” Jisösnöñ keu mewö jiiga möta andöandö anda gölmenöñ tala eta enguyök. ⁷Mewö aketka kumbuk qesim engiyök, “Inini mönö dagöra jaruze?” Qesim engiiga jiget, “Jisös Nazaret toñi ia jaruzin.”

⁸Jigetka meleñnök, “Mia nöñön, mi lök jibi mötze. Inini nia jarum niñgize ewö, mönö azi ki ölop engömosötketka öne anme.” ⁹Mutuk köuluköba gwarekurupñi yeñöra keu kun kewö jii mötket, “Ambazip nöngö böröne al enginöñga maljei, nöñön mi köyan

köl engiba malbiga yeñgöreñök kunöñ kun qahö sohoba ayuhuyök.” Keu mianñön öñambuk akñapköra Jisösnöñ jitñememe yeñgöra keu mewö jiyök.

¹⁰Mewö jiiga Saimon Pitönöñ bimgö sou ketañi memba malöhi, yañön mi kupinñeyök öröba jike nup galöm bohonñangö welen aziñi qeba kezapñi öñe göröken köteköi erök. Welenqege azi mi qetñi Malkus. ¹¹Mewö asuhuiga Jisösnöñ Pitö kewö jim kutum wangiyök, “Gi bimgö sou ketañi mi mönö kumbuk alnöñga kupinñe geyök. Iwinan sihimbölogö qambi o qöñambuk nöñgö buñaya qeyöhi, mi ölop möta mökösonda mesohol kölmam.” Mewö.

Jisös wangitketka Anasgö jeñe kinök.

¹²Suahö galömñinan jiiga yarö azi kambu aka Juda yeñgö nanñu galöm (sikiriti) yeñön Jisös memba jöhöget. ¹³Jöhöba wangita mutuk jike nup galöm qetñi Anas yangö mire anget. Anasgö qingñi qetñi Kaiafas yañön jike nup galöm bohonñi aka yambu (yara) miangörej nup mi memba malök. ¹⁴Kaiafasnöñ mutuk Juda ambazip yeñgöra qambañ keu kewö jiyök, “Ambazip kambu jömuk ayuhum teköbinbuköra azi mohotñan neñgöra aka kömuiga dop köлма.” Mewö.

Pitönöñ Jisös könahiba qañ kölok.

*Mat 26.69-70; Mak
14.66-68; Luk 22.55-57*

¹⁵Jisös memba angetka Saimon Pitö aka gwarek alañi kun yetköñ andöñine anohot. Anohotka alañi mianñön jike nup galöm bohonñi möt wangiyöhangöra aka ölop amqeba Jisös wuatangöba jakömbuak miri sel uruñe geyök.

¹⁶Yañön geyökmö, Pitönöñ sel yaigepñe nanñunöñ kinök. Mewö kiniga gwarek alañan jike nup galöm bohonñi

möt waŋgiyöhi, yaŋön yaigepŋe geba naŋgu galöm ambi yambuk keu jii möta naŋgu öröiga Pitö waŋgita sel uruŋe geyohot. ¹⁷Gebitkö ahoŋi, miangöŋeŋ welenqeŋe ambi sel naŋguŋi galöm kölöhi, yaŋön Pitö eka kewö qesim waŋgiyök, “Gi ölna mewöyök azi miangö gwarek yengöŋeŋök kun akzan me?” Mewö qesim waŋgii möta “Ni qahö!” jiyök.

¹⁸Welen azi aka naŋgu galöm (sikiriti) yeŋön amötŋaŋgöra aka könöp jeba uruŋgöba ahoiga jömöta kinget. Mewö kingetka Pitönöŋ mewöyök yengö sutŋine anda könöp jömöta kinök. Mewö.

**Jike nup galöm bohonŋan
Jisös qeŋesi al waŋgiyök.**

*Mat 26.59-66; Mak
14.55-64; Luk 22.66-71*

¹⁹Jike nup galöm bohonŋi Anas yaŋön Jisösgö qeŋesi al waŋgiba kewö jiyök, “Gi ambazip denöwö kusum eŋgiba gwarekurupki niŋi niŋi eŋgömemba maljan?”

²⁰Mewö jiiga kewö melenŋ waŋgiyök, “Ni nalö dop aukŋe ambazipŋi ambazipŋi kusum eŋgiba malal. Juda kö-nagesö pakpak neŋön jöwöwöl jikenöŋ öŋgöba köuluk mirininangö dop tokomakzini, ni mönö miangöŋeŋ kinda kusum eŋgiba malal. Buŋa keu tölapŋi kun qahö jial. ²¹Nöŋön keu denöwö ambazip kusum eŋgiba malali, wuanöŋgöra ni mewö qesim niŋgizan? Nöŋön keu jibiga ambazip möta malgeri, yeŋön mönö keuanangö köŋŋi möt teköze. Miangöŋeŋ i qesim eŋginöŋga dop köлма.”

²²Mewö melenŋ waŋgiyökmö, jikegö kiripo galöm (sikiriti) kunöŋ kösutŋe kinda Jisös nuŋgulumŋe qekötahöba

jiyök, “Jike nup galöm bohonŋan qesim gihiiga gi keu silik mewöŋi mönö wuanöŋgöra melenŋ waŋgizan? Gödaŋe-qegi qahö.”

²³Mewö jiiga kewö melenŋ waŋgiyök, “Keu bölöŋa jibileŋak, mi mönö indelnöŋga dop kölmappmö, keu ölni jizal ewö, mönö wuanöŋgöra ni öne nuŋguzan?”

²⁴Mewö melenŋ waŋgiiga Anasnöŋ Jisös melaiŋa jiiga tapepŋi (muŋga-muŋga) tok böŋŋe tariga waŋgita jike nup galöm bohonŋi Kaiafas yaŋgöŋeŋ anget. Mewö.

**Pitönöŋ Jisös qaŋ köliga
yahöt karöbut ahök.**

*Mat 26.71-75; Mak
14.69-72; Luk 22.58-62*

²⁵Saimon Pitönöŋ könöp jömöta kiniga tosatŋan qesiba kewö jiget, “Gi ölna mewöyök yaŋgö gwarekurupŋi yengöŋeŋök kun akzan me qahö?” Mewö jigetka qaŋ köla “Ni qahö,” jiyök.

²⁶Pitönöŋ jike nup galöm bohonŋangö welen aziŋi qeba kezapŋi qeköi eröhi, yaŋgö tinitosolomŋi welenqeŋe alaŋi kunöŋ mi möta qesiba jiyök, “O gi mönö arönöŋ yambuk mohokŋe malohotka gekzal me denöwö?”

²⁷Mewö jiiga Pitönöŋ kunbuk qaŋ köliga nalö miangöŋeŋök kuruknöŋ könahiba qeriga möŋök. Mewö.

Jisösnöŋ premiö Pailötkö jeŋe kinök.

*Mat 27.1-2, 11-14; Mak
15.1-5; Luk 23.1-5*

²⁸Miri gjanjiiga söŋanök Jisös Kaiafasgö mirinöhök waŋgita eta Rom premiögö jakömbuak mire anget. Juda yeŋön uruŋini tölöhoba kölkölŋiŋŋiŋ akinbuköra waimanŋat möta kewö

jiget,[‡] “Ak-kömukömu kendongö lama nembangö osibinbuk.” Mewö jiba möt lömböriba premiögö jakömbuak miri uruŋe qahö öngöget. ²⁹Miaŋgöra premiö Pailötnöŋ yaigep eta engeka kewö qesim enŋiyök, “Azi kianjön mönö wani pinjit aiga keu jim waŋgiba waŋgita kaze?”

³⁰Qesim enŋiiga melenget, “Azi mi-anjön kegwek me bölöŋi meme azi kun qahö akawak ewö, neŋjön mönö öne töhöŋ i waŋgita göhö böröge qahö albinak.”

³¹Mewö melengetka Pailötnöŋ jii mötket, “Iŋini mönö nanŋinak keu jakenjine al waŋgiba Köna keuŋinangö dop kewöta keuŋi jim teköme.” Mewö jii möta jiget, “Neŋjön azi kun kömumapkö keuŋi jim teköbingö soŋgo ahöi osizin.” ³²°Juda yeŋjön mewö jigetka Jisös nanŋak kömup denöwöŋi kömumawi, keu mi indela jiiga mewö miaŋjön öljambuk ahök.

³³Pailötnöŋ Juda yeŋgö keuŋini möta kunbuk jakömbuak miri uruŋe öngöba Jisös oholi kaiga kewö qesim waŋgiyök, “Gi Juda enŋöreŋ kiŋ kembuŋina akzan me qahö?”

³⁴Mewö qesim waŋgiiga melenŋa kewö qesiyök, “Keu mi mönö nangi urugeyök jizan me tosatŋan nöŋgöra keu mewö jiba jitke algetka jizan?”

³⁵Mewö qesiiga Pailötnöŋ melenŋök, “Yei! Ni mönö Juda azia aka Juda enŋö keuŋini naŋgömakzal me? Qahöpmaöhöp! Ni Rom premiö malbiga nangi ambazip kambu-urupki aka jike nup galöm yeŋjön mönö goaŋgita nöŋgö böröne al gihize. Göŋjön mönö wanat yuai aknöŋ?”

³⁶Mewö melenŋiga jiyök, “Nöŋgö kiŋ-tohoŋni miaŋgö könaŋi mi gölme ki-anŋöreŋ qahö ahöza. Nöŋjön gölmegö kiŋtohoŋ kungö kiŋ kembuya akilenjak ewö, nöŋgö sunŋurumurupnan mönö ölöp wahöta nöŋgöra aka suahö akeak. Suahö aka nöŋjön Juda jitjememe yeŋgö böröŋine gebilenbuköra kapaŋ köla bim qegetka nömembingö osibeak. Mi osibeakmö, nöŋgö kiŋ tohoŋnaŋgö könaŋi mi miri kungen ahöza. Ni gölme azi kembuya qahö akzal.”

³⁷Keu mi jiiga Jisös kewö qesim waŋgiyök, “Gi töndup kiŋ kembu qainŋi kun akzani, mi ölna me qahö?” Mewö qesim waŋgii melenŋök, “Ni kiŋ kembu qainŋi kun akzali, mi nangak jizan. Nöŋjön keu ölni naŋgöba jim tuari-mangöra aka gölmenöŋ eta asuhuyal. Körek yeŋjön keu ölnangö likepŋe maljei, yeŋjön mönö nöŋgö keumi kezap ala mörakze.”

Jisös kömumapkö jim teköget.

Mat 27.15-31; Mak

15.6-20; Luk 23.13-25

³⁸Mewö melenŋiga Pailötnöŋ mepaqepaik aka qesiyök, “Keu ölni mi mönö wania kun?” Mewö qesiba kunbuk Juda yeŋgöreŋ geba söndaknöŋ kinda kewö jii mötket, “Nöŋjön azi miaŋgö pinjitŋi jaruba kun qahö miwikŋaizal.” ³⁹°“Kun qahö miwikŋaizalmö, ahakmemeni kun kewö ahöi mötze: Yambu (yara) dop ak-kömukömu kendon nalöŋe kösö mireyök azi mohot enŋöra pösatpi erakza, mi mötze. Miaŋgöra Juda enŋö kiŋ kembuŋini ölöp enŋöra pösatpi

[‡]18:28 Rom gawman yeŋgöra Juda yeŋjön kewö möt nariget: Nini Rom yeŋgö jakömbuak mire öngöinga urunini tölöhoi ösumnini eri kölkölŋiŋŋinambuk aka ak-kömukömu kendongö lama töröŋi nembangö osibin. Miaŋgöra sombemnöŋ yaigep malget.

°18:32 Jon 3.14; 12.32

etpawak me qahö? Miangöra injini sihimjnan denöwö mötze?”

⁴⁰Mewö jii möta melenḡa kewö qetket, “Qahö, i qahöpmö, Barabas pösatnönḡa neḡöreḡ etma!” Mewö qetketmö, Barabas yaḡon kegwek azia aka bim karim kun megeri, miangö bohonḡi ahök. Mewö.

Pailötnönḡ Jisös maripomnöḡ kömumapkö jim teköyök.

19 Silata qetketka Pailötnönḡ Jisös waḡgita anda jiiga yarö azi yeḡon ihilek wahiḡambuknöḡ tauköba qeget. ²Yarö azi yeḡon tauköba mepaqepaik kewö ak waḡgiget: Yeḡon Jisös qeba kösö wahiḡambuk memba köpeiba ila möhamḡöba nöropḡe kölget geiga maluku pisikḡi gugakgugakḡambuk mi köl waḡgigetka geyök. ³Mewö aka kösutḡe areḡöba kinda jiget, “Owe owe! Juda eḡö Kiḡ Kambuḡini, owe!” Mewö jiba nunḡulumḡe gwötpuk qekötahöget.

⁴Mewö mepaqepaik ak waḡgigetka Pailötnönḡ kunbuk yaigepḡe geba kewö jii mötket, “Mötket! Nönön azi mi kewöta pinjitiḡi kun qahö miwikḡaizal. Miangöra i kunbuk waḡgitpiga eḡö jeḡine eriga könaḡi mewö möt kutuba ekḡe.” ⁵Mewö jii mötketka Jisösnönḡ eta söndakḡe kini kewö eket: Tosatḡan kösö wahiḡbuknöḡ ila köpeiba nöropḡe köla maluku pisikḡi gugakgugakḡuk köl waḡgigetka kiniga Pailötnönḡ jii kewö mötket, “Azi ölnḡi ki eket!”

⁶Mewö jii mötketka jike nup galöm aka naḡu galöm (sikiriti) yeḡon i eka keu wölwölbuk qeta jiget, “Maripomnöḡ qeget kömuma. Maripomnöḡ qeget kömuma.” Mewö jigetka Pailötnönḡ jitiḡine memba kewö jii mötket, “Nönön pinjitiḡi kun qahö miwikḡaizal. Miangöra injini mönö nanḡinök i memba maripomnöḡ qeget kömumbawak.”

⁷Juda jitiḡememe yeḡon keu mi möta kapaḡ köla kewö jiget, “Neḡöreḡ Köna

keu ahöza. Keu miangö dop kewöringa kömumawaḡö dop akza. Nanḡi memba öḡḡöba ‘Anutugö nahönḡi akzal,’ jimakza. Miangöra mönö kömupkö buḡaya aiga dop kölma.”

⁸Mewö kapaḡ köla jigetka Pailötnönḡ möta bönnḡi wahöriḡa jönömḡi undui keḡḡötḡi mörök. ⁹Mewö möta Jisös waḡgita kunbuk jakömbuak miri uruḡe öḡḡöba kewö qesim waḡgiyök, “Gi denikeḡöra?” Qesim waḡgiyökmö, yaḡon kitipḡi kun qahö melenḡa keu bök kinök. ¹⁰Keu bök kiniga kewö jii mörök, “Gi nöḡöra keu kitipḡi kun melenḡan me qahö? Nönön jim teköbiga pösat gihime me maripomnöḡ guhugetka kömuman. Miangö kukösumḡi mi nöḡöreḡ ahöza. Miangö könaḡi mötzan me qahö?”

¹¹Mewö jii möta kewö melenḡ waḡgiyök, “Kunönḡ euyangöreḡök kukösum qahö al gihiyök ewö, gi mönö azi omaḡi mala yuai ak niḡgimangö osibanak. Miangöra azi kun daḡon ni göhö böroḡe al niḡgizawi, yaḡö siḡgisöndokḡan mönö göhöreḡ pinjit öḡgita ketaḡi akza.”

¹²Mewö melenḡ waḡgiyöhaḡöra aka Pailötnönḡ Jisös pösari etmapkö kapaḡ köläk. Mewö kapaḡ kölökmö, Juda yeḡon qet gigilahöba kewö jiget, “Pösatnönḡa etma ewö, mönö sisa kiḡḡö alaḡi qahö toroḡeba aka malman. Kunönḡ nanḡangö möri öḡḡöiga ‘Kiḡ kembuya akzal’ jizawi, yaḡon mönö sisa kiḡ tuarenḡon ak waḡgiza.”

¹³Mewö jigetka keu mi möta jim kutuiḡa Jisös waḡgita yaigep etket. Etketka premiö Pailötnönḡ jake kun kötnönḡ ala tömbulget ahöyöhi, miangöreḡ öḡḡöba keu jimteköteköḡö dum tatatḡe eta tarök. Jake miangö qetḡi Hibru keunönḡ Gabata jimalget. Mi nanine keunönḡ Jake Kötnönḡ mem tömbultömbulḡi. ¹⁴Eta taröhi, Juda ambazipnöḡ wehön miangöreḡ ak-kömükömu

kendon tatpingöra jöjöröget. Wehön mi aiga silim bibiñi dopdowiiga Pailötnöñ dum tatatje tata Juda yeñgöra kewö jii mötket, “Eket, eñgö kiñ kembuñini ki!”

¹⁵Mewö jii möta qet gigilahöget, “Yapmakek! Yapmakek! Maripomnöñ qeget kömuma!” Qet gigilahögetka kewö jiyök, “Eñgö kiñ kembuñinañgö keuñi jim teköbiba maripomnöñ öngömapköra jize me?” Mewö jiiga jike nup galöm yeñön melenđa jiget, “Sisa kiñnöñ mohok kiñ kembunina akza. Neñgöreñ kiñ kembu murutñi kun qahö ahöza!”

¹⁶Mewö melenđa jigetka Pailötnöñ Jisösgö keuñi jim teköba maripomnöñ qeget kömumapköra böröñine alök. Böröñine aliga yarö azi yeñön Jisös memba galöm kölget.

Jisös maripomnöñ qeget.

*Mat 27.32-44; Mak
15.21-32; Luk 23.26-43*

¹⁷Galöm kölgetka nanñi maripomñi nanñak añguba siti kutuba yaigep geba gölme kun qetñi Nöröpsihit qerakzema, miangöreñ anget. Nöröpsihit qet mi Hibru keunöñ Golgota qerakze. ¹⁸Miangöreñ anda maripomnöñ qeget aka yambuk azi yahöt likeplikkep mohotñe etkuba Jisös sutñire algetka kinget.

¹⁹Mewö qegetka Pailötnöñ kulem ohoba jiiga maripomnöñ Jisösgö nöröpñe göröken eu ala qeget. Kulem mi kewö ohoi kinök, “Jisös Nazaret toñi, Juda yeñgö kiñ kembuñina ki.”

²⁰Jisös maripomnöñ qegeri, gölme mi siti kösutñe ahöyök aka kulem mi keu karöbut, Hibru, Latin aka Grik keu miangön ohoget kinök. Miangöra Juda ambazip gwötpukñan oñgita anda kaba eu uba kulem mi oyonget.

²¹Mewö ohoiga Juda yeñgö jike nup

galöm yeñön Pailöt kewö jiget mörök, “‘Juda yeñgö kiñ kembuñina ki,’ mewö kude ohomanmö, kewö ohoman, ‘Nanñangöra Juda kiñ kembunina akzal, jiyök.’”

²²Mi möta Pailötnöñ keu kewö melennök, “Keu lök ohozalangöra mi mönö mewö ahöma.”

²³Yarö azi yeñön Jisös maripomnöñ qebagun opo silepöke öröyuañi memba azi 4 sutñine mendenđa 4 aiga totoñine meget. Mewö megetka malukuñi ahöi megetmö, mi kewögöra ölop qahö mendenjet: Mi körekñanök opo johanni mohotñan memeña. Opo kitipñi kitipñi qahö mindiriba euyök liliklilil uhum megetka emu gegeñi ahöyök. Miangöra mi bölibapüköra mendenbingö osiget.

²⁴Osiba eraum möta kewö jiget, “Mi mitinga qahö dop kölma. Miangöra ölop miangö unji qeinga toñi ahuma.” Mewö jiba unji qegetka Buña keu kun öljambuk ahök. Keu mi kewö ohoget ahöza, “Yeñön opo silepökene memba sutñine mendenđa totoñine memba malukuñangö unji mönahot algetka kunöñ luhut alma.”

Yarö azi yeñön keu miangö dop aket.

²⁵Jisös maripomnöñ qeget kiniga ambi kewöñan könañe kinget: Jisösgö nam nasöñi aka Klopas anömñi qetñi Maria aka Magdalagö ambi qetñi Maria.

²⁶Jisösnöñ namñi aka wölböt gwarekñi kösutñe kinohotka etkeka namñangöra kewö jiyök, “Namni, mönö nahöngi ki eka tönjongöba malman.”

²⁷Mewö jiba gwarek mi kewö jii mörök, “Mönö namgi ki eka tönjongöba malman.” Mewö jii möta Jisösgö namñi nalö miangöreñök wangiriga miriñe anda mohotñe malohot. Mewö.

**Jisösnöñ maripomnöñ
kinda kömuyök.**

*Mat 27.45-56; Mak
15.33-41; Luk 23.44-49*

²⁸qJisösnöñ nupñi pakpak mem teköyöhi, mi möta miangörej Buña Kimbigö keu kunöñ öljambuk akñapköra kewö jiyök, “Ni ogöra ak niñgiza.”

²⁹Miangörej qem nene kun wain o asöljambuk miangön kokolak qeba tarök. Mi tariga köwet mömündö kun kahali tandök mi memba wain onöñ kundumgöba songorep suñe qesamböta meget öngöiga numbuje alget. ³⁰Algetka wain o asöljambuk mi memba jiyök, “Mönö teköza.” Mewö jiba mal-malñi mosötmangöra nöropñi wambelahöi eri imutñi koriga nöñ qeyök. Mewö.

Jisösgö marömñi liñgipnöñ utohoget.

³¹Jisösnöñ nöñ qeiga Juda ambazipnöñ silim miangörej ak-kömükömu kendon tatpingöra jöjöröget. Ak-kömükömu Sabat kendon mi kendon nalö ketañi ahök. Miangöra Juda jitñememe yeñön waimanjat möta kewö jiget, “Qamöt mienñön Sabat kendon nalöñe maripomnöñ kingetka qahö dop kölja.” Mewö jiba premiö Pailötköreñ anda kewö qesim wañgiget, “Gi ölop jinönga anda maripomnöñ engugeri, yeñgö töwat sihitñini kusugetka qamötñini meköin etme?” ³²Qesim wañgigetka jim teköiga yarö azinöñ kañgotket. Kañgota Jisösbuk maripomnöñ etkugeri, mi zilañ kömumahotköra mutuk yetköreñök kungö töwat sihitñi kusuba likep anda kungöreñ mewöñanök aket.

³³Mewö aketmö, Jisösgöreñ kañgota eketka lök kömuyök. Mewö eka sihitñi qahö kusuget. ³⁴Qahö kusugetmö, yarö azi yeñgöreñök kunñan liñgip memba marömñi umburatiiga miangöreñök sep aka o erök.

³⁵Mewö aketka kunöñ yuai mi jeñan ehöhi, yeñön mi nañgöba jiba ki ohoi ahöi döлки oyoñje. Keu nañgöba jiba ohoi ahözawi, mi mönö keu öljä akza. Injini mewöyök mi möt narimegöra möta keu öljä jizawañgö dop mötza. ³⁶rYuai mi asuhuyöhi, mi Buña Kimbigö keu kunöñ öljambuk akñapköra asuhuyök. Keu mi kewö,

“Yangö sihitñi mönö kude kusume.”

³⁷sAka Buña Kimbigö keu kun kewö ahöza,

“Azi utohogeri, yeñön mönö yangöreñ göröken jeñini uba ekñe.”

Injini keu yahöt miangöra aka mi möt narime. Mewö.

**Jisösgö qamötñi köt
köteñnöñ löm kölget.**

*Mat 27.57-61; Mak
15.42-47; Luk 23.50-56*

³⁸Miangö andöñe Arimatia taon toñi qetñi Josef kayök. Yeñön Jisösgö gwarekñi aka malökmö, Juda jitñememe yeñgöra keñgötñi möta mötnaripñi köyatiba malök. Yeñön kaba premiö Pailötköreñ anda Jisösgö qamötñi mekömamgö qesim wañgiyök. Qesim wañgiiga möta jim teköiga kaba meköyök.

³⁹tAzi qetñi Nikodemus mutuk Jisösgöreñ sungem kayöhi, yeñön mewöyök kayök. Kaba qamöt mirimangöra kelök köhöwakañambuk qetñi mör mi repa oñambuk melerñeri, mi esu mohot lömbötñi 30 kilogö dop bohonñi memba kaba Josef

^q19:28 Sum 69.21; 22.15 ^r19:36 Eks 12.46; Jañ 9.12; Sum 34.20

^s19:37 Zek 12.10; Ind 1.7 ^t19:39 Jon 3.1-2

bauköm waŋgiyök. ⁴⁰Bauköm waŋgiba mohotŋe Jisösgö qamötŋi meköyohot. Meköba jiniŋ wörönŋi ölöŋŋi memba qamöt sileŋe ala opo tuatŋi miangön köpeiyoŋhot. Juda ambazip neŋön qamötnini mewö aka mözözömgöba löm köl engizinma.

⁴¹Jisös maripomnöŋ qegeri, gölme miangöŋ likepŋe arö kun ahöyök. Arö miangöŋeŋ qaksirigö köt köteŋ löm dölöŋŋi kun urorohotet kinök. Miangöŋeŋ qamöt kun qahö algetka gwamönŋi ahöyök. ⁴²Gwamönŋi aka kösutŋe ahöiga Juda ambazipnöŋ ak-kömukömu kendon tatpingöra jöjörögetka nalönŋi toryök. Miangöra Jisösgö qamötŋi memba miangöŋeŋ ala löm kölohot. Mewö.

Jisösgö löm qaksiriŋan gwamönŋi ahök.

Mat 28.1-8; Mak 16.1-8; Luk 24.1-12

20 Sabat kendon tatket teköiga Magdalagö Maria yaŋön Sonda söŋanök waŋgaraŋ suruiga qaksirinöŋ anök. Anda je ui ani köt ketaŋi ehiga miangön lök köteŋ urorohöŋi miangö numbuŋeyök qetalget kaba ahöyök. ²Mewö eka miangöŋeŋök mosöta ösumok anda Saimon Pitö aka Jisösgö wölböt gwarekŋi yetköreŋ kaba kewö jii mörohot, “Mönö Kembugö qamötŋi qaksirinöhök memba anda denike alget ahözawi, mi qahö mötzin.”

³Mewö jii möta mosöta qaksirinöŋ anohot. ⁴Mohotŋe ösumok anohotmö, gwarek alaŋan ösumŋan anda Pitö oŋgita mutuk qaksirinöŋ aŋgorök. ⁵Aŋgota köt köteŋ urorohöŋi miangö uruŋe qahö öŋgöba numbuŋe öne kököriba ui aniga oponŋi köpeköpeiŋanök ahöiga ehök. ⁶Mi ehiga Saimon Pitönöŋ mewöyök andöŋe kaŋgota köt köteŋ uruŋe öŋgöba oponŋi köpeköpeiŋanök ahöi ehök. ⁷Mi ehök aka nööröŋŋi opo jahönŋi kunöŋ köpeiba esuhgeri, mi tosatŋan kusuba silegö

oponŋi miambuk qahö mindiriba kungen algetka nanŋök tariga ehök.

⁸Mewö ehiga gwarek alaŋan mutuk qaksirinöŋ kaŋgoröhi, yaŋön mewöyök köt köteŋ uruŋe öŋgöba yuai mi eka möt nariyök. ⁹Jisös guliba kömupnöhök wahötmawi, yetköŋ Buŋa Kimbigö keu mewöŋi mi qeljiŋe qahö möt asariba tönpin mala korohot. Mewö.

Jisösnöŋ Magdalagö ambi Mariagöŋeŋ asuhuyök.

Mat 28.9-10; Mak 16.9-11

¹⁰Mala kota miangöŋeŋök möt nariba lilingöba miriŋire anohot. ¹¹Yetköŋ anohotmö, Marianöŋ nanŋök qaksirigö köt köteŋ numbuŋe kinda sahöörök. Mewö sahöta köteŋ urorohöŋi miangö uruŋe kököriba ui anök. ¹²Ui aniga Suep garata yahöt malukuŋiri tuat lalamŋi etkehök. Jisösgö qamötŋan ahöyöhi, yetköŋ mönö miangöŋeŋ tarohot. Kunöŋ nööröŋŋi ahöyöhaŋgöŋeŋ tariga kunöŋ könaŋe tarök.

¹³Mewö tata kewö jiyohot mörök, “Ambi, gi mönö wuanöŋgöra sahötzan?” Mi möta jiyök, “Kembunaŋgö qamötŋi memba anda denike alget ahözawi, mi qahö mötzal.”

¹⁴Mewö jiba lilingöba Jisösnöŋ kösutŋe kiniga ehökmö, kaisöŋgolomŋi mi qahö ek kutuba tönpin kinök. ¹⁵Tönpin kiniga Jisösnöŋ kewö qesim waŋgiyök, “Ambi, gi mönö wuanöŋgöra sahötzan? Dagöra jaruzan?” Mewö qesim waŋgiiga arö galömŋan kinja me denöwö, mewö mötmöriba kewö jiyök, “O ketaŋamni, gi qamötŋi memba aŋguba kungen anda alnöŋ ewö, mönö denike ahöza, mi jinöŋga möta anda memam.”

¹⁶Mewö jiiga Jisösnöŋ qetŋi qeta “Maria!” jiyök. Mi qeta jiiga yaŋgöŋeŋ lilingöba Hibru keunöŋ qeta “Raboni!” jiyök. Mi nanine keunöŋ “Ketaŋamni.”

¹⁷Mewö jiiga kewö jii mörök, “Ni Iwinaŋgöŋeŋ qahö öŋgöba ki kinjal. Mi-

angöra ni kude nömisirimanmö, nongö munurupni yeŋgöreŋ anda buzup kewö jinön mötme: Nönön mönö Iwi Anutuni aka eŋgö Iwi Anutuŋini yaŋgöreŋ lil-ŋgöba öŋgömam.”

¹⁸Mewö jii möta Magdalagö ambi Maria yaŋön liliŋgöba anda gwarekurupŋi kewö jii mötket, “Nönön Kambu ekiga keu mewö mewö jii mötzal.” Mewö.

Jisösnöŋ gwarekurupŋi asuhum eŋgiyök.

Mat 28.16-20; Mak 16.14-18; Luk 24.36-49

¹⁹Sonda miangöreŋök miri söŋauiga gwarek yeŋön ömbibiŋe tokoba Juda yeŋgöra keŋgötŋini möta miri naŋŋuŋi köla ki namŋi misiget geiga tatket. Mewö tatketka Jisösnöŋ asuhuba sutŋine kinda kewö jiyök, “Alaurupni, luainöŋ embuk ahöma!” ²⁰Mewö jiba böröyahötŋi aka marömŋi kondeliga Kambu eketka sösoŋgainöŋ uruŋini kokolak qeyök. ²¹Kokolak qeiga toroqeba kewö jiyök, “Alaurupni, luainöŋ embuk ahöma! Iwinöŋ ni melaim niŋgiiga nöŋön iŋini mewöŋanök melaim eŋgizal.”

²²Mewö jiba nöropŋine memba ösum eŋgiba uwulamgöba jiyök, “Mönö Uŋa Töröŋi meget. ²³Iŋini ambazip siŋgisöndokŋini mosöta saŋgonje ewö, mi mönö Anutugö jeŋe solanim teköza. Ambazip siŋgisöndokŋini qahö mosöta saŋgonje ewö, mi mönö Anutugö jeŋe qahö solaniza.” Mewö.

Jisösnöŋ Tomas asuhum waŋgiyök.

²⁴Jisösnöŋ gwarekurupŋi mewö asuhum eŋgiyökmö, gwarek 12 yeŋgöreŋök kun qetŋi Tomas, qetŋi alaŋi Siwisiwi qetkeri, yaŋön nalö miangöreŋ sutŋine qahö malök.

²⁵Tomasnöŋ kaiga gwarek tosatŋan “Mönö Kambu ekzin,” jiget möta kewö jiyök, “Jenan birin löpötŋi böröŋe eka kesötŋan marömŋe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta ölja mi qahö möt narimam.”

²⁶Mewö jiiga sonda mohot teköiga gwarek yeŋön Sonda miangöreŋ kunbuk mire qezaköba naŋgu köla ki memba Tomasbuk mohotŋe tatket. Mohotŋe tatketka Jisösnöŋ kunbuk asuhuba sutŋine kinda kewö jiyök, “Alaurupni, luainöŋ embuk ahöma!”

²⁷Mewö jiba Tomasgöra jiyök, “Gi mönö börögi böranŋda böröyahötŋi eka kesötŋan marömne misirimam. Mewö aka yaŋgiseŋ mosöta uruyahötŋi yaköriba ni möt narim niŋgiman.”

²⁸Mewö jiiga kewö meleŋnök, “O, gi nöŋgö Kambu Anutuna!”

²⁹Mewö meleŋniga kewö jii mörök, “Gi nekzanangöra ni ölop möt narim niŋgizanmö, ambazip qahö neka töndup ni möt narim niŋgimakzei, yeŋön mönö simbawöŋ akze.” Mewö.

Jonöŋ Ölöwak Buŋa ki kewögöra ohoyök:

³⁰Jisösnöŋ nup ösum-mumu qakŋe memba maliga aŋgöletot sehisehiŋi tosatŋi mi gwarek yeŋgö jeŋini qakŋe asuhugetmö, mi buk kiangöreŋ qahö ohoyal. ³¹Keu tosatŋi ohoyali, mi kewögöra ohoyal: Jisösnöŋ Anutugö Nahönŋi aka Amötqeqe Toŋi Kraist akzawi, iŋini keu mi möt nariba mewö mianjön Jisösgö qetbuŋaŋangöra aka malmal köhöikŋi buŋa qem aŋgume. Mewö aka malmegöra nöŋön Ölöwak Buŋa papia ki ohobiga eŋgöreŋ kaza. Mewö.

**Jisösnöj gwarek 7 yengörej
asuhuiga söra jök öröget.**

21 Könangep Jisösnöj kunbuk gwarek tosatnji yengörej asuhuyök. Taiberias o angö jitje miangörej kewö asuhum engiyök: ²Gwarek azi kewöjan mohotje malget: Saimon Pitö, Tomas qetnji kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötjni yahöt aka gwarek tosatnji yengörenejök yahöt.

³Mohotje malgetka Saimon Pitönöj jii mötket, “Ni mönö söra örömamgöra anmam.” Mewö jiiga tosatnjan jiget, “Nini ölop göbuk mohokje anbin.” Mewö jiba mosöta wanggenöj öngöba anda sun gem miangörej söra kun qahö öröget. ⁴Söra qahö öröba öne malgetka miri lök gianjiiga Jisösnöj sagnöj kinök. Kinökmö, yangö kaisongolomnji mi qahö ek kutuget. ⁵Jisösnöj kinda engohola jiyök, “Alaurupni, söra kun öröze me qahö?” Jiiga melenja “Qahö!” jiget.

⁶“Qahö!” jigetka kewö jim kutum engiyök, “Inini mönö mösakjni wange ölje göröken gilgetka eri ölop söra miwikjaime.” Mi möta mösakjni gilgetka söra sehisehiji geba ölokögerangöra öröget kotmapkö osiiga öröm suksuköget.

⁷Mewö aiga Jisösgö wölböt gwarekjni mianön Saimon Pitö kewö jii mörök, “Mi mönö Kembuya!” Mewö jiiga Kembugö qetnji möta opo bindoñanök jöhöba malöhangöra silepökeñi köpeiba miangörenejök o angönöj luhuba geyök. ⁸Yenön sak qöhöröñe 100 mita miangö dop kösutje anda malget. Miangöra Pitönöj geba ani gwarek tosatnji yenön wange lökuatnöj qem nangöba anda mösak sörañambuk örögetka wange andöñe kayök.

⁹Mewö kaba sak körikje öngöba miangöreñ yuai kewö eket: Könöp jeiga gapnöj söra jejenji aka beret soñsoñ ahöyök. ¹⁰Mi eketka Jisösnöj kewö jii mötket, “Inini dölkö söra örözei, mönö miangörenejök tosatnji memba ki kaget.”

¹¹Mi jiiga Saimon Pitönöj möta wanggenöj öngöba mösak öröiga körikje öngöyök. Öngöiga öljö 153 eket. Mösak mi söra ketani sehisehiji mienön kokolak qegetmö, mösagnöj töndup qahö tñgirök. ¹²Öljö mi eketka Jisösnöj kewö jii mötket, “Mönö kaba söngangö neneñi neget!” Mewö jii möta kaba “Mi Kembunina,” mewö möt kutugetmö, gwarek yengörenejök kunjan “Gi dañön?” mewö qesimangö urulömböt aka qahö qesiyök. ¹³Qahö qesiyökmö, Jisösnöj anda beret memba engiba söra mewöyök mendenja engiyök.

¹⁴Jisösnöj kömupnöhök wahöta gwarekurupni asuhum engiyöhangö indimñi karöbut mi ahök. Mewö.

**Jisösnöj Pitö kunbuk
kunjguba mem köhöiyök.**

¹⁵Söngangö neneñi neget teköiga Jisösnöj Saimon Pitögöra kewö jii mörök, “Saimon Jongö nahönñi! Alaurupki kienön ni uruñinan jöpaköm niñgimakzei, gi mönö i engongita gwötpuk jöpaköm niñgimakzan me qahö?” Mi möta kewö meleşnök, “O Kembu, ni göhöra ak niñgimakza. Gi wölböt alani akzan. Mi nangak ölop mötzan.” Mewö meleşniga Jisösnöj jii mörök, “Gi mönö nöngö lamaurupni moröñi gumohom engiba malman.”

¹⁶Mewö jii möri indimñi yahöt qesim wangiyök, “Saimon Jongö nahönñi! Gi öljö jöpaköm niñgimakzan me qahö?” Mi möta kewö meleşnök, “O Kembu, ni göhöra ak niñgimakza. Gi wölböt alani akzan. Mi nangak ölop mötzan.”

Mewö meleŋniga Jisösnöŋ jii mörök, “Gi mönö nöŋgö lamaaurupni galöm köl eŋgiba malman.”

¹⁷Mewö jii möri indimŋi karöbutŋi qesim waŋgiyök, “Saimon Jongö nahönŋi! Gi mönö öŋa wölbötkan (jojopanggan) nöŋgö ak gihimakza me qahö?” Mewö qesim waŋgiiga urujöjöpakö qeqesiŋi mohot miyök qesiiga indimŋi karöbut ahöhaŋgöra Pitönöŋ wösöbirik möta meleŋda kewö jiyök, “O Kembu, gi yuai pakpak ölop möt teközan. Gi wölböt alani akzan. Göŋön mönö nangak mi ölopŋanök mötzan.” Mewö jiiga Jisösnöŋ jii mörök, “Gi mönö nöŋgö lamaaurupni gumohom eŋgiba malman.

¹⁸“Nöŋön keu öl töhöŋŋi kun kewö jibi mötnöŋ: Gi sepgulia mala nangak sileötaŋgi jöhöba köna igen me waigen ‘anmam,’ jiba ak gihiyöhaŋgö dop ölop anda kaba malnöŋ. Mewö mala malnöŋmö, azi namŋi akŋani, nalö miangöreŋ börögi böräŋnöŋga kunŋan kaba opo silepökegi jöhöm gihiba köna kungen qahö anmangö mötmani, mönö miangöreŋ goaŋgiriga anman.”

¹⁹Jisösnöŋ kezapqetok keu mewö jiba Pitö kömumawangö keu saiŋi indelök. Yaŋön kömup tandökŋi qainŋi kun kömuiga Anutugö qetbuŋaŋi qarimapköra mötmöriba mi jiyök. Keu mi jiba yaŋgöra jii mörök, “Gi mönö kaba ni nuataŋgöba malman!” Mewö.

Jisösnöŋ Pitöbuk gwarek kungö keuŋi eraum mörohot.

²⁰Pitönöŋ Jisösbuk anda lilingöba Jisösgö wölböt gwarekŋan andöŋjire kaiga ehök. Gwarek miaŋön ak-kömükömu lama negeri, miangöreŋ nöropŋan Jisösgö töptöpŋe nariba jiyök, ‘Kembu, göhöreŋ mamalolo azi mi daŋön?’ ²¹Gwarek miaŋön könaŋjire kaiga Pitönöŋ i eka Jisös kewö qesim

waŋgiyök, “Kembu, gwarek kiangöra mönö denöwö asuhuma?”

²²Qesim waŋgiiga kewö jii mörök, “Nöŋön yaŋgö malmal areŋi mewö me mewö albileŋak, mi mönö göhöreŋ waimanjara qahö. Nöŋön jibiga yaŋön qahö kömumba nöŋön gölmenöŋ lilingöba kamamaŋgö nalöŋe toroqeba jebuk mal öngöbawak, keu mi yaŋgö keuya akawak. Gi mönö yaŋgö keuŋi mosöta nangi malmalgi möhamgöba galöm köl aŋguba nöŋgö andöne kaba ni nuataŋgöba malman.”

²³Keu mewö jiiga tosatŋan laŋ möta jim sehigetka urumeŋ alaurup yengö sutŋine keu mi kewö jim sohoget, “Gwarek miaŋön qahö kömumba.” Mewö jim sohogetmö, Jisösnöŋ jebuk teteköŋi qahö mal öngömapköra qahö jiyökmö, keu kewö jiyök, “Nöŋön yaŋgö malmal areŋi mewö me mewö albileŋak, mi mönö göhöreŋ waimanjara qahö. Nöŋön jibiga yaŋön qahö kömumba nöŋön gölmenöŋ lilingöba kamamaŋgö nalöŋe toroqeba jebuk mal öngöbawak, keu mi yaŋgö keuya akawak. Gi mönö yaŋgö keuŋi mosöta nangi malmalgi möhamgöba galöm köl aŋguba malman.” Mewö.

Nanak mi pakpak jenan eka naŋgöba ohom eŋgizal.

²⁴Gwarek miaŋön yuai mi jeŋan eka mala miangö dop mi naŋgöba jim asariba Ölöwak Buŋa ki ohoyök. Körek pakpak eŋön gwarek miangö könaŋi mötzeangöra aka ölop tönguba kewö jiba malme, “Yaŋön keu naŋgöba jiyöhi, miaŋön mönö keu öl töhöŋŋi akza.”

²⁵Jisösnöŋ nup aka aŋgöletot tosatŋi sehisehiŋi mi mewöyök aka memba malök. Miengö kösohotŋini mohot mohot mi lökŋanök törörök ohobinak ewö, mönö buk papia böranŋi böranŋi sehisehiŋi asuhugetka kantri dop papia köwe miri (laibreri) pakpak miangöreŋ alinga

kokolak qeba ölköiga tişi tündup qahö
dop kölbawak. Mewö mötmörizal.

Aposol Nup Meme

*Aposol yeñön Uña Töröñangö
ösumnön nup meget.*

Jim-asa-asari

Dokta Luknön buk qetji “Kraistkö Ölöwak Buña” ohoba kösohotji toroqeba buk qetji “Aposol nup meme” ohoyök. Jisösnön gwarekurupji mutukni kusum enji Uña Töröñan sölölohöm enji Kraistkö keu buzupji jim sehigeri, Luknön miangö kösohotji aukne almangöra möta kewö (1.8) ohoyök, ‘Yeñön mi Jerusalem sitinön könahiba Judia prowins dop köla Samaria prowinsnön anda toroqeba gölme göräñe eu emu likeplikep angetka dop köl teköba anök.’ Mutuk Juda könagesö uruñe nup megetka uruñini melenña guligetka Kraistkö qeburuñ könahiba yöhöba sehiba anda anda kantriñi kantriñi dop köliga urumelen könagesö yeñgö bohonñini ahök. Kösohotji oyoñjei, Luknön yeñgö uruñini böñjön almangö kapañ köla keu kötji yahöt kewö ohom asariyök,

1) ‘Kraistkö alaurupñan Rom mindimindiri gawman mi tuarenjon qahö ak enñiba malje. Yeñön mi memba et almeğöra tuaköpek qahö akze. Tosatñan mewö mötpeak, mi böñji öne wahötpapuk.’

2) ‘Juda yeñön jike nup meget korembenji aiga öñji asuhumapköra mamböta malgeri, Jisösnön mönö öñji mi memba kaba enñiyök.’ Keu kötji mi.

Jisösgö Buña keuñi kuñguba jim sehiba zioz könahiba mem köhöigetka toroqeba aniga urumelen yeñgö kambuñinan qariyök. Miangö dop “Aposol nup meme,” kösohot mi juliga keu bahöñi bohonñi karöbut kewö akze: 1) Jisösnön Suep mire öñgöiga gwarek yeñön Jerusalem malgetka Kraistkö

Buña keuñan könahiba qeburuñ yöhöyök. 2) Yöhöba qariba Palestain gölmegö prowins tosatñe anök. 3) Kunbuk qariba kantriñi kantriñi Sutñire Köwet liliköba tat anjei, mi dop köla teteköñe siti bohonñi Rom anök.

“Aposol nup meme” miangö keu bohonñi mi Uña Töröñangö könañi aka nup memeñi. Aposol aka mötnarip ambazip yeñön yambu dölokñangö (Pentekost) nalöñe Jerusalem köulukögetka Uña Töröñan ösumñambuk uruñine geyök. Uruñine geba sölölohöba mem köhöim enjiiga denña kantri liliköba nup megetka öñji könañi könañi asuhuyök. Zioz ambazip aka yeñgö jittjememe yeñön Kraistkö Buña keu mi könakönahije denöwö jiba malgeri, Luknön miangö keuñi ohoiga mi ölop buk kiangöreñ oyoñda mötpin. Ambazip uruñini melenña mindiriba nañgöm añguba malgeri, yeñön Buña keugö kukösumñi möt kutugetka miri dop aukne asuhuyök. Denöwö asuhuyöhi, Luknön miangö kösohotji ohoba Uña Töröñangö kukösumñi kondel neñgiza.

Buk kiangö bahöñi bohonñi 4 mi kewö:

1. Buña keu nañgöba jibingöra jöjöröget 1.1-26

a) Jisösnön jimkutukutu ala Uña enñimangö jiyök 1.1-14

b) Judas Iskariotkö salupñe Matias meköget 1.15-26

2. Jerusalem sitinön Buña keu nañgöba jiget 2.1-8.3

3. Judia aka Samaria Buña keu nañgöba jiget 8.4-12.25

4. Polnön misin nup memba malök 13.1-28.31

a) Misin nup liliköba megetka 1 ahök 13.1-14.28

b) Jerusalem totoko ala keu jöhöget 15.1-35

c) Misin nup liliköba megetka 2 ahök 15.36–18.22

d) Misin nup liliköba megetka 3 ahök 18.23–21.16

e) Pol Jerusalem, Sisaria aka Rom kösö mire tarök 21.17–28.31

Jisösnöj zioz könahiyök.

1^{xO} Tiofilus!
Luk nöjön kösohotni mutukji ohoyali, miangörej Jisösnöj nup könahiba memba liliköba ambazip kusum engiba malöhi, miangö kösohotnji pakpak arengöba albi eknöj.
²Jisösnöj nup memba melaimelai azi aposolurupji möwölöhöba kusum engiba mala Uña Töröjängö ösum qakne nup memegöra jim kutum engiyök. Mi engiiga Anutunöj wangiri Suepnöj öngöyök. Nöjön kösohotni ohoyali, mi miangörej ohom teköyal. Merak miangörejök kösohot mi toroqeba ohomam.

³Jisösnöj sihimbölö möta kömumba kömupnöhök wahöta wehön 40 gölmenöj toroqeba malök. Nalö miangö uruje aposolurupji sömañi gwötpuk asuhum engiba Anutu bemtohojängö könani toroqeba jim asarim engiba malök. Mewö mala aiwesök tandök könani könani memba kondel engiyök. Yejön mi eka Jisösnöj guliba maljawı, mi ölop möt yaköget. Aiwesök ek-eri, yejön mi nañgöba jiba dangunu ewö kinje aka kunjan mi qeapkömangö osima.

^{4y}Nalö kunöj yembuk mohotje mala kewö jim kutum engiba jiyök, “Iñini Jerusalem siti ki mönö zilañ kude mosötme. Iwinan ‘Kalem urujine al engimam,’ jiba keuñi jöhöi jibi mötkeri, mi mönö öljambuk akña aiga

enön mönö miangöra mamböta malme.
^{5z}Mutuk Jonöj ambazip o töhönöj melun mem engiba malökmö, Anutunöj nalö kude köriiga Uña Töröj urujine ala miangön melun mem engima.” Mewö.

Jisösnöj Suep mire öngöyök.

⁶Aposol yejön nalö kunöj tokogetka Jisösnöj sutjine asuhuiga kewö qesim wangiget, “Kembu, göjön mönö nalö kewöje me wani nalönöj Israel kantrigö tohoñi mi kunbuk kuñguba mem köhöiman?”

⁷Qesim wangigetka kewö jii mötket, “Iwinöj nanñi kukösum qakne yambu gwani aka aua nalö arengöba ali ahözawi, mi mönö enön mötmeangö dop qahö. ^{8a}Mi qahöpmö, Uña Töröjan eta urujine gemawañön mönö kukösum engiiga letota nöngö könani nañgöba jiba malme. Mi Jerusalem sitinöj könahiba Judia prowins dop köla Samaria prowinsnöj anda liliköba toroqeba gölme görane eu emu likeplikep angetka dop köl teköba anma.” ^{9b}Jisösnöj keu mi jim teköiga Anutunöj jeñini qakne wangita wahoriga kusunöj eta esuhuiga euyangörej öngöiga ekingö uget öngöba atatop (jiataton) köliga jaruba kinget.

¹⁰Mewö öngöiga suepnöj eu ehiba kingetka miangörejök azi yahöt malukuñiri tuat lalamñi yetkön kösutjine asuha kinohot. ¹¹Kinda kewö jiyohot, “Galili azi iñini mönö denöwögöra suepnöj eu ubayök kinje? Anutunöj Jisös ki engö sutjineyök wangita Suep mire eu öngöi ekzei, yanön mönö tandök mewöjanök kunbuk lilingöba etma.” Mewö.

^x1:1 Luk 1.1-4 ^y1:4 Luk 24.49 ^z1:5 Mat 3.11; Mak 1.8; Luk 3.16; Jon 1.33

^a1:8 Mat 28.19; Mak 16.15; Luk 24.47-48 ^b1:9 Mak 16.19; Luk 24.50-51

**Judas Iskariotkö
salupnje Matias meget.**

¹²Mewö jiyohotka aposol yeñon Jerusalem siti kösutnje kundunji qetnji Oil ip kundunji miangöreñök lilingöba eta 1 kilomitagö dop kaba sitinönj kangotket^f. ¹³cJerusalem kangota miri urunji kun qaknje tat malgeri, miangöreñ anda öngöget. Öngögeri, yeñgö qetjnini kewö: Pitö, Jon, Jeims aka Andru; Filip, Tomas, Bartolomyu aka Matyu; Jeims Alfiusgö nahönji, Saimon Zelot politik azia aka Judas Jeimsgö nahönji[§]. ¹⁴Azi pakpak mieñon urumohot aka ambi yembuk kapanj köla köuluköba malget. Yeñgö sutnjine Jisös munurupnji aka namnji Maria yeñon mewöyök malget.

¹⁵Köuluköba mala wehön kunönj möt-narip ambazip jangöñjini 120 miangö dop tokogetka Pitönönj sutnjine wahöta keu kewö jiyök, ¹⁶“Azi alaurupni! Jisös memba jöhögeri, Judasnönj yeñgöra köna kondelök. Uña Töröñan Judasgö keu mi mutuhök kiñ Deiwidkö urunje sañep ali numbu jitñan jiiga Sumbara buk (Buña Liñet buk Sam) miangöreñ ohoget ahözawi, miangön mönö ölnambuk ahuyök. ¹⁷Jisösnönj Judas möwölöhöi nanine kambunönj kun mali nupnji memapkö kuñgui melaimelai azi bohonñi aposol ahök.

¹⁸d“Judasnönj ahakmeme bölöñi aiga söngörönji wañgiget memba miangön gölme körönji kun bohonñi meyök. Mi memba miangöreñ imbi auba nöropñan melenđa gölmenönj kuñguiga gölömnji juliga irip kömoñgokñi datnji munñi mi körek usuba erök. ¹⁹Mewö ahiga

Jerusalem ambazip pakpak miangö buzupñi möt teköba gölme miangö qetnji nanñine keunönj Akeldama qetket. Mi nanine keunönj Sep Gölme körönji.”

²⁰ePitönönj toroqeba kewö jiyök, “Sumbara (Sam) buk miangöreñ keu kun kewö ohoget ahöza,

‘Miriñi mönö balonji gwamön kinma. Mi kunñan tonji qahö aka maliga miriyök kinma,’

aka keu kun kewö ahöza,

‘Kunönj ölop yangö salupnje galöm nup memba kinma.’

²¹⁻²²f“Mewögöra aka nini azi kun möwölöhöba kuñguinga nembuk jitnje meme aka dangunu ewö kinda Jisösnönj kömupnöhök wahöröhi, miangö Buñanji nañgöba jiba mali dop kölma. Jonönj Jisös o melun mem wañgiiga Kambunönj nalö miangöreñök qenjaröknönj anda nupnji könahiba memba neñgö gölmenönj liliköba anda kaba mali Anutunönj sutnineyök wañgita öngöyök. Azi nalö pakpak miangöreñ kambunine mohotnje mala korini, mönö yeñgöreñök kun möwölöhöinga dop kölma.”

²³Pitönönj mewö jiiga azigö jaruba azi yahöt qetjiri qetket. Kun qetnji Josef, qetnji alañ Barsabas aka qetnji kun Jastus. Azi kungö qetnji Matias. ²⁴Qetjiri qeta kewö köuluköba jiget, “O Kambu, gi ambazip urunini körek pakpak möt kutuzan. Miangöra gi azi kietköreñök niñia möwölöhözani, mi mönö kondel neñgiman. ²⁵Judasnönj gonggiba geñmonj aka eta aposol nup mosöta bölöñamñangö dop ayuhuba geyöhi, yangö salupnje azi kunönj mönö aposol aka kinda melaimelai azigö nup memba malma.”

^f1:12 Juda yeñon 1100 mita mi Sabat kendonönj qahö ongita anjema. Miangöra Köna keu qahö ongita kaget.

[§]1:13 Zelot pati yeñon nanñini kinkin mendingöra Rom mindimindiri gawmanbuk tuaköpek aka urukönöp aka malget.

^c1:13 Mat 10.2-4; Mak 3.16-19; Luk 6.14-16 ^d1:18 Mat 27.3-8

^e1:20 Sum 69.25; 109.8 ^f1:21-22 Mat 3.16; Mak 1.9; 16.19; Luk 3.21; 24.51

²⁶Mewö jiba yetkö kiawen (kas, lot) algetka Matias asuhuyök. Asuhuiga aposol 11 yeḡö sutḡine dum kun waḡigetka kambuḡine toroqeyök. Mewö.

Uḡa Töröḡan eta gwarek uruḡine geyök.

2⁸Jisösnöḡ kömuyöhi, nalö miangöreḡök sonda 7 teköiga wehön 50** miangöreḡ yambu jeḡi qeḡe nalöḡi kam kuḡuiga urumeleḡ ambazip pakpak yeḡön tokoba kendon tatket. ²Tatketka miangöreḡöhök Suepnöhök yuai kun biliksik eri kouruk ketanḡi asuhui mötket. Dimbomnöḡ köhöikḡanök qemakzawi, mönö miangö tandök ewö asuhiba eta miri tatkeri, mi körek kokolak qeyök. ³Miri kokolak qeba yuai miangön deḡeḡda sehiba könöp bölam tandök ewö nöroḡḡini qakḡe öḡöi eket.

⁴Mewö asuhuiga Uḡa Töröḡan körek yeḡö uruḡini kokolak qeiga gölme tosatḡe keu ahözawi, mi könahiba jiget. Uḡa Töröḡan sölölohöba keu saḡep alöhangö dop aukḡe jiget.

⁵Juda ambazip tosatḡan Anutu göda qeba kantri könaḡi könaḡi suep baḡḡe tat anḡei, miangöreḡ deḡda anda mala Jerusalem liliḡöba kageri, tosatḡi mewöḡi mewöyök sitinöḡ malget. ⁶Mewö mala kouruk ketanḡi mi möta ambazip kambu gwötpukḡan kaḡgota tokoget. Tokoba kingetka mötnariḡ ambazipnöḡ keu murutḡi murutḡi jigeri, mi pakpak möta nanḡak nanḡak möt asariba miangöra aurumpurik aka köḡkuḡ aket.

⁷Köḡkuḡ aka welipköba jiget, “Mötket! Azi ki keuḡi keuḡi jizei, yeḡön mönö körek Galili ambaziwa akze me? ⁸Nini kantri murutḡi murutḡi

miangöreḡ ahuba kota malinga yeḡön mönö denöwö aka malqariḡ kantrininaḡö dop keunini nanḡik nanḡik jigetka mötzin? ⁹Nini Partia ambazip, Midia ambazip aka Elam ambazip ki kinḡin. Nini tosatḡan Mesopotemia malin. Tosatḡan Judia malje aka tosatḡan Kapadosia gölmenöḡ malget. Ambazip tosatḡan Pontusgöra, tosatḡan Eisia prowinsgöra akzin aka yeḡön nanini keunine keu jigetka mötzin.

¹⁰“Tosatḡan Frigia gölme mosöta ki kaba malje. Tosatḡan Pamfilia taon mosötket. Tosatḡan Ijpt kantrinöḡ malget. Tosatḡan Sairini gölme likeḡḡe Libia kantrinöḡ malget. Tosatḡi nini Rom sitiyoḡ kusukḡanök ki kaba malḡin.

¹¹Nini tosatḡan Juda ambazip ahuba malḡin aka tosatḡan kantri tosatḡe ahuba könaḡep Juda ambazip ahin. Mewö kinḡin aka yeḡön keu jigetka nini keunini mohot mohot mi ölöḡ möt kutuzin. Nengöreḡök tosatḡan gölme jölannḡi qeḡḡi Krit mosöta köwet kutuba kaget. Tosatḡan Arebia keu jize. Nini mewöḡan malḡinmö, yeḡön söḡgaiba Anutunöḡ aḡgöletot öḡgöḡḡöḡi ahöhi, miengö könaḡi mi nanine keunöḡ nanḡik nanḡik jigetka mötzin.” ¹²Mewö jiba körek yeḡön auruba lalalulu siksauk aka nanḡini kewö jim qesim aḡguget, “Kiangö könaḡi mönö denöwö?” Mewö qesim aḡguba keu jaruba tönpin kinget.

¹³Tönpin kingetmö, tosatḡan mepaqepaik aka kewö jiget, “Yeḡön wain o nahömḡambuk gwötpuk nempa eḡololoḡ akze.” Mewö.

Pitönöḡ Uḡa Töröḡangö könaḡi jim asariyoḡ.

¹⁴Mewö jigetka Pitönöḡ aposol 11 yembuk mohotḡe wahöta kinda

**2:1 50 mi Griḡ keunöḡ Pentekost.

köhöiknanök qeta ambazip kambu yengöra kewö jii mötket, “Alaurup, Juda ambazip aka ambazip körek Jerusalem maljei, nõñon yuai asuhuzawangö kõnanji jibi kezap ala mi mötket. ¹⁵ İjini tosatñan neñgöra kewö jize, ‘Yeñon o köhöikñi negetka uruñinan eñololoñ akza.’ Mewö mötmörizemö, neñon mewö qahö akzin. Ki sõñangö 9 kilokñi akza. Sõñan mi o nene nalöya qahö. ¹⁶ Qahöpmö, kezapqetok azi Joelnoñ Buña keu kewö jiyöhi, miañon mönö öljambuk akza,

^{17h} Anutunöñ jiza: Kembugö kaka nalöñan törimawi, nõñon nalö miañgöreñ Uñani Töröñi mokobiga ambazip körek yengö qakñine öngöma. Öngöba sõlölohöba kutum eñguasöriga kewö asuhuma:

Eñgö nahönböraturuñinan kezapqetok keuñi keuñi jimakñe.

Eñgö gwabö seramuruñinan jeñini meleñni imutñi imutñi ehakñe.

Eñgö ambazip namñi yeñon gaunñi gaunñi ekñe.

¹⁸ Uñani Töröñi mokomami, mi azi aka ambi weleni qeba malmei, yengö qakñine mewöyök öngöiga kezapqetok keu jimakñe.

¹⁹ Nöñon añgöletot suepnöñ albige uget eu öngöiga ekñe aka gölmenöñ aiwesök mi kewö ekñe:

Yuai sepnambuk, kõnöp öngöñgöñi aka köwak köndumñambuk mi asuhume.

²⁰ Wehön jeñan pandaman meiga köiñnöñ pisihiba sep ewö akña.

Mewö asuhuiga miañgö andöñe Kembugöreñ nalö ketañan kam kuñguma.

Wehön mi aködamun aka qetbuñambuk.

²¹ Denike yengöreñök kunñan kun Kembugö qetñi qeta köulukömawi, yañon mönö amöt qem wañgiiga letotma.’ Joelnoñ mewö ohoi ahöza.

²² “O Israel ambazip, iñini mönö kezap ala keu ki mötket: Anutunöñ Jisösgö malmal nalöñe sõlölohöm wañgii mali añgöletot, aiwesök aka aiaka ösum-mumuñambuk mi eñgö sutñine gölmenöñ aukñe asuhuget. İjini mi ölop mötze. Anutunöñ yuai mi asuhum wañgiba mewö miañon Nazaret azi miañgö kõnanji nañgöba jiba kondel eñgiba malök.

²³ⁱ “Anutunöñ mönöwök Jisösgö keuñi qeljiñe jöhöba möt kutuba kewö jiyöha ahöza, ‘Amötqeçe Toñan mönö pinjit azi yengö böröñine etma.’

Keu miañgö dop Anutunöñ Jisös qahö añgön köli eñgö böröñine erök. Mewö eriga iñini kömumapkö qetketka kian kantri gawman yeñon Mosesgöreñ Köna keu qahö möta töndup jim kutugetka böröñinan Jisös memba maripomnöñ qeget kömuyök. Kömuyökmö, sepnan mönö eñgö qakñine öngöyöha ahöza.

^{24j} Jisösnöñ kömuyökmö, kömupkö kösö gwaröñe eri kömup Toñan i jöhöba nalö köröpñi galöm köl wañgimamgö osiyök. Mi Anutugöreñ qahö dop kölök. Miañgöra yañon i mem guliba kömupkö sihibölöñeyök meköiga wahörök.

^{25k} Kiñ Deiwidnoñ Jisösgöra kewö jiyök ahöza,

‘Nöñon garañguruñ aka talbileñbuköra Kembunöñ böröni öñe malja.

Yañon nalö dop qöhöröñne kini imut ewönöñ eka maljal.

²⁶⁻²⁷ Mewö mala kömumam-mö, kömupkö uñem mire gebiga andö qahö nuñguman.

^h2:17 Joel 2.28-32 ⁱ2:23 Mat 27.35; Mak 15.24; Luk 23.33; Jon 19.18

^j2:24 Mat 28.5-6; Mak 16.6; Luk 24.5 ^k2:25 Sum 16.8-11

Göjñn nangi wölböt azi sarakñi tök-kutukutuñi ni mönö meköm niñginöñga kömupkö lömnöñ ahöba qahö gisahömam.

Miangöra urunan sösongai aiga numbu nesilamnan renduñ liñet köla maljal.

Silenan mewöyök guliba wahöt-mawañgöra al mamböta jörömqöröm aka luhut memba ahöma.

²⁸ Göjñn malmal köhöikñangö könañi kondel niñginöñga möt kutumam.

Nöjñn göhö jemesoholge pöndañ malbiga göjñn uruni sösongainöñ kokolak qeman.' Deiwidnöñ Jisösgöra mewö jii ahöza.

²⁹ "O alaurupni! Pitö nöjñn bem ambönini kiñ Deiwidkö könañi mi awösamkakak qakñe aukñe kewö jim asarimam: Deiwidnöñ kömuiga löm kölgetka qaksiriñan merak sutnine ki ahöza. ³⁰ Deiwidnöñ kezapqetok azia aka malöhañon kewö mörök: Anutunöñ gwölönarökurupñi yengöreñök kun möwölöhöba kuñgui nanñi ewö azi kembangö dum tatatñe tatma. Anutunöñ keu mi jöhöba jöjöpang keunöñ jim köhöiba malök. ³¹ Kunñan tatmawi, mi qeljñe eka mörök. Amötqeqe Toñi Kraist yañon kömupnöhök wahötmawi, Deiwidnöñ mi möta kewö jiyök, 'Kraistnöñ mala kömumapmö, kömupkö uñjem mire geiga Anutunöñ i andö kude qei ahöma.

Yangö silenñi mi kude mosöri qamötñan kömupkö lömnöñ qahö gisahöma.'

³² Anutunöñ Jisös mem gulii wahöriaga mewö miañon keu mi öljambuk ahök. Nini körek mi je kötninan eka nangöba jiba dangunu ewö kinjin. ³³ Jisösnöñ wahöta mala Anutunöñ wangiri öngöba böröñi öljne tatza. Miangöreñ tata Iwinöñ Uña Töröñi melaimapkö jim

jöhöyöhi, yañon (promis) mi möta i mokoi eriga öljni merak ki asuhui eka mötze. ³⁴ Deiwidnöñ Suepnöñ kude öngöyök. Yañon nanñak keu kewö jii ahöza,

'Anutunöñ Suep miri uruñe nani Kembunangöra kewö jim kutui mörök:

Göjñn mönö kaba böröni öljne asakmararañ kiangöreñ eta tata malman.

³⁵ Mewö tata malnöñga nöjñn nalö sutñe kiangöreñ tuarenjoñurupki tim tötala luhut al engimam.

Luhut al engibiga yeñon tala geba sihimbölo möta sahöta köna döp ewö akñe.

Mewö aketka göjñn ölop wahöta yengö qakñine tiba sönggaiba malman.'

³⁶ "O Israel ambazip, iñini Jisös maripomnöñ qegetka kömuyökmö, Anutunöñ Jisös mi kuñguiga Kembu aka Amötqeqe Toñi Kraist ak neñgiba malja. Israel kambu pakpak iñini mönö miangö könañi möt yaköme."

³⁷ Pitönöñ mewö jiiga ambazip kambunöñ möta uruñini qesiñni Pitö aka aposol tosatñi yengöra kewö jiget, "Azi alaurup, nini mönö dendenöwö ahin dop kölma?"

³⁸ Jigetka Pitönöñ kewö jii mötket, "Iñini mönö uruñini melenget. Mohot mohot uruñini melengetangö dop neñon mönö Jisös Kraistkö qetñe o mem melun mem engibin. Mi engiinga Anutunöñ siñgisöndokñini sangonnda mosöta Uña Töröñ kalemñi mi buña qem engima.

³⁹ Anutunöñ Uña mi engimangö jim jöhöyöhi, keu mi mönö nanñini aka engö gwölönarökurupñini engöra aka jiyök. Engöra aka tosatñi köröwen mal angetka Anutu Kembuninan engoholmawi, yañon jöhöjöhö keu (promis) mi mönö körek engöra aka mewöyök jiba jöhöi ahöza."

⁴⁰Pitönöj mewö jiba toroqeba qambañ keu tosatñi gwötpuk mianñon uruñini kuñguba kewö jiyök, “Ambazip misimkaulup ki gölmenöj maljei, Anutunöj mi amöt qem engiiga letotmegö mötza. Yembuk sihibölö miwikñabepuköra mönö uruñini meñda ambazip goñgoñi mi jabö ala engömosötme.” ⁴¹Pitönöj mewö jiiga ambazip jesöñgöñan keuñi möt anñon kölgetka o melun mem engiget. Mi mem engigetka könagesöñine toroqetgetka jañgöñinan wehön mianñoreñök 3000 mianñö dop qariyök. Mewö.

Mötnarip yeñon uru jöhöm anñuba malget.

⁴²Uruñini meñgeri, yeñon urumohok aka urunöj jöhöm anñuba nalö dop anñeka tokogetka aposol yeñon Buña keu kusum engigetka beret mindipköba nempa köuluk nup memba malget. Pöndañ malmal mewöñi malget.

⁴³Mewö kinda Anutugö qetñan bölibapuköra jönöm undu-undu aka malget. Mewö malgetka Anutunöj sölölohöm engiiga aposol yeñon jitñe memejini aka nup megetka anñöletot aiwesök murutñi murutñi asuhuget. ⁴⁴nAnutu möt narigeri, yeñon körek malmalñini mohotñe mala sukinap (ainemaluku) yuaiñini pakpak mindiriba mohotñe memba malget.

⁴⁵Mewö memba mala gölme sukinap yuaiñini bohonñi memegöra algetka söñgöronñi engiget kayöhi, mi sutñine mözöqözöronñi aka osigeranñö dop mendeñ anñuba malget. ⁴⁶Mewö mindiriba mala qösösök (qörörök) urumohot aka nalö dop jöwöwöl jikenöj tokomalget. Beret mi miriñini dop mindipköba nemalget aka numbu neneñini mi geñmoñini qahö sösonñgai qakñe tata nemalget. ⁴⁷Aiakanñini

mewö aka Anutu möpöseiba malgetka ambazip pakpak yeñon i engek soriba malget. Engek soriba malgetka kambuñinan qariiga Kembunöj nalö dop ambazip tosatñi uru meñeñ engiiga letota mindimindiri areñine toroqetget. Mewö.

Pitönöj lokon azi kun mem ölöwahök.

3 Juda yeñon mare dop 3 kilok köuluközema. Mare kunöj Pitö Jon yetköñ köuluk nalö mianñoreñ jöwöwöl jikenöj öñgöyohot. ²Öñgöyohotka mianñoreñ azi kun nam köro uruñeyök lokon asuhuba tat malöhi, mi anñuba kaba jöwöwöl jikegö kiripo nanñuñe alget. Alauruñjan silim dop kaba kululunöj anñuba kiripo nanñu qetñi Nanñu Eksihimñambuk qetkeri, mianñoreñ alget tarök. Tata ambazip jikenöj öñgögeri, yeñon moneñ kalem wañgimegöra ulet engiba malök.

³Mewö algetka tari Pitö Jon yetköñ jöwöwöl jikenöj öñgöbitkö ahotka etkeka i mewöñanök kalemgö ulet etkiyök. ⁴Ulet etkiiga jemesoholñi uba eka Pitönöj kewö jii mörök, “Mönö niri netkeknöj!”

⁵Mewö jii möta je kusumusulñi qahö etkehiba yuai kun böronñireyök ningimahotkö mambörök. ⁶Etkehiga Pitönöj jiyök, “Nöñgöreñ silwö me goul moneñ qahö ahözapmö, nöñgöreñ yuai kun ahözawi, mi ölop gihimam: Gi mönö Nazaret azi Jisös, Amötqeqe Tonñ Kraistkö qetñe wahöta anman!”

⁷Mewö jiba böronñi ölñe memba kököbihiiga wahörök. Wahöriga könani aka gwaköt sihitñi mönö mianñoreñök köhöiget. ⁸Köhöigetka wahöta luhuba yetpuk jöwöwöl jikenöj öñgöba mianñoreñ anda kaba sereñsereñ unduba Anutu möpöseiyök. ⁹Mewö

anda kaba Anutu möpöseim waŋgiiga ambazip kambu pakpak yeŋön mi eket. ¹⁰Mi eka kewö jiget, “Azi ki kalem waŋgimegöra jikegö kiripo Nanŋu Eksihimŋambukö kösutŋe tata uleta malöhi, mönö mia.” Mewö jiba möt waŋgiba “Sileŋe wani yuaia asuhuzapto?” jiba auruha nemböŋini teköi welipköget. Mewö.

Pitönöŋ jöwöwöl jikenöŋ Buŋa keu jii mötket.

¹¹Welipkögetka ulet azi miaŋön sundan Pitö Jon yetpuk mohotŋe anda kaiga ambazip kambu körek pakpak yeŋön ösumŋinan kösutŋine kaba jöwöwöl jikegö tohoŋ uruŋe öngöba kiŋ Solomongö sombem söranŋambuknöŋ tokoba kinda ehiget.

¹²Mewö ehigetka Pitönöŋ eŋgeka könahiba kewö jii mötket, “O Israel alaurupni, iŋini mönö wanigöra yuai ki eka auruze? Wanigöra niri uba netkehize? Azi kiaŋön ölöwaka köna anda kazawi, mi mönö netkö ösumnöŋ me Anutugö Buŋaŋe pitirik maljiraŋgöra aka qahö. Mewö kude mötmörime. ¹³°Nanine ambösakonini Abraham, Aisak aka Jeikob yeŋgö bem Anutunöŋ mönö Nahönŋi Jisös asakmararaŋ waŋgiiga jitŋememeŋi öngöŋgöŋi ahiga ölni asuhuiga ekze. Iŋini Jisös mi memba galöm yeŋgö böröŋine algetka premiö Pailötnöŋ pösatmamgö keuŋi jöhöba jiyökmö, eŋön Jisös mi yaŋgö jeŋe qaŋ köla andö qem waŋgiget.

¹⁴p“Iŋini azi diŋdiŋi aka sarakŋi mi andö qem waŋgiba azi qeŋe azi kun pösatmapkö kapaŋ köla qeta qesiget. ¹⁵Mewö qeta qesiba mewö miaŋön malmalgö Toŋan kömumapkö keuŋi jigetka kömuyök. Kömuyökmö, Anutunöŋ i mem guliiga kömupnöhök wahörök. Netkön mi jeninan eka naŋgöba jiba

yaŋgö dangunu ewö kinjin. ¹⁶Mewö kinda Jisösgö qetŋi möt narim waŋgiba maljit. Azi ki eka möt waŋgizei, mi mönö qet miaŋgö ösumŋan mem köhöiiga kinja. Jisösnöŋ sölölohöm netkii mötnaripniran asuhui miaŋgö qakŋe kinda jim kutuziga köna gwakötŋan ölöwak teköiga iŋini körek mi ekze.

¹⁷“O alaurupni! Jisös kömumamgö kapaŋ kölgeri, eŋön mi mönö gukmaulem qakŋe aket, mi mötzal. Nanŋini aka galömurupŋinan mewöyök yuai ak waŋgigeri, miaŋgö könaŋi kude möt kutuba laŋ aket. ¹⁸Mewö aketmö, miaŋgö likeŋi Anutunöŋ kewö ahök: Anutunöŋ keuŋi mönöwök kezapqetok ambazipurupŋi pakpak yeŋgö jitŋine aliga qeljiŋe kewö jiba ohoget, ‘Anutugö Amötqeqe Toŋi Kraistnöŋ mönö sihimbölo mötma.’ Miaŋgöra iŋini mewö aketka Anutugö keu miaŋön mönö mewö ölnambuk ahök. ¹⁹Miaŋgöra mönö uruŋini melenŋa Anutugöreŋ lilingöba kagetka siŋgisöndokŋini kutuba saŋgoŋma.

²⁰“Anutunöŋ oyaenŋoyaen Toŋi akza. Iŋini öne laŋ malbepüköra Anutunöŋ Jisös qeljiŋe möwölöhöyök. Miaŋgöra iŋini mönö uruŋini melenŋetka Amötqeqe Toŋi Kraist melaiiga eŋgöreŋ kaiga yambuk qekötahögetka malmalŋinan guliiga oyaenŋoyaen nalöŋinan kam kunguma. ²¹Anutunöŋ möpŋaŋgö möpŋe könahiba keuŋi kezapqetok ambazipurupŋi tök-kutukutuŋi pakpak yeŋgö jitŋine aliga qeljiŋe kewö jiba malget, ‘Anutunöŋ Amötqeqe Toŋi aŋgön köl waŋgii Suep mire tata mali yuai pakpak kunbuk areŋgöba kölöŋaimawi, mönö nalö miaŋgöreŋök melaiiga Suep mosöta etma.’

Jisösnöŋ keu miaŋgö dop eta neŋgöreŋ kayök.

²² Mosesnönj kewö jii mötket, 'Kembu Anutunönj Juda kambu engö sutñineyök kezapqetok azi kun mem guliiga wahöta Moses ni ewö akña. Yanön ipñina kinda engöra keu jimawi, mönö mi pakpak kezap ala möta tem köla malme!

²³ Kunñan kun kezapqetok azi miangö keunji qahö tem kölmawi, Anutuğö könagesö eñön mönö yanğö keunji jim teköba ayuhum wañgime.'

²⁴ Kezapqetok ambazip Samuelgöreñök könahiba kota keu jigeri, mienjön mönö körekmakörek mewöyök kezapqetok keu nalö kewöñe öljambuk akzawi, mia qeljiñe jiba malget. ²⁵ Anutunönj ambösakonurupnini yembuk jöhöjöhö areñi aka Abrahamgöra kewö jii mörök, 'Göhö gwölönarökurupki yeñgöreñök kunñan ahuba wahötmawi, Anutu nönjön mönö yanğöra aka gölmegö ambazip kambuñi kambuñi pakpak kötuatköm engibi oyaenköyaen akña.'

Anutunönj jöhöjöhö keunji indeli kezapqetok ambazipnönj mi toroqeba jim köhöiba malgeri, mi mönö engöra aka ali ahöza. ²⁶ Anutunönj Nahönñi mem gulli wahöri kötuatköm engimapköra melaiiga mutuhök engöreñ erök. Miangöra mönö döлки uruñini melenđa nanñik nanñik malmalñinanğö köna bölönji andö qeme. Mewö aka oyaenköyaen aen akña." Mewö jiyök.

Pitö Jon yetkön jike kaunsöl kambunönj kinohot.

4 Pitö Jon yetkön ambazip kambu yanğöra keu mewö jiyohotka jike nup galöm yeñön, jikegö kiripo galöm bohonñan aka Sadyusi (Jike nupkö kapañkölköl) yeñön wahöta jeñire kañgotket. ² Gwarekyahötñan ambazip kambu kusum engiba kewö

jiyohot, "Jisösnönj kömupnöhök wahörök. Miangö dop kömugeri, yeñön mewöñanök guliba wahötm." Mewö jiyohotka uruñini bölüiga yetköreñ kañgotket. ³ Kañgota etkömamba miri söñauyöhangöra aka kösö mire al etkiba jiget, "Miri gianjiigun keu jakeñe al etkibin."

⁴ Mewö jigetmö, Buña keunji mötkeri, yeñgöreñök jesöñgöñan uruñini melenđa Jisös möt nariget. Möt narigeri, yeñgö jañgöñinan qariiga 5000:gö dop aka malget.

⁵ Miri gianjiiga galömkölköl aziurupñini, Juda yeñgö jitñe memeurupñini aka Köna keugö böhi yeñön Jerusalem tokoget. ⁶ Tokoba jike nup galöm bohonñi qetñi Anas yanön sutñine tarök. Mewöyök Kaiafas, Jon, Aleksander aka jike nup galöm bohonñanğö saiwaurupñi tosatñi pakpak mi mohotñe tatket. ⁷ Tatketka Pitö Jon etkuangita jeñine al etkiget kinohotka kewö qesim etkiget, "Etkön mönö denöwö ahot? Dagö qetñi qerohotka ösumñi etkälöñni letörök?"

⁸ Qesim etkigetka Uña Töröñan Pitögö uruñi kokolak qei kinda kewö jii mötket, "Kantrigö galömkölköl azi aka jitñe memeurupñini, mötket! ⁹ Niri lokon azi denöwö alabauk ak wañgiziga könañi guliba ölöwahök, merak mewö qesim netkize. ¹⁰ Miangöra miangö likepñi mi ölop jibiga iñini aka Israel ambazip könagesö pakpak mötme. Eñön Nazaret azi Jisös, Amötqeqe Tonini maripomnönj qegetmö, Anutunönj i mem gulli kömupnöhök wahörök. Jisös qetñanğö ösumñan mönö azi ki möhamgöiga engö jeñine ölöwaka kinja. ¹¹ Keu kun kewö, 'Miri meme azinönj köt tandö kun andö qeba mosötketmö,

Anutunönj mi aliga ain tandö kömbönañi bohonñi akza.'

Ain tandö bohonji mi Jisös.

¹²“Jisös mohotnön mönö amöt qem neŋgiza. Qet kun köuluköinga mi osimemö, Jisösgö qetŋan mönö dop kölja. Anutunön qet kun Suepkö bapŋe qahö neŋgiga ahöza. Qahö! Qet mohot mi qeta letota Suepkö buŋaya akin.”

¹³Mewö jim teköiga tandökjiri eka kewö jiget, “Azi yahöt kietkön mötmöt mire qahö öngöba töndup keu köhöikji köhöikji jiba awösamkakak kinda suahe ewö akzahot.” Mewö jiba köŋkuŋ aka welipköba könaŋjiri möt kutuba jiget, “Alakŋa! Azi yahöt mietkön mönö Jisösbuk mala letorohot.” ¹⁴Könaŋjiri möt kutuba jiba lokon azinön ölöwaka yetpuk kinöhi, mi eka keuŋjiri qeapköbingö osiget. ¹⁵Mi osiba jike kaunsöl kambu eŋgömosöta yaigep gemahotkö jim kutuget geyohotka nanŋinök keu jaruba goro aket.

¹⁶Goro aka jiget, “Nini azi yahöt ki mönö denöwö ak etkibinto? Yetkön jim kutuyohotka aŋgöletot qainŋi kun asuhuyöhi, mi Jerusalem körek pakpak yeŋön möt teköze aka nini mi mewöyök qaŋ kölbingsö osizin. ¹⁷Mi osizinmö, mi-aŋgö keuŋi ambazip sutŋine kunbuk sehiba anapuköra mönö ölop kewö jim kutum etkiinga dop kölma, ‘Injiri mönö Jisösgö qetnön keu kunbuk kude jimahot.’ Mewö jiba köhöikŋanök jim qetal etkiinga sörauyohotka kunŋan kun mi qahö möri teköma.”

¹⁸Mewö jim jöhöba etkoholget öngöyohotka kewö jim kutum etkiget, “Injiri mönö Jisösgö qetnön keu kun kude toroqeba jiba ambazip kusum eŋgimahot.” Mewö jiba soŋgo köhöikji al etkiget. ¹⁹Mewö jim kutum etkigetmö, Pitö Jon yetkön melenŋda kewö jiyohot, “Netkön eŋgö jimkutukutuŋjini tem kölbüköra Anutugöreŋ keu memba et aljiga omaŋi akapuk. Mi Anutugö jemesoholŋe

dop kölja me qahöwi, mi mönö nanŋinak kewöta jiba jöhöme! ²⁰Mewö me mewö jiba jöhöbeakmö, netkön yuai eka möri, mi köyatiba keu bök malbirangö dop qahö.”

²¹Mewö jiyohot mötketka ambazip körekŋan aŋgöletot asuhuyöhi, mi-aŋgöra Anutu möpöseiget. Mewö möpöseigerangöra aka “Likeŋjini denöwö ak etkibinak?” jiba köna kun qahö miwikŋaiget. Qahö miwikŋaiba galöm meme keu köhöiba jim etkiba etkömosötketka erohot. ²²Aŋgöletot asuhuiga lokon azi ölöwahöhi, mi (yara) yambuŋi 40 lök oŋgita malök. Mi-aŋgöra mönö Anutu gwötupuk möpöseiba malget. Mewö.

Mötnariŋ yeŋön köuluköba kin köhöiget.

²³Jike nup galöm bohonji aka jitŋememe yeŋön Pitö Jon galöm meme keu jim etkiba etkömosötketka nanŋjiri alauruŋjiri yeŋgöreŋ lilingöba anohot. Anda keu pakpak jigeri, mi jiyohotka mötket. ²⁴“Mi jiyohotka möta urumohot aka uruŋjini qezaköba jölŋjini memba wahöta Anutu kewö köuluköm waŋgiget, “O Kambu öngöŋgöŋi ketani, göŋön Suep, gölme, köwet aka yuai pakpak mi-aŋgöreŋ ahözawi, mi miwikŋaim eŋgiba Toŋjina akzan. ²⁵“Göŋön mönöwök nangi Uŋa Töröŋi melainön eta nup azigi Deiwid, neŋgö ambönini yangö numbuŋe keugi ali göhö jitki memba kewö jiyök, ‘Urumelenŋö kopa yeŋön mönö wuanöngöra göjuŋi göjuŋi memakze?

Kantriŋi kantriŋi yeŋön mönö denöwögöra aka mötmöt omaŋi omaŋi mötmörimakze?

²⁶Gölmegö kiŋ kembuŋi kembuŋi yeŋön gölmeŋinaŋgö dop wahörakze.

Pom jembonji jembonji yejön mindiriba tokomakze. Mewö qeburuŋ yöhöi Kembu aka yaŋgö Amötqeŋe Toŋi qetal etkimakze.’

²⁷“Ölŋa, keu miaŋgö dop siti kiaŋgöreŋ asuhuyök. Gi Nahöŋgi Töröŋi Jisös kuŋ-gunöŋga Amötqeŋe Tonina akza. Yaŋön asuhuiga azi kembu yahöt Herod aka Pontius Pailöt yetkön Rom gawman galöm aka nanine Israel isikurupnini yembuk mindiriba totoko ala tuarenjoŋ ak waŋgiget. ²⁸Gi nangak ösumŋi aka jitkahö dop yaŋgöra yuai asuhumapkö keuŋi jiba qeljiŋe jöhöba areŋgönöŋ. Yejön yuai mi ak waŋgigetka keu areŋ pakpak mi mewö öljambuk ahök.

²⁹“O Kembu, nini gi welen qem ghiinga merak galöm meme keu neŋgizei, gi mönö mi eka naŋgöm neŋginöŋga ölop göhö Buŋa keugi suahö ewö awösamkakak kinda jiba malbin. ³⁰Göŋön mönö börögi surunöŋga kawöl ambazip mi Nahöŋgi Töröŋi Jisösgö qet ösumŋe ölöwakŋe aka aŋgöletot aiwesök murutŋi murutŋi asuhumakŋe. Keu mi ölŋa.”

³¹Mewö köulukögetka miri tokoba tatkeri, gölme mi memenjaliba utuköiga Uŋa Töröŋan körek pakpak uruŋini kokolak qeiga anda suahö ewö awösamkakak kinda Anutugö Buŋa keu jiba malget. Mewö.

Mötnarip ambazipnön uru jöhöm aŋguget.

³²Urumeleŋ kambu ketaŋi yejön urumohot aka mötmöt mohot aka malget. Yuai pakpak ahöm eŋgiyöhi, mi göhöreŋök me nöŋgöreŋök, mewö qahö jigetmö, yuai pakpakŋini mi mutulanŋgöba mohot aiga malget. ³³Mewö malgetka Anutugö ösumŋan eŋgualöŋniga köhöigetka aposol yejön jitŋini memba dangunu ewö

kinda Kembu Jisösnöŋ kömupnöhök guliba wahöröhi, keu mi naŋgöba jiba malget. Mewö malgetka Anutunöŋ kalem möriamŋi ketaŋi mokom eŋgiiga ambazipnön göda qem eŋgiget. ³⁴Mewö malgetka miaŋgö dop sutŋine kunŋan yuai kungöra qahö mözöröŋgöba osiba malök. Körek pakpak nene nupŋi nupŋi aka miriŋi miriŋi mieŋgö toŋi akeri, yejön mi bohonŋi memegöra alget. Mewö algetka söŋgöröŋi moneŋ kaiga mi memba kaget. ³⁵Memba kaba aposol yeŋgö böröŋine algetka körek pakpak mözöröŋgöba osigeranŋö dop mi sutŋine mendenŋa eŋgiba malget.

³⁶Azi kun qetŋi Josef, aposol yejön qetŋi Barnabas qetkeri, mi nanine keunöŋ: Uru naŋgönaŋgö azi, yaŋön gölme jölanŋi qetŋi Saiprus miaŋgöreŋ asuhaba qariba jike nup azia (Liwait) malök. ³⁷Yaŋön mewöyök nene nup gölmeŋi bohonŋi memegöra ali moneŋ kaiga söŋgöröŋi mi memba aposol yeŋgöreŋ kaba böröŋine alök. Mewö.

Ananaias Safaira yetköreŋ tilipqilip

5 Mewö aka malgetmö, azi kun qetŋi Ananaias anömŋi qetŋi Safaira yetkön nup gölmeŋiranŋö bahöŋi bohonŋi memegöra alohot. ²Alohotka söŋgöröŋi kaiga azinöŋ moneŋ bahöŋi nanŋangöra aŋgön köla asamböri anömŋan mi möt teköi bahöŋi kun memba kaba aposol yeŋgö böröŋine alök.

³Böröŋine alökmö, Pitönöŋ kewö jiyök, “O Ananaias, gi mönö wuanöŋgöra Satan qahö qetalnöŋga urugi kokolak qeza? Yaŋön urugi kokolak qeiga göŋön esapköba Uŋa Töröŋi isimkakalek ak waŋgiba nup gölmegö moneŋ bahöŋi aŋgön köla asambötzan? ⁴Gi miaŋgö toŋi aknöŋi, nalö miaŋgöreŋ mi nangi buŋaya

ahök me? Aiga nup gölmegi bohonji megetka söngöröni kayöhi, monej mi mönö göhö bujaya ahök me? Gi mönö wuanöngöra urugan keu jöhöba yuai ki akzan? Gi munej jiba mewö miangön ambazip qahö tilipköm nengizanmö, Anutu nanji mönö tilipköm wangizan!”

⁵Mewö jiiga keu mi möt sasaua tala gölmenöj geba kömuyök. Mewö kömuiga ambazip pakpak miangö buzupji möta sömbu mötmöt ketanji aket. ⁶Kömuiga azi gwabö yejön kota qamötji memba esuhuba anguba anda löm kölget.

⁷Aua karöbut teköiga anömnan yuai asuhuyöhi, mi qahö möta kayök. ⁸Kaiga Pitönöj anömni Safaira kewö qesim wangiyök, “Injiri nup meme gölmenjiri bahöni bohonji memegöra alohotka monej kayöhi, mi miangö dop me qahö? Mi jinönga mötpi!”

Qesim wangyiiga kewö melejnök, “Monej mi ölja miangö dop kayök.”

⁹Mewö melejniga jim wangiyök, “Injiri mönö wuanöngöra urumohok aka Kembugö Uja Töröni tilipköm wangizahot? Mötnöj, apkan kömuiga azinöj memba anda löm köljei, yejön mönö nanju ki dopdowigetka kourukji mötzan. Yejön gi mewöyök esuhuba angum gihiba anme.” ¹⁰Mewö jiiga miangörejök tala Pitögö könaje geba kömuyök. Kömuiga azi gwabö yejön kota qamötji miwikjaiba memba anguba anda apjangö qöhöröje löm kölget. ¹¹Löm kölgetka urumelej kambu jömukji yejön möta awöwöligetka buzupji sehiiga körek pakpak mötketka sömbu mötmöt ketanji aket. Mewö.

Aposol yejön ambazip gwötpuk mem ölöwak engiget.

¹²Mewö aketka Anutugö kukösumnan aposol inahöm engiiga nup memba böröjini ambazip qakjine algetka Anutunöj aiwesök angöletot meiga sutjine gwötpuk asuhuget. Ambazip Jisös möt narigeri, körek yejön jöwöwöl jikegö tohoj uruje öngöba kin Solomongö sömbem söranjambuknöj tokoba kambu mohot aka malget.

¹³Mewö tokoba malgetka ambazip tosatjan kengetjini möta zirinjirin aketka kunjan totokojine qahö öngöyök. Mewö qahöpmö, ambazip kambu yejön göda gwötpuk qem engiba malget. ¹⁴Mewö tokoba malgetmö, töndup ambazip sehisehiji yejön kambujini toroqem engiba malget. Azi aka ambi kambuji kambuji yejön Jisös möt nariba urujini melejgetka kambujan qariba sehiyök. ¹⁵Aposol yejön nup mewö megetka ambazip sehisehijan ölöwaket. Mewö ölöwakerangöra aka tosatjan kawöl ambazip enguangita kululu köla anguba köna göraje mewöyök dum möhamgöba möki tumbula miangörej al engiba kewö jiget, “Pitönöj kaba nenjongitmawi, imutimutjan mönö nalö miangörej yejögörejök kungö qakje öngöi ölöwakawak!”

¹⁶Mewöyök taon aka miri Jerusalem siti liliköba tat anjei, miengörejök ambazip kambu gwötpukjan öröba kaget. Mewö kaba ambazip kawöl engöhöyöhi aka ömenöj töjöt memba^{††} kölköljinjin ak engigeri, mi enguangita kaba kanjotket. Kanjotketka körek yejön ölöwaket. Mewö.

^{††}5:16 Töjöt mi kewö: Ömenöj numbuji möwöngöiga keu bök malja.

**Garatanöŋ aposol kösö
mireyök enjgungiri etket.**

¹⁷ Mewö aka malgetka jike nup galöm bohonŋan aka yangö sunjgurunurupŋi Sadyusi (Jike nupkö kapanjököl) pati nangöm wangigeri, körek yeŋö irimŋini seholiiga urupik aket. ¹⁸ Urupik aka aposol enjgömembra jöhöba gaw-mangö kösö mire al enjget. ¹⁹ Al enjgetmö, sungem miangöreŋ ahögetka Kembugöreŋ garata kunöŋ kösö miri nangunŋi öröba enjgungita yaigep eta kewö jiyök, ²⁰ “Mötket! Inini mönö anda jöwöwöl jikenöŋ öngöba ambazip jeŋine kinda malmal dölökŋangö könani pak-pak aukŋe jigetka mötme.”

²¹ Mewö jii möta miri gianjiiga jöwöwöl jikenöŋ öngöba kinda Buŋa keu kusum enjget. Mewö kinda kusum enjgetka jike nup galöm bohonŋi aka alaurupŋan nangöm wangigeri, yeŋön aŋgota jike kaunsöl kambu aka Israel jitjememurup köl öröm enjgetka mohotŋe tokoget. Tokoba kinda opotöröp tosatŋi aposol enjgungitpingö melaim enjgetka kösö mire anget. ²² Angetmö, i miangöreŋ qahö miwikŋaim enjgiba öne lilijöba kösohotŋini kewö alget, ²³ “Nini ölŋa kösö mire aŋgota nangunŋi köhöikŋi kötökŋi kölget kini wahip azinöŋ nangunöŋ kingetka ehin. Mi ehinmö, nangunŋi öröba öngöba miangöreŋ azi kun qahö miwikŋaizin.”

²⁴ Mewö jigetka jikegö kiripo galöm bohonŋi aka jike nup galöm bohonŋi yeŋön keu mi möta uruŋini lalalulu siksauk aiga jiget, “Opopoŋ! Merak mewö asuhuba könangep kunbuk supapköiga denöwö akapuk!” ²⁵ Mewö jigetka kunŋan kota kewö jii mötket, “Mötket, azi kösö mire al enjgigeri, yeŋön mönö jöwöwöl jikenöŋ kinda

ambazip Buŋa keu kusum enjgize!” ²⁶ Mewö jii mötketka jikegö kiripo galöm bohonŋan opotöröp enjgömeiga anget. Anda “Ambazipnöŋ köt gila neŋgubepuk!” jiba keŋgötŋini möta lolonŋanök jöwöwöl jikenöŋ öngöba aposol enjgungita kaget.

²⁷ Mewö enjgungita kaba jike kaunsöl kambu yeŋö jeŋine alget kingetka jike nup galöm bohonŋan kewö qesim enjgiyök, ²⁸ “Inini Jisösgö qetŋe keu kun kude kusum enjgime! Neŋön mewö jiba songo köhöikŋi al enjiinmö, keu mi-angö ölŋan mönö denöwö asuhuyök? Eŋön mönö toroqeba kusum enjgiba mala Jerusalem siti ki Jisösgö keunöŋ kokolak qegetka maljin. Aiga azi miangön kömumba sepŋi mokoiga eŋön neŋgöra kewö jimakze, ‘Yangö keuŋan mönö Juda neŋgö qakŋine öngöyöha ahöza.’”

²⁹ Mewö jiyökmö, Pitö aka aposol tosatŋan kewö melenget, “Neŋön ambazip enjgö jimkutukutuŋini tem kölbingöra aka Anutugöreŋ keu andö qeinga qahö dop kölma. Qahö! ³⁰ Anutunöŋ nanine amböskonurupninangö bemŋina akza. Inini Jisös ip kembrae möndöba qegetka kömuyökmö, Anutunöŋ i mem gulli wahörök. ³¹ Anutunöŋ i mem guliba wangita öngöi nanŋi böröŋi ölŋe ali tatza. Euyangöreŋ tari Anutunöŋ siŋgisöndoknini mosöt neŋgimangöra kuŋgui Pom Kembunini aka Amötqeqe Tonini akza. Mewö aka Israel könagesö urumeleŋ ak neŋgimangö mötza. ³² Nini yuai mi eka keu pakpak mi nangöba jiba dangunuŋi aka kinjin. Uŋa Töröŋan mewöyök keu mi nangöba jimakza. Anutunöŋ Uŋa Töröŋi ambazip jitŋi tem köl wangimakzei, mönö yeŋö enjgine ala buŋa qem enjgiza.”

³³ Pitönöŋ keu mewö jiiga jike kaunsöl kambu yeŋön mötketka uruŋini sounöŋ

qesiŋqesiŋ ewö qesiŋnök. Qesiŋniga uruŋini könöp jeiga aposol enjuget kö-mumegö mötket. Mewö.

Gamalielnöŋ alaurupŋi jim mölöwörim enġiyök.

³⁴Mewö mötketmö, Farisi (Köna keugö kapaŋkölköl) azi kun qetŋi Gamaliel yaŋön jike kaunsöl kambu yeŋö sutŋine tarök. Yaŋön Köna keugö böhi azia mali ambazip pakpak göda qem waŋgigetka jitŋememenjina ahök. Mewö aka wahöta aposol enġuaŋgitetka yaigeŋŋe geba borom kun mambötmegöra jim kutuyök.

³⁵Mewö jim kutui gegetka jitŋememe alaurupŋi kewö jii mötket, “Israel aziurup, iŋini azi ki denöwö ak enġibeak, miangöra mönö ölöŋŋanök galöm mem aŋgume. ³⁶Mutuk emune azi kun qetŋi Teudas yaŋön wahöta ‘Nöŋön ketaŋamŋina akzal,’ jiiga merak (yara) yambu tosatŋi teköi maljin. Teudasnöŋ mewö jiiga azi 400:gö dop yambuk öröröŋ jöhöba mindiriba malgetmö, kunŋan qei kömui tosatŋan aziurupŋi imbi köl waŋgigeri, mi kuŋgum enġigetka buratigetka qeburuŋinan pömsöm qeba qahöwahök.

³⁷“Yaŋö andöŋe Galili azi kun qetŋi Judas asuhuyök. Yaŋön takis memegöra ambazip qetŋini ohoba areŋgögeri, nalö miangöreŋ asuhuyök. Asuhuba ambazip mölöwörim enġiiga karim akŋegöra suŋgurum alabaukurupŋi aket. Mewö aketmö, i mewöyök qegetka kömuyök aka tosatŋan suŋgurumurupŋi imbi köl waŋgigeri, mi kuŋgum enġigetka buratiget. ³⁸Mewö aiga nöŋön kewö jibi mötket: Iŋini mönö azi kieŋgö sileŋine yuai laŋ kude akŋe. Yeŋön nup ki megetka qeburuŋ ahuzawi, mi gölme ambazipkö mötmöt areŋineyök ahuza ewö, mi mönö sohoba pömsöm qeba qahöwakŋa. Miangöra i mönö enġö-mosötötketka etme. ³⁹Mi qahöwakŋapmö,

Anutugö mötmöt areŋnöhök ahubawak ewö, enjön mönö qeburuŋ mi jöhöbingö osime. Iŋini Anutu nanŋi qetala tuaren-joŋ ak waŋgiba malbepuk. Nanŋini könanjini mewö miwikŋaibepüköra mönö galöŋŋini mem aŋgume!”

⁴⁰Gamalielnöŋ mewö jiiga goro keuŋi aŋgön köla uatataŋgöget. Mi uatataŋgöba aposol enġoholget kotketka opotöröpköra jigetka raukapaŋ (raurapaŋ) mem enġiget. Raukapaŋ mem enġigetka jike kaunsöl kambu yeŋön aposol mi Jisösgö qetŋe keu kun toroqeba jibepükö soŋgo köhöikŋi al enġiba “Eta anme,” jiget.

⁴¹Mewö jigetka jike kaunsöl kambu mosöta anget. Könanöŋ anda kewö jiget, “Jisösgö qetköra aka qetbuŋanini mewö mem sohozei, mi Anutunöŋ mötza. Yaŋön nini sihimbölö mewöŋi möt-pinangö dop möta neŋgehiga ölöŋ dop kölja.” Mewö jiba uruŋinan miangöra ölöwahiga söŋgaiget. ⁴²Söŋgaiba nup toroqeba memba silim dop jöwöwöl jikenöŋ öŋgöget aka miriŋi miriŋi mi-angöreŋ anda Buŋa keu kusum enġiba malget. Jisösnöŋ Amötqeqe Toŋi Kraist akzawi, yeŋön miangö Ölöwak Buŋaŋi jiba miangön ambazip uruŋini kuŋguba malget. Mewö.

Nupbauk azi (dikon) 7 meköm enġiget.

6 Gwarek jaŋgöŋinan qariba öŋgöiga Juda ambazip kambu yahöt aka malget. Tosatŋan kantri tosatŋeyök kaba Grik keu jiget aka tosatŋan nanŋine gölmeŋine mala kota Arameik aka Hibru keu jiget. Mewö malgetka nalö mi-angöreŋ goranora (noragora) asuhuyök. Grik keu jigeri, yeŋön kewö jigetka böliyök, “Aposol yeŋön nalö dop nene inap mendeŋ neŋgimakzemö, Grik keu ambi malö neŋgö nene inap bahöŋi mi bahösapsap neŋgimakze. Öröröŋ qahö misigetka qahö dop kölja.”

²Mewö jigerangöra aka aposol 12 yeñon gwarek kambu köl öröm engiget tokogetka kewö jiget, “Neñon silegö nup memba nene mendeñda engiba Anutugö Buña nupköra nalönini ölop qahö dop köli urugö nupninan etpapuk. Mi kude dop kölja. ³Mewögöra alaurupnini, mötket! Enñon mönö nanñini sutjineyök nupbauk miwikñaim engime. Uña Töröñan azi uruñini kokolak qeiga Anutunöñ mötkutukutuñi qainñi kun al engii qetbuña ölopñi memba kinjei, mönö azi mewöñi 7 meköm engime. Mi meköm engigetka nup mi engiinga mi galöm köla memba malme. ⁴Yeñon mewö malmemö, naninak nalö jömukñanök köuluköba Anutugöreñ Buña keu jegep kinda jim sehiba malbin. Nup miangöreñ mönö pöndañ kinbin.”

⁵Mewö jigetka kambu pakpak yeñon “Ölop dop kölja!” jiget. Mewö jiba azi qetñi Stiwen meköget. Stiwen mi Anutu köhöikñanök möt narim wañgiga Uña Töröñan uruñi kokolak qei malök. Toroqeba azi kewö meköba möwölöhöm engiget: Filip, Prokorus, Nikanor, Timon, Parmenas aka Nikolas. Nikolas mi kian kantrigö siti qetñi Antiokia miangöreñ ahuba könangep Juda azia aka uruñi Kraistköreñ meleñnök. ⁶Mi meköba möwölöhöm engigetka aposol yeñgö jemesoholñine öngöm angetka böröñini nöropñine ala köuluköba kötuetköm engiget.

⁷Anutugöreñ keu jim sehiyetka töhötmöriamñambuk aiga gwarek yeñgö jañgöñinan Jerusalem sitinöñ qariba sehiyök. Jike nup galöm yeñgö kambunöhök sehisehiñi yeñon mewöyök uruñini melenñda Jisös möt nariget. Mewö.

Stiwen meraköba memba jöhöget.

⁸Anutugö kalem möriamñi aka kukösumñi mianñon nupbauk azi Stiwengö uruñi kokolak qei kinda aiwesök angöletot ketañi ketañi mi ambazip sutjine mei asuhuget. ⁹Mi asuhugetmö, Juda tosatñan wahöta Stiwen angötuarenjoñ ak wañgiget. “Lolohoba kagerangö köuluk miri kambu”^{††} yeñgö sutjine Juda tosatñan Sairini aka Aleksandria Ijipt siti yahöt miangöreñök lilingöba kaba kinget. Azi mewöñan mindiriba wahöta Silisia aka Eisia prowinsnöhök kageri, yeñgö kambunöhök Juda azi tosatñi engömemba mohotñe Stiwenbuk möndöñda goranora aka jitnakölik erauget.

¹⁰Mewö jigetmö, Uña Töröñan Stiwen sölölohöi mötkutukutu ketangö qakñe keuñi melenñda jiyöhi, mi Juda yeñon qeapköbingö osiba etket. ¹¹Osiba eta mömölaköba anda azi tosatñi miwikñaiiba kuñgum engiba kaba kewö jiget, “Yañon mepaqepaik keu jiba mianñon Moses aka Anutu qetal etkii mörin.”

¹²Mewö jiba anda ambazip kambu, yeñgö jitmeme aka Köna keugö böhi miengö urugege keu jigetka uruñini könöp jeyök. Könöp jeiga kölölohoba kaba Stiwen öröba meraköba memba jike kaunsöl kambu yeñgö jeñine anget. ¹³Anda azi tosatñi enguangitketka kota Stiwengö sileñe keu muneñi ala kewö nañgöba jiget, “Azi kianñon mönö jöwöwöl jikenini aka Mosesgöreñ Köna keu tuarenjoñ aka qahö mosörakzapmö, mi toroqeba jimahakza. ¹⁴Tuarenjoñ aka kewö jii mörin, ‘Jisös, Nazaret azinöñ mönö jöwöwöl jike ki köndeñniga qeqelañlan

^{††}6:9 Köuluk miri kambu kuñgö qetñi mi kewö asuhui qetket: Ambazip pomñi yeñon tosatñi bohonñini engömegetka buñañini aka toñinangö welennini öne qeba mala (sleiw) böröñineyök lolohoba kageri, yeñon mönö nanñini köuluk miri kambuñini ala qetñini mi mewö qetket.

ahöma aka Mosesnönj Köna keu nenji ahözawi, mi uteköma.”

¹⁵Mewö jigetka jike kaunsöl kambugö totokonönj tatkeri, yeñön köreknan Stiwen törörök ugetka kaisongolomnan Suep garata tandök ewö ahiga eka mötket. Mewö.

Stiwenönj keu likepni melenda jii mötket.

7 Stiwen keu jakeje al wanjigetka kini jike galöm bohongan kewö qesim wanjiyök, “Keu mi ölna me muneja?”

Stiwenönj Abrahamgö kösohotji jiyök.

^{2z}Qesim wanjiiga likepni kewö melepnök, “Aziurup, iwi darumuni, nöñön kewö jibi mötket: Nanine ambönini Abrahamnönj Mesopotemia gölmenönj maliga asakmararaj Tonji Anutu yanön asuhum wanjiiga Mesopotemia mosöta Haran mirinönj anda malök. ³Anutunönj kewö jii mörök,

‘Gi nangi miri gölmeji aka tinitosolomurupki engömosöta gölme kun kondel gihimami, mönö miangörej anda malman.’

^{4a}Mewö jii möta Kaldia gölme mosöta Haran gölmenönj anda malök. Miangörej mali iwiñan kömui Anutunönj melaim wanjiiga injini nalö kewöje ki maljei, mönö gölme kiangörej kaba könahiba tata malök.

^{5b}Gölme kiangörej tata maliga Anutunönj gölme kitipni borom kun köna tambönangö dop mi qahö buña qem wanjiyök. Gölme kiangö tonji qahöpmahöp qahöpmö, Abrahamgö gwölönarökni qahö ahuiga Anutunönj

nalö miangörejök yangö keu qeljiñe kewö jiba jöhöyök,

‘Nöñön gölme ki mi gi aka göhö andöge gwölönarökurupki ahumei, mönö engöra engibi miangö tonji akje.’

^{6c}Mewö jiba toroqeba keu kewö jiyök, ‘Göhö gwölönarökurupkan gölme kungen anda kian aka malme. Kian aka malgetka gölme miangö tonji yeñön jöhöm engigetka tonjanangö welennini öne qeba malme. Mewö malgetka tulumgöm engigetka nup lömbötñi lömbötñi öne megetka söngörönji qahö engigetka (yara) yambu 400:gö dop wahöjalij qakje malme.

^{7d}Mewö malmemö, nöñön könangep gölme ambazip welennini qeba malmei, mi keunönj ala jim teköm engimam.’

Mewö jiba toroqeba jiyök,

‘Mewö asuhuiga gwölönarökurupkan gölme mi mosöta gölme kiangörej lilingöba kaba waikni memba möpösem niñgiba malme.’ Mewö.

Aisak, Jeikob aka Josef yengö kösohotñini jiyök.

^{8e}“Anutunönj Abrahamgöra mewö jiba aiwesök kewö akjegöra jii mörök, ‘Injini nömbuk jöhöjöhö akjegöra mönö nöñgö aiwesök esönjini köla azi silenine yandiba malme.’ Miangö dop Abrahamnönj nahönñi Aisak ahuiga silim 8 aiga miangörej aiwesök mi silenje yandiyök. Aisaknönj nahönñi Jeikob qiwikñaiba aiwesök mi yandiyök aiga Jeikobnönj nahönurupni qiwikñaim engiba miangö dop yandim engiyök. Jeikobkö nahönurupni 12 yeñön Israel nenjörej ambösakonurupnina aket.

^{a7:2} Jen 12.1 ^{a7:4} Jen 11.31; 12.4 ^{b7:5} Jen 12.7; 13.15; 15.18; 17.8 ^{c7:6} Jen 15.13-14 ^{d7:7} Eks 3.12 ^{e7:8} Jen 17.10-14; 21.2-4; 25.26; 29.31-35.18

^{9f}“Ambösakonurupninan munjini Josef mi andö qem wangiba bohonji memegöra algetka tosatjan söngöröni memba wangita Ijpt kantrinöj anda algetka malök. Miangörej malökmö, Anutunöj yambuk kinök. ^{10g}Yambuk kiniga könjilij kónaŋi kónaŋi qakŋe öngöi möröhi, körek miengörejök mönö meköm wangiyök. Meköm wangiba kalem möriamŋi wangii mötkutukutuŋi ölpŋan asuhuyök. Mi asuhuiga Ijpt kantrigö farao kiŋ yangö jeŋe angori ehi dop köliga azi kembu kuŋgum wangii Ijpt kantri aka farao kiŋgö jakömbuak miri yuaiŋi galöm köj engiba malök. ^{11h}Galöm köj engiiga bödi nalöŋi kam kuŋguiga Ijpt pakpak aka Kenan gölme mi dop kölök. Miangöra ambazipnöj kahasililij ketanji möta malget. Mewö mala nanine amböurupninan nene miwikŋaibingö meme yangap meget.

¹²“Mewö megetka ‘Ijpt gölme miangörej padi ahöza,’ mewö jigetka Jeikobnöj mörök. Mewö möta nahönrupŋi, nanini amböurupnini mi nalö mutukŋi melaim engii miangörej anget. ¹³ⁱMewö anda mala lilingöba iwiŋinangörej kaget. Könangep indimŋi kun kumbuk angetka Joseföŋ kónaŋamŋi indeli mötket. Mötketka farao kiŋnöj mewöŋanök tinitosolomŋi engeka kónaŋini möt kutuyök. ^{14j}Möt kutuiga Joseföŋ keu ala iwiŋi Jeikob aka tinitosolomurupŋi pakpak mi köj öröm engii yangörej anget. Ambazip angeri, yengö jaŋgöŋini mi 75 ahök.

^{15k}“Jeikob mewö wangitketka Ijpt gölmenöj anök. Anda mala miangörej kömuyök. Amböurupninan mewöyök kömum teköget. ^{16l}Kömum tekögetka

qamötŋini memba anguba Kenan gölmenöj lilingöba Sekem mire kaba löm köj engiget. Mönöwök Abrahamnöj Sekem (Sikem) mala gölme kun azi qetŋi Hamor yangö gwölönarökurupŋi yengörejök moneŋnöj söngöröni meyöhi, mönö miangö qaksiriŋe köt köteŋ urorohoba miangörej al engiget.” Mewö.

Mosesnöj Ijpt kantrinöj ahuba mala korök.

^{17m}Stiwenöj toroqeba kewö jiyök, “Anutunöj mönöwök jöhöjöhö keu Abraham wangiyöhi, mi öljambuk akŋapkö nalöŋi töriba dopdowiyök. Dopdowiyöhi, miangö dop Israel yeŋön Ijpt gölmenöj ahum sehiba malgetka kambuŋinan qariba öngöyök. ¹⁸Qariba öngöiga farao kiŋ kunöj wahöta kónahiba Ijpt galöm köj engiyök. Kiŋ dölökŋi miangöŋ Josefö kónaŋi mi qahö möta malök. ¹⁹ⁿYangö kónaŋi kude möta nanini kónagesö mi isimkakalek qakŋe tilipköba amböurupnini mulumgöm engii malget. Mewö malgetka kiŋnöj köhöiba Israel kewö jim kutum engiyök, ‘Ijini mönö morö azi sepsepŋini memba yaigepŋe anda onöj gilgetka geba kömume.’

^{20o}“wö jiiga nalö miangörejök morö kun qetŋi Moses asuhuyök. Anutunöj i eka möri dop kölök. Mosesnöj ahuiga iwinamŋan i köiŋ karöbut miangö dop miriŋire galöm köla malohot. ^{21p}Köiŋ karöbut mi teköiga namŋan wangita yaigepŋe anda köndenöj o qakŋe ala mosörök. Mosöta ani farao kiŋgö böratjan miwikŋaiba meiga nahönŋi aiga galöm köj wangii malök. ²²Mewö maliga Ijpt yengörej mötmöt aka

^f7:9 Jen 37.11, 28; 39.2, 21 ^g7:10 Jen 41.39-41 ^h7:11 Jen 42.1-2

ⁱ7:13 Jen 45.1, 16 ^j7:14 Jen 45.9-10, 17-18; 46.27

^k7:15 Jen 46.1-7; 49.33 ^l7:16 Jen 23.3-16; 33.19; 50.7-13; Jos 24.32

^m7:17 Eks 1.7-8 ⁿ7:19 Eks 1.10-11, 22 ^o7:20 Eks 2.2 ^p7:21 Eks 2.3-10

aiaka pakpak mi kusum waŋgigetka miangö dop Ijpt yeŋgöreŋ mötkutukutu azi ketanji ahök. Yaŋön keunji aka ahakmemenji mi ösum-mumu qakŋe jiba aka malök.

²³q“Mosesgö (yara) yambuŋi 40 teköiga miangöreŋ Israel darumunurupŋi yeŋgö prowinsnön ande eŋgekŋamgö mötmöriba keunji jöhöba anök. ²⁴Anda Ijpt azinön Israel azi kun yambuk öne töhöŋ aŋgururuk aka öröm ureim ak waŋgiba qeyöhi, mi ehök. Mi eka anda Israel azi mi bauköm waŋgiba andöŋe anda likepŋi meleŋda Ijpt azi mi qeba qem kömuyök. ²⁵Qem kömuiga Anutunön Mosesgöreŋ nariba Israel ambazip farao kiŋgö böröneyök meköm eŋgimangöra kukösum waŋgii kayök. Yeŋön Moses eka könaji mewö ölop möt asarize, mewö mötmörüyökmö, yeŋön mi qahö möt asariba öne tönpin malget.

²⁶“Miri gianiiga kumbuk yeŋgöreŋ ani Israel azi yahötŋan auyohotka etkehök. Etkeka esapköba sutŋire luai ahumapkö möta kewö jiyök, ‘Azi yahöt, iŋiri darumuna. Nanŋiri mohot miangön mönö wuanöŋgöra mewö ayuhum aŋguzahot?’ ²⁷Mewö jiyökmö, azinön alaŋi mem bölim waŋgiyöhaŋön mönö Moses könöpuk utala kewö jim waŋgiyök, ‘Gi mönö neŋgöreŋ galöm aka jimtekötekö azia akzan me? Daŋön mewö kuŋgum gihiiga kinjan?’ ²⁸Gi uran Ijpt azi qenön kömuyöhi, mönö mewö ni nuŋgumangöra jizan me?’

²⁹rMewö qesim waŋgiiga keu miangöra aka Ijpt kantri mosöta ölöŋ köla Midian gölmenön anda kiana malök. Mewö mala ambi memba nahönyahötŋi yahöt qiwikŋajaim etkii malget.” Mewö.

Mosesnön gölme qararaŋkölkölŋe yambu 40 malök.

³⁰sStiwenön keu toroqeba kewö jiyök, “Mewö malgetka (yara) yambu 40 teköiga miangöreŋ Mosesnön gölme qararaŋkölkölŋe liliköba kundunji qetŋi Sainai miangö könaje mali Suep garata kuŋjan asuhuyök. Mi ip köhöso kemaŋe könöp bölam asuhuba qahö jem kutuyöhi, miangöreŋ asuhum waŋgiyök. ³¹Mewö asuhum waŋgiiga tandök miangöra welipköba könaji eka möt kutumangöra kösutŋe ani Anutugöreŋök keu kun kewö kai mörök, ³²‘Nöŋön göhö ambösakonurupki yeŋgö Anutuŋina akzal. Nöŋön Abraham, Aisak, Jeikob yeŋgö Kambuŋina mala kota maljal.’ Mewö jii möta jönömŋi könahiba unduiga miangöreŋ göröken uba ekŋamgö keŋgötŋi mörök.

³³“Keŋgötŋi mörökmö, Kambuŋön kewö jii mörök, ‘Gölme tiba kinjani, mi gölme kömbukŋa. Miangöra gi mönö köna esugi qeköman! ³⁴Nöŋgö ambazip kambu-urupni Ijpt maljei, mi mulungöm eŋgigetka sihimbölä qakŋe aum-möriba malje. Nöŋön mi eka maljal. Yeŋön osongom eŋgui sahöt uletzei, nöŋön mi möt teközal. Nöŋön yeŋgö böröŋineyök meköm eŋgimangöra etzal. Miangöra gi mönö dölkö wahöta ki kanöŋga melaim gihibiga Ijpt anman!’ Mewö jiyök.”

Mosesnön Israel eŋguaŋgiri yambu 40 könanön malget.

³⁵tStiwenön keu toroqeba kewö jiyök, “Yeŋön Moses qaŋ köla köndat waŋgiba kewö jiget, ‘Gi mönö galöm aka jimtekötekö azia akzan me? Daŋön mewö kuŋgum gihiiga kinjan?’ Mewö qaŋ köla jigetmö, Anutunön Moses mi melaim waŋgiiga yeŋgö

pom kembuņina ahök. Suep garatanöŋ ip köhösonöŋ bölam jeyöhangöreŋ asuhum waŋgiyöhi, yaŋön mönö Anutuğoreŋ buzup keu mi memba kaba uruŋi kuŋgui mekömekö aziņina ahök. ³⁶“Israel mekömekö aziņina aka ambazipurupŋi mi aiwesök aŋgöletot könaŋi könaŋi memba Ijpt kantrinöhök meköba eŋguaŋgiriga mosöta Köwet Pisikŋi miangöreŋ kaget. Emu kagetka miangöreŋ aka gölme qararaŋkölkölŋe mewöŋanök toroqeba aiwesök aŋgöletot murutŋi murutŋi mi (yara) yambu 40 miangö uruŋe memba kondeli eka malget. ³⁷“Mosesnöŋ pom kembuņina mala Israel könagesö yeŋgöra kewö jiyök, ‘Anutunöŋ Juda kambu eŋgö sutŋineyök kezapqetok azi kun möwölöhöba kuŋguiga ni ewö akŋa.’

³⁸“Israel yeŋön gölme qararaŋkölkölŋe kaba malgetka pom kembuņini aka nanine amböskonurupnini yembuk mala könagesöŋini galöm köl eŋgiyök. Galöm köl eŋgiba kunduŋi qetŋi Sainai miangöreŋ öŋgöi Suep garata kuŋŋan keu jii möta yambuk malök. Mewö mala Anutunöŋ malmal köhöikŋaŋgö keuŋi sundan jii möta malöhi, yaŋön keu mi miangö dop jiiga neŋgö Buŋaya ahök.

³⁹“Yaŋön pom kembuņina malökmö, nanine amböskonini yeŋön keuŋi tem köl waŋgibingö ölan eŋgöhöiga andö qeget. Andö qeba utal waŋgiba uruŋini möŋaiiga Ijpt kantrinöŋ kunbuk lil-ŋgöbingö sihimŋi mötket. ⁴⁰“Mewö möta Mosesgö datŋi Aron yaŋgöra kewö jiget, ‘Mosesnöŋ pom kembunini aka Ijpt kantrinöhök meköba neŋguaŋgiriga kaini, yaŋön kunduŋe öŋgöba tandök denöwö akzawi, nini mi qahö mötzin.

Mi qahö mötzinaŋgöra göŋön ölop tandö lopioŋ menöŋga mienöŋ jitŋememenini aketka könaŋine toroqeba anbin.’

⁴¹“Mewö jiba miangöreŋök goul memba miangön lopioŋ kun bulmakau moröŋaŋgö tandök meget. Mi memba jöwöwöl memba kaba al waŋgiba lömbuaŋ ohoba yuai böröŋinan megeri, miangö sösöŋgai aka möpöseiget.

⁴²“Mewö aketmö, Anutunöŋ mi eka ölan yöhöiga andö eŋgui Suepkö seŋgelau Toŋi waikŋini memba möpöseim eŋgimegöra eŋgömosörök. Kezapqetok azi Amosnöŋ keu kun ohoi Buzup Kimbinöŋ ahözawi, mönö miangö dop kewö aket,

‘O Israel ambazip, iŋini gölme qararaŋkölkölŋe kaba (yara) yambu 40:gö dop mala nalö miangöreŋ sömbup jöwöwöl ohoba naluk tosatŋi memba kaba niŋgiba malget me qahö?

⁴³“Mi qahöpmö, eŋön mönö bem qetŋi Molok yangö opo seri koumŋi mi anguget aka bem qetŋi Refan yangöreŋ seŋgelau imutŋi mi aŋguba kaba malget.

Eŋön imut lopioŋ mi waikŋiri memba möpöseim etkibingö meget buŋaŋina ahök.

Miangöra aka nöŋön mönö iŋini közöl eŋgibi kerökurupŋinan kaba eŋguaŋgitetka anda mala köröwen Babilon kantrigö andöŋe öŋgöba malme!” Mewö.

Stiwenöŋ opo seri jikegö keuŋi jiyök.

⁴⁴“Amböskonurupnini yeŋön gölme qararaŋkölkölŋe kaba mala Anutuğö dangunuŋi kuŋguba opo seri jike memba aŋguba malget. Mi memba aŋguba Anutunöŋ jikerŋi memegöra Moses jim ku-

³⁷:36 Eks 7.5; 14.21; Jaŋ 14.33 ³⁷:37 Dut 18.15, 18

³⁷:38 Eks 19.1–20.17; Dut 5.1-33 ³⁷:40 Eks 32.1 ³⁷:41 Eks 32.2-6

³⁷:42 Amos 5.25-27 ³⁷:44 Eks 25.9, 40

tum waŋgiba söpsöp imutŋi kondel waŋgii ehöhi, mönö miangö dop meget kinök. ⁴⁵^bMosesnön ambösakonurup-nini galöm köl eŋgiiga yeŋön opo seri jike mi aŋguba malget. Könangep Jo-suanön wahöta galöm köl eŋgii gwölö-narökurupŋinan jike mi buŋa qem aŋguba toroqeba kaba mala kantri ki kaŋgotket. Kantri ki kaŋgotketka Anutunön gölme toŋi kambuŋi kambuŋi eŋguatangöi angetka gölmeŋini aŋgön köla meget. Mema tata malgetka kiŋ Deiwidnön asuhuyök.

⁴⁶^c“Yaŋön asuhaba Anutu jemesoholŋe kalem möriamŋi miwikŋaiba kewö qesim waŋgiyök, ‘Anutu Jeikobkö bemŋi, göŋön ölop jinöŋga nöŋön jim kutubi nini göhöra jöwöwöl jike bohonŋi membin.’

⁴⁷^dMewö qesim waŋgiyökmö, Solomonön jiiga Anutugöra jöwöwöl jike meget. ⁴⁸Mi megetmö, Öŋgöŋgöŋi Ketaŋi yaŋön azinön miri böröŋinan megeri, miangöreŋ qahö malja. Miangö keuŋi kezapqetok azi kunŋan kewö ohoi ahöza,

⁴⁹^eKembunön jiza: Nöŋgöreŋ jakömbuak dum tatatni mi Suepnön ahöiga gölme mi könanangö döŋŋi aiga miangöreŋ tiba tatzal.

Iŋini mönö nöŋgöra miri tandökŋi denöwö megetka dop kölbawak?

Me miri denikeangöreŋ miwikŋaim niŋgigetka miangöreŋ öŋgöba luhut memba malbilenjak?

⁵⁰Yuai pakpak mi mönö nanak nani börönan miwikŋaim eŋgial mi mötze.” Mewö.

Stiwenön kaunsöl yeŋgö uruŋini kuŋguyök.

⁵¹^f“O qegetal ambazip, eŋgö uruŋinan mönö duhuiga kopa akze! Kezapŋi-

nan köungöba qahö kötökŋi tohoza! Mi duhuzawaŋgöra Anutugöreŋ keu qetala kezapjuŋjuŋ ahakze. Ambösakonŋinan Uŋa Töröŋi tuarenjoŋ ak waŋgiba malgetka eŋön mönö yeŋgö dop toroqeba mewöŋanök Uŋa Töröŋi sundan dop andö qemakze! ⁵²Eŋgö ambösakonurupŋinan kezapqetok ambazip awamŋi qahö sesewerowo ak eŋgiba malget. Yeŋgöreŋök daŋön mönö kahasililiŋ qahö miwikŋaiyök? Yeŋön Azi Solanŋan asuhumapkö kezapqetok keuŋi jigetka i eŋguget kömuget. Yeŋön kömugetka Azi Solanŋan nanŋak asuhuiga iŋini i mamalolo ak waŋgiba qeget kömuyök. ⁵³Anutunön garataurupŋi melaim eŋgiiga Suepnöhök eta Köna keu eŋgigetka Buŋaŋini ahökmö, eŋön mi qahö tem köla malget.” Mewö.

Stiwen kötnön qeget kömuyök.

⁵⁴Stiwenön keu mewö jiiga jike kaunsöl yeŋön mötkeri, mi uruŋini sounön qesiŋqesiŋi ewö qesiŋnök. Qesiŋniga uruŋini könöp jeiga ambarik (amdabö) yöhöba wahöta kinget. ⁵⁵Mewö aketmö, Uŋa Töröŋan Stiwegö uruŋi kokolak qeiga jeŋi Suepnön göröken ui öŋgöiga Jisös Anutugö asakmararaŋ uruŋe euyangöreŋ Anutugö böröŋi öŋŋe kini ehök. ⁵⁶Jisös eka jiyök, “Mötket! Suepnön aŋaŋiiga Suep gölmeŋö Azi Öŋŋan mönö Anutugö böröŋi öŋŋe kiniga ekzal.”

⁵⁷Mewö jii möta qet gigilahögetka göju ketaŋi wahöriŋa kezapŋini böröŋinan gwözöŋda köreŋan luhuba anda qeraköba meget. ⁵⁸Mewö memba taon göräŋe örörahöba anda yaigepŋe ala kötnön könahiba gila qeget. Mewö qegetka tosatŋan mi eka kinda malukuŋini qeköba mölohoba azi gwabö Solgö kösutŋe alget. ⁵⁹Mewö

^b7:45 Jos 3.14-17 ^c7:46 2 Sml 7.1-16; 1 Hist 17.1-14

^d7:47 1 Kiŋ 6.1-38; 2 Hist 3.1-17 ^e7:49 Ais 66.1-2 ^f7:51 Ais 63.10

aka kötnöj gila qebayök kingetka Stiwenöj Anutugö köuluköba kewö jiyök, “O Kembu Jisös, gi mönö ujanı memba anğön kölman!”⁶⁰ Mewö jiba simınjan geba köla qet gigilahöba jiyök, “Kembu, sıngısöndok ki akzei, miangö lömbötji mönö yeğgö qakjine kude alman!” Mewö jiba nöj qeba kömuyök. Mewö.

Solnöj urumelej kambu sesewerowero ak enğii denget.

8 Stiwen qeget kömuyöhi, mi Solnöj mewöyök möri dop kölök. Nalö miangöreñök sesewerowero ketanı ahuıga Jerusalem sitigö urumelej kambu kazik ak enğiget. Miangöra yejön körekjanök siti mosöta denđa Judia aka Samaria prowins yahöt mi dop köla angetka aposol yejönök kapañ köla sitinöj malget.² Ambazip Anutu göda qeba waikñi memba malgeri, yeğgöreñök tosatñan Stiwen kömuyöhangöra jinğen köla gwötpuk sahöta qamötñi memba anda löm kölget.

³Löm kölgetmö, Solnöj urumelej kö-nagesö jañgauranga mem enğiba mirinji mirinji liliköba öngöba urumelej azi aka ambi örörahöba enğömemba gili etketka jiıga kösö mire al enğiget. Mewö.

Filipnöj Samaria sitinöj Buña nup meyök.

⁴Urumelej ambazipnöj denđa miri dop anda kaba liliköba malgeri, yejön Ölöwak Buña jiba miangön ambazip urujini kuñguba malget.⁵ Filipnöj Samaria prowinsgö siti kunöj geba Amötqeçe Toñi Kraistkö könañi jim asarim enğii mötket.⁶ Mia jim asarim enğiba anğöletot meıga letotketka ambazip kambu yejön mi eka keu jiyöhi, mi urumohot aka kezap ala möta anğön kölget.

⁷Filipnöj nup meıga Anutugö ösumjan öme gwötpuk mi ambazip urujineyök enğuatangöyök. Enğuatangöıga qet bölöbölö qeta kota anget. Nup meıga ambazip sehisehiñi likepñini kömükömuñi aka lokon malgeri, mi ölöwaket.⁸ Mewö aıga Samaria sitinöj sösongai öngöñgöñi asuhuba ahöyök. Mewö.

Sile galöm azi Saimonöj timbiqibilim ahök.

⁹Sösongai ahöyökmö, Samaria siti miangöreñ suña jinañ azi kun qetñi Saimon malök. Yañön (yara) yambu tosatñi qarösongo amötqeçe nup memba Samaria ambazip welipköm enğiıga malget. Mewö malgetka “Azi öngöñgöñi akzal,” jiba nanñangöra möri öngöyök.¹⁰ Ambazip öngöñgöñi eretñi yejön körek pakpak Saimongö keugöra kezap ala möta kewö jimalget, “Anutugö ösumñi qetñi ‘Kükösum ketanı,’ qetzei, miangön mönö azi miangö uruñe geıga ahöza.”

¹¹Saimonöj qarösongo amötqeçe nup mi nalö köröpñi memba ambazip welipköm enğiıga malget. Mewö ak enğiyöhangöra aka yañgöreñ qekötahöba malget.

¹²Mewö malgetmö, Filipnöj kaba Anutugö bemtohone angotpingö Ölöwak Buñanı aka Jisös Kraist qetñangö könañi mi jim asarim enğiyök. Mi jim asarim enğiıga ambazip gwötpukñan Buña keu möt nariba urujini melengetka o melun mem enğiyök.¹³ Mewö aketka Saimonöj mewöyök keu mi möt nariıga o melun mem wañgigetka Filipkö kösutñe kaba mala wuatangöyök. Mewö aıga Filipnöj anğöletot aiwesök ketanı ketanı mei asuñgetka mi eka welipköba malök. Mewö.

Uşa Töröñan Samaria yengö uruñine geyök.

¹⁴ Samaria ambazipnönj Anutugörej Buña keu mewö möt aňgön kölgeri, miangö buzupñan sehiba Jerusalem sitinönj ani aposol yeñön mötket. Yeñön mi möta Pitö aka Jon meköba melaim etikigetka yengörej anohot. ¹⁵ Anda aňgota yengöra aka köuluköba Uşa Töröñan uruñine gemapköra Kembu qesiyohot. ¹⁶ Könañi kewögöra qesiba köuluköyohot: Yeñön Kembu Jisösgö qetñe o melun mem engigetmö, Uşa Töröñan yengöreñök kungö uruñe qahö gei öne malget. ¹⁷ Miangöra köuluköba böröñiri nöropñine alohotka Uşa Töröñan uruñine geiga meget. Mewö.

Saimonöñ Uşa Töröñi söñgöröñi memamgö jiyök.

¹⁸ Aposol yetköñ böröñiri ambazip nöropñine alohotka Anutunönj miangö dop Uşa Töröñi yengö uruñine aliga Saimonöñ mi eka moneñ memba kaba kewö jiyök, ¹⁹ “Iñiri mönö kukösum mewöñi mi nia kun niñiyohotka memba böröni denike yengö nöropñine almami, Uşa Töröñan mönö yengö uruñine gema.”

²⁰ Mewö jiyökmö, Pitönönj kewö jim wañgiyök, “Aek! Yapmakek! Göñön Anutugö kalemñi mi moneñnönj söñgöröñi memamgöra jizan. Miangöra gi mönö monengabuk könöp sianönj geman. ²¹ Göhö urugan mönö Anutugö jeñe qahö dingiza. Miangöra gi Buña keu kiangö ölni kun qahöpmañöp meman. ²² Bölöñamgeyök mönö urugi melenña Kembu köulukönöñga yañön uru mötmötkahö siñgisöndokñi mi mosötpawak. ²³ Göhö urugan mönö kömbuhiiga wösökömbuk ewö jula kokolak qem gihiza. Siñgisöndokan mönö kösö ewö köpeim gihiiga qaközan.”

²⁴ Pitönönj mewö jiiga suña jinañ azi Saimonöñ kewö melenj etkiyök, “Mönö nöngöra aka Kembugö köuluköyohotka keu jizahori, miangö ölni kun qahö asuhum niñgibawak.”

²⁵ Aposol yetköñ Kembugö Buña keu mi siti miangörej nañgöba jiba jim asariba engömosöta anohot. Könanönj anda Samaria prowinsgö miriñi miriñi liliköba ambazip uruñini Ölöwak Buña keunönj kuñgum eñgiba mala Jerusalem sitinönj lilingöba anohot. Mewö.

Filipnönj Afrika azi kungöra Buña keu jii mörök.

²⁶ Kembugörej garata kuññan Filipköra keu kewö jii mörök, “Gi mönö Jerusalem siti mosöta Saut göröken anman. Gölmö qararañkölkölñe köna isikñi (walñi) Gaza taonönj gemakzei, mönö miangörej anman.” ²⁷ Mewö jii möta Filipnönj amqeba mosöta anök. Anda Afrika azi kuññan miriñe lilingöba ani könanönj miwikñaiyök. Yañön Etiopia kantrigö kandasi qingö jembonñi öngöñgöñi aka ambi kembugö jakömbuak miriñe moneñ aka inap yuaiñi galöm köla malök. Silenangö yuaigöra aka Juda azi akñamgö osiyökmö, töndup Anutugö waikñi memba möpöseimamgöra Jerusalem sitinönj kayök.

²⁸ Kaba miriñe lilingömamgöra hos karenönj öngöiga hosnönj örögetka könanönj anök. Miangörej anda kezapqetok azi Aisaiagö buk kötula oyonña tarök. ²⁹ Mewö aiga Uşa Töröñan Filipköra sañep ala keu kewö jiyök, “Gi mönö hos kare miangö qöhörönje anda mötöteiba anman.” ³⁰ Uşa Töröñan mewö jiiga miangörejök ösumñan kösutñe anök. Anda azinönj kezapqetok azi Aisaiagö buk miangö Buña keuñi oyonñi mörök. Möta kewö qesim wañgiyök, “Keu oyonñani, mi ölop möt asarizan me qahö?”

³¹ Qesim waŋgiiga jiyök, “Kunŋan qahö jim asariiga nanak mi denöwö möt asaribileŋak?” Mewö jiiga hos karenöŋ öngöiga mohotŋe tarohot. ³² Buŋa Kimbi oyoŋnöhi, mi kewö,

“Azinöŋ lama qem yandibingöra memba waŋgitzei, yaŋön mönö miangö dop ösöŋ sororonŋöba ahöyök.

Galömŋan lama moröŋaŋgö jupŋi fitanöŋ mitiiga qöhöröŋe göröŋ qeba tim gwirinji qahö kinjawi, yaŋgö numbuŋaŋgö dop mönö qahö waumgöba aŋaŋyiyök.

³³ Memba et al waŋgiigetka kunŋan keu jakeŋe keuŋaŋgö likepŋi qahö naŋgöba jiiga öne jim teköget. Gölmenöŋ malmalŋi mewö waŋgitket.

Gwölönarökurupŋi qahö mewö kömuyök. Miangöra kunŋan qet areŋi könangep qahö oyoŋda jima.”

³⁴ Jembonöŋ mi oyoŋda Filip kewö qesim waŋgiyök, “Kezapqetok azinöŋ keu mi dagöra jiza? Mi nanŋaŋgöra me azi kungöra jiza? Gi ölop miangö könanŋi jinöŋ mötpi.” ³⁵ Qesim waŋgiiga kezapqetok yengöreŋ Buzup Kimbinöhök könahiba Jisösgö Ölöwak Buŋa mi könaŋambuk jim asarii mörök. ³⁶ Mewö eraum möta könanöŋ anda o kösutŋe aŋgorohotka qin jembonŋan jiyök, “Eknöŋ, o töwatŋi ki ahöza. Miangöra gi ölop o melun mem niŋgiman. Keu kunöŋ aŋgön köl gihiza me qahö?” ³⁷ (Mewö jiiga Filipnöŋ jiyök, “Gi keu jibi mötzani, mi urugi jömuŋ Anutugöreŋ ala möt narizan ewö, mi ölop akŋam.” Jiiga keu kewö meleŋnök, “Jisös Kraistnöŋ Anutugö Nahönŋi akza, nöŋön mi möt narizal.”

³⁸ Mewö meleŋda jim kutuiga hos kare jöhögetka mohotŋamŋire oe geba Filipnöŋ o melun mem waŋgiyök. ³⁹ Mi mem waŋgiiga onöhök korohotka Kembugö Uŋa Töröŋan Filip waŋgiri öngöba

sök aliga qin jembonŋan i kunbuk qahö ehök. Qahö ehökmö, toroqeba sösoŋgai qakŋe miri gölmeŋe Etiopia anök.

⁴⁰ Filipnöŋ sök ala anda taon qetŋi Asdod miangöreŋ asuhui miwikŋaiget. Miangöreŋök toroqeba taonŋi taonŋi liliköba miangöreŋ Ölöwak Buŋa keunöŋ ambazip uruŋini kuŋguba anda mala Sisaria taonöŋ kaŋgorök. Mewö.

Kembunöŋ Sol asuhum waŋgiiga uruŋi meleŋnök.

Apo 22.6-16; 26.12-18

9 Nalö sutŋe miangöreŋ Solnöŋ urukönöp qakŋe kinda uru sileŋi bölam tepköiga Kembugö gwarekurupŋi engum ureim engiba malök. Mewö mala jike nup galöm bohonŋi yaŋgöreŋ anök. ² Yaŋgöreŋ anda kewö kuŋguba qesiyök, “Köna dölökŋi wuatangöba maljei, yengöreŋök tosatŋan Damaskus sitinöŋ köröwen malje. Miangöra nöŋön ölop endu anda jarum engiba kun miwikŋaimami, i mönö jöhöba waŋgita Jerusalem sitinöŋ kamam. Damaskus sitinöŋ Juda nengö köuluk miri galöm kölakzei, yeŋön i aŋgön köl engibepuköra mönö jimtekötekö kimbi ohoba niŋginöŋga memba anda kondel engimam.” Mewö jii ohoi memba anök.

³ Könanöŋ anda mala Damaskus siti dopdowimangö aiga yuai kun wölaŋ kewö asuhuyök: Asakmararaŋ kun Suepnöhök wölbilik ewö asuhuba eta liliköm waŋgiyök. ⁴ Liliköm waŋgii tala gölmenöŋ geba ahöba kouruk kun möriŋa keu kewö jii mörök, “Sol Sol, gi mönö wuanöŋgöra sesewerowo qakŋe al niŋgizan?”

⁵ Mewö jiiga Solnöŋ qesiba jiyök, “Kembu, gi daŋön?” Mewö jiiga meleŋnök, “Ni Jisös sesewerowo qakŋe al niŋgimakzani, ni mönö mi. ⁶ Mi akzalmö, ölop wahöta sitinöŋ

anman. Miangöreñ anda wani yuai akñani, kunñan miangö buzupñi jii mötman.”

⁷Azi yambuk köna anda malgeri, yeñön keunñini qahöwahiga tömtömimba kinget. Yeñön keu kouruk ölña mötketnö, azi kun qahö eket.

⁸Keu meleşniga Solnön gölmenöhök wahörökmö, jeñi uba yuai kun qahö eka jipjap kinök. Mewö kiniga böröñe memba Damaskus sitinön wangita anget. ⁹Angetka wehön karöbut miangö dop jipjap mala o me nene kun qahö nempa öne malök. Mewö.

Ananiasnön Sol o melun mem wangiyök.

¹⁰Damaskus sitinön Jisösgö gwarekñi kun qetñi Ananias malök. Kembunön kutum wasöriğa imut ehiga “Ananias!” qerök. Qetñi qeriga jiyök, “O Kambu, ni ki maljal.”

¹¹Mewö jiiga jii mörök, “Gi mönö wahöta köna qetñi Köna Dindini jimakzei, miangöreñ anman. Miangöreñ anda Judasgö mire öngöba Tarsus azi qetñi Solgöra qesiman. Mötnön, yañön ni köulüköm niñgiba tatza. ¹²Köulüköba tata uruñan imut kun kewö ehök: Azi qetñi Ananiasnön mirinji uruñe kañgota jeñi kumbuk tohomapköra böröñi nöropñe alma.”

¹³Kembunön keu mewö jii möta meleşnök, “O Kambu, ambazip gwötpukñan azi miangö kösohotñi lök jiget möral. Yañön Jerusalem sitinön göhöreñ könagesöurup sarakñi mi gwötpuk engum ureim ak engiba malök. ¹⁴Jike nup galöm bohonñi yeñön nam köla kukösum wangigetka Damaskus siti kiangöreñ mewöyök nup miyök memangöra kayök. Ambazip göhö qetki qeta köulükömakzini, yañön mönö nini körek pakpak neñgömemba jöhöm neñgimangö mötza.”

¹⁵Mewö meleşnök, Kembunön jii mörök, “Nöñön azi mi meköm wangibiga qetni bisiba nöngöra bim qeba malma. Mewö mala gölmeñi gölmeñi liliköba Buñani jim sheiiga Israel aka kian kantri ambazipnön mötme. Keu jakeñi jakeñi miangöreñ örogetka azi kambu gwötpuk yeñgö jeñine aņgota Buñani jii mötme. Miangöra mönö töndup anön. ¹⁶Yañön qetni bisiba miangöra sihimbölö gwötpuk mötma. Nöñön miangö areñi kondel wangimangö mötzal.”

¹⁷Mewö jii möta Ananiasnön anda miri miangö uruñe öngöba böröyahötñi Solgö nöropñe ala jiyök, “Sol alani, köna namñe kanöñga Jisösnön asuhum gihiyöhi, Kambu miangön mönö melaim niñgiiga kazal. Göhö jegan kumbuk tohoiga Uña Töröñan urugi kokolak qemawangöra jiiga kazal.” ¹⁸Mewö jiiga miangöreñök yuai sönuetñambuk tandök miangön jeñeyök tala et teköi jeñi tohoyök. Jeñi tohoiga ui asariiga wahörök. Wahöta jiiga o melun mem wangiyök. ¹⁹O melun mem wangiiğa nene nempa köhöiyök. Solnön köhöiba gwarek yeñgö sutñine Damaskus sitinön wehön tosatñi malök. Mewö.

Solnön Damaskus sitinön Buña nup meyök.

²⁰Mala miangöreñök wahöta Juda yeñgö köuluk mirinji mirinji miangöreñ öngöba Jisösgö könañi jim asariba ambazip uruñini kunguba kewö jiyök, “Jisösnön mönö Anutugö nahönñi akza.”

²¹Mewö jii möta körek yeñön auruba welipköba jiget, “Jerusalem sitinön qet mia qet köulükögeri, azi ki aņön mi engum ureiba malök me qahö? Mewöñanök kiangöreñ kayöhi, mi mönö nini jöhöba neñguangita jike nup galöm bohonñi yeñgö böröñine al neñgimangöra kayök. Miangöra mönö

denöwö letota nanjak Anutugö keu miyök nangöba jiza?”

²²Mewö jigetmö, Anutunöj Sol ösum-mumu wanjii kunbuk köhöiba malök. Köhöiba mala Juda ambazip Damaskus sitinöj malgeri, yejgö urunjini kunjuba kewö jiba malök, “Jisösnöj ölja Anutugörej Amötqege Toji Kraist akza.” Keu mi jim köhöiba könaji kondela maliga yejön köjkuj aka keu mi qeap-köbingö osiba malget.

²³Silim gwötpuk teköiga miangörej Juda yejön tokoba keu nup memba Sol qeget kömumapkö angönanji alget.

²⁴Angönanji algetmö, mianggö buzupnji mi Solgö kezapne gei mörök. Solnöj Damaskus siti mosötmangö aiga miangörej qeget kömumapköra siti kiripo nangunje yangöra sunjem asak je galöm memba malget. ²⁵Mewö memba malgetmö, gwarekurupjan sunjem kunöj sakap (misak) ketanji memba kösönöj jöhöba Sol sakapnöj ala siti selgö kinimjeyök alget geba anök. Mewö.

Solnöj Jerusalem kusukjanök anda malök.

²⁶Solnöj anda Jerusalem sitinöj angota Jisösgö gwarekurup yembuk esapköba toroqeyökmö, körek yejön Sol gwarek aka malöhi, mi qahö möt narigerangöra aka yangöra kenngötjini mötket. ²⁷Kenngötjini mötketmö, azi qetji Barnabas yangön ala ak wangiba köyan köla wangita aposol yejgörej anda kondela kösohotji kewö jim asarim engiyök, “Sol azi kianön könanöj kaiga Kembunöj asuhum wanjii ehiga keuji jii mörök aka könanjep Jisösgö qetji mi Damaskus sitinöj jim asariba köhöikjanök uru kunjum engiba malök.”

²⁸Kösohotji mewö jim asarim engiiga yembuk toroqeba Jerusalem

siti urunje liliköba awösamkakak kinda Kembangö qetji aukne qeta ambazip urukungukungu köhöiknji al engiba malök. ²⁹Mi al engiba mala Juda ambazip Grik keu möta malgeri, yembuk eraum möta möndömkösök keu melejjelej ahökmö, yejön Sol kapan köla qeget kömumapkö mötket. ³⁰Mi esapkögetka alaurupjan Sol miwiknaiba wangita Sisaria taonöj anda kinda melaigetka nanjök toroqeba ahuahe taonji qetji Tarsus miangörej anök. Mewö.

Urumelej kambu yejön luainöj malget.

³¹Solnöj urunji melejniga mianggö andöje urumelej könagesö pakpak Judia, Galili aka Samaria prowins dop köla malgeri, yejön luai miwiknaigetka Ura Töröjan i mem köhöiba nangöm engiiga malget. Mewö mutulangöba Kembangö keuji onggitpinbuköra kenngötjini möta nup megetka urumelej könagesöjnan qarim sehiiga malget. Mewö.

Pitönöj Lida azi kun mem ölöwahök.

³²Pitönöj mirinji mirinji liliköba Jisösgö könagesö saraknji engeka anda mala nalö kunöj taon qetji Lida miangörej angörök. ³³Angota miangörej azi kun qetji Ainas miwiknaiyök. Likepnji kömukömunji aiga dumnöhök ahöba mali (yara) yambu 8 teköyök. ³⁴Pitönöj i miwiknaiba kewö jiyök, “Ainas, Jisö Kraistnöj gi mem ölöwak gihiza. Miangöra mönö wahöta tumbulahöpki qezaköman.” Mewö jiiga miangörejök wahörök. ³⁵Mewö asuhuiga Lida aka Saron ambazip pakpak yejön i eka urunjini melejda Kembangörej qekötahöget. Mewö.

**Pitönöŋ Jopa anda
Tabita mem guliyök.**

³⁶Jopa taonöŋ gwarek ambi kun qetŋi Tabita malök. (Qet mi Grik keunöŋ Dorkas, nanine keunöŋ teu, Inklis keunöŋ deer.) Yaŋön nalö dop nup ölöŋŋi ölöŋŋi memba kalem sehisehiŋi mendeŋda ambazip etqeceŋi bauköm eŋgiba malök. ³⁷Pitönöŋ gölme miangöreŋ mali Tabitanöŋ nalö miangöreŋ kawöl asuhum waŋgii kömuyök. Kömui qamötŋi saŋgoŋda memba miri uruŋi kunöŋ öŋgöba alget.

³⁸Lida mi Jopa taon kösutŋe tarök. Miangöra Pitönöŋ Lida malöhi, gwarek yeŋön mi möta azi yahöt melaim etkiŋgetka anda Pitö kewö qesim waŋgiyohot, “Gi mönö zilaŋ kanöŋga netpuk Jopa taonöŋ anbin.” ³⁹Qesim waŋgiyohotka miangöreŋök amqeba yetpuk anget. Anda aŋgotketka qamöt miri uruŋe ahöyöhaŋgöreŋ waŋgita öŋgöget. Öŋgögetka ambi malö pakpak Pitö liliköba sahöta Dorkasnöŋ yembuk mala opo maluku uhum memba eŋgiyöhi, mi kondel waŋgiget. ⁴⁰Kondel waŋgigetmö, Pitönöŋ jii körek yeŋön gem tekögetka simin köla köuluköyök. Köuluköm teköba qamöt mesohol köla kewö jiyök, “Tabita, mönö wahötnöŋ.” Mewö jiiga jeŋi uba Pitö eka wahöta tarök.

⁴¹Tariga Pitönöŋ böröŋe memba kököbihiiga wahöta kinök. Kiniga urumelenj alauruŋi aka ambi malö enggoholi öŋgöget. Öŋgögetka kömupnöhök guliba wahöröhi, ambi mi jemesoholŋine ali eket. ⁴²Miangö keu buzupŋi mi Jopa uruŋe miri dop ani möta ambazip gwötpukŋan könahiba Kembu möt narim waŋgiget. ⁴³Pitönöŋ Jopa miangöreŋ sömaŋi tosatŋi toroqeba mala Saimongö mire tata ahöyök. Azi mi köna esu memegöra

bulmakau silenŋi urasiba saŋgoŋda möhamgöba malök. Mewö.

**Korniliusnöŋ Pitö ohola
uruŋi meleŋnök.**

10 Taon qetŋi Sisaria miangöreŋ suahö galöm kianŋi kun qetŋi Kornilius malök. Yaŋön yarö kambu bahöŋi kun qetŋi “Italigö yarö kambu” qetkeri, miangöreŋ yarö azi 100 yeŋgö galömnjina malök. ²Yaŋön saiwauruŋi pakpak yembuk Anutu göda qeba waikŋi memba möpöseiba malget. Mewö malgetka Juda ambazip wanapŋi yeŋgöra kalem sehisehiŋi eŋgiba Anutu qösösök (qörörök) köuluköba malök. ³Mare kunöŋ 3 kilok miangö dop aiga Kembunöŋ Kornilius kutum wasöriŋa imut kun ehök. Imut törörök eka miangöreŋ Anutugöreŋ garata kunŋan miriŋe öŋgöi ehök. Garata miangön öŋgöba “Kornilius!” jiba qetŋi qerök.

⁴Mewö qeriga garata ehiba sömbunji möta jiyök, “Ketaŋamni, wanigöra ki kazan?” Mewö jiiga meleŋnök, “Gi köuluköba malnöŋga keugi Anutugöreŋ öŋgöiga möri ölöwakza. Gi ambazip wanapŋi kalemŋi kalemŋi mendeŋ eŋgimakzani, mi Anutunöŋ möta aŋgön köla göhöra mötmöriŋa melaim niŋgiiga kazal. ⁵Miangöra mönö dölkö kolek alnöŋga Jopa taonöŋ aniga azi qetŋi Saimon, qetŋi kun Pitö qetzei, ia waŋgita kame. ⁶Yaŋön sömbup silenjaŋgö nup meme azi qetŋi Saimon yaŋgö mire köwet jitŋe miangöreŋ malja.”

⁷Suep garatanöŋ Korniliusgöra keu mewö jibagun mosöta anök. Mosöta aniga welenqeceŋi yahöt etkoholi kayohot. Kayohotka yarö azi kun kösutŋeyök kapaŋ köla Anutu göda qeba malohori, i mewöyök oholi kayök. ⁸Kagetka garatagöreŋ keu mi körek jii mötketka melaim eŋgii Jopa taonöŋ anget. Mewö.

**Kembunöy Pitö kutum
wasöriğa imut ehök.**

⁹Azi yeñön könanöy angetka miri gıanjii taon dopdowigetka silim bibiñe miangörey Pitönöy miri uruñi kun eu miangörey öngöba kindä köuluköyök. ¹⁰Kindä köuluköba nenegö kömumba yuai nemamgö möta jii ohoget. Ohogetka nalö miangörey Kembugö alburupñan qeiga tata imut kun kewö ehök: ¹¹Suepnöy añañiğa könde ketañi kun erök. Könde mi opo tuatñi ketañangö tandök ewö ahök. Garata yeñön yuai miangö wañgömñi 4 miangörey memba nañgöbeak, miangö tandök ewö gölmenöy erök. ¹²Yuai miangö uruñe sömbup könañi könañi tatket. Sömbup tosatñan köna 4:ñan tiba anakze. Tosatñan wösönöy ölölöngöba anakze. Mewöyök neiñi neiñi könakemba bölbölgöba anakzei, yuai mewöñi mewöñi mi könde miangö uruñe mohotñe etket. ¹³Etketka miangörey qet kun asuhaba keu kewö jii mörök, “Pitö, gi mönö wahöta yuai ki qeba ohoba nenöy.”

¹⁴Mewö jii mörökmö, Pitönöy jiyök, “O Kembu, mewö qahö kötökñi! Mi dönqizınñambuk. Ni nalö kunöy yuai añgöjörakñambuk mi kude neal. Ni miangöra imbilonñon mötzal.”

¹⁵Mewö jiiga qet miangön kunbuk asuhaba yañgöra jiyök, “Anutunöy yuai jim könjörari ahözawı, göñön miangö qetñi añgöjörakñambuk mewö qetnönğa qahö dop kölja.” ¹⁶Yuai mewöñi mi kunbuk asuhui indimñi karöbut ahök. Indimñi karöbut aiga miangöreyök könde mi kunbuk örögetka Suepnöy öngöyök.

¹⁷Pitönöy imut mi eka miangö könañangöra köñkuñ aka mötmamgö möt bibihiba tarök. Mewö tariga nalö miangöreyök Korniliusnöy azi melaim eñgii kaba Saimongö miri jaruba miangöra qeqesi aka miwikñaiba

kañgota miri nañguñe kinget. ¹⁸Miri nañguñe kindä kewö qeta qesiget, “Saimon qetñi alañi Pitö qetzei, yañön miri kiangörey malja me qahö?”

¹⁹Pitönöy toroqeba imut miangö könañangöra möt bibihiba tariga Uña Töröñan kewö jii mörök, “Mötnöy, azi karöbutñan kaba gi jarum gihize. ²⁰Nöñön azi mi melaim eñgibiga ki kaze. Miangöra mönö döлки wahöta geba uruyahöt mosöta yembuk anman.” ²¹Mewö jiiga Pitönöy azi miangörey geba jiyök, “Mötket, inñi azi jaruzei, nöñön mia akzal. Mönö denöwögöra kaze?”

²²Jiiga melenget, “Suahö galöm Kornilius mi azi diñdiñi akza. Yañön Anutu waikñi memba möpöseiba mali Juda ambazip kambu körek yeñön göda öngöñgöñi qem wañgimakze. Anutugö garata töröñi kunñan asuhum wañgiba kewö jim kutui mörök, ‘Gi mönö kolek ala Pitö köl öröm wañginönğa mirige öngöba keu uruñeyök jimawi, mi kezap ala mötman.’” ²³Mewö melengetka öröm eñgii miri uruñe öngögetka köyan köl eñgii köisirik tata ahöget. Ahögetka miri gıanjiiğa Pitönöy wahöta yembuk anök. Jopa taon miangöreyök ala tosatñi eñgömeiga yambuk mohotñe anget. Mewö.

**Pitönöy kian ambazip
yembuk tokoget.**

²⁴Mohotñe anda sömañi mohot ahöba anda mala Sisaria taonöy añgotket. Añgotketka Korniliusnöy yengö mamböt aka malök. Mewö mala tinitosolom aka alaurupñi ölöpñi mi köl öröm eñgii miriñe tokoba tatket. ²⁵Añgota Pitönöy mire öngömamgö aiga Korniliusnöy wahöta eta jölöñi jiba könañe geba sipköm wañgiyök. ²⁶Sipköm wañgiyökmö, Pitönöy böröñe memba kököbihiğa wahöri kewö jiyök, “Mönö wahötnöy, nia kun gölme aziyök akzal.”

²⁷ Mewö jii yambuk eraum möta miri uruŋe öngöyohotka ambazip gwöt-pukŋan tokoba tatkeri, mi eŋgehök.

²⁸ Eŋgeka kewö jii mötket, “Iŋini Juda ambazip neŋgö könəŋamnini mötze. Juda nini ambazip kianŋi eŋgö mire öngöba embuk köisirik tatatkö sonŋo ahöi osizin. Mi osizinmö, Anutunöŋ keuŋi kun kondel niŋgiba kewö jiyök, ‘Göŋön ambazip iŋi waiŋi yeŋgö qetŋini mi aŋgöjörak imbilonŋambuk mewö kude qetman.’ ²⁹ Mianŋöra iŋini kolek ala köl öröm niŋgigetka nöŋön qahö qetala kaba kaŋgotzal. Kaŋgota kewö qesizal: Iŋini mönö wuanöŋgöra kolek ala köl öröm niŋgiget? Mi ölop jiget mötŋi.”

³⁰ Mewö jiiiga Korniliusnöŋ meleŋnök, “Ni mare kunöŋ nalö kewöŋe 3 kilok mianŋöreŋ mirine tata köuluk nup memba mala kotŋi merak sömaŋi 4 akza. Köuluk nup memba malbiga mianŋöreŋök azi kun sileötanŋi asakmararaŋambuk mianŋön asuhuba wösöne kinök. ³¹ “Wösöne kinda kewö jiyök, ‘Kornilius, gi köuluköba malnöŋga keugi Anutugöreŋ öngöiga möri ölöwakza. Gi kalemŋi kalemŋi ambazip wanapŋi mendeŋ eŋgimakzani, mi Anutunöŋ möta aŋgön köla göhöra mötmöriiba melaim niŋgiiga kazal. ³² Mianŋöra mönö dölki kolek alnöŋga Jopa taonöŋ aniga azi qetŋi Saimon, qetŋi kun Pitö qetzei, ia wangita kame. Yaŋön sömbup sileŋangö nup meme azi Saimon yaŋgö mire köwet jitŋe malja.’

³³ “Mewö jiyöhaŋgöra aka nöŋön mianŋöreŋök kolek albige göhöreŋ kaget. Göŋön keuni möta kazaŋangöra uruni ölöwakza. Kembunöŋ keu pakpak jimangö jim kutum gihiyöhi, göŋön mi ölop jinöŋ mötŋin. Nini pakpak dölki mianŋöra tokoba Anutugö jemesoholŋe ki tatzin.” Mewö.

Pitönöŋ Korniliusgö mire Buŋa keu jiyök.

³⁴ Jkorniliusnöŋ mewö jiiiga Pitönöŋ könahiba kewö jiyök, “Aha! Anutunöŋ ambazip tosatŋi qahö eŋgek soriba tosatŋi qahö qepureim eŋgimakzampö, dop mohotnöŋ kewöt neŋgimakza. Yaŋgö jeŋe kunŋan aŋgöjörakŋambuk qahö akza. Nöŋön mi dölki ölja möt kutuzal.

³⁵ “Mewö qahöpmö, ambazip kambuŋi kambuŋi körek yeŋgö sutŋine denike yeŋgöreŋök kunŋan Anutu waikŋi memba möpöseiba aiakaŋan köna diŋdiŋi wuatangözawi, yaŋön mönö Anutugö jeŋe dop kölja. ³⁶ Jisös Kraistnöŋ ambazip körek neŋgö Kembuya aka luai qem neŋgimakzawi, Anutunöŋ Buŋa keuŋi mi Israel könagesö neŋgöreŋ ali kayök. Buŋa mianŋön kaiga nini mianŋö Ölöwak Buŋaŋi jim asariba maljin. ³⁷ Jonöŋ ambazip uruŋini kuŋguba kewö jiyök, ‘Iŋini mönö uruŋini meleŋgetka nöŋön o melun mem eŋgimam.’ Mewö jiiiga mianŋö andöŋe keu mi Galili prowinsnöŋ könahiba jiget sehiba anda Judia prowinsnöŋ aŋgota körek dop kölök. Iŋini mi lök mötze.

³⁸ “Anutunöŋ Uŋa Töröŋi Nazaret azi Jisösgö uruŋe mokoiga kukösum buŋa qem aŋguba gölme dop liliköba malöhi, mi yambuk kiniga anda ambazip ak kömum eŋgiyök. Bölöŋangö Toŋan ambazip ösumŋan jöhöba öröm eŋgi gegeri, yaŋön mi pakpak mem ölöwak eŋgim teköyök. ³⁹ Yuai mi Juda neŋgö gölmenöŋ aka Jerusalem sitinöŋ aka memba maliga ip kemaŋe ala qeget kömuyök. Nini mi pakpak eka naŋgöba jiba dangunuŋi aka kinjin. ⁴⁰ Kömumba ahöi sömaŋi karöbut aiga Anutunöŋ mem

gului wahörök. Wahöta indimnji gwötputk ambazip asuhum engiyök.

⁴¹“Yañön ambazip kambu pakpak yengöra qahö asuhuyökmö, Anutunön mutuhök nini möwölöhöm nenggiiga Jisösnönj kömupnöhök wahöta malöhi, nalö miangörej yambuk keu eraum möta nene angum nem malini, mönö nengöra asuhuiga nini miangö keunji nangöba jiba kinjin. ⁴²Mewö kininga Jisösnönj kewö jim kutum nengiyök, ‘Anutunönj kungum ninggiiga nöñön ambazip maljei aka kömugeri, yengörej jimtekötekö Toñina akzal. Miangöra enjön mönö nöngö könañamni mi ambazip kambu dop yengöra nangöba jim asariba malme.’ ⁴³Ambazip denike yeñön Jisös möt narim wanggiba qetji qerakzei, Anutunönj mönö qet mi möta yengö siñgisöndokjni mosöta sañgoñmakza. Yangö könañamni mewö ahözawi, mi kezapqetok ambazip körek yeñön nangöba jim asariba ohoget ahöza.” Mewö

Uña Töröñan kian ambazip yengörej erök.

⁴⁴Pitönönj keu mewö jibayök kiniga Uña Töröñan ambazip kezap ala mötkeri, yengö uruñine geyök. ⁴⁵Anutunönj Uña Töröñj kalemni mi kian ambazip yengö uruñine mewöyök mokoi geyöhi, mi Pitögö alaurupñan eka auruget. Juda ambazip sileñine Anutugö aiwesökñi yandigetka uruñini meleñda Jisös möt nariba Pitö wuatangöba kaba tatkeri, mienjön mönö auruba kewögöra welipköget: ⁴⁶Yeñön kantri tosatñi yengö keunjini murutñi murutñi könahiba jiba Anutu möpöseiget. Miangöra welipkögetka Pitönönj kewö qesiba jiyök, ⁴⁷“Yeñön Uña Töröñi mi neñön ahin ewö angön köla buña qem anguzei, mi mötzin. Miangöra i ölop o melun mem enggiinga dop kölma. Mi ahinga dañön qetal nengibawak?”

⁴⁸Mewö jiba jim kutum enggiiga Pitögö alaurupñan kinda Jisös Kraistkö qetñe Kornilius saiwaurupñi o melun mem engiget. O melun mem engigetka Pitö angön köl wangigetka toroqeba silim tosatñi yembuk malök. Mewö.

Pitönönj Jerusalem anda nupñangö kösohotñi jiyök.

11 Kian kantri yeñön mewöyök Anutugörej keu memba angön kölgeri, miangö buzupñi mi aposol aka urumelenj alaurup Judia prowins dop köla mala mötket. ²Miangöra Pitönönj Jerusalem sitinönj lilingöba öngöiga Juda sileñine Anutugö aiwesök yandigetka uruñini meleñgeri, yeñön jijiwilit (jelikit) aka jim wangiget. ³Jim wanggiba kewö jiget, “Kian kantri azi Anutugö aiwesökputk qahö maljei, gi mönö wuanöngöra anda yembuk köisirik tata nene nenön? Mi qahö dop kölja.” ⁴Mewö jigetka könakönahineyök könahiba yuai asuhuyöhi, mi körek pakpak areñambuk jim asarim enggiba kewö jiyök,

⁵“Nöñön Jopa sitinönj mala köuluköbiga Kembugö alburupñan nuñguiga tata imut kun kewö ehal: Suepnönj añañiiga könde ketañi kun erök. Könde mi opo tuatñi ketañangö tandök ewö ahök. Garata yeñön yuai miangö wangömjñi ⁴ miangörej memba nangöbeak, miangö tandök ewö nöngö kösutneyök eta ahöyök. ⁶Eta ahöiga yuai miangö uruñe törörök ekiga sömbup könañi könañi miangörej tatket. Sömbup tosatñi mi gölmenönj köna 4:ñan tiba anakze. Tosatñi kalñi köñöñinambuk akze. Tosatñan wösöñinan ölölöngöba anakze. Mewöyök nei könañi könañi könakemba bölbölgöba anakzei, yuai mewö mi könde miangö uruñe mohotñe etketka engehal. ⁷Engekiga qet kun mewöyök asuhuba kewö jii möral,

‘Pitö, mönö wahöta yuai ki qeba ohoba nenö.’

⁸“Mewö möralmö, nöñön kewö jial, ‘O Kembu, ni miangöra imbilonlon mötzal. Yuai dönqizin angjöörakñambuk mewöñi mi nalö kungen nöñgö numbunan qahö oseiyök. Miangöra mi mönö qahö kötökñi nemam.’ ⁹Mewö jibiga qet miangön kunbuk Suepnöhök asuhuba kewö jiyök, ‘Anutunöñ yuai jim könjörari ahözawi, göñön miangö qetñi angjöörakñambuk mewö kude qetman.’ ¹⁰Yuai mewöñi mi indimñi karöbut asuhuyök. Mewö asuhuiga yuai pakpak mi kunbuk örögetka Suepnön lilingöba öngöyök. ¹¹Öngöba atatop (jitataton) köliga nalö miangöreñök Korniliusnön Sisaria taonöhök azi karöbut melaim engii nöñgöreñ kageri, yeñön miri tarini, miangö nanğunje kinget.

¹²“Nanğunje kingetka Uñanöñ kewö jim kutum ningii möral, ‘Gi mönö uruyahöt yaköriba yembuk anman.’ Keu mi mötpiga urumelen alaurupni 6 yeñön mewöyök Jopa mosöta nömbuk Sisaria taonöñ anin. Sisaria angota suahö galöm miangö mire öngöin. ¹³Öngöinga keu kösohot kewö ak nenngiyök, ‘Garata kunñan nöñgö mire asuhuiga ekiga kinda kewö jii möral: Gi mönö Jopa mire kolek ala azi qetñi Saimon, qetñi kun Pitö i wangita kaget. ¹⁴Yañön kaiga Buña keu jiiga gi aka saiwaurupkan mi möt nariba uruñini melengetka körek amöt qem engiiga letotme.’

¹⁵“Kösohot mi ak nenngiiga nöñön könahiba Buña keu jial. Mi jibi mötketka Uña Töröñan könakönahije nenngö urunine geyöhi, mönö miangö dop kezap ala mötketka yeñgö uruñine mohot geyök. ¹⁶Yañön geiga ekiga miangöreñök Kembugö keu kun nöñgö mötmötnöñ kanñori mötmörial. Keu mi kewö, ‘Jonöñ o töhönöñ melun mem

engiyökmö, nöñön Uña Töröñi uruñine ala miangön melun mem engimam.’ ¹⁷Nenñön Kembu Jisös Kraist möt narim wanggiinga Anutunöñ kalemñi nenngiyöhi aka yeñön möt narigetka Anutunöñ kalemñi miyök engö uruñine mewöyök alök. Miangöra aka ni ewöñan mönö denöwö Anutu kukösum Tonji esapköba qetal wangibileñjak? Yañön mewö ak engiiga nöñön angön köl wangimamgö osial.”

¹⁸Pitönöñ kösohotñi mewö jii möta uruñini amörii böñjön aiga Anutu möpöseiba kewö jiget, “Ölña, nini urunini melennda malmal köhöikñangö buñaya akzin mötzinmö, Anutunöñ köna mohot mi kian kantri ambazip yeñgöra mewöyök al engii ahöza. Mi mönö döлки asariba möt kutuzin.” Mewö.

Kian kantrinöñ urumelen kambu mutukñi asuhuyök.

¹⁹Stiwen qeget kömuyöhangöra aka kahasililih asuhuiga urumelen ambazipnöñ denña liliköba anda kaget. Anda kagetka tosatñan köwet jitñe Fonisia gölmenöñ anget. Tosatñan köwet kutuba gölme jölanñi qetñi Sairpus miangöreñ anget. Tosatñan Siria prowingsö sitiñi qetñi Antiokia anget. Mewö denña angetmö, ambazip sutñine Jisösgö Buña keu mi Juda ambazip yeñgörök jigetka mötket. Kian kantri yeñgöra mi qahö jiget. ²⁰Qahö jigetmö, Sairpus aka Sairini azi tosatñan yeñgö sutñine malget. Yeñön kian gölmenöñ qariba Antiokia sitiñöñ kanñota gölme tonji yembuk Grik keunöñ eraum möta Kembu Jisösgö Ölöwak Buña mi mewö Juda qahö yeñgöra mewöyök jim asarim engiget. ²¹Mi jim asarim engigetka Kembunöñ yembuk mali ösumñan ambazip uruñini kunñum engii gwötpuk yeñön Kembu Jisös möt nariba uruñini

melenḁa yaṅgöreṅ qekõtahögetka kambuṅini qariiga ketanḁi ahök.

²²Mewö aiga miangö buzupṅan anda Jerusalem könagesö yeṅgö kezapṅine gei mötket. Mi möta Barnabas melaigetka Antiokia sitinöṅ anök. ²³Anda aṅgota Anutunöṅ kalem möriamṅi ambazip eṅgii ölwakeri, mi jeṅan eka möri öṅgöi söṅgaiba qambaṅi kewö jiyök, “Iṅini mönö körek pakpak uruṅini qezaköba köhöiba Kembubuk qekõtahöba kinme.” ²⁴Barnabasnöṅ azi ölopṅi aiga Uṅa Töröṅan uruṅi kokolak qeiga uruyahöt andö qeba uruṅi jömuk miangön Jisös möt narim waṅgiba malök. Miangöra ambazip gwötpukṅan uruṅini melenḁa Kembugö kambunöṅ toroqegetka qariyök.

²⁵Barnabasnöṅ Antiokia mosöta Sol jarumamgöra Tarsus taonöṅ anök.

²⁶Anda miwikṅaiba waṅgiri Antiokia sitinöṅ kayohot. Kaba miangöreṅ mohotṅamṅire (yara) yambu mohot jömukṅanök mala zioz nup memba uruṅini melenḁeri, mi kambuṅi kambuṅi köla kusum eṅgiyohotka ambazip gwötpukṅan mötmöt memba urukönömṅine alget. Antiokia ambazipnöṅ mutukṅi könahiba gwarek qetṅini Kraistkö alaurup (kristen, Kraistkö buṅa) qeta malget. Mewö.

Kian kantrigö urumelenḁ yeṅön Juda naṅgöm eṅgiget.

²⁷Nalö miangöreṅ kezapqetok ambazip tosatṅan Jerusalem mosöta Antiokia sitinöṅ eta kaṅgotket. ²⁸^mYeṅgöreṅök kun qetṅi Agabus mi wahöta Uṅa Töröṅan sölölohöi buzup

keu kewö jii mötket, “Bödi ketanḁan asuhuba gölmeṅi gölmeṅi dop köla ahöma.” Mewö jiiga miangö dop sisa kiṅ qetṅi Klodius yaṅgö galömkölköl nalöṅe asuhuyök. ²⁹Mi asuhuiga gwarek yeṅön mindiriba urumelenḁ alaurupṅini Judia prowinsnöṅ malgeri, mi naṅgöm eṅgiba mindimindiri naluk ketanḁi alget anmapkö keu jöhöget. ³⁰Keu mi jöhöget aka miangö dop öḷḅa aket. Yeṅön moneṅ aka yuai tokoba Barnabas Sol yetkö böröṅire ala melaim etkigetka Jerusalem anda urumelenḁ könagesö yeṅgö jitṅememaurupṅini eṅgeka eṅgiyohot. Mewö.

Herodnöṅ Jeims qeba Pitö kösö mire alök.

12 Nalö miangöreṅ kiṅ Herodnöṅ^f urumelenḁ könagesö sesewerowero mem eṅgibingö möta jiiga urumelenḁ ambazip tosatṅi eṅgimemba jöhöm eṅgiget. ²Kiṅnöṅ jiiga Jongö datṅi Jeims mi bingö sou ketanḁan qegetka kömuyök.

³Mewö jii kömuiga Juda ambazip tosatṅan mi mötket ölöwahiga ehök. Mi eka miangöra toroqeba jiiga Pitö mewöyök memba jöhöget. Yuai mi beret yistṅi qahöpkö kendon nalöṅe jiiga asuhuyök. ⁴ⁿMiangöra kiṅnöṅ kewö jiyök, “Nöṅön ak-kömukömu kendon^{§§} teköiga Juda yeṅgö keu jakeṅe alman.” Mewö jiba jii kösö mire alget. Algetka yarö azi 16 yeṅön sutṅine kambu 4 köla nalö utekutek aketka azi 4:ṅan sundan suṅgem asak kinda galöm mem waṅgiba malget. ⁵Pitö mewö galöm mem waṅgiba malgetka kösö mire

^f**12:1** Kiṅ Herod Agripa I (mutukṅi) yaṅön (yara) yambu 37-44 miangöreṅ Palestain pakpak galöm köl eṅgiba malök.

^{§§}**12:4** Pasowa nanine keunöṅ qetṅi alaṅi mi walöṅsörak aka goukölköl. Israel ambazip yeṅön Ijpt mala naṅguṅini sepnöṅ mirigetka Anutugö garatanöṅ neṅgehoriḁa neṅgoṅgita morö mutukṅini qahö eṅgui kömuget.

ahöyökmö, urumelen könagesö yeñon sundan dop yangöra aka Anutu kapañ köla köuluköba malget. Mewö.

Suep garatanöñ Pitö pösata wangita erök.

⁶ Köuluköba malgetka ak-kömukömu (Pasowa) kendon teköiga sunjem miangörenj yarö azi yahötñan Pitö tapep (muñgamuñga) yahötñon jöhöm köhöiyohotka sutñire gaun ahöyök aka wahibuk tosatñan nanju andöñe kinda kösö miri galöm meget. Kiñ Herodnön miri gianjiiga Pitö wangita keu jakeñe almangö mötmöriba areñ ali gaun ahöget. ⁷ Gaun ahögetmö, Kembangö garata kunñan wölañ asuhuba Pitö qöhöröñe kini kösö mirigö uruñi asarim teköi Pitögö nambulje qeba jiyök, “Mönö zilañ wahötñonj.” Mewö jii tapep (muñgamuñga) yahötñan miangörenjök Pitögö böröñeyök öne sulohot. ⁸ Sulohotka garatanöñ jii mörök, “Mönö opogi jöhöba köna esugi utnönj.” Mi möta mewö ahök. Mi aiga toroqeba jii mörök, “Mönö malukugi kölnönj geiga ni nuatangöba kaman.”

⁹ Mewö jii möta miri uruñi mosöta wuatangöyök. I wuatangöba anökmö, garatanöñ yuai ahöhi, mi ölna asuhuyök me qahö, yanñon miangöra möri janjuñ ahök. Yanñon gaun ahöba imut ehöhi, miangö tandöktandök möri ahök. ¹⁰ Miri uruñi mosöta nanju mutukñe galöm memba kinohori, mi etkonjgita nanju kunönj angota etkonjgita öne kutuba anda kösö miri silenjanjö ain kiripöñe angorohot. Angorohotka nanju köhöikñi ketanji miangön mönön nanñök öne taliga yaigepñe siti köna numbuñe geyohot. Geba köna namñi strit kun toroqeba anohotka garatanöñ wölañ Pitö mosöta sök alök.

¹¹ Sök aliga Pitögö uruñi tohoiga kewö jiyök, “O Kembunönj mönön garatanji melaii kaba Herodgö böröñeyök meköm niñgiza, mi mötzal. Juda ambazipñonj nönjö silene yuai asuhumapköra mam-bötzei, yanñon mönön yuai pakpak miangörenjök bohoni jöhöza. Nönñon dölkü mi ölna möt kutuzal.”

¹² Mewö möt kutui asariiga Jongö namñi Mariagö mirinönj göröken anök. Jon miangjö qetñi kun Mak qetket. Miri miangörenj ambazip gwötpukñan tokoba Anutu köuluköba malget. ¹³ Mewö malgetka Pitönönj kaba söndakñonj kinda nanjunönj qeyök. Nanjunönj qeiga welenqege ambi qetñi Roda yanñon kaba “Gi dañon?” jiba qesiyök. ¹⁴ Qesiba kinda Pitögö jölñi möt kutuba “I-ia kazan!” jiba sönggaiba luhuba nanju qahö öröba ösumñan miri uruñe öngöba jiyök, “Pitönönj kaba nanjunönj kinja.” ¹⁵ Jii möta yangöra “Uruñi sohoi jizan,” jiget. Jigetmö, yanñon bohon köla “Keu ölna jizal!” jiyök. Mewö jiiga jiget, “Mi mönön Pitögö garatanjan kinja.”

¹⁶ Mewö eraum mötketmö, Pitönönj nanju qebayök kiniga öröba eka aurugot. ¹⁷ Aurugotka böröñan söpsöp ala ölnönj almegö jiyök. Jiba Kembunönj kösö mireyök wangiri yaigepñe eröhi, kösohot mi jiyök, “Injini buzup ki mönön bisop Jeims aka urumelenj alaurup tosatñi yanñonj jigetka mötme.” Mewö jiba enjomosöta miri kungen anök. Mewö.

Pitönönj kösö miri mosöriiga Herodgö irimñi seholyök.

¹⁸ Miri gianjiiga yarö azi yeñon Pitö jaruba “Denike sömuniba sök ala anja?” jiba miangöra kahasililij aka waimanjat ketanji mötket.* ¹⁹ Herodnönj mewöyök Pitö miwikñaimegö jii jarum bibihiba qahö miwikñaijetka azi wahibuk Pitögö

* **12:18** Köso azinönj ölnönj kölbawak, azi wahibuk mi mönön enjugetka kömuzema. Rom gawman nupkö areñi mewö. Miangöra kahasililij aka waimanjat ketanji mötket.

galöm megeri, mi keu jakeŋe ala gwöt-puk qesim engiba jim teköba enguaŋgita enguget kömumegö jim kutum engiyök. Miangö andöŋe Judia prowins mosöta Sisaria taonöŋ geba miangöreŋ malök. Mewö.

Anutunöŋ kiŋ Herod kitipŋi waŋgii kömuyök.

²⁰Fonisia prowinsgö taon qetjiri Taiö aka Saidon yeŋön nenegö nupŋini memingö osiba kiŋ Herodkö kantri yeŋgöreŋök nene yuainjini bohonji memba malget. Mewö malgetka Herodkö irimji seholiiga Taiö Saidon kerök ak engiba nene engimegö soŋgo alök. Miangöra yeŋön mindiriba jittjememeurupŋini melaim engigetka kambu köla kiŋ Herod ekingöra anget. Angetka jembonji qetji Blastus jakömbuak miriŋgö galömŋan i mutuk engehök. Engehiga jiget, “Nini keu jim solaniinga luai ahumapkö qesibingöra kazin.” Mewö jiba jim mölöwörim ak waŋgigetka jiyök, “Ölöp keuŋini kötöngöba andöŋine kinmam.”

²¹Mewö jiiga kiŋnöŋ keu meleŋ engimangö nalö mem enjiiga miangöreŋ tokogetka nanji sileŋi meŋölöba kiŋ azi kembugö malukuŋi köla eta jakömbuak dum tatatŋe tata yeŋgöra sösoŋgai keu jiyök. ²²Jiiga ambazip kambu yeŋön möta kewö jiba qetket, “Keu mi Anutugöreŋ keuya. Mi gölme azigö keuya qahö.” ²³Mewö qetketmö, kiŋnöŋ mewö aka Anutugö qetbuŋaŋi qaŋ köla qahö möpöseiba nanji möri öngöyök. Miangöra Kembugöreŋ Sup garata kunŋan miangöreŋök qei döhönöŋ yöhösii kömuyök. ²⁴Mewö asuhuyökmö, Anu-

tugöreŋ Buŋa keu mi jiba malgetka töhötmöriamŋambuk aka sehiyök.

²⁵Antiokia siti yeŋön Barnabas aka Sol naŋgönaŋgö misin nup kun[†] etkigeri, yetkön mi Jerusalem mala meköyohot teköyök. Mi teköiga Jon qetji kun Mak qetkeri, i waŋgita mohotŋe Jerusalem mosöta Antiokia sitinöŋ lilingöba kaget. Mewö.

Barnabas Sol yetkön misin nupkö könahiba anohot.

13 Antiokia sitinöŋ tosatŋan uruŋini melerŋda urumeler könaŋesö aketka jittjemememeri kewöŋan kezapqetok keu jiba kusum engiba malget: Qetjini Barnabas aka Simeon qetji kun Injaŋi (Grik keunöŋ Naijö) aka Lusius (Sairini gölmegöra), Manain (mi kembu gawönö Herod[‡] yambuk öröröŋ mala qariyohot) aka Sol. ²Urumeler könaŋesö yeŋön Kembugö waikŋi memba möpöseiba nene ŋiŋi malgetka miangöreŋ Uŋa Töröŋan kewö jiyök, “Nöŋön Barnabas aka Sol nup qainji kun memahotköra etkoholal. Miangöra eŋön mönö i jim teköba melaim etkigetka anmahot.”

³Mewö jiiga köulukömegöra nene ŋiŋi mala böroŋjini nöroŋjire algetka Kembugö ösumŋan etkualöŋniga melaim etkigetka anohot. Mewö.

Saiprus gölme jölanŋe anda nup meget.

⁴Uŋa Töröŋan mewö melaim etkiiga miri qetji Selusia miangöreŋ geyohot. Miangöreŋ geba waŋgenöŋ öngöyohotka opo seri öröba möröreŋgögetka luhutnöŋ naŋgöi anda gölme jölanŋi Saiprus miangö wehöŋ kotkotŋe aŋ-

[†]12:25 Antiokia yeŋgöreŋ naŋgönaŋgö moner mi memba anda Jerusalem urumeler könaŋesögö jittjemememurup yeŋgö böroŋjine alohot. Miangöra qetji naŋgönaŋgö misin nup kun jizin. Apo 11.30

[‡]13:1 Herod Antipas yaŋön (yara) yambu 4 B.K.-39 A.D. miangöreŋ Galili aka Perea prowins yahöt mi galöm köl engiba malök.

gotket. ⁵ Aᅅgotketka siti qetᅅi Salamis miangöreᅅ anda Juda ambazip yeᅅgö köuluk miriᅅi miriᅅi miangöreᅅ öᅅgöba Anutugö Buᅅa keu jiba uru kuᅅgum eᅅgiyohot. Azi qetᅅi Jon i mewöyök waᅅgirohotka yetpuk anda kaba alabaukᅅira malök. ⁶ Mewö mala gölme jölanᅅi jömukᅅi liliköba kutuba likeᅅᅅe wehön geᅅeᅅe Pafos sitinöᅅ aᅅgotket. Miangöreᅅ aᅅgota Juda azi qetᅅi Barjisös miwikᅅaiget. Yaᅅön suᅅa jinaᅅ azia aka kezapqetok azi takapulakanᅅi malök.

⁷ Suᅅa azi mi gölme jölanᅅi miangö kiapᅅi qetᅅi Sergius Pol yaᅅgö mire tata malök. Kiap miangön mötkutukutu azia malök. Mewö mala Anutugöreᅅ Buᅅa keu mötmamgö sihimᅅi ahöiga Barnabas Sol köᅅ örom etkii yaᅅgöreᅅ kayohot. ⁸ Kayohotmö, Elimas, (suᅅa memegöra qetᅅi Grik keunöᅅ mewö jimalgeri,) yaᅅön kiapnöᅅ Anutu möt narim waᅅgibapuköra tuarenᅅoᅅ ak etkiba kiap uruᅅi keunöᅅ eᅅjololoᅅ memamgö esapköyök. ⁹ Esapköiga Sol, qetᅅi alaᅅi Pol qetkeri, Uᅅa Töröᅅan yaᅅgö uruᅅi kokolak qei Elimas törörök ek kutuyök.

¹⁰ Ek kutuba kewö jiyök, “Yei! Timbiqim bilim azi gi mönö Böᅅöᅅi Toᅅaᅅgö moröya akzan! Satanöᅅ urugi isimkakaleknöᅅ kokolak qeiᅅa silenöᅅ alal könaᅅi könaᅅi aka malakzan. Keu diᅅdiᅅi pakpakö kerökᅅi aka Kembugöreᅅ köna diᅅdiᅅi möwöramgönöᅅga goᅅgimakzawi, mi mönö mosötman me? ¹¹ Miangöra mötnöᅅ! Kembunöᅅ mönö böronᅅi qake aliga ösumᅅan turum gihiiga jegi gömölii wehön asakᅅi ekᅅamgö osiman. Yaᅅön nalö meyöhaᅅgö dop mönö jaᅅjuᅅ aka malman.” Jii miangöreᅅöᅅ söᅅaupnöᅅ qakᅅe eta turui ömuᅅ köla jipᅅap aka ilingösöᅅ anda kaba böronᅅe memegö qesiba böronᅅan mezaᅅqezan

ahök. ¹² Yuai mi asuhuiga kiapnöᅅ mi eka Kembugö Buᅅa keu mötmöᅅᅅaᅅgöra welipköba möt narim waᅅgiyök. Mewö.

Pisidiagö Antiokia taonöᅅ misin nup meget.

¹³ Polnöᅅ neᅅakuruᅅᅅi yembuk Pafos miri mosöta waᅅgenöᅅ öᅅgögetka opo seri öroba möröreᅅgögetka luhutnöᅅ naᅅgöiga anda mala Pamfilia prowinsgö siti qetᅅi Perga miangöreᅅ aᅅgotket. Miangöreᅅ aᅅgota kinda Jonöᅅ etkömosöta eleᅅda Jerusalem sitinöᅅ lilingöyök. ¹⁴ Lilingöyökmö, yetköᅅ Perga siti mosöta toroqeba anda Pisidia prowinsgö taon qetᅅi Antiokia miangöreᅅ aᅅgorohot. Miangöreᅅ aᅅgota Sabat kendonöᅅ köuluk miriᅅine öᅅgöba tarohot. ¹⁵ Tarohotka köuluk mirigö galöm yeᅅön Mosesgö Köna keu aka kezapqetok yeᅅgöreᅅ Buzup Kimbi oyoᅅda welen algetka eta kewö qesim etkiget, “Azi alayahöt, etköreᅅ keu kun könagesö urunini kuᅅgubingöra ahöza ewö, mi mönö öᅅp jiyohot möᅅᅅin.”

¹⁶ Mewö jigetka Polnöᅅ wahöta böro misiba kewö jiyök, “Israel kianurup aka gölme toᅅi nembuk Anutu waikᅅi memba möpöseimakzei, iᅅini mönö kezap ala mötket. ¹⁷ Israel ambazip kambu nanine bemnini mi Anutu. Yaᅅön bömöᅅnurupnini möwölöhöm eᅅgiiga ambösakonurupninan Ijipt gölmenöᅅ anda kian aka malget. Anutunöᅅ nalö miangöreᅅ Israel ambazip kambu mi töhötmöriam eᅅgiiga sehiba qetbuᅅaᅅinambuk aket. Mewö aketka Anutunöᅅ aᅅgöletot aka kukösümüᅅi kondela miangön eᅅguangiri Ijipt kantri mosöta yaigep kaget.

¹⁸ ^p“Kaba mala gölme qararaᅅkölkölᅅe kutuba kaba ahakmeme böᅅöᅅi aka malgetka Anutugö irimᅅan seholiiga (yara) yambu 40:gö

dop urubölö möta malök. ¹⁹qMöta malökmö, töndup kaba mala Kenan gölmenöj kaŋgotket. Kaŋgotketka miangörej ambazip kambu 7 közöla köndenŋ engiba gölmeŋini memba mendenŋa isikurupnini toŋe toŋe akŋegö buŋa qem engiyök. ²⁰r“Mewö asuhuiga (yara) yambu 450 miangö dop anök. Miangö andöŋe Anutunöj jimtekötekögö azi kembuŋi kembuŋi kuŋgum engiyök. Mi kuŋgum engii mala kotketka Samuelnöj asuhuyök. Yaŋön jimtekötekögö azi kembu qöndökŋi aka kezapqetok azia malök.

²¹s“Samuelnöj asuhiba mali nalö miangörej kiŋ kembugöra uletketka Anutunöj azi qetŋi Sol engiyök. Sol yaŋön Benjamin isikurup yengörejök azi qetŋi Kis yaŋgö nahönŋa ahök aka (yara) yambu 40:gö dop kiŋ kembuŋina malök. ²²tMi malökmö, Anutunöj Sol uteköba salupŋe azi qetŋi Deiwid kiŋ azi kembuŋini akŋapköra möwölöhöba kuŋguyök. Kuŋguba könaŋamŋi jim asariba kewö jiyök, ‘Nöŋön Jesigö nahönŋi Deiwid miwikŋaizal. Yaŋgö uruŋi kewöta mötŋi ölöp dop köl niŋgiza. Yaŋön mönö ahakmemenŋi pakpak miangörej nöŋgö jitni tem köla malma.’ ²³Anutunöj mönöwök Amötqeqe Toŋi melaim neŋgimapkö jiyöhi, jöhöjöhö keu miangö ölnan mönö kewö asuhuyök: Deiwidkö gwölö-narökurupŋi yengörejök azi qetŋi Jisös asuhuiga Anutunöj i Israel kambu neŋgö Amötqeqe Tonini aka malmapköra kuŋguyök.

²⁴u“Jisösnöj qahö asuhuiga qeljiŋe miangörej Jonöj mutuk kaba kewö jiba malök, ‘Iŋini mönö uruŋini melenget.

Uruŋini melengetka nöŋön o melun mem engimam.’ Mewö jiba Israel ambazip kambu pakpak uru kuŋgum engiba malök. ²⁵vMewö malökmö, yaŋön mirililik nupŋi mem tekömamgö aka miangörej kewö jii mötket, ‘Iŋini nöŋgöra denöwö mötmörize? Yuai mötmörize, nöŋön mia qahöpö, mötket, nöŋgö andöne azi kun kama. Yaŋön kaiga nöŋön yaŋgö qöhöröŋe eretŋi maljalaŋgöra wayangösöŋi tenŋöba köna esu kösöŋi pösatmamgö qötötangömam.’

²⁶w“O alaurupni, Abrahamgö gwölönarökurupŋi aka gölme toŋi eŋön nembuk Anutu waikŋi memba möpöseimakzei, Anutunöj amöt qem neŋgimapkö Buŋaŋi mi ali neŋgörej kaza. ²⁷Miangö könaŋi kewö: Jerusalem toŋi aka galömurupnini yeŋön Jisösgö könaŋi qahö möt kutuget. Kezapqetok yengörej Buzup Kimbi Sabat kendon dop oyoŋmakzemö, miangö könaŋi qahö möt asarimakze. Mewö tönpin maljemö, töndup galömkölköl aziurupninan Jisös kömumapkö keuŋi jim tekögetka kezapqetok ambazip yengörej keu mi mewö miangön ölnambuk ahök. ²⁸wYeŋön Jisös kömupkö buŋa akŋawaŋgö dop keu könaŋi jaruba kun qahö miwikŋaiba töndup “Yapmakek!” qetket. Qeta Pailötnöj jim teköi kömumapkö qeta uletket.

²⁹x“Yaŋgöra keu pakpak ohoget ahözawi, yeŋön mönö miangö dop aketka ölni ahum teköiga Jisös ipnöhök meköba eta qaksirinöj anda köt köten uruŋe alget. ³⁰Algetmö, Anutunöj i kömupnöhök mem gulii wahörök.

^q13:19 Dut 7.1; Jos 14.1 ^r13:20 Kemb 2.16; 1 Sml 3.20

^s13:21 1 Sml 8.5; 10.21 ^t13:22 1 Sml 13.14; 16.12; Sum 89.20

^u13:24 Mak 1.4; Luk 3.3 ^v13:25 Mat 3.11; Mak 1.7; Luk 3.16; Jon 1.20, 27

^w13:28 Mat 27.22-23; Mak 15.13-14; Luk 23.21-23; Jon 19.15

^x13:29 Mat 27.57-61; Mak 15.42-47; Luk 23.50-56; Jon 19.38-42

³¹Wahöri yambuk Galili prowinsnöhök Jerusalem sitinöj kageri, yeŋgöra mönö silim gwötpuk miangörej asuhum eŋgiyök. Alaurupji asuhum eŋgiyöhi, yeŋön nalö kewöŋe ambazip sutjine dangunu ewö kinda könaŋi naŋgöba jim asariba malje. ³²Anutunöj Juda ambösakonurupnini yembuk yuai akŋamgö keu jim jöhöiga nini yeŋgö gwölönarökurupnini ahinga keu walji miangö ölnan mönö nalö kewöŋe neŋgöra kewö asuhuyök: Yaŋön Jisös mem gulii wahöta malja. Miangöra neŋön miangö Buŋa ölöpnji mi jim asarim eŋgizin.

³³^z“Anutunöj Jisösgöra keu jii Deiwidnöj möri Sumbara (Buŋa liŋet Sam) jaŋgö yahöt miangörej kewö ohoi ahöza,

‘Göŋön nani nahöna akzani, nöŋön mi merak ambazip eŋgöra kondelbiga eka mötze.’

Yaŋön keu miangö dop Jisös mem gulii wahörök.

³⁴^aJisös mem gulii kömupnöhök wahöta köhöiba mala könaŋep kunbuk qahö kömuma. Miangö keuŋi Anutunöj kewö jii ahöza,

‘Ni kalem möriamni kiŋ Deiwid waŋgiba malbiga sarakŋi aka pöwöwöm köhöiba kinöhi, miangö dop mi mönö eŋgöra tököm eŋgimam.’

³⁵^bDeiwidnöj miangö keuŋi mi Sumbara (Buŋa liŋet Sam) kun miangörej mewöyök kewö ali ahöza,

‘Nangahö wölböt azigi sarakŋi i mönö qahö mosötnöŋga kömupkö lömnöŋ qahö gisahöma.’

³⁶Nini kiŋ Deiwidkö könaŋi mötzin: Yaŋön malmalŋi mala Anutugö jitŋi wuatangöba nup waŋgiyöhi, mi mem teköba nöŋ qeba kömuyök. Kömui

ambösakonurupŋi yeŋgö kösutjine löm kölgetka qamötŋan ahöba gisahöba qahöwahök. ³⁷Deiwidnöj gisahöba qahöwahökmö, Anutunöj azi mem gulii wahöröhi, yaŋön mönö qahö gisahöyök.

³⁸“Azi alaurupni, miangöra keu ki mönö mötket: Anutunöj Jisösgöra aka siŋgisöndokŋini mosöta saŋgoŋma. Neŋön miangö Buŋaŋi jim asarim eŋgizin. ³⁹Mutuk ‘Mosesgörej Köna keu wuatangöba mewö miangön solanŋi akin,’ jiiŋmö, mi inöŋ wainöŋ qaköba osiba malin. Mewö malinmö, nalö kewöŋe denike yeŋön Jisös möt nariba yambuk qekötahömei, Anutunöj mönö körek yeŋgö keuŋini jim teköiga solanime. ⁴⁰Kezapqetok ambazipnöŋ keu jiba ohoget ahözawi, Anutunöj miangö dop likepŋi meleŋni qakŋine öŋgöbapüköra mönö galömjini mem aŋgume. Keu mewöŋi kun kewö,

⁴¹^c“Nöŋön eŋgö malmal nalöŋe aŋgöletot qainŋi kun memam.

Kunŋan miangö keu buzupŋi jii mötpeak, mi ölnji akŋapkö qahö möt naribeak.

Miangöra keu mi memba et ala jijiwilit ahakzei, iŋini mönö öne uba eka welipköba ayuhume.”

⁴²Polnöŋ mewö jiiga Barnabasbuk köuluk miri mosöta erohotka tosatŋan kewö qesim etkiget, “Nini keu ki kunbuk mötpingö mötzin. Miangöra mi Sabat kendon euneŋön ölöp toroqeba jiyohot mötpinak.” ⁴³Köuluk mireyök eta deŋgetka ambazip gwötpukŋan Pol aka Barnabas könaŋire etkuatangöget. Tosatŋan Juda ahuba malget aka tosatŋan kian kantrinöŋ ahuba könaŋep Juda ambazip aka malget. Yeŋön etkuatangögetka eraum möta qambaŋ keu kewö eŋgiyohot,

^y13:31 Apo 1.3 ^z13:33 Sum 2.7 ^a13:34 Ais 55.3 ^b13:35 Sum 16.10

^c13:41 Hab 1.5

“Anutunõj kalem möriam engiyõhi, miangõreñ mönö bõj qeba kinme.”

⁴⁴Sabat kendon kun kam kuñguyõhi, miangõreñ taon gölme miangõ ambazipñi mi kölolohoba “Anutugõ Buña keu mötpin!” jiba kañgota tokoget.

⁴⁵Kañgota tokogetka Juda yeñõn ambazip kambuñi kambuñi engeka irimñini seholim tekõyõk. Seholim tekõiga Polgõ keuñi qemegõ jtnakõlik aka goranora (noragora) jiba mepaqepaik ak etkiget.

⁴⁶Mewõ ak etkigetka Pol Barnabas yetkõn awõsamkakak kinda köhöiba keu kewõ jiyohot, “Anutunõj nup netkiiga Buñañi mutuk Juda ambazip engõra jinga dop kölbawakmõ, iñini mi andõ qeba lañ kewõ jize, ‘Nini malmal köhöikñe aᅇgotpingõ dop qahõ.’ Mi-aᅇgõra mötket, netkõn mönõ engõmosõta kian kantriñi kantriñi yengõreñ elenᅇda anbit. ⁴⁷^dKembunõj miangõ keuñi kewõ jiba jim kutum neᅇgyõk,

‘Nõñõn kuñgum gihibiga kian kantri yengõ asakñina aka amõtqeqegõ könañi jim asariba malnõnga gölme gõrañi gõrañi dop köl tekõi likep-likep eu emu yeñõn letota Suepkõ buñaya akñe.’”

⁴⁸Mewõ jiyohotka gölme toñi Juda qahõ malgeri, yeñõn möta uruñini ölöwahi Kembugõreñ Buñañi möpõseiget. Möpõseiba malmal köhöikñangõ buña akñegõra Anutunõj möt kewõt engiyõhi, yeñõn miangõ dop uruñini melenᅇda Jisõsgõ Buñañi möt nariget.

⁴⁹Mõt narigetka Kembugõ Buña keu jim sehigetka prowins pakpak mi dop köla anõk. ⁵⁰Ölöp anõkmõ, Juda yeñõn taongõ azi ipñi aka ambi öᅇgõᅇgõñi Anutu göda qeba malgeri, miengõ uruñini esiba kuñguba Pol Barnabas mohotñe sesewerowero ak etkiba miri gölmeñineyõk etkuatangõget. ⁵¹^eAnbitkõ aka nesampurekñini

kondela kewõ jiyohot, “Netkõn engõ gölmenõj kaziga sölbuham kõna tambõnire ahõzawi, mi mönõ tim tönjõratziga nanñine lilingõba gema.” Mewõ jiyohotka kõnañamniri solanñi möt kutugetka anda Galesia prowins uruñe siti qetñi Aikoniam miangõreñ aᅇgorohot. ⁵²Aᅇgorohotmõ, gwarekurup Antiokia taonõj malgeri, Uña Tõrõñan yengõ uruñini kokolak qei õnõñi qahõ sõᅇgaiba malget. Mewõ.

Aikoniam sitinõj uru kuñgum engiyohot.

14 Pol Barnabas yetkõn Aikoniam sitinõj aᅇgota mewõñanõk Juda yengõ köuluk mire öᅇgõba Buña keu jiyohot. Jiyohotka Juda aka kian kantri ambazip yengõreñõk kambu sehisehiñi yeñõn uruñini melenᅇda Jisõs möt nariget. ²Mõt narigetmõ, Juda ambazip qahõ möt narigeri, yeñõn gölme toñi Juda qahõ malgeri, miengõ uruñini esiba aposol urunõj gege ak etkimegõra uruñini kuñguget. ³Kuñgugetka tõndup nalõ körõpñi miangõreñ mala Kembu möt nariba awõsamkakak kinda Buñañi jiba malohot. Kembu kalem möriamñangõ keuñi jim asariyohotka keuñiri naᅇgõba õsumñi bõrõñire ali aiwesõk aᅇgõletot meyohotka asuñuget. ⁴Mewõ asuñugetka taongõ ambazipñan jula deñget. Tosatñan Juda jittjememe yembuk örõrõñ jõhögetka tosatñan aposol yetpuk toroqeba kinget.

⁵Mewõ arõñda kingetka gölme toñi aka Juda ambazip kianñi yeñõn wahõta jittjememeurupñini yembuk urumohot aka melaimelai azi aposol mi “Kõt-nõj gila etkubin!” jiba mötmõriget. ⁶Mewõ mötmõrigetka möta ölöñ köla tökõba Likaonia prowinsnõj anohot. Mi-aᅇgõreñ anda taon qetñiri Listra aka Derbe aka miri lilikõm etkiba tat an-

^d13:47 Ais 42.6; 49.6 ^e13:51 Mat 10.14; Mak 6.11; Luk 9.5; 10.11

geri, miangörej angorohot. ⁷Miangörej angota Ölöwak Buja jim asariba uru kuṅgum engiba malohot. Mewö.

**Listra taonöṅ Pol
Barnabasgöra bem qetket.**

⁸Listra taonöṅ azi kun köna yahötṅi kömukömuṅi malök. Mi nam körö uruṅeyök lokon asuhuba nalö kungen köna qahö tiba öne tatmalök. ⁹Polnöṅ Buja keu jii möta tari uba könaṅamṅi kewö eka mötmöriyök, “Yaṅgö uruṅe mötnaripṅi ahöm waṅgiyöhaṅgöra aka ölop ölöwakṅa,” mewö jiyök. ¹⁰Mewö mötmöriba qet ketanṅi qeta jii mörök, “Mönö wahöta kinöṅ.” Mewö jii poraṅ ala wahöta anda kaba kinök.

¹¹Polnöṅ mewö aiga ambazip kambu yeṅön mi eka Likaonia keuṅine kewö silata jiget, “Bem yetköṅ letota azi silebuk aka sutnine asuhuba neṅgörej eta maljahot.” ¹²Mewö jiba Barnabas qetṅi bem bohonṅini qetṅi Zus qetket aka Polnöṅ jitṅe memba keu jiyöhaṅgöra aka bem qetṅi Hermes qetket. ¹³Mewö qetketka bem Zus yaṅgö jöwöwöl jikeṅi taon wösöṅe ahöyöhi, miangö jike nup galömṅan bulmakau azinṅi enṅuaṅgita kayök. Mewö kaba ila kösatorom memba kaba taon kiripo naṅuṅe kinda ambazip kambu yembuk jakenöṅ ala jöwöwöl ohom etkibingö aket.

¹⁴Mewö aketka aposolyahöt yetköṅ mi möta “Qahö dop kölja,” jiba qetala silepökeṅiri munjurata ösumṅiran ambazip kambu uruṅe anda qerohot. ¹⁵Qeta kewö jiyohot, “Aziurup, inṅini mönö denöwögöra aka yuai mewöṅi akze? Niri mewöyök inṅini ewö gölme azi töhöna akzit. Niri Anutugö Ölöwak Buja jim asarim enṅizit. Miangöra inṅini mönö bem omanṅi andö enṅume aka uruṅini melenṅa Anutu malmal

Toṅaṅgörej qekötahöme. Anutu malmal Toṅan Suep, gölme, köwet aka miengö uruṅine yuai pakpak ahözawi, mi miwikṅaim enṅii malje. ¹⁶Gölmeṅi gölmeṅi pakpak yeṅön mönöwök mala kotkeri, Anutunöṅ i qahö anṅön köl enṅii nanṅini imbiṅinangö dop malmalṅini ilingösöṅ malget.

¹⁷“Qahö anṅön köl enṅiyökmö, töndup tönpin jipṅap qahö malget. Qahöpmö, Anutunöṅ yuai ölopṅi ölopṅi ak engiba malök. Yaṅön jiga kie yöhöi wehön qei töhötmöriamṅan nalöṅi nalöṅi asuhui nem söṅgaip aka mewö miangön uruṅini kuṅgum enṅii malget. Mewö malgetka nanṅi könaṅi mötmegöra kalemṅi mi kondel enṅiba mewö miangön dangunuṅi ali malget.” ¹⁸Yetköṅ mewö jiba ambazip kambu jöwöwöl ohom etkibepuköra jaraṅbaraṅ tiba jim susuhum enṅiyohotka löwöriba mosötket. Mewö.

¹⁹Listra yeṅön Pol Barnabas etkömosötketmö, Juda ambazip tosatṅan Antiokia taon aka Aikoniam siti mietköreṅök kaṅgota ambazip kambu urunöṅ gege ak enṅiget. Ak enṅiba yembuk öröröṅ luhuba Pol kötnöṅ qeba “Mönö kömuza!” jiget. Mewö jiba örörahöba taon andöṅe eta mosötket ahöyök. ²⁰Ahöyökmö, gwarek yeṅön kaṅgota liliköm waṅgigetka wahöta anda taonöṅ öṅgöyök. Miangörej öṅgöiga ahöyohot miri gianṅiga Barnabasbuk Derbe sitinöṅ anohot.

**Siriagö Antiokia
sitinöṅ lilingöba kayohot.**

²¹Derbe sitinöṅ Ölöwak Buja jim asariba uruṅini kuṅgum enṅiyohotka gwötṅukṅan uruṅini melenṅa Jisösgö gwarekurupṅi aket. Mewö aketka Derbe taon mosöta Listra Aikoniam

aka Antiokia taon miengörej lilingöba anda engehohot. ²²Engeka tata miri dop liliköba Jisösgö gwarekurup yengö uruñini nanğöba mem köhöiyohot. Kembu möt narigeri, yambuk qekötahöba kinmegö qambañ keuñi engiba kewö jiyohot, “Nini mönö iririkwarörök qakçe (lömböt könañi könañi miwikñaiba) mala pañpañgöba Anutugö bemtohoññöñ eu angotpin.” ²³Urumeleñ könagesö dop jittjememeurupñini möwölöhöba galöm malmegö könañi kusum engiba kuñgum engiyohot. Kuñgum engiba Anutugöra nene siñgi mala gwarek kambu yengöra köuluköba Kembu möt narigeri, yanğö böröñe al engiyohot.

²⁴Al engiba engömosöta Pisidia prowins kutuba anda Pamfilia prowinsnöñ angorohot. ²⁵Miangörej angota Perga sitinöñ tata Buña keu jiba uruñini kuñgum engiba Atalia taonöñ geyohot. ²⁶Miangörej geba wañgenöñ öngöyohotka opo seri öröba mörörengögetka luhutnöñ nanğöi anda mala Antiokia sitinöñ angorohot. Antiokia urumeleñ könagesö yeñön i Anutugö kalem möriam uruñe misin nup memahotköra mutuk Anutugö böröñe al etkigetka engömosöta anohot. Anda liliköba nupñiri mi mem teköba kunbuk nanñire sitinöñ lilingöba kayohot.

²⁷Miangörej kaba urumeleñ könagesö köl öröm engiyohot. Köl öröm engiyohot tokogetka keu kösohotñiri kewö jiyohot, “Anutunöñ netpuk mala angöletot ketañi ketañi aka memba malök. Yanñon nam köl netkii nup meziga kian kantriñi kantriñi yeñön Jisös möt narimegöra nanğu öröm engii uruñini meleşet.” ²⁸Kösohotñiri mewö jiba gwarek kambu yembuk

nalö köröpñi qem köriba tata malohot. Mewö.

Kian kantri yengöra aka zioznöñ julmangö ahök.

15⁸Antiokia malohotmö, Judia prowinsnöñök ambazip tosatjan eta kaba könahiba urumeleñ ambazip kewö kusum engiget, “Inini Mosesgören Köna keugö dop Anutugö aiwesökñi sileñine qahö yandime ewö, mewö mönö Suepkö buñaya akingö osime.” ²Mewö kusum engigeranğöra aka anğururuk ahuiga Pol Barnabas yetkön tuarenjoñ ak engiba könöpñambuk jim engiyohot. Jim engiyohotka urumohot qahö aka keu kewö jöhöba jiget, “Nini mönö Pol Barnabas aka jittjememe tosatñi melaim enğiinga Jerusalem sitinöñ öngöba keu mi memba aposol aka Jerusalem urumeleñ könagesögö jittjememe yengörej anda jime.”

³Keu mewö jöhöba jigetka urumeleñ könagesö yeñön i melaim engigetka könanöñ anget. Anda mala Fonia aka Samaria prowins yahöt mi kutuba könanöñ könagesöñi könagesöñi engekot. Engeka kian kantri tosatñi yeñön uruñini melenğerañğö buzupñi jiba urumeleñ kambu yengöra sösoñgai ketañi al engiget. ⁴Al engiba anda mala Jerusalem sitinöñ angotket. Angotketka aposol aka jittjememe yeñön urumeleñ könagesö yembuk köl öröm engiget. Köl öröm engigetka kösohotñini kewö jiget, “Anutunöñ nam köl nengii misin nup meinga nembuk mala anğöletot ketañi ketañi aka memba malök.”

⁵Kösohot mi jigetmö, Farisi (Köna keugö kapañkölköl) kambunöhök urumeleñ azi tosatjan wahöta kewö jiget, “Kian kantri yeñön uruñini meleşeri, yengöra mönö kewö jim kutubin: Yeñön mönö Anutugö aiwesök sileñine yandiba Mosesgören

Köna keu pakpak wuatangöba malme.”
Mewö.

**Jerusalem totoko ala
anggururuk keu mindingöget.**

⁶Mewö jigetka aposol aka jitjememe
yejön keu mi jim kewötpingö tokoget.
^{7h}Tokoba goranora (noragora) keu
gwötpuk jiba jitnakölik aket. Mi aketka
Pitönöy wahöta kewö jii mötket, “Azi
alaurupni, Anutunöy mutuhök sutnine
nup menderda möwölöhöm niñgiba
nöngöra kewö jiyök, ‘Gi mönö kian
kantrinöy anda Ölöwak Buña keu
jim asarim enginönga yejön uruñini
melenđa Kembu möt narime.’ Inini keu
mi mötze. ⁸ⁱAnutunöy ambazip pakpak
urunini möt kutuzawañön könañamñi
kondela Uña Töröñi Juda ambazip
neñgöra melaiiga eröhi, miangö dop
mönö kian kantri ambazip yeñgöra
mewöñanök i melaii uruñine geyök.

⁹“Melaii geiga mewö miangöñ
Juda ambazip qahö engek soriba
kantri tosatñi qahö qepureim
engiyök. Qahöpmö, yejön Anutu möt
narigetka siñgisöndokñini mosöta
uruñini sanğonñiga sarakñi aket.

¹⁰Miangöra inini mönö wuanöngöra
Anutu esapesapnöy al wañgibeak?
Wuanöngöra gwarek dölökñi yeñgö
qakñine tem köñjöh toroqeba alinga
angubeak? Tem köñjöh mewöñi mi
nanine amböskoninan me naninak
mewöyök angubingö dop qahö akmalin.

¹¹Mewö qahöpmö, kewö möt narizin:
Kembu Jisösgö kalem möriamñan mönö
Anutu nam köl wañgiiga amöt qem
neñgiiga Suepkö buñaya akin. Kian
kantri yejön mewöyök köna mohot

miyök wuatangöba letota Suepkö
buñaya akingö möt narimakze.”

¹²Mewö jiiga kambu yejön lökñanök
keu jaruba bök tatket. Tatketka Pol
Barnabas yetkön keu kösohotñiri kewö
jiyohot, “Anutunöy nam köl netkii
kian kantrinöy anda sutñine misin nup
meziga aiwesök angöletot ketañi ketañi
asuhuget.” Mewö jiyohotka kezap ala
mötket. Mewö.

Bisop^f Jeimsnöy keu jii mötket.

¹³Pol Barnabas yetkön kösohotñiri jim
teköyohot mötketka Jeimsnöy keu kewö
jiyök, “Azi alaurupni, nöñön keu jibi
kezap ala mötket. ¹⁴Anutunöy nalö mu-
tukñi kian kantri ambazip mesohol köl
enggiba sutñineyök ambazip nanñangöra
möwölöhöm engiiga qetñi bisiba kö-
nagesöñi toroqeget. Anutunöy mewö
aka könañamñi kondel neñgiyöhi, Sai-
mon Pitönöy miangö keuñi jii mötzin.
¹⁵Keu mewöñi mi kezapqetok ambazip
yejön mewöyök nangöba jize. Yejön
keu kun kewö ohoget ahöza,

^{16j}“Miangö andöñe nöñön lilingöba kaba
kiñ Deiwidkö kantri tohoñi kunbuk
memba wahötmam.

Yañön mutuk jakömbuak koumñi qeba
amböskonini galöm köl engiiga
koumñan buratiba tiñgita erökmö,
nöñön mi kunbuk möhamgöba
kuñgubiga kantrinöy ölöwaka
kinma.

¹⁷Mi kewö asuhumapköra akñam: Am-
bazip kambu tosatñi pakpak yejön
Kembu jarume.

Kian kantri pakpak nani buñani
akñegöra enggoholali, yejön Kembu
ni görain niñgime.

^f15:12 Bisop, Grik keunöy episkopos, nanine keunöy jegalöm me inspekta. Yañön zioz nup pakpakö mindimindiri galömñi akza. Jeims kianñön Jisösgö gwarekñi qahöpmö, Jisösgö munñi.

^h15:7 Apo 10.1-43

ⁱ15:8 Apo 2.4; 10.44

^j15:16 Amos 9.11-12

Kembu nõnõn mewö jizal aka miangö dop kantriñini mem ölöwakñam.

¹⁸Mewö ahakzali, mi mõnõ möpñangö möpñeyök möta kota malje.’

¹⁹“Miangöra Jeims nõnõn keu mi kewöta mötmötñan kewö möta jizal: Kian kantri ambazip uruñini Anutugöreñ meñjei, neñõn mõnõ lömböt kõnjõñ ketañi yeñgö qakñine alinga qahö dop köлма. ²⁰^kMewö qahöpmö, yeñgöra kimbi kewö ohoinga dop köлма: Yeñõn sömbup busuñi bem lopioñgö naluk buña qeba kõnañine algetka ösumñinan walõñnõhi, mi kude neme. Sero yoñgorö kude akñe. Sömbup jölñi qe-qeñangö busuñi aka sep mi kude neme. Yuai 4 mi mosötmegöra jim kõhöib-inak. ²¹Mosesgö Köna keu mi mõnõ möpñangö möpñeyök miri dop jim asariba kota maljin. Mi Sabat kendon dop köuluk mirinine oyoñda mörakzin. Miangöra keu 4 mi ölop qahö mosötpin.” Mewö.

Jerusalem totokonõñ kian kantri yeñgöra kimbi ohoget.

²²Jeimsnõñ mewö jiiga aposol aka jitñememe yeñõn kõnagesö pakpak yembuk keu mi mötket dop kölöc. Mötket dop köliga sutñineyök azi tosatñi möwölöhöm eñgiba Pol Barnabas yetpuk mohotñe Antiokia sitinõñ melaim eñgibingöra jiget. Mewö jiba azi qetñi Judas qetñi alañi Barsabas aka Sailas möwölöhöm etkiget. Azi yahöt mi urumeleñ kambugö jitñememe azia ahot. ²³Azi mi melaim etkibin jiba kimbi kun kewö ohoba börõñire alget, “Mötnaripkö kian alaurupñini, Antiokia siti aka Siria aka Silisia gölmenõñ maljei, neñõn eñgö jölõñini jizin. Aposol neñõn mötnarip kõnagesögö jitñememe yembuk eñgö urumeleñ alaurupñina akzin. Mewö embuk

keu eraum mötpingöra kimbi al eñgizin.

²⁴Nanine ambazip tosatñi qahö jim kutum eñginga nanñinök neñgömosöta eñgöreñ kaba uruñini kunguba keu murutñi kekelolo eñgigetka uru mötmötñini siksauk aiga mörin.

²⁵Miangöra nini köreñanök totoko ala urumohot ahin dop kölöc. Dop köliga azi yahöt meköba melaim etkiinga wölböt alayahöt Barnabas Pol yetpuk eñgöreñ kame.

²⁶Barnabas Pol yetkõn nanine Kembu Jisös Kraistkö qetñangöra aka malmalñiri köleñnohotka tosatñan etkuget kömumbitkö ahot.

²⁷Nini Judas Sailas melaim etkiinga kaba keu miyök toroqeba jitnõñ jiy-ohotka mötme.

²⁸Uña Törõñi aka neñõn keu kewögöra urumohot ahinga dop kölja: Eñgö qakñine lömböt kõnjõñ qahö toroqeba albin. Keu bohonñi 4 miyök wuatangöme. Mi ongkitketka julbinbuk.

²⁹Keu 4 mi kewö: Sömbup busuñi bem lopioñgö naluk buña qeba kõnañine algetka ösumñinan walõñnõhi, mi kude neme. Mewöyök sep me sömbup jölñi qe-qeñangö busuñi mi kude neme. Sero yoñgorö kude akñe. Yuai 4 mi mosöta andö qegetka urumohot ahinga Anutunõñ kötuetcöm eñgiiga ölöwaka malme. Mõnõ uru böñjõñ malme.” Mewö.

Keu memba angetka Antiokia siti yeñõn söñgaiget.

³⁰Kimbi mewö ohoba melaim eñgigetka anget. Köna anda geba Antiokia sitinõñ añgotket. Añgota urumeleñ kõnagesö köl öröm eñgigetka tokoget. Tokogetka kimbi mi eñgigetka

^k15:20 Eks 34.15-17; Lew 17.10-16; 18.6-23

oyonget. ³¹Mi oyongetka miangöra amqeba urukölalep möta söngaiget. ³²Judas Sailas yetkön nanjirak kezapqetok azia mala goro keu gwötpuk engiba urugö nanjönangö keu jiba mem köhöim engiyohot. ³³Mem köhöim engiba nalö tosatnji miangöreñ toroqeba malohot. Malohot teköiga urumelen alaurup yeñön “Luaibuk anmahot,” jiba melaim etkiget. Jerusalem malohotka melaim etkigeri, Judasnön mönö yengöreñ lilingöyök. ³⁴(-)§

³⁵Pol aka Barnabas yetkön toroqeba Antiokia sitinön mala ambazip tosatnji gwötpuk yembuk Kembangöreñ Buja keu kusum engiba uruñini kuñgum engiba malget. Mewö.

Pol aka Barnabas yetkön deñnohot.

³⁶Mewö malgetmö, nalö tosatnji teköiga Polnön Barnabasgöra kewö jiyök, “Netkön taon miri pakpak liliköba Kembangöreñ Buja keu jim asariba maliri, mönö miangöreñ lilingöba urumelen alaurupniran denöwö maljei, mi ölop anda eka mötpit.” ³⁷Mewö jiiga Barnabasnön Jon qetnji alañi Mak qetkeri, i mewöyök wañgita mohotje anbingö mörök.

³⁸Mewö mörökmö, Jonön mutuk Pamfilia taonön löwöriba etkömosöta yetpuk toroqeba nup qahö meyök. Miangöra Polnön i wañgita anbingö möri qahö dop kölok. ³⁹Qahö dop köliga angururuk aka uruñiri könöp jeiga deñnohot. Deñda Barnabasnön Mak wañgita geba wañgenön öngyohotka opo seri öröba mörörengögetka luhutnön nanjöi gölme jolanji Saiprus miangöreñ anohot. ⁴⁰Anohotmö, Polnön azi qetnji Sailas meköiga urumelen alau-

rup yeñön Kembangö böröñe al etkiba kalem möriamñan sel jöhöm etkimapköra jigetka mosöta anohot. ⁴¹Anda mala Siria aka Silisia prowins yahöt mi kutuba liliköyohot. Liliköba Polnön urumelen könagesöñi könagesöñi engeka mem köhöim engiba malök. Mewö.

Timotinön Pol aka Sailas yetpuk toroqeyök.

16 Polnön liliköba anda mala taon qetjiri Derbe aka Listra miangöreñ angörök. Listra anggota miangöreñ gwarek kun qetnji Timoti miwikñaiyök. Namñan Juda urumelen ambia ahökmö, iwiñan Grik azia. ²Polgö azi alaurupñan Listra aka Aikoniam malgeri, yeñön Timotigö könani jim ölöwaka jiget mörök. ³Mewö jiget möta wañgiri mohotje anmamgö mörök. Mi mörökmö, Timotigö iwiñan Grik azia malöhi, mi körekñan möt teköget aka miri gölme miangöreñ Juda ambazip gwötpuk malget. Miangöra yeñön Pol jim wañgibepuköra Timoti wañgita Anutugö aiwesökñi sileñe yandiyök. ⁴Yandiiga anda taon aka miri dop angotkeri, miangöreñ Jerusalem mindimindiri totokogö keunji jiget. Aposol aka Jerusalem urumelen könagesögö jitjememe yeñön keu jöhöm köhöigeri, mi wuatangömegöra jim kutum engiget. ⁵Mewö lilikögetka Jisösgö könagesöñi könagesöñi miri dop malgeri, yeñgö mötnaripñinan köhöiyök. Mewö köhöiba Buja keu jigetka tosatñan uruñini meñda wehön dop kam toroqetka kambuñinangö jañgöñan qariba öngöyök. Mewö.

§15:34 Tosatñan toroqeba jabö v 34 kewö alje: Lilingöyökmö, Sailasnön keunji jöhöba toroqeba miangöreñ malök.

¹15:38 Apo 13.13

Anutunöj Pol gaunöj kutum wasöriga Yurop anget.

⁶Liliköba mala “Eisia prowinsnöj anda Buja keu jim asaribin,” jigetmö, Uja Töröjan songo ala anğön köl enğiyök. Miangöra yejön toroqeba anda Frigia aka Galesia prowins yahöt mi öne kutuba etkoņgita anget. ⁷Anda mala Misia gölme göräje anğota Bitinia prowinsnöj anğotpingö mötketmö, Jisösgö Uja Töröjan miangöreñ anmegö urumohot qahö ahök. ⁸Urumohot qahö aiga mosöta anda Misia gölme öne kutuba köwet jitje geba Troas taonöj anğotket. ⁹Troas anğota sunğem gaun ahögetka Anutunöj Pol kutum wasöriga imut kun kewö ehök: Yurop azi kunñan Masedonia likepñe kinda ohola kewö jiba köuluköm waņgiyök, “Gi mönö köwet kutuba Masedonia gölmenöj kaba bauköm nenğiman.”

¹⁰Polnöj jemeleñ imut mi ehiga nini miangö könañi kewö möt kutuba jiin, “Anutunöj mönö nenğohola köwet kutuba Yurop uruñe anda Ölöwak Buja Masedonia prowinsnöj jim asarim enğibingöra jiza.” Mewö jiba miangöreñök mosöta anbingö mötmöriba amqein. Mewö.

Filipai ambi Lidianöj uruñi meleñök.

¹¹Nejön amqeba geba wañgenöj öngöinga opo seri öröba möröreñğögetka luhutnöj nañgöi Troas siti mosöta anda diñdiñanök Samotres gölme jölanñe anğorin. Anğota ahöba miri gianjiiga toroqeba anda Neapolis sitinöj anğorin. ¹²Miangöreñ anğota wañgenöhök eta köna anda Filipai sitinöj anğorin. Rom ambazip yejön

mönöwök kaba Filipai siti mi memba miangöreñ malmal tatatñini algetka Masedonia prowinsgö siti ketañi ahök.** Nini Filipai anğota wehön tosatñi miangöreñ malin.

¹³Miangöreñ mala Sabat kendonöj siti kiripo yaigepñe anin. Miangöreñ anda Juda yejön o sakñe tokoba Anutu köulukömakzei, mewö mötmöriba geba rowoñqege kunöj anin. Anda ambi tokoba tatkeri, i enğeka tata eraum möta Anutugöreñ Buja keu yeğöra jiinga mötket. ¹⁴Mötkeri, yeğö sutñine ambi kun qetñi Lidia malök. Yañön Taiataira sitinöhök Filipai kaba opo pisikñi gugakgagak aködamunñambuk tokoba bohonñi memegöra ala malök aka Anutu waikñi memba möpöseiba malök. Kembunöj uruñi mem amqeiğa Polnöj keu jiyöhi, miangöra sihimñan ahui kezap ala möta anğön kölök. ¹⁵Anğön köli nanñi aka saiwaurupñi o melun mem enğiinga qesim nenğiba kewö jiyök, “Iñini nöngöra ‘Kembu möt narizal,’ jize ewö, mönö ölop kaba nöngö mire öngöba tata nene nemba ahöme.” Mewö jiba kapañ köla qesim nenğiyök. Mewö.

Pol Sailas yetkөн kösö mire tarohot.

¹⁶Nini nalö kunöj köuluk rowoñqegeñe gebingö köna namñe aninga welenqege ambi kunöj miwikñaim nenğiyök. Ambi mi andö lawönñambuk mala ambazip könañini aukñe jim miwikñaimangö mörök. Mi möta kezapqetok keu asambötñi jim miwikñaiğa mewö miangön moner yuai mi gwötpuk öröba mali tourupñi yeğö böröñine geyök. ¹⁷Yañön Pol aka nini nenğeka nenğö andöñine kaba kewö jiba qerök, “Azi kienñon Anutu öngöngöñi ketañangö welenñi

**16:12 Masedonia prowinsgö siti bohonñi mi Tesalonaika. Distrik mutukñangö siti bohonñi mi Amfipolis aka siti keta bölökñi kun Filipai. Rom yejön Filipai mi Itali ewö galöm köl enğiget. Grik miri toñi yejön nanñine gölmenöj kian ewö aka malget.

qeba Suepkö buñaya akingö könani jim asarim engimakze.”¹⁸ Mewö jiba sömañi gwötpuk qeta malök. Mi malökmö, Polnön tököba miangöra sihimbölö mörök. Mi möta nalö kunöñ lilingöba ömeni kewö jim kutum wangiyök, “Ni Jisös Kraistkö qetçe jizal: Gi mönö ambi kiangö uruñeyök kota anöñ.” Mewö jim kutum wangii miangöreñök kota mosöta anök.

¹⁹ Mi anökmö, ambi tourupñan mi möta moneñ yuai öröbingö könani jöpköyöhi, mi miwikñaiba irimñini sehohiyök. Irimñini sehohiiga Pol Sailas etkömembra jöhöba maket sombemñe öröm etkiba galöm azi yeñgö jeñine etkuangita anget. ²⁰ Etkuangita anda keu jake galöm yeñgö jeñine al etkiba sileñire keu kewö ala jiget, “Nini siti kiangöreñ luainöñ maljinmö, azi yahöt kietkön kaba enololoñ ak neñgimakzahot. Yetköñ Juda azia akzahot ²¹ aka Juda silikñini kusum neñgimakzahot. Nini Rom mindimindiri kantrigö tohoñ toñi akzin. Miangöra nini silikñini mi ölop qahö möt añgön kölbini. Mi membra wuatangöbingö soñgo ahöi osizin.”

²² Sileñire keu mewö aka jim etkigetka ambazip kambu yeñön mewöyök wahöta mindiriba qetal etkim köhöiget. Qetal etkim köhöigetka galöm yeñön kuñgum engigetka sileötañiri öröba munjukunjuratket aka jim kutum engigetka arawambu kömbinöñ etkuget. ²³ Gwötpuk etkum teköba kösö mire al etkibingö etkuangita wahibuknön ölopñanök galöm mem etkimapkö jim kutum wangiget. ²⁴ Mewö jim kutum wangigetka möta etkömembra kösö miri bibiñe miri uruñi kunöñ anda könayahötñiri ip özöpañ^{††} sutñire ala kösönöñ jöhöba miri uruñi miangö

nanñuñi yahöt mi ki misigetka tarohot. Mewö.

Kösö miri galömñan uruñi meleñnök.

²⁵ Pol Sailas yetköñ mewö tarohot. Tata mala sunjem bibiñi aiga miangöreñ Anutu köuluköba liñet köla möpöseiba malohotka kösö azi köreñan kezap ala mötket.

²⁶ Mewö aketka miangöreñök wölañ kenöñ (nañ) ketañi giliga kösö mirigö tandöñi pakpak anjañanñañ kölget. Mewö kölgetka miangöreñök nanñu pakpak talgetka kösö azi pakpak yeñgö ain tapeññinan (muñgamuñga) lolohoba erök. ²⁷ Mewö asuhuiga kösö miri galöm yañön gaun uruñeyök wahörök. Wahöta kösö mirigö nanñuñi pakpak tal tekögeri, mi eka jiyök, “Kösö azinöñ an teköze me denöwö?” Mewö jiba mötmöriba jönömñi unduiga bimö sou ketañi mi kupinñeyök öröba nanñi aumangö ahök.^{‡‡} ²⁸ Nanñi aumangö ahökmö, Polnön pauppaup teringöba kewö jiyök, “Nini köreñanök ki tatzin. Mönö nangi silegi öne kude ayuhuman.”

²⁹ Mewö jii möta kiwa wangimegöra qesii wangigetka ösumñan kösö miri uruñe anda jönömñi unduiga Pol Sailas yetkö kösutñire anda simin köl etkiyök. ³⁰ Simin köl etkiba kösö mireyök etkuangita eta kewö qesim etkiyök, “Azi ketañi yahöt, ni mönö denöwö akiga Anutunöñ amöt qem niñgiiga letotpileñak?”

³¹ Qesim etkiiga jiyohot, “Mönö urugi meleñda Kembu Jisös möt narim wanginöñga gi aka saiwaurupkan mewöyök letota Suepkö buñaya akçe.”

³² Mewö jiyohotka miriñe angetka könagesöurupñi pakpak yembuk tokogetka Anutugöreñ Buña keu jiyohot

^{††}16:24 Ip özöpañnön könaniñiri yöhöraköiga osiba tarohot. Imutñi ekñan.

^{‡‡}16:27 Köso azinöñ ölöñ köliga galömñi mi keu jakeñe ala qegetka salupñe sihimbölö möta kömuzapma. Nanñi gamuñi möta aubawak, mewö amqeba kömumbawak.

mötket. ³³Jiyohot möta sunngemgö aua miangöreñök etkuangita anda uziñiri sañgoñnök. Sañgoñniga miangöreñök i aka saiwaurupñi pakpak mi o melun mem engiyohot. ³⁴O melun mem engiyohotka etkuangiri nene mire öngöba nene ohoba ala etkiyök. Etkiba nanñi aka saiwaurupñi yeñön körek Anutu möt narigerangöra sösöñgai aket. Mewö.

Kösö mireyök közöl etkigetka erohot.

³⁵Miri gianjiga keu jake galöm (majistreit) yeñön opotöröp melaim engigetka kösö mire kaba kewö jiget, “Azi yahöt mi mönö pösat etkinönga etmahot.”

³⁶Mewö jigetka wahibuknön kaba buzup mi Polgöra kewö jii mörök, “Majistreit galöm yeñön keu kewö alget kaza: Inñiri mönö kösöñiri pösatpiga etmahot. Miangöra etkön mönö dölki mosöta eta luainöñ anmahot.”

³⁷Mewö jii mörökmö, Polnön opotöröp yeñgöra kewö jiyök, “Rom mindimindiri gawmanöñ sel jöhöm netkiba miangö (jimkutukutu) paspot netkigetka maljit. Miangöra yeñön keuniri qahö kewöta jim teköba töndup aukñe ambazip jeñine öne lañ arawambu kömbinöñ netkuba kösö mire al netkiget. Mi gamuñambuk. Mewö al netkiget tatziga dölki denöwögöra melaim netkiget öne ölöñ etpirak? Mi qahö dop kölja. Niri qahöpmañöp etpitmö, yeñön mönö nanñinak kaba netkomegetka etpirak.”

³⁸Polnön opotöröp yeñgöra mewö jiga keu mi memba majistreit galöm yeñgöreñ anda jiget mötket. Mi möta Rom gawmangö (jimkutukutu) paspot memba malohori, mi möta auruba sömbuñini mötket. ³⁹Sömbuñini möta kösö mire kaba ösöñ susuhuba kelök ala kuñgum etkigetka geyohot. Geyohotka Filipai siti mosötmahotkö ulet

etkiget. ⁴⁰Ulet etkigetka Pol Sailas yetkön kösö miri mosöta Lidiagö mire anohot. Miangöreñ anda urumelenñ alaurupñiri eñgeka urugö nañgönañgö keu jiba eñgömosöta anohot. Mewö.

Tesalonaika nup megetka sesewerowero aket.

17 Anda mala Amfipolis aka Apolonia siti yahöt mi kutuba Tesalonaika sitinöñ angotket. Siti bohonñi miangöreñ Juda yeñön köuluk mirinñini meget kinök. ²Polnön ahakmemeni aka malöhi, miangö dop köuluk mirinñine öngöba Sabat kendon karöbut miangöreñ yembuk Urumelenñö Buña Kimbi oyonña könañi eraum möta malget. ³Mewö mala Buña Kimbigö könañi jim asariba kewö jiyök, “Anutunöñ areñ ala Amötqege Toñan sihimbölö möta kömumba kömupnöhök wahötmapkö jiyök.” Mewö jiba miangö könañi Buña Kimbinöhök kondela uruñini kuñguba kewö jiyök, “Azi Jisös jim asarim engizali, yeñön mönö Amötqege Toñi Kraist akza.”

⁴Mewö jiiga Juda könagesö yeñgöreñök tosatñan möt nariba uruñini melenña Pol Sailas yetpuk toroqeba kinget. Grik ambazip tosatñan Anutu waikñi memba möpöseigeri, yeñgöreñök mewöyök kambu ketañi yeñön yembuk toroqeget aka ambi öngöñgöñi qetbuñaninambuk yeñgöreñök gwötputkñan uruñini melenget.

⁵Uruñini melengetmö, Juda ipñi yeñön uruñini seholiiga urunöñ mututqutut möta andöqege aket. Mi aketka injarere ambazip rowoñqeñenöñ lañ malgeri, yeñgöreñ anda azi gongonñi tosatñi eñgömeget. Mi eñgömembra mindiriba ambazip kambu uruñini kuñguba öröm engigetka tokoget. Tokoba lañ qetketka qeburuñ göjupmajup ahuiga siti dop köl teköyök.

Laŋ qeta luhuba azi qetŋi Jeison yaŋgö miri töungöba (töwöngöba) Pol Sailas ambazip kambu jeŋine al etkibingöra jarum etkiget. ⁶Jarum etkigetmö, qahö miwikŋaim etkiba Jeison aka urumelenj alaurup tosatŋi jöhöm öröm eŋgiba sitigö galömkölköl azi yeŋgö jeŋine aŋgota kewö qetket, “Ye! Azi gölmeŋi gölmeŋi liliköba miri dop uru kuŋgum eŋgigetka kahapmahap aka sohomakzei, yeŋön mönö ki mewöyök kayohot. ⁷Kiaŋgöreŋ kayohotka Jeisonöŋ i etkömemba aŋgön köl etkiyök. Ambazip pakpak mieŋön kewö jimakze, ‘Azi kun qetŋi Jisös yaŋön kiŋ kembunini akza.’ Mewö jiba Rom sisa kiŋgö jimkutukutuŋi qetala memba eta alakze.”

⁸Mewö qetketka ambazip kambu aka galömkölköl azi yeŋön mötketka uruŋinan eta raidimbom ewö siksauk ahök. ⁹Siksauk aiga Jeison aka urumelenj alaurup tosatŋi kuŋguba qesim eŋgigetka monej ala meköm etkiba pösätketka eta anget. Mewö.

Berea angetka Baiböl stadi ala keuŋiri kewötket.

¹⁰Eta angetmö, urumelenj alaurup yeŋön Pol aka Sailas miaŋgöreŋök melaim etkigetka mosöta suŋgem miri qetŋi Berea miaŋgöreŋ anohot. Anda aŋgota Juda yeŋgö köuluk miriŋine öŋgöyohot. ¹¹Köuluk miriŋine öŋgöba Buŋa keu jiyohori, mi sihim ketanji möta möt aŋgön kölget. Juda könagesö Berea malgeri, yeŋön Tesalonaika könagesö eŋgonggita ölop sorokŋi aket. Keu törörök jiyohot me qahö, mi wehön dop Buŋa Kimbigö keunöŋ kewöta oyoŋda eraum möta malget. ¹¹Silik ölopŋi mewöŋi wuatangöba Juda ambazip Tesalonaika malgeri, mi luhut al eŋgiget. ¹²Buŋa keu jiyohotka Juda yeŋgöreŋök jesöŋgöŋan

möt nariba uruŋini melenget. Grik ambazip yeŋgöreŋök mewöyök gwöt-pukŋan Jisös möt narigetka sutŋine ambi öŋgöŋgöŋi qetbuŋaŋinambuk mi gwötpuk malget.

¹³Jisös möt narigetmö, Polnöŋ Berea miaŋgöreŋ mewöyök Anutugöreŋ Buŋa keu jim asariba malöhi, miaŋgö buzupŋan sehiba Tesalonaika anda Juda jitŋememe yeŋgö kezapŋine geyök. Kezapŋine gei möta wahöta Berea kaba mewöŋanök ambazip uruŋini esiba kuŋguget. ¹⁴Kuŋgugetka urumelenj alaurup yeŋön mi möta miaŋgöreŋök Pol melaigetka köwet jitŋe geyök. Geyökmö, Sailas Timoti yetköŋ toroqeba Berea malohot. ¹⁵Azi Pol umbulgeri, yeŋön toroqeba waŋgita anda Atens sitinöŋ aŋgotket. Aŋgotketka kewö jim kutum eŋgiiga mötket, “Iŋini mönö lilingöba Sailas aka Timoti jigetka ösumok nöŋgöreŋ kamahot.” Keu mi möta mosöta anget. Mewö.

Polnöŋ Atens sitinöŋ mala nup meyök.

¹⁶Polnöŋ Atens sitinöŋ tata Sailas Timoti yetkö mamböta mala liliköyök. Liliköba siti mi tandö lopioŋi lopioŋi mieŋön kokolak qegetka köna töwokŋe töwokŋe kingetka eŋgeka awöwöliba tembula uruŋi könöp jeyök. ¹⁷Polnöŋ Juda yeŋgö köuluk miriŋine öŋgöba Juda kian ambazip aka gölme tonji Anutu waikŋi memba möpöseigeri, yembuk kinda eraum mötket. Polnöŋ wehön dop rowoŋqeqe sombemŋini dop anda ambazip miwikŋaim eŋgiba yembuk aitongöba eraum mötket.

¹⁸Eraum mötketka Epikuros aka Stoik mötmöt jake yahöt mietköreŋök böhi tosatŋan kaba Polbuk keu siŋginŋi siŋginŋi jiba goranora aka jitnakölik er-

¹¹17:11 Berea yeŋön Baiböl stadi ölopŋi alget.

auget.^{ss} Tosatjan toroqeba Polgö keunji möta kewö jiget, “Mötmöt kitipnji kitipnji zezengok ewö usuŋda um jaruba laŋ qezaköba mohot yahöt miwikŋaim bibihiba memba kaza. Mi memba kaba sesekŋai ewö laŋ jizapmö, keuŋaŋgö ölnji wania jimamgö mötzawi, mi qahö mötzin.”

Polnön Jisösögö Buŋaŋi jim asariba uruŋini kunguba kömupnöhök wahörök* jiyök. Miangöra tosatjan toroqeba kewö jiget, “Bem kianji memba kaba mietkö könaŋiri jim asariza, miangö tandök ewö akza, ekzin.”

¹⁹Mewö laŋlaŋ jigetka Pol waŋgita maket sombem ketanji Areopagus† miangöreŋ öngöba kaunsöl yeŋgö jeŋine alget kini kewö jiget, “Gi mötmöt areŋ dölökŋi aukŋe kusum nengimakzani, miangö könaŋi denöwö? Mi ölop jinöŋga mötpin. ²⁰Gönön kian kantri yeŋgöreŋ keu murutŋi memba kaba jinöŋga kezapnine gei mötzin. Miangöra göhö keu areŋgahö könaŋi mi törörök mötpingö mötzin.” ²¹Atens toŋi aka kian miangöreŋ malgeri, yeŋön pakpak öne laŋlaŋ mala mötmöt keu dölökŋi dölökŋi oŋgitgöŋgit aka jiba möta uruŋini miangöreŋ ala nalöŋini ayuhuba malget. Mewö.

Polnön Areopagus sombemnön kinda keu jiyök.

²²Polnön wahöta Areopagus sombem bibiŋe anda kaunsöl yeŋgö jeŋine kinda kewö jiyök, “Atens aziurup, nöŋön ki kaba yuai pakpak eka könaŋini kewö

ahöi mötzal: Injini bemurupŋini göda ölopŋi qeba möpöseim engiba malje. ²³Nönön liliköba engöreŋ miri kömbukŋi kömbukŋi eka mieŋgö sutŋine alta kulemŋambuk kun miwikŋaial. Miangöreŋ kewö ohoget ahöi ehal, ‘Bem könaŋi qahö mötzini, yaŋgöra mein.’ Miangöra injini bem kun könaŋi qahö möta töndup waikŋi memba möpöseimakzei, nöŋön mönö yaŋgö könaŋi indela jibi mötme.

²⁴m“Bem Anutunön Suep gölme aka yuai pakpak mietkö uruŋire ahözawi, mi miwikŋaim engiyök. Yaŋön Suep gölmegö Kembuŋa akza. Yaŋön jöwöwöl jike börönön memeni miangöreŋ qahö tata malja. ²⁵Yaŋön nanŋak malmalgö könaŋi akza. Mi aka neŋön gölmenön malbinangöra sile, uŋa (imut) aka yuai tosatŋi pakpak neŋgiiga söngörö ösum örömakzin. Mewö neŋgimakzawaŋgöra aka nanŋak nene me yuai kungöra qahö osiza. Miangöra ambazip nini gumohom waŋgibingö osizin. Nini börönanan yuai qahö memba naluk al waŋgiin ewö, yaŋön mönö qahö kömuma. Yaŋön azi tandök qahö malja. Qahö.

²⁶“Yaŋön mutuk azi mohot miwikŋaiga yaŋgöreŋök sehiba deŋda gwala injani aka sile tosatŋi aka gölmeni gölmeni pakpak dop köla maljin. Yaŋön nalönini pakpak törörök areŋgöm neŋgiiga miangö dop maljin aka miri gölme denike denike ahöm tat ala maljini, miangö göraŋi aka aiwesökŋi ala jim kutuiga miangö dop maljin. ²⁷Nini mönö Anutu nanŋi möt jarum waŋgibingöra yuai pakpak mi areŋgöba al neŋgiyök. Yaŋön

^{ss}17:18 Mötkutukutu böhi qetŋi Epikuros yaŋön uruölöwak mötpingö könaŋi kusum engiyök. Stoik mötmöt jake (akademi) miangö böhiŋi qetŋi Zeno yaŋön sihim ölopŋi aka bölöŋi qömbököba böŋ qeba köhöiba kinbingö könaŋi kusum engiyök.

*17:18 Jisös aka Kömupnöhök wahötwahöt keu yahöt mi qahö möt asariba tönpin kinda kewö jiget, ‘Yaŋön mönö bem azi ambi yahöt yetkö qetŋiri mewö qetza.’

†17:19 Areopagus miangö könaŋi mi yarögö bemŋi qetŋi Ares yaŋgö kundunja.

körek pakpak kösutninyök maljapmö, töndup mezañqezañ ala Anutu jaruba mala miwikñaiabin me qahö? ²⁸Nañjini Grik mötmöt ambazipnön keu kötnji areñgöba ohogeri, yeñgöreñök yahötñan mewöyök keu kötnji kun kewö jiyohot, ‘Ninia kun yañgö gwölönarökurupñi maljin.’

Azi mewöñji kunñan keu kötnji kun kewö ohoyök,

‘Yañön mönö mem letot neñgiiga yañgö aumje malmalnini malakzin, könanini anda kamakzin aka ahöm wahötnini ahakzin.’[‡]

²⁹Keu miengö dop nini mönö Anutugö gwölönarökurupñi mala kösutñeyök kinjin. Kösutñeyök kinjinmö, töndup yañgö könañi möt sohoba janjuñ akinbuk. Imut ohoho azi yeñön mötmöt qakñe kinda bem kungö tandökñi mötmöriba goul, silwö me köt jamönñij memba urorohoba tandö lopionji söhöba meñölöba memakzei, yañön mönö mewö tandök qahö akza. ³⁰Ambazipnön gukmaulem aka jipjap mala kotketka Anutunön nalö miangöreñ ahakmemenini möt böliiga likepñi qahö meleñda malökmö, nalö kewöñe keuñi indela kewö jiza, ‘Ambazip körek pakpak mirinñi dop tat anjei, inñi mönö uruñini meleñda nongöreñ kaget.’

³¹“Anutunön nalö ketañi ali kam kunguma. Yañön nalö miangöreñ ambazip gölmeñi gölmeñi pakpak mal anjei, mi tokom neñgiba keunini kewöta törörök jim teköma. Yañön azi kun keunini jim tekömapköra möwölöhöba jimtekötekögö kukösumñi böröñe alök. Yañön azi mi mem gulii kömupnöhök wahöriga mewö miangön kukösumñi ketañi mi ambazip pakpak kondel neñgiiga eka mötzin. Azi kömupnöhök wahöröhi, yañön mönö jimtekötekö Tonina akza.”

³²‘Anutunön azi kun kömupnöhök mem gulii wahöröhi,’ tosatñan keu mi möta mepaqepaiköget. Mewö aketmö, tosatñan kewö jiget, “Keu jizani, nini mi kunbuk mötpingö mötzin. Miangöra gi ölop nalö kunön keu mi toroqeba jim tuariman.” ³³Mewö aketka Polnön yeñgö sutñineyök wahöta engömosöta anök. ³⁴Anökmö, tosatñan kaba Jisös möt nariba yambuk toroqezet. Möt narigeri, yeñgö sutñine Areopagus kaunsöl kambu yeñgö jitñememe azi kun qetñi Dionisius malök. Mewöyök ambi ketañi kun qetñi Damaris aka tosatñan yetpuk toroqeba möt nariget. Mewö.

Polnön Korint sitinön ani uruñini meleñget.

18 Yuai mi asuhuiga Polnön Atens siti mosöta Grik siti kun qetñi Korint miangöreñ anök. ²Korint anda Juda azi kun qetñi Aqila miwikñaiyök. Aqila yañön Eisiagö prowinsñi qetñi Pontus miangöreñ ahuba könañgep mindimindi siti Rom anda malök. Miangöreñ mali sisa kiñ qetñi Klodius yañön jimkutukutuñi kewö alök, “Juda ambazip inñi mönö körek pakpak Rom siti mosöta deñme.” Mewö jiyöhangöra aka Itali kantri mosöta Grik geba nalö miangöreñ Korint kañgorök. Kañgoriga Polnön miwikñaiiba i aka anömñi qetñi Prisila yetköreñ anök. ³Malmalniri nañgöbitköra opo kounñi kounñi meyoht. Polnön mewöyök opo seri koun meme asia. Miangöra yetköreñ ani nupñini örörön ahöiga yetpuk mala ahöba opo seri koun nup mohotñe meget. ⁴Memba malgetka Sabat kendon dop köuluk mire öngöba Juda aka Grik ambazip yembuk Jisösgö könañi erauba mesinñda uruñini meleñmegöra kuñgum engiba malök.

[‡]17:28 Mötmöt azi ketañi Pol yañön mötmöt jakeñi jakeñi öngöba Grik yeñgöreñ buk murutñi murutñi oyoñda möt kutuba miangöreñök keu kötnji kötnji amqeba memba aukñe jiyök.

⁵Kuṅguba mali alayahötṅi Sailas Timoti yetkôn Masedonia prowinsnöhök kaṅgorohotka Jisösgö Buṅaṅi nalö dop jim asariba malök. Mewö mala Jisösnöṅ Amötqeṅe Toṅi Kraist akzawi, miangö könaṅi aukṅe kondela keu miangön Juda ambazip uruṅini kuṅguyök. ⁶Uruṅini kuṅguyökmö, Pol tuarenṅoṅ aka uruqeṅe keu töhöreṅ jim waṅgigetka böröṅan jeṅine kuṅguba sölburaṅṅi töṅjörari eriga kewö jiyök, “Nöṅön köpösihit qahö akiga iṅini ayuhuba miangö likeṅṅi mi mönö nöṅö qakne albingö osime. Mi nanṅinak bisime. Iṅini Buṅa keu qetalgetka nöṅön ölop engömosöta merak kinda öṅgömawi, miangöreṅ kian kantri ambazip yeṅgöreṅ eleṅda anmam.”

⁷Mewö jiba engömosöta köuluk miri göraṅe azi kun qetṅi Titius Jastus yaṅgö mire öṅgöba malök. Yaṅön Juda azia qahöpö, töndup Anutugö waikṅi memba möpöseiba malök. ⁸Göraṅe anökmö, köuluk mirigö galöm qetṅi Krispus aka yaṅgö anöm-moröṅi yeṅön körek uruṅini melenṅda Kembu möt nariget. Mewöṅanök Korint ambazip tosati Polgöreṅ keu mötkeri, yeṅgöreṅök gwötpukṅan Jisös möt nariba uruṅini melenṅgetka o melun mem engiget.

⁹Polnöṅ sungem kunöṅ gaun ahöiga Kembunöṅ kutum wasöriṅa imut ehiga kewö jii mörök, “Gi keṅgötki kude mötmanmö, Buṅa keu mönö köhöiba jiba malman. ¹⁰Siti kiangöreṅ ambazip kambu gwötpuk yeṅön nöṅgö buṅaya akze. Miangöra nöṅön göbuk malbiga kunṅan yuai kun qahö könahiba mem bölim gihima.” ¹¹Mewögöra Polnöṅ nalöṅi mem köriṅa yeṅgö sutṅine (yara) yambu mohot aka köiṅ 6 miangö dop mala Anutugöreṅ Buṅa keu kusum engimalök.

¹²Kusum engimalökmö, Rom yeṅön azi Galio kuṅgugetka Akaiṅa prowinsgö kiap gawönö malöhi, nalö miangöreṅ Juda jitṅememe yeṅön mindiriba Pol tuarenṅoṅ ak waṅgiba öroba keu jakeṅe al waṅgiget. ¹³Keu kewögöra al waṅgiget, “Azi kianaṅön ambazip engololoṅ ak engimakza. Rom yeṅön jimkutukutuṅini alget ahözawi, yaṅön ambazip köna mi qösököba Anutugö waikṅi memba möpöseimegöra uru kuṅgum neṅgimakza.”

¹⁴Keu mewö sileṅe ala jigetka Polnöṅ keu jimangö aiga kiap gawönö Galio yaṅön Juda ambazip yeṅgöra jiyök, “Juda ambazip engö sutṅine kunṅan azi qei kömumbawak me pinjit bölöṅi kötökṅi kun akawak ewö, miangöra nöṅön ölop keuṅini kezap ala mötpileṅak. ¹⁵Mimö, engö sutṅine mötnaripkö keu asuhuiga qet murutṅi murutṅi qeta aṅgururuk aka jimkutukutuṅini denöwö akṅei, mi mönö nanṅini lömbötṅina. Nöṅön yuai mewöṅi mi kewöta jim tekömamangö dop qahö akzal.” ¹⁶Mewö jiba keu jakeṅeyök enguatangöiga etket. ¹⁷Eta nanṅinök mindiriba mohotṅe luhuba köuluk mirigö galöm qetṅi Sostenes mi qeraköba memba kaba keu jakeṅangö köna numbuṅe ala qeget. Qegetka kiap gawönö Galionöṅ mi eka miangöra möriṅa ölni kun qahö ahök. Mewö.

Polnöṅ nanṅi miriṅe Antiokia sitinöṅ lilingöyök.

¹⁸Polnöṅ töndup toroqeba Korint sitinöṅ silim gwötpuk malök. Mal teköba urumeleṅ alaurupṅi yaizözkök keuṅini jiba engömosöta Prisila aka Aqila etkömemba köwetnöṅ geba waṅgegöra mamböta tatket. Mutuk Anutugö jeṅe kewö jiyök, “Nöṅön Anutugö nupṅi pöndaṅ kapaṅ köla

memam.” Keu mewö jiba mi jöjöpaŋ keunöŋ jöhöba malök. Nalö mi teköiga köwetnöŋ miri qetŋi Senkria miangöreŋ geba jöjöpaŋ keuŋaŋgöra jiiga nörop jupŋi mitiget. Waŋge kun Siria prowinsnöŋ anmamgö ahöhi, mi miwikŋaiba miangöreŋ öngöba opo seri öröba möröreŋgögetka luhutnöŋ naŋgöi anget.

¹⁹ Anda Efesus taonöŋ aŋgota Polnöŋ Prisila aka Aqila etkömosörökmö, nanŋak köuluk mire öngöba Juda yembuk Jisösgö könäŋi eraum mötket. ²⁰ Eraum möta kewö qesim waŋgiget, “Gi ölop nalö köröpŋi nembuk malman.” Mewö qesim waŋgigetmö, Polnöŋ miangö urumohot qahö ahök. ²¹ Miangöra yaizözkök kewö jiyök, “Anutunöŋ miangö Oŋ! jima ewö, mönö ölop lilingöba eŋgöreŋ kamam.” Mewö jiba waŋge kunöŋ öngögetka opo seri öröba möröreŋgögetka luhutnöŋ naŋgöi Efesus mosöta anget.

²² Anda taon kun qetŋi Sisaria miangöreŋ aŋgota waŋge mosöta gölme köna Jerusalem öngöyök. Öngöba lilingöba urumeleŋ könagesö jölöŋini jiyök. Mi jiba tata wahöta geba Antiokia sitinöŋ anök. ²³ Antiokia sitinöŋ anda mali sonda tosatŋi teköiga eŋgömosöta könanöŋ anök. Könanöŋ anda Galesia aka Frigia prowins yahöt mi oŋgita miri dop liliköba gwarek pakpak eŋgeka köl gulim eŋgii köhöiget. Mewö.

Apolosnöŋ Efesus aka Korint nup meyök.

²⁴ Nalö miangöreŋ Juda azi kun qetŋi Apolos mi Efesus kayök. Apolos yaŋön Ijptkö taon qetŋi Aleksandria miangöreŋ ahuba mala mötmöt mire öngöi teköiga Buŋa Kimbi Walŋaŋgö keuŋi ölopŋanök möt kutuyök. Mi möt kutuba könäŋi jii keuŋi tandökŋi

miangöra ambazip miri dop sihim gwötpuk möta söŋgaiget. ²⁵ Kembugö könäŋi wuatangöbingö könäŋi kusum waŋgigetka Anutugöreŋ könöp bölamŋan uruŋe jeyök. Jisösgö könäŋi törörök diŋdiŋi kusum eŋgiba Jonöŋ o melun mem eŋgiyöhi, miangö könäŋi ölop möt sölöŋgöba jiyök. Mi jiyökmö, miangö likeŋŋi kun mosörök. Uŋa Töröŋan melun mem neŋgizawi, mi qahö mörök.

²⁶ Yaŋön kaba köuluk miri uruŋe könahiba keu ösum-mumuŋambuk jiyök. Jiiga Prisila Aqila yetköŋ keuŋi möta kinda waŋgirohotka yetkö mire anget. Anda Anutugö könäŋi ölopŋanök toroqeba jim asariba jiyohotka mörök. ²⁷ Apolosnöŋ Grik kantrigö bahöŋi qetŋi Akaia miangöreŋ anmamgö möriŋa Efesus urumeleŋ alaurup yeŋön kötöngöm waŋgiget. Kötöngöm waŋgiba Akaia gwarekurup yeŋgöra kimbi kewö ohoget, “Azi ki mönö köl öröm waŋgime.” Apolosnöŋ kimbi mi memba Akaia prowinsnöŋ anda ambazip Anutugö kalem möriamŋi möt asariba uruŋini melenŋeri, mi gwötpuk bauköm eŋgiyök. ²⁸ Bauköm eŋgiba “Jisösnöŋ Amötqeqe Toŋi akza,” jiba miangö könäŋi mi Buŋa Kimbigö keuŋi keuŋi oyöŋda miangön kondel eŋgii mötket. Juda yeŋön keu mi möta jitnakölik aketka goranora (noragora) ahuyökmö, Apolosnöŋ Anutugö kukösum qakŋe kinda keuŋini aukŋe qeapköiga etket. Mewö.

Polnöŋ Efesus mala nup meyök.

19 Apolosnöŋ Korint sitinöŋ maŋliga Polnöŋ Antiokia siti mosöta prowins tosatŋi^f oŋgita mala mala köwet göraŋe Efesus sitinöŋ aŋgorök. Aŋgota miangöreŋ gwarek tosatŋi miwikŋaiba eŋgehök. ² Eŋgeka kewö qesim

^f19:1 Gölme mi nalö kewöŋe kantri qetŋi Töki (Turkey) miangö uruŋe ahöza.

engiyök, “Inini möt nariba urujini melenjeri, Uña Töröñan mönö nalö miangörej urujine geyök me qahö?” Mewö qesim enjiiga kewö melenja jiget, “Uña Töröñan maljawi, nini miangö keunji qahöpmahöp mörin.”

³Melenja jigetka kewö jiyök, “Inini mönö wani o melun mem engigerawa malje?” Mewö jiiga melenjet, “Nini Jonöñ o melungöra jiba malöhi, mönö mi mem nenjiget mein.”

⁴Mewö melenjetka Polnöñ jiyök, “Jonöñ Jisösgöra keu jiba ambazip kambu urujini kuñguiga kewö mötket, ‘Nöngö andöne azi kun kamawi, injini mönö i möt nariba urujini melenjet.’ Mewö jii möta urujini melenjeri, Jonöñ i o melun mem engiba malök.”

⁵Mewö jii mötketka Polnöñ Kembu Jisösgö qetje o melun mem engiyök.

⁶Mem engiba böröñi nööröñjine aliga Uña Töröñan urujine geiga kantri tosatñangö keu murutñi murutñi könahiba jiba kezapqetok keu jiget. ⁷Azi mi mindiriba 12 miangö dop malget.

⁸Polnöñ köuluk mire öngöba kinda Anutugö bemtohoñangö könani eraum möta awösamkakak kinda suahö ewö urujini kuñgui keunji qeapköbingö osiba malget. Mewö malgetka köiñ karöbut teköyök. ⁹Qeapköbingö osigetmö, tosatñan yanjiseñ aka qahö möt nariba Kembugörej könani aukne jim böliba ambazip jeñjine luasö jiba kinget. Mewö jiba kingetka Polnöñ kewöta mendenj engiba engömosöta gwarekurupñi enguangiriga tikep anget. Tikep anda azi qetñi Tiranus yanğö qenjarök mötmöt jakenöñ silim dop (aua 5 tokoba) kusum enjiiga eraum-mötmöt aka malget. ¹⁰Mewö aka malgetka Kembugö Buña keuñan sehiiga (yara) yambu yahöt teköyök.

Mi teköiga Buña keu mi Eisia prowins uruñe miri toñi aka Juda ambazip pakpak yanğö kezapñjine gei möt teköget. Mewö.

Sewa nahönurupñan öme közölbिंगö osiget.

¹¹Anutugö kukösumñan Polgörej anğoriga nup memba böröñi ambazip nööröñjine ali Anutunöñ angöletot murutñi murutñi meiga asuhuget.

¹²Mewö mali ambazip kawöl engöhöi malgeri, tosatñan Polgö sileneyök nöngöp mitimiti aka opo johanni tosatñi mewöyök memba anda kaba qakñjine algetka kawölñjini engömosöri ömeñjini kota angetka ölöwaket.

¹³Juda sile galöm tosatñan liliköba öme enguatangöba anda kaba malgeri, yeñön mewöñanök könahiba ömenöñ kölkölñjijñ mem engigeri, yanğö qakñjine Kembu Jisösgö qetñi qeta ösumñi köl örobingö esapköget. Esapköba kewö jiget, “Polnöñ Jisösgö qetñi qeta uru kuñgum nenjimakzawi, nöñön mönö Kembu miangö qetje öme kota kesalmegöra jim kutum engizal.”

¹⁴Jisösgö qetñi mewö qetkeri, yanğö sutñjine Juda jike nup galöm bohonñi qetñi Sewa yanğö nahönurupñi 7 yeñön mewöyök malget.

¹⁵Yeñön ömewöröme kun mewö jim kutum wanğigetmö, yanğön melenja kewö jim engiyök, “Ni Jisös möt wanğizal aka Pol möt wanğizalmö, injini mönö niñja?”

¹⁶Mewö jim engiba azi uruñe kinöhanön mönö luhuba qakñjine öngöba qeraköba engömeyök. Mewö körek pakpak luhut ala yayiapaleleñ mem engiba silenjini kutumutuba opo malukuñjini munjukunjurariyök. Munjukunjurariga nanñik nanñik silenjine sepgwörörök eta kini tököba

kesala miri uruñi mi mosöta silenini gwamönñi aukñe eta angaiget. ¹⁷Mewö asuhuiga Juda kian aka gölme toñi Efesus malgeri, körek yeñon miangö buzupñi möta gwötpuk auruba awöwöliget. Awöwöligetka tosatñan Kembu Jisösgö qetñi kapañ köla möpöseigetka aködampungambuk ahök. ¹⁸Möt nariba uruñini melenjeri, yeñgörenjök gwötpukñan anda sinjisöndokñini indela jim köleñget. ¹⁹Tosatñan qarösongo amötqeqe memba malgeri, yeñgörenjök gwötpukñan buk papiñini memba kaba tokoba ambazip pakpak yeñgö jeñine kinda aukñe könöpnöñ gilget jeyök. Buk papia miengö söñgöroñini oyonda mindirigetka mindimindiri jañgöñini mi silwö moneñ (Kina) 50.000 miangö dop ahök. ²⁰Tandök mewö aketka Kembugö Buña keuñan mönö ösum-mumuñambuk sehiba köhöiba anök. Mewö.

Polnön nupñangö areñi alök.

²¹Yuai pakpak mi asuhum teköiga Uña Töröñan Pol sölölohöm wañgii keuñi jöhöba kewö jiyök, “Ni köwet kutuba Grik kantrigö likepñi yahöt Masedonia aka Akaiia miangören liliköbi teköiga mosöta Jerusalem sitinöñ anmam.” Mewö jiba toroqeyök, “Miangören anda tata Jerusalem mosöta Rom siti mewöñanök anda ekñam.” ²²Mewö jiba neñakñi yahöt Timoti aka Erastus melaim etkiiga Masedonia anohotka nanñak toroqeba nalö tosatñi Eisia prowins uruñe malök. Mewö.

Efesus yeñon bim karim aket.

²³Efesus sitinöñ Kembugören köna wuatangögetka miangöra nalö miangören eñololon göjupmajup keta bölökñi asuhuyök. ²⁴Silwö nup meme azi kun qetñi Demitrius yañon silwö ohoiga kolkolgoiga qekötahöba bem

ambi qetñi Artemis yañgö jöwöwöl jikegö dop imut morömorö memba malök. Mi meiga bohonñi memba malgetka moneñ öngöngöñi öroi kölköl-öröro alaurupñan mendenja meget. ²⁵Megetka Demitrius aka kambu tosatñan nup mewöñi memba malgeri, mi mohotñe eñgoholi kaba tokogetka kewö jii mötket, “Azi alaurup, nini nup ki meinga bohonñi ölopñi asuha kamañza, mi mötzin. ²⁶Mi mötzinmö, Pol azi miangöñ Efesus kiangören kañgota ambazip uruñini esiba ki aka Eisia prowins pakpak dop köla ambazip kambuñi kambuñi kuñgum eñgii jañjuñ akzei, mi nalö kewöñe ölop eka mötze. Yañon kewö jimakza, ‘Bem börönöñ memenñi mi bem ölni qahö.’

²⁷“Mewö jiba maliga nini kölköl-öröro nupnini memakzini, miangö qetñi mem bölii jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins uruñe aka gölmeñi gölmeñi pakpak miangören bem ambi öngöngöñi Artemis waikñi memba möpöseimakzei, yañgö bem qetbuñani ketanjan ayuhuba ösumñan etpapuk aka jöwöwöl jikeñangö qetñan böliba ambazip jeñine eta omañi akapuk. Urulömböt mewö ahöza. Miangöra waimañat möta keu ki jizal.”

²⁸Demitriusnöñ mewö jiiga suñgurum alaurupñan mi möta irimñini seholiiga kewö jiba qet gigilahöget, “Efesus neñgören Artemis mi öngöngöñi!” ²⁹Qet gigilahögetka eñololon göjupmajup miangöñ sehiba siti körek dop kölok. Mewö aiga Masedonia azi yahöt qetñiri Gaius aka Aristarkus Polgö suñgurumyahötñi mi qeraköba etkömembra örorahöm etkiba qezakqezak mirinöñ anda totoko alget. ³⁰Totoko algetka Polnön mewöyök ambazip kambuleembe yeñgö sutñine

anmamgö mörökmö, urumelen ambazipnön i angnön köl wanğiget.

³¹Eisia prowinsgö galömkölköl azi tosatņan Polgö alaurupņi akeri, yeņön mewöyök kolek ala kewö ulet wanğiget, “Qezakqezak mirinön totoko aljei, gi mönö nangi miangöreņ kude kondel engiman.” ³²Totoko algeri, miangöreņ ambazip gwötpukņan kinda tokogeranğö kōnaņi kun qahö mötkeranğöra nanņik nanņik lanļan qet gigilahöba siksauk eņololoņ ketaņi megetka sehıba anök. ³³Mewö ani Juda yeņön azi qetņi Aleksander kuņguba nanğögetka kambu yeņön öröba kōna algetka qaikņe eu öngöba kinök. Öngöba kinda ambazip jemesoholņine keu likepņi meköba jimamgö möta börö pözöņ misıba aiwesök mem enğiyök.

³⁴Aiwesök mem enğiyökmö, Juda azia akzawi, mewö möt kutuba miangöreņök numbuņini mindirıba körekņan kōnahıba keu kewö qetket, “Efesus neņgöreņ Artemis mi öngöņgöņi!” Mewö qeta mala aua yahötkö dop silata qeta kinget.

³⁵Qeta kingetka siti pomņan ambazip kambu uruņine memba eta ali göröņ algetka kinda kewö jiyök, “Efesus ambazip, nini nanine siti kiangöreņ Artemis öngöņgöņi mi möpöseıba maljin. Nini yanğöreņ jöwöwöl jike aka köt imutņi kömbukņi Suepnöhök eröhi, mi galöm köla maljin. Keu mi iņini körek ölp mötze. ³⁶Mi kunņan qaņ kölmawanğö dop qahö. Miangöra iņini mönö uruņini ösöņ memba eta ala bōņjöņ malme. Kezapņupņup yuai kun kude akņe. ³⁷Azi ki jöwöwöl jikenöņ öngöba yuai kun qahö kiom qeba mem böliyohot. Bem ambinini qahö ilit wanğiyohot. Iņini töndup i etkuangitketka ki kinjahot.

³⁸“Demitrius aka yanğö kölköl-örörö alaurupņan tosatņi yembuk anğururuk aka keu jim anğubeak ewö, kiap mönö ahöze aka keu jakegö totokōņi totokōņi

mi keu mindiņgöbingöra alakze. Miangöra mönö ölp miangöreņ anda keu jakeņe al anğuba aröņda kingetka dop köлма. ³⁹Iņini yuai kun toroqeba jibingö mötpeak ewö, siti kiangö toņan mönö ölp kōnagesö öröm enğiiga qenjarök sombemnön tokoba keu kewöta jim teköme. ⁴⁰Merak eņololoņ göjupmajup ketaņi ki kōnaņi qahöpöm, töndup imbisölöm asuhuzawi, mi Rom gawman yeņön möta kewö jibepuk, ‘Efesus yeņön Rom mindimindiri gawman qetala bim karim akze.’ Mewö jıba keu jakeņe al neņgıbebuk. Miangö urulömbötņi akza, mi mötzal. Keu jakeņe al neņgıba karim kiangö kōnananğöra qesim neņgıbeak ewö, nini mönö likepņi gagabe köla jibinanğö dop qahö mötzin.” ⁴¹Efesus siti pomņan keu mewö jıba ambazip kambu kōndeņ enğiiga sörrörauba deņda anget. Mewö.

Polnön Masedonia aka Grik anda nup meyök.

20 Efesus miangöreņ göjupmajup miangön sörauba teköiga Polnön gwarekurupņi enğoholi kagetka urugö nanğönanğö keu qambaņ enğıba yaizözkök jıba enğömosöta Masedonia prowinsnön anök. ²Masedonia anda gölmeņi gölmeņi kutuba liliköba miangöreņ qambaņ keu gwötpuk jıba mala Grik kantrinön kayök. ³Grik kaba köiņ karöbut malök. Mi mal teköiga wanğe memba köwet kutuba Siria anmamgö mörök. Mewö mörökmö, Juda jitņememe yeņön kōnanöņ qebingö anğōnaņi algetka kezapņe gei mörök. Mi möta miangöra Masedonia prowins kutuba gölme kōna miriņe lilingömamgö keuņi uruņan jöhöyök.

⁴Keuņi jöhöi suņgurumurupņi kewöņan yambuk anget: Berea azi qetņi Sopater Pirusgö nahöņņi, Tesalonaika azi qetņiri Aristarkus aka Sekundus, Derbe azi qetņi Gaius, Timoti aka

Eisia prowinsgö azi qetjiri Tikikus aka Trofimus. ⁵Yeñon qeljiñe Troas anda miangörej neñgöra mamböta malget. ⁶Troas anda malgetmö, Luk ni aka tosatji neñon beret yistji qahöpkö kendon mi Filipai sitinön tarin. Mi tarin teköiga wañgenön öngöinga opo seri öröba mörörengögetka luhutnön nañgöi anda Asos miangörej angorin. Troas angota miangörej wehön 5 aiga Troas yeñgörej wehön 7 toroqeba malin. Mewö.

Polnön nalö kondikji Troas malök.

⁷Wehön 7 malin teköiga Polnön wehön 8 miangörej engömosöta anmangö mörök. Mi möta suñgem kondikji Sondagie miangörej tokoba Jisös mötmörriba beret mindipköbingöra tarin. Mewö taringa Polnön yembuk eraum möta keuñi jim köriba mali mali suñgem bibinji ahök. ⁸Nini miri uruñi kungö qakñe eu öngöba tokoba taringa lambe gwötpukñan jeba asariget. ⁹Tokoba taringa azi gwabö kun qetji Yutikus yañon jeñgenaññon tarök. Tari Polnön keu jiba mali möri nalö köriiga gaunñangö möta ahöba gwörörök öröba könakembayök tala imbiñi qahö möta miri uruñi karöbut ongita gölmenön geba qeyök. Geba qeiga luhuba geba memba wahöringa kömuyöhi, ehin.

¹⁰Mewö ehinmö, Polnön geba kepolaköba jiyök, “Kunbuk söngörö ösum ala guliza. Miangöra kude awöwöliget.” ¹¹Mewö jiba kunbuk eröhañgörej öngöba beret mindipköba neyök. Nemba yembuk nalö köröpñi keu jiba mala mala miri gianjiugun engömosöta könanön anök. ¹²Aniga azi gwabö mi wañgitketka guliba malöhi, mi eka urukölalep ketañi möta anget. Mewö.

Polnön Troas mosöta Miletus anök.

¹³Yeñon angetmö, Polnön nanñak gölme köna anmangö möta kewö jim

kutum neñgiyök, “Inini mönö qeljiñe köwet köna miri qetji Asos miangörej angetka aitongöba noañgitketka wañgenön öngöbin.” Miangöra neñon mosöta wañgenön öngöinga opo seri öröba mörörengögetka luhutnön nañgöi anda Asos miangörej angorin. ¹⁴Asos angota nembuk aitongöba Pol wañgiringa wañgenön öngöba miri qetji Mitilini miangörej anin. ¹⁵Mitilini anda miangörej opo seri kunbuk öröba mörörengögetka luhutnön nañgöi anda mala ahöba wahöta gölme johañni qetji Kios miangö kösutje angorin. Angota toroqeba kutuba anda ahöba wahötagun miri qetji Samos miangörej geba kunbuk anda ahöba wahöta miri qetji Miletus miangörej kewögöra angorin: ¹⁶Polnön “Yambu dölökñi (Pentekost) mi esapköba Jerusalem sitinön tatmam,” jiba nalö ayuhubinbuköra ösumok anbingö mörök. Miangöra Eisia prowinsnön nalö köröpñi ayuhubinbuköra möta wañgenön öngöba Efesus siti ongitpingö keuñi johöi malin. Mewö.

Polnön Efesus yeñgöra keu kondikji jiyök.

¹⁷Miletus angoringa Polnön Efesus yeñgöra kolek ala urumelej könagesögö jitjememeurup yeñon eta kamegöra köl öröm engiyök. ¹⁸Köl öröm engii miri qetji Miletus miangörej kañgotketka engeka kewö jii mötket, “Nöñon nalö mutukñi Eisia prowinsnön kayali, miangörejök könahiba nalö pakpak embuk mala kota nup meali, inini miangö tandökñi ölop möt yaköze. ¹⁹Nöñon Kembugö jeñe uruni mem et al anñum teköba nupñi denöwö memba kota malali, inini mi ölop mötze. Nupñi memba ambazip engöra sahöta imbilni eriga malal. Juda yeñon uruñini qahö melenñeri, yeñon nalö tosatji miangörej silenön alal aket aka nuñgub-

ingöra areñ asa-asambötñi ala malget. Mi ala malgerañgöra aka esapesap murutñi murutñi miwikñaiba sihimbölo möta malal.

²⁰“Nöñön Buña keu mem ölöwak engimazawí, mi jim asarim engiba malal. Mi qenjaröknöñ tokoba aka mirinji mirinji miangöreñ öngöba kusum engiba malal. Nöñön miangöra poraiba nup qahö mosöral. ²¹Nup qahö mosöralmö, Juda kian aka gölme toñi engöra mewöyök keu kötñi kewö nangöba jiba malal, ‘Inini mönö uruñini melenða Anutugöreñ qekötahöba Kembunini Jisös Kraist möt narim wangime.’ Inini mi pakpak ölop möt teköze.

²²“Mötket, merak Uña Töröñan ni Jerusalem sitinöñ anmamgö kuñgum niñgiza. Miangöreñ anbi wani yuai asuhum niñgimawi, mi qahö mötzal. ²³Mohok-kun kewö mötzal: Nöñön taon denike denike anda malali, Uña Töröñan miangöreñ sañep ala kewö nangöba jii möta malal, ‘Gi mönö kahasililiñ möta malnöñga kösö mire al gihigetka tatman.’ ²⁴“Mewö jii möta malalmö, muat. Nöñön toroqeba malbileñak me kömumbileñak, mi keu kun qahö ak niñgiza. Mi qahöp mahöpmö, Kembu Jisösnöñ nup al niñgiyöhi, nöñön mönö mia mem yakömamgö möt köhöizal. Yañön nöñgöra kewö jiyök, ‘Anutunöñ kalem möriamñi ambazip engimamgö mötzawí, gi mönö miangö Ölöwak Buñaji jim asariba malman.’ Miangöra gölmenöñ malmami me kömumami, mi mönö yuai omañi kötökñi ak niñgiza. Ambazip mönahotkö aonñit akzei, kuñjan miangöreñ kembañe kutuba luhut qahö alma. Nöñön mönö miangö dop nupñi memba kembañe kutuba mosötpileñbuköra ösumni pakpakñan kapan köla anda malmam.

²⁵“Mewö malmam-mö, mötket, nöñön engö sutñine anda kaba Anutu bemtohoñangö könañi jim asaribi mötkeri, inini nöñgö jesöñgöroni mi kumbuk qahö ekñe. Engöreñök kuñjan kun qahö nekñawi, merak mewö mötzal. ²⁶⁻²⁷ Miangöra nöñön inini Anutugö jitñi pakpak wuatangömegöra jiba uru kuñgum engiba malal. Mi mönö qahö poraiba mosöral. Miangöra engöreñök kuñjan kun siñgisöndokñangöra sohoba kömumba köñöp sianöñ gema ewö, inini mönö ni jim niñgibingö osime. Nöñön mi merak engöra aukñe nangöba jim köhöizal.

²⁸“Kembunöñ nanñi sepñi mokoba miangön köñagesöurupñi bohonñini meiga buñaji ak teközei, inini mönö i lama ewö galöm köla köyan köl engiba malme. Uña Töröñi yañön nanñak nup mi al engiyök. Miangöra inini mönö nanñini aka Kembugöreñ lama kambu yengöra galömñini mem anguba malme. ²⁹Nöñön anbiga miangö andöñe ambazip kanjamñinambuk mi kiam kalñi ewö engö sutñine asuhume. Yeñön asuhuba lama kambu engöra qahö möta piakñi aka lañ kaba engöhöme, mi mötzal. ³⁰Nanñini sutñineyök azi tosatñan wahöta kinda Jisös gwarekurupñan görañe anmegöra örom engiba muney keu jiba malme. ³¹Miangöra inini mönö uruguliguli mala keu ki uru köñömñine ala mötmörime: Nöñön (yara) yambu karöbutkö dop sunñem asak qambañ keuñi keuñi mi inini mohot mohot qösösök (qörörök) kusum engiba malbiga imbilni erök.

³²“Nöñön merak inini Anutugö böroñe al engiba kewö jizal: Yangö Buña keuñan mönö kalem möriamñi indela köyan köl engimakña. Anutunöñ köhöiba uruñini nangöba möhamgöiga

ölöp köhököhöi miwikñaiba mutulanğömakñe. Injini Anutubuk lapingögetka alaurupñi pakpak tök kutum enğiiga sarakñi akzei, mönö yengö sutñine anğota dum tatatñini memba oyaenğoyaen aka malme. ³³Ni enğorenök kungö guli jalö me moneñ opo mi qahö buña qem anğumangö möta malal. ³⁴Ni aka sunğurumurupnan yuaigöra osiba malini, mi mönö nani böröni kianğon nup memba miwikñaiba malal.

³⁵“Mi pakpak aka memba silik ölöpñi kondel enğial. Injini mönö mewöñanök nup memba malme. Mewö mala ambazip löwöriba nup memegö osizei, mi ölöp köyan köl enğiba malme. Nup megetka ölñi ahuiga Kembu Jisös-göreñ keu ki mötmörime: Yanğon nanğak keu kun kewö jiyök, ‘Inap yuai buña qem anğugetka teköba pömsöm qeiga öne malmemö, tosatñi yengöra yuai kalemñina enğigetka Anutunöñ likepñi meleñniga oyaenğoyaen akñe.’ Mewö.”

³⁶Polnöñ keu mewö jiba eta simin köla körek yembuk Anutu köuluköyök. ³⁷Köuluköiga körek yenğon amburereñ aka urusahöt qeba anğum wañgiba numbuñi yöhötüm neget. ³⁸Polnöñ mutuk keu kun kewö jii mötket, “Injini nönğö jesönğöröni kunbuk qahö ekñe.” Keu mewö möta miangöra wösöbirik öngönğöñi möta kinda wañgita wañgenöñ öngöba yaizözkök jiba umbulget. Mewö.

Polnöñ Jerusalem anök.

21 Yaizözkök jiba nengömosötketka opo seri öröba mörörenğögetka luhutnöñ nanğöi anda gölme jölanñi qetñi Kos miangöreñ göröken diñdiñanök anda anğorin. Anğota ahöba

wahöta toroqeba gölme jölanñi qetñi Rodos miangöreñ anin. Miangöreñök toroqeba Lisia prowinsgö miriñi qetñi Patara miangöreñ anğorin. ²Anğota kinda wañge kun Fonisia gölmenöñ anmangö ahiga mi miwikñaiba miangöreñ öngöinga opo seri öröba mörörenğögetka luhutnöñ nanğöi anin.

³Anda mala gölme jölanñi qetñi Saiprus miangö kösutñe kaba eka mösököba Saut görökenök onğita toroqeba luhutnöñ nanğöiga Siria prowins göröken anin. Anda “Wañgegö inapñi mi Taiö taonöñ anda wañgenöhök memba albin,” jigeranğöra miangöreñ anin. Miangöreñ anda wañge mosöta gein. ⁴Geba gwarekurup miwikñaim enğiba yembuk toroqeba wehön 7 malin. Miangöreñ malinga Uña Töröñan sölölohöm enğii Pol Jerusalem sitinöñ anapuköra galöm meme keu jiget. ⁵Mi jigetmö, nini wehön 7 mi yembuk malin teköiga enğömosöta köna anin. Köna anbin jiinga yenğon körek pakpak anöm-moröurupñinambuk nengubula taon mosöta sileñe kaget. Taon sileñe kaba köwet sakñe eta simin köla Anutu köuluköin. ⁶Köuluköba yaizözköknini jim anğuinga Jerusalem anbingöra wañgenöñ öngöinga yenğon miriñine lilingöget.

⁷Pol aka nini yanğö sunğurumurupnan mewö Taiö mosöta toroqeba anda miri qetñi Tolemes miangöreñ anğota wañge mosörin. Wañge mosöta urumeleñ alaurup jölönjini jiin aka yembuk wehön mohot malin. ⁸Mala ahöba wahöta enğömosöta gölme köna anda Sisaria taonöñ kanğorin. Jerusalem urumeleñ kambu uruñe urukuñgukuñgu azi (ewanjelis) sewen meköm enğigeri,⁸ yengöreñök kun qetñi Filip yanğon Sis-

§21:8 Aposol nup meme boñ 6 miangöreñ azi 7 mi meköm enğigetka nanğonanğö nup aka ewanjelis nup mi mindiriba meget.

¶21:8 Apo 6.5; 8.5

aria malök. Neñon Sisaria kaḡgota yaḡgö mire anda tata ahöin. ⁹Filipkö böraturupñi 4 malget. Anutunöñ ambi seram miengö uruñine kezapqetok keu jijigö mötmöt kalem aliga malget.

¹⁰Neñon Sisaria taon miangöreñ wehön gwötpuk toroqeba malin. Miangöreñ malinga Juda prowinsnöhök kezapqetok azi kun qetñi Agabus erök.

¹¹Neñgöreñ eta Polgöreñ örigit memba miangön nanñi köna böröñi jöhöba kewö jiyök, “Uña Töröñan kewö jiza, ‘Juda jitñememe yeñon örigit kiangö toñi mi Jerusalem sitinöñ kewö jöhöba kian kantrigö galöm** yeñgö böröñine alme.” ¹²Mewö jii möta nini aka urumeleñ alaurup miangöreñ malgeri, yeñon mohot Polnöñ Jerusalem anbaupköra uleta qetal wañgiin. ¹³Qetal wañgiinga kewö melenḡa jiyök, “Inñini mönö denöwö akze? Sahöta keu jiba mewö miangön uruni munjuratze. Nöñon Jerusalem anbi gwaröhöm niñgimegöra jöjörözal aka miyök qahöpmö, Kembu Jisös qetñangöra aka nuñgugetka kömumbilenak, nöñon mönö miangöra mewöyök jöjöröba kinjal.”

¹⁴Mewö jiiga mölöwörim wañgibingö osiba urunini böñjön köliga kewö jiin, “Mi mönö Kembugö jitsihitñangö dop asuhuma.”

¹⁵Sisaria taonöñ malin nalö mi teköiga amgöba mözözömgöba engömosöta anda Jerusalem sitinöñ öngöin. ¹⁶Sisaria miangöreñök gwarek tosatñan mewöyök neñgö köinini kaget. Kaget yeñon kewö jiget, “Inñini Saiprus azi qetñi Nason yaḡgö mire ahöba malme.” Mewö jiba neñguañgita yaḡgö mire anin. Nasonöñ mutuhök uruñi melenḡa Jisösgö gwarekñi aka mala korök. Mewö.

Polnöñ Jerusalem sitinöñ kaḡgorök.

¹⁷Neñon Jerusalem aḡgoringa urumeleñ alaurup yeñon neñgömemba söñgaiba jölöñnini jiget. ¹⁸Jölöñnini jigetka ahöba wahöta Polnöñ nembuk bisop Jeims ekingö möta anin. Aninga urumeleñ könagesögö jitñememe yeñon körek pakpak miangöreñ kaḡgota tatket.

¹⁹Tatketka Polnöñ jölöñnini jiba kösohotñi alök. Anutunöñ köiiput aka nam köl neñgiiga kian kantri yeñgö sutñine anda liliköba misin nup meinga ölni ahuyöhi, miangö kösohotñi mesinḡa mohot mohot mi körekñanök jii mötket. ²⁰Mi jii möta Anutu möpöseigetka azi ipñi kunñan kewö jiyök, “Pol alanini, Juda ambazip tausenni tausenni yeñon Jisös möt nariba uruñini melenḡa töndup körek pakpak toroqeba Mosesgö Köna keu mi törörök wuatangöbingö kapañ kölje. ²¹Mewö kapañ köljemö, göhö buzupki mi kewö lañ jiget mötket, ‘Juda ambazip deñḡa kian kantri yeñgö sutñine anda maljei, göñon liliköba i kewö kusum engiba maljan, jimakze, “Inñini mönö Mosesgö köna keu andö qeba Anutugöreñ aiwesök mi azi morosepsep silenine kude yandime aka Juda ahakmeme tosatñi mi kude wuatangöme.” ’

²²“Mi jimakzeañgöra aka göñon kazani, yeñon mi möta miangöreñök öröba kambu ketañi köla tokobeak. Miangöra nini waimañjat möta mönö denöwö ahinga dop kölbawak? ²³“Miangöra neñon dölni keu göhöra jibini, göñon mönö miangö dop akñan. Azi 4:ñan yuai akingö keuñini Anutugöreñ jiba jöjöpañ keunöñ jöhöget. ²⁴Mi keunöñ jöhögetmö,

**21:11 Kian kantri yeñgö böröñine alget, mi Rom gawman yeñgöra jiza.

monengöra osiba mamböta sutnine ki malje. Miangöra göñon mönö i engömemba yembuk köl könjörat ak anguba yengöra aka naluk alnonga dop köli ölop nörop jupjini mitigetka keujini köhöima. Göñon mewö aka Mosesgö Köna keu tem köla wuatangöba maljani, körek pakpak göhö könañamgi mi törörök eka möt asarime. Mi möt asariba göhöra keu jiget mötkeri, mi öljü kun qahö miwikñagetka omanji aiga kömuma. ²⁵‘Göhöreñ keu kömumapmö, kian kantri yeñon Jisös möt nariba uruñini melenjeri, neñon yengöra keu kewö jöhöba kimbi ohoba alin anök, ‘Sömbup busuñi bem lopioñ yengö naluk buña qeba könañine algetka ösumñinan walöñnöhi, mi mönö kude neme. Mewöyök sep me sömbup jöljini qequeñi miangö busuñi mi kude neme. Serowilin kude akñe. Yuai kanjamñambuk 4 mi mönö mosöta andö qegetka dop kölma.’”

²⁶Jitjememe yeñon mewö jigetka Polnön azi 4 mi engömemba ahöba wahöta yembuk köl könjörat ak anguget. Ak angugetka jöwöwöl jikenöñ öngöba azi mohot mohot engöra naluk ala jöwöwöl ohogetka köl könjörat nalöñini tekömawi, miangö nalö buzupji jii mötket. Mewö.

Jöwöwöl jikegö tohoñ uruñe Pol memba jöhöget.

²⁷Polnön mi jii mötketmö, silim 7 mi tekömamgö aiga Juda tosatñi Eisia prowinsnöhök kageri, yeñon Pol jöwöwöl jikenöñ öngöi eket. Eka ambazip kambu körek uruñini kuñgum engiget wahöri Pol qeraköba meget. ²⁸Qeraköba memba kewö qetket, “Israel ambazip, mönö bauköm neñgiget! Azi kianön mönö gölmeñi gölmeñi liliköba

miri dop kusum engiba uruñini kewö kuñgum engimakza: Injini pakpak mönö Israel ambazip kambu qetala mem bölim neñgime. Nanine Köna keu mosöta jöwöwöl jikenine lañ öngöba iwilele aka malme. Mewö kusum engiba malök aka merak Grik azi mi tok wañgita jöwöwöl jikenöñ öngöiga miri kömbukñi kianön mönö töwiba kölköljinjinambuk akapuk.” ²⁹“Mi kewögöra qetket: Efesus azi Trofimus yañon mutuk siti könanöñ Polbuk ani etkeka kewö mötmöriget: Polnön i wañgiri mohotñe jöwöwöl jikenöñ öngöbahotpuk.

³⁰Mewö qetketka ambazipnön egololoñ aka ösumñinan luluñda kaba tokoba göjupmajup aketka qeburuñ ketanji yöhöi siti körek dop kölök. Mewö aiga Pol qeraköba jöhöba jöwöwöl jikenöhök öröba yaigep eta miangöreñök jikegö kiripo nañguñi pakpak mi miangöreñök köla jöhöget.

³¹Pol jöhöba qebingö kapañ kölgetka buzupñi sehiba Rom yarö kambugö suahö galöm bohonñi yañgö kezapñe keu kewö geiga mörök, “Jerusalem pakpak yeñon karim aka bim qeze.”

³²Mewö möta miangöreñök yarö azi kambu tosatñi suahö galömñinambuk enñguangita luhuba yengöreñ geget. Gegetka i enñgeka Pol qegeri, mi mosötket.

³³Mosötketka suahö galöm bohonñan sutñine anda jim kutuiga Pol memba tapep (muñgamuñga) yahötnöñ jöhöget. Jöhögetka kewö jiba qesim enñgiyök, “Azi ki ninja?” aiga “Wania aiga qeze?” ³⁴Qesim enñgiyökmö, ambazip kambunöhök keu murutñi murutñi meleñda lañlañ qetket. Mewö lañlañ qeta göju megerangöra aka könañi törörök mötmamgö osiyök. Mi osiba miangöra jim kutuiga Pol wañgita yarö azi yengö ain kiripo

uruje anget. ³⁵⁻³⁶ Waŋgita angetka ambazip kambu ketanji yeŋön kōnaŋine eŋgutaŋgōba kaba kewō qetket, “Mōnō qeget kōmuma. Yapmakek!” Mewō qetketka yarō azi yeŋgō ain kiripo naŋuŋe aŋgoriga kōnōpuk anda kaba gōjupmajup ketanji akeranŋōra aka gwōtpuk lōmbōriyōk. Miāŋgōra yarō azi yeŋön Pol memba aŋguba anget. Mewō.

Polnōŋ keuŋaŋgō likepŋi kōnahiba meleŋda jiyōk.

³⁷ Aŋguba kaba yarō azi yeŋgō sel uruje öŋgōbingō aketka Polnōŋ suahō galōm bohonŋi kewō qesim waŋgiyōk, “Ni gōhōra keu kun ölop jimam me qahō?” Qesim waŋgiiga möta kōŋkuŋ aka jiyōk, “O, gi Grik keu mötzan me? ³⁸ Miāŋgōra gi Ijpt azia akzan me qahō? Ijpt azi kunŋan uruwale tuarenjoŋ azi timbiŋinambuk 4000 mi eŋololoŋ ak eŋgiiga Rom gawman tuarenjoŋ aka bim karim kōnahiba aka eŋguaŋgiri gōlme qararaŋkōlkōlŋe anget. Gi galōm azi mia akzan me qahō?”

³⁹ Mewō jiiga Polnōŋ jiyōk, “Ni Juda azia. Ni Silisia prowinsgō taon qetŋi Tarsus mötzani, mönō miāŋgōreŋ ahuba mala koral. Miāŋgōra qesim gihibi: Gi ölop jinōŋga nōŋön ambazip kambu kiēŋgōra keu jibi mötme.”

⁴⁰ Mewō jiiga “Ölop jiman,” jiiga Polnōŋ döpnōŋ kindā ambazip eŋgōra bōrō misiyōk. Bōrō misiiga gōju mosōta keu bōk kingetka Hibru keunōŋ keu kewō jii mötket,

22 Polnōŋ kindā kewō jiyōk, “Azi alaurupni, nōŋön keugō likepŋi jimami, mi mönō kezap ala mötket.” ² Hibru keunōŋ keu jii möta keuŋini kōrek bōkōm tekōi kingetka toroqeba jiyōk,

^{3 v} “Ni Juda azia. Ni Silisia prowinsgō taon qetŋi Tarsus miāŋgōreŋ ahubiga

Jerusalem siti kiāŋgōreŋ galōm kōl niŋgigetka mala qarial. Mala qariba kota böhi qetŋi Gamaliel yaŋgō keu baŋŋe tatpiga yaŋön Juda ambōsakonurupnini yeŋgōreŋ Kōna keu aka ahakmeme mi törörök kusum niŋgiiga miāŋgō mötmōtŋi möta malal. Merak eŋön kōrek pakpak Anutugō keu baŋŋe aŋgota kapaŋ kōla yaŋgōra bim qeba maljei, nōŋön mönō miāŋgō dop aka malal. ^{4 w} Mewō mala ambazip Kembugō kōnaŋi wuatāŋgōba maljei, mi kōndeŋda sesewerowero ak eŋgibiga sihimbōlō möta tosatŋan kōmuget. Nōŋön ambazipŋi ambazipŋi eŋguaŋgita tapepnōŋ (muŋgamuŋga) jōhōba kōsō mire al eŋgial. ⁵ Jike nup galōm bohonŋi aka jitŋememe pakpak yeŋön mi ölop mötze aka yeŋgōreŋ anda qesim eŋgiinga mi ölop naŋgōba jibeak. Yeŋön Juda azi ipŋi Damaskus sitinōŋ maljei, yeŋgōra kimbi ohoba niŋgiget memba malal. Miāŋgōreŋ ambazip Kembugō kōnaŋi wuatāŋgōba maljei, nōŋön mönō mi mewōŋanōk ‘Likepŋi meleŋ eŋgimegōra gwarōhōm eŋgiba Jerusalem ki eŋguaŋgitmam,’ jiba kōnanōŋ anal.”

Polnōŋ nanŋi urumeleŋaŋgō kōnaŋi jiyōk.

Apo 9.1-19; 26.12-18

⁶ “Kōnanōŋ analmō, Damaskus siti dopdowibiga miāŋgōreŋ yuai kun kewō asuhuyōk: Silim bibiŋe miāŋgōreŋ asakmararaŋ ketanji kun Suepnōhōk wōlbilik ewō asuhuba wōlaŋ eta turum niŋgiyōk. ⁷ Turum niŋgiiga tala gōlmenōŋ eta ahōbiga Suepnōhōk keu kun kewō asuhui möral, ‘Sol Sol, gi mönō wuanōŋgōra sesewerowero qakŋe al niŋgimakzan?’ ⁸ Mi möta meleŋnal, ‘Kembu, gi daŋön?’ Mewō meleŋbiga jiyōk, ‘Ni Nazaret azi Jisōs,

sesewerowero qakɲe al niŋgimakzani, nia mōnō mi.’⁹ Azi nōmbuk kaba kingeri, yeŋōn asakmararaŋ mia eketmō, keu nōŋgōra jiyōhi, miangō kourukɲi kun qahō mōtket.¹⁰ Mewō jiiga nōŋōn qesiba jial, ‘Kembu, mōnō nōŋōn denōwō akɲam?’ Jibiga jiyōk, ‘Gi mōnō dōlki wahōta Damaskus sitinōŋ anōŋga Anutunōŋ wani yuaia akɲangō jimawi, mi kunɲan jiiga mōtman.’¹¹ Asakmararaŋ mianōn jeni qeiga janjuŋ aka kinbiga azi nōmbuk malgeri, yeŋōn bōrōne memba noaŋgitketka Damaskus sitinōŋ anin.

¹²“Miangōreŋ azi kun qetɲi Ananaias malōk. Yaŋōn Anutu gōda qeba Mosesgōreŋ Kōna keu tōrōrōk wuatangōba malōk. Miangōra Juda ambazip Damaskus malgeri, yeŋōn kōrek gōdaŋi olōpɲi ak waŋgiba malget.¹³ Yaŋōn nōŋgōreŋ kaba kōsutne kinda nōŋgōra kewō jiyōk, ‘Sol alani, jegi mōnō kunbuk tohoyōk.’ Mewō jiiga aua nalō miangōreŋōk jeni tohoiga uba ehal.¹⁴ Ekiga Ananaiasnōŋ jiyōk, ‘Gōŋōn ahakmeme diŋdiŋi solanɲangō Toŋa eknōŋga keu jitɲan jii kōnōmɲi mōtnōŋ. Nanine ambōsakonini yeŋgōreŋ Anutu yaŋōn gi mōwōlōhōm gihiiga yaŋgō jitsihitɲi mōt kutuman.¹⁵ Gi wani yuai eka mōtzani, mōnō mi naŋgōba jiba yaŋgō jitɲe memenji aka gōlmeŋi gōlmeŋi ambazip jeŋine dangunu ewō kinda malman.¹⁶ Mewōgōra gi wuanōŋgōra mambōtzan? Mōnō wahōta yaŋgō qetɲi qeta kōulukōba jinōŋga o melun mem gihiinga siŋgisōndoki saŋgoŋniga solanima.’ Ananaiasnōŋ mewō jiyōk.”

Misin nup kian kantri yembuk memangōra noholōk.

¹⁷“Damaskus siti mosōta Jerusalem sitinōŋ lilingōba jōwōwōl jikenōŋ

kōulukōbiga Kembugō alburupɲan (aŋsumbemɲan) nuŋgui kinda imut kun ehal.¹⁸ Imut miangōreŋ Jisōs ekiga nōŋgōreŋ kaba kewō jiba jii mōral, ‘Gi kantri kiangōreŋ nōŋgō kōnani aka Buɲa keuni mi kude jiba malman. Mi naŋgōba jinōŋga nesampurek aka andō qeme. Miangōra Jerusalem siti ki mōnō ōsumok mosōta anman.’

¹⁹“Mewō jiiga jial, ‘Kembu, yeŋōn kōnaŋamni mōtze. Nōŋōn mutuk lilikōba ambazip gi mōt narim gihizei, mi kōuluk miriŋi miriŋi miangōreŋ ŋngōba mi-wikɲaim eŋgiba jōhōba ihilek wahinambuknōŋ taukōm eŋgiba tosatɲi kōsō mire al eŋgiba malal.²⁰ *Gōhōreŋ nupbauk azi Stiwenōŋ kōnagi naŋgōba jiiga qeget seŋɲi mokoiki eri nōŋōn nalō miangōreŋ mewōyōk kōsutɲine kinda imbi kōla malukuɲini galōm memba kinbiga qeget kōmuyōk.’²¹ Mewō jibiga Kembunōŋ nōŋgōra jiyōk, ‘Nōŋōn melaim gihizalawa gi mōnō kōrōwen kian kantri ambazip yeŋgōreŋ anman.’ Mewō.”

Romgō yarō azi yeŋōn Pol galōm kōlget.

²²Polnōŋ keu likepɲi jiyōhi, mi ambazip kambu yeŋōn kezap ala mōtketmō, (Kembunōŋ kian kantri ambazip yeŋgōreŋ anmamgō jiiga jiyōhi,) keu mi mōta miangōreŋōk kōhōikɲanōk silata jiget, “Yapmakek! Azi mewōŋi mi qeget kōmuma. Mi gōlmeŋōŋ nembuk malmawaŋgō dop qahō.”²³ Mewō jiba qeta opo kereŋ qekōba gila (kōnaŋinan bōrōmbōrōm tiba) sōmsōm urata kōnakemba laŋlaŋ gilget.²⁴ Mewō aketka Rom eŋgō suahō galōm bohonɲan jim kutuiga yarō azi yeŋōn Pol waŋgita anda yarō azi yeŋgō ain kiripo uruɲe alget. Kiripo uruɲe algetka Juda yeŋōn i wanigōra aka gōju memba qetzei,

miaṅgö kónaṅi mötmangöra kewö jim kutuyök, “İṅini mönö Pol memba ihilek wahiṅambuknön qeba qesim waṅgigetka kónaṅi aukṅe jii mötpin.”²⁵ Mewö jim kutuyökmö, Pol memba jöhöba ihilek wahiṅambuknön qebingö aketka Rom suahö galöm kunṅan kösutṅe kini Polnön kewö jiyök, “Rom mindimindiri gawman yeṅön sel jöhöm niṅgigetka böröṅine maljal. Nönön miaṅgö (jimkutukutu) paspot memba maljal. Miaṅgöra iṅini nönḡö keuni qahö möta kewöta laṅ jim teköba öne ihilek wahiṅambuknön nungumei, mi mönö Rom jimkutukutu toṅi yeṅḡö jeṅine dop kölma me qahö?”

²⁶ Polnön mewö jiiga suahö galömnön möta miaṅgöreṅök suahö galöm bohönṅi yaṅgöreṅ anda buzup waṅgiba kewö jiyök, “Azi miaṅön mönö Rom gawmangö (jimkutukutu) paspot memba malja. Miaṅgöra gi mönö denöwö akṅan?”

²⁷ Mewö jiiga suahö galöm bohönṅan Polgöreṅ anda qesiba jiyök, “Gi öṅa Rom gawmangö (jimkutukutu) paspot memba maljan me qahö? Mi jinön mötpi.” Jiiga Polnön meleṅnök, “Öṅa, nönön mi memba maljal.”

²⁸ Mewö meleṅniga jiyök, “Ni moneṅ ketanṅi gila Rom mindimindiri gawmangö (jimkutukutu) paspot bohönṅi membi niṅgigetka maljal.” Jiiga Polnön jiyök, “Mi ölöpmö, nönḡö iwinan Rom gawmangöreṅ paspot memba maliga nönön yaṅḡö nahönṅi ahuba mi-angöreṅök qet mi memba maljal.”

²⁹ Mewö jiiga azi qesim waṅgibingö akeri, yeṅön miaṅgöreṅök mosöta lil-iṅgöba anget. Polnön “Ni Rom gawmangö paspot memba maljal,” jiiga

suahö galöm bohönṅan mi möta Rom azia gwaröhöm waṅgiyöhaṅgöra aka awöwöliba sömbuṅi mörök.^{††} Mewö.

Polnön jike kaunsöl kambu yeṅḡö jeṅine kinök.

³⁰ Miri gianṅiiga suahö galöm bohönṅan wahöta Juda yeṅön wuanönḡöra Pol keunön al waṅgiba jigeri, miaṅgö kónaṅi törörök mötmangöra möta jike nup galöm bohönṅi aka jike kaunsöl kambu pakpak yeṅön tokomegöra jim kutum enḡiyök. Mewö tokogetka jiiga Polgö tapeṅṅi (muṅgamunga) pösatketka waṅgita eta yeṅḡö jemesoholṅine ali kinök. Mewö.

23 Polnön kindi jike kaunsöl kambu mi uba enḡeka kewö jiyök, “Azi alaurupni, nönön ahakmemeni pakpak mi Anutugö jemesoholṅe aka memba malbiga yaṅön eka ‘Dop kölja,’ jiiga urunaṅḡö kezapnan möta ölöwaka kota mala merak ki kinjal.”² Polnön mewö jiyökmö, jike nup galöm bohönṅi qetṅi Ananias yaṅön kösutṅe kingeri, i jim kutum enḡiiga nungulumṅe qekötahöget.^{3y} Qekötahögetka Polnön jii mörök, “Anutunön mönö gi qekötahöm gihima. Göṅön miri sel tuatṅaṅḡö dop akzan. Sileṅi mundanön ohogetka tuatṅi akzapmö, uruṅi sewön memba injaṅi akza. Göṅön Mosesgö Köna keu memba miaṅön kewöt niṅgiba keuni jim tekömamgöra tatzanmö, töndup nangak Mosesgö Köna keu miyök qeba jim kutum enḡinönḡa nunguze. Mi qahö dop kölja.”

⁴ Polnön mewö jiiga kösutṅe kingeri, yeṅön jiget, “Gi Anutugöreṅ jike nup galöm bohönṅi mepaqepaik aka gamu qem waṅgizan me?”

^{††}22:29 Kun Rom gawmangö paspot memba malöhi, mi kösönön gwaröhöm waṅgibepukö soṅḡo ahöyök. Kunṅan soṅḡo mi walöṅnök ewö, i mönö keunön al waṅgizema. Miaṅgöra sömbuṅi mörök.

^{5z}Mewö jigetka jiyök, “O alaurupni, yanön jike nup galöm bohonji akzawi, mi qahö möta jizal. Buja Kimbigö keu kun kewö ahöza, ‘Gi mönö kö-nagesö kambugahö azi kembuñi kude qesuahöman.’”

^{6a}Mewö jiyökmö, jike kaunsöl kambu yengöreñök tosatñan Sadyusi (Jike nupkö kapañkölköl) pati qekötahögetka tosatñan Farisi (Köna keugö kapañkölköl) pati azia malget. Polnönj mi möta miangöra jike kaunsöl kambu yengö jenjine keu kewö qerök, “Azi alaurupni, nöñön Farisi azia akzal. Iwinan mewöyök Farisi pati azia. Kömükömuñi yeyön guliba wahötmei, nöñön mewö asuhumapkö al mamböta jörömqöröm aka maljal. Mewö maljalangöra aka keu jakenje al niñgigetka kewöt niñgiba jize.”

⁷Mewö jiiga miangöreñök Farisi aka Sadyusi pati miengö sutñine angururuk ahui jike kaunsöl kambu yeyön jula kambu yahöt aket. ^{8b}Sadyusi (Jike nupkö kapañkölköl) yeyön kewö jizema, “Ambazip kömükömuñi yeyön kude guliba wahötme. Sup garata qahö malje. Öme aka uña mi qahö malje.” Mewö jigetmö, Farisi (Köna keugö kapañkölköl) pati yeyön keu karöbut miangöreñ qekötahöba miangö dop möt nariba kinjema. ⁹Kambu yahöt mewö aka qetketka göju ketanj ahuiiga Köna keugö böhi tosatñan Farisi kambu yengö sutñineyök wahöta könöpñambuk tereñgöba kewö jiget, “Nini azi kiangö bölöñamñi kun qahö miwikñazain. Sup garata me uña kunñan keu kutum wasöta yangö uruñe ali jibawak, mi mönö denöwö dop köl enñibawak?”

¹⁰Mewö jigetka angururuk miangön kunbuk könöwiba qariyök. Qariiga

awörañgöba Pol likeplikep örögetka anda kaiga mesiñ taköget. Mewö tandök ahök. Mewö aiga suahö galöm bohonñan miangö keñgötñi möta yarö kambu kun jim kutum enñiiga geba Pol sutñineyök öröba wañgita yarö azi yengö ain kiripo uruñe alget.

¹¹Algetmö, sunjem miangöreñ gaun ahöiga Kembunönj Polgö qöhöröñe kinda kewö jiyök, “Mönö ewebibigabuk aka saitiñgit malman. Nöñgö könañamni Jerusalem kiangöreñ nañgöba jiba malnönj, miangö dop mönö Rom sitinönj mewöyök anda mi nañgöba jim asariba malman.” Mewö.

Pol qebingö angönañ meget.

¹²Kembunönj mewö jiyökmö, miri gianiiga miangöreñ Juda azi tosatñan ölöñ tokoba Pol kömumapkö angönañ meget. Yeyön areñ mi alget aka mi jöjöpañ keunönj jöhöm köhöiba kewö jiget, “Nini Pol kömumapköra mamböta nalö sutñe kiangöreñ nene siñgi malbin. Siñgi mala qein kömuiga miangö andöñe ölop nene me o kun kunbuk nembin.” ¹³Azi 40 aka jañgö mi oñgitkeri, yeyön mindiriba jöjöpañ keu mi jöhöm köhöiba jiget.

¹⁴Mi jibagun jitñememe aka jike nup galöm yengöreñ anda kewö jiget, “Nini Pol kömumapköra mamböta nalö sutñe kiangöreñ nene siñgi malbin. Polnönj qahö kömuma ewö, ambazipnönj mönö ölna qesuahöm nengigetka dop kölma. Miangöra nini mönö mindiriba jöjöpañ keu kewö jöhöm köhöiba maljin: Pol qein kömuiga miangö andöñe ölop nene me o kun kunbuk nembra malbin. ¹⁵Miangöra aka iñini mönö döлки jike kaunsöl kambu yembuk mohotñe mindiriba suahö galöm bohonñangöreñ anda keu kewö ala qesime, ‘Nini Polgöreñ keu könañi kunbuk qesiinga jii ölna mötpingö

^z23:5 Eks 22.28 ^a23:6 Apo 26.5; Fil 3.5

^b23:8 Mat 22.23; Mak 12.18; Luk 20.27

mötzin.’ Mewö tandök aiga qesigetka ölop Pol waŋgiriga eŋgöreŋ etma. Et-pawakmö, könanöŋ kaba eŋgöreŋ kaŋgotmamgö akŋawi, miangöreŋ mönö i qein kömumapkö jöjöröba malbin.”

¹⁶Mewö jigetmö, qein kömumapkö aŋgönaŋ algeraŋgö buzupŋi mi Pol behötŋaŋgö kezapŋe gei mörök. Mi möta yarö azi yeŋgö ain kiripo uruŋe anda Pol taröhaŋgöreŋ öŋgöba jii mörök. ¹⁷Jii möta suahe galöm kun qeri kaiga kewö jiyök, “Azi gwabö kianaŋon keu kun memba kazawaŋgöra göŋön i ölop waŋgita suahe galöm bohonnaŋgöreŋ anöŋga keu mi jii mötma.” ¹⁸Mewö jiiga i memba waŋgita suahe galöm bohonnaŋgöreŋ anohotka jiyök, “Kösö azi Polnön noholi yaŋgöreŋ anbiga azi gwabö ki waŋgita göhöreŋ kamapköra qesim niŋgiza. Yaŋön göhöra keu kun memba kaza.”

¹⁹Mewö jiba aniga galöm bohonnaŋ böröŋe memba waŋgita göraŋe anda qesim waŋgiyök, “Gi wani keuya memba kazan?”

²⁰Qesim waŋgiiga jiyök, “Juda jitŋememe yeŋön keu kun qesim gihibingöra jöhöba göhöreŋ kaba kewö jime: Nini Polgö keu könaŋi törörök qahö möt kömuzin. Miangöra gi ölop Pol uran waŋgitnöŋga jike kaunsöl kambu yeŋgöreŋ eriga kunbuk qesim waŋginöŋga jii könaŋamŋi öljii mötpin. Yeŋön mewö asuhumapköra mötze. ²¹Mewö kaba jimemö, göŋön keu miangö imbi ölop kude kölman. Juda könaŋesö yeŋgö sutŋineyök azi 40 aka jaŋgö mi oŋgitkeri, yeŋön mindiriba Polgöra kewö jiba mi jöjopaŋ keunöŋ jöhöm köhöiget, ‘Nini Pol kömumapköra mamböta nalö sutŋe kianaŋgöreŋ nene siŋgi malbin. Siŋgi mala qein kömuiga miangö andöŋe ölop nene me o kun kunbuk nembin.’ Mewö jiba göŋön imbi kölmangöra mamböta jöjöröba mönöze.”

²²Mewö jiiga azi gwabö mi melaiba kewö jii mörök, “Buzup ki jinöŋ mötzali, mi kun kude jinöŋ mötma.” Mewö.

Pol waŋgitetka Sisaria taonöŋ anök.

²³Suahe galöm bohonnaŋ mi möta suahe galömyahötŋi etkoholi kayohotka kewö jii mörohot, “Iŋiri mönö timbi azi 200, hos yarö azi 70 aka liŋgip yarö azi 200 mi jim kutum eŋgiyohotka merak sungemgö 9 kilok miangöreŋ Sisaria anmegöra jöjöröme. ²⁴Mewöyök hos tosatŋi meköba möhamgöm eŋgiba Pol kungö qakŋe ala köyan kölgetka sungem kianaŋgöreŋök premiö Feliksgöreŋ anma.” ²⁵Mewö jii mörohotka premiögöra kimbi kun kewö ohoyök,

²⁶“O Öŋgöŋgöŋamni sorok premiö Feliks! Klodius Lisias, nöŋön jölöŋgi jizal.

²⁷“Juda yeŋön azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nöŋön mi möta miangöreŋök yarö kambu yembuk kaŋgota sel jöhöm waŋgiba meköba bohonnaŋi jöhöyal.

²⁸Wani keugöra keu jakeŋe aljei, nöŋön miangö könaŋi mötmamgö möta waŋgita Juda yeŋgö jike kaunsöl kambu yeŋgö jeŋine al waŋgial.

²⁹Al waŋgibiga keu jakeŋe ala nanŋini Köna keugö kösawöraŋ keuŋi keuŋi miangöra aŋgururuk aka tuarenjoŋ aka jim waŋgigetka miwikŋaial. Mi miwikŋaialmö, yuai bölöŋi kömumapkö dop me kösö mire alin tawawaŋgö dop mi qahö ahök. Yeŋön keu mewöŋa kun qahö jiget möral.

³⁰Mi qahö möralmö, kunöŋ yaŋgö buzup keuŋi kewö indeli möral: Tosatŋan ‘Azi mi qein kömuma,’ jiba aŋgönaŋ alget ahöza. Buzup keu mi möta dölkianaŋgöreŋök melaibiga göhöreŋ kaza. Keu jakeŋe

al waŋgibingö mötzei, nöñon i mewöyök jim kutum enggibiga göhö jemesoholge kaŋgota keuñini pakpak aukŋe jim miwikŋaigetka mötman.”

³¹ Kimbi mewö ohoiga yarö azi jim kutum enggigeri, yeñon keu mi wuatangöba Pol memba waŋgita söñaupnöñ miri qetñi Antipatris miangöreñ anget. ³² Anda miri gjanjiga yarö azi hosñinambuk yeñon Pol waŋgita köna toroqeba angetmö, timbi azi yeñon nanjinak liliŋgöba yarö azi yeñgö ain kiripo uruñe kaget. ³³ Yarö azi hosñinambuk yeñon Sisaria taonöñ aŋgota kimbi mi premiö waŋgiba Pol mewöyök yaŋgö jeñe alget. ³⁴ Algetka kimbi oyoŋda “Pol mi wani prowinsgöra?” jiba qesiyök. Qesiiga “Silisia prowins azia,” mewö jiget mörök. ³⁵ Mewö jiget möta jiyök, “Keu jakeje al gihibingö mötzei, yeñon mewöyök kaŋgotketka miangöreñ ölop qesim gihimam.” Mewö jiba jim kutuiga Pol waŋgita kiñ Herodkö jakömbuak mirigö kiripo uruñe ala jegalöm mem waŋgiget. Mewö.

Pol keunöñ algetka premiö Filiksgö jeñe kinök.

24 Wehön nup memeni 5 teköiga jike nup galöm bohonñi qetñi Ananaias yañon jitrjememe tosatñi aka loya (Köna keugö mötmöt azi) qetñi Tertulus yembuk aitonöba Sisaria taonöñ geba premiö Filiksgö jeñe öngöba Pol keu jakeje albingö keuñi jiget mörök.

² Mi möta Pol köl öröi kaŋgori loya Tertulusnöñ könahiba Polgö sileñe keu ala premiögö jemesoholje keu kewö jiyök, “O Filiks, göñon galöm köl neŋgiba malnöñi, nini nalö miangöreñ

luai ketañi möta guñböñjönjön malin. Göñon ölopñanök köyan köla jim kutum neñginönga malmal tatatnini likeplikpe möhangögetka kantri kianñon uteköba wahöri ölöwakzin. ³ O ketañamnini Filiks, nini mi miri dop ölopñanök möt kutuba göhöra söñgaiba kilik-kalukñi kun qahö möta saiwap jim gihizin. ⁴ Saiwap jim gihizinmö, nöñon keu köröpñi jibi ölan göhöbapuköra kewö qesim gihizal: Nini keu memba kainga kötoñanök jimami, mi mönö neñgöra ak gihiiga kezap ala mötman.

⁵ “Nini azi kiangö könañi kewö eka miwikñainin: Yañon kegwek-kahasililij azi keñgöt kotkotñambuk akza. Yañon gölmeni gölmeni liliköba Juda ambazip uruñini esiba kuñgum enggiiga karimñi karimñi miri dop asuhugetka göjupmajup qeta alakze. Tosatñan tuaköpek aka Nazaret azi kungö qetje pati aljei, yañon mönö yeñgö ketañamnina akza. ⁶ Yañon jöwöwöl jike mi mewöyök kapañ köla mem töwiba memba et almamgö ahök. Miangöra nini i memba jöhöin. Nini keuñi kewöta nanine Köna keu wuatangöba jim teköbingö mörin. ⁷ (Mi mörinmö, suahö galöm bohonñi Lisias yañon yarö azi yembuk kaba kukösum ketañi miangöñ köñöpuk böröñineyök meköba waŋgitket.**

⁸ Waŋgita keu sileñe ala jim waŋgize, i göhö jemesoholge kaŋgotmegöra jim kutum neñgyiyök.) Göñon nangak qesim waŋginönga könañi indela jima. Mi jiiga keu memba kazini, miangö ölni pakpak ölop aukŋe asuhuiga mötman.” ⁹ Mewö jiiga Juda ambazip yeñon mewöyök “Keu pakpak mi ölna,” jiba imbi köla mi naŋgöba toroqeba sileñe ala jim waŋgiget. Mewö.

**24:7 Keu sel uruñe ahözawi, mi mötmöt ambazip yeñon kewöta Luknöñ mi könakönahije ohoyök aka tosatñan mi qahö ohoyök, mewö jigetka uruyahötñambuk akza.

**Polnön keu likepni
meleşni Filiksnonj mörök.**

¹⁰Pol jim wangigetka premiönön keu jimapköra börjöpañ kuñguiga kewö meleşda jiyök, “Gönön (yara) yambu gwötpuk ambazip kambu kiangö jimtekötekö tonj aka malnön mötöl. Miangöra nöñön keunangö likepni mi göhö jege awösamakak jimam. ¹¹Nöñön uruwale Anutu waikni memba möpöseimangöra Jerusalem sitinön öngöyal. Mi wehön 12 miyök teköiga merak ki kinjal. Nangak qesim engibanak ewö, mi ölop nangöba jime. ¹²Nöñön jöwöwöl jikenön me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikñaim ningiget. Siti uruñe köna me sombem kunön ambazip uruñini kuñgubi ölököba liliköm ningigeri, mewö qahö neket.

¹³“Mewö qahö neka döлки keu silene ala jim ningizei, yeñön miangö ölni kondel gihibingö osize. Keu omanj jize. ¹⁴Mi osizemö, keu kun mi ölna jim miwikñaim gihimam: Yeñön Nazaret pati qetñi qetzei, nöñön mönö miangö köna wuatangöba mala nanine amböskonurup yeñgöreñ bem Anutu mi waikni memba möpöseimakzal aka Mosesgöreñ Köna keu aka kezapqetok yeñgöreñ Buzup Kimbi miangöreñ keu ohoget ahözawı, mi pakpak möt narim köhöizal. ¹⁵Anutunön ambazip diñdiñi aka gonjonj mi körek pakpak mem gulim engii kömupnöhök wahötmei, Juda azi kienön miangöra mambötze. Nöñön yembuk toroqeba örörön kinda mewö asuhumapköra jörömqöröm aka mamböta maljal. ¹⁶Mewö mala Anutu aka ambazip yeñine diñdiñi kinbiga Anutunön keuni nangöba jiiga urunangö

kezapñan mörakzal. Jönömnan qahö unduza. Mönö sarakñi aka malmamgöra nalö dop kapañ köla köhöiba malakzal.

^{17c}“Nöñön kungen malbiga (yara) yambu tosatñi teköi lilingöba miri tosatñi yeñgöreñök kalem memba uruwale kayal. Mewö kaba ‘Mi nani könagesöurup wanapni yeñgöra mendeñ engimam,’ jiba Anutugö jöwöwöl ohoba naluk al wangimangöra Jerusalem öngöyal. ¹⁸Miangöreñ öngöba köl könjorat ak anguba solanñi mala jöwöwöl jikenön öngöyal. Yuai mi ohoba Anutu al wangibiga miwikñaim ningiget. Miwikñaim ningigeri, miangöreñ ambazip tosatñan qahö kaba liliköba ölököm ningiba göju meget. ¹⁹Juda ambazip tosatñan Eisia prowinsnöhök kaba jikenön öngöba nekeri, yeñön mönö döлки göhö jege kiangöreñ kangota kinda keu kun ahöm engibawak, mi aukñe silene ala jim ningigetka dop kölbawak.

²⁰“Me jike kaunsöl kambu yeñgö yeñine kinda keu jiali, mi wani Köna keu ongita pinjit akiga keu jakeñe alalgö keuni miwikñaiget? Azi ki tatzei, yeñön mönö mi jigetka dop köлма. ²¹“Nöñön yeñgö sutñine kinda keu mohok-kun jiba töhöreñ qetpiga lömböriyök. Köpösihit mewö kun ahal me qahö? Mi denöwö kewötkeñ ahöza? Keu kewö qeta jial, ‘Kömükömunj yeñön guliba wahötmei, nöñön mewö möt narizalangöra aka keu jakeñe al ningigetka merak keuni kewöta jim teköm ningibingö akze.” Mewö.

**Polgö keuñi qahö jim
teköba kösö mire alget.**

²²Polnön mewö jiiga premiö Filiksnonj Jisösgö könanj wuatangöba maljei, miangö könanj ölop möt soroköba Polgö keuñi kemañe kutuba kewö jiyök,

“Suahö galöm bohonji Lisiasnön kaŋgoriga nalö miangöreŋ Polgö keunji jim tekömam.” ²³Mewö jiba suahö galöm jim kutuiga Pol qahö jöhöba öne je-galöm meiga kösö mire tarök. Tinitosolomurupŋan Pol köyan köla yuai osiyöhi, mi memba waŋgimegöra qahö qetal enġiyök.

Polnön keunji jiiga Filiks aka Drusila mörohot.

²⁴Wehön tosatŋi teköiga Filiksnön anömnji qetŋi Drusila, Juda ambi mi waŋgita kayohotka Polgöra keu ali kaiga keuŋgöra kezap ali Kraist Jisös möt narim waŋgibingö könaŋi jim asariiga mörök. ²⁵Mi mörökmö, Anutugö keu tosatŋi toroqeba eraum mötketka lömböriyök. Polnön Anutugö jeŋe solanibingö könaŋi jim asariba nanine ahakmemenini galöm köl aŋgubingöra jiyök aka Anutunön nalö kun ali miangöreŋ kewöt neŋgiba keunini jim tekömawi, keu karöbut miangön uruŋi kuŋguyök. Polnön keu mewöŋi jiiga töwöratiba bök qesinġa jiyök, “Yapmakek! Muat mosötnön. Dölki ölop mosöta anönġa nalö kun mötŋi dop kölmawi, miangöreŋ ölop kunbuk köl öröm gihibi kaman.” ²⁶Mewö jiba töndup toroqeba Pol nanŋi töwaya moner waŋgimapköra mötmöriyök. Mewö al mamböta jörömqöröm aka sömaŋi gwötpuk köl öröm waŋgii kaiga keukeu jiba tarohot.

²⁷Polnön kösö mire tari (yara) yambu yahöt teköyök. Mi teköiga azi qetŋi Porsius Festus yaŋön Filiksgö undumŋa premiö akŋamgö ahök. Mewö aiga Filiksnön Juda ambazipnön nek sorimegöra möta Pol qahö pösari kösö mire toroqeba tarök. Mewö.

Polnön premiö Festusgö jeŋe keu likepŋi jiyök.

25 Festusnön premiö aka prowins uruŋe aŋgota tariga wehön

karöbut teköiga Sisaria taon mosöta Jerusalem sitinön öngöyök. ²Öngöiga jike nup galöm bohonji aka Juda jitŋememe yeŋön jemesoholŋe kaŋgota Pol keu jakeŋe albingö jiba arönġa kinget. ³Arönġa kinda kewö jiba uletket, “O premiö, göŋön ölop neŋön möringa dop kölmapköra jim tekönönġa keu algetka Pol waŋgita Jerusalem sitinön ki kame.” Yeŋön mutuk keu kewö jöhöba jiget, “Polnön könanön kaiga miangöreŋ mönö qein kömuma.” Mewö jiba jöjöröba mönögeraŋgöra kaba uletket. ⁴Mewö uletketmö, Festusnön kewö melenġ enġiyök, “Pol mi Sisaria taongö kösö mire tari galöm kölje. Ni nanak nalö kude köriiga miangöreŋ lilingöba anmamgö mötzal.” ⁵Mewö jiba toroqeyök, “Miangöra azi miangön bölöŋi kun akawak ewö, ölop enġö jitŋememurup tosatŋan nömbuk Sisaria geba miangöreŋ keunini sileŋe ala jim waŋgigetka mötman.”

⁶Mewö jiba wehön 8 me 10 miangö dop Jerusalem sitinön yembuk mali teköiga lilingöba Sisaria taonön geyök. Geba ahöba wahöta miangöreŋök keu jimtekötekögö dum tatatŋe tata jim kutuiga Pol waŋgita kaŋgota jeŋe kaŋgota kinök. ⁷Polnön kaŋgota kiniga Juda jitŋememe yeŋön Jerusalem sitinöhök kageri, yeŋön liliköm waŋgiba kinda kazik qakŋe keu bölöŋi gwötpuk sileŋe ala jiget. Mi jigetmö, keunjanġö ölnji mi kondelbingö osiget. ⁸Kazik keu öne jiba kingetmö, Polnön mi qeapköba kewö jiyök, “Nönön yuai bölöŋi kun qahö ahal. Juda neŋgöreŋ Köna keu qahö qetalal. Jöwöwöl jike qahö mem töwial aka Rom sisa kingöreŋ keugöra tuarenjoŋ qahö ahal.”

⁹Mewö jiiga Festusnön Juda yeŋön nanŋaŋgö mötket öngömapkö möta Pol kewö qesim waŋgiyök, “Silenön alal keu ki jizei, gi ölop miangö likepŋi

mi Jerusalem öngöba miangöreñ nõngö jemesoholne kinda jiman me qahö?”

¹⁰ Qesim wañgiyökmö, Polnõñ jiyök, “Rom sisa kiñnõñ jim kutuiga keu jake ki kuñgugera ki kinbiga kewöt niñgiba keuni jim tekönõnga dop kölma. Ni Juda ambazip yengöra bölõñi kun qahö ahal. Mia nangak ölop möt yaközan. Mönö Wuanõngöra kunbuk yengöreñ anbileñak? ¹¹ Bölõñi kun qahö ahalmo, Köna keu kun qösököba yuai kun ak böliba miangöra kömupkö buñaya akileñak ewö, ‘Nõñõn kömumbileñbuk,’ jiba qahö ölon köla anmam. Mi qahöpmö, yeñõn kazik keu öne töhöntöhön jiba keuñinangö könañi kondelbingö osize ewö, keu omañangöra aka kunñan nõmimba yengö börõñine almapkö osima. Rom sisa kiñnõñ mönõ keuni mindingöba jim tekoi dingima. Miangöra nõñõn mönõ yangö jeñe anmamgö köhöiba qesizal.”

¹² Mewö jiiga Festusnõñ jembonurupñi yembuk qambañ keu jaruba kewöta kewö meleñ wañgiyök, “Gi sisa kiñgöreñ anmamgö möta qesizani, miangöra mönõ ölop Rom anda yangö jeñe kinman.” Mewö.

Polnõñ kiñ Agripagö jeñe kinök.

¹³ Wehõn tosatñi teköiga kiñ Agripa aka nennñ Bernaisi yetkõn Festus eka gödanjiri kondelbitköra Sisaria taonõñ kayohot. ¹⁴ Kaba miangöreñ wehõn gwöt-puk malohotka Festusnõñ Polgöreñ keu mi kiñbuk eraum möta kewö jiyök, “Filiksnõñ azi kun qahö pösari kösö mire kiangöreñ tata malja. ¹⁵ Nõñõn Jerusalem anbiga Juda yengö jike nup galöm bohõñini aka jitjememeurupñinan nõngöreñ kañgota kewö qesim niñgiget, ‘Nini azi miangö keu memba kainga göñõn mönõ ölop yangö könañi kewöta keuñi jim teköman.’

¹⁶ “Mewö qesim niñgigetmö, nõñõn yengöra kewö jibiga mötket, ‘Rom

gawman nengöreñ köna mi kewö: Kungö sileñe keu bölõñi ala jizei, nini ambazip kun yangö keuñi mi lañ kude jim tekömakzin. Mutuk öröba keu jakeñe alin kazikurupñan kagetka likeplikep örörõñ arõnda kingetka keu sileñe ala jim wañgigetka likepñi ölop jima. Keu likepñi jiiga mi kewöta öljñi ahuiga miangö dop ölop keuñi jim tekömakzin.’ ¹⁷ Yeñõn ki kaba tokogetka nõñõn nalö qahö köriiga ahöba wahöta miangöreñök jimtekötekögö dum tatatñe tata jim kutubiga azi mi wañgita kagetka nõngö jene kañgorök.

¹⁸ “Kañgorökmö, keu memba kageri, yeñõn liliköm wañgiba arõnda kinda keu sileñe ala jim wañgiget. Mewö aketka yuai bölõñi kötökñi kun akawak, mewö jimegöra mamböralmö, keu mewõñi kun qahö jiget möral. ¹⁹ Mi qahö jiget möralmö, salupñe azi mi qetala nanñini mötnaripñinangö keu kambañi tosatñi aka azi kun qetñi Jisös yangöra añgururuk aket. ‘Jisösnõñ kömuyök,’ jigetmö, Polnõñ ‘Guliba malja,’ jiba kapañ köla köhöiyök.

²⁰ Mewö jiba kazik algetka nõñõn ‘Keu mewõñi mi denöwö kewötpileñak?’ jiba köna jaruba uruyahöt möral. Mi möta kinda kewö qesim wañgial, ‘Silenõñ alal keu jizei, gi ölop miangö likepñi mi Jerusalem öngöba miangöreñ jibanak me qahö?’ ²¹ Qesim wañgialmö, Polnõñ Öngõñgõñamminangö jeñe anmamgö kapañ köla kewö qesiyök, ‘Mönö jinõnga galöm köl niñgigetka sisa kiñgöreñ anbiga keuni mindingöiga dingima.’ Mewö qesiiga wahip azi jim kutum eñgibiga galöm kölgetka tata. Biañ melaim wañgibiga sisa kiñgö jemesoholñe anma.”

²² Festusnõñ mewö jiiga Agripanõñ jii mörök, “Nia kun azi miangõn keuñi jii mötmangö sihimñi mötzal.” Ji-

iga melejnök, “Urangun ölop keunji mötman.”

²³Mewö jiiga ahöba wahötketka kantrigö jembon, suahö galöm ketanji aka jitjememe öngöngöñi yeñon kaba Agripa aka Bernaisi yetköra jura sorom jölnjire uta sösongai linet köla köl öröm etkigetka keugö jake miri öngöngöñi miangö uruñe angotket. Festusnöh jim kutuiga Pol wangitketka miangörej kangorök. ²⁴Polnöh kangoriga Festusnöh wahöta kinda kewö jiyök, “Kiñ Agripa aka azi ketanji pakpak nembuk ki tatzei, injini mönö azi ki eket. Juda ambazip kambu pakpak yeñon yangöra aka uruni kunguget. Sisaria taon kiangörej aka Jerusalem siti miangörej ölnja keunöh kungum niñgiba qet gigilahöba kewö jiba malget, ‘Azi kianön gölmenöh malmawangö dop qahö. Mönö yapmakek!’

²⁵“Mewö qeta malgetmö, nöñon kewötpiga yuai kun kömupkö buña akñawangö dop mi qahö ahök. Nöñon könañi mewö miwikñaiba ehalmö, nanñak Rom Öngöngöñamninangö jeñe ani keunji mindingöiga diñgimapköra kapañ köla qesiyök. Miangöra keu jöhöba melaibiga Rom anma. ²⁶Rom sitinöh anmapmö, yangörej keu mi denöwö ohoba Rom azi kembunangöra albi anbawak? Yangöra keu lañ jizemö, keu könañambuk kun mi törörök qahö möt asarizal. Miangöra jibi wangita kaba kiñ Agripa göhö jege aka injini tosatñi kiñgö andöñe ki tatzei, engö jemesoholjine algetka kinja. Injini ölop börojañ memba keunji kewötketka ölnji asuhui mönö mi möta ölop kimbinöh ohobileñak. ²⁷Azi kun kösönöh jöhöba keu jakeñe alalgö keunji denöwö jizei, mi aukñe jibingö osiba töndup öne melaibinbuk. Silik mi nöñgö

mötmötnöh kezapjupjup tandök ewö akza.” Mewö.

Polnöh keuanggö likepñi kiñ Agripagö jeñe jiyök.

26 Mewö tatketka kiñ Agripanöh Polgöra jiyök, “Gi ölop nangahö keu likepñi jinöñga mötpi.” Mewö jiiga Polnöh kinda böro kutum wangiba nanñi keunji angön köla kewö könahiba jiyök, ²“O kiñ Agripa! Juda jitjememe yeñon keu silene ala jim niñgize, nöñon keu pakpak miangö likepñi mi merak ölop göhö jege aukñe jimangö sim-bawoñ mötzal. ³Göñon Juda neñgörej ahakmeme aka angururuk keunini pakpak mi törörök möt yaközan. Miangöra nöñon ölnja simbawoñ mötzal. Mewö aiga qesim gihizal: Keu jimami, mi ölop möta mökösoñda kezap alman.

⁴“Nöñon Juda ambazip kambu uruñe ahuba könakönahineyök könahiba nani kantri ki aka sitinini Jerusalem miangörej mala koral. Miangöra Juda ambazip pakpak yeñon malmalni gwaböneyök denöwö kota malali, mi ölop möt kutuze. ⁵eYeñon könañamni nalö köröpñi möt kutuze. Sihimñini ahöi mi ölop kewö nañgöba jibeak: Nanine jike nup uruñe Farisi pati neñon asa yeñgörej jike mötmöt mi törörök kötokñi wuatangöba maljin. Nöñon mutuk yeñgö kambu patinöh angota Köna keu kapañ köla wuatangöba malal. ⁶Anutunöh amböskonurupnini yeñgöra jöhöjöhö keu alöhi, nöñon miangö ölnji ahumapköra al mamböta jörömqöröm aka maljal. Miangöra aka merak keu jakeñe al niñgigetka kinjal.

⁷“Nanine Israel ambazip kambu 12 neñon körek pakpak jöhöjöhö keu miangö ölnji asuhumapköra mam-börakzin. Mi mamböta jörömqöröm aka qösösök (qörörök) suñgem asak

Anutu waikŋi memba möpöseimakzin. O Öngöngöŋamni, nöŋön jörömqöröm mewö ahakzalaŋgöra Juda jitŋememe yeŋön keu bölöŋi bölöŋi silene ala jim niŋgimakze. ⁸ Anutunöŋ ambazip kömukömuŋi mem gulim eŋgii wahötmei, iŋini mi mönö denöwögöra aka qahö möt narize?

^{9f}“Nanak mewöyök kewö mötmöröba malal, ‘Ni Jisös Nazaret azigö qetbuŋaŋi saŋgolbi qahöwakŋapköra bim gwötpuk qemamaŋgö dop akzal.’ Mewö mötmöröba kazik aka malal. ¹⁰ Kazik aka Jerusalem mianŋöreŋ öŋa bim qeba malal. Jike nup galöm bohonŋi yeŋön nam köl niŋgiget jim kutubiga Anutugö ambazip sarakŋi mi gwötpuk eŋgömemba kösö mire al eŋgiget aka tosatŋi kömumegö keu jigetka nöŋön mewöyök keu mi kötöngöba imbi köla (wout ala) malal. ¹¹ Nalöŋi nalöŋi liliköba köuluk miri dop böröjaŋ mem eŋgibiga uruŋini meleŋgeri, mieŋön asuhuget. Asuhugetka Jisös qaŋ köla ilit waŋgimegöra kuŋguba töhöreŋ öröm ureim eŋgial. Mewö ak eŋgibiga ihileknöŋ könöpuk tauköba eŋgugetka sihimbölö kahasililiŋ möta malget. Urunan könöp jem sölöŋgöiga sesewerowero ak eŋgimamgöra köröwen kötökŋi kian kantrigö sitinŋi sitinŋi mianŋöreŋ anda malal.” Mewö.

**Polnöŋ uruŋi meleŋnöhaŋgö
kösohotŋi jiyök.**

Apo 9.1-19; 22.6-16

¹²“Kaisilik mewö aka malbiga nalö kunöŋ jike nup galöm bohonŋi yeŋön nömbuk urumohot aka nam köl niŋgigetka Damaskus sitinöŋ anmamgöra könanöŋ anal. ¹³ O Öngöngöŋamni, nöŋön könanöŋ anbiga silim bibiŋe mianŋöreŋ Suepnöhök asakmararaŋ kun wölaŋ erök. Eta

wölbilik ewö asuhuba wehön jeŋi oŋgita asariiga ehal. Asak mianŋön mönö ni aka azi nömbuk anini, nini turum neŋgiyök. ¹⁴ Turum neŋgiiga körek tala gölmenöŋ eta kölin. Eta köla ahöinga nöŋgöra keu kun kaiga Hibru keunöŋ kewö jii möral, ‘Sol, Sol, gi wuanöŋgöra sesewerowero ak niŋgizan? Gi mönö bulmakau aziŋi ewö akanbuk. Toŋan gölme mözözamgömapköra bulmakau aziŋi kinöŋnöŋ jöhöi ösöŋ öröiga dop köljapmö, laŋ öröba könöpuk yaköröba öröm ureiiga kerösuaŋp jitŋan uiga sihimbölö mörakza. Gi mönö mianŋö dop laŋ luhuba nangi könisemgi öne töhöŋ kutubanbuk.’

¹⁵“Mi möta qesial, ‘O Kembu, gi danŋön?’ Qesibiga jiyök, ‘Ni Jisös sesewerowero qakŋe al niŋgimakzani, mönö mia akzal. ¹⁶ Mi akzalmö, ölöŋ wahöta kinöŋ. Ni aka yuai ekzani aka könangep toroqeba asuhuba kondel gihimami, mi mönö nangöba jiba dangunu ewö kinda nöŋgö jitŋememeni aka weleni qeba malman. Gi nup mi memba malman. Nöŋön mianŋöra aka asuhum gihizal. ¹⁷ Nöŋön mönö nangi Israel ambazip kambu yeŋgö böröŋineyök meköm gihimam aka kian kantri ambazip yeŋgöreŋ melaim ghibiga anmani, yeŋön guhubepüköra mewöyök galöm mem gihimam. ¹⁸ Nöŋön melaim ghibiga anda ambazip jeŋini metohonöŋga uruŋini meleŋda söŋaupnöhök asakŋe kaŋgotme. Jeŋini tohoiga imbiŋini meleŋda Satangö kukösumnöhök lolohoba Anutugö sel uruŋe kame. Mewö kaba möt narim niŋgigetka siŋgisöndokŋini saŋgoŋda mosötmam. Mosötpiga Anutunöŋ alauruŋi tök kutum eŋgiiga sarakŋi akzei, mönö yeŋgö sutŋine aŋgota dum tatatŋini memba oyaekoyaeŋ aka

malme.' Jisösnöñ mewö kutum nuasöta jiyök."

**Polnöñ urugö nupñangö
kösohotñi jiyök.**

¹⁹“O kiñ Agripa, Jisösnöñ mewö jiiga nöñön Suepnöhök jemelenj imut eka könañi möta mi köyatiba malmamgö mötpiga osiyök. Mianğöra nöñön imut mianğö keunji mi tem köla nup memba malal. ²⁰¶Mi tem köla liliköba Buña keu kewö jim sehiba malal: Injini mönö uruñini melenđa Anutugöreñ liliñgöba kaba uru melenđerangö ölnji mi ahak-memeñinan kondela malme. Buña keu mi mutuk Damaskus aka Jerusalem siti yahöt mianğöreñ maljei, yengöra jim asariba malal. Mianğö andöñje Juda kantri pakpak yengöra jial aka kian kantri yengöra jiba uruñini kunguba malal. ²¹ Könañi mianğöra aka Juda ambazip tosatñan jöwöwöl jikenöñ öngöba mianğöreñ qeraköba nömimba kapañ köla köhömuñi nunğubingö aket.

²²“Mewö aketmö, uruni melenjalangöreñök mala kotpiga Anutunöñ bauköm niñgiba maliga nalö kewöñje toroqeba ölop maljal. Baukbauk mianğöra aka ki kinda öngöñgöñi aka eretñi engö jeñine keuni ki jizal. Moses aka kezapqetok ambazip yeñön yuai asuhumapkö jigeri, nöñön mönö yengö keunji miyök törörök wuatangöba keu kewö nangöba jizal: ²³^hAnutunöñ areñ ali Amötqeqe Tonji Kraist yañön sihibölö möta kömumba azi mutukñi kömupnöñök wahötma. Wahöta Anutu asakñangö könañi mi Juda kambu neğöra aka kian kantri yengöra indela jim tuarim enggiba malmamgö jiyök.”

²⁴Polnöñ keuñangö likepñi mewö jiiga premiö Festusnöñ tereğöba keu kemañe kutuba jiyök, “Pol, gi kahapmahap akzan. Papia miriñi miriñi

mianğöreñ öngönöñga mötmötkan sehiba nöropsohop mem gihii maljan.”

²⁵Mewö jiyökmö, Polnöñ melenñök, “O kembu sorokni Festus, nöñön nöropsohop qahö akzal. Keu jizali, mi mötkutukutu keu ölnja akza. ²⁶ Kiñ Agripanöñ keu kianğö könañi möt soroköza, mewö mötzal. Yuai pakpak mi tölapñe wañgöm kunöñ qahö asuhuyök. Mianğöra keu buzupñi pakpak mi mönö kiñgö kezapñe gei möt teközawi, mewö möt köhöizal. Mianğöra nöñön keuni ki ölop awösamkakak qakñe kinda jibiga mötzan. ²⁷ O kiñ Agripa, Juda azi gi kezapqetok yengöreñ Buzup Kimbigö keunji möt narizan me qahö? Mi möt narizan, mewö mötzal.”

²⁸Polnöñ mewö jiiga Agripanöñ melenđa jiyök, “O Pol, göñön nalö töröptökñi kianğöreñ uruni kungunöñga nöñön uruni melenđa Kraistkö alañi akilenakgö mötzan me? Mewö mötmörizan me?”

²⁹Mewö jiiga Polnöñ melenñök, “O kiñ, keu köröpñi me kötonji jibilenak, mi muatmö, göñönök qahöpmö, döлки keuni kezap ala mötzei, körek eñön mewöyök Kraistkö alaurupñi akñegöra urusihimnan möta kewö köuluközal: O Anutu, uruñini melenj enginöñga nöñön ki maljali, mönö mianğö dop akñe. Tapep (muñgamuñga) miyök al engimapköra qahö köuluközal.”

³⁰Mewö jiiga kiñnöñ wahöriga premiö aka Bernaisi yetkön mewöyök wahöröhöt aka yembuk tatkeri, yeñön körek wahötket. ³¹ Wahöta mosöta angetka azi ipñan nanñinök eraum möta kewö jiget, “Azi kianñön bölöñi kun qahö aiga wuanöñgöra mönö gwaröhöm wañgiget? Yañön kömupkö buña akñawangö dop qahö akza, mi mötzin.”

³²Mewö jiba eraum möta Agripanöñ Festusgöra jiyök, “Sisa kiñgöreñ anbiga

keuni mindingöi dingimapköra qahö kapaŋ köla qesiba jibawak ewö, mönö ölöp pösaringa gebawak.” Mewö.

**Pol waŋgenöŋ algetka
könahiba Rom anök.**

27 Azi ipŋi yeŋön neŋgöra keu kewö jöhöget: Nini waŋgenöŋ öŋgöinga luhutnöŋ naŋgöi Itali kantrinöŋ anbin. Keu mewö jöhögetka Pol aka kösö miri azi tosatŋi mi suaöhö galöm kun qetŋi Julius yaŋgö böröŋe al eŋgiŋet. Julius yaŋön yarö kambu bahöŋi kun qetŋi “Rom sisa kiŋgö yarö kambu” qetkeri, miangöreŋ yarö azi 100 yeŋgö galömŋina malök. ²Miri kun qetŋi Adramitium miangöreŋök waŋge kun kaba Eisia prowinsgö köwet jitŋi mötöteiba waŋge döŋŋi mohot mohot miangöreŋ anmapkö aka jöjöröyöhi, miangöreŋ öŋgöin. Öŋgöinga opo seri öröba möröreŋgögetka luhutnöŋ naŋgöi köwetnöŋ anin. Masedonia prowinsgö siti qetŋi Tesalonaika miangöreŋök azi kun qetŋi Aristarkus yaŋön sungurumnini aiga mohotŋe anin.

³Anda ahöm wahöta miangöreŋ Saidon mire aŋgorin. Aŋgoringa Juliusnöŋ Pol ala ak waŋgiba jim teköiga waŋge mosöta alaurupŋi yeŋgöreŋ anda eŋgehiga wani yuaigöra osiyöhi, mi bauköm waŋgiŋet. ⁴Miangöreŋök kunbuk köwetnöŋ aninga luhutnöŋ köna anbin jiini, miangöreŋ görökenök qeba gilöhaŋgöra lömböriiga toroqeba gölme jölanŋi qetŋi Sairus miangö tölapŋe geba qöhöröŋgöba mötöteiba anin. ⁵Aninga luhutnöŋ naŋgöi köwet kutuba Silisia aka Pamfilia prowins yahöt mi etkoŋgita Lisia prowinsgö siti qetŋi Maira miangöreŋ aŋgorin. ⁶Aŋgota miangöreŋ suaöhö galömninan waŋge kun miwikŋaiyök.

Waŋge miangöŋ Ijptkö siti qetŋi Aleksandria miangöreŋök kaba Itali kantrinöŋ anmamgö aka jöjöröyök. Mi miwikŋaiba jim kutum neŋgiiga miangöreŋ öŋgöin.

⁷Öŋgöba köwetnöŋ aninga luhutnöŋ ölöp qahö naŋgöi wehön gwötŋuk mi ösöŋösöŋ anda malin. Mewö malin teköiga miangöreŋ kupuk-kapak aka köwet miangöreŋ Nidas taon kösutŋe aŋgorin. Kösutŋe aŋgoringa luhut köhöikŋanök gila miangöreŋ göröken toroqeba anbinangö könaŋi jöhöyök. Jöhöiga lömböriiga Krit gölme jölanŋangö jitŋi köröpŋi qetŋi Salmone mi oŋgita anda gölme jöhanŋangö tölapŋe geba qöhöröŋgöba mötöteiba anin. ⁸Köwet jitŋi dowe mötöteiba osikosibuk anda mala Lasea taon kösutŋe miri qetŋi “Waŋge surusuruŋi eksihimŋambuk, Fair Hafens” qerakzei, miangöreŋ aŋgorin.

⁹Miangöreŋ aŋgota nalö köröpŋi mösöhöba malin. Mewö malinga siŋgisöndok saŋgoŋsaŋgoŋgö kendonŋi qetŋi Yom Kippur¹⁰ miangö nalöŋan teköiga luhutqeŋe nalöŋan lök kam kuŋgui aŋgorin. Luhutqeŋe nalöŋe ambazip köwetnöŋ anda “Ayuhubinbuk,” jiba waŋgeŋini jöhözema. Miangöra Polnöŋ galöm meme keu kun kewö jii mötket, ¹⁰“Aziurup, nini köwet qakŋe toroqeba anbinbuk. Mönö kupuk-kapak qakŋe anda ayuayuhu miwikŋaibinbuk. Waŋgenini raidimbomnöŋ qei jömgöiga sukinapŋi geŋmororöŋ öŋgöŋgöŋi aiga naninak mewöyök kömumbinbuk. Miri tandökŋan mewö ahiga ekzal.”

¹¹Galöm meme keu mewö jiyökmö, suaöhö galömninan Polgöreŋ keu mi qetala waŋge toŋi aka stia (möŋaqöŋai lökuat) galömŋi yetköŋ “Ölöp anbin,”

¹⁰27:9 Yom Kippur sösoŋgai kendon mi Septembe teteköŋe me Oktobe könakö-nahiŋe alakze.

jiyohori, suahö galömninan keuniri mi möt nariyök. ¹²Miri qetji “Wançe surusuruji eksihimjambuk” miangö wançe döppji mi luhutqeçe nalö tatatkö dop qahö ahök. Miangöra aka azi gwötpukjan anbingö keu kötöngöba kewö jiget, “Ki tatpingö ölan neñgöhöza. Ölop opo seri öröba möröreñgögetka köwetnön anbin. Anda kapañ köla mala köna ahuiga Finiks wançe döpnön aņgotpinak. Miangöreñ aņgota luhutqeçe nalö ki ölop tata malin teköma.” Wançe döpp qetji Finiks mi Krit gölme jölanñi miangö jitņe wehön gegeñi göröken ahöza. Mewö.

Raidimbomnön köwet meiga böliyök.

¹³Anbingö keu mewö jigetka luhutnön ösöñösön könahiba Saut görökenök gilök. Giliga “Ölop anda areñnini wu-atañgöba Finiks ekin,” jiba mötmöröba kinda wançegö kösö mendañi musulgetka korök. Koriga wançenön lolohoiga luhutnön nañgöi ösön neņguañgiriga Krit gölme jölanñangö jitņi mötöteiba dowe anin. ¹⁴Mewö aninmö, nalö kude köriiga luhut ösumñi köhöikñi qetji mura (yoware, Not Istkö raidimbom (piwi)lilililikñi) mianjön mönö gölme jölanñi miangö qakņeyök qeba gila neņguba kayök.

¹⁵Neņguba kaiga wançenini galöm köl wançibingö mem bibihigetka luhut qeba kayöhañgöreñ göröken anmangö osiyök. Osiiga mosötketka luhutnöhök wançe kuņguba memba waņgiriga nañgak öne ani utuköm neņgiiga lañ malin. ¹⁶Utuköm neņgiiga mala gölme jölanñi moröñi kun qetji Kauda miangö tölapņe Saut göröken anin. Miangöreñ anda gomba kösönön jöhögetka wançe andöñe o kutuba kayöhi, mi aum-möröba köwetnöhök

öröinga gwötpuk lömböriiga töndup kapañ köla öröinga korök.

¹⁷Gomba mi öröin koriga wançe ketañe alin. Wançenön utuköba jömgöbapüköra möringa kösö memba wançe köpeiba jöhöm köhöiget. Mewö anda mala sak qetji Sirtis^{§§} miangöreñ köwet röndumñi köröpñi qahö ahözawangöreñ kuņguba qaköbinbuköra keņgötņini mörin. Mewö mörinangöra aka wançegö opo seri yuaiñi mi meköba eta ala wançe galömkölköl mosötket. Mi mosötketka luhutnön wançe kuņguba neņgömisiiga öne lañ anin. ¹⁸Öne lañ aninmö, raidimbom mianjön mönö könöppjambuk toroqeba gila utuköm neņgiyök. Mewö utuköm neņgiiga miri gĩañiiga miangöreñ könahiba wançegö sukinap tosatñi memba köwetnön gilget geyök. ¹⁹Wehön karöbut aiga miangöreñ wançegö öroyuai aködamunñambuk mi nanñinak memba gilgetka köwetnön geyök. ²⁰Mewö memenaliba anda mala suņgem silim gwötpuk miangöreñ wehön me seņgelau kun qahö ehin. Raidimbom mianjön mewöyök köhöikñanök toroqeba gila ahöyök. Gilayök ahöiga lömböriiga “Mönö qahöwakin!” jiba malmal jöhöjöhögö möta uruninan eri tötbörömnini tali tarin.

²¹Raidimbom uruņe nalö köröpñi kaba mala nene kun qahö nein. Miangöra aka Polnön sutņine wahöta kinda kewö jiyök, “Aziurup, nönön Krit gölme jölanñi qahö mosötpingö goro jiali, iñini nöngöreñ keu mi wuatañgögetka dop kölbawak. Mewö ahinga geņmororoñ aka ayuayuhu kiañön mönö qaknine qahö öngöbawak. ²²Goroni mosötketmö, döliki qambañ keu kewö eņgizal: Eņgöreñök kuņjan

§§27:17 Sirtis mi Afrika kantri qetji Libia miangöreñ göröken ahöza. Sirtis miangöreñ köwet dutņe sak kukundu ahöza.

kun malmalɲi qahö ayuhuma. Mi qahöpmö, wangeyök ayuhuma. Miangöra iɲini mönö ewebibiɲini möta tatme.

²³“Nöñön bem qetɲi Anutu yaŋgö buɲaya aka welenni qeba maljal. Suŋgem gaun ahöbiga yaŋön Suep garataɲi kun melaiiga nöŋgö kösutne kaba kinja. ²⁴Kinda kewö jiza, ‘Pol, gi keŋgötiki kude mötman! Gi ölop Rom sisa kiŋgö jemesoholne anöŋga kewöt gihima. Mötnöŋ! Anutunöŋ körö ölöwakɲi kondel gihiba ambazip pakpak göbuk wangenöŋ mohotɲe maljei, yengö malmalɲini mönö göhö böröge ali göbuk kinda kunɲan qahö kömuma.’ ²⁵Suep garatanöŋ nöŋgöra keu jizawi, mönö miangö dop asuhuma. Nöñön Anutu mewö möt narim wangizal. Miangöra aziurup, iɲini mönö eweɲini möta tatme. ²⁶Mewö asuhumapmö, luhutnöŋ gila muwutapköm neŋgiiga gölme jöhanni kungö jittje aŋgotpinaŋgö dop akza.” Mewö.

Suŋgem 14 aiga gölme dopdowiget.

²⁷Wangeninan Gölme Sutɲire Köwetkö (Mediterranean Sea) bahöŋi qetɲi Adria Köwet miangöreŋ öne laŋ aniga suŋgem 14 ahök. Mi aiga suŋgem bibiɲe miangöreŋ wangge nup meme azi yeŋön “Mönö gölme kun dopdowizin,” jiba uruɲinan mewö mötket. ²⁸Mewö möta kinda kösö kun lömbötɲambuk jöhöba gilgetka geba köwet dutɲi misiriyök. Misiriiga köwet röndumgö qötöŋi ahuyöhi, mi 40 mita (120 fit) miangö dop ahök. Borom kun toroqeba anda tandök mohot miyök aketka qötöŋi miangön 30 mita (90 fit) miangö dop aiga miwikɲaiget. ²⁹Mi miwikɲaiba wangeninan köt törom kemaɲe kuŋgubapüköra keŋgötɲini mötket. Mewö möta wangegö kösö mendanni

4 mi wangge andöŋeyök pösata ösöŋ memba eta alget aka asarimapkö miri qeba mamböta köuluköba tatket.

³⁰Mewö tatketmö, wangegö nup meme azi yeŋön kewö möndöba jiget, “Nini mönö wangge numbuɲe göröken wangegö kösö mendanni tosatɲi gilinga gema.” Mewö möndöba jiba wangge moröŋi gomba kun wangenhök meköba mem et algetka köwetnöŋ eri wangge mosöta esapköba tölapɲe ölöŋ köla anbingö aket. ³¹Mewö aketmö, Polnöŋ suahö galöm aka yarö azi yeŋgöra kewö jiyök, “Yeŋön wangenöŋ qahö mösölatiba kinme ewö, engö malmal jöhöjöhögö könani kun qahö ahuma.” ³²Mewö jiiga yarö azi yeŋön anda gombagö kösöŋi yandigetka nanjök aniga nup meme azi yeŋön ölöŋ köla anbingö osiget.

³³Wangaraŋ suruiga miangöreŋ Polnöŋ körek pakpak nene nemegö qambaɲ keu jim kutum engiba kewö jiyök, “Iɲini lök nalö köröpɲi uruyahöt mamböta nene kun qahö yöhösoröba malgetka merak wehön 14:ɲi akza. ³⁴Miangöra kewö jim kutum engizal: Nini malmal jöhöbingö aum-möröbini, miangöreŋ ösumnini etpapüköra mönö köhöiba kinda ölöwahinga dop kölma. Miangöra iɲini mönö nene neme. Engöreŋök kunɲan kun sileɲi qahö qema. Nöröp jupɲini moröŋa kun mi qahö kötökɲi sohoma.” ³⁵Mewö jiba Polnöŋ beret memba körek pakpak yengö jemesoholɲine Anutugö saiwap jiba mindipköba könahiba neyök. ³⁶Mewö neiga eka körek yeŋön awösamɲini geiga mewöyök nene memba neget. ³⁷Nini wangge uruɲe mindiriba jaŋgö 276 miangö dop malin. ³⁸Yeŋön körek pakpak nene memba nem timbireŋ aket. Mewö aka wangenöŋ amqemapüköra wit padi toru memba gilgetka köwetnöŋ geyök. Mewö.

**Waŋgenöŋ köwet töromnöŋ
kuŋguba qaköba jömgöyök.**

³⁹Miri gianjiiga gölme eka mi qahö möt kutuget. Qahö möt kutugetmö, köwet waŋgömŋi (bay) kun sakŋambuk miwikŋaiba eket. Mi eka “Mönö waŋge melenđa esapköba miangöreŋ aŋgotpinak,” jiba keu jöhöget. ⁴⁰Keu mewö jöhöba kinda waŋgegö kösö mendanŋangö kösöŋi yandigetka suliga mosötketka köwet dutŋe ahöyök. Mi yandiba miangöreŋök likeplikkep stia (möŋaqöŋai) lökuat yahöt ahöyöhi, mietkö kösöŋiri pösatketka lolohoyök. Mi pösata waŋge wösöŋangö opo seriŋi öröba möröreŋgögetka luhutnöŋ naŋgöi waŋge möŋaigetka saknöŋ göröken anin. ⁴¹Mewö aninmö, waŋgenöŋ köwet töromnöŋ anapuköra jöhöbingö osiba mosöta gilgetka anda kuŋguyök. Miangöreŋ kuŋguba waŋge giliŋan töromnöŋ qeba qaköba anda kamangö osiba tarök. Mewö tariga köwet siriŋan waŋgegö andö likepŋi gila kinda ösum köhöikŋi miangön qeba qesiŋmesiŋnök.

⁴²Mewö ahiga jiget, “Kösö miri azi yeŋgöreŋök kuŋŋan o qeba kutuba ölöŋ köla anapuk.” Mewö jigetka yarö azi yeŋön kösö azi nini körek neŋgubingö mötket. ⁴³Mewö jigetmö, suahö galömninan Polgö malmalŋi jöhömangö möta yarö aziurupŋan mewö akepuköra aŋgön köl eŋgiyök. Aŋgön köl eŋgiba kewö jim kutum neŋgiyök, “Denike eŋön köwet qeba anangö könaŋi mötzei, iŋini mönö mutuk luhuba geba köwet qeba anda körökŋe öŋgöme. ⁴⁴Yeŋön mutuk angetka tosatŋan andöŋine katapa sahötŋi qelanjiba meme me waŋgegö kitipŋi könaŋi könaŋi miwikŋaiba miangö qakŋe ahöba köwet qeba anme.” Mewö jim kutum neŋgiiga tandök mewö aka körekŋan malmalnini jöhöba köwet jitŋe aŋgot teköin. Mewö.

Malta gölme jölanŋe mamböta malin.

28 Malmalnini jöhöba köwet jitŋe kaŋgota miangöreŋ gölme jöhanŋi qetŋi Malta qetketka mörin. ²Kaŋgoringa kienöŋ könaŋiba eri miri amöriyökmö, Malta ambazipnöŋ ala-ala tandök ölöŋ kötökŋi kondel neŋgiba köŋöp ohoba neŋguanŋitketka körekŋanök köŋöp kösutŋe anda jömöta tarin. ³Polnöŋ köŋöp omajarek qezaköba böraŋöba köŋöpnöŋ alök. Mi ali jeiga qatö kunöŋ köŋöp umŋan kösuiga kota böroŋe jöhöba yöhöyök. ⁴Mokoleŋnöŋ mewö jöhöba böroŋe möndöba eta kiniga gölme jölanŋangö toŋan eka nanŋini eraum möta kewö jiget, “Azi ki köwetnöhök malmalŋi jöhöba korökmö, Songoriŋnöŋ töndup likepŋi melenđa malmalŋi kutum waŋgii kömuma. Miangöra mönö eŋgui kömukömu azia akza. Mewö möt köhöizin.”

⁵Mewö jigetmö, Polnöŋ soramen utuköba kinda giliga köŋöp uruŋe geiga sileŋe geŋmororoŋ kun qahö ahuyök. ⁶Mewö jiba ehiba “Sileŋi qariba pisiŋima me wölaŋ kömumba gölmenöŋ tala eta kölma,” mewö jiba ek tiba mamböta kinget. Nalö köröpŋi mamböta kingetmö, Polgö sileŋe yuai bölöŋi kun qahö ahuyök. Mewö aiga mötmötŋini melerŋiga jiget, “O, azi ki mönö bem azia akza.”

⁷Malta saknöŋ kaŋgota laŋ uba kösutŋe nene nup gölme körö jajapiŋi aka bau bulmakau kambuŋi kambuŋi ahögetka ehin. Mi gölme jöhanŋangö azi kembuŋini qetŋi Publius yangö buŋaya ahöyök. Gölme toŋi miangön köl öröm neŋgii miriŋe öŋgöingä urukalem qakŋe köyan köl neŋgiiga yambuk köisirik taringa wehön karöbutkö dop anök. ⁸Taringa Publius iwiŋan silekönöp aka irip suaip sepŋambuk kawöl (dysentery) miangön yöhöiga

dumnöhök ahöyök. Ahöiga Polnön yangörej anda köuluköba böröni nöroppe ala mem ölöwahök. ⁹Mewö asuhuiga miangörejök kawöl ambazip tosatji pakpak gölme jöhanne ahögeri, yejön mewöyök kangotketka Polnön Anutu köuluköiga ölöwaket. ¹⁰Yejön kalem könañi könañi gwötpuk neñgiba malget. Könañep wañgenön öngöbingö ahini, nalö miangörej köwet qakne köna malmalgö yuañangö osiini, mi memba neñgöra wañgenön alget. Mewö.

Malta mosöta anda Rom sitinön angorin.

¹¹Köiñ karöbut teköiga wañge kun qetji “Bem Siwisiwi” miwikñaiget. Wañge miangö nunduñe siwisiwi bemyahöt qetjiri Kastor aka Poluks mietkö imutjira memba meñölöba alget kinohot. Wañge miangö Ijpt kantrigö siti qetji Aleksandria miangörejök kaiga gölme jöhanne jöhöba luhutqege nalöni mi tatket. Mi tatket teköiga öngöinga opo seri öröba mörörengögetka luhutnön nangöi mosöta anin. ¹²Anda mala siti qetji Sairakyus miangörej angota gölmenön eta wehön karöbut tarin. ¹³Tata wañgenön öngöinga opo seri öröba mörörengögetka anda Regium sitinön angorin. Angota ahöm wahöta luhut Saut görökenök könahiba gilök. Gili anda silimñi yahöt aiga miangörej Rom likepne Puteoli taongö wañge döpnön angorin.

¹⁴Angota miangörej urumelen alaurup tosatji miwikñaiba engehini. Engehinga kewö qesim neñgiget, “Iñini ölop nembuk sonda mohot malbeak me qahö?” Qesim neñgigetka “Ölop!” jiba yembuk malin. Malin

teköiga enjömosöta Rom sitinön öngöin. ¹⁵Urumelen alaurupninan Rom siti malgeri, yejön kainangö keu buzupñi mötket. Mi möta miwikñaim neñgibingöra tosatjan wahöta (köna 43 mail kaba) miri qetji Apus Forum maket miangörej kaget. Tosatjan (33 mail kaba) miri qetji Kian miri karöbut, miangörej kaba miwikñaim neñgiba angehin. Angeka Polnön “Anutu saiwap!” jiba möpöseiba uruñi amqeiga ölöwahök. Mewö.

Polnön Rom tata Juda ambazip uruñini kuñguyök.

¹⁶Rom sitinön kangota miangörej Polnön miri kunön nanñök malmapkö jim teköm wañgigetka yarö azi kunjan galöm memba yambuk malök.

¹⁷Mewö jim teköm wañgigetka miri miangörej tari silim karöbut teköiga Juda ambazip ipñi köl öröm engii kaba tokoget. Tokogetka Polnön kewö jii mötket, “Iwi alaurupni, nöñön nanine Juda ambazip kambunini qahö qetala kazik ak enñial me amböskonurupnini yeñgörejök ahakmeme möta maljini, mi qahö ak böliäl. Mewö qahöpmö, töndup Jerusalem sitinön qeraköba nömimba jöhöm niñgiba kösö mire al niñgiget tatpiga Rom gawman yeñgö böröñine al niñgiget. ¹⁸Al niñgigetka böröjan memba könañamangö qesiba kewötetka ölöwahök. Nöñön yuai bölöni kun qahö aka kömupkö buñaya akilenjakö dop qahö ahal. Yejön mewö eka pösat niñgibingö mötket.

¹⁹ⁱ“Mewö mötketmö, Juda jittjememe yejön Judia miangörej keu mi qetala tuarenjoñ aket. Mewö aketka siksauk aka lömböriiga nöñön köna jaruba kun qahö miwikñaiba kewö kapañ köla qesial, ‘Ni ölop Rom sitinön anbiga sisa kiññön keuni mindiñgöi diñgima.’

Mewö qesibiga melaim ningigetka ki kayal. Nani Juda kambu yeñon kazik al ningigetmö, töndup yeñgö sileñine keu bölöñi kun ala jim engimangö qahö mötzal. Mewö qahö. ²⁰Anutunöñ azi kun asuhumapkö jöhöhöhö keu al neñgiiga Israel neñon keu miangö öñji ahumapköra mamböta jörömqöröm ahakzini, nöñon mönö azi sorokñi yangöra aka gwaröhöm ningigetka tapep (muñgamuñga) ki bisizal. Kónañamni mewö. Miangöra aka merak engeka keukeu eraum mötpingöra köl öröm engibiga ki kaba tokoze.”

²¹Mewö jiiga jiget, “Judia gölmenöñ göhöra keu jiba malgetmö, neñgöra kimbi kun qahö alget kaiga ehin. Mewöyök alaurupninan miangörenek ki kageri, yeñgöreñök kunñan göhö keu buzup me kösohot bölöñi kun qahö jii mörin. ²²Mi kun qahö jiget mörinmö, uruge keu ahözawi, nini mi ölop mötpingö mötzin. Göhöreñ Nazaret pati kambu miangö keuñi mi gölme dop jigetka ambazipnön qetalgetka likep-likep miangöreñ goranora keu gwötpuk jiba kazik ahakze. Pati kambu miangö buzupñan mewö kezapnine gei mötzin.”

²³Mewö jiba Polnön keu kunbuk jimapköra nalö kun areñgöget. Mi areñgögetka Juda ambazip jesöngöñan nalö miangöreñ kaba Pol miri malöhanğöreñ tokoget. Tokogetka söñanök könahiba Anutu bemtohoñangö kónañi jim asariba mali miri söñauyök. Jisösgö kónañi möt yaköba möt nariba uruyahöt mosötmegöra kapañ köla uru kuñgum engiba malök. Mutuk Mosesgöreñ Köna keu aka kezapqetok ambazip yeñgöreñ Buzup Kimbi oyoñda keu

miangöreñök könahiba Jisösgö kónañi indela miangön kondela nañgöba jiba malök. ²⁴Buñ keu mewö jiba maliga tosatñan uruyahöt mosöta möt narigetmö, tosatñan mi qahö möt nariba tönpin malget. ²⁵Nanñini urumohot qahö ak añguba sutñine mötmöt kambu yahöt aka deñbingö aket. Deñbingö aketka Polnön keu kewöyök jii mötket, “Uñja Töröñan keu kun kezapqetok azi Aisaiagö uruñe sañep ali ambösakonñini jii mötkeri, mi mönö engöra dopñine törörök jiyök. ²⁶Jaisaianön keu mi kewö jii ahöza,

‘Gi mönö ambazip kambu kiengöreñ anda kewö jinön mötme: Injini mönö kezapñini ala keu öñja mötagun kónañi möt bibihiba töndup qahö möt asarime.

Jeñinan uba yuai öñja ekagun kónañi ek bibihiba töndup qahö ek kutume.

²⁷Ambazip kambu kiengö uruñinan mönö köhöiba gwözöñda ahöza.

Kezapñinan keu möt bibihiba jeñini kömaziliköba malje.

Mewö qahö akeak ewö, mönö jeñinan yuai ölop ek kutuba kezapñinan keu möta uruñinan kónañi möt asariba uruñini melengetka nöñon i ölop mem ölowak engibileñak.”

²⁸Polnön keu mi jim teköba kewö jiyök, “Miangöra injini mönö keu köñji ki ölop möt yaköme: Anutunöñ amötqeqegö Buñ keuñi mi mönö kian kantri yeñgöreñ ali anma. Yeñgöreñ aniga yeñon mi ölop kezap ala mötme.”

²⁹(Polnön mewö jim teköiga Juda yeñon nanñinök könöpuk jitnakölik aka goranora erauget öngöba eriga mosöta anget.) *

*28:29 Mötmöt ambazip yeñon Jabö 29:gö keuñi kewöta tosatñan Luknön mi könakönahine qahö ohoyök jizemö, tosatñan keu miambuk urumohot qahö akze. Miangöra jabö 29 mi sel uruñe ahöza.

³⁰ Polnön nanṅaṅgöra miri kun kusuk söṅgöröṅi memba miangö uruṅe (yara) yambu yahöt jömukṅanök ahöm malök. Miangöreṅ mala ambazip denike yeṅön ekingö kageri, yaṅön mi pakpak ölop köl öröm eṅgiba malök.

³¹ Awösamkakak qakṅe kinda Anutu

bemtohoṅaṅgö könäṅi jim asariba uru kuṅgum eṅgiba malök. Kembu Jisös Kraist möt waṅgimegöra Anutu amötqeqegö könäṅi kusum eṅgiba malök. Mewö maliga kuṅṅan kun qahö qetal waṅgiiga mala kota malök. Mewö.

Rom kimbi

Polnön Rom yengöra kimbi alök.

Jim-asa-asari

Jim-asa-asari Rom sitinön kopa malgetka urumelej kambuñi kambuñi yengön sutñine simbisembel denja malget. Juda tosatñan uruñini meleyda Juda ahakmemenön aka Köna keunön qekötahöba sileñini yandiba sömbup qahö nembra malget. Kian kantrigö urumelej kambu yengön Anutugö kalem möriamñi qekötahöba Anutugö Köna keu bapñe qahö anda söngöröqök aka siñgisöndok amqeba akingö mötket. (6.15) Anutunön Juda könagesö öljñi andö enguba salupñine kian ambazip engoholi buñañi akeri, miangöra söngaiba ilit engiget. (11.18-20) Mewö aka Juda urumelej yengön silikñini walñi mewöyök wuatangögerangöra aka jijiwilit ak engiba malget. Juda kambu yengön kian kantrigö urumelej alaurupñini qepureim engiba Juda silikñini qahö wuatangögerangöra aka keuñini töhöreñ jim teköba söngöröqök aket. (2.17-20; 14.3)

Mindirim engimangöra Polnön kambu yahöt yengöra goro keu nanñök nanñök engimakza. Juda yengö könañini indeliga (2.21-27) kian kantri yengön söngaiget. Keu bohonñi kewö jiyök, ‘Jisös möt nariinga Anutunön mötnaripñini eka keunini jim teköiga solanibin. Köna murutñi kun qahö ahöza.’ (1.17) Kian kantri ambazip söngöröqökñini qekömapköra könañini indela kewö jiyök: “Anutunön nanñini ölpñinañgöra aka qahöpmö, nanñi ak-kömükömuñangöra aka iñini möwölöhöm engiyök. (11.30-32) Miangöra mönö kapañ köla Köna keu tem köla malme. (7.12-24) Körekmakörek siñgisöndokö kösö

gwarönön mala ayuhubingö akzinmö, (3.23; 5.12) Anutunön nanñi irimsesewölñan etmapköra aka Kraist melaiyök. (5.8-9) Uña Töröñan meköba siñgisöndok aka kömupkö kukösumnöhök pösat neñgima. Miangöra siñgisöndok ahakmeme mosöta (6.11-14) mindiriba jöpaköm añguba kopa yengö sutñine kopa tandök kude malme.” Goro mewö engiiga ösöñösöñ tem köla mindiriba malget. Polnön nalö mutukñi Rom ani nanñöm wanñigetka toroqeba Spein kantrinön anmamgö möta mewö ohoyök.

Buk kiangö bahöñi bohonñi 7 mi kewö:

Jim asa-asari keu aka keu bohonñi 1.1-17

Köreknan siñgisöndokö amötqeqegöra osizin 1.18–3.20

Anutunön amöt qem neñgimakzawangö könañi 3.21–4.25

Kraistpuk malmal dölökñangö könañi 5.1–8.39

Israel yengön Anutugö mötmöt arenñön malje 9.1–11.36

Urumelej neñgö silik ahakmemegö keu 12.1–15.13

Keu teteköñi aka nanñi yaizökzök keuñi 15.14–16.27

1 Pol ni Jisös Kraistkö nup meme azia aka Rom urumelej ambazip embuk keu eraum mötpingöra kaba kimbi ohozal. Anutunön noholiga melaimelai azi aposol akzal. Anutunön Ölöwak Buñañi jim sehimangöra möwölöhöm ninggiiga maljal.

²Anutunön oyaenköyaen akingö Ölöwak Buñañi indelmapkö keuñi mi qeljiñe jöhöba jiiga kezapqetok ambazipñön möta Buña Kimbi töröñi miangöreñ ohogetka ahöza. ³Ölöwak Buñagö könañi mi nanñi nahöñi Jisös Kraist. Yañön gölme azi ewö kiñ Deiwidkö gwölönarökurupñi yengöreñök asuhuyök.

⁴Suep azi ewö Uņajan solanņi törönji ahök. Anutunöj i mem guliiga kömupnöhök wahöriga kukösumņan aukņe asuhuyök. Anutunöj mewö miaņön nanņi Nahönņi akzawaņgö keuņi mi jim köhöiba kuņgum waņgiyök. Kembuninaņgö könanņi mewö. ⁵Kraistnöj nupkö öljı kewö asuhumapköra mörök: Neņön kian kantriņi kantriņi liliköba Jisösgö qetņi sutņine jim sehiinga möta uruņini melenđa möt narim waņgiba keuņi tem köla malme. Miaņgöra aposol nupņi aka kalem möriamņi mi neņgiiga memba maljin. ⁶Anutunöj ambazip Jisös Kraistkö buņaya aka malmegöra engoholöhi, Rom iņini mewöyök yeņgö sutņine malje.

⁷Uruņini melenđa Rom sitinöj maljei, nöņön körek engöra kimbi ki ohozal. Anutunöj iņini nanņi ambazip sarakņi malmegöra engohola jöpaköm engimakza. Anutu Iwinini aka Kembu Jisös Kraist yetkön mönö kalem möriam engiyohotka luainöj malme. Mewö köulukömakzal.

Polnöj Anutu möpöseiba kewö köuluköyök:

⁸Gölmeņi gölmeņi pakpak yeņön Rom engö mötnaripņinaņgö kösohotņi jigetka mörakzal. Miaņgöra keuni könahiba Jisös Kraistnöj nam köl niņgiiga körek engöra aka Anutuni saiwap jimakzal. ⁹Nöņön mötmöt sihimni pakpak Anutugö nupnöj ala welenņi qeba Nahönņanņgö Ölöwak Buņanņi jim asarimakzal. Miaņgöreņ sundan iņini mötmörim engimakzali, mi Anutunöj naņgöba jimakza.

¹⁰Nalö dop kewö jiba köulukömakzal, “O Anutu, nöņön Rom yeņgöreņ an-

mamgö möta nalö köröpņi lök mam-bötzal. Miaņgöra mönö sihimgahö dop jinöņga köna asuhuiga nalö kewöņe ölöp anmam.” Mewö. ¹¹Engeka möt-naripņinan köhöimapköra möta ölöp nup memegö mötmöt kalem kun engimam. Miaņgöra nalö mutukņa engöreņ kaba engekņamgö awöweņgöba maljal. ¹²Kewö akingö awöweņgömakzal: Nöņön engekiga mutulaņgöba ni aka iņini denöwö möt narimakzini, mi er-aum möta urunöj naņgöba körö-ölöwak qem angubin.

¹³^kO urumeleņ alaurupni, iņini mönö kewö mötmöriba malme: Nöņön kian kantri tosatņi yeņgö sutņine liliköba uruņini kuņgum engibiga meleņgeri, miaņgö dop engö sutņine mewöyök öljı asuhui ekņamgö mötzal. Miaņgöra nalö gwötpuk lök engöreņ kusuk kamamgö areņi ala malalmö, yuai tosatņan mönö nalönji nalönji jöhöm niņgiiga osial. ¹⁴Anutugö jeņe tosa kewö ahöm niņgiza: Ambazip kambu könanņi könanņi bauköm engimamaņgö keuņan mönö nöņgö qakne ahöza. Mötmöt ambazip aka gukmaulem ambazip mieņgö welenqeņini öröröj akzal. Mindimindiri keu Grik mötzei aka qandam †mala nanņini keuņine irohwaroho jimakzei, mi körek bauköm engimamgö mötzal. ¹⁵Mewö möta Ölöwak Buņa mi Rom siti engöra mewöyök jim asarimamgö amqeba urukönöp ahakzal. Mewö.

Ölöwak Buņagö kukösumņi kewö:

¹⁶^lAnutugö kukösumņan nini körek mem letot neņgiiga nalö kewöņe Suepkö buņaya akzin. Juda neņön mutuk urunini melenđa mi möt nariin aka neņgö andönine kantri tosatņi yeņön mewöyök mi möt nariget. Miaņgöra

†1:14 Qandam, Siawari imbinöj qandak, Nei keunöj bus kanaka, ambazip arökņe nanņinök tönpin mala mötmöt miriņini qahö gukmaulemnöj malget.

^k1:13 Apö 19.21 ^l1:16 Mak 8.38

Anutunöŋ kukösumŋi Ölöwak Buŋanöŋ ali ahözawaŋgöra mi algamusum qahö ahakzal. ¹⁷mÖlöwak Buŋanöŋ mönö solanŋi akingö könäŋi indelakza. Buŋa keu kun kewö ohoget ahöza, “Solanŋi akzawi, yaŋön mönö Anutu möt nariba mewö miaŋön köhöiba mal öŋgöma. Keu miaŋgö könäŋi kewö: Nini Anutu könahiba möt nariinga mötnaripnini eka keunini jim teköiga solaniin aka gölmenöŋ malbinaŋgö dop toroqeba möt narim waŋgiba jeŋe solanimakin.” Mewö.

Neŋgö siŋgisöndoköra Anutugö irimŋan seholimakza.

¹⁸Ölöp solanibinakmö, ambazip keu ölni ahakmemerŋinan közaŋgöba sik-sauk memakzei, Anutunöŋ mi Suepnöŋ euyaŋ-göreŋök uba ehi qahö dop köliga irimŋi seholimakza. Ambazip mewöŋi pakpak eŋgeka aŋgöjörakŋini qetala silikŋini bölöŋaŋgöra aka kazikŋi indeli asuhumakza. ¹⁹Mi kewögöra: Anutugö könäŋi möt kutubinangö dop akzawi, mi mönö nanŋak indel eŋgiiga sutnine aukŋeyök ahöiga mörakze.

²⁰Anutugö malmalŋi qahö ehakzinmö, kukösumŋi mi Suep gölme miwikŋaim etkiba miaŋgöreŋök könahiba kondela mala koriga nalö teteköŋi qahö asuhumakza. Miaŋgöra Anutugö börösöwöŋi törörök ehinga bem aködamunŋambuk akzawaŋgö könäŋan mönö ölöp möt kutubinangö dop akza. Miaŋgöra ambazipnöŋ yuai kunöŋ möndöba nanŋine keuŋinaŋgö likepŋi naŋgöba jibingö osimakze. ²¹nAnutugö könäŋi möt kutuba malgetmö, töndup “Yaŋön bemnina,” mewö qahö jiba i qahö möpöseigetka qetbuŋaŋi sutŋine qahö ahöyök. Mewö qahö ahöyökmö, keu omaŋi laŋlaŋ mötmörigetka mötmötŋinan löwöriiga

mötök aket. Uru mötkutukutuŋini qahö miaŋön mönö ömuŋ köla pandaman meiga jipjap malje. Miaŋgöra “Anutugö könäŋi qahö mötzin,” jiba möndömöndö laŋ aketka qahö dop kölja.

²²“Mötkutukutu ambazip maljin,” jiba sileŋini memba öŋgöba malgetmö, mewö miaŋön uruqahö ambazip akze. ²³oAnutu qetbuŋaŋi asakmararaŋambuk nalö teteköŋi qahö mal öŋgömawi, i qahö möpöseiba waikŋi qahö memba malgetmö, i mosöta salupŋe tandö lopioŋ aka imut tosatŋi kuŋguget. Tandö lopioŋ söhögetka kaisoŋgolomŋinan azi kömukömuŋangö dop akze. Imut tosatŋi megetka nei sömbup aka gölmenöŋ baŋŋinan köla ölölöŋgömakzei, miengö dop akze. Yeŋön mi sipköba bem ewö möpöseim eŋgiba malget.

²⁴Mewö aka malgeraŋgöra Anutunöŋ i andö eŋguiga nanŋini uruŋinaŋgö sihim kömbönaŋini laŋ wuatangöba serowilin aka nanŋini sileŋini gamu qeba mem et al aŋguba malje. ²⁵Anutugö keu ölni mosöta salupŋe keu muneŋi qekötahöget. Miwimiwikŋai Toŋi ölna qahö göda qeba welenŋi qahö qeba malgetmö, yuai miwikŋaiyöhi me nanŋini böröŋinan megeri, miaŋgö sihimŋi asuhui möta börösöwö miengö waikŋini memba möpöseim eŋgiba malget. Mewö malgetmö, neŋön miwimiwikŋai Tonini mi nalö teteköŋi qahö möpöseimakin. Keu mi ölna.

²⁶Mewö aka malgeraŋgöra Anutunöŋ i andö eŋguiga nanŋini sihim kömbönaŋini gamuŋambuk mi laŋ wuatangöba kewö aket: Yeŋgö ambiurupŋinan awanöm köna diŋdiŋi mosöta nanŋinak melenŋa amimba malget. ²⁷Azi yeŋön mewöyök ambibuk amimba mal-mal mosöta goŋgiget. Kaisero akitkö si-

him kömbönanjini mi azi sutnjine öröm anjuba mötketka könöpñambuk aiga nanñinak meleşda amimba anğöjörakñi-nambuk aka malget. Goñgiba jaubatbat malgeranğö likepñi mi Anutunöñ dopñine meleş enğıga qakñine öñğöiga böliget.

²⁸ Anutugö könanjı möt kutubingöra mötketka eretñi aiga mosötketka Anutunöñ mönö mewöñanök i andö enğıga nanñini mötmötñini goñgoñan galöm köl enğıga ahakmeme gamuñambuk aka memba malget. ²⁹ Ahakmeme goñgoñi aka silik bölöñi könanjı könanjı miññon uruñini kokolak qeiga kewö ahakze: Yuaigö nepaqepalok membagun memingö köpösöñğöba isimkakalek ahakze. Tosatñi yeñğoreñ yuaigöra körögisigisi ahakze. Ambazip enğuget kömumakze. Anğururuk aka tosattñi tilipköm enğimakze. Ambazip tosattñi jiliwitiñ qakñe bölöñi ak enğibingö mörakze. Keu ambazip kezapñine sanep alget geiga diwonğawoñ anakza.

³⁰ Andöqeçe keu jimakze. Anutugö yom jimakze. Silik bölöñi könöpñambuk tem köla wuatangömakze. Jakbak-örañbörañ aka sileñini memba wahörakze. Silenöñ alal aka silik bölöñi murutñi murutñi miwikñaimakze. Iwinam keuñini qahö tem kölakze.

³¹ Mötmötñini qahö tohoiga uruqahö mala keu lañ jöhöba qahö wuatangömakze. Ala-ala qahö aka tosattñi yeñğöra wösömötmöt qahö ak enğimakze. ³² Anutunöñ köna diñdiñi kewö jim kutui ahöza: Ambazip bölöñi mewöñi ahakzei, yeññon mönö kömup köhöikñanğö buñaya akñeangö dop akze. Yeññon jimkutukutu mi möt asarizemö, töndup nanñinak bölöñi mi ahakze aka miyök qahöpñmö, tosattñan

mewö aketka “Ölöp!” jiba imbi köla nanğöm enğimakze. Mewö.

Anutunöñ keunini kewöta diñdiñanök jim tekömakza.

2 ^{PO} alani, gi tosattñi yeñğö keuñini jim tekömakzan me qahö? Gi tosattñi yeñğö keuñini jim teköba nangak ahakmeme miyöhök ahakzan. Miñğöba alagahö keuñi kun jim teközan ewö, mönö nangahö keu mewöyök jim tekönöñga miñğö lömbötñan nangi qake öñğöma. Miñğöba öñğöñğöñi me eretñi akzani, mi töndup mönö yuai kunöñ möndöba nangahö keugö likepñi nanğöba jimamangö osimakzan. ² Ambazip ahakmeme bölöñi mewöñi ahakzei, Anutunöñ yeñğö keuñini keu öññanğö dop kewöta jim tekömakza, mi mötzin.

³ Miñğöba denöwö mötmörizan? Gi gölme azia aka töndup yuai mewöñi ahakzei, yeñğö keuñini jim teköba nangak ahakmeme miyöhök aknöñga dop kölja me qahö? Anutunöñ keugi kewöta jim teköba likepñi meleş gihiiga öñña göhö qake öñğöma. Anutugöra jeñe qahö mömölaköba asambötman.

⁴ Anutunöñ ala ak neñgiba bölöñamninañğö likepñi zilañ qahö meleşmapmö, mamböta möta mökösöñmakzawi, keu miñğöba jijiwilit akzan me? Anutunöñ uruölöpñi kondela urugi meleş-mangöra öröm gihimakzawi, miñğöba tönpin malbanbuk. ⁵ Gi kezapñupñup aka urugi qahö meleşmani, mewö miññon Anutugö jeñe qahö mömölakömanmö, irimsesewölñan göhö qake sehiba öñğöma. Kazik nalöñan kam kuñguiga keunini diñdiñanök jim teköma. Likepñi meleş neñgimawi, nalö miñğöreñ irimsesewölñi mönö aukñe indeliga eka mötpin.

⁶ Anutunöŋ mönö “Ahakmemeni-
nanğö dop mohot mohot neŋğöra
likepŋi meleŋ neŋgimawi,” mi kewö:
⁷ Anutunöŋ qetbuŋaŋi neŋgimapköra
mamböta aködamuninambuk akingöra
kapaŋ köla pöndaŋ kinda nup ölöpŋi
ölöpŋi memba maljini, neŋğöra malmal
köhöikŋi neŋgima. Mi neŋgiiga nalö
teteköŋi qahö oyaenköyaen mal
öŋgöbin. ⁸ Mewö mal öŋgöbinmö,
ambazip nanŋinanğörök mötmöriba
giriŋjabak memba Buŋa keu öŋi andö
qeba keu bölöŋi wuatanağomakzei,
Anutugö irimŋan mönö miaŋğöra
seholiiga kazikŋi ali qakŋine öŋğöma.
⁹ Kazikŋi mi mutuk Juda neŋğö qakŋine
öŋğöiga neŋğö andönine kantri tosatŋi
aiaka bölöŋi ahakzei, körek yeŋğö
qakŋine mewöyök öŋğöiga sihimbölo
kahasililiŋ möta malme.

¹⁰ Mewö malmemö, Juda aka neŋğö
andönine kantri tosatŋan mewöyök
urunini meleŋda aiaka ölöpŋi ahakzini,
Anutugö aködamunŋan mönö körek
neŋğö qakŋine öŋğöiga qetbuŋa
neŋgiiga luainöŋ malbin. ¹¹ Anutunöŋ
ambazip tosatŋi qahö neŋgek soriba
tosatŋi qahö qepureim eŋgimakzampö,
dop mohotnöŋ kewöt neŋgimakza.

¹² Miaŋğö könaŋi kewö: Kantri tosatŋi
yeŋön Anutugöreŋ Köna keu qahö oy-
oŋda möta siŋgisöndok laŋ ahakzei,
yeŋön mönö körekŋanök tönpin mala
ayuhume. Juda neŋön Anutugöreŋ Köna
keu oyonda möta töndup siŋgisön-
dok ahakzini, Anutunöŋ mönö keu mi-
aŋğö dop körek kewöt neŋgiba keunini
jim teköma. ¹³ Ambazip Anutugöreŋ
Köna keu öne mörakzei, yeŋön Anu-
tugö jeŋe solanŋi qahö akze. Qahöpmö,
Köna keu tem köla wuatanağomakzei,
Anutunöŋ mönö yeŋğö keuŋini jim
teköiga solanize. ¹⁴ Kantri tosatŋan Anu-
tugöreŋ Köna keu qahö memba mal-

jemö, tosatŋan töndup laŋ nanŋini imbi
miaŋğö dop mötmöriba ahakze. Anu-
tugö köna keuŋi qahö mötzmö, töndup
mötmötŋinan jim kutum eŋgiiga Anu-
tugö köna keugö dop aka miaŋğö bapŋe
malje.

¹⁵ Mewö maljeaŋğö könaŋi mi
aukŋe asuhuba kewö ahöza: Anutunöŋ
ambazip miwikŋaim neŋgiba miaŋğöreŋ
Köna keuŋaŋğö jimkutukutuŋi mi körek
neŋğö urunine ali ahöza. Miaŋğöra
Anutunöŋ keuŋi jiba saŋep alakzawi, mi
kian kantri yeŋön mewöyök mörakze.
Mi uruŋinaŋğö kezapŋan mötketka
keuŋini jiiga Anutubuk öröröŋ mörakze.
Anutunöŋ urumötmöt eŋgiyöhi, miaŋön
nalö tosatŋe keu jakeŋe ala kuŋgum
eŋgiiga möt bölimahakze aka nalö
tosatŋe keuŋini nanğöba jiiga möt
ölöwahakze. ¹⁶ Ölöwak Buŋa jim
asarimakzali, miaŋğö dop nalö ketane
kewö asuhuma: Kraist Jisösnöŋ Anutu
bauköm waŋgiiga ambazip neŋğöreŋ
keu tölapŋi tölapŋi kewöta jim teköm
neŋgima. Mewö.

Köna keu miaŋön könaŋamnini denöwö indelja?

¹⁷ Gi nangi qetki Juda azia qeta
Köna keunöŋ amöt qem gihimapkö
mötmö nariba “Anutugö buŋaya akzal,”
jiba silegi möpöseinöŋga dop kölja
me qahö? ¹⁸ Gi Anutugö jitaŋğö dop
malmalgö keuŋi möt sölöŋğöba mal-
jan. Anutugö Köna keu kusum gihig-
eraŋğöra aka köna qetpuk sorok wu-
atanağomangö jiba keu pakpak kewöta
ölŋi aka munenŋi mendeŋmakzan. ¹⁹ Gi
“Ölöp jegömöl ambazip alabaukŋini aka
eŋguaŋgitmam,” jiba aiweliköm aŋgu-
makzan. Söŋaŋpöŋ maljei, mi mem
asarim eŋgimananaŋğö dop awösamkakak
akzan.

²⁰Mewö aka kewö jimakzan, “Köna keu kusum niŋgigetka mötkutukutu lök miwikŋaiba keu öljangö könani mötzal.” Mewö jiba amqeba kewö jimakzan, “Ni ölop ambazip mötmötjini qahö yeŋgö böhiŋina akŋam. Ölop mönö namande yeŋgö qaqazuŋina aka kusum eŋgimakŋam.” ²¹Mewö jiba tosatŋi kusum eŋgiba wuanöŋgöra nangi qahö kusum aŋgumakzan? “Yonŋorö kude meman,” jiba ambazip uruŋini kuŋgum eŋgimakzanmö, nangak yonŋorö meme aknöŋga qahö dop kölja.

²²“Sero yonŋorö kude akŋan,” mewö jinöŋ mötketka nangak kaisero akzan me qahö? Tandö lopioŋ sisit mem eŋgimakzanmö, töndup nangak jöwöwöl jikenöŋ öŋgöba yuaini aŋgön köla kiom qeba memakzan. Mi qahö dop kölja.

²³Anutugöreŋ Köna keubuk maljanangöra silegi laŋ memba öŋgömakzanmö, nangak mi walöŋda mewö miaŋön Anutugö qetbuŋani memba et ala malnöŋga gamuŋambuk ahakza. ²⁴^sMiaŋgö keuŋi mi Buŋa Kimbinöŋ kewö ohoget ahöza, “Eŋgö silikŋinaŋgöra aka kian kantri könagesö yeŋön Anutugö qetŋi ilita sutŋine mepaqepaik ahakze.”

²⁵Anutugöreŋ Köna keu wuatangöba maljan ewö, Anutugö aiwesökŋi silege yandigeri, miaŋön mönö bauköm gihiŋa dop kölja. Mi dop köljamö, köna keu walöŋda siŋgisöndok ahakzan ewö, mönö aiwesöki qahö memeni mewö tandök aka öne laŋ maljan. ²⁶Tosatŋan Anutugö aiwesökŋi sileŋine qahö yandigetka töndup köna keugö jimkutukutuŋi wuatangömakze ewö, Anutunöŋ aiwesök mi sileŋine ahözawaŋgö dop ewö eŋgehiga dop kölja.

²⁷Mewö eŋgehiga yeŋgöreŋök kunŋan ölop Köna keugö dop göhö keugi

töhönŋi kewöta jim teköiga etman. Anutugö aiwesökŋi silege yandigetka Köna keugö bohönŋi mohot mohot möt aŋgön köla maljanmö, mi walöŋda siŋgisöndok ahakzanaŋgöra aka etman. ²⁸Azi kunŋan silenöhök Juda azia akza ewö, yaŋön mönö Juda azi öljŋi qahö akza. Mewöyök Anutugö aiwesökŋi sileŋeyök yandigetka yaŋgiseŋ ahakze ewö, mi mönö aiwesök omaŋi, öljŋi qahö.

²⁹^tÖljŋi qahöpmö, azi kun uruŋan Juda azia akzawi, yaŋön mönö Juda azi öljŋi akza. Mewöŋanök Anutunöŋ urunini qesöŋda Uŋaŋi Töröŋi miaŋgöreŋ ali maljawi, miaŋön mönö aiwesök öljŋi akza. Köna keugö bohönŋi wuatangöba azi sileŋi yandigetka gölme ambazipnöŋ mötketka öŋgömakzapmö, Anutunöŋ aiwesökŋi urunine kinjawaŋgöra möri öŋgöi möpöseim neŋgimakza. Mewö.

Anutunöŋ keuŋi pöndaŋ wuatangömakza.

3 Mewö ahöiga Juda ambazip maljini, miaŋön mönö denöwö bauköm neŋgibawak? Anutugö aiwesökŋi silenine yandigeri, miaŋgö öljŋan mönö denöwö ahum neŋgiza? ²Öljŋan mönö malmal pakpak miaŋgöreŋ gwötpuk ahuba öljŋa bauköm neŋgimakza. Miaŋgö keuŋi mutukŋi kewö: Anutunöŋ Buŋa keuŋi neŋgiiga buŋanina aiga maljin.

³Mewö maljinmö, neŋgöreŋök tosatŋan Anutu qahö möt narim waŋgiba malgetka denöwö ak eŋgima? Yaŋgiseŋ malgeraŋgö likeŋŋi meleŋda mönö denöwö ak neŋgima? Urukalemŋi jöhöba aŋgön köliŋa omaŋi akŋa me denöwö? ⁴^uMi qahöpmahöp! Nini körek pakpak muneŋ ambazip akzinmö, Anutunöŋ öl töhöŋŋi akza. Anutugö

kónaŋi mi Buŋa Kimbinöŋ kewö ohoget ahöza,

“Keu jakeŋe ala qesim gihigetka keugahö likeŋi jim asariba miangöreŋ diŋdiŋi aka luhut al engiba kinman. Göhö kónaŋamgi mewö miwikŋaiba nanğöba jime.”

⁵Neŋön ahakmeme goŋgoŋi wuatangöinga Anutunöŋ qindijaim neŋgiiga ahakmemerŋi diŋdiŋan mewö aukŋe asuhuza ewö, neŋön keu miangöra mönö denöwö jibinak? Ni keu mi gölme ambazip mötmötkö dop kewö jizal: Anutunöŋ likeŋi melerŋiga irimesewölŋan qaknine öngözawi, yanğö mötmötŋan mewö goŋgiza me qahö? ⁶Qahö, mi yapmakek! Anutunöŋ goŋgoŋi akawak ewö, yanğön gölmerŋi gölmerŋi neŋgö keunini mönö denöwö kewöta törörök jim teköbawak?

⁷Nöŋön munerŋ azia akiga Anutunöŋ keuŋi ölŋan qindijaim niŋgiiga yanğö qetbuŋaŋan mewö aukŋe asuhum tiŋgitza. Mewö aiga nöŋön siŋgisöndok ahali, Anutunöŋ miangö keuŋi mönö denöwögöra jim teköza? Nömosöri nani imbi-imbi malbi dop kölbawak me qahö? Keuŋan mönö qahö löwöriba etma. ⁸Möno kewö jiinga dop kölbawak, “Nini ölöp bölöŋi toroqeba ahinga Anutunöŋ mi qindijaiiga ölöpŋangö ölŋan asuhiiga keuŋan qetbuŋaŋambuk akŋa.” Tosatŋan neŋgöra keu sirongen mewö jiba toroqeba kewö jimakze, “Polnöŋ keu mewö jiba miangö dop laŋ ahakza.” Mewö aka jigerangö keuŋi mi Anutunöŋ kewöta dopŋine jim teköm engima, mötzal. Mewö.

Ambazip kunŋan solanŋi qahö akza.

⁹Keu mewö eraum möta mi denöwö jim teköbinak? Juda neŋön kantri

tosatŋi engongita Anutugö jeŋe diŋdiŋi akzin me qahö? Saubanŋ! Miangö keuŋi lök qeljiŋe kewö jim köhöinin: Juda me kantri tosatŋi akinak, nini körekmakörek siŋgisöndok ahinga köpeim neŋgiiga maljin. Miangöra silenini memba öngöbingö osimakzin. ¹⁰⁠Miangö keuŋi mi Buŋa Kimbinöŋ kewö ohoget ahöza,

“Kunŋan kun solanŋi diŋdiŋi qahö kötökŋi akza.

¹¹Kungö uruŋe mötmöt qahö ahum kutui laŋ malje. Kunŋan kun Anutu miwikŋaimangö qahö kapaŋ kölakza.

¹²Qahöpmö, körekŋan mönö köna onğita janjuŋ aka malje.

Körekmakörekŋan mönö böliba Anutugö jeŋe aŋğöjörakŋinambuk akze. Ölöpŋi ahakzawi, mohot-töwa kun mi qahöpmahöp miwikŋaizal.

¹³⁠Nesilamŋinan isimkakalek ahakze.

Jöl ginaginaŋinan qaksirigö löm ewö aŋaŋiba kiniga kömupkö qösösökŋi ewö miangön ambazip laŋ ayuhum engimakze. Keu bölöŋi mi qatögö jitŋi möröm warabe ewö numbuŋine kokolak qeba ahöiga jitŋinan ambazip laŋ engöhömakze.

¹⁴⁠Sait keu kömbukŋambuknöŋ mönö numbuŋini kokolak qeiga ambazip laŋ qesuahöm engimakze.

¹⁵⁠Ambazip laŋ enguba sepŋini mokomegöra kónaŋinan kik-kek ösumok anda kamakze.

¹⁶Kónaŋini goŋgii maljeangö aiwesökŋini kewö akza: Denike lilikömakzei, miangöreŋ mönö könderŋ-mönderŋ aketka ambazip uruŋinan böliba kömbuhi-makza.

¹⁷Luainöŋ malmalgö kónaŋi mi qahö möt kutum yaköze.

¹⁸⁠Anutu göda qebingö keuŋi mi uruŋine qahö ahöza. Jitŋi

⁠^v3:10 Sum 14.1-3; 53.1-3 ^w3:13 Sum 5.9; 140.3 ^x3:14 Sum 10.7

⁠^y3:15 Ais 59.7-8 ^z3:18 Sum 36.1

onġitpinbukōra keŋġoġtjini qahō mōta ōnewat laġ malje.”

Anutugōreġ keu mewō ahōza.

¹⁹ Anutunōġ Kōna keu kewōgōra neŋġiyōk, mi mōtzin: Kōna keu pakpak miaġōn gōlme dop jōhōm neŋġimakza. Nini keu miaġō bapġe anda tem kōla malinga dop kōlma. Qahō tem kōlbin ewō, Anutunōġ mōnō likepġi meleġ neŋġi ayuhubin. Miaġōra sōmbunini mōta mōndōmōndōnini mosōta keu bōk mala tem kōl waŋġiinga dop kōlma. Anutunōġ ambazip kōnanini mewō indelōha ahōza.

²⁰ ^aKōna keunōġ jōhōm neŋġimakzapmō, nini lōkġanōk mi wuatāŋġōbingō osimakzin. Anutugōreġ Kōna keunōġ siŋġisōndok qiwikġaiiga aukġe eka ōlōp mōt kutubinmō, kōna miaġōn Anutugō jeġe solanġi akingō osibin. Mewō.

Solanġi akingō kōnanġi mi mōtnarip.

²¹ Naninak osimakzinmō, Anutunōġ Kōna keu wuatāŋġōba solanġi akingōra mi qahō jiyōkmō, kōna murutġi kewō areŋġōba jii ahōza: Anutunōġ nanġak keunini jim tekōiga yaŋġō jeġe solanibin. Anutunōġ keu mi Moses aka kezapqetok ambazip yaŋġōra indeliga naŋġōba jiba Buġa Kimbinōġ ohogetka nalō kewōġe aukġe asuhuiga mōtzin.

²² ^bMiaġōra denike denike neġōn Jisōs Kraist mōt narizini, Anutunōġ mōnō kōrek neġō keunini jim tekōiga solanibin. Ambazip kambu murutġi murutġi neġōn Anutugō jeġe ōrōrōġ akzin.

²³ Ambazip kōrek neġōn siŋġisōndok aka Anutugō asakmararaŋġōra osizin.

²⁴ Mi osizinmō, Anutugō kalem mōriamġan asuhuiga Kraist Jisōsnōġ sohopnini meyōk. Anutunōġ kalem miaġōra aka keunini jim tekōiga

solanibin. ²⁵ Mutuk siŋġisōndok aka malġeri, Anutunōġ mi mōta mōkōsōġda likepġi zilaġ qahō meleġ eŋġiyōk. Mi qahō meleġ eŋġiba nanġi ahakmeme solanġan aukġe asuhumapkōra mōta Kraist Jisōs jōwōwōl sōmbup ewō aliga qeġet kōmuiga Anutugō jeġe kōl kōnġōrat neŋġimapkō kōnaġa ahōk. Sepġi mokoyōhi, mi mōt nariinga mewō miaġōn siŋġisōndoknini mosōri solanibin. ²⁶ Kōnanġi mi nalō kewōġe aukġe asuhumapkōra mōta Jisōs mewō ak waŋġiyōk. Anutugō ahakmeme solanġi mi kewō: Nanġak solanġi akza aka kunġan Jisōs mōt narizawi, mōnō yaŋġō keuġi jim tekōiga solanimakza.

²⁷ Mewō aiga mōnō wanigōra silenini mem ōŋġōbinak? Yuai kungōra aka qahōpmahōp. Kōna keu wuatāŋġōba solanġi akingōra mi osizin. Mewō solanġi qahō akinmō, Jisōs mōt nariinga Anutunōġ neġeka keunini jim tekōiga solanimakin. ²⁸ Keu ki jim tekōba kōtġi kewō jim kōhōizin: Kōna keu wuatāŋġōmakzināŋġōra qahōpmō, Jisōs mōt narim waŋġizinaŋġōra aka Anutunōġ keunini jim tekōiga solanimakin. ²⁹ Anutunōġ Juda neġġō Anutuninanōk qahō akza. Mōnō kantri tosatġi yaŋġō Anutuġina mewōyōk akza me qahō? Mōnō yaŋġō Anutuġina mohot akza.

³⁰ ^cAnutunōġ mohot akza. Miaġōra silenini yandiget malġini, neġōn mōt narim waŋġiinga mem solanim neġimakza aka silenġini qahō yandiget malġei, mi mewōyōk mōt narim waŋġigerāŋġōra aka mem solanim eŋġimakza. ³¹ Mōtnarimeġō keu jiba miaġōn kuŋġum eŋġiba mewō miaġōn Kōna keu memba et alinga omaġi akġa me qahō? Mi yapmakek qahōpmō, Anutugōreġ Kōna keu mi qahō qeapkōmakzinmō, mi mem kōhōimakzin. Mewō.

**Abrahamnōj Anutu
mōt nariba solanji ahök.**

4 Nini bōmōn jalōnini Abrahamgō kōnaṅaṅgōra denōwō jibin? Yaṅōn Anutugō kōnaṅi denōwō miwikṅaiba yaṅō jeṅe solanji ahök? ²Ōlṅa, Anutunōj yaṅgō keuṅi ahakmemeṅi ölöṅṅaṅgōra aka jim tekōiga solanibawak ewō, yaṅōn miāṅgōra ölöṅ sileṅi memba öṅgōbawakmō, mi Anutugō jeṅe qahō. ³^dMiāṅgō keuṅi Buṅa Kimbinōj kewō ohoget ahōza, “Abrahamnōj Anutu mōt nariiga mötnariṅi ehi dop kōliga keuṅi jim tekōiga solaniyök.” Keu mewō ahōza.

⁴Keuṅi mönō kalema jim tekōiga solaniyökmō, kunṅan nup meiga galōmṅan tōwaṅi kalema qahōpmō, nup memakzawaṅgō dop ek kewōta tōwaṅi waṅgimakza. ⁵Gölme galōmnōj mewō waṅgimakzapmō, Anutunōj aṅgōjōrak ambazip neṅgō keunini jim tekōiga solanimakin. Miāṅgōra kunṅan oyaenṅkoyaen akṅamgōra nup qahō memba Anutu öne möt narim waṅgizawi, Anutunōj mönō mötnariṅi mi ehi dop kōliga keuṅi jim tekōiga solanima.

⁶Deiwidnōj mewōyök keu miāṅgō kōnaṅi naṅgōba keu kewō indela jiyök, “Kunṅan oyaenṅkoyaen akṅamgōra nup qahō meiga Anutunōj mötnariṅi ehi dop kōliga keuṅi jim tekōiga solanizawi, yaṅōn mönō simbawoṅ akza.” ⁷^eMewō jiiga keuṅi mi kewō ohoget ahōza, “Ambazip Kōna keu walōṅgetka Anutunōj siṅgisōndokṅi mosōta kōl kōnjōrari maljei, yeṅōn mönō simbawoṅ akze.

⁸Kembunōj kungō siṅgisōndokṅi saṅgoṅda ehi dop kōliga likeṅi qakṅe

qahō ali öṅgōmawi, yaṅōn mönō oyaenṅkoyaen akza.”

Keu mewō ahōza.

⁹Anutunōj oyaenṅkoyaen akingō kōnaṅi mewō indela Anutugō aiwesōkninambuk neṅgōrök jii ahōza me qahō? Mi qahō. Mi mönō kantri tosatṅi aiwesōknini qahō yeṅgōra mewōyök ahōza. Neṅōn lök kewō jiba ohozin, “Abrahamnōj Anutu möt nariiga mötnariṅi ehi dop kōliga keuṅi jim tekōiga solaniyök.”

¹⁰Mōnō wani nalōnōj ehi dop kōliga keuṅi jim tekōiga solaniyök? Anutugō aiwesōkṅi sileṅe yandiget malōhi, nalō miāṅgōreṅ qahōpmō, mutuk öne malōhi, Anutunōj mönō nalō miāṅgōreṅ mötnariṅi ehi dop kōliga keuṅi jim tekōiga solaniyök.

¹¹^fMutuk öne mala Anutu möt nariiga keuṅi jim tekōiga solaniyök. Miāṅgō andōṅe dop kōljawaṅgō aiwesōkṅi mi sileṅe yandimegōra jiiga muṅgem supap ewō ahök. Mewō aiga yaṅgō andōṅe Anutugō aiwesōkninambuk qahō mala möt narim waṅgiinga mötnariṅi ehi dop kōliga keunini jim tekōiga solanibini, Abrahamnōj kōrek neṅgō bōmōn jalōnina ahök. ¹²Bōmōn jalōnini yaṅōn öne mala nalō miāṅgōreṅ uruṅi melenṅda Anutu möt nariba malōhi, nini aiwesōkninambuk yaṅgō dop aka maljin. Anutugō aiwesōkninambuk mala urunini melenṅda maljini, mönō neṅgō bōmōnina mewōyök ahök. Aiwesōk yandim neṅgigetka öne laṅ qahō maljinmō, Abrahamgō kōna lasupṅi wuatāṅgōba möt narimakzin. Mewō.

Anutugö jöhöjöhö keu môt nariinga öljambuk akņa.

^{13g}Anutunöŋ Abraham gölme buņa qem wanğiiga toŋi aiga gwölönarökurupŋan yaŋgö andöŋe mewö mal öŋgömegö keuŋi jiba jöhöyök. Keu mi Köna keu wuatangöyöhaŋgöra aka qahö jiyökmö, Anutunöŋ mötnariŋŋi ehi dop köliga keuŋi jim teköi solanŋi ahöhaŋgöra keu mi jiyök.

^{14h}Tosatŋan oyaenjkoyaenŋ akingöra Köna keunöŋ qekötahöba mewö miaŋön Anutugöreŋ yuai mi buņa qem aŋgubeak ewö, yeŋön mönö môt naribingö keuŋi qeapkögetka omaŋi akawak. Mewö Anutugö jöhöjöhö keugöra qahö osiinga keu miaŋön omaŋi akapuk. ¹⁵Anutugöreŋ Köna keu walöŋninga irimŋi seholiiga kazikŋan qaknine öŋgömakzapmö, Köna keu qahö ahöbawak, mewö siŋgisöndokö keuŋi qahö jibinak.

¹⁶ⁱAbrahamnöŋ mewö mindirim neŋgiba körek neŋgö bömönini akza. Miaŋgöra jöhöjöhö keuŋi neŋgiyöhi, mi Köna keunöŋ qekötahömakzei, yeŋgörök qahöpmö, Abraham ahök ewö môt narimakzini, neŋgöreŋ mewöyök öljambuk akŋapköra mörök. Miaŋgöra Anutunöŋ jöhöjöhö keuŋi mi kewö areŋgöba alök: Mi môt nariinga öljö körek neŋgöra kalema neŋgiiga kalem möriamŋan aukŋe asuhumakza.

^{17j}Abrahamgö keuŋi kun mi Buņa Kimbinöŋ kewö ohoget ahöza, “Nöŋön gi kuŋgum gihibiga ambazip könagesö gwötpuk yeŋgö iwiŋina akŋan.” Keu mi-aŋgö dop Abrahamnöŋ Anutugö jeŋe iwi ak neŋgimakza. Anutunöŋ kömükömuŋi mem gulim eŋgimakza. Könagesö malmalŋini qahö, mi jebuk maljeaŋgö tandök ewö eŋgoholi asuhumakze. Abra-

hamnöŋ mönö Anutu mewöŋi môt narim wanğiyoŋk.

^{18k}Anutunöŋ mutuk Abrahamgöra kewö jii mörök, “Göhö gwölönarökurupkan ahum sehigetka jaŋgöŋini seŋgelau ewö aiga malme.” Jöhöjöhö keu mi möta denöwö öljambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeŋgö iwiŋini akŋamgö mamböta malök. Jöhöjöhö keu mutukŋaŋgö dop asuhumapköra mönö Anutu môt narim wanğiba malök. ^{19l}Saragö köröŋan morö memegö dop qahö aiga nanŋak yambuŋi lök 100:kö dop ahök. Miaŋgöra nanŋi mötmöriiga lök azi namŋi sileŋi waziba sohoholiŋi ahökmö, töndup Anutugöreŋ keunöŋ öljambuk akŋapköra môt narim wanğiba maliga Abrahamgö mötnariŋŋan qahö sörauba löwöriyoŋk.

²⁰Qahö löwöriyoŋkmö, keuŋan öljambuk akŋapkö môt nariba miaŋgöreŋ köhöiba kinök. Anutugö jöhöjöhö keugöra uruŋan an qem kam qem uruyahöt qahö ahökmö, mötnariŋŋan köhöiiga Anutu möpöseiba maliga Anutugö qetbuŋaŋan sehiyoŋk. ²¹Anutunöŋ yuai asuhumapkö keuŋi jiba jöhöba mi ak tekömamgö köhöimakzawi, mi môt köhöim teköba uruyahöt kun qahö aka malök. ²²Mewö aka malöhaŋgöra Anutunöŋ Abrahamgö mötnariŋŋi ehi dop köliga keuŋi jim teköiga solaniyoŋk. ²³Mötnariŋŋi ehi dop köliga keuŋi jim teköiga solaniyöhi, keu mi Abrahamgörök qahö ohoget ahöza.

²⁴Abrahamgörök qahöpmö, neŋgöra aka mewöyök mi ohoget ahöza. Nini Kembunini Jisös mem gulii kömupnöhök wahörohö, Anutu ia

möt narim waŋgiinga mötnaripnini ehi dop köliga jim teköm neŋgiiga solanibin. ^{25m}Anutunöŋ neŋgö ŋiŋgisöndok-ninaŋgöra aka Jisös qahö aŋgön köli kömuyök aka solanŋi akingöra aka mem guliiga kömupnöhök wahöta malja. Mewö.

Anutugö jeje solaniba söŋgaiba luainöŋ maljin.

5 Neŋön Anutu möt nariinga keunini jim teköiga solanizin. Miangöra Kembunini Jisös Kraistnöŋ mönö nam köl neŋgiiga Anutubuk luai miwikŋaiba maljin. ²Mewöyök Jisös Kraist möt nariinga nam köl neŋgiiga kalem möriam buŋa qem aŋgubingö könaŋi miwikŋaiba nalö kewöŋe kalem möriam uruŋe maljin. Anutugö asakmararaŋ uruŋe aŋgotpingö jörömqöröm aka söŋgaimakzin.

³Miangörök qahö söŋgaimakzinmö, wahöjalij möta miangöra mewöyök söŋgaimakzin. Köŋjilij möta mökösoŋda mewö mianön kapaŋkölköl miwikŋaibin. Mi möta miangöra söŋgaimakzin. ⁴Kapaŋkölköl miwikŋaiba esapesapnöŋ köhöiba kinbin. Esapesap-nöŋ köhöiba kininga jörömqörömninan köhöimakŋa.

⁵Anutunöŋ Uŋa Töröŋi al neŋgiiga köna asuhuiiga urukalemŋi mokoiga urunine geiga maljin. Miangöra jörömqöröm aka oyaenŋkoyaen akingö al mamböta gamumamusum qahö miwikŋaibin.

⁶Miangö könaŋi kewö: Nini mutuk lölöwöröŋi ösumnini qahö malini, Kraistnöŋ mönö nalö diŋdiŋi miangöreŋök kömumba ambazip aŋgöjörakninambuk neŋgö sohopnini meyök. ⁷Kunöŋ Köna keu törörök wuatangöba diŋdiŋi akzawi, ala mewöŋangöra kunŋan ölop qahö kömumbawak? Mi möriiga osibawakmö,

kunöŋ urukalem gwötpuk ambazip ak enŋgimakzawi, alaŋi kunŋan yaŋgöra aka ölop sileŋi köleŋda kömumamgö mötpawak.

⁸Ambazipnöŋ mewö ahakzinmö, Anutunöŋ uruŋan jöpaköm neŋgimakzawi, yaŋön mi kewö kondelök: Yaŋön Kraist melaiiga eta mutuk aŋgöjörak ambazip malini, nalö miangöreŋök mönö neŋgöra aka kömuyök. ⁹Kömuiga nalö kewöŋe sepŋan saŋgoŋda jim teköm neŋgiiga solaniba maljin. Töndup mi korembenji ewö aiga ölnan mönö könaŋep kewö asuhuma: Anutunöŋ ŋiŋgisön-dokö urukönöpŋi aukŋe kondeliga yuai kanjamŋambuk gölmenöŋ asuhuma. Mi asuhuiiga Anutugö jeje solanŋi akzinaŋgöra Jisösnöŋ mönö jeŋberereŋ miangöreŋök meköm neŋgiiga oyaenŋkoyaen aŋin.

¹⁰Nini mutuk Anutugö kerökurupŋi malini, nalö miangöreŋ nanŋi Nahönŋi melaii kömumba mianön töwanini ahiga Anutubuk ala-ala ahin. Ahini, mianön korembenji akzapmö, ölni bohonŋan könaŋep kewö asuhuma: Töwanini ali Anutugö alaurupŋi malinga Jisösnöŋ köhöiba maljawangöra mönö amqeba meköm neŋgiiga oyaenŋkoyaen aŋin.

¹¹Kembunini Jisösnöŋ Anutugö amötqeŋe nupŋi meiga Anutunöŋ töwanini ali yambuk ala-ala ahini, miyöhök qahöpmö, ölna Anutubuk jöpaköm aŋguba kinda köiraŋ köla söŋgaimakzin. Mewö.

Adamgöra aka köhömuŋi akzinmö, Kraistköra aka gulibin.

¹²ⁿAzi mohotnöŋ ŋiŋgisöndok gölmenöŋ kondoriga asuhuyök. Anutunöŋ ŋiŋgisöndok miangö likepŋi aliga kömup asuhuyök. Miangö dop ambazip körek neŋön ŋiŋgisöndok aka malinga kömupnöŋ miangöra ambazip körek pak-

pak dop köl neŋgii maljin. ¹³Mutuk Kōna keu qahō asuhuiğa nalō miangōreŋ mewōyōk siŋgisōndok lōk aukŋe asuħuba ahōyōkmō, Kōna keu qahō ahōiğa siŋgisōndokō keuŋi mi qahō jim kewōta laŋ malget.

¹⁴Adamgō nalōneyōk kōnahiba laŋ mala kotketka Mosesgō nalōŋe Kōna keu asuhuyōk. Ambazip nalō sutŋe miangōreŋ siŋgisōndok aketmō, Adamnōŋ kōna walōŋnōhi, miangō dowōk qahō walōŋda malgetmō, kōmupnōŋ tōndup i mewōyōk galōm köl eŋgii malget.

Adam, azi mutukŋi yaŋōn mōnō azi kun kamawaŋgō sōpsōpŋa ahōk.

¹⁵Sōpsōpŋa ahōkmō, kōnaŋiri mi örōrōŋ qahō akzahot. Adamnōŋ Kōna keu walōŋda eri siŋgisōndok asuhum seħiba ambazip gwōtpuk dop köl eŋgiğa kōmumba malget. Mi kōmupkō kōnaŋi akzāpmō, oyaeŋkoyaeŋ akingō kōnaŋi mi kun. Mi kewō: Azi mohot Jisōs Kraist yaŋōn nam köl neŋgiba kalem mōriamŋi indeliğa Anutugō kalemŋan aukŋe asuħuba ambazip gwōtpuk dop kōla qesalōpkōm neŋgiyōk. ¹⁶Toroqeba kewō jimam: Kōna yahōt mi örōrōŋ qahō akzahot. Azi mohotnōŋ siŋgisōndok aiga Anutunōŋ keuŋi jim tekōiğa siŋgisōndok ambazip kōrek neŋōn kōnōp siagō buŋaya akzin. Mi gōlme azigō kōnaŋi akzāpmō, Sup azigō kōnaŋi mi kun. Mi kewō: Nalō gwōtpuk Anutugō Kōna keu walōŋninga kalemŋi kondela jim tekōm neŋgiğa solanimakzin.

¹⁷Mi dumge jimam: Azi mohotnōŋ Kōna keu walōŋda kōmup kondoriga ambazip kōrekmakōrek kōmumba maljin. Adamgō siŋgisōndokōra aka kōmupnōŋ kōrek dop kōla galōm köl neŋgii laŋ malin. Mi kōna etqeŋeŋi akzāpmō, Anutu ösum-mumuŋaŋgō

kōnaŋi mi kewō: Ambazip nini solanŋi akingō kalemŋi mi keleŋmaleleŋ buŋa qem aŋguba kalem mōriamŋaŋgō uruŋe maljini, neŋōn mōnō oyaeŋkoyaeŋ akin. Azi mohot Jisōs Kraist yaŋōn naŋgōba inahōm neŋgiğa suahō †

¹⁸Dumge kunbuk jimam: Azi mohotnōŋ Anutugō Kōna keu walōŋda eri Anutunōŋ keuŋi jim tekōiğa ambazip kōrek neŋōn kōnōp siagō buŋaya ahin. Mewōŋanōk azi kunŋan solanŋi akingō kondoriga urunini meleŋninga Anutunōŋ ölop ambazip pakpak neŋgō keunini jim tekōiğa solaniba kōhōiba mal öŋgōbin. ¹⁹Dumge kunbuk kewō jimam: Azi mohotnōŋ qeŋetal aka siŋgisōndok bohōn kōli seħiğa ambazip sehiseħiŋi neŋōn meleŋda siŋgisōndok ambazip ahin. Mewōŋanōk azi kunŋan Anutugō jitŋi tem kōla siŋgisōndokninaŋgō tōwaŋi aliğa kōna asuhuiğa Anutunōŋ ambazip sehiseħiŋi neŋgō keunini jim tekōiğa solanibin.

²⁰Mutuk öne laŋ mala kotketmō, Mosesgō nalōŋe Anutunōŋ Kōna keu ambazip siŋgisōndokŋini mōt kutumegōra toroqem eŋgiyōk. Mi toroqem eŋgiyōkmō, mi mōtketka siŋgisōndokŋinan seħiba aukŋe asuhuyōk. Mewō aiga Anutunōŋ mōnō kalem mōriamŋi mewōyōk mem seħiğa siŋgisōndok oŋgita asuhuyōk. ²¹Siŋgisōndokō kukōsumŋi mi ketanŋi. Miangōra siŋgisōndok ahinga mianŋōn galōm köl neŋgiğa kōhōmuŋi mala kōmumba mala korin. Anutugō kalem mōriamŋi mianŋōn mōnō mewōŋanōk kukōsumŋambuk akza. Jisōs Kraist Kembuninan solanibingō kondoriga Anutunōŋ keunini jim tekōiğa diŋgiba malmal kōhōikŋi miwikŋaiba nalō tetekōŋi qahō mal öŋgōbin. Mewō.

†5:17 Jembon oŋi nene (Siawari keunōŋ qariwe ilikŋi nene) ewō kōhōiba mal öŋgōbin. ewō kōhōiba mal öŋgōbin.

**Singisöndok andö qeba
Kraistpuk guliba malme.**

6 Anutunöŋ kalem möriamŋi neŋgii sehimapköra singisöndok toroqeba aka malbin me qahö? Miaŋgöra mönö denöwö jiiŋga dop kölma? ² Singisöndok yapmakek! Nini singisöndokö kösönöhök lolohoba urunini walŋan qamöt ewö aiga singisöndok akingö tököba maljin ewö, mönö denöwögöra singisöndoknöŋ toroqeba galöm köl neŋgii malbinak?

³ Keu ki mötze me qahö: Nini körek Kraistköreŋ qeköta-höbingöra aka o melun mem neŋgiget. Miaŋgöreŋ urunini walŋan mönö Jisös qeget kömuyöhaŋgö tandök kömui malbingöra o melun mi mem neŋgiget.

⁴ Iwinöŋ asakmararaŋi kondela Kraist mem gulii kömupnööhök wahöröhi, neŋgö uruninan mewöyök kölönjaiiga dölökŋi aka malinga dop kölma. Iwininan nini Kraistkö tandök ewö guliba wahöta ahakmeme dölökŋi aka memba malbingöra mötza. Miaŋgöra o melun mi kewögöra mem neŋgiget: Urunini walŋan Jisösbuk mohotŋe kömumba ahömapköra urunini walŋi mi mewö löm kölget.

⁵ Urunini walŋan Kraistpuk öröröŋ kömui miaŋgöreŋ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöŋ kömupnööhök wahöröhi, mönö yaŋgö tandök öröröŋ guliba malinga dop kölma. ⁶ Urusilegö sihim kömbönaŋnini bölöŋan singisöndok akingö köpösöŋgömakzawi, Anutunöŋ sihim mi köndeŋni gemapköra mörakza. Anutunöŋ singisöndoknöŋ toroqeba galöm köl neŋgii welenŋi qeba malbinbuköra mötza. Miaŋgöra urunini

walŋi mi Kraistpuk maripomnöŋ lök qeiga kömuyök. Miaŋgö dop maljin, mi mötzin.

⁷ Kungö uruŋi walŋan kömuiga yaŋön mönö singisöndokö kösönöhök lolohoba malja. ⁸ Urunini walŋan Kraistpuk kömuyök ewö, mewöŋanök yambuk guliba mal köhöibingö möt narizin.

⁹ Mewö möt nariba Kraistkö könaŋi kewö ahöi möt yaközin: Anutunöŋ i mem gulii kömupnööhök wahöta mal köhöiba kunbuk qahö kömuma. Kömupnöŋ i qahö toroqeba galöm kölga mal öŋgöma. ¹⁰ Kömup kömuyöhi, mewö miaŋön mönö nalö mohot miaŋgöreŋ singisöndokö kukösümüŋi köndeŋniga nalö teteköŋi qahö lölöwöröŋi ahöm öŋgöma. Malmal köhöikŋi maljawi, mi mönö Anutugöra mala mal öŋgöma. ¹¹ Qamötnöŋ singisöndok akingö osime. Iŋini mönö mewöŋanök nanŋinaŋgö mötketka qamöt ewö aiga Kraist Jisösbuk qekötahöba kinda Anutugöra köhöiba malme.

¹² Sileŋini kömumawi, miaŋgö sihim kömbönaŋi bölöŋan galöm köl eŋgiiga i tem köl waŋgiba singisöndok akepüköra mi mönö jöhöba malme.

¹³ Miaŋgöra sile kitipŋini pakpak mi mönö singisöndok Toŋaŋgö böröŋe kude alme. Mala mewö algetka buŋaŋi aiga bohon kölga aŋgöjörak asuhubapuk. Mewö qahöpmö, köhömuŋeyök gulibagun mönö nanŋini Anutu tököm waŋgime. Sile kitipŋini pakpak mi Anutugö böröŋe algetka buŋaŋi aiga bohon kölga ahakmeme solanŋi asuhumakŋa. ¹⁴ Iŋini Köna keu baŋŋe qahöpmö, kalem möriam uruŋe malje. Miaŋgöra singisöndoknöŋ mönö öne jöhöba galöm köl eŋgii malbepuk. Mewö.

Solanji malmalgö Toŋji welen qeba malme.

¹⁵ Mianğöra denöwö jibinak? Nini Köna keu bapŋe qahöpmö, kalem möriam uruŋe mala ŋiŋisöndok ahinga dop kölja me qahö? Mi yapmakek! ¹⁶ To yahöt akzahot. Nanŋini yetköreŋök kungö böröŋe al aŋguba jitŋi tem köla welenŋi qemakzei, mianğöra mönö keu ki möt yaköme: Injini kun jitŋi tem kölakzei, mönö yangö welenqeŋeurupŋi akze. ŋiŋisöndok Toŋaŋgö welenqeŋeurupŋi akze ewö, yaŋön mönö eŋguaŋgriga kömum köhöime. Anutugö jitŋi tem köla welenŋi qemakze ewö, yaŋön mönö keuŋini jim teköiga solanŋi aka mal öŋgöme.

¹⁷ Injini mutuk ŋiŋisöndok Toŋaŋgö welenqeŋeurupŋi aka malget. Mewö malgetka Buŋa keu mindiŋgöm eŋgi-makŋapköra kusum eŋgigetka mötket. Mi möta mianğö dop uruŋini melenđa nalö kewöŋe Buŋa keu törörök tem köla Anutugö könaŋi wuatangömakze. Mewö möta eŋgöra “Anutu saiwap!” jiba maljin. ¹⁸ Mi wuatangöba ŋiŋisöndokö kösönöhök lolohoba Anutugö welenŋi qeba ahakmeme solanŋi aka memba malje.

¹⁹ Urusilenjanan lölöwöröŋi akzawaŋgöra aka keu mianğö könaŋi mi mönö gölme ambazip neŋgö keu jijigö dop nöŋön kewö jimam: Injini mutuk sile kitipŋini pakpak tököba iwilele Toŋaŋgö (Satangö) böröŋe ala welenŋi qeba malget. Mewö malgetka ahakmeme aŋgöjörakŋambuk asuhuiga uruŋinan tölöhoi malget. Mewö malgetmö, nalö kewöŋe sile kitipŋini pakpak mi mönö tököba Anutugö böröŋe alme. Mewö ala welenŋi qegetka ahakmeme solanŋi asuhuiga sarakŋi ahakŋe.

²⁰ Injini ŋiŋisöndok Toŋaŋgö welenqeŋeurupŋi malgeri, nalö mianğöreŋ ahakmeme solanŋi mi qahö wuatangögetmö, nanŋini imbi-imbi laŋ malget. ²¹ Nalö kewöŋe ahakmeme mianğöra gamuŋini mötze mö, nalö mianğöreŋ mewö aka mala ölni mönö denöwö miwikŋaiget? Ahakmeme gamuŋambuk mianğö ölni mi kömup köhöikŋi.

²² Nalö kewöŋe Anutunöŋ ŋiŋisöndokö kösönöhök pösat eŋgiiga lolohoba Anutugö welenqeŋeurupŋi aketka ölni asuhuiga sarakŋi ahakze. Mewö aka malmal köhöikŋi mala teteköŋe oyaekoyaek aka mal öŋgöme. ²³ ŋiŋisöndok ahinga Toŋan töwa nenggiiga kömup köhöikŋi miwikŋaibinmö, Anutugö kalemŋi mi oyaekoyaek malmal. Kraist Jisös Kembuninambuk qekötahöba kinbin ewö, mönö köhöiba teteköŋi qahö mal öŋgöbin. Mewö.

Awanöm malmalgö söpsöp keu

7 O urumelen alaurupni, injini Köna keu mötzeangö dop eŋgöra kewö jimam: Köna keunöŋ ambazip jöhöm nengiza. Gölmenöŋ mal öŋgöbinangö dop mönö mianğö bapŋe malbin, injini mi mötze me qahö? ² Mianğö söpsöpŋi kun kewö: Köna keunöŋ ambi apŋambuk jöhöiga azinöŋ malmawaŋgö dop awanöm malmahotmö, apŋan kömuma ewö, anömŋan mönö awanöm malmalgö Köna keunöhök lolohoma.

³ Mianğöra apŋan jebuk maliga azi kungöra Oŋ! jiiga mema ewö, yangö qetŋi mönö qesabulum ambia jimakzin. Mewö jimakzinmö, apŋan kömuma ewö, Köna keu mianğön qahö toroqeba jöhöi malma. Mewö mala azi kun memawi, yaŋön mönö qesabulum ambia qahö akŋa.

⁴ Mianğöra urumelen alaurupni, eŋgö könaŋamŋinan mönö mewöŋanök ahöza. Injini mewöyök azi kungö buŋaŋi

aknegöra Kraistpuk qekõtahöget. Anutunöj i mem guli kömupnöhök wahöriga malmalinan ölni Anutugöra miwikñai asuhumapköra mörakza. Kraistnöj kömuiga urunini walñan yambuk kömuiga qamöt ewö aka Kõna keugö buñaji qahö malje. ⁵Mutuk urusilegö sihim kömbönañi bölöñan galöm köl neñgiiga lañ malin. Nalö miangörej Kõna keunöj sölölohöba kuñgum neñgiiga siñgisöndok akingö sihim kömbönañini bölöñan asuhum tiñgita galöm köl neñgiget. Miangöra urusileninan wahöriga malmalinan kömup köhöikñangö ölni miwikñaiiba lañ malin.

⁶Mewö malinmö, mutuk keu miañön jöhöm neñgiiga gwaröñe mala kõna keugö bohonji mohot mohot wuatangöbingö kapañ köla nupñi memba malin. Kraistpuk qekõtahöba kininga urunini walñan yambuk kömuiga nalö kewöñe kõna keugö buñahinangörejök lolohoba kunbuk welenji qahö qemakzin. Nalö kewöñe kõnañamninan kölöñaiiga Uña Töröñan inahöm neñgiiga amqeba Anutugö nupñi memakzin. Mewö.

Siñgisöndok akinbukö kapañ köla aum-mörimakzin.

⁷Miangöra denöwö jibinak? Kõna keu nanñak siñgisöndok-ñambuk akza me qahö? Mi yapmakek! Kõna keunöj mönö siñgisöndokö kõnañi kondel niñgiiga möral. Kõna keu kun kewö ahöza, “Kungörej yuaigöra kude köpösöñgöman.” Mewö qahö jibawak ewö, nöñön yuaigö köpösöñgömakzali, miangö kõnañi qahö möt kutubileñak. Miangöra Kõna keu qahö möt kutubileñak, mewö siñgisöndok qahö möt yaköbileñak.

⁸Kõna keu qahö ahöbawak, siñgisöndoknöj mönö keu omañi aka köhömuñi

akawak. Mewö akawakmö, jöjöpañ keu mötpiga sel jöhöm niñgiiga mi walöñmamañgö kõnañi ahuiga siñgisöndok aki asuhuyök. Jöjöpañ keunöj mönö kuñgum niñgiiga urunan wahöriga sihim kömbönañi bölöñi kõnañi kõnañi asuhum tiñgitketka bölöñangöra lañ köpösöñgömakzal. ⁹Mutuk Kõna keu qahö möta tönpin malalmö, jöjöpañ keu mötpiga miañön angön köl niñgiyöhangöra siñgisöndokö sihimnan guliiga urunan wahöri mi ahal. Siñgisöndok akiga mem kömum niñgiiga köhömuñi ahal.

¹⁰Anutunöj jöjöpañ keu mi wuatangöba mal köhöimangöra aka al niñgiyökmö, keu mi wuatangömamangö esapköbiga mem kömum niñgiiga köhömuñi ahal. Köhömuñi ahali, miañön mönö aukñe asuhui miwikñai.

¹¹Jöjöpañ keu möt kutubiga sel jöhöm niñgiiga mi walöñmamañgö kõnañi ahui jöjöpañ keunöj kuñgum niñgiiga siñgisöndoknöj tilipköm niñgiiga mi ahal. Siñgisöndok aka keunambuk ahal. Mewö miañön Anutugö jöjöpañ keu miañön siñgisöndok bohon kölga aki mem kömum niñgiiga köhömuñi ahal.

¹²Mewö ahalmö, töndup Kõna keu miañön mönö kömbukñi aka sarakñi akza. Miangö jöjöpañ keuñan mönö diñdiñi aka ölöñi akza. ¹³Mewö aiga jöjöpañ keu ölöñi miañön mem kömum niñgiiga köhömuñi ahal me qahö? Mi yapmakek! Keu ölöñan qahöpmö, Kõna keunöj mönö nani siñgisöndoknañgö kõnañi indeli möt kutuyal. Siñgisöndokö gamuñi aukñe asuhui kanjamñambuk mötmangöra aka jöjöpañ keu miañön siñgisöndokö selñi jöhöiga urunan wahöri walöñda siñgisöndok ahal. Nani siñgisöndokni miañön mönö mem kömum niñgiiga köhömuñi ahal. Mewö.

Urone siŋgisöndokö yarö ahöi maljal.

¹⁴Uŋa Töröŋan Kōna keu nenŋiiga diŋdiŋi akzawi, mi mötzinmö, nöŋön siŋgisöndok azia aka sihim kömbōnaŋni bölōŋambuk akzal. Eta kölbīga siŋgisöndoknōŋ galōm köl niŋgiiga tem köla welenŋi qeba siŋgisöndok ahakzal.

¹⁵Miaŋgōra yuai ölöŋŋi akŋamgō mōrakzali, mi qahō ahakzal. Mimō, yuai bölōŋi akŋamgō tökōba sisitŋi memakzali, mönō mia ahakzal. Miaŋgōra yuai ahakzali, nöŋön miaŋgō könaŋi ölöŋ qahō möt kutumakzal. ¹⁶Miaŋgōra yuai bölōŋi akŋamgō ölan aka mia ahakzal ewō, Kōna keunōŋ mönō töndup ölöŋŋi akza. Kōna keugōra mönō urumohot akzal.

¹⁷Mewō aiga nöŋön nanak mi qahō toroqeba ahakzalmō, siŋgisöndok urune ahözawaŋön mönō kuŋgum niŋgiiga mi ahakzal. ¹⁸Ahakmeme ölöŋŋi akŋamgō sihimŋi öŋa mōrakzalmō, mi akŋamgō ösumnan qahō asuhum niŋgimakza. Miaŋgōra nöŋgō urune yuai ölöŋŋi kun qahō ahözapmō, urusilenan mönō siŋgisöndok akŋamgō kuŋgum niŋgimakza, mewō mötzal. ¹⁹Miaŋgōra yuai ölöŋŋi akŋamgō sihimŋi mōrakzali, mia qahō ahakzalmō, yuai bölōŋi qahō akŋamgō mōrakzali, mönō mia ahakzal. ²⁰Mewō aiga yuai akŋamgō tökömakzali, mia töndup ahakzal ewō, mi nanak qahō toroqeba ahakzalmō, siŋgisöndok urune ahözawaŋön mönō kuŋgum niŋgiiga mia ahakzal.

²¹Miaŋgōra nani kōnani kewō ahöi miwikŋaimakzal: Yuai ölöŋŋi akŋamgō sihimŋi mötpiga bölōŋaŋgō sihimŋan mönō uruni jōhöiga qakōmakzal. ²²Miaŋgō könaŋi kewō: Uroneyök görōken Anutugōreŋ Kōna keugōra urumohot aka tem kölmamgō mōrakzal.

²³Mewō mōrakzalmō, sileneyök görōken nani könaŋamni kewō ahöi miwikŋaimakzal: Silenanggō kitipŋi mienjōn siŋgisöndokö bohōŋŋi aketka akŋamgō mōrakzal. Siŋgisöndok akŋamgō sihimnan mönō urusihimni ölöŋŋi mi memba et almapkōra möri auba yarō qemakzahot. Siŋgisöndok akŋamgō sihim kömbōnaŋnan mönō silenanggō kitipŋi kitipŋi sölölöhōm enŋiba jōhöm niŋgiiga kösō gwarōnōŋ maljal. ²⁴O nöŋön bölīm tekōba aŋgōjōraknambuk akzal. Urusilenanggō sihimŋi bölōŋan noaŋgiri kömup köhöikŋi kömumbilerŋbukōra mönō daŋjōn sohōpni memba amōt qem niŋgibawak?

²⁵O Jisōs Kraist Kembuni, mönō yambuk nam köla “Anutu saiwap!” jizal. Könaŋamnan mewō aiga nanak urunanōhök Anutugōreŋ Kōna keugō baŋŋe anda welenŋi qemakzalmō, sileni siŋgisöndokŋambuk miaŋgōreŋ görōken siŋgisöndok akŋamgō sihim kömbōnaŋnan jōhöm niŋgiiga miaŋgō kösō gwarōnōŋ maljal. Mewō.

Uŋa Töröŋan tim töndanini aiga mal köhöizin.

8 Miaŋgōra ambazip Kraist Jisōsbuk qekōtahōba kinjini, Anutunōŋ mönō nenŋgō keunini jim tekōiga nalō kewōŋe kōnōp siaŋgō buŋa qahō aka maljin. ²Miaŋgō könaŋi kewō: Gi siŋgisöndokö sihimŋi tem köla malnōŋaŋgōra aka kömup köhöik-ŋaŋgō buŋaya aka malnōŋ. Mewō malnōŋmō, Kraist Jisōsbuk qekōtahōba kinōŋga malmal köhöikŋaŋgō Uŋaŋan mönō kömup köhöikŋaŋgō kösōnōhök pōsat gihiiga maljan.

³Ambazip urusilenine sihim kömbōnaŋnini bölōŋi mi ahōza. Mi wuatāŋgōinga Kōna keugō ösumŋan

löwöriba malmal köhöikŋi neŋgimapkö osiiga qaköin. Qaköba urusileninan ŋiŋgisöndok aka malini, Anutunöŋ ŋiŋgisöndok miangö keuŋi jim teköba likeŋi kewö meleŋnök: Yaŋön nanŋi Nahönŋi melaiiga gölmenöŋ eta ŋiŋgisöndok azigö sile tandök ahök. Toroqeba ŋiŋgisöndokö jöwöwöl tandök ewö aiga ohogetka kömuyök. Anutunöŋ malmal köhöikŋaŋgö könani mewö mesarök.

⁴Anutunöŋ könani mi kewögöra mesarök: Kona keunöŋ nini solanŋi aka diŋdiŋi malbingöra jim kutum neŋgimakzawi, Anutunöŋ keu miangö ölŋan neŋgöreŋ asuhum tekömapköra mörök. Miangöra nini urusileninaŋgö sihim kömbönaŋnini bölöŋi wuatangöbingö tököba Uŋa Töröŋaŋgöreŋ naŋgöba jitsihitŋi wuatangöba ahakzin. ⁵Ambazip urusileŋinaŋgö sihim kömbönaŋi bölöŋi wuatangömakzei, yeŋgö uruŋinan mönö ŋiŋgisöndoköreŋ göröken akingö ahöza. Ambazip Uŋa Töröŋaŋgöreŋ naŋgöba jitsihitŋi wuatangöba ahakzini, neŋgö uruninan mönö Uŋa Töröŋaŋgöreŋ göröken akingö ahöza. ⁶Urusileninaŋgö sihim kömbönaŋnini bölöŋan mönö öröm neŋgiiga kömup köhöik-ŋaŋgöreŋ anbingöra ahözapmö, Uŋa Töröŋan urunine luai qeiga mal köhöibingö sihimŋi mörakza.

⁷Anutunöŋ Kona keu neŋgiiga ŋiŋgisöndok akingö sihim kömbönaŋninan mönö keu miangö bapŋe qahö anakza. Mi anmangö osiza. Mi osiiga laŋ mala uruninan Anutu qetala kerök ak waŋgimakzin. ⁸Ambazip urusilegö sihim kömbönaŋinan galöm köl eŋgigetka laŋ maljei, yeŋön mönö Anutugö jeŋe dop kölbingö jiiga qaköme.

⁹Yeŋön qakömemö, Anutugö Uŋa Töröŋan eŋgö uruŋine malja ewö, yaŋön mönö galöm köl eŋgii malje. Urusilegö sihim kömbönaŋini bölöŋi mieŋön mönö iŋini qahö galöm köl eŋgimakze. Kraistkö Uŋa Töröŋan kungö uruŋe qahö geiga öne maljawi, yaŋön Kraistkö buŋaŋi qahö akza. ¹⁰Qahö akzapmö, Kraistnöŋ eŋgö uruŋine malja ewö, sileŋinan ŋiŋgisöndoköra aka kömumemö, uŋaŋinan solanŋi akzeangöra aka mal köhöim öŋgöme. ¹¹Anutunöŋ Kraist Jisös mem gulii kömupnöhök wahörohi, yaŋgö Uŋaŋan uruŋine malja ewö, yetkön iŋini Anutubuk qekötahöba kingetka sileŋini köhömuŋi mi mewöyök mem gulimahot.

¹²O urumeleŋ alaurupni, guliba maljinaŋgöra neŋön mönö Anutugöreŋ tosabuk maljin. Urusilegö sihim kömbönaŋnini bölöŋi wuatangöbinangö tosaŋi qahöpmö, Uŋa Töröŋaŋgö jitŋi tem köla malbingö tosaŋan mönö ahöm neŋgiza. Miangöra nanini imbi-imbi laŋ malbinbuk. ¹³Urusilegö sihim kömbönaŋini bölöŋi wuatangöba malje ewö, iŋini mönö kömup köhöikŋaŋgö buŋaya akŋe. Mewö akŋemö, Anutugö köulukögetka Uŋa Töröŋan urusileŋinaŋgö ahakmeme bölöŋi mem kömumakŋa ewö, mewö miaŋön mönö guliba mal köhöiba malme. ¹⁴Anutugö Uŋaŋan ambazip eŋguaŋgiri maljei, yeŋön körek Anutugö nahönbö-raturupŋi akze.

¹⁵^{tu}Ömewörome yeŋön ambazip sölölohöm eŋgigetka jönömŋini undui welenqeŋe omanŋi aka maljemö, iŋini öme mewöŋi mia kun qahöpmö, Uŋa Töröŋi i buŋa qem aŋguba malje. Miangöra iŋini mönö kunbuk toroqeba keŋgöt qakŋe malbepuk. Uŋa Töröŋi yaŋön mönö mem letot eŋgiiga Anutugö

nahönböraturupji akze. Uña mianjón sölölohöm neñgiiga Anutugöra “Aba”¹⁶ Anutugö nahönböraturupji akzini, keu mi Uña Töröñan nanjak nanini uñaninambuk imbi köla mohotje nangöba jimakzahot.

¹⁷ Anutugö nahönböraturupji akzin ewö, yañon nanji ambazipurupji neñgöra oyaenköyaen mözözömgöi ahözawi, mi mewöyök buña qem angubin. Anutunöñ Kraistköra yuai mözözöm-göi ahözawi, mi mönö mewöyök Kraistkö qöhöröñe kinda buña qem angubin. Kraistpuk mohotje sihimbölo mörakzin ewö, mönö mewöyök Kraistkö asakmararaññöñ öngöba yambuk mohotje asariba malbin. Mewö.

Malmal asakmararañambuknöñ öngöba malbin.

¹⁸ Nalö kewöñe sihimbölo möta maljini, mianjón malmal eretji akza. Könangep Kraistkö asakmararaññöñ öngöba asariba oyaenköyaen malbini, mianjón mönö malmal öngöngöñi aködamunñambuk akña. Malmal yahöt mi likeplikep ala kewöt-pinangö dop qahö. Mewö mötmörizal.

¹⁹ Anutunöñ sömbup aka yuai pakpak miwikñaiyöha ahözei, mienjón mönö mamböta Kraistnöñ kaba Anutugö nahönböraturupji meköba kondel enñgiiga asakmararañ asuhum engimapköra awöwengömakze.

²⁰ ^v Anutunöñ sömbup aka yuai pakpak miwikñaiyökmö, mienjón mala kömumba ayapköme. Nanjini sihimñinañgö dop qahöpmö, Anutunöñ mönö nanji sihimñañgö dop mewö areñgöyök. Yuai pakpak ayapkömemö, töndup jörömqöröm enñgiiga oyaenköyaen kewö asuhumapköra al

mambörakze: ²¹ Anutunöñ sömbup aka yuai pakpak miwikñaiyöha ahözei, mienjón mönö mewöyök kewögöra mambörakze: Anutunöñ i mewöyök añgöjörak malmalgö kösöñeyök pösat enñgiiga qahö kömumba gisahöba ayapkömemö, Anutugö nahönbörat ewö lolohoba asakmararañinambuk asariba ahöm öngöme.

²² Mianjögö könañi kewö: Anutunöñ sömbup aka yuai pakpak miwikñaiyöha ahözei, mienjón körek pakpak mönö mohotje osoñgom köla morö memegö masö tandök möta ahöba kota nalö kewöñe mewöyök ahakze. Mi mötzin. ²³ ^w Anutunöñ sömbup aka yuai pakpak miwikñaiyöha ahözei, mienjónöhök qahöpmö, Anutugö yambu jeñjeqeqe ahinga Uñaji kalema neñgii maljini, neñjón mönö mewöyök uruninan osoñgom köla maljin. Anutunöñ neñguañgiri nahönböraturupji qainñi kun akingö mamböta mala osoñgom ahakzin. Neñguañgita sile sohoppini meiga kunbuk letotpingöra awöwengöba maljin.

²⁴ Mewö letotpingö jörömqöröm aka urunini melenđa Suepkö buñaya ahin. Yuaiğöra jörömqöröm ahakzini, mianjögö ölnji asuhui ehinga jörömqörömnini mewö mianjón teköma. Kunöñ kun yuaiğö ölnji asuhui eka mianjögö jörömqörömnji mi qahö toroqeba aka mambörakza. Mi qahö. ²⁵ Yuaiğö ölnjan qahö asuhui ehakzini, mianjögöra jörömqöröm akzin ewö, mi mönö kapañ köla asuhumapköra al mamböringa uruninan qahö erakza.

²⁶ Mewöñanök löwöriinga Uña Töröñan bauköm neñgimakza. Denöwö köuluköinga dop kölbawak, mi qahö mötzinmö, Uña Töröñan mönö nanjak köuluk nupnine bauköm neñgiba neñgöra aka köuluköba keu jitñi aukñe

“8:15 Aba mi Arameik keunöñ iwi.’ Iwini!” qerakzin.

^v8:20 Jen 3.17-19 ^w8:23 2 Kor 5.2-4

qahöpmö, osoŋgom aka saŋepnön alakza. ²⁷ Saŋepnön ala Anutugö jitsihitŋaŋgö dop ambazip sarakŋi neŋgöra aka köulukömakza. Anutunön ambazip urunini ek kewörakzawi, yaŋön mönö amqeba Uŋa Töröŋaŋgö uru mötmötŋi mörakza.

²⁸ Anutunön köulukŋi möta öröyuai pakpak galöm köliga miangö mindimindiri ölŋan mönö nanŋi alaurupŋan ölöwakŋegöra asuhumakza. Mi mötzin. Ölŋi miangön ambazip amötqeqe areŋaŋgö dop enghoholi jöpaköm waŋgimakzei, mönö i mewö me mewö bauköm enghimakza. ²⁹ Anutugö areŋaŋgö könaŋi kewö: Nanŋi nahönŋan urumeleŋ alaurup sehisehiŋi neŋgö sutnine mutuknini ak neŋgimapköra mörakza. Miangöra qeljiŋe areŋ ala nini tandökninan Nahönŋaŋgö dop akingöra mörök. Miangöra ambazip qeljiŋe möt neŋgiyöhi, nini mewöyök mewö akingöra jim möwölöhöm neŋgiyök. ³⁰ Qeljiŋe jim möwölöhöm neŋgiyöhi, nini mewöyök neŋgoholök. Neŋgoholöhi, neŋgö keunini mewöyök jim teköiga solaniin. Solaniini, neŋgöra mewöyök köna kondeliga nanŋe asakmararaŋnön öngöba oyaenŋkoyaen akin. Mewö.

Anutugö urukalemŋaŋgö möpömmöpösei liŋet.

³¹ Keu mi möta miangöra denöwö jibinak? Anutunön sel jöhöm neŋgiba likepnine malja ewö, daŋön mönö qetal neŋgibawak? ³² Anutunön nanŋi Nahönŋi tok qahö aŋgön kölökmö, i jim teköiga malmalŋi körek neŋgöra aka köleŋnök. Mi köleŋniga Anutunön yambuk kalem korembenŋi tosatŋi pakpak mi mewöyök amqeba neŋgima.

³³ Anutunön ambazip nanŋaŋgöra möwölöhöm neŋgiba keunini jim teköiga solanimakzini, miangöra daŋön mönö keu jakeŋe al neŋgibawak?

³⁴ Kraist Jisösnön kömuiga Anutunön kunbuk mem guliiga Suepnön öngöba Anutugö böröŋi ölŋe tata toroqeba neŋgöra aka köulukömakza. Miangöra kunŋan kun keunini kewöta könöp sianön gebingöra jim teköm neŋgimamgö osima.

³⁵ Kraistkö urukalem uruŋe malinga daŋön mönö miangöreŋök mender neŋgiiga etpinak? Kahasililiŋ ak neŋgigetka wahöjaliŋ mötpinakmö, Kraistkö urukalemŋeyök ölop qahö etpin. Sese-werowero ak neŋgibeakmö, miangöreŋök ölop qahö etpin. Bödi akinak me opo söroninan qahöwahi malbinak, mönö ölop qahö etpin. Kömumbinbukö keŋgöt qakŋe malbinak me yarö gilgetka kazik asuhubawakmö, mönö ölop qahö etpin. ³⁶ xMiangö keuŋi Buŋa Kimbinön kewö ohoget ahöza, “Nalö dop söŋanök könahiba kömumbingöra neŋgugetka anda mala suŋgem ahakza. Lamaya enghum nembinaŋgörök maljei, neŋgöra miangö tandök mötmörimakze.”

³⁷ Keu miangö dop ak neŋgibeakmö, Kraistnön urukalemŋi indeli mörini, yaŋön töngum neŋgiiga lömböt pakpak miangöreŋ mönö luhut ala köiraŋ köla malbin. ³⁸ Yuai kunön mönö Kraistkö urukalemŋeyök mender neŋgimamgö osima. Mi öl töhönŋa möt yaközal. Kömupnön me malmalgö yuainŋi kunön mönö mender neŋgimamgö osima. Suep garata me ömewöröme yeŋön mönö nalö kewöŋe me könaŋgep nini mender neŋgibingö osime. Bem suahö kukösumŋinambuk yeŋön mi osime.

³⁹Euyangö euje me emuyangö emuje maljei, yeñon mönön menden neñgibingö osime. Anutunönj öröyuai tosatñi kun miwikñaiyöha ahözei, mienön mönön mewöyök Anutugö urukalem miangörenök menden neñgibingö osime. Anutugö urukalemñi mianön mönön Kraist Jisös Kembunini yangörenj asuhui indeli, mi mötzin. Mewö.

Anutunönj sihimñangö dop Israel möwölöhöm engiyök.

9Nönjön Kraistpuk qekötahöba kinda munenj keu qahöpmö, keu öl töhönñi kun jimam. Uña Törönjangö keugöra kezap albi keuni nanggöba jim köhöiba sañep urune ali kewö möta jizal: ²Nönjön Juda ambazip tosatñi yengö wösöbirikñinan nuñguiga urunan sihimbölö ketanji tetekönji qahö kewögöra mörakzal:

³Yeñon nömbuk gölme silenönj Israel könagesöya mohot akzinmö, uruñinan Kraistpuk qahö qekötahöba lañ malje. Nönjön Israel alaumurupnan uruñini melenmegöra aum-mörimakzal. Anutunönj yengö keuñini kewöriga nanak yengö salupñini akiga likepñi melenja nöngö qakne kewö öngömappkö mötzal: Yanjön ni Kraistkörenök mendenj ningii könöp siagö buñaya akñamgö mötzal.

⁴Yeñon Israel kambu uruñe malgetka Anutunönj enñguangiri buñanji akze. Anutugö qetbuñanji bisiba aködämunñinambuk akze. Anutunönj yembuk oyaenköyaen akingö jöhöjöhö walñi aka dölökñi aka Köna keuñi al enñgiyök. Miangöra jöwöwöl jikenönj öngöba Anutugö waikñi memba möpöseimakze. Anutunönj kötümötuetñi sehimappkö keu jöhöyöhi, miangö öñjan asuhumappköra mambörakze. ⁵Yeñon bömön jalönini

Abrahamgö gwölönarök-urupñi yengö isi moröurupñina malje. Kraistnönj yengörenök gölme sile memba azia asuhuyök. Kraistnönj Anutunina aka yuai pakpak galöm köliga qetñi nalö tetekönji qahö möpöseimakin. Keu mi öñja.

⁶Mewö maljemö, Israel kö-nagesönöhök asuhum sehiba maljini, neñon pakpak mönön töndup Israel ambazip öñji qahö akzin. Miangöra Anutugö keuñan singgiiga ösumñan erök tandök ahakza me? Mewö jibinak, mi keu öñja qahö. ⁷Abrahamgö gwölönarök-urupñi yengörenök ahuzinangöra aka körek neñon mönön Anutugö nahönböraturupña qahö akzin. Mewö qahöpmö, Anutunönj Abrahamgöra kewö jiyök, “Aisakö isimoröurupñan mönön göhörenj toroqeba qetki bisiba mal öngöme.”

⁸Keu miangö könanji kewö: Abrahamgö gwölönarökurup gölme ambazip siliknönj morö ahumakzini, körek neñon mönön Anutugö nahönböraturupñi qahö akzin. Mewö qahöpmö, Anutunönj keu jöhöi ahözawangö dop ahuini, Anutunönj mönön ninia möt neñgiiga Abrahamgö gwölönarökurupñi öñji akzin. ⁹Jöhöjöhö keu mianön Abrahamgörenj kewö kaiga mörök, “Yambu mohot teköiga miangörenj kunbuk kaba gekiga Saranönj mönön morö nahönñambuk akña.”

¹⁰Keu mewö möri yangörenj mewö asuhuyökmö, miangörenök qahö teköyök. Yangö andöñe Rebagörenj mewöñanök Anutugö keugö dop asuhuyök. Bömönini Aisak yanjön anömñi mi gölöm wanggiiga nahönyahötñiri siwisiwi asuhuyohot. ¹¹Siwisiwi yetkön gölömñe tata qahö asuhuba yuai ölöñji me bölöñji kun qahö ahoñi, Anutunönj mönön nalö

mianğoreñ nahön yetköreñök kun nanğagöra möwölöhöyök. Nanñi mötmöt areñan köhöiba öljambuk ak tekömapköra aka munñi möwölöhöyök.

¹²^bNanñi jitsihitjan öljambuk akñapköra Rebekagöra kewö jiyök, “Datñan mönö munğangö welenqeqeñi aka nembö bapñe malma.” Anutunöñ mewö jiba ahakmemenñiri akahorahi, mianğö dopñe i qahö kewöt etkiyökmö, nanñi mötmöt sihimñi miyök wuatangöba munñi oholiga datñangö ketanğamñi ahök. ¹³^cMianğö keunji Buja Kimbinöñ kewö ohoget ahöza, “Jeikob urunan jöpaköba malalmö, Iso (Esau) mi tököba kazik ak wañgiba malal.”

¹⁴Keu mianğöra mönö denöwö jib-inak? Anutunöñ diñdiñi qahö akza me? Mewö qahöpmañöp! ¹⁵^dAnutunöñ Mosesgöra keu kewö jii ahöza, “Nöñön mönö nani jitsihitni wuatangöba kun niñia ehoriba ak kömumamgö mötzali, ia mönö ak kömum wañgi-makzal. Kun dagöra wösö mötmöt ak wañgi-mamgö jizali, yangöra mönö wösöni mörakzal.” ¹⁶Keu mianğöra aka gölme azinöñ Anutu qahö galöm kölakzampö, yuaigö sihimñi möta akñamgö esapköm bibihibawakmö, mi töndup Anutu qahö onğitma. Anutu nanğak kalem möri-amñangö dop yuai pakpak galöm köliga yangö böröñe ahöza.

¹⁷^eAnutunöñ farao kiñgöra keu jiiga Buja Kimbinöñ kewö ahöza, “Nani qetbuñani jim sehigetka gölme körek pakpak dop kölmapköra mötzal. Mewö möta kukösumni kondelbi aukñe asuhumapköra kuñgum gihibiga göñön asuhum tiñgita mala tuarenjoñ ak niñgiba malnöñga mönö luhut al gihial.” ¹⁸Keu mianğö dop Anutunöñ nanñi jitsihitñi wuatangöba kun ehoriba ak kömumamgö mötzawi,

ia mönö ak kömum wañgimakñja aka kungö uruñi mem gwözöñmamgö jizawi, ia mönö mem gwözöñniga yanggiseñ ahakñja. Mewö.

Anutugöreñ irimsesewöl aka ak-kömukömu

¹⁹Enğöreñök kunñan nöñgöra kewö jibawak, “Mewö aiga körek neñön mönö Anutugö jitsihitñi tuarenjoñ ak wañgibingö osimakzin. Mewö aigun Anutunöñ mönö wuanöñgöra toroqeba jim neñgimakza?” ²⁰Kunñan mewö jibawakmö, gölme azi gi mönö niñia aka Anutu tuarenjoñ aka anğururuk ak wañgibanak? Börösöwönöñ mönö nanñi miwimiwikñai Toñi kewö ölop qahö jim wañgima, “Gi mönö wuanöñgöra tandök kewöñi miwikñaim niñginöñ?” ²¹Kimbut meme azinöñ mönö nanñi kukösum qakñe sihimñangö dop gwaköm meleşda möwölöhöba gwaköm mohot mianğöreñök kourañen murutñi murutñi memakza. Tosatñi nalö dop memba nupnöñ alakzin aka tosatñi aködamunñinambuk mi mönö sösoñgai nalöñeyök nupnöñ alakzin.

²²Anutu miwimiwikñai Toninan mönö mewöñanök ak neñgimakza. Yañön irimsesewölñi ambazip kondel neñgiiga kukösumñi eka mötpingöra mörakza. Mewö möta irimñan seholiiga kazikñan ambazip tosatñi yeñgö qakñine öngöiga jöjöröba könderñ enğimamgö aka malök. Mi töndup likeñi zilañök qahö meleş enğiyökmö, yeñgöra aka sihibölö gwötpuk möta mökösoñda uruñini meleşmegöra mamböta malök.

²³Mewöñanök kalem möriamñi indeli keleşmaleleş asuhu-mapköra mörakza. Mewö möta ambazip aködamunñi buja qem anğubingöra möwölöhöm

^b9:12 Jen 25.23 ^c9:13 Mal 1.2-3 ^d9:15 Eks 33.19 ^e9:17 Eks 9.16
^f9:20 Ais 29.16; 45.9

neŋgiyöhi, nini mönö neŋgehoriiga aködampungambuk asarimakzin. ²⁴ Nini mewöyök mewö akingöra neŋgoholök. Juda ambaziwök qahöpmö, kian kantriŋi kantriŋi i mewöyök mewö akŋegöra eŋgoholök. ²⁵ ^gAnutunöŋ miangö keuŋi jiiga kezapqetok azi Hoseagö kimbinöŋ kewö ahöza,

“Ambazip nani könagesöurupni qahö aka malgeri, nöŋön mönö i eŋgoholbiga nani könagesöni akŋe. Tosatŋan nani wölböt alani qahö malgeri, yeŋgöra mönö ‘Nani wölböt alaurupni,’ mewö jiba malmam.

²⁶ ^hNöŋön gölme kungö ambazip yeŋgöra kewö jiba malal,

‘Iŋini nani könagesöurupni qahö malje.’ Mewö jiba malalmö, i mönö gölmeŋine miangöreŋök eŋgohola qetŋini kewö qetmam: Iŋini mönö Anutu malmal Tonangö nahönböraturupŋi akze. Utekutek mewö asuhuma.”

²⁷ ⁱAisaianöŋ mewöyök Israel ambazip yeŋgöra aka kewö sahöta jiyök, “Israel ambazip jaŋgönini köwet sak ewö akawak ewö, mia kun töndup neŋgöreŋök awamŋi neŋönök mönö urunini meleŋninga amöt qem neŋgima.

²⁸ Kembunöŋ gölmeŋi gölmeŋi pakpak neŋgö keunini zilaŋzilaŋ kewöta jim teköba likepŋi körek meleŋ neŋgim teköma.”

²⁹ ^jAisaianöŋ mewö jiba qeljiŋe keu kun jiyöhi, miangö ölŋan mönö neŋgöreŋ kewö asuħuza, “Kembu kukösum pakpak Toninan gwölönarökurupnini tosati qahö eŋgehori uruŋini meleŋbeak ewö, gölmeninan lök Sodom ewö meleŋni geiga könöp jebawak. Neŋön mönö Gomora ambazip ewö ayuhubinak.

Anutunöŋ lök mewö ak neŋgibawak.” Mewö jiyök.

Israel jesöŋgöŋan Anutu yaŋgiseŋ ak waŋgimakze.

³⁰ Miangöra mönö denöwö jibinak? Kantri tosatiŋan Anutugö jeŋe solanŋi akingö nupŋi qahö kapaŋ köla megeri, yeŋön mönö Anutugö jeŋe solaniget. Uruŋini meleŋda Anutu möt narigetka miangöra keuŋini jim teköiga solaniba malje. ³¹ Mewö maljemö, Israel neŋön solanŋi akingöra Köna keu wuatangöbingö kapaŋ köla mala kota mi töndup Anutugö jeŋe qahö solaniin.

³² Miangö könanŋi kewö: Nanŋinanök esapköba ahakmeme diŋdiŋi aka mewö miangön solanŋi akingö kapaŋ köla Jisös qahö möt narim waŋgiget. Yaŋön köt pöwöwöm ewö akzawi, mönö yaŋgöreŋ tötaŋgöba eŋgui qaköba andö qeget. Miangöra solanŋi qahö aket. ³³ ^kMiangö keuŋi Buŋa Kimbinöŋ kewö ohoget ahöza,

“Eket, Anutu nöŋön mönö ain köt kun Zaion kundufe Israel kambu uruŋine kuŋgubiga yeŋön miangöreŋ tötaŋgöba et eŋgui andö qemakŋe. Kunŋan azi ip pöwöwöm köhöikŋi mi möt narim waŋgimawi, yaŋön mönö nalö kunöŋ yaŋgöra gamu qahö miwikŋaima.” Mewö.

10 ^o urumeleŋ alaurupni, nöŋön nani könagesöurupnan uruŋini meleŋmegöra awöweŋgömakzal. Anutunöŋ amöt qem eŋgimapköra uruni qezaköba yeŋgöra aka Anutu köuluköm waŋgimakzal. ² Yeŋgö könaŋamŋinan kewö ahöza: Yeŋön Anutugöra urukönöp ahakzemö, mi gukmaulem qakŋe ahakze. Yeŋgö keuŋini mewö naŋgöba jizal.

³Anutunöŋ keunini jim teköiga solanizini, miangö könani qahö möt yaköba nanŋinanök esapköba solanŋi akingö kapaŋ kölakze. Mewö aka Anutunöŋ keunini jim teköiga solanibingö jimakzawi, keu miangö bapŋe qahö anda qaköba öne laŋ malje. ⁴Kraistnöŋ nanŋök Köna keu wuatangöm teköyök. Nini tosatŋan mi osiba Kraist möt nariba urunini melenjini, mewö mönö Kraistköra aka Anutugö jeŋe solaniba dop köljini. Mewö.

Anutunöŋ nini körek amöt qem neŋgimangö mötza.

⁵Mosesnöŋ Köna keu wuatangöba mewö miangön solanŋi akingö keuŋi mi kewö ohoi ahöza, “Köna keu wuatangöm tekömawaŋön mönö miangöra aka mal köhöima.” ⁶Keu mewö ahözapmö, urunini melenja möt nariinga Anutunöŋ keunini jim teköiga solanimakzini, Mosesnöŋ miangöra keu kewö jii ahöza, “Urugan kewö mötmöriba jibanbuk: Azi daŋön mönö Suep mire öngöbawak?” Ambazipnöŋ mi Kraist waŋgita etmapköra laŋ jiget. ⁷me “Azi daŋön mönö kömup mirigö dutŋe gebawak?” Ambazipnöŋ mi Kraist waŋgita kömupnöhök wahötmapköra laŋ jiget.

⁸Mewö jiba toroqeba kewö jiyök, “Buŋa keu mi köröwen qahöpmö, mönö göhö numbuge aka uruge ahöza.” Buŋa keu mi möt naribingöra aka ahöza. Neŋön keu miangön ambazip uru kuŋgum eŋgiba kewö jim asarim eŋgimakzin: ⁹Anutunöŋ Jisös mem gulii kömupnöhök wahörök. Göŋön keu mi urugan möt nariba numbu jitkan “Jisösnöŋ Kembuni akza,” mewö jim miwikŋaizan ewö, mönö amöt qem gihiiga letotman.

¹⁰Gi urugan Buŋa keu möt narinöŋga Anutunöŋ keugi jim teköiga solaniman aka numbu jitkan Jisös jim miwikŋainöŋga amöt qem gihiiga letotman.

¹¹Buŋa Kimbigö keu kun kewö jiget ahöza, “Daŋön i möt narim waŋgimawi, yaŋön mönö gamu qahö miwikŋaima.”

¹²Anutunöŋ Juda ambazip qahö neŋgek soriba kantri tosatŋi qahö qepureim eŋgimakza. Kemu mohot yaŋön mönö körek neŋgö Kembunini aka dop mohotnöŋ kewöt neŋgimakza. Ambazip i qeta köulukömakzini, yaŋön mönö kötumötuetŋi nini körek kelenj-malelen neŋgimakza.

¹³Miangö keuŋi mi Buŋa Kimbinöŋ kewö ahöza, “Ambazip denike yeŋön Kembangö qetŋi qeta köulukömei, yaŋön mönö i körek amöt qem eŋgiiga letotme.”

¹⁴Ambazipnöŋ Kemu qahö möt narim waŋgiba yaŋgö qetŋi mönö denöwö qeta köuluköbeak? Yaŋgö könani qahö jiget mötkeri, i mönö denöwö möt narim waŋgibeak? Kunŋan Buŋa keu qahö jim asarima ewö, yeŋön mi mönö denöwö mötpeak? ¹⁵Pambazip kun Buŋa keugöra qahö melaibin ewö, yaŋön mönö denöwö anda mi jim asaribawak? Miangö keuŋi Buŋa Kimbinöŋ kewö ohoget ahöza, “Ambazip Buŋa keu ölöŋŋi memba kamakzei, yeŋgö köna ötöŋjini möringa qetpuk sorokŋi akza.”

¹⁶qMewö ohoget ahözapmö, nöŋgö Israel könagesö ölni yeŋön Ölöwak Buŋa qahö tem köla malje. Miangö keuŋi mi kezapqetok azi Aisaianöŋ kewö jii ahöza, “O Kemu, nini Buŋa keu jim sehiinga daŋön mönö uruŋi melenja mi möt naribawakto?” ¹⁷Keu miangö dop Kraistkö keuŋi jim sehiinga kezapŋine

¹10:5 Lew 18.5^m10:6 Dut 30.12-14ⁿ10:11 Ais 28.16^o10:13 Joel 2.32^p10:15 Ais 52.7^q10:16 Ais 53.1

geiga mötketka mötnaripņinan mōnō mewō asuhuma.

¹⁸†Mōtnarip mewō asuhumapmō, kewō qesim engizal: Buņa keu mianjōn mōnō Juda yeņgō kezapņine qahō geiga mötket me? Qahō, mi mōnō mötket. Mianjō keuņi mi kewō jigetka Buņa Kimbinōņ ahōza,

“Keu jigetka keu kourukņinan mōnō anda anda gōlme pakpak dop kōlōk.

Mi gōlmeņi gōlmeņi eu emu likep-likep mianjōreņ mötket.”

¹⁹‡Keu mianjō dop Buņa keu lōk mötketmō, kumbuk toroqeba kewō qesim engizal: Israel ambazipnōņ mi qahō mōt asariget me? Mosesnōņ mutuk keu kewō jiyōk,

“Ambazip kōnagesō öļņi qahō nōņōn mi amōt qem enggibiga engō uru mututututņinan mōnō mianjōra aka asuhuma. Kian kambu gukmaulem maljei, yeņjōņ iņini engoņgitketka silik mianjōn mōnō Juda engō uruņini kuņgubiga irimņini seholiiga uruņinan wahōtma.”

²⁰‡Aisaianōņ mōnō kōhōiba kinda kewō jii ahōza,

“Ambazip ni qahō jarum niņgiba laņ malgeri, yeņjōņ mōnō ni miwikņaim niņgiget.

Ambazip nōņgō kōnananjōra qahō qesiba malgeri, nōņōn kōnanamni mōnō yeņjōra indelbi mötket.”

²¹‡Yeņjōra mewō jiyōkmō, Israel neņgōra mōnō keu kewō jii ahōza, “Silim dop sōņanōk kōnahiba qequetal kōnagesō kezapņupņup ahakzei, iņini nōņgōreņ kamegōra engohola engōra bōrō kaek kōla malbiga suņgem ahakza.” Mewō.

Israel uruņe urumeleņ kambu morōņi ahōza.

11 ^vMianjōra kewō qesizal: Anutunōņ nanņi kōnagesōņi andō qem neņgiyōk me qahō? Mi qahōpmahōp! Nōņōņ mewōyōk Abrahamgō gwōlōnarōkņi kun akzal. Nanak Israel kōnagesōgō kambu qetņi Benjamin mianjō uruņe maljal. ² Anutunōņ nanņi kōnagesōņi qelņiņe mōwōlōhōm neņgiyōhi, nini mōnō qahō andō qem neņgiiga maljin. Kezapqetok azi Elaijagō (Eliagō) kōsohotņi mi Buņa Kimbinōņ ohogetka ahōza. Yeņjōņ Anutugō jeņe Israel ambazip jim enggiba kōulukōyōhi, iņini keu kemberi mi mötze me qahō? Keu mi kewō, ³ w“O Kambu, yeņjōņ mōnō gōhō kezapqetok ambazipurupki enguget kōmugetka gōhōreņ jōwōwōl ohoho altaņi altaņi kōndenmōndenget. Ni mohot nōmosōtket malbiga mōmō-lakōba mōnōmba nuņgubingō jōjōrōze.”

⁴ xMewō jiyōkmō, Anutunōņ mi möta mōnō kewō meleņ waņgiba jiyōk, “Gi nangok qahō maljanmō, nōņōņ azi 7000 mewōņanōk sel jōhōm enggibiga nani buņani aka bem muneņi Bal i qahō simin kōl waņgiba gōbuk toroqeba malje.” ⁵ Keu mianjō dop nalō kewōņe mewōņanōk Anutugō kambu morōņi ahōza. Anutunōņ kalem mōriamņanjō dop ambazip awamņi mōwōlōhōm neņgiiga maljin.

⁶ Kalem mōriamņan mōnō nam kōl waņgiiga mōwōlōhōm neņgiyōk. Nini ahakmeme ölōpņi aka memba malbinahi, mianjōra aka qahō mōwōlōhōm neņgiyōk. Gōlme ambazip ahakmemeninan nam kōl waņgiiga mōwōlōhōm neņgibawak ewō, yeņgō kalem mōriamņan mōnō yuai omanņi akawak.

†10:18 Sum 19.4 ‡10:19 Dut 32.21

†10:20 Ais 65.1 †10:21 Ais 65.2

‡11:1 Fil 3.5 †11:3 1 Kiņ 19.10, 14

‡11:4 1 Kiņ 19.18

⁷Miangöra mönō denōwō jibinak? Israel könagesönōj solanji akingō kapañ köla malgetmō, solanibingō kōnañi mi qahō miwikñaiget. Yeñōn qahōpmō, Anutunōj kambu morōñi möwölöhōm neñgiyōhi, neñōn kalemñi mi miwikñaiba solanji ahin. Tosatjan mötmōt bölōñan uruñini gwözōñni öne lañ malje. ⁸YMiangō keunji mi Buña Kimbinōj kewō ohoget ahōza, “Gauñ jeje malgetka Anutunōj öme qahō jöhōiga uruñine geiga köhōmuñi aket. Yuai eka kōnañi ek kutubepukōra jeñini mem sohoiga ömuñ kölö. Keu kezapñinan möta möt asaribepukōra mi mem gwözōñnōk. Mewō tōnpin mala kota nalō kewōje mewōyök öne lañ malje.” ⁹ZKiñ Deiwidnōj miangō keunji kewō jii ahōza,

“O Anutu, yeñōn közölōmbuan ala namba lañ söngaimakze. Miangōreñ mönō eñgek miwikñaiba siñgisōndokñinañgōra simba alnōnga eñgimema.

Mönō nanñini dumñine tōtañgōba et eñguiga likepñi meleñ eñginōnga si-himbölō mötme.

¹⁰O Anutu, gi mönō jeñini mömbauba mem gömōlinōnga uba ekingō osime.

Mönō likepñi meleñ eñginōnga qakñine öñgōba lömbōriiga sundan dop up-kōba malme.”

Deiwidnōj mewō köulukōyök.

Kian kantri yeñōn Anutugō ipñi ölnji aket.

¹¹Toroqeba kewō qesizal: Juda könagesō ölnji yeñōn tōtañgōba et eñguiga uruñinan gwözōñniga ölöwakingō osime me qahō? Mi qahō osime! Et eñguyōhi, miangōn mönō Anutu möt kutubingō awōweñgōmegōra aka asuhuyök. Juda könagesō ölnji

yeñōn kōna oñgita et eñguiga kian kantri yeñōn salupñini aka uruñini meleñda Anutugō buñañi aket. Mewō akeri, miangōn uruñini kuñguiga miangōra irimñini sehōliiga uruñini meleñmegō sihimñan asuhumapkōra aka mewō asuhuyök.

¹²Juda könagesō ölnji yeñōn kōna siñgiba et eñguiga miangōra kian gölmeñi gölmeñi yeñōn oyaeñkoyaeñ akingō kōnañi miwikñaiget. Mi miwikñaiba uruñini meleñda kötumōtuet uruñe maljemō, Juda könagesō ölnji yeñōn tōnpin mala Anutugō jeje qahō dop kölje. Kōnañep Juda yeñōn mewōyök körek uruñini meleñme. Mewō asuhuiga Anutugō kötumōtuetñan sehiba keleñmaleleñ aukñe asuhuma.

¹³Nōñōn keuni ki Juda eñgōra qahōpmō, kian kantri könagesō eñgōra jizal. Nōñōn kian kantri eñgōreñ melaimelai azi aposol akzalañgōra “Nupni qetbuñañambuk akza,” jiba mewō mötmōrizal. ¹⁴Nupni mi membi ölnji asuhuiga uruñini meleñmakzei, nani Israel könagesōurupnan miangō buzapñi mötmegōra kapañ köla awōweñgōmakzal. Buzup keu miangōn mohot mohot yeñgō uruñini kuñguiga miangōra irimñini sehōliiga uruñini meleñbingō sihimñan asuhui meleñgetka Anutunōj amōt qem eñgima. Nupni qetbuñañambuk mi mönō miangōra aka kian kantri eñgō sutñine memakzal.

¹⁵Anutunōj Juda kambu andō qem neñgiiga miangō ölnjan mönō kewō asuhuyök: Kian kantriñi kantriñi eññ salupñine aketka Anutunōj tōwañini qeba eñgōmeiga alaurupñi aket. Juda könagesō ölnji yeñōn uruñini meleñgetka Anutunōj amōt qem eñgiba möt añgōn köl eñgimawi, miangō ölnjan mönō

kömupnöhök guliba mal köhöimeangö dop akña.

¹⁶ Yambu jeñiqeqe dölökñe nene Anutugöra kewöta ala sösöngai aHINGA sarakñi akza ewö, nupkö numbu neneñi pakpak mönö mewöyök sarakñi akza. Ip jalöñan töröñi akza ewö, böröñan mönö mewöyök töröñi akze. ¹⁷ Juda kambu mi Anutu nanñangö oil ipñi akza. Anutunöñ nanñi oil ipñi mi öñböñi memba böröñi tosatñi mitii etiket aka arökñangö oil ip böröñi memba kaba sutñine ali toroqeba qarimakze. Kantri tosatñi iñini arökñangö oil ip miangö dop akzemö, Anutunöñ töndup engömeiga nalö kewöñe ip börö qainñi kun miengö sutñine mal köhöimakze. Iñini mönö Juda kambugö oil ip jalöñeyök nene onji öröba memba qarimakze.

¹⁸ Iñini Juda nembuk kinjemö, töndup Juda neñgongita sileñini memba öñgöbepuk. Sileñini mem öñgöbeak ewö, mönö keu ki mötme: Kantri tosatñi iñini ip böröñanök ewö akze. Iñini jalönini qahö bisimakzemö, nanine ip jalöñan mönö iñini engömisiiga kinje.

¹⁹ Keu kewö jibeak, “Anutunöñ nini nanñi ip kemañe al neñgimapköra aka ip böröñi mi kutui eriga tiñi asuhuyök.” ²⁰ Keu mi öñña. Anutunöñ Juda ambazip uruñini qahö meleyda möt narigerangöra aka kutum engii etiketmö, iñini mönö mötnaripñinan töndangöm engiiiga zeñ kinje. Mewö kinda jakbak-öranböran kude aka aiweliköba malmemö, mönö kewö et engubapüköra sömbuñini möta malme: ²¹ Anutunöñ nanñi ipñangö böröñi öññi qahö engehoriña Juda könagesö kutum engiyök ewö, iñini mönö “Ölöp neñgehoriña,” mewö jibepuk. Öne mewö mötmöriba lañ malbepuk. ²² Miangöra kian kantri iñini Anutugö könani mötmöriba kewö jime, “Juda ambazip köna siñgiba et

enguyöhi, Anutunöñ miangö likepñi meleyda mönö öñña könöpñambuk ak engimakzapmö, nini ölöwak Toñambuk qekötahöba kininga mem ölöwak neñgimakza. Yambuk qahö toroqeba kinbin ewö, mönö kantri tosatñi nini mewöyök kutum neñgii etpin.”

²³ Mewö ölöp jimemö, Anutunöñ ambazip köna siñgigeri, mi mewöyök ölöp köhöiba ip kemañe kunbuk toroqem engima. Miangöra Juda könagesö yeñön yangiseñini mosöta uruñini meleyme ewö, i mönö ölöp Jisösbuk toroqem engima. ²⁴ Anutunöñ iñini arökñangö oil ip miangöreñök kutum engiba kölkömötkö könani ongita oil ip qainñi kungö kemañe al engii toroqeget. Kantri tosatñi iñini mewö ak engiyök ewö, miangöra nanñi ip böröñi öññi Juda könagesö öññi mi mönö amqeba engömembra sihimñan nanñi oil ipñangö kemañe al engii kunbuk toroqeme. Mewö.

Anutunöñ Israel körek ak kömum neñgimangö mötza.

²⁵ O urumeley alaurupni, nanñini mötkutukutu qakñe lañ malbepüköra mönö keu tölapñi kun indela möt asarimegöra mötzal. Keu mi kewö: Mötmöt bölöñan Israel könagesögö bahöñi kun yeñgö uruñini gwözöñni maljemö, nalö teteköñi qahö yangiseñ qahö toroqeba malme. Qahöpmö, mutuk kian kantri yeñgöreñök jesöngöñan uruñini meleyda Anutugö bemtohoñ uruñe kangotme. Mewö aketka Anutunöñ jañgöñini ehi dop kölmawi, nalö miangöreñ Juda könagesö neñgö yangiseñ nalöninan teköiga körek uruñini meleyme. ²⁶ aUruñini meleygetka Anutunöñ Israel könagesö pakpak amöt qem

enğiiga letotme. Miangö keuñi mi Buña Kimbinöñ kewö ohoget ahöza, “Amötqeqe Toñan mönö Zaiön kunduneyök asuhuba Jeikob kambu neñgö ahakmemenini anğöjörakñambuk mi köl könjöratma.

²⁷^bAnutu nöñön siñgisöndokñini köl könjörata oyaenköyaen akingö jöhöjöhö areñi mi yembuk akiga mohotñe malbin.”

Keu mewö ahöza.

²⁸Juda könagesö ölni yeñön Ölöwak Buña andö qeba Anutugö kerökurupñi akeranğöra kantri tosatñi eñön salupñine Anutugö alaurupñi akze. Mewö akzemö, Anutunöñ Israel bömön jalö-urupnini möwölöhöm enğiyöhanğöra Juda neñön mönö toroqeba wölböt alaurupñi ölbölñi akzin. ²⁹Anutunöñ ambazip niñia möwölöhöba enğohola kalem enğimakzawi, keu mi mönö kunbuk uruñi möñaiiga utekömawanğö dop qahö. ³⁰Kian kantri iñini mewöyök mutuk Anutugö jitñi qahö tem köla lañ malgetmö, Juda könagesö ölni yeñön yanğiseñ akeranğöra aka Anutunöñ iñini ak kömum enğiiga letotket.

³¹Juda könagesö ölni yeñön nalö kewöñe Anutugö jitñi qetala lañ mala kotzemö, eñön letotkeranğöra aka Anutunöñ Juda könagesö nini mewöñanök nalö kewöñe ak kömum neñgimangö mötza. Kian kantri eñön uruñini melenđa letotketka miangö silikñan uruñini kuñgumakzawi, miangöra yeñön mönö mewö-ñanök amqeba uruñini melenđa ak-kömükömuñi buña qem anğume.

³²Ambazip lökñanök pakpak nini Anutu qetala lañ malinga qequetalnini miwikñaiba gwaröhöm neñgiyök. Körek

pakpak ak kömum neñgimapköra aka kösönöñ gwaröhöm neñgiyök. Mewö.

Anutu möpöseiba omsa liñet kewö kölakzin:

³³^cAnutu kalem möriamñanğö köweñan mönö keta bölökñi akza. Iwinanğö jitñi, mötmötñi mönö gegeñi teteköñi qahö. Mötkutukutuñan neñgoñgita öñgöñgöñi ketanji akza. Yanön keunini kewöta jim tekömakzawi, neñön mi lökñanök jim asarim teköbingö osibin. Malmalninanğö köna arengömakzawi, miangö könanji mönö möt kewöta miwikñaim teköbinanğö dop qahö.

³⁴^d“Kembugö urukönömñanğö areñi mi ambazip körekñan möt yaköbingö osiba mala korin. Kunñan kun goro wanğimawanğö dop qahö.”

³⁵^e“Gölme ambazip kalem anğumakzinmö, yambuk mewö akingö osiba mala korin.

Yuai wanğiinga kitipñi qahö melenğ enğiiga ölop dop köl wanğiza. Yuai kun bianğ neñgimapkö tosa wanğibingö osimakzin.”

³⁶^fMi kewögöra osimakzin: Yanön yuai pakpakö Toñi aka bömön jalöñi akza. Yanön yuai pakpak nam köliga asuhuyök. Mi nanñi aködamun miwikñaim wanğimapköra aka asuhuyök. Miangöra neñön qetbuñanji möpöseininga teteköñi qahö aködamunñambuk ahöba öngöba ahöma. Keu mi ölnja.

Malmalnini denöwö malinga Anutugöreñ dop kölma?

12^o urumeleñ alaurupni, Anutunöñ mewö ak kömum neñgiyö-hanğöra nöñön mönö uruñini kewö kuñgum enğizal: Iñini mönö

^b11:27 Jer 31.33-34 ^c11:33 Ais 55.8

^e11:35 Job 41.11 ^f11:36 1 Kor 8.6

^d11:34 Ais 40.13

ak-kömükömuñi mi urukönömñinan mötmörība miangö dop kitipñi meleş wañgiba waikñi memba möpöseiba malme. Mewöyök nanñini sileñini mi Anutugö kötön naluha alme. Mewö alme ewö, iñini mönö guliba sarakñi aketka Anutunöñ nalukñini mi ehi dop köli sihimñi mörakña.

²Mutuk gölmegö ahakmeme bölöñangö areñi wuatangöba malgetmö, nalö kewöñe mewö kude toroqeba ahakñe. Mewö qahöpmö, mönö urumötmötñinan kölönaiiga letota malme. Mewö mala Anutunöñ engöra sihimñi denöwö mötzawi, mi jaruba ölop köhöiba kewöta miwikñaiime. Mi miwikñaiiba miangö dop ahakñe ewö, mönö köna ölöpnji wuatangögetka dop köl wañgi aködamunñinambuk ahakñe.

³Siksauk lañ malbepuköra keu kun jiamam. Anutunöñ kalem möriam niñgiiga miangö qakñe kinda körek engöra kewö jizal: Iñini mönö nanñini mötket öngöñgöñi qahö akñapmö, mohot mohot iñini mönö törörök möt kutum anguba malme. Anutunöñ mötnarip neñgiiga miangö ölnji asuhumakzawangö dop mönö nanñini kewöt anguba miangö dopkeu jiba malme.

⁴^gMiangö könañi kewö: Sileninan mohot akzapmö, sile kitipnini mi gwötpuk. Kitipñi pakpak mieñön nup mohot miyöhök qahö memakze. ⁵Miangö dop urumeleş ambazip neñön mewöyök gwötpuk maljinmö, töndup Kraistpuk qekötahöba kinda sile ewö ölnji mohot akzin. Mohot akzinmö, nanñök nanñök neñön mönö toroqem anguba mohotñe nup meinga dop köli kinjin.

⁶^hAnutunöñ kalem möriamñi neñgiyöhangö dop nup memegö mötmöt kalem murutñi murutñi buña qem anguba maljin. Kunöñ kezapqetok

nupkö mötmöt kalemñi buña qem anguba ewö, yañön mi mönö nupnön alakña. Mötnaripñan töndangöm wañgi-makzawangö dop nupnön ala Anutugö keuñi jiba malma. ⁷Kungöra welenqeçe nupkö mötmöt kalemñi wañgiyök ewö, miangö dop mönö tosatñi pöndañ bauköm engiba malma. Kungöra böhi qaqazu nup memapkö mötmöt kalemñi wañgiyök ewö, yañön mönö memburik-qemburikñi qahö pöndañ tosatñi kusum engiba malma.

⁸Kungöra uru nañgönañgö nupkö mötmöt kalemñi wañgiyök ewö, yañön mönö pöndañ kapañ köla ambazip uruñini kuñguba nañgöm engiba malma. Tosatñan yuaigöra mözöröñgöba osigetka kungöra i nañgöm engimapkö mötmöt kalemñi wañgiyök ewö, yañön mönö kongwarakñi qahö pöndañ nañgöm engiba malma. Kungöra galömkölköl nupkö mötmöt kalemñi wañgiyök ewö, yañön mönö zej kinda tosatñi galöm köl engiba malma. Kungöra urukalem nupkö mötmöt kalemñi wañgiyök ewö, yañön nup mi mönö sösongai qakñe memba malma. Mewö.

Urukalemgö könañi törörök wuatangöme.

⁹Möno geñmoñ mosöta törörök urukalem ak anguba malme. Bölöñi sisit memba andö qeba malme. Ölöpnangöra ak eñgiiga miangöreñ mönö qekötahöba malme. ¹⁰Urumeleñ alaurupñini mi mönö guñböñjñjñj qakñe ak engiba törörök jöpaköm anguba malme. Göda qem angubingö kapañ kölakzei, miangöreñ mönö awöweñgöba möpöseim anguba malme.

¹¹Uruñinan mönö kude sörauba löwörimapmö, köulukögetka Uña Töröñan inahöm eñgiiga urukönöpñöñ

kinda Kembangö nup memba malme. ¹²Jörömqöröm aka sösöngainöŋ malme. Kahasililiŋ möta mökösoŋda malme. Mönö böŋ kinda Anutu köuluköba malme. ¹³Anutugö ambazip sarakŋan yuaigöra osizei, i mönö bauköm enggiba malme. Mönö ambazip köl öröm enggiba mohotŋe tata nene nem sösöŋgai ahakŋe.

¹⁴Sesewerowero ak enggimakzei, ambazip mi mönö kude qesuahöm enggimemö, mönö Anutu köulukögetka kötuetaköm enggimakŋa. ¹⁵Söŋgaizei, yembuk mönö bauköba söŋgaime. Sahötzei, yembuk mönö bauköba sahötme. ^{16j}Mönö urumohot ak aŋguba luainöŋ malme. Nanŋinaŋgöra mönö kude mötket öŋgöma. Jakbak-öraŋböraŋ kude akŋemö, ambazip eretŋi mönö ala ak enggiba malme. Nanŋinaŋgöra mötketka mötkutukutu ambaziwa maljeaŋgö dop kude akŋa.

¹⁷Jinöŋ jibi, nuŋgunöŋ guhubi, aknöŋ aki mi kungöra kude akŋe. Ambazip körekŋan silik tosatŋi miengöra mötketka ahakmeme ölöŋŋi akzei, mi mönö kapaŋ köla memba malme. ¹⁸Yuai kungöreŋ qahö qaköze ewö, mönö köhököhöi ahöm enggizawaŋgö dop kapaŋ köla ambazip körek yembuk luainöŋ malme.

^{19k}Keu kun mi Buŋa Kimbinöŋ kewö ohoget ahöza, “Nöŋön mönö bölöŋaŋgö likepŋi melenbiga qakŋine öŋgöma. Mi nöŋgö nuwa. Kembu nöŋön mewö jizal.” Miangöra wölböt alaurupni, iŋini nanŋinak bölöŋaŋgö likepŋi kude melenmemö, mi Anutugöra mosötketka irimŋan seholiiga engö kitipŋi melenŋa meköm enggima.

^{20l}Miangöra mi nanŋinak kude melenmemö, Buŋa keu ki mönö

wuatangöba malme, “Kerökan nenegö kömuza ewö, i mönö nene gumohom waŋgiman. Göhö kerökan ogö mötza ewö, i mönö o waŋginöŋga nema. Mewö aka göhöreŋ silik ölöŋŋi miangön mönö uru kuŋgum waŋginöŋga gamuŋi möta mosötpawak.” Keu mi mönö wuatangöba malme. ²¹Kunŋan silik bölöŋi miangön luhut al gihibapukmö, nangak mönö silik ölöŋŋi aka miangön luhut al waŋgiba silikŋi bölöŋi mi koyonaniman. Mewö.

Gawman yeŋgö keu bapŋine anda tem köla malme.

13 Gawman kun mi nanŋök qahö asuhuyökmö, Anutu, kukösüm Toŋi yaŋön mönö gawman kuŋgui miangö dop ketanaminan kukösüm qakŋe kinda galöm köl enggimakze. Jimkutukutu nupkö kondotkondotŋi mi Anutu. Miangöra iŋini körek mönö nanŋini gawman yeŋgö keu bapŋe anda malme. ²Könaŋi mewö mötzeangöra aka kunŋan jimkutukutu galöm yeŋgö kukösümŋini qetaljawi, yaŋön Anutunöŋ malmalgö areŋi alöhi, mönö mi qetalja. Jimkutukutu Toŋi qetaljei, Anutunöŋ yeŋgö keuŋini jim teköba likepŋi melen enggiiga lömböt miwikŋaime.

³Galömkölköl yeŋön ambazip ahakmeme bölöŋi ahakzei, mi keŋgöt mötmöt ak enggimakzemö, ölöŋŋi ahakzei, mi mewö qahö ak enggimakze. Miangöra galöm kukösümŋinambuk yeŋgö keŋgötki mötmangö mötzan me qahö? Mi qahö mötmangö mötzan ewö, mönö ahakmeme ölöŋŋi aka memba malnöŋga möpöseim gihimakŋe.

⁴Gawman yeŋön mönö Anutu welenŋi qeba mem ölöwak gihibingö mötze. Mewö mötzeangöra ambazip bölöŋi akzei, mönö miangö

¹12:14 Mat 5.44; Luk 6.28 ^j12:16 Qam 3.7 ^k12:19 Dut 32.35

^l12:20 Qam 25.21-22

likepñi meleyda qakñine öngöi lömböt mötmegöra kinje. Anutugö welenqequeurupñi aketka buldömingö sou ketañi engiyöhi, mi öne töhön qahö memba malje. Mianğöra yuai bölöñi akzan ewö, mönö keñgötki möta malman. ⁵Lömböt qakñine öngöi mötpepuköra mönö gawman jitñini tem köla malme. Mianğörök qahöpmö, Anutugö jeje mohot dop kölmakpöra mönö mewö ahakñe. Qahö tem kölgetka Anutugö irimñan sehooli jii urukönömñinan mewö mötketka uruñinan bölölibapuköra mönö mewöyök gawman yeñgö keu bapñe anda malme.

⁶Gawman yeñön mönö Anutugö nup bahöñi kun memba mianğoreñ zeñ kinda galöm köl engimakze. Nupñini mi memegöra eñön mönö bauköm engiba takis mewöyök alakze. ⁷Gawmangö takis aka kötön könani könani dawik engimegö jimakzei, mi mönö körek mianğö dop engimakñe. Gawmangö takis könani könani pakpak mi mönö törörök engimakñe. Gawmangö nup meme ambazip yeñgöra mönö ewe ala göda qem engimakñe. Mewö.

Nalö ketañan dopdowiiga mönö jöpaköm aņguba malme.

⁸Mewö aka kungöreñ tosa kun embuk kude ahöi malme. Töndup engö tosañini mohok-kun mi nalö dop kewö ahöza: Inñini mönö uru jöpaköm aņguba malme. Kunñan tosatñi jöpaköba urukalem ak engimakzawi, yañön mönö Köna keu wuatangöm tekömakza.

⁹Jöjöpañ keu bohonñi kewö, “Nangi jöpaköm aņgumakzani, mianğö dop mönö tosatñi pakpak jöpaköm engimakñan.” Keu mianğö uruñe jöjöpañ keu kewöñi ahöze, “Sero yoņgorö kude akñan,” “Ambazip kun kude qeñöñ

kömuma,” “Yoņgorö kude meman,” “Yuaigöra mönö kude köpösöngöman.” Mi aka jöjöpañ keu tosatñi pakpak mi mönö keu bohonñi mianğö nemböñe akze.

¹⁰Ambazip kun jöpaköm wangizan ewö, yaņgöra mönö yuai bölöñi kun kude ak wangiman. Mianğöra urukalem aka mewö mianğön mönö jöjöpañ keu körek pakpak tem köla wuatangö-makzan.

¹¹Nalö kianğö könani mötzeangöra mönö ahakmeme mewöñi aka memba malme. Mutuk Kraist möt nariba urunini meleyñini, nalö mianğöreñök könahiba mala koringa Kembunöñ meköm neñgii Suepnöñ öngöbini, mianğö nalöñan mönö dowe ahöza. Mianğöra inñini gaun ahözei, mianğöreñök imbiñini möta wahötmeangö nalöñan mönö lök kam kuņguza. ¹²Suņgem köröpñi malinga wehön jeñi jililingöba koriga asarimangö akza. Mianğöra söñaupkö ahakmeme mi mönö tömbuluñaniget geiga asakñangö bim qebingö aködammunñi mi mönö memba kölget geiga kinbin.

¹³Asakñangö uruñe malñinangö dop mönö ahakmeme sarakñi aka memba malbin. Tosatñan közölömbuan pati ala bau numbu nempa o köhöikñangöra eñololöñ ahakze. Sero namböñnamböñ aka lañ ambi yoņgorö örömakze. Jula deñda aņgururuk aka aņgöhöba urunöñ mututqutut möta andönöñ qem aņgumakze. Ahakmeme mewöñan mönö qahö dop kölja. ¹⁴Urusilegö sihim kömböñanñini bölöñan guliba wahötketka miengö sihimñini tem köl engibepuköra mönö mi kude kezap ala mötmörim engimakñe. Mewö qahöpmö, Kembu Jisös Kraistkö ahakmemenjan

^m13:6 Mat 22.21; Mak 12.17; Luk 20.25

ⁿ13:9 Eks 20.13-15, 17; Dut 5.17-19, 21; Lew 19.18

mönö timbi saiwanjini aiga mi maluku ewö löngöt anguba malme. Mewö.

**Alaurup lölöwöröŋi i kude
jim enggiba malme.**

14^oKungö mötnaripŋan lölöwöröŋi aiga i mönö köyan köla köl öröm wanjiba malme. Yambuk eraum möta kösawöraŋ keugöra jitnakölik kude ahakŋe. ²Tosatŋan mötnaripŋinangö dop nene pakpak ölop nemakzemö, tosatŋi yengö mötnaripŋinan lölöwöröŋi aiga nene piakŋanök nemakze. Uruŋinan tölöhobapuköra uruyahöt aka sömbup tandö lopiongö naluk alalŋi mi sisitŋi memba yöha töhönök inanŋik ohom nemakze. ³Nene pakpak nemakzeanön mönö alaurupŋini yöhayök nemakzei, mi jijiwilit kude ak enggimakŋe. Anutunöŋ alaurupŋini nene pakpak nemakzei, mi mewöyök “Dop kölje,” jiba köyan köl enggimakza. Miangöra yöhayök nemakzei, eŋön mönö alaurupŋini yengö keuŋini kude jim teköme.

⁴Göŋön mönö niŋia aka kungö welenqeqeŋi jim teköm wanjibanak? Yaŋön mönö nanŋi toŋangö jeŋe keuŋangö likepŋi jiiga kewöta jim teköiga dop köliga kinma me lömböt qakŋe öngöiga etma. Kembunöŋ mönö köhöiba böŋ qeba kinmapköra nanŋöm wanjimakŋa. Miangöra mönö ölop böŋ qeba kinma.

⁵Tosatŋan silim pakpaköra mötmörigetka tandökŋini öröröŋ ahözemö, tosatŋan silimŋi silimŋi kewöta silim kungö mötket öngöiga qainŋi kun aiga silim tosatŋan miangö nemböŋe akze. Iŋini mohot mohot mönö nanŋini mötmötŋini qekötahöba miangöreŋ uruyahöt körek yaköriba awösamakak kinda malme. ⁶Tosatŋan silimŋi silimŋi kewöta öngöba eta alakzei, yeŋön mi mönö Kambu

qetbuŋa wanjimapköra aka ahakze. Tosatŋan sömbup nemakzei, yeŋön mönö Anutu möpöseiba Kembunöŋ mewö qetbuŋangambuk akŋapköra nemakze. Tosatŋan sömbupkö ŋiŋi malakzei, yeŋön mönö Kembunöŋ qetbuŋangambuk akŋapköra aka mi ahakze aka mewö mala Anutu möpöseimakze. ⁷Nengöreŋök kunŋan kun mönö nanŋangörök qahö malja aka nanŋangörök qahö kömuma.

⁸Miangö könaŋi kewö: Jebuk malbin ewö, mönö malmalnini Kembugöra köleŋda malbin. Kömumbin ewö, mönö Kembugöra kömumbin. Miangöra malbin me kömumbin ewö, mönö Kembugö buŋaya akzin. ⁹Kraistnöŋ mönö kömugeru aka jebuk maljini, körek nengö Kembunini aka malmapköra kömumba guliyök. ¹⁰^pAnutunöŋ mönö körek nenguanŋita nanŋi keu jakeŋe al nenggiiga kinbin. Miangöra tosatŋi eŋön mönö niŋia aka urumeleŋ alaurupŋini jim teköm enggimakze? Mewöyök alaurupni tosatŋi eŋön mönö wuanöŋgöra urumeleŋ alaurupŋini tosatŋi mi jijiwilit ak enggimakze? Jujul silikŋini mianŋön mönö qahö dop kölja. ¹¹^qMiangö keuŋi mi Buŋa Kimbinöŋ kewö ohoget ahöza, “Kembu nöŋön mal köhöizali, miangö dopkeu öl töhöŋŋi kewö jizal: Ambazip körek pakpak iŋini mönö nöŋgö jemesoholne simin köla jitŋinan Anutu ni möpöseim niŋgime.”

¹²Keu miangö dop nini körekŋan mönö inanŋök inanŋök ahakmemeninangö kösohotnini mi Anutugöra jim asariinga kewöt nenggima. Mewö.

**Kunöŋ tötaŋgöba et
qebapuköra mötmörime.**

¹³Miangöra mönö kude toroqeba jim bölim anguba keuŋini jim teköme. Urumeleŋ alaurup yengö könanöŋ

tötangöba et engubapukö yuai kun mönö kude alakɛ. Miangö keunji mönö kapaɲ köla jiba jöhöme. ¹⁴Nene yuai kunöɲ nanɲanök aɲgöjörakɲambuk qahö akzapmö, ambazipnöɲ yuaigö mötketka aɲgöjörakɲambuk akzawi, yengöröhök mi aɲgöjörakɲambuk akza. Nöɲön Kembu Jisösbuk kinda keu mi möta miangöra uruyahöt kun qahö akzal. ¹⁵Anutunöɲ nene pakpak amöt qem teköi sarakɲi akzemö, töndup alaurup tosatɲan döɲqizizinnini aka sömbup qahö nemakze. Kraistnöɲ yengöra aka kömuiga tosatɲi eɲön mönö wuanöɲgöra sömbup nempa mewö mianöɲ yengö uruɲini mem bölimakze? Mewö nanɲini imbi-imbi aketka urumeleɲ alaurupɲinan miangöra wösöbirik ahakzei, mewö mönö urukalemgö könaɲi mi qahö toroqeba wuatangömakze.

¹⁶Mötmöt ölöɲɲi ahöm engizapmö, miangö qakɛ ahak-memeɲinan laɲ aketka tosatɲan miangöra sirongen keu jiba jim engimakze. Mewö asuhubapuköra galöm mem aɲguba malme. ¹⁷Wani neneya nembini aka wani oya nembini, mianöɲ Anutu bemtohoɲangö aiwesökɲi qahö akza. Yuai mianöɲ mönö eretɲi akza. Yaɲgö bemtohoɲ uruɲe malmalgö öɲɲi mi kewö: Uɲa Töröɲan inahöm neɲgiiga ahakmeme diɲɲiɲi wuatangöinga luai qem neɲgiiga söɲgaiba malɲin. Mianöɲ mönö aiwesök muɲgemɲi akza. ¹⁸Denike yeɲön mewö aka Kraistkö welenɲi qemakzei, yeɲön mönö Anutugö jeɲe dop köɲgetka ambazipnöɲ keunɲini mötketka dop köɲ engimakza.

¹⁹Miangöra nini luai qem aɲguinga urumohot sehimapköra kapaɲ köɲbin. Mewö mianöɲ mönö urunini möhamgöba mem köhöim aɲgubin. ²⁰Anutunöɲ nene pakpak amöt qem teköi sarakɲi akze, mi mötzinmö, kunöɲ sömbup me nene kun neiga alaɲangö

uruɲan miangöra böliiga urukönöpɲi ahuiga siɲgisön-dokpuk akzawi, mianöɲ mönö qahö dop köɲja. Kunɲan tosatɲi yengöra qahö mötmöriba nanɲangörök möta laɲ nezawi, yaɲön mönö mewöyök siɲgisöndokpuk akɲa. Miangöra Anutunöɲ yengö uruɲine nupɲi meyöhi, tosatɲi eɲön mönö nupɲi ölöɲɲi mi nenegöra aka kude mem bölime.

²¹Miangöra urumeleɲ alaurupɲini yengöra aka sömbupkö siɲgi mala wain o mi kude nempa malme. Mewö mianöɲ mönö mohotɲe ölöwakɛ. Mewöyök uruɲinan yuaigöra aka böliiga siɲgisöndokpuk aka löwöribawak, eɲön mi kude akɛ. Mewö mönö mohotɲe ölöwakɛ. ²²Kösawöraɲ keugö mötnariɲi mewö me mewö ahöm gihizawi, mi mönö Anutugö jemesoholɲe aɲgön köla malman. Kunɲan keu kungöra “Dop köɲja,” jiba miangöreɲ qekötahöba möt köhöiba miangöra nanɲi qahö jim teköm aɲguzawi, yaɲön mönö simbawoɲ akza.

²³I me wai mötnariɲi qakɛ qahö kinda ahakzini, mi pakpak mönö siɲgisöndok akza. Miangöra kunɲan nene kungöra uruyahöt aka töndup mi neza ewö, yaɲön mönö mewö siɲgisöndok akɲa. Mötnariɲi qakɛ qahö kinda nezawangöra Anutunöɲ mönö yaɲgö keunɲi jim teköi qaköba lömböt miwikɲaima. Mewö.

Mönö Kraistkö mötmötɲi wuatangöba malme.

15 Mötnariɲininan köhöikɲi akzawi, neɲön mönö naninangörök laɲ söɲgaiba nanini imbi-imbi malbinbuk. Tosatɲi yengö mötnariɲininan lölöwöröɲi aiga tötöpinpinöɲ köna oɲgita törörök qahö wuatangömakzei, neɲön i urukalem ak eɲgiba lömbötɲini bisimegö bauköm eɲgibin. ²Nini mohot mohot mönö alaurup-ninan

ölöwakɛaŋgö dop mötmöriba ak ɛŋgimakin. Mewö ak ɛŋgiba uruɲini möhamgögetka köhököhöi miwikɲaime. ³†Kraistnöŋ mewöyök nanɲaŋgörök nanɲi imbi-imbi qahö söŋgaiba ahökmö, Buɲa keu kiaŋgö dop ak waŋgigetka malök, “Ambazip keu töhöreŋ jiba gi jim gihimakzei, yeŋgö keuɲinan mönö nuŋguiga sihimbölöŋi mörakzal.” Keu mewö ahöza.

⁴Anutunöŋ neŋgöra sihimɲi kewö mörakza: Neŋön kapaŋ köla köhöiba kinda Buɲa Kimbi oyoŋninga urunini naŋgöiga mewö miaŋön jörömqöröm aka malbin. Miaŋgöra Buɲa keu pakpak mönöwök ohogeri, Anutunöŋ mönö miaŋgö dop kusum neŋgimamgö mötza. Miaŋgöra mi ohoget ahöza. ⁵Anutunöŋ mönö nanɲak uruɲini naŋgöiga ölöp kapaŋ köla kin köhöime. Yaŋön mönö Uɲaŋi ɛŋgiiga inahöm ɛŋgiiga sutɲine uru jöhöjöhö aka Kraist Jisösgö möt-mötɲi uatanaŋgöba malme.

⁶Mewö mala ölöp urumohot qakɛ numbuɲini mindiriba Anutu, Kembunini Jisös Kraistkö Iwiɲi mi möpöseiba malme. Anutunöŋ ɛŋön mewö aka malmegöra mörakza. Mewö.

Ölöwak Buɲanöŋ kantri tosatɛ anda kayök.

⁷Kraistnöŋ iɲini möt aŋgön köla köyan köl ɛŋgimakzawi, miaŋgö dop iɲini mönö mewöyök köyan köl aŋguba malme. Anutugö qetbuɲaŋan sehimapköra mönö mewö aka malme. ⁸Nöŋön keu öljɲi ki jimam: Anutunöŋ keuɲi keuɲi Juda könagesö neŋgö bömönu-rupnini yeŋgöra jiba jöhöyöhi, miaŋön öljambuk akɲapköra mörök. Miaŋgöra Kraist melaiiga Anutugö Buɲa keu öljana köhöimapköra aka Juda neŋgö sutɲine

eta welen qem neŋgiba malök. ⁹‡Juda nini welen qem neŋgiba malökmö, kantri tosatɲi yeŋön mewöyök yaŋgö ak-kömükömuɲi möta miaŋgöra Anutu möpöseiba malje. Miaŋgö keuɲi mi Buɲa Kimbinöŋ kewö ohoget ahöza,

“Miaŋgöra nöŋön kantri tosatɲi yeŋgö sutɲine mala möpöseim gihiba qetbuɲagan sehimapköra liŋet kölakɲam.”

¹⁰†Miaŋgö keuɲi kun mi kewö jiba ohoget ahöza,

“Anutunöŋ Juda nini möwölöhöm neŋgiiga könagesöŋi aka söŋgaimakzin. Kantri tosatɲi iɲini mönö nembuk toroqeba söŋgaiba köiraŋ ala malme.”

¹¹‡Miaŋgö keuɲi kun mi kewö, “Kian kantrigö kambu pakpak iɲini mönö Kembu möpöseiba malme. Gölme dop maljei, iɲini mönö körek ‘Anutu saiwap!’ jiba liŋet köla malme.”

¹²‡Kezapqetok azi Aisaia yaŋön mewöyök miaŋgö keuɲi kewö jii ahöza, “Azi qetɲi Jesi yaŋgö andöjalöŋan mönö sötɲi jula wahöta ambazip gölme dop galöm köl ɛŋgima.

Mewö ak ɛŋgiiga jörömqörömɲini yaŋgöreŋ ala bauköm ɛŋgimapköra mamböta malme.”

Keu walɲi miaŋön mönö nalö kewöŋe öljambuk ahakza.

¹³‡Uɲa Töröŋaŋgö ösumɲan mönö naŋgöm ɛŋgiiga jöröm-qörömɲinan köhöiba pöwöwöm akɲapköra mötzal. Miaŋgöra jörömqöröm Toɲi Anutu yaŋön mönö luai qem ɛŋgiba sö söŋgai pakpak miaŋön uruɲini kokolak qema. Mewö köuluköbiga ölöp Anutu möt narim waŋgiba oyaɛŋkoyaɛŋ akingö mamböta malme. Mewö.

†15:3 Sum 69.9 ‡15:9 2 Sml 22.50; Sum 18.49 †15:10 Dut 32.43

‡15:11 Sum 117.1 †15:12 Ais 11.10

Keu köhöiknji mi denöwögöra ohozal?

¹⁴O urumelej alaurupni, nanak engöra kewö möt köhöizal: Injini mönö tönpin qahö maljemö, Anutunöj yuai pakpak ölöñji uruñine ali kokolak qeiga mötmöt könaji könaji miwikñaiba miañön ölop goro qeba kusum añgubinañgö dop akze. ¹⁵Mewö akzemö, töndup keu mi ölum engubapuköra möta miengö könajini mi kunbuk köl gulim engizal. Anutunöj kalem möriam niñgiiga miangö qakñe kinjalangöra mönö awösamkakak qakñe keu köhöiknji tosatñi ohom engizal.

¹⁶Miangö könaji kewö: Anutunöj kian kantri eñön uruñini melengetka Uña Töröñan mem sarahim engimapköra mörakza. Mutuk jöwöwöl ohogetka köwakñan öngöi Anutunöj söñgaizapma, miangö dop nalö kewöñe Anutunöj ambazip gölme dop buñaji aketka engeka söñgaimangöra awöwengömakza. Miangöra Ölöwak Buñaji kantri tosatñi yeñgö sutñine jim sehimangö jiba nupñi qakne aliga miangö dop urugö nup galöm aka Kraist Jisösgö welenni qemakzal.

¹⁷Miangöra Kraist Jisösbuk qekötahöba kinda Anutugö nupñi membiga qetbuña niñgiiga sileni memba öngöba awösamkakak kinjal. ¹⁸Kraistnöj kantri tosatñi yeñön Anutugö jitñi tem kölmegöra möta sölölohöba kungum niñgimakzawi, miañön mönö nam köl niñgiiga keuni jiba ahakmemeni ahakzal. Keu tosatñi lañ jim sehisehigö awösamkakakñi mi qahö ahöm niñgiza.

¹⁹Uña Töröñangö ösumñan mönö nam köl niñgiiga añgöletot aiwesök kukösumñinambuk asuhuget. Nöñön Jerusalem siti mosöta kantriñi kantriñi liliköba anda mala mala Yuropkö siti

qetñi Ilirikum miangörej añgoral. Mewö gölme dop liliköba Kraistkö Ölöwak Buña mi jim asarim engim teköyal. ²⁰Kunöj tandö kuñguiga kunñan kaba nanñi miriñi miangö qakñe memba mönö keuñambuk akña. Miangö dop kunöj Kraistkö keuñan mötnaripkö tandö lök kuñgui kinöhi, nöñön mönö kaba yañgö tandö qakñe töndangöba kinda uruñini toroqeba möhamgöba mem köhöim engimangö tököba malal. Urugö nup mutukñi memba miañön aködamani miwikñaimangö kapañ köla malal. Miangöra ambazip denike yeñön Kraistkö qetñi qahö möta tönpin malgeri, nöñön Ölöwak Buña yeñgöra jim asarimangö awöwengöba malal. ²¹W^wMiangö keuñi Buña Kimbinöj kewö ohoget ahöza,

“Denike yeñön keuñi qahö jiget mötkeri, yeñön mönö mala i ekñe. Denike yeñön könaji mutuk qahö möta tönpin malgeri, yeñön mönö mala mi möt asarime.”

²²X^xNup mewöñan jöhöm niñgiyöhangöra mönö nalö dop engörej kamangö osiba malal. Mewö.

Polnöj Rom anmamgö areñi alök.

²³Mewö malalmö, liliköba urukuñgukuñgu nup mutukñi memba gölme pakpak möt engizini, miangörej mi mem teköba malal. Urugö nup mutukñi memamañgö gölmeñi mi nalö kewöñe kunbuk qahö ahöza. Mewöyök injini engekñamgö sihimñi möta malbiga yambu (yara) gwötpuk lök teköyök. ²⁴Miangöra kantri qetñi Spein anmami, miangö könaje mönö engörej kamangö areñi ala engekñamgö jörömqöröm aka kewö mötzal: Engeka embuk sösoñgai aka borom kun köisirik

tatpiga baukôm ningigetka ölop kõna toroqeba Spein anmam.

²⁵ Mewö mötzalmö, nalö kewöŋe Jerusalem sitigö könagesö sarakŋi naŋgöm eŋgibingöra miangöreŋ anmam. Miangöreŋ andagun eŋgöreŋ kamam. ²⁶ Masedonia aka Akaia prowins yahöt mietkö urumeleŋ könagesö kambuŋi kambuŋi yeŋön mönö Jerusalem sitigö ambazip sarakŋi baukôm eŋgibingö keu jöhöget. Anutugö ambazip sarakŋi wanapŋi maljei, mönö yeŋgöra keu jöhöba naluk gwötpuk ketanŋi ala mindirigetka mi membagun anda eŋgimam.

²⁷ Mewö akingö uru sösöŋgai möta keu jöhöba mindimindiri naluk ketanŋi mi alget. Mewö almegö tosa ahöm eŋgiiga algetka öljä dop köljä. Anutunöŋ Juda könagesö kötuetköm neŋgimamgö keuŋi jii ahöiga kötümötuet mianön kian kantriŋi kantriŋi dop köla qakŋine öŋgöi malje. Miangöra kian kantri yeŋgöreŋ tosa ahöiga likepŋi melenđa kalemŋinan Juda könagesögö wanapŋi baukôm eŋgigetka dop köljä. ²⁸ Nöŋön kalem mi memba anda böröŋine albi nupni mianön teköiga miangö andöŋe eŋgömosöta kusukŋanök eŋgöreŋ kaba eŋgekagun toroqeba Spein anmam. ²⁹ Eŋgöreŋ kamami, nalö miangöreŋ mönö Kraistkö kötümötuetŋi mi körek memba kaba eŋgimam. Mewö möt yaközal.

³⁰ O urumeleŋ alaurupni, nöŋön Kembu Jisös Kraistpuk qekötahöba kindä kewö uru kuŋgum eŋgizal: Uŋa Töröŋan jöpaköba naŋgöm eŋgimakzawangö dop mönö nöŋgöra Anutu köuluköba malme. Aum-mörimakzali, miangöreŋ mönö uruka-lemŋinan baukôm ningiba malme.

³¹ Judia prowinsnöŋ anda ambazip Kraistköra yaŋgiseŋ ahakzei, yeŋgö böröŋine gebilenbuköra mönö Anutugö köulukögetka sel jöhöm ningibawak. Mewöyök naluk kalem ketanŋi memba Jerusalem anda ambazip sarakŋi yeŋgö böröŋine albiga dop köli sihimŋi mötmegöra mönö köuluköba malme. ³² Mewö köulukö-getka Anutunöŋ sihimŋi mötza ewö, nöŋön mönö sösöŋgai qakŋe eŋgöreŋ kaba embuk köisirik tata körö-ölöwak qem ningigetka malmam. ³³ Luai Toŋi Anutu yaŋön mönö körek embuk kinma. Keu mi öljä.

Yaizözkök keu teteköŋi

16 Alanini Fibi (Foibe) yaŋön Senkria urumeleŋ könagesögö nup meme ambia akza. Yaŋön Rom eŋgöreŋ kamawi, i köyan kölmegöra mönö qesim eŋgiba böröŋine aljal. ² Yaŋön ambazip gwötpuk aka ni mewöyök baukôm neŋgiba malök. Miangöra Anutugö ambazip sarakŋan alaurupnini köl öröm eŋgimakzini, miangö dop Fibiŋöŋ kaiga i mönö Kembugö qetŋe köuluköba köl öröm waŋgime. Eŋgöreŋ kaba yuai kungöra osibawak, miangöreŋ mönö baukôm waŋgime.

³ Awanömyahöt Prisila aka Aqila Kraist Jisösbuk kinjahori, neŋakyahötni yetköra mönö nöŋgöreŋ yaizözkökni jigetka mötmahot. ⁴ Yetköŋ mönö nöŋgöra aka malmalŋiri kölenđa kömumbitkö ahot. Nöŋönök qahö möpöseim etkizalmö, kantri tosatŋe urumeleŋ könagesö kambuŋi kambuŋi yeŋön mönö mewöyök yetköra saiwap jimakze.

⁵ Urumeleŋ könagesö miriŋire tokomakzei, yeŋgöra mewöyök mönö nöŋgö yaizözkökni jigetka mötme.

Eisia prowinsnön nup membiga ölni mutuknjan asuhuiga Epainetus yañon uruñi melenđa Kraistkõ buña ahõhi, wölbõt alani yañgõra mönö nongõreñ yaizözköknî jigetka mötma. ⁶Marianön engõra aka nup ketanji memba malõhi, yañgõra mönö nongõreñ yaizözköknî jigetka mötma. ⁷Andronikus aka Junias tinitosolomyahõtni yetkõn mutuk Kraistkõreñ qekõtahöyohotka nõñon yetkõ andõñire uruni melenbiga miangõ andõñe nõmbuk kösõ mire malin. Aposol yeñon yetkõra mötketka sutñine õngõngõñi akzahot. Yetkõra mönö nongõreñ yaizözköknî jigetka mötmahot.

⁸Wölbõt alani Ampliatus Kembubuk kinjawi, yañgõra mönö nongõreñ yaizözköknî jigetka mötma. ⁹Neñaknini Urbanus Kraistpuk kinjawi aka wölbõt alani Stakis yetkõra mönö nongõreñ yaizözköknî jigetka mötmahot. ¹⁰Apeles Anutunõñ esapesap wanjiiga dop köli Kraistpuk qekõtahõba kinjawi, yañgõra mönö nongõreñ yaizözköknî jigetka mötma. Aristobulusbuk miri mohot maljei, yañgõra mönö nongõreñ yaizözköknî jigetka mötme. ¹¹Tinitosolomni Herodion yañgõra mönö nongõreñ yaizözköknî jigetka mötma. Narsisusbuk Kembu qekõtahõba miri mohot maljei, yañgõra mönö nongõreñ yaizözköknî jigetka mötme.

¹²Trifina aka Trifosa ambi yahõt mietkõn nup ketanji memba Kembubuk kinjahori, yetkõra mönö nongõreñ yaizözköknî jigetka mötmahot. Wölbõt ambi alani Persis yañon Kembugõra nup keta bölökñi memba maljawi, yañgõra mönö nongõreñ yaizözköknî jigetka mötma. ¹³^bRufus yañon Kembugõ nupñi ölp kötökñi memakzawi aka yañgõ namñi nalõ dop ni tok nahõññi ewõ köyan köl niñgiba malõhi, yetkõra

mönö nongõreñ yaizözköknî jigetka mötmahot.

¹⁴Asinkritus, Flegon, Hermes, Patrobas, Hermas aka urumelenj alaurup tosatñi yembuk maljei, yañgõra mönö nongõreñ yaizözköknî jigetka mötme. ¹⁵Filologus, Julia, Nereus nenñambuk aka Olimpas aka ambazip sarakñi tosatñi pakpak yembuk maljei, yañgõra mönö nongõreñ yaizözköknî jigetka mötme.

¹⁶Urumelenj alaurup sutñine mönö aņgum anguba nembõñini suhuba jölõñini jiba malme. Kraistkõ urumelenj kõnagesõ pakpak yeñon mönö yaizözköknî algetka engõreñ kaza. Mewõ.

Qambañ keu tetekõñi

¹⁷O urumelenj alaurupni, nõñon uruñini kewõ kuñguba jizal: Ambazip tosatñan uru mendenmendenj asuhumapkõ nam kölakzei, yañgõra mönö je galõm mem aņguba malme. Urumohotkõ silik ölpõñi kusum engigetka mötzmõ, keu mi qetala kösawõrañ keu tosatñi miangõn uruñini kuñgugetka bölîi qakõba erakze. Ambazip mewõñi mi mönö engõmosõta tikep malme. ¹⁸Ambazip mewõñan mönö nanini Kembunini Kraistkõ nupñi qahõ memakzemõ, nanñini sihimñinanğõ dop asuhumapkõra tuakõpek jiba nanñini welen qem aņgumakze. Kelõk keu ölpõñi ölpõñi nahõmñambuk jiba ambazip geñmoñini qahõ yañgõ uruñini kuñguba tilipkõm engimakze.

¹⁹Iñini Ölöwak Buña tem köla wuatangõmakzei, keu mi körek nenğõ kezapnine geiga mötzin. Miangõra nõñon engõra aka önõñi qahõ sõngaimakzal. Mewõ akzalmõ, iñini kewõ aka malmegõra mötzal: Mönö bölõñi akingõ mötkutukutuñini

^b16:13 Mak 15.21

mosötketka etma. Ölöppni akingö mötkutukutuñini mi mönö pöndañ köl guliba mem qarime. ²⁰Luai Toñi Anutu yañön mönö Satan ösumok töjöhöhöi engö bapñine eri köirañ köla söñgaiba malme.

Kembunini Jisösgö kalem möriamñan mönö embuk ahöma.

²¹ Nöñgö neñakni Timoti yañön mönö yaizözkökñi ali engöreñ kaza. Nöñgö tinitosolomurupni Lusius, Jeison aka Sosipater yeñön mewöyök yaizözkökñini algetka engöreñ kaza.

²² Tertius nöñön Polgö keuñi möta kimbi ki ohozali, nöñön mewöyök Kembubuk kinda yaizözkökni albiga engöreñ kaza.

²³ Gaiusnöñ miriñi jim teköi malbiga urumeleñ könagesö pakpak yeñön mewöyök ki kaba tokogetka nene köisirik al neñgimakzawi, yañön mönö yaizözkökñi aliga engöreñ kaza. Erastus yañön siti pomñangö ofis uruñe takis moneñ galöm kölakzawi aka urumeleñ alanini Qartus yetkön mönö yaizözkökñiri alohotka engöreñ kaza.

²⁴ Kembunini Jisös Kraistkö kalem möriamñan mönö embuk ahöma. Keu mi ölna.

Kembu möpöseiba kewö köulukömakzal:

²⁵ Ölöwak Buña keu ölni mi möpñangö möpñeyök mala kotketka miangöreñ

tölapñe ahöyök. Mewö ahöiga Jisösnöñ eta indela jim asariiga möta jim sehimakzal. Buña keu miangö dop Anutunöñ mönö köhöiba mötnaripñini mem köhöi-iga ölop zeñ kin köhöime. Miangöra neñön mönö Anutugö qetbuñani möpöseininga sehimakña.

²⁶ Mutuk Buña keu ölnan asa-asambötñe ahöba korökmö, nalö kewöñe kezapqetok ambazip kulem ohoget ahözawañgö dop mönö aukñe asuhuyök. Anutunöñ nalö dop mala kota teteköñi qahö mal öngömawi, yañön ambazip kambuñi kambuñi neñön urunini meleñda Buña keu möt nariba tem köla malbingöra mötza. Miangöra nup kewö membingö jim kutum neñgiyök, “Injini mönö anda gölme dop liliköba Buña keu jim asariba malme.” Keu miangö dop neñön Buña keu mi ambazip kambu pakpak mötmegöra jim asariba malin.

²⁷ Anutu nanñök mötkutukutu Toñi akzawi, neñön mönö Jisös Kraistkö qetñe yangö qetbuñani möpöseininga nalö teteköñi qahö aködamunñambuk ahöm öngöba ahöma. Keu mi ölna.

Korint Kimbi 1

*Polnõj Korint yeŋgõra
Kimbi mutukŋi alõk.*

Jim-asa-asari

Polnõj misin nup memba lilikõiga indimŋi yahõt ahõi Grik siti Korint miangõreŋ anõk. Korint mi Akaia prowinsgõ siti bohonŋi. Miangõ kõsohotŋi mi (Apo 18.1-6) eka oyoŋme. Nalõ miangõreŋ Korint mi siti keta bölõkŋi. Bisnisŋini kõnaŋi kõnaŋi gwõtputk ala meget. Korint yeŋõn tandõ lopioŋ aka bem kõnaŋi kõnaŋi waikŋini memba möpõseiba malget. Mõnahotŋini kõnaŋi kõnaŋi ala sõŋgaiget. Gwõtputkŋan serowilin aka malget.

Kimbi ki kewõgõra ohoyõk: Polnõj misin nup memba lilikõiga indimŋi karõbut ahõi Efesus sitinõj maliga tosatŋan Korintnõhõk kaba sutŋine lõmbõt asuhuyõhi, miangõ buzupŋi jigetka mörõk. Lõmbõt tosatŋi kewõ: Urumeleŋ kambu yeŋõn deŋda simbisembel malget (1.10–4.21), serowilin laŋ aket (5.1-13), awanõm malmalgõ kõnaŋan sohayõk (Boŋ 7), tandõ lopioŋgõ bau nenegõ goranora aket (Boŋ 8), semõn törõj nenegõ eŋololoŋ aket (11.17-34), zioz malmalgõ areŋ qahõ wuatangõba ilingõsõŋ malget, kantri tosatŋangõ keuŋi keuŋi aongit aka jiget (12-14). Tosatŋan keu kewõ jiget: “Kõmugeri, yeŋõn kunbuk qahõ wahõtme.” (15.12-33) Korint yeŋõn kimbi kun mewõyõk ohogetka Polgõreŋ kayõhi, miangõreŋ qeqesi tosatŋi al wangiget, (mi 7.1; 8.1; 12.1; 16.1 miangõreŋ oyoŋman).

Polnõj qeqesiŋini mi melenŋa lõm-bõtŋinangõ qambaŋ keu eŋgiba kimbi ki ohoyõk. Urukalemgõ keu (Boŋ 13 mi qetputk sorokŋi. Kõnaŋep nannak Korint anda eŋgekmmangõ keuŋi jiba ohoyõk (16.5-7).

Buk kiangõ bahõni bohonŋi 8 mi kewõ:

Jim-asa-asari keu 1.1-9

Deŋda kambuŋi kambuŋi malget 1.10–4.21

Serowilin aka awanõm malmal 5.1–7.40

Urumeleŋgõ aka urumeleŋgõ kopa malmal 8.1–11.1

Urumeleŋ malmal aka möpõmöpõsei areŋ 11.2–14.40

Kraist aka kõrek neŋõn kõmupnõhõk wahõtŋin 15.1-58

Judia urumeleŋ kambu yeŋgõra naluk alget 16.1-4

Polgõ areŋi aka yaizõkzõk keuŋi tetekõŋi 16.5-24

1 Kraist Jisõsnõj Pol ni noholiga Anu-tugõ jitŋangõ dop melaimelai azi aposol akzal. Nõŋõn urumeleŋ alani Sostenes yambuk tatzit.

²eAnutugõreŋ kõnagesõ Korint sitinõj maljei, nõŋõn embuk Buŋa keu eraum mõtpingõra kazal. Kraist Jisõsnõj inŋini eŋgoholiga yambuk qekõtahõgetka tõk kutum eŋgiiga sarakŋi akze. Mewõyõk ambazip denike yeŋõn gõlme dop Kembunini Jisõs Kraistkõ qetŋi qeta kõulukõgetka i aka nini mohok kembu ak neŋgimakzawi, mõnõ kõrek eŋgõra Buŋa Kimbi ki ohozit.

³Anutu Iwinini aka Kembu Jisõs Kraist yetkõn mõnõ kalem mõriam eŋgiyohotka luainõj malme. Mewõ.

**Polnõj Korint yengõra
Anutu kewõ möpõseiza:**

⁴ Inini Kraist Jisõsbuk qekõtahõba kingetka Anutunõj kalem möriamñi engiyõhi, miangõra mõnõ nalõ dop engõra Anutuni saiwap jiba möpõseimakzal. ⁵ Inini Kraistpuk qekõtahõba kingetka nup memegõ mötmõt kalemñi kelejmalelej engiiga mötmõt kõnañi kõnañi buña qem anguba ölop Buña keugõ kõnañi pakpak jimakze.

⁶ Nini Kraistkõ kõnañi nanjõba jiinga keu miangõ öljan ahuba kõhöi kinjeangõ dop mötmõt kalem pakpak mi engiyök. Miangõra Anutu möpõseimakzal. ⁷ Miangõra nup memegõ mötmõt kalem kungõra qahõ osiba kinda Kembunini Jisõs Kraistnõj kunbuk asuhumapkõra mambõrakze.

⁸ Kembunini Jisõs Kraistnõj mem kõhöim engiiga nalõ tetekõje aukje asuhumawi, nalõ miangõrej inini solanñi aka keujini qahõ kinda i ekje. ⁹ Anutunõj keuji törörök wuatangõba baukõm engimakña. Yanjõn inini nanñi Nahõnñi Jisõs Kraist Kembuninambuk toroqeba malmegõra engoholök. Mewõ.

**Kõnagesõñinan denja kambuñi
kambuñi ala kinje.**

¹⁰ O urumeløj alaurupni, nõjõn Kembunini Jisõs Kraistkõ qetje kewõ uru kungum engizal: Inini mõnõ kõrekñanök urumohot aka sutñine jujul kude aka malmemõ, urunini mindirigetka mohot aiga mötmõt mohot wuatangõba malme. ¹¹ O urumeløj alaurupni, inini sutñine angururuk gwõtputk aka maljei, miangõ buzup keuji ambi Kloegõ saiwaurup tosatñan mõnõ jigetka mõral.

¹² Kewõgõra mi jizal: Engõrejõk tosatñan kewõ jimakze, “Nejõn

Polgõ keuji wuatangõmakzin.” Tosatñan “Nejõn Apolosgõ keuji wuatangõmakzin,” jimakze. Toroqeba tosatñan kewõ jimakze, “Nejõn Pitõgõ keuji wuatangõmakzin.” Dumje kunbuk tosatñan kewõ jimakze, “Nejõn mõnõ Kraistkõ keuji wuatangõmakzin.” ¹³ Kraistnõj jula gwõtputk ahök me? Pol nõjõn mõnõ engõra aka maripomnõj kõmuyal me? Pol nõjõgõ qetne o melun mem engiget me? Mewõ möt sohobepuk?

¹⁴ Nõjõn engõrejõk Gaius aka Krispus o melun mem etkialmõ, tosatñi mi qahõ mem engialangõra “Anutu saiwap!” jizal. ¹⁵ Miangõra “Polgõ qetje o melun mem nengiget,” kunñan keu omanñi mewõ jibapuk.

¹⁶ O ölja, Stefanas aka yangõ saiwaurupñi mi mewõyök o melun mem engialmõ, yengõ andõjne kun o melun mem wangial me qahõpto, mi törörök qahõ mötzal. ¹⁷ Kraistnõj ni ambazip o melun mem engimangõra aka qahõ melaim niñgiyõkmõ, Ölöwak Buña jim sehimagõra jiiga anda kamakzal. Kraistnõj nengõra aka maripomnõj kõmuyõhi, nup miangõ õsumñan eta omanñi akapuk. Miangõra Buña keu mi gölme azigõ mötkutukutu qakje lanj qahõ jimakzal. Mewõ.

**Kraistnõj Anutugõ kukõsumñi
aka mötmõt areñi indelök.**

¹⁸ Ambazip kõnõp siagõ buñaya akjei, yejõn maripomñangõ Buña keuji möta miangõra mötket uruqahõ keuya akza. Mewõ akzappmõ, Suepkõ buñaya akzini, nengõra keu miangõn mõnõ Anutugõ kukõsumñi indeli mõrakzin. ¹⁹ Miangõ keuji Buña Kimbinõj kewõ ohoget ahõza,

“Nöñön mötmöt ambazip mötkutukutuñini könderbiga sohoma.

‘Möt asarim yakömazin,’ jimakzei, yeñgö mötmötñini mönö mem sohobiga sörrauba omañi akña.”

²⁰ Mötikutukutu ambazip ölni mi denike malje? Buk oyoñda mötmötkö könañi miwikñaigeri, mi denike? Gölmenöñ jitnakölikö böhi aka keu melenqeleyda jimakzei, mi mönö ölna qetpuk akze me? Gölmenöñ mötkutukutu ketañi ahözawi, Anutunöñ mönö mi mem kaheiiga (saha-haiiga) uruqahö mötmöra akza. Keu mi ölna.

²¹ Anutunöñ nanñi mötkutukutuñangö dop gölmenöñ malmalgö areñi alökmö, ambazipnöñ nanñini mötkutukutuñine nanğöba mewö miañön Anutugö könañi möt kutubingö osiba tönpin malget. Osiba mala Kraistnöñ maripomnöñ kömuyöhi, miañgöra “Uruqahö keuya!” jiba mötketmö, Anutunöñ Buña keu mi neñön jim sehingöra jiyök. Mi jim asariinga denike yeñön uruñini melenđa möt narizei, mi dom-amöt qem enğimangö möri dop kölök. ²² Juda yeñön aiwesök anğöletot asuhumegöra kapañ kölakzemö, Grik kantri yeñön mötkutukutuñinan sehimapköra jarumakze.

²³ Mi jarumakzemö, neñön Kraist maripomnöñ qeget kömuyöhangö Buña keuñi jim sehimakzin. Juda yeñön keu mi mötketka uruñini böliiga miangören qaköba uruñini qahö melenmakze. Kian kantri yeñön miangöra mötketka uruqahö keuya akza.

²⁴ Gwötpukñan mewö mötzemö, Anutunöñ neñgoholi urunini melenñini, neñgöra Kraistnöñ mönö Anutugö mötkutukutuñi indela Anutugö kukösumñi neñgimakza. Juda me kantri tosatñi akzini, mi töndup Kraistpuk gekötahöba kinda mohot akzin.

²⁵ Ambazip neñgö mötkutukutunini aka ösumnini mi eretñi. Anutunöñ uruqahö akawak, miañön mönö töndup ambazip mötkutukutunini ongita öngöñgöñi ketañi akawak. Anutunöñ lölöwöröñi akawak, miañön mönö töndup ambazip ösumnini ongita köhöikñi kötökñi akawak.

²⁶ Urumelen alaurupni, nanñini könañini denöwö ahöiga Anutunöñ enğoholöhi, mi mötmöriget? Inñi gwötpukñan gölmegö mötkutukutu ketañi qahö memba malget. Gwötpukñan kukösum qakñe sukinapñinambuk qahö malget. Iwiurupñini gwötpukñan qetbuñaninambuk qahö malget.

²⁷ Mewö qahöpmö, gölme ambazipnöñ enğöra mötketka uruqahö ambazip omañi akzei, Anutunöñ mönö inñini mewöñi möwölöhöm enğiyök. Gölmegö mötmöt ambazip ipñi mi gamu qem enğiyök. Gölme ambazipnöñ enğöra mötketka lölöwöröñi akzei, Anutunöñ mönö inñini mewöñi möwölöhöm enğiyök. Gölmegö kukösum ambazip ipñi mi gamu qem enğiyök.

²⁸ Gölme ambazipnöñ jijiwilit ak enğiba könañinangöra mötketka etqeñi akzei, Anutunöñ mönö inñini mewöñi möwölöhöm enğiyök. Gölmenöñ yuai akzei, yeñgö qetbuñanini mem solanii qahöwakñapköra yuai kun qahö akzei, mönö mi möwölöhöm enğiyök.

²⁹ Kunöñ Anutugö jemesoholñe sileñi memba öngöbapüköra mönö mewö meköba möwölöhöm enğiyök. ³⁰ Anutunöñ nam köl enğiba enğuanğiriga Kraist Jisösbuk gekötahöba mal köhöimakze. Yañön Anutugö mötkutukutuñi qainñi kun indeli mörakzin. Kraistnöñ sohopnini memba keunini jim teköi solaniba maljin aka tök kutum neñgiiga sarakñi

akzin. ³¹kBuṅa Kimbinöŋ keu kewö ohoget ahöza, “Kunṅan sileŋi memba öŋgömawi, yaŋön mönö Kembu möt waŋgizawaŋgöra aka sileŋi mem öŋgöma.” Keu miaŋgö dop ahinga dop kölma. Mewö.

**Kraist maripomnöŋ
kömuyöhaŋgö keuŋi jial.**

2 Urumeleŋ alaurupni, nöŋön engöreŋ kaba Anutugö könaŋi naŋgöba jim asarim eŋgiali, mi keuni nahöm sorokṅambuk akṅapköra qahö jiba malal me gölmegö mötkutukutu öŋgöŋgöŋi kondela miaŋön sileni qahö memba öŋgöba malal. ²Nöŋön engö sutṅine mötmöt murutṅi pakpak göraŋe ala Jisös Kraistkö keuŋi aka maripomnöŋ kömuyöhaŋgö könaŋi miyök möt kutuba mi jim sehimangö keu jöhöyal.

³lKeu mewö jöhöba engöreŋ kayali, nalö miaŋgöreŋ azi lölöwöröŋi aka jönömni gwötpuk undui keŋgöt qakṅe malal. ⁴Nöŋön Buṅa keu jim asarim eŋgiali, mi mötkutukutu ketanaŋgö kelök keuŋi qahö jiba malal. Mi qahöpmö, Uṅa Töröŋan sölölohöm eŋgii ösum-mumuŋan uruŋine inahömapköra kapaŋ köla jiba malal. ⁵Gölme ambazipkö mötkutukutuŋinan qahöpmö, Anutugö kukösumŋan nam köl eŋgiiga möt narimegöra kapaŋ köla malal. Mewö.

**Uṅa Töröŋaŋgö
mötkutukutu mi qainṅi kun.**

⁶Nöŋön töndup urumeleŋ alaurup aködamuŋinambuk maljei, yeŋgö sutṅine tatpiga Anutugö mötkutukutuŋi gegeŋi mi ölöp eraum mörakzin. Gölmegö mötkutukutuŋi mi qahö eraum mörakzin. Gölmeŋi gölmeŋi galöm köl eŋgiba malgetka kukösumŋinan

qahöwakṅawi, yeŋgö mötkutukutuŋini mi mewöyök qahö eraum mörakzin.

⁷Mi qahöpmö, Anutugö mötkutukutu tölapṅi mönö mi eraum mörakzin. Anutunöŋ Suep gölme qahö miwikṅaim etkiiga miaŋgöreŋ mönöwök qelṅiŋe lök areŋi kewö ala jöhöyök, “Ambazipnöŋ biaŋ ahuba aködamun miwikṅaiba oya-eŋkoya-eŋ akṅegöra mönö mötkutukutuŋi qainṅi kun mi eŋgimam.” Mewö jiba tölapṅe ali ahöyök. ⁸Gölmegö azi kembuŋi kembuŋi mala kotkeri, yeŋgöreŋök kunṅan mönö mötkutukutu mi qahö möt kutuyök. Mi möt kutubeak ewö, Kembunini asakmararaŋambuk i mönö maripomnöŋ qahö qegetka kömumbawak. ⁹mMötkutukutu qainṅi kun miaŋgöra keu kewö ohoget ahöza,

“Kunṅan yuai mi je kezapṅan qahö eka mörök. Miaŋgö mötmötṅan kungö uruŋe qahö asuhui mörökmö, ambazip Anutu uruŋinan jöpaköm waŋgimakzei, yeŋgöra mi mönö mözözömgöiga jöjöröba ahöza.”

¹⁰Gölme ambazip yuai mi qahö möta jipjap malgetmö, Anutunöŋ mi mönö Uṅaŋi melaiiga neŋgöra indeli mörin. Yaŋön keu pakpakö könaŋi jaruba miwikṅaimakza. Anutugö mötmöt gegeŋi mewöyök möt teközawaŋön mönö mi sölölohöm neŋgiiga mörin.

¹¹Kungö uruŋi kunöŋ qahö mötza. Uruŋaŋgö uṅaŋi yaŋönök mönö mi möt yaköza. Mewöŋanök Anutugö uruŋi mi kunṅan qahö mötzapmö, Anutu nanṅi Uṅaŋi Töröŋi yaŋönök mi möt yaköza. ¹²Neŋön gölmegö ahakmeme bölöŋaŋgö ömeŋi kun qahö buṅa qem anguinmö, Anutunöŋ yuai kalem neŋgiyöhi, miaŋgö könaŋi mötpingöra mönö nanṅi Uṅaŋi melaii urunine geiga maljin.

¹³Miaŋgö könaŋi gegeŋi tokoba eraum mörakzin. Gölme ambazipnöŋ mötkutukutuŋinaŋgö qakṅe keu kusum

neŋgetka miangö dop mi qahö eraum mörakzin. Mewö qahöpmö, Uŋa Töröŋan keu kusum neŋgiyöhi, miangö dop mönö urugö keu öljü kewöringa sölölohöm neŋgii jim asarimakzin. ¹⁴Uŋa Töröŋan sölölohöm neŋgiiga keu mi mewö kewöztzin ewö, könaŋi mönö miwikŋaiba möt asaribinaŋgö dop akza. Miangöra Uŋa Töröŋan denike yeŋgö uruŋine qahö mali öne laŋ maljei, yeŋön Anutu Uŋaŋaŋgö buŋaŋi mi möt aŋgön kölbŋgö osimakze. Yeŋön Buŋa miangöra mötketka uruqahö keu tandök aiga könaŋi möt asaribŋgö osize.

¹⁵Yeŋön osizemö, Uŋa Töröŋan sölölohöm neŋgiza ewö, mönö keu pakpakö könaŋi kewöta jim teköbinaŋgö dop akzin. Mewö akzinmö, urumeleŋ ambazip kungö könaŋamŋi mi gölme ambazip köreŋan törörök jim teköbŋgö osimakze. ¹⁶ⁿMiangö könaŋi mi Buŋa Kimbinöŋ kewö ohoget ahöza, “Kembugö urumötmötŋi mi azi kunŋan kun qahö mörök.

Miangöra kunŋan i goro qambaŋ waŋgi-mawaŋgö dop qahö.”

Kunŋan mi qahö mörökmö, neŋön Kraistkö urumötmötŋi memba maljin. Mewö.

Anutugö nup meme ambazip

3 O urumeleŋ alaurupni, iŋini namande ewö Kraistpuk qekötahöba kinget. Miangöra nöŋön iŋini gölmegö ahakmeme mötöteimakzeangö tandök malgetka Buŋa keu mi jim asarim eŋgiba sutŋine malal. Uŋa Töröŋan sölölohöm eŋgii maljeangö tandök ewö eŋgöra jimangö osiba malal. ²^oNöŋön keu möt asarimeangö dop juzu onŋi ewö gumohom eŋgiba malal. Nene öljü nembŋgö dop qahö akerangöra keu gegenŋi mi qahö eŋgial. Nalö miangöreŋ nene

öljü nembŋgö osiget aka nalö kewöŋe mewöyök mi ölöp qahö nemakze.

³Iŋini toroqeba gölmegö ahakmeme bölöŋi mötöteiba malje. Iŋini urunöŋ mututqutut möta aŋgururuk aka keu jijinöŋ nongitnöŋ gongitpi ahakze. Mewö aketka uru silegö sihim kömbönaŋini bölöŋan galöm köl eŋgiiga urumeleŋgö kopa ambazip omaŋi yeŋgö tandök ahakze. ⁴^pTosatŋi iŋini kewö jimakze, “Nini Polgö keuŋi wuatangömakzin.” Tosatŋan kewö jimakze, “Nini Apolosgö keuŋi wuatangömakzin.” Mewö mewö jiba mönö gölme ambazip omaŋan ahakzeangö tandök aka malje.

⁵Apolosnöŋ niŋia akza aka Pol nöŋön niŋia akzal? Niri mönö Anutugö nuwa memba maljit. Kembunöŋ nanŋik nanŋik netköra nup netkiyöhi, miangö dop bauköm eŋgiziga uruŋini melenŋa Kembu möt nariba malje.

⁶Nöŋön kötŋi kömötpiga Apolosnöŋ o memba kaba miangöreŋ mokoyökmö, Anutunöŋ mönö meiga töhötmöriam asuhuyök. ⁷Miangöra kömöröhi, yaŋön qetŋambuk qahö akza. O mokoyöhi, yaŋön mewöyök qetŋambuk qahö akzapmö, Anutunöŋ kötuetsköiga töhötmöriamŋi kota qarimakzei, yaŋönök mönö qetbuŋaŋambuk akza. ⁸Mewö akzapmö, kömörakzali aka o mokomakzawi, netkön mönö dop mohot akzit. Mohot akzitmö, mi töndup töwaniri mi mönö nupniri memakziraŋgö dop nanŋök nanŋök membit.

⁹Netkön Anutugö nup neŋakyahötŋi aka yambuk nup memakzit. Eŋgö uruŋini mi Anutugö arö ewö aiga kölkömöt nupŋi miangöreŋ memakza. Anutunöŋ miri ewö uruŋini inahöba mindirim eŋgiiga köhöiba wahörakze. ¹⁰Anutunöŋ kalem möriam niŋgiyöhi, nöŋön miangö dop miri memegö

mötmöt azi ewö aka Anutugö tandö kömbönaŋi uruŋine kuŋguba kömötpiga kunöŋ miaŋgö qakŋe miri memakza. Ölop memakzapmö, mohot mohot neŋön mirigö nupŋi ölopŋanök membinanŋö dop akzin. Ek kutuba memingöra mönö je galöm mem anŋubin. ¹¹Urugö tandöŋi mi Jisös Kraist. Nöŋön mi lök uruŋine kömötpiga kunŋan mötnaripkö tandö kun miwikŋaimangö osima.

¹²Tandö mohot akzapmö, miaŋgö qakŋe tosatŋan miriŋini goul silwönöŋ me köt ölninambuk tosatŋi miaŋön memakze. Tosatŋan miriŋini ip kösönöŋ, tömbö bohöm sinŋan me seŋgwenöŋ memakze. Siliknini mewö me mewö memakzin ewö, ¹³urugö nupninanŋö ölnan mönö inanŋök inanŋök aukŋe asuhuma. Kembunöŋ nalöŋan kam kuŋguiga miaŋgöreŋ mönö mirigö esuŋi luluŋma. Miri esuninan mönö Anutugö könöp bölamŋan asuhuiga jeba eriga ölnan aukŋe ekingö dop akŋa. Könöp miaŋön mönö mohot mohot neŋgö mirininanŋö tandökŋi ölni mi esapesapnöŋ ala kewötma.

¹⁴Könöpnöŋ jeba miri pakpak kewöt enŋiiga megetka ölninan köhöiba kinme ewö, yeŋön mönö nupŋinanŋö töwaŋi buŋa qem anŋume. ¹⁵Tosatŋan miriŋini megetka ölninan jeba etme ewö, yeŋön mönö töwa qahöpmö, geŋmororon miwikŋaime. Mi miwikŋaimemö, nanŋinak töndup Suepkö buŋaya malme. Könöp bölamnöŋ jem enŋgohoiga miaŋgö tandök oŋgitpingö jaram tiba kök alal ewö aketka Anutunöŋ meköm enŋiiga Suepnöŋ öŋgöme.

¹⁶†Nanŋinak Anutugö Buŋa jike (tempöl) aketka Anutugö Uŋaŋan uruŋine

maljawi, mi mötze me qahö? ¹⁷Anutugö Buŋa jikeŋi mi kömbukŋi akzawi, miaŋgö dop enön sarakŋi akze. Miaŋgöra kunŋan Anutugö jike mem böliza ewö, Anutunöŋ mönö i nanŋi mem bölim wanŋima.

¹⁸Kunŋan nanŋi gölmeŋö mötmötŋi wuatangöba tilipköm anŋubapuk. Enŋö sutŋine kunŋan nanŋangöra möri “Gölmeŋö mötkutukutu öŋgöŋgöŋi memba maljal,” jiza ewö, yaŋön mönö mutuk uruqahö aka mewö miaŋön mötkutukutu ölni miwikŋaibawak.

¹⁹†Anutunöŋ gölmeŋö mötkutukutu öŋgöŋgöŋi miaŋgöra möri uruqahö keuya akza. Miaŋgö keuŋi Buŋa Kimbinöŋ kewö ohoget ahöza, “Anutunöŋ mötkutukutu öŋgöŋgöŋi memba maljei, mi gwaröhöm enŋiiga nanŋini mötmöt imbi-imbinöŋ supapköba qaköme.” ²⁰†Miaŋgö keuŋi kun kewö ahöza, “Kembunöŋ mötkutukutu ambazip yeŋgö mötmöt areŋinanŋöra möri omaŋi akza.” ²¹Miaŋgöra enŋöreŋök kunŋan mönö ambazip neŋgöra aka sileŋi memba wahötpapuk. Körek neŋön mönö enŋö buŋaya akzin.

²²Pol, Apolos, Pitö^s neŋön mönö enŋö buŋaya akzin. Ambazip gölme dop maljini, neŋön mönö körek enŋö buŋaya akzin. Miaŋgöra ölop keu mi me mi kewöta memba mewö miaŋön malmalŋini malme aka kömupŋini kömume. Nalö kewöŋe maljini, körek neŋön mönö enŋö buŋaya akzin aka könanŋep nup meme ambazip malmei, yeŋön mönö mewöyök enŋö buŋaya akŋe. ²³Mewö ak enŋizinmö, enön Kraistkö buŋaya aketka Kraistnöŋ Anutugö buŋaŋi akza. Mewö.

§3:22 Pitö qetŋi alaŋi Sifas

†3:16 1 Kor 6.19; 2 Kor 6.16 §3:19 Job 5.13 †3:20 Sum 94.11

Nini Kraistkö aposolurupñi akzin.

4 Mianğöra ambazip körekñan mönö neñğöra kewö mötketka dop kölma: Kraistnön jim kutum neñgiiga nupñi memakzin. Anutunön keuñi tölapñi neñgiiga buñanini aiga galöm kölakzin. Neñön miri galömñangö tandök ewö akzin. ²Galöm yeñgö toñinan miri yuaini galöm kölmegöra böröñine aljawi, yañön mönö keu bohonñi kewö kapañ köla jim kutum eñgimakza, “Nupñini mönö misila pöndañ memba malme. Memburik-qemburik kude akçe. Mewö miwikñaim eñgibiga dop kölma.” ³Korint eñön me gölmegö keu jake kungö galömñan ni kewöta jim teköm niñgibeak ewö, nöñön mönö keu mianğöra mötpi eretñi kötökñi akza. Nanak mewöyök nani keuni qahö jim teközal. ⁴Uruni kewöta keu kun qahö mötpiga mem lömbörim niñgizapmö, mianğöra töndup solanñi qahö akzal. Ambazipnön qahöpmö, Kembunön mönö nöñgö keuni kewöta jim teköm niñgimakza.

⁵Mianğöra iñini mönö nalö kewöñe kungö keuñi kun mi kude jim teköme. Kembunön nalöñi ali kam kuñgumapköra mönö mambötme. Mamböta malgetka mianğöreñ kaba keu yuai ömukçe asambötket ahözawi, mi mönö asakñan indeliga aukçe asuhuma. Yañön kaba ambazip urunini mem asariiga könañamnini ölñan aukçe ekñamgö dop akña. Könañamnini ölñi eka mohot mohot kewöt neñgiiga Anutunön mönö miangö dop nalö mianğöreñ möpöseim neñgibawak.

⁶O urumeleñ alaurupni, iñini jula jakbak-orañbörañ aka lañ likeplikep aröñda kinda qetal añgumakze. Mewö malbepüköra mönö Apolos niri mötmörim netkiba nanñini imbi-imbi mosöta keu kiangö könañi mötme, “Buña keu ohoget ahözawi, mi mönö

kude oñgitme.” Keu mi mötket uruñine ahöi tem kölgetka ölöwakñegöra mönö kösohotniri mewö ohozal. Mi nani aka Apolos netkö könañamniri kewöta mötmöriba möt asarimegöra ohozal. Jujulñinan mewö teköma.

⁷Gölmegö kunñan mönö qahö mem letot gihiiga tosatñi eñgoñgita qainñi kun akanak me qahö? Mi qahö. Yuai pakpak ahöm gihizawi, mi mönö Anutunön kalem gihiiga buña qem añgunön me qahö? Mi kalema buña qem añgunön ewö, mönö wuanöñgöra kalem qahöpkö tandök ewö silegi memba öñgömakzan? Mi qahö dop kölja.

⁸Yuai pakpak memba malbingö sihimñi mötzei, mi mönö lök ahöm eñgim teköza. Anutunön Suep köweñeyök kalemñi kalemñi mokom eñgiiga lök simbawoñ akze. Neñön qahö bauköm eñgiinga nanñinak töndup mötnaripkö azi kembu tandök akze. Nanñinañgöra mewö mötmörim añguze. O eñön ölña kiñ aketka dop kölbawak. Mewö aketka neñön mönö mewöyök azi kembu-urupñini aka eñgö qöhöröñine ölop silenini memba öñgöba aiweliköm añgubinak. Nöñön mewö akingö sihimñi mötzal.

⁹Nöñön mewö mötzalmö, nanini könañamnini eki tandök kewö akza: Anutunön aposol nini al neñgiiga ambazip jeñine etqeceñi töhön aka maljin. Ambazip eñguget kömumegö jim tekögera tandök aukçe anda kaininga lañ qeta gamu qem neñgimakze. Yuai ehekñi qainñi kun ahinga gölme dop miengö toñi aka Suep jakeñi jakeñi miengö pom garatañi miengön mönö jeñinan neñgek kutuba neñgehimakze.

¹⁰Kraistköra aka uruni sohoi maljali, nöñgöra mewö jimakzemö, eñön Kraistpuk kinda mötmöt ambazip aködamunñinambuk akzeañgö tandök akze. Nöñön lölöwöröñi akzalmö, eñön “Ambazip köhöikñi akzin,” jize. Ambazipnön

iņini göda qem engimakzemö, nöngöra mötket eriga jijiwilit ak niņgimakze. ¹¹Nalö dölkwöñje mewöyök nenegö kömumba ogöra ak neņgiiga opo walņi jujuratņi löngöta malinga binnöñ laņ neņgugetka dum mirinini qahö mala toroqeba anda kamakzin.

¹²uNanini böröñinan sileqege tandök nup memakzin. Ambazipnöñ laņ qesuahöm neņgimakzemö, neññön mönö kötuetaköm engiba yeņgöra köulukömakzin. Sesewerowo ak neņgimakzemö, neññön mönö mi möta mökösoñda kapañ köla maljin. ¹³Uruqege keu töhöreñ jim neņgimakzemö, neññön mönö guñböñjönjön qakņe ösoñnöñ meleņmakzin. Neññön gölmegö nesak lömņangö tandök ewö ahinga gölmeņi gölmeņi yeññön sisitnini memba andö qem neņgimakze. Mewö mala kota nalö dölkwöñje mewö toroqeba maljin.

¹⁴Gamu qem engimamgöra keu ki qahö ohozalmö, wölböt nahön böraturupni ewö mönö goro qambaņ engimamgö mötzal. ¹⁵Mötnaripkö böhi 10.000 yeññön Kraistpuk qekötahöba köyan köla kusum engibeak ewö, mi töndup nöññön mönö Kraist Jisösbuk qekötahöba Ölöwak Buņa jim asariba iwiņini akiga uruņini melenget. Miangöra iwiurupņini gwötpuk qahö malje.

¹⁶vMiangöra uruņini kewö kuņgum engizal: Nöññön silik ahakzali, miangö dop eññön mönö nöngö silikni mi wuatangöba malme. ¹⁷Nöññön silikni Kraist Jisösbuk qekötahöba aka memba gölmeņi gölmeņi liliköba urumelen köñagesö dop kusum engimakzali, miangöra mönö ölum engubapuk. Nöññön miangöra aka wölböt nahöni Timoti melaibiga engöreñ kama. Yaññön nömbuk pöndaņ mala Kembubuk

qekötahöba kinda kaba köñamni jiba köl gulim engima.

¹⁸Engöreñök tosatņan nöññön engöreñ qahö kabileņak ewö möta sileņini möpöseiba jakbak-örañböraņ aka laņ malje. ¹⁹Mewö maljemö, Kembunöñ sihimņan ni kamamgö mötma ewö, mönö ösumök engöreñ kamam. Kamami, nalö miangöreñ jakbak-örañböraņ ambazip yeņgö kukösumņinangöra qesim engibiga jim miwikņaigetka mötmam. Sileņini memba wahöta keu ketaņi ketaņi laņ jimakzei, miangöñ nöngöreñ eretņi akza. ²⁰Anutugö bemtohoņ mi keuyök jijiğö yuaia qahöpmö, ölni mi Anutugö kukösum. Miangöñ mönö nam köl neņgiza.

²¹Miangöra uruņini qahö melenđa laņ malme ewö, nöññön mönö kömbin memba kaba keunöñ engohotirimam. Uruņini melenme ewö, mönö urubönjön qakņe urukalem ak engimamgöra kamam? Keu yahöt mi kewöta nöngöra sihimņini denöwö mötzei, mi möt kewöta jime. Mewö.

Kunöñ serowilin ahöhi, i mönö sutņineyök közölme.

5^wKeu kun kewö jigetka nöngö kezapne geyök: Tosatņan urumelen köñagesö sutņine serowilin ahakze. Kunņan iwiņangö anöñņi memba malja. Serowilin mewöñi mi urumelenğö kopa ambazip yeņgö sutņine mewöyök kun qahö ahöza. ²Kunņan mewö aiga iņini töndup sileņini memba öngöba laņ jakbak-örañböraņ ahakze. Mi qahö dop köljapmö, silikņangö wösöbiriknöñ mönö mem kömum engiiga dop kölbawak. Mewö aka ölöp azi siņgisöndok mewö ahöhi, i mönö sutņineyök közölgetka yaigep etma. I denöwö aka qahö közöljeye?

³Nöñön ölja engörejök köröwen malbi sileni qahö nehakzemö, töndup uñanan mönö embuk maljal. Kunjan ahakmeme kanjamñambuk ahöhi, nöñön lök yangö keuñi kewöta sutñine maljalangö tandök möta jim teköba kewö jizal: ⁴Iñini mönö Kembunini Jisösgö qetñe totoko algetka nöñgö uñanan embuk toroqeiga Kembunini Jisösgö kukösümñan nam köl enñiiga öröröñ kinda keuñi jiba mönö kewö jöhöme: ⁵Satanöñ silenangö sihim kömbönañi bölöñi qei etmapköra mönö andö qem wañgiba yangö böröñe algetka mindiñgöm wañgima. Mindingöm wañgiiga löwöriba uruñi meleşni Anutunöñ amöt qem wañgiba Kembangö nalöñe uñanj meköiga Suepkö buñaya akawak.

^{6x}Sileñini memba öngömakzei, mi ölöppñi qahö. Iñini keu yahöt ki möt yaköze, “Yist kitipñi moröñi obuk mindiriba plauanöñ alinga mem qariiga dis kokolak qemakza. Mewöyök bau wösö kömbukñan tiñgirakzawi, miangön mönö busu pakpak mem bölimakza.”

^{7y}Keu miangö dop iñini lök plaua dis sarakñi ewö aketmö, siñgisöndökö yistñi kun mi ket ewö sutñine kañgota engöhömakza. Körek bölilibepuköra mönö yistñini walñi mi kewöt uteköme. Azi mi wösö kömbuk ewö közöla mönö dumñe kunbuk yambu jeñiqe qe dölökñangö plaua dis sarakñi ewö aka malme. Ak-kömukömu kendon nalöñe lama jöwöwöl ohoba beret yistñi qahö nemakzei, miangö dop Kraistnöñ nanine ak-kömukömu lamanini aiga lök qeget kömuyök. Miangöra iñini ölop plaua dis sarakñi yistñi qahö ewö akñe aka kunbuk oyaenköyaen uruñe kañgota malme.

^{8z}Kraist kömuyöhangöra mönö söñöñgai kendon aka malbin. Yist me wösö kömbukñi mi ahakmeme bölöñi iñgon-

mañgonambuk. Miangö qakñe mönö söñöñgai kendon kude akin. Miangöra mönö geñmoñ mosöta keu ölñi wu-atangöba beret yistñi qahö ewö aka miangö qakñe söñöñgai kendon aka malbin.

⁹Nöñön Buña Kimbi ohom enñiba kewö jial: Iñini serowilin ahakzei, yembuk mönö kude köisirik tata eraum mötme. ¹⁰Gölmenöñ uruñini qahö meleşda ahakmeme bölöñi ahakzei, yeñgöra keu mi qahö ohoyal. Yeñön serowilin aka yuaigö nepaqepalok membagan mendingö köpösöngömakze. Yuai kalöpköba yongorö memakze aka tandö lopion waikñini memba möpöseim enñimakze. Yeñgöra aka mewö ohom enñibileñak ewö, iñini mönö gölmenöñ malbingö osibeak.

¹¹Yeñgöra aka qahöpmö, könañi kewögöra keu mi ohom enñial: Kunjan nanñi qetñi urumeleş ala jiba töndup serowilin akza me yuaigö nepaqepalok membagan memangö kösösöngömakza me tandö lopion waikñi memba möpöseimakzawi, yambuk mönö kude köisirik tata eraum mötme. Mötnarip kambu engö sutñine kunjan nepaqepaik ahakza me o köhöikñi nemba enjololon ahakza me yuai kalöpköba yongorö memakza ewö, yambuk tata nene kun kude neme.

¹²Yaigep maljei, nöñön yeñgö keuñini qahö jim tekömakzal. Mi nöñgöreñ nuwa qahö. Iñini mewöyök könağesö pakpakö keuñini qahöpmö, uruñini meleşda sel uruñe maljei, mönö yeñgö keuñini miyök kewöta jim tekömakze. ^{13a}Yaigep lañ maljei, Anutunöñ mönö yeñgö keuñini kewöta jim teköma. Miangöra mönö Buña keu kiangö dop akñe, “Azi bölöñi mi mönö sutñineyök közölme.” Mewö.

**Urumeleŋ alaŋini mi yaigep
yengö keu jakeŋe kude alme.**

6 Urumeleŋ ambazip sutjine kunŋan alaŋi keu jakeŋe almangö mötza ewö, yaŋön Anutugö ambazip sarakŋi engonggita ambazip goŋgoŋi yengö jeŋine aniga qahö dop kölja. Qahö! Urumeleŋgö kopa ambazip bauköm waŋgimegöra qesim engiiga gamuŋambuk akza. ²Anutugö ambazip sarakŋi neŋön kantriŋi kantriŋi yengö keuŋini kewöta jim teköbini, mi lök mötze. Ijini gölme pakpak yengö keuŋini jim teköbingö dop akze ewö, mönö denöwö aka keu morömorö kewöta jim tekömeaŋgö dop qahö akze? Ijini mönö ölna miangö dop akze. ³Urumeleŋ ambazip neŋön Sup garataurup yengö keuŋini kewöta jim teköbini, mi lök mötze. Miangö dop akzin ewö, gölmenöŋ malmalgö keuŋi mi mönö amqeba kewöta ölop jim tekömakin.

⁴Miangöra gölmenöŋ malmalgö keuŋi sutjine asuhumakzawi, keuŋini mi mönö wuanöŋgöra sileŋe yengö keu jakeŋe öŋgöba jim tekömegö qesim engimakze? Urumeleŋgö kopa ambazip sutjine jijiwilit ak engimakzei, yengöra töndup keu nalöŋe mötketka öŋgömakza. Mi qahö dop kölja.

⁵Keu mi gamu qem engimangöra jizal. Mötnariŋ ambazip engö sutjine keu ahözawi, engöreŋök kungö mötkutukutuŋi dop köliga keu mi ölop jim tekömawaŋgö dop akza me qahö? Mönö ölop sutjineyök azi mewöŋi miwikŋaime. ⁶Qahö tandök aiga urumeleŋ ala kunöŋ alaŋi sileŋe yengö keu jakeŋe alakza. Mewö ala ambazip Anutu qahö möt narizei, mönö yengö jeŋine anda keu nupköra qesim engimakza. Mi qahö dop kölja.

⁷Sutjine keu jakeŋe al aŋgumakzei, mewö mianŋön mönö nanŋini eta enguiga Kraistkö qetbuŋaŋan lök eretŋi aiga malje. Ambazipnöŋ ak bölim engigetka uruŋini miangöra wahöri keunöŋ al engigetka Anutugö jeŋe qahö dop kölja. Tilipqilip aka yuaiŋini öröba megetka iŋini likepŋi qahö meleŋ engigetka mewö mianŋön Kraistkö könaŋan mönö aködammunŋambuk akŋa.

⁸Ijini Kraistkö qetŋi kewö mem bölimakze: Mönö nanŋinak tilipqilip aka ambazip ak bölim engiba yuaiŋini öröba memakze. Urumeleŋ laururŋini yengöra mewöyök mewö ak engimakze.

⁹Irimqirim ambazip yeŋön mönö Anutu bemtohoŋaŋgö uruŋe öŋgöba dum qahö meme. Mi mötze. Ahakmemerŋinan mönö tilipköm aŋguba jaŋjuŋ akepuk. Tosatŋan serowilin aka tandö lopioŋ waikŋini memba möpöseimakze. Tosatŋan awanöm malmal ongita qesabulum ahakze. Tosatŋan monengöra laŋ amimba malje aka azi nanŋirök ambi nanŋirök amimba malje. Mewöŋi mienŋön mönö Anutu bemtohoŋaŋgö buŋaŋi qahö akŋe.

¹⁰Tosatŋan yoŋgorö memba yuaigö nepaqepalok membagun memingö köpösöŋgömakze. Tosatŋan o köhöikŋi memba eŋololoŋ aka laŋ mepaqepaik ahakze. Tosatŋan yuai kalöpköba yoŋgorö memakze. Ambazip mewöŋan mönö Anutugö bemtohoŋi buŋa qahö qem aŋgume. ¹¹Engöreŋök tosatŋan mutuk mewö aka malgetmö, könaŋgep Kembunini Jisös Kraist buŋa qem aŋgugetka sepŋan saŋgoŋda tök kutum engiba yaŋgö qetŋe sarakŋi aket. Mem solanim engiiga Anutuninaŋgö Uŋaŋan mönö inahöm engiiga diŋgiba malje. Mewö.

Sileninan Anutugö jike kömbukñi akza.

^{12b}Nöñön yuai pakpak ölop memamañgö dop akzalmö, yuai pakpaknön mönö qahö mem ölöwak niñgiza. Yuai pakpak ölop memamañgö dop akzalmö, yuai kunön kembu ak niñgibapuköra mönö galöm mem angumakzal. ¹³“Nene mi neneyök. Mi kömoñgokninanğöra aka ahöza. Kömoñgoknini mi nene nein gemapköra aka ahöza.” Kunön mewö jibawakmö, Anutunöñ mönö nene aka kömoñgok mi mohotje jim teköi qahöwakñahot. Silenini mi serowilin akingöra qahöpmö, Kembugö nupñi memingöra aka ahöza. Mewö ahöiga nanñak silenini ölöwakñapköra nene yuai nengimakza. ¹⁴Anutunöñ nanñi kukösumñan Kembu mem gulii kömupnöhök wahöröhi, yañön mönö nini mewöyök mem gulim nengii wahötpin.

¹⁵Engö sileninan Kraistpuk toroqeba silenangö kitipñi akzei, mi mötze me qahö? Mianğöra nöñön Kraist silenangö kitipñi kun memba köna ketanji ambibuk qekötahömam me qahö? Mi qahöpmahöp! Mönö yapmakek! ^{16c}Anutunöñ keunji kewö jii ahöza, “Yetkön mönö sile mohot akñahot.” Mianğöra kunñan köna ketanji ambibuk qekötahözawi, yañön mönö yambuk sile mohot akñahot. Mi mötze me qahö? ¹⁷Mohot akñahotmö, kunñan Kembubuk qekötahözawi, yañgö uñañan mönö Kembugö Uñañambuk mindiriiga mohok aka malmahot.

¹⁸Serowilin mi mönö misinğöba mosötme. Singisöndok tosatñi mi me mi ahakzini, mi pakpak mönö sileninanğö yaigepñe asuhumakza. Kunñan serowilin ahakzawi, yañön mönö nanñi silenji mem böliba singisöndok ahakza. ^{19d}Sileninan mönö Uña Töröñangö

Buñ jikenji (tempöl) akza. Anutunöñ Uñañi enğiiga buñ qem angugetka uruñine malja. Mianğöra nanñini buñaya qahö akzei, mi mötze me qahö?

²⁰Nanñini buñaya qahöpmö, Kraistnön sönğöröñini ketanjan bohonñini meiga yañgö buñaya akze. Mianğöra sileninan mönö ahakmeme sarakñi aketka Anutugö qetbuñañan sehimakña. Mewö.

Awanöm aka gwabö seram malmal tatat

7 Injini keu tosatñi ohoba qesigeri, mi jim asarimam. Azinöñ ambi qahö memba gwaböya maljawwi, mi ölop. ²Mi ölopñi akzappmö, silegö sihimñan sero yonğorö akepuköra injini mohot mohot mönö nanñik nanñik awanöm amemba malme. ³Azinöñ mönö anömñangö sihimñangö dop awanöm malmalgö areñi wuatangöma. Anömñan mewöyök mönö apñangö sihimñi wuatangöba malma.

⁴Anömñangö silenjan mönö nanñi buñaji qahö aiga nanñök mi qahö galöm kölakzappmö, apñan mi galöm kölakza. Apñangö silenjan mewöyök nanñi buñaya qahö aiga nanñanök qahö galöm kölakzappmö, anömñan mi galöm kölakza. ⁵Mianğöra nanñiri mönö kude angön köl anguba malmahot. Nanñirök urumohot aka pöndañ köuluk nup membitköra ölop nanñök nanñök malmahotmö, nalö tosatñi mewö malagun mönö kunbuk mindiriba mohotje malmahot. Uruñiri ölop qahö galöm kölohotka Satanöñ esapköm etkiiga singisöndoknön etpahotpuköra mönö mewö aka malmahot.

⁶Mewö akñahotköra ölop jizalmö, jöjöpañ keu mewöñi mi qahö al engizal. ⁷Nöñön ambazip körek pakpak ni ewö gwabulum malmegöra mötzalmö, injini tosatñi Anutugö nup memegöra mötmöt

kalem mewöŋi mi qahö memba malje. Anutunöŋ mötmöt kalemŋi mendeŋniga mohot mohot neŋön mi me mi nanŋök nanŋök buŋa qem aŋguba maljin.

⁸Awanöm qahö aka malö maljei, eŋgöra kewö jizal: Eŋön ni ewö toroqeba awanöm qahöpmö, solanŋi malmei, mi mönö ölöŋŋi akza. ⁹Ölöŋŋi akzapmö, awanöm akingö uruŋini könöp jeiga malbepuköra mönö ölöŋ awanöm aketka amqema. Miaŋgöra yeŋön uruŋini galöm kölbingö osize ewö, mönö ölöŋ awanöm akŋe.

¹⁰eAwanöm maljei, eŋgöra kewö jim kutuzal, nöŋönök qahöpmö, Kembunöŋ nanŋak mönö keu ki jiza: Anömŋan apŋi kude mosötma. ¹¹Mewö jizapmö, töndup apŋi mosötma ewö, mönö azi kun kude memba öne malma me apŋambuk kunbuk eraum möta urumohot aka malmahot. Mewöyök apŋan anömŋi kude mosötma.

¹²Mi Kembugö keuyapmö, awanöm tosatŋi eŋgö goronŋi mi Kembunöŋ qahö jizapmö, nanak mi kewö jizal: Urumeleŋ azi kungö anömŋan uruŋi qahö melenŋa töndup yambuk malmamgö mötzawi, yaŋön mönö anömŋi mi kude mosötma.

¹³Mewöŋanök urumeleŋ ambi kungö apŋan uruŋi qahö melenŋa töndup yambuk malmamgö mötzawi, yaŋön mönö apŋi mi kude mosötma. ¹⁴Miaŋgö könäŋi kewö: Kungö apŋan urumeleŋgö kopa asia aiga Anutunöŋ i töndup urumeleŋ anömŋi qekötahözawaŋgöra aka tök kutum waŋgiiga sarakŋi akza. Mewöŋanök kungö anömŋan mötnariŋŋi qahöpmö, urumeleŋ apŋi qekötahözawaŋgöra aka Anutunöŋ i tök kutum waŋgiiga sarakŋi akza. Kunöŋ sarakŋi qahö akawak ewö, nahönböratŋiran mönö Anutugö sel yaigepŋe malbeak. Mewö malbeakmö,

Anutunöŋ mohotŋe tök kutum eŋgiyöhaŋgöra mönö sarakŋi akze.

¹⁵Sarakŋi akzemö, kunŋan qahö möt nariba apŋi me anömŋi mosötmamgö mötza ewö, mönö ölöŋ mosötma. Mewö asuhuiga nöŋgö keunan urumeleŋ alanini mi qahö jöhöma. Anutunöŋ iŋini luainöŋ malmegöra eŋgoholök. ¹⁶Ambi, gi apki uru kunŋum waŋginöŋga uruŋi melenŋa me qahöwi, mi mönö denöwö mötpanak? Me azi, gi anömŋi uru kunŋum waŋginöŋga uruŋi melenŋa me qahöwi, mi mönö denöwö mötpanak? Miaŋgöra mönö luainöŋ malme. Mewö.

Anutunöŋ eŋgoholöhaŋgö dop mönö toroqeba malme.

¹⁷Kembunöŋ mohot mohot eŋgö malmalŋini areŋ aliga awanöm me solanŋi malgetka Anutunöŋ eŋgoholöhi, miaŋgö dop mönö toroqeba mala malmalŋinangö könäŋi kude uteköme. Urumeleŋ könagesöŋi könagesöŋi liliköba miri dop mewö jim kutum eŋgimakzal.

¹⁸Anutugö aiwesökŋi azi kungö sileŋe yaŋdiget maliga mewö oholök ewö, mi mönö kutumamgö kude kapaŋ kölma. Anutugö aiwesökŋi kungö sileŋe qahö yaŋdiget maliga mewö oholök ewö, mönö mi yandimegö kude kapaŋ kölma. ¹⁹Anutugö aiwesökŋi silenine yandiget ahöza me qahöwi, miaŋön Anutugö jeŋe yuai omaŋi akzapmö, jöjöpäŋ keuŋi tem köla wuatäŋgöinga ölni akza.

²⁰Anutunöŋ eŋgoholiga nalö miaŋgöreŋ awanöm me solanŋi malgeri, iŋini mohot mohot mönö miaŋgö dop toroqeba malme. ²¹Kungö welenqeŋe omaŋi aknöŋga Anutunöŋ goholök ewö, miaŋgöra mönö waimanŋat kude aka malman. Urugi melenŋa ölöŋ solanŋi aka nup kun miwikŋaibanak ewö, mi mönö ölöŋ miwikŋaيمان me urugi

amqeiga ölop toroqeba welenqege omanji malman.**

²² Mi kewögöra: Kunön welenqege omanji aiga Kembunön mewö oholi urunji melejniga siŋgisöndoknangö kösöni pösariga solanji aka malja. Mewöjanök kunjan solanji aiga Kembunön mewö oholi urunji melejniga nanji imbi-imbi qahöpmö, Kraistkö jitnji tem kölmapkö kösönön kinda welenji qeba malja. ²³ Kraistnön bohonji ketanjan söngörönjini meiga maljeangöra mönö gölme ambazip yeŋgö keu keŋgöt bapne anda welenqegeŋini omanji aka malbepuk. ²⁴ Miangöra urumeleŋ alaurupni, Anutunön eŋgoholiga nalö miangöreŋ solanji kösönjini qahö me welenqege toŋinanangö kösö gwarönön malgeri, injini mohot mohot mönö miangö dop Anutugö jeŋe toroqeba malme. Mewö.

Gwabö seram aka malö yeŋgö goro keunji

²⁵ Ambi seram jömukji†† eŋgö goroya mi Kembunön qahö jim kutui mötzal. Miangöra Kembunön ak kömum niŋgiga keuni laŋ qahöpmö, möt nariget dop köljawanangö dop jimakzali, mönö mianangö dop kewöta nani mötmötnan kewö jimam:

²⁶ Kahasililiŋ nalöni dopdowizawanangöra gwabö seram maljei, körek eŋön mönö mianangö dop toroqeba malgetka ölöwakza. Mewö mötmörizal. ²⁷ Ambi memba maljan ewö, anömgi mosötmangö kude aknan. Anömgi qahö solanji maljan ewö, mönö ambigöra kude jaruman. ²⁸ Töndup ambi memani, mianön mönö siŋgisöndokni qahö akna. Mewöjanök ambi seramnön azi memawi, yanön siŋgisöndok qahö

akna. Siŋgisöndok qahöpmö, mewö aknei, yeŋön mönö sileŋinan kahasililiŋ gwötpuk miwiknaiba mötme. Eŋön mi mötpepuköra mönö aŋgön köl eŋgimamgö mötzal.

²⁹ Mewö möta goro eŋgizalmö, urumeleŋ alaurupni, keu kun kewö jimam: Kumbu kamawanangö nalöjan törizawanangöra aka ambi memba maljei, eŋön mönö mewöyök nalö kiangöreŋök könahiba anömjni qahö tandök ewö aka malme. ³⁰ Wösöbirik aka sahötzei, eŋön mönö qahö sahötmeangö tandök ewö aka malme. Urunjini ölöwahiga söngaizei, eŋön mönö qahö söngaimeangö tandök ewö aka malme. Yuai bohonji mezei, eŋön mönö mi qahö buŋa qem aŋgumeangö tandök ewö aka malme.

³¹ Gölmönön nalö kewöŋe areŋ wu-atanangömakzei, mianön mönö ayapkö-mawanangö dop akza. Miangöra gölmegö öroyuaiŋi kölköl-örörö aka nupköra alakzei, eŋön mönö mianön urunjini jöhömakzawanangö tandök ewö kude aka malme.

³² Injini gölmegö lömbötköra waimanjat qahö malmegö sihimni mötzal. Awanöm qahö solanji maljawanön mönö Kembugö öroyuaigöra waimanjat mörakza. Mi möta “Denöwö akiga Kembugö urujan ölöwahi dop kölbawak,” nanjanangöra mewö jimakza. ³³ Mewö jimakzapmö, ambi memba maljawanön mönö gölmegö öroyuaigöra waimanjat mörakza. Mi möta “Denöwö akiga anömnanangö urujan ölöwahi dop kölbawak,” nanjanangöra mewö jimakza.

³⁴ Kembunön likep anömnan likep mötmötŋi öroyohotka uruderdeŋ aka malja. Mewöjanök ambi aŋji qahö

**7:21 Keu mianangö könanji kun kewö: Urugi melenda ölop solanji aka nup kun miwiknaizan ewö, gi ölop toroqeba welenqege omanji malman.

††7:25 qesabulum qahö qeŋeŋi

aka ambi seram solanji maljahorañon mönö Kembugö öröyuaigöra waimanjat mörakzahot. Mi möta “Denöwö akiga uñani aka sileni saraknji aiga Kembugöra dop kölbawak,” nanñirañgöra mewö jimakzahot. Mewö jimakzahotmö, azi memba maljawañon mönö gölmegö öröyuaigöra waimanjat mörakza. Mi möta “Denöwö akiga apnañgö uruñan ölöwahi dop kölbawak,” nanñañgöra mewö jimakza.

³⁵ Nanñini bauköm engimamgö möta goro mi engizal. Mi tosatnji kösö ewö jöhöm engibi lömböt miwikñaimegöra qahöpmö, könañi kewögöra mi engizal: Nöñon iñini ahakmeme diñdijni wu-atañgöba urudenñeñ qahöpmö, pöndañ Kembubuk qekötahöba kin köhöimegöra mötzal. Mianğöra goronjini mi jizal. Mewö.

³⁶ Azi kunñan ambi serambuk buña qeba malagun añgömosötpitkö mötmörizahori, yetkö goronjiri kewö jimam: Azi mianñon kewö mötmöriba jiza, “Ambi mi memba mewö törörök qahö ak wañgibileñak.” Mewö jiiga ambi memawañgö sihimñi möt köhöiiga ambigö yambuñi azi memegö dop akza ewö, yañon mönö ölop sihimñañgö dop aiga ameyohotka dop köлма. Mewö mianñon siñgisöndokñiri qahö akña.

³⁷ Qahö akñañmö, azinöñ ambi mi qahö memapkö keuñi nanñi uruñan jöhöba möt köhöizawi, mianğöra kewö jimam: Kunñan azi mi kuñgui qahö qaközapmö, ölop nanñi sihimñañgö dop wuatañgöba keunöñ qahö jöhöi ahakza ewö, yañon mönö ölop sihimñañgö dop aka ambi mi qahö mema.

³⁸ Mewö aiga ambi seram mezawañon mönö dopñe akzapmö, i qahö meza-

wañon mönö köna ölop sorokñi wu-atañgöba törörök akza. Mewö.³⁹ (v 37b) Qahö akñañmö, iwiñan böratñi azi qahö wañgimapkö keuñi nanñi uruñan jöhöba möt köhöizawi, mianğöra kewö jimam: Kunñan iwi mi qahö kuñgui qaközapmö, ölop nanñi sihimñañgö dop wuatañgöba keunöñ qahö jöhöi ahakza ewö, yañon mönö ölop sihimñañgö dop aka böratñi añañon köлма. (v 38b) Mewö aiga börat seramñi azi wañgizawañon mönö dopñe akzapmö, i qahö wañgizawañon mönö köna ölop sorokñi wuatañgöiga törörök akza. Mewö.

³⁹ Ambinöñ apñan jebuk malmawañgö dop amöamögö keuñan jöhöi maljañmö, apñan kömuma ewö, keu mianñon mewöñañok kömuiga ölop azi sihimñan jimawañgö dop mema. Urumeleñgö kopa azia qahöpmö, azi Kembubuk qekötahözawi, miyök mema.

⁴⁰ Ölop azi memba sösonggai qorembenji miwikñaimapmö, toroqeba solanji malma ewö, mönö urusösonggai ölni miwikñaiba söngaimakña. Nöñon keu mi kewöta mewö jizal. Anutugö Uñañan nöngö urune mewöyök maljawi, mianğöra mönö mewö mötmöriba jizal. Mewö.

Nene tandö lopiongö naluk alalñi mi nembin me qahö?

8 Iñini nene tandö lopiongö naluk alalñi mianğöra ohogetka goro kewö jimam: Urukalemnöñ mönö bauköm engima. Goranora jigetka tosatñan kewö jimakze, “Körek neñon tandö lopiongö könañini möt yaköinga omañi akza.” Keu mi ölbölña akza, mi mötzin. Iñini mötmöt mewöñi jiba malgetka uruñinan wahöriga koñaer

^{37:38} 36b Azi kunöñ böratñi azi wañgimamgö uruyahöt mötzawi, yañgö goronji kewö jimam: Iwiñan kewö mötmöriba jiza, “Böratni wañgiba mewö törörök qahö ak wañgibileñak.” Mewö jiiga böratñañgö yambuñi azi memegö dop aiga azi wañgimamgö sihimñi möt köhöiza ewö, yañon mönö ölop sihimñañgö dop aka mosöriga azi meiga dop köлма. Iwiñan mewö mianñon siñgisöndok qahö akña.

ewö terereḡöba aiwelikömakze. Mewö aka deḡda siksauk malje. Köna bohonnji mi urukalem. Köna mewö miaḡön mönö nanini urunini möhamḡöba mem köhöim aḡgubin. ²Kunöḡ “Keu kungö könaḡi möt yaközal,” mi jitnöḡ jizawi, yaḡö mötkutukutuḡi öljān mönö qahö asuhuiḡa toroqeba tönpin malja. ³Mi keunöhök jizapmö, kunḡan Anutu uruḡan jöpakömakzawi, Anutunöḡ mönö yaḡöra möri öljā akza.

⁴Nene tandö lopioḡ yaḡöra naluk algeri, mi nembin me qahöpto? Keu kewö jimakze, “Tandö lopioḡ mi bem öljā qahö maljeaḡö kaisöpsöpḡnini akze,” aka keu kun kewö, “Anutu mohotnöḡ malja. Alaḡi kun qahö.” Keu yahöt mi öljā akzahot, mi mötzin. ⁵Keu miaḡö könaḡi kewö, “Öme bemḡi bemḡi,” qeḡḡini mewö qerakzei, mi gwöḡpuk malje. Suepnöḡ me gölmenöḡ maljei, mi ölop qahö mötzin. Öljā ömewöröme, bem aka azi kembu mi gwöḡpuk malje.

⁶Mi maljemö, mi töndup Anutu mohot yaḡönök nanini bemnini aka Iwinini akza. Yaḡön yuai pakpak miwikḡaii asuhuyök. Malmalnini yaḡöra malbingöra aka al neḡḡi maljin. Mewöyök Kembu mohot Jisös Kraist malja. Yaḡön Anutu bauköiḡa yuai pakpak miwikḡaiyohot. Nini mewöyök bauköm neḡḡiḡa mal köhöimakzin.

⁷Mewö möt narizinmö, ambazip körekḡan mönö mötkutukutu mewöḡi mi qahö memba malje. Mi qahöpmö, tosatḡan mutuk tandö lopioḡ waikḡini memba möt köhöigerāḡöra aka dölkewöḡe mewöyök toroqeba nene tandö lopioḡ naluk alalḡi mi memba mewö miaḡön amqeba bemurup mi mötmöriba malje. Uruḡinan lölöwöröḡi aiga uruyahöt aka negetka uruḡinan miaḡöra tölöhomakza. ⁸Tölöhomakzapmö, nenenöḡ neḡḡuaḡḡita Anutu kösutḡe qahö al neḡḡimakza. Nene siḡi malbini, mewö

geḡmororoḡ qahö miwikḡaibin. Nene memba malbini, qetbuḡaninan mewö qahö qarima.

⁹Mi töndup nene pakpak nemingö amqzei, eḡön mönö jaubatbat laḡ malbepuköra ḡalöm mem aḡguba malme. Mewö malgetka tosatḡan eḡgeka uruḡinan lölöwörö aka bölli et eḡgubapuk. ¹⁰Miaḡö könaḡi kewö: Göḡön mötkutukutu öljā memba mala amqeba tandö lopioḡ jikeḡe anda tata nene nenöḡa alagi kunḡan gehi kewö lömbörima: Uruḡan lölöwöröḡi aiga uruyahöt akzawi, yaḡön mewö geḡa uruḡan wahöri amqeba nene tandö lopioḡ naluk alalḡi mi memba et qebawak.

¹¹Göhö mötkutukutuḡi öljā miaḡön mönö nangi urumeleḡ alagi kuḡḡuiga uruyahöt qakḡe lölöwöröḡi akzawaḡöra mönö amqeba memba et qebawak. Kraistnöḡ yaḡöra aka kömuyökmö, nene mi memba mewö et qeba ayuhuiḡa qahö dop kölma.

¹²Ayuhumapmö, urumeleḡ alaurupḡini mewö mem bölim eḡḡiba uruḡini lölöwöröḡi mi qeba köndeḡda siḡḡisöndok ahakzei, mewö miaḡön mönö Kraist nanḡi qetala siḡḡisöndok ahakze. ¹³Miaḡöra nöḡön nene kun nembiga miaḡön urumeleḡ alani kölgorom waḡḡiḡa et qeba siḡḡisöndok akza ewö, nöḡön mönö nalö kunöḡ nene mi qahö toroqeba nemam. Nöḡön alani jölöḡöba kölgorom wangibilerḡbuköra kapāḡ köla kinjal. Mewö.

Aposol denöwö akiga dop kölbawak?

9 Wani kösönöḡ jöhöm niḡḡiḡa solanḡi qahö akileḡak? Eḡön kewöt niḡḡigetka aposol akzal me qahö? Kembunini Jisösnoḡ asuhum niḡḡiḡa ehal me qahö? Nöḡön Kembangöḡeḡ naḡḡöba nup membiga iḡini nup miaḡö öljā akze. ²Kembunöḡ nanḡak aposol nup niḡḡi yambuk kinda

membiga inini uruñini melenḁa nõngö muḁgem supapni akze. Mianḁöra tosatñan kewöt niḁgigetka aposol qahö akileḁak ewö, eñön mönö kõnañamni mewö möt yaköze. Mi mönö amqeba naḁgöba jigetka dop kõlma.

³Ambazip tosatñan nõngöra “Aposola qahö akza,” jiba tokoba andönöñ qeçe ak niḁgimakzemö, nõñön mönö eḁgöreñ kõsohot jiba mianḁön nani kõnañamni naḁgöba jimakzal. ⁴Mianḁöra kõnöp numbu nene neḁgigetka neñakurupni yembuk memba memba malbinak, mianḁön mönö dopñe akawak. ⁵Pitö, aposol tosatñi aka Kembu Jisösgö munurupñi yeñön anömurupñini mötnariḁñinambuha eḁguangita mohotñe anda kamakze. Nõñön mewöyök mianḁö dop akileḁak ewö, silik mianḁön mönö kõna walöñḁa qötöḁgatpileḁak me qahö? Mi qahöpmahöp.

⁶Silegö malmalñe inini ambazip ipñi naḁgöm eḁgimakzemö, ni aka Barnabas qahö. Niri töwa qahö netkigetka öne malakzit. Mi mötketka dop kõlja me qahö? Tosatñan urugö nup megetka töwa eḁgigetka sileñinaḁgö nup qahö memakzemö, netköröhök mönö naḁgönaḁgöniri nanirak miwikñaibitkö dop jize me? ⁷Gawmangö yarö nup memakzei, yeḁgöreñök kunñan nanñi malmalñi naḁgöm aḁguba memakza me qahö? Wain nup kõmörakzei, yeñön körek mianḁö ölnji memba nemakze me qahö? Mewöñanök bulmakau galöm kõlakzei, yeñön körek mianḁö juzu onji nemakze me qahö?

⁸Keu mi gölme ambazip nanine mötmötnöhök mötöteiba qahö jizal. Anutunöñ mewöyök mönö keu miyök Mosesgö Kõna keunöñ jiza. ⁹Mosesgö Kõna keunöñ Juda yeḁgö nup meme silikñini mi jim asariba kewö ohoget ahöza, “Wit padigö kötñi aka

kamböñi kewötḁingöra bulmakau aziñi waḁgitketka padi kambu qakñe tiba tözözamgömakzawi, yanḁö numbuñi mönö kude mözöpköme. Mewö gumohom waḁgigetka ölop nene kitipñi neiga dop kõlma.” Mianḁö dop kiamnöñ böröñan memba sömbup meköi qeba nene kitipñi waḁgiget neiga dop kõlma. Anutunöñ kiam bulmakau miḁḁgöra waimanñat qahö möta mewö jiza. Mi qahö.

¹⁰Sömbupköra qahöpmö, keu mi mönö neḁgöra jii ahöza. Keu mi neñön kewö akingöra aka ohoget ahöza: Kinorñöñ nup barözawañön mönö ölnji asuhumapkö jörömqröm qakñe nupñi memakña. Mewöyök padi dudutnöñ qeba ölnji aka kamböñi kewötzawañön mönö bahöñi memba nemapkö al mamböta nupñi memakña. ¹¹Neñön urugö keu kötñi sutñine qesiñ gila malinga eñön malmalgö naḁgönaḁgö yuai qahö neḁgigetka gamuñambuk akza. Nõñön mem ölöwak eḁgibiga eñön mianḁö likepñi melenḁa niḁgigetka dopñe akña.

¹²Tosatñan sutñine urugö nup megetka naḁgöm eḁgigetka dopñe akza ewö, ni mönö dop mi oḁgita naḁgöm niḁgigetka dop kõlma. Likepñi eḁḁiinga mianḁö likepñi neḁgigetka dop kõlbawakmö, nõñön mianḁö dop akñegöra qahö qesim eḁgial. Kraistkö Ölöwak Buña keu sehimapkö kõnañi jöhöbinbuköra mönö yuai neḁgimegöra qahö qesim eḁgiin. Qahöpmö, naninahök mönö kapañ kõla kõhöiba lömböt pakpak bisiba malin.

¹³Keu ki mönö mötmörime: Jöwöwöl jikenöñ nup memakzei, yeñön mönö jike mianḁögöreñök numbu neneñini memba nemakze. Jöwöwöl ohoba altagö kõnöpñi galöm kõlmegöra kuḁgum eḁgigetka

kinjei, yejõn ambazip nene nalukjini altagõreñ algetka nene miangõ kitipji tosatji mi miangõreñõk buja qem angumakze. ¹⁴Keu miangõ dop Kembunõñ mewöyök jim kutuba keu kewö jiyök, “Ölöwak Buja jim sehigetka ambazipnõñ mötmei, yejõn mönõ Ölöwak Bujañõ likepji kötõn naluk algetka malmaljinangõ nangõnanjõñjini miwikñaiba malme.”

¹⁵Nõñõn ölop keu miangõ dop mötmörriba urugõ nup memba töwa niñgimegõra qesim engibileñakmõ, kötõn naluk almeangõ keu pakpak mi mönõ mosõral. Moneñ almeangõ keu ohozali, mi eñõn mewö ak niñgimegõra aka qahõ ohozal. Tõwa memangõ mötmörribi lömbörriiga kömukömugõ mötpiga amqeza. Nananjõra mi keu omanji qahõpmõ, töwa qahõ niñgimegõ keupji mi mönõ sileni möpõseiba jizal. Nõñgõreñ keu mi kunõñ kun qeapkömamgõ osiiga malmam.

¹⁶Ölöwak Buja jim sehimakzali, miangõra sileni möpõseimangõ dop qahõ akzal. Nõñõn Anutugõ jimkutukutu bapñe mala mi jim sehimangõ dop akzal. Nup mi mönõ mosõtmmangõ osizal. Ölöwak Buja qahõ jim sehibileñak ewõ, miangõra lömbõtnõñ qakne õngõiga neka põlzik jimeangõ dop akileñak.

¹⁷Nani sihimnangõ dop nup mi möwölõhõba membileñak ewõ, mönõ ölop töwa niñgimegõra mambõtpileñak. Mimõ, Anutunõñ kuñgum niñgiiga nani sihimni qahõ mötõteiba Bujañi galõm kölakzal ewõ, mi mönõ Anutunõñ möt narim niñgiba nupji niñgi maljalangõ dop memakzal. ¹⁸Mewö aiga wanatnõñ mönõ töwa ak niñgimakza? Ölöwak Buja jim sehiba mi sõngõrõñi qahõ ahakzali, miangõn mönõ töwa ak niñgimakza. Anutunõñ nupñangõ

likepji niñgimegõra jim kutui Buja Kimbinõñ ahõzawi, keu miangõ dop töwagõra qahõ kapañ kölakzal.

¹⁹Ambazip kunñan kun qahõ jõhõm niñgiiga ölop nani imbi-imbi malbileñakmõ, mi töndup mönõ nani memba et al anguba maljal. Ambazip körekñan uruñi meleñmegõra kapañ kölakzal. Mewõ akñegõra ambazip körek welenjini qeba maljalmõ, sehisehiñi yejõn töndup Kraistkõ bujaya qahõ akñegõ dop akze. ²⁰Juda yejõn uruñi meleñmegõ baukõm engiba sutjine Juda tandõk aka malal. Mosesgõ Köna keu bapñe maljeañõn uruñi meleñmegõ baukõm engiba nanak Köna keu miangõ bapñe qahõ mala töndup keu miangõ gwarõne maljal tandõk aka sutjine malal.

²¹Mosesgõ Köna keu qahõ möta maljeañõn uruñi meleñmegõra baukõm engiba sutjine Köna keu qahõ möta maljalangõ tandõk aka malal. Nanak Anutugõ Köna keugõra tõnpin qahõ maljalmõ, Kraistkõ Köna keu bapñe anda mi tem kölakzal. Mi töndup yeñgõ sutjine Anutugõ Köna keu qahõ mötmõt tandõk aka malal. Ambazip sehisehiñan uruñi meleñmegõra mewõ aka malal.

²²Mõtnaripnõñ lölöwõrõñi maljeañõn uruñi meleñda köhöimegõ baukõm engiba sutjine lölöwõrõñi tandõk aka malal. Ambazip tosatji wani awamñan kõna inõñ me wainõñ uruñi meleñmegõ mekõm engiba ambazip kõnañi kõnañi yeñgõ sutjine tandõk kõnañi kõnañi aka malal.

²³Tandõk pakpak mi Ölöwak Bujañõñ sehimapkõra aka ahakzal. Sehiiga kötõmõtuetñan nani qakne õngõi nanak mewöyök oyaerñkoyañ akñamgõra aka mewõ ahakzal. ²⁴Keu ki mönõ mötmörime: Ösumtiti nalõñe körek yejõn luhut almeğõra õsumjini

qezaköba anakzemö, mohot kunjan mönö luhut ala töwa mema. Injini mönö mohot miangö dop ösumņinan anda töwa membingöra kapaņ köla malme. Mönö miangö dop mötnarip köl guliba malme.

²⁵ Ambazip mönahotnönj luhut albingö anakzei, yeņön mönö körekņan nanņini törörök galöm köl angubingö köl gulimakze. Yeņön kösasorom julkula gororogömawi, miyök membingö kapaņ kölakzemö, neņön ila jalö qahö ayapkömawi, mönö töwa mi membingö kapaņ kölakzin. ²⁶ Miangöra nöņön ösumnan laņlaņ an köl kam köl qahö anakzal. Böröni misiba bim laņlaņ qahö qemakzalmö, aongit alaurupni luhut al engimangöra mönö diņdiņanök törörök qemakzal.

²⁷ Nöņön ambazip tosatņi Buņa keunönj uruņini kuņguba malbi teköiga Anutunönj mönö andö nuņgui nanak ila jalönj qahö membilenbuk. Miangöra mönö nani sileni mindiņgöba törörök köl guliba galöm kölakzal. Mewö.

Israel mutuk malgeri, yengörej galöm meme keu

10^j O urumelenj alaurupni, Israel nengö ambösakoninan Mosesgö andöņe kaba wuatangögetka yuai asuhuyöhi, miangöra mönö gukmaulem malbepuk. Miangöra Israel nengö könanini kewö suariba ohozal: Yeņön mönö körek kousu bapņe kaba mala Köwet Pisikņi kutugetka yengörejök kunjan kun qahö ayuhuyök. ² Anutunönj o melunņi kousunönj aka köwetnönj aliga mi kutuba kaba körekņan uruņini melenđa Mosesgö könagesönj aket. ³ ^kMewö aka körek yeņön urugö nene miyöhök miwikņaiiba namba malget.

⁴ ^lMewöyök körek yeņön urugö onj miyöhök miwikņaiiba namba malget. Urugö onj mi köt ketaņi kunönj enguatangöba könajine kayöhi, mönö miangörejök miwikņaiget. Köt ketaņi mi Kraistkö söpsöpņi. ⁵ ^mMewö malgetmö, mi töndup Anutunönj könagesö ölnj miengöra urusösöņgai qahö möta maliga gölme qararaņkölkölņe ayuhuetka qamötņinan qeqelanlaņ ahöba gisahöget.

⁶ ⁿMewö asuhuyöhi, mi nanini kezapqetoknina akza. Anutunönj mönö söpsöp mi neņgöra aka aliga galöm meme keunina kewö akza: Yeņön uruņini qahö galöm köla bölöņangöra köpösöņgögeri, neņön mönö miangö dop aka ayuhubinbuk. ⁷ ^oMewöyök Israel yengörejök tosatņan tandö lopioņ waikņini memba möpöseiba malgeri, eņön mönö miangö dop aka malbepuk. Yengöra Buņa Kimbinönj keu kewö ohoget ahöza, “Könagesö yeņön nem sösöņgai ala tokoba tatketka uruņinan wahöriņa miangön melenđa kezapjupjup kewö ahök: Yeņön liņet gwawet unduba o köhöikņi namba serowilin laņ aket.” Keu mewö ahöza.

⁸ ^pYengörejök tosatņan serowilin aketka Anutugö irimesewölņangöra aka ambazip 23.000 miangö dop silim mohotkö uruņe kömumba etket. Neņön mönö tosatņi miengö dop serowilin akinbuk. ⁹ ^qMewöyök Israel yengörejök tosatņan Kembu esapköm wangigetka mokoleņnönj engöhögetka kömuget. Neņön mönö tosatņi miengö dop Kembu esapköm wangibinbuk. ¹⁰ ^rYengörejök tosatņan galömurupņini irikuruk jimongot aka andö enguba malgetka mem ayuayuhu garatanönj mönö engui kömuget. Neņön mönö

^j10:1 Eks 13.21-22; 14.22-29 ^k10:3 Eks 16.35 ^l10:4 Eks 17.6; Jaņ 20.11

^m10:5 Jaņ 14.29-30 ⁿ10:6 Jaņ 11.4 ^o10:7 Eks 32.6 ^p10:8 Jaņ 25.1-18

^q10:9 Jaņ 21.5-6 ^r10:10 Jaņ 16.41-49

tosatŋi mienḡō dop irikuruk jimongot laŋ aka malbinbuk.

¹¹ Mewō asuhum enḡiyōhi, söpsöp keu mi mönō nanini kezapqetoknina akza. Gölmenōŋ malmalgō nalō tetekōŋan kam kuŋgum neŋgii maljini, kösohot mi mönō neŋgōra aka ohogetka galōm meme keunina akza. ¹² Mianḡōra kin köhöimangō jizani, mönō et guhubapukōra galōm mem aŋguba malman.

¹³ Esapesap qakŋine öŋgōmakzei, mi gölme ambazip körek neŋḡō qaknine öŋgōmakze. Esapesap qainŋi kun miwikŋaibeak, mianḡoreŋ ösumŋinan qahō dop köljawangōra etpeakmō, Anutunōŋ keuŋi jöhöyohangō dop mi pōndaŋ wuatangōba ahakza. Yaŋōn esapesap Toŋi aŋgōn köliga esapesap ösumŋini qahō dop kölmawangō dop mi al enḡimangō osimakza. Mewōgōra esapesap mötketka Anutunōŋ ösumŋi enḡiba mewō mianḡōn ölöŋ kölbingō köna mewöyök mesat enḡii asuhumakza. Mianḡōra enḡōn gölmegō esapesapŋi mi ölop kin köhöiba luhut almeaŋgō dop akze. Mewō.

Tandō lopionḡō lömbuaŋ aka Kembugō semōn kömbukŋi

¹⁴ Mianḡōra wölböt alaurupni, tosatŋan tandō lopionḡ waikŋini memba möpōseim enḡimakzemō, enḡōn mi kök ala mosötme. ¹⁵ Nōŋōn mötmöt ambazip akōdamunŋinambuk akzeangō dopkeu jimami, mi mönō nanŋinak kewōta mianḡō ölŋi miwikŋaime.

¹⁶ ^s“Kembugō semōn nene nembin,” jiba kötumötuetkö qambigōra Anutu saiwap jiba köulukōba qambi mianḡoreŋök nemakzinangōreŋ mönō Kraistköreŋ toroqeba sepŋi nemakzin. Beret mindipköba mianḡoreŋök nemakzinangōreŋ mönō Kraistköreŋ

toroqeba busuŋi nemakzin. Mianḡōra ölum enḡubapuk. ¹⁷ Körek neŋōn beret mohot mianḡoreŋök nemakzin. Beret mi mohot akzawangōra aka gwōtpuk neŋōn mönō Kraistkö ölŋi mohot akzin.

¹⁸ ^tIŋini mönō Israel könagesögō malmalŋi mötmörime. Ambazip jöwöwöl ohomegōra nene algetka tosatŋan mianḡō kitipŋi nemakzei, yeŋōn mönō altagōreŋ toroqeba nupŋi Anutugōra memakze. ¹⁹ Keu mianḡō könaŋi ölŋi mi mönō denöwō jibileŋak? Tandō lopionḡ enḡōra bau qegetka sepŋi eri jöwöwöl ohomakzei, mianḡōn öljambuk akzawangōra jiza me qahō? Tandō lopionḡ mi ölŋi akzeangōra jiza me qahō? Keu mianḡō könaŋi denöwō?

²⁰ ^uTandō lopionḡ mi ölŋi qahöpmō, urumelengō kopa yeŋōn töndup jöwöwölŋini ömewörōme yeŋōra ala ohomakze. Mi Anutugōra qahō. Nōŋōn iŋini ömewörōme yembuk toroqeba malbepukōra waimanjat mötzal. ²¹ Iŋini Kembugō qambinöhök aka ömewörōme yeŋō qambinöhök örörōŋ nemingō osime. Mewöyök Kembugō nene dum aka ömewörōme yeŋōreŋ nene dum mi örörōŋ toroqebingō osime. ²² ^vAhakmeme mewōŋan mönō Kembugō uruŋi qei böliiga irimŋi seholimapköra mötzin me? Kukösumninan mönō Kambu oŋgita öŋgōba maljin me?

Nanine imbi-imbi mosōta Kambu möpōseibin.

²³ ^wTosatŋan kewō jimakze, “Nini ölop nanine imbi-imbi yuai pakpak ahakzin.” Keu mi öljapmō, ahakmeme pakpak mianḡōn mönō qahō bauköm neŋgimakza. “Nini ölop nanine imbi-imbi yuai pakpak ahakzin,” mewō jimakzemō, ahakmeme pakpaknōŋ mönō urunini

^s10:16 Mat 26.26-28; Mak 14.22-24; Luk 22.19-20 ^t10:18 Lew 7.6

^u10:20 Dut 32.17 ^v10:22 Dut 32.21 ^w10:23 1 Kor 6.12

qahö nanğöba mem köhöim nenğimakza. ²⁴Kunğan kun nanğanğörök mötmöriba ölöwakņamğöra kapaņ köl-bapukmö, alaurupğan ölöwakņegöra kapaņ kōli dop kölma.

²⁵Sömbup i me wai maketnōj aka qeköm nene mire bohonņi memegöra alakzei, mi mönō uruyahöt mosöta nemakņe. Sömbupkōra uruņinan tölöhobapukö qesiqesinņi kun mönō kude akņe. Qahö! ²⁶xKeu miangğö kōnaņi mi Buņa Kimbinōj kewō ohoget ahöza, “Gölme aka yuai pakpak miangğoreņ ahözawi, mi Kembangö buņaya akza.”

²⁷Kun Kraist qahö möt narizawaņon engoholiga yanğoreņ anbingö möta anda tatketka nene i me wai jeņine al eņgimei, mi mönō uruyahöt mosöta neme. Nenegöra uruņinan tölöhobapukö qesiqesinņi mi mönō kude akņe. Qahö! ²⁸Nanņinağğöra qahöpmö, “Nene ki mönō tandö lopioņ yeņğö naluk alalņi akza,” kunōj mewö jii mötme ewö, mi jiyöhi, yanğöra aka uruņan bölibapuköra mönō galöm mem anguba kude neme.

²⁹Nangi urugan tölöhobapuköra qahö jizalmö, alagahö uruņan bölibapuköra mi jizal. Nōņon nani imbi-imbi yuai akiga alanangö uruņan böliiga kewöt niņgiba Anutunōj keuni jim teköba likeņņi meleņ niņgibapuk. Öne mewö mender anguinga jabö ahuiga qahö dop kölja. ³⁰Nōņon ambazip yembuk toroqeba tata neneņinağğöra “Anutu pipsaiwap!” jiba sömbup nemami, tosatņan mewö neka miangğöra andö nuņgugetka qahö dop kölma. Sömbupkōra Anutu möpöseizali, miangğöra mönō keu töhöreņ jim niņgigetka qahö dop kölja.

³¹Miangğöra o me nene nemei aka i me wai akņei, mi pakpak mönō Anutugö qetbuņan sehimapkōra aka

ahakņe. ³²Yuai kun kude aketka kungö uruņan miangğöra böliiga mötnariņan sörörauba etpapak. Juda me kantri tosatņangö ambazip me Anutugö kōnagesö miengö sutņine kungö uruņan mönō eņğöra aka bölibapuk. ³³Nōņon mewöyök yuai pakpak ahakzali, miangğoreņ mönō ambazip kōre pakpak uruņinan ölöwakņapkōra kapaņ kōla maljal. Nanök ölöwakņamğöra qahö kinjalmö, ambazip sehisehiņan ölöwakņegöra jaram tibiga kunbuk letota Suepkö buņaya akņegöra kapaņ kölakzal. Mewö.

11 ¹Nōņon Kraistkö silik ewö ahakzali, miangğö dop eņon mönō nōņğö silikni wuatangöba malme. Mewö.

Ambi eņon mönō nöröppini esuhuba Kembu möpöseime.

²Nōņon yuai pakpak ahakzali, inņini miangğoreņ mötmörim niņgimakzeangöra saiwap jim eņgizal. Inņini kusum eņgialangö dopkeuni tem kōla wuatangömakzei, miangğöra mönō möpöseim eņgizal. ³Nōņon inņini keu ki möt kutumegöra mötzal: Kraistnōj azi kōrek neņğö bohonini akza. Azinōj ambigö bohonņi akza aiga Anutunōj Kraistkö bohonņi akza. ⁴Miangğöra azi inņini mönō duhuņini qeköba kōuluköba Anutugö keu jigetka dop kölja. Azi kōreķan nöröppini turuba kōuluközei me Anutugö kezapqetok keu jim asarizei, Anutunōj mönō yeņğö mötmötņinağğöra möri gamuņambuk aiga nanņini memba et al angumakze.

⁵Mewömö, ambi kunğan nöröppini qahö esuhuba qenjarök totokonōj kōuluközawi me Anutugö kezapqetok keu jim asarizawi, yanğon mönō apņi nöröppini akzawi, mi gamu qeba nanņi memba et alja. Mewö aka nöröp jupņi

körek mitigetka aukje öne maljawangö dop akza. ⁶Ambinön nöröpñi qahö esuha ewö, yanön mönö nöröp jupñi mewöyök jiiga mitigetka dop kölja. Mi dop köljamö, ambinön nöröp jupñi jiiga mitigetka gamuñambuk akapuk. Mianğora mönö nöröpñi esuhuba mali dop kölja. ⁷Ambinön apñangö aködamunñi akzampö, azinön Anutugö imutñi aka aködamunñi akza. Mianğora azinön mönö nöröpñi kude esuhui dop kölma.

⁸Mi kewögöra: Mutuhök azinön ambinöhök qahö asuhuyökmö, ambinön azigöreñök asuhuyök. ⁹Anutunön azi mi ambigöra qahöpmö, ambi mi azigöra miwikñaiiga malje. ¹⁰Könañi mianğora aka ambinön mönö kukösum bapñe malmalgö aiwesökñi mi nöröpñi esuhuba maliga dop kölja. Mewö aiga Sup garata yeñön gödaqegegö silik ölpñi ehakze.

¹¹Mewö dop köljamö, Kembubuk qekötahöba malinga ambinön mönö azigö keuñi qahö onğita nanñi imbi- imbi lañ kude malma. Azinön mewöyök ambigö keuñi qahö onğita nanñi imbi- imbi lañ kude malma. ¹²Ambinön azigö sihitñeyök asuhuiğa mianğö dop azinön mewöyök ambigö körö uruñeyök asuhuba maljinmö, öroyuai pakpakö könañi mi Anutu.

¹³Mianğora ambinön nöröpñi qahö esuhuba Anutu köuluköiga dop kölja me qahö? Keu mi mönö nanñinak kewöta jöhöme. ¹⁴Anutunön ambazip miwikñaim neğgiba gölmenön mohotñe malmal arengöyöhi, areñ mi eka kewöta silik kewönji mönö möt asarizin me qahö? Azinön nöröp jupñi qahö mitiiga köriza ewö, mianğön mönö gamu qem wanggiza.

¹⁵Anutunön ambigö nöröp jupñi köröpñi mi esuñi akñapaköra wangii

malja. Mianğöra ambinön nöröp jupñi qahö mitiiga köriza ewö, mianğön mönö aködamunñi ak wanggiza. ¹⁶Kunön keu mianğöra goranora akñamgö mötza ewö, nönjön mianğöra keu mohok-kun kewö jimam: Anutugö könagesönji könagesönji Anutu möpöseibingö tokomakzei, yeñön mönö nembuk urumohot aka silik miyöhök wuatangöba silik tosatñi tökömakze. Mewö.

Kembugö semön törönji nemegö silikñi

Mat 26.26-29; Mak 14.22-25; Luk 22.14-20

¹⁷Inini urumeleñ totokonön tokoba mianğöreñ qahö ölöwahakzemö, mönö toroqeba böliqölimakze. Mianğöra qahö möpöseim engizalmö, areñ ala jim kutum engizal. ¹⁸Keu mutukñi kun kezapne gei kewö möral, “Inini urumeleñ könagesögö totokonön tokomakzei, mianğöreñ mönö sutñine anğururuk ahakze.” Keu mi jiget möta bahöñanök ölnji akzawi, mewö möt narizal.

¹⁹Sutñine deñda kambu morömorö aketka Anutunön enğehiga denike enön mötnaripkö esapesapñön kin köhöize aka denike enön qahö dop köljei, keu mianğön mönö aukje asuhumakza. Mianğöra uruyahöt qahö mötza. ²⁰Urumeleñ totokonön tokomakzei, mianğöreñ mönö Kembugö semön törönji nemingö silikñi qahö wuatangömakze.

²¹Mi kewögöra jizal: Semön törönji nemakzei, mianğöreñ örörön qahöpmö, nanñök nanñök neneñini memba könahiba lañ neget teköiga tosatñan toroqeba wösönini aliga tosatñan ö köhöikñi gwötpuk nempa eñololon akze. ²²Ahöähö miriñini ahöm enğiza

me qahö? Mianğöreñ ölop nene aka o neme. Anutugö urumelenj könagesö jijiwilit ak engbingö mötze me ambazip wanapñi neneñini qahö mi memba et al engbingö mötze me? Mianğöra nöñön iñini möpöseim engimangöra mötze me? Mewö qahöpmañöp, denöwö jim engbilenjak?

²³ Kembunöñ keu niñgiyöhi, nöñön mönö enñon mewöyök mi mötmegöra kewö jimam: Kembu Jisös mamalolo mem wangigetka sungem mianğöreñ beret meyök. ²⁴ Mi memba kötuetaköba saiwap jiba mindipköba kewö jiyök, “Ki nani busuna. Mi engöra aka tököm engizal. Mi memba mönö ni mötmörim niñgiba malme.” ²⁵ ^bMewö jiiga neget teköiga mewöñanök qambi memba kewö jiyök, “Qambi ki mönö jöhöjöhö dölökñi akza. Nöñgö sepnü kianñon mönö Anutugö jöhöjöhöñi mem köhöii ahöma. Mi nemakñeangö dop mönö ni mötmörim niñgiba malme.”

²⁶ Beret aka qambi mianğöreñök nemakñei, mianğöreñ mönö nalö dop Kembunöñ kömuyöhi, mianğö buñañi mem asariba mal öñgögetka lilingöba kaiga teköma. ²⁷ Mianğöra kunñan beret me Kembugö qambi mianğöreñök iwilele qakñe nezawi, yañön mönö Kembugö busuñi aka sepnü memba et ala siñgisöndokñambuk akza. ²⁸ Mianğöra ambazip neñön nanini uruninañgö könaji kewötagun mönö beret aka qambi mianğöreñök neinga dop kölma.

²⁹ Kunñan Kembugö busuñi aka sepnü qahö göda qeba nene töhön ewö lañ nezawi, Kembunöñ mönö yañgö keuñi jim teköiga lömböt qakñe öñgöma. ³⁰ Lañ memba malgerañgöra aka ambazip sehisehiñan mönö sutñine löwöriba kawöl miwikñaigetka gwötpukñan lök nöñ qeba kömuget.

³¹ Kömugetmö, nanini urunini kewötpinak ewö, Anutunöñ mönö keunini kewöta jim teköiga lömböt qahö miwikñabin. ³² Mi qahö miwikñabinmö, Kembunöñ keunini kewöta jim teköba mewö mönö nalö kewöñe mindiñgöm neñgimakza. Könangep jim teköm neñgiiga ambazip uruñini qahö melenñeri, yembuk öröröñ könöp sianöñ gebinbuköra mönö mindiñgöm neñgimakza.

³³ Mianğöra urumelenj alaurupni, nene nemegöra tokomakñei, mianğöreñ mönö nanñinañgöra mamböt anguba öröröñ nemakñe. ³⁴ Kunöñ wösöñi alja ewö, yañön mönö nanñe mire neneñi nema. Tokoba lañ negetka Anutunöñ enggeka keuñini jim teköi lömböt miwikñabepuköra mi jizal. Keu tosatñi enggöreñ kamami, nalö mianğöreñ jim kutum engimam. Mewö.

Nup memegö mötmöt kalem miengö könajini

12 O urumelenj alaurupni, nöñön Uña Töröñangö mötmöt kalemñi kalemñi mianğö keugöra gukmaulem malbepuköra mötzal. ² Urumelenğö kopa malgeri, nalö mianğöreñ inöñ me wainöñ enguanğiriga tandö lopion omanñi waikñini memba möpöseiba malget. Mewö me mewö janjuñ anda lañ malgeri, mi ölop mötze.

³ Mianğöra iñini keu ki mötmegöra jizal: Anutugö Uñañan kun sölölohöiga “Jisös qesuahözal,” keu mi qahö jiza. Mewöyök Uña Töröñan azi me ambi kun qahö sölölohöm wangiza ewö, yañön mönö “Jisösñöñ Kembu ak ningiza,” keu mi jimangö osiza.

⁴ ^cNup memegö mötmöt kalemñi mi könaji könaji akzemö, Uña Töröñan mönö mohot akza. ⁵ Urumelenj könagesö welen qem engbingöra

nup kõnaŋi kõnaŋi memakzinmö, Kembunöŋ mönö mohot akza. ⁶Welen qem enġibingöra Anutunöŋ kukösumŋi körek neŋgöra mendeŋ neŋgiiga amqeba köhöiba nup meinga öljü kõnaŋi kõnaŋi asuhumakza. Öljü pakpak mi Anutugöreŋök kamakzapmö, Anutunöŋ mönö mohot akza.

⁷Uŋa Töröŋan kõnagesö urunini naŋgöi köhöibingöra möta nup memegö mötmöt kalemŋi indeliga öljüan mönö mohot mohot neŋgöreŋ kewö me kewö asuhumakza: ⁸Uŋa Töröŋan kungö uruŋe geba Anutu nam köliga mötkutukutu keu jijigö kalemŋi waŋgiza. Uŋa mohot miaŋönök mönö kun sölölohöiga mötmöt qainŋi kun möt yaközawaŋgö kalemŋi buŋa qem aŋguza.

⁹Kunöŋ Uŋa mohot mi qekötahöba mötnaripkö kalemŋi buŋa qem aŋguza. Toroqeba kunöŋ Uŋa Töröŋi miyöhök qekötahöba mem ölö-ölöwakö kalemŋi kalemŋi buŋa qem aŋguza.

¹⁰Kungöra aŋgöletot memegö ösumŋi waŋgiza. Kungöra Anutugö kezapqetok keu jijigö kalemŋi waŋgiza. Kungöra uŋa aka öme mendeŋbingö kalemŋi waŋgiiga uŋa ölöŋŋan me ömewöröme kunöŋ sölölohöiga maljawi, mi ölöp kewörakza. Kungöra keuŋi keuŋi qainŋi kun jijigö kalemŋi waŋgiza. Toroqeba kunöŋ keu qainŋi kun jiiga kungöra mi melenmapkö kalemŋi waŋgiza. ¹¹Nup memegö mötmöt kalem pakpak mi Uŋa Töröŋi mohot miaŋönök mönö sölölohöba möri dop köljawaŋgö dop mendeŋniga körek neŋön nanŋök nanŋök buŋa qem aŋguba maljin. Mewö.

Kraistkö öljü mohotmö, kitipurupŋi gwötpuk.

¹²^dSilenini mohot akzapmö, töndup miaŋgö uruŋe silegö kitipurupŋi mi gwötpuk akze. Kitipŋi pakpak mi gwötpuk akzemö, töndup mi mindiriba sile mohot akze. Kraistkö öljüan mewöyök mönö miaŋgö dop akza. ¹³Miaŋgö kõnaŋi kewö: Uŋa mohotnöŋ mönö körek nini sölölohöba melun mem neŋgiiga Kraistkö öljü mohot akzin. Nini Juda me kantri tosatŋaŋgö toŋi maljini, nanini nupnini memakzini me tonini öne welen qem enġimakzini, mi töndup körek nini mönö Uŋa miyök buŋa qem aŋguinga urunine geiga möt waŋgizin.

¹⁴Sileninan mönö sile kitipŋi mohotkö dop qahö akzapmö, miaŋgö uruŋe kitipurupŋi mi gwötpuk akze. ¹⁵Könaninan kewö jibawak, “Ni böröya qahö. Miaŋgöra sile qahö toroqeba maljal.” Mewö jibawak ewö, miaŋgöra mönö töndup sile mosöta nanŋök qahö malbawak. ¹⁶Kezapninan kewö jibawak, “Ni jeya qahö. Miaŋgöra sile qahö toroqeba maljal.” Mewö jibawak ewö, miaŋgöra mönö töndup sile mosöta nanŋök qahö malbawak.

¹⁷Sileninan jömuk je akawak ewö, keu mötmötkö kezapninan mönö denike tatpawak? Mewöyök jömukŋanök kezap akawak, mewö wörön mötmötkö söŋgöroninan mönö denike tatpawak?

¹⁸Nanŋök nanŋök qahöpmö, Anutunöŋ sile kitip mohot mohot mi areŋgöba möri dop köljawaŋgö dop mindirim enġiiga sile mohot akze. ¹⁹Sile kitip pakpak mi kitip mohot akeak ewö, mönö denöwö sile mohot akawak? ²⁰Mewö qahöpmö, sile kitipnini mi gwötpukmö, silenöŋ mönö mohok akza.

²¹ Mianğöra jenöŋ börögöra kewö jimamgö osiza, “Ni göhöra qahö osizal.” Mewöyök nöroŋnöŋ könagöra “Ni göhöra qahö osizal,” mewö jimamgö osiza. ²² Simbisembel qahöpmö, sile kitipnini möringa lölöwöröŋi akzei, mienöŋ qahöwaketka jebuk malbingö osibin. ²³ Sile kitipnini möringa qetbuŋaŋini eretŋi akzei, mi mönö esuhuinga qetbuŋaŋinambuk akze. Sile kitipnini möringa gamuŋinambuk akzei, mi mönö törörök esuhuinga ambazip jeŋine dop kölja.

²⁴ Sile kitipnini aukŋe kondelbingö gamu qahö mötzini, mi mönö qahö esuhuinga dop kölja. Mewö ahakzinmö, Anutunöŋ sile kitipŋi kitipŋi mindiriba jöhöm eŋgiba kitipŋi omaŋi mi qetbuŋa ketanŋi waŋgiiga öröröŋ akze. ²⁵ Sile kitip yeŋön sutŋine jula aŋgururuk akepukmö, tandök mohot köyan köl aŋgumegöra mönö areŋgöiga öröröŋ akze. ²⁶ Sile kitip kunŋan sihimbölö mötzawi, tosatŋi pakpak mönö yambuk sihimbölö mörakze. Sile kitip kunöŋ qetbuŋa miwikŋaizawi, tosatŋi pakpak mönö yambuk söŋgaimakze.

²⁷ Eŋön Kraistkö öljŋi akze aka mohot mohot eŋön mönö yaŋgö öljŋaŋgö sile kitipŋi akze. ²⁸ ^eMiangö dop Anutunöŋ al eŋgiiga urumelenŋ könagesögö nup kewö memakze: Mutuk tosatŋi kuŋgum eŋgiiga melaimelai azi aposol akze. Miangö andöŋe kambu yahötŋi kuŋgum eŋgiiga kezapqetok ambazip akze. Kambu karöbutŋi yeŋön böhi qaqazu akze. Miangö andöŋe tosatŋan aŋgöletot meme ambazip akze. Tosatŋi yeŋgöra mötmöt kalem eŋgiiga kawölŋi kawölŋi mem ölöwahakze. Tosatŋan amqeba köhöiba tosatŋi alabauk ak eŋgimakze. Tosatŋi yeŋgöra kalem eŋgiiga galömkölköl nup memakze. Tosatŋan keu qainŋi kun jimakze.

²⁹ Körek eŋön mönö melaimelai azi aposol qahö akze. Saumbaŋ! Körek eŋön mönö kezapqetok ambazip qahö akze. Körek eŋön böhi qaqazu akze me qahö? Körek eŋön aŋgöletot meme ambazip akze me qahö?

³⁰ Kawöl mem ölöwakingö mötmöt kalemŋi kalemŋi mi körek eŋgöŋe ahöza me qahö? Körek eŋön mönö keu qainŋi kun qahö jimakze. Qahö. Keuŋi keuŋi qainŋi kun jigetka eŋön mönö körek mi melenbingö amqeze me qahö? ³¹ Eŋön mönö nup memegö mötmöt kalemŋi kalemŋi ölop sorokŋi mi buŋa qem aŋgubingöra awöweŋgömakŋe. Mewö awöweŋgögetka nöŋön köna qetpuk sorokŋi kondela miangö mötmöt kalemŋi mi kewö jim asarimam:

Jöpaköm aŋguaŋgugö kalemŋi

13 Nöŋön ambazip aka Suep garata yeŋgö keuŋi keuŋi qainŋi kun mianöŋ keu jiba malbilenakmö, urukalemnan qahö asuhuza, mönö töndup kewö akileŋak: Goŋ qegetka goŋgoŋ qeri aŋgötömuallŋi mörakzini me göjön (biret) uturukögetka kiŋqororoŋ qerakzawi, mönö miangö dop akileŋak.

² ^fKezapqetok keu jijigö mötmöt kalemŋi ahöm niŋgiiga keu asa-asambötŋi pakpak mötpilerjak aka keu pakpakö könaŋi möt yaköbilerjak, mianöŋ mönö dopŋe akza me qahö? Mi töndup urukalemnaŋgö öljŋan qahö asuhuiga mewö mönö yuai omaŋanök aka öne töhöŋ malbilerjak. Mötnarip köhöikŋi kötökŋi miwikŋaiba miangö qakŋe kunduŋaŋgö Toŋi jim kutubiga ölop tem köla kunduŋi qeköba kungen albawakmö, urukalemni qahö asuhuza, mewö töndup mönö yuai omaŋanök aka öne töhöŋ malbilerjak.

³Sukinapni pakpak ambazip wanapni yengöra mendej engbilenjak aka sileni tosatjan ohoget jemapköra tököm engbilenjakmō, urukalemnanğō öljan qahō asuhuza ewō, mianğōn mönō qahō kötökni baukōm niņgima.

⁴Kunjan alaņi urujan jōpakōzawi, yaņōn mönō urukōnōņi qahōpmō, urubōņjōņ qakņe ala ak waņgimakza. Kōrōgisigisi qahō mōta yuainjaņğōra qahō kōpōsōņğōmakza. Sileni qahō mem wahōta jakbak-ōraņbōraņ qahō malja. ⁵Ahakmemeņan alaņaņğō uruņi qahō mem bölimakza. Nanņi ölōwakņamğōrōk qahō kapaņ kōlakza. Uruqece ak waņgigetka urukōnōp zilaņ qahō ahakza. Mem bölim waņgigetka sihimbölō mōrōhi, mi qahō mötmōriba mosōrakza.

⁶Tosatjan bölōņi akzei, mianğōra qahō sōņgaizapmō, keu ölņi wuatāņğōmakzei, mönō yembuk mohotņe sōņgaimakza. ⁷Nalō dop alaņi sel jōhōba qōhōrōņe kin kōhōiba mōt narim waņgimakza. Mewō me mewō asuhuiga Anutugō jōrōmqōrōm aka al mambōta awōsamkakak kinda sihimbölō pakpak mōta mōkōsōņğōmakza.

⁸Urukalem ahakmeme mi nalō tetekōņi qahō ahōm öņğōma. Kezapqetok keu jiba keuņi keuņi qainņi kun jimakzei, mianğōn qahōwakņa aka mötmōt qainņi kun mianğōn mönō mewōyōk omarņi ak tekōma. ⁹Mōtmōt qainņi kun mi bahōsapsap mōt yakōmakzin aka kezapqetok keu mi bahōsapsap jimakzin. ¹⁰Bahōsapsap ahakzinmō, Anutugō kalemņi kalemņi akōdamunņinambuk asuhumei, nalō mianğōreņ bahōsapsap malmalninan mönō qahōwahiga oyaeņkoyaeņ siyoņsayoņi qahō malbin.

¹¹Nōņōn namande malali, nalō mianğōreņ namande keu jiba malal. Urumōtmōtnan namande aiga

mianğō dopkeu kewōta mötmōriba malal. Azi ketaņi aka mianğōreņ namandegōreņ ahakmeme mi mosōta andō qeal. ¹²Mianğō dop nalō kewōņe Anutugō akōdamunņi mi ölōp qahō ehakzin. Mi piliknōņ uba ehekō tandōk ek bibihiba tandōkņi tōrōrōk qahō mōta öne mötmōrimakzin. Mewō mötmōrimakzinmō, kōnaņgep Anutubuk mesohol kōl aņguba ek sorokōbin. Nalō kewōņe mötmōt qainņi kun mi bahōsapsap mōt yakōzalmō, nalō mianğōreņ mi mönō kōreke mōt yakōm tekōmam. Anutunōņ ni mōt kōmum niņgizawi, nōņōn mianğō dop yaņğō kōnaņamņi mōt kōmum tekōmam.

¹³Keu ki jim kōhōizin: Kalem karōbut mötnarip, jōrōmqōrōm aka urukalem mi kōhōiba ahōm öņğōmemō, urukalem ahakmeme mianğōn mönō sutņine öņğōņğōņi akza. Mewō.

Kezapqetok keu aka keu qainņi kun jijigō kalemņi

14 Urukalemğō kōnaņi mönō wuatāņğōba malme aka nup memegō mötmōt kalem kōnaņi kōnaņi mi mönō buņa qem aņgubingō kapaņ kōla malme. Mianğōn ölōpmō, kezapqetok keu jijigō kalemņi mēmbingōra mönō kōhōiba kapaņ kōla malme. ²Kunōņ keu qainņi kun jizawaņōn mönō ambazip neņğōra qahōpmō, mönō Anutugōrōk mi jimakza. Uņa Tōrōņan sōlōlōhōiga keu asa-asambōtņi asuhui jimakzawaņğōra tosatņi neņōn keu mi qahō mōt asarim waņgimakzin. Mönō nanņanōk baukōm aņğumakza.

³Tōņpin maljinmō, kezapqetok keu jimakzawaņōn mönō ambazip urunini mem kōhōiba naņğōba urukōlalep ak neņgimamğōra aka keu jimakza. ⁴Kunjan keu qainņi kun jiba mianğōn mönō nanņi uruņi mōhamğōba

köhököhöi miwikñaimakzäpmö, kezapqetok keu jimakzawañön mönö urumelen könagesö pakpak urunini möhamgöba mem köhöim neñgimaksa.

⁵ Injini körekñan keu qainñi kun jimegöra mötzalmö, kezapqetok keu jimegöra mönö kapañ köla gwötpuk mötzal. Kezapqetok keu jimakzawañön mönö keu qainñi kun jimakzawi, mi oñgizta. Keu qainñi kun jiba mi mianggöreñjök nanine keunöñ melenjawwi, mewö mönö öröröñ akzahot. Mewö aiga keuñan mönö urumelen könagesö urunini möhamgöba mem köhöim neñgiiga dop kölja.

⁶ O urumelen alaurupni, nöñön enggöreñ kaba keuñi keuñi qainñi kun jibileñak, mewö mönö denöwö mem ölöwak enggibileñak? Mewö qahöpmö, Anutugöreñ keu indelmam me mötmöt qainñi kun enggimam me kezapqetok keu jimam me goro kusum enggimam ewö, miañön mönö mem ölöwak enggimam.

⁷ Awölop me gita kulele me yuai kunöñ lijetkö imbiñi miwikñaimakzini, mieñön mönö malmalñini qahöpmö, könäñini mönö mewöñanök kewö ahöza: Kunñan awölop lañ uba me gita kulele lañ qeiga miañön qetñini nanñök nanñök qahö miwikñaimaksa ewö, lijetkö imbiñi mönö denöwö möt asaribinak? ⁸ Mewöyök tömun um böligetka qetñi törörök qahö möt asarizin ewö, dañön mönö bim qeqegöra jöjöröbawak?

⁹ Engö könäñinan mewöñanök ahöza: Nesilamñinan ambazip qahö möt asarimeangö dopkeu lañ jize ewö, kunñan keu mewöñi mönö denöwö möt asaribawak? Keu mewö jizei, miañön mönö öne lañ luhutnöñ anakza.

¹⁰ Gölmeñi gölmeñi mianggöreñ keu murutñi murutñi dawik jimakzini, mi dañön mötpawakmö, töndup körek

mieñön mönö keugö könäñi möt asaribingöra aka ahöze.

¹¹ Könäñi mianggöra aka jimakzinmö, kunöñ keu jiiga keuñangö könäñi qahö mötzal ewö, nöñön yañgö keuñangö kiänñi akiga yañön mewöyök nöñgö keuñangö kiani akza. ¹² Engö könäñinan mewöñanök ahöza: Injini nup memegö mötmöt kalemñi kalemñi buña qem angubingö awöweñgögetka dop kölja. Mianggöreñ mönö kalem kewöñi meminggöra kapañ köla malme: Mötmöt kalem urumelen könagesö uruñini möhamgöba mem köhöimakzei, mönö mi buña qem anguba nupnöñ algetka qetpuk akja.

¹³ Mianggöra keu qainñi kun jimakzawañön mönö kewö köuluköiga dop kölma, “O Anutu, keu jizali, mi meleñmamgö mötmöt kalemñi niñgiman.”

¹⁴ Mianggö könäñi kewö: Nöñön keu qainñi kun jiba köuluközal ewö, nöñgö uñanan keuyök jiba köuluközäpmö, urumötmötñan mönö öñji kun qahö miwikñaiza.

¹⁵ Mianggöra mönö denöwö akiga dop kölma? Nöñön mönö uñananöhök qahöpmö, urumötmötñi mewöyök mianggöreñ ala köulukökamakñam. Liñet köla möpöseimakzali, mi uñananöhök qahöpmö, urumötmötñi mönö mewöyök mianggöreñ ala kölakñam.

¹⁶ Gi Anutu uñagan möpöseim wangizan ewö, ambazip omañi kunñan totokoñine kaba tata möpöseizanañgö könäñi qahö möt kutumawi, yañön mönö “Keu mi öñja,” mi denöwö jibawak? Wania jizani, yañön mi qahö möt asariba öne tönpin tatza. ¹⁷ Gi ölop Anutu möpöseizänmö, keugan tosatñi yengö uruñini qahö möhamgöba mem köhöim enggiza.

¹⁸ Nöñön körek injini engonggita keuñi keuñi qainñi kun mi gwötpuk jimakzali, mianggöra Anutu möpöseizal. ¹⁹ Anutu möpöseizalmö, urumelen könagesö

uruje ambazip kusum engimamgöra kapañ köla möt asarimegöra keu jitñi 5 jimamgö mötpti öljä akza. Keuñi keuñi qainñi kunöñ keu jitñi 10.000 nanañgörök jimamgö mötpti eretñi akza.

²⁰ Urumeleñ alaurupni, iñini keu kewöta mötmörimakzei, mianğöreñ mönö namande tandök mosöta ambazip ketañi yeğşö dop mötmörriba malme. Bölöñi akin jigetka mianğöreñ mönö moröseşep ewö aka osimemö, mötkutukutuñinan mönö ambazip ketañi aka malme. ²¹ §Mosesğö Köna keunöñ keu kun kewö ohoget ahöza, “Nöñön kian ambazip kuñgum engibiga könagesö kienğöreñ kaba jitñinan keu tandökñi kun jigetka lañ welip-kömakñemö, mi tøndup nöñgö keuni qahö mötme. Kembu nöñön mewö jizal.”

²² Keu mianğö dopkeu qainñi kun jiinga uruñini qahö meleşget yeñön mötketka Anutugö aiwesökñi ak engizapmö, mötnarip ambazip neñgöra mianñön mönö aiwesökñi kun qahö akza. Mi qahöpmö, kezapqetok keu jiinga mianñön mötnarip ambazip neñgöra Anutugö aiwesökñi akza. Urumeleñgö kopa yeñön mi mötketka Anutugö aiwesökñi kun qahö ak engiza.

²³ Urumeleñ könagesö eñön tokoba körek eñön keuñi keuñi qainñi kun mianğöreñ jigetka tosatñan Buña keu qahö kusum engigetka uruñini qahö meleşda öne mianğöreñ öngömei, yeñön mönö auruba kewö jibeak me qahö, “Nöröpñinan mönö sohoi kahalalom akze.”

²⁴ Mewö jibeakmö, körek eñön kezapqetok keuñi keuñi jigetka kunñan Buña keu qahö kusum wañgigetka mötnaripñi qahö öne totokojine öngöma ewö, körek eñön mönö siñgisöndökñi indela uruñi qahö meleşnöhanğö keuñi jim tekögetka könañamñi möt kutu-

iga aukñe asuhuma. ²⁵ Uruñanğö keu tölapñi tölapñi aukñe asuhuiga yeñön mönö dapköba eta Anutu waikñi memba möpöseiba kewö jim miwikñaiiba qetma, “Anutunöñ öljä engö sutñine malja.” Mewö.

Urumeleñ totokogö areñi kewö:

²⁶ O urumeleñ alaurupni, mewögöra nini mönö denöwö jiinga dop kölma? Iñini Buña keugö tokomakñei, mianğöreñ mohot mohot eñön mönö körek areñini kun me kun mi kewö ahakñe: Kunöñ Buña liñetkö areñi aliga kunöñ Buña keu kusum engiiga kunöñ Anutugö goro dölökñi indeliga kunöñ keu qainñi kun jiiga kunöñ mi meleşma. Areñ pakpak mi mönö urumeleñ könagesö urunini kuñguget köhöibingöra aka ahakñe.

²⁷ Tosatñan keu qainñi kun jime ewö, ambazip 4 qahöpmö, yahöt me karöbut yeñönök mönö totoko mohotkö uruje mewö jime. Yeñönök mönö areñinanğö dop awatañ jigetka kunñan mi meleşma. ²⁸ Kunñan keu meleşmamgö dop qahö akza ewö, yeñön mönö urumeleñ könagesögö totokonöñ keu bök tata nanñinanğörök keuñini qainñi kun jigetka Anutunöñ mötma. ²⁹ Kezapqetok ambazip yeñgöreñök yahöt me karöbut yeñgörök mönö areñ engigetka keu jigetka tosatñan mönö keuñini kewötmö.

³⁰ Mewö akñemö, kunñan totokonöñ tariga Anutunöñ goro keu uruje indeli mötza ewö, yeñön mönö mi jiiga kezapqetok keu mutuk jizawañön keuñi mosöta bök tatma. ³¹ Ambazip körekñan Anutugö goronji mötketka uruñini nanğöi ölöwakñegöra iñini mönö körek pakpak ölop nalöñini memba areñinanğö dop kezapqetok keu jime. ³² Kezapqetok ambazip yeñön

mönö ölop uñaḡini galöm kölgetka uñaḡinan keu baḡḡe anjeaḡö dop akze.

³³ Anutunöḡ kizik-kazuk Toḡi qahöpmö, luai Toḡi akza. Mianḡöra totokoḡini mönö areḡnöḡ wuatangöba ahakḡe. Ambazip sarakḡi yeḡö sutḡine könagesö dop ahakzei, iḡini mewöyök mönö mianḡö dop kewö ahakḡe: ³⁴ Ambi eḡön mönö urumeleḡ könagesöḡ totokoḡine keu böc tatme. Yeḡön keu jimeaḡö dop qahö akzemö, Köna keu ahözawaḡö dop mönö keu baḡḡe anda malme.

³⁵ Ambinöḡ urumeleḡ könagesöḡ keu jim kutuba kusum eḡgiḡa qahö dop kölja. Mianḡöra keu kungö könaḡi möt-pingö mötze ewö, yeḡön mönö miriḡine anda tata nanḡini apurupḡini qesim eḡgime.

³⁶ Anutugöreḡ Buḡa keu mianḡön mönö eḡö sutḡineyök ahuyök me qahö? Keu mianḡön ahuba sehiba mala eḡgöreḡ kaba eḡö buḡayök akza me qahö? ³⁷ Kunöḡ kewö jibawak, “Nöḡön kezapqetok keu jibiga Uḡa Töröḡan solölöhöm niḡgiḡa keu miambuk urumohot qahö akzal.” Mewö jizawaḡön mönö keu ki möt yaköma: Nöḡön ambigöra keu ohom eḡgizali, mianḡön mönö Kembugö jöjopaḡ keu akza. ³⁸ Kunḡan keu mianḡö kezap qahö ala silebile malja ewö, iḡini mönö azi yaḡö keugö kude kezap al waḡgiba malme.

³⁹ Mianḡöra urumeleḡ alaurupni, iḡini mönö kezapqetok keu jibingöra awöweḡgöba malme aka keu qainḡi kun jimegö soḡḡoḡi mi kude alme. ⁴⁰ Mi kude almemo, yuai pakpak mönö törörök areḡ ala wuatangöba ahakḡe. Mewö.

Kraistnöḡ kömupnööhök wahörök.

15 O urumeleḡ alaurupni, nöḡön Ölöwak Buḡa jim asarim eḡgiali, mi ölum eḡgubapuköra mönö köl gulim eḡgimam. Iḡini mi buḡa qem aḡguba mötnariḡḡini mianḡöreḡ ala töndangöba kinje. ² Nöḡön Ölöwak Buḡa jim asarim eḡgiali, iḡini mi mianḡö dop töp mamba aḡgön kölme ewö, mianḡön mönö mem letot eḡgiḡa Suepkö buḡaya akḡe. Mewö qahö akḡe ewö, uruḡini mönö öne töhöḡ melenḡa malje.

³ Nöḡön keu tosatḡi pakpak göraḡe ala nanak Buḡa keu möt aḡgön kölali, mi mötḡi öḡgöiḡa mianḡö keu köḡḡi mötmegöra mi kewö eḡgial: Kraistnöḡ mönö Buḡa Kimbi ahözawaḡö dop neḡḡö siḡgisöndokninangöra aka kömuyök. ⁴ Kömuḡa Buḡa Kimbi ahözawaḡö dop löm kölgetka sömaḡi karöbut aiga kömupnööhök wahörök. ⁵ Kömupnööhök wahöta Pitögöreḡ asuhuyök aka mianḡö andöḡe gwarekurupḡi 12 yeḡgöreḡ asuhuyök.

⁶ Mianḡö andöḡe nalö mohot mianḡöreḡök urumeleḡ alaurupnini qötöḡini 500 oḡgiröhi, mönö yeḡgöreḡ asuhuyök. Yeḡgöreḡök ambazip öḡḡi yeḡön toroqeba nalö kewöḡe mewöyök maljemö, tosatḡan lök kömuḡet. ⁷ Mianḡö andöḡe munḡi Jeimsgöreḡ asuhuyök aka mianḡö andöḡe aposol pakpak yeḡgöreḡ asuhuyök.

⁸ Mienḡöreḡ körek asuhubagun qöndökḡi mönö nöḡgöreḡ mewöyök asuhuyök. Nöḡön aposol mi asai ewö öroḡköba aluḡi asuhuyal. ⁹ Mianḡö könaḡi kewö: Nöḡön aposol yeḡḡö sutḡine mötḡi eriga dagibezupḡini akzal. Anutugö urumeleḡ könagesö sesewerowero ak eḡgiba malali,

^h15:3 Ais 53.5-12 ⁱ15:4 Sum 16.8-10; Mat 12.40; Apo 2.24-32

^j15:5 Mat 28.16-17; Mak 16.14; Luk 24.34, 36; Jon 20.19 ^k15:8 Apo 9.3-6

^l15:9 Apo 8.3

miaṅgöra nōṅgö qetni aposol qetketka mötṗi gamuṅambuk akza.

¹⁰Gamuṅambuk akzäpmö, nalö kewöñje yuai akzali, mi mönö Anutugö kalem möriamṅan mem letota nam köl niṅgiiga maljal. Yaṅñon kalem möriamṅni niṅgiiga liklak qahö akiga eta qeba omañi qahö ahökmö, nōṅñon mönö aposol körek luhut al eṅgiba köhöiba nup memba malal. Mi nanak qahöpmö, Anutugö kalem möriamṅan mönö inahöm niṅgiiga nupnaṅgö öljji mewö asuhuba sehiyök.

¹¹Nōṅñon meali me yeṅñon megetka öljji asuhuyöhi, mi muat. Neṅñon mönö Ölöwak Buṅa keu mewö jim asarimakzin aka iṅini miaṅgö dop uruṅini melenṅa Kraist möt nariba malje. Mewö.

Nini kömupnöhök denöwö guliba wahötpin?

¹²Mötket! Kraistnōṅ guliba kömupnöhök wahöröhi, yaṅgö könāñi mewö jim asarimakzin ewö, eṅgöreṅök tosatṅan mönö denöwö aka kewö jimakze, “Kömukömuñi yeṅñon qahö guliba wahötme.” ¹³Mewö jimakzemö, kömukömuñi yeṅñon qahö guliba wahötpeak ewö, Kraistnōṅ mönö mewöyök qahö guliba mal köhöibawak. ¹⁴Anutunōṅ Kraist qahö mem gullii kömupnöhök wahötpawak ewö, nini Buṅa keuñi mi jim asarimakzini mi omañi akawak. Mi möt narigetka miaṅñon mewöyök pömsöm qeba omañi akawak.

¹⁵Anutunōṅ öljja kömukömuñi qahö mem gulim eṅgii wahötpeak ewö, Kraistnōṅ mönö mewöyök qahö mem gullii wahötpawak. Nini mi töndup Anutugö könāñi kewö naṅgöba jimakzin, “Anutunōṅ mönö Kraist mem gullii kömupnöhök wahörök.” Keu mi öljji qahö akawak, ambaziṅñon mönö miaṅgöra aka könāñamnini miwikṅaiṅgetka munēñi aiga ölöp

nōṅgöra kewö jibeak, “Anutugö könāñi mönö naṅgöba jim sohomakza.” Keu miaṅñon mönö gamuṅamṅjuk akawak. ¹⁶Anutunōṅ kömukömuñi qahö mem gulim eṅgii wahötme ewö, Kraistnōṅ mönö mewöñanök qahö guliba wahötpawak.

¹⁷Anutunōṅ Kraist qahö mem gullii wahötpawak ewö, iṅini mönö öne töhöntöhön möt narim waṅgiba toroqeba siṅgisöndokṅinaṅgö kösögwarönōṅ malbeak. ¹⁸Mewö aiga alaurupninan Kraistpuk qekötahöba kömugeri, yeṅñon mönö mewöyök sohoba könöp siagö buṅaya akeak. ¹⁹Nini Kraist jörömqöröm ak waṅgiba gölmenōṅ malbināṅgö dop galöm köl neṅgii miaṅgöreṅ tekömapköra mambötzin ewö, nini mönö ambazip tosatṅi pakpak eṅgongita baṅṅine geba öngöpñi daböñi malinga körekṅan wösö mötmöt ak neṅgimakzeṅgö dop akinak.

²⁰Mewö akinakmö, Kraistnōṅ mönö öljja guliba kömukömuñi yeṅgö jitṅe memenini aka kömupnöhök wahörök. ²¹Miaṅgö könāñi kewö: Azinōṅ kömup kondoriga asuhui könahiba kömumba mala korin. Kömumba maljināṅgöra aka azi kuṅṅan kömumba guliba malmal köhöikṅi kondoriga asuhuyök. Miaṅgöra nini körekṅan mönö mewöyök guliba kömupnöhök wahötpin. ²²Körek neṅñon Adam ewö aka kömumbini, mewöñanök Kraistpuk qekötahözini, Anutunōṅ nini körek mal köhöibingöra mem gulim neṅgima.

²³Mem gulim neṅgimapmö, körek neṅñon mönö Anutunōṅ nalö alöhaṅgö dop guliba wahötpin. Kraistnōṅ jitṅe memenini aka gulliiga miaṅgö andöñe yaṅgö buṅañi akzini, neṅñon lilingöba kaiga nalö miaṅgöreṅ guliba wahötpin. ²⁴Kraistnōṅ mönö lilingöba kaba ömewöröme pakpak gölme dop ösummumu qakṅe galöm kölakzei, miēṅgö

kukņini memba et ala ösumņini körek kōndēma. Mi kōndēda bemtohoņi Anutu Iwigō börōņe aliga gōlmenōņ malmal miangōreņ tekōma.

²⁵ ^mKraistnōņ galōm kōla mal öņgōiga Anutunōņ Buņa keu ahōzawaņgō dop “mōnō kerōkurupņi körek luhut ala nanņi kōna baņņe al eņgima.” Kraistkō galōmkōlkōl nupņan mōnō miangōreņ tekōma. ²⁶ Kerōkurupņi luhut al eņgiga miangōreņ kōmup Toņan mōnō qōndōkņi aiga memba et al waņgima.

²⁷ ⁿMiangō kōnaņi mi Buņa Kimbinōņ kewō ahōza, “Anutunōņ mōnō yuai pakpak yaņgō kōna baņņe ali ahōza.” Keu mewō ahōzapmō, “Yuai pakpak ali ahōza,” keu mewō jiiga kōnaņi mōnō aukņe kewō ahōza: Anutunōņ yuai pakpak Kraistkō baņņe ali ahōiga nanņi mōnō qahō memba eta Kraistkō baņņe al aņguyōk. ²⁸ Mewō qahōpmō, Anutunōņ yuai pakpak Nahōnņaņgō baņņe aliga galōm kōla kerōkurupņi pakpak nanņi kukōsumņaņgō baņņe al eņgima. Mi tekōiga miangōreņ Anutunōņ mōnō Nahōnņi mewōyōk nanņi kukōsumņaņgō baņņe ala galōm kōl waņgima. Mewō aka Anutunōņ yuai pakpakō Kembuņi ak tekōba mal öņgōma.

²⁹ Keu kun kewō: Ambazip tosatņan uruņini qahō meleņda öne kōmugerajaņgōra tosatņan kōmukōmuņi mi baukōm eņgimegōra jiba salupņini aketka dumņe kunbuk o melun mem eņgimakze. Kōmukōmuņi yeņōn qahō guliba wahōtpeak ewō, yeņgō nup öļņan mōnō denōwō asuhubawak? Anutunōņ kōmugeri, mi qahōpmahöp mem gulim eņgii wahōtpeak ewō, ambazip mewōņan mōnō denōwōgōra aka jigetka yeņgō salupņine o melun mem eņgimakze? Nupņini mi mōnō öne membepuk.

³⁰ Kōmumba qahō wahōtpinak ewō, neņōn mewōyōk mōnō urunini Anutugō nupnōņ qahō ala jōhōbinak. Anutugō nupkōra aka kōmumbinbukō lōmbōt baņņe sundan qahō anda malbinak. Qahō.

³¹ Kōmupnōņ mōnō nalō dop gwahōt niņgimamgō dop akza. Keu mi öļņa. O urumeleņ alaurupni, nōņōn Kraist Jisōs Kembunini yambuk kinda eņgōra aka sileni memba öņgōmakzali, miangō dopkeu öļņi mi aukņe jibi mōtmegōra mōtzal.

³² ^oNani imbi-imbi wuatajaņgōba nup ki memamgō mōtmōrize ewō, yuai kianōn mōnō denōwō baukōm niņgima? Mewō qesim eņgibiga mi mōnō mōtmōriba meleņme: Nōņōn Efesus siti kiangōreņ ambazip ubibi kanjamņinambuk ewō miwikņaiiba kōmumbileņbukōra yembuk auba malal. Mōnō tōtbōrōm aka auba malal. Kōmumbagun qahō guliba wahōtpini, mewō mōnō qahō aubileņak. Qahō! Mewō aiga ölöp tosatņi yembuk kewō jibileņak, “Uran kōmumbinaņgōra mōnō ölöp nene sōsōņgai ala o kōhōikņi namba malbin.”

³³ Jaņjuņ kude akņe. “Ambazip bōlōņi yembuk kōisirik tatketka ahakmeme ölöpņan bōlima.” Keu kun mewō ahōza. ³⁴ Eņgō sutņine tosatņan Anutu qahō mōt waņgizei, miangōra gamuņini mōtmegōra mi jizal. Miangōra mōnō gukmaulemņini mosōtme. Imbiņinan letoriga tōrōrōk mōta siņgisōndok kude toroqeba ahakņe. Mewō.

Sileninan guliba wahōta tandōkņi kun akņa.

³⁵ Kunōņ kewō qesibawak, “Anutunōņ kōmukōmuņi mi denōwō mem gulim eņgii wahōtme? Sileņinan mōnō tandōk denōwō meleņniga asuhume?”

³⁶ Mewō qesibawak, mōnō uruqahō

keuya jibawak. Inini sehoj kötji qahö kömuiga öne qesij gilme ewö, mianjon mönö qahö jula wahötmä. ³⁷ Kötjanjö ipni wahötmawi, mi qahö kömöztanmö, kötjanök qesij giljan. Wit me sehoj kötji me kötji tosatji gilakzan.

³⁸ Miyök gilakzanmö, Anutunöj mönö sihimjanjö dop ipni wanjima. Kötji tandökji nanjök nanjök mi nanjini ipni enjgimakza.

³⁹ Yuai busujini mi tandökjini mo-hot qahö. Ambazip busujini nanjök, sömbup busujini nanjök, nei busujini nanjök aka söra busujini mi nanjök.

⁴⁰ Mianjö dop Suepnöj malmalgö sile mi nanjök akza aka gölmenöj malmalgö sile mi nanjök akza. Nanjök nanjök akzahötmö, Suep silegö aködamunji mi gölme silegö aködamunji onjgita qainji kun akza. ⁴¹ Wehöngö asakmararaji mi nanjök, köinjö asakmararaji nanjök aka seŋgelau miengö asakmararajini mi nanjök. Seŋgelau asarigetka tosatji miengö asakmararajini mi seŋgelau tosatji miengö asakmararajini onjgirakza.

⁴² Guliba kömupnöhök wahötpini, mianjö könajan mönö mianjö dop ahöza. Sile löm kölbini, mianjon gisahöba qahöwakjapmö, Anutunöj mi mem gulii wahötmawi, mianjon mönö qahö kömuma. ⁴³ Sile löm kölbini, mianjon lölöwöröj aködamunji qahö akzapmö, Anutunöj mi mem gulii wahöta mianjörej mönö köhöikji aka asakmararajambuk akja.

⁴⁴ Sile löm kölbini, mianjon gölmenöj malmalgö sileya akzapmö, Anutunöj mi mem gulii wahöta mianjörej mönö uja mire malmalgö sileya akja. Gölmegö sile ahöza ewö, mianjö dop ujağö sileji mi mewöyök ahöza. ⁴⁵ Mianjö keuji mi Buja Kimbinöj mewöyök

kewö ohoget ahöza, “Azi mutukji Adam yanjon letota ujanji miwikjaiiba söngörö ösumji öröba malmaljanbuk ahök.” Keu mi möringa likepji kewö asuhuyök: Adam qöndökjan mönö menguliguligö ujanji ahök. ⁴⁶ Ujağö yuaiji mi mutuk qahö asuhuyökmö, gölmegö yuaiji mianjon mönö mutukji akza. Ujağö yuaijan mönö mianjö andöje asuhuyök.

⁴⁷ Anutunöj azi mutukji sömsömnöhök miwikjaiiga gölme azia asuhuyök. Azi könangepji yanjon mönö Suepnöhök eta sutnaine asuhuyök. ⁴⁸ Gölme ambazipnöj azi gölmenöhök asuhuyöhi, mönö yanjö dop akze. Suepkö buja akzinajon azi Suepnöhök eta asuhuyöhi, mönö yanjö dop akzin. ⁴⁹ Nini gölme azi mutukjanjö kaisongolomji memba maljini, mianjö dop Suep azigö kaisongolomji mi mewöyök memba malbin. Mewö.

⁵⁰ O urumelej alaurupni, nöjon keu kewö jibi mötme: Sep busuninan mönö Anutugö bemtohoj uruje angota dum memegö dop qahö. Mi osimahot. Sile kianjon gisahöba qahöwakjawi, mianjon mönö oyaenköyaej qahö akja. Suepkö dum qahö ayapkömawi, sile kianjon mönö mi memangö osima.

⁵¹ Mötket! Nöjon keu tölapji kun kewö indelmam: Körek nejon mönö qahö nöj qeba kömumbin. Qahöpmö, kömukömuji yejon letotketka tosatji nejon mönö sileninambuk letotpin. ⁵² Anutunöj kömukömuji mem gulim enjgiiga tömun qainji kun qöndökjan qeriga mianjörej wahötketka nejon biliksik aliga wölanjök letotpin. Mutuk kömuger, yejon mönö kunbuk qahö kömume.

⁵³ Sep busu ki gisahöba qahöwakjawi, mianjon mönö letota qahö ayapkömawanjö dop akja. Sile ki kömumawi,

Anutunöj mi mönō opo ewō qekōba mi-anğō salupnje sile qahō kōmumawi, mi neŋgi memba maluku ewō löngötpin.

⁵⁴†Mewō akzapmō, letotletot mi ak tekōiga silenini qainji kun meinga qahō kōmumba gisahōmawi, nalō miangōreŋ mönō söŋgaibin. Buja Kimbinöj keu ohoget ahözawi, miangōn mönō ölnambuk aiga miangō dop kewō jime, “Yaŋōn mönō kōmup Toŋi kōndenja luhut aliga kōiraŋ aljin.”

⁵⁵‡Keu miangō alaŋi kun kewō, “O kōmup Toŋi, göŋōn mönō luhut almanaŋgō dop qahō. O kōmup Toŋi, göhöreŋ liŋgip jitŋi miangōn mönō neŋgöhōmangō osima.”

⁵⁶Keu mewō ahözapmō, kōmupkō liŋgip jitŋi mi siŋgisōndok ahakmeme. Jöjōpaŋ keuŋan mönō siŋgisōndok akinbukō soŋgo aliga tōndup ahinga kukŋambuk ahakza. ⁵⁷Kukŋambuk ahakzapmō, Kembunini Jisōs Kraistnōj mönō Anutugōreŋ bohon kōliga alabauknini aiga yaŋgōra aka luhut ala malbin. Miangōra “Anutu saiwap!” jizal.

⁵⁸O wōlböt alaurupni, luhut albi-naŋgōra eŋōn mönō kin kōhöiba an-jaŋbanjaŋ mosōta uruŋini kude öŋgōba eta ahakŋa. Kembugōreŋ qekōtahōba nupŋi megetka ölnan mönō eta omaŋi qahō akŋa. Mi möt yakōba Kembugō nupŋi mi mönō urukōnöp^{¶¶} qakŋe böŋ qeba pōndaŋ memba malme. Mewō.

Jerusalem alabauk eŋgimegō jimkutukutuŋi

16 †Judia kōnagesō sarakŋi yaŋgōra alabauk moneŋ tokomegōra qesim niŋgigeri, miangōra kewō jim kutum eŋgizal: Nōŋōn Galesia prowinsgō urumeleŋ kōnagesōŋi

kōnagesōŋi jim kutum eŋgiali, eŋōn tok mönō miangō dop kewō ahakŋe:

²Sonda dop wehōn mutukŋi miangōreŋ iŋini kōrek nanŋök nanŋök mönō naluk alakŋe. Tōhötmōriam memakzeangō dop moneŋini bahōŋi mi kōweŋini göraŋe ala galōm kōla malme. Mewō aketka nalō eŋgōreŋ kabiga miangōreŋ naluk sangabaŋga almeangō dop qahō akŋemō, mi ölöp kōweŋineyök memba altanōj alme.

³Mewō aketka eŋgōreŋ kamami, nōŋōn nalō miangōreŋ ölöp jim-asa-asari kimbi ohoba azi nup miangō mötket dop kōljawi, mönō yengō börōŋine ala melaim eŋgibiga mindimindiri kalemŋini mi memba Jerusalem anme. ⁴Nōŋōn yembuk mohotŋe anmamgō anmam ewō, yeŋōn mönō ölöp nōmbuk toroqeba mohotŋe kōwet kutuba anbin. Mewō.

Polgō nupŋangō aka kōna anangō areŋi

⁵‡Nōŋōn Masedonia prowins ongita anmam. Miangōra Masedonia mosōta-gun mönō eŋgōreŋ kamangō mötzal.

⁶Eŋgōreŋ kaba nalō tosatŋi embuk tatpileŋak me kōmunjaŋ kie nalōŋi (winter) mi mewōyök eŋgō sutŋine toroqeba mal tekōbilenak. Mewō malbi ölöp baukōm niŋgigetka denike denike anbilenak, miangōreŋ mönō amqeba kōna toroqeba anmam. ⁷Nalō kewōŋe eŋgōreŋ kaba kusukŋanök eŋgeka eŋgongita anmamgō qahō mötzalmō, Kembunōj oŋ jima ewō, mönō nalō tosatŋi embuk tatmamgō jöjörözal.

⁸‡Mewō jöjörözalmō, mutuk Efesus siti kiangōreŋ toroqeba malbi yambu jeŋiqeqe dölökŋi (pentekost) miangōn kam kuŋguma. ⁹Anutunōj

¶¶15:58 Urukōnöp mi Kembugōreŋ ölöpŋangōra jiza. Urukōnöp bölöŋi mi qahō.

†15:54 Ais 25.8 ‡15:55 Hos 13.14 †16:1 Rom 15.25-26

‡16:5 Apo 19.21 †16:8 Lew 23.15-21; Dut 16.9-11 ‡16:8 Apo 19.8-10

nöngöra nupkö nangunji ketani öröi ölop nup ketani membi ölni asuhum sehimakzapmö, gwötpuknan tuarenjon ak niŋgimakze. Miangöra kiangörej toroqeba malmamgö mötzal.

¹⁰xTimotinöŋ ni ewö Kembangö azi ipni aka nupni memba malja. Miangöra yanön engörej kama ewö, injini mönö köyan köl wangigetka kenöt mötmötji qahö engö sutjine malma. ¹¹Kunjan kun kude ek sirik kölmapmö, embuk mal teköba nöngörej kamamgö jimawi, miangörej mönö bauköm wangigetka luainöŋ engömosöta lilingöba kama. Nöŋön urumelen alaurup yembuk i ekingö mambötzin.

¹²Urumelen alanini Apolos yangö keunji kewö jimam: Yanön urumelen alaurup yembuk engörej kamegöra jiba köhöiknanök uru kuŋgum wangial. Mi wangialmö, nalö kewöŋe engörej kamamgö tököm köhöiza. Könanjep nalöŋi ölop ahöm wangimawi, mönö miangörej kama. Mewö.

Yaizözkök keu teteköŋi

¹³Injini mönö uruguliguli mala mötnaripni köl guliba kin köhöiba malme. Azi köhöiknanöŋ dop mönö urugö nangönanöŋ ambazip aka Kembangö kukösumŋambuk kinme. ¹⁴Yuai pakpak aka memei, mi mönö urukalemnöŋ aketka asuhuma.

¹⁵Stefanas yangö mire maljei, injini mi möt engize. Akaiä prowinsnöŋ nup meinga uruŋini melengetka nupninangö ölni mutukji mewö asuhuyöhi, mötze. Yeŋön ambazip sarakji mi pöndan welen qem engiba uruŋini miangörej jöhöba ala maljei, mi mötze. O urumelen alaurupni, nöŋön uruŋini kewö kuŋgum

engizal: ¹⁶Injini tok ambazip mewöŋi aka yembuk toroqeba nup mohotje memba Anutu welenji qemakzei, mönö körek yeŋö keunji bapje anda malme.

¹⁷Nöŋön Stefanas Fortunatus aka Akaiikus ki kangerögöra söngaimakzal. Injini nömbuk Efesus ki qahö malgetka yeŋön mönö engö salupni aka köisirik ak niŋgigetka dop kölja. ¹⁸Yeŋön engö unanji köro-ölöwak qeba maljei, miangö dop mönö nöŋö unani mewöyök köro-ölöwak qem niŋgiba malget. Miangöra injini mönö azi mewöŋi yeŋöra mötket öngöiga mi aukneyök jiba keunjanögöra törörök kezap ala malme.

¹⁹zUrumelen könagesöŋi könagesöŋi Eisia prowins kiangörej maljei, yeŋön mönö yaizözkökni algetka engörej kaza. Aqila Prisila aka urumelen könagesö yetkö mire tokomakzei, yeŋön mönö Kembangö qetje yaizözkökni gwötpuk algetka engörej kaza. ²⁰Urumelen alaurup pakpak Efesus ki maljei, yeŋön mönö yaizözkökni algetka engörej kaza. Injini mönö urumelen alaurupni yembuk jölöŋini jiba anŋum anŋuba numbuŋini yöhötüm nembra malme.

²¹Nani yaizözkökni engörej ala qetni nani börönan kewö ohozal: Pol.

²²Kunjan Kembu qahö jöpaköba urukalem qahö aka malja ewö, Kembunöŋ mönö qesuakji yangö qakje ali öngöma. Kembunini, gi mönö kanöŋ!

²³Kembu Jisösgö kalem möriamnan mönö embuk ahöma.

²⁴Kraist Jisösbuk qekötahöba kinjei, nöŋö urujöpaknan mönö körek embuk ahöba kötuatköm engii malme. Keu mi ölna. Mewö.

Korint Kimbi 2

*Polnön Korint yengöra
kimbi aliga 2 ahök.*

Jim-asa-asari

Pol aka Korint urumelen könagesö yeñön urumohot ölöpnj qahö aketka nalö miangöreñ Polnön Masedonia mala kimbinji ki ohoyök. Tosatñan Pol tuarenjon köhöiknji ak wañgigetmö, Polnön töndup aņgururuk memba et ala yembuk urumohot akingö kapañ kölöök. Aņgururukñini tekömapkö urusösöñgainji kondel eņgiyök.

Kimbi bahöñi mutuknji (Boñ 1-7) miangöreñ Polnön Korint urumelen könagesö yembuk jöhöjöhö ahöhañgö keuñi jiza. Könañi denöwögöra urumelen könagesö mi köhöikñanök jim eņgiyök? Mewö aiga uruñini melenđa urumohot akeri, miangö sösöñgainji kondela jim asariza.

Kimbi bahöñi 2 (Boñ 8-9) miangöreñ Judia urumelen könagesö bauköm eņgiba naluk eņgimegöra kuñgum eņgiza.

Kimbi bahöñi 3 (Boñ 10-13) miangö keuñi kewö: Böhi takapulakañi tosatñan nanñini qetñini 'Aposol ölnji' jiba Polgöra aposol munenji jigetka Polnön keu miangö likepnji melen eņgiyök.

Buk kiangö bahöñi bohonji 5 mi kewö:

Jim-asa-asari keu 1.1-11

Pol aka Korint urumelen könagesö 1.12-7.16

Judia urumelen kambu yengöra naluk alme 8.1-9.15

Polnön aposol ölnji akzawañgö kukösumnji 10.1-13.10

Keu tetekönji 13.11-13

1^aAnutunön sihimñangö dop Pol ni kuñgum niñgiiga Kraist Jisösgö melaimelai azi aposol akzal. Nönjön urumelen alanini Timotibuk tatzit. Korint sitinön Anutugö urumelen könagesö maljei aka ambazip saraknji pakpak Akaia prowinsñini dop köla maljei, netkön embuk Buña keu eraum mötpingöra kaba kimbi ki ohozit.

²Anutu Iwinini aka Kembu Jisös Kraist yetkön mönö kalem möriam eņgiyohotka luainön malme.

Polnön Anutu urukölalepñangöra möpöseiza.

³Nini Kembunini Jisös Kraistkö Anutu Iwiñi möpöseimakzin. Yañön mönö akkömükömu Toñi aka urukölalep pakpak neņgimakzawañgö Anutuñi akza.

⁴Nini kahasililiñ könañi könañi miwikñaimakzini, nalö miangöreñ Anutunön uruqesawölim neņgimakza. Uruqesawölim neņgii möta miangö qakñe kininga tosatñan kahasililiñ könañi könañi miwikñaimakzei, mi mönö ölop amqeba uruqesawölim eņgimakin. ⁵Miangö könañi kewö: Kraistpuk qekötahöinga yañgö sihimbölöñan qaknine öngöi keleñmaleleñ mörakzinmö, miangö dop uruqesawölim mewöñanök neņgii Kraist qekötahöinga urukölalepñan urunine geiga keleñmaleleñ mörakzin.

⁶Neñön köñjiliñ uruñe maljin ewö, Anutunön mönö iñini uru qesawölim eņgii uruñini kunbuk melenđa oyaeñkoyaeñ akñegöra mötza. Anutunön uru qesawölim neņgiiga eñön mi eka nanñinak uru qesawölim miwikñaima. Uru qesawölim eņgimakzawañgö ölnjan mönö uruñine kewö asuhumakza: Nini sihimbölä möringa eñön tok sihimbölä miyöhök miwikñaima ewö, mi mönö

^a1:1 Apo 18.1

ölöp möta mökösoŋda kin köhöiba malme. ⁷Sihimbölönöŋ qakŋine öŋgöi mörakzei, uru kölalepnöŋ mönö mewöŋanök qakŋine öŋgöi malje, mötzin. Mi möta miangöra eŋön kin köhöimegöra mamböta jörömqöröm köhöikŋi ahakzin.

^{8b}O urumeleŋ alaurupni, nini Eisia prowins uruŋe nup mamba mala nupkö sihimbölö möta kahasililiŋ miwikŋaiba mörini, iŋini miangöra gukmaulem malbepüköra mötzin. Nupkö lömbötŋan ösumnini oŋgita öŋgöŋgöŋi aka mulungöm neŋgiiga kin köhöibingö osinmö, töndup kapaŋ kölinga mem et al neŋgiiga malin. Mewö asuhuiga toroqeba malbin me qahöwi, miangöra mewöyök tötböröm aka malin.

⁹Mewö mala uruninan kewö mötmöriin: Kunöŋ kömumbingö keuŋi lök jim teköi keu miangön qakŋine öŋgöi ayuhubingö mambörin. Nanini ösumnöŋ nariba malbinbukmö, Anutu kukösum qakŋe nariba malbingöra aka mewö asuhuyök. Anutunöŋ kömukömuŋi mem gulim eŋgii wahötmei, yaŋön mönö amqeba nini mewöyök bauköm neŋgimakŋa.

¹⁰Kömumbinbukö keŋgöt mötmöt öŋgöŋgöŋi ahinmö, Anutunöŋ mönö miangöreŋök meköm neŋgiyök. Meköm neŋgiyök aka toroqeba meköm neŋgimakŋa. Nini jörömqörömnini Anutugöreŋ ala mewö möt narim waŋgiba kinjin. ¹¹Iŋini mewöyök bauköm neŋgiba neŋgöra aka köulukögetka meköm neŋgimakŋa. Gwötpukŋan neŋgöra aka köulukögetka Anutunöŋ möta miangö likeŋpi meleŋni kalem möriamŋan dop köl neŋgii neŋgehorimakŋa. Mewö meköm neŋgiiga alaurup gwötpukŋan mi möta neŋgöra aka mindiriba möpöseigetka köiraŋ köulukŋinan

öŋgöba Anutugö kezapŋe gemakŋa. Miangöra mönö toroqeba nöŋgöra aka Anutu köulukömakŋe. Mewö qesizal.

Polnöŋ köna anangö areŋi uteköyök.

¹²Tosatŋi iŋini nöŋgö könaŋam- naŋgöra uruyahöt akzei, miangöra keu kewö jimam: Anutunöŋ solanŋi malbingö mörakzawi, neŋön miangö dop gölmeŋi gölmeŋi liliköba miangöreŋ ahakmeme sarakŋi mi pöndaŋ wuatangöba malin. Eŋgö sutŋine mi mönö kapaŋ köla törörök wuatangöba malin. Mi gölme ambazip mötkutukutuninaŋgö dop qahöpmö, Anutugö kalem möriamŋan inahöm neŋgiyöhangö dop mi aka mamba malin. Anutunöŋ ahakmemeni mi eka naŋgöba “Dop kölja,” jiiga urukezapnan keu mi mörakzal aiga miangöra silenini mamba öŋgömakzin.

¹³Kulem ohomakzali, miangö keuŋi pakpak mönö ölöp oyonŋda möt asarimeangö dop akza. Keuni mi geŋmoŋi qahö. Keu könaŋi asa-asambötŋi kun qahö ohomakzal. Mi aukŋeyök ahöza. Miangöra nöŋgö könani mi körek möt asarim tekömegöra möta jörömqöröm akzal.

¹⁴Nöŋgö könani mi lök bahösapsap kewö möt asarize: Kembunini Jisösnöŋ kunbuk kamawi, nöŋön mönö nalö miangöreŋ engöra aka sileni mamba öŋgömam. Miangö dop iŋini mewöyök ölöp nöŋgöra aka silenini möpöseigetka dop köлма. Iŋini nöŋgö könani mewö möt asarim tekömegöra mötzal.

¹⁵Nöŋön keu miangö qakŋe awösamakak kinalangöra aka mutuk engöreŋ kaba engekŋamgö areŋi alal. Indimŋi yahöt engekiga kötumötuet mötmegöra aka köna anmamgö areŋi kewö albi ahöyök: ^{16c}Masedonia prowinsnöŋ anmamgö könanöŋ mutuk

iñini eņgeka toroqeba Masedonia anda lilingöba kunbuk engöreņ kamamgö jial. Kaba malbi yuai tosatņi bauköm niņgiba melaim niņgigetka eņgömosöta Judia prowinsnön anmamgö möral.

¹⁷ Areņni mewö albi ahöyökmö, mi uteköyal. Mewö aka an köl kam köl qakņe möndöba laņ qahö ahal. Nani areņni mi gölme ambazipkö dop nanaņgöra laņ mötmöriba qahö ahal. Mewö kude mötmöriime. Numbu ösum mohot miangönök “Oņ, ölop kamam!” aka “Qahö kamam!” keu yahöt mi mindiriba qahö jial. Mönö ahakmeme sarakņi wuatangömakzal.

¹⁸ Anutunön keu jiba miangö dop pöndaņ ahakzawi, neņön mönö yangö jeņe kewö jim köhöizin: Neņön nalö kunön “Oņ, mi ölop akin,” jim jöhöba miangö andöņe “Mi qahö akin,” pötagororoņ keu mewö meleņqeleņ qahö jiba malin.

¹⁹ Anutu Nahönņangö könaņi kewö: Nönjön Sailas aka Timoti yetpuk engö sutņine Kraist Jisösgö könaņi jim asariba malinga yaņön “Anutugö jitņi tem köl-mam!” aka “Qahö tem köl-mam!” keu jöl yahötyahötkö qakņe meleņqeleņda qahö kaba malökmö, Anutugöra keu jiba jöhöyöhi, miangöra mönö “Oņ!” jiba miangö dop aka memba malök.

²⁰ Anutunön jöhöjöhö keu (promis) sehiseņi dawik neņgiyöhi, qötöņini qahö mötzinmö, Kraistnön keu körek miengöra “Oņ!” jiba mem köhöiiga pöwöwöm ahöza. Miangöra Kraistnön mewöyök nam köl neņgi keu miengö öļņinan asuhui möta “Keu mi öļņa,” jibin. Mewö ahinga Anutugö qetbujaņan sehimakņa.

²¹ Anutu nanņak mönö nini aka iñini mohot mem köhöim neņgiiga Kraistpuk qekötahöba kin köhöibin. Yaņön mönö Buņa keu jim sehibingöra aka bedu mem neņgi maljin. ²² Anutunön urunine Uņa

Töröņi mekötahöiga yaņön oyaeņkoy-aeņ malbingö keuņi naņgöba jim köhöimakza. Anutunön mewö aka bujaņi akzinaņgö muņgem supapņi mi mekötahöm neņgiyök.

²³ Nönjön tembula lömböt eņgibileņbuköra möta zilaņ Korint engöreņ qahö lilingöba kayal. Mewö jiba Anutugö qetņi qetpi ölop keuni mi naņgöba jima. ²⁴ Silik denöwö aka Anutu möt narimakzei, miangöreņ kembu ak eņgimangö qahö mötzal. Mötnariņņinan lök töndangöm eņgiiga kin köhöimakze. Miangöra sösöņgai qakņe malmegöra bauköm eņgimangö möta embuk mohotņe urugö nup memakin. Mewö.

2 Mutuk engöreņ kaba siksauk ak-eraņgöra jim eņgibiga gamuņini möta wösöbirik aket. Miangöra engöreņ kabiga kunbuk mewö akebuköra möta urunan keu jöhöba köna anangö areņni uteköyal. ² Miangö könaņi kewö: Gamu qem eņgibi wösöbirik akeak ewö, daņön ölop uruni qesawölim niņgiiga kunbuk sösöņgai miwikņabileņak? Jaņjuņi-naņgöra aka jim eņgibi wösöbirik akeak ewö, tosatņan sösöņgai ak niņgibingö osigetka nanak mewöyök wösöbirik aka malbibileņbuk. Miangöra zilaņ kaba gamu qem eņgimangö töközal.

³ Kimbi köhöikņi mi könaņi kewögöra ohoba alal: Nönjön söņgaibiga körek eņön mönö nömbuk söņgaim. Nönjön iñini körek mewö uruyahötņi qahö möt narim eņgizal. Nönjön tosatņi engöra sösöņgai miwikņaimangö mötzalmö, kabiga könaņamņini sohoi laņ malgetka eņgeka wösöbirik akileņbuk. ⁴ Wösöbirik akņegöra kimbi mi qahö ohoyalmö, önöņi qahö uru jöpaköm eņgimakzali, iñini miangö könaņi möt yakömegöra mönö keu köhöikņi mi kimbinön ohoyal. Urunan engöra aka

waimanjat ketanji möta könjilij qakne tata imbilnan eriga ohoyal. Mewö.

Kunjan köna oŋgiröhi, yangö siŋgisöndokni mönö mosötme.

⁵ Kunöŋ siŋgisöndok aiga gamu aka wösöbirik asuhuyöhi, miaŋön mönö nöŋgö qakneyök qahöpmö, körek eŋgö qakŋine mewöyök öŋgöyök. Keu mi jim qaribi sohobapuköra mönö kewöyök jimam: Gamu miaŋön mönö körek dop köl eŋgii miaŋgöra gwötpuk me borom kun wösöbirik aket. ⁶ Könagesö öljan keuŋaŋgö likeŋji melen waŋgigeri, miaŋön mönö dop köl waŋgii uruŋi kunbuk melenök.

⁷ Nalö kewöŋe gamu aka wösöbirik keta bölökŋi möriga miaŋön jem keleleŋgöbapuköra mönö lömböt kude toroqem waŋgime. Lömböt qahöpmö, mönö kapaŋ köla siŋgisöndokni mosöta urukölalep ak waŋgime. ⁸ Miaŋgöra kewö uru kuŋgum eŋgizal: Injini mönö keu jöhöba urukalemŋini kunbuk toroqeba köhöiba kondel waŋgiba malme. ⁹ Nöŋön kimhini mi kewögöra ohoyal: Injini nöŋgö keuni pakpak tem köla esapesapnöŋ kin köhöime me qahö tem köla töteköba etme, miaŋgö könaŋi kewöta mötmamgöra möta mi ohoyal.

¹⁰ Injini kungö siŋgisöndokni mosötze ewö, nöŋön mi mewöyök mosöt waŋgizal. Bölöŋi ak niŋgiyöhi, miaŋgöra qahö mötpi öŋgözapmö, eŋön kunbuk ölöwaka mindirim aŋgumegöra mötzal. Miaŋgöra bölöŋamŋi mi lök Kraistkö jeŋe ölja mosöt waŋgibiga teköyök. ¹¹ Satanöŋ areŋi ala silenöŋ alal könaŋi könaŋi ahakzawi, miaŋgöra tönpin qahö maljal. Miaŋgöra Satanöŋ luhut al neŋgibapuköra aka azi miaŋgö siŋgisöndokni mönö mosöt teköme. Mewö.

Polnöŋ Troas mala Taitusgöra waimanjat mörök.

¹² Nöŋön Kraistkö Ölöwak Buŋaŋi jim sehimamgöra aka Troas taonöŋ anbiga Kembunöŋ naŋgu öröm niŋgiiga nupŋi miaŋgöreŋ memamgö amqeyök. ¹³ Mewö amqeyökmö, urumeleŋ alani Taitus qahö miwikŋaibi keuŋini qahö jii möralaŋgöra aka waimanjat möta luainöŋ urune qahö ahöyök. Miaŋgöra yaizözköŋkini jiba eŋgömosöta Taitus jarumamgöra Masedonia prowinsnöŋ anal. Mewö.

Kraistnöŋ ösum neŋgiiga luhut alakzin.

¹⁴ Neŋön Anutu kewögöra möpöseimakin: Kraistkö buŋa aka welenŋi qeinga Anutunöŋ nalö dop suahö galöm ewö aka neŋguaŋgiriga anda köiraŋ kölakzin. Luhutnöŋ plaua juranaŋgö wörönŋi ölöŋŋi memba kaiga mörakzin. Miaŋgö dop Anutunöŋ nam köl neŋgiiga denike denike liliköba Kraistkö könaŋi jim asariinga aukŋe asuhum sehiba aniga gölme dop mörakze. Miaŋgöra Anutu möpöseimakzin.

¹⁵ Miaŋgö könaŋi kewö: Neŋön ambazip Suep mire öŋgömei aka könöp sianöŋ gemei, yeŋgö sutŋine anda kainga wörönini sarakŋi mörakze. Kraistkö könaŋi jim sehiinga Anutunöŋ nupninaŋgö wörönŋi möt ölöwahakza.

¹⁶ Könöp sianöŋ gemei, yeŋön Buŋa keunini mötketka miaŋön keuŋini jim teköiga kömum köhöimegö möta mönö qamötkö mumu wörönŋi ewö akza. Suep mire öŋgömei, yeŋön Buŋa keunini mötketka oyaekŋoyaek eŋgimapkö möta mönö malmal kömbönaŋaŋgö wörönŋi umköhöwakŋambuk ewö akza. Daŋön nup mewöŋi memawaŋgö dop

akza? ¹⁷ Ambazip tosatņi gwötpukņan mönö ni ewö qahö akze. Yeņön malmalņini naņgöbingöra möta Anutugöreņ keu mi kölköl-örörö ewö laņ memba ala jimakze. Nöņön yeņgö dop qahö ahakzalmö, Kraist qekötahöba köņbiņ mosöta uruni sarakņi aiga kinjal. Anutunöņ melaim niņgiyöhi, mi möta yaņgö jemesoholņe kinda Buņa keuņi törörök jim sehimakzal. Mewö.

Jöhöjöhö areņ dölökņaņgö nup meme ambazip akzin.

3 Nanak könaņamni kunbuk könahiba jim ölöwakņamaņgöra mötmörize me? Mi qahö. Nup meme ambazip tosatņan Korint eņön yeņgö könaņini mötmegöra möta jim ölöwak kimbi ohobingö kapaņ kōlakze. Tosatņan Korint eņön yeņgö könaņini naņgöba jiba jim ölöwak kimbiņi kimbiņi ohomegöra iņini kuņgum eņgimakze. Nöņön nupni diņdiņanök mealaņgöra jim ölöwak kimbi mewöņaņgöra qahö osizal. ² Anutunöņ Korint iņini böröne al eņgii letota wölböt kötņi aka naņņinak nöņgö jim ölöwak kimbini ewö akze. Anutunöņ nöņgö jim ölöwak kimbini mewö ohoiga ambazip köreķņan silik tandökņini dölökņi mi eka oyoņmakze.

³ Iņini Kraistkö papia kimbi ewö akzei, miaņön aukņe ahöza. Mosesnöņ Köna keuņi naņim oņi iņk miaņön köt tafenöņ ohoyöhi, iņini miaņgö dop qahö akzemö, Kraistnöņ kimbiņi eņgö uruņinaņgö tafene kewö ohoi kinje: Neņön nup meinga öļņi asuhui Kraistnöņ Anutu malmal köhöikņi Toņaņgö Uņaņi uruņine ali letotket. Ambazipnöņ nupninaņgö öļņi mi eketka miaņön baukōm eņgiiga nupninaņgö könaņi möt asarimakze.

⁴ Kraistpuk qekötahöinga Anutunöņ nupninaņgö tandökņi mötza. Miaņgöra

nup meinga iņini Kraistkö buņaņi ak-eri, mi ölöp Anutugö jeņe awösamkakak kinda jizin. ⁵ Nanini köhököhöi qakņe nup ölöppņi ki Anutugö jeņe membi-naņgö dop akzini, mewö ölöp qahö jibin. Nanini yuai kunöņ qahö lapingōmakzinmō, Anutunöņ naņņök inahöba mötmöt neņgiiga nup ki memakzin.

⁶ Anutunöņ inahöba mötmöt neņgiiga jöhöjöhö areņ dölökņaņgö nup meme ambazip akzin. Mosesgö Köna keuņaņgö kulemņi mohot mohotköra urukōnōp akinak ewö, keu miaņön mönö keunini jim tekōiga kōmum köhöibinak. Uņa Töröņaņgö nup areņi jim asaringa yaņön mem gulim neņgiiga mal köhöibin. Miaņgöra Köna keugö areņi miyök wuatanaņgōmegöra qahö kapaņ kōlakzinmō, Uņa Töröņi möt aņgōn kölmegöra uru kuņgum eņgimakzin. Mewö.

Jöhöjöhö areņ dölökņaņgö nupņi mi akōdamuņņambuk.

⁷ Anutunöņ Köna keuņi jiba kulemņi kötnöņ möndōmgōba ohoyōkmō, ambazipnōņ mi qahö tem kōlgetka Anutunöņ keu miaņgö dop kewōta likeņņi meleņ eņgiiga kōmumba köhömuņi mala kotket. Anutunöņ mutuk Köna keuņi neņgiiga nalō miaņgōreņ asakmararaņan Mosesgö jemesoholņi qei asariyök. Asakmararaņ miaņön waziba ayapkōmawaņgö dop ahōkmō, mi tōndup Israel ambazipnōņ jemesoholņi törörök uba ekingö dop qahö aket. Gwötpuk asariyōhaņgöra mi osiget. Köna keugö Buņa areņ walņaņ lōk mewö asakmararaņambuk asuhuyök.

⁸ Mewö asuhuyōkmō, Uņa Töröņaņ Buņa areņ dölökņi neņgii miaņgö asakmararaņan asuhumawi, miaņön mönö jöhöjöhö areņ walņaņgö

asakmararaŋi oŋgita önöŋi qahö asariba jenini gamugamu ahakŋa. ⁹Mutuk Mosesgö Köna keu asuhuba kewöt neŋgiiga miangö dop könöp siagö buŋaya akzin. Buŋa keu mi lök aködampungambuk asuhuyök. Miangöra Anutunöŋ keunini kewöta jim teköi solanibini, Buŋa keu miangö aködampungan mönö keta bölökŋi akza. Miangön jöhöjöhö areŋ walŋangö aködampungni mi gwötpuk oŋgita qetbuŋampungambuk akza.

¹⁰Buŋa nup walŋan mutuk aködampungambuk ahökmö, mi Buŋa nup areŋ dölökŋambuk mindiriba kewöriŋa walŋi miangön mönö qetbuŋaŋi qahö akza. Uŋa Töröŋangö nup areŋ miangö aködampungan öŋgöŋgöŋi akzawangöra nup areŋ walŋan mönö yuai omaŋi ewö akza.

¹¹Anutu amötqeqeŋangö köna walŋan lök waziba ayapkömawangö dop ahök. Miangön lök asakmararaŋambuk asuhuyök. Miangöra köna dölökŋi teteköŋi qahö ahöm öŋgömawi, miangö asakmararaŋan mönö köna mutukŋangö asakmararaŋi mi önöŋi qahö oŋgita jenini gamugamu ahakza.

¹²Jöhöjöhö dölökŋan teteköŋi qahö bauköm neŋgiiga asakmararaŋan asuhumawi, mewö Anutu jörömqöröm al wangimakzin. Miangöra keŋgötnini qahöpmahöp möta awösamakakak kinda keu mi kusum eŋgimakzin. ¹³ⁱMosesnöŋ Israel ambazip asakmararaŋ waziba ayapköyöhi, mi ehibepuköra manjat möta jemesoholŋi opo jahönŋan esuhuyök. Neŋön miangö dop qahö ahakzinmö, Buŋanini aukŋeyök jimakzin.

¹⁴Buŋa walŋangö asakmararaŋi eketmö, uruŋinan töndup gwözöŋni laŋ mala kotket. Nalö kewöŋe mewöyök

yuai kunŋan mönö opo jöhan miangö dop Juda ambazip gwötpuk yengö uruŋini gwözöŋni malje. Miangöra Jöhöjöhö Walŋangö Buŋa keuŋi keuŋi oyonŋei, miengö könaŋini mi törörök qahö möt asarimakze. Uruŋini meleŋda Kraistpuk toroqegetka mewö miangönök mönö opo jöhanŋini mi qeköi möt asarime. ¹⁵Nalö kewöŋe mewöyök Mosesgö Köna keuŋi oyonŋetka yuai kunŋan mönö opo jöhan ewö uruŋini gwözöŋni mötmötŋinan lömbörii malje.

¹⁶^jMewö maljemö, Buŋa Kimbigö keu kun kewö ahöza, “Mosesnöŋ ‘Kembubuk eraum mötpit,’ jiba opo jöhanŋi mesoholŋeyök qeközapma.” Keu mewö ahöiga yengöreŋök kunŋan uruŋi meleŋda Kembubuk toroqezawi, nalö miangöreŋök mönö yuai opo jöhanŋangö dop mi qeköi Anutugö amötqeqeŋangö könaŋi möt asarima. ¹⁷Keu miangön “Kembugöra” jiba mi mönö Kembugö Uŋaŋangöra jiza. Kembugö Uŋa Töröŋan denike yengö uruŋine maljawi, yaŋön mönö siŋgisöndokŋinangö kösöŋi pösariga solanŋi (fri) malje. (Mewö mala solanŋi diŋdiŋi akingöra Köna keu wuatangöbingö qahö kapaŋ kölakze.)

¹⁸Miangö dop urunini meleŋninga Kembugö asakmararaŋan körek neŋgö je mesoholnine kuŋguiga bilikbilik aliga jenini qahö esuhuinga ambazipnöŋ neŋgeka Anutugö aködampungni qetpuk mi piliknöŋ uba ehökö tandök ehakze. Nini mi qarim sehiba ehakŋeangö dop letorakin. Mewö letota aködampungni qetpuk mi qariba asariba Kembugö tandöktandök ahakin. Kembunöŋ Uŋaya akzawi, yaŋgö asakmararaŋan mönö mewö mem letot neŋgimakza. Mewö.

**Nini kouranjen ewö ahinga Uᅇa
Töröᅇan ölnᅇi akza.**

4 Anutunöᅇ ak kömum neᅇgiyöᅇanᅇö dop nup ki qaknine ali memakzini, miaᅇᅇöra mönö böᅇ kininga uruninan qahö etma. Qahö! ² Neᅇön nup memegö köna tölapᅇi gamuᅇinambuk mi körek andö qein. Tilipqilip qahö aka Anutugö keuᅇi qahö möwöramᅇömakzinmö, keu ölnᅇi mi aukᅇeyök alakzin. Mewö Anutugö jemesoholᅇe ambazip uruölöwak möt neᅇgimeᅇöra kininga jim ölöwak keuninan asuhui köreᅇᅇan keunöᅇ törörök jim neᅇgibingö osimakze.

³ Mewö ahakzinmö, iᅇini tosatᅇan kewö jimakze, “Polnöᅇ Ölöwak Buᅇaᅇi mi esuᅇambuk jimakza.” Mewö jibileᅇak ewö, esu miaᅇön könöp sianöᅇ gemei, mönö yeᅇᅇö uruᅇine ahöba miaᅇᅇöra ᅇwözöᅇniga qakömakze.

⁴ Kraistnöᅇ Anutugö imutᅇi akza. Kraistkö aködamunᅇi mi nanᅇi Ölöwak Buᅇaᅇan indela asakᅇi ewö asarimakzapmö, yeᅇᅇö jeᅇinan ömuᅇ köli jipjap ahakza. Nalö kewöᅇe bölöᅇanᅇö Kambuᅇi gölme dop galöm köl eᅇgimakzawi, yaᅇön urumelengö kopa ambazip yeᅇᅇö mötmöt jeᅇini mem gömöliiga laᅇ malje. Miaᅇᅇöra Ölöwak Buᅇaᅇö asakᅇi ek asaribingö osimakze.

⁵ Nani qetbuᅇanan qarimapkö Buᅇa keuᅇi qahö jim asarimakzalmö, eᅇön Kambu Jisös Kraistkö könaᅇi möta jitᅇi tem kölmegöra uru kuᅇgum eᅇgimakzal. Neᅇön Kambuᅇö jitᅇi wuatᅇaᅇöba iᅇini welen qem eᅇgimakzin.

⁶ Könaᅇi kewögöra welen qem eᅇgimakzin: Anutunöᅇ mutuk kewö jim kutuyök, “Asaknan mönö söᅇaup qeiga asarima.” Mewö jiyöᅇanön mönö Buᅇaᅇanᅇö asakᅇi

ali urunini qeiga asariyök. Kraistnöᅇ ahakmemenᅇi aka meiga Anutugö asakmararaᅇan jemesoholᅇe asarii ekeri, Anutunöᅇ nini miaᅇᅇö könaᅇi möt kutubingöra kapaᅇ kölakza. Asakᅇanᅇö könaᅇi jim sehibingöra aka asakᅇi mi neᅇgiyök.

⁷ Asakᅇan urunini qei asariinga mötkutukutu miaᅇᅇö bohonᅇi mi milyön kina oᅇgita öᅇᅇöᅇᅇi akzapmö, silenini mi kouranjen ewö amᅇeba julakza. Anutu asakᅇan mönö sile mewöᅇanᅇö uruᅇe ahöza. Ambazipnöᅇ miaᅇᅇö könaᅇi ekᅇegöra Anutunöᅇ areᅇi al neᅇgiyök. Dopkeu miaᅇᅇö könaᅇi kewö: Kukösum önöᅇi qahö al neᅇgimakzawi, mi neᅇgöreᅇök öne asuhumakzawaᅇᅇö dop qahöpmö, Anutunöᅇ mönö miaᅇᅇö Toᅇi akza.

⁸ Eu emu likep likep miaᅇᅇögöreᅇök lömböt könaᅇi könaᅇi qaknine öᅇᅇöba qölölömbörim neᅇgigetka wahöjalin mörakzin. Mi mörakzinmö, töndup mieᅇön qahö qözöjahöm neᅇgigetka erakzin. Nalö tosatᅇe juᅇ ewö waᅇᅇöᅇne qaköba köna qahö miwikᅇaimakzinmö, töndup tötböröm qahö ahakzin.

⁹ Ambazipnöᅇ sesewerowero ak neᅇgimakzemö, Anutunöᅇ andö qahö neᅇgumakza. Ambazipnöᅇ mulumᅇöm neᅇgimakzemö, töndup qahö ayuhumakzin. ¹⁰ Jisös qem kömugeru, miaᅇᅇö dop nini mewöᅇanök buᅇaᅇi jim sehimakzinaᅇᅇöra aka neᅇguget kömumbinbukö möta anda kaba maljin. Jisösbuk mal köhöininga inahöm neᅇgimakzawi, ambazipnöᅇ miaᅇᅇö könaᅇi möt kutumegöra aka mewö malbingö urumohot akzin.

¹¹ Gölmeneᅇᅇ jebuk mala Jisösgö nupᅇi memakzinaᅇᅇöra aka nalö dop kömumbingö dop akzin. Sileninan kömumawaᅇᅇö dop akzapmö, Jisösöᅇ uru-

nine mal köhöiba silenini mem guli-makzawi, ambazipnön miangö ölni ek asarimegöra aka kinjin. ¹²Nini nalö dop sihimbölö möta kömumbingö dop ahakzinmö, nönön engö sutjine nup memba malali, eñön miangöra aka guliba malmal köhöiknje aḡgota mal öḡgöme.

¹³Sumbara (Sam) kunön keu kewö ohoget ahöza, “Anutu möt nariba kömupnöhök meköm niḡgimapkö köuluköba malal.” Neñön keu miangö dop kömupnöhök meköm neḡgimapkö möt narizin. Mötnaripkö Uḡa Töröñi miyök buḡa qem aḡguzinaḡgöra neñön mönö mewöyök keunini jiba köulukömakzin. ¹⁴Anutunön Kembu Jisös mem gulii kömupnöhök wahöröhi, yañön mönö nini mewöyök mem gulim neḡgii wahöta Jisösbuk öḡgöinga jemesoholje al neḡgii embuk mohotje mal öḡgöbin. Mi mötzinaḡgöra aka keunini jiba köulukömakzin.

¹⁵Keunini jiba köuluköinga Anutugö kalem möriamḡan toroqeba ambazip sehisehiñi dop köl eḡgima. Mewö aiga yeñön amqeba Anutu keleḡmaleleñ möpöseigetka qetbuḡañan sehimakza. Eñön mewöyök Anutu möpöseim sehimegöra mötzal. Miangöra lömböt könañi könañi bisiba aum-möriba maljin.

Mötnarip malmalḡaḡö tandök mi kewö:

¹⁶Nini mem gulim neḡgimapkö möta mönö böñ qeba kininga uruninan qahö etma. Ölna silenini ewö waziba soholimakzinmö, mi töndup urunini ewö nalö dop kölöḡaimakzin. ¹⁷Mi kewögöra: Gölmenön kahasililiñ nalö töröptökñi möta malbinmö, miangö andöñe asakmararañ öñöñi qahö miwikḡaiba teteköñi qahö oyaḡkoyaḡ

malbin. Asakmararañ aka kahasililiñ yahöt mi kewöt etkiinga asakmararañ miangön mönö öḡgöḡöñi aiga gölmegö kahasililiñ könañi könañi mi möringa awamñi aka eretñi akza.

¹⁸Ambazip aka öryuui jenön ehekñi mi nalöñini teköi ayapkömemö, Suep mirigö öryuuiñi nalö kewöñe qahö ehakzini, miñön mönö nalö teteköñi qahö ahöm öḡgöme. Miangöra neñön jeninan ehekñi mia qahöpömö, qahö ehekñi mönö miḡgöreñ göröken uba eḡgehakzin. Mewö.

Polnön Suepkö oyaḡkoyaḡ kounmönḡ anmamgö mörök.

5 Neñön keu ki mötzin: Gölme sileḡö oḡo seri kounḡe malinga kömupnön mi köndeḡniga etmawi, Anutunön nalö miangöreñ sileḡö miri dölokñi nanḡak meiga Suepnön ahömawi, mi buḡa qem neḡgiiga miangöreñ malbin. Sileḡö miri qainñi kun mi teteköñi qahö köhöikñi ahöm öḡgöma.

²Keu mi möta nalö sutje kiangöreñ letotpingö osoḡgom köla Suep malmal mirinine öḡgöbingö möta awöweḡgömakzin. ³Suepnön öḡgöinga sile qainñi kunön löḡḡöt neḡgii tatpini, nalö miangöreñ mönö uḡa sile meinga kunḡan aukñe qahö miwikḡaim neḡgima.

⁴Gölme sile ki qekömegöra qahö mötzinmö, Suep malmal mirinine öḡgöba silenini dölokñi membingö awöweḡgömakzin. Sile ki kömumawi, mi malmal köhöikḡan gwahöri qahöwahiga Anutunön salupñe oyaḡkoyaḡ sileya neḡgimapkö mötzin. Miangöra nalö kewöñe seri koun kiangö uruñe mala urulömbötnini bisiba letotpingö osoḡgom ahakzin. ⁵Anutu nanḡak Suep sile membingöra möta miwikḡaim neḡgiba Uḡa Töröñi

urunine aliga oyaenƙoyaen akingö dangunuƙi akza.

⁶Miaŋgöra neƙön mönö nalö dop ewebibininambuk saitingit mal köhöiba kewö mörakzin: Sileninangö malmal kounnine ki malbini, nalö miaŋgö dop eu Suep malmal mirinine Kembu Jisös-buk qahö malbin. ⁷Nalö kewöŋe Suep mirigö öröyuaini qahö uba engehakzinmö, töndup mi möt nariba miaŋgö dop aka memba malinga nam köl nenƙimake. ⁸Miaŋgöra ewebibininambuk köhöiba sileniningö malmal kounni ki mosötpingö kapaŋ köla mirinini ölni eu öngöba Kembubuk malbingö mötzin.

⁹Miaŋgöra mirinine ki me eu malbini, neƙön mönö urunini Kembu Jisös uruölöwak ak waŋgibingöra jöhöba miaŋgöra köhöiba kapaŋ kölakzin. ¹⁰^mMiaŋgö könaŋi kewö: Körek neƙön mönö Kraistkö keu jakeŋe asuhubin. Gölmenöŋ silebuk mala Kembangö jitsihitŋi dopŋe tem kölini me qötömötötaŋ ahini me önewat laŋ malini, nanƙak mönö keunini mi kewöta miaŋgö dop töwanini nanƙök nanƙök neŋgii buŋa qem aŋgubin. Mewö.

Ambazip Anutubuk urumohot akŋegö nupŋi memakzin.

¹¹Kraistkö keu jakeŋe kinbini, neƙön mi möta Kembangö mötmötŋi onƙitpinbuköra keŋgötnini mörakzin. Mi mötzinangöra ambazip könanini sarakŋi mötmeğöra kapaŋ köla uru kuŋgum enƙimakin. Könaninan mönö Anutugö jeŋe aukŋe ahöza. Nöŋön tilipqilip azia qahö, enƙön mewöyök mi uruŋinan möt yakömögöra möta jörömqöröm akzal.

¹²Mewö jiba nanini jim ölöwak keunini mötmegöra kunbuk qahö kapaŋ kölakzalmö, könanini miyök jim asarim enƙimamgö mötzal. Inini mi möta ölop

neŋgö silenini mi böhi takapulakaŋi yeŋgö jeŋine möpöseigetka dop kölma. Yeƙön yuai enƙö uruŋine ahözawi, miaŋgöra qahöpmö, sileniningö yuaiŋi jeŋöŋ ekingö dop akzawi, mönö miaŋgöra aiweliköba nanŋini silenini memba öngöba keu laŋ jimakze. Miaŋgöra keuni ki jizal. Enƙön yeŋgö keuŋini gilipitŋi (ambetakŋi) mötzeangöra mönö neŋgö könanini jim asariba törörök meleŋ enƙime.

¹³Enƙön nöŋgöra “Urusohop tandök ewö akza,” jiget ewö, nöŋön mönö Anutu nupŋangöra aka urukönöp aka malal. Tosatŋan nöŋgöra kewö jize, “Urukönöpŋi qahöpmö, keuŋi ösöŋök jimakza,” Mewö jize ewö, mi mönö inini bauköm enƙibingöra aka ahal. Miaŋgöra ölum enƙubapuk.

¹⁴Miaŋgö könaŋi kewö: Kraistnöŋ jöpaköm neŋgimakzawi, miaŋön mönö kondota kuŋgum neŋgiiga nupŋi memakin. Azi mohotnöŋ körek neŋgö salupnine neŋgö kömupnina kömuyök. Miaŋgöra siŋgisöndokninangö likeŋŋi qahö meleŋ neŋgiyökmö, körek neŋgö siŋgisöndoknini mosöri toroqeba köhömuŋi qahö akzin. Keu mi möt asariba möt yaközini, Kraistkö urukalemŋan mönö körek nini jölöngöba nupŋi memingöra kuŋgum neŋgimakza.

¹⁵Yaŋön mönö kewögöra körek neŋgö salupnine kömuyök: Gölmenöŋ jebuk maljini, neƙön mönö malmalnini toroqeba naninaŋgörök malbinbuk. Mewö qahöpmö, kun neŋgöra aka kömumba wahöröhi, malmalnini mönö yaŋgöra tököba ala malbingöra kömuyök.

¹⁶Miaŋgöra urunini meleŋnini, nalö miaŋgöreŋök könahiba ambazip silesile qahö kewöt enƙizinin. Ambazip kun gölmenöŋ silikŋangö dowök qahö möt kutum waŋgizinin. Mutuk Kraist kewöta

möringa gölme azi töhön ahökmö, nalö kewöñe möt kutum wañgiinga Suepkö Amötqeçe Tonina akza. ¹⁷Miañgöra kunñan Kraistpuk qekötahöza ewö, yañön mönö ahuahü dölökñi ahüba dömjñi dölökñi akza. Malmal walñan ayapköiga malmal dölökñan mönö salupñe asuhum wañgiza.

¹⁸Mewö maljapmö, yuai pakpak miañgö kondotkondot Tonji mi Anutu. Yañön Kraist melaiiga töwanini qeba neñgömeiga Anutu nanñambuk urumohot akingö könani möwölöhöyök. Köna mewö asuhüiga Anutunöñ nup neñgiiga neñön ambazip Anutugö alaurupñi akñegöra jölöñgöba kuñgum eñgimazñin.

¹⁹Anutubuk urumohot akingö könani kewö: Kraistnöñ eta gölmeñi gölmeñi neñgö töwanini qeiga dop köli Anutunöñ neñgömeiga alaurupñi ahin. Köna oñgita mala korini, siñgisöndok miengö keuñini qahö oyoñda mötmöröba likepñi qahö meleñ neñgiyök. Anutugö alaurupñi ahinga möt narim neñgiba Kraistkö töwagöra aka Anutubuk urumohot akingö Buña keuñi mi börönine alök.

²⁰Mi aliga Kraistkö jitñjememeurupñi akzin. Anutunöñ keu sañep al neñgii miañgö dop ambazip uruñini kuñgum eñgimazñin. Kraistkö jitñji memba kapañ köla kewö qesim eñgimazñin: Mönö Kraistkö töwanji buña qem añguba Anutugö alaurupñi akñe. ²¹Anutunöñ körek neñgö siñgisöndokninañgö keuñi jim teköba likepñi meleñda Kraist siñgisöndok kun qahö ahöhanñgö qakñe ali öñgöiga salupñine sihimbölö mörök. Kraistkö sihimbölöñi miañgöra aka yañgöreñ qekötahöinga Anutunöñ ölöp keunini jim teköi solanibin. Mewö.

6 Nini Anutu nanñanñgö nup meme alaurupñi akzinañgöra aka uruñini

kewö kuñguzin: Anutugö kalem möri-amñan omañi akapuköra mi mönö buña qem añguba malme. ²ⁿAnutunöñ keu kun kewö jii Buña Kimbinöñ ahöza, “Gehorimamgö nalönan kam kuñguiga nöñön köuluki möral.

Amötqeçe nalönan kam kuñguiga miañgöreñ bauköm gihial.”

Keu mewö ahöiga mötket! Nalö dölki-añön mönö Anutugö amötqeçe nalöñi akza. Anutunöñ eñgehörimamgö möri nalönan kam kuñguiga ak-kömükömuñi mi mönö dölki buña qem añgume. Mewö.

Polnöñ kahasililiñ könani könani miwikñaiyök.

³Neñön mönö kungö uruñan neñgöra aka bölii etpapuköra galömnini mem añgumazñin. Jim neñgigetka nupñinan keuñambuk aka etpapuköra mewö ahakzin. ⁴Anutugö nup meme ambazip ölöp sorokñi akzini, ahakmeme pakpkninan mönö mi kondelakza. Kahasililiñ aka jangauranga könani könani ak neñgigetka wahöjalini uruñe maljinmö, miañgöreñ mönö mökösoñda kapañ köla kin köhöimazñin.

⁵Ihilek wahinambuknöñ neñguba köso miriñi miriñi miañgöreñ al neñgigetka malin. Karimñi karimñi asuhügetka miañgö uruñe kömumbinbukö keñgötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

⁶Ahakmeme sarakñi wuatañgöba Anutugö sihimñi möt asariba lömböt möta mökösoñda ambazip ala ak eñgimazñin. Uña Töröñan urunini kokolak qeiga sutñine geñmoñi qahö jöpaköm eñgiba maljin. ⁷Keu öñjanök jiinga Anutugö kukösumñan bohon köl neñgiiga ahakmeme solanñanñgö

timbi saiwanji meinga börö ölnine aka qaninine ahöiga kinjin. Mewö kinda likep Buja keu jim sehiba likep keu munenji silenine algetka mianğö likepni jim mindinğöba malin.

⁸ Qetbuja neŋgigetka silenini qahö möpöseimakzin. Yom jiba gamu qem neŋgigetka uruninan qahö erakza. Neŋgöra kösohot ölopni kösohot bölöni mi laj jimakze. Munenji jiji ambazip ewö ak neŋgimazkemö, töndup keu öljanök pakpak jimakzin.

⁹ Ambazipnönj kónanini ölop möt kutumazkemö, töndup tosatjan nönönğan aka nesampurek ak neŋgimazke. Nalö tosatje kömumbingö aka malinmö, töndup toroqeba jebuk maljin. Kegwek-kahasililiğ ewö neŋguba malgetmö, töndup qahö kömuin. ¹⁰ Wösöbiriknönj neŋguiga töndup nalö dop söŋgaiba maljin. Wanapni mala töndup ambazip gwötpuk baukôm enjiinga uruŋinan pomni ahakze. Gölmegö sukinapnini qahöpmö, töndup oyaenköyaen pakpak buja qem aŋguba pipsimbawon maljin.

¹¹ O Korint ambazip, neŋön mönö uruninangö nanğunji enğöra öröba keu kun qahö kölin geiga kónanini aukŋeyök jibiga mötze. ¹² Enön neŋgö urumötmötnini mötpepuköra mi qahö aŋgön kölakzinmö, neŋön enğö uruŋini möt-pinbuköra mönö nanjnanök aŋgön köl aŋgumakze.

¹³ Nönjön urumötmötni enğibiga enjön mönö mianğö likepni mewöyök törörök niŋgime. Nönjön nahönböraturupni ewö tandök keu enğöra kewö jiba ohozal: Injini mewöyök mönö nanjini uruŋi-

nanğö nanğunji öröba urukalemŋini mi sehiba kondel neŋgime. Mewö.

Mötnariŋnini qahö yembuk kude qekötahöme.

¹⁴ Ambazip uruŋini qahö melenğeri, yembuk mönö uruŋini kude jöhöba^{§§} örörönj kude malme. Malmal solanji aka malmal gonğoni mi nanjök nanjök akzahot. Mi mindirim etkibingö osibin. Söŋaup aka asakji mi mohotje qahö akzahot. Qahö! ¹⁵ Kraist aka Katakömulat (Satan) yetkôn mönö urumohot aka mohotje malbitkö osimahot. Mianğöra urumelenj ambazip kunjan ahakmemenji urumelenğö kopa ambazip kun yambuk mohotje mindiriba akitkö osimakjahot. ¹⁶ PAnutu nanjak keunji kun kewö jii ahöza,

“Nönjön kónagesöni yeŋgö uruŋine mala sutŋine anda kaba Kembuŋini ak enğibiga yeŋön nönğö weleni qeba möpöseim niŋgiba malme.”

Keu mianğö dop Anutugö Uŋajan uruŋine maliga sileninan Anutu malmal köhöikni Tonangö jikenji akza. Anutunönj nanji jöwöwöl jikeŋe tandö lopionj möpöseibingö soŋgo ali ahöi osimakzin. Anutugö jikenji aka asa jikenji mi inanjök inanjök. Mianğö dop neŋön urumelenğö kopa ambazip yembuk qekötahöbingö soŋgo ali ahöi osimakzin.

¹⁷ Mianğöra injini mönö Kembunönj keu kewö jiyöhangö dop akŋe,

“I mönö enğömosöta yaigep kaba kambu nanji kun malme.

Aŋgöjörakŋinambuk ahakzei, mi mönö kude enğoseigetka nönjön möt

§§6:14 Könjön me mötöp (yoke) mi hos me bulkamau yahötkö imbiŋire alget geiga kare me kinönj yuai örömakzahot. Mewö nanjiri imbi-imbi akitkö osimakzahot. Mewö janjuj anbanbuk.

¶6:16 Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9

angön köla köyan köl engiba malmam.

¹⁸Nöñön mönö Iwiñini akiga iñini nöñgö nahönböraturupni aka malme.

Kembu kukösüm pakpakö Toñan mewö jiza.” Mewö.

7 O wölböt alaurupni, Anutunöñ mönö köyan köl neñgimamgö keuñi mewö jöhöm neñgii ahöza. Mianğöra yuai sile uñanini mem tölöhozawi, neñjön mönö mi körek qeköbingöra Kraist köulukoinga amöt qem neñgima. Anutugö jitñi oñgitpinbuköra mönö keñgötnini möta kapañ kölinga mem solanim neñgiiga sarakñi ak teköbin. Mewö.

Uruñini meleñgerağöra Polnöñ uruölöwak mörök.

²Neñjön kun qahö mem bölim wañginga ayuhuyök. Kun qahö geñmororoñ ak wañgiin. Mianğöra eñön mönö uruñinağö nañgunji öröba nini urunöñ jöhöm neñgiba malme. ³Tosatñan sutñine nup memba silenöñ alal keu mewö jiba jim neñgigetmö, nöñjön keu mi engö keuñini jim teköba likepñi meleñ engimamgöra aka qahö jizal. Nöñjön lök keu kewö jibi mötket: Neñjön uruninağö nañgunji öröba iñini uruninan jöhöm engimakzin. Mewö aka ölop embuk öröröñ jöhöba kömumbin aka öröröñ mal köhöibin.

⁴Engö uruyahöt qahö mötnaripni ketañi engiba maljal. Engö silenini mönö gwötpuk möpöseimakzal. Engöra aka urukölalepni ketañi miwikñaizalağöra kahasililiñ könañi könañi möta mianğöreñ mönö töndup öñöñi qahö söñgaizal.

Masedonia prowinsnöñ anda Taitusbuk aitongöit.

⁵⁹Taitus jaruba malalağöra* jiali, keu mi toroqeba jimam. Masedonia prowinsnöñ kañgota mianğöreñ mönö mewöyök uruluai miwikñaaimamgö osial. Denike denike anali, mianğöreñ mönö köñjiliñ könañi könañi miwikñaial. Anutugö bim qeba tosatñi yembuk añgururuk aka engöra waimanjat möta malal. ⁶Mewö malalmö, Anutunöñ urueret ambazip nañgöm neñgimakzawi, yañön mönö Taitus kayöhi, mianjön urukölalep ak niñgiyök.

⁷Taitusnöñ kayöhi, mianjönök qahöpmö, Korint eñön urukölalep ak wañgigetka yañön jii mötpiga Anutunöñ mianjön mewöyök urukölalep ak niñgiyök. Engö kösohotñini kewö jiyök, “Eñön ni nekingö köpösöngöba kinje. Wösöñini ölna möt niñgiba lömböt niñgigeragö keuñi jiba nöñgö likepne nañgöba jibingö jöjörömakze.” Kösohot mi jii möta urusösöngai keta bölökñi möral.

⁸Nöñjön uruñini Buña keunöñ kuñguba kimbi mi ohobi oyonđa nanñini möt bölim añgugeri, mianğöra qahö möt bölim añguzal. Mutuk möt bölim añguyali, mi töndup nalö kewöñe kewögöra kunbuk söñgaizal: Kimbi keunan uruñini mem bölii wösöbirik aketmö, wösöbirik mianjön mönö melenđa nalö töröptökñanök ahöba teköyök. Könañini mewö ehal.

⁹Nalö kewöñe iñini möt bölim añgugerağöra aka qahö söñgaizalmö, kewögöra söñgaizal: Iñini ahakmemeni-nağöra aka möt bölim añgugetka gamu wösöbirikñinan bauköm eñgiiga uruñini kunbuk melenđa diñgiget. Mi Anutugö jitñağö dop asuhuiga uruñinan mönö

*7:5 2 Kor 2.13 mianğöreñ Taitusgöra jiyök.

neŋgöra aka qahö böliyökmö, ölŋa bauköm enġial.

¹⁰ Siŋgisöndökninaŋgöra aka möt bölim aŋguzin ewö, gamu wösöbirik miaŋön mönö bauköm neŋgiiga urunini kunbuk melenġa diŋgibin. Diŋgibinaŋgöreŋ Anutunöŋ mönö neŋgungiri Suepnöŋ öŋgöbin. Miangöra kunŋan uruŋi melenġa miangöra qahö möt bölim aŋguma. Gölmö ambazip tosatŋan siŋgisöndokŋinaŋgö wösöbirik mörakzemö, Anutunöŋ mi mosötmapkö qahö qesime ewö, yaŋön mönö likepŋi melenġ enġiiga kömum köhöime.

¹¹ Eŋön Anutugö sihimŋaŋgö dop wösöbirik aketka gamu miangö ölŋan uruŋine ahui letotkeri, mi kewöta ek welipköba kewö jime, “Nini gönmönahotnini mosöta urunini tokoba urukönöp qakŋe wahöta kónanini sohosohoŋi kewöta mindiŋgöin. Ambazip siŋgisöndok akeri, miengöra uruninan wahöri sisit memba jim enġiin. Anutugö jitŋi oŋgitpinbuköra auruba keŋgötnini möta Polnöŋ kaba uru melenŋinaŋgö ölŋi ekŋapkö köpösöŋgöba malin. Urunini ahakmeme diŋdiŋi akingöra alin aka kunöŋ kóna qiwitipköyöhi, mi mindiŋgöm waŋgibingö jöjöröba malin.” Mewö jigetka dop köлма. Nalö kewöŋe kóna diŋdiŋi wuatangözei, mi kondel niŋgigetka ehal.

¹² Miangöra kunŋan sutŋine böliyöhi, iyök mindiŋgöm waŋgimegöra aka kimbini qahö ohoyal me kun i mem bölim waŋgiyöhi, iyök bauköm enġimegöra kimbi mi qahö ohoba alal. Mi kewögöra ohoyal: Iŋini Anutugö jemesoholŋe nömbuk urumohot akingö kapaŋ kölakzei, silik miaŋön mönö aukŋe asuhumapköra kimbi mi ohoyal.

¹³ Nani urukölalepni miyök qahö mötzalmö, Taitusgö uruŋan sutŋine

ölöwahi ehinga miaŋön mewöyök uruni naŋgöi önöŋi qahö söŋgaimakzal. Eŋön köreŋŋanök Taitus körö-ölöwak qem waŋgigerangöra söŋgaimakzawi, söstöŋgai miaŋön mönö mewöyök naŋgöm köl niŋgii miangöra önöŋi qahö söŋgaizal. ¹⁴ Nöŋön silikŋinaŋgöra sileŋini Taitusgö jeŋe möpöseiba malali, eŋön miangöra gamu qahö niŋgiget. Nöŋön enġö sutŋine mala keu pakpak jibi mötkeri, mi ölŋanök jial. Miangö dop enġö keuŋini Taitusgö jeŋe jim möpöseiba malali, keu miaŋön mönö mewöŋanök kónaŋini mindiŋgögetka ölŋi ahök.

¹⁵ Iŋini körek pakpak mönö nöŋgö keuni tem köla Taitusnöŋ kaiga sömbuŋinambuk möta jönömŋini undui köl öröm waŋgiget. Taitusnöŋ silikŋini mi mötmöriba keu jiiga uru ölöwakŋan enġöra aka qariiga köhöiba möpöseim enġimakza. ¹⁶ Nöŋön ahakmemeŋini pakpak mötmöriba miangöreŋ mönö ölöp enġöra aka ewebibinambuk möt köhöiba saitingit malmam. Miangöra söŋgaimakzal. Mewö.

Urumeleŋ alaurup naŋgöm enġibingö keuŋi

8 ¹O urumeleŋ alaurupni, Anutunöŋ kalem möriamŋi urumeleŋ könagesöŋi könagesöŋi miangöreŋ neŋgii ölŋan mönö Masedonia prowins uruŋe ölöpŋanök asuhuyök. Nöŋön iŋini miangöra gukmaulem malbepuköra möta kösohotŋi kewö jimam: ²Yeŋön kahasililiŋ miwikŋaiba mötketka lömbötŋambuk esapköm enġiiga wanapŋi kötökŋi maljemö, mi töndup önöŋi qahö söŋgaigerangöra aka urumeleŋ alaurup naŋgöm enġibingöra moneŋ naluk keta bölöŋŋi alget.

³Yeŋgö kónaŋini kewö naŋgöba jimam: Kunŋan qahö kuŋgum enġii

nanjini sihimjnan tøndup ahuiga amqeba ösumjnanğö dop nalukjini alget aka mi tok oñgita engiget. ⁴Yeñon mönö kapañ köla gwötpuk kuñgum neñgiba kewö uleta jiget, “Nini tok Judia prowinsgö ambazip sarakñi baukôm engibingö mötzin. Mianğora Pol, gi ölop Oñ! jinöñga mönö simbawoñ möta nup mianğö bahöñi amqeba membin.”

⁵Mewö jiget jibiga naluk almegö mambörali, mianğö dowök qahöpmö, mi oñgita kewö aket: Yeñon mutuk nanğönanğö Kembugö jeñe dop köljawi, mi akingöra uruñini jöhöget aka mianğö andöñe Anutugö jitñi tem kölbिंगö möta nanjini malmalñini mi mewöyök neñgö börönine alget. ⁶Mianğöra Taitus kewö jim kutum wañgial, “Gi mönö nanğönanğö nup mi lök könahiba menöñ. Mianğöra mi mönö toroqeba Korint könagesö baukôm enginöñga urukalemñini kondela moneñ naluk ketañi mi kunbuk toroqeba algetka sutñine teköma.”

⁷Urugö yuai könani könani mi keleşmaleleñ buña qem añguba kewö aka malje: Ölopñanök Kraist möt nariba Buña keu ölni jim soroköba Anutugö sihimñi möt kutuba tosatñi nanğöm engibingö pöndañ köpösöñgömakze. Eñon mönö tosatñi engongita ölopñanök jöpakôm neñgiba qetpuk akze. Mianğö dop nanğönanğö nup ki mewöyök mönö ölop mem soroköba tosatñi engongitketka qetpuk akña.

⁸Mewö jiba moneñ almegöra qahö jim kutum engizal. Mi qahöpmö, urukalemñini geñmoñambuk akza me qahöwi, mönö mi esapesapnöñ ala könani mötmamgö mötzal. Könagesö tosatñan gönmönahot mosöta nanğönanğö nupñini ölp töhöñña memba zeñ kinjei, keu mi jiba mianğon iñini esapkôm engizal.

⁹Naluk dawik almegöra kewötmei, mianğöreñ mönö Kembunini Jisös Kraistkö könanañgö tandökñi mötmörime. Iñini yangö kalem möriamñi ketañi mi kewö mötze: Yañon Suepkö öroyuai pakpakö Toñi öñgöñgöñi ahökmö, tøndup iñini oyaenkyoaengö pomñi akñegöra aka gölmenöñ eta etqeqeñi aka malmalñi tököba mosörök.

¹⁰Moneñ almegöra qahö jim kutum engizalmö, Jisösnöñ söpsöp alöhi, mianğö dop qambañni miyök engizal. Eñon yambu emune lök nanğönanğögö mutukñi aka mianğö nupñi kapañ köla meget aka mi toroqeba memingö sihimñi köhöikñi mötket. ¹¹Nalö kewöñe nupñini mi mönö mem teköme. Mutuk nanğönanğö nup memingö kapañ köla awöweñgögeri, mianğö dop mi mönö toroqeba mem teköme. Yuai ahöm engizawangö dop mönö nalukjini gwötpuk alme. ¹²Mianğö könani kewö: Naluk albingö sihimjnan ahuba ahöza ewö, mönö yuai ahöm engizawangö dop algetka Anutunöñ möt añgon köli dop kölja. Yuai qahö ahöm engizawangö dop mönö qahö kewöta jim engimakza.

¹³Naluk ketañi algetka alaurup yeñgö malmalñinan amqeiga nanjini qakñine lömböt öñgömapköra qahö mötzinmö, alaurup osiba mözöröñgözei, yembuk mendeñda öröröñ malbingöra mötzin.

¹⁴Mianğöra nalö kewöñe yuai keleşmaleleñ ahöm engiiga tosatñan malmalñinangö yuaigöra osizei, iñini mönö mi baukôm engigetka dopñe akña. Mewö aka nanjini könanğep yuaigö osigetka yeñgö öroyuaiñinan keleşmaleleñ ahömawi, nalö mianğöreñ mönö i kun baukôm engime. Mewö ak añgugetka alabauk silikñinan öröröñ akña. ¹⁵Mi Buña keu ki ohoget ahözawangö dop akña, “Gwötpuk mem tokoba malgerañon nanjini dop negetka numbu surukñini qahö ahöiga boromborom mem

tokoba malgerañön nene yuaigöra qahö osiget.” Mewö.

**Nejakurup karöbut melaim
engginga kaba bauköm enggime.**

¹⁶ Anutunöñ Taitusgö uruñi sölölöhöiga engöra ni ewö waimanjat möta bauköm engimangö kapañ köla malja. Mianğöra “Anutu saiwap!” jizal. ¹⁷ Nöñön Taitus engöreñ kamapkö qesiba uruñi kuñgubiga imbiñi melerñök. Miyök qahöpmö, nanñak inñi bauköm engimangö möta köpösöngöba nanñi sihimñangö dop neñgömosöta Korint engöreñ kamangö jiyök. ¹⁸ Neñön urumelerñ alanini kun melaininga yambuk kamahot. Kiangöreñ Ölöwak Buña jim sehimakzawañgöra i mönö urumelerñ könagesö dop möpöseim wañgimakze.

¹⁹ Yañgö keuñi toroqeba kewö jimam: Masedonia urumelerñ könagesö yeñön mönö i möwölöhögetka nañgönañgö nalukñi mi memba nembuk mohotñe köna anbin. Neñön Kembu nanñangö qetbuñañan sehimapköra möta naluk ketañi mi ölop galöm köla Judia prowinsnönñ anda enggibin. Alabauk enggibingö urukalemnini mewö aukñe kondeljin.

²⁰ Mewö aka nañgönañgö naluk ketañi mi tilipqilip asuhui sohobapuköra ölop galöm köla soroköbin. Kunñan siliknini miangöra jim neñgibapukö möta kapañ köla kinjin. ²¹ Keu miangö könañi kewö: Neñön silik Kembangö jeñe diñdñi akzawi, mi qötöñgatpinbukö galöm mem añgumakzin. Miyök qahöpmö, silik ambazip jeñine dop köljawi, mi mewöyök akingö möta kapañ köljin.

²² Yetpuk urumelerñ alanini kun mi mewöyök melaininga kama. I nalö gwötpuk esapköm wañgiba tandökñi kewö ehin: Yañön mönö nalöñi nalöñi

Kembangö nupñi memangö könöpkönöp ahakza. Nalö kewöñe inñi tosatñi alabauk enggibingö mötzei, mewö möt narim engizawañgöra mönö engöreñ kaba bauköm engimangö möta urukönöp ketañi ahakza.

²³ Nöñön Taitus kewögöra möwölöhöyal: Yañön nöñgö alabaukni aka nup meme neñakni akza. Urumelerñ könagesöñi könagesöñi yeñön alayahötnini yahöt mi möwölöhöm etkigetka jitlememeni akzahot. Kraistkö qetbuñañan mönö yetköra aka qarimakza. ²⁴ Mianğöra azi karöbut mi kamei, i mönö urukalem ak enggiba könañini mewö kondelgetka ekñe. Mewö akñe ewö, neñön silikñinañgöra sileñini möpöseini, keu miangö ölnañ mönö aukñe asuhuiga eketka urumelerñ könagesö gwötpuk yeñön mötme. Mewö.

**Mönö urumelerñ alaurupñini
bauköm enggime.**

9 Anutugö ambazip sarakñi alabauk moneñ enggimegöra ohomangö mötzalmö, inñi keu mi lök möta miangöra qahö osize. ² Inñi alabauk akingö sihimñinan ahui mötze. Nöñön mi möta engö sileñini mi miangöra Masedonia urumelerñ ambazip yeñgö jeñine möpöseiba kewö jial, “Korint aka Akaia urumelerñ alaurup tosatñan mönö yambu emuneyök könañiba Judia alabauk ak enggibingö jöjöröba malje.” Mewö jibiga engö urukönöpñinañgöra mötketka keu miangön mönö kuñgum enggyök. Mianğöra könagesö ölni yeñgö uruñinan mönö amqeba alabauk akingö urukönöp aket.

³ Engö sihimñinan ahui mötze, töndup neñakurupni karöbut ki melaim enggizal. “Korint yeñön mönö moneñ tokobingöra jöjöröba malje,” mewö jial

aka keu miaṅgöra eṅgö sileṅini möpöseial. Keu miaṅön omaṅi aiga gwötpukṅan ekepukmö, keuṅinaṅgö dop moneṅ ölnṅa algetka kahaimök tari köreṅṅan mewö eṅgekṅegöra mötzal.

⁴Keu miaṅön omaṅi aiga moneṅinan qahö kahaimök tari öne malgetka Masedonia neṅakurup tosatṅan nömbuk kaba mewö miwikṅaim eṅgibeak ewö, nöṅön mönö eṅgöra aka gamu miwikṅaibileṅbuk. Tem kölmegö möt narim eṅgiba malbiga ölnṅi qahö asuhubawak ewö, iṅini mönö mewöṅanök keuṅini omaṅaṅgöra aka gamu miwikṅaibepuk.

⁵Miaṅgöra urumeleṅ alaurupnini karöbut mi uru kuṅgum eṅgimangö mötpi dop köli kewö jial, “Iṅini mönö qelṅiṅe Korint yeṅgöreṅ anda naṅgönaṅgö naluk ketanṅi almegö keu jöhögeri, areṅ mi wuatṅgöba al tekömegöra mönö kuṅgum eṅgime. Mewö aketka alabauk nalukṅini mi kik-kukṅambuk ekbonep qakṅe qahöpmö, mönö sakalakṅi aka amqeba gwötpuk alme. Mi mindirigetka zioz köwenöṅ kahaimök tari kabiga ölop membin.” Mewö jial.

Kötṅi mönö amqeba gwötpuk qesiṅda gilme.

⁶Keu ki mönö mötmöriba malme: Nene kötṅi awamṅanök qesiṅda giljawaṅön mönö ölnṅi mewöyök awamṅanök mema. Nene kötṅi gwötpuk qesiṅda giljawaṅön mönö ölnṅi mewöyök gwötpuk mema. Miaṅgöra gwötpuk algetka Anutunöṅ salupṅe gwötpuk eṅgima. ⁷Iṅini nanṅök nanṅök nalukṅini mönö uruṅinan jöhögeraṅgö dop alakṅe. Sösöṅgainöṅ amqeba mözöközöröṅ ambazip kalem eṅgizei, Anutunöṅ mönö i jöpaköm eṅgimakza. Miaṅgöra nalukṅini kuṅṅan kuṅgum

eṅgizawaṅgöra aka uruyahöt qakṅe kude alme. Mi kik-kukṅinambuk kude alme.

⁸Uruawam qakṅe kötönṅini gwötpuk algetka Anutunöṅ mönö köhöiba kalem möriamṅi pakpak mem sehim eṅgimakṅa. Mewö eṅgiiga malmal pakpak miaṅgöreṅ yuaigöra osimeṅ, mi pakpak mönö nalö dop buṅa qem aṅṅugetka dop köli eṅgimakṅa. Mewö aiga nup ölopṅi könaṅi könaṅi mi ölop megetka ölnṅi keleṅmaleleṅ asuhuma. ⁹“Ekbonep mosöta naluk ketanṅi ketanṅi alakzei, mi Buṅa Kimbi keu ki ohoget ahözawaṅgö dop akze,

“Yanṅön amqeba kalemṅi kalemṅi mendeṅda ambazip wanapṅi eṅgimakza.

Ahakmemeṅi diṅdiṅi kik-kukṅi qahö miaṅön mönö nalö teteköṅi qahö Anutugö jeṅe ahöm öṅgöma.”

¹⁰“Anutunöṅ qesiṅ gilgil azigöra nene kötṅi waṅgiiga nene asuhui nemakzini, yanṅön mönö nenegö mözöközöröṅ ahakṅei, mi mewöyök eṅgimakṅa. Mi eṅgii uruṅinan lolohoiga ölop amqeba keu kötṅi qesiṅ sehiba gilgetka ahakmeme solanṅaṅgö ölnṅi asuhui Anutunöṅ mi mem qarii sehimakṅa.

¹¹Mewö aketka Anutunöṅ mönö malmal pakpak miaṅgöreṅ sehiba kötuatköm eṅgiiga ölöwahakṅe. Mewö ölop amqeba ambazip nalö dop geṅmonṅi qahö kalem gwötpuk eṅgimakṅe. Mewö aketka mi memba (Jerusalem anda) eṅgiinga ambazip gwötpukṅan kötönṅinaṅgöra aka Anutu möpöseigetka ölnṅi eṅgöreṅ asuhumakṅa.

¹²Naṅgönaṅgö nup ki memakṅei, miaṅön mönö Anutugö ambazip sarakṅan yuaigöra mözöközöröṅ aketka bauköm eṅgimakṅa. Miyök qahöpmö, miaṅgöra “Anutu saiwap!” keu mi

gwötpuk jimegöra aka ölni engörej asuhumakña.

¹³Miangö könani kewö: Nanğönanğö nup ki memba mewö mianjön möt-naripñinanğö könani kondelgetka ambazip gwötpukñan mi eka Anutu tem kölmeañğöra möpöseim wangiba kewö jime, “Korint yejön mönö Kraistkö Ölöwak Buñani keunöhök qahö jim miwikñaizemö, Polgö keuñi geñmoñi qahö tem köla amqeba sakalakñi aka neñğöra aka tosatñi pakpak yeñğöra kalem jesöngö engimakze.”

¹⁴Mewö jiba engöra köuluköba miangörej waikñini gwötpuk mem engiba kewö jime, “Ia! Anutunöñ mönö kalem möriamñi kelejmaleleñ Korint enğiiga urukalemñinanğö ölni gwötpuk neñgiget.” Mewö jigetka Anutugö kalemñan aukñe asuhuma. ¹⁵O nini Anutu kalemñanğöra aka möpöseimakin. Yangö kalemñi Jisös Kraistnöñ mönö qetpuk sorok akza. Nanğönanğö almeañğö keuñi mi mewö kaba teköza.

Polgö nupköra keu jigetka likepñi meleşnök.

10 Tosatñan engö sutñine nöñğöra kewö jimakze: Mesohol köl anğuba köhöikñi tandök qahö akzazpmö, kungen anda miangörej mönö keu köhöikñanök jim neñgimakza. Mewö jimakzemö, Kraistnöñ ak kömumba guñbönjönjön niñgimakzawi, nöñön mönö miangö qakñe nanak uruñini kewögöra kuñgumam:

²Tosatñi mieñön neñğöra kewö tandök mötmöriba jimakze, “Pol aka yangö neñakurupñi yejön gölmegö ahakmeme tandök wuatangöba nanñinanğöra mötmöriba ahakze.” Nöñön engörej kaba keu mewö jimakzei, i mönö tembul engiba awösamkakak kindi jim engimamgö mötzalmö, töndup uruñini köhöikñi

kötökñi kuñguba jim engimamgö töközal. Miangöra iñini ambazip nöñğöra keu mewö jimakzei, i mönö zilanj andö engume. Keuñini mewö mindiñgögetka engeki urunan mönö luai qei sutñine kaba böñjön malmam.

³Ölña, ahakmemeni gölmenöñ ahakzalmö, mi töndup nanangöra aka gölmegö ahakmeme bölöñangö dop bim qahö qemakzal. Mewö qahöpmö, Anutugö suahö galöm aka kerökurupñi kiripo kuñgum engiba miangörej areñ sarakñi wuatangöba bim qemakzal. ⁴Gölme ambazip uruñini walñangö dop bimgö yuaiñi pakpak miambuk bim qemakzin. Yarö azi yejön jakömbuak ain selñi selñi eriba köndengetka erakzemö, Anutunöñ timbi saiwanñi kukñinambuk neñgii inahöm neñgigetka mianjön mönö kerök yeñgö keu areñini pöwöwöm köhöikñi kuñguba qeapköinga erakze.

⁵Urumeleñgö kopa yejön Anutugö könani möt kutubepüköra aka nanñini sileñini memba öngöba mötmötñini közamböta liklak ahakzemö, neñön yeñgö kiripo areñini goñgoñi pakpak mi qeapköba köndenninga erakze. Ambazipnöñ keu mötmötñini bölöñi meraköba jöhömegöra köna kondel enğiinga ölop keuñini pakpak Kraist tem köl wangimakingö dop mötmörimakñe.

⁶Mewö mötmöriba Korint iñini mutuk Kraistkö keu pakpak tem köla aposol nupni nanğömegöra mambötzin. Iñini uruñini mewö kunbuk melengetkun nini mönö qequetal ambazip yeñgö keuñini pakpak kewöta jim teköba likepñi melen enggingö jöjöröba maljin. Mewö.

⁷Iñini yuai pakpak mönö silegörök kude eka kewötme. Sutñine ahakmeme sohomakzawi, miangö könani ölni mönö mötmörime. Tosatñan sutñine ni memba et ala nanñini Kraistkö jitñememurupñi akzeañğöra uruyahöt qahö aka möt köhöize ewö, yejön mönö toroqeba

nöngöra mewöyök kewö mötmörime: Yeñön Kraistkö buñaji akzei, nöñön mönö mewöyök Kraistkö buñaya akzal.

⁸Kembunöñ kewögöra kukösum niñgiyök: Inini mem et al enjimamgöra qahöpmö, mönö uruñini möhamgöbi köhöimegöra aka maljal. Miangöra kukösum miangöra aiweliköba koñaen ewö sileni memba öngöba terereibileñak ewö, mi töndup mönö gamu kun qahö miwikñabileñak. ⁹Kimbiñi kimbiñi ohoba albi oyoñda kukösumni mötketka keñgöt mötmöt mem enjibileñbuk. Miangöra keu mi nalö kewöñe qahö toroqeba jimam. Mewö.

¹⁰Tosatñan keu kewö jimakze: Polnöñ kimbiñi miangöreñ mönö keu lömbötñambuk ohoba urunini öñña kuñgumakzapmö, sutnine kini ehinga azi löwötñi akza aka keuñi jii möringa qetpuk qahö akza. ¹¹Nöñön keu miangö likepñi kewö jimam: Keuñini omani mönö mosöta nöngö könanangöra kewö mötmörime: Ni kungen anda kimbinöñ keuni köhöikñi ohomakzali, miangö dop mönö sutñine mala mewöyök köhöikñanök mindiñgöm enjimam.

¹²Timbiqimibilim mieñön nanñini jim ölöwak ak añgumakzemö, öñña ni noñgita aposol qetpuk akeak ewö, nöñön mönö gamuni mötpileñak. Mewö aiga nani aka enjö silikñini likeplikep ala kewötmamgö qötötangöba kölköldömdöm akileñakmö, yeñön mönö mötmötñini töröpñi wuatangöba nanñini imbiñinangö dop uruñini dop ala kewörakze. Ahakmemenini mewö lañ kewöta “Pol oñgitzin,” jiba uruölöwak mörakze. Keu omani mewö jiba uruqahö akze. Anutugö dopnöñ kewöt niñgigetka ölop enjöngita maljal.

¹³Anutunöñ nup memegö jaböñi al niñgiyöhi, mi qahö oñgita sileni gwötupuk möpöseimamgöra qahö

mötzal. Anutunöñ nup meme areñni al niñgii memakzali, miangö dop mönö enjö sutñine mewöyök nup memakzal aka miangö öññañgörök mönö sileni möpöseimakzal.

¹⁴Tosatñan keu kewö jim sohomakze, “Polnöñ Korint sutñine nup meyoñangöra sileñi möpöseiega qahö dop kölja. Anutunöñ gölme mesinñda nup memapkö jabö al wanñiyöhi, Polnöñ mi oñgita lañlañ walöñmakza.” Yeñön mutuhök nup sutñine qahö megetmö, töndup ni mem et al niñgiba nanñini sileñini keunöhök jiba möpöseimakze. Nöñön Kraistkö Ölöwak Buña jim sehiba anda mala mutuk Korint enjöreñ kaba urugö nup meal. Mutuk qahö kabileñak ewö, timbiqimibilim böhi mieñön nöngö keuni mewö jigetka dop köli nöñön nani könanangö könanñi jiba jim sohobileñak.

¹⁵Anutunöñ gölme mesinñda nup memegö jabö al enñiyöhi, yeñön selñini mi walöñda enjö sutñine kaba urugö nup memakze. Nanak selni qahö walöñda tosatñi yenjö sutñine nup mealangöra sileni qahö möpöseimakzal. Böhi tosatñan urugö nup memba malgeri, miangöra mewöyök sileni qahö möpöseimakzal. Enjö sutñine mutuk nup mealangöra mewö akiga ölop dop kölja. Anutugö areñi wuatangöba sutñine nup memba malinga mötnariñinan toroqeba qariiga nangöm nengimegöra mamböta jörömqöröm akzal.

¹⁶Nangöm nengigetka ölop gölmeñi gölmeñi Korint likepñine Not göröken ahözei, mönö enduyangöreñ mewöyök anda Ölöwak Buña jim asaribin. Nupñinan mewö qariiga andöqeçe keuñinan teköma. Anutunöñ tosatñi yenjö nup meme jaböñini al enñii megetka öññi lök asuhuyöhi, miangöra nani sileni möpöseimamgöra qahö mötzal.

¹⁷ Mewö qahöpmö, Buja keu kiangö dop akɲamgö mötzal, “Kunɲan silenji möpöseimangö mötzawi, yaɲön mönö Kembugö nupkö öɲaɲgöra aka silenji möpöseii dop kölma.” ¹⁸ Keu miangö kõnaɲi kewö: Nanɲini jim ölöwak ak aɲgumakzeɲön mönö Anutugö jeɲe qahö dop köljemö, Kembunöɲ niɲia jim ölöwak ak waɲgimawi, yaɲön mönö esapesapnöɲ köhöiba kinma. Mewö.

Aposol takapulakaɲi yeɲön tilipkôm engibepuk.

11 Nöɲön borom kun uruqahö keu qakɲe silememe aki miangöra mönö kude möt lömbörime. Mi töndup ni kude andö nuɲguze, mötzal. ² Nöɲön iɲini azi mohot Kraist yaɲgö buɲaɲi aketka ambi seram jömuɲɲi sarakɲi ewö engibiga yaɲönök engömemapkö keuɲi jiba jöhöyal. Miangöra Anutunöɲ uruɲan engöra aka mututqutut mörakzawi, nöɲön mönö miangö dop tosatɲan kelök keunöɲ jiba engömeget bölibepüköra waimanɲat mörakzal.

³ Kewögöra waimanɲat mörakzal: Mokolɲnöɲ isimkakalek aiga Iwnöɲ (Ewanöɲ) böliyöhi, miangö dop timbiqimbilim yeɲön mewö me mewö jiba tilipköba engömegetka uruɲinan tölöhoiga jaɲjuɲ akepak.

⁴ Miangö kõnaɲi kewö: Tosatɲan kaba Jisös jim asariini, mi qahöpmö, Jisös murutɲi kungö kõnaɲi jim sehiba malgetka yeɲgöra qahö mötket lömböriza. Uɲa Töröɲi buɲa qem aɲgugeru, mi qahöpmö, öme kunöɲ tosatɲi engö uruɲine gei lolonqalon mala miangöra töndup kõɲjiliɲ qahö mötze. Ölöwak Buɲa möt aɲgön köɲgeri, mi qahöpmö, keu tandökɲi kun qetɲanök Ölöwak Buɲa qeta laɲ jigetka tosatɲan mi awamɲanök möt aɲgön

kölakze. Mewö asuhumakzawaɲgöra mönö töndup waimanɲat kun qahö akze.

⁵ Miangöra waimanɲat mörakzalmö, ahakmemeni mewö me mewö kewötketka etqeɲeɲi qahö akzal. Tosatɲan aposol qet memba timbiqimbilim laɲ ahakzei, nöɲön mönö yeɲgö nembö baɲɲine qahöpmahöp maljal. ⁶ Keu niɲgizei, miangö likeɲɲi kewö jizal: Keu ölop sorokɲi jijigö tandökɲi mi ölop qahö mötzalmö, Buɲa keugö kõnaɲi mönö möt soroközal. Mi mönö nalö dop pöndaɲ aukɲe indelbiga möt yaköze.

⁷ Iɲini mem wahöt engimangö möta nani mem et al aɲguba malmalni naɲgömangöra nup memba malal. Miangöra Anutugö Ölöwak Buɲa mi engöra söngöröɲi qahö jim asarim engiba malal. Mewö aka malalaɲgöra tosatɲan nöɲgöra uruqahö keu kewö jimakze, “Polnöɲ mönö kõna onɲita siɲgisöndok ahakza.” ⁸ Urumeleɲ kõnagesö tosatɲe nup qahö membiga töndup nalukɲini öne niɲgigetka membi naɲgöm niɲgiiga iɲini welen qem engiba malal. Tosatɲan miangöra kewö jimakze, “Polnöɲ yoɲgorö nene silik tandök ak engiba malja. Miangöra aposol qahö akzapmö, nanɲi nupɲa memakza.” Nöɲgöra mewö jiba jim sohomakze.

⁹ Embuk mala yuaigöra osiba mözöröngöba miangöreɲ mönö engöreɲök kun qahö kuɲguba mem lömböriba nene yuaini qahö memba malal. Mewö qahöpmö, urumeleɲ alaurup Masedonia prowinsnöhök kaba yuaigöra osiali, mi ek asariba monɲe niɲgigetka dop kölöök. Ahakmemeni pakpak miangöreɲ mem lömbörim engibileɲbuköra möta galöm mem aɲguba malal aka mewö toroqeba malmam.

¹⁰ Mem lömbörim engibileŋbukö keuni miangöra mönö nani sileni memba öngöba maljal. Kunjan keuni mi Akaia prowinsŋinanö gölmeŋi gölmeŋi pakpak miangöreŋ qeapkömamgö osima. Kraistkö keu ölnjan mönö nam köl niŋgiiga keu mewö jöhöba jiba kinjal. ¹¹ Mi wuanöngöra? Mi iŋini qahö jöpaköm engibileŋjak, miangöra me? Mönö ölnja jöpaköm engimakzali, mi Anutunöŋ mötza.

¹² Aposol sesekŋai ewö ahakzei, yeŋön nembuk “Öröröŋ akingö nup tandök miyöhök memakzin,” mewö jibingö mötze. Miangöra kewö kuŋgum engimakze, “Polgö tandök ewö nup memakzinaŋgöra mönö Pol ewö naŋgöm neŋgime.” Nupŋinaŋgöra sileŋini möpöseibingö möta miangö könaŋi jarumakzemö, mi ölop qahö miwikŋaime. Nöŋön i ewö qahö akzal. Miangöra mem lömbörim engibileŋbuköra mönö nani galöm mem aŋguba maljal aka toroqeba mewö malmam.

¹³ Yeŋön aposol ölni qahöpmö, mönö aposol takapulakaŋi aka nup meme ambazip isimkakalekŋinambuk akze. Kraistkö aposol neŋgö tandök kondel aŋguba nup laŋ memakze. ¹⁴ Satanöŋ nanŋak asakŋaŋgö garata tandök ewö kondel aŋguba nup laŋ memakza. Miangöra timbiqimibilim mieŋön mewö akeranöŋ qahö welipkömakin.

¹⁵ Miangöra Satangö welenqeŋe ambazipurup mieŋön ambazip welenŋini qebingö tandöktandök aka Köna keu wuatangöba mewö miaŋön solanŋi akŋegöra jim sohoba kondel aŋgumakze. Mewö nup laŋ memakzeanöŋ mönö qahö auruba welipkömakzin. Silememe mewö ahakzemö, nalö teteköŋe Anutunöŋ mönö likeŋi ahakmemenjanöŋ dop meleŋ engima. Mewö.

Polnöŋ aposol nup memba sihimbölö gwötpuk mörök.

¹⁶ Keuni kunbuk kewö jimam: Engöreŋök tosatŋan nöŋön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm niŋgime. Mewö aketka ölop i ewö nani sileni memba öngöba sutŋine malmam. ¹⁷ Awösamkakak ketanŋi möta sileni memba öngöba keuni jizali, mi Kembangö mötmöt sihimjanöŋ dop qahöpmö, mi uruqahö azigö tandök ewö jizal.

¹⁸ Ambazip gwötpukŋan sutŋine gölmegö ahakmeme bölöŋi wuatangöba sileŋini memba öngömakzei, miangöra nöŋön mönö mewöŋanök aka keuni miangö dop jizal. ¹⁹ Nanŋinak “Mötmöt ambazip öngöŋgöŋi akzin,” jizeanöŋ mönö uruqahö ambazip yeŋgöra mötketka qahö lömbörimakza.

²⁰ Iŋini öl közömŋa kewö akze: Ambazip kewöŋi yeŋgöra mötketka uruŋinan qahö lömbörimakza: Kunjan engömembra jöhöiga welenqeŋeurupŋi etqeŋeŋi akze. Kunjan tutuhum engiba neneŋini nem tekömakza. Kunjan jim kelök ak engiiga buŋaŋi akze. Kunjan nanŋi sileŋi memba öngöba keu töhöreŋ jiba nuŋgulumŋini qekötahömakza.

²¹ I ewö öröm ureim ak engimangöra mönö lölöwöröŋi aka malal. Ösöŋ ak engialanöŋ “Keŋgöt moröya akza,” jiba nöŋgöra mewö mötmörize me qahö? Keu mewö jiba miaŋön ölop gamu qem niŋgimeangö dop akzal me? Keu jimami, mi mönö uruqahö azigö dop jimam. Timbiqimibilim yeŋön nup memakzeanöŋ sileŋini memba öngömegöra gamuŋini qahö mötze ewö, nöŋön mönö mewöyök nupnanöŋ aka sileni memba öngömangö möt köhöimakzal.

²² Yeŋön keu kewö jiba sileŋini memba öngömakze, “Nini Juda ambazip

aka Hibru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamgö isi amböurupni akzin,” jimakzemö, nia kun mewöyök akzal.

²³yKeu kun mi uruqahö azigö keu tandök ewö jimam, “Yeñön Kraistkö nupni memakzin,” jimakzemö, nöñön mi mönö i luhut ala enğongita memakzal. Nöñön mönö ambazip mi enğongita nup köhöiba memba malal. Kraistkö nup-köra aka kösö mire al niñgigetka mi-angörej i enğongita nalö gwötpuk taral. Ihilek wahinambuknöñ mönö könöpuk könöpuk nuñguba malget. Nalöñi nalöñi lömböt miwikñaiba kömumamgö dop aka malal.

²⁴zJuda jike galöm tosatjan jigetka arawambu kömbinöñ nuñgugetka arenji 39 aiga sihimbölöñi möta malal. Mewö ak niñgigetka indimni 5 ahök. ²⁵aRom gawman yeñön jigetka ihilek wöziknöñ nuñgugetka indimni karöbut ahök. Sömañi mohot kötnöñ nuñgugetka kömumamgöra ahal. Wañge ketañe malbiga köwet töromnöñ kuñguba qaköba jömgöiga indimni karöbut ahök. Nalö kunöñ wañge jömgöiga köwetnöñ geba silimni mohot aka suñgemni kun köwet qakñe lañ malal.

²⁶bNalöñi nalöñi köna anda kaba malal. O töwatni töwatni (göwöñi göwöñi) kutuba miangörej lömböt miwikñaiba ayuhumamgö dop aka malal. Kegwek-kahasililiñ ambazip yengöra aka kömumamgö keñgötni möta malal. Juda könagesöurupni yengöra aka lömböt miwikñaiba ayuhumamgö dop aka malal. Kian kantri yengöra aka lömböt miwikñaiba ayuhumamgö dop aka malal. Taonni taonni miangörej

lömböt miwikñaiba ayuhumamgö dop aka malal. Arökñangö miriñi miriñi miangörej lömböt miwikñaiba ayuhumamgö dop aka malal. Köwet kutuba anda miangörej lömböt miwikñaiba ayuhumamgö dop aka malal. Alaurup takapulakañi yeñön nuñguget kömumbilenbuköra wösöni kot gwözöñniga malal.

²⁷Malmalni nañgömamgöra nup köhöiba memba malal. Gaun guli gwötpuk malal. Nup gwötpuk mealangöra nenegö nalöni qahö ahöiga nenegö kömumba ogö kömumba malal. Nene qahöwahiga nalö gwötpuk bödi aka malal. Opo malukugöra osiba sañgeni möta malal. ²⁸Miyök pakpak qahöpmö, toroqeba kewö möta malal: Urumeleñ könagesöñi könagesöñi pakpak yeñön waimanjatñini jigetka urunan mönö nalö dop möt lömböriba malal.

²⁹Mötnarip alaurup denike yeñön sörauba löwörize ewö, nöñön mönö mewöñanök i uru al enğizal. Kunñan kölgorom aliga urumeleñ alanan siñgisöndok akzawi, siñgisöndok miangö könöpñan mönö nöñgö uruni mewöyök nohoiga tembulakzal.

³⁰Silememe keuyök mönö mötpingö ak enğiza. Miangöra sileni memba öngö-mamangö dop akileñak ewö, ni memba et al niñgigetka ösumeret tandök akzali mönö miangöra aka sileni memba öngö-makzal. ³¹Kembu Jisösgö Iwi Anutuñi nalö dop möpöseininga teteköñi qahö aködamanñambuk mal öngömawi, yanñön mönö nöñgö könanañamni möri muneñ keu qahöpmö, keu öñi mi jizal.

³²cDamaskus sitinöñ malbiga kiñ Aretasgö kiapñan mönö buldömin aziurupñan nömmimba jöhöm niñgimegö jim kutum enğiiga Damaskus ambazip

^y11:23 Apo 16.23 ^z11:24 Dut 25.3 ^a11:25 Apo 16.22; 14.19

^b11:26 Apo 9.23; 14.15 ^c11:32 Apo 9.23-25

yeŋgö siti sel naŋguje mönimba ölöŋ köla anbilëŋbuköra galöm memba kinget. ³³Mewö kingetmö, alaurupnan nömemba sakapnöŋ al ninggiba kösönöŋ jöhöba siti sel jeŋgenapeyök ösönösön algetka gölmenöŋ eta köla böröneyök ölöŋ köla kayal. Mewö.

Polnöŋ jemelen imut eka indelindel keu mörök.

12 Eŋgö silememe alaurupninan jemelenjö keuŋi keuŋi jimakzei, miangöra nöŋön mewöyök sileni möpöseiba jemelenjö keuni jimam. Keu mi ölop qahö bauköm eŋgimapmö, töndup keu toroqeba jemelen imutji imutji eki Kembunöŋ keuŋini indeli mörali, miangö kösohotji jimam. ²Azi kun möt waŋgibi Kraistpuk qekötahöba malja. Uŋa Töröŋan i waŋgiriga gölmegö kousu luhut jaböŋi oŋgita öngöba seŋgelau jaböŋi oŋgita öngöba Anutu nanŋangö Suep miri uruje eu öngöyök. Nalö miangöreŋök yambu 14 lök teköi maljin. Silebuk me sileŋi qahö uŋaŋanök öngöyöhi, mi qahö mötzal. Anutunöŋ mi mötza.

³⁻⁴Uŋa Töröŋan azi mi waŋgiri Anutugö oyaenköyaen miriŋe öngöi keu qainji kun jigetka mörök. Gölmö azi nöŋön keu mi jimamgö soŋgo ahöza aka keu mi gölmö ambazip neŋgö keuninan jibinaŋgö dop qahö. Silebuk me sileŋi qahö öngöyöhi, mi Anutunöŋ mötza. Nöŋön mi qahö mötzalmö, yaŋgö kösohotji mötzal.

⁵Nöŋön azi yaŋgöreŋ yuai asuhuyöhi, miangöra sileni memba öngömamangö dop akzal. Nanangöra mi asuhuyökmö, töndup miangöra aka nani sileni qahö möpöseimakzal. Miangöra qahöpmö, ösumeret akzalaŋgörök mönö mewö ahakzal.

⁶Nanangöra sileni mewöyök memba öngömamgö mötpileŋak ewö, keuni mönö keu ölnangö dop jibileŋak. Mewö

keu omaŋi jiji azia qahö akileŋakmö, mi kewögöra köyatim aŋgumakzal: Körek enön jemelen mi ehalangöra keu diŋdiŋi oŋgita nöŋgöra mötket öngöŋgöŋi akileŋbuk. Ahakmemeni aki eketka keu jibi mötkeri, mönö miangö dowök kewöt ningimegöra mötzal.

⁷Indelindel keu öngöŋgöŋi mötpi keu tosatji oŋgirakzawi, miangöra aiweliköm aŋgubileŋbuköra Anutunöŋ yuai jitŋambuk nöŋgö silene aliga kondi sötmangö dop nuŋgumakza. Satangö garatanöŋ sihimbölö mi niŋgiiga mörakzal. ⁸Miangöra Kembunöŋ mi sileneyök mem gilmapköra köuluköbiga indimŋi karöbut ahök.

⁹Mewö köuluköyalmö, keu kewö jii möral, “Qahö. Ösumeret aknöŋga nöŋgö kukösumnan mönö amqeba urugi kokolak qeiga aködamungabuk ahakŋan. Miangöra nöŋgö kalem möriamni mönö buŋa qem aŋgunöŋga dop kölma.” Keu mi jii möta Kraistkö kukösumŋan qakne öngömapköra mörakzal. Miangöra ösumeret ahakzalaŋgöra sileni möpöseimakzal. Lömböt mi qahöwakŋapköra qahö toroqeba köulukömakzal.

¹⁰Kraistnöŋ ni ösumeret ahakzali, nalö miangöreŋ ösum niŋgiiga köhöiba kinakzal. Miangöra ösumeret akzalaŋgöra töndup mötpi dop köli siksuk qahö akzal. Tosatŋan uruqeqe keu töhöreŋ jim niŋgigetka mötpi dop köl niŋgiza. Kraistköra aka kahasililiŋ sesewerowero ak niŋgigetka wahöjalij möta miangöreŋ töndup urubönjŋ miwikŋaimakzal. Mewö.

Polnöŋ Korint yeŋgöra waimanjat mörök?

¹¹Sileni memba öngöba mönö uruqahö tandök akzal. Diŋgimegöra aka köna murutji kun qahö miwikŋaiba nöŋgöra mötket öngömapköra mi jizal. Ölna, Anutunöŋ qahö bauköm

ningibawak ewö, nanak mönö yuai kun qahö aki andöqeqe keuñinan ölni akawak. Ölni akawakmö, ahakmemeni mewö me mewö kewöztali, mönö etqegeñi qahö akzal. Tosatñan aposol qetpukö qet memba timbiqimbilim lañ maljei, nöñön mönö yeñgö nembö bapñine qahöpmahöp maljal.

¹²Yeñgö sutñine nup memba lömböt gwötpuk möta mökösoñda malali, miangörey Anutugö kukösumñan sölölohöm niñgiiga angöletot aiwesök könañi könañi asuhuget. Ahakmeme miañön mönö aposol akzalañgö könañi kondel eñgiiga eket.

¹³Injini bauköm eñgial aka urumelen könagesö tosatñi mi embuk öröröñ ak eñgial. Tosatñi eñgömembi wahötketka iñjini mönö denöwö eñgömosötpi öne malbeak? Ölna, nangöm niñgimegö lömbötñi mi eñgö qakñine qahö alal. Aposol takapulakañi yeñön lömböt mi eñgö qakñine alakzemö, nöñön mi tosatñi yeñgö qakñine albi bisimakze. Nangöm niñgimegöra qahö kuñgum eñgiba mewö köpösihit ak eñgial me? Miangöra “Polnöñ köpösihit azia akza,” jibeak, mönö pinjitni mi mosötmegöra qesim eñgizal.

¹⁴Mötket, nalö kewöñe kunbuk eñgörey kamangö jöjöröbige indimñi karöbut akña. Kaba nupni nangömegö lömbötñi mi dumñe kunbuk eñgö qakñine qahö almam. Mi qahö. Nanñini sukinapñinañgöra qahö köpösöñgömakzalmö, nanñinak mönö nöñgöra ak eñgimapköra mötzal. Nahönbörat yeñön iwinamurupñini nangöba inap tokoba eñgimeangö dop qahö akzemö, iwinam yeñön mönö mi nahönböratuñini yeñgöra tokogetka dop kölja. Miangö dop urugö nupnöñ göröken nöñön iwiñjini akzal. Miangöra urunöñ göröken bauköm eñgimangö mötzal.

¹⁵Miangöra eñön ölöwakñegöra yuaini pakpak mi sösoñgai qakñe tököm eñgibi eñgö buña akñapköra mötzal. Nani malmalni mewöñanök ölöwakñegöra mosötmangö mötzal. Mewö öñöñi qahö jöpaköm eñgibi urukalemnan qarimakzapmö, eñgö urukalemñinan mönö töndup wuanöñgöra wazimakza?

¹⁶Ölna, nangöm niñgimegö lömbötñi mi eñgö qakñine qahö alal. Nöñgö tuarenjoñurupnan keu miangöra urumohot akzemö, tosatñan kewö jibeak, “Pol mi mötmöt azia aka tilipqilipñambuk uruñjini mezañda köpeim eñgiba monerñini mewö me mewö örömakza.” Keu miañön ölni qahö. ¹⁷Mi denöwögöra jize? Neñakurupni melaim eñgibiga eñgörey kageri, yeñgöreyök kuññan Pol inap wañgimegöra kuñgum eñgiyök me qahö? Qahö. ¹⁸Taitus eñgörey kamapkö kuñgum wañgiba urumelen ala kun yambuk melaibi kayohot. Taitusnöñ ni inap niñgimegö kuñgum eñgiyök me qahö? Qahö. Uña mohot miañön mönö sölölohöm netkiiga nup nangönañgögö köna mohot anda kaba malit. Mewö.

Polnöñ mönö Anutugö kukösum qakñe kama.

¹⁹Kimbi ki oyöñda miangörey nöñgöra kewö mötmöribepuk, “Keu jim eñgiinga miangö likepña kapañ köla jiba mewö ohoza.” O wölböt alaurupni, miangöra kewö jimam: Mönö Kraistpuk qekötahöba keuni Anutugö jemesoholñe jiba ohoyal. Nupñini pakpak mi eñön uruñjini möhamgöba köhököhöi miwikñaimegöra memakzin.

²⁰Eñgörey kaba eki ahakmemerñini tökömakzali, mi wuatangöba malbepuk. Mewö miwikñaim eñgibileñbuköra waimanjat mötzal. Ahakmemerñinañgö likepñi meñe eñgibi qakñine öñgömawi, eñön mönö tandök

akɲami, mi tōkōmegōra mōtzal. Sutɲine ahakmeme kewō akepukōra goro mōtzal: Urunōɲ mututqutut aka aɲgururuk akepuk. Urusingok aka yom jibepuk. Silenōɲ alal ak aɲguba deɲda nanɲini kambugōrōk mōtmōriba malbepuk. Andōqeɛ keu tōhöreɲ jiba mianɲōn mem bölim aɲgubepuk. Tosatɲi yeɲgō keuɲini tōlapɲe jigetka diwoɲdawoɲ anɲapuk. Jakbak-ōraɲböraɲ aka areɲi törörōk qahō wuatangōba nanɲini imbi-imbiləɲ malbepuk.

²¹ Mewō aka malme ewō, nōɲōn mōnō kewō asuhumapkōra waimanɲat mōta kamam: Ambazip gwōtpukɲan mutuk siɲgisōndok aka malgeri, yeɲgōra mōnō urukōmbuk aka sahōtpileɲbuk. Ahakmeme tōwōtɲambuk laɲ wuatangōba sihimɲini kömbōnaɲi miwikɲaimegōra serowilin akerangōra gamu qahō mōta qahō mōt bölim aɲguget. Sutɲine kabiga uruɲini kunbuk qahō melenɲet eɲgekiga Anutunōɲ mōnō uruni kuɲgui kunbuk urueret akileɲbuk. Mewō.

Galōm meme keu qōndōkɲi

13 ^dNalō kewōɲe eɲgōreɲ kabiga indimɲi karōbut akɲa. “Keugō jakeɲe alalgō keuɲi pakpak mi mōnō ambazip yahōt me karōbutɲan naɲgōba jigetka köhöimakza.” ²Nōɲōn Buɲa keu miangō dop akzal. Eɲgō sutɲine malbi indimɲi yahōt aiga miangōreɲ lök galōm meme keu eɲgial. Keu mi nalō kewōɲe kunbuk köl guliba qelɲineyök jizali, mi-aɲōn tekōza. Mianɲgōra kunbuk kamami, nalō miangōreɲ ambazip siɲgisōndok mutuk akeri me akzei, mi mōnō qahō eɲgehorimam. Bölöɲamɲinambuk iɲini mōnō körek mindiɲgōm eɲgimam.

³Kraistnōɲ mōnō ösumeret qakɲe qahō ak eɲgimakzapmō, kukōsumɲi sutɲine kondelakza. Kraist mianɲōnōk

mōnō sölölöhōm niɲgiiga aposol aka keu jimakzali, iɲini miangō könaɲangōra uruyahōt aka kapaɲ köla qesim aɲgumakze. Mianɲgōra silikɲinangō dop mōnō keu eɲgiba mindiɲgōm eɲgimam.

⁴Kraist maripomnōɲ qegetka kömuyōhi, nalō miangōreɲ mōnō ösumeret tandök malökmō, tōndup Anutugō kukōsumɲan nam köl waɲgiiga mal köhöiza. Nōɲōn mewōɲanōk yambuk qekōtahōba nani ösumeret aka malɲalmō, Anutugō kukōsumɲan mōnō nam köl niɲgiiga Kraistkö jitɲi memba mindiɲgōm eɲgimamgō mal köhöizal.

Mōnō nanɲini kewōt aɲguba uruɲini melenɲe.

⁵Mōnō nanɲini törörōk kewōt aɲgume. Uruɲini melenɲa ölnə Kraist mōt narize me qahō, miangōra mōnō esapesapnōɲ ala kewōt aɲgume. Kraist Jisōsgō Uɲaɲan uruɲine mal köhöizawi, mi mōt kutuze me qahō? Uruɲine qahō malja ewō, iɲini mōnō esapesap miangōreɲ et eɲguiga Kraistkö buɲaya qahō akze. ⁶Nōɲōn eɲgōreɲ aposol ölnə akzal me qahō, iɲini mewō kewōt niɲgigetka esapesap miangōreɲ kude eta nuɲguma, mewō mōtzal. Iɲini nōɲgō könanani mewō aukɲe eka mōt kutumegōra jörōmqörōm aka malɲal. Mianɲgōra mindiɲgōm eɲgibi ölnə dop kölma.

⁷Keu pakpak ohoba kotzali, mi ak sohobepukōra Anutu köuluközün. Keu kun jim sohoba malgetka kaba mindiɲgōm eɲgibiga tuarenɲorurupnan mōnō aposol kukōsumni ölnə eka ek asarime. Mewō asuhumapkōra qahō köuluközal. Iɲini qahō mindiɲgōm eɲgimamaɲgō dop nekepukōra qahō köuluközalmō, eɲōn urumelenɲ diɲdiɲi akɲegōra köuluközal. Uruɲini ölnə melenɲe ewō, nōɲōn mōnō qahō

^d13:1 Dut 17.6; 19.15

mindîngöm engibi tuarenjonurupnan nõngöra toroqeba azi lölöwöröñi tandök ewö mötpeakmö, mi muat.

⁸Nini keu ölñi qetala kun uteköbingö osibinmö, keu ölñan sehimapköra ölöp kinbin. ⁹Nõñon kukösumni qahö kondela ösumeret tandök malbiga eñön köhöiba kinmei, nalö mewöñe mönö sösöñgai ahakin. Urumeleñgö aködahunñini körek miwikñaiba köhöiba kinmegöra neñon Anutu köulukömakzin. ¹⁰Kembunöñ iñini memba et al engimangöra qahöpmö, uruñini möhamgöbi köhöimegöra möta kukösumñi mi al niñgiyök. Kukösum miangö qakñe kinda engörej kamami, nalö miangörej könöpuk ak engibileñbuköra mönö keu ki köröwen mala engöra kimbi ohozal. Nanñinak mindîngöm angume ewö, mönö ösöñ ak engimam. Mewö.

Yaizözkök keu teteköñi

¹¹O urumeleñ alaurupni, keuni jim teköba qambañ kewö engizal: Mönö söñ-

gaiba malme. Könañamñini sohojóhi, mi mönö körek mindîngöm teköme. Urukunçukunçu keu engizali, mi mönö buña qem anguba tem kölme. Keu jiali, miangörej mönö urumohot aka luainöñ malme. Mewö aketka Anutu jöpaköm angumegöra inahöm neñgiba luai qem neñgimawi, yañon mönö embuk malma.

¹²Iñini urumeleñ alaurupñini yembuk jölöñini jiba mönö köna sarakñi wu-atançöba jölöñini jiba angum anguba numbuñini yöhötim namba malme. Anutugö ambazip sarakñi pakpak ki maljei, yeñon yaizözkökñini algetka engörej kaza.

¹³⁻¹⁴Kembu Jisös Kraistnöñ mönö kalem möriamñi engiiga Anutugö uru-jöpakñan nam köñ engiiga Uña Töröñan körek inahöm engiiga urumohot aka köisirik malme. Mewö.

Galesia Kimbi

Polnön Galesia yeŋgöra Kimbi alök.

Jim-asa-asari

Polnön Buŋa Kimbi ki Galesia prowinsgö urumeleŋ könagesö yeŋgöra ohoyök. Galesia prowins mi Eisia Mainö (Töki) uruŋe Rom yeŋgö bapŋine malget.

Aposol yeŋön Anutugö Buŋa keu jim sehigetka mutuk Juda tosatŋi aka könanŋep kian kantri tosatŋan mewöyök uruŋini melenŋet. Nalö miangöreŋ Juda yeŋön kapaŋ köla keu yahöt kewö jigetka lömböriyök:

1) “Kian kantri yeŋön Mosesgöreŋ Köna keugö dop Anutugö aiwesökŋi sileŋine qahö yandime ewö, yeŋön mönö urumeleŋ könagesö ölni qahö akŋe.” Anutunön ambazip nanŋangöra möwölöhöm enŋiyöhi, yeŋgö aiwesökŋi mi sile yandiyandi. Jen 17.10–12. Polnön mi möta “Keu mi ölni qahö!” jiba kewö jim kutum enŋiyök, “Kian kantri yeŋön Jisös möt narigetka Anutunön mötnaripŋini miangöra aka keuŋini jim teköi solaniba urumeleŋ kambu ölni akŋe.”

2) Böhi takapulakanj yeŋön Polnön Uŋa Töröŋangö ösumnön nup meyöhi, mi memba et ala kewö jiget, “Pol mi aposol ölni qahö akzawangöra keuŋi kude mötme.” Mewö jigetmö, Polnön köhöiba jiyök, “Nönön Jisösgö Ölöwak Buŋa jiji azia aka Anutunön meköba kuŋgum niŋgiiga aposol ölna maljal.” Mewö jiba Galesia yeŋgö urumeleŋ kambuŋi kambuŋi ahakmemegö qambaŋ keu ohoyök. Urunini melenbin ewö, mönö amqeba Kraist jöpaköba nupŋi meinga ölni asuhuma.

Buk kiangö bahönj bohonŋi 5 mi kewö:

Keu mutukŋi 1.1-10

Pol ni aposol ölni akzal 1.11–2.21
Anutu kalem möriamŋangö Buŋa keu 3.1–4.31

Nanini imbi-imbi akinbukö soŋgo 5.1–6.10

Kimbigö keu kötŋi bohonŋi 6.11-18

1 Pol nönön keu eraum mötŋingöra Galesia urumeleŋ könagesö enŋöra kimbi ki ohozal. Melaimelai azi akzalangö könaŋi kewö: Ambazipnön aposol nupköra qahö kuŋgum niŋgigetka memba maljal. Gölime azi kuŋŋan qahö melaim niŋgiyökmö, Jisös Kraist aka Iwi Anutu i kömupnöhök mem guliyöhi, yetkön mönö arengöba aposol nup al niŋgiyohotka kinjal. ²Neŋakurup pakpak nömbuk kinjei, yeŋön ni kötöngöm niŋgigetka kimbi ki albi Galesia prowinsnön anda urumeleŋ könagesö kambuŋi kambuŋi enŋöreŋ kaza.

³Anutu Iwinini aka Kembu Jisös Kraist yetkön mönö kalem möriam enŋiyohotka luainön malme.

⁴Jisösnön nanine Anutu aka Iwi yangö numbu jitŋi wuatangöba nengö siŋgisöndokninangöra aka malmalŋi köleŋniga qeget. Nalö kewöŋe gölmegö nalö bölöŋe malakzini, yaŋön mönö kiangöreŋök amöt qeba meköm nengimapköra aka kömuyök. ⁵Miangöra Anutugö qetbuŋaŋi nalönj nalönj möpöseininga tetekönj qahö aködamunŋambuk ahöba ahöm öngöma! Keu mi ölna.

Ölöwak Buŋa mi kude jim sohoba mondokqondoköme.

⁶Nönön enŋö könaŋinangöra aka aurubiga je kötni jölja. Anutunön Kraistkö kalem möriamŋi buŋa qem anŋumegöra enŋoholiga yambuk malgetmö, nönön enŋömosötpiga tosatŋan kaba Ölöwak Buŋa murutŋi jigetka nalö qahö köriiga elenja keu goŋgoŋi miangöreŋ qekötahöba

eñololoñ malje. Miangöra mönö ölña auruza. ⁷Keuñini mi Ölöwak Buña ölñi qahöpmahöp akzadmö, ambazip tosatñan Kraistkö Ölöwak Buñani mi eñololoñ memba meñeñeñe aketka möwököwöramgöiga goñgiza. Mewö aiga lañ liliköba ambazip kuñgum eñgetka uruñinan siksauk aiga malje.

⁸Ambazip mewöñi mi yapmakek! Neñon Ölöwak Buña lök jim asarim eñgiba malini, kuññan mi qeapköba buña keu murutñi jim asaribawak ewö, yañon mönö Anutugö jeñe könöp siagö buñaya akza. Mi neñgöreñök kuññan me Suepkö garata kuññan eta jibawak, mi töndup keu mewöñi mönö qahöpmahöp tem kölme. Keu goñgoñi mi muat. ⁹Keu mutuhök jiba malini, miyöhök mönö döлки kunbuk jizal: Eñon Ölöwak Buña lök möt añañon kölgeri, kuññeñe mi qeapköba buña keu murutñi jim asaribawak ewö, Anutunöñ mönö i jörahöm wañgi-ga könöp sianöñ gema.

¹⁰Keu mewö jizali, mi ambazipnöñ nek soriget nanak jeñine dop köl-mamgöra aka qahö jizalmö, Anutunöñ nehi yañgö jeñe dop kölmamgöra aka mi jizal. Nöñon gölme ambazip uru ölöwak möt niñgimegöra qahöpmahöp kapañ kölakzal. Toroqeba ambazip kelök ak eñgiba sipköbilenak ewö, nöñon mönö Kraistköreñ nup memamgö osibilenak. Mewö.

Kraistnöñ mem letot niñgiiga aposol ahal.

¹¹O alaurupni, Ölöwak Buñañgö könañi mi kewö möt yaköme: Buña keu jim asarimakzali, mi gölme azi kuññan qahö jimbuereñ jiyöha ahöza. ¹²Kuññan kun mi qahö kusum niñgiyök. Mi gölme azi kungöreñök qahö möt añañon kölalmö, Jisös Kraistnöñ nanñak asuhum niñgiba

Ölöwak Buñani indeliga möt asaribiga nöngö buñaya ahök.

¹³eEñon nöngö könañamni ölop mötze. Juda ambazipnöñ Anutugö Köna keugöra urukönöp ahakzei, nöñon mutuhök yengö mötmötñini wuatangöba yengö dop aka memba malal. Mewö mala Anutugöreñ urumeleñ könagesö mi eñgum ureiba jañgauranga mem eñgiba malal. Köñöpñambuk sesewerowo ak eñgiba mem ayuhum eñgimamgö esapköba malal. ¹⁴fJuda ambazip gwabö alaurupni qötönini mohot kota malini, nöñon yengöreñök sehisehiñi mi luhut al eñgiba Köna keugöra urukönöp aka malal. Mewö mala Juda ahakmemegö könañi törörök wuatangöba ambösakoninangö jimkutukutu keu etpapuköra mönö önöñi qahö kapañ köla malal.

¹⁵gMewö aka malalmö, Anutunöñ mutuhök nam körö uruñeyök neka nanñangöra möwölöhöba al niñgiyök aka könañgep kalem möriamñangöra aka noholök. Noholöhi, yañon mönö nöngöra areñ kewö möri dop kölök: ¹⁶Yañon Nahönñangö könañi nöngöra indeli mötmamgö möta Jisösgö Ölöwak Buñani memba kian kantri tosatje anda yengö sutñine jim asariba malmamgö jiyök. Yañon mewö jiyöhangöra aka nöñon wahöta könakönahineyök könahiba gölme ambazip yengö goro keuñinangöra mönö qahöpmahöp jaruba qesim eñgiba mala koral.

¹⁷Mewöñanök Jerusalem sitinöñ qahö öngöba melaimelai azi aposol mutuk mala kotkeri, yengöreñ qahö anda asuhuyal. Mewö qahöpmö, miangöreñök Arebia gölmenöñ anda mala kunbuk Damaskus sitinöñ lilingöyöl. ¹⁸hDamaskus lilingöbiga

^e1:13 Apo 8.3; 22.4-5; 26.9-11 ^f1:14 Apo 22.3

^g1:15 Apo 9.3-6; 22.6-10; 26.13-18 ^h1:18 Apo 9.26-30

yambu (yara) karöbut teköiga “Pitö eka möt kutumam,” jiba Jerusalem sitinöŋ öngöba yambuk sömaŋi 15 miangö dop malal. ¹⁹Miangöreŋ malalmö, melaimelai azi aposol tosatŋi i qahö engehal. Kembugö munŋi Jeims iyök ehal.

²⁰Miangöra mötket, keu ohom engizali, mi keu ölni akza. Muneŋi kun qahö. Keu mi Anutugö jemesoholŋe jizal.

²¹Jerusalem mosöta Siria aka Silisia gölmenöŋ anda miri tosatŋi liliköba malal. ²²Mewö anda malalmö, Judia prowinsgö urumelenŋ könagesö kambuŋi kambuŋi Kraistpuk qekötahöba kinjei, yeŋön qahö nekerangöra nalö miangöreŋ ni qahö möt kutum niŋgiba malget. ²³Nöŋgöreŋ buzup keu kewöyöktöp yeŋö kezapŋine geiga mötket, “Mutuk sesewerowo ak neŋgiba malöhi, yeŋön mönö letota malja. Mötnarip keu ayapkömapköra jaŋgauranga mem neŋgiyöhi, yeŋön nalö dölkewöŋe nanŋak keu miyöhök jim asarimakza.” ²⁴Mewö möta nöŋgöra aka Anutu möpöseim waŋgiba malget. Mewö.

Aposol yeŋön Pol örögetka sutŋine kayök.

2ⁱMiangö andöŋe yambu (yara) 14 teköiga miangöreŋ “Barnabasbuk Jerusalem sitinöŋ kunbuk öngömam,” jiba Taitus mewöyök waŋgitpiga mohotŋe öngöin.

²Anutunöŋ mutuk nöŋgöra asuhuba anmangö keu indelöhangöra aka yetpuk anda Jerusalem aŋgota nupnaŋgö könäŋi jim asarim engial. Nup pöndaŋ memba kota maljali, miangön aposol yeŋgöra qahö dop köliga nupnaŋgö ölnan eta qeiga pöröpköbapuk. Mewö mötmöriba

kösohotni ambazip omaŋi yeŋgöra laŋ qahö jialmö, jitŋememeurupnini göda qem engimakzini, iyök öröm engbiga tokoget. Tokogetka miangöreŋ Ölöwak Buŋa kian kantri sutŋine liliköba jim sehimakzali, mi aukŋe al engbiga mötket. ³Yeŋön mi möta “Ölöp!” jiget. Mewö jiba neŋakni Taitus Grik azi yeŋön nömbuk malökmö, töndup ketaŋamninan Anutugö aiwesökŋi silene yandimegö qahö jim kutum waŋgiget. Juda neŋgöreŋ Köna keu mi qahö al köhöim waŋgiget.

⁴Juda ketaŋi yeŋön qahöpmö, tosatŋan silene yandibingö möta sutŋe sutŋe kuŋguba jigeri, böhi takapulakaŋi miengö könäŋini kewö: Yeŋön “Urunini melenjin,” jiba mewö möndöba neŋgö könanini ek kutumegöra ölöŋ jaŋjaŋ kaba ala tandök sutŋine kaŋgota malget. Nini Kraist Jisösbuk qekötahöinga malmal walŋangö kösönöhök pösat neŋgiiga solanŋi maljini, miangö silikŋi ek kutumegöra kinget. Yeŋön neŋgöra kewö möta köpösöŋgöget: Ölöp malgetka engömeinga nanine sel uruŋe kagetka Mosesgö Köna keu bapŋe al engiinga nanine welenqequeurupnini akŋe. ⁵Mewö köpösöŋgöba metal neŋgigetmö, neŋön mönö Ölöwak Buŋagö keu ölnan lolonqalonŋ akapuköra kinjin. Mi engö sutŋine kahaimök ahöm köhöimapköra kinjin. Miangöra nalö kunöŋ qahö löwöriba keuŋinaŋgö bapŋe anbingö qahöpmahöp imbi köl waŋgiin.

⁶Totokonöŋ nöŋgö Buŋa keuni jim asaribiga jitŋememe yeŋön “Ölöp!” jiba nöŋön keu kun toroqeba jimamgö qahö jiget. Azi mi ipŋina aketka göda qem engimakze. Qetbuŋaŋini mewö me mewö akzawi, nöŋön miangö mötpi dop mohot akza. Anutunöŋ ambazip tosatŋi qahö neŋgek soriba tosatŋi qahö

qepureim engimakza. Dop mohotnönj kewöt neŋgimakza. ⁷Buŋa keuni qahöp mahöp utekögetmö, Anutugö nup areŋi miaŋgöra mönö “Aha!” jiba kewö ek asariget: Anutunönj möt narim neŋgiba Ölöwak Buŋa jim asaribingö nupŋi mi kewö mendeŋnök: Nönön mi kian kantri sutŋine jim sehibiga Pitönönj Buŋa keu miyök Juda könagesö yeŋgöra jim asariba uruŋini kuŋgum engimakza.

⁸Nupŋi mewö mendeŋda aposol Pitö inahöm waŋgiiga Juda azi sileŋini yandigeri, yeŋgö sutŋine urukuŋgukuŋgu nup memakza aka ni mewöŋanök inahöm niŋgiiga melaimelai azia aka kian kantri sutŋine liliköba nup miyöhök memakzal.

⁹Miaŋgöra Jeims, Pitö aka Jon, azi ipŋi qetbuŋaŋinambuk yeŋön Kembunönj kalem möriam mewöŋi niŋgii malali, keu mi möt kutugetka urumohot ahin. Nup mewö mendeŋda miaŋgö kaisöpsöpŋa Barnabas niri böröniri qegetka kewö jim köhöinin, “Niri kian kantri yeŋgöreŋ anda nup meziga nanŋini Juda könagesö yeŋgö sutŋine toroqeba nup memakŋe.”

¹⁰Mohot-kungöra qesim netkiba kewö toroqeba jiget, “Ambazip wanapŋi bauköm engibitköra mönö toroqeba mötmöriba malmahot.” Mewö jigetka mönö mewöyök ak engimangö kapaŋ köla maljal. Mewö.

Polnönj Pitö qetala jim waŋgiyök.

¹¹Mewö jim köhöininmö, Pitönönj Antiokia sitinönj kaba möŋaqöŋai aiga ambazip uruŋinan gwötpuk böliyök. Miaŋgöra Pitönönj kaiga ehali, nalö miaŋgöreŋ mönö jeŋe kuŋguba kewögöra tuarenjoŋ ak waŋgial: ¹²Pitönönj mutuk kian kantri yembuk mala nene mohokŋe nemba malgetmö, azi tosatŋan Jeims mosöta Jerusalemök kagetka mi-

anŋö andöŋe ambazip mi engek siriköba tikeptikep kinök. Anutugö aiwesökŋi sileŋine yandiget yeŋgöra keŋgötŋi möta ziriŋziriŋ aka Juda kambu yembuk qekötahöba malök.

¹³Mewö kian kantri ambazip mi ölan enguba koŋgwarak aiga Juda urumeleŋ ambazip tosatŋan mewöyök Pitöbuk qekötahöba silesile silik aket. Silesile silik aka Barnabas mewöyök örogetka yembuk janjuŋ ahök. ¹⁴Mewö aka ahakmemeŋinan Buŋa keu ölni diŋdiŋanök qahö wuatangögeri, nönön mi eka ambazip körek yeŋgö jemesoholŋine kinda kewö jial, “Pitö, gi Juda aziapmö, töndup kian kantri yeŋgö ahakmemeŋini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kuŋgum engiba urukönöp ahakzan? Mi qahö dop kölja.” Mewö.

Juda aka kian kantri neŋön Anutugö jeŋe örorönj akzin.

¹⁵Juda asuhaba urunini meleŋnini, neŋön mönö kian kantri ambazip siŋgisöndokŋinambuk qahö aka maljin. ¹⁶^kMewö maljinmö, amötqeqegö könaŋi mi kewö ahöi möt yaközin: Jisös Kraist möt nariinga keunini jim teköi solanizin. Kunŋan Köna keu wuatangöba mewö miaŋön solanŋi qahö akŋa. Miaŋgöra neŋön tok solanŋi akingö möta Kraist Jisös möt narim waŋgiinga keunini jim teköi solaniin. Mi Köna keu tem kölbinahaŋgöra aka qahö.

¹⁷Mewö Kraist qekötahöba Anutugö jeŋe solanibingö kapaŋ kölinga Anutunönj töndup miwikŋaim neŋgiiga naninak kantri tosatŋi tandök siŋgisöndokŋinambuk maljin ewö, Kraistnönj mönö siŋgisöndok akingö nam köl neŋ-

giza me qahö? Qahöp mahöp! Keu mi yapmakek! ¹⁸Köna keu wuatangöba solanji akingö keunji lök köndenja qeapköyal. Qeapköyalmö, mi kunbuk esapköba jim kungubilenjak ewö, mönö Köna keu miyök qetala singisöndok azia aka könañamni kunbuk mewö miwikñaibilenjak. ¹⁹Mutuk könañamni mewö miwikñaiba Köna keugöra aka kömukömuñi tandök ewö ahal. Mewö akiga Köna keunöñ mönö qahö toroqeba galöm köl niñgiiga solanji maljal. Nöñön malmalni Anutugöreñ albiga Kraistpuk maripomnöñ nuñguget ewö kömumba kinda yambuk köhöiba maljal.

²⁰Miangöra nanak qahö toroqeba maljalmö, Kraistkö Uñañan mönö nöngö urune köhöiba malja. Kraistnöñ uru jöpaköm niñgiba malmalñi nöngöra kölenja sohöpni meyök. Miangöra toroqeba silebuk malmal malmami, mi mönö Anutugö Nahönñi möt narim wañgiba malmam. ²¹Köna keu wuatangöba mewö miangön solanji akinak ewö, Kraistnöñ mönö öne töhön kömumbawak. Kömuyöhi, mi möt nariba Anutugö kalem möriamñi mewö qahö qeapkömakzal. Miangön mönö nam köl neñgiiga solanimakzin. Mewö.

Köna keugörök kinme me Jisös möt narime?

3 O Galesia kahapmahap ambazip, uruñini qahö! Nöñön Jisös Kraist maripomnöñ qegerangö könañi mi jeñine ala jim kondel engjalmö, kunñan nöngö andöne kaba kahalalom mem enggiiga janjuñ akze. Mi qahö dop kölja. ²Yuai mohot-töp qesim enggibiga jiget mötmamgö mötzal: Eñön Uña Töröñi mi mönö denöwö aka buña qem anguget? I Köna keu wuatangögerangöra aka qahöpmö, Ölöwak Buña möta Jisös möt

narigetka Uña mi uruñine ali buña qem anguget. Nöñön keu mia ölüm enggubapüköra kinda uruñini kunguzal. ³Mia ölüm engguyök tandöktandök meñenja mötmötñini mosöta kahalalom akze. Mutuk Uña Töröñan uruñine geba inahöm enggiiga könañi könahiba angetmö, kunbuk Mosesgö Köna keugö könañe geba anakze. Nalö kewöñe nanñini ösum qakñe solanji akingö esapkömakze me? Ösumñini miangön mönö qahö dop kölja.

⁴Kraistköra aka sihibölö gwötpuk ak enggigetka qakñine öngöyöhi, mi mönö öne töhön möta bisiba malget me? Öñji qahö aiga mi mönö öñja öne töhön bisiget. Miangöra inñini mönö uruqahö ambaziwa malje. ⁵Miangöra Anutunöñ Uña Töröñi enggiba sutñine angöletot ösum-mumuñambuk memakzawi, mi eñön Buña keunji möta Jisös möt narimakzeangöra aka memakza. Köna keu wuatangömakzeangöra aka mi qahö memakza. Qahö. Keu mi kude ölüm engguma. Mewö.

Abrahamgö köna wuatangöingä dop kölma.

⁶Keu miangö dop Anutunöñ Abraham ak wañgiiga mi Buña keunöñ kewö ohoget ahöza, “Abrahamnöñ Anutu möt narim wañgiiga eka keunji jim teköiga solaniyök.” ⁷Miangöra Abrahamgö könañi mötmöriba kewö mötme: Denike yeñön Anutu möt narimakzei, yeñön mönö Abrahamgö undumuruñji aka malje. ⁸Anutunöñ qeljiñe areñi kewö alök, “Ambazip Juda qahö yeñön ni möt narim niñgigetka keunji jim teköbi solanime.” Areñi mewö ala miangö dop Abrahamgöra Ölöwak Buña keu qeljiñe kewö jii mörök, “Göhöra aka nöngö kötuetaan mönö gölmegö ambazip kambu pakpak

yeŋgö qakŋine öngöma.” Tosatŋan keu mi qeljiŋe ek asariba Buŋa keunöŋ ohoget. ⁹Abrahamnöŋ Anutu möt narim waŋgiiga kötuatköm waŋgiiga mötnaripkö bömönjalöŋi ahök. Miangö dop denike yeŋön Abrahamgö dop möt narizei, Anutunöŋ i mewöyök kötuatköm eŋgiiga Abrahamgö undumuruhŋi akŋe.

Jisösnöŋ salupnine qesuahöp buŋa qem aŋguyök.

¹⁰nMewö akŋemö, körek yeŋön Köna keu wuatangöba miangö qakŋe nariba maljei, Anutunöŋ mönö jörahöm eŋgiiga malme. Keu mi Buŋa keunöŋ kewö ohoget ahöza, “Köna keu Kimbinöŋ keu pakpak ohoget ahözawi, kunŋan kun mi körek qahö tem köla wuatangömakzawi, Anutunöŋ mönö i qesuahöm waŋgiiga malma.” ¹¹oBuŋa keu kun kewö ohoget ahöza, “Ambazip solanŋi kungö mötnaripŋan mönö nam köl waŋgiiga köhöiba malma.” Miangöra kunŋan Köna keu wuatangöba miangö solanŋi akŋangö mötzawi, yaŋön mönö Anutugö jeŋe qahö solanima. Qahö. Keu mi lök aukŋe kondel eŋgibiga teköza. ¹²pMötnaripnöŋ Mosesgö Köna keu qahö nam kölja. Keu miangöŋ jöjöpäŋ keu pakpak tem köl teköbingöra urunini kuŋgumakza. Köna yahöt mi nanjök nanjök. Köna keugö könaŋi mi kewö jii ohoget ahöza, “Köna keu pakpak tem köla wuatangömakzawaŋön mönö köhöiba malma.”

¹³qKöna keu qahö walöŋbinak, mewö malmal köhöikŋi miwikŋaibinak. Mewömö, Anutunöŋ nini nanŋi Köna keuŋangö dop qesuahömamgö tököba Kraist melaiiga alabauknini aka sohpnini meyök. Buŋa Kimbinöŋ keu kun kewö ohoget ahöza, “Ambazip ip kembraŋe möndöm eŋgizei, Anutunöŋ

mi körek qesuahöm eŋgiiga malje.” Miangö dop Kraist ipnöŋ möndögetka nanini salupnini aiga Anutunöŋ qesuahöm waŋgiiga mewö miangöŋ sohpnini meyök. Jöramörahöp neŋgö qaknine öngöyöhi, mi qeköyök.

¹⁴Bömönini Abrahamnöŋ Anutu möt nariiga kötuatköm waŋgiyöhi, miangö dop kötumötuet miangöŋ kian kantri pakpak dop köla yeŋgö buŋaŋina akŋapak mörök. Mewö möta körek neŋgö sohpnini meyök. Sohpnini meiga Kraist möt nariinga köna kewö ahuma: Anutunöŋ Uŋaŋi neŋgimamgö keuŋi jöhöyöhi, nini urunini melaŋda Uŋa mi ölop buŋa qem aŋgubin. Mewö.

Köna keu aka oyaeŋkoyaeŋ akingö jöhöjöhö keu

¹⁵O urumeleŋ alaurupni, nöŋön gölmenöŋ malmalgö söpsöp keuŋi kun kewö jimam: Kunöŋ börösamotŋi tosatŋi yeŋgö buŋaŋina akŋapak keuŋi kambunöŋ jiiga jöhögetka ahözawi, mi kunŋan kun qeapköba könaŋep keu kun qakŋe toroqemamgö osima. ¹⁶rMötket, Anutunöŋ jöhöjöhögö keuŋi mi Abraham aka yaŋgö gwölönarökŋi yetköra jiba jöhöi ahöza. Buŋa keu miangöŋ “gwölönarökurupki” neŋgöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki wangimam.” Azi mohot mi Kraist.

¹⁷sKeu miangö könaŋangöra kewö jizal: Jöhöjöhögö keu miangö ölnan mönö etmapkö osima. Anutunöŋ mi mutuhök jiba jöhöba yambu (yara) 430 teköiga miangöreŋ Köna keuŋi miwikŋaiba Moses waŋgiyök. Köna keu miangöŋ mönö jöhöjöhö keuŋi mutuk jiyöhi, mi qeapkömamgö osima. ¹⁸tOyaeŋkoyaeŋ akingö

ⁿ3:10 Dut 27.26 ^o3:11 Hab 2.4 ^p3:12 Lew 18.5 ^q3:13 Dut 21.23

^r3:16 Jen 12.7 ^s3:17 Eks 12.40 ^t3:18 Rom 4.14

kötumötuetnji mi Köna keu wuatangöba miwiknai binak ewö, Anutugö jöhöjöhö keugöra qahö toroqeba osiinga öne töhön ahöbapuk. Buña keunji Abraham wanjiyöhi, mi öne töhön qahö ahöyökmö, Anutunöj keunji miangö dop Abraham kötuatköm wanjiiga oyaenkoyaeñ ahök.

¹⁹ Abraham öne kötuatköm wanjiiba Köna keu mi mönö denöwögöra ali ahöza? Miangö könañi kewö: Ambazipnönj köna onjita janjuñ aka malgerangöra Anutunöj Köna keu mi könangep toroqeba jim miwiknaiyök. Jim miwiknaiiga Sup garata yeñön mi memba eta alabauk azi (namel man, mediator) Mosesgöra indela böröñe algetka Anutugö jitje memba ambazip sutnine kinda jim kutuyök. Köna keu miañön nalö dop ahöm öngöba galöm köl neñgimapaköra aka qahöpmö, könangep Köna keugö ösumñan etmapköra mi neñgiyök. Abrahamgö gwölönarök kungö jöhöjöhö keunji neñgiiga azi miañön asuhuyöhi, nalö miangörej Köna keugö ösumñan eri teköyök.

²⁰ Alabauk azi yañön Anutu aka ambazip sutnine kinda keu nup memakza. Anutunöj jöhöjöhö keunji mi alabaukñi qahöpmö, mönö nanjak Abraham wanjiyök. Miangöra oyaenkoyaeñ akingö jöhöjöhö keunji mi öngöñgöñi aiga Köna keunji miañön nemböñi akza. Mewö.

Köna keugö nupñi öñji mi denöwö?

²¹ Mewö aiga Köna keu aka oyaenkoyaeñ akingö jöhöjöhö keu mi auzahot me qahö? Saumbañ! Anutunöj mal köhöibingö Köna keunji neñgibawak ewö, mönö öñja Köna keu wuatangöba Anutugö jeñe solanji akinak. Miangöra keu yahöt mi qahö auzahot. ²² Qahöpmö, keu yahöt mi nanjök nanjök. Anutunöj jöhöjöhö keunji mi mötnarip ambazip oyaenkoyaeñ ak neñgimangöra aka ali

ahöza. Jöhöjöhö keu miañön Jisös Kraist möt narizini, mönö neñgörej öñjambuk akñapaköra möta kewö arengöba jiyök, “Siñgisöndok ambazipnönj uruñini qahö meleñme ewö, mönö öne töhön Anutugö jeñe qahö solanime.” Miangö könañi mi Buña keunöñ kewö jii ahöza, “Siñgisöndoknönj mönö gölme dop ambazip pakpak gwaröhöm neñgiiga maljin.”

²³ Mutuk urunini qahö meleñninga mötnaripninan qahö asuhuiğa Köna keunöñ jöhöba galöm köl neñgiba gwarö uruñe misim neñgiyök. Könangep Anutunöj mötnaripkö könañi indeli asuhuyöhi, nalö miangörej kösö gwarö malmalninan teköyök.

²⁴ Mewö taringa Köna keunöñ mönö böhinina aka Kraistkö könañi mötpingöra kusum neñgimakza. Böhi leuam kusum eñgigeri, miangö dop keu miañön mönö neñguangita solanji akingö mindingöba galöm köl neñgimakza. Mewö aka Kraistkö könañi möt asariba möt narim wanjiinga keunini jim teköi solanibingöra kuñgum neñgimakza. Urunini meleñninga böhigö nupñan mönö nalö miangörej teköza. ²⁵ Urunini meleñninga mötnaripninan asuhuiğa Köna keu bapñe qahö malinga miañön böhi ewö qahö toroqeba galöm köl neñgimakza. Mewö.

Anutugö nahönböraturupñi aka maljin.

²⁶ Körek eñön mönö Jisös möt narim wanjigetka ahياهو dölokñi eñgiiga Anutugö nahönböraturupñi aka Kraistpuk qekötahöba kinje. ²⁷ Kraistpuk kinmegöra o melun mem eñgigeri, körek eñön mönö Kraist möt anjön köla miañön maluku tuatñi ewö esuhum anguba yambuk qekötahöba kinje. ²⁸ Injini körek pakpak Kraist Jisösbuk qekötahöba kingetka mindirim eñgiiga mohot aka malje. Miangöra

Juda aka kantri tosatji eñön Anutugö jeje kambu yahöt mi kunbuk qahö akze. Nanjini nupjini memakzei aka welenqege omañi akzei, Anutunöñ engehiga kambu yahöt qahö toroqeba akze. Azi ambi eñön Anutugö jeje kambu yahöt qahö toroqeba akze.

²⁹ †Ijini Kraistkö buñaya akze ewö, mönö Abrahamgö gwölönarökñi yangöreñök ahuba tinibaniurupji malje. Mewö ahuba jöhöjöhö keuñangö ölnji oyaenjkoyaen mi buña qem angumeañgö dop akze. Mewö.

Neñön Kraistköra aka Anutugö nahönböratñi ahin.

4 Keu mi toroqeba könäñi kewö jimam: Nahönöñ iwiñangö börösamotñi buña qem angumawanğö dop akzapmö, morö gwabö mala nalö miangöreñ welenqege omañi yembuk öröröñ tandök akza. Iwiñangö börösamot yuai pakpakö toñi akñapmö, töndup welenqege yeñgö qöhöröñine alañina aka nup töwañi qahö memakza.

² Mewö morö mala galömñi yeñgö nembö bapñine kiniga yeñön malmalñi pakpak areñgöba galöm köla jim kutum wañgimakze. Iwiñan nalö al wañgii kam kuñgumawi, miangöreñök könahiba nanñak börösamot toñi aka malma. ³ Nanini mewöñanök mutuk urugö likepñe morö gwabö ewö malin. Nalö miangöreñ bem suahö galöm Sup gölme sutñire yuai pakpak galöm köñ engimakzei, mieñön mönö nini mewöyök galöm köñ neñgigetka öne yeñgö welenjini qeba nemböñini bapñe malin.

⁴ Mewö malinmö, Anutugö nalöñan kam kuñguiga Nahönñi melaiiga ambigöreñök asuhuyök. Juda neñgö Köna keu bapñe malmamgöra asuhuyök.

⁵ †Köna keu bapñeyök pösat neñgiba sohopenini memamgöra asuhuyök. Mewö Anutugö nahönböratuñi aka buñaji möt angön köñ teköba maljin.

⁶ Mewö Anutugö nahönböratñi akzeañgöra aka Anutunöñ Nahönñangö Uñaji melaiiga urunine geba kewö qerakza, “O Aba Iwini!”†

⁷ Mewö qerakzawanğöra aka qahö toroqeba welenqege omañi akzanmö, Anutugö nahönböratñi aka maljan. Mewö maljanangöra aka Anutunöñ oyaenjkoyaen Buñaji gihiiga buña qem añguba galöm köla malman. Mewö.

Polnöñ Galesia yeñgöra waimañat mörök.

⁸ Ijini mutuk Anutu qahö möt kutuba malget. Nalö miangöreñ tandö lopion aka bem suahö galöm bem öñangö malmalñi qahö memba maljei, mi töwañini qahö welen qem engiba etqegeñi malget. ⁹ Mewö malgetmö, uruñini melenđa nalö kewöñe Anutugö könäñi möt kutuba malgetka Anutunöñ möt kutum enğiiga malje. Anutunöñ möt engizawi, keu miangön bohonñi ak engiza. Mewö maljemö, wuanöñgöra dumñe kunbuk bem suahö galöm yuai pakpak galöm kölakzei, mönö yeñgöreñ melenđa mesohol köñ engiba malje? Bem suahö galöm mi ösumñini eretñi akzemö, eñön mönö töndup mi welen qem engiba etqegeñi akingö sihimñi mötze. Mi qahö dop köñja.

¹⁰ Mi welen qem engiba kendon tatat nalö könäñi könäñi mi mötket öngöiga törörök wuatañgömakze. Sabat kendon tarakze. Köñj dölökñi koriga bemñini mötmörriba köñj dop söñgaimakze. Yambu jeñiqege söösöñgai aka söösöñgai tosatñi mi yambu (yara) dop törörök wuatañgömakze. ¹¹ Nöñön enğöra aka

†4:6 Aba mi Arameik keunöñ Iwi.

keŋgötŋi kewögöra mötzal: Nöŋön eŋgö sutŋine nup membiga öŋŋi qahö ahuiga öne töhöŋ sileqeŋe akileŋbuk.

Galesia yeŋön Pol andö qebingö aket.

¹²O urumeleŋ alaurupni, nöŋön kewö kuŋguba qesim eŋgizal: Nöŋön iŋini ewö aka malalaŋgöra eŋön mönö nöŋgö dop akŋe. Yuai bölöŋi kun kude ak niŋgiget. ¹³Nöŋön mutuk eŋgöreŋ kaba kawöl nöhöi sileni eri malali, könaŋi mewögöra tata Ölöwak Buŋa jim asaribiga mötket. Eŋön mi möt kömuze. ¹⁴Nöŋön sile-eret malbiga andö nuŋgubingö esapesapŋi miwikŋaiget, mi mötzalmö, töndup qahö jijiwilit aka qepureim niŋgiget. Mewö qahöpmö, ni neketka Anutugö garata ewö akiga nömeget. Opopoŋ, nöŋgöra Kraist Jisös nanŋaŋgö tandök mötmöriba öröm niŋgiba “Owe owe!” jiget.

¹⁵“Owe owe!” jiba silene pölpöl qeba je kötŋini uzula niŋgibingö mötketmö, mi qahö dop köliga mosötket. Eŋgö könaŋamŋini möta mi öŋŋa mewö naŋgöba jizal. Ye! Nalö miangöreŋ jim sösoŋgai öhöŋi qahö akeri, mi mönö denöwögöra nalö kewöŋe qahöwahi öne malje? Mi qahö dop köŋja. ¹⁶Eŋgöra Buŋa keu öŋŋi jimakzalaŋgöra mönö kerök ak niŋgize me?

¹⁷Ambazip tosatŋi mieŋön eŋgöra aka urukönöp ahakzemö, mi urukönöp ölöŋŋi qahö. Mi ölöŋŋi qahöpmö, yeŋön iŋini neŋgöreŋök eŋguaŋgita sutŋine jabö ala tököm niŋgimegöra mötze. Mewö mendeŋ neŋgigetka urukönöp qakŋe nanŋini naŋgöm eŋgimegöra kapŋa kölakze. ¹⁸Iŋini ahakmeme ölöŋŋi akŋegöra urukönöp ahakzei, mi mönö qetpuk. Nöŋön eŋgö sutŋine malbiga nalö miangöreŋök qahöpmö, mönö nalö dop mewö aketka dop kölma.

¹⁹O gömokurupni, ni ahuahu dölöŋŋi ahumegöra masö tandök nuŋguiga si-himbölä mörali, miyöhök mönö dumŋe kunbuk mötzal. Kraistkö ahakmemeŋan eŋgöreŋ ahum kutumapköra sihimbölä mi möta maljal. ²⁰Nöŋgö urunan mönö eŋgöra aka lalalulu siksauk akza. Mi-angöra nöŋön nalö kewöŋe eŋgö sutŋine malmamgö mötkurumkurum akzal. Embuk mala keu imbini memba eta ala keu ösöŋ jimamgö ak niŋgiza. Mewö.

Hagar aka Sara yetkö söpsöp keuŋiri

²¹Tosatŋi eŋön Juda neŋgö Köna keu Kimbi wuatangöbingö mötzemö, keu miangö könaŋi mi öŋŋa möt kutuze me qahö? Könaŋi mi möt asarimegöra qesiba kuŋgum eŋgizal. ²²^wBuŋa keu kun kewö ohoget ahöza: Abrahamgö nahönyahötŋi yahöt ahuyohot: Kun welenqeŋe ambi etqeŋeŋan (sleiw) meyök aka kun mi nanŋi soŋgojariŋ anömŋi solanŋi (fri) malmalŋan meyök. ²³Welenqeŋe ambinöŋ nahönŋi meyöhi, miangön morö ahuahugö könanöŋ ahuyökmö, kun ambi solanŋi (fri) malmalŋan meyöhi, yaŋön Anutunöŋ morö nahön ahumapkö keu jöhöyöhi, mönö keu miangö öŋŋan asuhumapköra ahuyök.

²⁴Keu miangö könaŋi mi tölapŋi. Ambi yahöt mi Anutunöŋ ambazip nembuk jöhöjöhö areŋ yahöt alöhi, mönö mietkö söpsöpŋira. Jöhöjöhö areŋ kun mi Sainai (Sinai) kundurŋe alöhi, miangö söpsöpŋi mi ambi qetŋi Hagar. Ambazip jöhöjöhö areŋ mi wuatangömakzei, yeŋön mönö Köna keugö jimkutukutu bapŋe malje aiga gwölö-narökurupŋinan keu miangö welenŋi qemakŋegöra ahumakze.

²⁵Hagar mi Sainai kundurŋi, Arebia gölmenöŋ kinjawaŋgö söpsöpŋi akza. Sainai miangö alaŋi mi Juda gölmegö

siti qetņi Jerusalem. Siti miangö kónagesögö ketanji moröņi yeņön nalö kewöņe Kóna keu bapņe malgetka jöhöm eņgii solanņi (fri) qahö akze. Miangöra dopņiri mohok akzahot. ²⁶ Solanņi (fri) qahö akzemö, Jerusalem siti kun euyangöreņ maljei, yeņön mönö kösö gwaröņini qahö solanņi malje. Neņgö namnini Sara yaņön mönö siti miangö söpsöpņi akza. ²⁷ *Miangö kezapqetok keuņi mi kewö ohoget ahöza,

“Ambi azinöņ ölan qeyöhi, yaņön mönö nahönbörat eņgömiiga sehigetka mewö ambi apņambuk mi luhut alma.

Miangöra ambi köpin morö qahö menöņi, gi mönö töndup söņgaiba malman.

Masö qahö guhui malnöņi, gi mönö töndup qet gigilahöba morö ahumapköra köiraņ ala malman.”

²⁸ O urumeleņ alaurupni, iņini mönö Aisakö dowa Anutugö jöhöjöhö keuņan nam köl eņgiiga ahuahü dölökņi ahüba malje. ²⁹ *Nalö miangöreņ morö ahuahügö kónanöņ ahuyöhi, yaņön munņi Uņa Töröņan nam köl waņgiiga ahuyöhi, mi sesewerowero ak waņgiba malök. Nalö kewöņe mewöņanök sesewerowero mewöņi mi ahöza.

³⁰ *Mewö ahözapmö, Buņa keu kun mi toroqeba kewö jigetka ahöza, “Welenqege ambigö nahöņņan mönö Iwiņangöreņ börösamotņi qahö mema. Ambi solanņi malmalņi yaņgö nahöņambuk mi mohotņe qahö mendenđa aņgön kölmahot. Miangöra welenqege ambi etqegeņi mi mönö közölnöņga nahöņambuk anmahot.”

³¹ O urumeleņ alaurupni, söpsöp

keu mewöņangö dop neņön mönö welenqege ambigö undumurupņi gwaröninambuk qahö akzinmö, ambi solanņi malmalņangö undumurupņi akzin. Miangöra loloņqaloņ ahakmeme mi közölme. Mewö.

Lolongöba Kraistpuk kinkin solanņe kinme.

5 Kraistnöņ Kóna keu bapņeyök pösat neņgiiga solanņi maljin. Mewö mala tosatņan iņini kunbuk öröba Kóna keugö mötöpnöņ[‡] jöhöm eņgibepuköra mönö galöm mem aņguba malme. Welenqege omani ewö akepuköra mönö köhöiba böņ qeba kinme.

² Mötket! Pol nöņön kewö jibi mötket: Tosatņan Anutugö aiwesökņi sileņine yandimegö mötketka imbi kölme ewö, Kraistnöņ mönö bauköm eņgimamgö osima. ³ Keu mi toroqeba kewö naņgöba jimam: Azi pakpak sileņine aiwesök yandimegö mötketka imbi kölmei, yeņön mönö Kóna keu pakpak tem köla wuatangöme. Mi qahö wuatangögetka qahö dop kölma. ⁴ Kóna keu tem köla wuatangöba mewö miangö solanņi akingö mötzei, eņön mönö Kraistkö selņi qösököba yambuk qahö toroqeba kinje. Eņön mönö Anutugö kalem möriamņi mosöta yaigep eta laņ malje.

⁵ Laņ maljemö, neņön mönö Anutugö jeņe diņdiņi akingö jörömqörömi aka awöweņgömakzin. Mewö ahinga Uņa Töröņan inahöm neņgiiga Anutu möt narim waņgiinga keunini jim teköi solanibingöra mambörakzin. ⁶ Kraist Jisösbuk kininga urugö ölni mötnarip mi mohotņan mönö bauköm neņgimakza. Anutu möt nariinga inahöm neņgiiga amqeba urukalem ak

[‡]5:1 Ip kemaņi (yoke) mi bulmakau yahötkö jölnire ala jöhögetka mindirim etkiiga miangö mohotņe kare me gölmeqeqegö kinoņ örömakzahot. Miangö dop Kóna keu gwarönoņ maljan ewö, nupņi mönö töp meman.

anġuinga dop kōljapmō, mōtnarip ōlġi qahō mi qahō baukōm neŋġimakza. Mewōyōk Anutugō aiwesōkġi silenine yandiget ahōza me qahō, mi mōnō dop mohot akza. Silegō kun me kun mi Anutugō jeje qahō baukōm neŋġima.

⁷Mutuk uru meleŋmeleŋgō aonġit-nōġ mōnahot ewō ōsumġinan anġet. Ōlōpġanōk anġetmō, bōhi takapulakaŋi kunōġ kaba siksauk mem eŋġiba kembaje kutuiga keu ōlġi qahō toroqeba tem kōlakze. ⁸Kun daŋōn eŋġoholakzawi, yaŋōn mōnō kembaje kutumegōra qahō tutuhuba kuŋġum eŋġimakza. Mi qahō. ^{9a}Yist boromdōkġi kimbutnōġ ala plauabuk meleŋninga kōrek pakpak meiga qariba wahōrakza. Mianġō dop siksauk morōġan mōnō dop kōl eŋġiiga kōrekmakōrek janġuġ akepuġ.

¹⁰Bōhi takapulakaŋi yaŋōn siksauk mem eŋġiiga janġuġ ahakzei, Anutunōġ mōnō yaŋgō ahakmemeŋaŋgō likepġi meleŋ waŋġiiga sihimbōlōġi mōta malma. Nōġōn Kembubuk kindā mōt narim eŋġiba eŋgōra kewō mōta awōsamkakak akzal: Inġini Kraistkō Buġa keu tōrōrōk wuatāngōba mōtmōt murutġi pakpak yakōribingō mōt kōhōiba malme.

¹¹O urumeleŋ alaurupni, inġini mewō malmemō, nōġōn Kraist maripomnōġ kōmuyōhaŋgō kōnaġi jim sehibiga Juda yeŋgō uruġinan mianġōra bōlimakza. Maripomgō keuġi mosōtpileŋak ewō, mōnō sesewerowero qahō ak niŋġibeak. Anutugō aiwesōk azi silenine yandiyandimegō Buġa keuġi toroqeba jiba uru kuŋġum eŋġibileŋak ewō, mōnō kahasililiŋ qahō ak niŋġibeak. ¹²Tosatġan kuŋġum eŋġiba siksauk memakzei, yeŋōn mōnō yandiyandigō keuġini wuatāngōm tekōba nanġini

sile kitipġini kōrek yandim anġugetka mōtpi dop kōlbawak.

¹³O urumeleŋ alaurupni, Anutunōġ inġini kōna walġaŋgō keunōhōk lolohoba gwarōġini qahō malmegōra eŋġoholōkmō, kewōgōra mōnō galōm mem anġuba malme, “Mōnō lolohoba solanġi malġin,” mewō jiba mōndōba uruġinan wahōri silegō sihim kōmbōnaġini bōlōġan mōnō galōm kōl eŋġibapuk. Nanġini imbi-imbi qahōpmō, mōnō urukalem qakġe kindā welen qem anġuba malme. ^{14b}Kōna keu bohonġi mohot wuatāngōgetka Anutugōreŋ keu pakpak mōnō mewōyōk ōlġinambuk akġe. Keu bohonġi mohok mi kewō, “Nangi jōpakōm anġumakzani, mianġō dop mōnō ambazip pakpak uruġan jōpakōm eŋġimakġan.” ¹⁵Mewō jizapmō, bau kiam ewō anġōhōm sōksōk aka aumakze ewō, mōnō nanġini ayuhum anġubepukōra tōhōtġini pōndaġ mōta malme. Mewō.

Uġa Tōrōġan galōm kōl eŋġiiga malme.

¹⁶Nōġōn kewō jimam: Uġa Tōrōġan mōnō ahakmemeġini galōm kōliġa malme. Mewō malgetka urusilegō sihim kōmbōnaġini bōlōġi qei eri kude tem kōla wuatāngōmakġe. ^{17c}Mianġō kōnaġi kewō: Urusilegō sihim kōmbōnaġi bōlōġan mōnō Uġa Tōrōġi qetala laġ kōpōsōŋgōiġa Uġa Tōrōġan uru walġaŋgō kukġi qemamgō mōriġa sutġire juġul ahōi aumakzahot. Mewō aumakzahoraŋgōra eġōn yuai ōlōpġi aka mēmbingō mōta mi osimakze. ¹⁸Mi osimakzemō, Uġa Tōrōġan eŋġuaŋġiriga anda malje ewō, mōnō Kōna keu bapġe qahō malje.

¹⁹Urusilegō ahakmeme walġaŋgō nup ōlġi mi aukġe ahōi mōtzin. Mi kewō:

Kaisero namböṅnamböṅ laṅ aketka uruṅinan tölöhoiga serowilin ahakze. ²⁰Tandö lopioṅ waikṅini memba bemṅini möpöseim engigetka uruṅini sölölöhöm eṅgii suṅa jinaṅ ahakze. Kerök asuhui aṅgururuk aka aumakze. Kungörej yuaigöra urunöṅ mututqutut möta eröm ota yom jiba urusingok ahakze. Nanṅinaṅgörök mötmöriba yuai öröba girinjabak memakze. Julia mendeṅ aṅguba kambuṅi kambuṅi ala jijiwilit ak aṅgumakze.

²¹Tosatṅi yeṅgö yuaigöra eksihim möta körögisigisi aka közölömbuaṅ pati ala bau numbu nempa o köhöikṅaṅgöra eṅjololoṅ ahakze. Mi aka silik tosatṅi mewöṅi ahakzei, yeṅgöra mutuk jial aka miangö dop galöm meme keu mi qelṅiṅe dumṅe kunbuk kewö jizal: Ambazip silik mewöṅi ahakzei, yeṅön mönö Anutugö bemtohoṅ uruṅe qahö öṅgöme.

²²Yeṅön qahöpmö, Uṅa Töröṅan nup memakzawaṅgö öṅṅi mi urukalem, sösöṅgai, luai aka ahakmeme ölöṅṅi kewö: Lömböt pakpak möta mökösoṅda tosatṅi ala ak eṅgiba ahakmeme sakalakṅi ahakze. Keuṅi misila pöndaṅ wuatangömakze. ²³Guṅböṅjönjön qakṅe tosatṅi ak eṅgiba nanṅini törörök galöm köḷ aṅgumakze. Ambazip silik mewö ahakzei, yeṅön Köna keu qahö qetalakze. ²⁴Ambazip Kraist Jisösgö buṅaya aka maljei, yeṅön uru sileṅinaṅgö sihim kömbönaṅini bölöṅṅi aka bölöṅṅaṅgö urukönöṅṅini mi körek Jisösbuk maripomnöṅ algetka mem kömuyöhawa malje.

²⁵Uṅa Töröṅan urunine geiga maljin ewö, ahakmemenini mönö mewöyök Uṅa miangön galöm köḷ neṅgii aka memba malbin. ²⁶Mewö mala qetbuṅa omaṅi neṅgimegö kude kapaṅ köla öne töhön kude aiweliköm aṅgumakṅe. Urubölö ak aṅgubepuköra mönö uruköṅgaṅ kude aka uruöṅgöp

qakṅe kude ak aṅgumakṅe. Mewöyök körögisigisi kude ahakṅe. Mewö.

Lömbötṅini mönö bisiba bauköm aṅgumakṅe.

6O urumeleṅ alaurupni, kunṅan köna oṅgita siṅgisöndok aiga miwikṅaize ewö, urumeleṅ alaurup eṅön mönö mökököli qakṅe ala ewö mindiṅgöm waṅgigetka kunbuk köna miwikṅaima. Mewö aka nangak mewöyök esapesapnöṅ et guhubapuköra mönö galöm mem aṅguba malman. ²Lömbötṅini mönö bauköm aṅguba bisimakṅe. Mewö miangön Kraistkö Köna keuṅi wuatangögetka öṅṅambuk ahakṅa. ³Kunṅan eretṅi mala töndup nanṅangö möri öṅgöṅgöṅi akzawi, yaṅön mönö nanṅi tilipköm aṅgumakza.

⁴Mewö kude akrēmö, mohot mohot eṅön mönö nanṅini ahakmemenini kewöta esapkögetka dop köḷma. Mewö aka alaṅini oṅgita qetbuṅaṅinambuk akzeangöra kude aiwelikömömö, mönö nanṅini könaṅinaṅgörök sileṅini möpöseigetka dop köḷma. ⁵Anutunöṅ lömböt-nini murutṅi murutṅi mendeṅ neṅgiiga nanṅök nanṅök bisimakzin. Miangöra nanini tosatṅi yembuk likeplikep ala kewöt aṅgubingö osimakzin.

⁶Böhi qaqazunöṅ kungöra Buṅa keu kusum waṅgimakzawi, yaṅön mönö miangö töwaṅi meleṅda yuainṅi ölöṅṅi pakpak mendeṅda bahöṅi waṅgimakṅa.

⁷Nanṅini mönö kude tilipköm aṅgumakṅe. Kunöṅ nene warökṅi kömöriga öṅṅi miangö dop ahui miwikṅaima. Keu miangö dop Anutunöṅ bölöṅamni eka likeṅṅi miangö dop neṅgima. Miangöra Anutu mi azi omaṅi ewö mepaqepaik ak waṅgibingö osimakzin. ⁸Urusi-legö sihim kömbönaṅi bölöṅṅan kun nam köḷ waṅgiiga miangö warökṅi laṅ kömörakzawi, yaṅön mönö miangö köndenṅmönöṅṅi miwikṅaiba bölimakṅa.

Yaŋön bölimakŋapmō, Uŋa Törōŋan kun sölölöhöm waŋgiiga miangō warōkŋi kōmōrakzawi, yaŋön mōnō öljī miangō dop miwikŋaiba malmal kōhöikŋangō buŋaya aka malma.

⁹Nini jegep kindā nup ölöpnī ölöpnī memba mala miangōreŋ mōnō löwōriba zölöczölök kude akŋe. Taŋqaŋ aka nup qahō mosōtpin ewō, öljī meme nalōŋan kam kuŋguiga nupninangō tōwaŋi mōnō miwikŋaibin. ¹⁰Miangōra gölmenōŋ malbinangō dop neŋön mōnō ambazip ölöpnī ak eŋgibingō jegep kindā malbin. Urumeleŋ kōnagesō uruŋe maljei, i mutuk alabauk ak eŋgimakin aka yeŋgō andōŋjine ambazip tosatŋi pakpak kōna asuhuiga mem ölöwak eŋgimakin.

Galōm meme aka yaizōkzōk keu tetekōŋi

¹¹Pol nōŋön kirifi memba nani börōnan kulem je ketaŋi ki eŋgōra ohozali, mi ekŋe. ¹²Ambazip Anutugō aiwesōkŋi silenine yandimegōra kuŋgum eŋgimakzei, yeŋön mōnō kōrek sile megetka gölme ambazipnōŋ yeŋgōra mötket öŋgōmapkōra kapaŋ kōlakze. Kraistnōŋ maripomnōŋ kōmuyōhi, keu miangōra sesewerowero ak eŋgibepukōra mōnō mewō kuŋgum eŋgimakze. Miangō kōnaŋi murutŋi kun qahō. ¹³Anutugō aiwesōkŋinambuk mienōŋ mōnō nanŋinak mewōyōk Kōna keu qahō wuatangōm tekōba malje. Mewō qahōpmō, eŋgō silenini yandimegō mötzeanōŋ mōnō eŋgō sile kitipŋinanŋōra aka nanŋini silenini

mem öŋgōba qetbuŋaŋinambuk akingō mōrakze.

¹⁴Mewō mōrakzemō, nōŋön Kem-bunini Jisōs Kraist maripomnōŋ kōmuyōhi, mōnō Buŋa miangōra aka sileni möpōseimakzal. Qetbuŋa murutŋi kun qahō jarumakzal. Mi yapmakek! Kraistnōŋ maripomnōŋ kōmuiga yambuk toro-qebiga mötmōt areŋnan utekōiga silik bölōŋangō sisitŋi memakzal. Gölme ambazipnōŋ silegō ahakmeme bölōŋi membingō mötmōriba keu jimakzei, nōŋön mōnō miangōreŋ görōken kōhömuŋi tandök akzal. Möpōseim niŋgimei me silene keu almei, miangō likepŋi mi qahō meleŋmam. Gölmenōŋ keu kewōta tosatŋi mötket öŋgōi tosatŋi mötket eretŋi akzawi, mi mōnō nōŋgō mötmōt areŋbuk dop mohot qahō akzahot.

¹⁵Silenine aiwesōk yandiget me qahōwi, miangōn mōnō dop mohot akza. Miangōn gorosonŋi akzapmō, ahuahū dölōkŋangō dömnī akzini, miangōn mōnō öl tōhōnŋi akza. ¹⁶Ambazip ahuahū dölōkŋangō jimkutukutu keu wuatangōba maljei, Anutunōŋ Juda kōrek mi aka Anutugō urumeleŋ kōnagesō pakpak iŋini mōnō ak kōmum eŋgiiga luainōŋ malme.

¹⁷Keu tetekōŋi kewō jizal: Nōŋön Jisōs qegerangō löpōtŋi mi nani silene ahōiga bisimakzalanŋōra kunōŋ mōnō urulōmböt kude toroqem niŋgima.

¹⁸O urumeleŋ alaurupni, Kembunini Jisōs Kraistkō kalem mōriamŋan mōnō embuk ahōba uŋaŋini kōtuetkōmakŋa. Keu mi öljā.

Efesus Kimbi

Polnõj Efesus yengõra Kimbi alõk.

Jim-asa-asari keu

Polnõj Rom sitigõ kösõ mire tata Efesus urumelen kambu yengõra Kimbi ki ohoyõk. Efesus mi Eisia prowinsgõ siti bohonji. Siti miangõ uruñe kölkõl-örörõ gwõtputk ahõmalget. Polnõj misin nup memba lilikõi indimji karõbut ahiga Efesus kaba yambu karõbut miangõren Buña keu jiba malõk. Efesus sitinõj Juda ambazip tosatji miri toñi yengõ sutjne malgerangõra Polnõj kimbi ki ohoba kewõ kusum engiyõk, “Kraistnõj lõk kambu yahõt toroqeiga urumelen kambu mohok-kun akzahot.” (2.15-16),(3.6) Anutunõj jitsihitji aka kalem möriamji urumelen kambu nengõra denõwõ ali ahõzawi, mi gwõtputk jim asariza. (3.10) Miangõ dopkeu karõbut kewõ jiyõk:

1. Urumelen kõnagesõ enõn sile sep busu mohot aketka Kraistnõj nanjak nõrõppjini akza. (1.23; 4.15-16)

2. Urumelen kõnagesõ enõn miri mohot tandõk aketka Kraistnõj engõ tandõjini kömbõnanji akza. (2.21-22)

3. Urumelen kõnagesõ enõn ambi buña ewõ aketka Kraistnõj apñangõ tandõk akza. (5.25-27) Mewõyõk Kraistnõj Efesus engõ kambu yahõt toroqem etkiiga miangõra sile sep busu mohot akze. Asakñangõ ambazip akerañgõra malmalñinangõ goro keunji keunji ohoyõk. Mewõ.

Buk kiangõ bahõnji bohonji 4 mi kewõ:

Keu mutukji keu 1.1-2

Kraist aka urumelen kõnagesõ 1.3–3.21

Kraistputk malmal dõlõkñi 4.1–6.20

Kimbigõ keu kõtñi bohonji 6.21-24

1^dAnutunõj Pol ni jitsihitñangõ dop melaim niñgiiga Kraist Jisõsgõ aposol akzal. Mõtnarip alaurup sarakñi Kraist Jisõsbuk qekõtahõba Efesus sitinõj maljei, nõñõn embuk keu eraum mõtpingõra kimbi ki ohozal.

²Anutu Iwinini aka Kembu Jisõs Kraist yetkõn mõnõ kalem möriam engiyohotka luainõj malme.

Kraistnõj Anutugõ kõtumõtuetji nengimakza.

³Neñõn Kembunini Jisõs Kraistkõ Iwi Anutuñi mõpõseimakin. Yanõn nini Kraistputk qekõtahõinga uruninan õlõwakñapköra Suep mirigõ kötumõtuetji aka kalemñi kõnanji kõnanji mi urunine alõha kayambu asuhui mala kotket. ⁴Anutunõj nini mutuk mõpñangõ mõpñeyõk kewõ akingõra mõwõlõhõm nengiyõk: Kraistnõj nam kõl nenggiiga neñõn yangõ buñanji sarakñi aka Anutugõ jemesoholñe keunini qahõ kinbin. Mewõ mõwõlõhõm nenggiba miangõ andõñe Suep gõlme miwikñaiba al etkiyõk. Nalõ miangõrenõk kõnahiba ambazip jõpakõm nenggiba mala korõk.

⁵Jõpakõm nenggiba urusihimñangõ dop qeljñe keu jit areñi ala keunini kewõ jim tekõyõk: Jisõs Kraistnõj nam kõl nenggiiga Anutunõj nenggõmeiga nanji nahõnbõraturupñi akin. ⁶Wõlbõt Nahõnñi nengõra melaiiga eta Anutugõ kalem möriamñangõ kukõsumñi buñabuñañambuk kõlenñda sõngõrõñi qahõ õne nengiyõk. Nini mõnõ kalem möriamñi miangõra Anutu mõpõseim wañgimakin. ⁷^eAnutugõ kalem möriamñangõ kõwenji mi keta bõlõkñi. Miangõ dop Jisõsnõj señji mokoba miangõn sohõpnini

^d1:1 Apo 18.19-21; 19.1 ^e1:7 Kol 1.14

meyök. Mi meyöhangöra Anutunöŋ ölop siŋgisöndoknini mosöta saŋgoŋ neŋgimakza.

⁸Yaŋön kalem möriamŋi mi köweŋeyök keleŋmaleleŋ mokoiga qaknine öŋgöyök. Mötikutututuŋi öŋgöŋgöŋi pakpak miangö dop kewö möt asarim neŋgiyök: ⁹Anutunöŋ mutuk nanŋi uruŋe keu areŋ jöhöba möri ölöwahiga tölapŋe ahöi öne mala kotketmö, Kraistnöŋ Anutugö keu jitŋangö dop wuatangöba eta neŋgöreŋ indeliga eka mörin. ¹⁰Anutunöŋ mutuhök kalem möriam areŋangö könaŋi kewö mötmöriyök, “Anutu nöŋön areŋ mi wuatangöba mala malbiga nalöŋi törörök kam kuŋguiga miangöreŋ öŋhambuk aiga kewö asuhuma: Körek Suep mirigö jakeŋi jakeŋi miangöreŋ me gölmenöŋ ahuba maljei, nöŋön mönö mi pakpak mindiriba jöhöm eŋgimam aka Kraist kuŋgum waŋgibiga körek yeŋgö bohönŋini mohot aka malma.”

¹¹Anutunöŋ mutuhök nanŋi uruŋangö dop keu jöhöi ahözawi, mönö areŋ miangö dop kuŋgukuŋgu keuŋi jiiga yuai pakpak asuhumakza. Nanŋi areŋi miangö dop qeljiŋe Juda könagesö nini nanŋi buŋaŋi aka malbingöra jim teköba al neŋgiyök. Miangö dop nini tosatŋan Kraistpuk qekötahöingä meköm neŋgiiga buŋaŋi börösamot ewö aŋgön köla memba maljin. ¹²Juda könagesö neŋön Kraistnöŋ galöm köl neŋgimapkö mamböta qeljiŋe jörömqöröm ak waŋgiba mala korini, yaŋön nini Anutugö kukösumŋi buŋabuŋaŋambuk möpöseiba malbingöra aka möwölöhöm neŋgiyök.

¹³Kian kantri eŋgöreŋök tosatŋan mewöyök Kraistpuk toroqeba qekötahöget. Amötqeqegö Ölöwak Buŋaŋi jigetka keu öŋi mi möta uruŋini melenget. Uŋa Töröŋi yaŋön

Anutu buŋaŋangö muŋgem aiwesökŋi akza. Uŋa mi melaii etmapkö keu jöhöyöhi, yaŋön mönö mi uruŋine ali geyök. Kraist möt narim waŋgigetka Anutunöŋ aiwesökŋi kömbönaŋi mi mekötahöm eŋgiiga malje. ¹⁴Anutunöŋ könagesöurupŋi Suep Buŋa neŋgimangö keu jöhöyöhi, mi membingö aiwesökŋi Uŋa Töröŋi mi mutuk al neŋgiyök. Uŋa Töröŋi urunine ali maljawaŋgöra mönö kewö möt köhöizin: Anutunöŋ lök sohopnini memba buŋaurupŋi ahinga biaŋ gölmenöhök neŋguaŋgiriga Suepnöŋ öŋgöba oyaenköyaen akin. Miangöra mönö Anutugö kukösumŋi buŋabuŋaŋambuk möpöseimakin. Mewö.

Polnöŋ Anutu möpöseiba kewö köuluköyök:

¹⁵Mewö oyaenköyaen akingöra aka nöŋön Efesus eŋgöra köulukömakzal. Eŋön Kembu Jisös pöndaŋ möt nariba ambazip sarakŋi pakpak uruŋinan jöpaköm eŋgimakzei, tosatŋan miangö buzup keuŋi jigetka möral. ¹⁶Miangöra buzup keu mi mörali, nöŋön mewöyök eŋgöra aka Anutu möpöseiba mala qahö mosöral. Qahö. Nöŋön köuluköba miangöreŋ mötmörim eŋgimakzal.

¹⁷Mötmörim eŋgiba Kembunini Jisös Kraistkö Anutuŋi mi kewö köuluköm waŋgimakzal, “O Iwi kukösum Toŋi, gi mönö Uŋagi Töröŋi Efesus alaurup eŋgiman. Uŋa mi uruŋine alnöŋga mötkutututuŋini qainŋi kun asuhiiga Anutugö könaŋi ölopŋanök indeliga möt yaköme. ¹⁸Anutu, gi mönö uru jeŋini mem asarinöŋga nangi Buŋagahö könaŋi möt yaköme.” Anutunöŋ nanŋi ambazip sarakŋi neŋgöra Suep Buŋa kukösumŋi buŋabuŋaŋambuk mi neŋgimangö keu jöhöiga iŋini yuai mi asuhumapkö al mamböta jörömqöröm akneŋgöra eŋgohöök. Jörömqöröm aketka Jisösnöŋ

kunbuk asuhuiga aködamunjinambuk aknei, injini oyaenƙoyaen mianğö könani möt sölöngömögöra köulukömakzal.

¹⁹Möt narim waŋgiinga Anutugö kukösum köhöiknan urunine sehiba nup memakzawi, mianğön mönö keta bölökni teteköni qahö akza. Injini mianğö könani möt kutumegöra köulukömakzal. Ösum-mumuŋi wewelipnambuk mianğön silenini kutuba inahöm neŋgimakzawi, Anutunöŋ mianğö kukni kewö kondel neŋgiyök:

²⁰Anutunöŋ kukösumni nupnön ala Kraist mem gulim waŋgi kömupnöhök wahörök aka waŋgiriga Suep mire öngöba selni selni liliköba jakeni jakeni enğongiriga Anutunöŋ böröni ölje dum tatat mutukne ali tatza. ²¹Ali jakömbuak dumne tata öroyuai pakpakö bohonina kinja. Bem suahö galöm aka yengö nemböŋine jembon pom aka gawman kiap öngöŋöŋi eretni kukösumnambuk kembu ak neŋgimakzei, Kraistnön mönö mi körek pakpak galöm köl enğimakza. Suep mire, gölmenöŋ aka mietkö sutjire galöm qet pakpak qet enğigetka bisizei, Kraistnön mi körek enğongita öngöza. Gölmegö nalö kewöŋeyök qahöpmö, könanğep nalö qainni kun asuhuiga mal öngöbini, mianğoreŋ mewöyök öroyuai pakpak galöm köla mal öngöma.

²²^{gh}Anutunöŋ uŋa, ömewöröme, ambazip aka öroyuai pakpak mi memba eta Kraistkö bapne al neŋgi malinga Kembunini öngöŋöŋi akza. Anutunöŋ Kraist mi urumelen könagesö neŋgiba bohonini kinmapköra kuŋgum waŋgiiga malja. ²³Yaŋön kötal neŋgiba bohonini aiga neŋön yaŋö ölhanğö köna börö su-urupni akzin. Kraistnön nöröwök aiga qahö dop kölbawakmö, neŋön yaŋö törömunni aka toroqeinga ölhan asuhum tiŋgiriga dop kölja.

Kraistnön mewöŋanök öroyuai pakpakö törömunjina kun aka toroqeiga körek pakpak mienğön mönö Anutugö aködamunjinambuk asuhuba dop köla anakze. Mewö.

Köhömuŋeyök guliba Kraistpuk köhöiba maljin.

2ⁱMutuhök köna oŋgita siŋgisöndokni siŋgisöndokni akeranğöra malmal köhömuŋi mala kotket. ²Injini nalö mianğoreŋ gölmegö ahakmeme bölöŋi wuatangöget. Ömewöröme yengö Kembuninan nalö kewöŋe Suep gölme sutjire mala qegetal ambazip urunini sölölöhöba galöm köl enğimakzawi, mönö yaŋğoreŋ qekötahöba tem köl waŋgiba malget.

³Neŋön körek mewöŋanök mutuk yengö sutjine silebile aka laŋ malin. Uru silegö sihim kömbönaŋnini bölöŋi wuatangöba nanine imbi-imbi malin. Mewö laŋ malinga Anutunöŋ neŋgehi qahö dop köliga irimesewölŋi qaknine ali malin. Qegetal ambazip tosatni yengö dowök Anutugö irimesewölhanğö buŋaya aka malin.

⁴Mewö malinmö, nalö kewöŋe mewö qahö. Anutunöŋ ak-kömukömuŋi teteköni qahö mianğön mönö jöpaköm neŋgiyök. ⁵Köna oŋgita Anutu qetala mianğöra köhömuŋi aka malinmö, Anutunöŋ Kraist mem guliyöhi, nini mewöyök mönö mewöŋanök mem gulim neŋgiiga köhöiba maljin. Yaŋö kalem möriamnan mönö amöt qem enğiiga kunbuk letotket.

⁶Kraistnön wahöröhi, nini mewöyök mönö mewöŋanök neŋgömindiiğa köhömuŋeyök wahörin. Anutunöŋ Kraist Jisös waŋgiriga Suep mire öngöyöhi, nini mewöyök mönö mewöŋanök Suep malmalğö jake ahözei, mönö mianğoreŋ

al neŋgiiga yambuk tosatŋi galöm köl eŋgiba maljin.

⁷Anutunöŋ kewögöra mewö al neŋgiyök: Anutunöŋ kalem möriamŋaŋgö köwenji teteköŋi qahö mianjön aukŋe asuhui möt asaribingöra mörök. Möt asariba könŋep nalöŋi nalöŋi qainji kun asuhugetka teteköŋi qahö mal öŋgöbini, nalö mianjögereŋ mi neŋgim qarimapköra mörök. Anutunöŋ Kraist Jisös melaiiga kaba urukalemŋi mewö kondel neŋgiyök. ⁸Anutu möt narim waŋgetka kalem möriamŋan mönö amöt qem eŋgiiga kunbuk letotket. Nanjini nam köl aŋguba mewö mianjön qahö letotketmö, Anutunöŋ mi kalemŋa ak eŋgiyök. ⁹Nanjinak yuai kun ak sorokögeraŋgöra aka qahö letotket. Kunöŋ kun nanji silenji memba öŋgöbapuköra mönö kalem möriamŋaŋgörök aka mewö ak eŋgiyök.

¹⁰Nini Anutugö börösöwöya maljin. Kraist Jisösbuk qekötahöinga Anutunöŋ uru dölökŋi miwikŋaiba al neŋgiyök. Anutunöŋ qeljiŋe nup ölopŋi ölopŋi möwölöhöba mözözömgöyöhi, neŋön mi memba malbingöra mewö miwikŋaim neŋgiiga maljin. Mewö.

Kraistpuk qekötahöba öljŋi mohot akzin.

¹¹Miangöra aka Efesus iŋini mutuk Juda ambazip qahö ahuba Anutugö könagesö qahö malgeri, mönö mi mötmörriba malme. Tosatŋan eŋgöra kewö jiba jim eŋgimalget, “Nini Anutugö aiwesökkinambuk maljinmö, kantri tosatŋi iŋini ambazip omaŋi aiwesökŋini qahö!” Qet mi azi börönöŋ aiwesök silenine yandimakzei, mönö mi mötmörriba jimalget. ¹²Iŋini nalö mianjögereŋ uruŋini Kraistpuk qahö jöhöba öne yaigep malget. Kian kantri iŋini Juda könagesö neŋgö kau likepurupnina mal-

get. Anutunöŋ ambazip nanŋaŋgöra möwölöhöm neŋgii maljini, iŋini neŋgö sutnine qetŋini qahö malget. Anutunöŋ Buŋaŋi alaurupŋi eŋgimamgö jiba keu jöhöyöhi, iŋini mi qahöpmahöp möt kutuba tönpin malget. Oyaeŋkoyaeŋ akingö jörömqörömŋini qahö. Anutunöŋi qahö tandök gölmenöŋ önewat laŋ malget. Mönö mia mötmörriba malme.

¹³Iŋini mutuk tikep malgetmö, Kraist Jisösbuk qekötahögetka sepŋan saŋgoŋ eŋgiiga nalö kewöŋe amqeba Anutugö kösutŋe kaba malje. ¹⁴Kraistnöŋ nanŋak luai Tonini akza. Yaŋön Juda könagesö aka kian kantri ambazip kambu yahöt nini mindirim neŋgiiga kutulaŋgömakzin. Sutnine kerök ahöba sel paset köhöikŋi ewö mendeŋ neŋgiyöhi, yaŋön mönö saŋgo mi tumbaköba luluŋniga urumeleŋ könagesö mohot akzin. ¹⁵Jisösnöŋ nanji gölme silenjan kömuiga mewö mianjön Juda neŋgöreŋ Köna keu aka miangö jöjöpŋan keuŋi aka jimkutukutu tosatŋi mi köndeŋnök. Sile kambu yahöt mindirim neŋgiba könagesö dölökŋi mohot akingöra mi köndeŋnök. Miangöra uru dölökŋi miwikŋaiba al neŋgiiga Kraistpuk qekötahöinga sutnine luai qei asuhum neŋgiyök.

¹⁶Kraistnöŋ kömumba keröknini maripomnöŋ qem kömui erök. Silenji mohot miangö sepŋan mönö ambazip kambu yahöt neŋguaŋgiriga ölop lilingöba Anutugö kösutŋe kabin. Mewö mindirim neŋgiiga ölop böröqeŋe akin. Mi ak teköba Kraistkö öljŋi mohot aka maljin. ¹⁷Kraistnöŋ kaba luai asuhumapkö Buŋaŋi mi kian kantri ambazip Anutu andö qeba tikep malgeri, eŋgöra jim asarim eŋgiyök aka Juda ambazip Anutugö kösutŋe malini, mönö neŋgöra mohot jim asarim neŋgiba malök. ¹⁸Kraistnöŋ Juda aka

kian kantri ambazip nini körek nam köl neŋgiiga Uŋa Töröŋi mohotŋan kõna kondel neŋgiiga ölop amqeba Iwigö jemesoholŋe aŋgotpin.

¹⁹ Miangöra iŋini Juda ambazip qahöpmö, tøndup kian ambazip qandakŋi mi qahö toroqeba malje. Anutugö miri gölme toŋi sarakŋi aketka nembuk mohotŋe Anutugö urumeleŋ kõnagesö akzin.

²⁰ Kezapqetok ambazip yeŋön mutuhök Anutugö keunöŋ tandö esim kungugetka Kraist Jisösnöŋ nanŋak kaba tandö kömbönaŋnini aka aposol melaim neŋgiba bohonini kiniga Anutugö urumeleŋ jikeya akzin. Iŋini mewöyök tandö miangöreŋ aŋgota naŋgönaŋgö ak aŋguba köhököhöi miwikŋaimakze. ²¹ Yaŋön mönö miri mi jömukŋanök mindirim jöhöiga kinakza. Nini Kembubuk qekötahöba kinda kutulaŋgöinga mötnaripninan köhöim qariiga Anutugö urumeleŋ jike kömbukŋi akzin. aka ²² Iŋini mewöyök Kembugöreŋ qekötahöba urumeleŋ alaurup tosatŋi yembuk kutulaŋgöba mohotŋe kinda uruŋini naŋgöm aŋguba köhököhöi miwikŋaimakze. Mewö kinda Anutugö urumeleŋ jike aketka Uŋa Töröŋi uruŋine ala miangön nanŋak jikeŋi miangö uruŋe malja. Mewö.

Polnöŋ kian kantri yeŋgöreŋ anda Buŋa nup meyök.

3 Kõnaŋi miangöra aka Pol nöŋön kian kantri ambazip iŋini bauköm eŋgimamgöra nup memba maljal. Mewö malbiga Kraist Jisösgö nupŋi mealangöra kösö mire al niŋgigetka tata simin köla köulukömakzal. ² Anutunöŋ kalem möriamŋi kantri tosatŋi eŋgöra mendeŋ eŋgiiga ölöwakŋegö nup niŋgiyöhi, iŋini mi ölŋa möt teköze. ³ Anutunöŋ keu areŋi tölapŋi indela

jiiga möt yaközali, keu miangö kõnaŋi lök töröpŋanök ohom eŋgial. ⁴ mOhom eŋgiali, iŋini kulem mi oyonŋda ölop nöŋgö kõnani kewö möt asarime: Nöŋön Kraistkö kõnaŋi tölapŋi mi ölöpŋanök möt kutuzal.

⁵ Möpŋaŋgö möpŋeyök ambazipnöŋ kõnahiba mala kota malgeri, yeŋön nalö miangöreŋ Buŋa tölapŋi miangöra tönpin malget. Mewö mala kotketmö, nalö kewöŋe Uŋa Töröŋan mi Anutugö aposol aka kezapqetok ambazip tök-kutukutuŋi neŋgöra jim indeli mötzin. ⁶ Buŋa tölapŋi mi kewö: Kraist Jisösnöŋ Buŋa neŋgimapkö jiba keu jöhöyöhi, iŋini mi Juda nembuk öröröŋ aŋgön köla memba malje. Ölöwak Buŋanöŋ miangö kõnaŋi mi kian kantri ambazip eŋgöra mewöyök kondel eŋgimakza. Iŋini uruŋini melenŋda ölop nembuk mohotŋe kötumötuetaŋgö Buŋaŋi dop mohot memba malje. Uruŋini Anutubuk jöhöba mohotŋe Kraistkö öljä aka nembuk kambu mohot kinjin.

⁷ Yaŋgö kukösumŋan mönö nöŋgö uruni sölölohöiga uruni melenbiga Anutunöŋ kalem möriamŋi söŋgöroŋi qahö niŋgiyök. Mi niŋgiiga kõna asuhiiga Ölöwak Buŋagö nup meme asia ahal. ⁸ Nöŋön Anutugö kõnagesö sarakŋi pakpak eŋgö nembö bapŋine eretŋi kötökŋi maljal. Mewö maljalmö, Anutunöŋ tøndup kalemŋi öŋgöŋgöŋi kewöŋi niŋgiyök: Nöŋön Kraistkö oyaerŋkoyaerŋ Buŋaŋi mi kian kantri ambazip eŋgöra jim asarimamgö simbawoŋ mötzal. Oyaerŋkoyaerŋ miangö kõnaŋi mi körek esiba möt kutum teköbinangö dop qahö.

⁹ Anutunöŋ möpŋaŋgö möpŋe yuai pakpak miwikŋaiba Buŋaŋi tölapŋi közamböriga ambazipnöŋ mala kota malgetka nalö miangöreŋ tönpin malget. Miangöra nöŋön Anutugö Buŋa

arej tölöpni mi galöm köla malbiga öljambuk ahakza. Nöñön miangö könañi aukje jibiga ambazip körekñan möt sölöngömögöra simbawoñ mötzal.

¹⁰ Anutunöñ mötkutukutunji qainñi kun könañi könañi indel neñgiiga nalö kewöñe urumeleñ zioz kambu sutnine eraum möringa aukje ahum sehimakza. Anutunöñ urusihimñan kewö mörakza: Bem suahö galöm aka pom garata öñgöñgöñi eretñi Sup gölme sutñire öroyuai pakpak galöm kölakzei, yeñön mewöyök Anutugö mötkutukutunji mi kezap ala mötmögöra mörakza.

¹¹ Yeñön mi mötmögöra Anutunöñ Buñan areñi mi möpñangö möpñeyök nalö qahöpñe uruñan jim köhöiba ali ahöyök. Miangö dop Kembunini Kraist Jisös melaiiga öñi miwikñaiiga könagesöurupñi aka mindiriba kinjin.

¹² Kraistpuk qekötahöba kinda möt narim wañgiinga Anutugö nanñuñan mewö taliga ölop yangö jemesoholñe angotpñgöra awösamkakak kinjin.

¹³ Miangöra kewö ulet engizal: Nöñön kösö mire tata eñön ölowakñegöra aka köñjiliñ möta malakzali, miangöra uruñinan mönö kude etma. Inini nöñgö sihimbölöni miangöra aka ölop aködamunñambuk akñe. Mewö.

Polnöñ Efesus yeñgöra kewö köuluköyök:

¹⁴ Könañi miangöra nöñön Iwinini simin köl wañgiba köulukömakzal.

¹⁵ Yañönök mönö iwinini mutukñi akza. Yangö dop Sup aka gölmegö könagesö pakpak neñön iwi qet memba qerakzin.

¹⁶ Kewö köulukömakzal, “Anutu, gi mönö Uñagi Töröñi al eñginöñga uruñinan köhöimakña. Göhö Buñagi kukösumñi buñabuñambuk mi teteköñi qahö köwege ahözawi, gi mönö kukösumgi miangö dop mem köhöim eñgimакñan. ¹⁷ Mem köhöim eñginöñga ölop Kraist möt narim wañgigetka

uruñine dumñi memba malma. Mewö maliga kesötñini Kraistkö urukalemnöñ möndömgöba mendawölget geiga töndangöba kinme.

¹⁸ Urukalemñan nam köl eñgiiga könagesö sarakñi pakpak yembuk ölop Kraistkö urukalemñangö könañi möt kutume. Jöpaköm neñgimакzawi, urukalem miangö dopñi kewö: Görañi likepliket teteköñi qahö an bibihiza. Kööröñi enduyangö endueñ angaiza. Kööröñi euyangö eueñ öñgöza. Mewöyök dutñe emuyangö emueñ geba ahöza. ¹⁹ Kraistkö urukalemñan mönö gölmegö mötmötninangö dopñi oñgizta. Mi möt kömumegöra kewö köulukömakzal: Anutu, gi mönö aködamungi pakpakö dop mötmöt Buñagan uruñini kokolak qeba musulumgöm eñgiman.”

²⁰ Anutu mewö köuluköba kewögöra möpöseimakzal: Nini mötmötnini oñgita yuaigöra köuluköba qesibinak me jemeleñ imut ala mötmöribinak ewö, yañön mönö yuai mi ölop köhöiba neñgima. Anutu kukösumñan urunine nup memakzawi, yañön mönö miangö dop köuluk aka mötmöt dopnini oñgit teköba amqeba yuai pakpak ölop ak neñgimакña. Miangöra möpöseim wañgimakin. ²¹ Urumeleñ könagesö neñön tokoba Kraist Jisösgöra aka Anutugö qetbuñaji möpöseininga aködamunñambuk aka ahöma. Mi gwöt isik ahöm köhöiba teteköñi qahö ahöba öñgömei, nalö miangöreñ mönö mewöñanök aködamunñambuk aka ahöma. Keu mi ölja.

Kraistnöñ mindirim neñgiiga öñi mohot akzin.

4 Nöñön Kembubuk qekötahöba kinda nupñi mealangöra kösö miri azia akzal. Keu mi jim teköba uruñini keu kewö jiba kuñguzal: Anutunöñ ahakmeme aködamunñambuk aka

memba malmegöra engoholöhi, miangö dop injini mönö malmal qainji kun malme. ² Mönö uruñini memba et ala keu bapje anda guñbönjönjön qakje ambazip ak engiba malme. Lömböt mökösönja malme. Mönö lolongöba bölönangö kitipji kude mememö, qaqaengiba jöpaköm anguba malme. ³ Uña Töröñan uruñini qezaköba luaigö kösönöñ jöhöba mindirim engimakzawi, injini mönö uru jöhöjöhö mi sutjine ahömapköra kapaj köla kinme.

⁴ Anutunöñ engoholöhi, miangörej mönö öröröñ oyaenköyaen akingö jörömqörömñini mohot miyök al engiiga al mamböta malje. Miangö dop injini mewöñanök Kraistkö öl kemañi mohot aketka Uña Töröñi mohotnöñ mönö inahöm engiiga malme. ⁵ Kembunini mohotnöñ galöm köñ engiiga öröröñ möt narim wangigetka o melun mohot miyöhök mem engigetka mohot aka malje. ⁶ Anutunini mohotnöñ körek iwi ak nengimakza. Yañön yuai pakpak körek nengongita Kembu öngöngöñi ak nengimakza. Mewö aka jitji tem köñbingöra körek kuñguba inahöm nengiba urunini dop malmal tatat ak nengimakza.

⁷ Miangö dop öröröñ Kraistkö öñji mohot maljinmö, Kraistnöñ kalem möriamñi mokoba sihimñangö dop nengiyök. Nup memegö mötmöt kalem könañi könañi mi mohot mohot nengöra dopnine mendeñ nengiiga maljin. ⁸ Miangö keuñi mi kewö jigetka Buña Kimbinöñ ahöza,

“Yañön euyangörej öngöba kinda kösö ambazip gwötpuk engömeiga buñaurupji aketka kalemñi kalemñi mi ambazip nengöra nengiyök.”

⁹ “Euyangörej öngöyök,” Anutunöñ keu mi mönö denöwögöra jiyök? Miangö kö-

nañi kewö: Kraistnöñ mutuk Suepnöhök erök. Mönö gölme dutje emuyangörej geyök. ¹⁰ Eröhi, yañön mönö mewöyök lilingöba eu öngöyök. Öngöba Suep mirigö jakenji pakpak engongita qakje euyangörej öngöba malja. Miangörej mala Suep gölmegö öroyuainjiri pakpak mi ösumñan kokolak qeba jömk dop köñ teköba malja. ¹¹ Kraistnöñ ambazip nengöra mötmöt kalemñi könañi könañi kewö mendeñ nengiyök: Nupñi mendeñ nengiiga tosatan melaimelai ambazip bohonñi (apostol) aket. Tosatan kezapqetok ambazip (profet) aket. Tosatan urukuñgukuñgu ambazip (ewanjelis) aket. Tosatan lama galöm (pasta) aka kusum nengineñgi böhi qaqazu aket.

¹² Kraistkö öñji mi urumelen ambazip. Neñön yengö uruñini nangöinga köhököhöi miwikñaibingöra nupñi mewö mendeñda kuñgum nengiyök. Könagesö sarakñi neñön körek urugö nupñi mbingö jöjöröm teköba malbingöra aka mewö inahöm nengiyök. ¹³ Mewöña mewö nup murutñi murutñi memba mala Anutu möt nariba köñangep Nahönñi möt yaköm soroköba miangörej qezaköm anguba mohot aka kinbin. Anutu gö mötmötñi aka aködamun yuaiñi pakpak mi mönö körekñanök Kraistkörej ahöza. Neñön Kraistkö köweñeyök mötmöt ösumñi öroinga musulungöm nengiiga qarim sehiba köhöiba malinga aködamunñi köñ nengii körek asuhui malbin.

¹⁴ Toroqeba namande tandök malbinbuköra Kraistnöñ urunini kuñguba nañi ewö aködamuninambuk akingöra inahöm nengimakza. Namande tandök malinga qewöloñ ambazipnöñ areñ i me wai ala möndöba tutuhum nengigetka tala et nenguyöhi, injini mönö miangö

dop aka laŋ malbepuk. Luhutnōŋ lilikqilik qeiga köwetnōŋ kunduriga sirinōŋ gödōwōrōt laŋ waŋgiriga an qem kam qem aka simbiŋsambaŋ ahakza. Miangō dop gölme ambazipnōŋ silenōŋ alal aka unji memba tilipmōtmōt miwikŋaiba ambazip laŋ kusum eŋgigetka janjuŋ ahakze.

¹⁵ Miangō dop laŋ kude malmemō, keu öljanōk tōp jiba jōpakōm aŋguba malme. Mewō mala Kraistnōŋ nōrōpnini akzawi, kesōtŋini mōnō yaŋgōreŋ mōndōmgōget geiga tōndangōba yuai pakpak miangōreŋ qarim köhöiba akōdamunŋinambuk aka malme. ¹⁶ Kraistnōŋ nōrōpnini aka ölŋi jōmuhök galōm köl neŋgiiga ginimuramŋi körekŋan mōnō ölŋangō kōna börōŋi mindiriba jōhōm neŋgigetka kutulaŋgōmakzin. Ösum mohot mohot ahōm neŋgizawaŋgō dop mōnō nupnini memba kötōngōba jōpakōm aŋguinga ölŋi miangōn köhöiba qarimakza. Mewō.

Asakŋangō ahakmeme dölökŋi aka memba malme.

¹⁷ Mewō akzinaŋgōra nōŋōn Kembugō jitŋe memba galōm meme keu kewō jibi mōt yakōme: Urumeleŋgō kopa ambazip uru mōtmōtŋini sohoiga nesak ewō aka öne omaŋi laŋ malakzei, iŋini yengō tandök bölōŋi kude toroqeba aka memba malme. ¹⁸ Urumeleŋgō kopa ambazip yengō urumōtmōtŋinan sōŋauiga Anutubuk malmalgōra siksauk aka sohoze. Mōtmōt bölōŋan uruŋini gwōzōŋda duhuyōhangōra aka gukmaulem aka tōnpin malje. Miangōra Anutugōreŋ malmal köhöikŋe qahō qekōtahōmakzemō, nanŋinōk laŋ tōhōn malje. ¹⁹ Galōmŋini qahō mem aŋgugetka uruŋini gwōzōŋ

tekōiga gamu taŋgeŋ malje. Uruŋini kaiserōnōŋ jōhöba qewōloŋ yuaigōra laŋ sōŋgaiba tölōhomakze. Yuai membagan membingō nepaqepalok köpōsōŋgōmakze.

²⁰ Yeŋōn mewō ahakzemō, iŋini Kraistpuk malmalgō kōnaŋi mi mewō qahō kusum eŋgiget mōtket. ²¹ Iŋini keu ölŋangō Toŋi Jisōsbuk qekōtahōgetka miangō dop kōnaŋi kusum eŋgigetka ölŋi kewō mōt yakōget: ²² Mutuk ahakmemeŋini walŋi wuatangōgetka sihim kömbōnaŋini bölōŋan isimkakalek ak eŋgiiga ayuhum aŋgubingō aket. Kōna kusum eŋgiget mōtkeri, miangō dop mōnō uruŋini walŋi metekōm gila andō qeme.

²³ Urumōtmōtŋini mem guliget kölōŋaiba malmegōra kōna kusum eŋgiget. ²⁴ Anutunōŋ nini nanŋi kaisōngolomŋangō dop sarakŋi aka mal köhöibingōra miwikŋaim neŋgiyök. Uru dölökŋangō malmal solanŋi wuatangōbingōra mōnō al neŋgiyök. Miangōra uru dölökŋi miyöhök mōnō bök kölget geiga malme. Kōna mi mōnō mewō kusum eŋgigetka mōt yakōget.

²⁵ Kōna mewō ahōiga nini Kraistkō ölŋi mohot miangō uruŋe darumun ewō mindiriba ala-ala aka maljin. Miangōra muneŋ mi mōnō metekōm gilget geiga sutŋine keu öljanōk pakpak eraum mōta malme. ²⁶ Tembula kukpiriŋnōŋ akŋe ewō, mōnō tōndup siŋgisōndok kude akŋe. Irimŋini seholimawi, keuŋini mi mōnō zilaŋ wehōn jeŋan qahō tekōba geiga jim tekōgetka solanima. ²⁷ Mewō Bölōŋangō Toŋan sutŋine kaŋgotpapukōra qeapköba nalō kun kude waŋgiba zilaŋ yakōrime.

²⁸ Kunŋan yōŋgorō meme malōhi, yaŋōn mewō kunbuk kude akŋa. Mewō qahōpmō, mōnō nanŋi börōŋan nup

kapaŋ köla memba malma. Nup memba nanŋi nene inapŋi miwikŋaiba ölöp amqeba ambazip wanapŋi naŋgöm enŋimakŋa.

²⁹Keu lösö kun jitŋineyök kude etmapmö, keu ambazip uruŋini naŋgöba mem köhöimawi, mönö miyöhök jiba malme. Ambazip keuŋini möta uruŋini ahözawaŋgö dop qabangöra osizei, mönö miaŋgö dop goro enŋigetka keu nahöŋŋi möta ölöwakeak. ³⁰Anutunöŋ buŋaurupŋi sohpnini meiga Suepnöŋ öŋgöbini, nalö miaŋgöra aiwesökŋi kömbönaŋi mekötahöm enŋiiga uruŋine geba Anutugö muŋgemŋi akza. Miaŋgöra Anutugö muŋgemŋi Uŋa Töröŋi mi mönö wösöbirik kude qem waŋgime.

³¹Iŋini mönö urukömbuk, urukondum aka urusiŋgok pakpak mi qeköba gilget köröwen tatma. Urukönöpnöŋ kude jula enŋohoiga uruŋinan auba yom qeta jim aŋgubepuk. Mewöyök andöqeŋe keu töhöreŋ mi kude jime. Aŋgöjörak könaŋi könaŋi uruŋini tölöhobapuköra mi mönö körek andö qegetka tikep ahöma. ³²U Tikep ahömapmö, ala-ala ak aŋguba mököliba guŋböŋjönjönŋ qakŋe ak aŋguba malme. Kraistpuk qekötahögetka Anutunöŋ ŋiŋisöndokŋini mosöta saŋgoŋ enŋiyöhi, iŋini mönö miaŋgö dop toroqeba köpösihitŋini mosöt aŋguba malme. Mewö.

Anutugö asakŋe malmal mi kewö:

5 Anutugö wölböt nahönböraturupŋi akzeangöra silikŋini mönö kapaŋ köla Anutunöŋ ahakzawaŋgö dop aka wuatangöba malme. ²V Kraistnöŋ jöpaköm neŋgiba malmalŋi neŋgöra aka köleŋda mosörök. Jöwöwöl ohogetka köwakŋan öŋgözapma, Anutunöŋ miaŋgö dop Kraist malmalŋangö

kalemŋi mi möt aŋgön köli wörönŋi umköhöwakŋambuk ewö aka yaŋgö jeŋe pukpuköiga söŋgaiyök. Iŋini mönö mewöyök urukalemnöŋ kinda Kraistkö dop jöpaköm aŋguba aka memba malme.

³Serowilin, qewöloŋ aŋgöjörakŋambuk könaŋi könaŋi me yuai membagun membingö nepaqepalok (gridi) silikŋi mi Anutugö jeŋe qahö dop kölja. Miaŋgöra Anutugö ambazip sarakŋi akzeangö dop yuai mewöŋangö keuŋi kun mi sutŋine kude misiriba jigetka mötme. Saumbaŋ!

⁴Aŋgögönahitnöŋ lösö keu imbilonŋambuk aka uruqahö keu sinŋi sinŋi mi kude jime. Miaŋön uruŋini tölöhoiga qahö dop kölja. Miaŋgöra mi mönö mosöt teköba möpömpöse keu jim sehiba malme.

⁵Keu kötŋi ki mönö möt kömume: Kunŋan serowilin me qewöloŋ aŋgöjörakŋambuk me membagun membingö nepaqepalok köpösöŋgömakzawi, yaŋön mönö Anutugö bemtohoŋi buŋa qem aŋgumangö osima. Ahakmeme miaŋön bem muneŋi me tandö lopioŋ möpöseim enŋimakzeangö tandökŋi akza. Mewö akzawaŋön mönö Kraist aka Anutu yetkö bemtohoŋ uruŋe aŋgotpingö osima.

⁶Anutunöŋ ŋiŋisöndok mewöŋangöra aka tembula irimsesewölŋi qeŋetal ambazip yeŋgö qakŋine ali öŋgömakza. Miaŋgöra kunŋan keu omaŋi mewöŋi jiba kelök ala tutuhuba tilipköm enŋibapuk. ⁷Miaŋgöra ambazip mewöŋi mönö andö enŋuba yembuk köisirik kude malme. ⁸Mutuk söŋaupuk malgetmö, nalö kewöŋe Kembubuk qekötahöba kinda yaŋgö asakŋambuk malje. Ahakmemeŋini mönö asakŋangö buŋaya akzeangö dop aka memba

malme. ⁹Asakņangö buņa akzeangö töhötmöriam öljı mi kewö: İjini ahakmeme ölöpnı wuatangögetka Anutunöj keuņini jim teköi solanime aka keu öl töhöņņanök jiba malme. ¹⁰Wani yuai Kembugö jeje dop kölmawi, miangö könaņi mönö jaruba kewöta möt asarime.

¹¹Söņaupkö ahakmeme gilipitji (ambetakņi) aka memakzei, yembuk mönö köisirik kude toroqeba malme. Yengö bölöņamņini mi mönö indela asakņe ala jim eņgime. ¹²Tosatņan siņgisöndok tölapņe ahakzei, mi mönö aukņe jibingö gamuņambuk akapuk. ¹³Anutugö asakņan siņgisöndokņini pakpak mem asariiga könaņamņini öļņan mönö aukņeyök asuhuma. ¹⁴Asakņangö Toņan mönö tölapņangö yuaiņi pakpak indeliga asakņe aukņeyök ahöma. Miangöra keu kun kewö jigetka ahöza, “Gaun ahözani, gi mönö imbigi mötnöj. Mönö köhömuņeyök guliba wahötnöņa Kraistnöj mem asarim gihima.”

¹⁵Keu miangö dop ahakmemeņini mönö mötkutukutu qakņe aka memba malme. Morop aka töņpin malbepuköra mönö ölöpņanök galöm mem aņguba malme. ¹⁶Wewöņe nalö bölizawangöra aka urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröņine anda ösöj qambaņ köl eņgime. ¹⁷Miangöra uruqahö ewö laņ kude malmemö, Kembugö jitsihitji mi ölöpņanök möt asariba kinme.

¹⁸Wain o köhöikņi nemba eņololoņ akepuk. Nanņini imbi-imbi malgetka mötmötniņi bölöņan asuhugetka söņaup malmalnöj titeköba geba ayuhubepuk. Miangöra eņololoņ akepukmö, Uņan Töröņan mönö uruņini kokolak

gemapköra kapaņ köla kinme. ¹⁹*Mönö Buņa keu eraum möta Sumbara (sam), möpömöpösei liņet (omsa) aka urugö liņet tosatņi mi urukönömņinan köla Kembu möpöseimakņe. ²⁰Mewö me mewö asuhuiga miangöra mönö Kembunini Jisös Kraistkö qetņi qeta Iwi Anutu sundan saiwap jim waņgiba malme. Mewö.

Awanöm yengö goro qambaņ keu

²¹Kraistkö jitņi oņgitpepuköra keņgötņini möta mönö sutņine keu bapņe anan ak aņguba malme.

²²⁻²³YKraistkö öljı mi urumeleņ könagesö. Yaņön miangö nörorņi aka Amötqeqe Toņi akza. Miangö dop azinöj mewöyök anömņangö nörorņi akza. Miangöra ambi iņini mönö Kembugö keu bapņe anangö dop nanņini apurupņini göda qem eņgiba keuņini bapņe anda malme. ²⁴Urumeleņ könagesö neņön Kraistkö keu bapņe kinjini, miangö dop ambi eņön mewöyök mönö apurupņinangö keu pakpak wuatangöba malme.

²⁵ZKraistnöj nanņi könagesöņi jöpaköm neņgiba neņgöra aka malmalņi tököba köleņnöhi, miangö tandök azi eņön mönö mewöyök anömurupņini jöpaköba urukalem ak eņgiba malme. ²⁶Kraistnöj könagesöņi Buņa keuņan tök kutuba ambi buņaņi sarakņi akingöra o ewö miangön sanğoņda mösoloņanim neņgiyök. ²⁷Yaņön nini öllulup sorok akingöra möta uru sönuetnini mösoloņaniba töwöt boromņi kun qahö akingöra kapaņ kölakza. Könagesö sarakņi köpösihitkö keunini qahö akingöra mörakza. Kraistnöj kaba neņguangiriga asakmararaņe eu aņgoringa jihilalomņan neņgiuga ambi

w5:16 Kol 4.5 *5:19 Kol 3.16-17 y5:22-23 Kol 3.18; 1 Pitö 3.1

z5:25 Kol 3.19; 1 Pitö 3.7

buṇaṇi ewö nini nanṇi jemesoholṇe al neṇṇiiga aködaminambuk kinbin.

²⁸Azi iṇini mewöyök mönö Kraistkö tandökṇi mewöṇi wuatangöba anömurupṇini jöpaköm enggiba malme. Anömṇi jöpakömakzawaṇön mönö nanṇi köyan köl angumakza. Mianṇöra nanṇini silenṇi köyan köl angumakzeangö tandök mönö anömurupṇini köyan köl engigetka dop kölma. ²⁹Kunṇan kun nanṇi silenṇi nalö kunöṇ kazik qahö ak wangiyökmö, körek neṇön silenini gumohoba köyan kölakzin. Kraistnöṇ mewöyök könagesöurupṇi nini silenṇi ewö keuṇan gumohoba köyan köl neṇṇimakza.

³⁰Urumeleṇ könagesö neṇön Kraistkö öḷṇi akzin. Neṇön Kraist öḷṇangö törömunṇi aka maljin. Mianṇöra gumohom neṇṇimakza. ³¹aBuṇa keu kun kewö ahöza, “Mianṇöra azinöṇ mönö iwinanṇi etkömosöta anömṇambuk qekötahöba yahöt yetkön silemohot aka malmahot.” ³²Keu mi söpsöp keu tölapṇi. Mi Kraist aka urumeleṇ könagesö neṇṇö uru jöhöjöhöninangöra jiba ohozal. Keu areṇ mianṇö könanṇi mi tölapṇi aka dutṇi gegenṇi. ³³Mewö akzappmö, engöra keu mi kewö jizal: Iṇini mohot mohotṇan mönö mewöyök anömurupṇini nanṇini köyan köl angumakzeangö dop jöpaköm enggiba malme. Anöm eṇön mönö mewöyök apurupṇini göda qem enggiba malme. Mewö.

Nahönbörat aka iwinan yengö uru jöhöjöhö

6^bNahönbörat enggöreṇ ahakmeme diṇṇiṇi mi kewö: Iṇini mönö Kembubuk qekötahöba iwinamyahötṇini yetkö jitṇiri tem

köla wuatangöba malme. ^{2c}Anutunöṇ jöjöpaṇ keu 1-2-3 miengö teteköṇe töwa likepṇi neṇṇimangö qahö jii ahözappmö, jöjöpaṇ keu jaṇṇö 4 mi törömunṇambuk. Mutuk kewö jiza, “Iwinamyahötṇi mönö göda qem etkiba malman.” Keu mi tem kölinga Anutunöṇ töwa likepṇi neṇṇimangö keuṇi kewö jöhöi ohoget ahöza, ³“Göda qem etkinöṇga Anutunöṇ töhötmöriam gihiiga toroqeba gölmenöṇ nalö köröpṇi malman.”

⁴Nahönbörat urupṇinan irimesewöl akepuköra iwi eṇön mönö urukanjam kude ak enggiba malme. Mewö qahöppmö, Kembugö Köna keu tem kölmegöra kusum enggiba mianṇö dop mindiṇṇöm engigetka qarime. Mewö.

Welenqeṇe aka galöm yengö qambaṇ keuṇini

^{5d}Welenqeṇe iṇini mönö gölme qakṇe galömurupṇini yengö keuṇini Kraistkö keu ewö tem köla jöranṇtauat kude ahakṇe. Keuṇini onggitpepuköra sömbuṇini möta jönömṇinambuk undui malme. Urugeṇmoṇ kude aka böṇ kinda aka memba malme. ⁶Köṇṇöwoṇ aketka ambazipnöṇ enggek sorimegöra qahöppmö, uruṇini nupnöṇ ala memba Anutugö jitsihitṇi wuatangöba Kraistkö welenqeṇe tandök ahakṇe. ⁷Gölme ambazip welen qem enggiba mewö mianṇön Kembugö welenṇi qemakzin. Mewö möta nupṇini mönö Kembugö jeṇe dop kölmawangö dop uruölöwappuk memba malme.

⁸Keu ki mönö mötme: Engö sutṇine tosatṇan nup toṇi malje aka tosatṇan toṇini töwa qahö öne welen qem enggiba etqeṇṇi malje. Mi töndup denike yeṇön nup ölöṇṇi mi me mi memakzei, Anutunöṇ mönö mianṇö töwaṇi al enggiiga

^a5:31 Jen 2.24 ^b6:1 Kol 3.20 ^c6:2 Eks 20.12; Dut 5.16; Kol 3.21

^d6:5 Kol 3.22-25

buja qem angume. Keu mia mönö möt-möriba malme.

^{9e}Tourup aka welenqe qe engö Kembuini mohot yañon Suep mire malja. Yañon ambazip tosatji qahö engek soriba tosatji qahö qepureim enjimakzadmö, dop mohotnöj kewöta keunini jim teköm nengima. Galöm injini mi möt kutuzeangöra mönö welenqe alaaurupjini simin titit ölöppji dop mohot ak enjiba öröm könöpkönöp memtöröp qemtöröp mosöta malme. Mewö.

Anutugö jurujamba jömuk memba malme.

¹⁰Kimhini tekömamgö aiga keu kewö ohozal: Injini Kembubuk qekötahöba kingetka kukösumji ketanjan mönö inahöba töngum enjiiga köhöimekqe.

¹¹Bölönggö Toñan silenöj alalgö mötmöt areñ könañi könañi alakzawi, injini mi mesohol köla kin köhöimegöra mönö Anutugö wahijamba pakpak memba kölget gem angum teköiga malme.

¹²Nini gölme ambazip sep busuñinambuk yembuk bim qahö aumakzinmö, bem suahö galöm aka iwiluhut bölöñi bölöñi tuarenjoñ ak enjibingöra kinjin. Bem suahö galöm bölöñi Suep gölme sutjire jakömbuak dumjine kinda kembu ahakzei, mönö mi qetal enjimakzin. Mewöyök pom böhi öngöngöñi eretji sutnine panamangö öme tohongö azi ipñi mala öryuai pakpak galöm kölakzei, neñon mönö yembuk yarö gilakzin. ¹³Miangöra tuarenjoñ ak enjibingöra mönö Anutugö jurujamba lökñanök memba kölget gem anguiga kinme. Mewö kingetka kerökñinan nalö bölöñe enjibingö gangömakñei, nalö miangöreñ mönö ölop amqeba yarö gila

tötal enjime aka yarö mi teköiga ölop miri gölmenjine kanjam köla kinme.

^{14f}Wahijambañini mönö kewö lönggöt angume: Keu öñanök jijigö irimungañi mönö anjöñine jöhöba kinme. Ahakmeme solan sorokñi mi töptöpñine göwangöwanj (kapa maluku) ewö köla sel jöhöm anguba kinme. ^{15g}Köna esu böñtönök löngöta ölop töndangöba tiba anakzin. Miangö dop injini mönö lu-aigö Buñaji jim sehibingö jöjörögetka miangön bohon köl enjima. ¹⁶Jurujamba miembuk toroqeba saiwa bohonji qetji mötnarip mi mönö buja qem anguba sundan tenjöba kinakñe. Bölönggö Toñan neñgeriba qönsihim nengimangöra möta timbi lingipñi mulahakzawi, miangö esapesap könöppji pakpak mönö suman miangön qeapköba angön köl angumakñe.

^{17h}Anutugö Amötqe qe Toñi i mönö buja qem angume. Buja qem anguba kunbuk letotmei, dom-amöt miangön mönö nöropñini ain irikmarik ewö turuba angön köl enjimakñe. Uña Töröñan bimgö sou ketañi nengizawi, mi Anutugöreñ Buja keu. Mi mewöyök mönö buja qem anguba urukönömñine ala bimñini miangön qemakñe. ¹⁸Wahöjambañini pakpak mi lönggöt anguba mönö nalö dop Anutu köuluköba qesiba malme. Uña Töröñan enjuasöta inahöm enjimakzawangö dop mönö uletnöj sahöt wangimakñe. Mönö pöndañ uruguliguli mala sundan Anutugö ambazip sarakñi pakpak yengöra aka kapañ köla köulukömakñe.

¹⁹Nöngöra mewöyök kewö köulukömakñe, “Anutu, gi mönö keu köñji diñdiñi Pol wanginöñga göhö Ölöwak Buñagi tölapñi mi keu jitñan jimawangö dop jim asariba awösamakakahök kinda uru kuñgum enjimakñe.” ²⁰Nöñon

^e6:9 Dut 10.17; Kol 3.25; 4.1 ^f6:14 Ais 11.5; 59.17 ^g6:15 Ais 52.7

^h6:17 Ais 59.17

Ölöwak Buḡa miangöra aka Anutugö jitḡememe azi bohonḡi akzalmö, nupḡi memakzalaḡöra aka nalö kewöḡe kösö mire tatzal. Miangöra Buḡa keu mi Anutugö jeḡe dop kölmawangö dop awösamkakahök jiba malmangöra mönö köuluköba malme. Mewö.

Yaizözkök keu teteköḡi

²¹ Wölböt alani Tikikus yaḡön nöḡö kösohotni alma. Yaḡön Kembubuk qekötahöba nupḡi memburik-qemburikḡi qahö memakza. Kiaḡöreḡ denöwö aka memba

tarakzali, mi pakpak jiiga iḡini mewöyök mi mötme. ²² Neḡön denöwö maljin tatzin, iḡini kösohot mi mötmegöra Tikikus melaim wangibiga Efesus engöreḡ kama. Yaḡön kaba urukölalep engiiga ölop böḡjöḡ malme.

²³ Iwi Anutu aka Kembu Jisös Kraist yetkön mönö urumeleḡ alaurup engöreḡ lui qeba urukalem ak engiba möt-naripḡini mem köhöimakḡa. ²⁴ Ambazip Kembunini Jisös Kraist nalö teteköḡi qahö jöpaköba malmei, Anutugö kalem möriamḡan mönö körek embuk ahöba ahöm öḡgöma. Mewö.

Filipai Kimbi

Polnõj Filipai yengõra Kimbi alök.

Jim-asa-asari

Polnõj misin nup lilikõba meiga indimñi yahõt aiga Eisia Mainõ (Tõki) mosõta Yurõp gölmenõj anök. Anda Rom prowins qetñi Masedonia miangõrej uruñini kuñgui melengetka Kraistkõ kõnagesõ mutukñi mi Filipai sitinõj asuhuyök. Kõnangep aposol Pol mi Rom sitigõ kösõ mire alget sihimbölö qakñe tariga nup meme ambazip tosatñan tuarenjoñ ak wañgiget. Mi ak wañgigetka tosatñan Filipai uruñe mewõñanök keu goñgoñi kusum enggigerangõra waimanjat mörök. Nalõ miangõrej Buña Kimbiñi ki Filipai mötnarip kõnagesõ yengõra ohoyök. Waimanjat mörökmõ, tõndup urukõlalep keu aka urunangõnangõ keu ki sösõngai qakñe ohoba alök.

Polnõj kösõ mire tariga Filipai mötnarip kõnagesõ yeñõn baukõm wañgibingõra kalem alget kayõhi, yañõn miangõ saiwap jim enggimangõra Kimbi ki ohoyök. Mi ohoba toroqeba urunangõnangõ keuñi gwõtputuk mohotñe alök. Nanñak kõñjilij kõnañi kõnañi möriga Filipai yeñõn Polgõ keuñi mi mötketka tõndup kõhöiba awõsamkakak kinmegõra uru nangõm enggiyök. Goro keu tosatñi kewõ: Nanñini sileñini memba õngõba aiwelikõbepukõra mönõ galõm memba malme. Dogo jimamoñ möta toroqeba nepaqepalok köpõsõngõbepukmõ, Jisõs ewõ uruñini mem et al anguba malme. Keu ki õlum enggubapuk: Kraistpuk qekõtahõba kinjei, mi Anutugõ kalemñi akza. Juda yeñõn Mosesgõrej Kõna keu areñi tem kõla wuatangõba Anutugõra

silik yuai ahakzemõ, urumelenj alaurup eñõn mewõ qahõ. Eñõn mönõ Anutu möt narim wañgigetka kalem möriamñi sõngörõñi qahõ enggiiga buña qem anguba mewõ mianõn malmal dölõkñi miwikñaiba malje. Denike yeñõn Kraistpuk qekõtahõba maljei, Anutunõj mönõ i luai qem enggiiga sõngaiba malme.

Kraist möt nariinga Anutunõj urusõsõngai nenggiiga õlõp awõsamkakak qakñe mal kõhöibin aka urumelej alaurup yembuk mohotñe kapañ kõla kõhöiba kinbin. Polnõj miangõ keuñi mi gwõtputuk ohoyök. Polnõj Filipai kõnagesõ yengõ waikñini kõhöikñi memingõ möta malõhi, miangõ keuñi mi mewõyök aukñe ohoyök.

Buk kiangõ bahõñi bohonñi 7 mi kewõ:

Keu mutukñi 1.1-11

Polnõj denõwõ aka malök 1.12-26

Kraistpuk malmalgõ kõnañi 1.27-2.18

Timoti Epafroditus yetkõ nup areñi 2.19-30

Tuarenjoñ yeñõn tilipkõm enggigetka etpepuk 3.1-4.9

Polgõ alaurup Filipai malgeri, yengõ keuñini 4.10-20

Kimbigõ keu kötñi bohonñi 4.21-23

1 ⁱPol Timoti netkõn Kraist Jisõs welenñi qeba maljit.

Urumelej kõnagesõ sarakñi pakpak Kraist Jisõsbuk qekõtahõba kinda Filipai sitinõj maljei, niri embuk aka engõ bohonñini (bisop, pasto) aka Buña nup meme ambazip tosatñi (dikon) embuk keu eraum mötpingõra möta kimbi ki ohozal.

²Anutu Iwinini aka Kembu Jisõs Kraist yetkõn kalem möriam enggiyohotka luainõj malmegõra mötzal.

Polnön Anutu möpöseiba köuluköza.

³Nöñön mötmörim engimakzalanğö dop Anutu möpöseimakzal. ⁴Nalö dop körek pakpak engöra Anutu köulukömakzali, mi mönö sösönggai qakqe köulukömakzal. ⁵Nöñön Anutu kewögöra möpöseimakzal: İñini Ölöwak Buñanön qekötahögeri, nalö mutukji miangöreyök könahiba nömbuk bim qeba kötöngöm niñgiba mala kota malje. ⁶Anutunön uruñine nup ölöpñi könahiba memba maljawi, mi mönö toroqeba meiga Kraist Jisösnön kunbuk asuhumapkö nalöñe teköma. Mewö möt narim köhöiba Anutu möpöseimakzal.

⁷O seppini nemi, wölböt alaurupni akzeangöra körek iñini mewö mötmörim engibiga ölöpñanök dop kölja. Anutunön nup niñgiiga kösö mire tarakzal me awörök nöñön Ölöwak Buñagöra bim qeba eñololoñ keu qeapköba keu öljän jalöñi memba köhöimapköra lilikömakzal. Mewö me mewö ahakzali, körek eñön mönö nömbuk kingetka kalem möriam miyöknön dop köñ engiiga nupni nañgetka mohotqe simbawoñ akzin. ⁸Kraist Jisösnön iñini jöpaköba inahöm engimakzawi, nöñön mi möta miangö qakqe kinda körek engöra ak niñgiiga engekñamgö kapañ köla maljal. Mewö jibiga keu öljä jizali, mi Anutu nanñak ölöp nañgöm niñgiba jima.

⁹Nöñön engöra kewö köulukömakzal: Anutu, gi mönö Filipai alaurup inahöm enginöñga toroqeba köhöiba jöpaköm angugetka urukalemñinan qarim sehima. Mewö aiga ölöp köna öljä ek kutuba eñololoñ keu mosöta malme. ¹⁰Mewö mala ölöp keu kewöta köna ölöp sorokñi möwölöhöba sarakñi aka köpösihitkö keuñini qahö mal öñgöme. Kraistnön lilingöba kamawi, nalö mi-

angörey lömbötninan teköma. ¹¹Jisös Kraistnön ahakmeme solanñi nam köliga miangö öljä asuhumakña. Öljä mi-añön uruñini kokolak qeiga ambazipnön mewö engeka Anutu möpöseigetka qet-buñanjan sehimapköra köulukömakzal. Keu mi öljä.

Pol kösö mire algetka Buña keunöñ köhöiyök.

¹²O urumeleñ alaurupni, eñön nöñgö könani möt kutumegöra kewö möta ohozal: Yuai bölöñi nöñgöreñ asuhuyöhi, miangö buzupñan sehiiga Ölöwak Buñaninan ambazip dop köñ engiiga nupninan töhötmöriamñambuk akza. ¹³İNi Kraistköra aka kösönön gwaröhöm niñgigetka Rom kiangöreñ tatzali, keu mi yarö azi pakpak sisa-kiñgö jakömbuak miri galöm memakzei, yeñön mötze aka mewöyök ambazip tosatñi gwötpuk yeñgö kezapñine geiga möt teköze.

¹⁴Toroqeba öljä kewö asuhuyök: Urumeleñ alaurupninan kösö mire tatpi Kembunön bauköm niñgimakzawangö keuñi mötket. Mi möta sehisehiñan Kembubuk qekötahöba kinda köhöiba kapañ köla awösamkakak aket. Mewö aka Anutugöreñ keu keñgötñi qahö jim sehigetka toroqeba anakza.

¹⁵Tosatñan nöñgöra mötket öñgöiga urusihim sarakqe kinda Kraistkö könani jim asarimakzemö, tosatñan nöñgöra aka uruñinan mututqutut möta andö nunguba angururuk akingö mötze. ¹⁶Alaurupni öljä yeñön nöñgö könani kewö mötze: Anutunön kuñgum niñgiiga awörök nöñön Ölöwak Buñagöra bim qeba eñololoñ keu qeapkömakzal. Mewö möta jöpaköm niñgiba nañgöm niñgimakze. ¹⁷Andöqeçe ambazip yeñön nanñinañgörök mötmöriiba

töwagöra möndögetka uruñinan tölöhoiga Kraistkö könañi mewö jim asarimakze. Mewö aka kösö mire tatzali, nalö kewöñe angösirip toroqeba ak niñgibingö mötze.

¹⁸Mewö mötzmö, mi muat. Kraistkö könañi mi yuaigöra möndöba silebile aka me Anutu törörök tem köla jim asarigetka mötpi dop kölja. Mewö me mewö ahakzei, urunan mönö miangöra ölöwahiga ölja söngaizala söngaimakñam. ¹⁹Söngaibiga nöngöra köulukögetka Jisös Kraistkö Uña Töröñan nangöm niñgiiga ölop pösat niñgigetka etmamgö tandök mötzal. Mewö asuhumapköra möta miangöra mewöyök söngaimakzal. ²⁰Yuai kun aka gamu miwikñaibileñbuköra mönö jörömqöröm aka maljal. Gamu qahöpmö, nalö dop Kraist möpöseiba malali, miangö dop nalö kewöñe mewöyök asuhumapköra mötzal. Silenan kömuma me malmawi, mi töndup mönö awösamkakak pakpak qakñe Kraist möpöseibiga qetbuñan qarimakña.

²¹Malmam ewö, malmalni mönö Kraistkö qetbuñan qarimapköra aka malmam. Nunguget kömumbileñak ewö, mianñon mönö mem ölöwak niñgiiga oyaenköyaen akñam. ²²Mewö akileñakmö, gölmenöñ silebuk malmam ewö, mönö urugö nup membiga toroqeba öljambuk ahakña. Mi mötmöriba nanangöra malmal me kömuwa möwölöhöbilenjak, mi ölop qahö mötzal. ²³Malmal aka kömup sutñire pañpañgöba maljal. Kraistpuk eu malbilenjak, mianñon mönö yuai pakpak oñgita möriam ketañi ak niñgibawak. Miangöra gölme mosötmamgö sihimñi möta maljal.

²⁴Mewö maljalmö, silebuk qeköriba malmam ewö, mianñon mönö iñini

bauköm engbiga ölni engören asuhuma. Kömumbilenjak, mianñon mönö iñini qahö bauköm engibawak. ²⁵Mewö möt narim köhöiba miangöra nehorigetka toroqeba mala körek iñini bauköm engiba malmamgö mötzal. Bauköm engibiga mötnariñinangö ölnan mönö qarim köhöiiga ölop önöñi qahö söngaiba malme. ²⁶Mewöyök Kraistnöñ nehoriiga kunbuk engören kabiga iñini ölop nöngöra aka Kraist Jisös önöñi qahö möpöseim wangiba malme. Mewö.

Mötnariñinan köhöimapköra bim qeba malme.

²⁷Ahakmemenini mi mönö Kraistkö Ölöwak Buñan aködamunñambuk akñawangö dop aka memba malme. Mewö malgetka engören kaba enggekñami me qahö kaba sikep mala keu buzupñini mötpi könañini kewö ahöi dop kölma: Iñini mindimindiri areñ mohotkö keu jöhöba urumohot aka kinme. Mewö kinda Ölöwak Buñagö keu ölnan sömböleibapüköra öröröñ jöhöba bim qeba malme. ²⁸Mewöyök tosatñan tuarenjoñ ak engimakñei, eñon mönö keu jitñini könañi könañi miangöra kude töwöratigetka uruñinan kude etma. Könañamñini mewö mötpi dop kölma. Anutunöñ kukösum enñiiga tuarenjoñ ambazip yeñon könañamñini eka kewö möt asarime: Nanñini et enñuiga ayuhugetka Anutunöñ meköm nenñiiga oyaenköyaen aka malbin.

²⁹Anutunöñ areñi al enñiyöhi, mi kewö: Iñini Kraist möt narim wangiba likepñi söngaiba likepñi yangöra aka sihimbölö möta malme. ³⁰Nöñon mötnaripkö bim mutuk embuk mala qeali, neket aka nalö kewöñe toroqeba qemakzalañgö keu buzupñi ki mötzei, iñini

mönö bim miyöhök nömbuk tönguba qeba malje, mi mötzal. Mewö.

Kraistkö dop nanjini mem et al anguba malme.

2 Injini Kraistpuk qekötahöba kinjeangöra mönö uruñini nanjöm angubingö qambañ miwikñaime. Urukalemñini miañön mönö urukölalep ak angumakñe. Uña Töröñambuk ösupköba kinda waikñini memba ak kömum angumakñe. ²Mewö akzeangöra mönö mötmöt mohot wuatangöba öröröñ jöpaköm anguba luainöñ malme. Urusihimñini mönö mötmöt areñ mohot akingöra jöhöme. Keu mewö jöhöba urumohot aketka ölhñ asuhui möta nöñön engöra önöñj qahö söñgaiba malmam.

³Öroyuai nanñinañgörök öröbingö sihimñan mönö kude nam köl engima. Nanñini qetbuñaninan qarimapköra mönö silenini kude memba öngömömö, uruñini memba et ala tosatñi yengöra mötketka öngömökña. ⁴Injini mohot mohot mönö nanñini uruñinanök ölöwakñapköra kude mötmörimömö, tosatñi yengö uruñinan ölöwakñapköra mewöyök kapañ köla mötmörim yaköme. ⁵Kraist Jisösnöñ gölmenöñ maliga imbi mötmöt ahöm wañgiyöhi, miyöhök mönö engörej ahöi mi wuatangöba malme.

⁶Anutugö kaisongolom tandökñi ahöm wañgi malökmö, töndup Anutugö dop malöhangörej qahö möndöba aiweliköba malök.

⁷Mewö qahöpmö, nanñak amqeba Anutugö asakmarañi mosöta eta melenña azi tandök asuhuba welenqeqegö kaisongolomñi memba malök.

Mönö gölme azi nanini tandök aka malök.

⁸Mewö mala uruñi memba et al anguba Iwiñangö keu jitñi nalö dop tem köla malök. Mewö maliga gamu qem wañgiba “Maripomnöñ qebin,” jigetmö, nalö miangörej mewöyök tem köl teköyök.

⁹Mewö tem köla malöhangöra aka Anutunöñ wañgira euyangörej öngöba tariga qetbuña wañgiyöhi, miañön qet tosatñi pakpak engongita aködamanñambuk akza.

¹⁰¹Anutunöñ qetbuña öngöngöñj mi kewögöra wañgiyök:

Ambazip körek pakpak neñön mönö qet miangöra aka nalö kunöñ simin köla möpöseim wañgibin. Tosatñan Suep mire euyangörej malje. Tosatñan gölmenöñ ki maljin. Tosatñan kömumba uñem mire me senjom mire malje. Neñön mönö körek-makörek mindiriba sipköba simin köl wañgibin.

¹¹Körek nini simin köl wañgiba numbu nesilam dop Iwi Anutu aukñe göda qebingöra qetñi jim miwikñaiiba kewö jibin,

“Jisös Kraistnöñ mönö Kembu ak neñgiza.” Mewö.

Jisösgö asakñi mi ambazip sutñine kondela malme.

¹²Miangöra wölböt alaurupni, injini mönö Kraistkö söpsöpñi wuatangöba miangörej kude sörauba etme. Nalö dop Anutugö keu tem köla letota malgeri, miangö dop silik urumelej ambazip engörej dop köljawi, mi mönö kapañ köla wuatangöba urugö nup memba malme. Nöñön embuk malali, nalö miangörej Buña keu ölöpñanök köl guliba zeñ kinda malget. Engömosöta sikep maljalangörej mönö mewöñanök Anutugö jeje sömbuñinambuk möta

jönömŋini unduiga pöndaŋ nup mi mem soroköba malme.

¹³ Anutunöŋ nanŋak mönö iŋini sundan sölölohöba nam köl eŋgiba nanŋi areŋaŋgö dop uruŋini kuŋgumakza. Mewö urusihimŋini Anutu dop köl waŋgimawaŋgö dop ahuiga inahöm eŋgiiga nupŋi megetka ölni asuhumakŋa.

¹⁴ Galömurupŋini yembuk keu mekömpötak kude aka malme. Jimoŋgot aka urunöŋ ihururuk laŋ kude ahaknemö, areŋini pakpak mönö uruyahöt ziakpiak mosöta töp memba malme. ¹⁵ Ahakmemeŋinan mönö köpösihitkö keuŋi qahö sarakŋi aka memba malme. Ambazip goŋgoŋi misimkaulup merak gölmenöŋ maljei, iŋini mönö yeŋgö sutŋine Anutugö nahönbörat solan sorokŋi malme. Seŋgelau suepnöŋ eu asarizei, iŋini mönö mewöŋanök gölmenöŋ silik ölöpnŋi aka miaŋön ambazip asarim eŋgiba malme.

¹⁶ Mewö mala malmal köhöikŋaŋgö Buŋa keuŋi töp memba ambazip eŋgibingö jöjöröba malme. Mewö malgetka Kraistnöŋ liliŋgöba kamawi, nalö miaŋgöreŋ nöŋgö könaŋamnan aukŋe kewö asuhuma, “Mönahot azinöŋ aonŋitnöŋ luhut almamgöra ösumŋi qezaköba anakzawi, nöŋön miaŋgö dop urugö nupköra sile qeba mem köhöiba malal. Mi öne töhöntöhön qahö memba malalmö, ölni asuhuyök.” Könaŋamni mewö asuhuiga ölop nani sileni eŋgöra aka möpöseimam.

¹⁷ Nöŋön malmalni köleŋda tököba eŋgiba Anutugö nupŋi tem köla memba malal. Mewö malbi iŋini uruŋini melerda Anutu möt narigetka miaŋgö ölni asuhumakza. Miaŋgöra Rom gawman yeŋön keuni jim teköba sömbup ewö nuŋguba jöwöwöl ohoho

ewö ak niŋgibeak. Silenaŋgö sepni mewö mokobileŋak ewö, mi mönö o ewö öne töhöntöhön qahö gebawak. Eŋgö mötnariŋ nupŋinaŋgö ölnaŋgöra aka mi mönö aködamunŋambuk ahiga dop kölbawak. Miaŋgöra nuŋguget kömumbileŋakmö, urunan mönö töndup söŋgaimakzal aka körek embuk mohotŋe söŋgaimakin. ¹⁸ Mewöŋanök iŋini tok mönö söŋgaime aka nömbuk köiraŋ ala söŋgaiba malbin. Mewö.

Timoti melaibiga Filipai eŋgöreŋ kama.

¹⁹ Kemu Jisösnöŋ nöŋgöra möri dop kölma ewö, mönö zilaŋ Timoti melaimamgö möta jörömŋöröm akzal. Eŋgöreŋ kaba denöwö maljei, mi möta liliŋgöba kaba jii möta nöŋgö imbinan mewöyök ölöwak soroköbawak. ²⁰ Mötnariŋŋine köhöize me löwöriŋzei, yaŋön nanŋök eŋgöra waimanŋat mewö möta nöŋgö qöhöröŋne kinja. Tosatŋan ki maljei, yeŋön mönö “Nanŋini manŋatŋina,” jiba qahöpmahöp kötöngöm eŋgibingö mörakze. ²¹ Yeŋön körek nanŋinaŋgö yuaigöra möta mi köl öröba mem qaribingöra jaram timakzemö, Kraist Jisösgö nupŋan ölnambuk ahakŋapköra qahö kapaŋ kölakze. Mönö qemasolokep laŋ malje.

²² Laŋ maljemö, Timotinöŋ könaŋi ölöpnŋi kondelöhi, mi nanŋinak möt yaköze. Nahöŋöŋ nanŋi iwiŋi welen qem waŋgimakzawi, yaŋön mönö miaŋgö dop ni Ölöwak Buŋa nupkö bauköm niŋgiba malök. ²³ Miaŋgöra Rom gawman yeŋön nöŋgö keu denöwö ak niŋgibingö jöhömei, mi mötagun mönö ölop Timoti melaibiga zilaŋ eŋgöreŋ kamapkö jörömŋöröm akzal. ²⁴ Nanak mewöŋanök Kembubuk kinda nalö kude köriiga eŋgöreŋ kamamgö awösamakakak mewö möt narizal.

**Epafroditus melaibiga
Filipai engörej kama.**

²⁵ Nöñön yuai jaruba osiba malbiga enñon neñakni Epafroditus melaigetka kaba nañgöba baukóm niñgiyök. Yañon nöñgö qöhöröñne nup memba bim qeba malökmö, toroqeba jöhöm wañgibileñak, miañon qahö dop kölbawak. Mewö mötmöriba urumeleñ alani i nalö kewöñeyök melaibiga engörej liliñgöba kama. ²⁶ Yañon körek iñini engekñangö kapañ köla malja. Kawöl yöhöi ahöyöhi, iñini keu mi mötket engörej lömböriiga möta miañgöra urueret malja. ²⁷ Yañon ölña kawölbuk ahöba kömupkö jitleñ ahöyökmö, Anutunöñ ak kömum wañgiiga ölöwahök. Anutunöñ Epafroditus iyök qahö ak kömum wañgiyökmö, ni mewöyök nehoriba mem amqem niñgiyök. Yañon kömumbawak ewö, nöñgö wösöbiriknan mönö sehii qaknöñ qaknöñ öñgöi malbilenak.

²⁸ Iñini Epafroditus eka kunbuk söñgaigetka nöñgö wösöbiriknan mewöyök amqemapköra mötzal. Miañgöra nalö kewöñeyök zilañ melaibiga engörej kama. ²⁹ Iñini Kembugö ambazipköra öññi qahö söñgaimakzei, söññgai miañgö qakñe mönö yañon kaiga köl öröm wañgime aka nup meme ambazip mewöñi mi mönö göda qem engiba malme. ³⁰ Yañon Kraistkö nupköra aka kömupkö jitleñeyök öñgöba kömum taköyök. Iñini ni nañgöba baukóm niñgibingö mötketmö, mi osigerañgöra yañon engö salupñine mewö ak niñgimangöra kaba malmalñi mosöta ayuhum taköyök. Mewö.

Solanñi akingö köna ölni mi kewö:

3 O urumeleñ alaurupni, keu kötni kewö toroqeba jimam: Mönö

Kembubuk qekötahöba söñgaiba malme. Keu mi dumñe kunbuk ohom engimangöra qahö ölan nöhöza. Ambazip tosatñan tilipköm engibepuköra mi ohom engibiga ölop dop kölja. ² Zioz nup meme ambazip bölöñi yengöra mönö galömmñini memba malme. Yeñon urumeleñgö kopa ambazip sutñine liliköba uruñini kuñguba kewö jimakze, “Anutugö buñaji akñegöra mönö aiwesökñi sileñine yandime.” Mewö kapañ köla keuyök jiba kiam ewö kohop köla “Könagesö walñi akzin,” jiba öne töhön jimakze.

³ Yeñon Anutugö jeñe qahö diñgize. Sileñine aiwesök miyök yandim engigetmö, ölñan mönö neñgörej kewö asuhuyök: Anutugö Buñaju keuñan urunini mesiñnöhi, neñon mönö yañgö urumeleñ könagesö ölböñi aka maljin. Anutugö qetñe silenine aiwesök al neñgigeri, neñon miañgö qakñe qahö kinda tönguba möt narimakzinmö, Kraist Jisösnöñ amöt qem neñgiyöhi, miañgöra mönö silenini mem öñgömakzin. Anutugö Uña Töröñan inahöm neñgiiga amqeba Anutugö waikñi memba möpöseimakzin.

⁴ Tosatñan sileñinañgö yuainöñ tönguba Anutugö buñaji akingö möt narizei, nöñon mönö i engoñgitzal. Miañgöra ölopñanök korua ewö terereñgöba gingini memba wahöta aiweliköbilenak. ⁵ Nöñgö aködamuni kewö: Nöñon Israel ambazip kambu uruñe jitleñememe kun akzal. Isik bömöni qetñi Benjamin. Iwinamni Hibu ambaziwa. Nöñon yetköreñök ahuba Hibu azi ölni akzal. Asuhuba ahöbiga wehön 8 aiga miañgöreñ sileni yandiget. Farisi aka malalañgöra Mosesgöreñ Köna keu mi törörök wuatañgömamgö kapañ köla malal.

⁶Farisi mala urunan uturungöba könöwiiga urumelej könagesö mi ölna sesewerowero ak engiba malal. Mosesgöreñ Köna keu tem köla wuatangöba diñdiñi akinak ewö, nöñon mönö miangö dop köpösihitkö keunji qahö solanji malal.

⁷Yuai mi mötpi öngöiga miangöreñ tönguba möt nariba malalmö, uruni melenja mi pakpak mosöta zuen jizal. Nalö kewöñe Kraistnöñ amöt qem niñgii letorali, miangöra mönö mötpi öngömakza. ⁸Kembuni Kraist Jisös möt kutuba oyaenköyaen akñami, mi möt kewötpiga bohonji öngöñgöñi ewö akza. Miangöra malmalni waljangö aködamun yuaini pakpak mi Kraist toroqeba miangöreñ mosöta zuen jizal. Kraist miwikñaiba nöñgöreñ yuai pakpak mi mötpiga nesak irip töhön ewö aiga qepureiba andöne gilal.

⁹Tosatñan “Mosesgöreñ Köna keu tem köl teköba mewö miangön naninak diñdiñi akin,” jizemö, nöñon dop miangöreñ solanji kunbuk qahö maljal. Nalö kewöñe Kraist möt naribiga Anutunöñ mewö miangön keuni jim teköi solaniba maljal. Mötnarip qakñe malbiga Anutunöñ ak kömum niñgiba jim kutuiga siñgisöndoknañgö keunjan kömuiga maljal. Kraistpuk qekötahöba kinda malbiga Anutunöñ nöñgö könañamni mewö miwikñaimapköra kapañ kölakzal.

¹⁰Nöñon Kraist kewö möt kutumangöra kapañ kölakzal: Sihimbölo möröhangöreñ yambuk toroqemangö jöjörözal. Sihimbölo möta kömuyöhi, nöñon tandök miyöhök kömumba mewö miangön yanğö tandök ewö akñamgö jöjörözal. Kömumba wahöröhi, yanğö ösumñi miangön mönö tilimgöm niñgiiga köhöimangö mötzal. ¹¹Kömumbiga Anutunöñ mem gulim

niñgii kömupnöhök wahötmangö jörömqöröm akzal. Mewö.

Mönö aongitnöñ kapañ köla tohotnöñ anme.

¹²Nanangöra kewö qahö jizal, “Anutunöñ tohot alöhi, miangöreñ lök kañgota urumeleñgö aködamunñi pakpak miwikñaiba maljal.” Mewö qahö aka maljalmö, Kraist Jisösnöñ luhut ala nömeyöhangöra mönö oyaenköyaenji buña qem angumangöra kapañ kölakzal.

¹³O urumeleñ alaurupni, Anutugö tohot miangöreñ qahö angot teközali, mi mötzal. Mohot kewöya möta ahakzal: Yuai köteköba andö qeali, mi ölum nuñguiga Anutunöñ yuai mesoholne ali ahözawi, mönö miangöreñ göröken ösumnan anmamgö awöwengömakzal. ¹⁴Anutunöñ

euyangöreñ öngömangö nohola tohotñi mewö al niñgiyök. Miangöra Kraist Jisösnöñ amöt qem niñgiyöhangöra nöñon esapesapnöñ köhöiba luhut ala Anutugö tohotnöñ angotpiga yanğon ila jalö nöropne köl niñgima. Mi memangöra awöwengöba tohot miangöreñ göröken diñdiñanök uraköba ösumni qezaköba kiñkiñgömakzal.

¹⁵Miangöra urugö aködamuninambuk akzini, Anutunöñ nini körek mötmöt mohotkö qakñe Kraist möt kutuba malbingö mötza. Keu kungöra mötmöt imbi murutñi kun ahöm engibawak ewö, Anutunöñ mönö keu miangöra denöwö mötketka dop köljawi, mi mewöyök jim indel engima. ¹⁶Mewö qahöpmö, engöreñ waimanjat bohonji mi kewö aiga dop kölma: Nini nalö köröpñi me töröpñi urunini melenja Anutugö könanöñ mala korini, mönö ahakmemegö köna mohot miyök toroqeba aninga dop kölma.

¹⁷ O urumelenj alaurupni, nõñon ahakmemeni ahakzali, injini mõnõ ni neka nõngõ silikni mi wuatangõba malme. Neñon silik õlõpñi kondel engiinga tosatñan miangõ dop tiba õrom engimakzei, injini mõnõ yengõrenj uba engek kutuba malme. ¹⁸ Ambazip kelejmalelej yengõn ahakmemeñinan Kraist kerõk ak wangiba nanñini imbi-imbi lañ malje. Maripomnõñ kõmuyõhi, miangõ kõnañi tim koyonaniba malje. Keu mi nalõ gwõtpek janjuñ akepekõra jibi mõtketmõ, nalõ kewõñe mi sahõta imbilni eriga jizal.

¹⁹ Silenjanangõ sihim kõmbõnañini bölõñan bemñini akza. Yuai gamunambuk ahakzei, miangõra mõtket õngõiga akõdamunñina aiga sõngõrõqõk akze. Urumõtmõtñini gõlmegõ yuainõñ jõhõgetka gwarõhõm engii lañ mala tetekõñe kõnõp sianõñ geme. ²⁰ Yengõn emu gememõ, tosatñi nengõ mindimindiri tohoñnini mi Suepnõñ eu ahõza. Gõlmenõñ kianñi aka kusukñanõk mala Kembu Jisõs Kraist Amõtqege Toninan kunbuk asuhaba nenjuangitmapkõra mambõrakzin. ²¹ Yañõn nengõrenj gõlme silenini etqeñi ki melejñiga nanñi Suep sile asakmaranambukõ tandõk akña. Kukõsum mewõñi mi Kraist ahõm wangiza. Yañõn kukõsum mewõñi miangõn ambazip aka gõlme Suepkõ õrõyuai pakpak mi õlõp kõhõiba memba et al nenjiiga yangõ nembõ bapñe aninga galõm kõl nenjiiga malbin. Mewõ.

Qambañ keu tosatñi

4 O wõlbõt alaurupni, mewõ asuhumapkõra Kembunõñ mõnõ baukõm engiiga bõñ qeba kõhõiba kinme. Nõñon engõra ak niñjiiga engekñangõra kapañ kõlakzal. Injini

sõsõngai ak niñgiget. Sutñine nup mealangõ õlñi asuhui kondelgetka Anutunõñ miangõ tõwa nenjimawi, miangõra mõnõ sõngõrõqõk aka sõngaimakzal.

² Jitñememe ambi yahõt Yuodia Sintike, etkõn jula angururuk aka maljahot, mewõ mõral. Miangõra nõñon uruñiri kewõ kuñguzal: Injiri Kembubuk mohot kinjahot, miangõra mõnõ urumohot aka malmahot. ³ O nenjakni õlñi, nupkõ kõnjõñi mohotñe bisiba maliri, gi mewõyõk kewõ qesim gihizal: Ambi yahõt mietkõn urumohot akñahotkõra mõnõ baukõm etkiman. Yetkõn nõmbuk Õlõwak Buña kõhõiba sehimapkõra bim qeba malohot. Yetkõn Klemen aka nenjakurupni tosatñi yengõ qõhõrõñine mohotñe bim qeba malohot. Tosatñi yengõ qetñini mi malmal kõhõikñangõ buk papianõñ eu ahõza.

⁴ Nalõ dop mõnõ Kembubuk kinda sõngaiaba malme. Sõngaimel! keu mi dumñe kunbuk jizal.

⁵ Injini mõnõ guñbõnjõnjõñ qakñe ambazip ak engigetka kõrekñan tandõkñini mi mõtme. Kembunõñ lõk kamangõ dopdowiza. ⁶ Yuai kungõra mõnõ kõñjilij kude mõta malmemõ, yuai pakpak miangõrenj qeqesinini mõnõ Anutugõra jigetka mõtma. Mewõ me mewõ asuhumawi, mõnõ Anutu kõulukõba uleta saiwap jiba malme. ⁷ Anutunõñ uruluai engizawi, nini miangõ kõnañi mõt kutubingõ osimakzin. Mi mõtkutukutunini pakpak õñgita qainñi kun akza. Kraist Jisõsbuk kingetka Anutunõñ mõnõ uruñini aka keu mõtmõtñini sel jõhõba kõlkõzizip mem engiiga malme.

⁸ O urumelenj alaurupni, keuni jim tekõmamgõ aka qambañ keu kewõ jizal: Angõjõrak keu kude mõt-mõrimemõ, yuai pakpak gõda qeinga

aködamunꞡambuk akzawi, uruꞡini mönö miangörej jöhöba malme. Keu öljü, keu diꞡdiꝼi aka sarakꝼi mia mönö mötmöriba malme. Keu ehöhölöꝼi sihimninan mörakzini, miangön mönö uruꝼini kokolak qeiga kinme. Keu ewebibiꝼambuk möpömöpösei ahumawaꝼgö dop akzawi, uruꝼini mönö miangörej qekötahöba malme. ⁹Nöꝼgö ahakmemeni eka Buꝼa keuni möta uru könmöꝼine ala buꝼa qem aꝼgugeri, iꝼini mönö mi köl guliba aka memba malme. Mewö malgetka luai Toꝼi Anutu yaꝼön embuk kinma. Mewö.

**Polnöꝼ Filipai yengö
kalemꝼinaꝼgöra saiwap jiza.**

¹⁰Nöꝼön Kembubuk qekötahöba kinda engöra uruölöwak ketanꝼi mötzal. Iꝼini mutuhök ni köyan köla moneꝼ niꝼgibingö sihim möta malgetmö, denöwö akingö köna jaruba osiget. Nalö köröpꝼi osiba malgetka Kembunöꝼ nalö kewöꝼe uruꝼini mem guliiga amqeba kunbuk bauköm niꝼiget. ¹¹Silenangö lömbötnöꝼ tata osibileꝼak, miangöra keu ki qahö jizal. Nöꝼgörej yuai ahözawi, nöꝼön mönö miambuk uruluainöꝼ böꝼjöꝼ malmangö mötzal. ¹²Ni jaram tiba luainöꝼ malal aka malmal pomꝼi siyoꝼsayoꝼi qahö mala luainö괽 malal. Miri dop nalö dop uruni bö괽jö괽 köli malmangö mötzal. Nem timbire괽 akile괽ak me bödi (buörö) tatpile괽ak, miangöra mönö uruni qahö memba et al a괽gumakzal. Yuaini kele괽malele괽 me borom괽i ahöm ni괽gibawak, mi muat. Mönö ölop bö괽jö괽 malmam. ¹³I me wai kun asuhubawak, Kraistnö괽 mem köhöim ni괽giiga yuai kun괽an kun mönö qahö memba et al ni괽giiga ölop malmam.

¹⁴Töndup kö괽jili괽ni miangö uru괽eyök alabauk aka mem amqem ni괽gigetka dop kölök. ¹⁵^pFilipai i괽ini mewöyök nö괽gö könanani möt kömuze. Nö괽ön könahiba liliköba Ölöwak Bu괽a nup memba embuk Masedonia prowinsnö괽 mala engömosörali, nalö miangörejök könahiba mötnari괽 könagesö tosat괽an ni silegö yuai괽inan qahö na괽göm ni괽iget. Nö괽ön urugö Bu괽a enggibiga bu괽a qem a괽gugetmö, silegö like괽i kun qahö mele괽 ni괽iget. Filipai urumele괽 könagesö i괽ini mohot괽an mönö nömbuk jöhöjöhö aka malmalni na괽gögetka naluk mone괽ini bu괽a qem a괽guba malal.

¹⁶Nö괽ön yuaigöra osiba malali, i괽ini mi nö괽göra algetka Tesalonaika sitinö괽 kayök. Indim mohot qahöpö, indim yahöt silenangö yuaigöra osiali, mi algetka nö괽görej kayök. ¹⁷Engö inap kalem괽ina괽göra köpösö괽göbibile괽ak, miangöra keu ki qahö ohozal. Anutunö괽 engö alabauk괽ina괽gö like괽i mele괽 enggimak괽awi, nö괽ön mönö öljü mi engörej sehimapköra mötzal. ¹⁸^qEnö괽 nalö kewö괽e yuai algeri, mi bu괽a qem a괽guba nö괽görej yuai pakpak miangön mönö dopni o괽gita gwötpuk ahöm ni괽giza. Epafroditus ya괽ön engö alabauk kalem괽ini memba kaba ni괽giiga möriamnambuk aka maljal. I괽ini naluk kötin괽ini algetka ya괽ön memba kayöhi, Anutunö괽 miangö sihim괽i möri ölop dop kölja. Anutunö괽 engö naluk괽ini möt a괽gön köli wöron괽i ölop괽i umköhöwak괽ambuk aka yangö je괽e pukpuköiga sö괽gaimakza.

¹⁹Nö괽gö Anutunan töhötmöriam pakpakö To괽i akza. Yangö köwe괽e yuai pakpak mi tetekö괽i qahö ahöza. Miangöra i괽ini Kraist Jisösbuk qekötahöba kinda yuaigöra osizei, mi pakpak mönö ahöm wa괽gizawa괽gö dop enggimak괽a. ²⁰Miangöra Anutu Iwinini mönö nalö dop

möpöseimakin. Mewö ahinga Anutugö qetbuñan nalö teteköñi qahö sehi-makña. Keu mi ölña.

Yaizözkök teteköñi

²¹ Nöñön yaizözkökni alaurup sarakñi Kraist Jisösbuk mohot kinjei, körek eñgöra albi kaza. Neñakurup nömbuk ki maljei, yeñön yaizözkökñini algetka

eñgöreñ kaza. ²² Anutugöreñ ambazip sarakñi tosatñi pakpak ki maljei, yeñön yaizözkökñini algetka eñgöreñ kaza. Yeñgöreñök tosatñan sisa kiñgö jaköm-buak mire nup memakzei, yeñön mönö mewö möta kapañ köla jize.

²³ Kembu Jisös Kraistkö kalem möri-amñan mönö embuk ahöm öñgöba uñañini kötuetkömakña.

Kolosi Kimbi

Polnõj Kolosi yengõra Kimbi alõk.

Jim-asa-asari

Kolosi mi Eisia prowinsgõ taon kun. Mi Efesus siti miangõreñõk wehõn kotkotje görõken ahõyõk. Polnõj Kolosi nalõ kungen qahõ anõkmõ, Eisiagõ siti ketanji Efesus miangõreñ yambu karõbut Buja nup memba Kolosi yengõra mewõñanõk waimanjanji möta malõk. Kõnanjep Kolosi tosatjan urunji melejget (1.7; Apo 19.10). Polnõj Rom sitigõ kõsõ mire tariga nejanji Epafra yanõn Kolosi urumelen kambugõ buzup keunji memba yangõreñ kayõk. (1.7-8) Kõsohotjini tosatji mi õlõpñi aketmõ, Kolosi miangõreñ böhi takapulakanji tok malget.

Bõhi mienõn ambazip kewõ kusum sohom engimalget: “Urumelen kõnagesõ eñõn Anutu waikñi membingõ kõna keu kõnanji kõnanji mi õlõp wuatangõme. Eñõn õlõp urunji memba et ala silenji qeba sihimbõlõ mötme.” (2.16, 20-21, 23) Toroqeba kewõ jim kutum engiget, “Mõtnarip eñõn mõnõ simin kõla garata waikñini memba malme.” (2.18) Jisõs mewõyõk mem et al wangiba kewõ jiget, “I Anutugõ Nahõnñi qahõpmõ, garata bohõnñi kun.” Mewõ jiba kewõ toroqegget, “Neñgõ keunini wuatangõmei, yeñõn mõnõ mötmõt tõlapñi qainñi kun miwikñaime.”

Miangõra Polnõj Kimbi ki ohoba Kolosi urumelen kambu kewõ kusum engiyõk, “Yuai pakpak mõnõ Jisõsgõ bapne ahõiga yanõn Anutu õl tõhõnñi aka (1.15-17) urumelen kambu neñgõ Bohonina malja.” (1.18) Toroqeba keu kewõ kondel engiyõk, “Kraist Jisõs möt narigetka yanõn Anutugõ mötmõt aka mötkutukutu tõlapñi õlõp kondel engima. Anutugõ mötmõtñi mi mötmõt

tosatñi pakpak ongita qainñi kun akza.” (2.2-3, 9-10) Polnõj mewõyõk urumelen ambazip malmalñinangõ jimkutukutu keu tosatñi ohoba al engiyõk. (3.1-4.1)

Buk kiangõ bahõni bohõnñi 4 mi kewõ:

Keu mutukñi 1.1-8

Kraistkõ malmalñi aka nupñi 1.9-2.19

Kraistpuk malmal dõlõkñi 2.20-4.6

Kimbigõ keu kõtñi bohõnñi 4.7-18

1 Anutunõj Pol ni melaim niñgiiga jitanjagõ dop Kraist Jisõsgõ aposol akzal. Urumelen alanini Timoti yanõn nõmbuk tatza.

²O urumelen alaurupnini sarakñi Kolosi taonõj mala Kraistpuk qekõtahõgetka mötnaripñinan qahõ sõrauiga zeñ kinjei, nõjõn embuk keu eraum mötpingõra kimbi ki ohozal. Anutu Iwininan mõnõ kalem mõriam engiiga luainõj malme.

Engõra Anutu möpõseiba kõulukõmakzin.

³⁻⁴Iñini Kraist Jisõs põndan möt nariba ambazip sarakñi pakpak uru kõnõmñinan jõpakõm engimakzei, miangõ keu buzupñi jiget mõrin. Miangõra engõra kõulukõmakzini, miangõreñ mõnõ nalõ dop Anutu, Kembunini Jisõs Kraistkõ Iwinji möpõseimakzin. ⁵Õlõwak Buñagõ keu õlñan mutuk engõreñ kaiga jigetka jõrõmqõrõminangõ kõnanji lõk möta möt asariget. Möt asariba Anutunõj engõra yuai ali Suep mire kahaimõk ahõzawi, iñini mi buja qem angubingõ al mambõta jõrõmqõrõm akze. Jõrõmqõrõm miangõn nam kõl engiiga amqeba Anutu möt nariba uru jõpakõm anguba maljei, mõnõ miangõra möpõseim wangimakzin.

⁶Õlõwak Buja keu miangõn sehiba gõlmeñi gõlmeñi dop kõla õlñambuk aka qarimakza. Miangõ dop engõreñ kaiga iñini Anutugõ kalem

möriamņangö kōnaņi öļņi möta möt asariget. Mi mutuhök möt asarigeri, wehōn miangōreņök kōnahiba eņgō sutņine mewōņanök öļņambuk aka kötuetkōm eņgimakza. ⁷Wölböt neņaknini Epafras yaņōn Kolosi eņgōra Ölöwak Buņa mi kusum eņgiiga mötket. Epafras yaņōn neņgō salupnine kinda Kraistkō nupņi pōndaņ kapaņ kōla memakza. ⁸Uņa Tōrōņan sölölöhōm eņgiiga jōpakōm aņgumakzei, Epafrasnōņ eņgō kōnaņamņini mewō eka nini jii mōrin.

⁹Miangōra buzup keu mi mōrini, neņōn mewōyök nalō miangōreņök kōnahiba eņgōra Anutu kōulukōba mala kotzin. Eņōn Anutugō jitsihitņi möt yakōgetka mötmöt miangōn uruņini kokolak qemapkōra ulet waņgimaksin. Miangōn kokolak qem eņgiiga Uņa Tōrōņan mōnō sölölöhōba mötmöt eņgimakņa. Mewō miangōn mōnō ölöp Anutugō sihimņi pakpak diņdiņanök möt kutuba malme.

¹⁰Eņgōra kewō kōulukōmaksin: Mötkutukutu miangōn nam kōl eņgiiga mewō ölöp malmalņini Kembugō jeņe dop kōlmawangō dop malme. Jitsihitņi ahōzawangō dop ahakmemeņini pakpak aka memba malme. Mewō ölöp nup ölöpņi kōnaņi kōnaņi pōndaņ megetka miangō öļņi asuhumakņa. Mötkutukutuņini mewō kōl guligetka ölöp kōhöimakeņe aka Anutugō kōnaņi toroqeba möt yakōm sorokōba malme.

¹¹Anutugō kukōsumņi mi akōdamuņambuk. Miangō dop nanņi ösum-mumuņi pakpak al eņgiiga eņgualōņda mem kōhöim eņgimakeņapkōra kōulukōmaksin. Anutunōņ mewō mem kōhöim eņgiiga ölöp kōhöiba nalō dop kapaņ kōla urubōņjōņnōņ kinda lömböt möta mökōsōņda sōņgaiba malme.

¹²Sōņgaiba mala Iwigō saiwap jiba malmegōra kōulukōmakzal. Iwininan alauruņi sarakņi neņgōra buņa yuaiņi areņgōba ali asakmararaņangō uruņe ahōza. Yaņōn iņini mewōyök letotqetot mem eņgiiga buņaņi mi buņa qem aņgumeangō dop akze.

¹³Pandamanōņ galōm kōl neņgiyōhi, Iwinōņ miangōreņök mekōba neņguaņgita kaba wölböt Nahōņangō bemtohoņ uruņe al neņgiyök. ¹⁴Nahōņņi yaņōn sohopnini memba siņgisōndoknini saņgōņda mosōtmapkō mōrakza. Miangōra mōnō saiwap jim waņgimaksin. Keu mi öļņa.

Kraistnōņ yuai pakpakō kōnaņi aka bohōņņi akza.

¹⁵Kraistnōņ Anutu qahō ehekņi yaņgō imutņi akza. Möpņangō möpņe malmal pakpak qahō asuhuiņa Kraistnōņ mōnō mutuhök Iwiņambuk azi bohōņņa malök. Mewō Iwi Anutu baukōm waņgiiga örōyuai pakpak miwikņaim eņgiyotka ahuget.

¹⁶Nahōņņan Anutu baukōm waņgiiga örōyuai pakpak miwikņaim eņgiyohot. Yuai tosatņi Suep mirigō jakeņi jakeņi miangōreņ ahōgetka qahō eņgehakzini aka yuai tosatņi gölmenōņ ahōgetka eņgehakzini, mi Kraistnōņ jiga letotket. Yuai pakpak mi galōm kōl eņgimegōra uņa suahō galōmņi galōmņi miwikņaim eņgiiga Suep gölme sutņire jakōmbuakņine kinda jimkutukutuņini alakze. Yeņgō nembōņine pom jembonņini öņgōņgōņi eretņi mi al eņgiiga jakeņine kukōsumņinambuk kinda tosatņi kembu ak eņgimakze. Nahōņņan yuai pakpak asuhumapkō bōmōn jalōņi aiga Anutunōņ miwikņaim eņgiyōhi, mi mōnō Kraist akōdamun miwikņaim waņgimegōra al eņgii ahōze.

¹⁷ Kraistnönj mutuhök maligun öröyuai pakpak miangö andöñe asuhuget. Yanön mönö yuai pakpak mindiriba nam köl engiiga kutulañgöba yangöreñ töndangöba kinje. ¹⁸ Kraistnönj bömön jalönini akza. Öroyuai pakpak neñgö öröm neñgenengi bohonina aka malmapköra kömupnöhök wahörök. Kömugeri, yengö sutñineyök jitñememenjina aka guliba wahörök. Mewö mutukñamnini aiga nini könagesö walñangö zioz dölök-kunñi asuhuba kinjin. Miangöra urugö, silegö, yuai pakpakö nörop bohonini aiga urumeleñ könagesö neñön yangö öl kemberi akzin.

¹⁹ Anutunönj Nahönñi nanñangö dop köröndönj aka malmapkö möt teköi dop kölöök. Miangöra nanñi mötmötñi aka aködamun yuainñi pakpak mi körek pakpak Kraistpuk qekötahöba kinjawangöra körö-ölöwak möta malja. ²⁰ Öroyuai pakpak gölmenönj aka Suepnönj Anutubuk kazik ahakzei, Anutunönj mi pakpak töwanjini ala enguangiriga nanñambuk qekötahöba urumohot akñegöra möta kewö jim teköi dop kölöök, “Mönö nani Nahöni melaibi geba maripomnönj kömumba sepñi mokoba luaigö nam köli asuhuma.”

²¹ Injini mewöyök mutuk ahakmemeñini bölöñi ahöyöhañgöra aka uruñinan Anutubuk urumohot qahö aka kerök möt wangiba tikep malget. ²² Mutuk mewö malgetmö, nalö kewöñe Anutunönj nanñambuk urumohot aka kinmegöra Nahönñi melaiiga gölme silebuk kömumba köl könjorat mem engiyök. Mewö kingetka qewöloñjini sañgoñda mala enguangita nanñi jeñe sarakñi köpösihitkö keuñjini qahö al eñgii añgotmegöra al mamböta jörömqöröm ahakze.

²³ Jörömqöröm ahakzemö, mala anjañbanjañ köla et engubapüköra mönö Kraist pöndañ möt nariba kinme. Anutunönj Ölöwak Buñajan tandö kuñguyöhi, inñini miangö keuñi mötket. Uruñinan miangöreñ nañgöba töndangöba kin köhöiba malme ewö, mönö oyañkoyaen akñe. Nini Ölöwak Buñaji mi jim sehimakzin. Anutunönj ambazip miwikñaim engiiga Suep bapñe mal anjei, yengö sutñine mi liliköba jim asariba maljin. Pol nöñön mewöyök Ölöwak Buñagö nupñi mi memba maljal. Mewö.

Polnönj zioz kambugö nup denöwö memba malök?

²⁴ Kraistkö ölnji mi urumeleñ könagesö neñön akzin. Kraistnönj neñgöra aka könjilij möriga kitipñi ahöba urumeleñ könagesö qaknine öñgömakzawi, mia Kraistkö ölnji bauköm engimamgöra aka silenana meköba möta malakzal. Mewö aiga engöra aka sihimbölö möta malali, miangöra nalö kewöñe söngaimakzal.

²⁵ Anutunönj kuñgum niñgiiga urumeleñ könagesöñi könagesöñi welennjini qeba nup memba maljal. Anutunönj kalem möriamñi ambazip mendeñ neñgimangö areñ alöhi, miangö dop Buñaji keuñi körek jim sehim tekömamgöra jiyök. Eñön ölöwaka köhöimegöra nup al niñgiyök. ²⁶ Anutunönj Buñaji keu mi möpñangö möpñeyök asamböriaga ambazip julkösönj aka kömugetka gwölönarökñi wahöta kömugetka mewö mewö aka mala kota tönpin malget. Malgetka nalöñi nalöñi tölapñe ahöyökmö, nalö kewöñe könagesöñi könagesöñi sarakñi neñgöra indel neñgiiga mötzin.

²⁷ Anutunönj kalem möriamñangö areñi kewö jiba ali ahöza, “Nöñön keuñi tölapñi mi nani könagesöurupni engöra

indelbi mötmegöra mötzal. Yeñon mi möt yaköba anda jim sehigetka Buñani tölapñangö aködamunñan mönö kian kantriñi kantriñi yeñgö sutñine qariba qetbuñañambuk akña.” Keu kötni tölapñi mi kewö: Kraistnön engö uruñine malja ewö, mönö asakmararaje aņgotpingö jörömqörömnji al engimakña.

²⁸ Neñon Anutugö areñ miangö dop Kraistkö könañi ambazip pakpak engöra jim asariba maljin. Yeñon körek Kraistpuk qekötahöba kin köhöiba aködamunñinambuk akñegöra kusum engimakzin. Mewö enguanğiringa Anutugö jemesoholje aņgotmegöra mötzin. Miangöra mötkutukutunini pakpak qezaköba qambañ keuñi keuñi engimakzin. ²⁹ Nöñon miangöra aum-mörimakzal. Kraistnön kukösumñangö qakñe sölölohöba inahöm niñgimakzawi, nöñon mönö miangö dop bim qeba malakzal. Mewö.

Polnön Kolosi yeñgöra waimanjat mörök.

2 Nöñon Kolosi engöra aka bim qeba maljal. Mewöyök Laodisia sitinön maljei aka urumeleñ alaurup tosatñan silenangö jemesoholni qahö nekeri, mönö körek yeñgöra köuluköba gwötpuk aum-mörimakzal. Nöñon iñini miangö könañi mötmegöra mötzal.

² Kewö köulukömakzal: Anutu, gi mönö uruñini nañgöm enginönga örörön jöhöba jöpaköm aņguba mohotñe urugö aködamunñini pakpak miwikñaime. Mi miwikñaiba ölop köhöiba yuai pakpak möt kutum teköme. Mewö aka ölop Anutugö Buña tölapñi, Kraistkö könañi mi körek möt asarim teköme. ³ Anutunön mötmötñi aka mötkutukutuñi mi körek Kraistköreñ ala asamböriga ahöza. Anutu mötkutukutuñangö köwenji mi

guli dötnam ewö köwe tölapñe ahöiga Kraistnön miangö kinji moröñi akza. Kraist tem köla mewö miangön ölop mötkutukutuñi miwikñaibin.

⁴ Kunñan mondoqondoroñ ala kelök keu jiba uruñini kuñguba tilipköm engibapuköra Kraistköra keu mi jizal. ⁵ Silenan engö kösutñine qahö maljalmö, urumötmötnan mönö embuk kinja. Iñini köhöiba Kraist möt nariba tem köla sutñine areñinangö dop böñjön maljei, engöra mewö möta mötmöriba söñgaimakzal. Mewö.

Gölmegö mötmötñan jöhöm engibapukö galöm meme keu

⁶ Miangöra iñini Kraist Jisös möt aņgön kölgetka Kembuñini aka kinjawi, mönö yambuk qekötahömakzeangö dop ahakmemenini aka memba malme. ⁷ Keu kusum engigeri, miangö dop mönö kesötñini Kraistköreñ möndömgöba mendawöla yambuk qekötahöba kinda uruñini nañgöm aņguba mötnaripkö köhököhöiñi toroqeba miwikñaiba malme. Saiwapñini mönö o saksaköba erakzawangö dop jiba möpöseiba malme.

⁸ Ambösakon yeñon gölmegö mötkutukutu kusum engigetka köna walñi miwikñaiba tosatñan mi wuatangömakze. Mewöyök bem suahö galöm Suep gölme sutñire mala mietkö öryuainiri pakpak galöm köl engimakzei, tosatñan Kraist oņgita yeñgöreñ qekötahöba keu kusum engimakze. Mewö ahakzei, yeñgöreñök kuññan engömemba tilipqilip omañi miangö kösöñan jöhöm engiiga eta böhi miengö buñaya akepek.

⁹ Anutugö mötmötñi aka aködamun yuaiñi pakpak mi körekmakörek Kraistköreñ ahöiga gölme sile memba asuhuyök. Miangöra böhi takapulakañi mewöñi yeñgöra mönö galömnini mem aņguba malme. ¹⁰ Kraistnön uña suahö galöm aka pom jembon

pakpak miengö nöröp bohonjini akza. Kraistpuk qekötahögetka yañon Anutugö mötmötñi aka aködamun yuaini pakpak mi ölop dopñine engiiga malje.

¹¹Mewö mala Kraistpuk qekötahögetka yañon aiwesökñi ölni mi engörej mewöyök yandim engiiga malje. Aiwesök mi börönöñ silenine yandimakzeangö dop qahöpmö, Kraistnönj sile yandiyandi qainñi kun ak engiyök. Mi kewö: Yañon silegö ahakmeme waljan galöm köl engibapuköra mönö sihim kömbönañini bölöñi jöhöiga malje. ¹²vKraistkö qamötñi lömnöñ algeri, engö uru waljan mönö mewö tandöktandök kömumba o melun miangörej kömup lömnöñ geyök. Mewö geyökmö, Anutunöñ Kraist mem guliiga kömupnöhök wahöröhi, yañgö kukösumñan mönö injini mewöñanök inahöba o melun miangörej nam köl engiiga guliget. Injini Anutugö kukösumñi mi möt angön köla möt narim wangigerangöra aka Kraistkö qöhöröñe guliba köhöiba malje.

¹³wMutuk kunöñ engö sihim kömbönañini bölöñi mi qahö jöhöiga uru waljanan galöm köl engiiga malget. Siñgisöndok akerangöra aka uru köhömuñi malgetmö, Kraistpuk qekötahögetka Anutunöñ yañgö qöhöröñe mem gulim engiyök. Siñgisöndoknini mönö körek sangon teköiga köhöiba maljin. ¹⁴xBölönamnini aka miengö likepñangö jimkutukutuñi mi Suep mire löpöt kimbinöñ ohogetka ahöyök. Kraistnönj löpöt mi körek pakpak kutuba qeapköyök. Löpöt miangön Anutubuk kinda andöñine qeba tuarenjoñ ak neñgiba ahöyöhi, yañon mi köteköba maripomnöñ kösökoi teköyök.

¹⁵Maripomnöñ kömumba bem suahö galöm aka uña pom Suep gölme sutñire öroyuai pakpak galöm kölakzei, Kraistnönj miengö kukösumñini luak jaugem jitñi ewö qeapköba tölököba tözangöm teköyök. Mewö kazikurupñi kösö gwarö memba gamu qem engiyök. Mewö aka enguangita köirañ ala renduñ köliga qenjarökñe kagetka luhut al engiyöhanğö könani mi aukñe asuhuiga eket.

¹⁶yKraistnönj luhut al engiyöhi, miangöra injini mönö Kraistpuk kinda ewebibiñnambuk saitiñgit malme. Mewö malgetka engö sutñine kunjan wani onñi aka ölni ohoba nemakzei, miangöra öne döñqizizin ala jim kutum engibapuk. Yambu (yara) dop kendon kömbukñi kun aka köiñ dop köiñ dölöknji kotzawangö söñgaiññi mi alakze me qahö, miangöra öne jim bölim engibepuk. Sabat kendon mi Sondagienöñ me silim kunöñ tarakzei, miangöra öne mesoholñine qeba jim engibepuköra mönö galömmñini mem anguba malme. ¹⁷Songö mewöñi miengöra mönö kezap kude alme. Mi söpsöp yuayök akze. Ölnan dopdowiba imutñi gilakzawi, miangö dop ölni mi Kraist. Nenegö me kendon tatatkö keuñi mi Kraistkö söpsöpñi aka eretñi akza. Kraistnönj lök kaiga mala öne köna söpsöpñi walje qekötahöbepuk.

¹⁸Tosatñi yengö sihimñini mi nanñini urunini memba et ala Suep garata waikñini memba bem ewö möpöseim engibingöra ahöza. Mewöyök jeñini meleñni imutimutñini eka miengöra söñgööröqök ahakze. Mewö nanñine gölmegö mötmötñan kuñgum engiiga sileñini öne töhön memba öngöba tiwokmawok ahakze. Yengörejök kunjan tilipköm engiba Kraistkörejök utum engibapuk. Mewö mötnaripekö aongitnönj luhut qahö ala töwanjini qahö

membepuk. Miangöra mönö galömñini mem anguba malme. ¹⁹Yeñon Kraist nöröpnini akzawi, yambuk qekötahöba kinkinñini mosöta lañ malje. Kraistnön nöröpnini aka nanñi ölni körek nini galöm köl nenñiiga ölop mösölatim anguba maljin. Sihit toroqeqeñi aka ginimuramñi mienñon mönö öljangö köna böröurupñi mindiriba jöhöm nenñigetka kutulangöba mohot akzin. Mewö aka Anutunön nam köl nenñimakzawangö dop qarim köhöimakzin.

Kraistpuk kingetka gölmegö mötmötñan galöm ak engibapuk.

²⁰Injini Kraistköreñ qekötahögetka uru walñinan kömuiga bem suahö galöm yeñgö kösö gwarönöhök lök lolohoget. Mienñon Suep gölme sutñire mala yuainjiri pakpak galöm köl engimakzemö, injini qahö galöm köl engigetka malje. Miangöra böhi takapulakanñi mewöñan jimkutukutu lañ al engimakzei, mi mönö wuanöngöra öne wuatangömakze? Suepkö bujaya akzemö, töndup gölmegö keuya wuatangögetka siksauk ahakza.

²¹Soñgoñini kewö alakze, “Mi kude göjupköba meman. Kun mi kude yöhösöröman. Yuai mi kude misiriman.” ²²Gölme ambazipnön nanñini nöröpninan mewö jim kutuba tosatñi kusum engimakzemö, Anutunön mewö qahö. Yañon yuai pakpak mi lökñanök aka membingöra jiiga nupñini engigetka qahöwakñegöra ali ahöze.

²³Mi töndup tosatñan bem suahö galöm aka garata waikñini memba bem ewö möpöseim engimegöra kapañ kölakze. Mi kapañ köla “Nanini urunini memba eta aljin,” jiba miangöreñ

möndöba silegö sihim kömbönañini bölöñan galöm köl engibapuköra soñgoñi soñgoñi ala sileñini qeba qölsihim angumakze. Mewö aka jimkutukutuñini alakzei, mi mönö mötkutukutu qakñe alalñangö tandök aiga gwötpukñan mi möta mötket öngömakza. Öngömakzapmö, mi töndup mewö silegö sihim kömbönañini bölöñi angön kölbängö osiba mi lañ wuatangömakze. Miangöra jimkutukutuñini mienñon mönö yuai omani kötökñi akze. Mewö.

Kraistnön malmal dölökñe malbingö ösumñi nenñimakza.

3^aKraistnön euyangöreñ öngöba Anutugö böröñi öljangö jakömbuak jakeñi memba qetbuñambuk tatza. Anutunön Kraist mem gulim wangiyöhi, miangö tandök injini mewöyök mem gulim enñiiga köhömuñeyök wahöta malje. Miangöra injini Suep mire eu öroyuai ahözawi, uruñini mönö miangöreñ jöhöba malme.

²Gölmegö öroyuaigöreñ qahöpmö, euyangöreñ öroyuai ahözawi, uruñini mönö miangöreñ jöhöm köhöiba malme. ³Enñgö uruñini walñan mönö kömuiga Anutugöreñ tönguba malje. Mewö Anutugö aumñe anda malmal köhöikñangö könañi miwikñaiget. Kraistnön Suep malmal tölapñe maljawu, enñgö urumalmalñinan mönö miangö dop asa-asambötñe ahöza. Miangöra uruñini mönö Kraistpuk jöhöba malme. ⁴Kraist malmal köhöikñangö Toninan kunbuk kaiga asakmararañan asuhumawi, nalö miangöreñ injini mönö mewöyök asuhugetka enñguangiriga yambuk Anutugö asakmararañe angotme.

**Uru walji aka uru dölökji
awöraŋgözahot.**

⁵ Gölmegö sihim kömbönaŋjini bölöŋji könaŋji könaŋji mi uruŋine kinda yayasenŋeŋ mem eŋgimakzei, miengö nöropŋjini mönö körek tözangöm teköme. Bau kiam tandök serowilin aka qewöloŋ aŋgöjörakŋambuk mi mönö andö qeme. Urusilegö sihim kömbönaŋji bölöŋji mi mosöta urukönöp bölöŋji mi mönö qömbökögetka bököma. Yuai membagun memingö nepaqepalok köpösöŋgömakzei, miaŋön tandö lopioŋ waikŋjini memba möpöseim eŋgizeangö tandökji akza. ⁶ Mi akerangöra aka Anutugö irimŋan seholiiga urukazikji qakŋjine ali öŋgömakza.

⁷ Sihim kömbönaŋjini bölöŋji mewöŋan mönö mutuk nanŋjini malmalŋjini mewöyök galöm köliga köna bölöŋji mi tiba wuatangöba maljema.

⁸ Mewö malgetmö, nalö kewöŋe iŋjini mewöyök yuai kewöŋi pakpak mi mönö gilget anma: Urusiŋgok möta urukönöpnoŋ jula eŋgohoiga uruŋinan auba urubölö mötzemö, mi uzeta gilget anma. Mewöyök uruqeŋe keu töhöreŋ aka keu aŋgöjörakŋambuk jiba uruŋjini tölöhozei, mi mönö körek andö qeba mosötme. ⁹ Ijini uru walji aka miaŋgö ahakmeme aŋgöjörakŋambuk mi köteköba mem kömumba malje ewö, keu munenji mönö kude eraum mötme.

¹⁰ Ijini uru walji köteköba kunbuk letota uru dölökji löngöta malje. Miwimiwikŋjai Toninan nanŋi könaŋji möt teköm waŋgibingöra söpsöp alöhi, yaŋön mönö miaŋgö dop uru dölökji mi letot waŋgiiga toroqeba kölöŋaimakza. ¹¹ Miaŋgöra nini Juda me kantri tosatŋangö ambazip maljini,

mi mönö dop mohot akza. Anutugö aiwesökji silenine yandiget me qahö, mi töndup Anutugö jeŋe dop mohot akzin. Taon ambazip mötmötninambuk me qandam (bus kanaka) mala nanŋjini keuŋine irohwaroho jiba gukmaulem maljei, mi töndup Kraistnöŋ urunine kiniga mohot akzin. Nanini nupnini memakzin me toninaŋgö welenŋjini töwaŋji qahö qemakzini, miaŋön yuai korembenji akzapmö, ölbölŋji mi Kraist. Yaŋön kutulaŋgöba körek neŋgongita öŋgöba Kiŋ Kembunini bohonŋji mohot akza.

¹² Anutunöŋ möwölöhöm eŋgiiga uru dölökji wuatangöba Anutugö wölböt alaurupŋi sarakŋi akze. Miaŋgöra iŋjini mönö sutŋjine ak kömumba ala ak aŋguba malme. Uruŋjini memba et ala tosatŋi guŋböŋjönjön qakŋe ak eŋgiba lömböt möta mökösoŋda malme. Silik miaŋön mönö malukuŋjini aiga kölget geiga mi töp memba malme.

¹³ Mönö lolongöba bölöŋangö kitipŋji kude mememö, mönö qaqaengim aŋguba malme. Köyan köl aŋgugetka sutŋjine keu köpösihit ahuiga kunŋan alaŋji jim waŋgimamgö mötzawi, mi mönö mosöt aŋgume. Kembunöŋ siŋgisöndokŋjini saŋgoŋda mosöröhi, iŋjini mönö sutŋjine mewöŋanök ak aŋgumakŋe. ¹⁴ Mewö aka urukalemgö malukuŋjini mi kölget geiga miaŋgö qakŋe mönö urukalem aka jöpaköm aŋgugetka qetpuk akŋa. Urukalem miaŋön mönö aködamun tosatŋi pakpaköra jizali, mi köyamgöba mindiriba bohonŋjina kinja.

¹⁵ Kraistnöŋ iŋjini luainöŋ silemohot malmegöra eŋgohölök. Miaŋgöra yaŋgö luainan mönö uruŋine ahöba ölöpŋangö injup lökuatŋji ak eŋgiiga urubönjönöŋji jim möpöseip aka malme.

^b3:9 Ef 4.22 ^c3:10 Jen 1.26; Ef 4.24

^d3:12 Ef 4.2 ^e3:13 Ef 4.32

^{16f}Kraistköreñ Buña keu miangön mönö uruñine kinda sutñine gwötpuk asuhum sehima. Mönö mötkutukutu keu pakpak jiba kusum anguba qambañ qem angumakñe. Uña Töröñan sölölohöm engimakzawangö dop mönö Buña Liñet Sumbara (Sam), möpömöpösei liñet (omsa) aka urugö liñet tosatñi mi urukönömñinan Anutu möpöseiba kölakñe. ¹⁷Ahakmeme mi me mi jitnön me siliknön aka memei, mi pakpak mönö Kembu Jisösgö qetñe ahakñe. Mewö aketka Kraistnön nam köñ engiiga Iwi Anutu pipsimbawoñ jim wangñiba malme. Mewö.

Awanöm, iwinam aka welenqece engöreñ qambañ keu

^{18g}Ambi iñini mönö apurupñini yengö keu bapñe anda malme. Kembugö buñaya akzeangöra mönö mewö aketka dop köñma.

^{19h}Azi iñini mönö anömurupñini urukalemnön jöpaköm engiba urupik wösökömbuk qakñe kude ak engiba malme.

²⁰Nahönbörat iñini Kembubuk qekötahöba kinda iwinamyahöñjini yetkö jitñiri uwatangögetka Kembunön engehiga dop köñma. Miangöra iñini mönö keuñini jimeangö dop pakpak tem köñ engiba malme.

²¹ⁱIwiurup engö nahönböratuñinan awösamakakñini mosötpepuköra mönö kude engum ureim ak engiba malme.

^{22k}Welenqece iñini mönö gölme qakñe galömurupñini yengö keuñini pakpak tem köñ ahakñe. Köñdowoñ aketka ambazipnön engek sorimegöra qahöpmö, geñmoñ mosöta Kembugö jitñi ongitpinbukö sömbuñini möta

uruñini nupnön ala memba malme. ²³Yuai aka memakñei, uruñini mönö miangöreñ jöhöba kewö mötmörime: Gölme ambaziwök qahöpmö, Kembu nanñi mönö welen qeba malje.

²⁴Kembu Kraist welenñi qeba malgetka yañön töwañini Suep mire ali ahözawi, mi mönö engiiga buñani akña. Mönö mewö mötmöriba malme. ^{25l}Kunñan nupñi mem sohomawi, Anutunön mewöñanök mem sohosohongangö likepñi melen wangñiba. Anutunön tosatñi qahö engek soriba tosatñi qahö qepureim engimakzapmö, körek nini dop mohotnön kewöt nengñiba keunini jim teköma.

4^mGalömurup engöreñ Kembu ke-tañi mi Suep mire malja, mi möt kutuzeangöra mönö welenqeceurupñini titit diñdiñi aka dop mohot ak engiba malme. Mewö.

Goro qambañ keu tosatñi

²Köuluk nup mönö kapañ köñala memba malme. Miangöreñ mönö uruguliguli mala jim möpöseip aka malme. ³Möpöseip akñei, miangöreñ mönö nengö mohotñe kewö köuluköba malme, “Anutu, gi mönö Pol neñakurupñi köña mem enginöñga ölop Kraistkö Buña keu tölapñi mi jim asarigetka sehima.” Nöñön mönö Buña nup miangöra aka kösö gwarönön tatzal. ⁴Nöñön Buña keu Anutugö sihimñangö dop jibi asarimegöra mönö köulukñinan töngum niñgiba malme.

⁵ⁿAmbazip urumeleñ qahö aka yaigep maljei, i mönö mötkutukutu qakñe ak engiba malme. Urugö nup membingö köña kun ahumawi, nalö mi mönö kude mösöhöba ayuhumemö, ambazip qöhöröñine anda ösöñ qambañ köñ

^f3:16 Ef 5.19-20 ^g3:18 Ef 5.22; 1 Pitö 3.1 ^h3:19 Ef 5.25; 1 Pitö 3.7

ⁱ3:20 Ef 6.1 ^j3:21 Ef 6.4 ^k3:22 Ef 6.5-8 ^l3:25 Dut 10.17; Ef 6.9

^m4:1 Ef 6.9 ⁿ4:5 Ef 5.16

engime. ⁶Keu eraum mötmei, mi mönö nalö dop howeṅambuk mindiriba jigetka nahömṅambuk ahakṅa. Jigetka mohot mohot nahömṅini ahuiga körek yeṅgöra keu denöwö meṅeṅ engime, mi mönö ölop möt yaköba miangö dop jimakṅe. Mewö.

Polnöh Tikikus Onesimus melaim etkiiga kamahot.

⁷Wölböt alani Tikikus yaṅön Kembubuk qekötahöba kinda nömbuk nupṅi törörök memba neṅakni akza. Yaṅön engöreṅ kaba denöwö aka malakzali, miangö kösohotṅi körek jii mötme. ⁸Denöwö aka memba tata maljini, iṅini mönö kösohot mi mötmeṅöra melaim waṅgibiga engöreṅ kama. Yaṅön kaba ölop urukölalep ak engima. ⁹Mewöyök wölböt alanini Onesimus Kolosi engöreṅök kaba Kembangö keuṅi pöndaṅ wuatangöba mem yakömakzawi, nöṅön i melaibiga lilingöba kama. Azi yahöt mietkön kaba kiangöreṅ yuai pakpak denöwö asuhui maljini, miangö kösohotṅi ölop jim teköyohotka mötme. Mewö.

Yaizözkök keu teteköṅi

¹⁰Aristarkus nömbuk kösö mire tatzawi aka Barnabagö numbutṅi Mak yetkön yaizözkökṅiri jiba alohotka engöreṅ kaza. Maköra lök keuni kewö jim kutubiga mötket: Engöreṅ kaba kaṅgotma ewö, mönö ölop köl öröba ala ak waṅgime. ¹¹Josua qetṅi kun Jastus qetzei, yaṅön mewöyök yaizözkökṅi jiba ali engöreṅ kaza. Neṅakurupnan nömbuk Anutugö bemtohoṅaṅö nup memba maljei, yeṅgö sutṅine azi karöbut mienönök Juda asia malje. Yeṅön mönö urukölalep ak niṅgimalget.

¹²Nanṅine azi Epafras Kraist Jisös welenṅi qemakzawi, yaṅön mönö yaizözkökṅi jiba aliga engöreṅ kaza. Yaṅön nalö dop engöra aka köulukömakza. Keu pakpak Anutugö jitṅaṅö dop akzawi, iṅini miangöreṅ töndangöba kin köhöiba aködammunṅinambuk aka malmegöra aum-mörimakza. ¹³Nöṅön yaṅgö könaṅi möta kewö naṅgöba jizal: Yaṅön iṅini bauköm engimamgöra nup gwötpuk memakza. Mewöyök Laodisia aka Hierapolis taon yahöt miangöreṅ möt nariba maljei, yeṅgöra aka wani awamṅi nup memba aum-mörimakza. ¹⁴Wölböt doktanini Luk aka Demas yetkön mewöyök yaizözkökṅini jiba alohotka engöreṅ kaza.

¹⁵Nöṅön yaizözkökṅini jiba ohozali, mi mönö urumeṅeṅ alaurup Laodisia taonöh maljei, yeṅgöra jiget mötme. Mewöyök Nimfa aka yaṅgö mire könagesö tokomakzei, mönö yeṅgöra jiget mötme. ¹⁶Kimbi ki oyoṅ engigetka mötket teköiga miangö andöṅe mi mönö algetka Laodisia urumeṅeṅ könagesö yeṅgöreṅ aniga oyoṅme. Laodisia yeṅgöra kimbi kun ohobiga anöhi, mi alget engöreṅ kaiga iṅini mi mewöyök oyoṅme. ¹⁷Arkipus azi mi mönö kewö jigetka mötma, “Kembunöh Buṅa nup memangö jim kutuba köiputki tariga maljani, göṅön mönö mi mötmöriba körek mem teköman.”

¹⁸Pol nöṅön yaizözkökṅi jiba nane börönan qetni kewö ohozal: Pol. Iṅini mönö kösö gwarö azi ni mötmörin niṅgiba malme. Kalem möriamnöh mönö embuk ahöma. Mewö.

^{4:7} Apo 20.4; 2 Tim 4.12; Ef 6.21-22 ^{P4:9} Flm 10-12

^{4:10} Apo 19.29; 27.2; Flm 24; Apo 12.12, 25; 13.13; 15.37-39

^{4:12} Kol 1.7; Flm 23 ^{4:14} 2 Tim 4.10, 11; Flm 24; Flm 2

Tesalonaika Kimbi 1

*Polnōj Tesalonaika yengōra
Kimbi mutukŋi alōk.*

Jim-asa-asari

Rom mindimindiri kantrigō prowins qetŋi Masedonia miangō siti bohonŋi mi Tesalonaika. Polnōj misin nup memba lilikōba Filipai siti mosōta Tesalonaika kaba nup meiga tosatŋan uruŋini melengetka kusum engii urumelej kambu alget. Mi algetmō, tuarenjōj mi miangōrenōk asuhuyōk. Polnōj Kraistkōrenōj Buŋa keu jim asariba uruŋini kuŋguiga miangōrenōj Grik ambazip Juda akeri, yengōrenōk gwōtpukŋan uruŋini melengetka kambu miangōn sehiyōk. Miangōra Juda ambazip uruŋini qahō melenċa uruŋinan bölīiga Pol andō qem wangiget. Andō qem wangigerangōra lömbōriiga kōna jaruba engōmosōta Berea taonōj anōk. Kōnangep Korint sitinōj maliga neŋakŋi Timotinōj alabaukŋi aka Tesalonaika sitiyōk kaba denōwō mōt narigeri, miangō kōsohotŋi ali mōrōk.

Polnōj Kimbiŋi mutukŋi Tesalonaika alōhi, mi Kraistkō alaurupŋi yengō uruŋini nangōba mōtnariŋini mem kōhōimapkōra ohoyōk. Kembu mōt nariba urukalem ak angumakzei, miangō buzupŋi mōtagun yengōra Anutu mōpōseiza. Nanŋak malmal yembuk denōwō aka malōhi, mia ölum engubapukōra mi papianōj ohoza. Tesalonaika urumelej kambu sutŋine keu tosatŋi asuhui jigeri, Polnōj mi melenċa jim asariba ohoza. Keu tosatŋi mi kewō: Kraistnōj lilingōba kaiga Suet malmalnōj angotŋini, miangōrenōj tosatŋan uruŋini melenċa kōmupnōj

ahōzei, yengōra mōnō denōwō asuhuma? Kraistnōj wani nalōnōj lilingōba kama? Keu mi melenċa kewō jim kutum engiyōk, “Injini Kraist kunbuk kamapkō jörōmqörōm aka al mambōta mala miangōrenōj mōnō nup ölōpŋi ölōpŋi mi jelep kinda pōndan memba malme.”

Buk kiangō bahōni bohonŋi 6 mi kewō:

Keu mutukŋi 1.1

Saiwap jiba sōŋgaiba mōpōseiza 1.2–3.13

Ahakmeme diŋdiŋi akŋegō kuŋgum enggiza 4.1-12

Kraistnōj kamapkō keuŋi kusum enggiza 4.13–5.11

Qambaŋ keu tetekōŋi tosatŋi 5.12-22

Kimbigō keu kōtŋi bohonŋi 5.22-28

1 ¹Pol, Sailas, Timoti neŋōn Tesalon- aika urumelej kōnagesō embuk keu eraum mōtŋingōra kimbi ki ohozin.

Injini Iwi Anutu aka Kembu Jisōs Kraist yetpuk qekōtahōba kingetka yetkōn mōnō kalem mōriam engiyohotka lu- ainōj malme.

Mōtnariŋi kōl gulizeangōra sōŋgaizin.

²Neŋōn qōsōsōk mōtmōrim enggiba kōrek engōra “Anutu pipsaiwap!” jiba mōpōseimakzin aka kōluluk nup memba miangōrenōj nalō dop qetŋini qerakzin.

³Injini Jisōs Kraist jōpakōba mōt narigetka urukalemŋan nam kōl enggiiga nupŋi kōhōiba memakze aka Kembuni- nan lilingōba kamapkō jörōmqörōm aka kapaŋ kōla mambōrakze. Neŋōn mi pak- pak Anutu Iwininangō jemesoholŋe ölōp mōtmōrimakzin.

⁴Urumelej alaurupnini, Anutunōj jōpakōm enggiba injini nanŋangōra kewō mōwölōhōm engiyōhi, mi mōtzin. ⁵Neŋōn Jisōsgō Ölōwak Buŋaŋi memba engōrenōj kaba sutŋine

denöwö aka malini, injini mi mötze. Nejön Buja mi keu töhönök qahö jiiin mötketmö, Uja Töröñan mönö sölölohöm nengii awösamkakak kinda ösum-mumuñambuk uruñini kuñguba malin. ⁶ Mewö malinga injini köñjiliñ ketañgö uruñe mala Buja keu möt angön kölget. Mi angö kölgetka Uja Töröñan sösongai enjiiga Kemu aka neñgö siliknini wuatangöba malje. Mi denöwö asuhuyöhi, nejön mi ölop mötzin. ⁷ Mewö andönine kaba mala Masedonia Akaia prowins yahöt miangörej Jisös möt narizei, körek pakpak yeñgöra silik öloñji kondel enjimakze.

⁸ Mi kewö: Injini Kembugörej keu möta angön köla jiba malgetka tosatñan mi angötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Injini Anutu möt nariba nupñi megeri, miangö öljän mönö gölme dop anda kaba sehiiga gwötpukñan uruñini melenget. Mi kilik-kalukñi qahö. Miangöra nini miangö keuñi kun qahö toroqeba jibin.

⁹ Nini engörej kainga denöwö asuhuyöhi, miangö kösohotñi mi miri tosatñi yeñon jigetka angötömual ewö mörakzin. Injini tandö lopioñ aka bem munenji andö enguba Anutu ölbölnji aka malmal Tonji yangörej melenja nupñi memba malje. ¹⁰ Anutunöñ Nahöñji mem gulii kömupnöhök wahöröhi, injini yanön Suep mireyök eta asuhumapköra mambörakze. Anutugö irimsesewölñan könanjep aukje asuhuiiga Jisösnöñ mönö eta jejberereñ kanjamñambuk miangörejök meköm neñgima. Mewö.

Polnöñ Tesalonaika uruñe nup denöwö meyök?

2 O urumelej alaurupnini, nini engörej kaba nup meini, miangön mönö qahö pömsöm qeyökmö, ölnji ölop asuhuyök. Nanñinak mi mewöyök ölop mötze. ² Qahö pömsöm qeyökmö, mutuk Filipai sitinöñ nup meinga öröm ureim ak neñgigetka sihimbölä mörini, mi mötze. Sihimbölä mi mötagun engörej kainga tosatñan tuarenjöñ köhöikñi ak neñgigetmö, mi töndup Anutunöñ awösamkakak nengii kinda Ölöwak Bujañi jim asarim engiba malin.

³ Neñgö könanini kewö: Urukunjukunju keunini mi isimkakalek qakñe qahö jimakzin. Naninak janjuñ ahinga uruninan tölohobawak, mewö mi qahö jimakzin. ⁴ Mewö qahöpmö, Anutunöñ Ölöwak Buja jim sehibingöra neñgeka urunini kewöri dop köliga möt narim neñgiba Bujañi neñgiyöhi, miangö dop mönö keuñi memba jim asarimakzin. Anutunöñ urunini esapköba kewörakza. Miangöra nejön yuai pakpak Anutugö jeñe dop kölböngöra ahakzin. Mi ambazip sihimñini wuatangöbingöra aka qahö.

⁵ Nejön nalö kungen ambazip kelewele keu kelök ak enñgibingöra qahö anda kaini, mi mötze. Nini nepaqepalok dogonini esuhuba moneñ yuai neñgimegö möndömöndö keu siñginñi qahö jiiin. Anutunöñ könanamini mi ölop jim nangöma. ⁶ Enön me ambazip tosatñan qetbuja neñgimegöra qahö kapañ köla malin.

⁷ Kraistkö aposolurupñi akzinangöra ölop uruñini kewö kuñgubinak, “Injini mönö nangöm neñgigetka sutñine urugö nup membin.” Mewö jiinga dop kölbawakmö, nejön enñgö sutñine

mököqököli aka malin. Nahönbörat namñinan juzu enggiba köyan köl enggimazawi, miangö dop mönö nanini memba et al angguba ösöñ ak enggiba malin. ⁸Neñön iwinam ewö mökökölim ak enggiba malinañgöra Anutugöreñ Ölöwak Buña enggiin aka toroqeba nanine malmalnini mewöyök köleñ enggibingö jöjöröba malin. Injini ölna wölböt nahönbörataturupnini aket.

⁹O urumeleñ alaurupnini, neñön enggöra aka nup memba silenini qeba malini, mönö mi mötmörime. Nañgöm neñgimegö lömbötñan enggöreñök kungö qakñe öngöbapuköra sunjem asak nanine börönninan nup memba Anutugö Ölöwak Buñañi jim asarim enggiba malin. Mi mönö ölum enggubapuk.

¹⁰Jisös möt narizei, neñön enggö keuñini pakpak diñdijañök kewöta sarakñi köpösihitkö keunini qahö malin. Injini mi eka möta nañgöba jim nañgömeangö dop akze. Anutunöñ mewöyök mi jim nañgöba dangunu ewö kinja. ¹¹Iwinöñ nanñi nahönbörataturupñi ösöñ ak enggimazawi, miangö dop neñön injini mohot mohot ak enggiba malin. Mi mewöñanök ölöp mötze. ¹²Neñön urugö nañgönañgö keu jiba urukölalep ak enggiba malin. Anutunöñ injini nanñe bemtohoññöñ anggöta asakmararañe asarimegöra enggohölok. Miangöra neñön uruñini kuñguba keu kewö jim tuariba malin, “Ahakmemenini mönö Anutugö jeñe dop kölmawangö dop sarak sorokñi aka memba malme.”

¹³Miangöra neñön mewöyök sundan Anutu kewögöra möpöseimakzin: Anutugö Buña keu enggiini, mi gölme ambazipkö keu ewö qahö buña qem anggugetmö, ölna Anutugö keu jitkö dowä möta mi anggön kölget. Mi möt

narigetka miangön mönö kölönjaim enggiiga letorakze. ¹⁴Juda ambazip Judia prowinsnöñ uruñini melengetka Juda tosatan anggösirip ak enggigetka sihimbölä mötket. Yeñön mi möta töndup Kraist Jisösbuk qekötahöba kindä Anutugö urumeleñ könagesöñi aket. Urumeleñ alaurupnini, enggö sutñine mönö mewöñanök asuhuyök: Nanñini Grik ambazipñöñ Juda yeñgö tandök ewö ak enggigetka injini sihimbölä öröröñ möta Anutugö könagesöñi aket.

¹⁵WJuda yeñön kezapqetok ambazip engguget kömugetka Kembu Jisös mewöyök qegetka kömui nini sesewerowero ak neñgiba malget. Yeñön Anutugö jeñe qahö dop köla ambazip pakpak kerök ak neñgimakze. ¹⁶Neñön kian kantri eñön uruñini melenñda letotmegöra Buña jibinbukö anggön köl neñgimakze. Mewö siñgisöndok sundan aka qerakögetka qakñine öngömakza. Siñgisöndokñini qerakögetka dopñi Anutugö jeñe kokolak qeiga irimsesewölñi toroqeba anggön kölmangö osiba nalö kewöñe kondeli qakñine lök öngöza. Mewö.

Polnöñ Tesalonaika kunbuk anmamgö mörök.

¹⁷O urumeleñ alaurupnini, neñön nalö kewöñe nalö töröpñi deñda maljin. Sileninan deñda maljinmö, uruninan jöhöba mohotñe maljin. Miangöra enggö jesöñgöröñini ekingöra mönö kapañ köla awöweñgöba maljin. ¹⁸Miangöra enggöreñ kabingö möta malin. Pol nöñön sömañ mohot-töp qahöpmö, indimñi yahöt kamamgö esapköyalmö, Satanöñ jöhöm neñgiiga osiin. ¹⁹Injini nanine ila jalö soroknini ewö kinje. Kembunini Jisösnöñ lilingöba kaiga yanggö jemesoholñe anggöta kinbini,

miaŋgöreŋ engeka “Urugö nup önewat qahö memba malin,” mewö jibingö mötzin. Neŋön keu mi iŋini aka tosatŋi yeŋgöra aka awamŋanök jibingö jörömqöröm akzin. Miaŋgöra enŋöra önöŋi qahö söŋgaiba silenini memba öŋgömakzin. ²⁰Neŋön enŋöra aka qetbuŋa miwikŋaininga sösoŋgai ak neŋgimakze. Mewö.

Timoti melaiyohotka Tesalonaika anök.

3 ^xIŋini denöwö aka maljei, mi mötpingö mötkurumkurum ketanji ak bibihiba toroqeba öne malbingö osiin. Miaŋgöra nanirök Atens sitinöŋ malbitkö keu jöhöba ²alaniri Timoti melaiziga enŋöreŋ kayök. Yaŋön Anutugö nup memba netpuk Kraistkö Ölöwak Buŋa jim sehimakza. Yaŋön uru nanŋönanŋö keu enŋiba mötnariŋini mem köhöimapköra kayök. ³Anutunöŋ areŋnini jim teköiga tosatŋan enŋösirip ak enŋimakze, mi nanŋinak ölop mötze. Enŋöreŋök kunŋan köŋjiliŋ uruŋe koŋwarak aka löwöribapüköra jiinga kayök.

⁴Neŋön Tesalonaika embuk mala nalö miaŋgöreŋ enŋöra qeljiŋe keu kewö jiin, “Kembugö jitsihitŋi tem kölinga ambazipnöŋ sesewerowero ak neŋgigetka wahöjaliŋ miwikŋaibin.” Mewö jiinga miaŋgö dop ölna asuhuyöhi, mi ölop mötze. ⁵Mewö asuhuiga esapesap Toŋan esapköm enŋii löwöriba etiketka nupninanŋö ölnan eta pömsöm qebapuk. Miaŋgöra denöwö möt nariba maljei, mi mötpingö mötkurumkurum ketanji ahin lömbörii kunbuk öne malmamgö osiba Timoti melaibiga qesiba mötmamgöra kayök. Mewö.

Timotinöŋ kösohotŋini ali möt ölöwahin.

⁶^yMötkurumkurum aka malinmö, Timotinöŋ anda enŋömosöta lilingöba kaba buŋanini ölopŋi memba kaba kewö jiyök: Iŋini Kembu ölop möt nariba urukalem ak anŋumakze aka nalö dop neŋgöra mötmöriba ölöwahakze. Neŋön enŋেকেkingö sihimŋi möringa enŋön mewöyök nini neŋেকেkingö kapan kölakze.

⁷O urumelen alaurupnini, neŋön sesewerowero köŋjiliŋ könaŋi könaŋi möringa nalö miaŋgöreŋ kaba möt narizeanŋö kösohotŋi ölopŋi jii mötziga keu miaŋön mönö ölna urukölalep ak neŋgiyök. Miaŋgöra nalö kewöŋe enŋöra aka amqeba luainöŋ ölöwaka maljin. ⁸Iŋini Kembubuk qekötahöba böŋ qeba kinmeanŋöra neŋön mönö ölna köhöiba maljin. ⁹Enŋöra aka Anutugö jemesoholŋe önöŋi qahö söŋgaimakzini, sösoŋgai pakpak miaŋgöra mönö denöwö Anutu möpöseiba saiwap jiinga dopŋe akawak?

¹⁰Neŋön suŋgem asak urunini qeza-köba kapan köla kewö köulukömakzin, ‘Anutu, mönö bauköm neŋginöŋga Tesalonaika anda jesöŋgöronŋini eka mutulangöba mötnariŋinanŋö yuaigöra osizei, mönö mi enŋibin. Keu mi ölna.’

¹¹Mewö köuluköingä Anutu Iwinini nanŋi aka Kembunini Jisös yetkön mönö köna mesat neŋgiyohotka ölop enŋöreŋ kabin. ¹²Toroqeba kewö köulukömakzin, ‘Nini urukalem önöŋi qahö ak enŋimakzini, Kembu göŋön mönö urukalemgi toroqeba kondel enŋinöŋga sutŋine sehiiga kondel anŋumakŋe aka ambazip pakpak kondel enŋimakŋe. ¹³Kembu, göŋön mönö uruŋini mem köhöimakŋan. Kembunini

Jisös gönjön könangep könagesögi sarakñi pakpak yembuk kunbuk kamani, nalö miangörej Tesalonaika yeñön sarakñi köpösihitkö keuñi qahö Iwinini Anutugö jeñe kinme.’ Mewö köulukömakzin.

Ahakmeme solanji urukalemjambuk mi dop kölma.

4 Urumeleñ alaurupnini, keu kun kewö: Ahakmemeñini Anutugö jeñe aket dop kölmawañgö könarji kusum engiinga mi lök köl guliba wuatangömakzemö, mi toroqeba gwötpuk ahaknegöra uruñini kuñguzin. Neñön qambañ keu mi Kembu Jisösgö qetñe engizin. ²Neñön Kembu Jisösgö kukösum qakñe kinda jöjöpañ keuñi jim kutum engiini, iñini keu mohot mohot mi lök möt teköze.

³Anutunöñ engöra jitsihitñi kewö mötza: Iñini mönö sero yongorö andö qeba sarakñi aka tök-kutukutuñi aka malme. ⁴Anutugöreñ köna diñdini mi mönö kewö möt kutume: Uru sileñinañgö sihim kömbönañini galöm köla sarakñi (mala nanñini anömñini nanjik nanjik memba) malgetka aködamunñambuk akña. ⁵Urumeleñgö kopa yeñön Anutugö könarji qahö möt kutuba uruñini könöp jeiga ambi lañ memakze. Miangö dop kude aka malme.

⁶Mewö qahöpmö, ambi apan kungen aniga kunöñ ölöñ kaba ambi kude saiköma. Kunöñ bölöñ mewöñi ahiga uruñiran kömbuhibapuk. Mutuk qambañ keu mi jiba galöm mem engiini, miangö dop kunöñ ambi mem bölöñga Kembunöñ siñgisöndokñi pakpakö likepñi meleñ wanggima. ⁷Anutunöñ nini qewöloñ malbingöra qahöpmö, malmal sarakñi malbingöra nenñgohölök. ⁸Miangöra jöjöpañ keu mi mosötmawañön mönö gölme ambaziwa qahöpmö, Anutu

nanña andö qema. Anutu Uñarji Törönji engimakzawi, ia mönö andö qebepuk.

⁹Sutñine jöpaköm angumakzei, miangö könarji Anutunöñ kusum engii nanñinak lök möta malje. Miangöra neñön urukalem ak angubingö keuñi kunbuk ohom engibingö qahö osizin. ¹⁰Masedonia prowins uruñe urumeleñ alaurup pakpak uruñan jöpaköm engiba maljemö, urumeleñ alaurupni, mi mönö toroqeba gwötpuk ahaknegöra uruñini kuñguzin. ¹¹Mönö ösöñ mala nanñini malmal nanñönañgöñini galöm köla böröñinan nup memba malme. Mewö aka aködamunñinambuk akingö kapañ köla kinme. Mutuk mewö jim kutum engiinga miangö dop mönö aka memba malme.

¹²Mewö aketka uruñini qahö melenña yaigep kinjei, yeñön ahakmemeñini solanji ek yaköba göda qem engiba malme. Injarere lañ mala nene yuaigö uleta kungö qakñe kude malme. Mewö.

Kembugö kaka nalöñe kewö asuhuma:

¹³Urumeleñ alaurupnini! “Tosatjan uruñini melenña kömumba ahözei, yeñgöra denöwö asuhubawak?” Iñini keu mewö jiba miangöra gukmaulem malbepuk. Ambazip uruñini qahö melenña jörömqöröm qahö maljei, yeñön kömukömuñi yeñgöra aka wösöbirik maljemö, eñön i ewö wösöbirik malbepüköra keu kewö jibin: ¹⁴Jisösnöñ kömumba wahöröhi, nini keu mi möt nariba kewö jizin: Anutunöñ Jisös mem guliyök. Miangöra ambazip yambuk kömumba nöñ qegeri, Anutunöñ mönö i mewöyök mem guliba Jisösbuk mohotñe enguangiri aukñe asuhume. Keu likepñi möt narizin ewö, likepñi kun mi mewöyök möt nariinga dop kölma.

^{15z}Kembunöŋ keu kusum nenŋiiga neŋön yaŋgö jitŋi mi enŋöra kewö jibin: Tosatŋi neŋön qahö kömumba toroqeba silebuk malinga Kembunöŋ lilingöba kamawi, nini nalö miangöreŋ mutuk qahö öŋgöbin. Nini ambazip kömukömuŋi qahö enŋoŋgitpin. Qahö. ¹⁶Miangö areŋi kewö: Anutunöŋ tömunŋi qainŋi kun uiga ötoŋi asuhuiŋa Suep garata bohonŋan jimkutukutuŋi qeriga ambazipnöŋ kourukŋiri mötketka Kembunöŋ nanŋak Suepnöhök etma. Kraistnöŋ eriga i möt narim waŋgiba kömugeru, yeŋön mönö mutuk kömupnööhök wahötme.

¹⁷Yeŋön mutuk wahötketkun nini qahö kömumba jebuk malbini, Anutunöŋ mönö neŋguangiri könakemba öŋgöbin. Wahötkeru yembuk öröröŋ kousunöŋ öŋgöba Kembubuk aitongöba yambuk Suep mire sundan dop malbin. ¹⁸Miangöra keu mewöŋi jiba miangön mönö uruŋini nanŋöm aŋguba malme. Mewö.

Kembunöŋ kamapköra mönö jöjöröba malme.

5 O urumelenŋ alaurupnini, Kraistnöŋ lilingöba kamapmö, wani yambunöŋ aka wani nalönöŋ asuhumawi, nini miangö keuŋi ohom enŋibingöra qahö osizin. ^{2a}Inŋini nanŋinak keu mi ölöpŋanök kewö möt kömuze: Yoŋgorö memenöŋ suŋgem ölöŋ kaŋgorakzawi, Kembugö kaka nalöŋan mönö miangö dop wölaŋ kam kuŋguma.

³Ambazipnöŋ kewö jime, “Merak luai qem nenŋii siyoŋsayoŋi qahö maljin.” Mewö jigetka miangöreŋök köndenmöndenŋ asuhuba qakŋine öŋgöma. Ambinöŋ morö memamgö masöŋi qei mörakzawi, mönö miangö dop asuhuiŋa misiŋgöba anbingö osime. ⁴Yeŋön osimemö, urumelenŋ alaurupnini, enŋön pandaman uruŋe jipjap qahö maljeaŋgöra nalö miangön mönö sangabaŋga yoŋgorö meme ewö enŋö qakŋine öŋgömapkö osima. ⁵Körek enŋön mönö asakŋaŋgö ambaziwa akze aka yuai pakpak aukŋe akingö ak enŋimakza. Nini söŋaupkö ambaziwa qahö akzin aka ömukŋaŋgö yuaiŋi tököba sisit memakzin.

⁶Miangöra tosati i ewö uruninan gaun ahöbapuk. Mewö qahöpmö, nanini galöm köl aŋguba uruguliguli malbin. ⁷Gaun ahözei, yeŋön suŋgem gaun ahömakze. Ambazip o köhöikŋi nempa enŋololoŋ ahakzei, yeŋön mönö söŋaupnöŋ mewö aka malje.

^{8b}Söŋaup uruŋe mewö ahakzemö, asakŋaŋgö ambazip neŋön mönö nanini galöm köl aŋgumakin. Wahöjambanini mönö opo maluku ewö kewö löŋgöta kinbin: Neŋön mötnariŋ aka urukalem köl guliba mewö miangön töptöpnine göwaŋgöwaŋ kepolaköba (suman ewö köla) sel jöhöm aŋguba kinbin aka Suep mire öŋgöbingö mamböta jörömqöröm aka mewö miangön nöroŋpini ain irikmarik ewö esuhuba turubin.⁴

⁹Anutunöŋ nini et nenŋui irimsesewölŋi mötpingöra qahö jim

⁴5:8 Ömewöröme yeŋön sölölohöm nenŋimegöra yuai bölöŋi bölöŋi mi liŋip kesarek ewö gila nenŋöra mulahakzemö, miangö jitŋi mi ölöp Jisös möt nariba urukalem kondela kinda likeplikep suman ewö közamböt aŋguba közaŋgömakin. Mötmötninan siksauk aiga janjuŋ anbinpuköra ölöp Anutubuk ösupköiŋga kalem möriamŋan nöroŋpini irikmarik ewö sel jöhöm nenŋiiga amöriiŋa Suepkö könaŋi wuatŋömakin.

^z4:15 1 Kor 15.51-52 ^a5:2 Mat 24.43; Luk 12.39; 2 Pitö 3.10

^b5:8 Ais 59.17; Ef 6.13-17

teköyökmö, Kembunini Jisös Kraistnön mem letot neŋgii oyaenƙoƙoƙaen buŋa qem aŋgubingöra jim teköiga maljin. ¹⁰Jisösnön neŋgöra aka kömuyöhaŋgöra malmalnini gölmenön malbini me kömumba nön qeba ahöbini, mi mönö Jisösbuk köhöiba malbin. ¹¹Miaŋgöra uru naŋgönaŋgö aka möhamgöm aŋguba köhököhöi miwikŋaiba mutulaŋgömakzei, mi mönö toroqeba memba malme. Mewö.

Qambaŋ aka goro keu qöndökŋi

¹²Urumeleŋ alaurupnini, neŋön kewö jim kutum eŋgizin: Galömŋinan Kembubuk qekötahöba kinda sutŋine nup memba qambaŋ eŋgimakzei, i mönö göda qem eŋgiba malme. ¹³Göda qem eŋgiba nupŋini memakzeŋgöra mönö öŋa jöpaköm eŋgiba yeŋgöra mötket öŋgöma. Könagesö sutŋine mönö lui qem aŋguba malme.

¹⁴Urumeleŋ alaurup, neŋön urukunƣukunƣu keu tosatŋi kewö eŋgizin: Tosatŋan nanŋini imbi-imbi wuatangöba injarere laŋ maljei, mi mönö jim eŋgiba galöm meme keu eŋgime. Zirinƣirinƣi ambazip yeŋgöra mönö uru naŋgönaŋgö keu jigetka köhöiba awösamkakak akŋe. Ambazip uruŋini löwöriiga maljei, i mönö köyan köŋ eŋgime. Urukönöp kude akŋemö, ambazip pakpak mönö urubönjön qakŋe ak eŋgime. ¹⁵Jinön jibi, nuŋgunön guhubi me aknön aki mi kunŋan kude akŋa. Soŋgo mi walönbepuköra mönö galöm mem aŋguba malme. Nalö dop yuai ölöŋŋi ölöŋŋi mi kapaŋ köla ak aŋgumakŋe aka ambazip tosatŋi pakpak ak eŋgiba malme.

¹⁶Mönö nalö dop sösongai aka malme.

¹⁷Sundan dop Anutu köuluköba malme.

¹⁸Mewö me mewö asuhumawi, mi-aŋgöreŋ mönö Anutu möpöseiba malme. Kraist Jisösbuk qekötahöba kinjei, Anu-tunön eŋgöra jitsihitŋi mewö mörakza.

¹⁹Uŋa Töröŋaŋgö bölamŋi mönö kude qömbököme. ²⁰Anutugöreŋ kezapqetok keu jimakzei, miaŋgö jijiwilitŋi mönö kude akŋe. ²¹Keu pakpak mönö kewöta esapköme. Esapkögetka keu ölöŋŋi asuhumawi, mi mönö aŋgön köla malme. ²²Keu aka ahakmeme bölöŋi könaŋi könaŋi mi mönö andö qeba malme.

²³Nönön eŋgöra kewö köulukömakzal, 'Lwaiğö bemŋi Anutu, gi nangak mönö lökŋanök tök kutum eŋginönŋa sarakŋi aka malme. Göŋön mönö uruŋini, uŋaŋini aka sileŋini mi lökŋanök sel jöhöm eŋginönŋa köpösihitkö keuŋi qahö aka malme. Mewö nalö dop malgetka Kembunini Jisös Kraistnön lilingöba kaba mewö miwikŋaim eŋgima. Keu mi öŋa.'

²⁴Eŋgoholjawi, yaŋön keuŋi pöndaŋ wuatangömakza. Miaŋgöra mönö köuluk miaŋgö dop ak eŋgim teköma.

²⁵Urumeleŋ alaurupnini, eŋön mönö neŋgöra aka Anutu köuluköba malme.

²⁶Urumeleŋ alaurup pakpak sutŋine mönö aŋgum aŋguba numbuŋini yöhötim memba malme.

²⁷Nönön Kembugö qetŋe jim kutum eŋgiba jöjöpäŋ keunön jöhöba kewö ohozal: Kimbi ki mönö urumeleŋ alaurup pakpak yeŋgöra algetka oyön eŋgigetka mötme.

²⁸Kembunini Jisös Kraistkö kalem möriamŋan mönö embuk ahöma. Mewö.

Tesalonaika Kimbi 2

*Polnõj Tesalonaika yengõra
Kimbi aliga 2 ahök.*

Jim-asa-asari

Tesalonaika urumelenj kambu uruje Kraist kamapkõra mambõtketka tosatjan “Lök kayök,” jigetka tosatjan “Keu mi muneja,” mewö lañlanj jiba siksauk aka malget. Tosatjan “Kembugö kaka nalõjan lök kam kunguyök,” jiba möt nariget. Miañgõra “Polnõj Kimbi Tesalonaika aliga 2 ahök,” buk mi ohoba keu mi jim tuariyök. Polnõj keu muneji mi mindingõba kõnañi kewö indelök: Kraistkö kaka nalõjan dopdowimawi, nalö miañgõrenj ambazip ahakmemeñinan gonggiba bölima. Mewö bölüiga azi tandökñi kun qetñi Iwilele Toñi yanõn asuhuba mutuk tõlappe mala kõnañgep Kraist aukne tuarenjoñ ak wañgiba ambazip kantri dop galöm köl enggima.

Tosatjan Tesalonaika urumelenj kambu kahasililij mem enggigetka sihimbölö möta malget. Miañgõra aposol Polnõj keu bohonñi tosatñi kewö jim tuarim enggiyök, “Injini mönõ kapañ kõla kõhöiba Kembubuk qekõtahõba kinda möt nariba malme.” Keu kötñi kun kewö jim tuariyök, “Nõjõn neñakurupni yembuk malmalnini nangõm angubingõra nup memba malini, injini mönõ miañgö dop injarere malmal mosõta nanñini nene yaka miwikñaiba mi memba malme aka nup ölöpnj ölöpnj kapañ kõla jegep kinda memba malme.”

Buk kiangö bahõñi bohonñi 5 mi kewö:

Keu mutukñi 1.1-2

Uruölöwak ak enggiba sõngaiba möpõ-seiza 1.3-12

Kraistnõj kamapkö keunji kusum enggiza 2.1-17

Ahakmeme diñdiñi akñegõra kuñgum enggiza 3.1-15

Kimbigö keu kötñi bohonñi 3.16-18

1 ^cPol, Sailas aka Timoti neñõn Tesalonaika urumelenj kõnagesõ embuk keu eraum mötpingõra kimbi ohozin. Eñõn Iwinini Anutu aka Kembu Jisõs Kraist yetpuk qekõtahõba kinje.

²Iwi Anutu aka Kembu Jisõs Kraist yetkõn mönõ kalem möriam enggiyohotka luainõj malme. Mewö.

Sihimbölö mötagun mönõ oyaengkoaenj aka malbin.

³Urumelenj alaurupnini, enggö mötnaripñinan gwõtputk kõhöiiga körek pakpak urukalem ak angumakzei, silik miañõn mohot mohot enggö uruñine sehimakza. Miañgõra neñõn enggõra nalö dop “Anutu saiwap!” jiba möpõseim wañgimakzini, mi ölöpnjanök dop kölja. Buja keu köl guligerangõra saiwap jimakzini, mi mönõ nupnina.

⁴Sesewerowero angösirip kõnañi kõnañi ak enggigetka mörakzei, mi pakpak kapañ kõla mökõsõñda böñ qeba kingetka mötnaripñinan qahõ sõrauba löwõriza. Naninak mewöyök miañgö kõsohotñi mi Anutugö kõnagesõñi kõnagesõñi yengö jeñine jiba enggõra aka silenini möpõseimakzin.

⁵Anutunõj keu diñdiñanök kewõta jim tekõmakzawi, angösirip mötmõtñinan mönõ miañgö aiwesökñi akza. Anutugö bemtohoñ uruje kañgota maljeangõra sihimbölö mötketka enggehiga Suep mire õngõmeangö dop sarak sorokñi akñegõra kapañ kõlakza. Miañgõra kõñjilij qahõ angõn kõliga nalö kewõne qakñine õngõmakza.

⁶Anutunöŋ diŋdiŋi akzawaŋgöra kinda kahasililiŋ ak eŋgimakzei, i mönö kahasililiŋ miyöhök meleŋniga qakŋine öŋgöma.

⁷Qakŋine öŋgömapmö, kahasililiŋ möta maljei, eŋön mönö oyaeŋkoyaeŋ akŋe. Kembu Jisösnöŋ garataurupŋi kukösumŋinambuk eŋguaŋgita yembuk Suepnöhök eta asuhumei, nalö miangöreŋ mönö nembuk mohotŋe luhut meme. ⁸Jisösnöŋ könöp bölam uruŋe etma. Mewö eta ambazip Anutu qahö möt waŋgiba Kembunini Jisösgö Ölöwak Buŋaŋi qahö tem kölakzei, i mönö likepŋi meleŋ eŋgiiga sihimbölö kewö möta malme: ⁹^dKembunöŋ mönö “Yapmakek!” jiba jemesoholŋeyök közöl eŋgiiga Anutugö kukösumŋi asakmararaŋambuknöŋ qahö öŋgömemö, yaigeŋŋe mala könöp siaŋö sihimbölöŋi teteköŋi qahö möta malme.

¹⁰Kembunöŋ liliŋgöba kamawi, nalö miangöreŋ kambu-urupŋi sarakŋi neŋön mönö yaŋgö asakmararaŋi eka miangö dop letota “Owe, Jisös Kembunini owe!” jibin. Möt narim waŋgini, körek neŋön mewö welipköinga ambazip omaŋan neŋgeka Yei! jiba auruba kinme. Neŋön Jisösgö könaŋi naŋgöba jiinga eŋön mewöyök mi möt nariba uruŋini meleŋgeraŋgöra mönö letota jihilalomŋinambuk asariba nembuk mohotŋe kinme.

¹¹Mewö asuhumapköra neŋön nalö dop eŋgöra kewö köulukömakzin, “Anutunini, nangak eŋgohola miangö dop mönö nam köl eŋginöŋga sarak sorokŋi aka malme. Mönö kukösumŋi ala inahöm eŋginöŋga yuai ölöpŋi pakpak aka memingö sihimŋini körek asuhum teköma. Mewö mötnaripkö nupŋini megetka öljö körek asuhuma.”

¹²Mewö köuluköinga Kembunini Jisös möpöseigetka qetŋan eŋgöra aka sutŋine aködammunŋambuk akŋa. Nanine Anutu aka Kembu Jisös Kraist yetköŋ kalem möriam eŋgiyohot maljeaŋgö dop mönö nanŋinak mewöyök aködammunŋinambuk akŋe. Mewö.

Kembunöŋ kamangö aiga Iwilele Toŋan asuhuma.

2^eUrumeleŋ alaurupnini, Kembunini Jisös Kraistnöŋ liliŋgöba kaba neŋguaŋgiriga yaŋgöreŋ eu tokobini, iŋjini keu mi mötzmö, neŋön kewö qesiba qambaŋ eŋgizin:

²Kembugö kaka nalöŋan lök kam kuŋguzawaŋgö tandök tötbörömŋinan mönö miangöreŋök kaiga siksauk möta tatpepuk. Keu mi denöwö asuhuyök? Uŋa kunöŋ azi kun alburup qeiga imutumut eka kezapqetok keu jim siŋgiyök me kunöŋ “Uruŋini kuŋgumam,” jiba keu jim siŋgiiga asuhuyök? Tosatŋan kewö jibepuk, “Pol alaurup yeŋön keu mi kimbinöŋ ohoba alget kayök.” Keu omaŋi miangöra mönö öne töhöŋ töwöratiba jönömŋini undui malbepuk.

³Kunŋan kun mewö me mewö tilipköm eŋgibapüköra mönö galömŋini mem aŋguba malme. Mi kewögöra: Mutuk aiwesök yahöt kewö asuhuyohotka Kembunöŋ miangö andöŋe kama: Ambazip keleŋmaleleŋ yeŋön Kembu iwilele aka andö qeme aka Iwilele Toŋan nanŋak mewöyök aukŋe asuhuma. Anutunöŋ i jim teköiga könöp siaŋöŋ gema. Aiwesök yahöt mi mutuk asuhuyohotka miangö andöŋe nalö ketaŋan kama. ⁴^fTuarenjoŋ Toŋi yaŋön jakbak-öranböraŋ aka nanŋi sileŋi mem öŋgöm teköma. Ambazipnöŋ

^d1:9 Ais 2.10 ^e2:1 1 Tes 4.15-17

^f2:4 Dan 11.36; Eze 28.2, 8; Ais 11.4, 9; Mat 24.24

yuaigö waikñi memba möpöseimakzei me qetñi bem qetzei, yañön mönö mi pakpak engonggita silenji memba öngöba malma. Mewö mala Anutugö jöwöwöl jikenöñ öngöba jakömbuak dumñi ala “Anutu akzal,” jiba kantri pakpak galöm köl nenggiba malma.

⁵Nöñön Tesalonaika embuk malali, nalö miangöreñ keu mi lök jibi mötket. Injini mi ölum engubapuk. ⁶Iwilele Toñan zilañzilañ asuhumapkö osima. Wani yuainöñ könani angön kölakzawi, eñön mi nalö kewöñe mötze. Nalöñi törörök kam kuñgumawi, miangöreñök mönö asuhuma.

⁷Nalö kewöñe Iwilele Toñangö ösumñi tölapñan lök asuhuba ambazip sölölohöm engimakza. Aukñe asuhubapukö könani angön köljavañön mi mosöri köna ahumapköra mamböta malja. ⁸⁻⁹Mamböri könani asuhuiga miangöreñök mönö amqeba asuhuma. Satanöñ Iwilele Toñi sölölohöba nam köl wañgii angöletot munenji aka aiwesök kimbi könani könani meiga eka malme. Mi eka malmemö, Kembu Jisösnöñ asakmararañambuk asuhuba auyohotka i numbu ösumñan qeba yaijapaleñ mem wañgima.

¹⁰Ambazip Anutunöñ amöt qem engimapköra tököba keu ölnji buña qem angubingö qahö ak engiiga lañ mala könöp sianöñ gemei, yeñön Iwilele Toñangö angöletotñi eketka kölgorom könani könani engiiga jañjuñ ahakñe. ¹¹Miangöra Anutunöñ mötmöt jañjuñ kawikñambuk ali asuhuiga ambazipnöñ mi kukösumñinambuk jim sehigetka sesegilgil yeñön keu kelökñi gwahöta munenji möt narime. ¹²Könañamñinan aukñe asuhumapköra Anutunöñ jañjuñ al engii qaköme. Ambazip keu ölnji qahö möt nariba urusihimñini ahakmeme goñgoñe ala qakögeri, Anutunöñ mönö körek yeñgö keuñini jim teköiga könöp sianöñ geme. Mewö.

Keu ölnji tem köla kapañ köla köhöiba kinme.

¹³Yeñgöreñ mewö asuhumapmö, Kembugö wölböt alaurup, engöra mönö nalö dop “Anutu saiwap!” jiba möpöseininga dop kölja. Mi nupnina. Anutunöñ injini könakönahineyök Suepkö buñaya aka letotmegöra möwölöhöm engiyök. Miangö dop keu ölnji möt narigetka Uña Töröñan mem sarahim engiiga malje. ¹⁴Mewö malmegöra Ölöwak Buña al nengii jim asariinga miangön injini engoholök. Mewö toroqeba mala Kembunini Jisös Kraistkö asakmararañnöñ öngöba aködamunñinambuk akñe.

¹⁵Miangöra urumeleñ alaurup, koñwarak mönö kude aka malme. Neñön keu kusum enggiba jitninan jiin me kimbinöñ ohoinga mötkeri, keu kötñi mi mönö qekötahöba wuatangöba malme. Mewö.

¹⁶Kembunini Jisös Kraist nanñak aka Anutu Iwinini yetköñ jöpaköm nenggiba kalem möriam qakñe oyaenköyaen ak- ingö jörömqörömñi nengiyohotka mi- angöra mamböta urukölalep teteköñi qahö möta maljin. ¹⁷Yetköñ mönö uruñini nañgöba nup ölöpnji pakpak memba keu ölöpnji pakpak jiba malmei, miangöreñ mönö mem köhöim engiiga malme. Mewö.

Ölöp nengöra köuluköba malme.

3 Keu teteköñi kun ki: Kembugö keuñan sehiba engö sutñine aködamunñambuk ahöhi, miangö dop mönö zilañ miri tosatñe mewöñanök anda jim sehiinga öljambuk ahuba anma. Miangöra urumeleñ alaurup, eñön mönö nengöra aka Anutu köuluköba malme. ²Ambazip sesegilgilñan Anutu qahö möt narimakze. Miangöra misimkaulup ambazip goñgoñi aka bölöñi meme

yeŋön kahasililiŋ ak neŋgibepuköra mönö Anutugö köuluköba malgetka sel jöhöm neŋgima.

³Sesegilil yeŋön bölizemö, Kembu keuŋi pöndaŋ wuatangömakzawaŋön mönö mem köhöim eŋgiba bölöneyök sel jöhöm eŋgima. ⁴Keu jim kutum eŋgini, eŋön mi nalö kewöŋe aka könangep tem köla malmei, mi möta uruyahötŋi qahö akzin. Neŋön Kembubuk qekötahöba kinda mewö mötzin.

⁵Kembunöŋ mönö uruŋini möŋaiba Anutubuk jöhöiga urukalemŋi möt yaköba Kraist ewö kapaŋ köla mökösoŋda malme. Mewö.

Injarere malbinbukö galöm meme keu

⁶Urumeleŋ alaurup, iŋini nanŋini imbi-imbi wuatangöba laŋlaŋ malbepuköra kusum eŋgiinmö, tosatŋan keu baŋŋe qahö anda önewat laŋ malje. Miangöra nini Kembu Jisös Kraistkö qetŋe kewö jim kutum eŋgizin: Iŋini mönö urumeleŋ alaurup mewöŋi pakpak mi eŋgömosöta misingöba tikep malme. ⁷Neŋön eŋgö sutŋine nanini imbi-imbi laŋ qahöpmö, keu baŋŋe malin. Miangöra neŋgö köna lasupnini wuatangömegö könaŋi mi nanŋinak ölop mötze. ⁸Nini injarere qahö malin aka eŋgöreŋök kungö nene yuai mi öne qahö nempa malin. Qahö! Nanŋöm neŋgimegö lömbötŋan eŋgöreŋök kungö qakŋe öŋgöbapuköra mönö suŋgem asak nup sundansundan memba silenini qeba malin.

⁹Anutunöŋ nupŋi membingö kukösumŋi neŋgii maljinangöra ölop nanŋöm neŋgimegö keunöŋ uruŋini kuŋgum eŋgibinakmö, neŋgö köna lasupnini wuatangömegö silik ölopŋi kondel eŋgib-

ingö mötzin. ¹⁰Embuk malini, nalö miangöreŋ lök kewö jim kutum eŋgiin: Nup memamgö töközawaŋön mönö nene mewöyök kude nema.

¹¹Eŋgö sutŋine tosatŋan keu baŋŋe qahö anda nanŋini imbi-imbi wuatangöba laŋ malje. Yeŋön nup öŋŋi qahö memakzemö, nup meme tandöktandök öne laŋ memba inöŋ wainöŋ möndöba tosatŋi yeŋgöreŋ yuai mem sohoba qewöloŋ silekmalek laŋ malakze. Eŋgöreŋ keu kun mi mewö kaiga mörin. ¹²Neŋön ambazip mewöŋi mi Kembu Jisös Kraistkö qetŋe jim kutuba uruŋini kewö kuŋgum eŋgizin: Iŋini mönö an qekötahöm kam qekötahöm mosöta zeŋ mala nup megetka öŋŋi asuhuiga nanŋini nene yakaŋini nempa malme.

¹³O urumeleŋ alaurupnini, eŋön nup ölopŋi ölopŋi memba miangöreŋ mönö taŋqaŋ kude akŋe. ¹⁴Neŋön kimbi ki ohoba jim kutum eŋgizini, kuŋgan mi qahö tem kölma ewö, iŋini mönö uruŋi meleŋmapköra gamu qem waŋgiba ehöröŋ köla yambuk keukeu jiba köisirik kude tata malme. ¹⁵Mewö mala kerök qahöpmö, ala ewö ak waŋgiba qambaŋ köl waŋgiba malme. Mewö.

Köuluk aka yaizözkök keu teteköŋi

¹⁶Kembu luai Toŋan nanŋak mönö nalö dop ahakmeme pakpak miangöreŋ luai qem eŋgiiga bönjöŋ malme. Kembunöŋ mönö körek embuk malma.

¹⁷Pol nanak yaizözkökni nani börönan ohozal. Kimbi pakpak ohomakzali, miangöreŋ nani yaizözkök qet kimbi ki nanak alakzal. Qetni kewö ohozal: Pol^s

¹⁸Kembunini Jisös Kraistkö kalem möriamŋan mönö körek embuk ahöma. Mewö.

§3:17 Mutuk kunöŋ tilipköba Polgö qetŋe kimbi kun aliga uru siksauk asuhuyök. Miangöra nanŋe böröŋan qetŋi ohoyök.

Timotigö Kimbi 1

Polnöj Timotigöra Kimbi mutuknji alök.

Jim-asa-asari

Timoti sepguli azi yangö namnji Juda ambi aka iwiñi Grik azi. Yanön Eisia prowinsnön mala uruji meleyda Kraistkö alañi aka malök. Mewö mala Polgö nejakñi aka bauköm wañgiiga mohotje liliköba misin nup memba malohot. Polnöj lömbötnön memba et al wañgabapuköra waimanjat keu bohonji karöbut mötmöriba Buña Kimbi ki ohoyök.

Waimanjat bohonji ketanji mi böhi takapulakanji. Tosatjan zioz uruñe kinda keu gonjonji kusum sohom engiba malgeri, Polnöj yengöra aka galöm meme keu köhöikñi ohoyök. Böhi mienön Juda yengörej mötmöt aka gölmegö mötmöt tosatji mindirigetka könanamñini lolonqalon aiga kewö möt nariba jiba ambazip kusum engiba malget: “Gölme aka yuai pakpak ehakzini, mi bölöñi akza. Miangöra tosatjan Suepkö buña akingö kapan köla mötmöt asa-asambötñi qainñi kun qahö buña qem anguba nenegö dönqizizin aka soñgo tosatji walönjda awanöm akze ewö, Anutunön mönö keu miangörej qaköba amöt qem engimangö osima.”

Waimanjat keu bohonji kun mi: Denöwö urumelej könagesö galöm köl engiinga törörök Anutugö waikñi memba möpöseibeak. Polnöj miangö gamban keuñi papianön ohoyök. Mewöñanök zioz galöm, babafi aka nup meme ambazip tosatjan denöwö aka malgetka dop köljawi, miangö keu areñi mi jim asariba ohoyök.

Teteköñe keu bohonji karöbutñi miangörej Timotigöra goro keu tosatji ohoyök. Undumñi yanön mönö denöwö Jisös Kraistkö welenqege ölöpnji aka mötnarip ambazip kambuñi kambuñi engöbisiba bauköm engiiga dop kölmawi, miangö goronji ohom wañgiyök.

Buk kiangö bahöñi bohonji 3 mi kewö:

Keu mutuknji 1.1-2

Ziozgo nup meme yengörej jimkutukutu 1.3–3.16

Timotinön nupñi memapkö jimkutukutuñi 4.1–6.21

1 Anutu, Amötqege Tonini aka Kraist Jisösnön galöm köl nengimapkö jörömqöröm al mamböt ak wañgizini, yetkөн Pol nongöra jim kutuba kunguba melaim niñgiyohotka aposol maljal. Kraist Jisösgö jitjememe mewöñi aka göbuk keu eraum mötpitköra kimbi ki ohozal.

²o Timoti! Gi urugi meleyda Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetkөн mönö ak kömumba kalem möriam gihiyohotka luainön malman.

Engololon kusum engibepukö galöm meme keu

³Masedonia prowinsnön anmangö ahali, nalö miangörej kewö jim kutum gihial, ‘Gi mönö Efesus sitinön toroqeba mala urumelej kambu bauköm engimakñan. Tosatjan mötnaripkö keu kembangan tosatji kusum sohomakzei, mi toroqeba akepuköra galöm mem anguba malme.’ Mewö jim kutum engiba malmangöra jial. ⁴Tosatjan bem sambanñi sambanñi aka ambösakon yengö qet areñi areñi mi teteköñi qahö eraum mötketka supapköiga anggururuk aka keu qeqesi omañi

asuhui mötmörimakze. Yeñon uruñini miañgöreñ ala sohobepuk. Keu sinñi sinñi jiji mewöñi mi qahöpmahöp bauköm engimapmö, Anutugö malmal areñi mi kewö ahöza, 'Kunñan Jisös möt nariba uruñi meleñniga yañon mönö i amöt qem wañgiiga letotma.' Merak mewö ak engimangöra kunbuk uruwahöt keu jim gihizal.

⁵Jim kutum gihizali, miañgö tohotñi mi urujöpak. Nöñon urukalem ahumapköra bim qeba kewö jim turim engiba malmangö kuñgum gihizal: Yeñon uruñinan sarakñi ahömapköra galöm köl añgugetka mötmöt bölöñan mi qahö gwözöñma. Qahö gwözöñniga Anutunöñ sañep alakzawi, mi urukezapñinan ölop möta malme. Mewö mala Kraist törörök möt narigetka Anutunöñ mönö urukalemñi uruñine ali ölop ahumakña. Urujöpak miañon sutñine ahumapkö kapañ kölakzal.

⁶Tosatñan Anutugö malmal areñi mi siñgiba janjuñ aka oyondewedewet keu omanñi omanñi lañ jimakze. ⁷Yeñon Anutugö Köna keugö böhi malbingö mötzmö, nanñinak keugö könañi qahö möt asariba mesohol kölayök jimakze. Öne ambazip jeñine awösamkakak kinda keu lañlañ köhöiba jiba bim qemakze.

⁸Anutugö Köna keu miañon mönö ölop sorokñi akza. Mi könañangö dop törörök kusum añguba wuatangöinga ölop möhamgöm neñgimakza, mi mötzin. ⁹Anutu Köna keuñangö könañi mönö kewö möt yaköme: Mi ambazip solanñi diñdiñi yeñgöra aka qahöpmö, Anutunöñ mi ambazip goñgoñi mindiñgöm engimapköra aka ali ahöza. Tosatñan goñgiba kewö ahakze: Iwilele jaubatbat aka keu qeba yañgiseñ qakña aum jesöksök ahakze. Añgöjörak aka siñgisöndokñinambuk mala töndup Anutu nesampurek ak

wañgigetka uruñini tölöhoba nöñongñan malje. Iwinamñini aka tosatñi enguget kömumakze.

¹⁰Serowilin ahakze. Sodom taonöñ akeri, miañgö dop köna oñgita azi nanñirök aka ambi nanñirök amimakze. Ambazip mem bölim engimegöra qeraköba jöhömakze. Keu muney jimakze. Keu jiba jöjöpañ keunöñ jöhöba töndup tilipkömakze. Anutunöñ ahakmeme diñdiñi akingöra Ölöwak Buña neñgyöñhi, mi iñi waiñi aka memba miañon qetalakze. Anutugö Köna keu miañon ambazip mötnaripkö köna diñdiñi siñgimakzei, mönö i mindiñgöm engimapköra aka ahöza.

¹¹Anutu, oyaenñkoyaenñ Toñi yañon mötnaripkö köna diñdiñi mi Buña keunöñ ali ahöza. Nöñon Ölöwak Buñañi aködämunñambuk jim sehimangö möt narim niñgiba Buña keuñi mi al niñgyök. Mewö.

Polnöñ Kembu kalem möriamñangöra möpöseiza.

¹²Kraist Jisösñon uruni kewöriga nupñi pöndañ memamangö dop nehi dop köliga nupñi niñgiiga memakzal. Nup memangöra kukösum niñgiba mala kotzawi, miañgöra Kembunini möpöseiba maljal. ¹³Nöñon mutuk Jisös mepaiköba alaurupñi ilita sesewerowero könöpuk ak engiba malal. Mewö malalmö, yuai mi Jisös qahö möt nariba silebile tönpin mala lañ aka memba malal. Siñgisöndok mewö aka malalañgöra mönö ak kömum niñgiiga kölöñaiiba letoral.

¹⁴Kembuninan kalem möriamñi niñgiba keleñmaleleñ mokoiga nöñgö qakne öngöyök. Mewö öngöiga mötnaripnan asuhuiiga urujöpakö kondotkondot Toñi Kraist Jisös miwikñaijal. Yambuk qekötahöba kinda

urukalemñi buña qem aᅇguba ambazip tosatñi urunan jöpaköm eᅇgimazal.

¹⁵Nöñön ambazip tosatñi pakpak eᅇgongita siᅇgisöndokö ambazip yeᅇgö sutñine ketañamñini aka malal. Mewö malalmö, Kraist Jisösnöñ siᅇgisöndok ambazip amöt qem neᅇgimamgöra aka gölmenöñ erök. Keu kötni mi nöᅇgöreñ öᅇᅇambuk ahök. Miangöra keu kötni mianjöñ mönö pöwöwöm köhöikñi akza. Mi ambazip körekmakökerek möt nariba aᅇgön kölbinaᅇgö dop akza.

¹⁶Siᅇgisöndokö ambazip yeᅇgö ketañamñini aka malalmö, Kraist Jisösnöñ ni kewögöra ak kömum niᅇgiyök: Yaᅇñön nömbuk uruluai qakñe amöt qem niᅇgiba Anutugö uru tandökñi aukñe asuhumapkö möt köhöiyök. Nöᅇgö köñane ambazip tosatñan Jisös möt narimei, tandökñi mi yeᅇgöra kondel eᅇgimamgö mörök. Mi kondel eᅇgiiga ölop amqeba uruñini melenᅇda malmal köhöikñanᅇgö buñaya akñe. ¹⁷Ak kömum niᅇgiyöhanᅇgöra aka Anutu möpöseimakzal. Yaᅇñön Kiᅇ Kambu teteköñi qahö aka malma. Anutu mohotñan qahö göröñ qeiga kaisongolomñi qahö ehakzin. Nöñön yaᅇgö qetbuñani nalö dop möpöseibiga teteköñi qahö aködamunᅇambuk aka ahöma. Keu mi öᅇᅇa.

¹⁸O mötnaripkö nahöni Timoti! Mutuk kezapqetok keu tosatñi göhöra jigeri, keu mianjöñ kötöngöm gihiiga ölop aködampungabuk aka malman. Keu mianᅇgö dop kewö jim kutum gihizal: Göñön mönö malmal sarakñi malmangöra bim köhöikñi qeba malman.

¹⁹Bim qeba mianᅇgöreñ mötnaripki söroraua sohobapüköra mönö töp meman. Urugi köyan köᅇ aᅇgunöᅇga mötmöt bölöñan qahö gwözöñniga Anutunöñ urukezapnöñ saᅇep alakzawi, mi ölop möta malman. Ambazip tosatñan uru köyankölköᅇñini mosöta laᅇ malgetka

mötnaripñinan löwöriba köhömuñi aka pömsöm qeyök. Waᅇgenöñ köwet töromnöñ kuᅇguba jömgözawi, mönö mianᅇgö dop kumkanjaᅇn aka böliᅇget. ²⁰Mötnaripñinan pömsöm qeyöhi, yeᅇgö sutñine azi yahöt qetñiri Himeneus aka Aleksander maljahot. Nanak mindiᅇgöm etkimamgö osiba uruñiri melenᅇmahotköra i Satangö böroᅇe al etkial. Al etkibiga Satangö kukösümüñi ahakmemeniraᅇgö dop möta uruñiran sihimböᅇögöra löwöriiga melenᅇda mepaqepaik kunbuk qahö akahorak. Mewö.

Buña nupkö köuluk areᅇ

2 Yuai bohonji mi köuluk nup. Nöñön mianᅇgö uruwahöt keuñi jiba uruñini kewö kuᅇguzal: Injini mönö ambazip körek pakpak eᅇgöra köuluköba kapaᅇ köla uleta Anutu qesim waᅇgiba saiwap jiba malme.

²Kiᅇ azi kembu aka gawmangö galöm ambazip köñani köñani yeᅇgöra aka köuluköba malme. Mewö kötöngöm eᅇgiᅇgetka diᅇdiñanök galöm köᅇ neᅇgiᅇgetka luai qakñe guᅇᅇböñjöñjöñ malbin. Mewö mala Anutugö jitiñi wuatangöba ahakmeme diᅇdiñi aka memba malinga aködamunᅇambuk ahakña. ³Köuluk nup mewöñi mianjöñ ölop sorokñi akza. Mi Anutu, Amötqeqe Toninaᅇgö jemesoholᅇe ölop dop köᅇja. ⁴Yaᅇñön ambazip körekñan Buña keu öᅇᅇi möt kutuba uruñini melenᅇgetka amöt qem eᅇgii letotmegöra jitsihitñi mörakza.

⁵Anutu mohok-kun ahöza aka ambazip Anutubuk mindirim neᅇgimapköra azi mohok-kun mewöyök ahöza. Azi mohot Jisös Kraist yaᅇñön mönö mi köhöiiga tosatñan mi osimakze. ⁶Yaᅇñön siᅇgisöndok ambazip pakpak neᅇgö sohopeni memapköra malmalñi köᅇᅇda mosörök. Buña keu mi Anutunöñ nalö ali tosatñan nalö

törörök miangörej könahiba nangöba jim asarigetka nengörej kayök. ⁷iMiangöra aka Anutunöj aposol akñamgö kuñguba melaim ninggiiga kantri dop lilikömakzal. Ambazip Jisós möt narimegöra Buja keu ölbölñi jim asariba kusum engiba uruñini kuñgum engimakzal. Könani mewö jiba muney kun qahöpmö, keu ölna mewö jizal. Mewö.

Azi aka ambi yeñgö malmal areñini

⁸Miangöra jitsihitnan kewö jizal: Azi eñon mönö pöndañ miri dop tokoba köuluk nup töp memba malme. Yom kazik aka angururuk mosötketka uruñinan sarahiiga ölop böröñini mem wahöta Anutu köulukömakñe. ⁹jAmbi eñgö qambañ keuñini kewö jizal: Eñon mönö kinisöröñini löngöta sileñini törörök turuba malme. Opo söro sorokñi aködamunñambuk mi mosötme. Nöröp juññini qeba gawasu könani könani kude ala minjiñda öñböñ meme. Kösasorom me goul miañon kude meñölöm angume aka löngölöngöt söngöröñi ketani miañon memba aiwelikqaiwelik kude akñe.

¹⁰Aködamunñini ölni mi ahakmeme ölopñi. Ambi Anutugö jitiñi oñgitpinbukö keñgötñini möta qetñi jim aukakzei, eñon mönö nup ölopñi ölopñi jejep kinda memakñe. ¹¹Azinöñ kusum eñgigetka ambi eñon mönö uruñini memba et al anguba Buja keu ösöñ möta nesilam qakñe takpararak aka jitiñöñ söhöp kude melememö, mi urukönömñine ala malme.

¹²Ambi eñon azi galöm köla kusum eñgimegöra nöñon 'Oñ!' qahö jizalmö, tokogetka ösöñ keu böktatme. ¹³kAnutunöj mutuk Adam miwikñaiba yañgö andöñe Iw (Ewa)

miwikñaiyök. ¹⁴lMokoleñnöñ Adam qahö tilipköyökmö, ambi mi tilipköm wañgiiga keu oñgita siñgisöndok ahök. ¹⁵Töndup ambi yeñon nup areñini wuatangöba morö memba Kraist möt nariba ahakmeme sarakñi wuatangöba urumeleñ alaurupñini urunöñ jöpaköm eñgiba ösöñ malme ewö, Anutunöj mönö ölop amöt qem eñgiiga letota Suepnöñ öñgöme. Mewö.

Ziozgö nup galöm yeñgö keu areñ

3 Kunñan urumeleñ könagesögö uru galöm pasto akñamgö ak wañgizawi, yañon mönö nup sorokñi aködamunñambuk miwikñaima. Keu mi ölop töhöñña. ²mMiangöra urumeleñ könagesögö uru galöm nupköra mönö azi kewöñi möwölöhöba kuñgugetka dop kölma: Kungö sileñö köpösihitkö keuñi qahö, ambi mohot-kungö aña, kekpurikñi qahö, ahakmemeñi törörök galöm kölop anguiga göda qem wañgimakze. Yañgörej kamei, i ölop kölop öröba köyan kölop eñgiba mötmöt törörök kusum eñgimakza.

³Kunöñ o köhöikñi nembra bim lañ qeba angururuk aka moneñ membagun memangö köpösöñgömakzawi, i qahöpmö, kunñan ölop ambazip mutulangöba mökölim eñgiba guñböñjönjön ak eñgimakzawi, mönö azi mi kuñgume. ⁴Kunöñ nanñi anöm-moröurupñi ölop galöm köla goro eñgiiga nahönböratu-rupñan göda qem wangiba keuñi pakpak tem köla maljei, mönö ia kuñgugetka kinma. ⁵Galöm azi kunñan nanñi saiwaurupñi galöm kölop eñgimangö qötötañgöza ewö, yañon Anutugö urumeleñ könagesöurupñi mönö denöwö köyan kölop eñgibawak? Mi mönö osibawak.

⁶Azi kunñan nalö köröñi uruñi melañda zeñ kinjawi, yañon ölop ku-

tukutulan galöm nup memenina aka malma. Kunjan nalö töröpni uruñi melenđa an köl kam köl aka tiwokma-wok aka töptöpne qeba silenji memba öngöbapuk. Bölöñangö Toñan kezapjupjup aiga Anutunöñ keunji jim teköba közöl wanğii erök. Miangö dop engö galömñinan silenji memba öngöiga Anutunöñ i Satan ewö jim teköiga etpapuk. ⁷Galöm kunjan urumelenğö kopa yengö sutñine qetbuña ölöpnji qahö bisibawak ewö, ambazipnöñ i lañ jim böligetka Bölöñangö Toñan mötöp simbanji ali mi-anjön töteköi qeiga etpapuk. Mewö.

Ewanjelis aka Buña nup ambazip yengö keu

⁸Buña nup ambazip** yenön mewöyök ambazipnöñ göda qem engimeangö dop tañörakñini qahö aka malme. Tosatñan keu jöl yahötyahöt jiba wain o gwötpuk nemba möndömöndö qakñe injarere mala moneñ yuaigöra kapañ kölakzei, i mönö kude kuñgum engigetka kinme.

⁹I qahöpmö, ambazipnöñ mötnaripkö keu ölnji asa-asambötñi Anutunöñ indelöhi, mi nöm tik memba miangöreñ qekötahöba uruñinan tölöhobapuköra galöm mem anguba sarakñi maljei, mönö ia kuñgum engime. ¹⁰I mewöyök mönö mutuk kewöt engigetka keu jizalangö dop köhöiba kingetka dop kölma ewö, mönö ölop kuñgum engigetka kinda Buña nupkö ambazipñini aka malme. ¹¹Yengö ambiurupñinan†† mewöyök ambazipnöñ göda qem engimeangö dop tañörakñini qahö aka andöqeqe keu jitrnöñ yöhösañ qahö jiba malmemö,

kekpurikñini qahö mala yuai pakpak memburik-qemburikñini qahö memba malme.

¹²Buña nup azinöñ mönö ambi mohot-kungö apñi aka nanñi anöm-morö aka welenqeqeurupñi ölop galöm köl engimakña. ¹³Buña nup ambazip nupñini ölöpñanök memakzei, ambazipnöñ i göda qem engigetka qetbuña ölöpnji miwikñaima. Mi miwikñaima ölop awösamkakak kinda ambazip uruñini kuñguba Jisös Kraist möt naribingö keu mi köhöiba jimakñe. Mewö.

Anutunöñ Buñañi asa-asambötñi indelök.

¹⁴O Timoti, nöñön zilañ göhöreñ kaba gekñamgö jörömqöröm al mamböt akzalmö, töndup kimbi ki göhöra ohozal. ¹⁵Nalöni qeköriiga kabileñbuköra mutuk kimbi ki kewögöra ohobi kaza: Gi Anutugö urumelenñ könagesöurupñi denöwö galöm köl enginöñga ahakmemeninan diñgiba ölöwakñawi, mönö qambañ keu mi oyonda mötman. Anutugö könagesöurupñi neñön Anutugö mindimindiri zioz selji akzin. Malmal Toñi yanğoreñ qekötahöinga mindirim neñgiiga miri dop tokoba keu ölnji jim sehimakzin. Keu ölnjan böliba ösumñi etpapuköra miangö wötñi aka tandöñi akzin. ¹⁶Anutunöñ amötqeqegö könarñi asa-asambötñi indelöhi, neñön Buña keu mi möt asariba kewö jim miwikñaimakzin:

Buña Toñi yanñön nanñak gölme azia aka sutnine asuhuyök.

**3:8 Dikon mi azi aka dikones mi ambi, yenön pasto qöhöröñine bauköba nup memba urumelenñ kambu köyan köl engiba Buña keunöñ gumohoba silegö nup tosatñi memba miangöñ nanğöm engimakze. Ewanjelis me urukuñgukuñgu ambazip yenön sel yaigepne kinjei, yenön uruñini melenmegöra Buña keu kusuba miangöñ uruñini kuñguba goro engimakze.

††3:11 Buña nup ambi aka Buña nup azigö anömñi yengö jimkutukutuñini jiza.

Asuhuiga keu jakeŋe albingö keuŋi laŋ jarum bibihigetka Uŋa Töröŋan könaŋi solanŋi aukŋe kondelök. Mi kondela meiga Kembu aka wahöta Suep garata galöm köl enŋiiga aködamunŋi uba eket.

Mi eketka Anutunöŋ waŋgiri Suepnöŋ öŋgöba Anutubuk tata galöm köl neŋgimakza. Galöm köl neŋgiiga Buŋa keuŋi mi kantriŋi kantriŋi liliköba jim asarigetka gwötpuk yeŋön gölme dop möt narim waŋgimakze.

Mewö jim miwikŋaininga ölna aködamunŋambuk akza. Mewö.

Keu muneŋi kusum eŋgigetka eŋololon akza.

4 Anutugö Uŋaŋan keu kewö jim asariiga törörök möt yaközin: Gölmegö nalöŋan tekömamgö akŋawi, nalö miangöreŋ ambazip keleŋmaleleŋ yeŋön mötnarip mosöta Kembu andö qeba ömewöröme yeŋgö böröŋine geme. Mewö gegetka ömenöŋ sölölohöba kusum eŋgimakzei, mönö yeŋgöreŋ mötmöt wuatangöba eŋololon aka siksauk malme.

²Siksauk mi kewö asuhuma: Tosatŋan urumeleŋ silesile aketka Satanöŋ aiwesökŋi uruŋine ain könöŋambuknöŋ qekötahöba urukezapŋini gwözöŋniga köhömuŋi aiga keu muneŋi laŋ jim sohomakze. ³Yeŋön ambazip kewö kusum sohom eŋgimakze, 'Urumeleŋ ambazip eŋön mönö awanöm aŋgömeme kude akŋe aka nene tosatŋi kude nemba malme.' Mewö kusum sohom eŋgimakzemö, Anutunöŋ nene pakpak mi nemingöra miwikŋaiyök. Mi ambazip Anutu möt nariba keu ölni möt yaközini, yaŋön mi kötuatköiga ölop saiwap jiba nemingöra al neŋgiyök.

⁴Anutunöŋ yuai pakpak miwikŋaiyöhi, mieŋön mönö ölöŋŋi akze. Mi andö qebinaŋgö dop qahöpmö, yuai

al neŋgimawi, mi ölop saiwap jiba buŋa qem aŋgubin. ⁵Yuai ambazip jeŋine döŋqizinŋambuk akawak ewö, mi mönö ölop Anutugö keu jiba köuluköinga ösumŋan walöŋda dom-amöt qeiga sawölŋi akŋa. Mewö.

Kraist Jisösgö welenqeŋe ölöŋŋi mi kewö:

⁶Göŋön urumeleŋ ambazip mewö kusum eŋgiba mala Kraist Jisösgöreŋ Buŋa nup meme azi ölöŋŋi aka malman. Göŋön Buŋa keu wuatangöba mala kotzani, mi tosatŋi kusum eŋgiba nangkak mewöŋanök keu ölöŋŋi mi aka mötnaripkö qambaŋ keu pakpak oyonŋda mötmöröiba miaŋön urugi gumohom aŋguba malman. ⁷Gölme ambazipnöŋ bem samban keuŋi oyoŋdewedewet jigetka Anutugö Buŋa keunöŋ böbölohot akŋamgö akzawi, mi mönö yaköröiba andö qeman. Mi andö qeba Kraist ewö aka malmangöra urugö kölguliguli aka malman.

⁸Anutunöŋ malmal nalö kewöŋe gölmenöŋ maljini, mi kötuatköm neŋgiiga könaŋep oyaenŋkoyaen malbingö jöhöjöhö alök. Mönahot aŋgolat mi boromdökŋanök sile guliguligöra bauköm neŋgiba eretŋi akzapmö, urugö kölguliguliŋi mi tandönini bohonŋi akza. Miangöra urugö likeŋŋi pöndaŋ köl guliba malnöŋga miaŋön mönö yuai pakpak miangöreŋ bohon köla naŋgöm gihimakŋa. ⁹Keu jizali, mi ambazip körekŋanök möt aŋgön kölbinangö dop pöwöwöm köhöikŋi akza. Keu pöwöwöm köhöikŋi kun mi kewö,

¹⁰"Anutu malmal Toŋi yaŋön ambazip körek pakpak amöt qem neŋgimamgö mötza. Urunini meleŋda möt narim waŋgimakin ewö, mönö ölna amöt qem neŋgimakŋa. Mewö möt narizin. Nini tosatŋan mewö asuhumapköra jörömqöröm mewöŋi Anutu al waŋgiba

kinda nupŋi memba silenini qeba aum-mörimakzin.”

¹¹ Ambazip keu miangö dop aka memegöra jim kutuba kusum engiba malman. ¹² O Timoti, kunöŋ sepgwölö maljanangöra memba et al gihibapuköra mönö mötnarip ambazip sutŋine silik ölöŋŋi kewö kondel engiba malman: Keu ölöŋŋanök jiba ahakmeme diŋdini wuatangöba ambazip törörök jöpaköm engiba malman. Mötnaripkö kölguliguli pöndaŋ memba Anutugö nupŋi mem sorokönöŋga miangöra möt narim gihiba malme. Mewö sarakŋanök aka menöŋga ambazipnöŋ ölöŋ göda qem gihigetka malman.

¹³ Mönö pöndaŋ Urumelengö Buŋa Kimbi mi jegep oyonda kapaŋ köla jim asariba könagesö uruŋini miangön kuŋguba kusum engiba malman. Nalö sutŋi kiangöreŋ mewö aka malnöŋga nöŋön kabiga dop kölma.

¹⁴ Jitŋememe yeŋön böröŋini göhö qake ala köulukögetka Anutugö kezapqetok keu göhöra asuhuiga Anutunöŋ nup memegö mötmöt kalem ghiiga uruge ahözawi, mi kude köyatimanmö, miangö qakŋe nup memba malman. ¹⁵ Kude köyatimanmö, Buŋa Kimbi oyonda jim asariba kusum engiba malman. Yuai karöbut mi mönö kapaŋ köla jegep köl guliba malman. Tanqar qahö akŋan ewö, urugahö töhötmöriamŋan mönö qariiga köhöiba awösamkakak akŋani, mi körekŋan ek kutume.

¹⁶ O Timoti, mönö nangi uru silegi galöm köl anguba urumeleng nup törörök kusum engimangöra galöm mem anguba malman. Mewö aka malman ewö, mönö nangi oyaekoyaen ak anguman aka keugi mörakzei, mi mohotŋe oyaekoyaen ak enginöŋga Suepnöŋ öngöme. Mewö.

Malö aka ambazip namŋi mi kewö galöm köl engime:

5 Azi namŋi mi köhöikŋanök kude mindiŋgöba jim waŋgimanmö, iwiŋi ewö qambaŋ keu ösöŋ jinöŋga mötma. Azi sepgwölö mi darumungi ewö ak engiba malman. ² Ambi namŋi mi namurupki ewö qambaŋ engiman. Ambi seram mi nenurupki ewö ahakmeme sarakŋi wuatangöba göda qem engiba malman.

³ Malö tinitosolomŋini qahö mi mönö gödaqeŋe qakŋe ak engiba malman.

⁴ Malö kungö isimoröurupŋi malje ewö, yeŋön mönö mutukŋi aka bohon köla i galöm köl waŋgime. Anutunöŋ jim kutum neŋgyöhi, yeŋön mönö miangö dop nanŋini saiwaurupŋini köyan köl engibingö könaŋi mötme. Iwinamurupŋinan mutuk nalö köröpŋi köyan köl engiba malgetka yeŋön miangö kitipŋi melenŋa tosaŋini meköm engigetka Anutugö jeŋe dop kölma.

⁵ Malö ambi ölni, tinitosolomŋi qahö nanŋök maljawi, yeŋön mönö jörömqörömŋi Anutu al waŋgiba i sundan dop suŋgem asak qesiba köuluköm waŋgimakza. ⁶ Yeŋön mewö maljapmö, ambi malö tosaŋan uruŋinan könöwiiga sihim kömbönaŋinaŋgö dop yuai laŋlaŋgöra böröŋaŋ suhumakzei, yeŋön gölmenöŋ silebuk maljemö, töndup köhömunŋi akze. ⁷ Miangöra malö yeŋön sileŋine köpösihitkö keuŋi qahö ahöi malmegöra mönö mewöyök jim tuarim engiba malman.

⁸ Kunŋan nanŋi tinitosolomurupŋi qahö köyan köla engömosöri garömisinŋ maljei, yeŋgö ahakmemeŋan mönö bölim teköza. Yeŋön Kembu möt narizawaŋgö keuŋi mi silikŋan qar köla urumelengö kopa tandök onŋita böliqöliba malja.

⁹Urumelen könagesö eñön malö tosatñi kutukutulan aka köyan köl engimakzei, malö kunjan yengö areñnön kangotmapköra qeqesi alma ewö, ambi mi mönö kewötme. Kewötketka kewö asuhuiga iyök mönö qet areñ miangören toroqeba ohoba alme: Kunön yambuñi (yarañi) 60 ongita azi mohotkö anömña malök. ¹⁰Mewö maliga tosatñan kónañgöra kewö nañgöba jimakze: Yañön nup ölpñi ölpñi memba mala morö galöm köla goro engiiga qariget. Ambazip kianji miriñe köl öröba köyan köl engiiga Kraistkö alaurupñi sarakñan kagetka uziñini sañgoñda esuhuba yaka tawerñ engiba malök. Wahöjalin uruñe malgeri, mi mem ölöwaka nup ölpñi pakpak memangöra uruñi pöndañ jöhöba jegep kinda malök. Malö mewöñi mönö areñ papianön ohoba köyan köla malme.

¹¹Malö ambi namñi qahö, yengö qetñini mönö qet areñ papia miangören kude alman. Mi albanak ewö, yengö sihim kömbónañinan könöp jeiga azi kunbuk membingö mötmötñini ahum köhöiiga Kraist silekmalek ak wañgiba zioz nup mosötpepuk. ¹²Mi mosöta mutuk Kraist tem kölböngöra jöjöpañ keuñini aukñe jim jöhögeri, mi qegetka pömsöm qeiga Kraistnön keuñini jim teköba gamu qem engiiga önewat lañ malbepuk.

¹³Önewat lañ mala toroqeba kewö bölöbepuk: Miriñi miriñi lañ liliköba nalö ayuhumegö kónañi möt angön kölbepuk. Toroqeba bölöba luasö keu lañ jiba keu bapñe qahö anda nanñini imbi- imbi wuatangöba nup meme tandök- tandök lilikqilik akepuk. Inön wainön lañ möndöba nup ölni qahö memba tosatñi yengören yuai mem sohobepuk.

Keu tosatñi yengören yuaia qahöpmö, töndup mi öne lañ jim sehibepuk.

¹⁴Mewö akepuköra sihimni kewö möta jizal: Malö ambi namñi qahö yengön mönö azi memba morö memba nup miriñini galöm köla malgetka dop kölma. Mewö aketka tuarenjoñninan jim bölim nengimangö kónañi jaruba mi qahö miwikñaima.

¹⁵Malö tosatñan galöm qahö mem anguba lök Kraist andö qeba eta Satangö kónañe wuatangöba malje. ¹⁶Urumelen könagesö neñön mönö malö ambi ölni, tinitosolomñini qahö maljei, mi köyan köl engibingöra ahakzin. Miangöra möt- narip ambi kungö tinitosolomurupñan malöya akzei, yañön mönö mi köyan köl engiba malma. Miangö lömbötñan mönö zioz kambu engö qakñine kude öngöma. Mewö.

Ziozgö jitñememe mi kewö köyan köl engibin:

¹⁷Jitñememeurup urumelen könagesö ölop galöm köl engimakzei, eñön mönö miangö likepñi melenña gödaqeqe öngöngöñi kondel engiba malme. Yengörenök tosatñan Buña keu jim asariba kusum engimakzei, miangöra mönö kötöññini toroqeget öngöi engiba malme. ¹⁸Buña Kimbigö keu kunjan miangö kónañi kewö jiza,

“Wit padigö kötni aka kamböñi mendenjbingöra bulmakau azini wañgitketka padi kambu qakñe tiba tözözamgömakzawi, yangö numbuñi mönö kude muzupköme. Mewö gumohom wañgigetka ölop nene kitipñi neiga dop kölma.”

(Miangö dop kiamnön böröjañ memba sömbup meköi qegetka kitipñi wañgiget neiga dop kölma.) Keu kun kewö ahöza, “Kunön nup meiga tosatñan töwañi wañgigetka dop kölma.”

¹⁹ Jitjememe kungö sileje keu laŋ ala jim waŋgetka yahöt me karöbutjan mi qahö naŋgöbeak ewö, i mönö keu jakeje kude alman. ²⁰ Denike yejon siŋgisöndok ahakzei, gönön mönö i aukje tembula jim enjinöŋga körek pakpak keugi mi möta siŋgisöndok akinbukö keŋgötjini möta galömŋini mem aŋgumakje.

²¹ O Timoti, keu ohoba jim kutum gi-hizali, mi mönö tem köla wuatangöba malman. Azi me ambi kun kude ek soriba tosatji kude qepureim engiman. Miangöra kungö keuji mi qeljiŋe laŋ kude jöhöman. Ambazip körek pakpak mönö örörön kewöta ak engiman. Mewö akŋangö keuji mi mönö Anutu, Kraist Jisös aka Suet garataurup sarakji yeŋgö jemesoholjine jiba mi jöjopaŋ keunöŋ jöhönöŋga mötpi dop kölma.

²² Tosatji yeŋgö siŋgisöndokŋinan göhö qake öŋgögetka gamu miwikŋaibanbuk. Miangöra kunjan “Kembugö nup memam,” me “Urumeleŋ kambu toroqemam,” jizawi, yaŋgö könangamŋi mutuk qahö kewöta börögi zilaŋzilaŋ yaŋgö qakje kude ala kötuatköm waŋgiman. Nangak sarakji malmangöra mönö galöm köl aŋguba malman.

²³ O Timoti, gi nalö tosatji kawöl ahum gihiiga “Yaiŋmaiŋ!” qeta ahakzan. Miangöra mönö oyök kude nemanmö, wain o tosatji mewöyök nenöŋga kömönŋoki bauköiga amqema.

²⁴ Keu kun kewö: Ambazip tosatjan siŋgisöndok aketka zilaŋ aukje asuhugetka ambazipnönj eka qeljiŋe jim tekögetka nalö kewöŋe gamuŋinambuk kinje. Mewö kinjemö, tosatjan siŋgisöndok aka tölapköba mala könangep Anutugö jeŋe aŋgotketka aukje asuhui jim teköm enŋima. ²⁵ Ambazip nup

ölöpŋi aködamunŋambuk memakzei, nup miangön mewöyök nalö kewöŋe aukje yök ahöza. Nup ölöpnj tosatji aukje qahö ahöbeak ewö, mi mönö mewöyök tölapŋe ahöbingö osiba könangep asuhugetka ekin. Mewö.

Welenqeŋe yeŋgöreŋ qambaŋ areŋ

6 Welenqeŋeurupŋini pakpak toŋinaŋgö mötöp bisiba nup töwaŋjini qahö memakzei, enjon mönö tourupŋini iwilele laŋ kude ak enŋimemö, gödaŋeŋe pakpak kondel enŋibingö dop enŋeka malme. Enjon mönö tosatjan Anutugö qetji mepaiköba jibepuköra kapaŋ köla kinme. Anutugö Buŋa keuji ambazip kusum enŋiinga mi enŋö ahakmemeninaŋgöra aka andö qegetka bölipapuk. ² Tourupŋini tosatjan urumeleŋ alaurupŋini akzei, miangöra mönö gödaŋeŋeŋini mötket eretji akapuk. Mewö qahöpmö, tourupŋini welen qem enŋigetka nupŋini ölöwahakzawi, yejon Kraist möt narigetka wölböt ala ak enŋigetka miangöra mönö kapaŋ köla tourupŋinaŋgö keu bapŋe anda uruŋini nupnönj ala ölöpnanök memba malme. Mönö mewö jim kutuba kusum enŋiba malman. Mewö.

Buŋa keu jim sohogetka urukönöp akepuk.

³ Kembunini Jisös Kraistnönj urugö kölguliguli akingöra Buŋa keuji nengiyöhi, nejon mönö miangö dop ambazip ölöwakŋegöra kusum enŋimakzin. Kunjan Buŋa keu ölnj qiwitipköba keu kemaŋi murutji ambazip kusum enŋimakzawi, yaŋön mönö kopa akza.

⁴ Yaŋön sileŋi mem öŋgömakzapmö, keugö könari qahö möt kutuza. Qahö

möt kutuba mötnaripkö keu kemañi kemañi jim melenqeleñda jitnakölik ahumapkö köpösöñgömakza. Mewö möta tosatñi yembuk möndömkösök aketka ölni kewö asuhuma: Likeplikep urunöñ mututqutut anqururuk ak anquba uruqege keu töhöreñ jiba mem bölim anqubepukö sömbu mötmöt akze. ⁵Mewö aka mötmötñini sohoi kahapmahap aka malmal öljangö könañi siñgiba kewö mötmörimakze, ‘Urunöñ kölguliguli ahinga miañön döpnini aiga miañgöreñ tiba moneñ inap miwikñaibin.’ Mewö mötmöriba tokoba sundan dop jitnakölik eraumakze.

⁶Mewö ahakzemö, neñön Anutu Buñanangö kölguliguli aka moneñ inap ahöm neñgizawi, miañön uru luai qem anqumakzin. Uña Töröñan döpnini aka mem böñjön ak neñgimakzawangöra mönö ölna oyaenqoyaen ketani miwikñaiba simbawoñ maljin. ⁷Miangö könañi kewö: Nini mutuk böröninan yuai kun qahö memba öne töhön gölmenöñ asuhuin. Könañep mewöyök börötak kömumba gölme ki mosöta anbin. ⁸Mewö anbinmö, nalö kewöñe nene aka opo maluku ahöm neñgiiga miambuk mönö mem böñjön aka luai qem anqumakin.

⁹Mewö akinmö, ambazip moneñ inap ketani miwikñaibingö mötzei, yeñön mönö esapesapnöñ simba ewö tötekögetka eta enqumakza. Eta enquga sihim kömbönañini bölöñi bölöñi mi gwötpuk ahuba uru enqololoñ mem enqigetka kezapjupjup ahakñe. Sihim kömbönañini goñgoñi mieñön mönö öröm jöhöm enqigetka ulupköba köndermöndeñ miwikñaiba ayuhume. ¹⁰Moneñ inapkö sihim kömbönañi miañön mönö yuai bölöñi pakpakö jalöñi akza. Gwötpuk yeñön moneñ

inapkö urukönöp möta lilikqilik aka janjuñ aketka mötnaripñinan pömsöm qeiga lañ malje. Urukönöp möt bibihigetka miañön mönö wösöñini qösöñniga sihimbölö gwötpuk möta malje. Mewö.

Polnöñ Timoti nupköra jim kutum wangiyök.

¹¹Gwötpukñan mewö maljemö, Anutugöreñ azi gi mönö yuai mewöñi mi qizingöba andö qeba malmal kewöñi malmangöra kapañ köla malman: Ahakmeme diñdiñi wuatangöba Anutugö malmal köhöikñi kölguliba malman. Mötnaripkö kölguliguli pöndañ memba ambazip ölna jöpaköm enqiba malman. Mönö kapañ köla köhöiba kinda ambazip guñböñjönjön qakñe ek enqiba malman.

¹²Mönahot anqolat azinöñ aonqit miañgöreñ luhut almapköra ösumñi pakpak qezaköba anjawi, gi mönö miangö dop mötnarip kölguliba aonqit aködamunqambuk miañgöreñ köhöiba pöndañ bim qeba malman. Anutunöñ malmal köhöikñe anqotmangöra goholöhi, gi mönö malmal mi buña qem anquba qekötahöba malman. Malmal köhöikñangö buñaya akzani, göñön keu mi ölöpnanök jim miwikñainöñga gwötpukñan mi möta ölop nañgöba jimakze. ¹³PAnutu yuai pakpak mem gulimakzawi, gi mönö yangö jeñe könañamgi jim miwikñainöñ aka Kraist Jisösgö jeñe mi mewöyök jim miwikñainöñga mörök. Jisösnöñ premiö Pontius Pailötkö jemesoholñe könañamñi jiba keu ölöpnñi jim miwikñaiyöhi, mönö Kraist yangö jeñe kewö jim kutum gihizal:

¹⁴Gi mönö Buña keu kölguliba pöndañ tem köla wuatangöba malman. Mewö malnöñga kunñan siñgiba böli-

manangöra aka keu jim gihimangö os-
ima. Kembunini Jisös Kraistnön kunbuk
asuhumawi, nalö sutnji kiangörej mönö
urugö nup mewö memba malman.

¹⁵ Anutunön oyaenkoyaen Tonji
aka nalöni ali kam kuñguiga
miangörej Jisös Kraist melaiiga aukçe
asuhuiga ekin. Anutunön nanjök
Öngöngöñamnini aiga körekñan
yangö nembö bapçe kinjin. Yanjön
kin kembu yeñgö Kembuñini aka
pom jembon yeñgö bohonñini akza.
¹⁶ Anutu, oyaenkoyaen Tonji yanjön
mohot nalö kunön qahö kömuma.
Yanjön asakmararaj mire euyangörej
maliga körek neñon naninak miangörej
öngöbingö qaközin. Gölmegö kunñan
i jeñan qahö uba ehök aka ekñangö
osiza. Yangö qetbuñani möpöseininga
kukösum Tonji aködamunñambuk aka
nalö teteköni qahö yuai pakpak galöm
köla malma. Keu mi ölja.

¹⁷ Ambazip pomñi nalö kewöñe göl-
menön öngöngöñi maljei, göñön mönö
i kewö jim kutum engiba malman: Suki-
napnön nalö kungen qahöwak teköma.
Miangöra yeñön mönö uruñini mi-
angörej kude ala malme. Sukinap qakçe
kinda aiweliköba söngöröqök akze ewö,
jörömqörömñinan mönö pömsöm qema.
Uruñini gölmegö ainemalukunön kude
almemö, Anutunön yuai pakpak mi-
angörej köyan köl engimapköra al
mambötketka dop kölma. Anutubuk

qekötahöba kingetka ölop yuai könani
könani malmal söngaingöra kelej-
malelej neñgimakza.

¹⁸ Kewö jim kutum engiba malman:
Yeñön mönö nup ölopñi ölopñi
jegep kinda memba mewö mianjön
aködamunñinambuk akçe. Anutugö
jeñe aködamunñinambuk aka amqeba
jöröröba tosatñi bauköm engiba kalem
sehiba mendeña malme. ¹⁹ Mewö
Anutugö jeñe qetbuñanambuk aka
malmalgö guli dötnam ölni miwikñaiiba
mem sehimakçe. Guli dötnam mewöni
mi malmalgö tandö wötñi köhöikñi
akza. Mi mem sehiba galöm köla ölop
könangep tandö wötñi miangörej
nangöba kinda malmal ölbölñi buña
qem anguba malme.

²⁰ O Timoti, Anutunön möt narim gi-
hiba nup memegö mötmöt kalem uruge
alöhi, mi mönö nupnön ala sohoba-
puköra galöm memba malman. Gölmegö
keu oyondewedewet omani aka angu-
ruruk supapköba jigetka sohomakzawi,
mi mönö mosöta andö qeba malman.
Tosatñan “Mötkutukutu eraum mötpin,”
jiba keu sinñi sinñi jim sehigetka anakza.
Mötkutukutu ölni mi mewö jim so-
homakze. ²¹ Tosatñan mötmöt sohos-
hoñi buña qem anguba jim miwikñaiiba
janjunj aketka mötnaripñinan söroräuba
löwöröba sohoyök.

Anutugö kalem möriamñan mönö em-
buk ahöma.

Timotigö Kimbi 2

Polnøj Timotigöra Kimbi aliga 2 ahök.

Jim-asa-asari

Polnøj undumnji aka gwabö alabaukñi Timotigöra “Andö qambañi qöndökñi wañgimam,” jiba Buña Kimbi ki ohoyök. Keu areñi bohonji mi kapañkölköl. Polnøj mi jim asariba uruñi nañgöba qambañi kewö wañgiba ohoyök: Timoti göñön mönö pöndañ kinda Jisös Kraistkö könañi nañgöba jiba malman. Ölöwak Buña aka Jöhöjöhö Areñ Walñi mötzani, mönö miangöreñ qekötahöba miangö keuñi ölbölñi mi ambazip kusum engiba urukungukungu nup memakñan. Tuarenjoñ ak gihigetka sihimbölä könañi könañi miwikñaiba mötpanak ewö, mönö töndup Anutunöñ nup gihiyöhañgö dop mi kapañ köla memakñan.

Polnøj galöm meme keu köhöikñi Timoti kewö wañgiyök: Tosatñan “gukmaulem qakñe añgururuk omani aka kezapjupjup ahakzei,” göñön mönö miangö keunöñ añaota nalögi mösöhöba ayuhubanbuk. Añgururuk keu mewöñi mieñön ambazip qahöpmañöp bauköm engimakzemö, ambazip kezap ala mörakzei, mönö i mem bölim engiiga ayuhume.

Polnøj qambañ keuñi pakpak nañgö-mangöra nanñi malmalñañgö kösohotñi ohoyök. Wuanöñgöra aka denöwö nup areñi ala bim qeba malöhi, Timotinöñ miangö keuñi ölum qebapüköra mi kewö jim asariyök, “Nöñön Jisös möt nariba lömböt möta mökösoñda urukalem aka malal. Sesewerowero ak niñgigetka sihimbölä möta kapañ köla köhöiba kinal.”

Buk kiangö bahöñi bohonji 5 mi kewö:

Keu mutukñi 1.1-2

Anutu möpöseiba Timoti qambañ wañgiyök 1.3–2.13

Goro aka galöm meme keu tosatñi 2.14–4.5

Pol öröm ureim ak wañgigetka malök 4.6-18

Kimbigö keu kötñi bohonji 4.19-22

1 Anutunöñ jitsihitñi jim kutuba Pol ni kuñgem niñgiiga Kraist Jisösgö aposol akzal. Kraist Jisösbuk qekötahöba kininga malmal köhöikñi neñgimapkö keu jöhöyöhi, miangö Buña keuñi jim asarimangöra melaim niñgiiga maljal.

²Timoti göñön mötnaripekö wölböt nahöni akzan. Nöñön göbuk keu eraum mötpitköra kimbi ki ohozal.

Iwi Anutu aka Kembunini Kraist Jisös, yetkөн mönö ak kömumba kalem möriam gihiyohotka luainöñ malman.

Polnøj Timoti uruñi nañgöba keu jiyök.

³Nöñgö ambösakonon Anutu welenñi qeba malgetka nöñön toroqeba nupñi membiga Anutunöñ “Dop kölja,” jiiga urukezapnan mewö mörakzal. Uruni sarakñi aiga Anutu möpöseimakzal. Möpöseiba suñgem asak köuluköba gi qösösök mötmörim gihimakzal. ⁴Gömosötpiga sahoñnöñga imbilgi eröhi, nöñön mi mötmöriba gekñañgö awöweñgöba kapañ kölakzal. Geka köisirik tatziga sösoñgainöñ uruni kokolak qemañköra mötzal.

⁵Göñön geñmoñ qahö ölna Jisös möt nariba maljani, keu mi urukönömne ahöiga mötmörimakzal. Mutuk abugi Lois aka namgi Yunis yetkөн uruñiri meleñnohotka mötnariñjiran ahuyök.

Yetkö andönjire göñön mewöyök aka maljani, mewö möt narim köhöizal.

⁶Miangöra ikmaok malbanbuköra keu kewö köl gulim gihizal: Nöñön mutuk böröni nöörpke ala köuluköbiga Anutunöñ nup memegö mötmöt kalem gihiiga uruge ahözawi, mi mönö mem gulinönga könöp bölam ewö köhöiba jeba qahö iliñ alma. ⁷Keu ki mötmörinöñ anök: Anutunöñ Uña Töröñi mi ziriñziriñ aka qarösömbu mötpingöra qahöpmö, nanñi kukösümgö Uñanj neñgiiga ölop uruninan jöpaköm anguba ahakmemenini törörök galöm köl anguba kinbin.

⁸Miangöra Kembunangö keunji nangöba jim sehimangö tañqañ kude akñan. Mewö qahöpmö, mönö ni ewö aka malman. Nöñön Kembangö nupñi memba malbiga miangöra kösö mire al niñgigetka tatzalmö, töndup nöngöra aka gamu kude möta malman. Mönö köhöiba ni ewö awösamkakak kinda urugö nup memba malman. Ölöwak Buñagöra aka angösirip ak gihibeak ewö, mönö miangö sihimbölöñi möta mökösoñda bisiba malman. Anutunöñ kukösümgö gihimakzawangö dop mi ölop nömbuk mohotñe kapan köla bisiba malbit.

⁹Anutunöñ möpñangö möpñe Suep gölme qahö miwikñaim etkiba nalö miangörej neñgöra mötmöriba areñ kewö alök: Anutunöñ Kraist Jisösgöra aka kalem möriam neñgima. Areñ mi ali ahöiga mala kota malgetka nini ahuin. Ahuinga Anutunöñ nini yangö buñanj aka sarakñi malbingöra neñgohola amöt gem neñgiyök. Naninak yuai ölopñi ahinangöra aka qahö möwölöhöm neñgiba neñgoholökmö, nanñi areñ walñi mi wuatangöba kinda neñgoholök. ¹⁰Areñ walñi miangö ölpñi mi nalö kewöñe aukñe asuhuyök. Amötqeçe Toninan asuhuba Anutugö

kalem möriamñi mokom neñgiyök. Kraist Jisösnöñ asuhuba kömupkö ösumñi qeba tulungöi eriga Ölöwak Buñanj indeliga asariyök. Buñ keu mi möt nariba ölop malmal kömbönañi miwikñai ba teteköñi qahö köhöiba mala nalö kunöñ qahö kömum köhöibin.

¹¹Anutunöñ ni Ölöwak Buñ jim asariba ambazip kusum eñgimangöra kuñgum niñgiiga melaimelai azi aposol akzal. ¹²Aposol akzalanangöra aka nupñi köhöiba membiga angösiripñi bisiba sihimbölö mörakzal. Suep Azi möt narim wañgimazali, nöñön yangö könañi ölop möt yaközal. Miangöra awösamkakak kinda gamuni qahö mörakzal. Qahö! Anutunöñ möt narim niñgiba Buñ nupñi al niñgiyöhangö dop ni galöm köl niñgimapakö köhöiba malma. Mewö maliga nupñan qahö sohoba eriga mal öngöba nalö ketañ angotpin. Mewö möt narim köhöizal. ¹³Mötnaripkö keu urunini möhangömapkö köhöizawi, nöñön keu ölpñi mi kusum gihibba silik ölopñi kondel gihibba malal. Mi mönö uru könömge ala wuatangöba malman. Nini Kraist Jisösbuk mohot kininga jöpaköm neñgimakzawi, göñön mönö urukalem miangö uruñe malman.

¹⁴Anutunöñ geke möt narim gihibba yuai ölopñi pakpak gihiiga buñaji akzawi, miangön lolonqalon aka sohobapuköra mönö mi galöm memba malman. Uña Töröñan urunine kinda maljawi, mönö yangö kukösümgö qakñe yuai ölpñi mi galöm kölnönga kahaimök ahöma.

¹⁵Eisia prowinsgö neñakurupni yeñön körek nömosöta andö nuñguget, mi mötzan. Azi qetñiri Figelus aka Hermogenes yetkөн yeñgö sutñine maljahot. ¹⁶Tosatñan nömosötketmö, Onesiforus yangön qahö. Miangöra Kembu, gi mönö Onesiforusgö saiwaurupñi ak kömum eñginönga malme. Azi miangön

mönö nönjö tapepnangöra (muŋga-muŋga) sisit gamu qahö ak niŋgi-makzapmö, nalö gwötpuk miangören körö-ölöwak qem niŋgiiga imbini bönjön kölö. ¹⁷ Onesiforusnön Rom sitinön ki kaŋgota nalö miangörenök nönjöra kapaŋ köla jaruba mala miwikŋaim niŋgiyök. ¹⁸ Yaŋön mutuk Efesus sitinön denöwö baukbauk ketani ketani aka mem amqem niŋgiba malöhi, mi nangak ölop möt kömuzan. Miangöra nalö ketane Kembugö qöhöröŋe aŋgoringa Onesiforusnön ak-kömükömugö töwanji miwikŋaimapköra köuluközal. Mewö.

Kraist Jisösgöra mönö bim qeba malman.

2 O mötnarip nahöni Timoti, gi mönö Kraist Jisösbuk qekötahöba kalem möriam uruŋe böŋ qeba köhöiba kinman. ² Nönjön Buja keu kusum gihibiga gwötpukŋan neka nanjöba jiget mötnöŋi, mi ambazip möt narim engienŋigö dop akzei, mönö yeŋö bujaya ahömapköra al engiman. Mewö al enŋinöŋga ahöi ölop ambazip tosatŋi toroqeba kusum engimeanŋö dop akje.

³ O Timoti, gi mönö Kraist Jisösbuk kinda yarö aziŋi aködamunŋambuk aka kapaŋ köla köhöikŋanök bim qeba malman. Aŋgösirip ak gihimei, miangö sihimbölöŋi mönö möta mökösoŋda bisiba malman. ⁴ Yarö azigö tandökŋi kewö: Suahö galöm bohonŋinan azi engömeiga yarö kambugö areŋnön aŋgota anda kaba nup töp memba maljei, yeŋön mönö körek galömŋinan jim kutumakzawaŋö dop tem köla akingö jöjöröba kinje. Mewö kinda nanjini malmalgö nanjönaŋgögöra yuai kun qahö memba malje. Uru deŋqer qahö malje.

⁵ Miangö dopkeuŋi kun kewö: Mönahot aŋgolat azinön aonŋitnön aŋgota jimkutukutu galömgö keuŋi

onŋita ösumŋan laŋ anjawi, yaŋön mönö aködamunŋambuk qahö akŋa. Yaŋö nöröpŋe luhut alalgö ila kun qahö kölgetka gema. Miangöra gi mönö diŋdiŋanök anman. ⁶ Mewöŋanök kölkömöt azinön nup lömbötŋi meiga ölni asuhuiga mutuk anda jeŋi qeba neiga dop kölma. Tosatŋan löwörigeri, yeŋön yaŋö andöŋe kame. Gi mönö miangö dop köhöiba nup memba malman. ⁷ Keu ohozali, mi oyoŋnön lömböriiga Kembunön mönö mötkutukutu gihiiga mi pakpak ölop möt asariman. Miangöra mi mönö uru könömge ala mötmöriba malman.

⁸ Mönö Jisös Kraist mötmöriba malman. Nönjön Ölöwak Buja jim asarimakzali, Jisösnön keu miangö dop kiŋ Deiwidkö gwölönarökŋa ahuba Amötqeqe Toŋi aiga Anutunön mem gulii kömupnöhök wahörök.

⁹ Nönjön Ölöwak Buja keu kapaŋ köla jim asariba aŋgösiripkö sihimbölöŋi mötpiga kegwek-kahasililiŋ azi ewö kösö gwarö mem niŋgigetka tatzal. Mewö tatzalmö, Anutugö Buja keuŋi mi mönö qahö jöhöba gwaröhöget. ¹⁰ Könaŋi miangöra aka nönjön sihimbölö pakpak möta mökösoŋda köhöiba kinjal. Anutunön ambazip nanŋangöra möwölöhöm enŋiyöhi, nönjön mönö yeŋgöra aka kapaŋ köla bim qeba maljal. Kraist Jisösnön amöt qem enŋii yeŋön mewöyök letota oyaenŋkoyaen akjegöra mötzel. Uruŋini melenŋda malme ewö, mönö Suepkö asakmararaŋnön öŋgöba teteköŋi qahö köhöiba mala mal öŋgöme. ¹¹ Keu ki mönö pöwöwöm köhöikŋi akza,

“Nini urunini walŋan yambuk mohotŋe kömui maljin ewö, mönö mewöŋanök yambuk köhöiba malbin.

¹²Yambuk mohotqe sihibölö möta mökösönda maljin ewö, mönö mewöñanök yangö bemtohoñ uruqe yambuk galömkölköl akin.

Nini i qañ köljün ewö, yañön mönö mewöñanök qañ köl neñgiba neñgehöröñ köлма.

¹³Nini andö qem wañgiinga likepñi meleñ neñgimapkö keu jöhöi ahözawi, yañön mi qeapkömamgö osima.

Mindiñqindiñ aka nanñi könañi utekö-mamgö qötötangömakza.

Miañgöra peksek aka keunini pöndañ qahö wuatangöbin ewö, yañön mönö töndup (misila) keuñi pöndañ wuatangöba miañgö dop ak neñgima.” Mewö.

Anutugö Buña nup azi kewö aka malman:

¹⁴O Timoti, keu ki ölüm eñgubapuköra mi mönö jim gulim eñgiba Anutugö jemesoholqe kewö jim kutum eñgiba malman: Mötnaripkö keu imbiñi imbiñi mi mönö meleñqeleñda möndömkösök kude akqe. Jitnakölik mönö qahöpmahöp bauköm neñgimakzapmö, tosatñan goranora keu mewöñi möta eñjololoñ aketka mötnariñinan sohoi ayuhubepuk.

¹⁵Göñön mönö Buña nupkö esapesap könañi könañi mi luhut alnönga Anutunöñ geke “Dop köljän,” jimapköra kapañ köla kinman. Gi Kraistkö nupköra gamu kude möta malmanmö, Buña keu ölni mönö törörök mendenja uruñini kuñgum eñgiba malman.

¹⁶Gölmegö keu oyoñdewedewet omañi omañi mi mönö yaköriba andö qeman. Tosatñan mi sehiba jiba mala mewö miañön gölmegö añgöjörakqe qekötahöba Anutu toroqeba nöñöñgan aka kahapmahap

ahakze. ¹⁷Uzi köhöikñi (qetñi kensö) miañön busu siribuk qem qariba yöhöba anakzawi, yeñön miañgö dop keu omañi jiba miañön ambazip mem bölim eñgimakze. Yeñgö kambunöñ azi yahöt qetñiri Himeneus aka Filetus maljahot. ¹⁸Yetkön keu ölnañgö könañi mosöta janjuñ aka keu sinñi kewö jimakzahot, “Urumeleñ ambazip neñön lök guliba wahöta maljin. Miañgöra könañgep kömupnöhök kunbuk qahö guliba wahötpin.” Mewö jiba tosatñi eñjololoñ mem eñgiyohotka mötnariñinan bölimakza.

¹⁹Mewö bölimakzapmö, Anutunöñ tandö pöwöwöm köhöikñi kuñguyöhi, miañön mönö töndup qahö uruba kinja. Miañgö muñgemñi mi kewö ohoget ahöza, “Kembunöñ nanñi buñañi akzei, mi ölop möt kutum eñgiza.” Muñgemñi kun kewö, “Ambazip Kembangö qetñi memba qetzei, yeñön körek mönö ahakmeme bölöñi qem yaköriba malme.”

²⁰Miri ketañi miañgöreñ jout, kimbut, alnene, umnene könañi könañi ahöza. Tosatñan ipnöñ aka gwaköm gölmenöñ memeni, mi nalö dop memba nupnöñ alakzin. Tosatñan goul aka silwönöñ memeni. Aködamunñinambuk mewöñi mi sösongai nalöneyök nupnöñ alakzin. ²¹Miañgö dop kunñan keu omañi mosöta nanñi köl köñjorat mem añguzawi, yañön mönö kimbut goulnöñ memeni kun ewö akña. Toñan i memba nup aködamunñambuknöñ ali memakña. Mi meiga töhötmöri-amñambuk aiga Ketañamñan yañgöra söngaimakña. Anutunöñ mem sarahim wañgiiga titiñgitñi kinda nup ölpñi pakpak memamgö jöjöröba kinma.

²²Sepgsql malmalgö sihim kömbönañi bölöñan galöm ak gihibapuköra mönö galöm mem añguba malman. (Nupkahö ölnan etpapuköra mi jizal.)

Esapesapnõj öröm gihimakzei, mi mönö qizingöba andö qeba malmal kewõnj malmangöra kapañ köla malman: Ambazip uru sarakñañgö qakñe Kembu baukõm enggimapkõra qerakzei, yembuk mönö ahakmeme diñdñi wuatangöba Anutu törörök möt nariba ölna jöpakõm anguba luainõj malme.

²³ Tosatñan kezapñupñup keu jiba oy-oydewedewet ala jitrakõlik aketka goranora angururuk asuhumakza, mi ölna mötzan. Miangöra mi mönö yakõriba andö qeba malman.

²⁴ Kembangö nup meme azi akzawañõn mönö angururuk akñawañgö dop qahõpmö, ambazip körek guñbõnjõnjõñ qakñe ak enggiba amqeba kusum enggiba malma. Angõsirip ak wañgigetka mi köhöiba mökösoñda malma. ²⁵ Tosatñan tuarenjõñ ak wañgigetka i ölop uruluai qakñe mutulangöba mindiñgõm enggimakña. Mewö ak enggiiga Anutunõj uru mölöwõrim enggiiga ölop Buña keu möt kutuba uruñini melenbeak. ²⁶ Tuarenjõñ ambazip yeñõn Bölõñi Tonangö mötõp simbanõj tötekõgetka gwarõhõm engii jitrñi tem köla ahakze. Mewö aka imbiñini möta urumõtmõtnjini ahuiga yangö kösõnõhök lolohoba etpeak. Mewö.

Nalö tetekõje malmal böliba angjörorakñambuk akña.

3 Keu kötni ki mönö möt kutuba malman: Jisös kaka nalõñan töriiga ambazip kõnañamñinan böliiga tetekõje malmal kanjamñambuk kewõ asuhuma: ² Ambazipnõj nanñinañgörök mötmõriba monerñ yuai giriñjabak membagan membingö nepaqepalok (gridi) köpõsoñgõmakñe. Silerñini möpõseiba korua ewö ginginñini törõreiba soñgörõqök mala uruqege keu

tõhörej lañ jimakñe. Iwinamñini yengö jitrñini qahö tem köla yuai ölopñañgöra saiwap qahö jiba nemsep-pamsep (nem-hõlõlõk) ahakñe. Anutugö nesampurek nõnõñgan ahakñe.

³ “Nanñi lömbõra,” jiba wösö mötmöt qahö ahakñe. Tosatñi yengö siñgisõndokñini qahö mosõta miangö urubõlõñi bisimakñe. Andõqege keu yõhösañ jiba nanñini qahö galõm köl anguba ambazip lapköba öröm ureim ak enggimakñe. Ahakmeme ölopñi tököba miangö ölan enggõhõmakña.

⁴ Mamalolo aka nanñini imbi-imbi wuatangöba jaubatbat ahakñe. Soñgörõqök mala jakbak-õrañbörañõñ uruñini uwutapköiga urukõnõp ahakñe. Silegö sihim sõsoñgaiñinañgöra gwõtputak ak enggiiga Anutugöra mötket eretñi aiga göragöra ahakñe. ⁵ Anutugö Buña nup bahõsapsap bisiba silebile memba Sonda areñ lañ wuatangöba möndõmakzemö, ahakmemerñinan Anutugö kukõsumñi mi je kõndat qeba qañ kölakze. Ambazip mewõñi mi mönö jabö ala qizingöba andö engguba malman. ⁶ Yengõrenjök tosatñan lañ lilikõba ambazip miriñine õngöba kelök keunõj uruqege mem enggiba kezapñini kumbaumakze. Kumbaumakze ambi tosatñan löwõriba yengõrenj qekõtahõmakze. Ambi siñgisõndokñinañgö gamugöra et enggiiga sihim kõmbõnañini kõnañi kõnañi mienjõn yeyaserñerñ mem enggigetka siksauk akzei, yeñõn i bawian mönera aka köpeim enggigetka keu mötõpñine et enggumakza.

⁷ Ambi mewõñi mienjõn möt lömbõriba sundan keu kusum enggimegö möndõba mörakzemö, Buña keu ölnangö kõnañi mi nalö dop möt kutubingö osimakze. ⁸ Ujijit kantrigö tirip qözõlqözõl azi qetñiri

Janes aka Jambres yetkôn Moses tuarenjoŋ ak waŋgiyohot. Takapulaka ambazip yeŋôn mietkô dop Buŋa ôlŋaŋgö tuarenjoŋ ahakze. Ambazip mewöŋi yeŋgö mötmötŋinan sohoiga kahapmahap akzei, mieŋôn Anutunöŋ mötnariŋŋini esapköi et eŋguiga Kembubuk kinkinŋinan söröreima.

⁹Nalö töröpŋi sileŋini memba öŋgömemö, nupŋinanŋö ölni mi nalö qahö körriiga pömsöm qema. Ijpt azi yetkô kônaŋamŋiran aukŋe asuhuyöhi, yeŋgö uruqahöŋŋinanŋö kônaŋan mönö miangö dop aukŋe asuhui ambazip körekŋan ek asarime. Mewö.

Polgöreŋ jimkutukutu keu teteköŋi

¹⁰Yengöreŋ mewö asuhumapmö, nöŋôn malmalnaŋgö tohotŋi murutŋi kuŋguba areŋ alal. Ambazip Buŋa keu kusum eŋgiba ahakmemeni aka memba malali, göŋôn mi lök eka möt kömuzan. Malmalnaŋgö tohotŋi wuatangöba mötnariŋkô kölguliguli pöndaŋ memba sihimbölö mökösöŋda malali, miangö kösohotŋi jiba jigetka möt sölöŋgözan. Urumeleŋ alaurup urunan jöpaköm eŋgiba malal. Tuarenjoŋ aŋgösirip ak niŋgigetka miangöreŋ kapaŋ köla köhöiba kinda malal. ¹¹Sesewerowero kahasililiŋ kônaŋi kônaŋi ak niŋgiba malgeri, mi mötzan. Antiokia, Aikoniam aka Listra taon karöbut miangöreŋ sihimbölö nöŋgö qakne öŋgöiga wahöjaliŋ mörali, mi yuai kanŋamŋambuk ahök. Iwinaŋgö jitŋi! Aŋgösirip mökösöŋda bisiba malalmö, Kembunöŋ mi pakpak miangöreŋök meköm niŋgiyök.

¹²Keu ki mötnöŋ: Ambazip Kraist Jisösbuk mohot kinda malmal köhöikŋi mala miangö kölguliguliŋi akingö mötzei, yeŋôn körek sesewerowero miwikŋaime. Ni aŋgösirip ak niŋgiget

ewö, tosatŋi iŋini mewöyök ak eŋgime. ¹³Tirip qözölgözöl ambazip bölöŋi Buŋa nup silesile memba öŋjömböböp akzei, yeŋôn toroqeba bölimqölimakŋe. Yeŋôn ambazip tosatŋi tilipkôm eŋgiba nanŋini mewöyök tilipkôm aŋguba malme.

¹⁴Yeŋôn mewö malmemö, Timoti gi Buŋa keu ölni möta uru könömge ala möt narim köhöizani, mönö miangöreŋ toroqeba böŋ qeba kin köhöiba malman. Denike yeŋôn kusum gihigeri, göŋôn yeŋgö kônaŋamŋini möt kutuzan. I möt narim eŋgizanangöra mönö Buŋa keu töp memba kude sörörauba mosötman. ¹⁵Urumeleŋgö Buŋa Kimbi Töröŋi mi morökötkeyök möt sölöŋgöba mala kotzan. Göŋôn mönö mi oyoŋda mötmörinöŋga mötkutukutuŋi asariiga miangö qakŋe kinda Amötqeŋe Toŋaŋgö kônaŋi möt asariman. Mi möt asariba Kraist Jisös möt narim waŋginöŋga amöt qem ghiiga toroqeba letota malman.

¹⁶Anutunöŋ Buŋa Kimbigö keuŋi pakpak mi ambazip tosatŋi sölölöhöm eŋgii ohogetka kewö mem ölöwak neŋgimapköra aka ahöza: Mi oyoŋninga Anutunöŋ urunine sölölöhöba kôna ölni kusum neŋgiba bölöŋamninangöra tembula jim neŋgiba mindiŋgöm neŋgimakza aka malmal solanŋi malbingöra goro neŋgiba köl gulim neŋgimakza. ¹⁷Anutugö ambazip neŋôn mi oyoŋda köl guliba Anutu jitŋaŋgö dop köhöiba aködaminambuk aka nup ölöŋŋi pakpak memingö jöjöröba malbin. Mewö.

Polnöŋ nupŋi undumŋi Timotigö qakŋe alök.

4 Kiŋ Kembunini Kraist Jisösnöŋ asuhuba jebuk malbini me kömumba ahöbini, neŋgö keunini kewöta jim teköba tosatŋi nini bemtohoŋe ala galöm köl neŋgima.

Nöjñon Jisös mi aka Anutu yetkö jemesoholjire kinda gi urugö nup memangöra jim kutum gihizal. Mi wuatangömangö jiba keu mi jöjöpaj keunön jöhönönga mötpi dop kölma.

²Kewö jim kutum gihizal: Göjñon Buja keu jiba ambazip uru kuñgum engiba malman. Mötmegö nalöjini dop köl engiza me qahö dop köl engiza, mönö töndup kapañ köla wahöta keu jim asariba malman. Ambazip bölöñamñinañgöra jim engiba mindiñqindiñ aka galöm meme keu jiba uruwahöt keu engiba malman. Keu mötme me qahö mötmea kun, mi töndup mönö mökösoñda kinda köna öljñi nalö dop kusum engiba malman.

³Nejñon mötnaripkö keu nalö kewöñe ambazip ölöwakñegöra kusum engimakzinmö, nalö murutji kun kam kuñguiga miangörej mötnaripkö keu kemañi kun mötpepuköra tököba kezapñini gwözöñ akñe. Keu murutji murutji mötpingö kezapñini köröpñi köröpñi aka aziña azi sesegilgil öröm engigetka kaba ambazip keu i me wai mötpingö sihimñi mötzei, miangö dop kusum engigetka malme.

⁴Mewö mala Buja keu öljñi mötpinbuköra nöñöñgan aka kezapñini gwözöñda bem sambañi sambañi lañ jiji jimakzeangörej göröken melenja mi kezap ala möta malme. ⁵Malmal mewö me mewö uteköba asuhumawi, Timoti gi mönö töndup böñ qeba zeñ kinda ahakmemegi törörök galöm köl añguba malman. Añgösirip ak gihimei, miangö sihibölöñi mönö mökösoñda bisiba malman. Urukungukungu (ewanjelis) azigö nup areñ mi körek dop köla mem teköman.

⁶Nalö köröpñi bauköm gihimamgö osimamañgöra mewö jizal. Tandö

lopion möpöseibingöra sömbup qeba jakenöñ ala ohogetka köwaknöñ öngözapma. Miangö dop nöjñon malmalni Anutugöra ala kölenja nupñi memba malalañgöra gawman yeññon keuni jöhöba nuñgugetka nani sepi mokomamgö dopdowizal. Gölme ki mosötmami, miangö nalöñan lök kam kuñgumamgö dopdowiiga mötjal.

⁷Mönahot añgolat azinöñ ösumtiti aongit nalöñe luhut almamgöra ösumñi pakpak qezaköba tiba anjawi, nöjñon miangö dop mötnarip köl guliba aongit aködamurañbuk ak teközal. Kraist möt narimamgö keu jim jöhöyali, mi qahö köyatiba qañ kölalmö, miangö bimñi mönö pöndañ köhöiba qeba malal.

⁸Kembunöñ jimtekötekö Toñi diñdiñi aka malmalni kewöta solanji aka malali, miangö ila soromñi mi jim teköm niñgiiga nöngö mamböt ahöza. Kembunöñ lilingöba kamawi, nalö miangörej mi niñgiba imbine köli geiga qetbuñanambuk akñam. Mi nöngörök qahö niñgimapmö, ambazip jöpaköm wangiba kunbuk asuhumapkö al mambörakzei, mi yeñgö imbiñine mewöyök köli gem engima. Mewö.

Neñakurupnan nömosöta qeñgalanja kölget.

⁹⁻¹⁰ ^wNalö kewöñe gölmege ahakmeme aka memakzei, neñakni Demas yaññon uruñi miangörej jöhöba nömosöta Tesalonaika sitinöñ anök. Neñakni Kresens yaññon Galesia prowinsnöñ anök. Taitusnöñ Dalmesia gölmenöñ anök. Miangöra gi mönö zilañ nöngörej kamamgö kapañ kölman. ¹¹ ^xLuk yaññon nanñök nömbuk maljit. Maknöñ welen qem niñgimapköra gwöt-puk möta yañgöra osizal. Miangöra Mak

^w4:9-10 Kol 4.14; Flm 24; 2 Kor 8.23; Gal 2.3; Tai 1.4

^x4:11 Kol 4.14; Flm 24; Apo 12.12, 25; 13.13; 15.37-39; Kol 4.10

waŋgita mohotŋe kamahot. ¹²yNeŋakni Tikikus melaim waŋgibiga Efesus sitinöŋ anök. ¹³Troas taonöŋ mala malukuni azi qetŋi Karpus yaŋgö mire mosörali, mönö mi memba kaman. Mewöyök kulem lama sileŋe ohoba lipiŋeri, nöŋgöreŋ lama sile mi mönö kapaŋ köla meman aka miangö andöŋe buk tosatŋi mi mohotŋe memba kaman.

¹⁴zAleksander, silwö kopö ohom qeköqekötahö azi mötzani, yaŋön bölöŋi kónaŋi kónaŋi gwötpuk ak niŋgiba malök. Kembunöŋ ahakmemeŋi kewöta miangö dop likepŋi meleŋ waŋgiiga qakŋe öŋgöi sihimbölö mötmawi, mi mötzal. ¹⁵Yaŋön keuninaŋgöra gwötpuk tuarenjoŋ ak neŋgiba malök. Miangöra gi mewöyök mönö yaŋgöra galöm mem anguba malman.

¹⁶Indim mutukŋi kutukutulaŋ keu jake bohonŋe al niŋgigetka keuni likepŋi jibiga kunŋan kun qahö kaba ni naŋgöm niŋgiba jiyökmö, alaurup pakpak yeŋön buratiba nömosötket. Anutunöŋ siŋgisöndokŋini miangö likepŋi qakŋine albaŋpuköra köuluközal.

¹⁷Yeŋön nömosötketmö, Kembunöŋ bauköm niŋgiyök. Nöŋön Buŋa keu jiba ambazip uru kuŋgum eŋgiba nup mi körek mem tekömangöra aka mem

köhöim niŋgiyök. Kantri pakpak yeŋön Buŋa mi mötmegöra möta bauköm niŋgiba laion sömbup kalŋi yeŋgö numbuŋine gil niŋgibepukö aŋgön köla jitŋineyök meköm niŋgiiga eral.

¹⁸Kembunöŋ bölöŋi kónaŋi kónaŋi mem niŋgibepuköra meköm niŋgiiga ölop Suep bemtohoŋaŋgö uruŋe eu öŋgömam. Kembugö qetŋi mönö sundan möpöseininga nalö teteköŋi qahö aködamunŋambuk aka ahöba öŋgöma. Keu mi öljä.

Yaizözkök keu teteköŋi

¹⁹aGi mönö nöŋgö yaizözkökni Prisila aka apŋi Aqila yetköra aka Onesiforusgö saiwaurupŋi yeŋgöra jinöŋ mötme.

²⁰bNeŋakni Erastus mosötpiga Korint sitinöŋ malja. Trofimus i Miletus sitinöŋ mosötpiga kawöl yöhöi ahöza.

²¹Miangöra kömunjaŋ kie uru nalö qahö kaiga mönö baŋŋe kiaŋgöreŋ nöŋgöreŋ kamamgö kapaŋ kölman. Azi qetŋini Yubulus, Pudens, Linus, Klodia aka urumeleŋ alaurup pakpak yeŋön yaizözkökŋini jiba algetka göhöreŋ kaza.

²²O Timoti, Kembunöŋ uŋagi kötuetsköba göbuk kinma.

Anutugö kalem möriamŋan mönö embuk ahöma. Mewö.

y4:12 Apo 20.4; Ef 6.21-22; Kol 4.7-8; Apo 20.6

z4:14 1 Tim 1.20; Sum 62.12; Rom 2.6 a4:19 Apo 18.2; 2 Tim 1.16-17

b4:20 Apo 19.22; Rom 16.23; Apo 20.4; 21.29

Taitusgö Kimbi

Polnön Taitusgöra Kimbi alök.

Jim-asa-asari

Azi gwabö qetji Taitus yañon urunji melenđa Polbuk örörön jöhöba bauköba misin nup meyoht. Mema köwet sutje gölme jölanji qetji Krit (Arete) mi-angörej malohotka Polnön kembaje kutuba alabaukni mosöriga zioz nup arengöba ek kewöta galöm kölok. Polnön mosöta anda yañgöra köuluköba mala Buja Kimbi ki ohoyök.

Krit mi keu Grik miambuk mindiribanbuk. Krit mi köwet sutje gölme jölanji kun aka Grik (Greece) mi kantri kun.

Polnön Taitusgöra waimanjat karöbut möta qambañ keu kewö ohom wangiyök: Krit yengö könañini mi gonjim teköi baunam jegömöl aka malget. Tosatjan urunji melengetka malmalñinan diñgiyöhi, yenön kunbuk böllebepuk. Mianğöra yengö jitjememeninan silik ölop kötökni kondela köuluk aka Baiböl stadi nup qahö mosöta kambunini mindiñgöba malmegöra jiza. Uru melenget yengö sutjine kambu morömorö mi denöwö mindiñgöba kusum engiba malme? Azi namñi, ambi namñi, ambi seram, azi gwabö aka welenqeçe yengö goro keunji mi nanñök nanñök kewö jim asariza, “Urunji melenđa Buja keu wuatangöba luainön mala ketanji yengö keu bapñe anda jegep uruk nup ölpñanök memba kindi julbepuköra kazik anggururuk mosöta malme.”

Buk kianğö bahöñi bohonñi 5 mi kewö:

Polnön aposol nupñangö könañi jiza 1.1-4

Anutugö jitjememe yengö goro keunji 1.5-16

Ambazip kambu morömorö yengö goro keunji 2.1-15

Urukunğukunğu aka galöm meme keu 3.1-11

Yaizökök aka keu teteköñi tosatji 3.12-15

Polnön aposol nupñangö könañi jiza.

1 Anutunön ambazip möwölöhöm engiyöhi, engö mötnariñinan asuhuba qarimapköra aka Jisös Kraistnön Pol ni melaim niñgiiga yengö aposolñi akzal.

Nönön Anutu welenñi qeba keu ölni kusum engimakzal. Keu ölni mi möt kutuba kölgulime ewö, engö malmalñinan mönö uteköba letorakña. Mianğöra kimbi ki ohozal.

²Anutunön keu munenji jimawangö dop qahö yañon möpñangö möpñe malmal köhöikni nengimangö jim jöhöba mianğö andöñe yuai pakpak miwikñaiyök. Eñon keu ölni möt kutuba möt narigetka mianñon mönönam kölgulime engiiga malmal köhöikñe anggotpñgöra al mamböta jörömqöröm ahakze. ³Anutu, Amötqeçe Toninan oyaenğoyaengö keunji jim jöhöba mianğö nalöñi diñdiñi ali kam kunğuiğa mianğörej Buja keunji indela mi jim sehibingö jimkutukutuñi alök. Mianğö dop mi jim asarigetka Anutunön nönön mi jim sehimangö möt narim niñgiba kunğum niñgiyök.

⁴cO mötnariñ nahön sorokni Taitus! Nönön bauköm gihibi urugi melenđa alabaukni aka mohotñe Kambu möt nariba maljit.

Iwi Anutu aka nanini Amötqeçe Tonini Jisös Kraist yetköñ mönön kalem möriam gihiyohotka luainön malman.

Galöm jitnememe yengöreŋ keu aren

⁵ Köwet jölanŋi Krit (Crete) miangöreŋ mohotŋe misin nup memba kembraŋe gö-mosötmanŋö aka kewö jim kutum gi-hial, “Uruŋini melenget yeŋön ilingösön laŋ maljei, i mönö arenŋöm eŋgiba (pasto aka) jitŋe memeni miri taon dop kuŋguba kusum eŋginöŋga areni-nambuk zioz nup memba malme.” Mewö jiba deŋnit.

⁶ Uruŋini melenŋeri, yeŋgö sutŋineyök azi kewöŋi möwölöhöman: Kungö sileŋe pinjitkö keuŋi qahö, anöŋŋi mohok-kun memba mali nahönböraturuŋan uruŋini melenŋa Anutu möt nariba yaŋgiseŋ kezapjupjup silikö keu sileŋine qahö ala jim eŋgimakze.

⁷ Urumelenŋ könagesögö ketaŋamŋini pasto (bisop)[‡] yaŋön Anutugö könagesö galöm köl eŋgimakŋawi, miangöra mönö azi kewöŋi kuŋguman: Kungö sileŋe pinjitkö keuŋi qahö, jakbak-oraŋböraŋ qahö aka urupik qahö. O köhöikŋi qahö nembra bim laŋ qahö qeba möndömöndö qakŋe injarere mala moneŋ yuaigöra qahö kapaŋ kölakza. ⁸ Yaŋgöreŋ kamei, i ölop köl öröba köyan köl eŋgiba keu ahakmeme ölopŋaŋgö sihimŋi möta uruŋi miangöreŋ ala malma. Kilik-kaluk kekpurikŋi qahö, keu pakpak diŋdiŋanök kewöta sarakŋi töröŋi qainŋi kun aka nanŋi ahakmemeni törörök galöm köl aŋgumakŋa.

⁹ Buŋa keu kusum neŋgigetka tandö söran ewö malmal töngumamgöra ahözawi, pastonöŋ mi mönö töp memba miangöreŋ qekötahöba kinma. Mewö kinda ölop Buŋa Kimbigö dop

mötnaripkö keu kembraŋi kembraŋi ambazip kusum eŋgiba mianön uruŋini kuŋgumakŋa aka tosatŋan Buŋa keu möwöramgöba qetalakŋei, yeŋgö keuŋini gongonŋi ölop qeapköba mindiŋgömakŋa. Mewö.

Böhi takapulakanŋi mönö qetal eŋgime.

¹⁰ Ambazip gwötpukŋan keu qetala kezapjupjup aka sesekŋai ewö keu sinŋi sinŋi jiba ambazip tilipköm eŋgimakze. Anutugö aiwesökŋi sileŋine yandigeri, yeŋgö kambunöhök ambazip jesöŋgöŋan mewö ahakze.

¹¹ Ambazip mewö miengö keuŋini mönö qömbököme. Yeŋön Buŋa keu kusum eŋgibingö möndöba moneŋ yuaŋini öröbingö möta kösawöraŋ keu laŋ jigetka gamuŋambuk ahakza. Mewö aka saiwa tosatŋi lök körekŋanök mem sohom eŋgigetka eŋololoŋ aket.

¹² Krit nanŋine kezapqetok azi kuŋŋan aiakaninangöra kewö jiba ohoyök, “Krit ambazipnöŋ mönö nalö dop keu muneŋ jiba injarere qölzöm mala ubibi kömböt ewö lilikqilik aka bau numbu nemakze.” ¹³ Yengöra keu mewö naŋgöba jiyöhi, mianön mönö ölna. Miangöra kawölninan qahöwahi mötnaripŋinan asuhuba ölnambuk akŋapköra i mönö köhöikŋanök tereŋgöba jim eŋgimakŋan.

¹⁴ Mötnaripŋinan ölnambuk aiga Juda neŋgö bem sambanini aka ambazip keu ölni singiba jimkutukutu alakzei, keu mewö miangö kezap kude alme.

¹⁵ Urunini melenŋiŋga Uŋa Töröŋan köl könjörat ak neŋgiiga sarakŋi akzini, neŋgöra nene kungö dönqizizini qahö ahöza. Neŋön nene pakpak ölop nemb-

[‡]1:7 ouwösiö, zioz paris lida, bisop, nup meme bohonŋi yaŋön qet ketaŋi öne qahö bisimapmö, paris kambu-urupŋi yeŋgöra köuluköba kusum eŋgiba uruŋini kuŋguba nupŋinangö arenini eŋgiba goro qambaŋ qakŋe galöm köla mindiŋgöm eŋgimakŋa.

naŋgö dop akzapmö, qewöloŋ ambazip keu öljnaŋgö yangiseŋ ahakzei, yeŋön i me wai aketka uruŋinan töndup tölohomakza. Uruŋinan kölköljinjambuk aiga uruŋinaŋgö kezapŋan duhui mönö bau jegömöl tandök malje.

¹⁶Yeŋön “Anutugö könani möt yaközin,” jitŋinan mewö jigetka aiakanjanan mi qaj köla qeapkömakze. Mewö aka Anutugö keuŋi qetalgetka imbilonloŋ möt enŋiiga ahakmeme ölöŋŋi kun memeangö dop qahö akze. Mewö.

Ambazip ketani yeŋgö qambaŋ keu

2 Göŋön mewö qahö maljanaŋgöra mönö mötnaripkö keu kambaŋi kambaŋi mi Buŋa Kimbigö dop kewö kusum enŋimakŋan: ²Azi namŋi yeŋön mönö kilik-kalukŋini qahö malgetka göda qem enŋibinaŋgö dop akŋe. Nanŋini ahakmemeŋini törörök galöm köl anŋugetka mötnaripŋinaŋgö kawölŋinan qahöwahi öljni urukalem asuhumakŋa. Öljni asuhui ambazip törörök jöpaköm enŋiba malme aka kapaŋ köla böŋ qeba kinme. Mewö malmegöra kusum enŋimakŋan.

³Ambi namŋi yeŋön mewöyök Anutugöreŋ ambi sarakŋi yeŋgö dop ahakmemeŋini aka memba malme. Andöqeqe keu yöhösaŋ kude ahakŋe. Wain o gwöt-puk nemegö mötöp simbaŋe kude anŋgota qaköme. Urumeleŋ ahakmemegö silikŋi ölöŋŋi kondela tosatŋi kusum enŋimakŋe.

⁴Mewö aka mala ambi nembö bapŋine maljei, yeŋgöra ölöŋ goro enŋiba malgetka yeŋön mewöyök apmoröuruŋŋini urukönömŋinan jöpaköm enŋiba malme. ⁵Jöpaköm enŋiba nanŋini ahakmemeŋini törörök galöm köl anŋuba sarakŋi aka mirigö nupŋini nem qerak aka nöŋgöp törön qakŋe memba apmoröuruŋŋini köyan köl enŋiba apuruŋinaŋgö keu

bapŋe anda kötöngöm enŋimakŋe. Mewö kusum enŋigetka aka memba malgetka tosatŋan Anutugö Buŋa keu mi mepaiköba ilitnöŋ albingö osime. Mewö.

Azi gwabö aka welenqeqe yeŋgö qambaŋ keuŋini

⁶Azi gwabö yeŋgö uruŋini mewöyök kewö kuŋgum enŋimakŋan: Yeŋön mönö ölöŋnaŋgö oyankasak mala nanŋini ahakmemeŋini törörök galöm köl anŋumakŋe. ⁷Uruŋini mewö kuŋgum enŋiba nangak ahakmeme pakpak miangöreŋ silik ölöŋŋi kondel enŋiba malman. Mönö geŋmoŋ qahö böŋ qeba kinda taŋörakŋi qahö kusum enŋimakŋan. ⁸Keu mötsihimjambuk jiba malnöŋga ambazipnöŋ mepaiköba memba et al gihibingö osime. Mewö jiba malnöŋga tuarenjoŋurupninan keu bölöŋi jim nenghibingö keu jaruba öljni qahö miwikŋaiba gamuŋini mötme. Mewö kusum enŋimakŋan.

⁹Welenqeqeurup mi kewö kusum enŋimakŋan: Yeŋön ketaŋamŋini yeŋgö keuŋini pakpak tem köla keu bapŋe anda malme. Sösöŋgai ak enŋibingö kapaŋ köla kinme. Keu jimei, mi nesilam qakŋan kude meleŋ enŋimakŋe. ¹⁰Ketaŋamŋinaŋgö mireyök yuai mohot-hök yahöt-hök mi ölöŋ kude memakŋemö, ketaŋamŋinan enŋekea möt narim enŋimakŋapköra mönö kapaŋ köla kinme. Nupŋini pakpak mönö geŋmoŋi qahö pöndaŋ memba malme. Mewö mala Anutu Amötqeqe Toninaŋgö Buŋa keu kusum enŋimakzei, mi kötön kölgetka öljni ahui nahömŋambuk ahakŋa. Mewö.

Malmal sarakŋaŋgö nam köipitŋi mi kalem möriam.

¹¹Malmal sarakŋaŋgö nam köipitŋi kewö: Anutunöŋ ambazip körek amöt qem nengimapköra aka kalem

möriamñi indeli gölme dop asuhuyök. ¹²Kalem möriam miañon mönö kopa aňgöjörak malmalgöra “Qahö,” jibingö köna kondela gölmegö sihim kömbönañi bölöñi qömbököbingöra köl kusuba mindingöm neñgimakza. Ahakmemenini törörök galöm köl aňguba keu pakpak diñdiñanök kewöta malbingöra köl gulim neñgimakza. Mewö miañon Anutuğö malmal köhöikñi mi nalö kewöñe köl guliba gölmenöñ malbin.

¹³Mewö malinga Jisös Kraistnöñ kunbuk kamawi, nini nalö miangörej Anutu qetbuñambuk aka Amötqeçe Tonini yetkö asakmararañiri asuhuiga ekin. Nini oyañkoyaerñ nalöñi mi kam kuñgumapköra jörömqöröm al mamböt aka maljin.

¹⁴eJisös Kraistnöñ mönö neğgöra aka nanñi malmalñi köleñda mosörök. Nini ahakmeme bölöñi könañi könañi miangörejök meköm neğgiba sohopnini memangö möta köl köñjörat ak neğgiba nanñi buñañi sarakñi akingöra aka malmalñi köleñda mosörök. Mi mosöta qewöloñnini sañgoñniga nanñi könagesöñi aka ölop nup ölopñi ölopñi memingö urukönöp aka jöjörömakin.

¹⁵Miangö keuñi mönö kusum eñgiba ambazip uruñini nañgöba köna siñgime, mi kukösum pakpakö qakñe tembula jim eñgimakñan. Mewö aknöñga kunñan jijiwilit ak ghibapuköra galöm mem aňguba malman. Mewö.

**Urumeleñ eñon mönö silik
kewö aka memba malme:**

3 Kusum eñgiba keu ki mönö köl gulim eñginöñga ölop urukönömñine ala mötmörime: Urumeleñ könagesö yeñon mönö kiap gawman aka ketañamñini tosatñi yeñgö keu baññine anda keuñini

tem köla malme. Mindimindiri nup ölopñi memegöra jigetka mi pakpak mönö jöjöröba memakñe. ²Uruqeçe keu töhörej mi kungöra kude jim wañgime. Añgururuk kude akñemö, ala ak aňguba urumohot malmegöra kinme. Ambazip pakpak mi guñböñjönjön pakpak ak eñgiba uruluai qakñe mutu-lañgöm aňguba malme. Mewö.

³Nini mewöyök mutuk uruqahö mala qeçetal aka janjuñ malin. Sihim kömbönañnini bölöñi könañi könañi mienğgö mötöp simbañe qaköinga galöm köl neñgigetka silegö sihim sösoñgaini lañ jarubingöra malin. Körogisigisi qakñe kegwek-kahasilililñ aka miangörej malmalnini ayuhuba malin. Tosatñan im-bilonloñ möta kazik ak neñgigetka sut-nine urukerök ak aňguba malin.

⁴Mewö malinmö, Anutu Amötqeçe Toninan ahakmemenñi ölopñi köleñda indeliga urukalemñan asuhum tiñgiriga kötala uruñan jöpaköm neñgiyök.

⁵Jöpaköm neñgiba bohonini jöhöba amöt qem neñgiyök. Naninak diñdiñi mala nup ölopñi ölopñi memba malbinahi, miangöra aka qahö neñgehoriyök. Miangöra qahöpmö, nanñi ak-kömükömuñan mönö nam köl wañgiiga siñgisöndoknini sañgoñniga ahuahü dölökñi ahuinga Uñañi Töröñi urunine aliga kölöñaim neñgiyök.

⁶Anutunöñ amöt qem neñgiba Amötqeçe Tonini Jisös Kraistköra jiiga Uña Töröñi melaiba keleñmaleleñ mokoiga urunine geiga maljin.

⁷Anutuğö kalem möriamñan nam köl wañgiiga keunini jim teköi solanib-ingöra aka Uña Töröñan urunine geiga kölöñainin. Kölöñaiiba kindä oyañkoyaerñ malmal teteköñi qahö malbingö jörömqöröm al mamböt akzini, mi ölop buña qem aňgubin. Mewö.

⁸Keu ohozali, mianön öl töhönja. Göñön mönö keu kewö kapañ köla jim tuarim enggiba malman: Ambazip Anutu möt narizei, yeñön mönö jegep aka kinda uruñini pöndañ nup ölöpnji ölöpnji memegöra ala malme. Mewö akñei, mianön mönö ambazip bauköm enggiiga nupñinangö ölnji eka “Qetpuk!” jiba malme. ⁹Tosatñan uruqahö keu aka ambösakon yeñgö qet areñi areñi eraum mötketka goranora anğururuk asuhumakzawi, göñön mönö mi yaköriba andö qeman. Mewöyök Mosesnön Köna keu neñgiyöhi, tosatñan keu mohot mohot miangöra möndömkösök aketka supapköiga sohomakza. Jitnakölik mewönji mi yuai omañi töhön aka qahöpmahöp bauköm enggimakza. Miangöra mi mönö andö qeba mosötman.

¹⁰Kunñan keu mewö jim öröba mianön urujujul mem enggimakzawi, i mönö galöm meme keu jim wañginönnga qahö tem köliga kunbuk jim wañginönnga yahöt aiga töndup yañgiseñ akña ewö, i mönö közölnönnga urumeleñ kambu mosöta yaigepñe malma. ¹¹Yañgö könañi kewö ahöi möt yaközan: Yañön köna siñgiba öñömböböp köla lolonqalon aka siñgisöndok ahakmeme ahakza. Siñgisöndokñi mianön mönö könañi kondeli sohom teköi Anutunönñ keuñi jim teköi könöp siagö buñaya akña. Mewö.

Yaizökök keu teteköñji

^{12f}Ni kömunjañ kie uru nalö ki siti qetñi Nikopolis Grik miangöreñ mösöhöba malmamgö mötzal. Miangöra Artemas me Tikikus salupke malmaköra melaibi göhöreñ kañgotmawi, nalö miangöreñ mönö nalö kude qem köri-manmö, zilañ mosöta Nikopolis kaba miwikñaim niñgiman. ^{13g}Köna keugö mötmöt azi (loya) qetñi Zenas aka Apolos yetkөн yuai kungöra osiba mözöqözörön aka Krit miangöreñ qaköba tatpahot-puk. Miangöra mönö kapañ köla öroyuai tosatñan dopñire nañgöm etkinönnga ölop toroqeba anmahot. ¹⁴Alaurupninan mönö nup ölöpnji ölöpnji memegö könañi möt soroköba pöndañ jegep aka zeñ kinda uruñini miangöreñ ala malme. Mewö aketka tosatñan lömböt keta bölöknji sañgabañga miwikñaimi, i ölop nañgöm enggimakñe. Mötnaripkö ölnji mewö ahuiga malmal gilipitñi (ambetakñi) önewat qahö malme.

¹⁵Nömbuk ki maljei, yeñön körek yaizökökñini jigetka göhöreñ kaza. Göñön alaurupnini Krit miangöreñ Kembu möt nariba uruñinan jöpaköm neñgimakzei, yeñgöra mönö nöñgö yaizökökni jinönnga mötme.

Kalem möriamnön mönö körek embuk ahöma.

Filemongö Kimbi

Polnönj Filemongöra Kimbi alök.

Jim-asa-asari

Azi öngöngöñji Filemon mi Kolosi sitinönj mala urunji meleyda zioz nup memba welenqeqeñji qetñji Onesimus galöm köliga töndup unjurata Rom sitinönj anök. Miangöreñ anda Polbuk mutalangöba keunji möta urunji meleyda Polbuk Buña nup meyohot. Polnönj kösö mire tata Onesimus toñangöra Kimbi ki ohoba böröñje ala melaiiga Kolosi lilingöyök. Kimbi kiangöreñ urunji meleyhöni, miangö buzupñji indela Filemon urunji kewö kuñguyök: “Gi mönö welenqeqegahö pinjitñji mosöta yambuk urumohok aka köl öröm wañginöñga urumeleñ alagi ewö qöhöröñge kiniga yañgöra söñgaiba malman.”

Buk kiangö bahöñji bohonñji 4 mi kewö:

Keu mutukñji 1-3

Polnönj Filemon möpöseiza 4-7

Onesimusgöra Filemongö urunji kuñguyök 8-22

Kimbigö keu kötnji bohonñji 23-25

1 O wölböt alani aka neñakni Filemon! Pol nönjön Jisös Kraistkö nupñji memakzalanğöra aka gwaröhöm niñgigetka kösö mire tatzal. Urumeleñ alani Timoti yañön nömbuk tariga nönjön göbuk keu eraum mötpitköra kimbi ki ohozal.

^{2h}Mewöyök ambi ketanji urumeleñ nenini Apia aka Arkipus urumeleñgö bimqeqe azinini aka urumeleñ könagesö göhö mire tokomakzei, nönjön kimbi ki eñgöra ohozal.

³Anutu Iwinini aka Kembu Jisös Kraist yetkөн kalem möriam eñgiy-ohotka luainöñ malme.

Filemongö urukalemñangöra möpöseiza.

⁴Nönjön nalö dop köuluköba gi mötmörim gihimakzalanğö dop kewögöra Anutuni saiwap jim wañgimakzal: ⁵Gi Kembu Jisös möt nariba jöpaköm wañgiba Anutugö ambazip sarakñji pakpak jöpaköba urukalem ak eñgiba maljan.

⁶Saiwap jiba kewö köulukömakzal: Mötnariplan mönö köhöiba pöwöwöm aiga ölop qöhöröñnine kinda nembuk mötnariplikö keunji jim sehiba malman. Mewö Kraistpuk qekötahöba kininga kalem ölopñji ölopñji neñgimakzawi, gi miangö könani körekñanök möt sölöñgöman. ⁷O urumeleñ alani, gi ambazip sarakñji körö-ölöwak qem eñginöñga amgöba malje. Urukalemgi miangöra nönjön gwötpuk söñgaibiga miayön uruni nañgömakza.

Filemonöñ Onesimus köl örömapköra qesiza.

⁸Mewö malnöñga Kraistpuk qekötahöziga ölop awösamkakak aka kukösum qakñje kinda yuai akñangö jim kutum gihibileñak. ⁹Mi töndup Anutunöñ uruñan jöpaköm netkizawañgöra aka ölop jimkutukutuni mosöta ulet miyök ulet gihimam. Gi Pol nönjö silikni mötzan. Nönjön azi namñi akzal aka Kraist Jisösgö nupköra aka nalö kewöñje kösö miri azia mewöyök akzal. ¹⁰ⁱNi kösö miri kiangöreñ alagi qetñji Onesimus aitongöba bauköm wañgibiga urunji meleyda mötnariplikö nahöni ahök. Miangöra merak yañö numbu jit memba yañgöra aka ulet gihizal. ¹¹Yañön mutuk welen qeba lañ möndöba injarere mala qemasolekep ak gihiba malökmö, nalö kewöñje letota gi

aka ni ölöppanök bauköm netkiiga ölni asuhumakɲawangö dop akza.

¹²Yañön nani wölböt nahöni akza aiga nani wölbötnei ewö melaim wangibi lilingöba göhöreɲ kaza. ¹³Nöñön Ölöwak Buɲagöra aka kösö mire tatzal. Miangöra Onesimus jöhöbi nömbuk mala göhö salupke bauköm niɲgimapkö mötzal. ¹⁴Mewö mötzalmö, bauköm niɲgimapkö qahö kuɲgum gihizal. Sihimgan jiiga bauköm niɲginöɲga dop köljapmö, göñön welenqegegi niɲgiman me aɲgön kölman, miangöra Oɲ! qahö jinöɲga nanök jöhöm wangimangö osizal.

¹⁵Onesimusnöɲ kewögöra aka gö-mosörök me? Yañön nalö töröptökɲi yaigep mala kunbuk lilingöba kaba göbuk nalö teteköɲi qahö malma. ¹⁶Mutuk welenqege omaɲi aka malökmö, nalö kewöɲe mi oɲgita azi qainɲi kun akza. Uruɲi meɲda mönö wölböt alanina akza. Nöñön yaɲgöra gwötpuk ak niɲgiiga göñön azi mi eknöɲga Kembugö buɲaɲi aiga yaɲgöra mewö ni noɲgita önöɲi qahö ak gihimakɲa.

¹⁷Göñön nömbuk ala-ala aka maljit mötnöɲga nöñön kabi köl öröm niɲgibanak ewö, mönö Onesimusnöɲ kaiga mewö köl öröm wangiman. ¹⁸Yuai kun ak bölim gihiyök me yaɲgöreɲ tosa kun göhöreɲ ahöza ewö, mia mönö nöɲgö tosa ya jinöɲ ahöma. ¹⁹Ni Pol mönö nani börönan kewö

ohozal, “Nöñön mi mekömam.” Nöñön bauköm gihibi urugi meɲeɲnöɲga tosaɲi ketanɲi mi mekömangöra nangi mewöɲanök nöɲgö buɲaya jim teköm aɲgunöɲga dop kölbawak. Miangöra ölöp kewö jibileɲak: Onesimusgö tosaɲi mi mönö jinöɲga nange tosa ya ahöma. ²⁰O urumeleɲ alani, Kembugö Buɲa gihiali, mi mönö meɲda bauköm niɲgimangö ak niɲgiza. Kraist qekötahözani, miangö dop mönö Onesimus köl örönöɲga nöɲgö urunan amgöba ölöwakɲa.

²¹Keuni tem kölmani, mi möt nariba keuni ohoba könaɲamgi kewö ahöi mötzal: Keu jizali, mi mönö oɲgita qet-puk ak soroköman. Mewö. ²²Keu kun ki: Eñön köulukögetka Kembunöɲ ni meɲeɲ niɲgii engöreɲ kamangö al mamböta jörömqöröm akzal. Miangöra mönö miri uruɲi kun nöɲgöra mem kelötman.

Yaizözkök aka kötuemötuet keu teteköɲi

^{23j}Alani Epafra yañön Jisös Kraistkö nupköra aka nömbuk kösö mire tata yaizözkökɲi ali göhöreɲ kaza. ^{24k}Neɲakurupni nup mohotɲe memakzini Mak, Aristarkus, Demas aka Luk yeñön mewöyök yaizözkökɲini algetka göhöreɲ kaza.

²⁵Kembu Jisös Kraistkö kalem möri-amnöɲ mönö uɲaɲini kötuatköba embuk ahöma. Mewö.

j1:23 Kol 1.7; 4.12

k1:24 Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11

Hibru Kimbi

Kunöj Hibru yeŋgöra Kimbi alök.

Jim-asa-asari

Jisösnöj Suepnöj öngöi miangö andöje yambu 35 miangö dop teköiga azi kun qetji qahö mötzini, yañön Kimbi ki ohoba Juda urumelej ambazip yeŋgöreñ alök. Juda yeñön Hibru (kian) keu jigerangöra qetjini Hibru qetket. Tosatjan Juda urumelej ambazip mi sesewerowero gwötpuk ak engigetka Jisösgö köna diñdini mosötpingö mötmöriba Juda yeŋgö köna walje dumje kunbuk aŋgotpingö mötket. Köna walji mi Köna keugö kapañkölköl.

Kimbi kiangö keu kötji 3 mi kewö:

1. Jisös, Anutugö Nahönji yañön sihimbölö ketani möta mewö miañön Iwiñi tem kölmamgö könañi mörök. Miangöra Suep garata, Moses aka kezapqetok ambazip pakpak engongita öngöngöñi akza.

2. Anutunöj Jisös kuñguiga nalö teteköñi qahö jike nup galömnini bohönji aka malma. Nanñi sepñi mokoyöhañgöra jöwöwöl ohohonöñ teköiga jike nup galöm tosatñi yeŋgöra qahö osibin.

3. Urumelej neñön Jisös möt naringa siŋgisöndoknini mosöta amöt qem neñgiba kömupnöhök meköm neñgiga keñgötnini qahö mötzin. Jike nup walji mi imutimut ewö aiga megetka Jisösnöj amötqeqegö könañi öljni indela nanñi jöwöwöl ohoho ewö akñegöra al aŋgyök.

Mötnarip ambazip ketani yeŋgö silikñinangö kösohotñi mi teteköñe (Boñ 11) ohoba mötnaripñinan sörraubapuköra kewö kuñgum engiza, “Sesewerowero ak engigetka miangö sihimbölönji mi mönö kapañ köla mökösoñda möta Jisösbuk luhut alme.”

Buk kiangö qambañi aka galöm meme keuñi mi nahömñambuk.

Buk kiangö bahönji bohönji 10 mi kewö:

Keu mutukñi: Kraistnöj Anutugö könañi indel teköyök 1.1-3

Kraistnöj garata pakpak engongitza 1.4-2.18

Kraistnöj Moses aka Josua etkoñgitza 3.1-4.13

Kraistnöj jike nup galöm pakpak engongitza 4.14-7.28

Kraistkö jöhöjöhö areñi mi jöhöjöhö areñ walñi oñgitza 8.1-9.28

Kraistkö sep busuñan jöwöwöl pakpak engongitza 10.1-39

Mötnarip mi yuai mutukñi aka bohönji 11.1-12.29

Ahakmemeninan Anutu uru ölöwak mem wañgime 13.1-19

Köuluk teteköñi 13.20-21

Uruwahöt keu aka yaizökök keu teteköñi 13.22-25

Anutunöj Nahönji melaiiga keuñi indelök.

1 Anutunöj mönö möpñangö möpñeyök könahiba köna murutñi murutñi wuatangöba keuñi indelmamgö mörök. Mewö möta keuñi nalö gwötpuk kezapqetok ambazip yeŋgö uruñine aliga aukñe jigetka amböskonurupninan möta mala kotket. ²Mewö mala kotketmö, nalö teteköñe malinga kewöñe mönö Nahönji melaiiga keuñi indela aukñe jiiga mörin. Nahönji yañön Iwiñi bauköiga Suep gölme aka mietkö öroyuaiñiri pakpak miwikñaiyo-hotka Nahönñan nalö teteköñe yuai pakpakö Toñi akñapakö jim teköi malja. ³Anutugö kaisoñgolomñan Nahönji ahöm wañgiiga eta kondelök. Anutugö asakmararañan mönö i kuñguiga biliksik aliga imutimut ewö ehin. Siŋgisöndoknini köñ köñjorat teköbagun

mönö Suep mire öngöba dumñi memba Öngöngöñamninangö böröñi öñje tatza. Mianğoreñ tata Suep gölmegö öröyui pakpak mi keuñi kukösumñambuknön bisiba galöm köla malja.

Anutugö Nahönñan Suep garata engonggita.

⁴ Anutunön Nahönñi qet wañgiiga mi-anjön mönö Suep garata yengö qetñini onğita aködamunñambuk akzawi, mi-anğö dop Nahönñan Suep garata engonggita ketanñamñini aiga nembö bapñe malje. ⁵ Anutunön nalö kunön Suep garataurupñi yengöreñök kungöra keu kewö qahö jiyök,

“Gönön nongö Nahöni aknönğa nönön merak göhö Iwigi akzal.”

Mewöyök keu kun kewö jii ahöza, “Nönön yanğö Iwiñi akiga yanjön nongö Nahöni akña.”

⁶ Keu mi dumñe kunbuk Nahönñi mutukñi jim teköiga gölmenön etmamgö ahöhi, nalö mianğoreñ mönö qeljine kewö jiyök, “O Suep garataurupni, iñini mönö körek pakpak yanğö waikñi memba möpöseiba malme.”

⁷ Suep garata yengöra keu kewö jii ahöza, “Anutunön mönö garataurupñi mem letot enğiiga luhut ewö aka anda kame. Welenqeçeurupñan mönö letota könöp bölam ewö aka anda kame.”

⁸ Yengöra mewö jiyökmö, Nahönñanğöra keu kun kewö jii ahöza, “O Kambu, gönön mönö jakömbuak dum tatatke nalö teteköñi qahö tat öngöman. Öropki kukösum-ñambuk mianjön qindinñaim neñginönğa ahakmeme diñdiñan mönö bemtohonğahö muñgemñi aka ahöm öngöma.

⁹ Gönön ahakmeme solanñanğöra ak gihiiga ahakmeme gonğonñanğöra ir-

imgi seholiiga kazik aka mala kotnön. Mianğöra göhö bemgi Anutu yanjön mönö al gihiiga alaurupki engonggita sösongai kelöknön gömiri maljan.”

¹⁰ Nahönñanğö keuñi kun mi kewö, “O Kambu, gönön könakonahiçe gölmegö tandönñi kuñgunönğa Suepkö jakeñi jakeñi mieñön mönö göhö börösöwögi akze.

¹¹ Suep gölme pakpak mieñön opo maluku ewö walñi aka ayapkömemö, gönön mönö köhöiba kin öngöman.

¹² Möki köpeimazkini, gönön mönö mi-anğö dop suep ehəkñi mi opo söro jöhözün ewö köpeim enginönğa letotme. Yuai pakpak utekömapmö, gönön mönö tandök mohot miyök aka yambugi (yaragi) teteköñi qahö mal öngöman.”

¹³ Anutunön nalö kunön Suep garataurupñi yengöreñök kungöra keu kewö qahö jiyök, “Gönön mönö kaba böröni öñje tatnönğa nönön mönö tuarenjoñurupki nalö sutñi kiangoreñ tim tötal engibiga et enğuiğa göhö könagahö döppñi aketka köiranğ albin.”

¹⁴ Nahönñanğöra keuñi keuñi mewö jiyökmö, Suep garata i mönö niña akze? Körek yeñön Anutugö welenqeçe uñaurupñi akze. Mewö aka ambazip oyaenğoyaenğ buña qem anğumei, i bauköm engimeğöra melaim enğii malje. Mewö.

Urunini qahö meleñbinbukö galöm meme keu

2 Mianğöra Buña keu mörini, mi mönö törörök möt asaribingö kapañ köla kezap alme. Gölmenön malmalgö iñi me waiñi kuññan neñguanğiri lañ anda kaba liklak malbin ewö, mönö Jisösgö

¹1:5 Sum 2.7; ² Sml 7.14; ¹ Hist 17.13

^m1:6 Dut 32.43

ⁿ1:7 Sum 104.4

^o1:8 Sum 45.6-7 ^p1:10 Sum 102.25-27

^q1:13 Sum 110.1

amötqeqe nupji oŋgita öne mala ayuhubuk. ²Keu mi kewö jim tuarimam: Mutuk Suep garata yeŋön Buja keu jigetka ambazip jöhöm eŋgii malget. Mewö mala denike yeŋön Köna keu qahö tem köla selji walöŋgeri, Anutunöŋ mönö körek yeŋgö keuŋini diŋdiŋanök jim teköba likepji melen eŋgii lömböt qakŋne öŋgöi mala kotket.

³Yeŋön lömböt miwikŋaigetka neŋön mewöŋanök akzin ewö, lömbötköra mönö denöwö ölöŋ kölbina? Amötqeqe nup ketanji mi nesampurek qakŋe nönöŋgan akin ewö, mönö lömbötnöhök ölöŋ kölbina osibin. Kembunöŋ könahiba amötqeqegö könaŋi indeliga tosatŋan keu mi jitŋeyök möta naŋgöba jim köhöigetka sehiba dop köl neŋgiyök. ⁴Mi naŋgöba jim köhöigetka Anutunöŋ yembuk mohotŋe kinda keuŋini naŋgöba jiiga aŋgöletot aiwesök könaŋi könaŋi mi kukösumŋinambuk asuhugetka Uŋa Töröŋi mokoba jitsihitŋangö dop mendeŋniga dop köl neŋgiyök. Mewö.

Jisösnöŋ datnini aka Suepnöŋ neŋguangitmamgö mötza.

⁵Suep gölme dölökŋi asuhumegö keuŋi jimakzini, Anutunöŋ nini miaŋgöreŋ Suep garata nembö baŋŋine malbingö areŋi qahö ala jim kutuyök. ⁶Mewö qahöpmö, keu mi kunŋan naŋgöba jiiga Buja Kimbigö kemaŋi kunöŋ kewö ahöza, “Gölme azinöŋ mönö niŋia aiga i mötmörim waŋgimakzan? Suep gölmegeö azi ölnan mönö niŋia aiga i köyan kölakzan?

⁷Göŋön i memba et al waŋginöŋga nalö töröpŋi Suep garata yeŋgö nembö baŋŋine eta eretŋi aka malök. Mali waŋgitnöŋga asakmararaŋnöŋ öŋgöiga kösasorom ila jalö waŋginöŋga aködamunŋambuk aka

qetbuŋaŋambuk malja. Mewö mala öröyuai pakpak galöm köla malja.

⁸Börösöwögi pakpak mönö yeŋgö jimkutukutuŋangö baŋŋe malmegöra memba et al eŋginöŋga malme.”

Keu miaŋgö dop yuai pakpak mi yeŋgö kukösum baŋŋe malmegöra memba et al eŋgiba miaŋgöreŋ yuai kun qahö mosöriga yeŋgö keuŋangö baŋŋe qahö ahöbawak. Areŋ mewö alökmö, nalö kewöŋe börösöwöŋi pakpak mi yeŋgö kukösum baŋŋe memba et al eŋgii tem kölakzeangö dop qahö eŋgehakzin.

⁹Mewö qahö eŋgehakzinmö, Jisösnöŋ mönö kewö letota mali ehakzin: Kömupkö sihimbölöŋi möröhaŋgöra Anutunöŋ waŋgiri asakmararaŋnöŋ öŋgöiga kösasorom ila jalö waŋgiiga ehinga aködamunŋambuk aka qetbuŋaŋambuk malja. Anutunöŋ kalem möriamŋi kondel neŋgimamgö möta körek neŋgöra aka kömupkö sihimbölöŋi mötmapkö jim teköyök. Miaŋgöra memba et al waŋgiiga nalö töröpŋi Suep garata yeŋgö nembö baŋŋine eta eretŋi aka malök. Mewö malökmö, nalö kewöŋe qetbuŋa öŋgöŋgöŋi memba malja. ¹⁰Anutunöŋ mönö öröyuai pakpak könaŋi akza. Yaŋön körek nini naŋŋi möpöseim waŋgibingöra aka miwikŋaim neŋgiiga maljin. Yaŋön ambazip sehisehiŋi neŋguangiri asakmararaŋnöŋ öŋgöbingöra mötza. Mewö möta amötqeqeninangö Toŋi mi qahö aŋgön köliga sihimbölö möta mewö miaŋön nupji mi mem teköi asakmararaŋi pakpak miwikŋaimapkö möri dop kölök.

¹¹Kunöŋ mem sarahim neŋgimakzawi aka ambazip sarakŋi ahakzini, körek neŋgö kondotkondot Toninan mönö mohot akza. Miaŋgöra Jisösnöŋ qetnini

“Alaurupni,” mewö qetmamgö gamuñi qahö mötza. ¹² Kōnaninaᅅgōra Buᅇa keu kun kewō jii ahōza, “Nōᅅn mōnō gōhō qetki mi nani alaurupni yeᅅgōra qet asarim eᅅgiba urumeleᅅ kōnagesō sutᅅine kinda möpōseim gihimakᅅam.”

¹³ Mewōyōk miangō Buᅇa keuᅅi kun kewō jii ahōza, “Nōᅅn mōnō mötnaripni Anutugōreᅅ ala malmam.” Dumᅅe kunbuk miangō Buᅇa keuᅅi kun mi kewō jii ahōza, “Mōtnōᅅ, ni aka Anutunōᅅ nahōnbōrat niᅅgiyōhi, neᅅn mōnō ki maljin.”

¹⁴ Kunōᅅ mem kōmum neᅅgimamgō kukᅅi memba maljawi, Jisōsnōᅅ mōnō i tulumgōi gemapkōra aka kōmumba miangōn luhut alōk. “Bōlōᅅᅅgō Toᅅi tulumgōmam,” jiba ambazip sep busuni-nambuk maljini, miangōra yaᅅn mōnō mewōyōk nembuk tandōk mohot miyōhōk gōlme azia ahōk. ¹⁵ Ambazip malmalᅅini gōlmenōᅅ maljeangō dop kōmumbingō keᅅgōᅅᅅinan jōhōm eᅅgii mala kotkeri, mi mōnō kōrek pōsat eᅅgii solanimegōra aka gōlme azia ahōk. ¹⁶ Sup garata kōyan kōl eᅅgimapkōra gōlme azia qahō ahōkmō, Abrahamgō gwōlōnarōkurupᅅi nini mōt angōn kōla baukōm neᅅgimakᅅapᅅkōra mōnō mewō ahōk.

¹⁷ Kōnaᅅi miangōra aka yaᅅn örōyuai pakpak miangōreᅅ alaurupᅅi nembuk tandōk mohot miyōhōk ahōk. Jike nup galōmnini bohōᅅi aka nupᅅi nōmtik memba ak kōmum neᅅgiba malmapkōra mōnō nembuk tandōk mohot ahōk. Tandōk mohot akagun mōnō ölōp jᅅᅅememenini aka jike galōm bohōᅅangō nupᅅi memakza. Mi memamgōra siᅅgisōndokninangō tōwaᅅi ala Anutugō jeᅅe mi kōl kōᅅjōrarōk. ¹⁸ Gōlme azia aiga esapkōm waᅅgigetka nanᅅak sihibōlō mōta

malōhi, miangōra ambazip esapkōm neᅅgimakzei, nini mōnō ölōp baukōm neᅅgimakᅅa. Mewō.

Jisōsnōᅅ Moses oᅅgita ōᅅgōᅅgōᅅi akza.

3 Miangōra urumeleᅅ alaurupnini sarakᅅi, Sup Toᅅan eᅅgoholi nembuk kambu mohot maljei, eᅅn mōnō urumōtmōᅅᅅini pōᅅᅅaᅅ Jisōsgōreᅅ ala malme. Anutunōᅅ i melaiiga aposol aka jike nup galōmnini bohōᅅi akzawi, yaᅅgōra mewō jim miwikᅅaimakzin. ² Mosesnōᅅ Anutugō kōnagesōᅅi pakpak mi memburikᅅi qahōpmō, pōᅅᅅaᅅ galōm kōl eᅅgiba malōk. Miangō dop Jisōsnōᅅ mewōyōk kun kungum waᅅgiyōhi, yaᅅgō keuᅅi (misila) tōrōrōk wuatangōba memburikᅅi qahōpmō, pōᅅᅅaᅅ nōmtik memba malōk. ³ Miri aka azi miri meyōhi, mi kewōt etkiinga mitimqeᅅe azigō qetbuᅅaᅅan mōnō mirigō qetbuᅅaᅅi gwōᅅpuk oᅅgita. Miangō dop Moses aka Jisōs kewōt etkiinga Jisōsgō asakmararaᅅi oᅅgōᅅgōᅅan mōnō Moses gwōᅅpuk oᅅgita. Kōnaᅅi mewō eka miwikᅅaimakzin.

⁴ Miri pakpak mi kungō bōrōsōwōya akzemō, yuai pakpak mi mōnō Anutugō bōrōsōwōᅅi akza. ⁵ Mosesnōᅅ Anutugō kōnagesōᅅi pakpak mi memburikᅅi qahōpmō, pōᅅᅅaᅅ welen qem eᅅgiba malōk. Mewō mala Anutunōᅅ kōᅅᅅeᅅe azi kungōra jiyōhi, mōnō keu miangō sōpsōᅅᅅi mi qelᅅiᅅe indela dangunuᅅa kinōk. ⁶ Mewō kinōkmō, Kraistnōᅅ mōnō Anutugō Nahōᅅi aka Iwiᅅangō keuᅅi (misila) nōmtik memba kōnagesōᅅi pōᅅᅅaᅅ galōm kōl neᅅgiba malja. Anutugō kōnagesōᅅi mi neᅅn akzin. Oyaᅅᅅkoyaᅅ akingō jōrōmqōrōm aka miangōreᅅ qekōtahōba silenini memba oᅅgōba awōsamkakak

kin köhöim teköbin ewö, mönö Anutugö urumelenj könagesöñi aka malbin. Mewö.

Yangiseñ aka malbinbukö galöm meme keu

⁷vMiangöra injini mönö Uña Töröñan keu kewö jimakzawangö dop akñe, “Dölkewöñe Anutunöñ enggohola keuñi sañep ali mötze ewö,

⁸uruñini mönö mötmöt bölöñan kude gwözöñme. Engö ambösakonurupñinan gölme qararañkölkölñe kaba nalö kunöñ Anutu qetala esapköm wangiba karim akeri, injini mönö miangö dop Anutu qetala akepek.

⁹Yeñön gölme qararañkölkölñe kaba Anutu ni esapköm niñgiba malget. Angöletot aka memba malali, injini mi yambu (yara) 40 miangö dop eka mala mi töndup ni qahö möt narim niñgigetka urunan böliiga malal.

¹⁰Miangöra ambazip kambu nalö miangörej gölmenöñ malgeri, yeñgöra aka irimni seholiiga kewö jial, ‘Yeñön mönö sundan uruñinan kahapmahap aka janjuñ anakze. Mal-malgö köna kusum enggiba malalmö, mi qahö möt kutuget. Qahö!’

¹¹Mewö jiba irimsesewöl qakñe keuni jim kutuba jöjöpañ keunan mi jöhöba kewö jial, ‘Luhut memba malmegö areñ al enggialmö, yeñön mönö oyaenköyaen miangörej qahö angotme.’”

¹²O urumelenj alaurupni, injini mönö kewögöra galöm mem anguba malme: Engörejök kungö uruñan gonggiiga mötnaripñan sörauba eri Anutu malmal Toñi andö qeba malbapuk. ¹³Mewö qahöpmö, siñgisöndökö isimkakalekñan tilipköm enggi miangön engörejök kungö uruñi gwözöñbapuköra mönö

silim dop sutjine uru kungum anguba malme. “Merak” keu mi jimakzini, miangö dop mönö jölöngöm anguba malme. ¹⁴Nini Kraist möt angön köla yambuk kambu mohot aka maljin. Mutuk urunini meñda uruyahöt yaköriba awösamkakak miwikñaiiba malini, mewö gölmenöñ malbinangö dop kapañ köla köhöiba kinbin ewö, mönö oyaenköyaen akin.

¹⁵wBuña keu mi kunbuk jiba kewö ohozal, “Merak Anutunöñ enggohola keuñi sañep ali mötze ewö, uruñini mönö kude gwözöñme. Engö ambösakonurupñinan Anutu qetala karim akeri, injini mönö Anutu miangö dop qetala akepek.”

¹⁶xAmbazip denike yeñön Buña keu möta Anutu qetala karim aket? Mosesnöñ könagesö enguangiri Ijpt mosöta kageri, yeñön mönö körek mewö aket. ¹⁷Ambazip denike yeñgöra aka yambu (yara) 40 miangö dop irimñi seholiiga kazik ak enggi malget? Ambazip siñgisöndök aketka mem kömum enggi silenjan gölme qararañkölkölñe eta kölgeri, yeñgörej mönö mewö asuhuyök. ¹⁸Luainöñ luhut memba malmegö areñ ala nanñini gölmenjine kude angotmegö keuñi jim kutuba jöjöpañ keuñan jöhöyöhi, keu mi mönö dagöra jiyök? Ambazip keuñi qetala yangiseñ malgeri, mi mönö yeñgöra aka jiyök. ¹⁹Keu miangö könañi mi kewö ek asarizin: Yeñön Anutu qahö möt nariba yangiseñ akerangöra aka nanñini gölmenjine angotpingö osiget. Mewö.

Anutunöñ könagesöñi sonda kendon neñgima.

4 Anutugörej angota luainöñ luhut memba malbingö keu jöhöyöhi, keu miangön mönö pöwöwöm köhöikñi

ahöm nengiza. Miangöra engöreñök kunjan löwöriba nanji Suep köna ananji mi kembangan kutui mewö miwikñaim wangibinbuk. Miangöra mönö sutnine galöm mem angubin. ²Gölme qararankölkölñe kagetka Ölöwak Buja jim asarim nengiget ewö jiget mötketmö, keu mi mönö silesile mötketka uruñine qahö geyök. Miangöra mötnaripñini qahö qiwikñaiiga tönpin öne malgetka qahö bauköm engiba pömsöm qeyök. ³Urunini meleñda möt nariba maljini, neñön mönö Anutugöreñ angota luhut memba oyaenköyaen malbin, mi mötzin. Anutunöñ miangö Buja keuñi mi kewö jii ahöza, “Mewö jiba irimesesewöl qakñe keuni jim kutuba jöjöpañ keunan mi jöhöba kewö jial, ‘Luhut memba malmegö areñ al engialmö, yeñön mönö oyaenkö-yaen miangöreñ qahö angotme.’”

Anutunöñ Suep gölme miwikñaim etkii nalö miangöreñök könahiba oyaenköyaen miriñan lök memteköteköñi ahözapmö, töndup keu mewö jiyök. ⁴Anutunöñ silim 7:ñangö keuñi jiiga Buja Kimbigö kembangan kunöñ kewö ahöza, “Sömañi 7 aiga Anutunöñ nupñi pakpak mem teköyöhangö luhut memba kendon tarök.” ⁵Anutunöñ Buja keu mi toroqeba kewö jii ahöza, “Luhut memba malmegö areñ al engialmö, yeñön mönö oyaenköyaen miangöreñ qahö angotme.”

⁶Ambazip tosatan Anutugö oyaenköyaen miwikñaiba luhut memba malmei, keu miangön mönö pöwöwöm köhöikñi ahöm nengiza. Ölöwak Buja mutuk könagesö jim asarim engigeri, yeñön mönö qeqetalñinangöra aka oyaenköyaenñöñ qahö angota luhut qahö meget. ⁷^bLuhut qahö megerangöra

aka Anutunöñ mönö kunbuk nalö kun ala qetñi Nalö dölkewöñi qerök. Nalö köröppñi teköiga nalö miangö Buja keuñi döлки jiba ohozali, mi mönö Deiwidköreñ indeli kewö jiyök, “Dölkewöñe Anutunöñ engohola keuñi sañep ali mötze ewö, uruñini mönö kude gwözöñme.”

⁸^cMewö jiiga Josuanöñ enguanñiri oyaenköyaenñöñ angota luhut membeak ewö, Anutunöñ mönö nalö kungö keuñi mi könangep qahö jibawak. ⁹Mi qahö jibawakmö, Anutunöñ mönö ölna könagesö luhut meme nengii oyaenköyaen miwikñaibin. Keu miangön mönö pöwöwöm köhöikñi ahöm nengiza. ¹⁰^dMiangö könañi kewö: Anutunöñ nanji nupñi meyöhangö luhut memba kendon taröhi, miangö dop kunöñ Anutugö oyaenköyaenñöñ angota luhut memawi, yeñön mönö nanji nupñi meyöhangö luhutñi mi mewöñanök memba oyaenköyaen malma. ¹¹Miangöra nini mönö Anutugö oyaenköyaenñöñ angota luhut memenji miwikñaibingö kapañ kölbín. Engöreñök kunöñ et qeba könagesö walñi yeñgö qeqetal tandökñini miyöhök wuatangöbapuköra mönö kapañ kölbín.

¹²Anutugö keuñi mi memguliguligö könañi aka kukösum-ñambuk akza. Bimgö sou ketañi mi likep likep jitñirambuk akzapmö, Anutu keuñangö jitñan mönö sou ketañi pakpak engongita jit kötök aiga jitñi bahöbahö mi mauñambuk akzahot. Keu miangön mönö uru uñanini kutuba ömenöñ me Anutugö Uñañan inahöm nengimakzawi, mi undeñda kuñgum nengimakza. Sile kitip toroqeqenini aka sihitninangö digonñi mi mewöyök kewöta (keunini asa-asambötñi

^y4:3 Sum 95.11 ^z4:4 Jen 2.2 ^a4:5 Sum 95.11 ^b4:7 Sum 95.7-8

^c4:8 Dut 31.7; Jos 22.4 ^d4:10 Jen 2.2

miwikṡaiba) ölöṡṡi aka bölöṡṡi menderṡ etkimakza. Urukönömnini aka mötkutukutu areṡnini mi kewöta keunini jim tekömakza.

¹³ Anutunöṡ yuai pakpak miwikṡaii ahözawi, miangöṡreṡök yuai kun mi asa-asambötṡe qahö ahöiga ölöṡṡanök ehakza. Yuai kun esuhuinga Anutunöṡ esunini mi ölöṡ luluṡda ehi yaṡgö jemesoholṡe aukṡeyök ahöza. Ahakmemeni-naṡgö kösohot pakpak mi mönö yaṡgöra jim asaribanaṡgö dop akzin. Mewö.

Jisösnöṡ jike nup galömnini öṡgöṡgöṡi akza.

¹⁴ Jisösnöṡ jike nup galöm bohonṡi öṡgöṡgöṡi ak neṡgiza-waṡgöra aka neṡön “Möt narim waṡgizin,” jiba jim miwik-ṡaimakzini, miangöṡreṡ mönö köhöiba kinbin. Jisös Anutugö Nahönṡan mönö Suep jakenṡi jakenṡi eṡgongita öṡgöba tatza. ¹⁵ Urumötmötnini tosatṡan lölöwöröṡi aketka jike nup galöm tosatṡan miangöra wösömötmöt qahö ak neṡgimakzemö, nanine jike nup galömninan mönö qainṡi kun kewö akza: Yaṡön mönö nini ewö ahakmeme pakpak miangöṡreṡ nembuk tandök mohot esapköm waṡgiba malgetmö, mi töndup siṡgisöndok kun qahö ahök.

¹⁶ Jike galömninan mönö eu kalem möriamgö dum tatatṡe tata ak kömum neṡgimamgö mörakza. Miangöra mönö awösamkakak qakṡe kinda yaṡgö kösutṡe anbin. Yaṡgö kösutṡe aninga kalem möriamgöra osizini, miangö nalö diṡdiṡe mönö bauköm neṡgiiga mi ölöṡ miwikṡaibin. Mewö.

Galöm bohonini Jisösnöṡ mönö bauköm neṡgimakza.

5 Gölmegö jike nup galöm bohonṡi pakpak mi ambazip sutṡineyök möwölöhöm eṡgiba nup kewö memegöra kuṡgum eṡgimakzin: Yaṡön ambazip jitṡememenini aka Anutubuk urumohot aka malbingö nupṡi mamba siṡgisöndok ahinaṡgö sömbup kalemṡi kalemṡi mi Anutugöra ala miangön jöwöwöl ohomakza. ² Nanṡi urumöt-mötṡi tosatṡan mewöyök lölö-wöröṡi akza. Miangöra ambazip gukmaulem qakṡe janṡuṡ ahakzei, mi ölöṡ wösömötmöt qakṡe ak neṡgimakza. ^{3e} Lölöwöröṡi akza-waṡgöra mönö nanṡi siṡgisön-dokṡi aka könagesöurupṡi yeṡgö siṡgisöndokṡini mewöyök köl könjöratmapköra sömbupnöṡ jöwöwöl ohomakza. ^{4f} Kunṡan qetbuṡa mi nanṡaṡgöra qahö buṡa qem aṡgumapmö, Anutu-nöṡ Aron oholöhi, miangö dop mönö i mewöyök oholṡa.

^{5g} Miangö dop Kraistnöṡ mewöyök nanṡak jike nup galöm bohonṡi akṡapkö qetbuṡaṡi mi nanṡaṡgöra qahö buṡa qem aṡguyökmö, Anutunöṡ kewö jim kutum waṡgiyök, “Göṡön nöṡgö Nahöni aknöṡga nöṡön mönö merak göhö Iwigi akzal.”

Keu miangö dop jike nup galöm bohonini ahök.

^{6h} Keu miyöhök jii Buṡa Kimbigö kembaṡi kunöṡ kewö ahöza, “Göṡön mönö Melkizedek ewö jike nup galöm aka nalö teteköṡi qahö mal öṡgöman.”

⁷ⁱ Jisösnöṡ silebuk gölmenöṡ mala miangöṡreṡ mönö nalöṡi nalöṡi köuluköba köhöikṡanök qeriga imbilṡan eri Anutu kömupnöhök mekömapkö köhöiyöhi, i qesim waṡgiba malök.

^e5:3 Lew 9.7 ^f5:4 Eks 28.1 ^g5:5 Sum 2.7 ^h5:6 Sum 110.4

ⁱ5:7 Mat 26.36-46; Mak 14.32-42; Luk 22.39-46

Qesim wangiba mala Anutu göda qeba keuangö bapne al anguba malöhangöra Anutunöj köuluknji mörök. ⁸Nahönji ahökmö, Anutunöj mi töndup sihimbölö qahö jöhöi qakne öngöi möta miangörej temkölkölgö könaji miwiknaiba möt soroköyök. ⁹Mi möta aködamunji pakpak miwiknaibagun mönö oyaenkoyaej teteköni qahö malbingö kondotkondot Toñi ahök. Miangöra ambazip yangö jiti tem köla maljei, mi pakpak mönö ölop kondot engiiga oyaenkoyaej akne. ¹⁰Toñi mi aiga Anutunöj i Melkizedek ewö jike nup galöm bohonji aknapkö jim teköba al wangiyök. Mewö.

Mötnaripkö öljä sohabapakö galöm meme keu

¹¹Keu mi ölop toroqeba gwötpuk jim qaribinakmö, eñön keu möta wu-atangöbingö tanqan aka gaunjeje akze. Miangöra mi jim asarim engibingö osikosi akzin. ¹²Injini nalö köröpñi kö-nagesö walñi mala ölop nalö kewöñe lök böhi qaqazu akneangö dop akeakmö, nanñinak Anutugö keu kötnji mutuknji mi kunñan dumñe kunbuk kusum engimapköra osimakze. Injini mönö qaköba Buña keu mi juzu ewö nembangö mötze. Nene köhöiknji ewö mi nembangö osimakze. ¹³Kunñan mi juzu ewö nembra maljawi, yañön mönö toroqeba morösesep ewö akza. Anutugö jeñe solanji akingö keu kusum engiinmö, yañön miangö könaji qahö möt kutuba tönpin malja.

¹⁴Morösesep ewö maljapmö, nene köhöiknji mi ambazip mötmötñinan qariyöhi, mönö yeñön nemegöra aka ahöza. Ambazip Buña keu sundan köl guliba malgetka urumötmötñinan lök möñaiiga ölop amqeba silik pakpak kewöta ölopñi aka bölöñi menden etkiba ölopñi wuatangömakze. Nene köhöiknji mi yengöra aka ahöza.

6 Miangöra Kraist könangö keu kötnji mutuknji lök möta miangörej mönö kude qaköbin. Mewö qahöpmö, mönö toroqeba qariba aködamuninambuk akingö kapañ köla malbin. Mötnaripkö tandöñi lök kunguba mi mönö dumñe kunbuk könahiba kungubinbuk. Tandö mi uruñine kewö kunguin: Ahakmemenini köhömuñi mosöta urunini melejda Anutu möt narim wangiin.

²Urunini melejninga mötnaripkö keu kembangan kembangan kewö kusum nengigetka mörin: Singisöndoknini kökönjöratmegöra o melun aka amötqeçe könaji könaji miengö könajini kusum nengiget. Böröñini qaknine alalgö könaji kusum nengiget. Guliba kömupnöhök wahötpingö könaji kusum nengiget. Anutunöj keunini jim teköi teteköni qahö köhöiknji ahömapkö könaji kusum nengiget. ³Mötnaripkö tandöñi mewö kungubagun mönö toroqeba möt qaribingö mötzin. Anutunöj ösum-mumu nengimakzawangö dop mönö aködamunini pakpak miwiknaibingö kapañ köla kinbin.

⁴Mewö kinbingö möta miangörej qaköba etpinbuköra aka kinjin. Ambazip kewöñi mi uruñini melejmegöra enguangitpingö osimakzin: Tosatñan uruñini nalö kunöñ asariiga Anutunöj Suep kalemñi engii möta söngagetka Uña Töröñan ösupköm engii malget. ⁵Anutu Buña keuangö nahömñi mötketka oyaenkoyaej nalö könangepñangö kukösumñan mönö uruñine gei mötket. ⁶Mi pakpak mötagun mönö mötnaripñini mosöta Anutu andö qeget. Ambazip mi uruñini kunbuk melejmegöra enguangitpingö osimakzin. Yeñön Anutugö Nahönji ilita dumñe kunbuk maripomnöñ qeçe ewö memba et ala aukne gamu qem

wanġimakze. Mewö mianġon mönö nanġini geŋmororöŋ ak anġumakze.

⁷Mi söpsöp keu kianġö dop: Kienöŋ nalö gwötpuk yöhöba gölme qakŋe eta uruŋe geba gölme mem kelöriġa nup toŋanġö welenqeŋeuruŋan nene kömötketka Anutunöŋ gölme kötuetsköiġa ölnġi asuhui kölkömöt toŋi yeŋġon mi memba köweŋine alakze.

^{8k}Mewö alakzemö, koururuk aka siriuret wahinġambuk mianġon gölmenöŋ asuhuba wahörakzawi, gölme mianġon mönö nesakŋi akza. Toŋi yeŋġon mi saitköbingö mötze aka kapaŋ köla mambötketka ölnġi qahö asuhui eka teteköŋe mönö kuŋgugetka jema.

⁹O wölböt alaurupni, neŋġon söpsöp keu mewö jizinmö, mi töndup inġini uruŋini meleŋda malmeanġöra mönö uruyahöt qahö akzin. Enġö uruŋine Buŋa keuġö ölnġan mönö asuhum qarimapköra möta awösamkakak kinġin. Anutunöŋ ölnġi mi eka mönö meköm enġii letota Suepnöŋ öngöme.

¹⁰Anutunöŋ mönö ekbonep qakŋe goŋgoŋi qahö akza. Inġini Anutugö ambazip sarakŋi bauköm enġiba mala kota toroqeba bauköm enġiba nup memba malakze. Mewö urukalemġini Anutu kondel wanġigetka qetbuŋan qarimakzawi, yaŋġon nupġini aka urukalemġini miangöra mönö qahö ölum qeġa kitipġi meleŋ enġima.

¹¹Nini oyaenġkoyaenġ akingö jörömqöröm aka miangöreŋ awösamkakak uruyahöt qahö kinmegö sihimnini möta kewö awöweŋgömakzin: Inġini nanġök nanġök Anutugö urukönöp ahakzei, miyöhök mönö toroqeba kondela malme. Aködahun-ŋinambuk akingö kapaŋ köla gölmenöŋ mal tekömeanġö dop miangöreŋ mönö kude löwörime. ¹²Qölzöm akepuköra mönö awöweŋgömakzin. Anutunöŋ

oyaenġkoyaenġ yuai neŋġimamgö keu jöhöyöhi, tosatŋan Anutu möt nariba sihimbölöŋini möta mökösoŋda mewö mianġon mi buŋa qem anġumakze. Inġini yeŋġö silikŋini wuatanġömegöra mötzin. Mewö.

Anutugö jöhöjöhö keu mi uruyahötġi qahö.

¹³Anutunöŋ Abraham jöhöjöhö keu wanġiba mi nanġi qetġi qeta jöjöpaŋ keuŋan jim köhöiyök. Kunöŋ Anutu onġita öngöŋgöŋi malbawak, ölop yanġö qetġi qetpawakmö, mewöŋi kun qahö maliga miangöra mönö nanġi qetġi qeta jöjöpaŋ keuŋi jiġa köhöiyök. ¹⁴Jöhöjöhö keuŋi mi Abrahamgöra kewö jiba jiyök, “Nöŋon mönö ölnġa kötuetsköm gihimam. Mönö ölnġa gwölönarök gihibiga sehime.”

¹⁵Mewö jiġa Abraham yuai wanġimapkö keu jöhöi ahöyöhi, yaŋġon mi ölnġambuk akŋapkö kapaŋ köla mamböta mala ölnġi buŋa qem anġuyök.

¹⁶Ambazipnöŋ ketaŋamġinanġö qetġi qeta jöjöpaŋ keu jiget mörakze. Jöjöpaŋ keuŋinan keu jizei, mi mem köhöiġa qeapköbingö osigetka keu jijiŋinan teköza. ¹⁷Miangö dop Anutunöŋ keuŋi Abrahamgö gwölönarökurupġi neŋġon mötġingöra jöhöba jiyök. Keu areŋi mi kunöŋ qeapköba utekömamgö osizawi, gwölönarökurupġi neŋġon jöhöjöhö keu miangö könanġi mi törörök möt yaköbingö mörök. Miangöra jöhöjöhö keuŋi jiġa mutukŋi aġa keu mi kunbuk jöjöpaŋ keuŋan jim köhöiġa indimġi yahöt ahök.

¹⁸Anutunöŋ keu mi jiba miangö muneŋ jimamgö osiyök. Yaŋġon keu utekutekŋi qahö mi jibagun jim köhöiyöhi, miangö mönö urunini nanġömapköra mörök. Miangöra mi jibagun jim köhöiyök. Neŋġon

gölmegö ahakmeme bölöneyök ölon köla Anutugörey angota oyaenkoyaeñ neñgimapkö jörömqöröm neñgiyöhi, mi mönö töp memba mamböta maljin. ^{19m}Oyaenkoyaeñ akingö al mamböta miangö uruyahötñi kun qahö ahakzin. Jörömqörömnini miangön uruninangö kösö mendanji tandök ewö aka nini Jisösbuk jöhöm neñgimakza. Jörömqörömninangö kösö mendanji köröpñi miangön mönö neñgöreñök kónahiba Sup jikegö uruñe öngöba jike oleni yahötkö sutñire opo sel ahözawi, mi mewöyök kutuba toroqeba Jisös jakömbuak dum kömbukñe tatzawañgöreñ anja. ²⁰ⁿJisösnön mönö jitñememenini aka mutuk euyangöreñ öngöba jakömbuak dumñi memba nalö teteköñi qahö tat öngöma. Mewö Melkizedek ewö jike nup galömnini bohonñi aka malja. Mewö.

Jike nup galöm Melkizedekö kösohot

7 ^oMelkizedek azi mi miri qetñi Salem miangö kiñ kembuñi aka Anutu öngöñgöñangö jike nup galömña malök. Mewö maliga Abrahamnön kiñ kembuñi kembuñi bim qeba luhut al eñgiba lil-ingöba miriñe kayöhi, nalö miangöreñ kaba Abraham miwikñaiba kötuatköm wañgiyök.

²Kötuatköm wañgiiga sukinapñi pakpak mendeñda ten miengöreñök mohot mohot (1/10) memba nalukña al wañgiyök. Melkizedek qet miangö könanji mi “ahakmeme solanñangö kiñ kembuñi.” Qetñangö dop mutuk “ahakmeme solanñangö kiñ kembuñi” ahök aka toroqeba mewöyök “Salemgö kiñ kembuñi” malök. Salemgö kiñ kembu qet miangö könanji mi “luaigö kiñ kembu”. ³Melkizedeknön iwinamñi aka

saiwaurupñi qahö, ahuahuhu nalöñi qahö aka kömukömuñi qahö. [¶]Mewö jike nup galöm bohonñi aka nalö teteköñi qahö mal öngöma. Yañön Anutugö Nahönñangö tandök ewö akza.

⁴Bömönjalönni Abrahamgö gödaqege silikñan Melkizedekö könanji kondeli mi kewö ek asarime: Abraham nanjak sukinap yuai aködamunñambuk kalöpköba memba kayöhi, miengöreñök böro yahöt (10) pakpak kewöta bahönji mohot memba Anutugö nalukña al wañgii miangöra Melkizedeknön mönö ölna öngöñgöñi ketanji qainji kun akza. ^{5p}Anutunön Köna keuñan keu kewö jim kutum neñgii ahöza, “Liwaigö gwölönarökurup al engigetka jike nup meme azi (Liwait) aketka könagesö eñön mönö sukinapñini böro yahöt (10) pakpak kewöta miengöreñök bahönji mohot memba Anutugö naluha al eñgimakñe.” Yeñön inini ewö Abrahamgö gwölönarökurupñi akzemö, mi töndup nanñini könagesöurupñini eñgö böroñineyök naluknini mi buña qem angumakñe.

⁶Jimkutukutu keu mewö ahözapmö, Melkizedeknön Liwaigö gwölönarökñi kun qahö akza. Mi töndup Abrahamnön Anutugö jöhöjöhö keu möt angön köla mala sukinapñi kewöta tenöhök mohot memba Anutugö nalukña alöhi, mi mönö buña qem anguba kötuatköm wañgiyök. ⁷Ketanamninnangö nembö bapñine maljini, yeñön mönö kötuatköm neñgigetka maljin. Keu mi qañ kölbingsö osimakzin.

⁸Könagesö neñön tenöhök mohot memba Anutugö naluha alakzini, mi gölmegö jike nup meme (Liwait) ambazipnön buña qem angumakze. Yeñön gölmenön mala kömumakzemö,

¶7:3 Buña Keunön Melkizedekö iwinamñi aka saiwaurupñi, ahuahuhu aka kömukömu nalöñi mi qahö jim asariza.

Suep mire euyangörej kungöra nangöba jigetka köhöiba mal öngömawi, yañon mönö mi buja qem angumakza. ⁹Abrahamnön sukinapñi kewöta börö yahöt (10) pakpak miengörenek bahöñi mohot memba Anutugö nalukña alöhi, yañon mi gwölönarökñi Liwaiğöra mewöyök qeljiñe alök. Mewö jiinga ölop dop kölbawak. Nalö kewöñe tenöhök mohot memba Anutugö nalukña alakzini, mi bömöniñi Liwaiğö gwölönarökurupñan buja qem angumakze. ¹⁰Liwaiğö salupñe mewöyök naluk alöhi, miangö könarñi kewö: Liwainön amböñangö körö uruñe tariga Melkizedeknön mönö nalö miangörej kaba Abraham miwikñaiyök. Mewö.

Melkizedek mi Jisösgö söpsöpñi akza.

¹¹Anutunön Köna keujan Israel ambazip jim kutum neñgiiga miangö dop Liwai kambunöhök azi kungum enjiinga jike nup galömnina aket. Nup mi megetka mewö miangön aködamunini pakpak miwikñai binak ewö, nini mönö jike nup galöm qainñi kungöra qahö osibinak. Nup miangö ölnan qahö dop kölöhañgöra aka Jisösnön mönö Melkizedek ewö asuhuyök. Ambazipnön i Arongö areñangö dop qahö kungugetka asuhuyök. ¹²Jike nup galöm nupñangö könanjan uteközawi, nalö miangörej köna keuninan mönö mewöñanök uteköza. ¹³Jike nup galöm qainñi kun keu mi Kembuninangöra jizinmö, yañon Liwai kambunöhök qahöpmö, mönö kambu kunöhök asuhuyök. Kambu miangö azi kunjan mönö jöwöwöl jikegö altanön kinda nup qahö memba malök. ¹⁴Kembuninan Juda kambunöhök asuhuyöhi, keu mi aukñe ahöza. Mosesnön Juda kambu

yeñon jike nup galöm kölmegö keu kun qahö jiyök.

Jike nup galöm Melkizedek ewö kun

¹⁵Miangöra jike nup galöm kun Melkizedekö tandök ewö asuhuzawi, miangön mönö keu jizinañgö ölni mi aukñeyök kondeliga dopñe akza. ¹⁶Yañon gölme ambazipnön Köna keu wuatangöba kambuñangö dop jim kutugerañgöra aka jike nup galöm qahö ahökmö, malmal köhöikñi qahö ayapkömawi, miangö kukösumñan mönö nam köl wañgiiga jike nup galöm ahök. ¹⁷qKunön yangö könarñi nangöba jiiga Buja Kimbinön kewö ahöza, “Göñon Melkizedek ewö jike nup galöm aka nalö teteköñi qahö mal öngöman.” ¹⁸Anutunön mewö jiba jimkutukutu mutukñi mi qeapköyök. Keu miangö kukösumñan qahöwahiga bauköm neñgimapkö osimakzawi, miangöra mi qeapköyök. ¹⁹Köna keunön ambazip aködamunini miwikñai binagö qahö bauköm neñgiyök. Qahö. Miangöra keu areñ mutukñi qeköba salupñe jörömqöröm qetpuk sorok neñgiza. Nini jörömqöröm miangö qakñe kinda ölop Anutugö kösutñe anda köulukömakin.

²⁰Anutunön jike nup galöm dölokñangö keunji jiba mi jöjöpañ keujan jim köhöiyök. Mewö ahökmö, jike nup galöm tosatñi yeñgö keunji mi jöjöpañ keunön qahö jim köhöigetka töndup mewö aket. ²¹rTosatñan jike nup galöm öne aketmö, Anutunön Jisös kunguba keunji mi jöjöpañ keujan jim köhöiba yangöra kewö jiyök, “‘Gi mönö jike nup galöm aka nalö teteköñi qahö mal öngöman.’ Kembunön keunji mi jöjöpañ keujan jim köhöiba uruñan mi qahö uteköma.”

²²Jöjöpañ keu miangöra aka Jisösnön mönö jöhöjhöh areñ dölokñangö ölni

asuhumapkö galömni akza. Mewö Anutu aka ambazip sutnine nup memba malja. Jöhöjöhö arej mianjón walni ongita qet-puk sorok akza.

²³ Jike nup galöm tosatji mi mönówök gwötpuk malget. Kómumba nupni tороqeba membingö osigeri, miangöra mi mönö gwötpuk malget.

²⁴ Yeñön gwötpuk malgetmö, Jisösnön nalö teteköni qahö mal öngömawi, miangöra jikegö galöm nup mi mönö teteköni qahö memba mal öngöma.

²⁵ Nup mi memba maljawangöra Jisösnön ambazip yangöreñ kagetka enguangiri Anutugö kösutje anakzei, mi ölop köhöiba amöt qem engii keujinan kömumakza. Nalö dop yeñgöra aka Anutu köulukömak-ñapköra maljawi, miangöra mönö ölop amöt qem neñgim tekömakza.

²⁶ Jike nup galöm bohonji mewöñan mönö ölop dop köl neñgiza. Yangön töröni köpösihitkö keuji qahö aka sarakni akza. Anutunön Jisös siñgisöndok ambazip neñgöreñök tiriñ kutuba wangiri Suep jakeni pakpak kutuba euyangöreñ öngöba qainni kun akza.

²⁷ ^sJike nup galöm tosatjan sömañi sömañi mutuk nanjini siñgisöndokñi-nangöra aka miangö andöñe könagesö yeñgö siñgisöndokñinangöra aka sömbupnön jöwöwöl ohoba maljema. Jisösnön nanji silenji köleñniga jöwöwöl ohoho ewö ak wangigetka mewö mianjón könagesö neñgö siñgisöndoknini mi indim mohot miangöreñök lök köl könjörari dop köl teköza. Miangöra Jisösnön mi jike nup galöm tosatji ewö nalö dop ahakñapkö qahö osiza.

²⁸ Anutunön Köna keuji Moses wanggiiga miangö dop ambazipnön azi mi kuñgum engigetka jike nup galöm bohonji ahakze. Gölme azi yeñön kukösumñini qahö maljemö,

Anutunön oyaenköyaen akingö keuji mi könangep neñgiba mi jjöpañ keujan jim köhöiyöhi, miangö dop Nahönji kuñguiga bohonini akza. Bohonini yangön mönö aködamunji körek pakpak lök miwikñaiba nalö teteköni qahö köhöikni mal öngöba malma. Mewö.

Jöhöjöhö arej dölökñangö jike nup galöm bohonji

8 ¹Keu jizini, miangö keu kötni bohonji mi kewö: Nini mönö jike nup galöm bohoninambuk akzin. Bohonini yangön mönö Suep mire öngöba Öngöñgöñamnini yangö jakömbuak dum tatat qöhöröñe böröni öñje tatza. ²Opo seri jike ölni mi Suepnön ahöza. Mi gölme azinön memeni qahöpmö, Kembunön nanjak mi meyök. Jike nup galöm bohonini yangön mönö opo seri jikegö oleni töröni kötökni miangöreñ mala Anutu welenji qemangö nupni memakza.

³Gölmegö jike nup galöm bohonji pakpak mi naluk kalem Anutugöra ala sömbupnön jöwöwöl ohoba malmegöra kuñgum engimakzin. Miangö dop jike nup galöm bohonini Jisösnön mewöñanök nanji Anutugö nalukña al wangiyök. ⁴Mosesgö Köna keugö dop naluk kalem Anutugöra alakingöra azi lök kuñgum engigetka malje. Miangöra jike nup galöm bohonini mianjón gölmenön malbawak ewö, yangön mönö gölmegö jike nup galömni akñamgö osibawak.

⁵^uGölmegö jike nup galöm yeñön gölmegö jöwöwöl jikenön Anutu welenji qebingö nupni memakze. Jike mianjón mönö Suep jike kömbukñangö söpsöpñi aka imutji akza. Mosesnön jike kömbukni opo serinön memamgö ahöhi, nalö miangöreñ Anutunön Suep

jikeŋaŋgö areŋi mi indelök. Indel teköba galöm meme keuŋi kewö jii mörök, “Mötnöŋ, kundunŋe malnönŋa areŋ kon-del gihiali, yuai pakpak mönö miangö dop törörök wuatangöba memam.” Miangö dop opo serinöŋ jöwöwöl jike meiga mianjön mönö Suep jikegö ko-rembiŋi ahök. ⁶ Anutunöŋ oyaenŋkoy-aenŋ akingö jöhöjöhö keu dölökŋi neŋgi-iga mianjön jöhöjöhö keu walŋi oŋgita ölöp sorokŋi akza. Jöhöjöhö keu mianjön areŋ dölökŋaŋgö tandöŋi akza. Jöhöjöhö areŋ dölökŋi mianjön mönö areŋ walŋi oŋgita qetbuŋaŋambuk akza. Qetbuŋa miangö dop Jisösnöŋ jöhöjöhö areŋ dölökŋaŋgö nupŋi ölöp sorokŋi mi buŋa qem aŋguba Anutu aka ambazip sutnine kinda bauköm neŋgimakza. Nupŋi miangö mönö gölmegö jike nup memerŋi mi gwötpuk oŋgita aködadamunŋambuk akza.

⁷ Jöhöjöhö areŋ mutukŋan keuŋi qahö aka dop kölbawak ewö, jöhöjöhö areŋ könangeŋan asuhumapköra öne qahö mamböt-pinak. ⁸ ^v Mewömö, ambazipnöŋ töndup böligetka Anutunöŋ könani miwikŋaiba jim eŋgiba kewö jiyök, “Kembu nöŋön kewö jizal: Mötket! Nalö kun kam kuŋumawi, miangöreŋ Israel kambu aka Juda kambu embuk jöhöjöhö areŋ dölökŋi akŋam.

⁹ Nöŋön ambösakonurupŋini böröŋine memba Ijpt kantrinöhök eŋguaŋgitpiga yaigep kagetka yembuk jöhöjöhö areŋ ahalmö, yeŋön nöŋgö jöhöjöhö areŋ mi qahö qekötahöba tem kölget. Miangöra nöŋön mewöŋanök i andö eŋguyal. Kembu nöŋön mewö jizal. Jöhöjöhö areŋ dölökŋi akŋami, mi Buŋa keu walŋaŋgö dop qahö.

¹⁰ Mewö qahöpmö, nalö mianjön kam kuŋguiga Kembu nöŋön mönö Israel könagesö yembuk jöhöjöhö areŋ dölökŋi kewö aka jimam: Nöŋön mönö nani Köna keuni pakpak mi yeŋgö mötmötŋine ala uruŋine kimbi ewö ohobi ahöma. Mewö aka yeŋgö Anutuŋini akiga yeŋön mönö nöŋgö könagesöni aka malme.

¹¹ Nalö miangöreŋ ketani moröŋi mi körekmakörek nöŋgö könani möt yaköba malme. Miangöra böhi kunöŋ Kembangö könani mötmegöra sutŋine qahö kusum eŋgiba malma. Datŋan munŋaŋgöra kewö qahö jima, ‘Gi mönö Kembu möt yaköman.’

¹² Kewögöra ni möt yaköm niŋgiba malme: Nöŋön ahakmemerŋini bölöŋi mi saŋgoŋda mosötмам. Siŋgisöndokŋinangöra mönö ölum nuŋgui mi qahö toroqeba mötmörimam.”

¹³ Anutunöŋ jöhöjöhögöra “Dölökŋi” jiba mewö mianjön jöhöjöhö areŋ mutukŋaŋgöra “Mönö walŋi ahök,” jiiga könani mewö asuhuyök. Keu areŋ kunöŋ nalö köröpŋi ahöba walŋi akzawi, mianjön mönö ayapkömamgö dop akza. Mewö.

Gölmegö opo seri jikenöŋ Anutu kewö möpöseiget:

9 Anutunöŋ jöhöjöhö areŋ mutukŋi aka miangöreŋ mewöyök waikŋi memba möpöseibingö areŋi mi jim kutui wuatangöget. Mi wuatangöba gölmenöŋ opo seri jike megetka ahöyök. ² ^w Anutugö opo seri jike kömbukŋi mi kewö meget: Jike olenŋi mutukŋi miangöreŋ lambegö dum tatatŋi aka beret kömbukŋi mi Anutugö jemesoholŋe tebolnöŋ buŋaŋa alget tarök. Jike uruŋi miangö qetŋi mi jike olenŋi köm-

bukñi. ^{3x}Miangö andöje jike uru qetñi jike oleni töröñi kötökñi mi ahöyök. Jike oleni yahöt mietkö sutñire opo sel kinök.

^{4y}Jike oleni töröñi kötökñi miangöreñ jiniñ ohohogö altañi aka jöhöjöhö areñgö bokisñi mi ahöyohot. Altañi mi goulñöñ memeni aiga bokis silenji mi körek goulñöñ turuturuñi ahök. Paura qetñi mana mi goul kumbutñöñ ala bokis miangö uruñe galöm kölget. Mewöyök Arongö öröpñi sötñi jujulñi aka Anutunöñ jöhöjöhö areñi kötnöñ ohoi ilañi mi bokis miangö uruñe galöm kölget. Bokis uruñe yuai karöbut mi mewö ahöget. ^{5z}Bokis qakñe imut yahöt goulñöñ memeni mi Anutunöñ dowe mali asakmararañgö söpsöpñi aka kinohot. Imut yahöt mi ginginñiri kötula bokis önunñi turuba kinohot. Bokis önunñi mi Anutugö köñjörat dumñi ahök. Keu mohot mohot mi nalö kewöñe nanñök nanñök törörök eraum mötpinañgö dop qahö.

^{6a}Anutugö opo seri jike kömbukñañgö yuai pakpak mi mönö mewö areñgögetka ahöiga jike nup galöm yeñön nalö dop jike oleni mutukñi miangöreñ öngöba Anutu welenni qeba nupñini memba malget. ^{7b}Mewö malgetmö, jike nup galöm bohonñi yañönök (yara) yambu dop indimñi mohot miangöreñ jike oleni töröñi kötökñi miangöreñ öngöba malök. Sep memba miangöreñ öngöba nanñañgöra aka könagesö yeñön gukmaulem qakñe siñgisöndok akeri, mönö miangöra aka jöwöwöl ohoba sepnji mokoï erök.

⁸Mewö areñgöba aketka Uña Töröñan söpsöp mi kondela miangön ambazip kewö kusum neñgiba malök: Jike oleni mutukñañ toroqeba kinjawi, nalö miangöreñ Anutunöñ jike oleni töröñi

kötökñañgö könañi mi aukñe qahö indeliga malget. ⁹Keu mi nalö kewöñañgö söpsöpñi akza. Könañi kewö: Ambazipnönñ kalemñi kalemñi naluk ala jöwöwöl memba kagetka ohomakzemö, uruñinan töndup luai miwikñaibingö osimakze. Uruñinan siñgisön-dok akerañañgöra aka tölöhoi jöwöwöl memba kaba Anutugö jike kömbukñe öngöba kölulukö-makzemö, miangön mönö siñgisöndokñini köñjöratpingö osimakze.

¹⁰Nene kalem aka o kalem memba kaba an köñ kam köñ aketka o melun könañi könañi mem ençimakzemö, mewö silegö jimkutukutuñi miyök wuatangañ-makze. Yuai mi mutuk dop köli aka malgetmö, Anutugö areñ dölökñañgö nalöñan kam kuñguiga miangöreñök könahiba qahö toroqeba dop köñma. Mewö.

Kraistkö sepnjañgö könañi

¹¹Kraistnönñ kaba oyaençkoyaen neñgi-makzawañgö jike nup galöm bohonñi ahöhi, yañön gölmegö opo seri jike kömbukñi azinöñ memeni miangöreñ qahö öngöyökmö, mönö Suepkö jike kömbukñe öngöyök. Jike kömbukñi miangön öngöñgöñi akza. Aködamunñan mönö asakmararañambuk. ¹²Miangöreñ öngöba uruñi mutukñi kutuba meme (noniñ) aka bulmakau moröñi mieñgö sepnini qahö memba anökmö, nanñi sepnji mokoïga miangön nam köñ wangi-iga Suepkö jike oleni töröñi kötökñi miangöreñ öngöyök. Miangöreñ nalö mohotkö dop öngöiga dop köñ teköza. Sohopnini mewö memba oyaençkoyaen akingö kondoriga nalö teteköñi qahö dop köla ahöm öngöma.

^{13c}Mutuk meme (noniñ) aka bulmakau aziñi ençguba sepnini

^x9:3 Eks 26.31-33 ^y9:4 Eks 30.1-6; 25.10-16; 16.33; Jañ 17.8-10; Eks 25.16; Dut 10.3-5 ^z9:5 Eks 25.18-22 ^a9:6 Jañ 18.2-6 ^b9:7 Lew 16.2-34
^c9:13 Lew 16.15-16; Jañ 19.9, 17-19

memba kaba bulmakau ambi seramñi mianñon jöwöwöl ohoba miangö bupgahajöñi mewöyök memba kaba ambazip kölköl-jinjinambuk mianñon qewöсахöba engömirigetka dop köl engiyök. Mewö amöt qem engigetka mianñon silenini sanjonña mem sarahim engii malget. ¹⁴Mewö aket ewö, Kraistkö sepnan mönö amötqeqe tandök mi gwötpuk oñgita kewö ak neñgimakza: Sepnan mönö urunini tölöhoi sanjonña kömup köhöikñangö buña akingö ahakmemenini mi köl könjörarakza. Mewö ak neñgiiga malmal Tonj Anutu welenñi qebingö nupñi mi amqeba memba malbin. Uña Töröñan mala kota teteköñi qahö mal öngömawi, yañon mönö Kraist bauköm wanggiiga köpösihitñi qahö malökmö, neñgöra aka nanñi köleñ anguba Anutugö jöwöwöl lamanñi ahök.

¹⁵Könañi kewögöra Kraistnön jöhöjöhö areñ dölöknangö galöm bohonñi akza: Anutunön ambazip oyaenköyaen aka nalö teteköñi qahö mewö malbingö keu jöhöba engoholöhi, miñon Anutugö Buñanñi mi buña qem angumegöra mötza. Miangöra Kraist aliga Anutu aka ambazip sutnine urumohot akingö nupñi memba malja. Jöhöjöhö areñ mutukñangö nalöñe ambazipnön köna oñgita siñgisöndok aketka mianñon jöhöm engii malgeri, Kraistnön i miengöreñök pösat engimangöra aka kömumba sohopñini meyök.

¹⁶Kunjan öröyuaini pakpak malmalñi tekömawi, miangöreñ alañangö buñanñi akñapkö jim kutui keu ahözawi, alañan buña mi zilañ qahö mema. Zilañ qahöpmö, keu toñan kömui könañan aukñe asuhui eketka miangöreñ mi ölöp buña qema. ¹⁷Jebuk maliga nalö miangöreñ keuñi mianñon öljambuk

qahö akñapmö, keu toñan kömuigun keuñan mönö kukñambuk akña. ¹⁸Keu miangö dop jöhöjöhö areñ mutukñi mi mewöyök sep qahö öne öljambuk qahö ahök.

¹⁹^dÖljambuk kewö ahök: Mosesnön Köna keugö jöjöpañ keu pakpak mi kö-nagesö körek yengöra oyonñdagun mönö bulmakau moröñi aka meme (noniñ) enguiga sepninan erök. Eri mi memba obuk mindiriba lama juññi pisikñi gu-gakgagak memba songorep suñe jöhöba sepnön kundumgöba qewöсахöi Köna keu Kimbi lama silenñe ohoba lip-ingögeri, mi miriyök. Mi miribagun kö-nagesö pakpak sutñine liliköba sep onön kundumgöba giliga mianñon qewöсахöi engömiriyök. ²⁰Mewö engömiriba kewö jiyök, “Anutunön keuñi tem kölmegöra jim kutum engiba embuk jöhöjöhö akzawi, mönö miangö sepnä ki.”

²¹^eMewöñanök opo seri jike kömbukñi mi tok sepnön kundumgöba giliga mianñon kundumgöba miriyök. Amötqeqe nup memegö aködämun yuaini pakpak mi mewöyök kundumgöba gili miriyök. ²²^fKöna keunön jim kutuzawangö dop i me wai pakpak mi mönö sepnön sanjonninga sarakñi ahakza. Kunön sep qahö mokoza ewö, Anutunön mönö siñgisöndoknini qahö mosötma. Mewö.

Kraistkö sepnan siñgisöndoknini köl könjörarakza.

²³Suep jike kömbukñangö söpsöp imutñi imutñi mi gölmenön jöwöwöl ohoho aka mewö mianñon amöt engugetka sarakñi aketka dop köljapmö, Suepkö öröyuaiğöra mi qahö dop kölja. Miangöra Kraistnön jöwöwöl ohoho qainñi kun aka mianñon Suep jikegö öröyuaini pakpak mi mönö amöt enguiga sarakñi aketka

dop kölök. Jöwöwöl ohoho qainñi kun mianñon mönö gölmegö jöwöwöl ohohoñi oñgita aködämunñambuk akza. ²⁴Mianñö könañi kewö: Kraistnön jöwöwöl jike oleni töröñi kötökñi azinön memeni mianñöreñ qahö öñgöyök. Mi Anutugö jike öljangö söpsöpñi miyök ahök. Kraistnön mönö Suep miri öljñ mianñöreñ öñgöba nalö kewöñe bauköm neñgimakñapköra jittjememenini aka Anutugö jemesoholñe asuhumakza.

²⁵Jike nup galöm bohonñan yambu (yara) dop sömbup seppini mamba jöwöwöl jike oleni töröñi kötökñi mianñöreñ öñgöba malök. Kraistnön mianñö dop qahö ahakza. Yañon Suep mire indimñi gwötpuk qahö öñgöyök. Anutugö jöwöwöl lamaanñi aiga yambu (yara) dop qemakñegöra aka eu qahö öñgöyök.

²⁶Indimñi mohotñan qahö dop kölbawak ewö, yañon mönö Anutunön Suep gölme miwikñaim etkiyöhi, nalö mianñöreñök könahiba sihimbölönji bölönji möri indimñi sehisehiñi akawak. Mewö qahöpmö, gölmegö nalönñan tekömamgö aiga nalö kewöñe indim mohot miyök siñgisöndok köl könjöratmapköra aka asuhuyök. Asuhuba nanñi jöwöwöl ohoho ewö ak wañgimegöra al añguyök. ²⁷Gölme ambazip neñgö areñnini kewö ahöza: Nini nalö kunön kömumbin aka mianñö andöñe Anutunön keunini kewöta jim teköm neñgima.

²⁸gAreñ mianñö dop Kraistnön mewöñanök ambazip sehisehiñi neñgö siñgisöndoknini köl könjöratmapköra indim mohotkö dop kaba nanñi jöwöwöl ohoho ewö ak wañgimegöra al añguyök. Yañon nalö kunön lilingöba kama. Siñgisöndoköra aka kunbuk qahö kamapmö, ambazip asuhumapkö mambörakzini, mönö nini oyaenñkoyaen

neñgiba neñguañgitmapköra aka asuhuma. Mewö.

Indim mohot kömupnön al añgui dop köl teköza.

10 Köna keu walñi mianñon oyaenñkoyaen akingö könañi öljñ qahö akzäpmö, oyaenñkoyaen asuhumawangö imutimutñi miyök ahöza. Köna keugö könañi mewö ahözawañgöra aka ambazip Anutu möpöseibingöra jike kömbukñe nalö dop öñgömakzei, yeñon mönö letota aködämunñinambuk akingö osimakze. Yeñon nalö tetekönji qahö naluk kalem wañgita ala jöwöwöl ohoho miyök yambu (yara) dop toroqeba aka malgetmö, mianñon qahö dop kölök. ²Mianñon dop kölbawak ewö, jöwöwöl ohoho mi ölöp mosötpeak. Jike kömbukñe Anutu waikñi mamba möpöseigeri, yeñon indim mohot amöt eñgugetka sarakñi ak teköbeak, mewö mönö siñgisön-dokñinañgö gamuñi mi qahö toroqeba mötpeakmö, mi toroqeba mötket. Mianñöreñ sömbup kalem mi toroqeba nalukñina almalget.

³Yambu (yara) dop jöwöwöl ohoba malgeri, mianñon mönö toroqeba siñgisöndokñinañgö gamuñi mi jim gulim eñgii malget. ⁴Bulmakau aziñi aka meme (noniñ) yeñgö seppinan mönö siñgisöndok köl könjöratmapkö osiza. Mi esapkögetmö, qaköba mala kotket.

⁵hMianñöreñ Kraistnön gölmenön eta asuhuyöhi, nalö mianñöreñ kewö jiyök, “Anutu, göñon naluk kalemgöra aka jöwöwöl ohome-göra qahö köpösöñgöba malnönmö, gölmenön malmalgö sileñi mi mözözömgöba niñginön.

⁶Jöwöwöl ohoba siñgisöndokñinañgöra aka naluk kalemñi kalemñi ala mal-

geri, mi eka miangöra qahö söngaiiba malnöj.

⁷Nalö miangörej kewö jial, ‘Anutu, mötnöj, nöjön ki kazal. Nöngö könanani mi papia lipinlipini miangörej ohogetka ahöza. Miangö dop mönö göhö sihimgahö dop aka memba malmam.’”

⁸Mutuk kewö jiyök, “Naluk kalem ala jöwöwöl ohoba siŋgisöndokñinan solanimapköra yuai könanani könanani aka malgeri, miangöra mönö sihimgan qahö asuhui möta malnöj. Mi eka miangöra qahö söngaiiba malnöj.” Yuai mi Köna keu waljangö dop toroqeba ahakzemö, mi töndup mewö jiyök. ⁹Miangö andöje keu kewö jiyök, “Anutu mötnöj, nöjön mönö ki kaba göhö jitsihitkahö dop aka memba malmam.” Mewö jiba Anutu waikni memba möpöseibingö könanani mutukni mi qeapköba köna dölökni kuŋguyök. ¹⁰Anutugö jitsihitjan nam köl waŋgiiga silejan jöwöwöl ohoho ewö aket teköi miangöra mönö tök kutum neŋgi sarakni ak teközin. Indim mohotkö dop sileji köleŋniga miangön nalö dop mönö söp köla ahöm öngöma.

¹¹Nalöni nalöni jike nup galöm pakpak miejön kinda jike nupini memakze. Sundan dop jöwöwöl ohoho miyöhök dumje kunbuk ahakzemö, miejön siŋgisöndokñini köl könjöratpingö osimakze. ¹²Miejön osimakzemö, Suepkö jike nup galöm bohongan mönö indim mohotkö dop siŋgisöndököra aka sileji köleŋniga nalö teteköni qahö dop köla ahöm öngöma. Jöwöwöl ohoho ewö ak waŋgigetka Sup jikenöj öngöba Anutugö böröni ölje tatza. ¹³Miangörej tata nalö sutni kiangörej Anutunöj tuarenjojurupni töтали et

enjuiga Kraist könanangö döpnj^{§§} aketka köiraŋ kölbingö mamböta malja.

¹⁴Indim mohotkö dop kömupnöj al angui jöwöwöl ohoho ewö ak waŋgigetka miangön dop köl teköi ölop ambazip tök kutum neŋgi sarakni akingö dop akzin. Mewö ölop mem letot neŋgiiga aködamunini pakpak miwikñaiba nalö teteköni qahö mewö mal öngöbin.

¹⁵Uña Töröjan mewöyök keu mi nangöba jiiga mötzin. Mutuk keu kewö jii ahöza:

¹⁶^k“Kembu nöjön kewö jizal: Nalö tosatjan tekögetka miangörej mönö jöhöjöhö arej yembuk akrjami, mi kewö: Nöjön Köna keuni pakpak mi mönö uru könomjine ala mötmötjine kimbi ewö ohomam.”

¹⁷^lMewö jiba kewö toroqeyök, “Nöjön mönö yeŋgö siŋgisöndok-ñini aka ahakmemenini iwilelebuk akeri, miangöra ölum nuŋgui mi qahö toroqeba mötmöriba malmam.” ¹⁸Keu miangö dop Anutunöj mi mosöri keuninan kömuyöhi, siŋgisöndok miangöra jöwöwöl ohobinangö dop qahö akzin. Mewö.

Anutubuk kapaŋ köla malbingöra nenggholök.

¹⁹Miangöra urumelen alaurupni, Jisösgö sepan sanjoŋ neŋgiiga mönö ölop Anutugö jike oleni töröni kötökni miangörej öngöbin. Mewö möt narim köhöiba uruyahöt qahö ahakzin.

²⁰Jisösnöj köna anangö köna dölökni mesariga nanjak malmal köhöikjangö könanani ak neŋgiza. Köna mi nanji sileji köleŋda mewö miangön mesari ahöza. Köna mi tiba Anutugö jikenangö opo selni kutuba jike oleni töröni kötökni

§§10:13 Kerökurupni memba et al engiba luhut ala gamu qem engbingöra könanan tuapköba qakjine döj ewö tölanjiba malget. Juda yeŋgörej köna mewö.

ⁱ10:11 Eks 29.38

^j10:12 Sum 110.1

^k10:16 Jer 31.33

^l10:17 Jer 31.34

miangörey öngöbin. Jisösgö sileñan nam köl neñgiiga opo selñi mi ölop kutubin. ²¹Jisösnöñ jike nup galöm öngöñgöñi ak neñgimakza. Yañön Anutugö könagesöñi pakpak galöm köl neñgiba malja.

²²Mewö maljawangöra neñön mönö geñmon mosöta uruyahöt körek yaköriba pöndañök mötnarip qakñe kinda Anutugö kösutñe anda köüluköba malbin. Sepñan qewösahöi neñgömriiba uru tölöhöpnini sañgoñniga sarakñi aka malbin. Uruninan qahö toroqeba jim neñgiiga mönö awösamkakak malbin. O sarakñi ariinga mem tuarim neñgiiga mewö mönö Anutubuk qekötahöba malbin. ²³Anutunöñ oyaenköyaen akingö keu jöhöba neñgyöhi, yañön mönö keuñi pöndañ wuatangöba nembuk kinja. Mewö kinjawangöra aka mewö akingö mamböta jörömqörömñi jim miwikñaimakzin. Miangörey mönö koñgwarak mosöta zeñ kin köhöiba malbin. ²⁴Urukalem aka ahakmeme ölopñi akingöra mönö uru kuñgum aka nangöm anguba malbin. Mewö malbingöra mönö pöndañ galöm mem anguba malbin. ²⁵Tosatñan nanñini urumeleñ könagesögö totokoñini mosörakzei, neñön mönö silik miangö dop kude aka malbin. Mewö qahöpmö, Kembu kamawangö aiwesökñi eka nalöñan dopdowimapkö mötzini, miangö dop mönö kapañ köla köhöiba uru kuñgum anguba malbin.

²⁶Buja keu ölni mötagun nanini imbi-imbis qakñe siñgisöndok lañ akin ewö, siñgisöndoknini miangöra mönö naluk jöwöwöl kun albingö osibin. Jöwöwöl ohoho kun mi qahö bauköm neñgima. ²⁷Mi qahö bauköm neñgimapmö, Anutunöñ keunini mi jim teköba likepñi meleñni qaknine

öngömapkö mamböringa jönömninan undui keñgötnini möta malbin. Anutugö könöpnan tuarenjoñ-urupñi engohomawi, miangö kukñi miyök asuhumapköra mönö mamböta malbin. ²⁸Kunñan Mosesgö Köna keu andö qezawi, i mönö keu jakeñe algetka yahöt karöbutñan keuñi nangöba jigetka keuñambuk akña ewö, i mönö kude ak kömum wangigetka kömupkö buñaya akña.

²⁹PMewö akñapmö, ambazip kun kewöñangö keuñangöra mönö denöwö mötmörize? Kunöñ Anutu Nahöñangö keuñi könañan tökötahöba gilakza. Jöhöjöhö areñ dölökñangö sepñan lök tök kutum wangii sarakñi ahökmö, sep mi yuai omani ewö memba et alakza aka kalem möriam Toñi Uña Töröñi mi ilita mepaqepaik ak wangimakza. Kunñan mewö aiga Anutunöñ keuñi kewöta likepñi dawikö dop wangii dop kölbawak? Köna keu qetala kömupkö buñaya akingö dop akzinmö, Anutunöñ ambazip mewöñangö likepñi mi mönö könöpuk ak wangii qakñe öngöi sihimbölö önöñi qahö möta malma. Wani sihimbölönöñ mönö dop köl wangibawak? Yangö könañangöra mönö denöwö mötmörize?

³⁰Keu kun kewö ahöza, “Jinöñ jibi, nuñgunöñ guhubi, aknöñ aki mi nöñgö nuwa. Nöñön mönö ambazip keuñi-nangö likepñi meleñmam.” Toroqeba keu kun kewö jii ahöza, “Kembunöñ könagesöurupñi engö keuñini kewöta jim teköma.” Kun dañön mewö jiyöhi, neñön i möt wangizin. ³¹Anutu malmal Toñangö jeñe kinda et neñgui böröñan neñgumawi, miañön mönö kanjamñambuk kötökñi akña. Mewö.

³²Löwöribepuköra kewö jizal: Anutugö asakñan kaiga buja qem anguba

^m10:22 Lew 8.30; Eze 36.25 ⁿ10:27 Ais 26.11 ^o10:28 Dut 17.6; 19.15

^p10:29 Eks 24.8 ^q10:30 Dut 32.35, 36

asarigeri, mönö nalö mutukŋi mi möt-möriba malme. Nalö miangöreŋ mötnaripkö bim qeba sihibölö gwötpuk mi-wikŋaiba mi töndup aum-möriba aonŋit aka kin köhöiget. Mi mönö kude ölum enguma. ³³Nalö tosatŋe gamu qem engiget köŋjiliŋ mötketka qenjaröknöŋ engehiba malget. Nalö tosatŋe alaurupŋini tandök mewöyök ak engigetka yengö qöhöröŋine kinget. ³⁴Tosatŋi kösö mire alget tatkeri, mönö i engeka sihibölöŋini mohotŋe möta malget. Sukinapŋini kiom qeba megeri, mi mönö sösongai qakŋe möt angön köla malget. Suepkö ainemaluku qainŋi kun qahö ayapkömawi, mi ahöm engizawangö möta miangöra urukölalep möta malget.

³⁵Miangöra awösamkakakŋini mönö nalö kewöŋe kude gila mosötme. Mi kude mosötketka Anutunöŋ mönö miangö töwanŋi ketanŋi engima. ³⁶Anutunöŋ yuai engimapkö keu jöhöi ahözawi, eŋön mi buŋa qem angumegöra kinje. Miangöra Anutugö jitsihitŋi wuatangöba lömböt möta mökösongda kapaŋ köla malme ewö, Suepkö buŋanŋi miaŋön mönö engö buŋa akŋa. ³⁷Kewögöra mönö kin köhöiba malme: Nalö töröptökŋi miyök mönö toroqeba mamböringa “Kunbuk kamawaŋön mönö kam kuŋguma. Nalöŋi qahö qem körii öŋgömapmö, nalöŋangö dop törörök kama.

³⁸Törörök kamapmö, nöŋgö alanan ahakmeme diŋdiŋi wuatangömakzawi, yangö mötnaripŋan mönö nam köl wangii mal köhöim öŋgöma. Kunbuk eleŋda mötnaripŋi mosötma ewö, mi qahö dop köli urunan mönö yangöra qahö söŋgaima.”

³⁹Keu mewö ahözapmö, neŋön ambazip uruŋini kunbuk eleŋda mötnar-

ipŋini mosöta könöp siagö buŋaya akŋei, mönö yengö kambunöŋ qahö kinjin. Mewö qahöpmö, mötnaripŋini mi mönö galöm kölinga Anutunöŋ amöt qem neŋgii mala Suep mire öŋgöbinangö dop akzin. Mewö.

Ambazip mötnaripköra aka yuai kewö asuhuyök:

11 Mötnaripkö könaŋi kewö: Yuaigö jörömqöröm akzini, mi asuhumapköra mönö köhöiba uruyahötŋi qahö möt narizin. Yuai qahö ehəkŋi miangö dop aka memba ölni ekingö mamböta awösamkakak kinjin. ²Möpŋangö möpŋeyök könahiba ambazip mötnaripŋinan nam köl engiiga uruŋini melengetka Anutunöŋ engehi dop köliga jim ölöwak engiiga malget. ³Mötnaripŋinan nam köl neŋgiiga yuai pakpakö könaŋi kewö möt asarimakzin: Anutunöŋ keuŋi jim kutuba miaŋön Suep gölmegö öröyuaŋi pakpak miwikŋaiyök. Miangöra nalö kewöŋe yuai ehakzini, mi yuai ehəkŋi miangöreŋök qahö letota asuhuyök.

Abel, Enok, Noa yengö mötnaripŋini

⁴Kein (Kain) Abel yetkön Anutugöra jöwöwöl ohoyohotka Abelnöŋ uruŋi melenŋiga mötnaripŋan nam köl wangii törörök tem köliga köwakŋan diŋdiŋi öŋgöyök. Mewö öŋgöiga Anutunöŋ jöwöwölŋi ehi dop köli jim ölöwahök. Jim ölöwaka Abelnöŋ solanŋi ahöhi, Anutunöŋ keuŋi mi nangöba jiiga mötnaripŋan nam köl wangii mörök. Mewö möta mala kömuyökmö, mi töndup nalö kewöŋe ahakmemenŋi möringa keu miaŋön mönö toroqeba urunini kuŋguba nangöm neŋgimakza.

⁵Azi qetŋi Enok yaŋön mönöwök uruŋi melenŋiga Anutunöŋ keuŋi

¹10:37 Hab 2.3-4 ²11:3 Jen 1.1; Sum 33.6, 9; Jon 1.3 ³11:4 Jen 4.3-10

⁴11:5 Jen 5.21-24

naŋgöba jim ölöwahiga möta yaŋgö jeŋe dop köla malök. Mewö mala mali mötnaripŋan Anutu nam köl waŋgiiga waŋgiri jebuk öŋgöyök. “Anutunöŋ waŋgiri öŋgöiga toroqeba miwik-ŋaibingö osiget.” Buŋa Kimbi miangö dop Enok mötnaripŋan aŋgön köl waŋgiiga qahö kömuyök. ⁶Uruŋi Anutugöreŋ melenjawaŋön mönö keu kewö möt narima: Anutunöŋ malja aka Anutunöŋ ambazip yaŋgö jeŋe dop kölbingö jaruzei, mi töwa qem eŋgima. Keu yahöt mi möt nariba ölop Anutugö kösutŋe kamapmö, qahö möt narim waŋgiba öne yaŋgö jeŋe dop kölbingöra mönö osibin.

⁷vAnutunöŋ Noagöra yuai asuhumapkö galöm meme keuŋi indelök. Indeli Noanöŋ möt asariba sömbuŋi qainŋi kun möta ölni qahö ehiga mötnaripŋan nam köl waŋgiiga tem köla waŋge meyök. Anutunöŋ nanŋi aka saiwaurupŋi aŋgön köl eŋgimapköra möta waŋge mi meyök. Noa mötnaripŋan nam köl waŋgiiga waŋge meyöhi, ahakmeme miangön mönö gölme ambazip könaŋamŋini goŋgoŋi indeli Anutunöŋ keuŋini jim teköiga ayuhuget. Uruŋini qahö melenŋa ayuhugetmö, Noagö mötnaripŋan nam köl waŋgiiga Anutugö jeŋe solanŋi akingö kalemŋi mi buŋa qem aŋguyök. Ambazip Anutu möt narim waŋgiinga keunini jim teköi solanimakzini, Noanöŋ mönö miangö dop solanŋi ahök. Mewö.

Abraham Sara yetkö mötnaripŋiri

⁸wAnutunöŋ Abraham gölme yaŋgö buŋa akŋapkö jiyöhi, mönö miangöreŋ anmapkö oholök. Oholi mötnaripŋan nam köl waŋgiiga keu mi tem kölök.

Denikeangöreŋ anda aŋgotpawak mi qahö mörökmö, mi töndup nanŋi gölmeŋi mosöta anök.

⁹xAnda Anutunöŋ gölme yaŋgö buŋa akŋapkö jim jöhöi ahöyöhi, mönö miangöreŋ aŋgorök. Aŋgota kian aka ambazip ahakmemeŋini qahö mörökmö, mötnaripŋan nam köl waŋgiyö-haŋgöra mönö töndup opo koumŋi kuŋguba ali miangöreŋ ahöba malget. Isimoröŋi Aisak Jeikob yetkö mewöyök Anutunöŋ gölme eŋgimapkö jöhöjöhö keuŋi miyök buŋa qem aŋguba gölme miangöreŋ toroqeba opo koumŋini kuŋguba ala ahöba malget. ¹⁰Suep siti tandöŋan qahö gisahömawi, Abrahamnöŋ mi ekŋamgö mamböta malök. Anutunöŋ siti miangö areŋi ala imutŋi memba miri tandöŋini esiba meiga pöwöwöm köhöikŋi ahöm öŋgömawi, mönö miangöreŋ aŋgotmamgö al mamböta opo koumnöŋ malök.

¹¹yMewö mala lök azi namŋi aiga mötnaripŋan nam köl waŋgiiga köhöiba iwi ahök. Abrahamgö anömŋi Sara yaŋön köpin malökmö, mi töndup gölöm ala morö meyök. Anutunöŋ Abrahamgö könagesöŋi ketanŋi akŋapkö keu jöhöm waŋgiyöhi, yaŋgöra aka keuŋan ölnambuk akŋapkö möt nariba malök. Mötnaripŋi miangön mönö nam köl waŋgiiga nahönŋa asuhui ehök. ¹²zAzi mohot miangö mötnaripŋan nam köl waŋgiiga lök kömukömugö dop ahökmö, mi töndup yaŋgöreŋök könagesö keta bölöknŋi asuhuget. Senŋelau suepnöŋ asarigetka jaŋgöŋini oyonŋbingö osizini, me sak köwet jitŋe ahözei, gwölönarökurupŋan mönö miangö dop sehiba asuhuget.

^v11:7 Jen 6.13-22 ^w11:8 Jen 12.1-5 ^x11:9 Jen 35.27

^y11:11 Jen 18.11-14; 21.2 ^z11:12 Jen 15.5; 22.17; 32.12

**Ambazip kewōṅan Suep mirigōra
awōweṅōba malget:**

^{13a}Ambazip kōsohotṅini lōk jizini, mi kōrek uruṅini meleṅda Anutu mōt narim waṅṅiba mala kōmuget. Anutunōṅ gōlme eṅgimapkō keu jōhōm eṅgi malgetmō, gōlme miangōreṅ qahō aṅgotket. Mewō qahōpmō, gōlmeṅini mi kōrōwen kinda uba eka waikṅi memba sōṅgaiget. Eka ōne sōṅgaiba kewō jim miwikṅaiba jiget, “Gōlmeṅ mōnō kiana aka qandak maljin.” ¹⁴Ambazip nanṅine miri gōlmeṅine aṅgotpingō jaram timakzei, yeṅōn mōnō keu mewō jimakze. ¹⁵Gōlme mosōtkeri, miangō mōtmōriba keuṅi jibeak ewō, yeṅōn mōnō ōlōp lilingōba miangōreṅ aṅgetka uruṅinan tekōbawak.

¹⁶Mōnō ōlōp lilingōbeakmō, yeṅōn miangōra qahō mōtmōriba malget. Miangōra qahōpmō, kantri qainṅi kun Suepnōṅ ahōzawi, mōnō miangōreṅ aṅgotpingō awōweṅōba malget. Anutunōṅ yeṅgōra siti kun meiga ahōzawi, miangōra qetṅi “Nanine Anutu!” qetketka mi mōta sōṅgaiba yeṅgōra aka gamu kun qahō mōrakza.

**Abraham, Aisak, Jeikob,
Josef yeṅgō mōtnariṅṅini**

^{17b}Anutunōṅ Abraham esapesapnōṅ al waṅṅiiga mōtnariṅṅan nam kōl waṅṅiiga Aisak Anutu kalema waṅṅiyōk. Anutunōṅ Aisakōra gōlme waṅṅimamgō jiiga Abrahamnōṅ jōhōjōhō keu mi buṅa qem aṅguyōkmō, tōndup nahōṅṅi mohok-kun mi mosōta miangōn jōwōwōl ohomamgō ahōk. ^{18c}Anutunōṅ Abrahamgōra keu kewō jii mōrōk, “Aisaknōṅ mōnō gwōlōnarōkurupki nam kōl eṅgiiga

asuhuba gōhō qetki bisiba malme.” Keu mi mōrōkmō, tōndup nahōṅṅi altanōṅ ala mosōrōk. ¹⁹Mosōta kewō kewōta mōtmōriyōk, “Kōmumapmō, Anutunōṅ ōlōp kōhōiba mem gulli kōmupnōhōk wahōtma.” Sōpsōp keu mewō jiyōhi, miangō dop nahōṅṅan dumṅe kumbuk kōmupnōhōk ewō wahōri waṅṅirōk.

^{20d}Mōtnariṅṅan Aisak nam kōl waṅṅiiga nahōnyahōtṅi Jeikob aka Iso (Esau) mi kōtuetkōm etkiyōk. Anutugō kōtumōtuetṅi miangōn mōnō nalō kōnangepṅe mewōyōk dop kōl etkii qakṅire ōṅgōmakṅapṅkōra kōulukōyōk.

^{21e}Jeikobnōṅ kōmumamgō ahōhi, nalō miangōreṅ mōtnariṅṅan nam kōl waṅṅiiga nahōṅṅi Josefgō nahōnyahōtṅi yahōt mi kōtuetkōm etkiba örōṅṅangō kitipṅe nariba Anutu waikṅi memba mōpōseyōk.

^{22f}Josefgō kōmupṅan dopdōwiyōhi, nalō miangōreṅ mōt-nariṅṅan nam kōl waṅṅiiga Israel kōnagesō Ijpt mosōta kageri, miangō kōsohotṅi mi jim guliba jiyōk. Mewō jiba kōnangep qamōtṅi denike lōm kōlmegō keuṅi mi jim kutum eṅgiyōk. Mewō.

Mosesgō mōtnariṅṅi

^{23g}Mōtnariṅṅiran Mosesgō iwinamṅi nam kōl etkiiga Mosesnōṅ asuhuyōhi, i nalō miangōreṅōk kōnahiba kōiṅ karōbutkō dop asambōrohot. Morō mi eksihimṅambuk tandōkṅi kun ahōhi, mi eka kiṅ kēmbugō jimkutukutuṅi oṅṅitpitpukōra kēṅgōtṅiri qahō mōta morōṅṅiri asambōta galōm kōlohot.

^{24h}Mosesnōṅ qariiga qetṅi farao kiṅ bōratṅangō nahōṅṅi qetketka mōtnariṅṅan nam kōl waṅṅiiga qet mi bisimamgō tōkōba farao kiṅgō miriṅi mosōta angaiyōk. ²⁵Ōlōp toroqeba

^a11:13 Jen 23.4; 1 Hist 29.15; Sum 39.12 ^b11:17 Jen 22.1-14

^c11:18 Jen 21.12 ^d11:20 Jen 27.27-29, 39-40 ^e11:21 Jen 47.31-48.20

^f11:22 Jen 50.24-25; Eks 13.19 ^g11:23 Eks 2.2; 1.22 ^h11:24 Eks 2.10-12

Ijpt yembuk siŋgisöndokö sösöŋgaini miwikñaiba mi nalö töröpñi laŋ söŋgaibawakmö, malmalñi mi andö qeyök. Mi andö qeba Anutugö urumelen könagesö yembuk toroqei kahasililiñ ak enŋigetka mi mohotje möta aum-möribingö möri öŋgöŋgöni ahök. ²⁶ Anutunöñ töwa waŋgimapköreñ göröken uba kin köhöiyök. Miangöra Ijpt yeñon guli dötnamñinambuk aka siyoŋsayoñi qahö malgeri, miangö möri yuai eretñi ahök. Miangön yuai eretñi aiga andö qeba Amötqeçe Toŋambuk toroqeiga yaŋgöra aka mepaqepaik ak waŋgiba malgetmö, mi möri töndup öñi aka öŋgöŋgöni ahök.

²⁷ Mötnariŋñan Moses nam köl waŋgiiga Ijpt kiñ kembuñinaŋgö irimñi seholibapuköra kenŋötñi qahö möta kantriñi mosöta kayök. Anutu ehekñi qahö mi ehekö tandök mötmörim waŋgiba malöhi, miangöra mönö kapan köla kin köhöiyök. ²⁸ ⁱ Mötnariŋñan nam köl waŋgiiga ak-kömukömu kendon* ala miangö areñi jim kutum enŋiiga söŋgaiba tatket. Kömupkö garatanöñ Ijpt uruñe nahönñini mutukñi enŋugetka Israel yeŋgö nahönurupñinan kömumbepuköra mönö jim kutum enŋiiga naŋguñine sep miriget.

²⁹ ^j Mötnariŋñinan Israel ambazip nam köl enŋiiga Köwet Pisikñi mi gölme örönñe anangö dop kutuba kaget. Ijpt yarö azi yeñon mi kutubingö esapkögetmö, mönö onöñ nemulahöba ayuhuget.

Rahab aka mötnariŋkö ambazip ipñi tosatñi

³⁰ ^k Mötnariŋñinan Israel könagesö nam köl enŋiiga Jeriko taonöñ kaba kiripo selñi silim 7:gö dop liliköba mohotje anda kagetka kiripo selñi selñi köhöikñan mönö gororöŋgöba etket. ³¹ ^l Mötnariŋñan köna ketañi ambi Rahab nam köl waŋgiiga kewö aiga Anutunöñ ehoriyök: Israel jitñememe yetköñ gölme ek miwikñaibitköra ölöñ kayohotka ala aka köl öröm etkiyök. Anutunöñ mi eka könaŋgep yaŋgiseñ ambazip enŋui ayuhugetka Rahab ehorii yembuk mohotje qahö kömuyök. Mewö.

³² ^m Wani keuya kunbuk toroqeba jibileñak? Gideon, Barak, Samson, Jefta, Deiwid, Samuel aka kezapqetok ambazip tosatñi yeŋgö kösohotñini toroqeba jibileñak ewö, nöŋgö nalönan mönö qahö dop kölbawak. ³³ ⁿ Mötnariŋñinan tosatñi nam köl enŋiiga jakömbuak tohoñi tohoñi tulumgöba memba ambazip mindiŋgöm enŋigetka ahakmeme diñdiñi wuatangöba malget. Anutunöñ yuai neŋgimapkö keu jöhöi ahözawi, gwötpukñan keu miangö dop köuluköba möt narigetka öñi asuhui meget. Tosatñan laion sömbup sutñine köuluköba möt narigetka Anutunöñ laion numbuñini jöhöiyök.

³⁴ ^o Tosatñan könöp bölam uruñe köuluköba möt narigetka Anutunöñ könöp ösumñi qömbököiga qahö enŋohoyök. Tosatñi bimgö sou ketañi miangön enŋugingö aketka Anutunöñ

***11:28** Anutugö garatanöñ Israel ambazip enŋehoriba enŋoŋgiröhi, miangö kendonñi mi nanine keunöñ ak-kömukömu kendon jiinga Nei keunöñ Pasowa jize.

ⁱ**11:28** Eks 12.21-30 ^j**11:29** Eks 14.21-31 ^k**11:30** Jos 6.12-21

^l**11:31** Jos 2.1-21; 6.22-25

^m**11:32** Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kiñ 2.11;

1 Sml 1.1-25.1 ⁿ**11:33** Dan 6.1-27 ^o**11:34** Dan 3.1-30

yenğö souņini jitņi jöhöiga kök alget. Gwötputkņan lölöwöröņi aka köuluköba möt narigetka Anutunöņ ösum enņiiga köhöiget. Tosatņan bim qeba köuluköba möt narigetka Anutunöņ kuk enņiiga suahö köhöikņi aket. Kian yenğö yarö kambuņinan kagetka tosatņan köuluköba möt nariba mewö mönö enğuatangögetka unjurata anget.

³⁵ P Ambi tosatņan kitipņinan kömui köuluköba möt narigetka Anutunöņ mem gulim wangii kömupnöhök wahöriga kunbuk toroqeba aitongöget. Ambazip tosatņan kömup andöņe oyaenğoyaenğ öngöngöņi miwikņaibingöra möta kapaņ köla kinget. Mewö kingetka ihileknöņ enğuba kahasililiņ kōnaņi kōnaņi ak enğiba kewö jii mötket, “Anutu qaņ kölnöņga zilaņ pōsat gihibin.” Mewö jii mötketmö, yenğön mi tökögetka toroqeba jaņğauranga mem enğiba malget. ³⁶ Q Tosatņan Anutu möt narigetka mepaqepaik aka ihilek wahıambuknöņ enğugetka sihimbölö kōnaņi kōnaņi miwikņaiba malget. Toroqeba tosatņi gwaröhöba kösö miriņi miriņi miangöreņ al enğiget malget.

³⁷ T Tosatņi kötnöņ enğugetka kömuget. Tosatņi segenöņ mitim enğigetka yahöt aket. Tosatņi bingö sou ketanı miangön enğugetka kömuget. Tosatņan lama silenı aka meme (noniņ) silenı miangön opo ewö löngöta laņ anda liliköget. Mewö wanapņi töhön aketka sesewerowero aka kahasililiņ laņ mem enğigetka malget. ³⁸ Suepkö aködamunğinambuk aka gölmegö ahakmeme bölöņaņ-göra mötketka qahö dop köl enņiiga miangöreņ qahö toroqet. Qahö toroqeba laņ liliköba gölme qararaņkölkölņe anda kaba

kunduņi kunduņi öngöba eta baņet me gölme titiņgit uruņe ahöba malget. Mewö.

³⁹ Ambazip kösohotņini jizali, körek mi mötnariņņinan nam köl enņiiga uruņini melengetka Anutunöņ enğehi dop köliga jim ölöwak enņiiga malget. Mewö malgetmö, mi töndup Anutunöņ oyaenğoyaenğ qainņi kun neņgimapkö keu jöhöi ahözawi, miangöreņ yenğöreņök kunöņ kun mönö qahö aņğorök. Qahö! ⁴⁰ Anutunöņ i nanņinök qahöpmö, mönö nembuk mohotņe aködamuninambuk ak teköbingöra mötza. Mewö möta miangöra oyaenğoyaenğ qainņi kun neņgii miwikņaibingö keu areņi ali ahöza. Mewö.

Anutunöņ iwi aka mindıngöm neņgimakza.

12 Ambazip kambu keta bölökņi mewöņan mötnaripkö kōnaņi naņğöba jiba kousu ewö liliköm neņgiba kinjei, mi mötzin. Miangöra neņön mewöņanök mönö lömbötnini pakpak aka siņgisöndok awamņanök köpeim neņgimakzawi, mi gilın anma. Anutunöņ nini mötnaripkö bimņi qeba Satan luhut al wangıbingö areņi ali ahöza. Miangöra malmal sutņi ki malagun kömumbini, sutņi mi mönö aonğit tandök kapaņ köla bim qeba ösumninan anbin. ² Jisösnöņ mötnariņnini mem letori ahui mem qarii köhöiba aködamunğambuk ahakzawi, Toņi mi mönö jeninan uba törörök ehakin. Yaņön ölop toroqeba Suep mire mala söņgaibawakmö, mi mosöta eta miangö salupņe sihimbölö mörök. Maripomnöņ kegwek-kahasililiņ ewö kömumamğö gamu möta qahö tököyökmö, mi qenjaröknöņ möta

^P11:35 1 Kiņ 17.17-24; 2 Kiņ 4.25-37
Jer 20.2; 37.15; 38.6

^Q11:36 1 Kiņ 22.26-27; 2 Hist 18.25-26;

^T11:37 2 Hist 24.21

mökösönda kömuyök. Kömumba Anutugö jakömbuak dum tatatnöj öngöba böröni ölje tatza.

³Siŋgisöndok ambazip yejön mewö tuarenjoŋ ak waŋgetka sihimbölö möröhi, eñön mönö i mötmöröba malme. Sörauba löwöröba urueret aka kinda mötnaripni aka jörömqörömpni mosötpepuköra mönö mewö ahakje. ⁴Siŋgisöndok akinbuköra aum-möröba bim geba malgetka miangöreŋ siŋgisöndokö Toŋan mönö sepgwörörök (gulibambam) qahö enguyök. ⁵Iwinöŋ nahönböraturupni yeğöra qambaŋ keu engizawi, Anutunöŋ miangö dop keu kun engöra kewö jiiga mönö mi ölum engui malje, “O nahöni, Kembunöŋ mindiŋgöm gihimakzawi, miangöra mönö mötnöŋga silebile kude akja. Keu jim gihiiga miangöreŋ mönö urueret kude aka malman.

⁶Kembunöŋ ambazip jöpaköm engimakzawi, ia mindiŋgöm engimakza. Ambazip morö ewö engömemba köyan köl engimakzawi, mi körek kömbinöŋ engumakza.”

⁷Morö kun iwiŋan qahö mindiŋgöi laŋ malbawak, mewö mönö yaŋgö moröŋi qahö akawak. Miangöra Anutunöŋ iŋini nahön-böratŋi ewö tandök ak engimakza. Miangöra lömböt engii mi mönö mindiŋgöm engimapkö tandök mötmöröba möta mökösönda diŋgiba malme. ⁸Anutunöŋ nahönböraturupni pakpak mindiŋgöm engimakzawaŋgö dop iŋini qahö mindiŋgöm engibawak ewö, mönö yaŋgö nahönböraturupni ölŋi qahö akeak. Mewö mönö iwi qahö wilin morö (bastet) akeak.

⁹Keu mi kunbuk kewö jimam: Gölmegö iwininan mindiŋgöm neŋgetka yeğöra göda qem engiba malin. Silegö iwininan korembiŋi akzemö, uruninaŋgö Iwininan mönö

ölŋi aka öngöngöŋi akza. Miangöra mönö yaŋgö keu bapje anda diŋgiba mal köhöininga dop kölma. ¹⁰Silegö iwininan mönö nanŋini mötmötŋinaŋgö dop kapaŋ köla gölmenöŋ nalö töröpŋi malbingöra aka mindiŋgöm neŋgiba malakze. Yejön mewö malakzemö, Anutunöŋ mönö tök kutum neŋgii yaŋgö dop sarakŋi akingöra aka mindiŋgöm neŋgimakza. Mewö aka ölŋa ölöwaka oyaenköyaen akingöra mötza.

¹¹Kunöŋ mindiŋgöm neŋgiiga nalö miangöreŋök mönö sösoŋgai tandök qahö ahakzinmö, wösöbirik sihimbölöŋambuk mörakzin. Keu mi ölŋapmö, miangö ölŋan mönö könaŋgep kewö asuhuma: Anutunöŋ ambazip mewö miangön köl gulim engimakzawi, yeğö ahakmemerinan diŋgiiga lui qem engii möta malme. Mewö.

Qambaŋ aka galöm meme keu tosatŋi

¹²“Miangöra “awötŋini teköi böröŋini lömböröba söroröba kinjawi, mi mönö memba wahöta mindiŋgöme. Tambuŋini jula siminŋini suljawi, mi mönö mem köhöime.” Buŋa keu kun mewö ahöza.

¹³“Kekporörökŋambuknöŋ (kerekporikŋambuknöŋ) töwölatiba eta qeiga könaŋan sula bölim teköbapuk. Keu miangö dop alaŋini aŋgösirip kude ak waŋgimemö, mönö ölöwakŋapköra kapaŋ köla malme. Buŋa keu kun kewö ahöza, “Köna tiba anangö könaŋini mönö mem qölöleigetka diŋdiŋi akje.” Keu miangö dop mönö uru ölöwak qem aŋguba malme.

¹⁴Ambazip körek yembuk luainöŋ urumohot malmegöra mönö köhöiba kapaŋ köla malme. Kunŋan malmal sarakŋi qahö miwikŋaimawi, mönö öne Kembu qahö ekja. Miangöra Anutunöŋ mem sarahim engimapköra mönö ka-

paŋ köla kinme. ¹⁵vKunöŋ Anutugö kalem möriamŋi oŋgita qahö buŋa qem aŋgubapuköra mönö galöm mem aŋguba malme. Nene nupnöŋ siriuret kömbukŋambuk mi jalöŋinambuk qözölmakzin. Mianğö dop uru mötökömbukö könaŋi pakpak mi qeapköme. Qahö qeapkögetka mianğön qariba kota eŋololoŋ mem eŋgi gwötpuk eŋgö uruŋinan tölöhubapuk.

¹⁶wMewöyök kunöŋ kaisero akapuk me Iso (Esau) ewö aŋgöjörakŋambuk malbapuköra mönö galöm mem aŋguba malme. Isonöŋ morönahön mutukŋi ahöhaŋgö börösamot tonji ahökmö, keu mi nene indim mohot nemapköra aka qeapköyök. Qeapköiga munŋi Jeikobnöŋ börösamotkö keuŋi mi nene mianğön bohonŋi memba buŋa qem aŋguyök. ¹⁷xKönaŋgep jöhöjöhö keuŋiraŋgö dop asuhui Iwiŋaŋgö kötümötuetaŋ mönö Jeikob qakŋe öŋgöyök, mi mötze. Mewö öŋgöi Isonöŋ kötümötuetaŋ mi buŋa qem aŋgumamgö möta uleta sahöri imbilŋan erök. Mewö kapaŋ köla ulerökmö, töndup keu munŋambuk jöhöyohori, mi utekömamgö köna kun qahö miwikŋaiyök. Mianğöra morö mutukŋaŋgö kötümötuetaŋi mi buŋa qem aŋgumamgö mörökmö, mianğöreŋ qaköba osiyök.

¹⁸yMönöwök Israel könağesö yeŋön Sainai (Sinai) kösutŋe kaba kingetka kundunŋi mianğön könöp bölamnöŋ jeyök. Jeba köwak-köwak eta panaman meiga raidimbom qeiga Anutunöŋ mianğöreŋ yembuk jöhöjöhö areŋ ahök. Sainai (Sinai) kundunŋi mianğön börönöŋ oseibinaŋgö dop akzapmö, eŋön kundunŋi mewö mianğö kösutŋe qahö kaba malje. ¹⁹Anutunöŋ jöhöjöhö

areŋi mi Sainai kundunŋe kewö ahök: Garataurupŋan tömun qainŋi kun ugetka aŋgötömualŋi azöŋda kaiga keu köhöikŋi jiyöhaŋgö kourukŋi mötket. Mi möta keu mewöŋi kunbuk kude jii mötmegöra uletket. Eŋön kundunŋi mewö mianğö kösutŋe qahö kaba malje. ²⁰zAnutunöŋ keu köhöikŋi jiba kewö jim kutum eŋgiyök, “Kunŋan kun ambazip me bau sömbup kundöŋ kundunŋi mi oseima ewö, i mönö kötnöŋ qegetka kömuma.” Mewö jim kutum eŋgiiga keu mi wuatanağöbingö möt lömböriba osiget. Mianğöra keu kunbuk kude jimapköra uletket. ²¹aYuai kanjamŋambuk kötökŋi mi uba eketka Mosesnöŋ kewö jiyök, “Ni mönö kenğötni möta jönömni undui kinjal.”

²²Eŋön mewö qahöpmö, mönö uruŋini meleŋda Zaiön kundunŋi dopdowiba kaŋgota malje. Anutu malmal Tonjaŋgö sitiŋi qetŋi Jerusalem Suepnöŋ ahözawi, mianğöreŋ garataurupŋi ten tausenŋi ten tausenŋi yeŋön kambuŋi kambuŋi köla unduba sösoŋgai ahakzei, eŋön mönö siti mi dopdowiba malje.

²³Mutuk ahuahu döläkŋi ahuaba urumeleŋ könağesö aketka qetŋini malmalgö buknoŋ ohogetka Suepnöŋ ahözawi, eŋön mönö yeŋgö kambuŋini toroqeba malje. Anutunöŋ ambazip körek neŋgö keunini kewöta jim tekömakzawi, eŋön mönö bemnini yambuk toroqeba malje. Anutunöŋ ambazip solanŋi mem letot eŋgiiga aködamunŋinambuk aka kömuger, eŋön mönö yeŋgö uŋaŋinambuk toroqeba malje. ²⁴bEŋön jöhöjöhö areŋ döläkŋaŋgö galömŋi Jisös yaŋgöreŋ kaba yambuk qekötahöba kinje. Yaŋön seŋŋan qewösahei eŋgömirimakzawi,

^v12:15 Dut 29.18 ^w12:16 Jen 25.29-34 ^x12:17 Jen 27.30-40

^y12:18 Eks 19.16-22; 20.18-21; Dut 4.11-12; 5.22-27 ^z12:20 Eks 19.12-13

^a12:21 Dut 9.19 ^b12:24 Jen 4.10

mönö malmal mewöje kaŋgota malje. Abelnönj sepñi mokoyökmö, Jisösgö sepñan Abelgö sepñi oŋgita keu aködamanunŋambukö muŋgemñi akza.

²⁵ Mutuk azi kunönj gölmenönj mala Anutugö keu jitsihitji ambazip indel enggiiga gwötpukñan mi mötpingö tökögetka Anutunönj likepñi melejñi qakñine öŋgöyök. Yeñön miangörejök kök albingö osiget ewö, neñön mönö denöwö kök albinak? Nalö kewöñe alanini kunönj Anutugö keu jitsihitji Suepnöhök indela jimakzawi, nini i nönönŋan aka mosötzin ewö, mönö lömbötnöhök kök qahöpmañöp albin. Qeçetalninañgö likepñi mönö öljä qakñine öŋgömapkö mötzin. Miangöra kunñan sañep qei mötzei, eñön keu mi möt-pingö kezapölök kude akñe. Kezapölök malbepuköra mönö galöm mem aŋguba malme.

²⁶ Mönöwök keuñi jiiga mötketka gölme utuköba memenjaliyökmö, kezapqetok keuñi kun jiba jöhöiga nalö kewöñe kewö ahöza, “Nalö kungen dumñe kunbuk gölme utuköba memenjalinam. Gölmeyök qahöpmö, yuai akiga suepnönj mewöyök utuköma.” ²⁷ Keu mewö ahözapmö, “Nalö kungen mönö dumñe kunbuk” jizawi, keu miangö könajñi kewö: Anutunönj öroyuai miwikñaiiga ahözawi, miangönök mönö utuköba utekömapmö, Suep mirigö öroyuai qahö utukömawi, miangön mönö kin köhöiba ahöm öŋgöma.

²⁸ Neñön bemtohoñ qahö utukömawi, mia buña qem aŋguba kinjin. Miangöra mönö “Anutu saiwap!” jiba mewö miangön waikñi memba möpöseiba uru ölöwak mem waŋgimakin. Mi jitñi oŋgit-pinbuköra keŋgötñini möta aka gödanj qeba malbin. ²⁹ Neñgö Anutun-

inan mönö könöp bölam ewö akza. Miangöra neñgohoi sihimbölö mötpinbuköra mönö keŋgöt mötmöt qakñe göda qem waŋgimakin. Mewö.

Qambañ keu tetekönji

13 Urumelenj alaurup nanñini mönö jöpaköm aŋguba malme. ² Kian ambazip sutñine kamei, mi mönö köyan köl enggigetka köisirik miwikñaimakñe. Mewö akingö mönö kude ölum enjumañña. Tosatñan mewö akeri, miangön Suep garata tosatñi qahö möt asariba mohot köl öröm enggigetka mirinñine malget. ³ Tosatñan kösö mire maljei, mi mötmörim enjgimakñe. Nanñinak yembuk gwaröhöm enggigetka malbeak tandök möta mönö i mötmörim enjgimakñe. Tosatñi ak bölim enggigetka miangö sihimbölönji mötzei, mi mönö nanñinak mewö malbeak ewö möta mötmörim enjgimakñe.

⁴ Ambazip qesabulum aka serowilin akzei, Anutunönj i jim teköm enjgima. Miangöra körek eñön mönö awanöm malmal göda qegetka sarakñi aiga awanöm sutñire tötekqötek töwötñi kun qahö ahöma.

⁵ Anutunönj nanñak keu kun kewö jii ahöza, “Nöñön mönö nalö kunönj qahö gömosöta andö guhumam.” Keu miangöra aka ahakmemenñinan membagun membingö nepaqepalok kude köpösöŋgömakñemö, yuai ahöm enjgizawi, miangöra mönö mötket dop köl enjgiiga sösoŋgaibuk malme. ⁶ Mewö möta ölop ewebibininambuk saitingit kindä kewö jiba malbin, “Kembunönj baukbaukni aiga gölme ambazipnönj ayuhum niŋgimeañgö dop qahö akze. Miangöra keŋgötñi kun qahö möta maljal.”

^c12:25 Eks 20.22 ^d12:26 Hag 2.6 ^e12:29 Dut 4.24

^f13:2 Jen 18.1-8; 19.1-3 ^g13:5 Dut 31.6, 8; Jos 1.5 ^h13:6 Sum 118.6

⁷Galömurupñinan Anutugö keu jiget mötkeri, i mönö mötmörim engiba malme. Ahakmemeñini denöwö aka megetka malmalñinan teköyöhi, mönö mi mötmöriba mötnaripñinangö silikñini wuatangöba malme. ⁸Jisös Kraist utekutekñi qahö. Mutuk malöhi, miyök merak malja aka nalö teteköñi qahö mal öngöma. ⁹Kalem möriam toroqeba buña qem anjuanga urunini mem köhöiiga ölöwahakñapmö, nene nembangö silikñi mi me mi mianñon mönö urunini mem köhöimapkö osimakza. Tosatñan nenegö dönqizizin könañi könañi wuatangögetka ahakmeme mianñon mönö qahöpmahöp bauköm engiiga pöröpköyök. Mianğora tosatñan dönqizizin murutñi murutñi ambazip kusum engimakzei, eñon mönö keu mi mosötme. (Silikö keunöñ mönö janjuñ kude ak engima.)

¹⁰Jöwöwöl ohoho alta qainñi kun mi neğgöreñ ahöza. Gölmenöñ opo seri jikegö nup memakzei, yeñon jöwöwöl qainñi kun mianğö bahöñi memba nembangö osimakze. Anutunöñ yeğgöra keu mewö qahö jim teköi ahöza. ¹¹Gölmegö jike nup galöm bohonñan kinda ambazip siñgisöndokñini köl könjöratmapköra aka sömbup qeba sepñi memba jike oleni töröñi kötökñi mianğöreñ öngömakzapmö, sömbup öñjini mi memba miri qandak maljei, mianğö sel yaigepñe anda mianğöreñ ohogetka jeba ayapkömakze. ¹²Mianğö dop Jisös mewöyök könagesöurupñi nanñi sepñan mem sarahim engimapköra aka siti selgö nangu yaigepñe qegetka sihimbölä möta kömuyök.

¹³Mianğöra miri qandak† maljini, neñon mönö mianğö sel yaigepñe

anda Jisösgöreñ toroqebin. Yanğöra aka mepaqepaik ak neğgimakzei, mönö mi bisiba malbin. ¹⁴Mi kewögöra: Siti teteköñi qahö ahöm öngömawi, mi gölmenöñ qahö ahöm neğgizapmö, siti könagep asuhum neğgimawi, mi ekingö mönö jaram tiba maljin. ¹⁵Mianğöra mönö qösösök Jisösnöñ nam köl neğgiiga Anutugöra möpömöpösei naluk ala malbin. Jisös qetñi möpöseimakzei, yeğgö numbu jittñinangö öñjan mönö Anutugö nalukñi akza. ¹⁶Yuai ahöm engizawi, mi menderñ anğuba mem ölöwak anğumakzei, mianñon mönö Anutugö nalukñi kun akza. Anutunöñ naluk mi ehi uruñan ölöwahiga dop kölakza. Mianğöra mewö akñegöra mönö kude ölüm engumakña.

¹⁷Galömurupñini mönö tem köl engiba kukösumñini bapñe anda malme. Nup megerangö kösohotñini Anutugö jeñe almei, yeñon mönö mianğö tandök engeka uruñini galöm kölakze. Yeñon nupñini mi urulömböt qakñe membepuk. Mianñon iñini qahö bauköm engibawak. Mianğöra mönö keuninangö bapñe anda malgetka sösongai qakñe nupñini megetka dop kölma.

¹⁸Möno neğgöra aka Anutu köulukömakñe. Yuai pakpak mianğöreñ ahakmeme qetbuñanambuk akingö sihimñi ahöm neğgiiga Anutunöñ neğgeka “Dop kölja,” jiiga urukezapninan möringa ölöwahakza. Keu mi möt yaközin. ¹⁹Nöngöra köulukömakñegöra mönö kapan kölja kewögöra kuñgum engizal: Iñini köulukögetka Anutunöñ nalö qahö mem köriiga ölöwaka ölop kunbuk engöreñ kamam.

†13:13 Gölmenöñ kujuk maljini, mianğö qetñi qandak.

†13:11 Lew 16.27

Kewö köulukömakzin:

²⁰ Jisösnöŋ kömuyöhaŋgöra aka lama galöm qetbuŋaŋambuk aka malja. Sepŋi mokoba miaŋgö muŋgem silimbanŋan Anutugö jöhöjöhö areŋi qekötahöba mem köhöiiga nalö teteköŋi qahö ahöm öŋgöma. Anutunöŋ Kembunini mi mem guliiga kömupnöhök wahöta köhöiba malja.

²¹ Anutu luai Toŋan mönö inahöm eŋgiba jitsihitŋaŋgö dop aka memba malmegö aködamunŋi pakpak eŋgimakŋa. Mewö ölop köhöiba nup ölopŋi könaŋi könaŋi memba malme. Yaŋön mönö möwölöhöba kuŋgum eŋgiiga Jisös Kraistköreŋ naŋgöba malmal Anutugöreŋ dop köljawi, mewö malme. Kraistkö qetbuŋaŋi mönö nalö dop möpöseininga nalö teteköŋi qahö akö-

damunŋambuk ahöm öŋgöma. Keu mi öŋŋa.

Keu teteköŋi

²² O urumeleŋ alaurupni, nöŋön kewö qesim eŋgizal: Buŋa Kimbi töröpŋi kiyök ohom eŋgizal. Miaŋgöra andö qambaŋ keuni ki mönö kapaŋ köla buŋa qem aŋgume. ²³ Buzup ki mötme: Urumeleŋ alanini Timoti i kösö mireyök pösatketka erök. Ösumok ki kaŋgotma ewö, mönö yambuk kaba eŋgekit.

²⁴ Yaizözkök keuni albiga galömurupŋini pakpak aka Anutugö ambazip sarakŋi körek yeŋgöra jigetka mötme. Itali alaurupninan yaizözkökŋini algetka eŋgöreŋ kaza.

²⁵ Anutugö kalem möriamŋan mönö körek embuk ahöm öŋgöba ahöma.

Jeimsgörej Kimbi

Jeimsnöj Kimbiñi alök.

Jim-asa-asari

Gölmeñi gölmeñi miangörej ambazip könañi könañi uruñini meleşda letorakzei, yeñgö ahakmemeñinan siksauk lolonqalon aiga tönťangöba et eñguiga Anutugö qetbuñan etpapak. Miangöra Jerusalem bisop Jeims yañon goro keu murutñi murutñi qezaköba ki ohoza. Goro keuñi tosatñi kewö: Mötikutukutu ölni mi denöwö? Zioz nup ölni aka muneñi. Esapesap uruñe malmal. Tosatñi kude eñgek qepureime. Numbu jit galömkölköl. Sileñini möpöseime me uruñini memba et al añgume? Añgururuk me alabauk akñe? Kapañkapañ aka köuluk nup meme.

Waimanjatñi bohonñi kewö: Kraistkö Buñan qariba aködamun-ñambuk akñapakora qetñi bisiba keuñi köl guliba meinga ölni asuhuma me qahö? Numbu jitininanök möt nariinga qahö dop kölja. Zioz ölni qahö mi köhömuñi qamöt tandök ewö akza.

Kimbi kiangö bahöñi bohonñi 10 mi kewö:

Keu mutukñi 1.1

Mötnarip aka mötkutukutu 1.2-8

Ambazip wanapñi aka pomñi 1.9-11

Esapesap (manambatok) ölöñi aka bölöñi 1.12-18

Buñ kezapnöhök mötmöt aka temkölköl 1.19-27

Etqeqeñi mi kude eñgek qepureime 2.1-13

Mötnarip nupñi qahö mi omanñi akza 2.14-26

Numbu nesilamninan ayuhum neñgibapak 3.1-18

Luainöñ malmal me gölmeñgö ahakmeme 4.1-5.6

Lömböt bisiba köuluköinga ölni asuhuma 5.7-20

1 Jeims nöñon Anutu aka Kambu Jisös Kraistkö nupñi memba maljal.

Israel kambu 12 neñgöreñök tosatñi iñini Israel mosöta gölmeñi gölmeñi deñda anda maljei, nöñon embuk keu er-aum mötpingöra kimbi ki ohoba jölöñini jizal.

Möt nariba köuluköba mötmöt ölni miwikñaibin.

²O urumeleñ alaurupni! Esapesap könañi könañi qakñine öñgömakzawi, miangöra uruñinan mönö kude eri simbawoñ miyök möta söñgaiba malme. ³Esapesapnöñ qakñine öñgöiga mötnarip-ñinan miangörej köhöimakña ewö, mönö kapañ köla kin köhöimakña. Mi mötzeañgöra mönö söñgaiba malme. ⁴Kapañ köla kin köhöimakña ewö, mianñon mönö toroqeba mem letot eñgiiga ahakmemeñinangö ölni pakpak mi aködamunñambuk ahumakña. Mianñon ahuiga Anutunöñ oyaenkyoanñan uruñini kokolak qeiga urugö yuai kungöra (meme amgöba) mözöqözöröñ qahö aka malme.

⁵Engöreñök kunñan “Denöwö akñam,” jiba mötkutukutugöra osizawi, yañon mönö Anutu köuluköiga mi wañgima. Anutunöñ kalemñi sakalakñi amqeba körek neñgöra neñgiba sirongen qahö jim neñgimamgö mörakza. Miangöra mi ölop wañgiiga buña qem añguma. ⁶Köulukömawi, miangörej mönö niñgimapkö möt nariba uruyahöt qahöpmañöp akña. Uruyahöt akzawañon mönö köwet sirigö dop öñgöba eta ahakza. Luhutnöñ köwet kunduriga lañlañ anda kamakza.

Miaᅅgö dop akapuköra köulukᅅaᅅgö uruyahöt kude akᅅa.

⁷Uruyahöt ambazip mewöᅅi kunöᅅ mönö Kembunöᅅ yuai waᅅgimapkö kude mötmörima. ⁸Yaᅅgö uruᅅan mönö julkuliga aiakaᅅi pakpak miaᅅgöreᅅ kököloloᅅ aka koᅅgwarak qeba anqem-kamqem keu jimakza. Mewö.

Wanapᅅi malmal aka pomᅅi malmal

⁹Urumeleᅅ alaurupni, eᅅgö sutᅅine tosatᅅan etqeᅅeᅅi malgetka Anutunöᅅ eᅅgöra möri öᅅgöᅅgöᅅi akze. Miaᅅgöra mönö ölop nanᅅini möpöseim aᅅgumakᅅe. ¹⁰^kTosatᅅan öᅅgöᅅgöᅅi maljemö, moneᅅ inapᅅinanᅅgöra qahö mötket öᅅgömakzawaᅅgöra aka etqeᅅeᅅi tandök mala mönö nanᅅini möpöseim aᅅgumakᅅe. Yeᅅgö malmalᅅinan mönö buörö (roro) juraᅅi ewö aka soholima. Etqeᅅeᅅi aka öᅅgöᅅgöᅅi neᅅön kömumba miaᅅgöreᅅ öröröᅅ akin. ¹¹Wehönöᅅ kota roro ohotiriiga qararaᅅ köla soholiba juraᅅan bolonanimakza. Juraᅅan eriga kemaᅅaᅅgö kaisoᅅgolomᅅi eksihimᅅambuk miaᅅön piahimakza. Pomᅅi yeᅅön sukinapᅅini mem sehibingö lilikqilik ahakzemö, mala buörögö (rorogö) dop gororoᅅgöme. Mewö.

Esapesap (manambatok) ölopᅅi aka bölöᅅi.

¹²Anutunöᅅ keuᅅi kewö jöhöi ahöza, “Ambazip uruᅅinan jöpaköm niᅅgimakzei, nöᅅön i malmal köhöikᅅi eᅅgiba nööröᅅine goul ila köl eᅅgimam.” Keu miaᅅgö dop bölöᅅaᅅgö esapesapnöᅅ kungö qakᅅe öᅅgöiga miaᅅgöreᅅ kapaᅅ köla köhöii teköiga mönö malmal köhöikᅅaᅅgö ila sorom buᅅa qem aᅅguba oyaᅅkoyaᅅ akᅅa. Yaᅅgöra “I-ia simbawoᅅ!”

jizin. ¹³Bölöᅅaᅅgö Toᅅan Anutu esapköm waᅅgimawaᅅgö dop qahö aiga Anutunöᅅ kun siᅅgisöndok akᅅapkö qahö esapköm waᅅgiza. Miaᅅgöra kunᅅan esapesap uruᅅe mala kewö kude jima, “Anutunöᅅ esapköm niᅅgiiga siᅅgisöndok akᅅamgö akzal.”

¹⁴Anutunöᅅ qahöpmö, nanini sihim kömbönaᅅnini bölöᅅan mönö töpötiᅅ (neman, pöraᅅ) ewö öröm neᅅiiga mötöp bitimnöᅅ qaköinga siᅅgisöndokö esapesapᅅi mewö mohot mohot neᅅgöreᅅ asuhumakze. ¹⁵Kunᅅan sihim kömbönaᅅi bölöᅅi qahö jöhöba siᅅgisöndok kondotza. Kondoriga sihim kömbönaᅅan gölöᅅi ala siᅅgisöndok mi morö ewö meiga ahumakze. Siᅅgisöndoknöᅅ ahuba qarim teköba kömup köhöikᅅi ahum waᅅgimakza.

¹⁶O wölböt alaurupni, sihim kömbönaᅅini bölöᅅan mönö kude tilipköm eᅅgima. ¹⁷Kalem ölopᅅi aködamuraᅅi-nambuk pakpak mi Anutunöᅅ ali Suep euyangöreᅅök asuhumakza. Köiᅅ wehön jeᅅiri kota kutuba geyohotka imutimutᅅiran körim törim ahakzapmö, asakᅅi pakpakö Toᅅan mönö nanᅅak qahö uteköma. Imutimut me söᅅaup kun mi yaᅅgöreᅅ qahö ahöza. ¹⁸Anutunöᅅ yuai pakpak miwikᅅaiyöhi, nini miᅅgö sutᅅine yambu dölöᅅᅅi jeᅅiqeᅅe aka malbiᅅgöra mörök. Miaᅅgöra nanᅅi sihimᅅaᅅgö dop keu öᅅᅅaᅅgö köᅅᅅi urunine aliga miaᅅön ahuahu dölöᅅᅅi neᅅᅅi ahuin. Mewö.

Buᅅa keu öne mötpin me tem köla membini?

¹⁹O wölböt alaurupni, mönö keu ki mötmöriba kude ölum eᅅguma: Iᅅini mönö körek keu mötpingö kezap kööröᅅi zilaᅅ alme. Keu laᅅ mi ösumök kude jime. Irimᅅinan mönö zilaᅅ kude seholima. ²⁰Anutunöᅅ ahakmeme

diŋdiŋi akingö sihimŋi mörakzapmö, irimesesewölnöŋ mia qahö kondorakza. Mianğöra mönö irimesesewöl mosöta keu ösöŋ jiba malme. ²¹Qewöloŋ könaŋi könaŋi aka ahakmeme töwötŋambuknöŋ qekötahözei, mia mosötme. Mönö yaŋgiseŋini mosöta Anutuğö keu baŋe anda keu kötŋi uruŋine kömörakzawi, mi möt aŋğön köla malme. Mewö aketka keu mianğön ölop amöt qem eŋgiiga letota Suepnöŋ öŋğöme.

²²Buŋa keu mi öne töhön mötketka ölni qahö ahubapuk. Mewö silebile aka tilipköm aŋgubepukmö, keu mi mönö köl guliba malme. ²³Kunŋan keu öne töhöntöhön möta mianğö dop qahö ahakzawi, yaŋğön mönö azi ki-aŋğö dop akza: Kunŋan jemesoholŋi piliknöŋ uba aŋgehakza. ²⁴Uba aŋgeka mosöta kungen anda kaisoŋgolomŋi denöwö, mi ösumok ölüm qemakza. ²⁵Mi ölopŋi qahöpö, kunŋan köna keu aködamunğambuköra kezap ala ehiba mianğöreŋ qekötahöba siŋgisöndökö kösönöhök lolohomakzawi, yaŋğö ahakmemegöra mönö “Esop simbawoŋ!” jibin. Yaŋğön keu möta mi qahö ölüm qemakzapmö, mi ölna tem köla mianğö dop ahakza.

²⁶Kunŋan urumelenğö köl guliguli akŋamğö jiba numbu jitŋi qahö galöm köla nanŋi mewö tilipköm aŋgumakzawi, yaŋğö liŋet köulukŋan mönö yuai omaŋi, ölni qahö akza. ²⁷Anutu Iwigahö jemesoholŋe Buŋa nup sarakŋi silebileŋi qahö memamğö jiba mönö kewö akŋan: Gwani morö aka malö köŋjiliŋ qakŋe maljei, mönö i anda eŋgeka köyan köl eŋgiba malman aka gölmegö ahakmemeŋaŋğö qewöloŋan urugi tölöhobapuköra galöm mem aŋguba malman. Mewö.

Etqeŋeŋi mi kude eŋgek qepureime.

2O urumelenğ alaurupni! Jisös Kraist Kembunini qetbuŋaŋam-buk möt naribingö jize ewö, mönö ambazip tosatŋi kude eŋgek soriba tosatŋi kude qepureim eŋgimemö, dop mohotnöŋ ak eŋgiba malme.

²Mianğö dopkeuŋi kewö: Azi pomŋi kun, kesötŋi goul binenğambuk aka opo malukuŋi ekjeritŋambuk, yaŋğön kambu miriŋine öŋğöiga azi wanapŋi kun sileötanŋi jujuratŋi töwötŋambuk yaŋğön mewöyök öŋğöbawak. ³Öŋğöyohotka iŋini azi ipŋi ekjeritŋambuk mi köl öröm waŋgiba kewö jibeak, “Ketaŋamnini, gi ölop qaikŋe eu anda dum tatat löwötŋi mianğöreŋ tatman.” Mewö jiba azi etqeŋeŋi mi ehöröŋ köla jime, “Gi ölop goraŋe anda kinman me köna kutukutunine eta tatman.” ⁴Silik mewöŋan asuhuiga iŋini könağesö sutŋine köŋjabö ala mendeŋ aŋguba qemasolokep aka keuŋinambuk akze. Mötmötŋini bölöŋi wuataŋ-göba jimtekötekö ambazip goŋgoŋi akze.

⁵O wölböt alaurupni, mötket! Anutunöŋ bemtohoŋi ambazip jöpaköm waŋgimakzei, yeŋğö buŋa ahömapkö keuŋi jim köhöiba jöhöyök. Keu mianğö dop tosatŋan gölme ambazip jeŋine etqeŋeŋi akzemö, Anutunöŋ mi nanŋaŋğöra jim möwölöhöm eŋgiiga mötnariŋinaŋğöra aka öŋğöŋgöŋi akze. Yeŋğön bemtohoŋaŋğö uruŋe aŋgotketka galöm köl eŋgiiga sukinapŋinambuk akŋe.

⁶Ölna öŋğöŋgöŋi akzemö, iŋini ambazip wanapŋi eŋgehöröŋ köla eŋgek siriba malje. Ambazip pomŋi yeŋğön mönö monerŋ inaŋŋini qahöpköra kewöta mem et al eŋgigetka etqeŋeŋi akze. Yeŋğön mönö iŋini örörahöm eŋgigetka keu jakenŋi jakenŋi mianğöreŋ aŋgorakze. ⁷Iŋini Kraistkö buŋaŋi aketka qet ölop sorokŋi mi eŋgiba

miaᅅgö dop eᅅgoholakzemö, pomᅅji yeᅅön mönö qet mi luasönöᅅ ala laᅅ jimakze? Gölmegö öᅅgöᅅgöᅅji yeᅅön mönö mi pakpak ahakze.

⁸ Mewö ahakzemö, eᅅön Anutu bemtohoᅅaᅅgö jöjöpᅅ keu bohonᅅi tem köla wuatᅅgögetka dop kölma. Anutugöᅅreᅅ keuᅅi mi Buᅅa Kimbinöᅅ kewö ahöza: “Nangi jöpaköm aᅅgumakzani, miaᅅgö dop mönö ambazip tosatᅅi mewöᅅanök urugan jöpaköm eᅅgimakᅅan.” ⁹ Miaᅅön dop kölmamö, iᅅini ambazip tosatᅅi eᅅgek soriba tosatᅅi qepureim eᅅgiba dop mohotnöᅅ qahö ak eᅅgimakze ewö, mönö siᅅgisöndok ahakze. Anutugöᅅreᅅ jöjöpᅅ keu walöᅅgetka yaᅅön mönö keuᅅini mi miwikᅅaiba jim teköm eᅅgima. ¹⁰ Kunᅅan jöjöpᅅ keu pakpak tem köla wuatᅅgöba mieᅅgöᅅreᅅök mohotnöᅅ eta qezawi, yaᅅön mönö jöjöpᅅ keu körek pakpak walöᅅda keuᅅambuk akza.

¹¹ Miaᅅgö könaᅅi kewö: Anutu “Sero yoᅅgorö kude akᅅan,” jiyöᅅaᅅön mönö mewöᅅanök jöjöpᅅ keu kewö jiyök, “Ambazip kun kude qeᅅöᅅ kömuma.” Gi sero yoᅅgorö qahö akzanmö, töndup kun köhömuᅅi qezani, miaᅅön mönö jöjöpᅅ keu körek walöᅅ teköba maljan. ¹² Anutugöᅅreᅅ köna keu mi siᅅgisöndökö kösönöhök lolohoba malbiᅅgöra ahöza. Anutunöᅅ köna keu miaᅅön kewöt neᅅgiba keunini jim teköi solanimegöra mötmöriba keuᅅini miaᅅgö dop jimakᅅe aka ahakmemerᅅini urukalem qakᅅe ahakᅅe. ¹³ Kunᅅan urukalem qakᅅe ambazip qahö ak kömum eᅅgiba maliga Anutunöᅅ keuᅅi kewöta jim teteköᅅi ak kömükömu qakᅅe qahö ak waᅅgima. Kunᅅan urukalem kondela malöhi, Anutunöᅅ i kewöt waᅅgiba ölop ak kömum waᅅgiiga simbawoᅅ aka silenji memba öᅅgöma. Mewö.

Mötnarip öljᅅi qahö mi köhömuᅅi akza.

¹⁴ O urumeleᅅ alaurupni, kunᅅan “Jisös möt narizal,” jiba miaᅅgö nupᅅi qahö meiga mötnaripᅅi miaᅅön mönö denöwö bauköm waᅅgibawak? Keuᅅanök möt nariiga Anutunöᅅ eka amöt qei letotma me qahö? Mi qahö! ¹⁵ Miaᅅgö keuᅅi kun kewö: Uruᅅini melenᅅeri, eᅅgö sutᅅine ambazip kunᅅan opo kereᅅgöra osiba mözöröᅅgöba neneᅅi wehöᅅn kungöra qahö malbawak. ¹⁶ Mewö maliga eᅅgöᅅreᅅök kunᅅan yambuk aitöᅅgöba silögö naᅅgönaᅅgö qahö waᅅgiba kewö jii mötpawak, “Gi ölop anda nene nempa köᅅöp jömöta böᅅjöᅅ tatman.” Keu töhöᅅn mi möriᅅa miaᅅön mönö denöwö bauköm waᅅgibawak? Mi qahö!

¹⁷ Mewöᅅanök mötnarip töhöᅅnök mi köhömuᅅi akza. Mötnaripkö nupᅅi öljᅅi qahö mezawaᅅgö mötnaripᅅan mönö qamöt ewö akza.

¹⁸ Kunᅅan kewö jibawak, “Göᅅön mötnaripuk aknöᅅga nöᅅön ahakmeme diᅅdiᅅi wuatᅅgömakzal.” Nöᅅön miaᅅgöra kewö jimam, “Göᅅön ‘Anutu möt narizal,’ jiba miaᅅgö nupᅅi qahö memba öne mötnaripkahö öljᅅi mönö denöwö kondel niᅅgibanak? Nöᅅön ahakmeme aka membi eknöᅅga miaᅅön mönö ölop nani mötnaripnaᅅgö öljᅅi kondel gihima.” ¹⁹ Gi “Anutu mohok akzawi, mi möt narizal,” jizani, mi ölop! Ömewöröme yeᅅön mewöyök mi möt narize. Mi möt narizemö, miaᅅön kundut eᅅgiiga Anutugöra jönömᅅini undumakza.

²⁰ O uruqahö azi, gi ömewöröme yeᅅgö tandök möt narizan me? Mötnaripkö nupᅅi qahö menöᅅga öljᅅi qahö ahui keu mi öne töhöᅅntöhön jinöᅅga

mötnaripkan mönö yuai omañi, ölni qahö akza. Mianğö könañi söpsöp keuni mianjön kondel gihiza me qahö? ²¹“Qahö!” jibanbuköra söpsöp keu kun jimam. Mötnaripkö bömön jalönini Abraham yañön mönö denöwö diñdiñi ahök? Yañön Anutugö jitñi tem köla nahönñi Aisak wañgita altanöñ ala mianjön jöwöwöl ohomamgö ahök. Mewö aka mötnarip qakñe nup meiga Anutunöñ mi eka keuñi jim teköi solaniyök. ²²Söpsöp keu mianğö könañi ek asarizan me qahö? Abrahamnöñ möt nariba keuyök qahö jiyökmö, mötnarip qakñe kinda mianğö silikñi mewöyök ahiga nam köliga dop kölük. Ahakmeme diñdiñi aka memba maliga mötnaripñan mewö qariba aködamunğambuk ahök.

²³°Buña Kimbinöñ keu kun kewö ahöza, “Abrahamnöñ Anutu möt narim wañgiiga qetñi Azi Diñdiñi jiyök.” Keu mi mönöwök öljambuk ahuyöhangö dop mi ohoget aka tosatñan Abrahamgö qetñi “Anutugö alaña!” mewö qeta jimalget. ²⁴Solanñi akingöra mötnaripkö keu jitinanöhök jiinga qahö dop kölja. Silikninan mötnaripkö ahakmeme ölni akin ewö, Anutunöñ mönö keunini jim teköiga solanibin. Kösohotnan mönö mianğö könañi kondelja.

²⁵°Söpsöp keu kun mewöyök jibiga mi kondelma: Israel yeñön gölme ek kutubingöra azi yahöt melaim etkiget anohotka köna ketañi ambi qetñi Reihab yañön etkuangita köyan köl etkiba köna kunöñ etkumbuliga mosöta anohot. Yañön mötnaripkö ahakmeme mewö ahiga Anutunöñ mi eka keuñi jim teköi solaniyök. Mewö.

²⁶Nöñön keuni ki kewö jim tekömam: Azi uñañi qahö mi qamötñi. Mianğö dop mötnarip ahakmemeñi qahö mianjön mönö köhömuñi akza. Mewö.

Numbu nesilamninan ayuhum nengibapuk.

3 O urumeleñ alaurupni, engörenjök gwötpukñan uruñini wahöriga (“Tosatñi yengörej pinjit mindiñgöbin,” jiba) kusum engienji böhi akingö akepuk. Nini tosatñi kusum engiba nanini mötmötnini qahö mindiñgöbin ewö, Anutunöñ mi ehi qahö dop köliga keunini kewöta köhöikñanök jim teköba mianğö dop likepñi oñgita ak nengima. ²Mi kewögöra jizal: Nini körekñan köna keu gwötpuk qiwitipkömakzin. Kunñan nesilamñi galöm köla keu qahö qiwitipkömakzawi, yañön mönö azi aködamunğambuk sorokñi akza. Yañön ölop köhöiba malmalñi pakpak mewöyök galöm köla malma.

³Hosnöñ (beosi) sihimnini tem kölmegöra ain injup numbuñine ala kösönöñ öröba mianjön ölop ölni ketañi jömuk mi mindiñqindiñ ak engiinga anakze. ⁴Mewöyök wañge ketañi miengö silikñini mötmörime. Mienjön ketañi aketka luhut köhöik-ñan nangöm engigetka köwet kutuba anakze. Keta bölökñi akzemö, mi töndup anangö galömñi pailöt yañön wañge gilije tata sihimñi wuatangöba stia lökuatñi moröñi miyök melenqeleñ aiga wañge ketañan mianğö dop melenğda anakza.

⁵Nesilamgö könañi mi mewöñanök. Mi sileninañgö kitipñi morörökña kun akzapmö, töndup ölop keu ketañi könañi könañi mianjön silenini memba öñgöba jimakzin. Mönö ki mötmörinöñ anök:

Könöp jit-tökñi moröñan tereñda geba ölop jölöm jitñe möndöba arökñi keta bölökñi jem kutuiga etpawak.

⁶Nesilamninan mewöyök könöp bölam ewö akza. Mi sileni-nangö kitipñi kitipñi miengö sutñine tata qewölonğö

kondotkondot namji akza. Mewö aiga könöp siagö Toŋan jönbölanŋan ohotiriba miangöreŋ uwulamgöiga awamŋanök urukönöpnöŋ möndöba jeiga uru pakpak kutumutuba tölöhoiga malmalŋe ahakmemeŋi pakpak mi sanjöp ewö töwima. ⁷Anutunöŋ yuai pakpak miwikŋaiyöhi, mi sömbup könaŋi könaŋi, nei me yuai bapŋinan köla ölölöŋgömakzei me köwetnöŋ maljei, mi ambazipnöŋ mölöwörim engimeangö dop akze. Mi lök köl tutuhuba mölöwörim engigetka mire (köhömgep) akze.

⁸Mewö akzemö, nesilamninan mönö sömbup kalŋi tandök akza. Mi möröm warabe (röbek) miangön kokolak qe-qeŋi aka aŋamumu ewö öŋöŋgöba neŋgöhöba mem kömum neŋgimangö jöjörömakza. Ambazip köreŋan mi mölöwöriba jöhöm waŋgi-bingö osimakze. ⁹Nesilamninan Kembu Iwinini möpöseim etkimakzin aka likepŋe ambazip nanŋi kaisoŋgolom ewö miwikŋaim engiyöhi, mi sait keunöŋ laŋ qesuahöm engimakzin.

¹⁰Numbu nesilam mohok miangön Anutugö qetŋi möpöseim-makzin aka sait keunöŋ tosatŋi qesuahöm engiba jimakzin. O urumeleŋ alaurupni, könaŋamŋinan mewö ahöi qahö dop kölja. ¹¹O sawölŋi aka kömbukŋambuk mi o jeŋi mohok miangöreŋök uzumgöba korakzahot me qahö? Mewö qahö. ¹²O urumeleŋ alaurupni, jogaŋ ipŋeyök danam (sam) mi ölöp asuhumakze me qahö? Mewöyök jaunöhök mandarina ölöp asuhumakze me qahö? Miangö dop o sawölŋan köwuk kömbukŋambuknöhök uzumgö-mangö osimakza. Mönö mi.

Mötkutukutu ölni aka muneŋi

¹³Engö sutŋine daŋön mötkutukutubuk aka keu mindiŋgö-mawangö dop akza? Kunöŋ “Mewö akza,” jime ewö, yaŋön mönö uruŋi mötkutukutuŋangö dop memba et ala silikŋan guŋböŋjönjön ahakmemeŋi kondeli aukŋe asuhui ehinga dop kölma. ¹⁴Miangön dop kölmapmö, uruŋine mututqutut ahöiga irimesewöl mötököm-bukŋambuk möta körögisigisi aka nanŋini yuainöŋ qarimapköra köpösöŋgöba andöqece ahakze ewö, mötkutukutuŋini miangöra mönö sileŋini öne kude memba öŋgöme. “Keu ölni wuatangözin,” jiba mönö ölni köyatibepuk. ¹⁵Yengöreŋ mötkutukutu mewöŋi mi gölmegö mötkutukutuya akza. Mi Suepnöhök qahö erakzapmö, ömewörome yeŋön ambazip sölölohöm engiget jigetka Uŋa Töröŋan miangöra wösöbirik ahakza.

¹⁶Denike yeŋö uruŋine mututqutut ahöiga irimesewöl möta körögisigisi aka nanŋini yuainöŋ qarimapköra köpösöŋgömakzei, yeŋö malmalŋine siksauk iliŋgösöŋ ahöiga silik aŋgöjörakŋambuk könaŋi könaŋi wuatangömakze. ¹⁷Mi wuatangömakzemö, möt-kutukutu Suepnöhök erakzawi, miangö könaŋi mutukŋi mi ahakmeme sarakŋi. Mötkutukutu sarakŋangö silikŋi tosatŋi mi kewö: Luainöŋ malbingö ak engiiga guŋböŋjönjön qakŋe tosatŋi ak engiba keu bapŋe angetka Uŋa Töröŋan uruŋini kokolak qeiga tosatŋi bauköm engibingö sihimŋi gwötpuk mötketka urumöt-mötŋinangö ölni ölöpŋi ölöpŋi mi gwötpuk asuhumakze. Geŋmoŋ mosöta ambazip keuŋini bahösapsap qahö kewöta silesile silik qahö malje. ¹⁸Luaiqece ambazipnöŋ luainöŋ malbingö möta miangö kötŋi

kömötketka ölni ahakmeme diñdini ahuiğa oyaenköyaen malakze. Mewö.

**Gölmegö mötkutukutu mosöta
Anutugö ala aka malme.**

4 Wani yuainöñ bim aka aņgururuk sutñine kondori ahumakze? Nanñini sihim kömbönañinan mönö wahöta sileñini dop köliga ölöññi bölöñan awörañgöyohotka bim aka aņgururuk ahumakze. ²İñini yuai könañi könañi memingöra sihimñi köhöikñi bökbök mörakzemö, mi eñgö buñaya qahö ahakza. Yuaigö eksihim möta eröm ota uruñinan könöp jeiga ambazip eñgugetka kömumak-zemö, töndup mi qahö memakze. Miangöra yom jiba aņgururuk aka bim qemakze. İñini Anutugöreñ qahö köuluköba nanñinak öne memingö mötzeañgöra mi qahö buña qem aņgumakze.

³Anutugöreñ köulukömakzemö, töndup mi kewögöra qahö memakze: Uruñinan qahö diñgiğa yuai eñgiğa mi mösöhöba nanñini sihim kömbönañini bölöñi meköba sileñinañgö sösongai akingöra möta ulerakze. Mi qahö dop köliga Anutunöñ mi aņgön kölakza. ⁴O iñini qesabulum ambazip ewö akze. Awanöm köna diñdini mosöta serowilin ahakzei, iñini mönö miangö dop Anutu mosöta urumeleñgö kopa ambazip yembuk ala-ala aka moneñ inapnöñ göröken uruñini jöhöba malje. Tandök mewöñi aka miañön mönö Anutubuk kerök-kerök ahakze. Mi möt kutuze me qahö? Miangöra kunñan gölmegö sihim kömbönañi bölöñi mekömamgöra uruñi alakzawi, yañön mönö Anutugö kerökña ahakza.

⁵Buña Kimbigö keu kun kewö ohoget ahöza, “Uñañi Töröñi urunine al neñgii

maljawi, Anutunöñ i sihim kömbönañi mienön kokolak qem wañgiğa malja.”[‡] Keu mi omaña könañi qahö möt-möribepuk. ⁶Keu mi omaña qahöpmö, iñini miangö dop sihimñini törörök Anutugöreñ alme ewö, yañön mönö kalem möriamñi önöñi qahö eñgimakña. Mi-añgöra Buña Kimbi ki jiba ohoget ahöza: “Anutunöñ söñgöröqök ambazip tuarenjoñ ak eñgimakzampö, uruñini memba et alakzei, ia kalem möriam eñgimakza.”

⁷Miangö dop iñini mönö uruñini kewöta Anutugö keu bapçe anda malmemö, Bölöñangö Tonñi tuarenjoñ ak wañgigetka eñgömosöta sööreiba misingöba anma. ⁸Mönö Anutubuk jöhöjöhö aka kösutçe kagetka yañön embuk jöhöjöhö aka kösutñine kinma. Siñgisöndok megetka böröñinan töwiğa Jisösgö sepñan mi sañgoñmapkö köuluköme. Uruñinan julkuliga an qem kam qem lañ aketka uruñinan tölöhoğa köl köñjorat eñgii sarakñi akñegöra köulukömakçe. ⁹Mönö dabökokorokñini möt kutuba jingey köla wösöbirik möta silata sahötme. Gön köisirikñini mosöta meleñda amburereñ akçe. Sösöngaiñini mosöta wösöbirik möt aņgume. ¹⁰Mönö Kembugö jeñe memba et al aņgugetka yañön mem wahöt eñgima. Mewö.

**Urumeleñ alaurup kewöta
keuñini kude jim teköme.**

¹¹Urumeleñ alaurup, andönöñ qeçe keu mönö kude jim aņguba malme. Kunñan keu mewö yöhösañ jiba urumeleñ alañangö keuñi jim teközawi, yañön mönö Anutugöreñ köna keu jim teköba memba et alja. Gi Anutugöreñ köna keu jim teköba görögöra ala mewö miañön mi qahö tem kölakzanmö, mi

[‡]4:5 Buña Kimbigö keu miangö könañi kun kewö, “Uña Töröñi uruñine ali maljawi, yañön jöpaköm neñgimamgö sihim kömbönañi möta neñgöra mututqutut mörakza.”

silebile memba timbiqibilim azia aka maljan. ¹²Anutunöŋ köna keu jim kutum neŋgiba miangö dop mönö keunini kewöta jim teköiga ayuhubin me ak kömum neŋgiiga oyaenŋkoyaenŋ akin. Yaŋönök jimtekötekö Tonini akzapmö, gi mönö nangahöra “Niŋia akzal?” jiba alagi kewöta keuŋi jim tekömakzan? Mewö.

Sile memegö galöm keu

¹³Mönö kezap alget! Tosatŋi iŋini sile memba kewö jimakze, “Nini merak me uran ki mosöta taon mi me mi miangöreŋ anda kölköl-örörö aka moneŋ ketanŋi öröba yambu (yara) mohok malin teköiga miangöreŋ lilinŋöba kabin.” Nöŋön miangöra kewö jibi mötme: ¹⁴Malmalŋini uran denöwö malmei, iŋini mi qahö möt kutuze. Enŋö malmalŋinangö könaŋi mi denöwö? Mi köwak kousugö dowa ahözawa, nalö töröptökŋi asuhuba ayapköma. ¹⁵Miangöra enŋön mönö kewö jigetka dop kölma, “Kembugö jit sihitŋan neŋgöra mewö ahöiga jebuk malbin ewö, mönö mewö mewö aka membin.” ¹⁶Mewö qahö jimakzemö, öne töhön jakbak-oraŋböraŋ aka nanŋini sileŋini memba öngöba möpösei-makze. Ahakmeme pakpak mewöŋi miangön mönö bölöŋi akza.

¹⁷Keuni jim teköamangöra kewö jizal: Kunŋan silik ölopŋi aka memawangö dop aka miangö könaŋi möt kutubagun mi qahö aka memawi, yaŋön mönö siŋgisöndok akza. Mewö.

Ambazip sukinapŋinambuk yeŋgö galöm meme keu

5 O ambazip sukinapŋinambuk, iŋini kezap ala keuni ki mötket: Ka-

hasililiŋ sihimbölö qakŋine öngömawi, miangöra mönö amburereŋ aka silata sahötme. ²†Moneŋ sukinapŋinan mönö gisahöba gororongöza. Kezaploŋloŋ jijilukut yeŋön opo malukuŋini yöhöqöhötiba nemakze.

³Iŋini nalö teteköŋi kewöŋe goul, silwö aka yuai tosati qaknöŋ qaknöŋ qezaköget ahözawi, mi kahawet muetmuetnöŋ turum teköba törom (rust) memba ahöza. Törom kahawet miangön dangunu ewö ahöba könaŋini nalö teteköŋe kewö kondelma: Iŋini malmalŋini moneŋ inapnöŋ jöhöba mösöhögetka pömsöm qeiga ayuhume. Törom kahawet miangön mönö könöŋ bölam ewö sile busuŋini mewöyök mem bölima. ⁴†Ki mötmöriget: Nup meme ambazip nupŋine barö memba siri uret qözöla malgeri, iŋini yeŋgö töwaŋini ekbonep möta angön kölget. Iŋini yeŋgöreŋ sahöt irikurukŋini mötze me qahö? Silatŋini miangön mönö Kembu Anutu, kukösum pakpakö Toŋangö kezapŋe gem teköiga mötza.

⁵Iŋini gölmenöŋ ki yuai könaŋi könaŋi sesegilgil buŋa qem anguba siy-öŋsayoŋ qahö mala silegö sösoŋgai algetka nahömŋini dop köl enŋgiiga malget. Gölmegö kelök möriamŋan jöhöm enŋi-iga laŋ mala nem qarip ketanŋi aka malje. Anutunöŋ keuŋini jim teköiga enŋuget kömumeangö nalöŋinan kam kuŋgumawi, mönö nalö miangöra jöjöröba kelökŋinambuk aka malje. ⁶Ambazip qewöloŋini qahö iŋini qahö tuarenŋoŋ ak enŋigetka töndup keuŋini jim teköba laŋ enŋuget kömumba malget.† Mewö.

†5:6 Keu miangö könaŋi kun kewö: Iŋini azi qewöloŋi qahö töndup keuŋi jim teköba gegetka kömuyöhi, yaŋön iŋini kunbuk qahö qetal enŋimakza.

‡4:13 Qam 27.1 †5:2 Mat 6.19 †5:4 Dut 24.14-15

Lömböt mökösoᅇnda bisiba köuluköba malme.

⁷O urumeleᅇ alaurupni, iᅇini Kembunöᅇ kaᅇgotmapköra mamböta nalö sutᅇ kuaᅇgöreᅇ mönö mökösoᅇnda lömböt bisiba kinme. Mewö kinda kölkömöt azigö tandökᅇi mötmörime: Yaᅇön nene gölmenöᅇ kömöta kinda öᅇᅇi söᅇgöroᅇᅇi öᅇgöᅇᅇi asuhumapköra kapaᅇ köla mambörakza. Kapaᅇ köla mamböta mali maliga kie bedu nalöᅇan kaiga kunbuk mamböriᅇa kömunjaᅇ kie uru nalöᅇan kam kuᅇgumakza. ⁸Eᅇön mewöᅇᅇanök mönö mökösoᅇnda lömböt bisiba kinme. Kembunöᅇ kunbuk kamawaᅇᅇö nalöᅇan törizawaᅇᅇöra aka mönö uruᅇᅇi qeza-köba böᅇ qeba kinme.

⁹O urumeleᅇ alaurupni, Anutunöᅇ keuᅇᅇi jim teköi lömböt miwikᅇaibepuköra mönö nanᅇᅇi sutᅇᅇine jimöᅇgot kude aka uruᅇᅇinan irikuruk kude jim aᅇgumakᅇe. Mötket, jimtekötekö Toᅇan mönö dopdowiba nanᅇunöᅇ kinja. Mewö. ¹⁰Urumeleᅇ alaurupni, kezapqetok ambazip yeᅇön mönöwök Kembugö qetᅇe Buᅇa keu jigetka kahasililiᅇ mem eᅇgigetka möta töndup mökösoᅇnda lömböt bisiba kapaᅇ köla malget. Eᅇön mönö yeᅇᅇö tandökᅇᅇi mötmöriba köna lasuᅇᅇi wuatanaᅇöba malme. ¹¹Tosatᅇan kapaᅇ köla lömböt bisiba mala luhut algeri, nini yeᅇᅇöra “I-ia simbawoᅇ!” jizin. Azi qetᅇi Job (Hiobe) yaᅇön kahasililiᅇ möta töndup kapaᅇ köla luhut alöhi, mi mötze. Luhut aliga teteköᅇe miangöreᅇ Kembunöᅇ ak kömukömu Toᅇi aka neᅇgehorimakzawi, yaᅇön mönö oyaeᅇkoyaeᅇi waᅇᅇiᅇa malök. Mönö mi mötmörime. Mewö.

¹²Wö urumeleᅇ alaurupni! Keu köᅇᅇi mutukᅇi kun ki jimam. Iᅇini keu mi me

mi jimei, mi jöᅇöpaᅇ keunöᅇ kewö kude jim köhöime, “Keuni öᅇᅇi qahö akza ewö, Suep Toᅇan öᅇöᅇ lömböt ali qakne öᅇᅇöma me gölme toᅇan mereᅇ mum-baköiᅇa gölmenöᅇ turum niᅇgima.” Keu mi me jöᅇöpaᅇ keu tosatᅇi mewöᅇi mi-aᅇön mönö keuᅇᅇi kude jim köhöime. Mewö qahöpmö, oᅇ-keugöra möta “Oᅇ!” miyök jime aka qahöp-keugöra “Qahö!” jime. Pötagororoᅇ keu jigetka Anutunöᅇ keuᅇᅇi jim teköba likeᅇᅇi meleᅇᅇi qakᅇᅇine öᅇᅇöma. Mewö.

Mötnarip qakᅇe köulukögetka öᅇᅇi asuhuma.

¹³Mötnarip ambazip eᅇgöreᅇök kunᅇan qemᅇem-mamᅇe-ᅇambuk malja ewö, yaᅇön mönö Anutu köuluköma. Kunᅇan sösoᅇᅇainöᅇ malja ewö, yaᅇön mönö liᅇet köla Anutu möpöseima. ¹⁴*Eᅇgöreᅇök kunᅇan kawöl yöhöi malja ewö, yaᅇön mönö mötnarip könagesögö jiteᅇememe örom eᅇᅇiᅇa kaba Kembugö qetᅇe kelöknöᅇ sileᅇe miriba yaᅇᅇöra köuluköme.

¹⁵Mötnarip qakᅇe köulukögetka Kembunöᅇ kawöl ambazip mi amöt qem waᅇᅇi ölöwaka kunbuk wahötma. Siᅇᅇisöndok aka kawöl miwikᅇaiyök ewö, Anutunöᅇ mönö siᅇᅇisöndokᅇi mi saᅇᅇöᅇda mosötma.

¹⁶Mewö aiga Anutunöᅇ amöt qem eᅇᅇi ölöwakᅇᅇöra mönö siᅇᅇisöndokᅇi jim miwikᅇaim aᅇguba bauköm aᅇguba Anutugö köulukökamakᅇe. Ambazip solanᅇi kunᅇan uruᅇi qezaköba Anutu köulukömawi, miangö öᅇᅇan mönö weweliᅇᅇambuk asuhuma. ¹⁷YMiangö söpsöpᅇi kun mi kezapqetok azi qetᅇi Elaija (Elia). Yaᅇön gölme azi naninaᅇᅇö dowa malök. Yaᅇön kie qahö kamapköra uruᅇi qezaköba

kapaŋ köla köuluköiga kienöŋ yambu (yara) karöbut aka köiŋ 6 miangö uruŋe gölmenöŋ qahö erök. ¹⁸zNalö mi teköiga kunbuk köuluköiga sup injaŋ köla kie yöhöba bedu meiga nene kunbuk töngöniba asuhuyök. Mewö.

**Kunöŋ jaŋjuŋ aniga alaŋan
bauköiga dop kölma.**

¹⁹Urumeleŋ alaurupni, eŋgöreŋök kunöŋ keu ölnjaŋgö könaji qiwitipköba

jaŋjuŋ aniga kunŋan i miwikŋaiba köna ölje kunbuk waŋgita alma ewö, ²⁰a^amiangöra mönö kewö mötmörime: Siŋgisöndok ambazip kunŋan jaŋjuŋ könaje aniga alaŋan i miangöreŋök waŋgiriga uruŋi löwörii kunbuk meleŋmawi, yaŋön mönö qahö kömum köhöima. Alaŋan i könöp sianöŋ gebapuköra aŋgön köl waŋgiiga Anutunöŋ siŋgisöndokŋi sehisehiŋi mi saŋgoŋda köl turuma. Mewö.

Pitögöreñ Kimbi 1

Pitönöñ Kimbiñi mutukñi alök.

Jim-asa-asari

Pitönöñ Buña Kimbiñi ki ohoba Kraistkö alaurupñi Eisia prowinsgö Not likepñe deñda malgeri, yeñgöra ali anda liliköyök. Könahiba qetñini kewö qeta ohoyök, “Anutunöñ ambazip nanñangöra möwölöhöm engiyöhi, mierñön.” Mötnarip ambazip sesewerowo miwikñai ba sihimbölö möta malgeri, yeñgö uruñini nanñomapköra aka Kimbi ki ohoyök. Kraistkö Ölöwak Buñagö könañi ölum engubapuköra aka Jisösgö keuñi kunbuk kewö jim asariyök, “Jisösnöñ kömuyökmö, kunbuk kömupñöhök guliba wahöta kunbuk lilingöba kamangö jim jöhöba oyaenköyaen akingö jörömqörömñi neñgiiga al mambörakzin. Miangöra sihimbölö mörakzei, mi mönö möt angön köla kapañ köla köhöiba kinda malme. Sihimbölö miangön mötnaripñini kewöriga öñjambuk akña ewö, Anutunöñ mönö likepñi meleñ engima. Jisös Kraistnön asuhumawí, nalö miangöreñök mönö aködamunñinambuk akñe. Keu mi möta awösamkakak kinme.” Mewö qambañ engiba ohoyök.

Wahöjalinj nalöñe uruñini nanñom engiba toroqeba köhöiba kewö uru kungum engiyök, “Injini Kraistkö buñaya akzeangö dop mönö malmal sarakñi malme.”

Buk kiangö bahöñi bohonñi 6 mi kewö:

Keu mutukñi 1.1-2

Anutugö amötqeqe nupkö könañi 1.3-12

Malmal sarakñi malbingö jimkutukutu 1.13–2.10

Sihimbölö qakñe nup denöwö bisibin 2.11–4.19

Uruñini meleñda memba et ala nup meme 5.1-11

Buña kimbi kiangö keu kötni bohonñi 5.12-14

1 Anutunöñ ambazip nanñangöra möwölöhöm neñgiiga neñgöreñök injini tosatñan Israel mosöta prowins qetñini Pontus, Galesia, Kapadosia, Eisia aka Bitinia miangöreñ deñda anda malje. Pitö nöñön Jisös Kraistkö melaimelai azi aposol aka embuk keu eraum mötpingöra kimbi ki ohozal. ²Iwi Anutunöñ qeljine möpñangö möpñe mötmöt areñ ali ahöiga miangö dop Uña Töröñan injini mem sarahim engiiga Anutugö buñani aket. Anutunöñ injini Jisös Kraistkö jitñi tem kölmegöra möwölöhöm engiiga Kraistkö seppan qewösahöi engömiriba sanñon engimakza.

Anutugö kalem möriamñan mönö uruñini dop sehiiga luainöñ malme. Mewö.

Oyaenköyaengö jörömqörömninangöra Anutu möpöseibin.

³Neñön Kembunini Jisös Kraistkö Iwiñi Anutu i kewögöra möpöseimakin: Anutunöñ ak kömükömu ketani neñgiba neñgömeiga ahuahü dölökñi ahuin. Ahuahü dölökñi ahuba Jisös Kraistnön guliba kömupñöhök wahöröhi, neñön miangö dop guliba wahöta oyaenköyaen akingö jörömqöröm aka maljin.

⁴Oyaenköyaen buña qem angubingöra jörömqöröm aka al mambörakzin. Anutunöñ oyaenköyaen mi urumeleñ alaurupñi neñgimapköra Suep mire ali ahöza. Miangöreñ ahöba qahö sahaha kahawet memba töwiba gisahöba ayapköma. ⁵Mötnarip köl gulime ewö, Anutugö ösumñan sel jöhöba kölközizip engiiga Suepkö buñaya malgetka

Jisösnöŋ ölop enġuanġiriga Suepnöŋ öngöba oyaenġo-yaen akne. Anutunöŋ Amötqeŋe Toŋaŋgö könaŋi nalö teteköŋe mewö indel teköiga ambazip jim asarim enġibingöra aka ahöza.

⁶Oyaenġo-yaen akingöra söŋgaiba maljemö, gölmenöŋ malinga Anutunöŋ esapesap Toŋi qahö jöhöiga lömböt anġösirip könaŋi könaŋi asuhugetka sihimbölö miwikŋaiba möta malje. Nalö töröpŋi mewö malmemö, mi töndup sösoŋgai aka malje. ⁷Anutunöŋ esapesap qahö jöhöiga qakŋine öngöba mötnariŋŋinangö tandökŋi kewörakza. Köt ölni köhöikŋi goul miangö söŋgöroŋan mönö guli dötnam oŋgitzapmö, töndup nalö kunöŋ ayapköm teköma. Nalö töröpŋaŋgöra aka ambazipnöŋ goul mia kun könöpnöŋ delasi ohoba ölna gizikörörök ahöbapüköra kewöta esapkömakze. Miangö dop iŋini ölna törörök möt nariba kin köhöimakze me qahö, esapesapnöŋ mönö miangö könaŋi kondelakze. Anutunöŋ uruŋini ölni kewöriga goul kewögöra oŋgitmapköra mötza: Mötnariŋŋinan pöwöwöm köhöikŋi aiga söŋgöroŋi öngöŋgöŋan goul silwö gwötpuk oŋgita nalö teteköŋi qahö bauköm enġii dop kölma. Mewö enġehi dop kölma ewö, Jisös Kraistnöŋ kunbuk asuhumawangö nalöŋe mönö möpöseim enġiiga Anutugö jeŋe qetbuŋa miwikŋaiba aködamunŋinambuk akne.

⁸Iŋini Kraist qahö eka töndup jöpaköm waŋgiba malje. Nalö kewöŋe Kraist qahö eka töndup möt narim waŋgimakze. Mewö aka sösoŋgai sorokŋi aködamunŋambuk söŋgaimakze. Sösoŋgaiŋini miangön mönö jitnöŋ jijiġö dop qahö akza. ⁹Iŋini Jisös möt narigetka amöt qem enġiiga letotket. Mötnariŋŋinangö tohotŋi mi Suep mire eu ahöza. Anutunöŋ uŋaŋini enġömeiga eŋön euyangören

öngöba tohot mi zilaŋ misirimegö möta sösoŋgai ahakze. Mewö.

Kezapqetok ambazipnöŋ jörömqöröm aka malget.

¹⁰Kezapqetok ambazip yeŋön amötqeŋegö könaŋi jaruba Anutu köuluköba qeŋesi ala möt kewöta mala kotket. Mewö mala Anutunöŋ kalem möriam enġimapkö möt asariba miangö kezapqetok keuŋi mi qeljiŋe jiba mala kotket. ¹¹Kraistkö Uŋa Töröŋan kezapqetok ambazip sölölohöm enġiba asuhumapkö keuŋi indela saŋep ala kewö jii mötket, “Kraistnöŋ sihimbölö möta miangö andöŋe asakmararaj aködamunŋambuk miwikŋaiba asariba malma.” Mewö jiiga möta Amötqeŋe Toŋan wani nalönöŋ aka dendenöwö asuhumawi, miangö könaŋi jaruba qeŋesi ala möt kewöta malget. Mewö mala söpsöp keuŋi keuŋi qeljiŋe naŋgöba jiba mala kotket.

¹²Amötqeŋe Toŋaŋgö könaŋi jaruba qeŋesi ala möt kewöta malgetka Uŋa Töröŋan mötmöt kewö indel enġiba jiyök, “Iŋini mönö nanŋini welenŋina kude qem anġumemö, ambazip könaŋep ahuba keuŋini oyoŋmei, mönö i bauköm enġiba malme.” Mewö jiba kezapqetok keu enġiyöhi, nini tosatŋan mi nalö kewöŋe liliköba jim asarim enġi- inga mötket. Kraistnöŋ Uŋa Töröŋi Suep- nöhök melaiiga eta ambazip sölölohöba inahöm enġiiga Ölöwak Buŋa jiba uru kuŋgum enġiba malgeri, yeŋön Buŋa keu miyöhök jiba malget. Kezapqetok keu miangö ölni asuhiiga Suep garatau- rupninan mewöyök mi uba eka könaŋi möt asaribingö awöweŋgöba malje. Mewö.

Anutunöŋ sarakŋi malbingöra neŋgoholakza.

¹³Buŋa keuŋi mewö ahözawaŋgöra eŋön mönö uruŋini Anutugö nupköra

ala opoŋini öröget yöhöiga mem kurukŋini memba kinme. Mönö böŋ qeba nanŋini ahakmemeŋini galöm köl aŋguba malme. Jisös Kraistnönŋ kunbuk asuhuba miangö nalöŋe kalem möriam eŋgimawi, mönö miangöra al mamböta jöröm-qörömŋini pakpak miangöreŋ ala malme.¹⁴ Anutugö nahönbörat-urupŋan keuŋi tem kölakzei, eŋön mönö miangö dop köna sarakŋi wuatangöba malme. Mutuk gukmaulem töpŋin malgetka nanŋini sihim kömbönaŋini bölöŋan yeyaseŋseŋ mem eŋgigetka laŋlaŋ malget. Mewö malgetmö, nalö kewöŋe ahakmemeŋini mönö sihim miengö dop kude toroqeba aka memba malme. Laŋ siksauk malbepuköra mönö galömŋini mem aŋguba malme.

¹⁵Laŋ siksauk qahöpmö, Anutu sarakŋan eŋgoholiga eŋön mönö mewöyök yangö dop ahakmemeŋini pakpak miangöreŋ sarakŋi aka malme.
¹⁶^bBuŋa Kimbigö keu kun kewö ohoget ahöza, “Nöŋön töröŋi sarakŋi maljalangöra nöŋgö buŋani eŋön mönö sarakŋi aka malme.”

¹⁷Anutugöra “Iwinini!” jiba ösumŋi köl örömakzini, yaŋön iwi ölöpŋangö dop ambazip tosatŋi qahö neŋgek soriba tosatŋi qahö qepureim eŋgimakza. Körek neŋgö ahakmemeŋini mönö dop mohotnönŋ kewöta mohot mohot neŋgö keunini jim teköma. Miangöra Anutu töröŋangö buŋaya akze ewö, mönö gölmenöŋ kusukŋi malmeangö dop sarakŋi aka malme. Jitŋinanök qahöpmö, ahakmemeŋinan mönö Anutugö jitŋi oŋgitpinpuköra sömbuŋini möta malme.¹⁸ Mewöyök Anutunöŋ sohoppŋini meyöhangö könaŋi mötagun mönö sarakŋi aka malme. Amböskonurupŋinan tandö lopioŋ mötmöt laŋ wuatangöba ahakmeme omanŋi kondel neŋgigeri, Anutunöŋ iŋini

yangö dop toroqeba laŋ malbepuköra bohonŋini öŋgöŋgöŋi gila sohoppŋini meyök. Bohonŋi mi silwö goul oŋgita gilöhi, mi mötze. Gölmegö moneŋ inap ayapkömawangö dop akzawi, yuai mewöŋi miangön bohonŋini qahö meyök.

¹⁹Miangön qahöpmö, Kraistkö sepŋi söŋgöŋöŋi öŋgöŋgöŋi miangön mönö bohonŋini meyök. Kraistnönŋ lama moröŋi solanŋi uzi poretŋi qahö tandök aiga jöwöwöl ohohogö tandök qegetka sepŋi mokoyök. Miangöra mönö sarakŋi aka malme.²⁰ Anutunöŋ mutuhök Suep gölme qahö miwikŋaim etkiba nalö miangöreŋök Kraist möwölöhöba sohoppŋini memapkö nup areŋ mi lök qeljiŋe ala areŋgöyök. Mi areŋgöiga ahöi mala kota malgetmö, nalö teteköŋe kiaŋgöreŋ iŋini ölöwakŋegöra aka indeli aukŋe asuhuyök.²¹ Kraistnönŋ nam köl eŋgiiga ölöp Anutu möt narim wangim�akze. Anutunöŋ Kraist mem gulim wangii kömupnöhök wahöriaga asakmararaŋ al wangii malja. Mewö maljawangöra aka iŋini Anutu möt nariba kinda yuai pakpak jiyöhi, miangö dop ahakŋapkö jörömqöröm ak wangim�akze.

²²Jörömqöröm ak wangiba keu ölni tem kölgetka Kraistkö sepŋan köl könjörat mem eŋgiiga malme. Mewö mala ölöp urumeleŋ alaurupŋini geŋmoŋi qahö jöpaköm eŋgiba malme. Urukönömŋini pakpak miangön mönö kapaŋ köla törörök urukalem ak aŋguba malme.²³ Malmal köhöikŋangö keuŋi miangön mönö nam köl eŋgiiga ahuhahu döläkŋi ahuket. Gölmegö keu kusukŋi kunŋan qahö nam köl eŋgiiga Iwi ketaŋangö nahönbörataturupŋi aket. Anutugö keuŋan mönö qahö ayapkömapmö, teteköŋi qahö zeŋ ahöm öŋgöma.²⁴ ^cKeu miangö könaŋi mi

Buᶇa Kimbinöᶇ kewö ohoget ahöza: “Ambazip pakpak iᶇini mönö gwözözak luplup tandök akze. Aködamunᶇini pakpak mi juranᶇi asakasak-ᶇinambuk tandök akza. Gwözözak luplupnöᶇ mönö soholiba gororongögetka juranᶇinan buratiba teköqeköba etme.

²⁵Mewö etmemö, Kembugö Buᶇa keu malmal köhöikᶇi neᶇgimakzawi, miaᶇön mönö teteköᶇi qahö ahöm köhöiba ahöm öᶇgöma.”

Buᶇa keu miaᶇön Ölöwak Buᶇaya aiga tosatᶇan mi jim asarim eᶇᶇigetka mötze. Mewö.

Köt malmalᶇambuk yambuk kinda sarakᶇi akᶇe.

2 Buᶇa keu mötzeanᶇöra mönö bölöᶇamᶇini pakpak köteköba gilme. Geᶇmoᶇ köᶇbiᶇ pakpak mosötme. Ahakmeme silesile mi sisitᶇi memba tököme. Köroᶇgisigisi aka andöqeqe keu yöhösaᶇ ahakzei, mi pakpak mönö qekögetka et teköma. ²Morösesep geᶇmoᶇini qahö yeᶇön juzu nemingörök möta awöweᶇgömakze. Eᶇön mönö miaᶇgö dop Buᶇa keu qahö möwöramᶇögeri, mi urukönömᶇine albingö awöweᶇgöba malme. Mewö mala möt-naripᶇini köl guligetka qarim köhöiiga letota mala oyaeᶇkoyaeᶇ akᶇe. ³^dBuᶇa Kimbigö keu kun kewö ahöza, “Nene kun nepöleköba nahömᶇi mötkeri, miaᶇgö dop Kembu ölöᶇᶇi yambuk qekötahöba nahömᶇi mötket.” Keu miaᶇgö dop Kembugö nahömᶇi mötze ewö, mönö Buᶇa keunöᶇ qarim köhöiba malme.

⁴Kraistkö söpsöp keuya jimam: Kraistnöᶇ wahöta Anutugö tandö kömbönaᶇi aka malmal köhöikᶇanᶇgö wötᶇi akza. Iᶇini mönö yanᶇöreᶇ kaba kunbuk letotme. Ambazipnöᶇ tandö kungöra “Köt omaᶇi,” jiba

andö qeba mosötketmö, Anutunöᶇ i Amötqeqe Toᶇi akᶇapköra möwölöhöba yanᶇöra möri bohonᶇi öᶇᶇöᶇᶇöᶇi ketanᶇi akza. ⁵Kraistköreᶇ kaba guliba nanᶇinak mewöyök köt jamönᶇiᶇ malmalᶇinambuk ewö akᶇe. Mewö aka mal köhöigetka Suepkö mitimqeqe yanᶇön eᶇᶇömemba uruᶇini möhamᶇöiga köhököhöi miwikᶇaiiba urugö malmalgö jöwöwöl jike öᶇᶇi akᶇe. Uᶇa Töröᶇan uruᶇine mala sölölohöba mem letot eᶇᶇiiga jöwöwöl jike miaᶇgö jike nup galöm sarakᶇi aka kinme. Uᶇa Töröᶇan nam köla inahöm eᶇᶇiiga tem köla Anutugö waikᶇi memba möpöseim waᶇgiba malme. Mewö malgetka Anutunöᶇ eᶇᶇeka Jisös Kraistköra aka ahakmemeᶇini mewöᶇanᶇö sihimᶇi möta malma. ⁶^eBuᶇa Kimbinöᶇ keu kun kewö ahöza: “Eket, Anutunöᶇ mönö köt tandö kun möwölöhöba Zaion kundufe Israel kambu uruᶇine kömötpiga tandö kömbönaᶇi guli damandanᶇ (milyön Kina) ewö akᶇa. Denike yeᶇön tandö pöwöwöm köhöikᶇi mi möt narim waᶇᶇimakᶇei, yeᶇön mönö yanᶇöra aka gamu qahö möta malme.”

⁷^fMöt narim waᶇᶇiba maljei, eᶇᶇö jemesoholᶇine mi tandö kömbönaᶇi aködamunᶇambuk akzapmö, tosatᶇan uruᶇini qahö melenᶇda maljei, yeᶇᶇö jeᶇine mi Buᶇa keu kianᶇgö dop ahöza: “Miri meme yeᶇön ‘Köt omaᶇi,’ jiba tandö kun andö qeba mosötkeri, tandö miaᶇön mönö tandö kömbönaᶇi ahök. Könaᶇep tandökᶇi ain ewö miwikᶇaiget. Tandö pöwöwöm köhöikᶇi mewöᶇan tiᶇᶇitpawak ewö, mirinöᶇ mönö gororongöba eta kölbawak.”

⁸^gaka Buᶇa keu kun kewö ahöza, “Ambazipnöᶇ köt jamönᶇiᶇ miaᶇöreᶇ tötaᶇgöba eᶇᶇiiga miaᶇön mönö eᶇᶇum mizit ak eᶇᶇima.”

^d2:3 Sum 34.8

^e2:6 Ais 28.16

^f2:7 Sum 118.22

^g2:8 Ais 8.14-15

Yeñon Buja keu qahö tem köla nanjini imbi wuatangö-makzeangöra aka tötangöba erakze. Anutunöñ mewö arengöm engiyöhangö dop erakze.

^{9h}Yeñon mewö erakzemö, eñon ambazip kambu qainji kun kewö akze: Anutunöñ injini nanjangöra möwölöhöm engiiga qainji kun akze. Anutunöñ söñaupnöhök engoholiga asakji wewelip-ñambuk miangörej angota jike nup galöm kambu sarakji akze. Angöletot aködamanñambuk memba malöhi, miangö Buja keuji mi jim asaribingöra engoholök. Engoholiga Anutugö buja könagesöñi mala Kiñ Kembangö jembonurupji aka nupji liliköba memakze. ¹⁰ⁱMutuk Buja Kimbigö keu kungö dop “simbisembel lañ malgetmö,” nalö kewöñe uru jöhöm anguba kutulangöba “Anutugö urumelej könagesö kambu” aka malje. Mutuk Anutugö ak kömukömugöra “gukmaulem malgetmö,” nalö kewöñe “engehoriiga kalem möriamñi ölop möt kutuba malje.” Mewö.

**Anutugö welenqeçe
ambazip kewö aka malbin:**

¹¹O wölböt alaurupni, Suepkö buñaya aka gölmenöñ ki kusuk kiana maljei, nöñon engö uruñini kewö kungumam: Silegö sihim kömbönañini bölöñan galöm köl engibapuköra mönö nanjini angön köl angume. Sihim murutji murutji mienön mönö uruñini mem bölimegöra bim qemakze. ¹²Uruñini qahö meleñgeri, yeñgö sutjine ahakmemenji ölopñanök aka memba malme. Tosatjan injini bölöñi meme ambazip ewö keunöñ jim bölim engimakzei, yeñon ahakmemenji ölopñi eka könañamñini törörök möt asarigetka mötmötñinan uteköma. Mötmötñinan uteköiga nanjini

siñgisöndokñini aka möt sohosohoñini ek kutuba uruñini meleñda Kraist asuhumawangö nalöñe engöra aka Anutu möpöseim wangime.

¹³Anutunöñ malmal arengöiga ambazip tosatjan galöm köl nengimakze. Kembangö qetji bisize ewö, eñon mönö körek yeñgö keu bapñe anda malme. Kiñ aka ministö yeñon bohonñini akzei, injini mönö yeñgö jitñini tem köla malme. ¹⁴Kiap aka gawönö yeñgö jitñini mewöyök tem köla malme. Yeñon ambazip bölöñi akzei, yeñgö keujini kewöta likepñi meleñ engimakzemö, ölopñi ahakzei, yeñgö qetjini möpöseimakze. Anutunöñ miangöra aka gawman ambazip al engiiga malje. ¹⁵Anutugö jit sihitjan mönö kewö ahöza: Kezapjupjup ambazip gukmaulem kinda engöra uruqahö keu omañi omañi jimakzei, injini mönö ahakmeme ölopñi aka memba miangön yeñgö numbuñini muhungögetka öloñ malme.

¹⁶Anutunöñ bölöñangö kösö gwaröñeyök pösat engiiga lolohogeri, injini mönö miangö dop ahakmeme solanji aka memba malme. Mewö malmemö, bölöñamñini turumegöra “Kösö gwarönini qahö solanji (fri) maljin,” jiba miangörej möndöba nanjini imbiñini kude wuatangöme. Mewö qahöpmö, Anutugö jitji tem köla welenji qemakzei, mönö miangö dop gwarö qahö malme. ¹⁷Ambazip körek mönö göda qem enggiba malme. Urumeleñ alaurupñini mi urukönömñinan jöpaköm enggiba malme. Anutugö keuji oñgitpinbuköra mönö sömbuñini möta malme. Kiñ aka ministöuruñini yeñgöra mönö mötket öngöiga göda qem enggiba malme. Mewö.

Kraistnõj sihimbölogö silik ölöpni kondel nengiyök.

¹⁸Welenqeueurup injini mönõ ketanjaningö keu bapje anda göda pakpak kondel engiba malme. Urubönjõnõnj galöm ölöpni ak engimakzei, yengörök qahöpmö, öröm ureim ak engimakzei, mi mewöyök törörök göda qem engiba malme. ¹⁹Denike yejõn Anutugö jitjangö dop ambazip göda qem engiba malgetka töndup könani qahöpmö, õne kahasilinj ak engigetka sihimbölo möta kapan köla mökösõngmakzei, Anutunõj mi eka likepni melenja kötuetkõm engiiga simbawõj akze. ²⁰Bölõnj aketka kömbinõj engugetka mi möta mökösõnda kinme ewö, nanjaningöra mönõ denöwö aka mötket õngöbawak? Dopjine engugetka qetbujanj-nambuk qahö akje. Mewö qahöpmö, ahakmeme ölöpni akerangöra aka sihimbölo miwikpaiba mökösõnda malme ewö, Anutunõj mönõ miangö likepni melenja kötuetkõm engiiga simbawõj akze.

²¹Kraistnõj mewõnanök engöra aka sihimbölo möta silik ölöpni kondel engiyök. Miangöra injini mönõ yangö kõna tambõni mötõteiba sihimbölo möta mökösõnda malmegöra engoholök. Mewö mala simbawõj akje. ²²Buaja Kimbigö keu kun kewö ahõza, “Yañõn singisõndok kun qahö ahök aka yangö numbu jitjeyök munen keu kun qahö erök.” Injini keu miangö dop aketka dop kölma. ²³Ambazipnõj uruqege keu töhören Kraist gwõtputk jim wangigetka kitipni kun qahö melejõnõk. Sihimbölo ak wangigetka möta kitipni mekõmamgö qahö törõpkõm engiyök. Mewö qahöpmö, Anutunõj keu

diñdijanök jim tekõmakzawi, mönõ i möt nariba keuji yangö börõnje ala jim tekõmapkö mambörök.

²⁴Kraistnõj nengöra kapan köla singisõndok andõ qeba ahakmeme solanji wuatangöba malbingöra aka sihimbölo mörök. Mi möri Buaja Kimbigö dop “silenji qegetka uzi asuhuyõhangöra aka Anutunõj injini mem ölõwak engiyök.” Ölõwakjegöra mönõ “nanjak singisõndoknini memba silenje anguba” maripomnõj õngöba kömuyök. Miangöra injini mönõ Kraistkö dop sihimbölo möta mökösõngõgetka ölõwakña. Singisõndokõ esapesapnõj öröm nenggiiga miangõren mönõ qamõt tandök aka kõhömunji malbin. ²⁵Mutuk injini “lama ewö janjuj anda kaba lanlan malget.” Mewö malgetmõ, nalõ kewõnje urujinangö galõmjangõren lilingöba kaba malje. Yañõn injini lama ewö sel jõhöba köyan köl engimakza. Mewö.

Awanõm yengõren qambañ keu

3 ^aAnutu welen qebingö keuji lök jizalmö, ambi injini mönõ mewõnanök apurupjini yengö keu bapje anda malme. Mewö malgetka apurup tosatjan Buaja keu qahö tem köla maljei, yejõn mönõ mewõnanök anõmurupjini yengö ahakmemenjini eka urujini melejbeak. Urujini melejda malmaljinj Kraistkö börõnje almegöra Buaja keu jitjinanök qahö jimemõ, Kraistkö könani mönõ silikjinan kondel engigetka ek asaribeak. ²Ahakmeme sarakji diñdiji aka memba Anutugö jitji õngitpepekõra kenjõtjini mötketka azinõj mewö engkek yakõgetka Kraistpuk qekõtahõba malbingö sihimjini ahubawak. ³Silegõ akõdamunjinanök mönõ kude mem

^j2:22 Ais 53.9 ^k2:23 Ais 53.7 ^l2:24 Ais 53.5 ^m2:25 Ais 53.6

ⁿ3:1 Ef 5.22; Kol 3.18 ^o3:3 1 Tim 2.9

öngömakɛ. Nöröp sawaɲini qeba gawasu kōnaɲi kōnaɲi kude ala minjiɲda öngbōɲ kude memba malme. Kōsatorom goul yuainōɲ sileɲini kude meɲölöm aɲgume. Sileōtaɲ qetpuk sorok akōdamunɲambuk mi kude mem aɲgume.

⁴Mewö qahöpmö, akōdamunɲini ölni mi mönö töp megetka uruɲine ahöma. Uɲaɲinan luainōɲ böɲjōɲ malgetka akōdamunɲini ölni mianjōn tölapɲe ahöba mönö nalö kunōɲ qahö ayapkōma. Urubōɲjōɲ malgetka Anutunōɲ eɲgeka möri öngömakɛ.

⁵Mönöwök ambi sarakɲi yeɲōn Anutubuk kinda jörömqöröm ak waɲgiba yuai pakpakōra mamböta malgeri, yeɲōn mewöyök uruɲinaɲgö akōdamunɲinan meɲölöm aɲguba apurupɲini yeɲgö keu baɲɲe anda malget. Mönö ambi mieɲgö dop aka malme. ⁶Saranōɲ aɲɲi Abraham tem köl waɲgiba “Azi kembuni!” jiba ohola malök. Iɲini mewöyök zeɲ kinda nup ölöɲɲi ölöɲɲi memba awösamkakak kinda yuai kungöra jōnömɲini qahö undui apurupɲinambuk malme ewö, mönö Saragö dop ambi akōda-munɲinambuk aka malme.

⁷Ambi yeɲōn ösumɲini eretɲi akzemö, töndup malmalgö kalem möriamɲi mi azibuk örörōɲ buɲa qem aɲguba malje. Ösumɲini eretɲi akzeɲgöra azi mohot mohot iɲini mönö anömurupɲini törörök köyan köla lolongöm eɲgiba malme. Anutunōɲ azi eɲgö köulukɲini qepureibapukōra mönö göda qem eɲgiba malme. Mewö.

**Nup ölöɲɲi memakzemö,
sihimbölö töndup mötze.**

⁸Keuni tekömawaɲgö qambaɲi kewö jizal: Iɲini mönö körek urumohot aka

urumeleɲ alaurupɲini urubōɲjōɲnōɲ jōpaköm aɲguba malme. Guɲböɲjōɲjōɲ mala nanɲini memba et al aɲguba uruɲinan jöhöm aɲguba mohotɲe kinme. ⁹Jinōɲ jibi nuɲɲunōɲ guhubi aknōɲ aki mi kude ahakɲe. Uruqeɛ keu töhöreɲ jim eɲgigetka kitipɲi kude meköme. Mewö qahöpmö, keu bölöɲaɲgö likeɲɲi meleɲda mönö kötuatkōba uruölöwak eɲgiba malme. Mewö aka malgetka Anutunōɲ likeɲɲi meleɲniga kötumötuetɲi buɲa qem aɲgumegöra eɲgoholök. Mewö aka mala Kembu asuhumawi, nalö mianggöreɲ mönö oyaerɲkoyaerɲ akɲe. ¹⁰Mewö akɲegö keunɲi mi Buɲa Kimbinōɲ kewö ohoget ahöza: “Kunōɲ malmal nahömɲambuk malmamgö ak waɲɲiiga wehōn ölöɲɲi ölöɲɲi eka malmamgö mötzawi, yaɲōn mönö nesilamɲi keu bölöɲi jibapukōra jöhöba malma. Numbu suɲeyök geɲmoɲ keu asuhubapukōra mönö galöm mem aɲguba malma.

¹¹Ahakmeme bölöɲi mönö andö qeba nup ölöɲɲi ölöɲɲi memba malma. Luainōɲ malmalgö jaruba mi buɲa qem aɲgumamgö kapaɲ köla kinma.

¹²Mi kewögöra: Kembugö jeɲan ambazip solanɲi eɲgek galöm aka köulukɲinaɲgöra kezap alakzapmö, goɲgoɲi mi qahö mesohol köla eɲgehakza.”

Keu mewö ahöza.

¹³Iɲini nup ölöɲɲi memingö urukönöp aka malme ewö, ambazip sehisehiɲan mönö nupɲini geɲmororōɲ memba mem bölim eɲgibingö qahö mötme. ¹⁴Mi qahö mötmemö, töndup ahakmeme solanɲi akerɲgöra aka sihimbölö mötpeak ewö, iɲini mönö töndup Anutunōɲ kötuatköm eɲɲiiga oyaerɲkoyaerɲ akɲe. Kahasililiɲ

mem engibepuköra mönö öne töwöratiba keḡgötḡjini möta uruḡjini eri möt böloböloḡjinan engubapuk.¹⁵ Uruḡjinan kude etmapmö, uruḡjini mönö Kambu Kraistköreḡ jöhöba kónaḡi sarakḡi pónḡaḡ mötmörigetka öḡgöi malme. Nalö dop jöjöröba Kraistkö kónaḡi ambazip jim asarim engiba malme. Oyaenkoyaeḡ akingö jörömḡöröm akzei, ambazipnöḡ miangö kónaḡaḡgöra qesim engigetka mönö körek yeḡgöra keu meleḡ engiba malme. Mönö guḡböḡjönḡjön qakḡe ambazip göda qem engiba uru kuḡgum engiba malme.

¹⁶ Keuḡjini mewö galöm kölgetka Anutunöḡ engeka “Dop kölja,” jiiga urukezapḡjinan mewö mötmegöra kinme. Kraistpuk qekötahöba kinda ahakmeme öloḡḡi aketka uruqeqe keu töhöreḡ laḡ jim engimakzei, yeḡön mönö nanḡjini keu böloḡaḡgöra aka gamu miwikḡaime.¹⁷ Nup öloḡḡi öloḡḡi memba malgetka ambazip tosatḡan töndup kahasililiḡ ak engigetka Anutugöra sihimbölo mötketka dop kölja. Yuai böloḡi aka memba miangön sihimbölo miwikḡaigetka gamuḡambuk akza.¹⁸ Kraistnöḡ mewöyök nalö kunöḡ siḡgisöndoköra aka kömuyök. Nini goḡḡonḡi ahinga Diḡḡiḡi yaḡön neḡḡuaḡḡiriga Anutugöreḡ aḡgotḡpingöra aka sihimbölo mörök. Gölme azia aiga sileḡi mem kömugetmö, Uḡa Töröḡan mem gulim waḡḡiiga wahöta malja.¹⁹ Uḡa Töröḡan waḡḡiriga neḡḡomosöta kömupkö senjom mire geba uḡa kösö gwarönöḡ malgeri, mönö yeḡgöra Buḡa keuḡi jim asarim engiyök.

²⁰ Mönöwök Noagö nalönöḡ waḡḡe ketanḡi megetka Anutunöḡ uruḡjini meleḡmegöra kapaḡ köla mökösoḡḡa mambörökmö, ambazipnöḡ keu qahö

tem köla ayuhuba kömupkö kösö gwarönöḡ geget. Ambazip saiwa morörökḡi 8 mewöḡan Anutugö jitḡi tem kölgetka o aliga gölme turuba waḡḡe siriiga göulunöhök gouḡjini köla bohonḡjini jöhöyök.²¹ Yuai mewö asuhuyöhi, mi o melungö söpsöpḡi akza. Jisös Kraistnöḡ kömupnööhök wahöta maljaḡaḡgöra aka nalö kewöḡe o neḡḡomirigetka Kraistkö ösumḡan neḡḡualöḡḡa bohonini jöhömakza. O mi sileḡö töwötḡi saḡḡoḡmapköra aka qahö al neḡḡizemö, o melungö öḡḡi mi kewö: Nini Anutubuk malbingö jöhöjöhö aka jöjöpḡaḡ keunöḡ jöhöba kewö köulukö-makzin, “Anutu, ḡi mönö qewöloḡi saḡḡoḡnöḡḡa uruḡan sarakḡi aiga göhö jege dop kölma.”

²² Jisös Kraistnöḡ Suep mire eu öḡḡöba Anutugö böroḡi öḡḡe buḡabuḡaḡambuk tatza. Anutunöḡ kukösum waḡḡiiga tata Suep garata aka Suepkö bem suahö kónaḡi kónaḡi ösum-mumuḡjinan neḡḡek galöm aka kuḡgum neḡḡimakzei, mi tok galöm köl engiiga keuḡi baḡḡe malje. Mewö.

Mönö letota malmal qainḡi kun malme.

4 Kraistnöḡ sileḡe sihimbölo mörök. Miangöra iḡini mewöyök sileḡine sihimbölo mötḡingö jöjöröba malme. Yambuk mötmöt mohot kewö memba mötmörime: Kunöḡ siḡgisöndok ahakzawi, yaḡön mönö nanḡi sileḡaḡḡö sihimḡaḡgöra ak waḡḡimakza. Kunöḡ Kraistköra aka sihimbölo mörakzawi, yaḡö sihim kömbönaḡi böloḡan mönö söroräuba eri siḡgisöndok tököba qahö akḡamḡö kapaḡ köla malma. Urumötmöt miangön mönö wötḡjini mem engiiga miangöreḡ töndangöba aködamunḡinambuk aka malme.

²Urumötmöt miangörej töndangöba kinda uru silegö sihim kömbönañi bölöñi jöhöba galöm köla malme. Nalö kewöneyök könahiba gölmenöñ toroqeba mal öngömei, miangörej mönö Anutugö jit sihitñi tem köla wuatangöba malme. ³Iñini nalö mala kotkeri, miangörej angöjörak ambazip uruñini qahö meleñda ahakmeme bölöñi lañ akingö mötzei, mönö yeñgö dop kewö lañ malget: Serowilin aka sihim kömbönañini bölöñi lañ wuatangöba malget. O jawat, gojak daun yuai mi otoñomborañ memba kanjam köla negetka nöroñjini sohoi enjololoñ malget. Közölömbuañ ala liñet unduba ambi kenam mem bölim engiba kezapjupjup aket. Tandö lopioñ liliköba simin köl engiba yuai kanjamñambuk aket. Mewö aketmö, nalö kewöñe ahakmeme mewöñi mi qahö toroqeba ahakze.

⁴Angöjörak ambazipnöñ söñaup malmalgö sömuk piliñ-pilingöba ahözawi, miangörej öröba luhuba gemakze. Iñini yembuk kude öröba gegetka eka auruba uruqege keu töhörej jim engimakze. ⁵Mewö ahakzemö, Anutugö jeñe angotketka qesim engiiga könañamñini aukñe indela jim asarigetka möndö möndöñini kesalma. Anutunöñ ambazip maljini aka kömukömuñi mönö körek neñgö keunini kewöta jim tekömangö jöjöröza. ⁶Sileninan kömumba keuninan miangörej qahö teköma. Miangöra Ölöwak Buña mi kömupkö senjom mire maljei, mieñön mewöyök mötmegöra Kembunöñ mutuk jim asariyök. Mi kewögöra: Anutunöñ ahakmemeñini kewöta ambazip tosatñi neñgö dowa jim teköm engiiga silebuk malgerangö likepñi miwikñaimemö, tosatñan uruñini

meleñda uñañinan guliba malmal köhöikñangö buñaya aket. Anutunöñ nanñak mal köhöimakzawi, miangö dop körekñan malmal köhöikñi mal öngömegöra möt köhöimakza. Tosatñan Buña keu mi uruñini kuñgum engimegöra jiget. Mewö.

Nup memegö mötmöt kalemñi mönö galöm köla malme.

⁷Yuai pakpakö nalöñan mönö tekömangö dopdowiza. Miangöra iñini köuluköbingöra mönö ikmaok kude malmemö, nanñini ahakmemeñini galöm köl anguba zeñ kinda köuluk nup memba malme. ⁸Buña Kimbigö keu kun kewö ahöza, “Ambazip uruninan jöpaköm engiba siñgisöndokñini sehisehiñi kölaleiba gamuñini turumakzin.” Miangöra alaurup sutñine mönö törörök jöpaköm anguba malme. ⁹Iñini mönö alaurupñini köl öröba miriñine köisirik tata uruñinan jimongot ihururukñi qahö köyan köl anguba malme.

¹⁰Anutunöñ kalem möriam könañi könañi miangö Toñi akza. Yañön nup memegö mötmöt kalem murutñi murutñi mendeñ engii malje. Iñini mohot mohot mönö mötmöt kalemñini ölöpñanök galöm köla miangön könañesourupñini welen qem engiba malme. Mi buña qem angugerangö dop nupnöñ ala kambu sutñine bauköm anguba malme. ¹¹Nup memegö mötmöt kalem yahöt mi kewö: Denike yeñön Buña keu jim asarimakzei, yeñön mi mönö Anutunöñ sölölohöm engimakzawangö dop jiba malme. Denike yeñön alaurup welenñini qeba nanñöm engimakzei, yeñön mönö Anutunöñ inahöba ösum engimakzawangö dop alabauk ak engiba malme. Jisös Kraistkö buña

akzeangöra yuai pakpak miangöreñ mönö Anutu möpöseigetka qetbuñan aködamunñambuk aka ahöma. Yañön asakmararañ Toñi aka kukösum Toñi mi nalöñi nalöñi mala kota malja aka teteköñi qahö mal öngöma. Keu mi ölja.

Kraistpuk kinda sihimbölö möta malme.

¹²O wölböt alaurupni, sihimbölö qakñine öngöi mötketka könöñan engohotiriba esapköm engimakzawi, miangöra mönö kude auruba malme. Yuai asuhum engimakzawi, mi upnina, mewö mötmöríbepuk. Mi gölmenöñ maljinangö dop asuhumakza. ¹³Kude aurumemö, Kraistnöñ ölöpnji aiga kahasililiñ ak wañgigetka möröhi, iñini mönö sihimbölö miangö kitipñi mötzeangö dop sösongai aka malme. Yambuk mewö malgetka lilingöba kaiga asakmararañ asuhuiğa nalö miangöreñ mewöyök söngaiba oyaenköyaen akñe. ¹⁴Ambazipnöñ engeka uruñini Kraistköreñ melengerangöra aka uruqeçe keu töhöreñ jim enği-makze ewö, enñön mönö simbawoñ akze. Mewö jim engimakze-angöra aka Anutugö Uña Töröñi asakmararañambuk yañön mönö qakñine köla ösumñan turum engiba kötuetsköm engimakza.

¹⁵Engöreñök kunjan yuai bölöñi ahöhañgöra sihimbölö miwikñaiba mötpapuk. Kunöñ kegwek-kahasililiñ aka ambazip enguba yuai yongorö meyöhi me tosatñi yengöreñ keu jim supapköba nup meme tandöktandök möndöba lañ lilikqilik aka lömböt miwikñaimakzawi, yañön mönö sihimbölöñi dopñe mötza. ¹⁶Kunjan Kraistkö alañi akzawangöra angösirip miwikñaiba sihimbölö mötza ewö,

yañön mönö miangö gamumamusumñi kun öne kude mötma. Gamu qahöpmö, Kraistkö qetñi bisizawangöra mönö Anutu möpöseiba malma.

¹⁷Anutunöñ ambazip keunini kewötmapkö nalöñan kam kuñguiga nanñi urumelen könagesöurupñi neñgö keunini mi mutuk jim teköma. Mutuk neñgö keunini jim teköma ewö, ambazip Anutugö Ölöwök Buña qahö tem kölgetka lömböt qakñine öngöiga teteköñe mönö denöwö asuhum engibawakto? ¹⁸vBuña Kimbinöñ keu kun kewö ahöza: “Solannji yeñön Suep mire öngöbingö kupuk-kapak akñe ewö, siñgisöndok ambazip angöjörakñinambuk yengö keunini mönö denöwö asuhubawakto?”

¹⁹Miangöra alaurup Anutugö jitñi tem köla angösirip miwikñaiba sihimbölö mörakzei, enñön mönö uñañini miwimi-wikñai Toñangö böröñe alme. Toñi yañön keu jiyöhañgö dop alaurupñi sel jöhöba kölközizip aka köyan köl enğimakza. Uñañini yañgö böröñe ala mönö jegep kinda nup ölöpnji ölöpnji pöndañ memba malme. Mewö.

Jitjememe engöreñ qambañ keu

5 Nöñön urumelen könagesögö jitjememe kun aka Kraistnöñ sihimbölö möröhi, miangö keunji nañgöba jimakzal. Könangep lilingöba kaiga asakmararañ asuhuiğa qetbuña ningii miwik-ñaimamgö mötzal. Engö sutñine nöngö jitjememe alaurupni akzei, nöñön engö uruñini kewö kuñgum engizal: ²wAnutunöñ möt narim engiba lama kambunji böröñine alöhi, enñön mönö i köyan köl engiba malme. Nup mi ölan qakñe qahöpmö, Anutugö jitñangö dop urusihimñini nupnöñ ala mi amqeba urukönöp qakñe zeñ memba kinme. Möndömöndö qakñe

injarere mala moneŋ yuaigöra kude kapaŋ kölma malme.

³Lama kambu baŋŋine kaba kin-jei, i mönö azi kembu tandök kude galöm köl eŋgime. “Zioz galöm akzin,” jiba töptöpŋine kude qeba miwidimgöm aŋgumemö, ahakmemegö silik ölöŋŋi mi lama kambu kondel eŋgiba malme.

⁴Ahakmeme ölöŋŋi aka malgetka lama galöm bohonŋan kunbuk asuhumawi, nalö miaŋgöreŋ mönö sorom jölŋine uta ila jalö aködampungambuk nööröpŋine köl eŋgigetka buŋa qem aŋgume. Aködampungun miaŋön mönö nalö kunöŋ qahö tahöliba piahima. Mewö.

Segguli eŋgöreŋ qambaŋ keu

⁵Segguli iŋini mewöyök galömurup yeŋgö keuŋini baŋŋe anda malme. “Anutunöŋ söŋgööröqök ambazip tuarenjoŋ ak eŋgimak-zapmö, nanŋini memba et al aŋgumakzei, yeŋgöra mönö kalem möriamŋi eŋgimakza.” Miaŋgöra iŋini mönö körekmakörek sutŋine nanŋini memba et al aŋguba malme. Tandök miaŋön mönö maluku ewö kölget gem eŋgiiga malme. ⁶Miaŋgöra mönö nanŋini memba et al aŋguba Anutu böröŋi kukösumŋambuk miaŋgö baŋŋe angetka nalöŋan kam kuŋguiga ölöŋ memba öŋgöba al eŋgima. ⁷Buŋa keu kun kewö ahöza, “Yaŋön iŋini köyan köl eŋgimakzawaŋgöra waimanŋatŋini pakpak mönö yaŋgö böröŋe ala mosötme.”

⁸Ahakmemeŋini galöm köl aŋguba zeŋ kinda pöndaŋ uru guliguli malme. Bölöŋaŋgö Toŋan laŋ liliköba ambazip tuarenjoŋ aka jarum neŋgimakza. Kunŋan sipkömturuk aiga yaŋön mönö laion sömbup ewö gwahöt neŋgimangö jöjöröza. (Laionöŋ

görorök qeriga silatŋi mötketka böŋŋini wahörakza.) ⁹Iŋini sihimbölö mörakzei, eŋgö urumeleŋ alaurupŋinan mönö mewöŋanök gölme dop kahasililiŋ miyöhök möta mökösoŋda malje. Mi mötmöriba keŋgötŋini yaköriba mötnariŋnöŋ töndangöba kinda laion mi köhöikŋanök tuarenjoŋ ak waŋgiba malme.

¹⁰Iŋini nalö töröpŋi sihimbölö möta malgetka mösöhöba naŋgöm eŋgiba töngum eŋgiiga ölöŋ kin köhöiba malme. Mewö Kraistpuk kingetkun aködampungun tököm eŋgiiga asakmararaŋe öŋgöba teteköŋi qahö asariba malme. Anutu, kalem möriam pakpakö Toŋi akzawaŋön mönö iŋini mewö aka malmegöra eŋgoholök. ¹¹Yaŋön kukösum Toŋi mala kota malja aka nalö teteköŋi qahö mal öŋgöba malma. Keu mi ölŋa.

Pitönöŋ yaizözkök keu teteköŋi jiyök.

¹²Anutugö kalem möriamŋan mönö ak kömukömu ölä töhöŋŋi akza. Nöŋön keu mi köhöiba naŋgöba jiba eŋön kalem möriam miaŋgöreŋ tönguba kin köhöiba malmegöra jim kutum eŋgizal. Miaŋgöra kimbi töröpŋi ki jibiga neŋakni Sailasnöŋ ohom eŋgiyök. Yaŋön nömbuk pöndaŋ kinda urumeleŋ neŋakni akza. Yaŋgöra mewö mötmörizal.

¹³^aAnutunöŋ urumeleŋ könagesö iŋini ewö nanŋaŋgöra möwölöhöm eŋgiiga Babilon siti bölöŋi miaŋgöreŋ⁸ maljei, mieŋön mönö yaizözkökŋini algetka eŋgöreŋ kaza. Mötnariŋkö nahöni Mak yaŋön mewöyök yaizözkökŋi alja. ¹⁴Iŋini sutŋine urukalem-ŋinaŋgö waikŋini memba

§5:13 Babilon mi Rom sitigö qet tölapŋa. Indelindel buknöŋ mewöŋanök qet mi miaŋgö dop ohoget ahöza.

^x5:5 Qam 3.34 ^y5:6 Mat 23.12; Luk 14.11; 18.14 ^z5:12 Apo 15.22, 40

^a5:13 Apo 12.12, 25; 13.13; 15.37-39; Kol 4.10; Flm 24

aṅgum aṅguba nemböṅini susuhuba
malme.**

Alaurup Kraistpuk qekötahöba kin-
jei, luainöṅ mönö körek embuk ahöma.
Mewö.

**5:14 Nalö miangöreṅ jölöṅini jiba waikṅini memba numbuṅini yöhötüm namba malgeri, mönö miangöra jiza.

Pitögörej Kimbi 2

Pitönöj Kimbiñi aliga 2 ahök.

Jim-asa-asari

Pitönöj Kimbi ki Kraistkö alaurup gölme dop tat angeri, yeñgöra ali anda liliköyök. Tosatñan keu sohoboho miwikñaiba ambazip kusum sohom engigerañgöra malmal sarakñi mosöta sero namböñnamböñ yuai lañ aka malget. Böhi takapulakanñi mi Anutugö keu bapñe qahö anda (2.10) iwilele (3.17) aka silenini möpöseiba (2.18) jakbak-örañbörañ (2.10) aka nanñini imbi-imbi malget. Aiakaninan Jisös qañ köl wañgiget. Yeñön ilit ambazip gödaqegeñini qahö mala anjañbanjañ ambazip (2.3) lölöwöröñi (2.18)janjuñ mem engiget. (3.3-4)

Pitönöj keu aka ahakmeme miangöra waimanjat ketanñi möta diñgimapköra bim qeba amötqegegö könanñi jim tuariza. Uruñini kuñguba jimkutukutuñi kewö ohoyök, “Anutu aka Kembu Jisös Kraist ölna möt narim etkiba yetpuk qekötahöinga lömböt mi mem et ali amqema. Mötmöt mewöñi mi jimbureñ qahöpmö, ambazip nanñini jeñinan Jisös eka ambazip kusum engiba malöhi, mi möta jiget kaiga mörin. Miangöra mönö malmal sarakñi mala kopa malmal aka uruyahöt mi andö qeme.”

Tosatñan kapañ köla kewö lañ jiba ambazip kusum sohom engiba malget, “Kraistnönöj kunbuk qahö lilingöma.” Keu mi jimbureñ keuya. Pitönöj keu miangöra waimanjat ketanñi möta likeññi kewö melenña jiba ohoyök, “Kraistnönöj nalöñi könjörari öngöiga lilingömawañgö tandök akzawi, mi kewögöra: Anutunöj ambazip neñgöreñök kuññan ayuhumapkö qahö mötzapmö, körek neñön urunini melenña siñgisöndok

malmalnini mosötpingö möta kapañ kölakza.”

Buk kiangö bahöñi bohonñi 4 mi kewö:

Keu mutukñi 1.1-2

Anutunöj sarakñi malbingöra neñgoholök 1.3-21

Böhi takapulakanñi yeñgö könanñi 2.1-22

Teteköñe Kraistnönöj lilingöba kama 3.1-18

1 Saimon Pitö nönön embuk keu er-aum mötpingöra kimbi ki ohozal.

Jisös Kraistnönöj melaim niñgiiga aposol aka welenñi qeba malakzal. Bem Anutuninan Amötqege Tonji Jisös Kraist melaiiga eri yañgöra aka keunini jim teköi solaniinga mötnaripninan ahuyök. Iñini mötnarip miyök buña qem añgugetka bohonñi öngöñgöñi aiga nini ewö simbawoñ malje.

² Iñini Anutu aka Kembunini Jisös möt kutum etkizei, yetköñ mönö kalem möriamñi keleñmaleleñ engiyohotka luainöñ malm. Mewö.

Anutunöj engoholöhi, miangöreñ köhöiba kinme.

³ Anutunöj asakmararañ Tonji aködamunñambuk akza. Miangö dop nini sarakñi aka malbingöra neñgoholök. Mewö könanñi möt yaköinga kalem neñgimakzawañgö könanñi asuhuyök. Nini malmal köhöikñi mala urugö köl guliguli pitirik akingöra yuai osimakini, yañgö bem ösumñan mönö mi pakpak neñgiiga buñanina ahakña.

⁴ Asakmararañ Tonji yañön urunine nupñi nupñi wewelip-ñambuk memba kalemñi pakpak neñgimamgö mörakza. Anutunöj jöhöjöhö keuñi neñgiyöhi, miangö söngöröñan mönö öngöñgöñi akza. Iñini mutuk gölmegö sihim kömbönanñini bölöñi lañ wuatangöba añgöjörak uruñe malgetmö, Anutunöj

injini miangö-rejök meköba bohonjini jöhöyök. Mewö aiga kopa malmal söröreiba andö qemegöra amötqeqe areji ali ahöza. Mötmöt ahakmeme aködamunjangbuk Anutugörej ahözawi, yañon injini miangö dop letota kölönajimegöra kapañ kölakza. Injini jöhöjöhö keuñi keta bölökñi miangörej qekötahöze ewö, yañon mönö inahöm enjiiga kunbuk letota Suepkö aködamunji miwikñaiba buña qem anguba malme. Aködamunji miañon ölop tönjonjongöba dop köl engima.

⁵Anutugörej jöhöjöhö keu mewö ahözawañgöra aka injini mönö mötnaripkö ölni ahum enjiiga kondela malme. Mewö malmegöra mönö kapañ köla zeñ kinda bim qeba malme. Ölni ahum enjimawi, mewö ölop Anutugö könani toroqeba möt kutume. ⁶Mötkutukutuñinan qariiga ölop ahakmemeñini toroqeba galöm köl angumakñe. Galöm köl anguañgunjan qariiga ölop kin köhöiba lömböt mökösonda bisiba malme. Kin köhököhöinjan qariiga ölop kunbuk Anutugö jittangö dop urugö köl guliguli aka malme.

⁷Urugö köl guliguliñinan ahum qariiga ölop urukalemñinan sehiiga urumelenj alaurup ala-ala aka köyan köl anguba malme. Urukalemñinan sehiiga ölop ambazip pakpak jöpaköm engiba malme. ⁸Injini Anutugö aködamun mewöñi buña qem anguba mem sehiba malme ewö, mönö gilipitñi (ambetakñi) kude malme. Mewö qahöpmö, aködamunji miañon mönö nam köl enjiiga amqeba Kembunini Jisös Kraistkö könani möt kutuba ölop nupñi jegep kinda megetka ölni ahumakña. ⁹Ölop ahumakñapmö, denike yengörej Anutugö aködamun mewöñi qahö ahöm engiza ewö, yengö mötkutukutuñinan mönö töröpnji aiga

bau jegömöl ewö kinkuñ kankuñ akze. Anutunöñ siñgisöndokñini walñi sañgoñni sarakñi akeri, mi ölum enjui ikmaok malje.

¹⁰O urumelenj alaurupni, Anutunöñ möwölöhöm engiba engoholöhi, injini miangörej tim töndangöba kinme ewö, mönö nalö kunöñ qahö tala kaman kölme. Miangöra enñon mönö miangörej köhöikñanök töndangöba kinbingö kapañ köla malme. ¹¹Mewö aka malgetka Anutunöñ engehi dop köli köl öröm enjiiga Suep miri nañgunjan lökñanök taliga ölopñanök uruñe öngöme. Kembunini Jisös Kraistnöñ Amötqeqe aka bemtohoñ Tonji akza. Yañgö bemtohoñ uruñe öngögetka nalö teteköñi qahö galöm köl enjiiga oyaenjkoyaen aka malme.

¹²Buña keu ölnan köna mewö kondel engizawi, injini mi lök buña qem anguba miangörej böñ qeba kin köhöize. Miangöra keu areñ jizali, mi ölop möt asarizemö, nöñon töndup miangöra nalö dop jim gulim enjimamgö mötzal. ¹³Mewö möta sile kiangö sepö koumnöñ malmamangö dop keu areñ mi ölum engubapuköra mötmötñini jim guliba kuñgum enjimamgö mötpi dop kölja. ¹⁴Nöñon sileni kusukñi ki sepö koumni ewö luluñda zilañ kömumba unjem mire öngömami, mewö möt yaközal. Kembunini Jisös Kraistnöñ mewöyök buzup keu mewöñanök jii möral. ¹⁵Keu areñ kusum enjiali, miañon urukönömñine ahöiga nöñon nöñ qeba kömup mire anbiga miangö andöñe mewöyök mi ölop nalö dop mötmöriba malme. Nöñon miangöra köhöiba kapañ kölakzal. Mewö.

Kraistkö asakmararañi mi jeninan eka nañgöba jizin.

¹⁶Kembunini Jisös Kraistnöñ qetbuñani öngöngöñi memba nup kukösunjangbuk memba malöhi, neñon mi nanine jeninan uba eka malin.

Mewö mala miangö dop kukösumjangö könani aka lilingöba kamawangö keuji mi jim asarim engiba malin. Mi bem samban kösohot^{††} ewö qahö jimbureñ ahin. Girabu mötmöt ewö mi lañ qahö wuatangöba malin. ¹⁷^bNöñön Jisösgö qetbuñani öngöngöñi mi naninak kewö asuhuiga ehin: Asakmararañ Toñi öngöngöñi yañön keu jiiga qet kewö asuhuiga mörök: “Azi ki nani wölböt nahöni aiga yañgöra urunan ölöwahiga eknahöm ak wangizal.” Yañön mi möriga Iwi Anutunöñ asakmararañ wanggiiga aködamurañi buña qem añguba malök. ¹⁸Neñön yambuk kundunji töröñi miangöreñ öngöba malinga qet miangön Suepnöhök asuhuiga mörin.

¹⁹Kezapqetok ambazip mutuhök Buña keu jiba ohogeri, mi nalö kewöñe möt sölöngöba añañön kölinga pöwöwöm köhöikñi ak neñgiza. Miangöra Buña Kimbi waljangö keuji mi mönö törörök kezap ala buña qem añguba malme. Kiwanöñ miri söñsöñaune asarimakzawi, kezapqetok keu miengön mönö miangö dop jim asarim engimakze. Injini miangö asakñe qekötahöba kinme ewö, mönö ölop Anutugö köna ölni eka söñaupkö ahakmemeni yaköriba mosöta malme. Mewö mal öngöba mambötketka miri wangarañ suruiga söñangö undiñi asuhuiga uruñinan asarima. Kembuninan lilingöba kamawangö undiñan mönö mem asarim engii eka Anutugö yuai pakpak ek asarim teköme.

²⁰Keu nööröñi mutukñi ki mönö möt asarigetka kude ölum enguma: Gölme ambazip kunjan Buña Kimbigö kezapqetok keuji mi nanñi mötmöt qakñe jim

asarimangö osimakña. ²¹Mi kewögöra osimakña: Gölme ambazip kungö jit sihitjan nalö kunöñ qahö nam köliga kezapqetok keu asuhui jiget. Mewö qahöpmö, Uña Töröñan kezapqetok ambazip uruñine sölölohöm enggiiga Anutugö jitleyök keu memba mönö mia jiget. Mewö.

Böhi takapulakañan mönö mala ayuhume.

2Kezapqetok ambazip takapulakañi mi mewöyök Israel könagesö sutñine asuhuget. Miangö dop engö sutñine böhi sohoboho mewöyök asuhume. Asuhuba kinda mötnariñjini ayuhumapkö eñololoñ keu kemañi kemañi mi tölapköba memba sutñine kame. Ketañamninan sohopenjini meyöhi, Kembu mi mewöyök qañ köl wanggiba mewö miangön nanñini könderñ añguba wölañ ayuhume.

²Mewömö, mi töndup ambazip sehisehiñan mönö yengöreñ serowilin silikñini wuatangöba nanñini imbi-imbi malme. Mewö malmeangöra ambazip mötmötñjini qötömötötañ aketka urumeleñgö köna ölnan mötmötñjine gamuñambuk ahakña. ³Böhi takapulakañi miengön mönö yuai membagan membingö köpösöngöba nepaqepalok aka kösohot könani könani jimbureñ (zöm mindiriwa) aka lañ jim sehiba malme. Mewö malgetka eñön mi möta amqeba monerñ yuai tokogetka lañ örömögöjup memgöjup aka malme. Anutunöñ ambazip mewöñi yengö keujini lök möpñangö möpñe jim teköiga likeñi meleñniga qakñine öngömapkö ahöza. Anutunöñ könderñmönderñ enggimangö tañqañ

^{††}**1:16** Bem samban miengö könaniñi kun mi kewö: Mötmöt ambazip yengö uruñine jimbureñ mötmöt letoriga keu könani könani lañ mötmöriba numbu o algetka asuhumakze.

^b**1:17** Mat 17.1-5; Mak 9.2-7; Luk 9.28-35

ikmaok qahö akɲapmō, öl töhöñña sihimbölo möta malme.

⁴Köndenmōdenɲ asuhumapkō galöm meme keu tosatɲi kewō: Suep garata tosatɲan Anutugō jitɲi qetala siŋgisōndok akeri, Anutunōɲ i qahö engehoriyōkmō, aköm enɲiiga könöp mire emuyaŋgōreɲ geget. Yakōriɲa panaman miri dutɲe ala ain tapepnōɲ (muŋgamuŋga) gwaröhöm enɲiyōk. Gwaröhōɲa galöm köl enɲiiga keuɲinaŋgō kitipɲi jim tekōmapkō mamböt tatkerata tata kotze. ⁵Möpɲaŋgō möpɲe ambazip aŋgōjōrakɲinambuk gölmenōɲ malgeri, Anutunōɲ i mewōyōk qahö engehoriyōkmō, göulu ketani jiiga wahōta enɲguba turum enɲiyōk. Turum enɲiyōkmō, töndup azi Noa miaɲōn urumeleŋgō keu jiba ahakmeme diŋdiŋi akɲegō uru kuŋgum enɲgiba malōhi, i aka ambazip 7 mia malmalɲini aŋgōn kölā sel jöhöm enɲiyōk.

⁶Mewōyōk Sodom Gomora taon yahöt mi ayuhumahotkō keuɲini jim tekōɲa könöpñōɲ enɲgohōiga gapɲjiranök ahōyohot. Ambazip aŋgōjōrakɲinambuk yeŋgōra yuai denōwō asuhumawi, miangō söpsöpɲi ekingōra mi al enɲii akzahot. ⁷Könöpñōɲ körek enɲgohomamgō ahōkmō, töndup azi solanɲi Lot mi mutuk sutɲineyōk mekōɲa aŋgōn köl waŋɲiyōk. Iwilele ambazip sero nambōɲnambōɲ aka nanɲini imbi-imbi ahakmeme tosatɲi laɲ aket eka yeŋgōra möt böliɲa uruɲan eri malök. ⁸Azi solanɲi miaɲōn yeŋgō sutɲine mala ahakmeme iwilele kanɲamɲambuk eka möta malōhi, miangōra mönō wehōn dop möt jinɲinɲgōɲa malök. Uruɲi sarakɲan mönō sundan böliiɲa malök.

⁹Galöm meme keu jizali, mieɲōn Anutugō könanɲi kewō kondelakze:

Kembunōɲ ambazip Anutugō malmal köhöikɲi köl gulimakzini, nini ölöp esapesapñöhök mekōɲa bohonini jöhōmamgō mörakza. Mi mörakzapmō, ambazip goŋgoɲi mi keuɲinaŋgō likepɲi meleɲni qakɲine öŋgōiga garataurupɲan galöm köl enɲigigetka malme. Mewō mala öŋgōgetka nalō ketanɲan kaiga keuɲini jim tekōiga toroqeba sihimbölo möta malme.

¹⁰Ambazip sileɲinaŋgō sihim kömbōnanɲi bölöɲi wuatanaŋgōɲa aŋgōjōrakɲinambuk aka iwilelenōɲ Anutugō kukōsumɲi memba et alakzei, Anutunōɲ mi mönō mutuhök jim teköm enɲiyōhawa sihimbölo ketanɲi möta malme. Böhi takapulakanɲi mieɲōn mönō jakbak-ōraɲbōraɲ qakɲe nanɲini imbi-imbi mala Suepkō bem suahō asakmararaɲinambuk euyaŋgōreɲ maljei, yeŋgōra sömbu-ɲini qahö mörakze. Mi qahöpmaöhōpmō, i mewōyōk uruqeqe keu töhöreɲ jim enɲimakze. ¹¹Mewō ahakzemō, Suep garata kukō-sumɲinambuk böhi sohoboho mi enɲgoŋgita öŋgōŋgōɲi akzei, mi töndup Suepkō bem suahō ambazip mi Kembugō je mesoholɲe qetala uruqeqe keunōɲ töhöreɲ qahö jim teköm enɲimakze.

¹²Garata yeɲōn mewō qahö ahakzemō, ambazip mieɲōn sileɲini memba öŋgōɲa Buɲa keu qahö möt kutuba mi töndup yeŋgōra uruqeqe keu töhöreɲ laɲ jimakze. Sömbup soɲ ewō mötkutukutuɲini ölni qahö asuhuiɲa sömbup malmalgō sihim yuai korembiɲi miyōk mörakze. Sömbup soɲ mi asuhugera ambazipñōɲ laɲ enɲguget kömumakzei, yeɲōn mönō miangō dop laɲlaɲ tönpin mala ayuhume. Nanɲini sihim mötmötɲini goŋgoɲmaŋgoɲan mönō köndenɲ enɲigigetka ayuhum tekōme. ¹³Tosatɲi öröm ureim ak

engigetka kahasililiḡ mötketmö, Anutunöḡ nanḡini keuḡinaḡö likeḡni meleḡ engiiga sihibölö miyök qakḡine öḡöma. Urumeleḡ eḡön urukalem kondel aḡubingöra tokoba lömbuaḡ algetka takapulaka böhi mienḡön mönö miangöreḡ mewöyök kamakze. Kaba dogoḡini aukḡe kondela bau numbu nemakze. Mewö aka engö sile töwötḡini boromḡi boromḡi gamuḡinambuk ewö akze. Nanḡinak sileḡinaḡö sihimḡi meköbingöra totoko yuai asakḡe ala sero aukḡe aka laḡlaḡ söḡgaimakze. “Ziozö lama galöm akzin,” jiba ala engöra qahö mötmöriba tilipköm engibingö sösoḡgai mörakze.††

¹⁴Jeḡini kaisero jeje aka ambi engihakzei, mi serowilinök akingöra mörakze. Sero siḡgisöndok yuai akingö sihimḡi mi qahöpmaḡöp mosötḡingö mörakze. Ambazip koḡḡwarak kölakzei, mi öröm engigetka köna jitḡe gegetka örömböknöḡ jölḡini mesinḡmakza. Membagun membingö nepaqepalok köpösöḡḡögetka urumötmötḡini köhöikḡi miangöreḡ aḡöza. Mewö ahakzeangöra Anutunöḡ saitköm engiiga ayuhume.

¹⁵Yeḡön köna diḡdiḡi andö qeba kahalalom jaḡḡuḡ anda kezapqetok azi Balam Beorgö nahönḡi yaḡö urukönöp köna wuatangömakze. Kerök azi kembu kunöḡ Balam Israel ambazip tilipqilip ak engimapköra töwa waḡḡiyöhi, urusihimḡan mönö moneḡ miangöra ak waḡḡiyök. ¹⁶Ak waḡḡiyökmö, doḡki kunöḡ bölöḡamaḡangöra jim bölim waḡḡiyök. Doḡki sömbup keu qahö jijiḡi miangön mönö azi jölnöḡ keu jiba kezapqetok azi miangö urusohop ahakmeme mi jöhöm waḡḡiiga osiyök.

¹⁷Ambazip mienḡön mönö o jeḡi jöpjöpköḡi ewö tandök malje. Raidimbom luhutnöḡ kousu omaḡi töhöntöhön muwutapköm engimakzawi, mönö miangö dop öne laḡlaḡ anda kamakze. Anutunöḡ pandaman göjwinangö uruḡe yeḡöra miri areḡgöm engiyöhi, mönö emuyangöreḡ dutḡe geba malme. ¹⁸Yeḡön kezapḡupḡuḡ keu omaḡi jiba sileḡini mempa öḡgöba laḡ tiwok-mawok aka tereḡgömakze. Sileḡö sihim kömbönaḡini bölöḡi wuatangöba sero namböḡnamböḡnöḡ ambazip laḡ öröm engimakze. Jaḡḡuḡ maljei, tosätḡan yeḡö sutḡḡineyök ölöḡ kölakzei, mönö mi kelök keunöḡ kuḡḡum engigetka köna jitḡe gegetka örömböknöḡ jölḡini mesinḡmakza.

¹⁹Yuai kunöḡ ambazip kun jöhöba galöm köl waḡḡimakzawi, miangö kösöḡan mönö i jöhöiga mi töwa qahö öne welen qeba malja. Miangö dop böhi takapulakanḡi mienḡön kelök keu kewö laḡ jimakze, “Inḡini mönö nini toroqem nengigetka ölop kösöḡini qahö solanḡi aka nanḡini imbi-imbinöḡ malme.” Keu mewö jimakzemö, mi töndup nanḡinak aḡgöjörakḡinaḡö welenqeḡeḡi aka miangö kösönöḡ malje.

²⁰Yeḡö könaḡamḡinan kewö goḡḡiiga malje: Kembunini Jisös Kraist Amötqeḡe Tonini i möt kutuba mewö miangön gölmeḡö ahakmeme aḡgöjörakḡambuk misinḡöba andö qebagun mönö kunbuk miangö kösönöḡ köpeim aḡguba qaköba tatze. Miangöra könakönahiḡe ölopölöp malgetmö, teteköḡe böliqölim teköba malje. ²¹Anutunöḡ keunini jim teköi solanibingö könaḡi mutuk qahö möt kutuba tönpin malbeak, miangön mönö ertḡi ak engibawak. Mewö akawakmö,

††2:13 Böhi mienḡön törom ewö asamböta tatzemö, waḡḡeḡinan yeḡöreḡ qaköba jöḡgöbapuk.

Buņa mi ölna jigetka möta kónaņi môt kutugetka buņaņina ahök. Uruņini meleņda miangö andöņe jöjöpaj keu töröņi andö qegeri, mianjón mönö yuai kanjamņambuk aka gamu qem engimakza. ²²Andö qeba köpeim anguba etkeri, mi uruqesij keu ölbölņi yahöt mietkö dop akza. Keu jitņi kun kewö, “Kiamnön loņnöhängöreņ lilingöba kamakza.” Keu jitņi kun kewö, “Bau saņgoņninga dumge eleņda sömuk piliņpiliņnön luhuba geba lömu aumakza.” Mewö.

Kembu kamawangö jöhöjöhö keuņi

3 O wölböt alaurupni, nönön kimbi yahötņi ki albi engöreņ kaza. Keu jizali, iņini mi lök mötzmö, nönön keugö ölni ahumapköra uruņini sarakņi kuņguba jim gulim engiba kimbi yahöt ki kewögöra ohozal: ²Kezapqetok ambazip sarakņi yeņön mönöwök Buņa keu jiba malgeri, miangöra mönö ölum engubapuk. Mewöyök Kembu Amötqeqe Toņan jimkutukutu neņgiiga nanņini melaimelai azi aposolurupņinan kusum engigeri, mönö mi mötmöriba köl guliba malme. Miangöra nönön keu miyöhök ohobiga yahöt akņa.

^{3h}Keu mutukņi kun kewö möt asarime: Kraistnön lilingömamgö aiga nalö teteköņe miangöreņ mepaqepaik ambazip asuhuba ahakmemeņinan nanņini sihim kömbönaņini bölöņi wuatangöba ilit keu jiba malme. ⁴Tosatņan lilingöba kamawangö keuņi kewö jiba qeapköba malme: “Kamawangö jöhöjöhö keuņi mi mönö denikeangöreņ ahöza? Ambösakoninan mala kota kömuger, nalö miangöreņök yuai kuņņan kun qahö meleņni geyök. Anutunöņ Suep gölme miwikņaim etkiiga öroyuai pakpak könahiba

ahöyöhi, mi mönö mewöņanök ahöba kori maljin.”

⁵ⁱMewö jiba keu kötņi ki ölan gemakze: Anutunöņ möpņangö möpņeyök jim kutuba keuņangö ösumņan suep jakeņi jakeņi miwikņaim engiyök. Mewöyök o jim kutum engiiga deņda angetka mianjón gölme miwikņaiiga onöhök asuhum tiņgirök. Yeņön keu kötņi mi mötzmö, mi qahö mötzin tandök möndöba laņ jiba nönöņgan ahakze. ^{6j}Könangep jim kutuiga o gölunöņ wahöta gölme turuiga ambazip nalö miangöreņ gölmenöņ malgeri, mi o nemba kömumjaiget. ⁷Yeņön onöņ kömumjaigetmö, suep gölme nalö kewöņe etkehakzini, mi könöpnöņ ayuhumawangö dop akza. Anutunöņ miangö keuņi lök böņtöņ jim kutuiga ahöza. Miangö ölni asuhumawangö nalöņan kam kuņguiga Anutunöņ ambazip angöjörakņinambuk maljei, yeņgö keuņini jim teköba könden engiiga ayuhume.

^{8k}Mewö asuhumapmö, wölböt alaurupni, naninak ehinga yambu 1000 mi nalö köröņņi akzäpmö, Buņa keu mohot ki mönö kude ölum enguma, “Wehön mohot mi Kembugö je mesoholņe yambu 1000:gö dop akza aiga yambu 1000 ehiga wehön mohotkö dop akza.” ⁹Kembugö jöhöjöhö keu mianjón ölnambuk akņapmö, miangö nalöņi mi törörök qahö mötzin. Tosatņan nalö mi könjörari öngömapköra mötmöriba laņ jimakze. Nanņak nalöņi qahö könjörari öngömapmö, mökösoņda ambazip köreķņan urunini meleņbingöra mambörakza. Kuņņan könöp sianöņ gebapüköra kapaņ kölakza.

^{10l}Keuņangö ölni asuhumapmö, Kembugö kaka nalöņan mönö yoņgorö meme

§2:22 Qam 26.11 ^h3:3 Jud 18 ⁱ3:5 Jen 1.6-9 ^j3:6 Jen 7.11

^k3:8 Sum 90.4 ^l3:10 Mat 24.43; Luk 12.39; 1 Tes 5.2; Ind 16.15

azigö tandök kam kuŋguma. Mi ouk-tuknine tiiga osibin. Nalö miangörey suep gölmegö yuai ehekŋi pakpak mi mönö könöwiba jeba gapŋanök ahöma. Wehön köiŋ seŋgelau aka suepkö yuaiŋi pakpak mi julkula ötöŋ bölöbölöŋambuk ayapköba qahöwakŋe. Gölmegö aka ambazipnöŋ yuai pakpak miangörey memba alget ahözawi, Anutunöŋ mi körek köndenmönöndeŋda meleşni gema. Geba jem teköiga yuai kun qahöpmahöp ahöma. Saumbaŋ!

¹¹Öroyuai pakpak mi tandök mewö julkula qahöwakŋeangöra eŋön mönö ambazip denöwöŋi aka malgetka dop kölbawak? Miangöra mönö ahakmeme sarakŋi wuatangöba Kraist ewö aka malbingö köl guliba malme. ¹²Iŋini Anutuŋö nalö ketanŋi mi kam kuŋgumapköra mamböta zilaŋ kamapkö nupŋi kapaŋ köla memba malje. Nalö miangörey gölmegö öroyuaiŋi aka wehön köiŋ seŋgelau aka mewöŋi mi könöwiba jeba bolbolgöma. Anutunöŋ suepkö öroyuaiŋi mi körek köndenmönöndeŋ aliga julkula jem teköma. ^{13m}Mewö jem tekömapmö, Anutunöŋ yuai asuhumapkö keu jöhöi ahözawi, neŋön miangö dop Suep gölmegö dölökŋi miwikŋaim etkimapkö mambörakzin. Mi miwikŋaim etkiiga miangörey aŋgota ahakmeme diŋdiŋi wuatangöba malbin.

¹⁴O wölböt alaurupni, eŋön nalö ketanŋi mi kam kuŋgumapkö mamböta malje. Miangöra mönö kewö akingö kapaŋ köla kinme: Uruŋini sarakŋi aiga Anutunöŋ töwöt boromŋinangö keuŋi kun qahö miwikŋaiiga yambuk ösupközeangöra luainöŋ malme. ¹⁵Mamböta Kembuninangö uru

tandökŋangöra kewö mötmöriba malme: Yaŋön iŋini uruŋini meleşda kunbuk letotmegö nalöŋi mem körim al eŋgiba ösöŋ mamböt eŋgiba malja. Wölböt alanini Pol yaŋön mewöyök keu miyök ohom eŋgiyökmö, Anutunöŋ mötkutukutu öŋgöŋgöŋi waŋgiiga miangö dop keuŋi ohom eŋgiyök. ¹⁶Miangö keuŋi mi kimbiŋi pakpak miangörey jiba ohomakzapmö, Buŋa Kimbiŋangö uruŋe keuŋi tosatŋi mi lömbötŋambuk. Miangöra tosatŋan mi möt asaribingö jaram tiba lömbörimakze. Gukmaulem ambazip kuŋgwarak qeba tötöpinpin laŋ malakzei, yeŋön kimbiŋi kimbiŋi mi laŋ möwöramgömakze. Miangö dop Polgö keuŋi mewöyök meleşqeleŋ aketka supapköba sohomakza. Mewö möwöramgöba kinda nanŋini mem bölim aŋguba könöŋ sianöŋ geme.

¹⁷Yeŋön gememö, wölböt alaurupni, eŋön mewö asuhumapkö keuŋi lök qeljiŋe möta malje. Miangöra mönö nanŋini galöm mem aŋguba malme. Iwilele ambazip köna siŋgiba qiwitipkömakzei, eŋön mönö yeŋgö kelök keuŋinan örom eŋgi eŋguatangöba jinŋauŋ anbeŋuk. Malmalgö tandö pöwöwöm köhöikŋi miangöreyök mewö tala kaman kölbepuk. ¹⁸Kembunini Jisösgö kalem möriamŋe kinjei, miangörey mönö kunbuk suariba köhöiba malme. Amötqeqe Tonini Kraistkö könaŋi möt kutuzei, mi mönö toroqeba möt yaköm soroköba malme. I möpöseininga qetŋi nalö kewöŋe aködamun-ŋambuk aka könaŋgep teteköŋi qahö mewö ahöm öŋgöma. Keu mi öleşa.

Jongöreñ Kimbi 1

Jonöñ Kimbiñi mutukñi alök.

Jim-asa-asari

Jonöñ jöpaköm anğuanğugö keuñi köhöiba jiba malök. Urumeleñ ambazip neñön Anutu aka Jisös Kraist yetpuk qekötahöba kinda uru jöhöm anğuba mohok aka maljin.

Tosatñan keu muneñi ambazip kewö kusum sohom enğiba malget: “Jisösnöñ Suep aziyök akza. Gölmenöñ yuai pakpak mi bölöñi akza. Miangöra Jisösnöñ gölme azi öñi qahö aka malök.” Keu miangöra aka tosatñan “Anutu möt narizin,” jiba ahakmeme ölöñi mosöta sik-sauk silekmalek mala ambazip tosatñi yom kazik ak enğiget aka qölmöm injarere malget. Keu sinñi sinñi mewöñan zioz mem bölibapuköra Jonöñ goro keuñi kimbinöñ kewö ohoba ali kayök, “Jisösnöñ Suep aka gölme azia mohok akza. Gölmenöñ nup meme aka mötmöt meme mi yuai bölöñi qahö. Miangöra ‘Anutu möt narizin,’ jiba Nahönñi Jisös kude mosötpin aka alaurupnini uruninan jöpaköm anğubin. Urukalem mi mönö kapan köla ak anğumakin.”

Kimbi kiangö bahöñi bohonñi 6 mi kewö:

Malmalgö könañi mi Jisös 1.1-4

Asak aka söñaup uruñe malmal 1.5–2.29

Anutugöreñ aka Satangöreñ nahönbörat 3.1-24

Uña ölöñi aka öme mi mönö kewötmö 4.1-6

Urukalemgö könañi aka jimkutukutuñi 4.7-21

Mötnarip neñön bölöñi luhut alakin 5.1-21

Malmal köhöikñangö keuñi mi Jisös Kraist

1 ^aNöñön malmal köhöikñangö keuñi jimangöra kimbi ki ohozal. Mutuhök malmalgö keu Toñan maliga miangö könañe öroyuai pakpak asuhuyök. Yañön mala kota gölmenöñ eriga i jeninan eka böröñinan sileñi misiriinga keuñi jii möta malin. ²Oyaenköyaen malmalgö Toñan asuhuiga neñön i eka könañi nañgöba jiba dangunu ewö kinjin. Malmal teteköñi qahö miangö Toñan Iwibuk mala kota eta asuhum neñgiyöhi, neñön miangö Buñañi jim asariba uruñini kunguzin. ³Neñön Iwi aka yañgö Nahönñi Jisös Kraist yetpuk urunini jöhöba mohot maljin. Inñini mewöyök uruñini nembuk jöhöba mohot malbingöra yuai eka mörini, mi jim tuarim enğizin. ⁴Sösöngainöñ urunini kokolak qei malbingöra keu ki jim tuariba ohozin. Mewö.

Kembugö asakñe malmal

⁵Buña keu yañgö Nahönñangöreñök möta jim tuarim enğizini, mi kewö: Anutunöñ asakñangö Toñi akza aka yañgöreñ söñaup kun qahö ahöza. ⁶“Neñön yambuk urunini jöhöba mohot maljin,” mewö jitröñ jiba töndup aiakaninan jipjap aka söñaupnöñ maljin ewö, mönö keu muneñ jiba ahakmemeninan keu öñi qahö wuatangömakzin. ⁷Anutunöñ asakñangö uruñe maliga neñön miangö dop aiakanini asakñangö uruñe ahakzin ewö, mönö sutnine urunini jöhöm anğuba mohok malinga Nahönñi Jisös Kraistkö señañan mönö siñgisöndoknini pakpak sañgoñmakza.

⁸Urunine siñgisöndok qahö ahöza, mewö jibinak ewö, mönö nanini tilipköm anğuinga keu öñan urunine qahö

kinma. Qahö! ⁹ Siŋgisöndoknini jim mi-wikŋaizin ewö, yaŋön mönö uruŋi diŋdiŋaŋgö dop jöhöjöhö keuŋi pöndaŋ wuatanaŋgöba siŋgisön-doknini mosöta ahakmemeni goŋgoŋi pakpak saŋgoŋmakza. ¹⁰ “Siŋgisöndok qahö ahin,” mewö jibin ewö, mönö keu Toŋi oŋgiringa Anutunöŋ muneŋ jiji azi tandök aiga keuŋan urunine qahö kinma. Mewö.

Jisösnöŋ awörök köiput Tonini akza.

2 O (koko) gömokurupni, iŋini siŋgisöndok akepuköra keu ki ohozal. Mi ohozalmö, kunöŋ töndup siŋgisöndok akawak ewö, awörök köiput Toninan mönö ahöm neŋgiza. Jisös Kraist yaŋön Iwigö kösutŋe mala keu pakpak diŋdiŋanök kewöta ak neŋgimakza. ² Awörök köiput Tonini yaŋön siŋgisöndokninaŋgö töwaŋi ala köl könjörat neŋgiyök. Mi neŋgö siŋgisöndokörök qahöpmö, mönö gölmeŋi gölmeŋi neŋgöreŋ siŋgisöndok mi mohotŋe köl könjöratmamgöra kömuyök. Mewö.

Temkölköl mi aiaka diŋdiŋi.

³ Anutugö jöjopaŋ keuŋi tem kölakin ewö, mewö miaŋön i möt waŋgizini, mi ölöp uruyahötŋi qahö möt yaközin.

⁴ Kunŋan “Anutu möt waŋgizal,” jiba jöjopaŋ keuŋi qahö tem köla wuatanaŋgö-makzawi, yaŋön mönö muneŋ jiji ambaziwa aiga keu ölnan yaŋgö uruŋe qahö kinja. ⁵ Qahöpmö, kunöŋ Anutugö keuŋi tem köla wuatanaŋgömakzawi, Anutugö urukalemŋan mönö ölna yaŋgö uruŋi kokolak qei aködamanuŋambuk malja. Mewö miaŋön Anutubuk qekötahöba mohok maljini, mi möt yaközin. ⁶ Kunŋan “Anutubuk qekötahöba maljal,” jizawi, yaŋön mönö Jisösnöŋ ahakmemeŋi ahök, mönö miaŋgö dop aka

memba malma. Mewö qahö aka maliga qahö dop kölja. Mewö.

Urukalem akingö jöjopaŋ keu dölökŋi

⁷ PO wölböt alaurupni, nöŋön jöjopaŋ keu dölök-kunŋi qahöpmö, jöjopaŋ keu walŋi könakönahiŋeyök ahöm eŋgizawi, mönö mia omom eŋgizal. Jöjopaŋ keu walŋi miaŋgö Buŋa keuŋi mi lök möta mala kotket. ⁸ Töndup miaŋgö jimkutukutuŋi dölökŋi mi eŋgöra ohozal. Söŋaupnöŋ ayapkömamgö aiga asakŋi ölnan lök asarim qarimakzawi, miaŋgöra jöjopaŋ keu miaŋgö ölnan mönö Anutugöreŋ aka eŋgöreŋ ahuba ahöza.

⁹ Kunŋan jitŋan “Asakŋe maljal,” jizapmö, alaŋi kazik ak waŋgizawi, yaŋön mönö toroqeba söŋaup uruŋe malja. ¹⁰ Kunŋan alaŋi jöpaköm waŋgimakzawi, yaŋön mönö asakŋaŋgö uruŋe pöndaŋ maliga silikŋan tosatŋi siŋgisöndok akŋegöra qahö kondorakza. ¹¹ Mewömmö, kunŋan alaŋi kazik ak waŋgizawi, yaŋön mönö ömuŋe jipjap mala ahakmemeŋi söŋaup uruŋe ahakza. Söŋaupnöŋ jeŋi mem sohoiga janjuŋ aka maljawanaŋgöra aka denike anmawi, mi nanŋak qahö möt kutumakza. Qahö.

Anutunöŋ siŋgisöndoknini kösöloŋanimakza.

¹² O nahönböraturupni, Jisösnöŋ kömumba qet ketanŋi memba maljawanaŋgöra aka Anutunöŋ eŋgö siŋgisöndokŋini mosöta kösöloŋanim teköyök. Miaŋgöra keu ki eŋgöra ohozal. ¹³ O iwiurupni, kunöŋ könakönahiŋeyök mala kotzawi, iŋini i möt waŋgiba mala kotze. Miaŋgöra keu ki eŋgöra ohozal. O gwaböurupni, iŋini bölönaŋgö Toŋi luhut al waŋgiba maljei, miaŋgöra keu ki eŋgöra ohozal.

Nahönböraturupni, injini Iwigö könani möt kutuba maljei, miangöra keu ki engöra ohozal.

¹⁴Iwiurup, kunöj könakönahineyök mala kotzawi, injini i möt wangiba mala kotze. Miangöra keu ki ohobiga engörej kaza. Azi gwaböurup, injini Anutugörej Buja keu urujine algetka köhöiba kiniga ösum-mumuñinambuk aka bölöñangö Toñi luhut al wangiba malje. Miangöra keu ki ohobiga engörej kaza. Mewö.

Gölmegö ahakmeme bölöñi mi yakörime.

¹⁵Injini gölmegö ahakmeme bölöñi aka yuai pakpak miangörej ahözawi, miangöra kude ak engima. Kunjan urujan gölmegö ahakmemegöra ak wangiza ewö, Iwigö urukalemñan mönö yangö uruje qahö kinja.

¹⁶Gölmegö ahakmeme mi kewö: Ambazipnön sileñinañgö sihim kömbönañini bölöñi mörakze. Yuai jeñinan eka eksihim aka köpösöngömakze aka gölmegö malmalñinañgöra piririköba töröraiba sileñini memba öngömakze. Mi aka urukönöp tosatñi mi Iwigörejök qahö kaza. Qahö! Mi mönö gölmegö ahakmeme bölöñi akza. ¹⁷Gölmegö ahakmemenön görön qema aka miangö sihimñi bölöñi bölöñi mi mewöyök görön qememö, kunjan Anutugö jit sihitñi tem köla wuatangömakzawi, yañön mönö böñ qeba nalö tetekönji qahö mal köhöima. Mewö.

Kraistkö tuarenjoñurupñi lök asuhide.

¹⁸O (koko) gömokurupni, Kraistkö salupñe^f kinda tuarenjoñ ak wangimawañön nalö teteköñe asuhumawi, mi lök jigetka mötze. Keu miangö

dop nalö kewöñe Kraistkö tuarenjoñurupñi gwötpuk lök asuhuba kinje. Keugö öñji mewö asuhuyöhangöra aka nalö teteköñangö uruje lök kangota maljin, mi mötzin. Miangö aiwesökñi mewö. ¹⁹Tuarenjoñ ambazip mienön nanine kambunöhök mala neñgömosöta anget. Urujini nembuk munen-munen jöhöba mötnarip könagesö sutnine lañ mala buratiget. Neñgörej könagesö öñji akeak ewö, mönö nembuk pöndañ qekötahöba mohokñe malbinak. Neñgömosöta tikep kinjei, silik mianön mönö könani kewö kondeliga eka mötzin: Yengörejök kunöj nembuk öñja mohot qahö aka malök.

²⁰Yeñön tikep kinjemö, Kraistnön Uñani Törönji engö urujine mokoiga bedu memba inahöm enggiiga körek enön keu öñji möt kutuba malje. ²¹Injini keu öñji qahö möt kutubepüköra aka keu ki qahö ohom engizal. Mewögöra qahöpmö, injini keu öñji möt kutuze aka keu öñjan keu munenji kun kondotmamgö osimakza. Miangöra keu ki ohom engizal.

²²Jisösnön Amötqeqe Toñi Kraist akzapmö, kun dañön keu mi qañ köljawi, yañön mönö isimkakalek ambaziwa akza. Yañön Kraistkö salupñe kinda tuarenjoñ ak wangiba Iwi aka yangö Nahönñi mi mohokñe qañ köñ etkimakza. ²³Kunjan Iwigö Nahönñi qañ kölakzawi, yañön Iwiñi qahö öne malja. Kunjan Nahönñi jim miwikñaimakzawi, yañön mönö Iwi mewöyök miwikñaiba yambuk malja.

²⁴Injini Buja keu könakönahineyök möta kotkeri, mi urujine köhöiba kinmapköra galömñini meme. Buja keu möta kotkeri, mianön urujine kinma ewö, injini mewöyök mönö böñ qeba Iwi aka yangö Nahönñi yetpuk qekötahöba

^f2:18 Kraistkö tuarenjoñi mi Antikraist. Grik keu anti, miangö könani yahöt. Yañön Kraistkö salupñe kinja aka Kraist öñji tuarenjoñ ak wangimakza.

kinme. ²⁵ Kraistnōj jöhōjöhō keu kewō neŋgi ahōza, “Nōmbuk kinme ewō, mōnō oyaen̄koyaeŋ malmal en̄gibiga tetekōji qahō mal kōhōime.”

²⁶ Tosatjan esapkōba janjuj mem en̄gimakzei, nōjōn yeŋgōra aka keu mi ohom en̄gizal. ²⁷ Tosatjan janjuj ahakzēmō, Kraistnōj Uja Tōrōnji en̄gō uruŋine mokoiga bedu mēmba inahōm en̄gimakza. Uja yaŋōn uruŋine bōj kini qahō lōwōrime ewō, en̄jōn mōnō bōhi kungōra qahō osime. Mi kewōgōra: Yangō Ujaŋan mōnō ahakmemegō keu pakpak kusum en̄gimakja. Bedu mēmba inahōm en̄gimakzawi, miaŋōn yuai muneŋi kun qahōpmō, mōtmōt ōsumŋi ōl tōhōnjanōk akza. Miaŋgōra keu ōlŋi kusum en̄giyōhaŋgō dop mōnō keuŋi pakpak tem kōla Kraistpuk tōp qekōtahōba kinme.

²⁸ O (koko) gōmokurupni! In̄ini mōnō Kraistpuk tōp qekōtahōba kinme. Yambuk kinda malinga kunbuk asuhumawi, nalō miaŋgōreŋ qahō kōzōl neŋgiiga gamu qakŋe qahō mōmōlakōba anbinmō, ōlōp yaŋgō jeŋe awōsamkakak qakŋe tamehōk kinbin. ²⁹ Kraistnōj solan̄ji akzawi, in̄ini keu mi mōt kutuze ewō, mōnō keu ki mewōyōk ōlōp mōt asarime: Ambazip kōreŋjan ahakmeme solan̄ji ahakzei, yeŋōn mōnō mewōyōk Anutugōreŋōk ahuba nahōnbōratrupŋi akze. Mewō.

Neŋōn Anutugōreŋōk ahuba nahōnbōratrupŋi akzin.

3 ³ Mōtket! Sūep Iwininan neŋgōra neŋgohola miaŋōn urukalemŋi ketan̄i kondel neŋgimakza. Nini ōlŋa Anutugō nahōnbōratrupŋi akzin. Mi akzinaŋgōra gōlme ambazipnōj kōnaŋamnini qahō mōt kutuba malje. Anutugō kōnan̄i qahō mōt kutuzeaŋgōra

nanine kōnaŋamninaŋgōra mewōyōk tōtōpinpin malje. ² O wōlbōt alaurupni, nalō kewōje nini Anutugō nahōnbōratrupŋi aka maljin. Mewō mala kōnaŋep denōwō aka malbini, mi aukŋe qahō asuhuyōk. Mohok kun mōtzini, mi kewō: Yaŋōn kunbuk aukŋe asuhuiga kaisōngolomŋi ōlŋi jeninan ekini, nalō miaŋgōreŋ mōnō letota i ewō akin. ³ Denike yeŋōn Kraistkōra jōrōmqōrōm mewōji ak waŋgizei, yaŋōn mōnō i kōl kōnjōrat mem en̄giiga yaŋgō tandōk ewō sarakŋi aka malme.

⁴ Denike yeŋōn siŋgisōndok akzei, yeŋōn mōnō kōna keu qeba walōjmakze. Siŋgisōndok mi iwilele ahakmemeya. ⁵ Kraist nan̄jak siŋgisōndokŋi kun qahō yaŋōn nanine siŋgisōndoknini kōl kōnjōratmamgōra eta asuhuyōhi, mi ōlōp mōtze. ⁶ Denike yeŋōn Kraistpuk bōj qeba kinjei, yeŋōn siŋgisōndok qahō aka malje. Kunjan siŋgisōndok toroqeba ahakzawi, yaŋōn Jisōs qahō eka kōnan̄i qahō mōt kutuba malja. Mewō.

⁷ O (kokourupni) gōmokurupni! Kunjan janjuj mem en̄gibapukōra mōnō galōmŋini mem aŋguba malme. Kraistnōj solan̄ji akzawi, yaŋgō dop ahakmeme solan̄ji tōrōrōk wuatāŋ-gōmakzawaŋōn mōnō solan̄ji akza. ⁸ Bōlōn̄jaŋgō Tojan kōna-kōnahiŋeyōk siŋgisōndok aka kota malja. Miaŋgō dop denike yeŋōn siŋgisōndok ahakzei, yeŋōn mōnō Bōlōnji Tojan̄gō buŋaya akze. Anutugō Nahōnjan mōnō yaŋgō nupŋi yaiŋ memamgōra eta asuhuyōk.

⁹ Denike yeŋōn Anutugōreŋōk asuhugeri, yeŋgōreŋōk kunjan malmal qain̄i kun uruŋe ahōzawaŋgōra mōnō siŋgisōndok qahō toroqeba ahakza. Ahuahu dōlōkŋi ahuba maljawāŋgōra aka siŋgisōndok toroqeba akŋamgō osimakza. ¹⁰ Denike yeŋōn Anutugō

nahönböratñi aka denike yeñon Bölöñi Toñangö nahönböratñi akzei, mi kewö kewöta möt asaribin: Kunñan ahakmeme solanñi qahö wuatangömakzawi, yañon mönö Anutugö buñanñi qahö akza. Mewöñanök kunñan alaurupñi qahö jöpaköm engimakzawi, yañon Anutugö buñaya qahö akza. Miangö aiwesökñi mewö.

Iñini mönö jöpaköm anguba malme.

¹¹sBuña keugö kötnji könakö-nahineyök möta kota maljini, miangö jöjöpañ keunji kewö: Nini mönö urunöñ jöpaköm anguba malbin. ¹²tKein (Kain) yañon Bölöñi Toñangö buñaya mala munñi qei kömuyök. Nini mönö i ewö aka malbinbuk. Yañon kewögöra munñi qeyök: Nanñi ahakmemeñan bölöñi ahökmö, munñañ-göreñan solanñi ahök. Mönö miangöra qeyök.

¹³O urumeleñ alaurupni, gölme ambazipnön kazik ak engime ewö, miangöra mönö kude welipköme. ¹⁴uNini urumeleñ alaurupnini jöpaköm engimakzinangöra aka keu ki möt asarizin: Nini kömup köhöikñangö jaböñi walöñda malmal köhöikñe angota maljin. Kunñan urukalem qahö ahakzawi, yañon mönö toroqeba kömup köhöikñangö uruñe kinma. ¹⁵Ambazip alaurupñini kazik ak engimakzei, körek yeñon mönö köhömunji enguengu ambaziwa akze. Malmal köhöikñi mi enguengu ambazip mewöñi kungö uruñe qahö ahöza, mi ölop möt yaköze.

¹⁶Jisös Kraistnön malmalñi nengöra aka köleñda mosöta jöpaköm anguangugö könanñi mewö kondel nenggiiga eka möt kutuzin. Neñon mönö mewöñanök malmalnini urumeleñ alaurup yeñgöra aka köleñda mosöringa dop kölma. ¹⁷Kunñan gölmegö öroyuainji dopñe memba maliga alañan

yuaigöra osiba mözöqözörön aiga ekzapmö, töndup ekbonep aka uruñi jöhöza ewö, Anutugö urukalemñan mönö yañgö uruñe denöwö kinbawak? ¹⁸O (koko) gömukurupni, jöpaköm anguangü mi numbu jitninan keu töhönök timbiliba jimakinbukmö, mi mönö ahakmemeninan keu ölnji wuatangöba aka malbin.

Mönö Anutugö jemesoholje tamehök kinbin.

¹⁹Nini keu ölnangö buñaya akzin me qahö? Akzin ewö, mönö ölop urunini böñjön köliga Anutugö jemesoholje awösamkakak kinbin. Keu mi nanini kewöt anguba kewö möt kutubin: ²⁰Uruninan yuai bölöñangöra aka jim nengiza ewö, nini keu ki ölop möt yaközin: Anutunön kewötkewöt Tonini aka keunini diñdiñanök kewötma. Anutugö mötmötñan mönö nanine mötmöt-nini ongita öngöngöñi aiga keu pakpak ölop möt teköza. Miangöra ölop urunini böñjön köliga malbin.

²¹O wölböt alaurupni, uruninan qahö jim nengiza ewö, nini mönö Anutugö jemesoholje awösamkakak aka tamehök kinbin. ²²Nini Anutugö jöjöpañ keunji tem köla ahakmemenini dop köl wañgimakzawangö dop aka memba malakzin. Miangöra yuai kungöra köuluköba qesim wañgibini, mönö mia nengii buña qem angubin.

²³vAnutugöreñ jöjöpañ keu yahöt mi kewö: Nini mönö Nahönñi Jisös Kraistkö qetñi memba möt nariba urunini meleñbin aka jöjöpañ keu jim kutum nengiyöhangö dop jöpaköm anguba malbin. Mewö qahö aka malbinak, mi Anutugö jeñe qahö dop kölbawak. ²⁴Denike yeñon Anutugö jöjöpañ keunji tem kölakzei, yeñon mönö Anutubuk qekötahöba malgetka

Anutunöŋ yembuk lapingöba kinja. Yaŋön nembuk lapingöba kinjawi, mi Uŋaŋi Töröŋi neŋgiiga urunine saŋep ala maljawangöra möt kutuzin. Mewö.

**Uŋaya me ömeya mi mönö
könaŋini kewöta mötme.**

4 O wölböt alaurupni, kezapqetok ambazip takapulakaŋi gwötpuk mi gölme dop liliköba maljei, miangöra keu pakpak mi zilaŋ kude memba möt narime. Anutugö Uŋaŋan me öme kunŋan sölölohöiga asuhuzawi, mi mönö mutuk esapesapnöŋ ala kewötmē. ²Anutugö Uŋaŋangö könaŋi mi mönö kewö kewöta möt miwikŋaime, “Jisös Kraistnöŋ eta silebuk aka malök,” denike yeŋön keu mi jim miwikŋaimakzei, yeŋön mönö körek Anutugö buŋaya akze. ³Kunŋan Jisösgö könaŋi mewö qahö jim miwikŋaimakzawi, yaŋön Anutugö buŋaya qahö akza. Kraist tuarenjoŋangö ömeŋan mönö yaŋgö uruŋi sölölohöiga keu jimakza. Kunöŋ asuhaba Kraistkö salupŋe kinda tuarenjoŋ ak waŋgimawi,^{§§} keu mewö jiget mötketka yaŋön lök nalö kewöŋe gölmenöŋ asuhaba.

⁴O (koko) gömokurupni, iŋini Anutugö buŋaya aketka Uŋa Töröŋan uruŋine kinda gölmegö ömewörömeŋi mi eŋgongita luhut al eŋgimakza. Miangöra kezapqetok ambazip takapulakaŋi mi ölop luhut al eŋgiba malje. ⁵Yeŋön gölmegö buŋaya aketka gölmegö ömeŋan sölölohöm eŋgimakze. Miangöra gölmegö ahakmemēŋi wuatangöba keu jigetka urumelēŋgö kopa ambazip yeŋön keuŋinaŋgöra kezap ala mörakze.

⁶Nini Anutugö buŋaya ahinga Uŋa Töröŋan sölölohöm neŋgimakza. Anutu möt waŋgizeaŋön mönö neŋgö keuninaŋgöra kezap ala mörakze. Anutugö buŋaya qahö akzei, yeŋön neŋgö keuninaŋgöra kezap qahö ala mörakze. Keu ölnaŋgö Uŋaŋi aka isimkakalekö ömeŋi yetkö könaŋiri mi mönö mewö kewöta möt kutumakzin. Mewö.

Anutunöŋ urujöpakö könaŋi akza.

⁷O wölböt alaurupni! Anutunöŋ jöpaköm aŋguangugö jalöŋi akza. (Miangöra urukalem mi o jeŋaŋgö tandök ewö ahöba korakza.) Miangöra nini mönö jöpaköm aŋguba malbin. Mewö aka maljini, körek neŋön mönö Anutu möt waŋgiba yaŋgöreŋök ahuaahu döläkŋi ahaba maljin.

⁸Anutunöŋ urujöpakö Toŋi akza. Mewö akzawangöra kunŋan ambazip qahö jöpaköm eŋgimakzawi, yaŋön mönö Anutu qahö möt waŋgiba tönpin malja. ⁹Anutunöŋ urukalemŋi kewö kondeli sutnine asuhuyök: Yaŋön Nahönŋi mohok-kunŋan nam köl neŋgii mal köhöibingöra aka melaiiga gölmenöŋ erök. ¹⁰Nini Anutu jöpaköm waŋgiinmö, miangön urukalemgö könaŋi qahö. Urujöpakö könaŋi mi kewö: Anutunöŋ jöpaköm neŋgiba siŋgisöndoknini köl könjöratmamgöra Nahönŋi melaiiga neŋgöreŋ erök.

¹¹O (koko) gömokurupni, Anutunöŋ mewö önöŋi qahö jöpaköm neŋgiyöhangöra neŋön mönö mewöŋanök uruninan jöpaköm aŋgumakin. Urukalem qahö ak aŋguinga qahö dop kölja. ¹²wKunŋan kun Anutu nalö kunöŋ qahö ehökmö, jöpaköm aŋguba maljin ewö, Anutunöŋ mönö urunine lapingöba kiniga

§§4:3 Kraistkö tuarenjoŋi mi Antikraist. Grik keu anti, miangö könaŋi yahöt. Yaŋön Kraistkö salupŋe kinja aka Kraist ölni tuarenjoŋ ak waŋgimakza.

urukalemñan urunini kokolak qeiga aködaminambuk maljin.

¹³ Nini Anutubuk qekötahöba malinga yañon urunine lapingöba kinjawi, mi Uñaji Töröñi neñgiyohangöra aka möt kutuba uruyahöt qahö ahakzin.

¹⁴ Iwinöñ Nahönñi gölmeñi gölmeñi neñgö Amötqeçe Tonini akñapköra melaiiga erök. Neñon mi eka möta nangöba jimakzin. ¹⁵ Kunñan “Jisös Anutugö Nahönñi akza,” jiba jim miwikñaimakzawi, Anutunöñ mönö yañgö uruñe lapingöba kiniga yañon Anutubuk qekötahöba malja.

¹⁶ Anutunöñ uruñan jöpaköm neñgimakzawi, nini miangö könañi möta miangöreñ möt narimakzin. Anutunöñ urujöpakö Toñi akza. Mewö akzawañgöra kunñan ambazip jöpaköm eñgiba maljawi, yañon mönö Anutubuk qekötahöba kiniga Anutunöñ yañgö uruñe lapingöba malja. ¹⁷ Mewö malinga köñgörököm neñgiiga Anutugö urukalemñan urunini kokolak qeiga aködamu-ninambuk maljin. Nini Kraistkö tandök ewö gölme kusukñi kiangöreñ maljin. Mewö maljinangöra aka Anutugö jimtekötekö nalö ketañe Kraistkö jeñe añgota miangöreñ awösamkakak aka tamehök kinbin.

¹⁸ Anutunöñ jöpaköm neñgiiga kinda öne töhön keñgötnini mötpinbuk. Siñgisöndok ambazip yañon Anutunöñ siñgisöndok-ñinangö likepñi melen eñgibapuköra keñgötñini mörakzemö, Anutugö urujöpakñan urunini kokolak qeiza ewö, miangön mönö keñgöt mötmöt pakpak yakörim tekömakza. Miangöra kunñan keñgötñi mörakzawi, yañon jöpaköm neñgimakzawañgö könañi mi törörök qahö möt teköza.

¹⁹ Yañon mutuk jöpaköm neñgiyohangöra aka nini urukalem ahakzin. ²⁰ Kunñan “Anutu jöpaközal,”

jizapmö, alañi kazik ak wañgimakzawi, yañon mönö muneñ jiji ambaziwa akza. Miangö könañi kewö: Alañi eka töndup qahö jöpaköm wañgiza ewö, yañon Anutu qahö eka i mönö denöwö jöpaköm wañgibawakto? ²¹ Kunñan Anutu jöpaköm wañgimakzawi, yañon mönö alaurupñi mewöyök jöpaköm eñgiba malma. Anutunöñ jöjopañ keuñi mewö al neñgiyök. Mewö.

Mötnarip ambazip neñon luhut alakin.

5 Denike yañon Jisös möt nariba “Amötqeçe Tonina akza,” jimakzei, körek yañon mönö Anutugöreñök ahuhahu dölokñi ahuba malje. Denike yañon Iwi jöpakömakzei, körek yañon mönö yañgö Nahönñi mewöyök jöpaköm wañgimakze. ² “Anutugö nahönbörat-urupñi jöpaköm eñgizin,” jiinga keu miangö ölni mi nanini kewögöra kewöt añguba mötzin: Anutu jöpaköm wañgiba jöjopañ keuñi tem köla wuatangömakzin ewö, mönö Anutugö nahönbörat-urupñi mewöyök jöpaköm eñgimakin. Miangö aiwesökñi mewö. ³ *Anutu jöpaköm wañgibingö ölni mi temkölköl. Anutugö jöjopañ keuñi wuatangöinga dop kölja. Jöjopañ keuñi tem kölinga lömbötñambuk qahö akña.

⁴ Anutugöreñök ahuhahu dölokñi ahuiñi, körek neñon ölop yañgö jitñi tem köla gölmegö ahakmeme bölöñi luhut alakin. Anutunöñ mötnarip neñgiiga miangö qakñe köuluköinga lök gölmegö ahakmeme bölöñi memba et alök. Luhut albingö köna murutñi kun qahö ahöza. ⁵ Neñon luhut qahö albinak ewö, denike yañon mönö mi akeak? Jisösnöñ Anutugö Nahönña akzawi, mi möt narizawañon mönö gölmegö ahakmeme bölöñi luhut alakza. Mewö.

**Anutunöŋ Nahönŋaŋgö keu
kewö naŋgöba jiyök:**

⁶Jisös Kraistnöŋ Anutugö Nahönŋa akzawi, mi denöwö mötzin? Jisösnöŋ oe geiga Jonöŋ o melun mem waŋgi-iga Anutunöŋ nalö miaŋgöreŋ keu mi ji-iga mötket aka könŋep sepŋi moko-mamgö aiga miaŋgöreŋ qet kun Suep-nöhök asuhuiğa mötket. Keu onöŋ indim mohok asuhuyöhi, miyök qahö. Suep Toŋan keu naŋgöba jiyöhi, miaŋgö ai-wesökŋi mi o aka sep, yahöt mi. Toro-qeba Uŋa Töröŋan keu mi jimakza. Yaŋön keu öljŋaŋgö Toŋi akzawaŋgöra aka munep jimamgö osimakza.

⁷Naŋgönaŋgö keu karöbut mi mewö mörin ahöza. ⁸Keu karöbut miŋgö aiwesökŋini mi Uŋa, o aka sep. Keuŋini mi öröröŋ aukŋe möringa dop köl teköza. ⁹Keu jakeŋe kaŋgota naŋgönaŋgö ahakzei, mi ölöp möt aŋgön kölakzinmö, Anutugö naŋgönaŋgö keuŋan mönö ambazip keunini oŋgita pöwöwöm köhöikŋi akza. Anutunöŋ Nahönŋaŋgöra “Nani Nahöna!” qeta könŋi mewö aukŋe naŋgöba jiyök. Miaŋgöra keu mi andö qebinbuk.

¹⁰Kunŋan Anutugö Nahönŋi möt narimakzawi, naŋgönaŋgö keu Toŋan mönö nanŋak yaŋgö uruŋe maliga yaŋgö könŋi ölöp möt yaköza. Kunŋan Anutu qahö möt narimakzawi, yaŋön mönö naŋgönaŋgö keu Toŋi nanŋi memba et aliga munep jiji asia ahakza. Anutunöŋ keu kötŋi Nahönŋaŋgöra naŋgöba jiyöhi, yaŋön keu mi qahö möt narizawaŋgöra mönö Anutu nanŋi andö qeba qetalakza. ¹¹Anutunöŋ keuŋi kewö naŋgöba jiyök, “Nöŋön malmal köhöikŋi eŋgimamgö jiali, nani Nahönan mönö malmal kömbönaŋi miaŋgö kondotkondot Toŋi akza.”

¹²Yaŋgö Nahönŋambuk maljawaŋön mönö malmal köhöikŋi buŋa qem aŋguba malja. Anutugö Nahönŋambuk qahö maljawaŋön mönö malmal köhöikŋi mi qahö buŋa qem aŋguba malja. Mewö.

Malmal köhöikŋaŋgö könŋi

¹³Uruŋini meleŋda Anutu Nahönŋaŋgö qetŋi memba möt narimakzei, nöŋön kimbi ki eŋgöra ohozal. Malmal köhöikŋaŋgö buŋaya akzei, iŋini miaŋgö könŋi törörök möt kutumegöra ki ohozal. ¹⁴Nini ölöp awösamkakak aka Anutugö kösutŋe anda köuluköba kinda kewö möt yaközin: Wani yuaigöra yaŋgö jät sihitŋaŋgö dop köuluköm waŋgibini, yaŋön mönö köuluknini mi mötma. ¹⁵Mi me mi miaŋgöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm waŋgizini, mi pakpak mönö neŋgö buŋanina akŋa.

¹⁶Kunŋan alaŋi ehi siŋgisöndok ahiga miaŋön kömup köhöikŋaŋgö buŋaya qahö akŋawi, yaŋön mönö alaŋi miaŋgöra Anutu köuluköiga amöt qem waŋgiiga malmal köhöikŋe aŋgotma. Siŋgisöndok Anutunöŋ mosötmawaŋgö dop akeri, keu ki mönö yeŋgöra jizal. Tosatŋan siŋgisöndok aketka miaŋön kömup köhöikŋaŋgö buŋaya akŋei, yeŋgöra köulukömegöra mi qahö jizal. Qahö. ¹⁷Ahakmeme bölöŋi pakpak mi siŋgisöndok akza. Köpösihit tosatŋi ahinga miaŋön kömup köhöikŋaŋgö buŋaya qahö akin. Mewö.

**Mötnarip ambazip neŋön
Anutubuk qekötahöba kinjin.**

¹⁸Denike yeŋön Anutugöreŋök ahuahü dölökŋi ahugeri, yeŋgöreŋök kunŋan siŋgisöndok qahö toroqeba

ahakzawi, mi mötzin. Anutugöreñök ahuahu dölökñi ahuba maljawañön mönö nanñi galöm mem aņguiga Bölöñangö Toñan i qahö qeraköba mema.

¹⁹Nini keu ki mötzin: Nini Anutugö buñaya akzinmö, gölme dop yeñön uruñini qahö melenđa Bölöñi Toñangö kukösum bapñe malgetka galöm köl eņgimakza.

²⁰Keu ki mewöyök mötzin: Kunöñ öl töhönñi akzawi, nini i möt waņgibingöra

Anutunöñ Nahönñi melaiiga eta möt-asa-asari neņgiyök. Kunöñ öl töhönñi akzawi, nini yambuk qekötahöba mohok aka maljin. Öl töhönñi yañön mönö Anutugö Nahönñi Jisös Kraist. Yañön Anutu ölbölñi aka malmal köhöikñangö kondotkondot Toñi akza.

²¹O (koko) gömokurupni, tandö lopiön aka bem muneñi tosatñan köpeiba qeraköm eņgibepuköra mönö nanñini galöm mem aņguba malme. Mewö.

Jongöreŋ Kimbi 2

Jonöŋ Kimbiŋi aliga 2 ahök.

Jim-asa-asari

Buŋa Kimbi kiangö toŋi yaŋön nanŋi qetŋi “Jitŋememe kun,” qerök. Yaŋön kimbi mi “Wölböt ambi aka yaŋgö nahönböraturupŋi,” yeŋgöra alök. Keu tölapŋi mi urumeleŋ könagesö kungö söpsöp keuya. Nahönbörat mi könagesö aiga wölböt ambi mi yeŋgö galömrŋina. Buŋa Kimbigö keu töröpŋi kiangön jöpaköm aŋgubingöra uru kuŋgum neŋgimakza aka böhi takapulakaŋi yeŋön ambazip kusum eŋgigetka keuŋinan sehibapukö galöm meme keuya akza.

Buk kiangö bahönŋi bohönŋi 4 mi kewö:

Keu mutukŋi 1-3

Urukalem mi yuai bohönŋi 4-6

Keu goŋgoŋan sehibapukö galöm meme keu 7-11

Kimbigö keu kötŋi bohönŋi 12-13

1 O ambi sorok!
Anutunöŋ möwölöhöm gihiiga urumeleŋ könagesöurupki galöm köl eŋgiba kinjan. Nöŋön iŋini keu öŋaŋgö dop uru könömnan jöpaköm eŋgimakzal. Nanök qahöpmö, ambazip keu öŋi möt kutuzei, körek yeŋön mönö mewöyök iŋini jöpaköm eŋgiba malje. Nöŋön jitŋememeya akzal aka göbuk keu eraum mötpitköra kaba kimbi ohozal. ²Keu öŋan urunine kinja aka nembuk teteköŋi qahö ahöm öŋgöma. Nöŋön Buŋa keu miangöra aka jöpaköm eŋgizal.

³Nini keu öŋi wuatangöba urunöŋ jöpaköm aŋguba maljin ewö, Iwi Anutu aka Iwigö Nahönŋi Jisös Kraist yetkön mönö ak kömumba kalem möriam neŋgiyohotka luainöŋ malbin.

Urukalem aka keu öŋi mi mohotŋe wuatangöme.

⁴Iwinöŋ urukalemgö jöjöpaŋ keuŋi neŋgiyöhi, miangö dowök göhö könagesöurup tosatŋan keu öŋaŋgö dop ahakmemeŋini aka memba malje. Nöŋön silikŋini mewöŋi ekiga sösoŋgai ketaŋi ak niŋgimakza. Mewö.

⁵zo wölböt alani ambi ketaŋi, nalö kewöŋe jöjöpaŋ keu ohom gihezali, mi keu döläkŋi qahö. Keu könakönahiŋeyök könahiba mörini, nöŋön mönö keu mi kunbuk ohoba kewö qesim gihezal: Nini mönö uruninan jöpaköm aŋguba malbin. ⁶Jöpaköm aŋguba malbingö keuŋi jizali, miangö öŋi kewö: Nini mönö Anutugö jöjöpaŋ keuŋi pakpak tem köla ahakmemeŋini ak memba malbin. Körek eŋön jöjöpaŋ keu könakönahiŋeyök möta malgeri, mi kewö: Iŋini mönö uruŋinan jöpaköm aŋguba malme.

⁷Isimkakalek ambazipnöŋ Jisös Kraistköra kewö jim miwik-ŋaimakze: “Amötqeqe Toŋan gölme azi silebuk asuhumamgö osiyök.” Mewö jim miwikŋaiba tilipqilip aketka eŋololoŋ asuhumakza. Ambazip isimkakalek mewöŋi mi Kraistkö salupŋe kinda tuarenjoŋ ak wangimakze. Ambazip mewöŋi gwötpukŋan lök gölmeŋi gölmeŋi liliköba laŋ anda kaba malje. ⁸Neŋön urugö nup meinga öŋi uruŋine asuhuyöhi, miangön sohoba pömsöm qebapuköra mötzal. Miangöra isimkakalek ambazipnöŋ eŋololoŋ ak eŋgibepuköra mönö galömrŋini mem aŋguba malme. Mewö malgetka uruŋinaŋgö öŋan qahö sohoiga Kembunöŋ töwaŋini körek eŋgim teköma.

⁹Kraistnön keu kusum neŋgiyöhi, kunŋan mi qahö qekötahözapmö, mi oŋgita keu toroqeiga loloŋqaloŋ jimakzawi, yaŋön Anutuŋi qahö. Denike yeŋön Kraistkö Buŋa keuŋe qekötahözei, yeŋön mönö Iwi aka Nahön yetpuk köhöiba malje. ¹⁰Kunön Buŋa keu jömukŋi mi qahö memba eŋgöreŋ kazawi, iŋini mönö yaŋgö jölöŋi kude jiba miriŋine kude örögetka öŋgöma. ¹¹Kunŋan yaŋgö jölöŋi jimawi, yaŋön mönö bölöŋamŋaŋgö lömbötŋi öröi qakŋe öŋgöiga öröröŋ bisimahot. Mewö.

Keu teteköŋi

¹²Nöŋön eŋgöra keu sehisehiŋi ohomangö sihimŋi mötzalmö, mi papia

sinŋe iŋknöŋ ohomangö qahö möta mosötzal. Eŋgöreŋ kusuk kaba mesohol köla keu eraum mötpingö mamböta jörömqöröm akzal. Aitoŋgöbini, nalö miaŋgöreŋ köisirik tata eraum möta sösöŋgainini körek ahum teköba urunini kokolak qeiga malbingö mötzal.

¹³Anutunöŋ ambi alagi galöm nupköra möwölöhöyöhi, ambi sorok yaŋgö könagesöurupŋan yaizökzökŋini algetka göhöreŋ kaza.

Jongörej Kimbi 3

Jonöj Kimbiñi aliga 3 ahök.

Jim-asa-asari

Buñ Kimbi kiangö toñi yañon nanñi qetñi “Jitjememe kun,” qerök. Yañon Kimbi mi urumeleñ könagesö kungö jitjememe kun qetñi Gaius yañgöra alök. Gaiusnön urumeleñ ambazip tosatñi miri aka nene yuai bauköm engiba malök. Miangöra i möpöseim wañgiyök aka tuaköpek azi kun qetñi Diotrefes yañgöra galöm meme keu jiyök.

Buk kiangö bahönji bohonñi 5 mi kewö:

Keu mutukñi 1-4

Jonöj Gaius möpöseiza 5-8

Diotrefesgö galöm meme keu 9-10

Demitriusgö sösöngai keu 11-12

Buk kiangö keu köñji bohonñi 13-15

1^aO wölböt alani Gaius!

Nöñon jitjememe kun aka göbuk keu eraum mötpitköra kaba kimbi ohozal. Nöñon keu öljangö dop urunan jöpaköm gihiba maljal.

²O wölböt alani, göhö uñagan Anutubuk qekötahöba ölöwahi maljani, mi mötzal. Mewöñanök sile unditundit mala yuai pakpak miangörej töhötmöriam miwikñaiba malmangöra Anutu köuluközal.

³Urumeleñ alaurup tosatñan göhörejök kaba göhö kösohotki kewö nañgöba jigetka möral, “Göñon Anutugö keu öñji pöndañ wuatangöba aka memba maljan.” Mewö jiget mötpiga sösöngai ketañi ak niñgiyök. ⁴Nöngö (koko) gömokurupnan Anutugörej keu öñji wuatangöba aka memba maljei, nöñon keu buzup mewöñi möta öññi qahö söñgaimakzal. Buzup murutñi kunöñ

sösöngai öngöngöñi mi qahö öññiri mötzal. Mewö.

Jonöj galöm azi qetñi

Gaius möpöseiza.

⁵O wölböt alani, gi urumeleñ alaurup welen qem engiba miangörej pöndañ kinda malakzan. Yengörejök tosatñan miri liliköba engörej kamakzei, mi köyan kölj engimakzan. Möt engizani me qahö, mi töndup ölöññanök bauköm engimakzan.

⁶Gi urugan jöpaköm engiba malnöñi, yengörejök tosatñan ki kaba mötnarip kambugö jeñine köñañamgi mewö nañgöba jiget mörin. Miangöra alaurup mewöñan engörej kamei, mi mönö bauköm engiba malnönga ölop amqeba nup memba köñañini toroqeba anme. Nup mewöñi mi Anutugö jeñe dop kölj wañgimawangö dop toroqeba memba malman. ⁷Yenön Kraistkö buñaya akzeangöra aka nanñini miriñini mosöta liliköba qetbuñañi jim sehimakze. Nup mewö memba urumeleñgö kopa ambazip yengörejök nene yuai kun qahö memakze. ⁸Miangöra Jisösgö alaurup neñon naninök alaurup mewöñi kölj öroba nañgöm enñiinga dop köljma. Nini nup bahönji mi memba miangöñ keu öljangö Tonji mohotñe welen qem wañgiinga keunji öljñan sehimakña. Mewö.

**Diotrefes ewö akanbukö
galöm meme keu**

⁹Nöñon mötnarip kambu engöra kimbi kun ohoyal. Mi ohoyalmo, Diotrefes jitjememe azi yañon sutñine galöm bohonñi malmamgö sihimñi mötzawi, yañon mönö memsepqemsep aka keunangö kezap qahö ala nesampurek ak neñgimakza. ¹⁰Miangöra nöñon engörej kabilenjak

^a1:1 Apo 19.29; Rom 16.23; 1 Kor 1.14

ewö, mönö yangö ahakmemeñi bölöñi mi aukçe jibiga kewö mötme: Yangön neñgöra luasö keu muneñi andönöñ qeqe jimakza aiga keu jijiyök qahö ahakza. Qahö! Urumeleñ alaurupnini miri lilik nup memakzei, yangön mi qahö köl öröm eñgimakza aka alaurup tosatñan köl öröm eñgibingö mötzei, yangön i añgön köl eñgiba mötnarip kambuñineyök utal eñgiiga yaigep erakze.

¹¹O wölböt alani! Gi ahakmeme bölöñi qahöpmö, ahakmeme ölöpñi mia mönö wuatangöba malman. Denike yeñön ahakmeme ölöpñi aka memba maljei, yeñön Anutugö nahön böraturupñi akze. Denike yeñön ahakmeme bölöñi aka memba maljei, yeñön Anutugö könäñi qahö möt kutuba sel yaigepçe malje.

¹²Demitrius azi miangö könäñi mi ölöpñi. Alaurup körekñan mewö ji-

makze. Keu ölnangö Toñan nanñak mi mewöñanök nanngöba jimakza aka neñön toroqeba yangöra keu öröröñ jimakzin. Neñön keu jimakzini, mi keu öl töhöññi akza, mi mötzan. Mewö.

Yaizökzök keu teteköñi

¹³Nöñön göhöra keu sehisehiñi ohomangö sihimñi mötzalmö, mi kirifi aka iñknöñ ohom gihimangö dopñi qahö möta mosötzal. ¹⁴Nöñön ösumok göhöreñ kaba gekñangö mamböta jörömqöröm akzal. Aitonögöbini, nalö miangöreñ ölop mesohol köl añguba keukeu eraum mötpin.

¹⁵Anutunöñ luai qem gihiiga malman! Mötnarip alaurup ki maljei, yeñön yaizökzökñini algetka göhöreñ kaza. Göñön mewöñanök urumeleñ alaurup göbuk kinjei, mi nanñik nanñik yaizökzökñini jinöñga mötme!

Judagörej Kimbi

Judanöj Kimbiñi alök.

Jim-asa-asari

Juda mi Jisös aka Jeimsgö munñi. Tosatñan “Kraist möt narizin,” jiba keu goñgoñi ambazip kusum sohom engiba malgeri, Judanöj yengöra aka galöm meme keu ohoyök. Buña Kimbi ki töröp-tökñi. Keuñi mi 2 Pitö 2 keu miangö dop. Judanöj Kraistkö alaurupñi neñgö urunini kewö kuñguyök, “Anutunöj nini nalö dop möt naribingöra mötnarip neñgiiga könagesöurupñi akzini, eñön mönö mötnaripñinan sehiba köhöimapköra toroqeba bim qeba malme.”

Buk kiangö bahöñi bohonñi 4 mi kewö:

Keu mutukñi 1-2

Böhi sohoboho yengö könañini aka jimteköteköñini 3-16

Toroqeba pöndañ möt naribingö jimkutukutuñi 17-23

Kötümötuet keu 24-25

1^bJuda bisop Jeimsgö munñi nöñön Jisös Kraistkö welenni qeba urumelej alaurup embuk keu eraum mötpingöra kaba kimbi ohozal.

Anutu Iwinöj engohola uru könömnjan jöpaköm engii Jisös Kraistnöj sel jöhöm engiiga malje.

²Anutunöj mönö ak kömumba urukalemñi kelejmalelej engiiga luainöj malme. Mewö.

Buña keu möwököwöramgö galöm meme keu.

³O wölböt alaurupni! Anutunöj amöt gem neñgiiga letota mohotñe Suepkö buñaya akzini, nöñön miangö keuñi jim tuariba ohom engimamgö sihimni ketañi möta malal. Mala malbi lömböriiga toro-

qeba mambötmamgö osizal. Miangöra ohoba uruñini kewö kuñgum engizal: Anutunöj mötnaripkö keu kemañi pakpak mi ambazip sarakñi neñön memba galöm kölinga qahö utekömapköra ali buñanina akza. Miangöra böhi takapulakañi tosattjan Buña keu lolonqalon akepeköra mönö böj kinda bim qeba malme.

⁴Ambazip tosattjan möndöba urumelej kambu sutñine ölöñ ölölöngöba kanjotketka könañamñini goñgoñi mi aukñe qahö asuhui malje. Anutunöj ambazip mewöñi yengö keuñini lök mönöwök jim teköiga ohogetka sihimbölöñinan qakñine öngö-mamgö akza. Anutuninan keuñi ala kalem möriamñangö könañi ölna indelakzapmö, ambazip angjöjörakñinambuk mieñön mönö nanñini sero namböñnamböñini turumegöra aka kalem möriamgö keuñi mi möwököwöramgöba möñaqöñaigetka bölimakza. Mewö aka nanine Ketañamnini mohot Jisös Kraist Kembu ak neñgi-makzawi, i qañ köla andö qemakze.

⁵İñini keu pakpak mi lök nalö köröpñi möt teköba maljemö, töndup galöm meme keu ki ölüm engubapüköra kunbuk kewö jim gulim engimamgö mötzal: Kembunöj könagesöurupñi İjijipt kantrinöhök meköm engiiga kagetmö, könañep tosattjan nalö kunöñ qahö möt narim wanñigetka mi köndenymönder ak engii ayuhuget. Galöm meme keu mi engöra aka kunbuk jizal.

⁶Mewöyök Anutunöj Suep garataurupñi jakömbuak tohoñini al engiiga malgetmö, yengörejök tosattjan urukönöp aka keu bapñe qahö anda nanñini jakömbuak tohoñini galöm köl engibingö urumohot qahö aka selñini kösököget. Qegetal akerangöra aka Anu-

^b1:1 Mat 13.55; Mak 6.3 ^c1:5 Eks 12.51; Jañ 14.29-30

tunöŋ i aköm enŋiiga jakömbuak mir-
iŋini mosöta etket. Etketka “Nalö ke-
taŋe keuŋini jim tekömam,” jiba tapep-
nöŋ (muŋgamuŋga) gwaröhöba pan-
daman uruŋe al enŋiiga tata kotk-
era nalö teteköŋi qahö tat öŋgöme.
Galöm meme keu mi enŋöra aka kunbuk
jizal. ^{7d}Tandök mohot mianöŋ Sodom,
Gomora aka miri tosatŋi liliköba tatkeri,
yeŋgöreŋ asuhuyök. Ambazip mienöŋ
mewöŋanök serowilin aka silegö sihim
kömbönaŋini möwöramgöba tandökŋi
kun kewö aket: Azi nanŋirök ambi
nanŋirök amimba malget. Mewö mal-
getka Anutunöŋ likeŋŋini meleŋ enŋiiga
könöp jitŋi teteköŋi qahö enŋohoi sihim-
bölö möta mala kota malme. Mewö mala
böhi takapulakanŋi yeŋgö galöm mem
aŋgubingö kaisöpsöpnina ahakze.

⁸Ambazip takapulakanŋi mienöŋ
mönö nalö kewöŋe tandök mohot
mewöŋanöhök ahakze. Jenŋini meleŋni
imutimutŋini laŋ eka mianŋöreŋ
möndöba wuatangöba nanŋini
sileŋinaŋgö malmalŋini mem böliba
kölköljŋiŋiŋ miwikŋaimakze. Mewö
mianöŋ Anutu jijiwilit aka jimongot jim
waŋgiba kukösumŋi memba et alakze.
Mewö aka Suepkö bem suahö ambazip
asakmararaŋinambuk euyangöreŋ
maljei, yeŋgöra uruqeŋe keu töhöreŋ
jim enŋimakze.

^{9e}Mewö ahakzemö, Sup garata
bohonŋi qetŋi Maikel yaŋön mewöyök
mewö akŋamgö lömböriba osiyök.
Maikelnöŋ Mosesgö qamötŋangöra
Bölöŋangö Toŋambuk aŋgururuk
aka möndöm-kösök ahök. Mi aka
öŋgöba erökmö, töndup uruqeŋe keu
töhöreŋ mi jim teköm waŋgimangöra
awösamakak qahö miwikŋaiba

osiyök. Osiba kewöyök jim waŋgiyök,
“Kembunöŋ mönö mindiŋ-göm gihima.”

¹⁰Maikelnöŋ mewöyök mi osiyökmö,
ambazip sohoboho mienöŋ mönö
sileŋini memba öŋgöba Buŋa keu qahö
möt kutumakzemö, töndup mianŋöra
uruqeŋe keu töhöreŋ laŋ jimakze.
Töŋpin mala sömbup soŋ ewö laŋlaŋ
malje. Mötkutukutuŋini ölnŋi qahö
asuhuiga sömbup malmalgö sihimŋini
korembiŋi miyök mörakze. Nanŋini
sihim mötmötŋini gongonŋangonŋi
mienöŋ mönö köndeŋ enŋigetka
ayuhume. ^{11f}Anutunöŋ böhi

takapulakanŋi mienöŋ likeŋŋi meleŋ
enŋiiga sihimbölö ketanŋi mötmeangöra
wölköba Yei! jizal. Ambazip sohoboho
mienöŋ azi Kein (Kain) yaŋgö könanŋi
mötöteiba anakze. Könaŋgep kerök
azi kembu kunöŋ azi qetŋi Balam
töwa waŋgiiga Israel ambazip
tilipköm enŋiiga jaŋjuŋ anget. Böhi
takapulakanŋi mienöŋ Balamgö silikŋi
wuatangöba moneŋ miwikŋaibingöra
urukönöp möta yuai ilinölaŋ ak
bibihiba laŋ sohomakze. Azi qetŋi Kora
yaŋön Moses aka Aron tuarenjoŋ ak
etkiba köndeŋmöndeŋ miwikŋaiiga
ayuhuyöhi, böhi mienöŋ mönö Kora
ewö kezapjuŋpup aka mala ayuhume.

¹²Urumeleŋ enöŋ urukalem kondel
aŋgubingöra tokoba lömbuaŋ algetka
takapulaka böhi mienöŋ mönö
mianŋöreŋ mewöyök kamakze. Kaba
dogonŋini aukŋe kondela nanŋinanöhök
gumohom anguba bau numbu nemakze.
Mewö aka enŋgö sile töwötŋini boromŋi
boromŋi gamuŋinambuk ewö akze.
“Ziozgö lama galöm akzin,” jiba ala
enŋgöra qahö mötmöriba kelök keu laŋ
jimakze.* Kousu omani töhöntöhön

*1:12 Böhi mienöŋ törom ewö asamböta tatzemö, waŋgeŋinan yeŋgöreŋ qaköba
jömögöbapuk.

^d1:7 Jen 19.1-24 ^e1:9 Dan 10.13, 21; 12.1; Ind 12.7; Dut 34.6; Zek 3.2

^f1:11 Jen 4.3-8; Jaŋ 22.1-35; 16.1-35

kiejnini qahö mewö malgetka luhutnönj muwutapköm enjiiga laŋlaŋ anda kamakze. Ölni ahumapkö nalöŋe ipŋi ipŋi araröŋi ölnini qahö ewö kinje. Guluŋ sinŋinanök ewö aka mutuk köhömuŋi aka jalöŋini malmal köhöikŋaŋgö könaŋeyök qözöla tala kunbuk kömum köhöigetka yahöt aiga köhömuŋi kötökŋi aka malje.

¹³Yeŋön köwet siri kukŋinambuk ewö laŋ kundutketka ahakmemeninan gamuŋambuk mi qölqölsöt gödöwörötŋambuk ewö aukŋe asuhumakza. Senŋelau tosatŋan könaŋini ŋingiba laŋ erakzei, yeŋön mönö miangö dop jaŋjuŋ qemakze. Senŋelau miengö dop eta Anutunöŋ yeŋöra pandaman göjiwinangö uruŋe miri areŋgöm enŋiyöhi, mönö emuyangöreŋ dutŋe geba nalö teteköŋi qahö tat öngöme.

¹⁴Adamgö sakonŋaŋgö isinŋi qetŋi Enok yaŋön mewöyök ambazip takapulakaŋi miengö kezapqetok keuŋini qeljiŋe kewö jii ahöza: “Mötket, Kembunöŋ Suep suahö ambazip töröŋi tausenni tausenni jaŋgö öngöŋgöŋi ketanŋi mi enŋömemba eta asuhume. ¹⁵Asuhuetka körek pakpak neŋgö keunini jim teköma. Ambazip aŋgöjörakŋinambuk yeŋön ahakmeme aŋgöjörakŋambuk wuataŋ-göba ŋiŋgisöndokŋini aŋgöjörakŋinambuk aka kotkeri, mi pakpak kewöta miangö likepŋi meleŋ enjiiga körek yeŋgö qakŋine öngöma. Pinjit ambazip aŋgöjörakŋinambuk miengön keu jenöŋ gege gamuŋambuk miangön Anutu jim qetal waŋgiba kotkeri, miangö likepŋi pakpak meleŋ enjiiga sihimbölöŋini möta malme.” Enoknöŋ galöm meme keu mewö jiyök.

¹⁶Böhi sohoboho miengön jimongot aka sesekŋai ewö ihururuk laŋ

jim aŋgumakze. Nanŋini sihim kömbönaŋini bölöŋi wuataŋ-göba terenqerenŋa sileŋini memba öngöba jakbak-öranböraŋ ahakze. Ambazip tosatŋi göda qeba kelök enŋuze ewö, mi yuai meleŋda nanŋine enŋimegö sihimŋi möta kelewele ahakze. Mewö malje.

Galöm meme aka qambaŋ keu tosatŋi

¹⁷Mewö maljemö, wölböt alaurupni, Kembunini Jisös Kraistkö aposolurupŋan böhi takapulakaŋi yeŋgö keuŋini lök qeljiŋe jiget ahöza. Inŋini yeŋgö keuŋini mi ölum enŋubapuköra galömŋini mem aŋguba malme. ¹⁸^hAposol yeŋön enŋöra keu kewö jiget, “Jisösgö kaka nalöŋan törüiga nalö teteköŋe miangöreŋ mepaqepaik ambazip asuhume. Yeŋön nanŋini sihim kömbönaŋini bölöŋi wuataŋgöba malmal aŋgöjörakŋambuk malme.” Mewö jiget.

¹⁹Ambazip takapulakaŋi miengön mönö sutŋine urujjul ak enŋigetka simbisembel akepek. Uŋa Töröŋan qahö sölölohöm enjiiga gölmegö sihim kömbönaŋi bölöŋan galöm köl enjiiga mi wuataŋgömakze. ²⁰O wölböt alaurupni, Anutunöŋ mötnariŋ qainŋi kun enŋiyöhi, miangön mönö tandöŋini bohonŋi öngöŋgöŋi ewö akza. Enöŋ mönö mötnariŋ miangö qakŋe kinda naŋgöm aŋguba köhököhöi miwikŋaimakŋe. Uŋa Töröŋan inahöm enŋimakzawangö dop mönö yaŋgö ösumnöŋ kinda köuluköba malme. ²¹Anutunöŋ jöpaköm enŋimakzawi, inŋini mönö yaŋgö urukalemŋe böŋ qeba kinme. Kembunini Jisös Kraistnöŋ ak-kömükömu enŋiba kunbuk asuhuba malmal köhöikŋe aŋgota oyaenŋoyaenŋ malme. Inŋini mönö nalö mi kam

kunġumapkōra kapaŋ kōla mambōta malme.

²² Ambazip uruŋini melenġbingō uruyahōt akzei, mi mōnō ak kōmumba urukalem ak enġiba malme. ²³ Tosatŋan kōnōp bōlamnōŋ an takōbingō tandōk akzei, i gebepukōra mōnō wōlaŋ örōba bohonnġini jōhōm enġigetka letotpeak. Tosatŋan sihim kōmbōnaŋini bōlōŋan galōm kōl enġiiga qemasolokep maljei, i mōnō ak kōmumba jōpakōm enġiba malme. Mewō malmemō, nanġini malmalġinan bōlibapukōra mōnō keŋġōtġini mōta malme. Qemasolokep yeŋōn siŋgisōndokġi siŋgisōndokġi aketka mianġōn uruŋini sileŋini kokolak qeiga aukŋe tōwiba maljei, yeŋġōra mōnō galōmġini mem aŋguba malme. Kōlkōlġiŋġiŋ akepukōra mōnō opo sōrōŋini tōwōtġinambuk mi tok sisitġini memba kude misirime. Mewō.

Möpōmöpōsei keu

²⁴ Mōnō Anutu möpōseimakin. Yaŋōn iŋini tala et enġuba-pukōra sel jōhōm enġimamġō kōhōiza. Yaŋōn ölöp enġuaŋgita nanġi je mesoholġe al enġii aŋgota solanġi keuŋini qahō kinda asakmararaŋi eka sōŋgaiba kōiraŋ kōla malme. ²⁵ Anutu mohotŋan Amōtqeŋe Tonini akza. Kembunini Jisōs Kraistnōŋ nam kōl neŋġiiga Anutu möpōseim waŋġiinga qetġi akōdamunġambuk aka ahōma. Yaŋōn möpŋaŋġō möpŋeyōk kōnahiba kota Öŋġōŋġō-ŋamnini kukōsumġambuk akza aiga nalō kewōŋe toroqeba yuai pakpak ösum-mumuŋan galōm kōla nalō tetekōŋi qahō Kembu ak neŋġiba malma. Keu mi ölġa.

Indelindel keu

Kraistnön keu tölapnji Jongörej indelök.

Jim-asa-asari

Jisösnön gölme mosöta Suep mire öngöiga yambu 65 miangö dop teköiga aposol Jonön Kimbi ki ohoyök. Nalö miangörej urumelen könagesö Jisös möt narigeri, i sesewerowo ketanji ak engiget. Jon mi gölme jölanji qetnji Patmos miangörej al wanjigetka kösö mire ewö tarök. Patmos maliga Anutunön jeni melenjiga yuai könangep asuhumapkö imutnji ehök.

Keu bohonji kewö: Jisösnön Satan aka kerökurupnji pakpak luhut ala memba et al engim teköma. Mewö aka mötnarip ambazip kötuetköm nenjiiga Suep dölökni aka gölme dölökni miangörej angota teteköni qahö oyaenkoyaeñ malbin. Sesewerowo uruñe malgeri, yeñön lömböt möta mökösonda Jisös möt nariba pöndañ böñ qeba kinmegöra kuñgum engimakza. Jisösnön keunji keunji mewöñji jim kutuba indeliga Jonön möta Kimbi ki ohoyök. Mi urumelen ambazip urunini nanjö-mangöra aka ohoyök. Söpsöp keu aka keu tölapnji mi gwötpuk. Keu tosatnji möt kutubingö möt bibihizin.

Buk kianjö bahöñji bohonji 11 mi kewö:

Keu mutuknji 1.1-8

Zioz kambu 7 yeñgö kimbiñini 1.9-3.22

Kimbi köpöp supap 7:ñan jöjöhöñji 4.1-8.1

Tömun qainji kun 7 uget 8.2-11.19

Sekak namnji aka jemnemba yahöt 12.1-13.18

Jemeleñ imutimut könäñji könäñji 14.1-15.8

Anutugörej irimsesewöl qambi 7 mokoget 16.1-21

Babilon siti, jemnemba, kezapqetok takapulakanji aka Satan yeñgö ayuayuhu 17.1-20.10

Jimtekötekögö nalö ketanji 20.11-15
Suep gölme dölökni aka Jerusalem dölökni 21.1-22.5

Keu kötnji teteköni 22.6-21

1 Anutunön yuai könangep zilañ asuhumawi, miangö könäñji nup memeurupnji neñgöra kondel neñgimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenqeqeñji Jon nöñgörej kaba jiiga möral.

²Jisös Kraistnön Anutugörej Buña keu nanjöba jim asariba kondel niñgiiga Jon nöñön yuai mi jeni melenjiga uba ehali, mi pakpak miangö dop toroqeba nanjöba jim asariba ohozal.

³Kunjan kezapqetok keu ki oyoñmawi, yeñön mönö simbawoñ akza. Jisösgö kaka nalöñan törizä. Miangöra kimbi kianjörej keu ohoi ahözawi, ambazip mi kezap ala mötmei aka mi möt sölöñgöba anjöñ kölmei, yeñön mewöyök simbawoñ akze. Mewö.

Jonön Eisia prowingsö zioz kambu 7 yeñgö jölöñini alök.

⁴Jon nöñön Eisia prowingsö zioz kambu 7 engöra kewö ohozal:

Kunön mal köhöizawi, möpñangö möpñeyök mala koröhi, aka kunbuk liliñgömawi, yeñön mönö kalem möriam engiiga luainön malme. Mewöñanök Anutugö urña bohonji 7 yanjö jakömbuak dum wösöñe kinjei, yeñön mönö kalem möriam engigetka luainön malme.

⁵Jisös Kraistnön Anutugö könäñji pöndañ nanjöba jim asariba mala mu-

tukña kômupnöhök wahörök. Yañon gölmegö kiñ kembu yeñgö Kambuñini akza. Yañon mönö seņņan saņgoņda siņgisöndoknineyök pösat neņgiba jö-paköm neņgimakza. ^{6k}Yañon nini nanņi bemtohoņe ala mem letot neņgiiga kiñ ewö akzin. Buņa nup galömurupņi (prist) aka nanņi Iwi Anutuņangö welenņi qemakzin. Neņon yaņgö qet-buņaji aka kukösumņi möpöseininga nalö teteköņi qahö aködämunņambuk ahöm öņgöma. Keu mi öļņa.

^{7l}Eket, Kraistnöņ mönö kousu uruņe eta kama! Kamawi, nalö miangöreņ nini körekmakörek i jeninan uba ekin. Börö marömņi qetohogeri, yeñon mönö mewöyök i ekņe. Ambazip kambuņi kambuņi gölme dop tat anjini, neņon mönö i eka körekmakörek yaņgöra aka jingereņ köla amburereņ akin. Keu mi ölböļņa, uruyahöņi kun qahö.

^{8m}Kembu Anutu mal köhöizawañon kewö jiza, “Nöñon mutuhök mala (yuai pakpak miwikñaiba könangep jiba qahöwahiga) qöndökña mal öņgömam. Miangö dop nöñon kulem namņi mutukņi A aka kulem namņi qöndökņi Z akzal.” Nöñon kukösum pakpakö Toņi möpņangö möpņeyök mala kota maljal aka kunbuk lilingömam. Mewö.

Suep gölmegö azi öļņaņgö tandökņi kewö ehal:

⁹Jon nöñon eņgö urumeleņ neņakņini akzal. Kraistpuk qekötahöbiga nanņi bemtohoņe al niņgiiga ambazipnöņ

sihibölö ak niņgigetka wahöjalin mörakzal. Mi embuk möta mökösöņda kapaņ köla köhöiba kinjal. Anutuğoreņ Buņa keu jim sehiba Jisösgö könaji naņgöba jim asariba malalaņgöra nömemba köwet jölanņi qetņi Patmos† miangöreņ al niņgiget malal. ¹⁰Kembugö sonda kendon tatat nalö kunöņ Uņa Töröņan nömeiga alburup umuņan qakne öņgöiga andöneyök qet ketani kun möral. Qet kourukņi mi tömun qainņi kun (biugel) qetzawi, miangö tandöktandök ahöyök.

¹¹Qet miañon kewö jiyök, “Öroyuai uba ekņani, miangö keuņi mönö kimbi köpepnöņ ohoman. Ohoba alnöņga zioz kambu 7 yeņgöreņ anma. Siti 7 miengö qetņini kewö: Efesus, Smörna, Pergamum, Taiataira, Sardis, Filadelfia aka Laodisia.”

¹²Keu mewö jiiga ötoņi mörali, “Mi daņon?” jiba eka mötmamgöra lilingöyal. Lilingöba kinda lambegö dum tatat goulnöņ memeni 7 kingetka ehal. ^{13m}Lambegö dum tatat miengö sutņine azi kun ekiga kaisoņgolomņan gölme azigö tandök ahök. Malukuņi köröpņi köla öröiga köna susuņe eta turuyök. Opo jöhan maņgihilakņi goulņambuk mi örigit ewö töptöpņe embahöm aņguba kinök.

¹⁴Nöröp juņņan tuat lalamņi kousu köpköp (snow) ewö ahök. Lama juņņi saņgoņgetka tuarizawi, mönö miangö dop ehal. Jekötņan könöp bölam ewö jem asariiga kinök. ¹⁵Köna

†1:9 Patmos mi köwet jölanņi moröņi (Yurop aka Afrika) Sutņire Köwet miangöreņ ahöza. Efesus mosöta Saut göröken 80 kilomita anman. Rom gawman yeñon kegwek-kahasililij ambazip keuņini jim teköba közöla eņguangitketka miangö kösö mirinöņ malget. Ölöņ kölbingö osiget. Gölme mi qararaņkölköļņa, kötņi sehisehiņi. Jonöņ yeņgö sutņine maliga sisa-kiņ Nerwagö nalöņe (yara 96-98) pösatketka erök.

^k1:6 Eks 19.6; Ind 5.10 ^l1:7 Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37 ^m1:8 Ind 22.13; Eks 3.14

ⁿ1:13 Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

susunan sösönihiba gohotnji ahök. Ain bras könöpnöj ala delasi ohogetka jeiga gögörij tohomakzawi, mönö miangö dop kölköl-bilikbilikpambuk ahöyök. Keu jii mörali, mi o ketañan sianöj giliga ötöj ketañi mörakzini, mönö miangö dop ahöyök. ¹⁶Böröj öljän seŋgelau 7 memba kinök. Numbuñeyök bimgö sou ketañi (bainat) jityahötñi likelike zuluk alalñan erök. Jemesoholñan wehön jeñi körek asarim tekömakzawangö dop asariiga ehal.

¹⁷Nöñön i eka uruni duhui yangö könañe tala eta kömup tandök ahöyal. Mewö ahöbiga böröj öljän nöngö nöropne ala kewö jiyök, “Mönö keñgötiki kude mötnöj! Nöñön mutuhök mala (yuai pakpak miwikñaiba könañep jiba qahöwahiga) qöndökña mala öñgömam.

¹⁸“Nöñön malmal Toñi akzal. Kömumba malalmö, mötnöj, nöñön mönö guliba wahöta malmal köhöikñi teteköñi qahö mal öñgömam. Nöñön kömupkö kondotkondot Toñi galöm köla kömupkö uñem miri Toñi oñgita kiñi moröñi memba maljal. ¹⁹Miangöra yuai nalö kewöñe asuhuzawi aka könañepñe asuhumawi, nöñön miangö könañi kon-delbi ekñan. Yuai ekñani, mi mönö papianöj ohonöñga ahöma. ²⁰Señgelau 7 böröni öljä ahözei aka lambegö dum tatat goulñöj memeni 7 ekzani, miengö könañini tölapñi kewö: Señgelau 7 mi zioz kambu 7 miengö garata galömñi-nangö söpsöp akze. Lambegö dum tatat goulñöj memeni 7 miengön mönö zioz kambu 7 miengö söpsöp akze.” Mewö.

Efesus urumelenj könagesö yengö qambañ keu

2 Jisösnöj toroqeba jiyök, “Jon göñön mönö Efesus sitigö zioz kambu yengö pom garatañinangöra kimbi kewö ohoman,

“Kunöj böröj öljän señgelau 7 memba lambegö dum tatat goulñöj memeni 7 miengö sutñine anda kaba kinakzawi, yangön keu kewö jiza: ²Nöñön göhö ahakmemegahö könañi möt kutubi kewö ahöza: Göñön nöngöp ariba nupni köhöikñanök memba malakzan. Añgösirip kapañ köla möta mökösoñda malakzan. Ambazip gonñoni yembuk ala qahöpmahöp aka öljä qepureiba közöl eñgimakzan, mi mötzal. Tosatñan melaimelai azi aposol qahö aka töndup qetñini mewö qerakzei, göñön i esape-sapnöj ala kewöt eñginöñga muner jijiñinangö könañinan aukñe asuhuyök.

³“Tosatñan nöngö qetnañgöra aka kahasililij ak gihigetka sihimbölä kapañ köla möta mökösoñda malnöj. Ösumeret ölan qahö aka malnöjmö, yuai pakpak möt kösoñda kinda malnöj, mi mötzal. ⁴Mewö malnöjmö, urugahö keu kun kewö mötñi qahö dop kölja: Mutuhök urugi meleñda önöñi qahö jöpaköm niñgiba malnöjmö, urugan mönö sörauiğa nalö kewöñe amöriba maljan.

⁵“Mutuhök urusösöñgai ketañi möta malnöjmö, miangöreñök löwöriba eta eta amöriba et qeba maljan. Gi mönö nangi könañi mi mötmöriba möt kutuman. Miangöra mönö urugi meleñman. Mutuhök urumeleñgö yuaiñi akñöñi, mönö miangö dop kumbuk suariba akñan. Urugi siñgisöndok miangöreñök qahö meleñman ewö, nöñön mönö göhöreñ kaba lambegö dum tatatki qeköbiga urumeleñ könagesö Efesus miangöreñ kumbuk qahö ahöma. ⁶Et guhuyökmö, göhöra kewö mötñi ölöwakza: Göñön Nikolait yengöreñ ahakmemeni tököba uru önön ahakzan. Nöñön mewöñanök mi tököba miangöra uru önön ahakzal.

⁷“Engörenök kunjan kezapñambuknõj malja ewö, Uja Töröñan zioz kambuñi kambuñi neñgöra keu jimakzawi, yañõn mönõ mi kezap ala möt kutuma.

“Kunjan esapesap bölõñi pakpak ongita luhut almawi, nõñõn mönõ i wañgitpiga Anutugö oyaenköyaen nupnõj (paradais) euyangöreñ öngöba malmal köhöikñañgö ip aumñe tata kötñi nemba malma.” Mewö.

Smörna urumelenj könagesö yengörenj qambañ keu

⁸P⁸“Smörna sitigö zioz kambu yengö pom garatanjanangöra mönõ kimbi kewö ohoman,

“Kömumba guliba mal köhöizawañõn mutuhök mala (yuai pakpak miwikñaiba könangep jii qahöwahiga) qöndökña mal öngömawi, yañõn keu kewö jiza: ⁹Göñõn wahöjalinj möta etqequeñi akzani, mi mötzalmö, Anutugö jeñe qetbuñagan öngöngöñi aiga simbawoñ akzan. Tosatjan Juda ambazip qahö aka töndup qetjini mewö qerakzei, yeñõn mepaqepaik aka andö qem gihigetka angösirip mörakzani, mi mötzal. Yeñõn ‘Köuluk miri ölni akzin,’ jiba aiakaninan Satan möpöseimakze.

¹⁰“Sihimbölö möta malmanmö, miangöra kengetki kude mötman. Mötnõj, Bölöñangö Toñan esapesapnõj al engimangöra ambazip kuñgum engiga engörenök tosatñi engömemba kösö mire al engime. Angösirip ak engimei, injini mi silim 10 möta malme. Malbeak me kömumbeak, mönõ nömbuk pöndañ kingetka nõñõn malmal köhöikñañgö ila jalõñi engimam.

¹¹Q⁴“Engörenök kunjan kezapñambuknõj malja ewö, Uja Töröñan zioz kambuñi kambuñi neñgöra keu

jimakzawi, yañõn mönõ mi kezap ala möt kutuma.

“Kunjan esapesap bölõñi pakpak ongita luhut almawi, yañgö sileñan kömuiga mohot akñapmö, kömup yahötñi qahö kömumba geñmororoñ qahö miwikñaima.” Mewö.

Pergamum urumelenj könagesö yengö qambañ keu

¹²“Pergamum sitigö zioz kambu yengö pom garatanjanangöra mönõ kimbi kewö ohoman,

“Kunõñ bimgö sou ketañi (bainat) jityahötñi likelike zuluk alalñi memba maljawı, yañõn keu kewö jiza: ¹³Göñõn malmal tatatki denike ala maljani, mi mötzal. Satanõj nanñak jakömbuak dum tatatñi ali ahözawi, gi mönõ miangö kösutñe malakzan. Töndup nõngö qetni memba nömbuk toroqeba qekötahöba kinakzan. Satangö malmal tatatñi Pergamum siti miangöreñ ahöiga Antipas yañõn nõngö könangamni nangöba jiba jembon onji nene (qariwe ilikñi nene) ewö kinökmö, i engö sutñine miangöreñ qeget kömuyök. Göñõn ni möt narim niñgimakzani, keu mi nalö miangöreñ mewöyök qahö köyatiba qañ kölnõj.

¹⁴R⁴“Mewömö, urugahö keu morõñi kun kewö mötñi qahö dop kölja: Göhö könagesö sutñine tosatjan kezapqetok azi takapulakañi qetñi Balam yañgö janjuñbuk mala wuatangömakze. Kantri tosatñi yeñõn nene memba tandö lopioñ yengö naluk kötin buña qeba könañine algetka ösumñinan walöñnöhi, Israel ambazipnõj mi qahö nezema. Mutuk qahö negetmö, Balamnõj azi qetñi Balak kewö kusum wañgiyök, ‘Gi mönõ Israel ambazip mi nemegöra tutuhum engiman.’ Mewö kusuba kuñgum engiba

Q2:7 Jen 2.9; Ind 22.2; Eze 28.13; 31.8 P2:8 Ais 44.6; 48.12; Ind 1.17; 22.13

Q2:11 Ind 20.14; 21.8 R2:14 Jan 22.5, 7; 31.16; Dut 23.4; Jan 25.1-3

simba ewö utuba alöhi, yeñön mönö miangörej qaköba amqeba neget aka serowilin lañ aket. Engörejök tosatñan Balangö mötmöt mi wuatangömakze.

¹⁵“Mewöñanök göhö könagesö sutñine tosatñan Nikolait yeñgöreñ mötmöt muneñi memba wuatangömakze.

¹⁶Miangöra gi mönö urugi meleşman. Mewö qahö akñan ewö, nöñön mönö zilañ göhörej kaba könagesöurupki mewöñi mi qetal engimam. Numbune bingö sou ketañi (bainat) ahözawi, miangön mönö yarö gil engimam.

¹⁷“Engöreñök kunñan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yeñön mönö mi kezap ala möt kutuma.

“Kunñan esapesap bölöñi pakpak ongita luhut almawi, nöñön mönö nene tölapñi qetñi mana aka köt tuatñi wañgimam. Yahöt mi wañgibiga köt tuatñi miangörej qetñi dölökñi ohogetka ahömawi, mi nanñök oyoñda mötma. Tosatñan mi qahö mötme.” Mewö.

Taiataira urumeleş könagesö yeñgö qambañ keu

¹⁸“Taiataira sitigö zioz kambu yeñgö pom garatañinañgöra mönö kimbi kewö ohoman:

“Anutugö Nahönñangö jekötñan könöp bölam ewö jem asariiga köna susuñan sösönihiba ain bras ewö kölköl-bilikbilikñambuk akzawi, yeñön keu kewö jiza: ¹⁹Nöñön göhö ahakmemegahö könañi möt kutubi kewö ahöza: Göñön Anutu jöpaköba möt narim wañgiba nupñi memakzan aka añgösirip kapañ köla möta mökösoñda malakzan. Könakönahije

yuai aka menöñi, mi mönö nalö kewöñe mem sehiba aka memakzan.

²⁰“Mewö memakzanmö, urugahö keu kun kewö mötñi qahö dop kölja: Göñön ambi qetñi Jezebel yambuk urumohot aka i qahöpmahöp qepureim wañgimakzan. Yeñön kezapqetok ambia qahö akzapmö, töndup nanñi qetñi mewö qerakza. Yeñön ambazip tutuhuba kewö kusum engimakza: Tandö lopioñgö naluk kötin neneya buña qeba könañine algetka ösumñinan walöñnöhi, mi mönö ölop namba malme. Mewö kusum engiba nup meme alaurupni kuñgum engiiga löwöriba jañjuñ anda mi nemakze aka serowilin lañ ahakze. ²¹Nöñön Jezebel uruñi meleşmapköra nalö wañgialmö, serowilinñi mosöta uruñi meleşmapkö qahö möta töndup malja.

²²“Miangöra nöñön ambi mi qeiga kawöl yöhöiga salöknöñ ahöba sihimbölä mötma. Mewöyök yambuk sero yoñgorö ahakzei, yeñön ahakmemejini bölöñi mi qahö mosöta uruñini meleşme ewö, nöñön mönö i mohot engubiga sihimbölä kanjamñambuk mötme. ²³“Yañgö nahönböratuñi i mönö engum könjöratpi kömume. Mewö akiga zioz könagesö körek eñön eñgeka nöñgö könani kewö möt yaköme: Nöñön ambazip urumötmötñini kewöta jit aka urusihimñini körek möt kömumba ahakmemejinañgö dop likeñi meleşda körek mohot mohot engö qakñine öñgöma. Nöñönök mönö miangö Tonji akzal.

²⁴“Yeñgöra mewö asuhumapmö, Taiataira engöreñök tosatñan Jezebelgö mötmöt areñi mi qahö wuatangömakze. Mewö qahö aketka engöra mepaqepaik kewö aka jim engimakze, ‘Injini mötmöt

§2:17 Eks 16.14-15; 16.33-34; Jon 6.48-50; Ais 62.2; 65.15

†2:20 1 Kirj 16.31; 2 Kirj 9.22, 30 †2:23 Sum 7.9; Jer 17.10; Sum 62.12

öngöngöngöngö könaŋi qahö möt kutuba yaigep malje.' Mepaqepaik mewö jiba ak engimakzemö, Satangö buŋa möt-mötköra qet mewö qerakze. Nöŋön zioz kambu körek engöra kewö jibi mötme: Nöŋön lömböt kun qahö suariba albi engö qakŋine öngöma. ²⁵ Injini Buŋa keu mamba maljei, mönö miangörej qekö-tahöba malme. Nöŋön kunbuk lilingö-mamaŋgö dop mönö mia wuatangöba malme.

²⁶ v⁴ "Kunŋan esapesap bölöŋi pakpak oŋgita luhut ala kömumawangö dop mönö töndup jitni tem köla ahakŋawi, nöŋön i kukösum waŋgibiga kian kantriŋi kantriŋi galöm köl engiba malma. ²⁷ Iwinan kukösum niŋgiiga mi buŋa qem aŋguba Kembu maljal. Mewöŋanök engöreŋök kunŋan luhut almawı, nöŋön i jakömbuak nupkö ilaŋi aka ain öröpŋi waŋgimam. Mi waŋgibiga miaŋön gölmeŋi gölmeŋi ambazip galöm köl engiba köhöikŋanök mindiŋgöm engiba malma. Gwaköm kimbut öröpnöŋ qeba qesinjei, yaŋön mönö miangö dop qequetal ambazip öröp pöwöwöm köhöikŋi miaŋön enguba köndeŋda mendeŋ engiiga qeqelanlaŋ malme. ²⁸ Mewöyök söŋangö undi seŋgelau waŋgimam.

²⁹ "Engöreŋök kunŋan kezapŋan-buknöŋ malja ewö, Uŋa Töröŋan zioz kambuŋi kambuŋi neŋgöra keu jimakzawi, yaŋön mönö mi kezap ala möt kutuma." Mewö.

Sardis urumelenj könagesö yeŋgö qambaŋ keu

3 Jisösnöŋ toroqeba kewö jiyök, "Sardis sitigö zioz kambu yeŋgö pom garatanjinaŋgöra mönö kimbi kewö ohoman,

"Kunöŋ Anutugö uŋa bohonŋi 7 aka seŋgelau 7 mi böröŋe ahöi mamba maljawi, yaŋön keu kewö jiza: Nöŋön göhö ahakmemegahö könaŋi möt kutubi kewö ahöza: Göŋön ambazip jeŋine guliba maljanaŋgö qetŋi bisimakzanmö, Anutugö jeŋe köhömuŋi akzan. ² Miangöra mönö imbigi möta wahötman. Göhö ahakmemegan nöŋgö Anutunaŋgö jeŋe aködamanjambuk qahö akza. Göhö könaŋamgi kewöta mewö miwikŋaijal. Göhö könagesö uruŋe urumelenj ambazip tosatŋi kunbuk maljemö, yeŋön mewöyök kömum taköbingö akze. Miangöra göŋön mönö mem köhöim engiba malman.

³ w⁴ "Anutugö yuai gihigetka buŋa qem aŋguba mötnöŋi, mi mönö urukönömge jöhöba mötmöriman. Buŋa mi mönö tem köla urugi meleŋman. Guliguli qahö malman ewö, nöŋön mönö yoŋgorö meme ewö ölöŋ kaba asuhumam. Kamamaŋgö aua nalöŋi qahö mötnöŋga keunan mönö zilaŋ qake öngöiga lömböt miwikŋaiman. ⁴ Mewömö, Sardis zioz kambu engö sutŋine ambazip awamdökŋi eŋön opo söroröŋini ölöpŋanök galöm kölgetka töwötŋambuk qahö akze. Miangöra yeŋön ölöp maluku tuatŋan sileŋine löngöta nömbuk anda kaba malme. Yeŋön mönö mewö aka malmeangö dop akze.

⁵ "Kunŋan esapesap bölöŋi pakpak oŋgita luhut almawı, yaŋgöra mönö maluku tuat lalamŋi waŋgigetka köla malma. Yaŋgö qetŋi malmal köhöikŋangö buk papianöŋ ohoget ahözawi, nöŋön mi qahö kutumam. Iwinangö jemesoholŋe aŋgoriga Suep

v2:26 Sum 2.8-9

w3:3 Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8

garataurupñan eketka qetñi ölop aukñe jim miwikñaim enjgimam.

⁶“Enjgöreñök kunñan kezapñam-buknön malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Filadelfia urumeleñ könagesö yeñgö qambañ keu

⁷x“Filadelfia sitigö zioz kambu yeñgö pom garatañinañgöra mönö kimbi kewö ohoman,

“Kunön Azi Töröñi aka Ölbölñi aka kiñ Deiwidkö ki moröñi memba galöm köla maljawi, yañön keu kewö jiza: Yañön nañgu metaliga kunñan mi köla kiñi memangö osima. Yañön mi köla jöhöiga kunñan mi musulmamgö osima. ⁸Nöñön göhö ahakmemegahö könañi ölop möt kutuzal. Alani mötnön, göhö ösumgan eretñi akzawi, mi mötzal. Eretñi akzampö, göñön mönö nöñgö Buña keuni tem köla könañi wuatangöba qetni qahö qañ köla malnön. Miangöra nöñön nañgu kun wösöge metalbiga kunñan mi kölmangö osima.

⁹y“Mötnön, kambu kun yeñön ‘Köuluk mirininambuk akzin,’ jiba aiakañinan Satan möpöseimakze. Juda ambazip qahö aka töndup qetñini mewö qeta muneñ jimakze. Nöñön ambazip mi kungum enjgibiga göhö könañamgi möt asarime. Mi möt asariba kaba göhö könage sipköba eta jöpaköm gihimakzali, mi aukñe jim miwikñaim. ¹⁰Nöñön kapañ köla lömböt möta mökösoñda kin köhöimangö jiali, göñön nöñgö jimkututuni mi añgön köla wuatangöba malnön. Miangöra nöñön mewöyök gi kewö añgön köla gihimam: Wahöjaliñ nalö tandökñi kun kaba kantriñi kantriñi dop köla gölmenön mal anjei, mi

esapesapnön al enjgima. Nalö mianñön kam kuñguiga nöñön gi wahöjaliñ mi-añgöreñök meköba bohongi jöhömam.

¹¹“Nöñön mönö zilañ lilingöba kamam. Kunñan utum gihiba ila jalö memeñe luhut al gihibapuköra mönö urugö inap ahöm gihizawi, mi mönö töp memba malnöñga qahö sohoba kahaimök ahöma. ¹²“Kunñan esapesap bölöñi pakpak oñgita luhut almawi, nöñön mönö i wañgita nöñgö Anutunañgö möpömmöpöse i jike (tempöl) uruñe kuñgubiga tandöñi akña aka nalö kunön mi kunbuk qahö mosötma. Miangöreñ maliga sileñe nani Anutunañgö qetñi, Anutugö sitiñangö qetñi aka nani qetni dölokñi qet karöbut mi ohomam. Anutunan Jerusalem sitiñi dölokñi mi nanñi mire euyangöreñ ali ahözawi, mianñön Suepnöhök eta gölmenön asuhuma.

¹³“Enjgöreñök kunñan kezapñam-buknön malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Laodisia urumeleñ könagesö yeñgö qambañ keu

¹⁴a“Laodisia sitigö zioz kambu yeñgö pom garatañinañgöra mönö kimbi kewö ohoman,

“Kun qetñi Amen. Yañön Anutugö keuñi pöndañ nañgöba Dangunu ölbölñi akza. Anutu bauköiga yuai pakpak miwikñaiyohotka galöm kölakzawi, yañön keu kewö jiza: ¹⁵Nöñön göhö ahakmemegahö könañi möt kutubi kewö akza: Urugi qahö amöriza aka nöñgö köñöp bölamnan uruge qahö jemakza. O urugan amöribawak me köñöwibawak, mianñön mötpi dop kölbawakmö, jöñane malnöñga qahö dop kölja.

^x3:7 Ais 22.22; Job 12.14 ^y3:9 Ais 49.23; 60.14; 43.4

^z3:12 Ind 21.2; Ais 62.2; 65.15 ^a3:14 Qam 8.22

¹⁶“Kun me kun dop kölbawakmö, urugan borom kun könöpkönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutjire uruyahötnöj laj maljanangöra mönö numbuneyök söwötköm gihibi geman. ¹⁷Nangi silegi mem öngöba kewö jimakzan: Nöjön azi kindinbirik qetbuñanambuk akzal. Sukinap mem sehiba dopne miwikñaizal. Siyoñsayoñi qahö mala yuai kungöra qahö osizal. Mewö jimakzanmö, könañamgi öljü qahö möt kutuzani, mi kewö: Göñön mönö kumkanjam aka tapötkokorok (dabökokorok) malnönga tosatjan wösömötmöt ak gihimakze. Wanapji mala jegi gömöliiga tiktauk sile aukje malakzan.

¹⁸“Miangöra qambañ keu kewö gihizal: Göñön nöngöreñök yuai karöbut ki söngöröñi meman: Azi kindinbirik qetbuñagabuk akñangöra mönö goul könöpnöj delasi ohoba gödöwörötñi mendeñget sösonihiba eta qahöwahöhi, mi mönö bohonñi meman. Sile aukje malakzani, miangö gamuñi közambötmangöra mönö maluku tuatñi bohonñi memba löngötman. Jegi gömölizawi, miangöra mönö jepisik kelök mi bohonñi memba jegi törörök umangöra miriman. ¹⁹^bNöjön wölböt alaurupni jöpaköm engimakzali, mi körek bölöñamñinanangöra tembula jim engiba mindinñinñin ak engimakzal. Ölöwakñegöra mewö ahakzal. Miangöra gi mönö jaulalaj mosöta urugi melenja sinjisöndoki andö qeba malman.

²⁰“Mötnöj, nöjön nangunöj qeba kinjal. Kunñan nöngö keu imbini möta uru nangunji musulmawi, nöjön mönö yangö miri uruñe öngöba yambuk tatpi yangön nömbuk köisirik tata mohotje nene nembit.

²¹“Nöjön esapesap bölöñi pakpak öngita luhut ala Iwinan noangiri yangö jakömbuak dumje eta qöhöröñe tatzal. Miangö dop kunñan esapesap bölöñi pakpak öngita luhut almawi, nöjön mönö i wañgitpiga nöngö jakömbuak dumne eta qöhöröñe tatma.

²²“Engöreñök kunñan kezapñambuknöj malja ewö, Uña Töröñan zioz kambuñi kambuñi neñgöra keu jimakzawi, yangön mönö mi kezap ala möt kutuma.” Mewö.

Jeni meleñniga kunöj Suep jakenöj tariga ehal.

4 Miangö andöñe jemelenj kunbuk asuhuiga Suep miri nangunji kun añañiiga ehal. Ekiga imbi mutuk tömun qainji kun (biugel) ewö keu jiiga mörali, yangön mönö suariba kewö jiyök, “Gi mönö kewö kotnönga andöñe yuai asuhumawi, mi kondel gihimam.”

²^cMewö jiiga miangöreñök Uña Töröñan nömeiga alburupñan qakne öngöiga yuai kewö ehal: Suep miri uruñe jakömbuak dum ahöiga kunñan miangöreñ tarök. ³Taröhi, yangö jemesoholñangö asakñan mönö eröknam me jamönñin qetñi jaspö aka wale bönbönñi me köt qetñi karnilian miangö dop gilikbilikñambuk asariba ahöyök. Kiam nesilam kun kulem mundañi mumunene kamböñi me jamönñin qetñi emerald ewö miangön jakömbuak dum mi lökñanök liliköba töngönñi göröhibi ahöyök.

Dum bohonñi liliköba dum 24:ñan tatze.

⁴Jakömbuak dum tosatñi 24 miengön dum bohonñi mi liliköba tatketka miengö qakñine Anutugö jittjememurup 24 tatket. Yenön malukuñini tuat lalamñanök öluj

geiga nöröpñine goul ila jalö kunduta tatket. ^{5d}Dum bohonñi miangöreñök wöl bilikbilik jesöñgö asariiga giñgururuñ asuhuiga imbi wölpöndañgö ötöñ kourukñi ewö möral. Dum bohonñangö wösöñje tos kiwa asakñi 7 jeba asariba kinget. Kiwa 7 mi Anutugöreñ uña bohonñi 7 akze. ^{6e}Mewöñanök jakömbuak jake wösöñje yuai gilikbilikñambuk köwet ewö ehal. Mi kirin jöhanñi jöhanñi kölköl-bilikbilikñambuk melenđa asarimakzei, mönö miangö dop asariyök. Jake bibiñje dum liliköba bem jembon 4 kinget. Andöñini aka wösöñjini mi jeñinanök dop köliga kinget.

⁷Bem jembon mutukñan laion sömbup ewö ahök. Alañan bulmakau aziñi ewö ahök. Alañiri kungö kaisongolomñi mi azi jesöñgöronñangö tandök ahök. Alañini 4:ñan tukapkap bölbölgömakzawañgö tandökña ahök. ⁸Bem jembon 4 mohot mohot yeñgö ginginñini 6 pakpak ahöm engiyök. Sileñini lökñanök aka ginginñini bapñe mewöyök jekötñinanök dop köl engiiga kinget. Kinda suñgem silim liñet kewö qörörök kölakze,

“Kembu Anutu kukösum pakpakö Toñi göñön mönö töröñi aka töröñi aka töröñanök akzan.

Malmal Toñi göñön mönö möpñangö möpñeyök mala kota maljan aka kumbuk liliñgöba asuhuba mal öñgöman.”

⁹Bem jembon 4 mienñön mönö mewö möpömöpösei liñet kölakze.

Kunöñ jakömbuak dumnöñ kinda nalö teteköñi qahö mal öñgöba malmawi, i aködamun qetbuña al wañgiba saiwap jimakze. ¹⁰Mewö ahakzeañgö dop Anutugö jitñememe 24 mienñön eta kun jakömbuak dumnöñ tatzawi, yañgö jeñe simin köla sipkömakze. Kunöñ nalö teteköñi qahö mal öñgöba malmawi, yañgö waikñi mamba möpösem wañgimake. Möpösem wañgiba ila jalöñjini qeköba jakömbuak dum wösöñje ala kewö jimakze,

¹¹“O Kembu Anutunini, göñön öroyuai pakpak miwikñaim enginöñ. Göhö jitsihitkan nam köl engiiga letota malmal miwikñaiiba malje. Miangöra aködamun qetbuña mi al gihiba saiwap jim gihimakzin. Göñön mohotñan mönö möpöqöpösei pakpak angön kölmanangö dop akzan.” Mewö.

Lamanöñ Anutugö böröñeyök kimbi köpep meyök.

5^fMiangö andöñje kimbi köpep kun ekiga jakömbuak dumnöñ tatzawañgö böröñi öñje ahöyök. Kimbi miangö sinñi mi likeplikkep lökñanök kulemöhök ohoba köpeiba sapönöñ ala muñgem supap (sil)[‡] 7:nöñ köla mekötahögetka ahöyök. ²Mewöyök Suep garata ösum-mumuñambuk kun ekiga köhöikñanök qeta buzup keu kewö qesiba jiyök, “Dañön sarak sorokñi aka ölop kimbi köpep kiangö muñgem supapñi (sil) munjurata kötulmawañgö dop akza?”

[‡]5:1 Kantri tosatñe kimbi ohoba esunöñ ala sapö mamba kunñan mi kötulbapuköra aka muñgem supapñöñ kölakze. Kunñan muñgem supap (sil) mi lañ munjurata kulemñi yongorö oyonñbawak, mi mönö miwikñaigetka keubuk akña. Kimbi toñanök mi galöm kölakza. Miri mi ki namñi ala misiin gemakzapmö, kimbi mi muñgem supapñöñ jöhömakze.

^d4:5 Eks 19.16; Ind 8.5; 11.19; 16.18; Eze 1.13; Ind 1.4; Zek 4.2

^e4:6 Eze 1.5-10, 22; 10.14; Eze 1.18; 10.12; Ais 6.2-3 ^f5:1 Eze 2.9-10; Ais 29.11

³Mewö jiyökmö, Suepnöñ, gölmenöñ aka kömupkö uñem miri miangöreñ körekmaökrek engegetka kunñan kun mi mutula kulemñi ekñawañgö dop qahö ahök. ⁴Kunñan kun sarak sorokñi aka kimbi mi mutula kulemñi ekñawañgö dop qahö miwikñaigeri, miangöra nöñon gwötpuk sahöt böliäl. ⁵Sahöt bölibiga Anutugö jítjememe yengöreñök kunñan nöñgöra keu kewö jiyök, “Mönö kude sahötnöñ. Mötnöñ, Juda kambunöhök Deiwidkö gwölönarökñi kun ahuba laion sömbup ewö aka Bölöñangö Toñi luhut ala malja. Yañön mönö ölop köhöiba kimbi köpöp kiangö muñgem supapñi (sil) 7 mi munjurata kötülma.”

⁶Mewö jiiga Lama moröñi ekiga jakömbuak dum bibiñe bem jembon 4 mieñgö sutñine kiniga Anutugö jítjememe yeñön liliköm wañgiget. Lama moröñi miañön mönö qeget kömuyöhangö tandökña kinök. Ilikñi 7 aka jekötñi 7. Anutunöñ uñaurupñi bohonñi 7 melaim enñiiga gölmegö ambazip pakpak yengöreñ anda maljei, jekötñi 7 mi mönö yeñgö söpsöpñina akze. ⁷Lama moröñi mi ekiga kaba kimbi köpöp supapñambuk mi jakömbuak dumnöñ tatzawañgö böröñi öñeyök meyök. ⁸Mi meiga bem jembon 4 aka Anutugö jítjememe 24 mieñön mönö miangöreñök Lama moröñangö wösöñe sipköba eta simin kölget. Yeñön mohot mohot kulele aka goul qambi memba kinget. Ambazip sarakñan köulukögetka Anutugöreñ öñgömakzawi, miañön mönö jiniñ ohohogö dop aiga wörönñi umköhöwakñambuknöñ öñgöba pukpukömakza. Wörön mewöñan mönö goul qambiñini kokolak qeiga kinget.

⁹Simin köla liñet döläkñi kewö köla jiget,

“Göñön qainñi kun akzan. Gi guhugetka kömumba sepki mokoba miañön ambazip bohonñi memba enñgömenöñ.

Ambazip mi bem isikñinañgö dop, keu jöl jijiñinañgö dop, kambuñinañgö dop aka kantrininañgö dop. Göñön mönö mieñgöreñök tosatñi enñgömenöñga Anutugö buñaya akze.

Miangöra göñön mönö sarak sorokñi aka kimbi köpöp supapñambuk memba muñgem supapñi (sil) mutulmanañgö dop akzan.

¹⁰Yeñön Anutugö buñaya aketka kusum enñgiba kuñgum enñgönñga bemtohoñgahö kiñ kembu kambu aka jike nup galömurupñi akze. Yeñön Anutuninañgö nupñi memba mala gölme dop ambazip galöm köl enñgiba mal öñgöme.”

¹¹Liñet mewö köla jigetka möta toro-qeba uba Suep garata jañgöñini tausennñi tausennñi aka milyönñi milyönñi mi enñgeka liñet kourukñini möral. Yeñön jakömbuak dum kösutñe kinda bem jembon 4 aka Anutugö jítjememe 24 mi liliköm enñgiba liñet kölget. ¹²Liñet köhöikñanök qeta kewö kölget,

“O Lama moröñi qeget kömuyöhi, yañön mönö sarak sorokñi aiga Anutunöñ ösum-mumu aka töhötmöriam wañgiiga dopñe akza. Mötkutukutu öñgöñgöñi aka kukösüm pakpak buña qeiga dopñe akza. Sarak sorokñi aiga ölop qetbuña pakpak wañgiinga asakmararar buña qeiga möpöseim wañgin.”

¹³Mewö köla möpöseigetka liñet kambu kun kewö möral: Anutunöñ malmalbuk miwikñaim enñgiyöhi, mieñön mönö körekmaökrek liñet kölgetka möral.

⁸5:5 Jen 49.9; Ais 11.1, 10 ^h5:6 Ais 53.7; Zek 4.10 ⁱ5:8 Sum 141.2

^j5:9 Sum 33.3; 98.1; Ais 42.10 ^k5:10 Eks 19.6; Ind 1.6 ^l5:11 Dan 7.10

Suepnöŋ maljei, gölmenöŋ maljei, kömupkö uŋem mire aka köwet qakŋe maljei, mienöŋ mönö körek numbuŋini mindiriba liŋet kewö kölget, “Jakömbuak dumŋe tatzawi aka Lama moröŋi neŋön inŋiri möpöseim etkizin.

Kötuet Toŋi etkö qetbuŋaniri jim qari-makzin. Nalö dop asakmararaŋ etki-inga kukösum Toŋi mi teteköŋi qahö mal öŋgömahot.”

¹⁴Mewö kölgetka bem jembon 4 mienöŋ “Keu mi ölna,” jiget. Jigetka Anutugö jitŋememe yeŋön eta dapköba simin köla Anutu waikŋi memba möpöseim waŋgiget. Mewö.

Lama moröŋan muŋgem supap mohot mohot munjuratza.

6 Mewö möta yuai kewö asuhui ehal: Lama moröŋan kimbi köpöp supapŋambukö muŋgem supapŋi (sil) 7 miengöreŋök mutukŋi munjurata kötulök. Kötuliga bem jembon 4 yeŋöreŋök kunŋan keu kewö jiyök, “Mönö asuhuba kanöŋ!” Keuŋi mi wölpöndaŋ tandök ewö köhöikŋanök qeri möral. ^{2m}Mewö jiiga möta miangöreŋök hos tuatŋi kun asuhuiga ehal. Hos miangö qakŋe azi kun timbiŋambuk tari tosatŋan ila jalö waŋgigetka nöropŋe kölök. Mi köla yarönöŋ luhut ala malöhaŋön mönö kunbuk hos qakŋe yarönöŋ luhut almagöra anök. Mewö.

³Lama moröŋan muŋgem supap (sil) yahötŋi munjurata kötuliga bem jembon yeŋöreŋök yahötŋi yeŋön keu kewö jii möral, “Mönö asuhuba kanöŋ!” ⁴ⁿMewö jiiga miangöreŋök hos kun silenŋi pisikŋi somabolambuk asuhuiga ehal. Azi kun hos miangö qakŋe taröhi, Anutunöŋ mönö i yom karim gili luai qahöwakŋapkö kukösumŋi waŋgiyök.

Mi waŋgiiga gölmenöŋ aum aŋgöhöba kömumegöra kuŋguiga ambazip uru mem wahöt eŋgimawaŋgö kukösumŋi miwikŋaiyök. Mi miwikŋaiiga bimgö sou keta bölökŋi waŋgigetka memba anök. Mewö.

^{5o}Lama moröŋan muŋgem supap (sil) karöbutŋi munjurata kötuliga bem jembon yeŋöreŋök karöbutŋi yeŋön keu kewö jii möral, “Mönö asuhuba kanöŋ!” Mewö jiiga miangöreŋök hos injaŋi kun asuhuiga ehal. Azi kun hos miangö qakŋe taröhi, yeŋön inapkö lömbötŋi kewötpingö dop ipŋi (skeil) mi böröŋan memba tarök. ⁶Mewö tariga bem jembon 4 yeŋö sutŋineyök kunöŋ keu jiiga kourukŋi tandök ewö kewö möral, “Silim mohotkö töwaŋi (Kina 5) miangön ölop 1 kilogram wit flaua me 3 kilogram bali flaua mi bohonŋi meman. Töndup nenegö oil ip aka wain kösö nup mi mönö kude mem bölime.” Mewö.

⁷Lama moröŋan muŋgem supap (sil) 4:ŋi munjurata kötuliga bem jembon 4:ŋan keu jiiga kourukŋi kewö möral, “Mönö asuhuba kanöŋ.” ^{8p}Mewö jiiga miangöreŋök hos kun silenŋi gohotgohot aka kaukaŋambuha asuhuiga ehal. Hos miangö qakŋe taröhaŋgö qetŋi mi kömupkö kondotkondot Toŋi. Yeŋö kösutŋe kömupkö uŋem miri Toŋan mewöŋanök i wuatangöba kayök. Gölime mendeŋgetka bahöŋi 4 ahöiga miengöreŋök kungö ambazipŋi mi galöm köl eŋgibitkö kukösumŋi mi Anutunöŋ etkiyök. Kukösum mi etkiiga ösumŋiran gölmegö ambazip bahöŋi mi kewö mem kömum eŋgiyohot: Tosatŋan sou ketanŋan (bainat) auba kömuget. Tosatŋan bödinöŋ kömuget. Kawöl kanjamŋambuknöŋ tosatŋi eŋgömeiga kömuget aka tosatŋi mi gölmegö sömbup kalŋi mienöŋ eŋgöhögetka kömuget. Mewö.

⁹Lama moröñan muñgem supap (sil) 5:ñi munjurata kötuliga miangöreñök Anutugö ambazip tosatñi enğugetka kömugeri, yeñgö uñañini engehal. Yeñön Anutugö Buña keuñi angö köla nañgöba jim sehiba malgerañgöra enğugetka kömumba alta bapñe ahöget. ¹⁰Euyañgöreñ ahöba köhöikñanök kewö qetket, “O Kembu kukösum Toñi, göñön diñdiñi aka ölbölñi akzan. Miangöra mönö nalö dawik mambörin teköiga miangöreñ gölmegö ambazipñi kewöt engiba keuñini jim teköman? Neñön gi welen qem gihiinga neñgugetka sepninañgö kitipñi mi mönö wani nalönöñ melenñöñga qakñine öñgöma?”

¹¹Mewö jigetmö, maluku tuatñi köröpñi mi mohot mohot yeñgöra köl enğiget geiga Anutugö jimkutukutu kewö enğigetka mötket, “Iñini mönö toroqeba nalö töröptökñi mamböta malme. Mötnarip alaurupñinan toroqeba urugö nup memba malgetka iñini ewö mewöñanök enğugetka kömume. Yeñön kömugetka jañgö alali, miañön dopñe aiga nalö miangöreñök mönö enğugeri, yeñgö keuñini jim tekömam.” Mewö.

¹²¶Lama moröñan muñgem supap (sil) 6:ñi munjurata kötölöhi, mi uba ehal. Mi munjurata kötölöhi, nalö miangöreñ kenöñ tandökñi sohosohöñi gilök. Wehön jeñan böuktutuk ala injañ köla wösöbirikö malukuñi sanjöp ewö (meme jupñan memenañgö tandök) aiga söñauyök. Köiñ jeñan melenña lökñanök pisihiba sep ewö ahök. ¹³¶Mewö aiga señgelau suepñöñ ahözei, mieñön mönö gölmenöñ etket. Newañ kötni gohoriba tatketka luhut köhöikñan qeba utuköba

mumburatiiga erakzei, mönö miangö dop buratiba gölmenöñ tata pilpil etket.

¹⁴¶Mewö etketka suep ehakzini, mi-añön mönö ayapköyök. Kimbi köpep köpeigetka öröba anakzawañgö dop mönö wölakzak öröba anda ayapköyök. Mi ayapköiga kunduñi pakpak aka köwetkö gölme jölanñi jölanñi mi mönö körek ahöahöñineyök zilañ kök ala sömuniget.

¹⁵¶Mewö asuhiiga gölmegö kiñ kembuñi kembuñi, azi jembonñi jembonñi aka suahö galömñi galömñi mieñön mönö ölöñ köla asambötket. Ambazip kindiñbirik qetbuñañnambuk, ambazip kukösumñnambuk mi mönö körek kök ala asambötket. Nanñini nupñini memakzei aka toñinañgö welenñini öne qemakzei, mi mönö körek pakpak bañet, köt kinimñi aka kunduñañgö sem siañi jaruba miangöreñ asambötketka engehal.

¹⁶¶Miangöreñ asamböta kunduñi Toñi aka sem sia Toñi engohola kewö uletket, “Iñini mönö kunduñi jim tekögetka buaköba kaba turum neñiget. Jakömbuak dumñe tatzawañön jemesohol köl neñgibapuköra aka Lama moröñañgö irimesewölñan neñgubapuköra mönö jim tekögetka közamböt neñiget.” Mewö uletket.

¹⁷¶Yetkön irimesewölñiri aukñe kondeljahori, miangö nalöñi ketañan mönö kam kuñguba ahöza. Mi kunñan kun mesohol köla kinmawañgö dop qahö. Mewö.

Israel ambazip 144.000 mi Anutunöñ asö köl enğima.

7 ^wMiangö andöñe Suep garata 4 engekiga gölmegö wañgömñi 4

⁹6:12 Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25 ^r6:13 Ais 34.4 ^s6:14 Ind 16.20 ^t6:15 Ais 2.19, 21

^u6:16 Hos 10.8; Luk 23.30 ^v6:17 Joel 2.11; Mal 3.2

^w7:1 Jer 49.36; Dan 7.2; Zek 6.5; Eze 9.4, 6

miangöreñ kinget. Yeñön gölmeğö luhut Toñi bohonñi 4 mi jöhöm engiba angön kölget. Luhutnön gölme qakñe me köwet qakñe lañ gilbapuköra me ip kunñan qebapuköra mönö Toñi 4 mi böröñinan memba jöhöba kinget. ²Anutunön Suep garata 4 mi gölme aka köwet köndenğ engibingö kukösumñi engiiga gölme wañgömñine kinget. Mewö kingetka engehiga Suep garata kunön wehön kotkotñeyök asuhuba wahöri ehal. Yañön malmalgö Toñi Anutugö muñgem asö öröpñi galöm köla kaba Suep garata 4 yeñgöra köhöikñanök qerök.

³Qeta keu kewö jiyök, “Inñi mönö gölme me köwet mi zilañzilañ kude köndenğ etkime aka ip mi kude ayuhum engime. Mi qahöpmö, mönö mam-bötketka mutuk zilañök Anutuninañgö muñgem asöñi mi nupñi memakzei, yeñgö mesoholñine mekötahöm engibin. Mi mutuk kösöba mekötahöm engiingun andöñe mi ölop köndenğ ayuhume.”

⁴Mewö jiiga Anutugö muñgem asöñi mi Israel ambazip tosatñi yeñgö mesoholñine kösöm engiget. Kunön yeñgö jañgöñini jiiga kewö möral: Israel ambazip kambu 12 pakpak miengöreñök mindiriba ambazip 144.000 mi kösöm engiget.

⁵Israel kambu mohot mohot miengöreñök 12.000 mewö mewö kösöm engiget. Juda kambugö 12.000, Ruben kambugö 12.000, Gad kambugö 12.000, ⁶Aser kambugö 12.000, Naftali kambugö 12.000, Manase kambugö 12.000, ⁷Simeon kambugö 12.000, Liwai kambugö 12.000, Isakar kambugö 12.000, ⁸Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm engigetka mindiriba 144.000 ahök. Mewö.

Oyaenköyaen malmeañgö kambu ketanñi ehal.

⁹Miangö andöñe kambu jitñi buburatiñi jañgöñini kude oyoñoyoñgö dop mi ehal. Ambazip mi kambuninañgö dop, bem isikñinañgö dop, kantriñinañgö dop aka keu jöl jijininañgö dop tokoba jakömbuak dum aka Lama moröñi yetkö wösöñire kinget. Mi-añgöreñ kinda maluku köröpñi tuatñi köteköm anjuget geiga böröñinan nip sinnañgö böröñi memba kinget. ¹⁰Mi memba kinda köhöikñanök qeta kewö jiget, “Anutuninan jakömbuak dumñe tatzawi aka Lama moröñi yetkö mönö mem letot neñgiyohotka oyaenköyaen akzin.”

¹¹Mewö qeta jigetka Suep garata pakpak yeñön jakömbuak dum kösutñe areñnön kinda Anutugö jittjememe aka bem jembon 4 mi liliköm engiget. Mewö kinda jakömbuak dum wösöñe bangöba eta simin köla Anutu waikñi memba möpöseim wañgiget. ¹²Anutu möpöseim wañgiba kewö jiget, “Keu mi ölña! Anutu gi mönö kötuget, asakmararañ aka mötkutukutu öngöñgöñañgö Toñi akzan. Neñön gi möpöseim gihiba qetbuñagi jim qarimakzin. Anutunini, göñön ösum-mumu aka kukösum Toñi akzan. Neñön nalö dop mewö jim köhöininga Toñi mi teteköñi qahö mal öngöba malman. Keu mi ölña!”

¹³Mewö möpöseiba jigetka Anutugö jittjememe yeñgöreñök kunñan kewö jiba qesim niñgiyök, “Ambazip maluku köröpñi tuatñi löngöta kinjei, mi dañön? Mi mönö denikeyök kaba mewö tokoba kinje?”

¹⁴xQesim niñgiiga kewö melen wañgial, “O ketanñamni, mi nöñön qahö mötpiga nangok mötzan.” Mewö melen

waŋgibiga jitnememe yaŋön kewö jii moräl, “Kahasililiŋ keta bölökŋaŋgö sutŋeyök kotkeri, yeŋön mönö mia akze. Lama moröŋaŋgö sepŋan mönö opo malukuŋjini saŋgoŋni tuariiga malget. ¹⁵Mewö malgeraŋgöra aka Anutugö jakömbuak dumŋi mesohol köla suŋgem silim möpömpösei jikeŋe (tempöl) mala Anutugö nupŋi memba malme. Mewö malgetka jakömbuak dumŋe tatzawaŋön mönö opo koumŋi möröreŋgöba köl turum eŋgiiga malme.

¹⁶y“Mewö malgetka nalö kunöŋ nenegö me ogö qahö kömume. Wehönöŋ me yuai könöpŋambuk kunöŋ mönö qahö eŋgohotirima. ¹⁷zKewögöra oyaenŋkoyaen malme: Lama moröŋan jakömbuak jake bibiŋe tata galöm köl eŋgiba eŋguanŋiriga malmal köhöikŋaŋgö o töwatŋaŋgö jeŋe anakŋe. Anutu nanŋak jeŋineyök imbilŋjini pakpak kutuiga teköma.” Mewö.

Lama moröŋan muŋgem supap 7:ŋi munjuratza.

8 Lama moröŋan muŋgem supap (sil) 7:ŋi munjurata mutuliga Suep miri miangöreŋ kouruk pakpak göröŋ ala 30 minitkö dop nöŋ qeba ahöyök. ²Mewö asuhuiga Suep garata 7 Anutugö wösöŋe kinjei, mi eŋgekiga kunöŋ tömun qainŋi kun (biugel) 7 mi böröŋine ala eŋgiyök.

³aMi eŋgekiga Suep garata kun asuhaba jiniŋ ohohogö goul qambiŋi memba kaba alta kösutŋe kinök. Ambazip sarakŋi pakpak Anutugö köulukögetka yaŋön jiniŋ altanöŋ ohoiga wörönŋi umköhöwakŋambuk mi köulukŋinambuk toroqeba pukpuköba mohotŋe öŋgöba Anutugöreŋ anakza. Goul alta mi jakömbuak dum wösöŋe

kinjawi, yaŋön mönö miangö kösutŋe kiniga tosatŋan jiniŋ mi gwötŋuk ohomapköra waŋgiget. ⁴Yaŋön jiniŋ mi ohoiga miangö köwakŋan mönö Anutugö ambazip sarakŋi yeŋgö köulukŋinambuk toroqeba Suep garata yaŋgö böröŋeyök wahöta Anutugö jemesoholŋe öŋgöget. ⁵bSuep garata miangöŋ jiniŋ qambi mi memba altanöhök könöp jitŋi mei jeiga qambi miangöreŋ uiga kokolak qeiga gölmenöŋ gili geyök. Gili geiga miangöreŋök wölpöndaŋgö göjuŋi göjuŋi asuhaba giŋgururuŋ qerök. Wölbilik ösumŋinambuk asuhugetka kenöŋi kenöŋi nalöŋi nalöŋi meyök. Mewö.

Garata yeŋön tömun qainŋi kun uget.

⁶Suep garata 7 tömunŋjini qainŋi kun (biugel) megeri, yeŋön mi ubingö jöjöröget.

⁷cGarata mutukŋan wahöta tömunŋi qainŋi kun uyök. Mi uiga ais köŋŋi aka könöp bölamŋi mi kie ewö asuhaba sepuk toroqeketka kunöŋ mi mokoiga mohotŋe gölmenöŋ erök. Miangöŋ könöpŋambuk eta gölme qeiga gölmegö bahöŋi karöbutŋan jem teköyök. Arökŋaŋgö ipŋi miengö bahöŋi karöbutŋan jem teköget aka gwözözak sinŋi görökŋi mi körek jeba jem teköyök.

⁸Garata yahötŋi yaŋön wahöta tömunŋi qainŋi kun uyök. Mi uiga kunöŋ kundunŋi ketaŋi könöp jejeŋi tandök ewö (wolkeno) yuai mi giliga köwetnöŋ geyök. Geba köwet meiga köwetkö bahöŋi karöbut miengöreŋök kunŋan meleŋda sep ahök. ⁹Mewöŋanök Anutunöŋ köwetkö yuaiŋi pakpak miwikŋaiiga maljei,

^y7:16 Ais 49.10 ^z7:17 Sum 23.1; Eze 34.23; Sum 23.2; Ais 49.10; 25.8 ^a8:3 Amos 9.1; Eks 30.1, 3 ^b8:5 Lew 16.12; Eze 10.2; Eks 19.16; Ind 11.19; 16.18 ^c8:7 Eks 9.23-25; Eze 38.22

miangö bahöni karöbut miengörenök kun mi kömuget aka wançe pakpak miengö bahöni karöbut miengö likepñini kun mi jömgöba ayuhuget.

^{10d}Garata karöbutñan wahöta tömunñi qainñi kun (biugel) uyök. Mi uiga senjelau ketañi kiwa bölamñi ewö tandök jeba suepnöhök teköba erök. Eta köla gölmegö o töwatñi enguba miengö bahöni karöbut miengörenök kun aka o jeñi pakpak mi dop köl engiyök. ^{11e}Senjelau miangö qetñi mi röbek kömbukñambuk. Röbek miarñon eriga onñi onñi miengö bahöni karöbutñi mi melenða kömbukñinambuk aket. Kömbukñinambuk akerangöra aka ambazip gwötpukñan mi nemba kömuget.

^{12f}Garata 4:ñi yañon wahöta tömunñi qainñi kun uyök. Mi uiga kunöñ wehön jeñi aka köiñ jeñi mietkö asakñirangö bahöñiri karöbutñi mi etkuiga bahösapsap ömuñ köla söñauyohot. Mewöñanök senjelau bahöñini karöbutñi enguiga melenða söñauget. Miangöra silim nalöñangö bahöni karöbutñan söñauba pandaman ahök. Mewöñanök sunjemgö asakñan töriiga bahöni karöbutñan söñauyök.

¹³Mewö aiga eu uba tukapkap kun eka mötpiga könakembañe eu bölbölgöba suep bibiñe kutuba kaba köhöikñanök qeta kewö jiyök, “O ambazip gölmenöñ maljei, Suep garata karöbut yeñon mönö toroqeba tömunñini qainñi kun ubingö dop akze. Tömun karöbut miengö kourukñini mötketka lömböt kanjamñambuk karöbut asuhumei, miangöra mönö wölkiköba yei! yei! yei! jiba sahötzal.” Mewö.

Suep garata 5:ñan tömunñi qainñi kun uyök.

9 Suep garata 5:ñi yañon tömunñi qainñi kun (biugel) uiga ekiga suepnöhök senjelau kun teköba gölmenöñ erök. Eriga kunöñ ömewöröme yeñon löm dutñi qahö miangö ki moröñi mi senjelau Toñi mi wangiyök. ^{2g}Mi wangiiiga öme löm dutñi qahö miangö önunñi musuliga miangörenök köwak ketañi söñgok imarurubuk jeba köwak wahörakzawi, mönö miangö dop kundungöba wahöta wehön jeñi esuhuba luhut köwawnöhök dop köl teköyök. ^{3h}Köwak miangö uruñeyök gawötñi gawötñi mosöta gölmenöñ kangetketka Anutunöñ kukösum engiyök. Kukösum mi skorpion (omeqaqa) yeñgöreñ kukösum tandök ewö ahök.

⁴ⁱMi engiiiga Anutunöñ kewö jim kutum engiyök, “Inñini mönö gölmegö yuai görökñi gwözözak me ip mewöñi mi kude ayuhum engimemö, ambazip mesoholñine Anutugö munjem asöñini qahö miyök mönö mem bölim engime.” Mewö jim kutum engiyök. ⁵Anutunöñ gawöt mi kukösum engiiiga ambazip engöhögetka köiñ 5:gö dop sihimbölä önöñi qahö mötket. Sihimbölä mi skorpion (omeqaqa) azi yöhöiga sihimñi mötzawi, mönö miangö dop. Sihimbölä mewö mötketmö, Anutunöñ angön köl engiiiga mem kömum engimeangö kukösumñi mi gawöt yeñon qahö memba öne engöhöget. ^{6j}Ambazip engöhögeri, yeñon nalö miangöreñ kömumbingö jarumemö, kömup mi qahö miwikñaiba kömumbingö osime. Kömumbingö möta qemjeñ qememö, kömupkö kondotkondot Toñan mönö kungen anma.

^d8:10 Ais 14.12 ^e8:11 Jer 9.15

^f8:12 Ais 13.10; Eze 32.7; Joel 2.10, 31; 3.15 ^g9:2 Jen 19.28

^h9:3 Eks 10.12-15 ⁱ9:4 Eze 9.4 ^j9:6 Job 3.21; Jer 8.3

^{7k}Gawöt engekiga mienjön hos yarögöra aködamunjinambuk jöjörömakzei, mönö miengö dop aket. Nöröpñine yuai mundañi goul ewö kölgeri, mi ila jalö tandöktandök ahök. Jamesoholñinan ambazip jemesohol tandök ewö aket. ^{8l}Gawöt miengö nöröp jupñini mi gwala ambi yengö nöröp jup ewö aket. Gawöt jitñinan laion sömbupkö jitñi ewö aket. ^{9m}Göwañgöwañini (töptöp maluku) mi ain suman ewö tandök aket. Ginginñini qegetka ötön asuhui mörali, mi kewö: Hos sehisehiñi yeñön yarögö kareñi kareñi öröba luhuba bimnön angetka giñgururuñ asuhumakzawi, mönö miangö dop.

¹⁰Dagiñini mi skorpion (omeqaqa, añamumu) ewö jitñinambuk aket. Mienjön ambazip köiñ 5:gö dop sihimbölö mötmegöra engehögögeri, miangö kukösumñan mönö gawöt dagiñine ahöm engiyök. ¹¹Gawöt miengö kiñ kembuñini mi ömewöröme yengö löm dutñi qahö miangö garatañi qetñi Ayuayuhu Toñi. Mi Hibru keunön Abadon aka Grik keunön Apolion.

¹²Yei wözlík mutukñi kanjamñambuk mi mewö teköyök. Mötket, miangö andöñe yei wözlík yahöt kanjamñinambuk mi mönö toroqeba könangep asuhumahot. Mewö.

Suep garata 6:ñan tömunñi qainñi kun uyök.

¹³ⁿSuep garata 6:ñi yañön tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 miengöreñök kouruk kun kaiga möral. ¹⁴Kouruk mianjön Suep garata 6:ñi tömunñambuk yañgöra kewö jiyök, “Anutunön garata 4 jöhöba gwaröhöm engebiba o töwatñi ketañi qetñi Yufreitis

miangö qöhöröñe al engiyöhi, mi mönö pösat enjiman.”

¹⁵Anutunön garata 4 mi jöhöm engebiba gwarönön tatmegö (yara) yambuñini, köiñini, silimñini aka auañini mi törörök arengöm engiiga tatket. Yeñön nalöñini mi kam kuñguiga miangöreñök ambazip kantriñi kantriñi miengö bahöñi karöbutñi mi engebungö jöjöröba tata nalöñinañgöra mambötket. Miangöra Suep garata 6:ñan altanöhök kouruk möta miangöreñök anda garata 4 mi pösat engiyök. ¹⁶Pösat engiiga yarö kambu keta bölökiñ mi hosñinambuk asuhuba kaget. Nöñön jañgöñini mötpiga 200 milyön ahök.

¹⁷Jemeleñ miangöreñ azi hos qakñe tata kageri, miengö kaisongolomñini ekiga kewö tandök aket: Göwañgöwañini (töptöpkö ain sumannini) mi könöp jit pisikñi, asoñi injañkölkölñambuk aka gohotñi salfa könöp köt ewö. Hos miengö kaisongolomñini engekiga nöröpñini laion sömbupkö nöröp ewö aketka numbuñineyök könöp, köwak aka köt könöpñambuk qetñi salfa mi eta kayök.

¹⁸⁻¹⁹Hos yengö numbuñineyök könöp, köwak aka könöp köt qetñi salfa eröhi, mianjön mönö ambazipñi ambazipñi engiyök. Hos miengö kukösumñini mi numbuñine aka dagiñine ahöyök. Dagiñini mi mokoleñ ewö aketka dagiñinañgö kitipñi mi jitñinambuk. Kitipñi jitñinambuk mienjön mönö ambazip ihilek ewö enghohotirimakze. Lömböt kanjamñinambuk karöbut mi mönö gölmegö ambazip pakpak yengö bahöñini karöbutñi mi engiiga kömuget.

^{20o}Lömböt kanjamñinambuk mienjön ambazip tosatñi qahö engiyök kömumba toroqeba malgeri, yeñön

mönö töndup uruñini qahö melenget. Nannjini böröñinan yuai memba waikñini memba möpöseigeri, mianggöra qahö möt bölim anjuget. Ömewöröme aka tandö lopioñ waikñini memba möpöseim ençiengi mi qahö mosötket. Tandö lopioñ tosatñi mi goul, silwö me brons ainöñ memeña. Tosatñi mi köt urasiba me ip söhöba memeña. Mianggöra tandö lopioñ mieñon yuai eka mötpingö me anda kabingö osimakze. Töndup ambazipnön mi qahö mosötket.

²¹Mewöyök ambazip enjuget kömükömu me sait qarösoñgo amötqeqe mi qahö mosötket. Mi toroqeba aka memba serowilin aket aka yuai lañ yongorö memba malget. Mianggöra uruñini qahö melenget. Mewö.

Suep garata aka kimbi köpep moröñi

10 Mianggö andöñe Suep garata kukösumñi ongotongotñi kun ekiga Suepnöhök kousunöñ esuhum wanjiiga erök. Nöröñni kiam nesilamñan kutuba liliköba ahöyök. Jemesoholñi wehön jeñi ewö aiga könañi yahöt mi tandö könöp bölamñirambuk yahöt ewö jeba kinök. ²Böröñan kimbi köpep moröñi meiga kötukötulñi ahök. Könañi öñji köwetnön ala qaniñi mi gölmenöñ ala kinök. ³Mewö kinda laion sömbupnön görörökömakzawi, qetñi mönö mianggö dop köhöikñanök qerök. Qeriga wölpöndangö giñgururuñ 7 mieñon mönö meleñda görörököba keuñini qetketka möral.

⁴Wölpöndangö giñgururuñ 7 mieñon geta keuñini jigetka mörali, nöñon mi mönö mianggöreñök papianöñ ohomangö ahal. Kimbi ohomangö ahalmö, kouruk kun Suepnöhök mötpiga keu kewö jiyök, “Wölpöndangö giñgururuñ 7 keu jizei, mi mönö

nangohok ölöñ mötnöñ ahöma. Mi kude ohoman.”

⁵Suep garata könañi köwet aka gölme qakñire tiba kini ehali, yanñon böröñi öñji memba wahöta Suepnön göröken alök. ⁶Jöjöpañ keu jimamgöra böröñi mewö ala mi jim köhöiba alök. Kunöñ Suep, gölme, köwet aka yuai pakk mianggöreñ ahözawi, mi miwikñaiiba kinda nalö dop teteköñi qahö köhöiba mal öngömawi, mönö yanggö qetñe jöjöpañ keu kewö jiyök, “Anutunöñ mönö nalö kunbuk qahö qekörii öngöma.

⁷Mewö qahöpmö, Suep garata 7:ñan tömunñi qainñi kun (biugel) uiga kourukñi mötmei, nalö mianggöreñök Anutugö keu areñ asa-asambötñan mönö öñjambuk akña. Kezapqetok ambazip Anutugö nupñi memba mala kotketka yenggöra Buña keuñi ölöñni jim indel ençiiga möta kota malgeri, Buña keu mianggö dop mi mönö zilañ öñjambuk akña.”

⁸Mianggö andöñe kouruk kun mutuk Suepnöhök mötpiga keu jiyöhi, mi-anñon mönö dumñe kunbuk keu jiiga kewö möral, “Suep garatanöñ köwet aka gölme qakñire tiba kinda kimbi köpep meiga böröñe kötukötulñi ahözawi, mi mönö anda meman.”

⁹Mewö möta Suep garatagöreñ anda kimbi köpep moröñi mi niñgimapkö qesial. Qesibiga nöngöra kewö jiyök, “Mi mönö memba nenöñ! Nenöñga gölömge geba meleñniga kömbuk usukömappmö, numbuqe mi mönö moroñ oñangö nahömñi ewö asuhuma.”

¹⁰Mewö jiiga kimbi köpep moröñi mi yanggö böröñeyök memba Neal. Nembiga numbune moroñ oñangö nahömñi ewö ahökmö, gwahötpi gölömnö geiga meleñniga kömbuk usuköyök. ¹¹Mewö aiga nöñon keu kewö möral, “Gi mönö dumñe kunbuk Anutugö kezapqetok

keuŋi keuŋi jim sehiba malman. Kantriŋi kantriŋi aka bem isikŋi isikŋi keu tandök jijiŋinanğö dop maljei, mönö yeŋğö aka yeŋğö kiŋ kembuŋini mięğö kezapqetok keuŋini mi qeljiŋe jiba malman.” Mewö.

Anutugö jitŋememe yahötŋan keuŋi nanğöba jiyohot.

11 ¹Mewö jii möta kinbiga Suep garata miąŋön dop alalgö öröpŋi jehot ewö mi niŋgiba kewö jim kutum niŋgiyök, “Gi mönö wahöta anda Anutugö jöwöwöl jike aka miąŋö jöwöwöl altaŋi mi dop öröp (rula mesa) miąŋön dopŋi ala oyoŋman. Mewöyök miąŋöreŋ öŋgöba Anutu möpöseiba köulukŋini alakzei, mönö mi kewöta jaŋgöŋini oyoŋman. ²Jöwöwöl jike dopŋi ala miąŋöreŋ sombem yaigepŋi mi mönö oŋgita mosötman. Mi kian kantri yeŋğöra al eŋgigetka ahöiga yeŋön siti töröŋi mi köiŋ 42 miąŋö dop tiba anda kamakŋe. Miąŋöra sombem yaigepŋaŋğö dopŋi mi kude oyoŋman. ³Nöŋön jitŋememe yahötŋi melaim etkiba keuni nanğöba jimahotkö kukösumŋi al etkibiga asuhmahot. Asuhuba wösöbirikö maluku sanjöp ewö mem aŋguba liliköba (gölme gwakötak ariba) silim 1260 nalö miąŋö dop kezapqetok keu nup memba malmahot.”

⁴Oil ip yahöt aka lambe dum tatatŋi yahöt gölmegö Kembugö wösöŋe kinjahori, mi mönö melenđa eta asuhuba dangunu ewö kinda nöŋgö könani nanğöba jiba malmahot. ⁵Kunöŋ me kunŋan etkum mizit ak etkimamğö mötza ewö, könöp bölamnöŋ mönö numbuŋireyök eta kerökurupŋiri eŋgohoiga ayuhumakŋe. Kunöŋ me kunŋan etkumamğö

mötza ewö, i mönö köna mewöŋanök miąŋön qeyohot kömuma.

⁶Suepkö kousuŋi jöhöbitkö kukösumŋi mi yetköreŋ ahöiga kezapqetok keu jim sehimahori, nalö miąŋö dop kie qahö yöhöma. Kukösumŋiran o jeŋi pakpak mewöŋanök dop köliga miąŋön ölop o pakpak meleŋ eŋgigetka sep akŋe. Mewöŋanök kukösumŋiran öŋgöŋgöŋi ahözawangöra aka sihimŋiran jimawangö dop ölop jigetka lömböt kanjamŋinambuk könaŋi könaŋi asuhuba gölme mem böliba ambazip eŋgumakŋe.

⁷Anutugö keuŋi nanğöba jim teköyohotka ömewöröme yeŋğö löm dutŋi qahö miąŋöreŋök jemnemba kunöŋ wahöta bim qem etkiba luhut ala etkuiga kömumahot. ⁸Kömuyohotka qamötŋiri siti qetbuŋaŋambukö köna namŋe etkömosötketka laŋ ahömahot. Siti miąŋö qetŋi tölapŋi mi Sodom aka Ijpt qerakze. Kembuŋiri Jisös i mönö mewöyök miąŋöreŋ maripomnöŋ qegetka kömuyök. ⁹Qamötŋiran laŋ ahöyohotka ambazip pakpak mi etkehakŋe. Gölmenöŋ löm köl etkibingö jiba jöhöme. Mewö öne laŋ ahöyohotka ambazip kantriŋi kantriŋi, kambuŋi kambuŋi, bem isikŋi isikŋi keu tandökŋini nanŋik nanŋik jimakzei, yeŋön mönö qamötŋiri mi silim karöbut aka bahöŋi kun miąŋö dop uba etkehiŋet.

¹⁰Kezapqetok azi yahöt yetköŋ ambazip gölme qakŋe maljei, mi uru kuŋgum eŋgiyohotka miąŋöra sihimbölä önöŋi qahö miwikŋaiba malget. Miąŋöra kömuyohotka qamötŋiri etkeŋei, miąŋöreŋ mönö köiraŋ ala saureŋ unduba nem söŋgaip pati ala nanŋini kalem könaŋi könaŋi aŋgubingö alget anda kama. ¹¹Silimŋi karöbut aka bahöŋi kun mi teköiga

⁹11:1 Eze 40.3; Zek 2.1-2; Luk 21.24; Zek 4.3, 11-14; 1 Kiŋ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiŋ 2.11; Ind 6.12; 16.18

Anutunöj söngörö ösum söngörönjire ui geiga guliba wahöta köngep kinohot. Wahöta kinohotka ambazipnöj etkeka töwöratiba jönömñini unduiga sömbuñini mötket. ¹²Köngep kinohotka Suepnöhök qet köhöikñi kun kewö qeta jii mörohot, “Injiri mönö kewö korohot.” Mewö jii möta kousu uruñe wahöta Suepnöj öngöyohotka kerökurupñiran öne etkeka nemböñini teköiga kinget.

¹³Könañiran gölme mosöta öngöyohotka nalö miangörejök kenöj tandökñi sohosohöji gila siti bahöñi 10% (bahöni tenöhök mohot) miangö dop kusuba könderñmönöñök. Könderñmönöñe ambazip 7.000 miangö dop enñui kömuget. Ambazip qahö kömugeri, mieñön mi eka töwöratiba sömbuñini möta Suepkö bemñi Anutu i ösumñañgö möpöseim wañgigetka qetbuñañambuk ahök.

¹⁴Wözik yei qet kanjamñambuk yahötñan mewö teköyökmö, mötket, wözik yei qet karöbutñañgö ölñan mönö zilañ asuhuba qakñine öngöma. Mewö.

Suep garata 7:ñan tömunñi qainñi kun uyök.

¹⁵“Suep garata 7:ñi yañön tömunñi qainñi kun (biugel) uyök. Mi uiga Suepnöj keu köhöikñanök eraum mötketka kourukñini mötpi kewö jiget, “Ayop, nanine Kembunini aka yañgö Amötqeqe Toñi Kraist yetkön mönö gölme pakpak galöm köl engibitkö kukösumñi mi lökñanök buña qem añgum teközahot. Yañön mönö nalöñi nalöñi galöm köl enñiba malma, ee-aa-ee. Galömkölkölñan mönö nalö kunöj qahö teköma, ee-aa-ee.”

¹⁶Mewö jiget mötpiga Anutugö

jitñememe 24 Anutugö jemesoholñe jakömbuak dumñine tatzei, yeñön mönö eta bangöba sipköba Anutugö waikñi memba möpöseim wañgiget. ¹⁷Möpöseim wañgiba kewö jiget,

“O Kembu Anutu kukösum pakpakö Toñi, göñön mönö mala kotnöj aka mal köhöizan.

Göñön kukösumgi öngöñgöñi memba könahiba gölme pakpak galöm köl enñiba kiñ kumbuñina aka malman. Miangöra neñön mönö möpöseiba saiwap jim gihizin.

¹⁸Kian kantrinji kantrinji yeñön irimñini seholiiga kazik ak gihiba malgetmö, göhö kazik nalögan mönö dölkewöñe kam kunguba ahöza.

Göñön nalö kewöñe kömukömuñi yeñgö keuñini kewöta jim teköm enñiman aka nangi ambazipurupki töwañini enñiman.

Kezapqetok ambazip aka ambazip sarakñi tosatñi göhö nupki memba malgeri aka öngöñgöñi eretñi göhö qetki ayuhubapukö keñgötñini möta malgeri, i mönö töwañini enñiman.

Mewöyök tosatñan ambazip enñguba kantri köñeñda malgeri, mi mönö köñeñ enñiman.” Mewö möpöseiba jiget.

¹⁹Miangö andöñe Suepnöj añañi-iga Anutugö möpömöpösei jikegö (tempöl) nañguñan tali ekiga jike uruñe Anutugöreñ jöhöjöhö areñ bokis aködamuñambuk miangön ehokñi ahöyök.[¶] Suepnöj añañiiga nalö miangöreñök wölbilik aliga wölpöñdañ aka giñguru-ruñ qeriga möral. Kourukñi kourukñi mi mötpiga kenöj memba kie röm-

[¶]11:19 Anutugöreñ jöjöpañ keu 10 aka jimkutukutu tosatñi mi köt ilañan ohoba bokis miangö uruñe alget tari galöm kölakze.

[¶]11:15 Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21

bum giliga ais kötñi ketañi ketañi etket. Mewö.

Ambi aka sekak namñi ilikñambuk

12 Suepnön aiwesök ketañi wewelipñambuk kun kewö asuhuiga ehal: Ambi kun wehön jeñan malukuñi aiga köiñnön köna tamböñi bapñe asariiga senjelau 12 mi ila jalö ewö nöropñe kölgetka gömgöm-bilikbilikñinambuk tatket. ²Körönambuk (gölömñambuk) mala morö memenjanğö nalöñan dopdowiiga lömböriiga masö qeiga sihimbölö möta qet gigilahöyök.

³Miangö andöñe aiwesök kun Suepnön kewö asuhuiga ehal: Sekak namñi ilikñambuk (dragon), mundañi pisikñi pötpöt, nöropñi 7 aka ilikñi 10. Nöropñi 7 miangöreñ ila jalö 7 kölgetka tarök.

⁴Sekak namñi miangön dagañan suep qeapköba senjelau miengöreñök bahöñi karöbutñi öröba gili gölmenöñ etket. Etketka ambi nanñi morö memangö ahöhi, yanğö wösöñe kinök. Mewö kinda moröñi memawi, mi mönö miangöreñök gwahötmanğöra mörök.

⁵Ambi miangön morö nahön azia meyök. Yanğön kantriñi kantriñi pakpak ain öröpnöñ galöm köl enggiba malma. Ambinöñ morö meyöhi, garatanöñ mi mönö miangöreñök zilañ memba anda Anutugö jakömbuak dum qöhöröñe alök. ⁶Miangöreñ aliga ambinöñ nanñök mosöta kök ala anök. Anutunöñ ambi mi silim 1260 miangö dop gölme qararañkölkölñe köyan köl wañgiget malmapköra miri gölme kun möhamgöiga miangöreñ kök ala anök.

⁷Suep uruñe yarö juliga kewö auget: Suep garata bohonñi Maikel aka yanğö garataurupñi yeñön sekak namñi

tuarenjoñ aka i aka yanğö garataurupñi yembuk auget. ⁸Auba sekak namñi aka yanğö garataurupñi yeñö ösumñini qahö dop köliga luhut qahö al enggiba miriñini mosöta Suep uruñe toroqeba malbingö osiget. ⁹Osigetka sekak namñi ilikñambuk mi mönö közöla Suepnöhök wuatangöget. Sekak namñi miangön möpñangö möpñeyök mokoleñ aka Iw (Ewa) isim wañgiyök. Qetñi alañi Bölöñangö Toñi aka Satan. Yanğön kantriñi kantriñi pakpak kuñgum enggiiga janjuñ anda malgeri, mi aka yanğö garataurupñi mi mönö yambuk Suepnöhök közöla aköm enggigetka gölmenöñ etket.

¹⁰Etketka Suepnön qet ketañi kunöñ kewö jii möral, “Keu silenöñ alal Toñan suñgem asak Anutuninağö wösöñe kinda urumeleñ alaurupnini jim enggiba malöhi, mi mönö yaköriba aköm wañgigetka yaigep eriga köirañ köljün. Nanine Anutuninan mönö nalö kewöñe ambazip amöt qem enggiba kukösumñi qakñe galöm köl enggiiga bemtohoñangö ölnan lök asuhuza. Amötqeçe Toñangö ösum-mumuñan lök asuhum teköza.

¹¹Yanğön mötnariñ alaurupnini keunöñ al enggiba malökmö, Toñi mi mönö kewö luhut al wañgiget: Lama moröñangö sepañan i amöt qem enggiiga köhöiba Buña keu ölbölñi nangöba jim sehiba malget. Mewö mala jöjöröba sileñini tököba böñ kinda bim qeba luhut alget.

¹²“Miangöra Suep mire maljei, enğön mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, inñini mönö lömböt kanjamñambuk bisime, miangöra mönö Yei! jiba sahötzal. Bölöñangö Toñan luhuba eta tiba enggöreñ kaba nup meme

^s12:3 Dan 7.7 ^t12:4 Dan 8.10 ^u12:5 Ais 66.7; Sum 2.9

^v12:7 Dan 10.13, 21; 12.1; Jud 9 ^w12:9 Jen 3.1; Luk 10.18

^x12:10 Job 1.9-11; Zek 3.1

nalöni töröptökni ahöi mötzawaŋgöra mönö kazik ketaŋi ahakza.”

¹³ Sekak namŋi ilikŋambuk yaköriba aköm waŋgigetka gölmenöŋ eröhi, mi ek asariba ambi morö nahön meyöhi, mi kazik ak waŋgiba wuatangöyök. ¹⁴ ^yWuatangöyökmö, ambinöŋ kök aliga Anutunöŋ tukapkap ketaŋangö ginginŋi yahöt waŋgiiga miaŋön bölbölgöba ösumŋan anök. Anutunöŋ gölme qararaŋkölkölŋe yaŋgöra miri gölme kun möhamgöyöhi, mönö miangöreŋ anök. Miangöreŋ anda asamböta maliga (yara) yambu 3 aka bahöni kun mi köyan köl waŋgigetka mokoleŋnöŋ i qahö miwikŋaiba qelanjima. ¹⁵ Ambinöŋ bölbölgöba aniga mokoleŋgö irimŋi teköiga numbuŋeyök ambigö andöŋe o gwaulu suaiiga o töwatŋi ahök. O miaŋön ambi mi yöhösaŋda memba jöhöm waŋgimapköra möta mewö söwötköba loŋnök.

¹⁶ Mewö loŋnökmö, gölmenöŋ ambi mi bauköm waŋgiba tiŋgiriga löm ahök. Sekak namŋan numbuŋeyök o suaiiga o töwatŋi ahöhi, miaŋön mönö löm miangöreŋ geba jöpköba qahöwahök. ¹⁷ Mewö asuhuiga sekak namŋangö irimŋi mönö ambi miangöra aka seholiiga mosöta ambi miangö gwölönarökurupŋi tosatŋi qetala yarö gil enggimangöra anök. Gwölönarökurupŋi mieŋön Anutugö jöjöpäŋ keu tem köla Jisösgö Buŋa keu töp nangöba jim sehimakzei, mönö yembuk karim aubingö anök. ¹⁸ Aubingö anda köwet sakŋe aŋgota kinök. Mewö.

Jemnemba köwetnöhök korök.

13 ^zMiangö andöŋe jemnemba kun ilikŋi 10 aka nöörpŋi 7 mi köwetnöhök koriga ehal. Ilikŋi 10 miangöreŋ ila jalö 10 kölgetka tatket aiga nöörpŋi

mohot mohot miangöreŋ qet mepaqepaikŋinambuk ohogetka ahöyök.

² Jemnemba mi ekiga kewö ahök: Kaisongolomŋi mi lepad taigögö tandök ewö ahök. Köna börorŋangö sölöpŋi mi beö sömbupkö sölöp ewö ahök. Numbuŋi mi laion sömbupkö numbuŋi ewö tandök. Sekak namŋan mönö ösumŋi, jakömbuak dumŋi aka ambazip galöm köl enggimapkö kukösumŋi öŋgöŋgöŋi mi jemnemba waŋgiyök. ³ Waŋgiiga nöörpŋi kun mi uzi köhöikŋi kunöŋ mei kömumawaŋgö dop ahökmö, uziŋan misiriiga löpötŋanök tarök. Gölmegö ambazip körek pakpak yeŋön auruba jemnemba mi andöŋe wuatangöba anget. ⁴ Wuatangöba anda sekak namŋangö waikŋi memba möpöseiba malget. Kukösum mewöŋi mi jemnemba waŋgiyöhöngöra i aka jemnembagö waikŋi mewöŋanök memba möpöseiba kewö jiget, “Daŋön jemnembagö dop akawak? Daŋön i tuarenjoŋ ak waŋgiba yambuk aumangö köhöibawak?”

⁵ ^aMewö jigetka Satanöŋ jemnembagö numbuŋi sölölohöiga köhöiba jakbaköraŋböraŋ qakŋe mepaqepaik keuŋi laŋlaŋ jiba malök. Anutunöŋ Satan qahö aŋgön köliga ilitmamgö kukösumŋi mi köiŋ 42 miangö dop ahöm waŋgimapköra jim teköyök. ⁶ Mi jim teköiga numbuŋan aŋaŋiiga Anutu ilita malök. Anutugö qetŋi, Suep miriŋi aka Suep uruŋe maljei, mi pakpak mönö mepaqepaik ak enggiba malök. ⁷ ^bMewö maliga Satanöŋ ambazip sarakŋi tuarenjoŋ ak enggimangö kukösumŋi waŋgiiga yembuk bim auba luhut al enggiyök. Luhut al enggiiga Satanöŋ ambazip isikŋini pakpak kambuŋinangö dop, keu tandökŋinangö dop aka kantriŋinangö dop mi mönö jemnembagö börorŋe al enggiyök.

^y12:14 Dan 7.25; 12.7 ^z13:1 Dan 7.3; Ind 17.3, 7-12; Dan 7.4-6

^a13:5 Dan 7.8, 25; 11.36 ^b13:7 Dan 7.21

^{8c}Ambazip körekmakörek gölmenön maljei, yeñön mönö jemnembagö waikñi memba möpöseiba malme. Anutugö ambazip solanñi qetñini Suep mire papianön ohoget ahözawi, yeñönök mönö jemnemba mi qahö möpöseime. Möpñangö möpñe Anutonön Suep gölme miwikñaim etkiyöhi, nalö mianğöreñök könahiba qetñini mi malmal köhöikñangö papia mianğöreñ ohoba mala kotket. Malmal papia mi Lama moröñi qeget kömuyöhi, mönö yangö buñani ahöiga galöm kölakza.

⁹“Kunñan kezapñambukñonñ malja ewö, yeñön mönö keu ki kezap ala möt kutuma! ^{10d}Kun kösö mire anmawangö dop akzawi, yeñön mönö mianğöreñ anma. Kun bimgö sou ketañan ugetka kömumawangö dop akzawi, yeñön mönö mewö kömuma.[§] Mianğöra ambazip sarakñi, eñön mönö kapan köla lömböt memba mökösoñda pöndañ möt nariba malme.” Mewö.

Jemnemba kun gölme uruñeyök korök.

¹¹Kunbuk ekiga jemnemba kun gölme uruñeyök korök. Mi ilikñi yahöt Lama moröñangö ilikñi ewöya aka keuñi mi sekak nanñi ilikñambukñonñ jiyöhi, mönö mewöñanök jiba malök. ¹²Yeñön kota alañi mutukñangö jitñememenji aka kukösumñi pakpak memba mianñon yuai pakpak alañangö jeje ahök. Mewö aka gölme ambazip kuñguba sölölohöm enğiiga auruba alañi mutukñangö waikñi memba möpöseiget. Jemnemba mutukñi mi uzi köhöikñan mei kömumangö ahökmö, misiriiga löpötñanök tarök.

¹³Jemnemba yahötñi yeñön anğöletot ketañi tandökñi könani könani meyök. Kun meyöhi, mi könöp bölamñonñ suep-nöhök eta gölmenön kaba jeiga ambazipñonñ mi jeñinan eket. ¹⁴Anutonön Satan qahö anğön köliga kukösum wañgiiga jemnemba mutukñangö jitñememenji aka yangö jeje anğöletot könani könani memba malök. Mianñon mönö gölmeğö ambazip tilipköm enğiiga janjuñ aka sohoget. Sohogetka kewö kuñguba jim kutum enğiyoök, “Inñini mönö jemnemba mutukñangö imutñi söhöba kuñguget kiniga göda qem wañgiba malme. Jemnemba mutukñi mi bimgö sou ketañan (bainat) qegetka uzi mei kömumangö dop ahökmö, töndup guliba maljawi, mönö yangö imutñi kuñgume.”

¹⁵Mewö aketka Satanön kukösum jemnemba könangepñi wañgiiga tandö lopionñ mi mem gulim wañgiiga könahiba söñgöro-ösum alök. Mewöyoök jemnemba mutukñangö imutñi mem letoriga azi keu jiba ambazip kuñgum enğiiga kewö asuhuyök: Denike yeñön tandö lopionñ mianğö waikñi qahö memba möpöseigeri, i mönö körek enğugetka kömuget. ¹⁶Jemnemba könangepñan ambazip körek pakpak kewö kuñgum enğiba jiyök, “Inñini mönö jemnemba mutukñangö muñgem supañi mi jemesoholñine me böronñini ölñe mekötahöme.” Mewö jiiga nanñini nupñini memakzei aka tonjanğö welenñini öne qemakzei, ambazip pomñi aka wanapñi, ketañi aka moröñi yeñön mönö körekmakörek muñgem supañi mi memba silenñine mekötahöba kösoget.

¹⁷Denike yeñön jemnembagö qetñi me qetñangö janğöñi silenñine qahö

§13:10 Tosatñan keu mi kewö melenje: Kunön bimgö sou ketañi (bainat) mianñon tosatñi enğuiga kömumei, tosatñan mönö nanñi mi sou mewöñan ugetka kömuma.

°13:8 Sum 69.28 ^d13:10 Jer 15.2; 43.11

memba malgeri, yeñon mönönene yuai stuanön me maketnön söngörönji memb- ingö aka albingö osiget.

¹⁸Keu ki möt asaribingö mötkutuku- tuñi kewö: Kunñan mötkutukutuñam- buk maljawi, yañon mönön jemnem- bagö jañgönji oyoñma. Jañgönji mi gölme azigö jañgönji akza. Supap jañgönji mi 666. Mewö.

Lama morönji aka könagesöurupñi 144.000.

14^eMiañgö andöñe uba Lama moröñan Zaion kundunje kini ehal. Yambuk könagesöurupñi jañgönji 144.000 mi mohotje kingetka Lama moröñangö qetñi aka yañgö iwiñangö qetñi mi körek yeñgö mesoholñine ohohoña ahöi engehal. ²Miañgöreñök mötpiga Suepnöhök kouruk kun o ketañangö sia qetñi ewö asuhuyök. Mi wölpöndañ giñgururuj ketañanök qetzawangö kourukñi miañgö tandök ewö ahök. Kourukñi mi gita kulele gwötpuk qegetka kourukñi asuhumakzawangö dop möral.

³Anutunön ambazip 144.000 mi gölmenöhök söngörönji memba engömeyöhi, yeñon mönön Anutugö jakömbuak dum wösöñe kañgota bem jembon 4 aka jittje meme bohonji 24 miengö jemesoholñine kinda liñet dölokñi kölget. Körek yeñon nanñini liñetñini mi kölgetka yaigep yeñon mi kusum añguba mötpingö osiget. ⁴Yeñon ambazip qainñi kun aka mala kotket. Qahö tölohoba sarakñi malbingöra nanñini galöm köl añguba ambi yembuk töwöt qahö miwikñaiba malget. Lama moröñan denike denike anakzawi, yeñon mönön i wuatangöba miañgöreñ anakze. Anutunön i ambazip

sutñineyök bohonñini memba meköba engömeiga Anutu aka Lama morönji yetkö yambuñiri dölokñi akze. ⁵fYeñgö jittñineyök muneñ keu kun qahö miwikñaigetka keuñini qahö sarakñi mala kotket. Mewö.

Suep garata karöbut yeñon keuñini jiba bölbölgöget.

⁶Miañgö andöñe Suep garata kun ekiga suep kutuba könakemba bölböl- göyök. Yañon Ölöwak Buña koñkoñ** memba kaba gölme ambazip yeñgöra jim asarimangöra kayök. Ambazip mi kambuñinangö dop, bem isikñinangö dop, keu tandökñi jiiñinangö dop aka kantriñinangö dop gölme dop köla tat anjei, mönön körek yeñgöra jim sehi- mamgöra kayök. ⁷Kaba köhöikñanök silata kewö qerök, “Anutunön ambazip kewöta jim teköm engimawangö nalöñan mönön töriba dopdowiza. Mi- añgöra iñini mönön Anutugö jittje ongit- pinbuköra kengöñtñini möta möpöseiba qetbuñani mem sehime! Kunönj suep, gölme, köwet aka o jeñi miwikñaim engiyöhi, mönön yañgö waikñi memba möpöseiba malme.”

⁸Mewö qeriga yañgö könaje Suep garata alañi kun mutukñi wuatangöba kaba kewö qerök, “Babilon siti ketañi mi meleñni geiga ahöza. Babilon ambi qetbuñañambuk miañon mönön serowilin aka miañon kantri pakpak mem tölohom enñiiga dop köl engiyök. Yañon wain o ewö nemegöra enñiiga uruñini so- hoiga kahalalom aka malget. Mewö aka malöhangöra Anutugö irimñi seheliiga kazik aka jiiga siti qetbuñañambuk mi mönön köndengetka meleñni gei ahöza.” Mewö.

**14:6 Kembu bem koñkoñ Toñangöreñ Buña keu tömbuñi mi koñkoñ. Mi möpñangö möpñeyök könahiba tetekönji qahö ahöm öngöma.

⁹Mewö qeriga yangö könaje Suep garata karöbutnji kun etkuatangöba bölbölögöba kaba köhöikjanök silata kewö qerök, “Kunjan jemnema aka yangö imutnjangö waiknji memba möpöseiba muŋgem supapnji angön köla mesoholje me böröŋe mekötahöba kösöza ewö, ¹⁰hayanön mönö mewöŋanök Anutugö irimsesewölñi mi wain o köhöiknji ewö nema mötma. Anutunöŋ wain o mi o töhöŋnambuk qahö mindiriba wain köhöiknji töhöŋök irimsesewölñangö qambinöŋ mokoitatzawi, yanön mönö mi nema. Mi nema Suep garata töröŋi aka Lama moröŋi yengö wösöŋine kiniga salfa kötkö könöp bölamŋan koasikpuk ohoiga sihimbölo önöŋi qahö möta malma.

¹¹ⁱ“Mianjön engohoiğa sihimbölo önöŋi qahö möta malmei, mianjögö köwakŋan mönö nalö dop teteköŋi qahö wahöta öŋgömakŋa. Ambazip jemnema aka yangö imutnjangö waiknji memba möpöseimakzei, yeŋön mönö suŋgem asak senjom möta malme. Kunjan muŋgem supapnji angön köla sileŋe kösözawi, yanön mönö sileŋan unduiga qemjeŋ qeba luhut memangö osiba malma.”

¹²Miangöra ambazip saraknji Anutugö jöjöpaŋ keunji tem köla wuatangömakzei, eŋön mönö kapaŋ köla lömböt memba mökösoŋda Jisös pöndaŋ möt nariba malme.

¹³Miangö andöŋe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö kewöŋeyök könahiba kömumei, yeŋön mönö oyaenköyaen akŋe. Uŋa Töröŋan keu kitipnji mi meköba ‘Keu mi ölna,’ jiza. Yeŋön nup köhöiknji memba

qemjem-mamjeŋ möta kaba malget teköiga nupŋinaŋgö ölni asuhuiga Suep Toŋan kösohotnjini möri dop köli mianjögöra sösoŋgai eŋgii tata luhut memba öŋsöŋ malme.” Mewö.

Gölmegö nene möriam ölni memegö nalöŋi

¹⁴^jMewö jiiga uba kousu tuatnji ekiga mianjögö qakŋe kun kaisoŋgolomnji gölme azigö tandök ewö mianjön tarök. Ila jalö goulnöŋ memeni mi nööröŋe tariga böröŋan sou kapeŋkapeŋgöŋi jittjambuk mi memba tarök. ¹⁵^kMi ekiga Suep garata kunjan möpömöpösei jikenöhök (tempöl) aukŋe kaŋgota kousu qakŋe tatzawi, yangöra keu kewö jiba köhöikjanök qerök, “Gölmenöŋ möriam ölni lök öliiga ölni memegö nalöŋan mönö akza. Mianjögöra göŋjön mönö sougi kapeŋkapeŋgöŋi memba nupnöŋ anda mianjön gölmegö möriam ölni mi kutum tokoman.” ¹⁶Kousu qakŋe tatzawi, yangöra mewö qeriga souŋi kapeŋkapeŋgöŋan gölmenöŋ gila nupkö möriam ölni kutum tokoyök.

¹⁷Mi tokoiga Suep garata kunjan Suepkö möpömöpösei jikenöhök (tempöl) aukŋe kaŋgorök. Yanön mewöyök sou kapeŋkapeŋgöŋi jittjambuk kun memba kaŋgorök.

¹⁸Kaŋgoriga Suep garata karöbutnji kun Suepkö altagö könöp galömni aka alta mi mosöta kaŋgorök. Kaŋgota köhöikjanök qeta Suep garata sou kapeŋkapeŋgöŋi jittjambuk memba kinöhi, yangöra kewö jiyök, “Göŋjön sougi kapeŋkapeŋgöŋi jittjambuk mi mönö memba nupnöŋ anda mianjön gölmegö wain kaŋgeŋi kaŋgeŋi mi yandiman. Kaŋgeŋ miengö kötnji lök ölim yaköba tatze!”

^h14:10 Ais 51.17; Jen 19.24; Eze 38.22

^k14:15 Joel 3.13

ⁱ14:11 Ais 34.10

^j14:14 Dan 7.13

¹⁹Mewö jiiga souñi kapenkapenğöñi gölmenöñ gila gölmegö wain kösö ölni mi köteköm tokoba Anutugö wain jout ketani miangörenj tözöhölmegöra gilök. Wain jout mi Anutugö irimsesewölñangö kaisöpsöpñi akza.^{††}
²⁰Wain bagem ölni mi siti yaigepñe könanönj tiba tözöhölgetka sepñan wain jout ketanangö numbuñe kota qöl tandök ewö lañlanj wahöta kota o töwatñi ahök. Sep miangö diginñi mi wan mita aka bahöñi kun ahök. Hosnönj miangörenj tiba aniga numbuñe koriga hos injutñangö kösöñan samuruyök. Diginñi mewö aiga köröpñi 300 kilomita miangö dop ahök. Mewö.

Suep garata 7 aka lömböt kanjamñinambuk 7.

15 Miangö andöñe suep uruñe uba angöletot ketani kun asuhuiga eka kewö welipköyal: Suep garata 7 mi lömböt kanjamñinambuk (plague) 7 memba kinget. Ambazip siñgisöndokñi-nangöra Anutugö irimñi seholiiga jim teköba likepñi meleñni lömböt kanjamñinambuk qakñine öngöi mötketka uruñan amöriiga keuñinan kömuma. Miangöra qetñini lömböt kanjamñinambuk qöndökñi 7 qetket.

²Mi eka yuai gilikbilikñambuk köwet ewö ekiga könöp bölanñambuk lolonqalon ahöyök. Miangö qöhöröñe Anutugö ambazip kingetka engehal. Yeñön luhut ala jemnembagö keuñi qahö tem köla imutñangö waikñi qahö memba qetñangö jañğöñi sileñine qahö angön köla malget. Anutunönj i mohot mohot kulele enğiiga memba kinget.
³Miangörenj kinda Anutugö nup meme azi Mosesgö liñetñi aka Lama

morönangö saurenj liñetñi mi kewö kölget,

“O Kembu Anutu kukösum pakpakö Toñi, göñön angöletot ketani ketani welipñinambuk ahakzan.

Göñön kantriñi kantriñi mi kiñ kembu ak enğinöñga ahakmemegahö könanj mi diñdiñi aka öl töhöññi akza. Miangöra Anutu qainñi kun aka maljan.

⁴O Kembu, göhörenj ahakmemegi diñdiñi mi mönö aukñe asuhuiga mötzin.

Miangöra kantri pakpak yeñön kaba göhö waiki memba möpöseim gihimakze.

Göñön nangok töröñi akzan. Miangöra aka dañön mönö göhöra keñğötñi qahö mötpawak? Körek neñön göhö qetbuñagi mem sehiba möpöseimakzin.”

⁵Miangö andöñe uba yuai kewö ehal: Suepkö möpömöpöse jikegö (tempöl) nanğunan taliga miangö uruñe Anutu dangunuñangö opo seri jikeñan kini ehal. ⁶Möpömöpöse jike miangörenjök Suep garata 7 lömböt kanjamñinambuk 7 memba kingeri, yeñön mönö eta aukñe kaget. Malukuñini tuat lalamñi bilikbilikñinambuk löñğötketka opo jöhan mañgihilakñi goulñambuk mi örigit ewö töptöpñe embahöm anguba kinget.

⁷Yeñön kagetka bem jembon 4 miengörenjök kunñan goul qambi 7 enğiiga Anutugö irimsesewölñan qambi mi numbuñe kotket. Anutu irimñi sehelizawi, yañön mala kota malja aka teteköñi qahö mal öngöma. ⁸Qambi mi enğiiga Anutunönj asakmararañi aka kukösumñi kondeliga miangöra köwak pukpuköba möpömöpöse jike (tempöl)

^{††}14:19 Anutugö irimsesewölñi mi wain jout ketane tözöhölgetka uruñan amöriiba teköma. Indelindel 19.15 mi ekñan.

¹14:20 Ais 63.3; Seru 1.15; Ind 19.15 ^m15:3 Eks 15.1; Jer 10.7; Sum 86.9

ⁿ15:5 Eks 38.21 ^o15:8 Eks 40.34; 1 Kiñ 8.10-11; 2 Hist 5.13-14; Ais 6.4

kokolak qeiga kunjan kun Suep jike mi öngö-öngögö dop qahö ahök. Suep garata 7 yeñon mutuk qambiñini mokogetka lömböt kanjamñinambuk 7 asuhuba ölninambuk akñei, miangö andöñe ölop kunbuk öngöme. Mewö.

Qambi 7 mokogetka Anutugö irimesewöljan asuhuyök.

16 Möpömöpösei jike (tempöl) uruñeyök qet ketani kun asuhuiga Suep garata 7 miengöra keu kewö jim kutuiga möral, “Inini anda Anutugö irimesewöljan qambi 7 numbuñe kota ahözawi, miengö ölni mönö gölmenöñ mokome.”

²Suep garata mutukñan mosöta anda qambiñangö ölni mi gölmenöñ mokoyök. Mokoiga uzi imbilonlonambuk sihimbölöñini tandökñi sohosohoñi mi qeçetal ambazip yeñgö silenine asuhuget. Ambazip jemnembagö muñgem supapñi silenine memba imutñangö waikñi memba möpöseigeri, mönö yeñgö silenine asuhuget.

³Yahötñi yañon mosöta anda qambiñangö ölni mi köwetnöñ mokoyök. Mokoiga köwetnöñ melenña sep ahök. Mönö azi qeçeñangö sepnñi ewö ahök. Mewö aiga köwet uruñe yuai pakpak malmalñinambuk maljei, mi mönö lökñanök kömum teköget.

⁴Suep garata karöbutñan qambiñangö ölni mi o töwatñi aka o jeñi miangöreñ mokoiga melenña sep aka dop köläk. ⁵Mewö aiga Suep garata o galöm kölakzawañon keu kewö jiiga möral, “O Anutu töröñi, göñon keu kewöta kewö jim tekönöñga lömböt ki asuhuzawañgöra diñdiñi akzan. Mönö solanñi mala kota maljan. ⁶Yeñon göhöreñ ambazip sarakñi aka kezapçetok ambazip enguba malgetka sepninan mokoyök. Göñon

i engugerañgö likepnñi melenña sep enginöñga negeri, mi mönö dopñe alnöñga qakñine öngöyök. Miangöra Anutu göñon mönö diñdiñanök akzan.”

⁷O galöm kölakzawañon mewö jiiga keu kun altanöhök kewö kaiga möral, “Keu mi ölna! O Kembu Anutu kukösum pakpakö Toñi, göñon mönö ambazip keuñini kewöta diñdiñanök jim teköm engimakzan.”

⁸Suep garata 4:ñan qambiñangö ölni mi wehön jeñe mokoiga miangön wehön ösum wañgiiga könöpnñi kötökñi aka ambazip könöp ewö engohoyök. ⁹Wehön jeñi könöpñambuk miangön engohoiga silenine dölatiyök. Anutunöñ lömböt kanjamñinambuk miengö Toñi aka ali qakñine öngöyöhi, ambazipnöñ mi möta miangöra Anutugö qetñi jim qesuahöm wañgiba malget. Mewö malgetmö, Anutu möpöseiba qetbuñani mem sehimegöra mönö uruñini qahö melengetmö, toroqeba yañgiseñ aka malget.

¹⁰Suep garata 5:ñan qambiñangö ölni mi jemnembagö jakömbuak dumnöñ mokoyök. Miangöreñ mokoiga söñaup ketanjan jemnembagö ömetohoñi (kingdom) mi dop köla pandaman meyök. Pandaman meiga ambazip irimñini seholiiga nesilamñini jitñinan yöhötigetka tiñgirök. ¹¹Ambazipnöñ sihimbölö aka uzi nömböñinangö sihimbölöñi ketani möta miangöra Suepkö Anutunñi mi jim qesuahöm wañgiba malget. Mewö malgetmö, ahakmemenñini bölöñi aka memba malgeri, mi qahö kewöta mosöta uruñini qahö melenget.

¹²rSuep garata 6:ñan qambiñangö ölni mi o töwatñi ketani qetñi Yufreitis miangöreñ mokoiga jöpköyök. Wehön kotkotñeyök kiñ kembuñi kembuñi kabingö möta jöjöröba malgeri, yeñon o jöpköiga kunbuk qahö pañ-

paṅgöetmö, kutuba kamegö könani mönö asuhuyök. ¹³Miangöreñök uba öme bölöñi karöbut tandökñini kañ ewö mi engekiga sekak namñi ilikñambuk, jemnema aka kezapqetok azi takapula-lakani yeṅgö numbuñineyök kota etiket. ¹⁴Ömewöröme mienñon eta anda angöletotñi könani könani ahakze. Mewö aka gölmeñi gölmeñi pakpak liliköba kiñ kembuñini engekka Anutu tuarenjon akñegöra uruñini kuñguba kewö jiget, “Mönö mindirim anguba Anutu kukösum pakpakö Toñangö nalö ketaje mohtje bim aubin.”

¹⁵sJisösnöñ jiza, “Kezap alget! Nöñon mönö yoñgorö meme ewö ölöñ kamam! Kunñan uruguliguli malmawi, yañon mönö simbawoñ akza. Sile aukje lañ anda kaiga gamuñi ekepuköra sile esuñi galöm kölakzawañon mönö oyaenköy-aen akña.”

¹⁶tÖme welenqege yeñon kiñ kembuñi kembuñi mi kuñguba enḡuañgita gölme köröñi qetñi Hibru keunöñ Ar-magedon jizei, miangöreñ qezaköba al enḡigetka enḡehal. Mewö.

¹⁷Suep garata 7:ñan qambuñangö ölni mi könakemba mokoyök. Mokoiga möpömöpösei jike (tempöl) uruñangö jakömbuak dumñeyök qet ketani kun asuhuba keu kewö kaiga jiyök, “Mi lök mokogetka asuhum teköza.”

¹⁸uMewö jiiga miangöreñök wölbilik aiga wölpöndañ giliga giñgururuñ qeta ahöiga kenöñ jitñi buburatiñi kun meyök. Iw (Ewa) Adam yetkö nalönöhök könahiba gölmeñon mala korini, nalö miangöreñ kenöñ mewöñi kun qahö gilgilña. Miangö dop tandökñi sohosohoñi giliga bölöñi kötökñi ahök.

¹⁹vMewö asuhuiga siti ketani Babilon mianñon jula bahöñi karöbut aket aiga kantriñi kantriñi pakpak miengö sitiñini mi mewöñanök ayuhuba meleñni geget. Anutunöñ siti qetbuñangambuk Babilon miengö bölöñamñini qahö ölum qeiga likepñamñini meleñ enḡiyök. Anutunöñ urukönöp aka irimsesewölñan qambi kokolak qeba taröhi, mi mönö mokom enḡiiga qakñine öñgöiga wain o ewö neget. ²⁰Köwetnöñ gölme jölanni pakpak ahögeri, mi mönö kök ala sömuniget aiga kundunji kundunji kingeri, mi mönö mewöñanök ayapköba qahöwaket.

²¹wMewö asuhuiga ais kötni ketani lömbötñini 45 kilogram mienñon suep-nöhök ambazip qakñine erök. Lömböt kanjamñambuk mi tandökñi sohosohoñi ahök. Kie kötni tandökñi mewö mi-añon eta enḡuiga ambazipnöñ miangöra Anutu jim qesuahöm wañgiget. Mewö.

Ambi kunöñ jemnembagö qakñe tari ehal.

17 ^xSuep garata 7 qambi 7 mi memba kingeri, yeñgöreñök kunñan kaba nöñgöra keu kewö jiyök, “Gi mönö kanöñga köna ketañangö ambi qetbuñangambuk o gwötpuk miengö qakñine tatzawi, mi kondel gihimam. Anutunöñ keuñi kewöta likepñi meleñni qakñe öñgöi malja. ²yGölmegö kiñ kembuñi kembuñi yeñon yambuk serowilin aka malget. Könagesöñinan gölmeñon maljei, yeñon mönö mewöyök ambi miangö serowilinñangöra aka uruñini wahöta sohoiga kahalalom aket. Wain o nemba enjololoñ ahakzei, mönö miangö dop könahiba sero yoñgorö aka mala kahapmahap aket.”

^s16:15 Mat 24.43-44; Luk 12.39-40; Ind 3.3 ^t16:16 2 Kiñ 23.29; Zek 12.11

^u16:18 Ind 8.5; 11.13, 19 ^v16:19 Ais 51.17; Ind 6.14

^w16:21 Eks 9.23; Ind 11.19 ^x17:1 Jer 51.13

^y17:2 Ais 23.17; Jer 51.7; Ind 13.1

³Mewö jiiga Uña Töröñan nōmeiga alburupñan qakne öngöiga Suep garata miañon noañgiriga gölme qararañkölkölñe añgoral. Miañgöreñ añgota ambi kun jemnemba pisikñi pōtpōt yañgö qakñe tariga ehal. Jemnembağö sileñe mepaqepaik qetñi qetñi ohogetka kokolak qeiga nöröpñi 7 aka ilikñi 10 mewö kinök.

^{4z}Ambi miañon opo sörö pisikñi gugakgugak aka pisikñi pōtpōt mi löngöta tarök. Akōdamunñi goul, jamönñiñ ölninambuk aka kōsatorom tosatñi miañon meñölöm añguiga tandökñan kölköl-bilikbilikñambuk ahök. Böröñe goul qambi memba taröhi, mi serowilin aka malöhangö añgöjörakñi imbilonloñambukñon kokolak qeçeña. ⁵Ambi miañgö mesoholñe qetñi tōlapñi mi kewö ohogetka ahöyök, “Babilon qetbuñanambuk, gölmegö kōna ketañi ambazip aka añgöjörak imbilonloñambukö namñini.” ⁶Qetñi mewö ahöiga Anutugö ambazip sarakñan Jisösgö kōnañi nañgöba böñ qeba kinda jiba malgeri, mi enguba sepñini namba miañgöra kahalalom ahöi ehal. Mi eka aurum tililingöyal.

⁷Aurum tililingöbiga Suep garatanön nōngöra keu kewö jii möral, “Gi mönō denöwögöra aurum tililingözan? Nōñon ölop ambi kiangö kōnañi tōlapñi indel gihimam aka jemnemba nöröpñi 7 aka ilikñi 10 ambi mi bisimakzawi, yañgö kōnañi tōlapñi mi mewöyök indela jim miwikñaim gihimam. ^{8a}Jegi meleñniga jemnemba ekzani, yañon mutuk malökmö, nalö kewöñe jebuk qahö malja. Yañon ömewöröme yeñgö löm dutñi qahö miañgöreñök guliba wahötmampmö, Kraistnön kaköm wañgiiga könöp sianön gema. Anutunön Suep gölme miwikñaim etkiyöhi, nalö miañgöreñök kōnahiba gölmenön mala

kotketka qetñini malmal köhöikñangö papianön qahö ohoget ahözawi, ambazip mieñon mönō jemnemba eka aurume. Jebuk malökmö, nalö kewöñe jebuk qahö malja aka kōnañep kunbuk guliba asuhumawi, miañgöra mönō aurume.

⁹“Nini keu ki möt asaribingöra möringa mötkutukutuñan kewö ahöza: Nöröpñi 7 mi ambinön kundunji 7:gö qakñine tatzawi, mönō kundunji mieñgö söpsöpñi akze. ¹⁰Nöröpñi 7 mi mewöyök kiñ kembu 7 mieñgö kaisöpsöpñi akze. Yeñgöreñök 5 lök kömumba etiketa 6:ñi yañon mala ambazip galöm köl engimakza. Qöndökñan bian asuhumawañgö dop akza. Yañon asuhumawi, miañgöreñ mönō nalö töröpñi kukösum qakñe kinmawañgö dop akña. ¹¹Jemnemba malökmö, nalö kewöñe qahö toroqeba maljawi, yañon 7 yeñgöreñök kun akza. Yañon kunbuk guliba nanjak kiñ kembu jañgöñi 8 akña. Mewö akñapmö, Kraistnön köndeñ wañgiiga ayuhuba könöp sianön gema.

^{12b}“Ilikñi 10 engekezani, mi mönō kiñ kembu 10 mieñgö kaisöpsöpñini akze. Yeñon qahö kōnahiba ambazip galöm köl engimakzemö, Anutunön kōnañep kukösum enñgiiga kiñ kembu ewö akñe. Mewö aka jemnembabuk aua mohotkö dop ambazip galöm köl engiba malme. ¹³Kiñ kembu 10 mieñon mötmöt areñ mohot miyök wuatangöba jemnemba nañgöba kukösumñini i wañgigetka malma. ¹⁴Ösumñini mewö mindiriba Lama moröñi tuarenjoñ aka bim aumemö, Lama moröñan mönō luhut al enñgiiga etme. Yañon kiñ yeñgö Kiñini aka azi kembu yeñgö Kembuñini akza. Yañon neñgohola möwölöhöm neñgiiga yambuk pōndañ kinda malbini, neñon

mönö mohotje luhut al engiba köirañ kölbın.”

¹⁵Suep garatanöñ keuñi mewö jiba toroqeba kewö jii möral, “Köna ketañangö ambi ketañan o gwötpuk miengö qakñine tariga engek teközani, o mi ambazip kantriñi kantriñi miengö kaisöpsöpñini akze. Yeñön kambuñini aka bem isikñinañgö dop likeplikep tat angetka sileñini könañi könañi aiga keuñini tandökñi murutñi murutñi jimakze. ¹⁶Jegi meleşniga ilikñi 10 engekzani, yeñön mönö ösumñini jemnembabuk mindiriba köna ketañangö ambi mi kazik ak wañgigetka kewö asuhuma: Yeñön öroyuaiñi pakpak kiom qegetka piromñi aiga opo söronñi köteköm tekögetka sile aukñeyök aiga busuñi nemba sihitñi könöpnöñ ohogetka jem teköma.

¹⁷“Mewö asuhumawi, mi Anutunöñ kiñ kembu miengö uruñini kuñguba sölölohöm enğiiga urumohot aka mindiriba akñe. Anutugö mötmöt areñi mönö mewö wuatangöme. Miangö dop kukösumñini jemnemba wañgigetka ambazip galöm köl engiba malma. Mewö maliga Anutugö keuñan öñambuk akñawi, nalö miangöreñ teköma. ¹⁸Ambi tari ekzani, mi siti qetbuñangambuk toñan gölmegö kiñ kembuñi kembuñi galöm köl engimakzawi, mönö kiñ miangö söpsöpñi akza.” Mewö.

Babilon siti köndengetka gororongöma.

18 Miangö andöñe Suep garata kun kukösumñi öngöngöñi ekiga Suepnöhök asuhuba eriga asakmararañan gölme mem asariyök.

^{2c}Eta köhöikñanök silata kewö qerök, “Babilon siti ketañi mi köndenget.

Mi öñña köndengetka gororongoyök. Ambazip qahöwaketka öme wöröme könañi könañi yeñönök mönö tokoba miriñini miangöreñ megetka yeñgö gölmeñini bohonñi ahök. Neiñi neiñi dönqizinnambuk aka imbilonloñinambuk miengönök mönö miangöreñ tokoba aipñini lañ ala öñsön malje.

^{3d}“Anutunöñ mi kewögöra jiiga köndenget: Kantri pakpak yeñön ambi miangö serowilinñangöra aka uruñini wahöriга eñololon aketka Anutugö irimñi seholyök. Irimsesewölñi mi qakñine öngöiga wain o nemakzeangö tandök mötket. Gölmegö kiñ kembuñi kembuñi yeñön ambi miambuk sero namböñnamböñ aka malget. Kölköl-örörö ambazipnöñ gölme dop miangöreñök kaba sukinap aködämunñinambuk bohonñi memapköra algetka önöñi qahö öröba siyonsayonñi qahö malök. Yangö örömgöjup memgöjupñangöra aka yeñön pomñi kindiñbirik aka öngöngöñi aket.”

^{4e}Miangö andöñe Suepnöhök kunöñ keu jiiga kewö möral, “Nöngö könagesöurupni, inñini mönö siti mi mosöta yaigep etket.

Ambi miangön siñgisöndok ahakzawi, miangön mönö enğualöñni yambuk kindi uruñini tölohobepuk.

Anutunöñ likepñi meleş enğiiga lömböt kanjamñinambuk qakñine öngömei, lömböt mewöñi kunöñ mönö nanñini qakñine öngöiga mewöyök sihimbölö mötpepuk. Miangöra yembuk mönö kude mindiriba malme.

^{5f}Ambi miangön siñgisöndokñi aka qaknöñ qaknöñ aliga öngöba lök suep misirim teköza.

^c18:2 Ais 13.21; 21.9; Jer 50.39; 51.8; Ind 14.8 ^d18:3 Ais 23.17; Jer 51.7

^e18:4 Ais 48.20; Jer 50.8; 51.6, 45 ^f18:5 Jen 18.20-21; Jer 51.9

Kegwek-kahasiliñ aka malgeri, Anutunöñ mi mönö nanñi mötmötnöñ ala miangöra qahö ölum qema.

^{6g}Ahakmeme goñgoñi tosatñi ak engiba malgeri, iñini mönö miangö dop melenđa ak engime. Bölöñi aka memba malgeri, iñini mönö miangö likepñi sömañi yahötkö dop melen engigetka qakñine öngöma.

Singisöndokö qambiñi nemegöra mokoba malgeri, nanñini qambi miangöreñök mönö sömañi yahötkö dop uba melenđa wain o kömbukñi kötökñi mi engöra mokoget neme.

^{7h}Ambi miangön sukinap aködamunñi-nambuk önöñi qahö öröba qetbuña öngöñgöñi miwikñaiba siyoñsayoñi qahö malök. Miangö likepñi mönö nanñi ihileknöñ ohotiriba ip özöpañnöñ sihimbölö önöñi qahö ak wañgigetka jingey köla wösöbirik malma. Nanñi uruñe kewö möt-möröba lañ jimakza,

‘Nöñön qin ambi kembugö jakömbuak dum tatatñe tatzal. Malö qahö akzal aka nalö kunöñ jingey qahö kölmam.’

⁸Mewö lañ jimakzawañgöra aka Anutunöñ likepñi melen wañgiiga nalö mohotkö uruñe yañgö qakñe öngöma.

Kembu Anutunöñ keuñi kewöta jim teköm wañgiyöhi, yañgö kukñan mönö öngöñgöñi akza.

Miangöra lömböt kanjamñinambuk könañi könañi mienöñ mönö zilañ kewö asuhum wañgime:

Tinitosolomñan kömugetka jingey köla bödi tariga nanñi könöpnöñ ohogetka jema.”

⁹ⁱKönöpnöñ ohogetka jeiga köwak wahötmawi, kantrñi kantrñi pakpak miengö kiñ kembuñinan mi eka

mönö amburereñ aka sahötme. Kiñ kembu mienöñ yambuk serowilin aka malget. Sukinapñi aködamunñinambuk önöñi qahö miangö nem söñgaipñi yambuk ala söñgaiba malgeri, yeñön mönö yañgöra aka jingey kölme. ¹⁰Jingey köla ihileknöñ ohotirigetka ip özöpañnöñ sihimbölö önöñi qahö mötzawi, miangöra mönö töwöratiba tikep kinda kewö sahöta jime, “O Babilon siti qetbuñañambuk, lömböt qakñine öngöyöhañgöra mönö Yei! Yei! jiba sahötzin. O siti kukösumñini ketañi, Suep Toñan likepñi melen engiiga ösumok aua mohotkö uruñe qakñine öngöiga sihimbölö ketañi mötze. Yei Yei! jiba sahötzin!”

^{11j}Kantrñi kantrñi miengö kölköl-örörö ambazip yeñön mewöyök amburereñ akñe. Kunñan toroqeba yeñgö inapñini bohonñi qahö memakñawañgöra mönö jingey köla sahötme. ^{12k}Aködamunñini goul, silwö, jamönñiñ ölninambuk aka sorom kötñi mi Babilon yeñön me tosatñan qahö bohonñi meme. Opoñini tuat lalamñi, pisikñi gugakgugak, pisikñi pötpöt aka opo qetñi silk mi qahö bohonñi meme. Ip qetpuk könañi könañi miengö kemañini aka börösöwöñini könañi könañi mi qahö toroqeba bohonñi meme. Aködamunñini elefant sihitñan memeri, mi öne ahöme. Dum tebol yuaiñini ip söñgöroröñini ketañi in, qöñqön, mihinik, nañim aka yuari miangön memeri, mi öne ahöme. Börösöwö ain gohotñi brons aka ain injañan memeri aka köt qetñi mabol miangön memeri mi mönö öne ahöme.

¹³Babilon yeñön kömusönönik (sina-mon) aka gipñi tosatñi mi qahö bohonñi meme. Silegö sanda qetñi mör, jiniñ samburup aka sile ömön tosatñi

⁸18:6 Sum 137.8; Jer 50.29 ^h18:7 Ais 47.7-9 ⁱ18:9 Eze 26.16-17

^j18:11 Eze 27.31, 36 ^k18:12 Eze 27.12, 13, 22

mi qahö bohonji meme. Wanafu, berat, wölömjikjik aka wörönji asuhumapkö yuai tosatji mi qahö bohonji meme. Mewöyök wain o, oil ipkö oilji, wit kötji aka flaua neneji mi qahö bohonji meme. Bulmakau, lama, hos aka hos kare mi qahö bohonji meme. Mutuk welenqege ambazip bohonjini memba nupnön al engigetka sile me urumöt-mötjinan böliba ayuhuyök. Mewö qahö toroqeba ahakje.

¹⁴ Kölköl-örörö ambazip yejön Babilon ambi miangöra kewö jime, “Ip ölni nemangö sihimji möta eröm ota malnöni, mi mönö qahöwaketka öne maljan. Töhötmöriamgi aka sukinapki aködamunjinambuk mi mönö körek pakpak gömosöta ayapkögetka tömtömimba maljan. Mi mönö nalö kungen kunbuk miwikñaimanangö dop qahö.” ¹⁵ Kölköl-örörö ambazip sukinapjini mewö mewö bohonji memegöra ala siti miangörenejök monej goul (guli dötnam) öröba qetbuñanambuk aket. Yejön tikep kingetka tosatjan ihileknöj ohotirigetka ip özöpañnönj sihimbölö önöni qahö möröhi, miangöra mönö auruba sahöta jingej kölme.

¹⁶ Jingej köla kewö jime, “O siti ketani, lömböt qakñine öngöyöhangöra mönö yei! yei! qeta jingej köljini. Yejön oponjini tuat lalamni, pisikni gugakgugak aka pisikni pötpöt mi löngötket. Aködamunjini goul, jamönjin ölninambuk aka kösatorom tosatjan menjölöm angugetka tandökñinan kölkölbilikñinambuk aket. ¹⁷ Mewö aketmö, sukinapjini mewöni önöni qahö mi mönö ösumok aua mohotkö uruñe ayuhuba ayapköba qahöwaket.” Mewö jiget.

Wange pailot pakpak aka ambazip wangenöj anda kamakzei, yejön mewöñanök körek Babilon siti ohoget jeiga köwakni mi tikep kinda ekje. Mewöyök wange ambazip opo seri mörörengögetka luhutnön nanjöi anakzei aka köwetnönj nup tosatji memba malmaljni nanjömakzei, miejön mönö körek pakpak mi tikep kinda ekje. ¹⁸ Ambi ketani qetbuñanambuk ohoget jeiga könöp bölamñangö köwakni wahötmawi, mi tikep kinda eka amburereñ aka kewö jime, “Siti qetbuñanambuk kiangö alani mönö nalö kunöj qahö ahöyök.”

¹⁹ Mewö jiba sömsöm urata kau ariba qeta jingej köla unduba sahöta kewö jiget, “O siti ketani, aua mohotkö uruñe yuaiñi pakpak mönö ayuhuba ayapköba qahöwahök. Ambazip wangeni-nambuk pakpak köwetnönj anda kaba sukinapjini bohonji memegöra ala miangörenejök monej goul (guli dötnam) sehisehijni örögetka siti miangön qetbuñanambuk ahök. Lömböt qakñine öngözawangöra mönö yei! yei! jiba sahötzin.” Mewö jiget.

²⁰ Yejön ahakmeme gonjonji tosatji ak engiba malgeri, Anutunönj mönö miangö keunji jim teköba likepni melejniga qakñine öngöiga sihimbölö ketani mörakze. Miangöra Suep mire maljei, injini mönö yanjöra aka köirañ kölme. Anutugö ambazip sarakni, aposolurupni aka kezapqetok ambazip injini mönö söñgaiba saureñ qeba malme.

²¹ Miangö andöñe Suep garata ösumni öngöngönji kunöj kaba köt keta bölokni memba wahöta köwetnönj gili geiga kewö jiyök, “Anutunönj siti ketani qetbuñanambuk mi mönö

¹18:15 Eze 27.31, 36 ^m18:17 Ais 23.14; Eze 27.26-30 ⁿ18:18 Eze 27.32

^o18:19 Eze 27.30-34 ^p18:20 Dut 32.43; Jer 51.48

^q18:21 Jer 51.63-64; Eze 26.21

kiaᅅgö dop könöpuk köndenᅅa meleşni geba qahöwak teköma. Qahöwak teköiga könaᅅep nalö kunöᅅ qahö miwikᅅaimeaᅅgö dop akᅅa. ²²rsIᅅini siti miaᅅgöreᅅ kömam köla gita kulele qeba awölop tömun uba liᅅet köla undumalgeri, miaᅅgö kourukᅅi mönö nalö kunöᅅ kunbuk qahö mötme. Babilon eᅅgöreᅅ ambazip mötmöt nupᅅini könaᅅi könaᅅi mamba malgeri, mi mönö teköyök. Dokta didiman, qaᅅazu klak aka mewöᅅi mi miaᅅgöreᅅ kunbuk qahöpmaᅅöp miwikᅅaim eᅅgime. Wit padi köᅅᅅi jamönᅅiᅅ yahötkö sutᅅire möjöhögetka (mill) kourukᅅi asuhuyöᅅi, miaᅅgö isikusukᅅan mönö qahöwahiga sitinöᅅ mönö göröᅅ qeba ahöma.

²³“Mutuk sitiᅅinaᅅgö miriᅅi pakpak mi kiwaᅅinambuk asariᅅetmö, asakᅅi miaᅅön mönö bököiga pandaman ahöma. Azigö andöurupᅅinan ambigö mam bohönᅅi bau aᅅguba börum megetka ambigö sepkitipurupᅅan köiraᅅ ala nem jöwösök aka sösoᅅgai almalgeri, oköiraᅅ mewöᅅaᅅgö kourukᅅi mi mönö kunbuk mötmeaᅅgö dop qahö. Babilon eᅅgö kölköl-örörö ambazip mi kantriᅅi kantriᅅi miaᅅgöreᅅ möt eᅅᅅigetka qetbuᅅaᅅinambuk aka malᅅet. Yeᅅgöreᅅ qarösoᅅgo amötqeqe ambazip mi gölme dop ambazip uruᅅini mem sohoᅅetka jaᅅjuᅅ aka malᅅet.” Suep garatanöᅅ mewö jiyök.

²⁴“Babilon mi kewögöra ayuhuyök: Kezapqetok ambazip aka Anutugö ambazip sarakᅅi mi mönö yeᅅgö sutᅅine töndup taköwölaᅅ aka eᅅᅅuᅅet kömuᅅetka seᅅᅅinan erök. Yeᅅgöreᅅ seᅅ aka gölmenöᅅ ambazip tosatᅅi eᅅᅅuᅅetka kömumalgeri, körek yeᅅgö seᅅᅅinaᅅgö kitipᅅan mönö yeᅅgö

qakᅅine öᅅgöi malᅅet. Könaᅅamᅅini mewö miwikᅅaiᅅetka ahöyök. Mewö

Suep yeᅅön Babilon geyöᅅaᅅgöra Anutu möpöseiget.

19 Miaᅅgö andöᅅe Suepnöhök keu kun möᅅᅅiga kambu ketaᅅi yeᅅön köhöikᅅanök saureᅅ liᅅet köla qetᅅei, mönö miaᅅgö tandöktandök asuhui kewö jiget, “Anutu möpöseizin aleluya! Anutunöᅅ amöt neᅅᅅuba neᅅgömeiga yaᅅgö buᅅaᅅi akzin. Anutuninan kukösum Toᅅi aiga möpöseim waᅅᅅiᅅga qetbuᅅaᅅambuk aka. ²uAnutunöᅅ mönö keu öᅅᅅaᅅgö dop ambazip keuᅅini kewöᅅa diᅅdiᅅanök jim teköm neᅅᅅimakza. Köna ketaᅅi ambi serowilin aka mewö miaᅅön ambazip gölme dop mem bölim eᅅᅅiba malöᅅi, Anutunöᅅ mönö yaᅅgö keuᅅi kewöᅅa jim teköyök. Ambi miaᅅön Anutugö nup meme ambazip eᅅᅅuᅅiga seᅅᅅinan eröᅅi, miaᅅgö likeᅅᅅi mönö meᅅeᅅ waᅅᅅiᅅga qakᅅe öᅅᅅöiga siᅅimbölä möᅅa malja. Miaᅅgöra Anutu möpöseim waᅅᅅizin.”

³vMewö jiba kunbuk qeta kewö jiget, “Ambi mi ohoᅅet jeᅅga köwakᅅan mönö nalö dop teteköᅅi qahö wahöᅅa öᅅᅅömakᅅa. Miaᅅgöra Anutu möpöseim waᅅᅅimakzin, aleluya!” ⁴Mewö qeta jigetka Anutugö jiteᅅememe bohönᅅi 24 aka bem jembon 4 mieᅅön mönö bamgöba simin köla Anutu, jakömbuak dumᅅe tatzawaᅅgö waikᅅi mamba möpöseiba kewö qetket, “Keu mi öᅅᅅa, aleluya!”

Lama moröᅅaᅅgö maren lömbuaᅅ

⁵wMewö qetketka jakömbuak dumnöᅅök keu kun kewö asuhuyök, “Anutugö nup meme ambazip ketaᅅi moröᅅi jiteᅅi öᅅᅅitpinbuköra keᅅᅅötᅅini

^r18:22 Eze 26.13; Ais 24.8 ^s18:22 Jer 7.34; 25.10 ^t18:24 Jer 51.49

^u19:2 Dut 32.43; 2 Kiᅅ 9.7 ^v19:3 Ais 34.10 ^w19:5 Sum 115.13

mörakzei, inini mönö körek pakpak Anutunini möpöseiba malme.”

^{6x}Keu mi asuhuiga keu kun mörali, mi kiangö tandöktandök: Kambu ketanji yeñon liñet köla qet qerakzei aka o sianöñ tongala kiniga ötöñi asuhumakzawi aka wölpöndandan ketanjan qeiga giñgururuñ asuhumakzawi, keu mi mönö miangö tandöktandök ewö asuhuiga kewö jiget, “Kembu Anutunini, kukösum pakpakö Toñjan mönö könahiba gölme dop galöm köl eñgiba kiñ Kembuñina aka malma. Miangöra Anutu möpöseizin, aলেখুয়া! ⁷Lama moröñangö ambi buñanjan mönö marengö möta nanñi mözözömgöba jöjöröm anguiga amqeiga ambi memegö nalöñan mönö kam kuñguiga maljin. Miangöra neñon mönö köirañ köla söñgaiba Anutu möpöseim wanñiinga qetbuñanjan sehimakña. ⁸Anutunöñ maluku tuat lalamñi asakmarararambuk mi eñgiiga löngötket.” (Maluku tuat lalamñi mi ambazip sarakñi yeñgö ahakmeme solanñangö kaisöpsöpñi, mönö miangöreñ löngöt anguget.)

^{9y}Kambu ketanñangö tandöktandök mewö qeta jigetka Suep garata qambiñambuk miangön mönö toroqeba kewö jii möral, “Keu ki mönö ohoman: Anutunöñ ambazip eñgoholiga Lama moröñangö maren (ambi memegö) lömbuanñöñ kanñotmei, yeñon mönö simbawoñ akze.” Mewö jiba dumñe kunbuk nöñgöra kewö jiyök, “Keu mi mönö Anutugö keu öl töhöññi akza.”

¹⁰Suep garatanöñ mewö jiiiga nöñon miangöreñök yanñgö waikñi memba möpöseim wanñimamgö möta yanñgö könane simin köla sipköyalmö, nöñgöra kewö jiyök, “Aek! Mewö kude akñan.

Gi aka göhö urumeleñ alaurupkan Jisösgö könanji nanñgöba jiba malgetka welen qem eñgimakzini, nöñon mönö yeñgöreñök kun akzal. Jisösnöñ Buña keu öñji indelöhi, miangö ösumñan mönö kezapqetok ambazip inahöm eñgiiga Uña Töröñangö keunji möta jim sehiyet. Miangöra mönö Anutugöra sipköba waikñi memba möpöseiba malman.” Mewö.

Kraistnöñ yarö kambuñi yembuk bim aubingö anget.

^{11z}Nöñon Suep ananñiiga hos tuatñi kun ekiga kayök. Qakñe tariga kayöhanñgö qetñi mi Pöndanñ Kinkin (Jembon onji nene) aka Azi Ölbölñi. Qetñi mewö qerakzei, yanñon keu diñdiñi wuatangöba keu kewöta jim teköba miangö dop bim qemakza. ^{12a}Jeñan könöp bölam tandök jeiga nörorñe ila jalö gwötpuk kölgetka qetñi aukñe ohohoña kayök. Qetñi nanñök mötzapmö, kunöñ kun mi qahö mötza. ¹³Malukuñi sepnöñ kusakusaholñi mi löngöta kayök. Qetñi qerakzei, mi Anutugöreñ keu.

¹⁴I wuatangöba kageri, mi Suep mirigö yarö azi kambuñi kambuñi. Yeñon hosñini tuatñi eñgömemba qakñine tata malukuñini tuat lalamñi sarakñi löngöta kaget. ^{15b}Suahöñinañgö numbuñeyök bimgö sou ketanji (bainat) jitiñi zuluk alalñambuk kunöñ kayök. Mi kantriñi kantriñi eñguba luhut al eñgimapköra aka kayök. Yanñon galömkölkölgö ain öröñan kantri dop qindiñaiba galöm köl eñgiba malma. Yanñon Anutu kukösum pakpakö Toñanñgö wain joutñi ketanji tözöhölma. Wain jout mi Anutugö irimesewölñi urupikñambukö

^x19:6 Eze 1.24; Sum 93.1; 97.1; 99.1 ^y19:9 Mat 22.2-3

^z19:11 Eze 1.1; Sum 96.13; Ais 11.4 ^a19:12 Dan 10.6

^b19:15 Sum 2.9; Ais 63.3; Joel 3.13; Ind 14.20

kaisöpsöpñi akza.† 16 Malukuje qetñi kun ohogetka marömñe kewö kinök, “Kiñ yeñgö Kiñini aka azi kembu yeñgö Kembuñini.” Mewö.

17 cMiañgö andöñe Suep garata kun ekiga wehön jeñe kinök. Euyañgöreñ kinda köhöikñanök qeta neiñi neiñi suep bibiñi kutuba könakemba bölbölgöba anakzei, mönö körek mi enghohola kewö jiyök, “Injini mönö kame-e! Anutunöñ közölömbuan ketañi mözözömgöyöhi, mönö miañgöreñ tokome. 18 Kaba tokoba kiñ kembu, suahö galöm aka yarö azi yeñgö busuñini neme. Hos aka hos qakñine tarakzei, mönö yeñgö busuñini neme. Ambazip körek yeñgö busuñini mönö kaba neme. Ambazip öngöngöñi eretñi, nanñini nupñini memakzei aka toñinañgö welennini öne qemakzei, mönö körek mieñgö busuñini neme.”

19 Miañgö andöñe jemnemba aka gölmeñi gölmeñi yeñgö kiñ kembuñini mieñön mönö yarö kambuñini enghuagñita kaba tokogetka engehal. Kunöñ hos qakñe tata yarö kambuñi yembuk kinöhi, mönö i tuarenjoñ ak enghiba bim aubingöra tokogetka engehal.

20 dAugetka jemnemba memba jöhöget. Kezapqetok azi takapulakanji jemnembagö jitñememba anghöletot aka malöhi, i mewöyök jemnembabuk memba jöhöget. Kezapqetok azi takapulakanjan anghöletot aka miañön ambazip tosatñi kewöñi mi tilipköm enghuiga janjuñ aka malget: Ambazip

jemnembagö supapñi memba anghön kölgeri aka tosatñan imutñangö waikñi memba möpöseiba malgeri, mi mönö tilipköm enghiba malök. Etkömemba jöhöba gwölögwölö aköm etkigetka löm salfa kötkö könöp bölamñan koasikpuk jemakzawi, mönö miañgö sianöñ geyohot. 21 Geyohotka hos qakñe taröhanöñ numbuneyök bimöñ sou ketañi (bainat) kayöhi, miañön mönö kiñ kembu aka yarö azi pakpak mi enghuiga kömuget. Kömugetka nei pakpak yeñön kangota busuñini uba memba nem timbireñ aket. Mewö.

Satan jöhögetka yara 1.000:gö dop kösö mire tarök.

20 Miañgö andöñe Suep garata kun ekiga Suepnöhök erök. Yanön ömewöröme yeñgö löm dutñi qahö miañgö ki moröñi aka tapep (muñga-muñga) ketañi kun mi böröñan memba erök. 2 eGarata miañön eta sekak namñi ilikñambuk (dragon) mi memba (yara) yambu 1.000 tatmawañgöra jöhöyök. Sekak namñi mi möpñangö möpñeyök mokoleñ aka mala korök. Qetñi alañi mi Bölöñangö Toñi aka Satan. 3 Yambu 1.000:gö uruñe toroqeba ambazip kantri dop kuñguba gölme dop janjuñ akñegöra tilipköm enghibapuköra jöhöyök. Jöhöba gili ömewöröme yeñgö löm dutñi qahö miañgöreñ geiga önunñi köla sapö ala muñgem supapnöñ (sil) qekötahöba ki namñi misii geiga uruñe tarök. Mewö tari Suep garatanöñ kewö jiyök, “Yambu 1.000 teköiga miañgö andöñe Anutunöñ

†19:15 Jisösnöñ Anutugö irimsesewölñi aka urupikñi tözöhölmawi, keu miañgö könanji kewö: Nini siñgisöndok ahinga Anutugö irimñi sehöliiga irimsesewölñan qaknine öngöba ahöma. Toroqeba siñgisöndok aka urunini qahö meleñninga Anutugö irimñan toroqeba sehöliiga urupikñambuk akña. Wain kösögö öñji pisikñi (greip) miañgö kanñeni mi jout ketañe ala tözöhölgetka qösököiga oñan dutñangö kinimñe lalanöñ geiga baket algetka miañgö uruñe gemakza. Anutugö irimsesewölñi aka urupikñi miañgö söpsöpñi mi wain kösögö öñji. Jisösnöñ miañgö sihimbölöñi möta tözöhöli geiga Anutugö uruñan amöriba teköiga luai asuhuma.

jii kunbuk pösatketka nalö töröpnj nupnj memba malma.” Mewö jiyök.

^{4f}Miangö andöje jakömbuak dumñi dumñi ehal. Anutunöñ tosatñi kukösum enğiiga ambazip keuñini jim tekömei, yeñön mönö dumñi dumñi miangöreñ eta tatket. Mewöyök ambazip Jisösgö könañi nañgöba jigerañgöra aka Anutugö Buña keugöra aka jölñini yandigetka kömugeri, mönö yeñgö uñañini engehal. Mewöyök ambazip jemnemba aka yangö imutñangö waikñi qahö memba möpöseigeri aka yangö supapñi mi mesoholñine me böröñine qahö memba añgön kölgeri, mönö yeñgö uñañini engehal. Uñañini mi engekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

⁵Kömugeri, yeñgöreñök tosatñan kömupnöñök wahötwahöt mutukñi miangö nalöje qahö guliget. Qahöpmö, (yara) yambu 1.000 mi mambötket teköiga miangö andöje mönö guliba wahötme. ⁶Denike yeñön kömupnöñök wahötwahöt mutukñangö nalöje gulimei, yeñön mönö oyaenköyaen aka töröñi sarakñi akze. Nalö miangöreñ gulibagun mönö indimñi yahöt qahö kömume. Kömup yahötñangö kukösumñan mönö yeñgö qakñine qahö öñgöi kömumbingö osime. Yeñön mönö Anutu aka Kraist yetkö jike nup galömurupñiri akñe. Mi aka Kraistpuk (yara) yambu 1.000 mi yuai pakpak galöm köla mal öñgöme. Mewö.

Anutunöñ Satangö keuñi jim teköiga etma.

⁷(Yara) yambu 1.000 mi teköiga Satan kösö mireyök (kopurumñeyök) pösatketka etma. ^{8g}Eta anda ambazip kantri dop tilipköm enğimamgöra gölme dop liliköma. Gölme görañi likeplikep eu

emu anda kaba (uruñini moñgosohowa) siksauk ak enğiba kantri qetñiri Gog aka Magog mi tok dop köla anma. Anutu tuarenjoñ aka bim qemegöra kuñgum enğiiga tokogetka jañgöñinan köwetkö sak kösakö dop akña. ⁹Tokoba kaba kutuba Israel gölme dop köl teköba anda Anutugö könagesö yeñgö selñini aka Anutugö wölböt sitiñi (Jerusalem) mi liliköba tatme. Mewö tatmemö, Anutunöñ könöp bölam aliga suepnöhök eta jem kutum enğim teköma.

¹⁰Jem kutum enğim teköiga Bölöñangö Toñi tilipköm enğiiga jañjuñ akeri, garata yeñön i aköm wañgigetka löm salfa kötkö könöp bölamñan koasikpuk jemakzawi, mönö miangö sianöñ geyök. Mutuk jemnemba aka kezapqetok azi takapulakanj mewöyök aköm etkigetka miangöreñ geba maljahot. Miangöreñ sunğem asak ihileknöñ ohotirim enğigetka teteköñi qahö sihimbölä önöñi qahö möta mal öñgöme. Mewö.

Anutunöñ ambazip kömugeri, yeñgö keuñini jim teköma.

^{11h}Miangö andöje jakömbuak dum ketañi tuatñi aka miangöreñ tatzawi, i ehal. Ekiga suep gölme mi yangö jemesoholñeyök qahöwaka angaiyohot. Angaiba kunbuk etkekinangö dop qahö ahot. ¹²Angaiyohotka ambazip kömukömuñi öñgöñgöñi eretñi engekiga jakömbuak dum wösöñe kingetka Anutunöñ buk papianj papianj kötulök. Papia alañi kun qetñi malmal köhöikñangö qet areñ papia mi mewöyök kötulök. Kötula ambazip kömukömuñi yeñgö keuñini kewöriga ahakmemenñanğö kösohotñi buk papianöñ ohogetka ahöyöhi, yañön mönö miangö dop oyoñda ambazip jim teköm enğiyök.

¹³Köwetnönj kömumba geba malgeri, mi köwet Toñan melej enjiiga Anutugö jeñe kañgotket. Kömupkö kondotkondot Toñangö böröñe malgeri, mi Toñi mianñön köleñda al enjiyök. Kömumba kömupkö uñem mire geba malgeri, mi mianñgö Toñan melej enjiiga Anutugö jeñe kañgotket. Mewö kañgotka asuhugetka Anutunönj keuñini mohot mohot kewöta ahakmemenjanñgö dop jim teköm enjiyök. ¹⁴Jim teköm enjiiga kömupkö kondotkondot Toñi aka kömupkö uñem miri Toñi mi aköm etkigetka löm könöp koasikpuk jemakzawi, mönö mianñgö sianönj geyohot. Könöp sia mianñgöreñ gegeri, mianñön mönö kömup indimñi yahöt akza.

¹⁵Anutunönj kungö qetñi malmal köhöikñangö qet papianönj qahö ohogetka ahöi miwikñaiyöhi, i mönö aköm wañgii löm könöp koasikpuk jemakzawi, mianñgö sianönj geyök. Mewö.

Suep dölökñi aka gölme dölökñi etkehal.

21 ⁱSuep gölme mutukñi yetkөн mewö qahöwaka ayapköyohotka köwetnönj mewöyök qahö toroqeba ahöyök. Mianñgö andöñe Suep gölme dölökñi etkehal.

^{2j}Jerusalem dölökñi, siti törönj mi Suepnöhök Anutugö mireyök eriga ehal. Siti mi möhamgöm tekögetka eksihimñambuk kewö ahök: Ambi maren wañgigetka maluku eksihimñambuk löngöta azi buñañambuk aitonñgömapköra meñölöm anguba jöjöröba aködämunñambuk kinjawü, siti mianñön mönö mianñgö dop

aiga ehal. ^{3k}Mi eka kinda jakömbuak dumnöhök keu kun asuhui mötpiga köhöikñanök qeta kewö jiyök, “Eknönj, Anutugö mirinönj mönö ambazip sutñine eta ahöza. Anutunönj sutñine maliga yambuk malgetka nanñak bem Anutuñini aka yembuk mal öñgöma. ^{4l}Yembuk mala je imbilñini mi lökñanök kutum teköma. Yuai pakpak mutuk ahöyöhi, mianñön mönö qahöwak teköyök. Mianñgöra kunbuk qahö kömugetka jingekñölköl qahö akñe aka toroqeba sihimbölö kun qahö mötme. Yuai kungöra qahö osiba sahötme.”

⁵Jakömbuak dumñe tatzawañön kewö jiyök, “Mötnönj, nönñön jibiga öröyuai pakpak mönö kölöñgaiba dölökñi akñe.” Mewö jiba jiyök, “Keu mi öl töhöññi uruyahötñi qahö, mianñgöra mi mönö papianönj ohoman.”

^{6m}Toroqeba kewö jii möral, “Mi mönö jibiga asuhum teköza. Nönñön mutuhök mala (yuai pakpak miwikñgaiba könangep jibi qahöwahiga) qöndökñe mal öñgöba malmam. Mianñgö dop nönñön kulem namñi mutukñi A aka kulem namñi tetekönj Z akzal. Kunñan ogöra mötzawi, nönñön mönö malmal köhöikñangö o jeñeyök o mi kalema wañgibiga mianñgöreñök söñgörönj qahö um nemba malma. ⁷ⁿKunñan lömböt pakpak onñgita luhut almawi, nönñön mönö yangö Anutuñi aka yuai pakpak mi wañgibiga buñañi aiga nönñgö nahönböratni aka qetni bisiba malma.

⁸“Mewö malmapmö, tosatñan ambazip jeñine ziriñziriñ aka böñ qahö kinda mötnariññini mosötketka uruñinan tölohozawi, yengö miriñinan mönö löm salfa kötkö könöp”^{fl}

^{fl}21:8 Salfa kötkö könöpñi mi közupkö kötnan jeba gögöriñ qeba jemakzawañgö dop akza.

ⁱ21:1 Ais 65.17; 66.22; 2 Pitö 3.13 ^j21:2 Ais 52.1; 61.10; Ind 3.12

^k21:3 Eze 37.27; Lew 26.11, 12 ^l21:4 Ais 25.8; 35.10; 65.19

^m21:6 Ais 55.1 ⁿ21:7 2 Sml 7.14; Sum 89.26-27

bölamñan koasikpuk jemakzawi, miangöreñ ahöma. Yeñgöreñ toroqeba ambazip kewöñi yeñön mewöyök miangöreñ geba malme: Ambazip enjuget kömugetka kaisero qarösongo amötqege aka tandö lopioñ waikñini memba möpöseiba muney keu jimakzei, nöñön mönö i aköm engibiga sia miangöreñ geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

Jerusalem siti dölökñi mi qainñi kun.

⁹Lömböt kanjamñinambuk qöndökñi 7 miñön qambi 7 kokolak qegetka Suep garata 7 mieñön mi memba kingeri, yeñgöreñök kunñan kaba nöñgöra kewö jiyök, “Mönö kanöñga Lama moröñangö ambi buñañi anömñi akñamgö akzawi, mi kondel gihimam.”

¹⁰Mewö jiiga Uña Töröñan nömeiga alburupñan qakne öngöiga Suep garata miñön noañgiriga kundunji köröpñi qet-buñañambuk kunöñ öngöit. Miangöreñ öngöba siti töröñi Jerusalem Suepnöhök Anutugö mireyök eröhi, mi kondel niñgiga kewö ehal:

¹¹Anutugö asakmararañan miangöreñ asariiga kölköl-bilikbilikñan goul aka jamönñij ölninambuk söñgööröñini öngöñgöñi miengö tandök ahök. Jamönñij ölnambuk qetñi jaspö mi kirin jöhanñi jöhanñi kölköl-bilikbilikñinambuk melenña asarimakzei, mönö miangö dop tuatñi ahöyök. ¹²PKiriponji öngöñgöñi mi aködamunñambuk. Kiriponñangö nanñunji 12 kingetka kösutñine Suep garata 12 dop köla kinget. Israel könagesögö kambunji 12 miengö qetñini mi nanñu miengö silenñine ohogetka kinök. ¹³Nanñu 12 mi likepliklep eu

emu kewö kinget: Wehön kotkotñe karöbut, gegeñe karöbut, Not likepñe karöbut aka Saut likepñe karöbut. ¹⁴Siti kiripo mi jamönñij tandö welipñinambuk 12 miengö qakñine megetka kinök. Lama moröñangö aposolurupñi 12 yeñgö qetñini 12 mi tandö 12 miangöreñ ohogetka kinök.

¹⁵Qsuep garata nömbuk keu jiyöhi, yañön siti, miangö kiriponji aka nanñunji 12 miengö dopñini dop ala mötmamgöra jöjöröba dop alalgö goul öröpñi (rula mesa) memba kinök. ¹⁶Siti mi areñgöba megetka wangöññi 4 ahök. Likepliklep eu emu köröpñi mi öröröñ. Köröpñi mohot mohot mi goul öröpñi miñön dop ala 2400 kilomita miangö dop ahöi miwikñaiyök.^{§§} Andipñi mi mewöyök öröröñ ahöyök. ¹⁷Suep garatanöñ mewöyök siti kiriponji mi gölme azigö dopnöñ dop ala 60 mita ahöi miwikñaiyök.

¹⁸rSiti kiriponji mi jamönñij ölnambuk qetñi jaspö miñön memenña. Siti nanñak mi goul töhöñöhök megetka asakmararañan mönö kirin tuatñangö dop asakasakñambuk asariyök. ¹⁹Siti kiriponñangö tandöñi mi jamönñij söñgööröñini öngöñgöñi könani könani miñön meñölöm engigetka aködamunñinambuk kewö aketka enñgehal: Tandö mutukñi mi jamönñij ölnambuk qetñi jaspö mundani inñani tandöktandök. Tandö yahötñi mi jamönñij asonji qetñi safaiö, karöbutñi mi jamönñij töñgöntöñgön qetñi ageit. Tandö 4:ñi mi jamönñij görökñi qetñi emerald.

²⁰Tandö 5:ñi mi jamönñij pisikpisik qetñi sardoniks. Tandö 6:ñi mi jamönñij pisikñi qetñi karnilian, 7:ñi mi jamönñij qetñi krisolait (qortz), mundani goul kirin ewö. Tandöñi 8:ñi mi jamönñij

§§21:16 Kambu 12 mohot mohot miengöra 200 kilomita.

asonason qetji beril, 9:ji mi jamön-jiñ gohotji qetji topaz. Tandö 10:ji mi jamönjiñ qetji kalsedoni (krisopreis) mundanji kaukau, 11:ji mi jamönjiñ gohotgohot qetji jeisint (turquois). Tandö 12:ji mi jamönjiñ pisikji gugakgugak qetji ametist. ²¹Siti kiripo nanju 12 mi sorom kötnji welipñinambuk 12 mi-anñon memenja. Nanju mohot mohot mi sorom kötnji mohot mohot mi-anñon urasiba memenja. Sitinön köna ahözawi, mi goul töhönhök megetka kirin tuatji ewö asariyök.

²²Siti pakpak yeñon Kembu Anutu kukösum pakpakö Tonji aka Lama moröñji törörök etkeka uruñini lök meleşda waikñiri memba möpöseimakze. Miangöra jöwöwöl jike (tempöl) kungöra qahö osimakze. Mi qahö ehal.

²³sAnutugö asakmararanan siti mem asarim enjiiga Lama moröñan kiwanjini akza. Miangöra wehön köiñ asarimahotköra qahö osimakze. ²⁴tYañon kiwanjini aiga kantriñi kantriñi yeñon mönö yangö asakñe anda kaba malme. Gölmeğö kiñ kembuñi kembuñi yeñon buñanjini aködamunñinambuk mi enğuanğita siti miangörej alme. ²⁵uSiti söñaupñi qahö, miangöra kiripo nanjuñi mi nalö kunön qahö kölmemö, sundan dop tala kinme.

²⁶Kantriñi kantriñi yeñon uruñini meleşda aködamunñinangö buñanjinanğöra aiweliköba qetbuñanjinambuk aka malgeri, mi mönö enğuanğita siti miangörej alme. ²⁷vAmbazip qetjini malmal köhöikñangö qet areñ papianön ohogetka ahözawi, yeñonök mönö siti miangörej öngöme. Lama moröñan qet areñ papia mi galöm kölakza. Kunñan uruñi tölohozawi me angjöjörak

imbilonlonambuk aka muneñ keu jimakzawi, yañon mönö miangörej öngömangö osima. Mewö.

Malmal köhöikñangö o töwatji ehal.

22^wMiangö andöñe Suep garata mi-anñon malmal köhöikñangö o jeñi kondel niñgiiga Anutu aka Lama moröñi yetkö jakömbuak dumnhök uzumğöba kaba o töwatji ahök. Miangö onji mi kirin johanñi johanñi kölköl-bilikbilikñinambuk meleşda asarimakzei, mönö miangö dop tuat lalamñi ahök. ²xO töwatji mi-anñon sitigö köna namñi bohonje eta bibiñi mötöteiba kutuba kayök. O töwatñangö görañe likelike miangörej malmal köhöikñangö ipñi mi kinök. Ip miangö ölnan mönö (yara) yambu dop sömañi 12, mi köiñ mohot mohotkö dop söhöba asuhumakze. Ip miangö sinñan mönö ambazip kantri dop ölöwakñegöra aka kinje.

³yKunñan kun qahö toroqeba alañi saitköba qesuahöma. Anutu aka Lama moröñi yetkö jakömbuak dumñiran mönö siti miangörej ahöiga Lama moröñangö nup meme ambazipurupñan welen qem wañgimakze. ⁴Welen qem wañgiba jemesoholñi eka Anutugö qetji mesoholñine kösöba mekötahögetka ahöma.

⁵zMiri qahö toroqeba söñauma. Kembu Anutunön mem asarim enğimakzawangöra kiwa asakñangöra me wehön asakñangöra qahö osime. Mewö oyaenköyaen mala nalö dop teteköñi qahö kiñ kembu ewö galömkölköl nup memba mal öngöme.

⁶Mi ekiga Suep garatanön nöñgöra kewö jiyök, “Buña keu mötzani, mi-anñon mönö öl töhöñni uruyahötji qahö

^s21:23 Ais 60.19-20 ^t21:24 Ais 60.3 ^u21:25 Ais 60.11

^v21:27 Ais 52.1; Eze 44.9 ^w22:1 Eze 47.1; Zek 14.8

^x22:2 Jen 2.9; Eze 47.12 ^y22:3 Zek 14.11 ^z22:5 Ais 60.19; Dan 7.18

akza. Kambu Anutunöŋ kezapqetok ambazip sölölohöm engimakzawi, yaŋön mönö Suep garataŋi ni melaim niŋgi-iga asuhum gihiba malal. Yuai pakpak zilaŋ asuhumeaŋgö dop akzawi, möt-narip ambazipurupŋan mi mötmegöra mi asuhuba kondel gihial.” Mewö.

Jisösnöŋ kunbuk lilingöba kama.

⁷ Jisösnöŋ jiza, “Mötket, nöŋön mönö zilaŋ lilingöba kamam. Tosatŋan buk kiaŋgö kezapqetok keuŋi buŋa qeba qekötahömakzei, yeŋön mönö simba-woŋ akze.”

⁸ Jon nöŋön Buŋa keu ki möta jeni meleŋniga imutŋi ehal. Mi möta ek teköba Suep garatanöŋ imut ki kondel niŋgiyöhi, nöŋön yaŋgö waikŋi memba möpöseimangö möta gölmenöŋ eta könaŋe simin kölal. ⁹ Simin kölalmö, nöŋgöra kewö jiyök, “Aek! Mewö kude aknöŋ. Nöŋön gi aka kezapqetok alaurupki aka ambazip buk kiaŋgö Buŋa keuŋi buŋa qeba qekötahömakzei, mönö körek engö qöhöröŋine kinda mohotŋe Anutu welen qem waŋgimakzin. Nia qahöpmö, mönö Anutu waikŋi memba möpöseimakŋan.”

¹⁰ Mewö jiba nöŋgöra kewö jiyök, “Nalö töriza. Miangöra buk kiaŋgö kezapqetok keuŋan tölapŋe ahöbapuköra mi papianöŋ ohomanmö, mi mönö muŋgem supapnöŋ (sil) kude qekötahöman. ¹¹ ^aBölöŋji memakzawaŋön mönö toroqeba mewö memba böliqölima. Tölohoba maljawaŋön mönö toroqeba tölohoba aŋgöjörakŋambuk aka malma. Ahakmeme diŋdiŋi ahakzawaŋön mönö toroqeba diŋdiŋanök aka memba malma. Sarakŋi ahakzawaŋön mönö

toroqeba sarakŋi kötökŋi aka malma.” Suep garatanöŋ mewö jiyök.

¹² ^b Jisösnöŋ jiza, “Mötket, nöŋön mönö zilaŋ lilingöba kamam. Kamami, miangöreŋ mönö töwaŋini memba kamam. Ahakmemeŋini aka memba malgeri, mönö mi kewöta miangö dop töwaŋini mohot mohot al engimam.

¹³ ^c “Nöŋön könakönaŋiŋe mutukŋi mala (yuai pakpak miwikŋaiba könaŋep jibi qahöwahiga) teteköŋe qöndökŋa mal öŋgöba malmam. Miangö dop nöŋön A aka Z, kulem namŋi mutukŋi aka teteköŋi akzal.

¹⁴ ^d “Nöŋön ambazip malukuŋini galöm kölakzei, yeŋgöra kiripo nanŋuŋi öröbiga ölop siti uruŋe öŋgögetka qahö aŋgön köl engibiga malmal köhöikŋaŋgö ip öŋi neme. Miangöra opo malukuŋini galöm köla saŋgoŋmakzei, ambazip mienöŋ mönö simbawoŋ aka oyaenŋkoyaen akze.

¹⁵ “Yeŋön oyaenŋkoyaen akŋemö, tosatŋi yeŋgöra nanŋu köl jöhöbiga yaigep malmei, mi ambazip kewöŋi: Kiam ewö kaisero aka qarösoŋgo amötqeqe ahakze. Serowilin aka ambazip enguget kömumakze. Tandö lopioŋ waikŋini memba möpöseimakze aka isimkakalekö sihimŋi möta mi ahakze. Ambazip mewöŋi pakpak mi mönö kiripo yaigepŋe (luhutŋe) malme.

¹⁶ ^e “Jisös nöŋön garatani melaibiga liliköba urumeleŋ könaŋesö engöra kezapqetok keu ki nanŋgöba jiiga mötme. Nöŋön kiŋ Deiwidkö bömönjalöŋi aka undumŋi akzal. Nöŋön söŋangö undiŋi asakmararaŋnambuk aka asarimakzal.” Jisösnöŋ mewö jiyök.

¹⁷ ^f Uŋa Töröŋi aka ambi buŋa yetköŋ kewö jimakzahot, “Jisös, gi mönö kanöŋ.” Mewö jiyohotka mötmei, iŋini

^a22:11 Dan 12.10 ^b22:12 Ais 40.10; 62.11; Sum 28.4; Jer 17.10

^c22:13 Ind 1.8, 17; 2.8; Ais 44.6; 48.12

^d22:14 Jen 2.9; 3.22

^e22:16 Ais 11.1, 10 ^f22:17 Ais 55.1

mönö mewöñanök kewö jime, “Jisös, gi mönö kanöñ.”

Kunñan ogöra mötzawi, yañön mönö kama. Kunñan malmal köhöikñangö ogöra sihimñi mötzawi, yañön mönö kaba mi kalema möt añañön kölma. Mewö.

**Galöm meme aka
jööpañ keu teteköñi**

¹⁸ñNöñön buk kiangö kezapqetok keuñi mötmei, körek eñgöra galöm meme keu kewö jizal: Kunñan kezapqetok keu kiambuk keu kun toroqeba jimawi, lömböt kanjamñinambuk asuhumapkö keuñi buk kiangöreñ hoy-

ali, Anutunöñ mi mönö yañgö qakñe ali öñgöme. ¹⁹Kunñan buk kiangö kezapqetok keuñi miangöreñök keu kun qekömawi, Anutunöñ mönö i añañön köliga malmal köhöikñangö ip öññi qahö namba siti töröñe qahö öñgöma. Miangö keuñi Anutunöñ jöhöiga buk kiangöreñ ohoyalmö, keu miangöñ mönö yañgöreñ öññambuk qahö akña.

²⁰Buña keu ki nañgöba jizawañön kewö jiza, “Keu mi öñña. Nöñön mönö zilañ liliñgöba kamam.”

Mewö jiiga nöñön kewö jizal, “Keu mi öñña. O Kembu Jisös, gi mönö kanöñ.”

²¹Kembu Jisösgö kalem möriamñan mönö körek embuk ahöma. Keu mi öñña.